

FONTES AQUARUM
RATULI
DESIDERE




ITA PERDIDIT
ANIMAM
MARTINUS

Digitized by the Internet Archive
in 2007 with funding from
Microsoft Corporation




Presented to His Grace
Most Rev. John Walsh, D.D.
Archbishop of Toronto
By the Priests of the Barrie Deanery
On the occasion of His Feast
Nov. 10, 1890.









BREVIARIUM ROMANUM

EX DECRETO SACROSANCTI CONCILII TRIDENTINI
RESTITUTUM

S. PII V. PONTIFICIS MAXIMI

JUSSU EDITUM

CLEMENTIS VIII., URBANI VIII. ET LEONIS XIII.

AUCTORITATE RECOGNITUM.



EDITIO PRIMA POST TYPICAM.



PARS HIEMALIS.



RATISBONÆ, NEO EBORACI & CINCINNATII.

SUMPTIBUS ET TYPIS FRIDERICI PUSTET,

S. SEDIS APOST. ET S. RIT. CONGR. TYPOGRAPHI.

MDCCCLXXXVIII.

APR 23 1959
APPROBATIO.

Hæc editio solerti quidem studio adornata typicæ conformis
reperita est. In fidem etc.

Ex Secretaria Sacrorum Rituum Congregationis
hac die 29. Novembris 1887.



Lamenting Julius S. R. C. Sarsenring

Quæ jura a lege sunt, Typographus sibi reservat.

LEONI DECIMO TERTIO

SUMMO PONTIFICI

SACERDOTI MAGNO

QUI EST

PRINCEPS EPISCOPORUM, HÆRES APOSTOLORUM,

PRIMATU ABEL, GUBERNATU NOË,

PATRIARCHATU ABRAHAM, ORDINE MELCHISEDECH, DIGNITATE AARON,

AUCTORITATE MOYSES, JUDICATU SAMUEL,

POTESTATE PETRUS, UNCTIONE CHRISTUS,

CUI SUNT

CLAVES REGNI CÆLORUM TRADITÆ,

OVES CHRISTI CREDITÆ*

HOC BREVIARIUM

MONUMENTUM JUBILÆI SACERDOTALIS QUINQUAGENARII

DEDICANT

OBSEQUIOSISSIMI ET HUMILLIMI

EDITORES.

* Quæ sunt verba S. Bernardi Abb. in libro II. de Consider. ad Eugenium III. Pontif. Max. cap. VIII. n. 2.

PIUS EPISCOPUS SERVUS SERVORUM DEI

AD PERPETUAM REI MEMORIAM.

Quod a Nobis postulat ratio pastoralis officii, in eam curam incumbimus ut omnes, quantum Deo adiutore fieri poterit, sacri Tridentini Concilii decreta exsequantur; ac multo id etiam impensius faciendum intelligimus, cum ea quæ in mores inducenda sunt, maxime Dei gloriam, ac debitum Ecclesiasticarum personarum officium complectuntur. Quo in genere existimamus in primis numerandas esse sacras preces, laudes, et gratias Deo persolvendas, quæ Romano Breviario continentur. Quæ divini Officii formula pie olim ac sapienter a Summis Pontificibus, præsertim Gelasio ac Gregorio primis constituta, a Gregorio autem septimo reformatâ, cum diuturnitate temporis ab antiqua institutione deflexisset; necessaria visa res est, quæ ad pristinam orandi regulam conformata revocaretur. Alii enim præclaram veteris Breviarii constitutionem, multis locis mutilatam, alii incertis et alienis quibusdam commutatam, deformarunt: plurimi specie Officii commodioris allekti, ad brevitatem novi Breviarii, a Francisco Quignonio tituli Sanctæ Crucis in Jerusalem Presbytero Cardinale compositi, confugerunt. Quin etiam in provincias paulatim irreperat prava illa consuetudo, ut Episcopi in Ecclesiis quæ ab initio communiter cum ceteris veteri Romano more Horas canonicas dicere ac psallere consuevissent, privatum sibi quisque Breviarium conficerent, et illam communionem uni Deo, una et eadem formula preces et laudes adhibendi, dissimillimo inter se, ac pene cujusque episcopatus proprio Officio discernerent. Hinc illa tam multis in locis divini cultus perturbatio: hinc summa in Clero ignoratio cæremoniarum ac rituum Ecclesiasticorum, ut innumerabiles Ecclesiarum ministri, in suo munere indecore, non sine magna piorum offensione, versarentur. Hanc nimirum orandi varietatem gravissime ferens, felicitis memoriæ Paulus Papa quartus emendare constituerat. Itaque provisione adhibita, ne ulla in posterum novi Breviarii licentia permitteretur, totam rationem dicendi ac psallendi Horas Canonicas ad pristinum morem et institutum redigendam suscepit. Sed eo postea, nondum iis quæ egregie inchoaverat perfectis, de vita decedente, cum a piæ memoriæ Pio Papa quarto Tridentinum Concilium, antea varie intermissum, revocatum esset, Patres in illa salutari reformatione ab eodem Concilio constituta, Breviarium ex ipsius Pauli Papæ ratione restituere cogitarunt. Itaque quidquid ab eo in sacro opere collectum, elaboratumque fuerat, Concilii Patribus Tridentum a prædicto Pio Papa missum est. Ubi cum doctis quibusdam et piis viris a Concilio datum esset negotium, ut ad reliquam cogitationem, Breviarii

quoque curam adjungerent, instante jam conclusione Concilii, tota res ad auctoritatem judiciumque Romani Pontificis ex decreto ejusdem Concilii relata est: qui illis ipsis Patribus ad id munus delectis, Romam vocatis, nonnullisque in Urbe idoneis viris ad eum numerum adjunctis, rem perficiendam curavit. Verum eo etiam viam universæ carnis ingresso, Nos, ita divina disponente clementia, licet immerito ad Apostolatus apicem assumpti, cum sacrum opus, adhibitis etiam ad id aliis peritis viris, maxime urgeremus, magna in nos Dei benignitate (sic enim accipimus) Romanum hoc Breviarium vidimus absolutum. Cujus ratione dispositionis, ab illis ipsis, qui negotio præpositi fuerant, non semel cognita, cum intelligeremus eos in rei confectione ab antiquis Breviariis nobilium Urbis Ecclesiarum, ac Nostræ Vaticanæ bibliothecæ, non discessisse, gravesque præterea aliquot eo in genere scriptores secutos esse, ac deinde remotis iis quæ aliena et incerta essent, de propria summa veteris divini Officii nihil omisisse: opus probavimus, et Romæ imprimi, impressumque divulgari jussimus. Itaque ut divini hujus operis effectus re ipsa consequatur, auctoritate præsentium tollimus in primis et abolemus Breviarium novum a Francisco Cardinale prædicto editum, et in quacumque Ecclesia, Monasterio, Conventu, Ordine, Militia, et loco virorum et mulierum, etiam exempto, tam a primæva institutione quam aliter ab hac sede permissum: Ac etiam abolemus quæcumque alia Breviaria, vel antiquiora, vel quovis privilegio munita, vel ab Episcopis in suis Diocæsisibus pervulgata, omnemque illorum usum de omnibus orbis Ecclesiis, Monasteriis, Conventibus, Militiis, Ordinibus, et locis virorum et mulierum, etiam exemptis, in quibus alias Officium divinum Romanæ Ecclesiæ ritu dici consuevit, aut debet: illis tamen exceptis, quæ ab ipsa prima institutione, a Sede Apostolica approbata, vel consuetudine, quæ, vel ipsa institutio, ducentos annos antecedit, aliis certis Breviariis usa fuisse constiterit: quibus ut inveteratum illud jus dicendi et psallendi suum Officium non adimimus, sic eisdem, si forte hoc Nostrum, quod modo pervulgatum est, magis placeat, dummodo Episcopus et universum Capitulum in eo consentiant, ut id in Choro dicere et psallere possint, permittimus. Omnes vero, et quascumque Apostolicas et alias permissiones ac consuetudines, et statuta etiam juramento, confirmatione Apostolica, vel alia firmitate munita, necnon privilegia, licentias et indulta precandi et psallendi, tam in Choro quam extra illum, more et ritu Breviariorum sic suppressorum, prædictis Ecclesiis, Monasteriis, Conventibus, Militiis, Ordinibus et locis, necnon S. R. E. Cardinalibus, Patriarchis, Archiepi-

scopis, Episcopis, Abbatibus, et aliis Ecclesiarum Prælatia, ceterisque omnibus et singulis personis Ecclesiasticis, sæcularibus et regularibus, utriusque sexus, quacumque causa concessa, approbata, et innovata, quibuscumque concepta formulis, ac decretis, et clausulis roborata, omnino revocamus: volumusque illa omnia vim et effectum de cetero non habere. Omni itaque alio usu quibuscumlibet, ut dictum est, interdicto, hoc Nostrum Breviarium, ac precandi psallendique formulam in omnibus universi orbis Ecclesiis, Monasteriis, Ordinibus, et locis etiam exemptis, in quibus Officium ex more et ritu dicte Romanæ Ecclesiæ dici debet, aut consuevit, salva prædicta institutione, vel consuetudine prædictos ducentos annos superante, præcipimus observari. Statuentes Breviarium ipsum nullo unquam tempore vel totum, vel ex parte mutandum, vel ei aliquid addendum, vel omnino detrahendum esse: ac quoscumque, qui Horas Canonicas ex more et ritu ipsius Romanæ Ecclesiæ, jure vel consuetudine dicere vel psallere debent, propositis pœnis per Canonicas sanctiones constitutis in eos, qui divinum Officium quotidie non dixerint, ad dicendum et psallendum post hac in perpetuum Horas ipsas diurnas et nocturnas, ex hujus Romani Breviarii præscripto et ratione omnino teneri: neminemque ex iis, quibus hoc dicendi psallendique munus necessario impositum est, nisi hac sola formula satisfacere posse. Jubemus igitur omnes, et singulos Patriarchas, Archiepiscopos, Episcopos, Abbates, et ceteros Ecclesiarum Prælatos, ut omissis quæ sic suppressimus et abolevimus, ceteris omnibus etiam privatum per eos constitutis, Breviarium hoc in suis quisque Ecclesiis, Monasteriis, Conventibus, Ordinibus, Militiis, Diocesisibus, et locis prædictis introducant: et tam ipsi quam ceteri omnes presbyteri et clerici, sæculares et regulares, utriusque sexus, necnon milites et exempti, quibus Officium dicendi et psallendi quomodocumque, sicut prædictum, injunctum est, ut ex hujus nostri Breviarii formula, tam in Choro quam extra illum, dicere et psallere procurent. Quod vero in Rubricis Nostri hujus Officii præscribitur, quibus diebus Officium beatæ Mariæ semper Virginis, et Defunctorum, item Septem Psalmos Penitentialem et Graduales dici ac psalli oporteat: Nos propter varia hujus vitæ negotia, multorum occupationibus indulgentes, peccati quidem periculum ab ea præscriptione removendum duximus, verum debito providentiæ pastoralis admoniti, omnes vehementer in Domino cohortamur, ut remissionem Nostram, quantum fieri poterit, sua devotione ac diligentia præcurrentes, illis etiam precibus, suffragiis et laudibus, suæ et aliorum saluti consulere studeant. Atque ut fidelium voluntas ac studium magis etiam ad salutarem hanc consuetudinem incitetur, de omnipotentis Dei misericordia beatorumque Petri et Pauli Apostolorum ejus auctoritate confisi, omnibus, qui illis ipsis diebus, in Rubricis præfinitis, beatæ Mariæ, vel Defunctorum Officium dixerint, toties centum dies; qui vero Septem Psalmos vel Graduales, quinquaginta, de injuncta ipsis penitentia relaxamus. Hoc autem concedimus sine præ-

judicio sanctæ consuetudinis illarum Ecclesiarum, in quibus Officium parvum beatæ Mariæ semper Virginis in Choro dici consueverat, ita ut in prædictis Ecclesiis servetur ipsa laudabilis et sancta consuetudo celebrandi more solito prædictum Officium. Ceterum, ut præsentis litteræ omnibus plenius innotescant, mandamus illas ad valvas Basilicæ Principis Apostolorum de Urbe, et Cancellariæ Apostolicæ, et in acie Campi Floræ publicari, earumque exemplar de more affigi. Volumusque, et Apostolica auctoritate decernimus, quod post hujusmodi publicationem, qui in Romana Curia sunt præsentis, statim lapsomense: reliqui vero, qui intra montes, tribus; et qui ultra ubique locorum degunt, sex mensibus excursis, vel cum primum venalium hujus Breviarii voluminum facultatem habuerint, ad precandum et psallendum juxta illius ritum, tam in Choro quam extra illum, maneant obligati. Ipsarum autem litterarum exempla manu Notarii publici, et sigillo alicujus Prælati Ecclesiastici, aut illius curiæ obsignata, vel etiam ipsis voluminibus absque prædicto, vel alio quopiam adminiculo Romæ impressa, eandem ubique locorum fidem faciant, quam ipsæ præsentis, si essent exhibitæ vel ostensæ. Sed ut Breviarium ipsum ubique inviolatum et incorruptum habeatur, prohibemus ne alibi usquam in toto orbe, sine Nostra, vel specialis ad id Commissarii Apostolici, in singulis christiani orbis regnis et provinciis deputandi, expressa licentia imprimatur, proponatur, vel recipiatur. Quoscumque vero, qui illud secus impresserint, proposuerint vel receperint, excommunicationis sententia eo ipso innodamus. Nulli ergo omnino hominum liceat hanc paginam Nostræ ablationis, abolitionis, permissionis, revocationis, jussionis, præcepti, statuti, indulti, mandati, decreti, relaxationis, cohortationis, prohibitionis, innodationis, et voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri et Pauli Apostolorum ejus se noverit incursum.

Datum Romæ, apud S. Petrum, anno Incarnationis Domini MDLXVIII. septimo Idus Julii, Pontificatus Nostri anno tertio.

M. Dat.

Cæs. Glorierius.

H. Cumyn.

Anno a Nativitate Domini millesimo quingentesimo sexagesimo octavo, Indictione undecima, die vero decima quinta mensis Julii, Pontificatus Sanctissimi in Christo Patris, et D. N. D. Pii divina providentia Papæ quinti anno tertio, retrospectæ litteræ Apostolicæ lectæ, affixæ et publicatæ fuerunt ad valvas Basilicæ Principis Apostolorum de Urbe, Cancellariæ Apostolicæ, et in acie Campi Floræ, missis ibidem præsentibus litteris per aliquantum temporis spatium, ut moris est, affixis, et deinde amotis per nos Julium Parinum et Joannem Bornotum, prælibati Ss. D. N. Papæ Cursores.

Antonius Clerici, Magister Cursorum.

CLEMENS PAPA VIII.

AD PERPETUAM REI MEMORIAM.



um in Ecclesia Catholica, a Christo Domino nostro sub uno capite, ejus in terris Vicario instituta, unio, et earum rerum quæ ad Dei gloriam et debitum Ecclesiasticarum personarum officium spectant, conformatio semper conservanda sit, tum præcipue illa communio uni Deo, una et eadem formula preces adhibendi, quæ Romano Breviario continetur, perpetuo retinenda est, ut Deus in Ecclesia per universum orbem diffusa, uno et eodem orandi et psallendi ordine a Christi fidelibus semper laudetur et invocetur. Quamobrem ex decreto Sacri Concilii Tridentini felicitis recordationis Pius Papa V. prædecessor noster pie ac sapienter admodum varietatem illam Breviariorum, quæ in singulis Ecclesiis fere diversa habebantur, nonnullis tantum exceptis, sustulit, ac ipsum Breviarium restituit, et Romæ accuratissime imprimi et promulgari curavit: quod ut integrum inviolatumque ab omnibus haberetur, debita provisione adhibita, inter alia statuit, ne ullo unquam tempore totum vel ex parte mutaretur, aut illi aliquid adderetur, vel omnino detraheretur, sub pœnis in ejusdem Constitutione contentis. Cum vero progressu temporis, typographorum negligentia et incuria, et nimia aliorum etiam ea, quæ ad ipsos non pertinent, temere sibi assumptum, audacia ac licentia, multi errores in illud irrepserint: ac tum in sacra Scriptura et Lectionibus Patrum, tum in vitis Sanctorum et Rubricis, aliisque locis, sine Nostra et Romanorum Pontificum prædecessorum Nostrorum auctoritate, pro cujusque arbitrio pleraque addita et immutata fuerint, ita ut nulla jam reperiantur Breviaria, quæ a prima editione ejusdem Pii in multis non discrepent atque dissentiant, et aliqua recognitione indigeant: Nos, qui pro Pastoralis Nostræ sollicitudine in eam curam præcipue incumbimus, ut ea quæ a Prædecessoribus Nostris sancte ac pie instituta sunt, perpetuo integra et inviolata conserventur: quæ vero hominum culpa immutata sunt atque corrupta, et quæ recognitionem exigunt, in pristinum statum restituantur et refoventur; mandavimus nonnullis piis et eruditis viris, quorum consultatione et opera in hujusmodi rebus frequenter utimur, ut idem Breviarium nova adhibita diligentia accuratius inspicerent, atque examinarent, et ea quæ depravata esse et recognitione indigere animadvertent, pro sua doctrina et pietate restituerent. Quod cum ab iis exacte ac profecto non mediocri cum emolumento præstitum sit, ita ut ex superiori illo incommodo per occasionem non parum utilitatis proveniret: Nos illud in Nostra typographia Vaticana quam emendatissime imprimi ac divulgari jussimus. Ut autem illius usus in omnibus christiani orbis partibus, perpetuis futuris temporibus conservetur,

ipsum Breviarium in alma Urbe Nostra in eadem typographia tantum, et non alibi imprimi posse decernimus: extra Urbem vero juxta exemplar in dicta typographia nunc editum, et non aliter, hac lege imprimi posse permittimus, ut nimirum typographis quibuscumque illud imprimere volentibus, id facere liceat, requisita tamen prius et in scriptis obtenta dilectorum filiorum Inquisitorum hæreticæ pravitatis in iis locis, in quibus fuerint, ubi vero non fuerint, Ordinariorum locorum licentia: alioquin, si absque hujusmodi licentia dictum Breviarium sub quacunque forma de cetero ipsi imprimere, aut bibliopolæ vendere præsumpserint, typographi et bibliopolæ extra Statum Nostrum Ecclesiasticum existentes excommunicationis latæ sententiæ, a qua nisi a Romano Pontifice, præterquam in mortis articulo constituti, absolvi nequeant in alma vero Urbe, ac reliquo Statu Ecclesiastico commorantes, quingentorum ducatorum auri de Camera, ac amissionis librorum, et typorum omnium Cameræ prædictæ applicandorum pœnas absque alia declaratione irremissibiliter incurrant eo ipso. Et nihilominus eorundem Breviariorum per eos de cetero absque hujusmodi licentia imprimendorum, aut vendendorum usum ubique locorum et gentium, sub eisdem pœnis perpetuo interdiximus et prohibemus. Ipsi autem Inquisitores, seu Ordinarii locorum, antequam hujusmodi licentiam concedant, Breviaria ab ipsis typographis imprimenda, et postquam impressa fuerint, cum hoc Breviario auctoritate Nostra recognito, et nunc impresso, diligentissime conferant, nec in illis aliquid addi, vel detrahi permittant, et in ipsa licentia originali de collatione facta, et quod omnino concordent, manu propria attestentur, cujus licentiæ copia initio vel in calce cujusque Breviarii semper imprimatur: quod si secus fecerint, Inquisitores videlicet privationis suorum officiorum, ac inhabilitatis ad illa, et alia in posterum obtinenda, Antistites vero et Ordinarii locorum suspensionis a divinis, ac interdicti ab ingressu Ecclesiæ, eorum vero Vicarii privationis similiter officiorum et beneficiorum suorum, et inhabilitatis ad illa, et alia in posterum obtinenda, ac præterea excommunicationis absque alia declaratione, ut præfertur, pœnas incurrant eo ipso. Ceterum pauperum Clericorum, et aliarum personarum Ecclesiasticarum, ac typographorum et bibliopolarum quorumcumque indemnitate ex benignitate Apostolica rationem habentes, eisdem Breviaria hactenus impressa penes se habentibus, ut ea retinere, et illis uti, eaque vendere respective possint, similiter permittimus et indulgemus. Non obstantibus licentiis, indultis, et privilegiis quibuscumque typographis hactenus per Nos, seu Romanos Pontifices prædecessores Nostros Breviarium prædictum Pii V.

imprimendi concessis, quæ per præsentis expresse revocamus, et revocata esse volumus, necnon constitutionibus et ordinationibus Apostolicis generalibus et specialibus, in contrarium præmissorum quomodocumque concessis, confirmatis et approbatis, quibus omnibus, etiamsi de illis, eorumque totis tenoribus specialis, specifica et expressa mentio habenda esset, tenores hujusmodi præsentibus pro expressis habentes, hac vice dumtaxat specialiter et expresse derogamus, ceterisque contrariis quibuscumque. Volumus autem, ut præsentium nostrarum

litterarum exemplaribus etiam in ipsis Breviariis impressis, vel manu alicujus Notarii publici subscriptis, et sigillo alicujus personæ in dignitate Ecclesiastica constitutæ munitis, eadem prorsus fides habeatur, quæ ipsis præsentibus haberetur, si essent exhibitæ vel ostensæ.

Datum Romæ apud sanctum Marcum sub Annulo Piscatoris, die x. Maji MDCII. Pontificatus Nostri anno undecimo.

M. Vestrius Barbianus.

URBANUS PAPA VIII.

AD PERPETUAM REI MEMORIAM.

Divinam Psalmodiam sponsæ consolantis in hoc exilio absentiam suam a sponso celesti, decet esse non habentem rugam, neque maculam: quippe cum sit ejus hymnodia filia, quæ canitur assidue ante sedem Dei et Agni, ut illi similior prodeat, nihil, quantum fieri potest, præferre debet, quod psallentium animos, Deo ac divinis rebus, ut convenit, attentos, avocare alio ac distrahere possit: qualia sunt, si quæ interdum in sententiis aut verbis occurrant non tam apte concinneque disposita, ut tantum tantique obsequii ac ministerii opus exigeret. Quæ causæ quondam impulere Summos Pontifices prædecessores Nostros felicitis memoriæ Pium hujusce nominis quintum, ut Breviarium Romanum incertis per eam ætatem legibus vagum, certa statatque orandi methodo inligaret, et Clementem VIII., ut illud ipsum lapsu temporis ac typographorum incuria depravatum, decori pristino restitueret. Nos quoque in eandem cogitationem traxere, et sollicitudo Nostra erga res sacras, quas primam et optimam partem muneris Nostri censemus et piorum doctorumque virorum judicia et vota, conquerentium in eo contineri non pauca, quæ sive a primo nitore institutionis excidissent, sive inchoata potius quam perfecta forent ab aliis, certe a Nobis supremam imponi manum desiderarent. Nos itaque huic rei sedulam operam navavimus, et jussu Nostro aliquot eruditi et sapientes viri suam serio curam contulerunt, quorum diligentia studioque perfectum opus est, quod gratum omnibus, Deoque et sanctæ Ecclesiæ honorificum fore speramus: siquidem in eo Hymni (paucis exceptis) qui non metro, sed soluta oratione, aut etiam rhythmo constant, vel emendatioribus codicibus adhibitis, vel aliqua facta mutatione ad carminis et latinitatis leges, ubi fieri potuit, revocati; ubi vero non potuit, de integro conditi sunt: eadem tamen, quoad licuit, servata sententia. Restituta in Psalmis et Canticis interpunctio editionis Vulgatæ, et canentium commoditati, ob quam eadem interpunctio mutata interdum fuerat, additis Asteriscis consultum. Patrum Sermones et Homiliæ collatæ cum pluribus impressis editionibus, et veteribus manuscriptis, ita multa suppleta, multa emendata atque correctæ. Sanctorum Historiæ ex prisca et

probatis auctoribus recognitæ. Rubricæ, detractis nonnullis, quibusdam adjectis, clarius et commodius explicatæ. Denique omnia magno et longo labore diligenter accurateque ita disposita et expolita, ut quod erat in votis, ad optatum exitum perductum sit. Cum igitur tanta tamque exacta doctorum hominum industria, ne plane in irritum recidat, requirat typographorum fidem, mandavimus dilecto filio Andreæ Brogiotto, typographiæ Nostræ Apostolicæ Præfecto, procurationem hujus Breviarii in lucem primo edendi; quod exemplar, qui posthac Romanum Breviarium impresserint, sequi omnes teneantur. Extra Urbem vero nemini licere volumus idem Breviarium in posterum typis excudere, aut evulgare, nisi facultate in scriptis accepta ab Inquisitoribus hæreticæ pravitatis, siquidem inibi fuerint; sin minus, ab locorum Ordinariis. Quod si quis quacumque forma contra præscriptam Breviarium Romanum aut typographus impresserit, aut impressum bibliopola vendiderit extra ditionem Nostram Ecclesiasticam excommunicationis latæ sententiæ pœnæ subiaceat, a qua nisi a Romano Pontifice (præterquam in mortis articulo constitutus) absolvi nequeat; in alma vero Urbe ac reliquo Statu Ecclesiastico commorantes, quingentorum ducatorum auri de Camera, ac amissionis librorum, et typorum omnium eidem Cameræ applicandorum pœnas absque alia declaratione irremissibiliter incurrant; et nihilominus Breviaria sine prædicta facultate impressa, aut evulgata, eo ipso prohibita censeantur. Inquisitores vero, locorumque Ordinarii facultatem hujusmodi non prius concedant, quam Breviarium tam ante, quam post impressionem cum hoc ipso exemplari auctoritate Nostra vulgato, diligenter contulerint, et nihil in iis additum detractumque cognoverint. In ipsa autem facultate, cujus exemplum in fine aut initio cujusque Breviarii impressum semper addatur, mentionem manu propria faciant absolutæ hujusmodi collationis, repertæque inter utrumque Breviarium conformitatis, sub pœna Inquisitoribus privationis suorum officiorum, ac inhabilitatis ad illa, et alia in posterum obtinenda; Ordinariis vero locorum suspensionis a divinis, ac interdicti ab ingressu Ecclesiæ; eorum vero Vicariis privationis officiorum et beneficiorum.

suorum, et inhabilitatis ad illa, et alia in posterum obtinenda, necnon excommunicationis absque alia declaratione incurrendæ. Sub iisdem etiam prohibitionibus et pœnis comprehendendi intendimus et volumus ea omnia, quæ a Breviario Romano ortum habent, sive ex parte, sive in totum, cujusmodi sunt Missalia, Diurna, Officia parva beatæ Virginis, Officia majoris Hebdomadæ, et id genus alia, quæ deinceps non imprimantur, nisi prævia illorum, et cujuslibet ipsorum in dicta typographia per eundem Andream impressorem, ut omnino cum Breviario de mandato Nostro edito concordent. Injungimus autem Nuntiis Nostris ubique locorum degentibus, ut huic negotio diligenter invigilent, cunctaque ad præscriptum hujus voluntatis Nostræ confici curent. Nolumus tamen his litteris Breviaria, et alia prædicta, quæ impressa sunt hæcenus, prohiberi, sed indemnitati omnium consulentes, tam typographis et bibliopolis vendere, quam Ecclesiis, Clericis, aliisque retinere, atque iis uti Apostolica benignitate permittimus et indulgemus. Non obstantibus licentiis, indultis et privilegiis Breviaria imprimendi quibuscumque typographis per

nos, seu Romanos Pontifices prædecessores nostros hucusque concessis, quæ per præsentem expresse revocamus, et revocata esse volumus; necnon constitutionibus et ordinationibus generalibus et specialibus in contrarium præmissorum quomodocumque editis, confirmatis et approbatis. Quibus omnibus, etiamsi de illis eorumque totis tenoribus specialis, specifica et expressa mentio habenda esset, tenores hujusmodi præsentibus pro expressis habentes hac vice dumtaxat specialiter et expresse derogamus, ceterisque contrariis quibuscumque. Volumus autem ut præsentium litterarum Nostrarum exemplaribus, etiam in ipsis Breviariis impressis, vel manu alicujus Notarii publici subscriptis, et sigillo alicujus personæ in dignitate Ecclesiastica constitutæ munitis, eadem prorsus fides adhibeatur, quæ ipsis præsentibus adhiberetur, si essent exhibitæ vel ostensæ.

Datum Romæ, apud S. Petrum, sub Annulo Piscatoris, die xxv. Januarii MDCXXXI. Pontificatus Nostri anno octavo.

M. A. Maraldus.

J. Savenier.

EX DECRETORUM REGISTRO SACRÆ RITUUM CONGREGATIONIS

HÆC AD BREVIARIUM ROMANUM ATTINENT.

Sacra Rituum Congregatio declaravit et decrevit, non potuisse post Bullam S. Pii V. de Breviario Romano, neque posse locorum Ordinarios, tam Sæculares quam Regulares, addere Kalendariis, etiam propriis, Sanctorum Officia, nisi ea dumtaxat quæ Breviarii Romani Rubricis, vel Sacræ Rituum Congregationis, seu Sedis Apostolicæ licentia conceduntur: neque propria auctoritate, quovis prætextu, mutare ritum qui habetur in Calendario Romano seu Rubricis Breviarii, in altiorum ritum, neque extendere concessa Officia de loco ad locum.

Item vetuit et prohibuit celebrari per totam Civitatem vel Diocesim, etiam de cujuscumque Ordinarii auctoritate, Festum cum Officio, eo quod in loco adsit Ecclesia Parochialis, vel Regularis, vel Abbatialis, aut aliqua Reliquia, sed tantum in ipsius Sancti Ecclesia titulari, seu ubi asservatur corpus aut insignis Reliquia, et non alibi.

Insignes autem Reliquias declaravit esse caput, brachium, crus, aut illam partem corporis in qua

passus est Martyr, modo sit integra, et non parva, et legitime ab Ordinariis approbata.

De sanctis Episcopis locorum, Martyribus, Civibus, et aliis Festis, de quibus in Calendario Romano seu Rubricis Breviarii nihil habetur, uti etiam de Beatis nondum canonizatis, nihil propria auctoritate constituatur, sed omnino consulatur Sacra Rituum Congregatio.

Decretum quoque nuper editum super electione Sanctorum in Patronos, et impressum, omnino servetur.

Et hæc omnia decrevit, statuit, et mandavit, innovando pœnas Constitutionis S. Pii V. respective.

Facta demum relatione horum Decretorum Ss. D. N. Urbano Papæ VIII., ea laudavit et approbavit, atque ab omnibus ubique sub prædictis pœnis servari præcepit: necnon in novis Breviariis de mandato Sanctitatis Suæ imprimendis apponi jussit.

Die 13. Januarii 1631.

Loco + Sigilli.

T. Tegrinius, Episcopus Assisien., Secret.

EJUSDEM PRO SANCTIS AD LIBITUM.

Eadem Sacra Rituum Congregatio, habita die 2. Decembris 1673, statuit ex mandato Clementis X. Festa Sanctorum ad libitum in posterum non esse transferenda, si eorum festivitas incidat in diem Dominicam, vel aliquem diem Festorum mobilium, sed tunc illo anno eorum Officia esse omittenda. Quod ipsum postea Innocentius Papa XI. in Congregatione habita 24. Januarii 1682 generali decreto confirmavit, et extendit insuper etiam ad Octavas et Natalitia Sanctorum, de præ-

cepto in aliqua Religione vel Diocesi, ex indulto Apostolico recitanda. Ita ut ne quidem dictis Festis vel Octavis Festa ad libitum tunc incidentia possint recitari, sed omitti prorsus debeant.

Permisit tamen, ut Festum translatum quod alias eo die celebrandum foret, in alium diem non impediretur transferatur: item ut eodem die omitti possit Officium semel per hebdomadam aut mensem recitandum ex indulto Apostolico, ut ita locus sit celebrando Officio ad libitum.

EJUSDEM PRO SANCTIS IN MARTYROLOGIO NON DESCRIPTIS.

Officia Sanctorum ratione Corporis, seu insignis Reliquiæ, recitanda, ex Decreto S. R. Congregationis 11. Augusti 1691 intelligi debere de Sanctis dumtaxat in Martyrologio Romano descriptis, et dummodo constet de identitate Corporis, seu Reliquiæ insignis illiusmet Sancti, qui reperitur in Martyrologio Romano descriptus: de ceteris autem Sanctis in prædicto Martyrologio non descriptis, aut quibus a Sancta Sede non fuerit specialiter concessum, Officia recitari et Missas celebrari vetuerunt, non obstante quod ipsorum Cor-

pora, vel insignes Reliquiæ in Ecclesiis asservantur: quibus tamen ab Ordinariis locorum approbatis debitam fidelium venerationem (prout hactenus servatum est) exhibendam esse censuerunt, sed absque Officio et Missa, sub pœnis de non satisfaciendo præcepto recitandi Officium, aliisque in Constitutione S. Pii V. contentis. Die 11. Augusti 1691, et Sanctissimus approbavit die 19. Octobris ejusdem anni 1691.

Loco † Sigilli.

J. Vallemans, S. R. C. Secret.

DECRETA GENERALIA CIRCA RUBRICAS.

Quam Sacrorum Rituum Congregationi demisse supplicatum fuerit sequentia dubia declarare:

Primum. An, cum multis Congregationibus, Religionibus, sive Ecclesiis, vel Nationibus concessum sit a Sancta Sede Apostolica, ut semel, vel pluries in singulis hebdomadis, vel mensibus celebrentur varia Officia per annum, v. g., de Sanctissimo Sacramento, vel de Sanctis, in diebus non impeditis aliquo Festo duplici vel semiduplici, liceat ejusmodi Officia facere etiam in diebus sanctæ Quadragesimæ, Adventus, Vigillarum, et Quatuor Temporum, etiamsi de his diebus nulla sit facta specialis mentio in aliquibus Officiorum concessionibus?

Secundum. An dies impeditus Festo duplici vel semiduplici pro dictis officiis recitandis, intelligantur etiam dies in quibus ponendum est Officium de Festo duplici vel semiduplici translato, quemadmodum dicitur responsum fuisse olim a Sacra Congregatione: Quod scilicet Festum duplex vel semiduplex etiam translatum, necnon dies Octavæ sit dies impeditus respectu talium Officiorum?

Tertium. An Regulares absque speciali privilegio, sed sola communicatione privilegiorum alia-

rum Religionum, possint addere nomen Sancti Fundatoris in Litanis, et Confiteor? itemque recitare Officia et Missas concessas aliis Religionibus?

Sacrorum Rituum eadem Congregatio, ad relationem Eminentissimi et Reverendissimi Domini Card. Colloredo, respondit:

Ad primum, Negative, et hujusmodi indulta non habere locum in Feriis Adventus, Quadragesimæ, Quatuor Temporum, Vigiliarum, sive cum jejuniis, sive absque jejuniis, nec in Feria secunda Rogationum, nec in illa Feria in qua secundum Rubricas sit reponendum Officium Dominicæ.

Ad secundum, Affirmative.

Ad tertium, Negative in omnibus.

Et ita declaravit, ac servari voluit. Ac insuper ut Declarationes, seu Decreta prædicta omnibus innotescant, typis ea imprimi mandavit.

Die 20. Martii 1706.

G. Card. Carpineus.

Loco † Sigilli.

B. Inghirami, Sac. Rit. Congr. Secret.





IGNATIUS

DIVINA MISERATIONE ET SEDIS APOSTOLICÆ GRATIA
EPISCOPUS RATISBONENSIS
PATRICIUS ROMANUS

SS. D. N. LEONIS PP. XIII. PRÆLATUS DOMESTICUS ET SOLIO PONTIFICIO ASSISTENS etc. etc.

OMNIBUS HAS LITTERAS VISURIS SALUTEM ET BENEDICTIONEM A DOMINO.

Cum a Romano Pontifice Urbano VIII. decretum sit, ne a typographis Breviarium Romanum imprimatur et in lucem edatur, sine licentia eaque in scriptis obtenta ab Ordinario loci: Nos dilecto Filio Nostro Friderico Pustet, S. Sedis Apostolicæ necnon S. Rit. Congregationis Typographo et Bibliopolæ Ratisbonensi licentiam dedimus illud imprimendi, et R. P. Georgium Schober C. Ss. R., Censorem Nostrum, deputavimus, qui diligenti examine instituto novæ hujus Breviarii, in 4° ut dicunt, et in quatuor partes distributi, editionis ab eodem Friderico Pustet perpulchre exornatæ integritatem, omnimodamque cum editione, quæ decreto S. R. C. de die 12. Septembris 1885 uti typica fuerit declarata, consonantiam comprobaret.

Postquam autem fuimus ex illius Censoris testimonio informati, primam hanc, quam hiemalem vocant, Breviarii Romani partem cum editionis typicæ parte hiemali ad amussim concordare, excusam libentissime adprobamus evulgandique licentiam impertimur.

In quorum fidem has Nostras litteras, manu Nostra subscriptas atque majori Nostro Sigillo munitas, expediri jussimus.

Ratisbonæ, die 10. Decembris 1887.

+ Ignatius Episcopus Ratisbonensis.

(L. S.)

Dr. Fr. Xav. Leitner, Secret.

DE ANNO ET EJUS PARTIBUS.

Annus menses habet duodecim, hebdomadas duas et quinquaginta, et diem unum: dies vero trecentos sexaginta quinque, et fere sex horas: tanto enim temporis intervallo sol Zodiacum perlustrat. Quater autem sex horæ singulis quaternis annis diem constituunt: hinc annus ille intercalaris, Bissexthus, vel Bissextilis dicitur.

De anni correctione, ejusque necessitate, ac Calendario Gregoriano.

Quod dictum est, annum continere trecentos et sexaginta quinque dies, et fere sex horas, intelligendum est sex horas non esse integras, cum ad earum complementum aliqua minuta deficiant.

Ex quorum minorum neglectu progressum est, ac si annus ultra dies 365 contineret integras sex horas; et factum est, ut minuta, quæ ultra debitam quantitatem annis singulis tribuebantur, tractu temporis ita exereverint, ut invicem juncta constituerint dies decem: qui causam dederunt ut Æquinoctium vernum sedem suam mutaverit.

Cui malo occurrens Gregorius XIII. non solum Æquinoctium vernum restituit in pristinam sedem, a qua jam a Concilio Nicæno, decem circiter diebus in anno correctionis 1582, præcedendo recesserat, quod a Concilio ad xii. Kalendas Aprilis fuerat constitutum, et xiv. Lunam Paschalem suo in loco reposuit; sed viam quoque tradidit, et rationem, qua caveretur ut in posterum et Æquinoctium vernum, et xiv. Luna Paschalis a propriis sedibus nunquam removerentur.

Ut enim Æquinoctium vernum ad xii. Kalendas Aprilis restitueretur, statuit ut dicti decem dies in mense Octobris ipsius anni 1582 eximerentur; ut post quartam diem Octobris sancto Francisco sacram, sequens dies non esset quinta, sed decima quinta Octobris. Et ita error, qui in præteritum tot annorum circulis irrepserat, in momento temporis fuit correctus.

Ut autem in posterum idem error vitaretur, ne ad xii. Kalendas Aprilis Æquinoctium vernum recederet, statuit idem Gregorius, Bissexthum quarto quoque anno (uti mos est) continuari debere, præterquam in centesimis annis: qui quamvis Bissextilis antea semper fuerint, qualem etiam esse voluit annum 1600, anno correctionis proximum, post eum tamen, qui deinceps consequentur, centesimi, non omnes Bissextilis essent, sed in quadringentis quibusque annis primi quinque tres centesimi sine Bissexto transigerentur; quartus vero quisque centesimus esset Bissextilis, ita ut annus 1700, 1800, 1900, Bissextilis non sint, anno vero 2000 more consueto dies Bissexthus intercaletur, Februario dies 29 continente; idemque ordo intermittendi intercalandique Bissexthum diem in quadringentis quibusque annis perpetuo conservaretur.

Quatuor Tempora.

Quatuor Tempora celebrantur quarta et sexta FERIA, ac Sabbato post tertiam Dominicam Adventus, post primam Dominicam Quadragesimæ, post Dominicam Pentecostes, post Festum Exaltationis S. Crucis.

Nuptiæ quando celebrari non possint juxta Decretum Tridentini Concilii.

A Dominica prima Adventus usque in diem Epiphaniæ, et a FERIA quarta Cinerum usque in Octavam Paschatis inclusive, sancta Synodus solemnitates Nuptiarum prohibet. In aliis vero temporibus Nuptias solemniter celebrari permittit.

De Cyclo decennovennali Aurei numeri.

Cyclos decennovennalis Aurei numeri est revolutio numeri 19 annorum ab 1 usque ad 19, qua revoluzione peracta, iterum ad unitatem reditur. Verbi gratia: Anno 1577 numerus cycli decennovennalis, qui dicitur Aureus, est 1; anno sequenti 1578 est 2, et ita deinceps in sequentibus annis, uno semper amplius, usque ad 19, qui Aureus numerus cadet in annum 1595, post quem iterum ad unitatem redeundum est, ita ut anno 1596 Aureus numerus sit rursus 1, et anno 1597 sit 2, etc.

Igitur ut Aureus numerus quolibet anno proposito inveniatur, composita est sequens tabella Aureorum numerorum, cujus usus incipit ab anno correctionis 1582 inclusive, duratque in perpetuum. Ex ea enim Aureus numerus cujuslibet anni post annum 1582 reperietur hoc modo.

6.	7.	8.	9.	10.	11.	12.	13.	14.	
15.	16.	17.	18.	19.	1.	2.	3.	4.	5.

Anno 1582 tribuatur primus numerus tabellæ, qui est sex: secundus autem qui est 7, sequenti anno 1583, et ita deinceps in infinitum, donec ad annum, cujus Aureum numerum quæris, perveniat, redeundo ad principium tabellæ, quotiescumque eam percurreris. Nam numerus in quem annus propositus cadit, dabit Aureum numerum quæsitum.

Modus brevis cognoscendi Aureum numerum cujusque anni.

Numero anni de quo quæris, adde unicam unitatem 1: Exempli gratia: 1833 adde 1: summam inde conflata divide per 19; quod superest, erit Aureus numerus ipsius anni; si nihil superest, erit Aureus numerus 19.

De Epactis et Noviluniis.

Epacta nihil aliud est, quam numerus dierum quibus annus solaris communis dierum 365 annum communem lunarem dierum 354 superat: ita ut Epacta primi anni sit 11, cum hoc numero annus solaris communis lunarem annum communem exce-

dat; atque adeo sequenti anno Novilunia contingent 11 diebus prius quam anno primo. Ex quo fit Epactam secundi anni esse 22; cum eo anno rursum annus solaris lunarem annum superet 11 diebus, qui additi ad 11 dies primi anni efficiunt 22; ac proinde, finito hoc anno, Novilunia contingere 22 diebus prius, quam primo anno: Epactam autem tertii anni esse 3, quia si rursus 11 dies ad 22 adjiciantur, efficietur numerus 33; a quo si rejiciantur 30 dies, qui unam lunationem embolismalem constituunt, relinquuntur 3, atque ita deinceps. Progrediuntur enim Epactæ omnes per continuum augmentum 11 dierum, abjectis tamen 30, quando rejici possunt. Solum quando perventum erit ad ultimam Epactam Aureo numero 19 respondentem, quæ est 29, adduntur 12, ut abjectis 30, ex composito numero 41, habeatur rursus Epacta 11, ut in principio. Quod ideo fit, ut ultima lunatio embolismica, currente Aureo numero 19, sit tantum 29 dierum. Si enim 30 dies contineret, ut aliæ sex lunationes embolismicæ, non redirent Novilunia post 19 annos solares ad eosdem dies, sed versus calcem mensium prolaberentur, contingerentque uno die tardius quam ante 19 annos. De qua re plura invenies in libro novæ rationis restituendi Calendarii Romani. Sunt autem novemdecim Epactæ, quot et Aurei numeri, respondebantque ipsis Aureis numeris ante Calendarii correctionem eo modo, quo in hac tabella dispositæ sunt.

Tabella Epactarum respondentium Aureis numeris ante Calendarii correctionem.

Aur. num.	1.	2.	3.	4.	5.
Epactæ.	xi.	xxii.	iii.	xiv.	xxv.
6.	7.	8.	9.	10.	11.
vi.	xvii.	xxviii.	ix.	xx.	i.
13.	14.	15.	16.	17.	18.
xxiii.	iv.	xv.	xxvi.	vii.	xviii.
					xxix.

Quia vero cyclus decemvennalis Aurei numeri imperfectus est, cum Novilunia post 19 annos solares non præcise ad eadem loca redeant, ut dictum est, imperfectus etiam erit hic cyclus 19 Epactarum. Quamobrem ita emendatus est, ut in posterum loco Aurei numeri, et dictarum 19 Epactarum, utamur 30 numeris Epactalibus ab 1 usque ad 30 ordine progredientibus, quamvis ultima Epacta, sive quæ ordine est trigesima, notata numero non sit, sed signo hoc *, propterea quod nulla Epacta esse possit 30. Variis autem temporibus ex his 30 Epactis respondent decem et novem Aureis numeris variæ decem et novem Epactæ, prout solaris anni ac lunaris æquatio exposcit: quæ quidem decem et novem Epactæ progrediuntur, ut olim per eundem numerum 11, addunturque semper 12 illi Epactæ, quæ respondet Aureo numero 19, ut habeatur sequens Epacta respondens Aureo numero 1, ob rationem paulo ante dictam. Id quod sequens tabella perspicuum faciet, quæ continet Aureos numeros, et Epactas inter se respondentes ab anno correctionis 1582, post deductionem decem dierum, usque ad annum 1700 exclusive. Quamvis autem vulgares Epactæ mutantur in Martio, re ipsa tamen in principio anni mutandæ sunt, una cum Aureo numero, in cuius locum hæ nostræ Epactæ succedunt.

Tabella Epactarum respondentium Aureis numeris ab Idibus Octobris anni correctionis 1582 (deductis prius decem diebus) usque ad annum 1700 exclusive.

Aur. num.	6.	7.	8.	9.	10.
Epactæ.	xxvi.	vii.	xviii.	xxix.	x.
11.	12.	13.	14.	15.	16.
xxi.	ii.	xiii.	xxiv.	v.	xvi.
17.	18.	19.	1.	2.	3.
xxvii.	viii.	xix.	i.	xii.	xiii.
					iv.
					xv.

Itaque si Epacta quocumque anno proposito invenienda sit, quærendus est Aureus numerus illius anni in superiori ordine illius tabellæ quæ illi temporis, in quo propositus annus continetur, congruit. Mox enim sub Aureo numero in inferiori ordine tabellæ reperietur Epacta anni propositi, vel certe hoc signum *. Ubi ergo illa Epacta vel signum * in Calendario inventum fuerit, eo die Novilunium fiet. Invenietur autem Aureus numerus vel ex antecedente canone, vel ex tabella Epactarum proposito temporis congruente, tribuendo primum Aureum numerum illius tabellæ illi anno, a quo usus tabellæ incipit, et secundum Aureum numerum sequenti anno, etc. Eodem modo reperietur Epacta sine Aureo numero, si prima Epacta tabellæ tribuatur illi anno a quo ejus usus incipit, et secunda Epacta sequenti anno, etc.

Exemplum: Anno correctionis 1582 Aureus numerus est 6, nempe primus primæ tabellæ, cuius usus incipit ab Idibus Octobris dicti anni 1582, deductis prius decem diebus. Erit ergo tunc Epacta xxvi, quæ sub Aureo numero 6 collocatur, fietque Novilunium die 27. Oct. et 26. Nov. et 25. Dec. Item anno 1583 jam correcto Aureus numerus est 7, cui in eadem tabella supposita est Epacta vii, quæ toto eo anno in Calendario Novilunia indicabit: ut in Jan. die 24., in Febr. die 22., in Martio die 24., etc.

Alia Tabella Epactarum respondentium Aureis numeris ab anno 1833 inclusive, usque ad annum 1900 exclusive.

Aur. num.	10.	11.	12.	13.	14.
Epactæ.	ix.	xx.	i.	xii.	xxiii.
15.	16.	17.	18.	19.	1.
iv.	xv.	xxvi.	vii.	xviii.	*
2.	3.	4.	5.	6.	7.
xxii.	iii.	xiv.	xxv.	vi.	xvii.
					xxviii.

Ad tollendam dubitationem de usu hujus novæ tabellæ Epactarum, ostendemus rem exemplis. Anno 1833 tribuatur Epacta ix, quæ sub Aureo numero 10 collocatur; fietque Novilunium 22. Januarii, 20. Februarii, 22. Martii. Item anno 1834 tribuatur Epacta xx sub Aureo numero 11 collocata, quæ toto eo anno in Calendario Novilunia monstrabit: ut in Januario die 11., in Februario die 9., in Martio die 11. Et sic deinceps per ordinem annis progredientibus, redeundo ad principium tabellæ quotiescumque eam percurreris. Rursus anno 1862, Epacta non signatur numero, sed hoc signo *, quod collocatur sub Aureo numero 1, et in Calendario: toto eo anno Novilunia indicabit, nimirum in Januario die 1 et 31, in Martio (nam in Februario nullum tunc Novilunium, cum in eo signum hoc * non reperiat) die 1 et 31, in Aprili die 29, etc.

Tabella litterarum Dominicalium ab Idibus Octobris anni correctionis 1582 (detractis prius decem diebus) usque ad annum 1700 exclus.

c	b	A	f	e	d	c	A	g	f	e	c	b	A
	g					b				d			
g	e	d	c	b	g	f	e	d	b	A	g	f	d
f			A				c				e		

Usus hujus tabellæ hic est: Anno correctionis 1582 post Idus Octobris (detractis prius decem diebus) tribuatur littera c, primæ cellulae, et sequenti anno 1583 littera b, secundæ, et anno 1584 dentur litteræ A g, tertiæ cellulae, et sic deinceps aliis annis ordine aliæ cellulae tribuantur, donec ad annum propositum perventum sit, redeundo ad principium tabellæ, quotiescumque eam percurreris: nam cellula in quam annus propositus cadit, dummodo minor sit quam annus 1700, dabit litteram Dominicalem propositi anni. Quæ si unica occurrerit, annus erit communis; si vero duplex, Bissextilis: et tunc superior littera Dominicam diem ostendet in Calendario a principio anni usque ad Festum sancti Mathiæ Apostoli: inferior autem ab hoc Festo usque ad finem anni.

Exempli gratia: Sit inveniendæ littera Dominicalis anno 1587. Numera ab anno 1582, quem tribue primæ litteræ c, usque ad annum 1587, tribuendo singulis cellulis singulos annos (computando geminas litteras quascumque, superiorem et inferiorem, pro una cellula), cadetque annus 1587 in litteram d, quæ sextum locum in tabella occupat. Est ergo toto eo anno littera Dominicalis d, annusque communis est, cum littera simplex occurrat. Rursus sit investiganda littera Dominicalis anno 1616. Numera ab anno 1582, ut dictum est, usque ad annum 1616, redeundo ad principium tabellæ, postquam eam percurreris, perveniesque ad duas hasce litteras c b, septimo loco positas. Est ergo annus ille Bissextilis, cum duplex littera occurrat, superiorque littera c Dominicam diem indicabit a principio anni illius usque ad Festum S. Mathiæ, inferior autem b, in reliqua parte anni.

Alia Tabella litterarum Dominicalium ab anno 1833 inclusive, usque ad annum 1900 exclusive.

f	c	d	c	A	g	f	e	c	b	A	g	e	d
			b			d				f			
c	b	g	f	e	d	b	A	g	f	d	c	b	A
	A			c			e				g		

Usus autem hujus tabellæ hic est. Anno 1833 tribuatur littera f primæ cellulae, et sequenti anno 1834 littera e, et sic deinceps ceteris annis ordine aliæ cellulae tribuantur, donec ad annum propositum perventum sit, redeundo ad principium tabellæ quotiescumque eam percurreris; nam cellula in quam annus propositus cadit, dabit litteram Dominicalem propositi anni: quæ si unica occurrerit, annus erit communis: si vero duplex, Bissextilis: et tunc superior littera Dominicalem diem ostendet in Calendario a principio anni usque ad Festum S. Mathiæ Apostoli, inferior autem ab hoc Festo usque ad finem anni.

De Indictione.

Indictio est revolutio 15 annorum, ab 1. usque ad 15, qua revolutione peracta, iterum reditur ad unitatem, initiumque sumit quilibet annus hujus cycli a Januario in Bullis Pontificiis. Et quoniam Indictionum frequens usus est in Diplomatis et Scripturis publicis, facile annum Indictionis currentem quolibet anno proposito inveniemus ex sequenti tabella, cujus usus perpetuus est; initium tamen sumit ab anno correctionis 1582.

Tabella Indictionis ab anno correctionis 1582.

10.	11.	12.	13.		14.	15.	1.
2.	3.	4.	5.	6.	7.	8.	9.

Nam si anno 1582 tribuas primum numerum, qui est 10, et sequenti anno 1583 secundum numerum, qui est 11, et sic deinceps usque ad annum propositum, redeundo ad principium tabellæ, quotiescumque eam percurreris, cadet annus propositus in Indictionem quæ quæritur.

De Festis Mobilibus.

Quoniam ex decreto sacri Concilii Nicæni Pascha, ex quo reliqua Festa mobilia pendent, celebrari debet die Dominico qui proxime succedit xiv. lunæ primi mensis (is vero apud Hebræos vocatur primus mensis, cujus xiv. Luna vel cadit in diem verni Æquinoctii, quod die 21 mensis Martii contingit, vel propius ipsum sequitur), efficitur, ut si Epacta cujusvis anni inveniatur, et ab ea in Calendario notata inter diem octavum Martii inclusive, et quintum Aprilis inclusive (hujus enim Epactæ xiv. Luna cadit vel in diem Æquinoctii verni, id est, in diem 21. Martii, vel eum propius sequitur), numerentur inclusive deorsum versus dies quatuordecim; proximus dies Dominicus diem hunc xiv. sequens (ne cum Judæis conveniamus, si forte dies xiv. Lunæ caderet in diem Dominicum) sit dies Paschæ.

Exemplum: Anno 1605, Epacta est x., et littera Dominicalis b. Et quoniam invenimus Epactam x. inter diem 8. Martii et 5. Aprilis inclusive positam esse e regione diei 21. Martii, a quo inclusive si deorsum versus numerentur 14 dies, inveniemus xiv. Lunam die 3. Aprilis, quæ est Dominica, cum e regione illius sit littera Dominicalis b. Ne igitur cum Judæis conveniamus, qui Pascha celebrant die xiv. Lunæ, sumenda est littera Dominicalis b, quæ sequitur xiv. Lunam, nempe ea quæ e regione diei 10. Aprilis collocatur: atque eo anno Pascha celebrandum erit die 10. Aprilis. Item anno 1604, Epacta est xxix., et duplex littera Dominicalis d c, cum annus ille sit Bissextilis. Si igitur ab Epacta xxix., quæ e regione diei 1. Aprilis ponitur inter diem 8. Martii et 5. Aprilis inclusive, numerentur dies 14, cadet xiv. Luna in diem 14. Aprilis. Et quia tunc currit posterior littera Dominicalis, nempe c, quæ post diem 14. Aprilis, id est, post xiv. Lunam collocata est e regione diei 18. Aprilis, celebrabitur eo anno Pascha die 18. Aprilis.

Ceterum ut facilius omnia Festa mobilia inveniantur, composita sunt duæ sequentes tabulæ Paschales, una antiqua, et nova altera. Ex antiqua ita Festa mobilia reperientur. In latere sinistro tabulæ

accipiatur Epacta currens, et in linea litterarum Dominicalium sumatur littera Dominicalis currens, infra tamen Epactam currentem; ita ut si littera Dominicalis currens reperiatur e regione Epactæ currentis, assumenda sit eadem littera Dominicalis proxime inferior. Nam e regione hujus litteræ Dominicalis omnia Festa mobilia continentur.

Exemplum: Anno 1606 Epacta est xxi., et littera Dominicalis A. Si igitur in tabula antiqua sumatur littera Dominicalis A, quæ primo infra Epactam xxi. occurrit, reperietur e regione hujus litteræ Dominica Septuag. die 22. Jan., dies Cinerum 8. Febr., Pascha 26. Martii, Ascensio Domini 4. Maji, Pentecostes 14. Maji, et Festum Corporis Christi 25. Maji. Dominicæ autem inter Pentec. et Advent. eo anno erunt 28, et Adventus celebrabitur die 3. Dec.; et sic de ceteris. Item anno 1605 Epacta est x., et littera Dominicalis b, quæ in tabula reperitur e regione Epactæ x. Quare sumenda est alia littera b, quæ proxime infra Epactam invenitur, e regione cujus invenies Septuagesimam die 6. Febr., diem Cinerum 23. Febr., Pascha 10. Aprilis, etc.

Notandum autem est, quod quemadmodum in anno communi, cadente littera Dominicali e regione Epactæ in tabula antiqua, sumitur eadem littera proxima infra Epactam, ut diximus: ita quoque in anno Bissextili, si alterutra duarum litterarum Dominicalium tunc currentium e regione Epactæ reperitur, assumendæ sunt aliæ duæ similes litteræ proxime inferiores, ut Festa mobilia inveniantur.

Ex tabula vero Paschali nova ita eadem Festa mobilia reperientur. In cellula litteræ Dominicalis currentis quæretur Epacta currens. Nam e directo omnia Festa mobilia deprehenduntur. Ut anno 1609 in cellula litteræ Dominicalis d, tunc currentis, e regione Epactæ xxiv. quæ eodem anno currit, habetur Septuag. die 15. Febr., dies Cinerum 4. Martii, Pascha 19. Aprilis, etc.

Sed sive antiqua, sive nova tabula Paschali utamur, inveniendæ sunt omnia Festa mobilia in annis Bissextilibus per litteram Dominicalem posteriorem, quæ nimirum currit post Festum sancti Mathiæ Apostoli, ne scilicet ambigamus, utra duarum litterarum pro hoc, aut illo Festo indagando accipiendæ sit: ita tamen ut Septuagesimæ et diei Cinerum inventæ in Januario aut Februario addatur unus dies. Quod ideo fit, quia ante diem S. Mathiæ currit prior littera Dominicalis, quæ in Calendario posteriorem semper sequitur: post Festum autem S. Mathiæ in Februario, licet posterior littera currat, additur tamen tunc dies intercalaris, ita ut dies 24. Februarii dicatur 25., et dies 25. dicatur 26, etc. Quod si dies Cinerum cadat in Martium, nihil addendum est, quia tunc et littera posterior currit, et dies mensis propriis numeris respondent, cum dies intercalaris Februario sit additus. Imo nisi per posteriorem litteram investigarentur, non inveniretur recte Septuagesima in anno Bissextili currente Epacta xxiv. vel xxv., et littera Dominicali d c, ut in secundo ac

tertio exemplo perspicuum fiet pro annis 4088 et 3784. Exempli gratia: Anno 2096 Bissextili, Epacta erit v. et litteræ Dominicales A g. Si igitur per posteriorem litteram, quæ est g, Festa mobilia investigentur, reperietur Septuagesima die 11. Februarii, et dies Cinerum 28. Februarii. Si autem addatur unus dies, cadet Septuagesima in diem 12. Februarii, quæ est Dominica, et dies Cinerum in diem 29. Februarii, quæ est FERIA IV.; Pascha autem et reliqua Festa in eos dies cadent qui in tabula expressi sunt. Item anno 4088 Bissextili, Epacta erit xxiv., et litteræ Dominicales d c. Si igitur per litteram c, quæ posterior est, inquirentur Festa mobilia, invenietur Septuag. die 21. Febr., et si addatur unus dies, cadet in diem 22. Febr., quæ est Dominica. Dies autem Cinerum cadet in diem 10. Martii: quare nihil additur, etc. Rursus anno 3784 Bissextili, Epacta erit xxv. et litteræ Dominicales d c. Ergo iterum per posteriorem c reperietur Septuag. die 21. Februarii, hoc est, addita 1 die 22. Quod si per priorem litteram d in utroque horum duorum annorum agendum esset, nihil efficeretur, cum infra Epactas xxiv. et xxv. littera d indicet Septuag. die 15. Febr., quod falsum esset, cum eo anno posterior littera c Pascha offerat die 25. Aprilis, ac proinde Septuag. die 22. Februarii celebranda sit, ut liquido constat, si a die Paschæ, Dominicæ retro numerentur usque ad Septuagesimam.

In priori porro tabula Paschali antiqua reformata, Epactis ad sinistram præposuimus Aureos numeros eodem ordine quo ante emendationem Calendarii collocari solebant, ut ex iis Festa mobilia invenirentur. Hoc autem idcirco a nobis factum est, ut Pascha, ceteraque Festa mobilia, a Concilio Nicæno usque ad annum 1582 quilibet indagare possit. Eodem autem prorsus artificio, ex Aureis numeris ita distributis Festa mobilia eruantur, quo ex Epactis. Sit enim explorandum, exempli causa, quando Festa hæc celebrata fuerint anno 1450. Quoniam eo anno Aureus numerus fuit 7, et littera Dominicalis d, si Aureus numerus 7 in sinistro latere accipiatur, et prima littera d, infra eum occurrens: reperietur e regione hujus litteræ d, Septuagesima die 1. Febr., dies Cinerum 18. Febr., Pascha die 5. Aprilis, etc.

Adventus Domini celebratur semper diē Dominico, qui propinquior est Festo S. Andræ Apost., nempe a die 27. Nov. inclusive, usque ad diem 3. Dec. inclusive; ita ut littera Dominicalis currens, quæ reperitur in Calendario a die 27. Nov. usque ad diem 3. Dec., indicet Dominicam Adventus. Ut verbi gratia, si littera Dominicalis est g, Dominica Adventus cadet in diem 2. Dec., quia ibi est littera g in Calendario, etc.

Ad finem tandem tabularum Paschalium apposita est tabula temporaria multorum annorum, e regione quorum omnia Festa mobilia inveniantur; quæ quidem tabula ex tabulis Paschalibus excerpta est, ex quibus infinitæ aliæ erui possunt pro quibuscumque annis.



TABULA PASCHALIS ANTIQUA REFORMATA.

Aureus numerus.	Cyclus Epactar.	Litteræ Domin.	Septua- gesima.	Dies Cinerum.	Pascha.	Ascensio.	Pente- costes.	Corpus Christi.	Domin. post Pentec.	Domin. I. Adventus.
16 5	xxiii xxii xxi	d e f	Januarii. 18 19	Febr. 4 5	Mart. 22 23	Aprilis. 30 1 Maji.	Maji. 10 11	Maji. 21 22	28 28 28	29 Nov. 30 1 Dec.
13 2	xx xix	f g	20 21	6 7	24 25	2 3	12 13	23 24	28 28	2
10	xviii xvii	A b	22 23	8 9	26 27	4 5	14 15	25 26	28 27	3 27 Nov.
18 7	xvi xv xiv	c d e	24 25 26	10 11 12	28 29 30	6 7 8	16 17 18	27 28 29	27 27 27	28 29 30
15 4	xiii xii xi x ix	f g A b c	27 28 29 30 31	13 14 15 16 17	31 1 April. 2	9 10 11 12 13	19 20 21 22 23	30 31 1 Junii. 2 3	27 27 27 26 26	1 Dec. 2 3 27 Nov. 28
1 9	viii vii vi v iv	d e f g A	1 Febr. 2 3 4 5	18 19 20 21 22	5 6 7 8 9	14 15 16 17 18	24 25 26 27 28	4 5 6 7 8	26 26 26 26 26	29 30 1 Dec. 2 3
17 6	iii ii i *	b c d e	6 7 8 9	23 24 25 26 27	10 11 12 13 14	19 20 21 22 23	29 30 31 2	9 10 11 12 13	25 25 25 25 25	27 Nov. 28 29 30 1 Dec.
14 3	xxix xxviii xxvii xxvi xxv xxiv	f g A b c d	10 11 12 13 14 15	27 28 1 Mart. 2 3 4	14 15 16 17 18 19	23 24 25 26 27 28	2 3 4 5 6 7	13 14 15 16 17 18	25 25 24 24 24 24	2 3 27 Nov. 28 29
11 19 8	25 xxv	e f g A b c	16 17 18 19 20 21	5 6 7 8 9 10	20 21 22 23 24 25	29 30 31 1 Jun. 2 3	8 9 10 11 12 13	19 20 21 22 23 24	24 24 24 24 23 23	30 1 Dec. 2 3 27 Nov. 28

TABULA PASCHALIS NOVA REFORMATA.

Litteræ Domin.	Cyclus Epactarum.	Septua- gesima.	Dies Cinerum.	Pascha.	Ascensio.	Pente- costes.	Corpus Christi.	Domin. post Pentec.	Domin.I. Advent.
D	23.	18 Jan.	4 Febr.	22 Mart.	30 Apr.	10 Maji	21 Maji	28	29 Nov.
	22, 21, 20, 19, 18, 17, 16.	25 Jan.	11 Febr.	29 Mart.	7 Maji	17 Maji	28 Maji	27	29 Nov.
	15, 14, 13, 12, 11, 10, 9.	1 Febr.	18 Febr.	5 Apr.	14 Maji	24 Maji	4 Junii	26	29 Nov.
	8, 7, 6, 5, 4, 3, 2.	8 Febr.	25 Febr.	12 Apr.	21 Maji	31 Maji	11 Junii	25	29 Nov.
	1. * 29, 28, 27, 26, xxv. 25, 24.	15 Febr.	4 Mart.	19 Apr.	28 Maji	7 Junii	18 Junii	24	29 Nov.
E	23, 22.	19 Jan.	5 Febr.	23 Mart.	1 Maji	11 Maji	22 Maji	28	30 Nov.
	21, 20, 19, 18, 17, 16, 15.	26 Jan.	12 Febr.	30 Mart.	8 Maji	18 Maji	29 Maji	27	30 Nov.
	14, 13, 12, 11, 10, 9, 8.	2 Febr.	19 Febr.	6 Apr.	15 Maji	25 Maji	5 Junii	26	30 Nov.
	7, 6, 5, 4, 3, 2, 1.	9 Febr.	26 Febr.	13 Apr.	22 Maji	1 Junii	12 Junii	25	30 Nov.
	* 29, 28, 27, 26, xxv. 25, 24.	16 Febr.	5 Mart.	20 Apr.	29 Maji	8 Junii	19 Junii	24	30 Nov.
F	23, 22, 21.	20 Jan.	6 Febr.	21 Mart.	2 Maji	12 Maji	23 Maji	28	1 Dec.
	20, 19, 18, 17, 16, 15, 14.	27 Jan.	13 Febr.	31 Mart.	9 Maji	19 Maji	30 Maji	27	1 Dec.
	13, 12, 11, 10, 9, 8, 7.	3 Febr.	20 Febr.	7 Apr.	16 Maji	26 Maji	6 Junii	26	1 Dec.
	6, 5, 4, 3, 2, 1. *	10 Febr.	27 Febr.	14 Apr.	23 Maji	2 Junii	13 Junii	25	1 Dec.
	20, 28, 27, 26, xxv. 25, 24.	17 Febr.	6 Mart.	21 Apr.	30 Maji	9 Junii	20 Junii	24	1 Dec.
G	23, 22, 21, 20.	21 Jan.	7 Febr.	25 Mart.	3 Maji	13 Maji	24 Maji	28	2 Dec.
	19, 18, 17, 16, 15, 14, 13.	28 Jan.	14 Febr.	1 Apr.	10 Maji	20 Maji	31 Maji	27	2 Dec.
	12, 11, 10, 9, 8, 7, 6.	4 Febr.	21 Febr.	8 Apr.	17 Maji	27 Maji	7 Junii	26	2 Dec.
	5, 4, 3, 2, 1. * 29.	11 Febr.	28 Febr.	15 Apr.	24 Maji	3 Junii	14 Junii	25	2 Dec.
	28, 27, 26, xxv. 25, 24.	18 Febr.	7 Mart.	22 Apr.	31 Maji	10 Junii	21 Junii	24	2 Dec.
A	23, 22, 21, 20, 19.	22 Jan.	8 Febr.	26 Mart.	4 Maji	14 Maji	25 Maji	28	3 Dec.
	18, 17, 16, 15, 14, 13, 12.	29 Jan.	15 Febr.	2 Apr.	11 Maji	21 Maji	1 Junii	27	3 Dec.
	11, 10, 9, 8, 7, 6, 5.	5 Febr.	22 Febr.	9 Apr.	18 Maji	28 Maji	8 Junii	26	3 Dec.
	4, 3, 2, 1. * 29, 28.	12 Febr.	1 Mart.	16 Apr.	25 Maji	4 Junii	15 Junii	25	3 Dec.
	27, 26, xxv. 25, 24.	19 Febr.	8 Mart.	23 Apr.	1 Junii	11 Junii	22 Junii	24	3 Dec.
B	23, 22, 21, 20, 19, 18.	23 Jan.	9 Febr.	27 Mart.	5 Maji	15 Maji	26 Maji	27	27 Nov.
	17, 16, 15, 14, 13, 12, 11.	30 Jan.	16 Febr.	3 Apr.	12 Maji	22 Maji	2 Junii	26	27 Nov.
	10, 9, 8, 7, 6, 5, 4.	6 Febr.	23 Febr.	10 Apr.	19 Maji	29 Maji	9 Junii	25	27 Nov.
	3, 2, 1. * 29, 28, 27.	13 Febr.	2 Mart.	17 Apr.	26 Maji	5 Junii	16 Junii	24	27 Nov.
	26, xxv. 25, 24.	20 Febr.	9 Mart.	24 Apr.	2 Junii	12 Junii	23 Junii	23	27 Nov.
C	23, 22, 21, 20, 19, 18, 17.	24 Jan.	10 Febr.	28 Mart.	6 Maji	16 Maji	27 Maji	27	28 Nov.
	16, 15, 14, 13, 12, 11, 10.	31 Jan.	17 Febr.	4 Apr.	13 Maji	23 Maji	3 Junii	26	28 Nov.
	9, 8, 7, 6, 5, 4, 3.	7 Febr.	24 Febr.	11 Apr.	20 Maji	30 Maji	10 Junii	25	28 Nov.
	2, 1. * 29, 28, 27, 26, xxv.	14 Febr.	3 Mart.	18 Apr.	27 Maji	6 Junii	17 Junii	24	28 Nov.
	25, 24.	21 Febr.	10 Mart.	25 Apr.	3 Junii	13 Junii	24 Junii	23	28 Nov.

TABELLA TEMPORARIA FESTORUM MOBILIU.

Anno Dom.	Littere Domin.	Aureus numer.	Epa-ctae.	Septuagesima.	Dies Cincrum.	Pascha.	Ascensio.	Pentecostes.	Corpus Christi.	Indictio-ones.	Domin. p. Pent.	Dominica prima Adventus.	Litt. Mart.
1888.	A g	8	xvii	29 Jan.	15 Febr.	1 Apr.	10 Maji	20 Maji	31 Maji	1	27	2 Dec.	s
1889	f	9	xxviii	17 Febr.	6 Mart.	21 Apr.	30 Maji	9 Junii	20 Junii	2	24	1 Dec.	M
1890	e	10	ix	2 Febr.	19 Febr.	6 Apr.	15 Maji	25 Maji	5 Junii	3	26	30 Nov.	i
1891	d	11	xx	25 Jan.	11 Febr.	29 Mart.	7 Maji	17 Maji	28 Maji	4	27	29 Nov.	A
1892	c b	12	i	14 Febr.	2 Mart.	17 Apr.	26 Maji	5 Junii	16 Junii	5	24	27 Nov.	a
1893	A	13	xii	29 Jan.	15 Febr.	2 Apr.	11 Maji	21 Maji	1 Junii	6	27	3 Dec.	m
1894	g	14	xxiii	21 Jan.	7 Febr.	25 Mart.	3 Maji	13 Maji	24 Maji	7	28	2 Dec.	D
1895	f	15	iv	10 Febr.	27 Febr.	14 Apr.	23 Maji	2 Junii	13 Junii	8	25	1 Dec.	d
1896	e d	16	xv	2 Febr.	19 Febr.	5 Apr.	14 Maji	24 Maji	4 Junii	9	26	29 Nov.	q
1897	c	17	xxvi	14 Febr.	3 Mart.	18 Apr.	27 Maji	6 Junii	17 Junii	10	24	28 Nov.	G
1898	b	18	vii	6 Febr.	23 Febr.	10 Apr.	19 Maji	29 Maji	9 Junii	11	25	27 Nov.	g
1899	A	19	xxviii	29 Jan.	15 Febr.	2 Apr.	11 Maji	21 Maji	1 Junii	12	27	3 Dec.	t
1900	g	1	xxix	11 Febr.	28 Febr.	15 Apr.	24 Maji	3 Junii	14 Junii	13	25	2 Dec.	N
1901	f	2	x	3 Febr.	20 Febr.	7 Apr.	16 Maji	26 Maji	6 Junii	14	26	1 Dec.	k
1902	e	3	xxi	26 Jan.	12 Febr.	30 Mart.	8 Maji	18 Maji	29 Maji	15	27	30 Nov.	B
1903	d	4	ii	8 Febr.	25 Febr.	12 Apr.	21 Maji	31 Maji	11 Junii	1	25	29 Nov.	b
1904	c b	5	xiii	31 Jan.	17 Febr.	3 Apr.	12 Maji	22 Maji	2 Junii	2	26	27 Nov.	n
1905	A	6	xxiv	19 Febr.	8 Mart.	23 Apr.	1 Junii	11 Junii	22 Junii	3	24	3 Dec.	E
1906	g	7	v	11 Febr.	28 Febr.	15 Apr.	24 Maji	3 Junii	14 Junii	4	25	2 Dec.	e
1907	f	8	xvi	27 Jan.	13 Febr.	31 Mart.	9 Maji	19 Maji	30 Maji	5	27	1 Dec.	r
1908	e d	9	xxvii	16 Febr.	4 Mart.	19 Apr.	28 Maji	7 Junii	18 Junii	6	24	29 Nov.	H
1909	c	10	viii	7 Febr.	24 Febr.	11 Apr.	20 Maji	30 Maji	10 Junii	7	25	28 Nov.	n
1910	b	11	xix	23 Jan.	9 Febr.	27 Mart.	5 Maji	15 Maji	26 Maji	8	27	27 Nov.	u
1911	A	12	* xix	12 Febr.	1 Mart.	16 Apr.	25 Maji	4 Junii	15 Junii	9	25	3 Dec.	P
1912	g f	13	xi	4 Febr.	21 Febr.	7 Apr.	16 Maji	26 Maji	6 Junii	10	26	1 Dec.	l
1913	e	14	xxii	19 Jan.	5 Febr.	23 Mart.	1 Maji	11 Maji	22 Maji	11	28	30 Nov.	C
1914	d	15	iii	8 Febr.	25 Febr.	12 Apr.	21 Maji	31 Maji	11 Junii	12	25	29 Nov.	c
1915	c	16	xiv	31 Jan.	17 Febr.	4 Apr.	13 Maji	23 Maji	3 Junii	13	26	28 Nov.	p
1916	b A	17	25	20 Febr.	8 Mart.	23 Apr.	1 Junii	11 Junii	22 Junii	14	24	3 Dec.	F
1917	g	18	vi	4 Febr.	21 Febr.	8 Apr.	17 Maji	27 Maji	7 Junii	15	26	2 Dec.	f
1918	f	19	xxvii	27 Jan.	13 Febr.	31 Mart.	9 Maji	19 Maji	30 Maji	1	27	1 Dec.	s
1919	e	1	xxix	16 Febr.	5 Mart.	20 Apr.	29 Maji	8 Junii	19 Junii	2	24	30 Nov.	N
1920	d c	2	x	1 Febr.	18 Febr.	4 Apr.	13 Maji	23 Maji	3 Junii	3	26	28 Nov.	k
1921	b	3	xxi	23 Jan.	9 Febr.	27 Mart.	5 Maji	15 Maji	26 Maji	4	27	27 Nov.	B
1922	A	4	ii	12 Febr.	1 Mart.	16 Apr.	25 Maji	4 Junii	15 Junii	5	25	3 Dec.	b
1923	g	5	xiii	28 Jan.	14 Febr.	1 Apr.	10 Maji	20 Maji	31 Maji	6	27	2 Dec.	n
1924	f e	6	xxiv	17 Febr.	5 Mart.	20 Apr.	29 Maji	8 Junii	19 Junii	7	24	30 Nov.	E
1925	d	7	v	8 Febr.	25 Febr.	12 Apr.	21 Maji	31 Maji	11 Junii	8	25	29 Nov.	e
1926	c	8	xvi	31 Jan.	17 Febr.	4 Apr.	13 Maji	23 Maji	3 Junii	9	26	28 Nov.	r
1927	b	9	xxvii	13 Febr.	2 Mart.	17 Apr.	26 Maji	5 Junii	16 Junii	10	24	27 Nov.	H
1928	A g	10	viii	5 Febr.	22 Febr.	8 Apr.	17 Maji	27 Maji	7 Junii	11	26	2 Dec.	h
1929	f	11	xix	27 Jan.	13 Febr.	31 Mart.	9 Maji	19 Maji	30 Maji	12	27	1 Dec.	u
1930	e	12	* xix	16 Febr.	5 Mart.	20 Apr.	29 Maji	8 Junii	19 Junii	13	24	30 Nov.	P
1931	d	13	xi	1 Febr.	18 Febr.	5 Apr.	14 Maji	24 Maji	4 Junii	14	26	29 Nov.	I
1932	c b	14	xxli	24 Jan.	10 Febr.	27 Mart.	5 Maji	15 Maji	26 Maji	15	27	27 Nov.	C
1933	A	15	iii	12 Febr.	1 Mart.	16 Apr.	25 Maji	4 Junii	15 Junii	1	25	3 Dec.	c
1934	g	16	xiv	28 Jan.	14 Febr.	1 Apr.	10 Maji	20 Maji	31 Maji	2	27	2 Dec.	P
1935	f	17	25	17 Febr.	6 Mart.	21 Apr.	30 Maji	9 Junii	20 Junii	3	24	1 Dec.	F
1936	e d	18	vi	9 Febr.	26 Febr.	12 Apr.	21 Maji	31 Maji	11 Junii	4	25	29 Nov.	f
1937	c	19	xxvii	24 Jan.	10 Febr.	28 Mart.	6 Maji	16 Maji	27 Maji	5	27	28 Nov.	s
1938	b	1	xxix	13 Febr.	2 Mart.	17 Apr.	26 Maji	5 Junii	16 Junii	6	24	27 Nov.	N
1939	A	2	x	5 Febr.	22 Febr.	9 Apr.	18 Maji	28 Maji	8 Junii	7	26	3 Dec.	k
1940	g f	3	xxi	21 Jan.	7 Febr.	24 Mart.	2 Maji	12 Maji	23 Maji	8	28	1 Dec.	B
1941	e	4	ii	9 Febr.	26 Febr.	13 Apr.	22 Maji	1 Junii	12 Junii	9	25	30 Nov.	b
1942	d	5	xiii	1 Febr.	18 Febr.	5 Apr.	14 Maji	24 Maji	4 Junii	10	26	29 Nov.	n
1943	c	6	xxiv	21 Febr.	10 Mart.	25 Apr.	3 Junii	13 Junii	24 Junii	11	23	28 Nov.	E
1944	b A	7	v	6 Febr.	23 Febr.	9 Apr.	18 Maji	28 Maji	8 Junii	12	26	3 Dec.	e
1945	g	8	xvi	28 Jan.	14 Febr.	1 Apr.	10 Maji	20 Maji	31 Maji	13	27	2 Dec.	r
1946	f	9	xxvii	17 Febr.	6 Mart.	21 Apr.	30 Maji	9 Junii	20 Junii	14	24	1 Dec.	H
1947	e	10	viii	2 Febr.	19 Febr.	6 Apr.	15 Maji	25 Maji	5 Junii	15	26	30 Nov.	h

KALENDARIUM.

Cyclus Epact.	L. D.	D. M.	Mensis.	Cyclus Epact.	L. D.	D. M.	Mensis.
Januarius.							
				xxv. xxiv.	A Non.	5	S. Agathæ Virg. et Mart. dupl.
				xxiii	b viii	6	S. Titi Episc. et Conf. dnpl. commun.
							S. Dorotheæ Virg. et Mart.
* xxix	A iv	2	Circumcisio Domini. dupl. 2. class.	xxii	c vii	7	S. Romualdi Abbatis, dupl.
	b iv	2	Octava S. Stephani, dupl. comm.	xxi	d vi	8	S. Joannis de Matha Conf. dupl.
			Octavarum.	xx	e v	9	S. Cyrilli Episc. Alexandrini, Cf. et Eccl. Doct. duplex, commemor.
xxviii	c iii	3	Octava S. Joannis Apost. et Evang. dupl. conf. Oct. Ss. Innocentium.				S. Apolloniæ Virg. et Mart.
xxvii	d Prid.	4	Octava Ss. Innocentium Mm. dupl.	xix	f iv	10	S. Scholasticæ Virg. dupl.
xxvi	e Non.	5	Vigilia Epiph., semidupl. cum commemor. S. Telesphori Pap. et Mart.	xviii	g iii	11	
			Epiphania Domini. dupl. 1. class.	xvii	A Prid.	12	
25. xxv	f viii	6	De Octava Epiphaniæ.	xvi	b Idib.	13	
xxiv	g vii	7	De Octava.	xv	c xvi	14	S. Valentini Presb. et Mart.
xxiii	A vi	8	De Octava.	xiv	d xv	15	Ss. Faustini et Jovitæ Mm.
xxii	b v	9	De Octava.	xiii	e xiv	16	
xxi	c iv	10	De Octava.	xii	f xiii	17	
xx	d iii	11	De Octava, comm. S. Hygini Papæ et Mart.	xi	g xii	18	S. Simeonis Episc. et Mart.
			De Octava.	x	A xi	19	
xix	e Prid.	12	De Octava.	ix	b x	20	
xviii	f Idib.	13	Octava Epiphaniæ, duplex.	viii	c ix	21	
			Domin. 11. post Epiph. Ss. Nominis Jesu, dupl. 2. class., comm. Dominicæ.	vii	d viii	22	Cathedra S. Petri Antiochiæ, duplex majus.
xvii	g xix	14	S. Hilarii Ep. Conf. et Eccl. Doct. dupl. comm. S. Felicis Presbyteri et Mart.	vi	e vii	23	S. Petri Damiani Episc. Conf. et Eccl. Doct. duplex, comm. Vigil. S. Mathiæ.
			S. Pauli primi Eremitæ Confess. dupl. comm. S. Mauri Abbatis.	v	f vi	24	S. Mathiæ Apostoli, dupl. 2. cl.
xvi	A xviii	15	S. Marcelli I. Papæ et Mart. semiduplex.	iv	g v	25	
xv	b xvii	16	S. Antonii Abbatis, duplex.	iii	A iv	26	
xiv	c xvi	17	Cathedra S. Petri Romæ, duplex maj. commemor. S. Priscæ Virg. et Mart.	ii	b iii	27	
xiii	d xv	18	Canuti Regis Mart. semidupl. ad libitum, commemor. Ss. Marii et Soc. Mm.	i	c Prid.	28	
xii	e xiv	19	Ss. Fabiani Papæ et Sebastiani Mm. duplex.				
xi	f xiii	20	S. Agnetis Virg. et Mart. dupl.				
x	g xii	21	Ss. Vincentii et Anastasii Mm. semiduplex.				
ix	A xi	22	S. Raymundi de Peñafort Conf. semidupl. commemor. S. Emcrentianæ Virg. et Mart.				
viii	b x	23	S. Timothei Ep. et Mart. dupl.				
vii	c ix	24	Conversio S. Pauli Ap., dupl. maj.				
vi	d viii	25	S. Polycarpi Ep. et Mart. dupl.				
v	e vii	26	S. Joannis Chrysostomi Ep. Conf. et Eccl. Doct. dupl.				
iv	f vi	27	S. Agnetis Secundo.				
iii	g v	28	S. Francis Salesii Ep. Conf. et Eccl. Doct. dupl.				
ii	A iv	29	S. Martine Virg. et Mart. semid.				
i	b iii	30	S. Petri Nolasco Conf. dupl.				
	c Prid.	31					
Februarius.							
xxix	d Kal.	1	S. Ignatii Episc. et Mart. dupl.	xxiii	d viii	8	S. Joannis de Deo Conf. dupl.
xxviii	e iv	2	Purificatio B. Mariæ V. dupl. 2. cl.	xxii	e vii	9	S. Franciscæ Romanæ Vid., dupl.
xxvii	f iii	3	S. Blasii Episc. et Mart.	xxi	f vi	10	Ss. Quadraginta Mm. semidupl.
25. xxvi	g Prid.	4	S. Andrea Corsini Ep. Cf. dupl.	xx	g v	11	
				xix	A iv	12	S. Gregorii I. Papæ, Conf. et Eccl. Doct. duplex.
				xviii	b iii	13	
				xvii	c Prid.	14	
				xvi	d Idib.	15	
				xv	e xvii	16	
				xiv	f xvi	17	S. Patritii Ep. et Conf. dupl.

In anno bissextili mensis Febr. est dierum 29. et festum S. Mathiæ celebratur die 25. Febr. et bis dicitur sexto Kalendas, id est die 24. et die 25. et littera Dominicalis, quæ assumpta fuit in mense Januario, mutatur in præcedentem; ut si in Januario littera Dominicalis fuerit A, mutatur in præcedentem, quæ est g. etc.; et littera f. bis servit, 24. et 25.

Martius.

Cyclus Epact.	L.D.	D.M.	Mensis.	Cyclus Epact.	L.D.	D.M.	Mensis.
xliii	g	xv	18 S. Cyrilli Episc. Hierosolymitani, Conf. et Eccl. Doct. duplex.				
xlii	A	xiv	19 S. Joseph Conf., Sponsi B. M. V. duplex 1. classis.				Majus.
xi	b	xliii	20 S. Benedicti Abbatis, dupl. maj.	xxviii	b	Kal.	1 Ss. Philippi et Jacobi Ap. dupl. 2. classis.
x	c	xli		xxvii	c	vi	2 S. Athanasii Episc., Conf. et Eccl. Doct. duplex.
ix	d	xi		xxvi	d	v	3 Inventio S. Crucis, dupl. 2. class., comm. Ss. Alexandri I. Papæ et Soc. Mm., ac S. Juvenalis Episc. et Conf.
viii	e	x					
vii	f	ix		25. xxv	e	iv	4 S. Monicæ Viduæ, duplex.
vi	g	viii	Annuntiatio B. M. V. dupl. 2. cl.	xxiv	f	iii	5 S. Pii V. Papæ et Conf. dupl.
v	A	vii		xxiii	g	Prid.	6 S. Joannis ante portam Latinam, duplex majus.
iv	b	vi		xxii	A	Non.	7 S. Stanislai Episc. et Mart. dupl.
iii	c	v		xxi	b	viii	8 Apparitio S. Michaelis Archang., duplex majus.
ii	d	iv		xx	c	vii	9 S. Gregorii Nazianzeni Ep., Conf. et Eccl. Doct. duplex.
i	e	iii		xix	d	vi	10 S. Antonini Episc. et Conf. dupl. comm. Ss. Gordiani et Epima- chi Mm.
*	f	Prid.	31 FERIA VI. post Domin. Passionis. Septem Dolorum B. M. V. dupl. majus, comm. Feriæ.				
Aprilis.				xxviii	e	v	11 Ss. Nerei, Achillei et Domitillæ Vg., atque Pancratii Mm. semid.
xxix	g	Kal.	1 S. Francisci de Paula Conf. dupl.	xvii	f	iv	12 S. Bonifacii Mart.
xxviii	A	iv	2 S. Isidori Episc., Conf. et Eccl. Doct. duplex.	xvi	g	iii	13 S. Ubaldi Episc. et Conf. semid.
xxvii	b	iii	3 S. Vincentii Ferrerii Conf. dupl.	xv	A	Prid.	14 S. Paschalis Baylon Conf. dupl.
25. xxvi	c	Prid.	4 S. Leonis I. Papæ, Conf. et Eccl. Doct. duplex.	xiv	b	Idib.	15 S. Venantii Mart. duplex.
xxv. xxiv.	d	Non.	5 S. Hermenegildi Mart. semidupl.	xiii	c	xvii	16 S. Petri Cœlestini Papæ et Conf. dupl. comm. S. Pudentiæ Virg.
xxiii	e	viii	6 S. Justini Mart. duplex, commem.	xii	d	xvi	17 S. Bernardini Senensis Cf. semid.
xxii	f	vii	7 S. Tiburtii, Valeriani et Maxi- mi Mm.	xi	e	xv	18 S. Gregorii VII. Papæ et Cf. dupl. comm. S. Urbani I. Pp. et Mart.
xxi	g	vi	8 S. Aniceti Papæ et Mart.	x	f	xiv	19 S. Philippi Neri Cf. dupl. comm. S. Eleutherii Papæ et Mart.
xx	A	v					
xix	b	iv		ix	g	xiii	20 S. Mariæ Magdalænæ de Pazzis Virg. semidupl. comm. S. Joan- nis Papæ et Mart.
xviii	c	iii		viii	A	xii	21 S. Augustini Ep. et Conf. dupl.
xvii	d	Prid.	12 S. Anselmi Episc., Conf. et Eccl. Doct. duplex.	vii	b	xi	22 S. Felicis I. Papæ et Mart.
xvi	e	Idib.	13 Ss. Soteris et Caji Pont. et Mm. semiduplex.	vi	c	x	23 S. Angelæ Mericiæ Virg. duplex comm. S. Petronillæ Virg.
xv	f	xviii	14 S. Georgii Mart. semiduplex.	v	d	ix	24 FERIA VI. post Octavam Ss. Cor- poris Christi. Sacrat. Cordis Jesu, dupl. maj.
xiv	g	xvii	15 S. Fidelis a Sigmaringa Martyris duplex.	iv	e	viii	25 S. Gregorii VII. Papæ et Cf. dupl. comm. S. Urbani I. Pp. et Mart.
xiii	A	xvi	16 S. Marci Evang., dupl. 2. classis.	iii	f	vii	26 S. Philippi Neri Cf. dupl. comm. S. Eleutherii Papæ et Mart.
xii	b	xv	17 Ss. Cleti et Marcellini Pont. et Mm. semiduplex.	ii	g	vi	27 S. Mariæ Magdalænæ de Pazzis Virg. semidupl. comm. S. Joan- nis Papæ et Mart.
xi	c	xiv	18 S. Pauli a Cruce Conf. dupl., com- mem. S. Vitalis Martyris.	i	A	v	28 S. Augustini Ep. et Conf. dupl.
x	d	xiii	19 S. Petri Mart. duplex.	*	b	iv	29 S. Felicis I. Papæ et Mart.
ix	e	xii	20 S. Catharinæ Senensis Virginis, duplex.	xxix	c	iii	30 S. Angelæ Mericiæ Virg. duplex comm. S. Petronillæ Virg.
viii	f	xi	21 Domin. III. post Pascha. Patro- cিনি S. Joseph Conf., Sponsi B. M. V. dupl. 2. class. comm. Dominicæ.	xxviii	d	Prid.	31 FERIA VI. post Octavam Ss. Cor- poris Christi. Sacrat. Cordis Jesu, dupl. maj.
vii	g	x					
vi	A	ix		xxvii	e	Kal.	1 Ss. Marcellini, Petri, atque Erasmi Martyrum.
v	b	viii		25. xxvi	f	iv	2 S. Francisci Caracciolo Cf. dupl.
iv	c	vii		xxv. xxiv.	g	iii	3 S. Bonifacii Ep. et Mart. dupl.
iii	d	vi		xxiii	A	Prid.	4 S. Norberti Ep. et Conf. dupl.
ii	e	v		xxii	b	Non.	5 S. Primi et Feliciani Mm.
i	f	iv		xxi	c	viii	
*	g	iii		xx	d	vii	
xxix	A	Prid.	30	xix	e	vi	
				xviii	f	v	

Cyclus Epact.	L.D.	D.M.	Mensis.	Cyclus Epact.	L.D.	D.M.	Mensis.
xvii	g	iv	10 S. Margaritæ Reginae Scotiæ Vi- duæ, semiduplex.	ix	c	xv	18 S. Camilli de Lellis Conf. duplex comm. Ss. Symphorosæ et se- ptem Filiorum ejus Mm.
xvi	A	iii	11 S. Barnabæ Apost. dupl. maj.	viii	d	xiv	19 S. Vincentii a Paulo Conf. dupl.
xv	b	Prid.	12 S. Joannis a S. Facundo Cf. dupl. comm. Ss. Basilidis et Soc. Mm.	vii	e	xiii	20 S. Hieronymi Æmiliani Cf. dupl. comm. S. Margaritæ Virg. et M.
xiv	c	Idib.	13 S. Antonii de Padua Conf. dupl.	vi	f	xii	21 S. Praxedis Virginis.
xiii	d	xviii	14 S. Basilii Magni Ep., Cf. et Eccl. Doct. duplex.	v	g	xi	22 S. Mariæ Magdalænæ Pœnitent. duplex.
xii	e	xvii	15 Ss. Viti, Modesti, atque Crescen- tiæ Martyrum.	iv	A	x	23 S. Apollinaris Ep. et Mart. dupl. comm. S. Liborii Ep. Conf.
xi	f	xvi	16	iii	b	ix	24 Vigilia, comm. S. Christinæ Virg. et Mart.
x	g	xv	17	ii	c	viii	25 S. Jacobi Apost. dupl. 2. classis, comm. S. Christophori Mart.
ix	A	xiv	18 Ss. Marci et Marcelliani Mm.	i	d	vii	26 S. Annæ Matris B. M. V., duplex 2. classis.
viii	b	xiii	19 S. Julianæ de Falconeriis Virg. dupl. comm. Ss. Gervasii et Pro- tasii Martyrum.	*	e	vi	27 S. Pantalconis Mart.
vii	c	xii	20 S. Silverii Papæ et Mart.	xxix	f	v	28 Ss. Nazarii, Celsi, Victoris I. Pap. Mm., ac Innocentii I. Papæ et Conf. semidupl.
vi	d	xi	21 S. Aloysii Gonzagæ Conf. dupl.	xxviii	g	iv	29 S. Marthæ Virg. semidupl. comm. Ss. Felicis II. Papæ, et Simpli- ci, Faustini et Beatrix Mm.
v	e	x	22 S. Paulini Episc. et Conf.	xxvii	A	iii	30 Ss. Abdon et Sennen Mm.
iv	f	ix	23 Vigilia.	25. xxvi	b	Prid.	31 S. Ignatii de Lojola Conf. dupl.
iii	g	viii	24 Nativitas S. Joannis Baptistæ. dupl. 1. class.				
ii	A	vii	25 S. Gulielmi Abbatis, dupl. comm. Octavæ.				
i	b	vi	26 Ss. Joannis et Pauli Mm. duplex comm. Octavæ.				
*	c	v	27 De Oct. Nativ. S. Joannis, semi- duplex.				
xxix	d	iv	28 S. Leonis II. Papæ et Conf. semid. comm. Oct. et Vigil.				
xxviii	e	iii	29 Ss. Petri et Pauli Ap. dupl. 1. cl.				
xxvii	f	Prid.	30 Commemoratio S. Pauli Apost. dupl. maj., comm. Octav. Nativ. S. Joannis.				
Julius.				xxv. xxiv.	c	Kal.	1 S. Petri ad Vincula, duplex majus, comm. Ss. Machabæorum Mm.
				xxiii	d	iv	2 S. Alphonsi Mariæ de Ligorio Ep., Conf. et Eccl. Doct. dupl., comm. S. Stephani I. Papæ et Mart.
Domin. I. Julii. Pretios. Sanguinis D. N. J. C. dupl. 2. cl. commem. Dom.				xxii	e	iii	3 Inventio S. Stephani Protomarty- ris, semidupl.
				xxi	f	Prid.	4 S. Dominici Conf. dupl. maj.
xxvi	g	Kal.	1 Octava S. Joannis Baptistæ, dupl. comm. Oct. Ss. Apost.	xx	g	Non.	5 Dedicatio S. Mariæ ad Nives, du- plex majus.
25. xxv	A	vi	2 Visitatio B. M. V. dupl. 2. cl. comm. Ss. Mart. Processi et Martiniani.	xix	A	viii	6 Transfiguratio D. N. J. C. duplex majus, comm. Ss. Xysti II. Papæ, Felicissimi et Agapiti Martyrum.
xxiv	b	v	3 De Octava Ss. Apost. semidupl.	xviii	b	vii	7 S. Cajetani Conf. dupl., comm. S. Donati Episc. et Mart.
xxiii	c	iv	4 De Octava.	xvii	c	vi	8 Ss. Cyriaci, Largi et Smaragdi Mm. semidupl.
xxii	d	iii	5 Ss. Cyrilli et Methodii Pont. et Conf. dupl., comm. Oct.	xvi	d	v	9 Vigilia, comm. S. Romani Mart.
xxi	e	Prid.	6 Octava Ss. Apost. Petri et Pauli, duplex.	xv	e	iv	10 S. Laurentii Mart. dupl. 2. class.
xx	f	Non.	7	xiv	f	iii	11 De Octava, semidupl. comm. Ss. Tiburtii et Susannæ Mm.
xix	g	viii	8 S. Elisabeth Reginae Portugalliæ Viduæ semiduplex.	xiii	g	Prid.	12 S. Claræ Virg. dupl. comm. Oct.
xviii	A	vii	9	xii	A	Idib.	13 De Octava, semidupl. comm. Ss. Hippolyti et Cassiani Mm.
xvii	b	vi	10 Ss. Septem Fratrum Martyrum et Ss. Rufinæ ac Secundæ Virg. et Mm. semidupl.	xi	b	xix	14 De Octava, semid. comm. Vigil. ac S. Eusebii Conf.
xvi	c	v	11 S. Pil I. Papæ et Mart.	x	c	xviii	15 Assumptio B. M. V. dupl. 1. class. Domin. infra Oct. Assumptionis. S. Joachim Cf., Patris B. M. V. dupl. 2. cl. comm. Dominicæ.
xv	d	iv	12 S. Joannis Gualberti Abb., dupl. comm. Ss. Naboris et Felicis Mm.	ix	d	xvii	16 S. Hyacinthi Conf. dupl., comm. Oct. Assumpt. et S. Laurentii.
xiv	e	iii	13 S. Anacleti Papæ et Mart. semid.	viii	c	xvi	17 Octava S. Laurentii Mart., dupl. comm. Octavæ Assumptionis.
xiii	f	Prid.	14 S. Bonaventuræ Ep., Cf. et Eccl. Doct. dupl.	vii	f	xv	18 De Octava, semidupl., comm. S. Agapiti Martyris.
xii	g	Idib.	15 S. Henrici Imperat. Conf. semid.	vi	g	xiv	19 De Octava.
xi	A	xvii	16 B. M. V. de Monte Carmelo, dupl. majus.				
x	b	xvi	17 S. Alexii Conf. semiduplex.				

Augustus.

Cyclus Epact.	L.D.	D.M.	Mensis.	Cyclus Epact.	L.D.	D.M.	Mensis.
v	A	xiii	20 S. Bernardi Abb., Conf. et Eccl. Doct. dupl., comm. Octav.	ii	f	x	22 S. Thomæ de Villanova Episc. et Conf. dupl., comm. Ss. Mauritii et Soc. Martyrum.
iv	b	xii	21 S. Joannæ Franciscæ Fremiot de Chantal Vid., dupl., comm. Oct.	i	g	ix	23 S. Lini Papæ et Mart. semidupl., comm. S. Theclæ Virg. et Mart.
iii	c	xi	22 Octava Assumpt. B. M. V., dupl. comm. Ss. Timothei et Soc. Mm.	*	A	viii	24 B. M. V. de Mercede, dupl. maj.
ii	d	x	23 S. Philippi Benitii Conf. duplex commem. Vigiliæ.	xxix	b	vii	25 Ss. Cypriani et Justinæ Virg. Mm.
i	e	ix	24 S. Bartholomæi Apost., dupl. 2. cl. (Romæ die 25.)	xxviii	c	vi	26 Ss. Cosmæ et Damiani Martyrum semiduplex.
*	f	viii	25 S. Ludovici Regis Conf. semidupl. (Romæ die 26.)	xxvii	d	v	27 S. Wenceslai Ducis Mart. semid.
xxix	g	vii	26 S. Zephyrini Papæ et Mart.	xxv. xxiv.	e	iv	28 Dedicatio S. Michaelis Archang., dupl. 2. class.
xxviii	A	vi	27 S. Josephi Calasactii Conf. dupl.	xxiii	f	iii	29 S. Hieronymi Presbyt., Conf. et Eccl. Doct. dupl.
xxvii	b	v	28 S. Augustini Episc., Conf. et Eccl. Doct. dupl., comm. S. Hermetis Martyris.		g	Prid.	30
xxvi	c	iv	29 Decollatio S. Joannis Bapt., dupl. maj., comm. S. Sabinæ Mart.				
25. xxv	d	iii	30 S. Rosæ Limanæ Virg., dupl. conf. Ss. Felicis et Adaucti Mm.				
xxiv	e	Prid.	31 S. Raymundi Nonnati Cf. dupl.				
September.				xxli	A	Kal.	1 S. Remigii Ep. et Conf. semid. ad libit., vel simplex de præcepto.
				xxl	b	vi	2 Ss. Angelorum Custodum, duplex majus.
xxiil	f	Kal.	1 S. Ægidii Abbatis, commem. Ss. duodecim Fratrum Mm.	xx	c	v	3
xxii	g	iv	2 S. Stephani Hungariæ Reg., Conf. semiduplex.	xix	d	iv	4 S. Francisci Conf. dupl. majus.
xxl	A	iii	3	xviii	e	iii	5 Ss. Placidi et Sociorum Mm.
xx	b	Prid.	4	xvii	f	Prid.	6 S. Brunonis Conf. dupl.
xix	c	Non.	5 S. Laurentii Justiniani Episc. et Conf. semidupl.	xvi	g	Non.	7 S. Marci Papæ et Conf. commem. Ss. Sergii et Soc. Mm.
xviii	d	viii	6	xv	A	viii	8 S. Birgittæ Viduæ, dupl.
xvii	e	vii	7	xiv	b	vii	9 Ss. Dionysii Ep., Rustici et Eleu- therii Mm. semidupl.
xvi	f	vi	8 Nativitas B. M. V. dupl. 2. class. comm. S. Adriani Mart.	xiii	c	vi	10 S. Francisci Borgiæ Conf. semid.
			Dominica infra Octavam Nativi- tatis B. M. V. Ss. Nominis ejus- dem B. M. V. dupl. maj., comm. Dominicæ.	xii	d	v	11
xv	g	v	9 De Octava, semidupl. commem. S. Gorgonii Mart.	xi	e	iv	12
xiv	A	iv	10 S. Nicolai de Tolentino Cf. dupl. comm. Octav.	x	f	iii	13 S. Eduardi Regis Conf. semidupl.
xiii	b	iii	11 De Octava, semidupl. comm. Ss. Proti et Hyacinthi Mm.	ix	g	Prid.	14 S. Callisti I. Papæ et Mart. dupl.
xii	c	Prid.	12 De Octava.	viii	A	Idib.	15 S. Teresiæ Virginis, dupl.
xi	d	Idib.	13 De Octava.	vii	b	xvii	16
x	e	xviii	14 Exaltatio S. Crucis, duplex majus, comm. Octav.	vi	c	xvi	17 S. Hedwigis Viduæ, semidupl.
ix	f	xvii	15 Octava Nativit. B. M. V. duplex, comm. S. Nicomedis Mart.	v	d	xv	18 S. Lucæ Evangelistæ, dupl. 2. cl.
			Domin. III. Sept. VII Dolorum B. M. V. dupl. maj., comm. Dom.	iv	e	xiv	19 S. Petri de Alcantara Conf. dupl.
viii	g	xvi	16 Ss. Cornelii et Cypriani Pont. Mart. semidupl. comm. Ss. Euphemie et Sociorum Mm.	iii	f	xiii	20 S. Joannis Cantii Conf. dupl.
vii	A	xv	17 Impressio Sacrorum Stigmatum S. Francisci Conf. dupl.	ii	g	xii	21 S. Hilarionis Abbatis, comm. Ss. Ursulæ et Soc. Virg. et Mm.
vi	b	xiv	18 S. Josephi a Cupertino Cf. dupl.	i	A	xi	22
v	c	xiii	19 Ss. Januarii Episc. et Socior. Mm., duplex.	*	b	x	23
iv	d	xii	20 Ss. Eustachii et Sociorum Mm. dupl. commem. Vigiliæ.	xxix	c	ix	24 Ss. Chrysanthi et Dariæ Mm.
iii	e	xi	21 S. Matthæi Apost. et Evang. dupl. 2. classis.	xxviii	d	viii	25 S. Evaristi Papæ et Mart. Vigilia.
				xxvii	e	vii	26 Ss. Simonis et Judæ Apostolor. dupl. 2. class.
				xxvi	f	vi	27
				25. xxv	g	v	28
				xxiv	A	iv	29
				xxiii	b	iii	30
				xxii	c	Prid.	31
October.							
November.				Vigilia.			
				xxi	d	Kal.	1 Omnium Sanctorum, dupl. 1. cl.
				xx	e	iv	2 De Octava, semidupl. Commem. Omnium Fidelium Defuncto- rum, sub ritu duplici.
				xix	f	iii	3 De Octava.

Cyclus Epact.	L. D.	D. M.	Mensis.	Cyclus Epact.	L. D.	D. M.	Mensis.
xviii	g	Prid.	4 S. Caroli Ep. Conf. dupl. comm. Octavæ, et Ss. Vitalis et Agri- colæ Martyrum.	xvii	b	Prid.	4 S. Petri Chrysologi Episc., Conf. et Eccl. Doct. dupl., commem. S. Barbaræ Virg. et Mart.
xvii	A	Non.	5 De Octava.	xvi	c	Non.	5 S. Sabbæ Abbatis commem.
xvi	b	viii	6 De Octava.	xv	d	viii	6 S. Nicolai Episc. et Conf. dupl.
xv	c	vii	7 De Octava.	xiv	e	vii	7 S. Ambrosii Episc., Conf. et Eccl. Doct. dupl., Vigilia.
xiv	d	vi	8 Octava Omnium Sanctorum dupl., comm. Ss. Quatuor Coronato- rum Martyrum.	xiii	f	vi	8 Immaculata Conceptio B. M. V. dupl. 1. class.
xiii	e	v	9 Dedicatio Basilicæ Ss. Salvatoris dupl. comm. S. Theodori Mart.	xii	g	v	9 De Octava, semiduplex.
xii	f	iv	10 S. Andreae Avellini Conf. duplex comm. Ss. Tryphonis et Soc. Martyrum.	xi	A	iv	10 De Octava, comm. S. Melchiadis Papæ et Martyris.
xi	g	iii	11 S. Martini Episc. et Conf. duplex, comm. S. Mennæ Mart.	x	b	iii	11 S. Damasi I. Papæ et Cf. semid. commem. Octavæ.
x	A	Prid.	12 S. Martini I. Pap. et Mart. semid.	ix	c	Prid.	12 De Octava.
ix	b	Idib.	13 S. Didaci Conf. semidupl.	viii	d	Idib.	13 S. Lucie Virg. et Mart. duplex, commem. Octavæ.
viii	c	xviii	14 S. Josaphat Episc. et Mart. dupl.	vii	e	xix	14 De Octava.
vii	d	xvii	15 S. Gertrudis Virg. dupl.	vi	f	xviii	15 Octava Immac. Concept. B. M. V. duplex.
vi	e	xvi	16 S. Gregorii Thaumaturgi Ep. et Conf. semidupl.	v	g	xvii	16 S. Eusebii Episc. et Mart. semi- duplex.
v	f	xv	17 Dedicatio Basilicarum Ss. Petri et Pauli Apost. dupl.	iv	A	xvi	17
iv	g	xiv	18 S. Elisabeth Viduæ, dupl., comm. S. Pontiani Papæ et Mart.	iii	b	xv	18
iii	A	xiii	19 S. Felicis de Valois Conf. dupl.	ii	c	xiv	19
ii	b	xii	20 Præsentatio B. M. V. dupl. maj.	i	d	xiii	20
i	c	xi	21 S. Cæcilie Virg. et Mart. dupl.	*	e	xii	21 S. Thomæ Apost. dupl. 2. class.
*	d	x	22 S. Clementis I. Pap. et Mart. dupl., comm. S. Felicitatis Mart.	xxix	f	xi	22
xxix	e	ix	23 S. Joannis a Cruce Conf. duplex, comm. S. Chrysogoni Mart.	xxviii	g	x	23
xxviii	f	viii	24 S. Catharinæ Virg. et Mart. dupl.	xxvii	A	ix	24
xxvii	g	vii	25 S. Petri Alexandrini Ep. et Mart.	xxvi	b	viii	25
25. xxvi	A	vi	26 Vigilia, et commem. S. Saturnini Martyris.	25. xxv	c	vii	25
xxv. xxiv	b	v	27 S. Andreae Apost. dupl. 2. class.	xxiv	d	vi	26
xxiii	c	iv	28	xxiii	e	v	27
xxii	d	iii	29	xxii	f	iv	28
xxi	e	Prid.	30	xxi	g	iii	29
xx	f	Kal.	1	19. xx	A	Prid.	30
xix	g	iv	2 S. Bibianæ Virg. et Mart. semid.				31
xviii	A	iii	3 S. Francisci Xaverii Conf. dupl.				

December.

Hæc Epacta 19. nigra numquam
est in usu, nisi quando eodem anno
concurrit cum Aureo numero **xix**.



RUBRICÆ GENERALES BREVIARII.

Officium quotidie fit aut Duplex, aut Semiduplex, aut Simplex.

I. De Officio Duplici.



fficiū fit Duplex in diebus a Feria quinta in Cœna Domini usque ad Feriam tertiam Paschæ inclusive, in Dominica in Albis, in Ascensione Domini, in Dominica Pentecostes, et duobus diebus sequentibus: in Festo Trinitatis, Corporis Christi, et Dedicationis propriæ Ecclesiæ: in Festis, quibus in Calendario apponitur hæc vox Duplex: in die octava Festi habentis octavam: in festo Patroni unius vel plurium alicujus loci, vel Titularis Ecclesiæ; et in Festis Sanctorum, qui apud quasdam Ecclesias, Religiones, vel Congregationes consueverunt solemniter celebrari, cum Officiis propriis a Sede Apostolica approbatis, aut ex ejusdem Sedis auctoritate receptis, vel recipiendis (servata tamen forma hujus Breviarii) alioquin de Communi, etiam si prædicta Festa in hoc Calendario non sint descripta. Præterea Officium fit Duplex pro Defunctis in Commemoratione omnium fidelium Defunctorum, et in die obitus, seu depositionis Defuncti, ut in eodem Officio dicitur, circa finem Breviarii.

2. Festum duplex celebratur aut de eodem fit commemoratio, eo die quo cadit, nisi illud contingat transferri, ut dicitur in Rubrica de Translatione Festorum.

3. Habet primas et secundas Vesperas integras, nisi cum alio simili concurrat, ut dicitur in Rubrica de concurrentia Officii, et totum Officium fit de Duplici, incipiendo a primis Vesperis, usque ad Completorium sequentis diei inclusive: nisi aliter in propriis locis assignetur. Officium autem Defunctorum habet tantum primas Vesperas, Matutinum et Laudes, ut circa finem Breviarii ponitur.

4. In utrisque Vesperis, Matutino et Laudibus tantum, non autem in aliis Horis, duplicantur Antiphonæ, id est, integræ dicuntur in principio et in fine Psalmorum.

5. Ad Matutinum regulariter dicuntur tres Nocturni, cum novem Psalmis; et totidem Lectionibus, hoc est, in unoquoque Nocturno tres Psalmi, et tres Lectiones, præterquam in Paschate Resurrectionis et Pentecostes cum duobus sequentibus diebus, in quibus dicitur unum tantum Nocturnum cum tribus Psalmis, et totidem Lectionibus, ut ibidem ponitur.

6. Preces ad Primam et Completorium et Suffragia de Sancta Maria, Sancto Joseph, Apostolis et Pace, ad Vesperas et Laudes non dicuntur in Officio Duplici, ut etiam in propriis eorum Rubricis dicitur.

7. Quomodo sit ordinandum Officium Duplex in Vesperis, Matutino et ceteris Horis: similiter et de Antiphonis, Responsoriis, Versibus, Capitulis et aliis in eo dicendis, habentur inferius de singulis propriæ Rubricæ.

II. De Officio Semiduplici.

Officiū fit Semiduplex diebus Dominicis (excepta Dominica in Albis, in qua fit Duplex): et diebus infra Octavas: item in Festis, quibus in Calendario ponitur hæc vox, Semiduplex, et in Festis propriis quorundam locorum, seu Congregationum, quæ solemnius apud illas, quam Simplicia, consueverunt celebrari.

2. De Festo Semiduplici fit eo die quo cadit, aut de illo ponitur Commemoratio, ut dicitur in Rubrica de Translatione Festorum.

3. Habet totum Officium integrum, sicut Duplex, sed non duplicantur Antiphonæ.

4. Ad Matutinum dicuntur tres Nocturni, præterquam infra Octavas Paschæ et Pentecostes, in quibus dicitur unum Nocturnum cum tribus Psalmis et totidem Lectionibus. Et regulariter quando dicuntur tres Nocturni, dicuntur novem Psalmi et totidem Lectiones; exceptis iis Dominicis, in quibus fit Officium ut in Psalterio, quæ habent xviii Psalmos, ut ibi.

5. Quomodo sit ordinandum Officium Semiduplex tam in Festis, quam in Dominicis et infra Octavas, item et de Antiphonis, Versibus, Responsoriis et hujusmodi aliis, et quando in Semiduplici dicantur Preces ad Primam et Completorium, et Suffragia de Sanctis ad Vesperas et Laudes, habentur inferius de singulis propriæ Rubricæ.

III. De Officio Simplici.

Officiū fit Simplex in diebus ferialibus, quando occurrit fieri de Feria: item in Festis, quibus in Calendario non apponitur hæc vox, Duplex, vel Semiduplex, vel de Octava: item quando fit de beata Maria in Sabbato, ut in ejus Rubrica dicitur.

2. De Festo Simplici fit eo die quo cadit; nisi eodem die occurrat fieri Officium novem Lectionum, vel de sancta Maria in Sabbato, vel de aliquibus Feriis, quibus Festum Simplex cedit, ut dicitur in Rubricis de Feriis et de Commemorationibus.

3. Habet tantum primas Vesperas, in quibus dicuntur Psalmi FERIALES, et a Capitulo fit de Festo, nisi cum eo concurrat Officium novem Lectionum, quia tunc de eo fit sola commemoratio, ut dicitur in Rubrica de concurrentia Officii: et ejus Officium terminatur ad Nonam, et nihil amplius fit de eo, nec commemoratio.

4. Ad Matutinum post Invitatorium et Hymnum de Festo, dicitur unum tantum Nocturnum cum duodecim Psalmis, ut in Psalterio, secundum Feriam quæ occurrit; et tres Lectiones leguntur, ut infra in Rubrica de Lectionibus habetur.

5. Quomodo sit ordinandum Officium Simplex ad Vesperas, Matutinum et alias Horas; item et de Antiphonis, Versibus, Responsoriis et aliis, ac quando Preces, et Suffragia de Sanctis dicenda sint, habentur inferius propriæ Rubricæ.

IV. De Dominicis.

De Dominica semper fit Officium in Dominicis Adventus, et in Dominicis a Septuagesima usque ad Dominicam in Albis inclusive, quocumque Festo Duplici vel Semiduplici adveniente: quia tunc Festum transfertur, aut de eo fit Commemoratio (ut in Rubrica de Translatione Festorum dicitur), nisi illud Festum sit de principali Titulo vel Patrono alicujus Ecclesiæ vel loci, aut Dedicatione propriæ Ecclesiæ; quia tunc de hujusmodi Festo fit tantum in Ecclesia vel loco, cujus est Titulus vel Patronus vel Dedicatione, cum commemoratione Dominicæ; quibusdam Dominicis exceptis, ut dicitur in Rubrica de Commemorationibus. Id pariter servatur quoad alia Festa primæ classis, in prædictis Dominicis occurrentia. In aliis Dominicis per annum fit de Dominica, quando in eis non occurrit Festum Duplex; quia tunc fit de Duplici cum commemoratione Dominicæ in utrisque Vesperis et Laudibus, et ad Matutinum legitur nona Lectio de Homilia Dominicæ, ut dicitur in Rubrica de Commemorationibus. Si Semiduplex eodem die occurrat, de eo fit commemoratio, ut pariter dicitur in Rubrica de Commemorationibus.

2. De Dominica infra Octavas Nativitatis, Epiphaniæ, Ascensionis et Corporis Christi occurrenti, Officium fit sicut infra Octavam, et in Proprio de Tempore, cum commemoratione Octavæ et sine Precibus et Suffragiis Sanctorum. In Dominicis vero, quæ occurrunt infra alias Octavas, totum Officium fit de Dominica, ut in Psalterio et in Proprio de Tempore, cum commemoratione Octavæ, omissis etiam dictis Precibus et Suffragiis, ut supra. De Dominica occurrente in die Octava fit commemoratio, sicut dictum est, quando in ea fit de Festo Duplici, præterquam in die Octava Epiphaniæ, in qua nihil fit de Dominica, quia ejus Officium ponitur in Sabbato præcedenti.

3. Positum est autem Officium sex Dominicarum post Epiphaniam, et vigintiquatuor post Pentecosten, ut compleatur numerus triginta Dominicarum, quæ esse possunt ab Epiphania usque ad Septuagesimam, et a Pentecoste usque ad Adventum; ne ulla ex his Dominicis vacet, quin saltem de ea fiat commemoratio. Nam quæ aliquando supersunt post Epiphaniam ante Septuagesimam, ponuntur post xxiii. a Pentecoste, hoc ordine:

4. Si Dominicæ post Pentecosten fuerint xxv, Dominica xxiv. post Pentecosten erit quæ est vi. post Epiphaniam. Si fuerint xxvi, Dominica xxiv. erit quæ est v.; et xxv. quæ est vi. Si fuerint xxvii, Dominica xxiv. erit quæ est iv.; et xxv. quæ est v., et xxvi. erit vi. Si fuerint xxviii, Dominica xxiv. erit iii.; et xxv. erit iv., et xxvi. erit v., et xxvii. erit vi.; et ultimo loco semper ponitur, quæ in ordine est xxiv. post Pentecosten, etiamsi post Pentecosten aliquando non sint nisi xxiii. Dominicæ. Tunc enim xxiv. ponitur loco xxiii., et Officium xxiii. ponitur in præcedenti Sabbato, quod non sit impeditum Festo novem Lectionum; alioquin in alia præcedenti die similiter non impedita, in qua fiat Officium de Feria, cum commemoratione Festi Simplicis, si occurrat; et in ea legantur tres Lectiones de Homilia Domi-

nica, omissis Lectionibus Scripturæ illius Feriæ: et in Laudibus dicatur Antiphona ad Benedictus, et Oratio de Dominica xxiii. Quod si tota Hebdomada impedita sit Festis novem Lectionum, etiam translatis, vel aliqua Octava, tunc in Sabbato legatur nona Lectio de Homilia Dominicæ xxiii., et de ea fiat commemoratio in Laudibus tantum, cum Antiphona et Oratione propria.

5. Cum vero interdum contingat, ut Dominica tertia, vel quarta, vel quinta, vel sexta post Epiphaniam supersit, nec possit poni etiam post xxiii. a Pentecoste, tunc de ea fit Officium in Sabbato ante Dominicam Septuagesimæ, ut dictum est supra, numero præcedenti.

6. De Dominica secunda post Epiphaniam, quando Septuagesima venerit immediate post Octavam Epiphaniæ, quomodo agendum sit Officium, habetur in propria Rubrica ante Dominicam I. post Epiphaniam.

7. Cum autem in Proprio de Tempore dicitur aliqua Dominica esse prima mensis, in qua primo ponitur initium libri de Scriptura cum sua historia, id est, cum Responsoriis, animadvertendum est, eam dici primam Dominicam mensis, quæ venit in Kalendis illius mensis, vel est proximior Kalendis, hoc modo. Si Kalendæ venerint in secunda, et tertia, et quarta Feria, Dominica prima mensis erit quæ præcedit Kalendas, licet veniat in præcedenti mense: si autem Kalendæ venerint in quinta, et sexta Feria et in Sabbato; prima Dominica erit quæ sequitur post ipsas Kalendas. Dominica autem prima Adventus non sumitur ea, quæ est proximior Kalendis Decembris, sed Festo sancti Andreæ, vel quæ venerit in ipso Festo.

8. Officium Dominicæ fit Semiduplex, et incipit a primis Vesperis in Sabbato: et habet totum Officium integrum usque ad Completorium Dominicæ inclusive, nisi cum aliquo concurrat, ut dicitur in Rubrica de Concurrentia Officii.

9. Ad Matutinum dicuntur tres Nocturni cum Psalmis, ut in Psalterio, et leguntur novem Lectiones, ut in Proprio de Tempore.

10. Quomodo autem sit ordinandum ejus Officium, insuper et de Lectionibus, Responsoriis et aliis, et quomodo initia librorum Scripturæ cum sua historia sint ponenda, habentur de singulis inferius propriæ Rubricæ.

V. De Feriis.

Officium Feriale, hoc est, Simplex de Tempore occurrenti, prout in Psalterio et Proprio de Tempore habetur, fit semper in Feriis Adventus, Quadragesimæ, Quatuor Temporum, Vigiliarum, et in Feria secunda Rogationum, quando infra Hebdomadam non occurrit Festum Duplex, vel Semiduplex, vel de Octava: quia tunc de hujusmodi Feriis fit commemoratio, ut dicitur in Rubrica de Commemorationibus. Si vero in eis occurrat Festum Simplex, de eo fit tantum commemoratio. Item per annum fit Officium de Feria illis diebus, quibus infra Hebdomadam in Calendario non ponitur aliquod Festum Duplex, Semiduplex, vel Simplex, et non occurrit aliqua Octava, vel Officium sanctæ Mariæ in Sabbato, vel aliquod Festum solemne, aut con-

suetum in aliqua Ecclesia celebrari, quamvis in Calendario hujus Breviarii non sit descriptum.

2. Officium Feriæ in Adventu, Quadragesima, Quatuor Temporibus, Vigiliis, et prima die Rogationum, incipit a Matutino: in aliis vero Feriis per annum, inde fit de Feria, ubi desinit Officium præcedentis diei, ita ut si præcedenti die fuerit Duplex, vel Semiduplex, Officium Feriæ incipiat sequenti die a Matutino: si præcedenti die fuerit Festum Simplex, de Feria fiat a Vesperis illius præcedentis diei inclusive. Similiter et quando in Feria quarta et sexta Quatuor Temporum Septembris, et in Feria quarta Cinerum, ac in Vigiliis occurrit aliquod Festum Simplex, de quo fieri debet commemoratio, tunc præcedenti die (nisi fuerit Festum novem Lectionum) in Vesperis fit de Feria, ut in Psalterio, sine Precibus, cum Oratione Dominicæ præcedentis, et cum commemoratione Festi trium Lectionum in sequenti Feria occurrentis, ut dicitur infra in Rubrica de Concurrentia. Terminatur autem Officium de Feria subsequente Duplici, vel Semiduplici, ad Nonam: subsequente vero Simplici, de quo fieri debeat Officium, ad Capitulum Vesperarum, quia inde fit de Festo Simplici absque ulla deinceps commemoratione Feriæ.

3. Ad Matutinum dicitur unum tantum Nocturnum cum duodecim Psalmis, secundum ordinem Feriarum in Psalterio, et tribus Lectionibus, ut in Proprio de Tempore.

4. Excipiuntur ab hoc ordinario Officii Ferialis tres Feriæ majores Hebdomadæ sanctæ, et Feriæ Octavarum Paschæ et Pentecostes, in quibus fit Officium, ut in propriis locis ponitur.

5. Quomodo ordinandum sit Officium de Feria ad Matutinum et alias Horas, item de Lectionibus et Responsoriis, et quando dicendæ sint Preces feriales, ac de aliis, quæ ad Officium Feriæ pertinent, habentur inferius de singulis propriæ Rubricæ.

VI. De Vigiliis.

De Vigilia fit Officium in omnibus Vigiliis per annum quæ jejuntur, ubi in Calendario adnotatur hæc vox Vigilia, nisi in die Vigiliæ occurrat Festum novem Lectionum, vel Octava; tunc enim in Officio novem Lectionum legitur nona Lectio de Homilia Vigiliæ, et fit commemoratio de ea ad Laudes tantum, cum Antiphona ad Benedictus, et V. Feriæ occurrentis de Psalterio, et Oratione Vigiliæ; præterquam in illis Festis majoribus, quæ inferius excipiuntur.

2. Si Vigilia occurrat in Dominica, de ea fit Officium in Sabbato, quod non sit impeditum Officio novem Lectionum: quia tunc de Vigilia fit tantum commemoratio, ut dictum est. Excipitur ab hac regula Vigilia Nativitatis et Epiphaniæ Domini; quæ si venerint in Dominica, fit de illis, ut in propriis Rubricis dicitur. Si autem in Vigilia occurrat Festum solemne alicujus loci, vel ex solemnioribus infra annum, quæ inferius in Rubrica de Commemorationibus numerantur (veluti si in Vigilia sancti Joannis Baptistæ venerit Festum Corporis Christi), nihil tunc prorsus, nec commemoratio fit de Vigilia, excepta Vigilia Epiphaniæ. Idem servetur quando aliqua Vigilia venerit in Adventu, Quadragesima et Quatuor

Temporibus, nulla enim in his Feriis de Vigilia fit commemoratio.

3. Officium Vigiliæ incipit ad Matutinum, sicut dictum est in superiori Rubrica de Feriis; terminatur autem ad Nonam, quia Vesperæ sunt de sequ. Festo.

4. Officium Vigiliæ totum fit de Feria occurrenti, ut in Psalterio: et tres Lectiones leguntur de Homilia in Evangelium Vigiliæ, ut in propriis locis assignatur, cum tribus Responsoriis de Feria occurrenti, ordine in Rubrica de Responsoriis descripto. Dicuntur Preces feriales, et commemoraciones communes, aliaque omnia sicut in Feriis Adventus, Quadragesimæ et Quatuor Temporum, de quibus et de aliis circa ordinandum ejus Officium habentur inferius propriæ Rubricæ.

5. Excipitur ab hoc ordinario Vigiliarum, quæ jejuntur, Vigilia Pentecostes, quæ cum tribus Nocturnis sub Officio Semiduplici celebratur, ut ibi; et Vigilia Nativitatis Domini, quæ, Nocturno Feriæ excepto, in Laudibus et Horis habet reliquum Officium Duplex. In Vigiliis vero Epiphaniæ et Ascensionis, quæ non jejuntur, fit Officium, ut in propriis locis notatur.

VII. De Octavis.

De Octava fit Officium, vel saltem commemoratio (quando aliquo Festo, vel Dominica impeditur) per octo dies continuos. Fit de Octava in Paschate Resurrectionis, in Ascensione Domini, in Pentecoste, in Festo Corporis Christi, in Festis quibus in Calendario apponitur Octava. Item in Festo Dedicationis propriæ Ecclesiæ, et in Festo principalis Patroni, et Titularis loci vel Ecclesiæ, et in Festis aliorum Sanctorum, quæ apud quasdam Ecclesias, Congregationes et Religiones consueverunt solemniter cum Octavis celebrari, nisi illa Festa venerint in Quadragesima, quo tempore omittitur Officium cujuscunque Octavæ. Quod si aliquod Festum, quod celebrari solet cum Octava, paulo ante Quadragesimam venerit, et jam per aliquot dies factum sit Officium de ejus Octava, adveniente Quadragesima, nihil amplius fit de ea, nec commemoratio. Et idem servetur de Octavis nondum absolutis, quando supervenit Festum Pentecostes, et dies xvii. Decembris.

2. In Pascha Resurrectionis et Pentecostes Officium Octavæ terminatur in Sabbato sequenti ad Nonam.

3. Infra Octavas fit de Festis Duplicibus et Semiduplicibus occurrentibus, ac etiam Duplicibus translatis, de quibus dicitur infra Tit. X. de Translatione Festorum, cum commemoratione Octavæ; nisi illa Festa sint de solemnioribus enumeratis in sequenti Rubrica de Commemorationibus, in quibus nulla fit commemoratio de Octava, exceptis Octavis Nativitatis, Epiphaniæ et Corporis Christi, de quibus fit semper commemoratio, quocunque Festo in illis occurrente. Infra Octavas autem Paschæ et Pentecostes non fit de Festo aliquo, etiam principali Patrono vel Titulari Ecclesiæ, vel Dedicatione ejusdem, sed transfertur post Octavam, si transferri valeat, secus de eo fit commemoratio, ut dicitur in eadem Rubrica de Translatione Festorum. Infra Octavam Epiphaniæ fit tantum de Patrono vel Titulari Ecclesiæ, et Dedicatione ejusdem (non tamen in die Octava),

cum commemoratione Octavæ. Infra Octavam Corporis Christi fit tantum de Duplicibus, non tamen translatis, nisi fuerint primæ vel secundæ classis, cum commemoratione Octavæ. De Semiduplicibus vero, cum non transferantur, infra eam fit commemoratio, ut dicitur in præfata Rubrica. De Simplicibus infra quascumque Octavas occurrentibus, item fit tantum commemoratio, præterquam in duobus diebus post Pascha et Pentecosten, ut dicitur in sequenti Rubrica de Commemorationibus. De Dominicis infra Octavas occurrentibus fit Officium, ut dictum est supra in Rubrica de Dominicis. Si duæ Octavæ simul occurrant, (ut Octava sancti Joannis Baptistæ, et Octava Corporis Christi, vel Octava Patroni vel Titularis Ecclesiæ cum alia Octava), quando non erunt celebranda Festa novem Lectionum, vel dies Dominicus, fiet Officium de digniori, cum commemoratione alterius. De die autem Octava cujuscumque Festi fit totum Officium Duplex, cum commemoratione diei infra aliam Octavam. De Festis occurrentibus in die Octava servetur quod dicitur in Rubrica de Translatione Festorum.

4. Officium de Octava fit cum tribus Nocturnis, novem scilicet Psalmis et novem Lectionibus (exceptis Octavis Paschæ et Pentecostes, in quibus fit cum uno Nocturno, ut suis locis ponitur), et omnia dicuntur sicut in die Festi, præter Lectiones; quarum primæ tres semper sunt de Scriptura occurrente in Officio de Tempore, præterquam infra Octavam Assumptionis beatæ Mariæ, in qua singulis diebus positæ sunt Lectiones propriæ de Canticis Canticorum: aliæ Lectiones secundi et tertii Nocturni dicuntur quæ infra Octavam positæ sunt. Infra Octavam vero Patroni, vel Titularis Ecclesiæ, aut alterius Festi, quod in aliquibus Ecclesiis consuevit cum Octava celebrari, si apud illas Ecclesias non habentur propriæ et approbatæ Lectiones pro secundo et tertio Nocturno, infra Octavam repetantur Lectiones positæ in Comuni Sanctorum, si de Sanctis fiat Octava, alioquin Lectiones diei Festi.

5. Infra Octavam Officium fit Semiduplex, in die Octava Duplex. In Vesperis infra Octavam omnia dicuntur sicut in secundis Vesperis Festi; et in primis Vesperis diei Octavæ omnia sicut in primis Vesperis Festi, nisi aliter in propriis locis notetur.

6. Infra Octavas non fiunt Suffragia consueta de Sanctis, nec dicuntur Preces ad Primam et Completorium, etiamsi fiat Officium de Dominica, vel Festo Semiduplici. In aliis, quomodo sit ordinandum Officium de Octava, habentur inferius propriæ Rubricæ.

VIII. De Officio sanctæ Mariæ in Sabbato.

In omnibus Sabbatis per annum extra Adventum et Quadragesimam, ac nisi Quatuor Tempora aut Vigiliæ occurrant, vel nisi fieri debeat de Feria propter Officium alicujus Dominicæ aliquando infra Hebdomadam ponendum, ut in Rubrica de Dominicis dictum est; et nisi fiat Officium novem Lectionum, vel de Octava Paschæ et Pentecostes, semper fit Officium de sancta Maria, eo modo, quo fit de Festo Simplici, quemadmodum circa finem Breviarii disponitur. De Festo autem Simplici, in Sabbato occurrente, fit tantum commemoratio.

2. Cum vero supradictis diebus fieri non potest Officium de sancta Maria, nulla etiam fit commemoratio de ea propter Sabbatum; sed tantum in Semiduplicibus (quando ejus Officium parvum non dicitur) fit consueta ejus commemoratio per annum cum aliis Suffragiis positis in Psalterio post Vesperas Sabbati.

3. Ejus Officium in Sabbato incipit Feria sexta ad modum Festi Simplicis, a Capitulo, et terminatur ad Nonam Sabbati. Si autem Feria sexta occurrat Officium novem Lectionum, in Vesperis fit tantum commemoratio de sancta Maria, cum Antiphona, Versu et Oratione, quæ habentur in Officio ejus in Sabbato, nisi illud Officium novem Lectionum sit de eadem beata Maria, quia tunc nulla alia commemoratio de ea facienda est.

4. Ad Matutinum, post Invitatorium et Hymnum de sancta Maria, dicitur unum Nocturnum cum duodecim Psalmis ferialibus, ut in Psalterio. Versus de sancta Maria, prima et secunda Lectio ex Scriptura de Tempore occurrente; tertia Lectio et alia omnia tam in Matutino quam in Laudibus et Horis, ut in Officio sanctæ Mariæ in Sabbato assignantur.

5. Dicuntur Preces Dominicales ad Primam et Completorium, et fiunt Suffragia consueta de sancto Joseph, de Apostolis et de Pace, et tempore Paschali sola commemoratio de Cruce, ut in secunda Feria post Octavam Paschæ. Post Nonam nihil fit de ea, nisi consueta ejus commemoratio cum aliis Suffragiis, quando dicenda sunt in Officio de Dominica.

IX. De Commemorationibus.

Commemorationes fiunt de Festis Simplicibus, quando in eorum diebus incidit Festum novem Lectionum etiam translatum, vel Dominica, vel Octava, vel Sabbatum: et quando fieri debet de Feria, ut ponatur Officium alicujus Dominicæ, quæ eo anno supersit.

2. De Feriis Adventus, Quadragesimæ, Quatuor Temporum, Vigiliarum, et secunda Rogationum fit commemoratio, quando Festum novem Lectionum in illis Feriis occurrat. Si Simplex Festum in eisdem Feriis occurrat, Officium fit de Feria, et commemoratio de Festo Simplici.

3. Præterea fit commemoratio de Dominicis a Pentecoste usque ad Adventum, et ab Epiphania usque ad Septuagesimam, et a Dominica in Albis usque ad Pentecosten exclusive, quando Festo duplici impediuntur. De aliis Dominicis nulla fit commemoratio occurrente Festo Duplici, quia Festum in illis occurrens transfertur, ut de eo fit commemoratio, ut dicitur in sequenti Rubrica de Translatione Festorum; nisi illud Festum fuerit principalis Patroni, vel Tituli, aut Dedicationis ipsius Ecclesiæ, non autem alicujus Capellæ vel Altaris ejusdem Ecclesiæ; et tunc de hujusmodi principali Festo fit tantum in eo loco vel Ecclesia, cujus est Patronus vel Titulus aut Dedicatio, cum commemoratione Dominicæ; excepta Dominica prima Adventus, Dominica prima Quadragesimæ, Dominica Passionis, Dominica Palmarum, Dominica Paschæ, Dominica in Albis, ac Dominica Pentecostes et Sanctissimæ Trinitatis: in quibus hujusmodi occurrens Festum transfertur insequentem diem similiter non impeditam: dum-

modo non fuerit infra maiorem Hebdomadam, et per Octavam Paschæ et Pentecostes: quibus diebus non fit de aliquo Festo Duplici occurrente. Idem dicendum de aliis Festis primæ classis occurrentibus in præfatis Dominicis Majoribus.

4. De Octava etiam, quando Festo novem Lectionum, vel Dominica impeditur, fit commemoratio, nisi illud Festum novem Lectionum fuerit solemne principale alicujus loci, ut supra. Nam in primis Vesperis et Laudibus hujusmodi Festi nulla fit commemoratio Festi Simplicis occurrentis, nec alicujus Vigiliæ, (excepta Vigilia Epiphaniæ), nec alicujus diei infra Octavam, nec alicujus præcedentis Festi novem Lectionum (nisi id Festum fuerit ex iis quæ infra in hac eadem Rubrica enumerantur), nec diei Octavæ, nec Dominicæ, si Festum illud solemne celebretur FERIA secunda: exceptis Dominicis Adventus, et Dominicis a Septuagesima usque ad Octavam Paschæ inclusive: de quibus Dominicis, sicut etiam de Feriis Adventus, Quadragesimæ, Quatuor Temporum, et secundæ Rogationum semper fit commemoratio, quocumque Festo adveniente. Quod si hujusmodi Festum solemne venerit in quacumque Dominica, fit commemoratio de ea in utrisque Vesperis et Laudibus. Et similiter si occurrat in die Octava alicujus Festi habentis Octavam, de ea fiet commemoratio etiam in utrisque Vesperis et Laudibus. In secundis autem Vesperis Festi prædicti fit commemoratio de Duplici, Semiduplici, et Dominica sequentibus, et non de aliis.

5. Idem servatur in quibusdam Festis majoribus per annum, scilicet in Nativitate Domini (in cujus Officio nulla fit commemoratio de sancta Anastasia, sed in secunda tantum Missa), in Epiphania, in Pascha Resurrectionis cum tribus proxime antecedentibus, et duobus sequentibus diebus; in Ascensione Domini, in Pentecoste; cum duobus sequentibus diebus, in Festo Corporis Christi, in Festis sancti Joseph, Nativitatis sancti Joannis Baptistæ, sanctorum Apostolorum Petri et Pauli, Immaculatæ Conceptionis et Assumptionis beatæ Mariæ, in Festo omnium Sanctorum, et in Festo Dedicationis propriæ Ecclesiæ: in quibus Festis fiunt commemorationes eo modo tantum quo dictum est supra de Festo solemni alicujus loci.

6. In Festis autem secundi ordinis, videlicet, Circumcisionis, Sanctissimi Nominis Jesu, Trinitatis, Purificationis, Annuntiationis, Visitationis et Nativitatis beatæ Mariæ, in Natalitiis undecim Apostolorum et Evangelistarum, in Festo Patrocinii sancti Joseph, in Festo pretiosissimi Sanguinis D. N. J. C., et Inventionis sanctæ Crucis, in Festo sancti Joachim Patris beatæ Mariæ Virginis, et sanctæ Annæ Matris ejusdem, in Festo sancti Laurentii, et Dedicationis sancti Michaëlis Archangeli, in primis Vesperis fit commemoratio Festi Duplicis eo die celebrati, nisi aliter in propriis locis notetur: de Dominica vero, de die infra Octavam, et de Festis Semiduplicibus non fit commemoratio, eo modo, quo nec in Festo solemni alicujus loci, ut dictum est supra. De Simplicibus et Vigiliis in his Festis occurrentibus legitur nona Lectio, et fit commemoratio in Laudibus tantum. In secundis autem Vesperis fit commemoratio de quocumque sequenti Festo, etiam Simplici, et de die

infra Octavam, si de ea fieri debeat Officium die sequi. De Octavis Nativitatis Domini, Epiphaniæ et Corporis Christi, semper fit commemoratio in utrisque Vesperis et Laudibus, quandocumque contigerit infra illas de aliquo alio Festo Officium celebrari juxta Rubricam de Octavis, num. 3.

7. De Dominicis et Feriis Adventus et Quadragesimæ commemoratio fit in utrisque Vesperis et Laudibus. De Feriis Quatuor Temporum, Vigiliarum et secunda Rogationum, quando de illis commemoratio fieri debet, fit in Laudibus tantum. De Festis autem Simplicibus (nisi in diebus supradictis occurrant) commemoratio fit in primis Vesperis et Laudibus eo die, quo in Calendario assignantur. De aliis vero Dominicis per annum, et Octavis, commemoratio fit in utrisque Vesperis et Laudibus, nisi concurrant cum supra enumeratis Festis. De Festis Duplicibus et Semiduplicibus, quoties, juxta sequentem Rubricam de Translatione Festorum, reduci debent ad modum Simplicis, fit pariter commemoratio, ad instar diei Octavæ et Dominicæ, in utrisque Vesperis et Laudibus, præterquam in omnibus Duplicibus primæ classis, exceptis eorum secundis Vesperis, si hujusmodi commemoratio facienda sit die sequenti.

8. Commemorationes fiunt hoc modo: Post Orationem diei, in primis Vesperis dicitur Antiphona quæ posita est ad Magnificat, et in Laudibus quæ posita est ad Benedictus in Communi (si propriam non habuerit) conveniens ejus Officio, cujus fit commemoratio. Post Antiphonam dicitur Versus, inde sumendus, unde sumpta est Antiphona, scilicet post Hymnum Vesperarum et Laudum: deinde dicitur Oratio. Si Antiphona et Versus Festi de quo fit commemoratio, sumenda essent ex eodem Communi, unde sumpta sunt in Officio diei; in Festo commemorationes variantur, ita ut in Vesperis sumantur ex Laudibus, et in Laudibus ex primis Vesperis ejusdem Communis, nisi aliter signetur. Et similiter si in secundis Vesperis sanctæ Agathæ, aut alterius Sanctæ novem Lectionum fieri debeat commemoratio beatæ Mariæ, pro ejus Officio in sequenti Sabbato celebrando, ne repetatur *Ÿ. Diffusa est grátia, dicatur Ÿ. Benedicte tu, ex Laudibus*. Si item occurrat, ut eadem sit Oratio Festi de quo fit Officium, et ejus de quo fit commemoratio, mutetur Oratio pro commemoratione in aliam de Communi. Si de Tempore fiat commemoratio, de Dominica scilicet, vel Feria, Antiphona et Versus ante Orationem eodem modo sumantur ex Proprio de Tempore, si habuerit proprium, alioquin de Psalterio, Oratio vero ex Proprio de Tempore.

9. Quando fit commemoratio de Dominica, vel Feria, quæ habent propriam Homiliam, nona Lectio in Officio diei novem Lectionum legitur de Homilia Dominicæ, vel Feriæ, quæ erit vel prima de Homilia Dominicæ, vel tres simul in una Lectione conjunctæ.

10. Si in die, in quo fit Officium novem Lectionum, fiat commemoratio de Festo trium Lectionum, nona Lectio legitur de Festo trium Lectionum, si propriam habuerit: si duas, ex duabus fiat una Lectio, quæ sit nona in Officio novem Lectionum. Quæ Lectio de Sancto non legitur, quando de eo fit commemoratio in Dominicis, quæ habent nonum Responsorium, nec quando nona Lectio legenda est

de Homilia Dominicæ vel Feriæ, ut supra; nec in Feriis, et aliis diebus, quando in Officio diei leguntur tantum tres Lectiones: nec etiam nona Lectio legitur de die infra Octavam, quando de ea fit commemoratio in Dominica, vel aliquo Festo, licet habeat Evangelium proprium et Homiliam. Servata eadem regula, quando in Officio novem Lectionum fit commemoratio de Festo Duplici aut Semiduplici redacto ad instar Simplicis, ut in sequenti Rubrica, de Sancto legenda est nona Lectio ad Matutinum composita ex singulis ejus Lectionibus historicis secundi Nocturni per modum unius, præterquam in tota Octava Festi Corporis Christi, si de ea fiat Officium; quo in casu etiam omittenda nona Lectio Festi Simplicis.

11. Quando contingit fieri plures commemorationes, servetur hic ordo. De Duplici, licet agatur tamquam Simplex, fiat ante Dominicam, de Dominica ante Festum Semiduplex, de Semiduplici, etiam quando reducitur ad modum Simplicis, ante diem infra Octavam, de die infra Octavam, ante Ferias Adventus, Quatuor Temporum, Vigiliarum, et Rogationum, et de dictis Feriis ante Festum Simplex. De sancta Maria (quando in secundis Vesperis Festi novem Lectionum, quod Feria sexta celebratum sit, de ea fieri debet commemoratio pro Officio sequentis Sabbati) fiat ante Festum Simplex in Sabbato occurrens. De Festo simplici fit commemoratio ante Suffragia, seu communes commemorationes de Cruce, sancta Maria, sancto Joseph, Apostolis et de Pace, et ante commemorationem cujuscumque Tituli, vel Patroni Ecclesiæ, quæ etiam pro sui dignitate aliis Suffragiis prædictis præponeretur. De quibus Suffragiis, quomodo et quando facienda sint, habetur inferius propria Rubrica.

X. De Translatione Festorum.

Si aliquod Festum Duplex occurrat in Dominicis Adventus, et in Dominicis a Septuagesima usque ad Dominicam in Albis inclusive, in Vigilia Nativitatis Domini, in die Circumcisionis, in tota Octava Epiphaniæ, in Feria quarta Cinerum, in tota majori Hebdomada, et infra Octavam Paschæ, in Ascensione Domini, in diebus a Vigilia Pentecostes usque ad Festum Sanctissimæ Trinitatis inclusive, in Festo Corporis Christi, et ejus die Octava, in Festo Immaculatæ Conceptionis et Assumptionis beatæ Mariæ Virginis, in Festo sancti Joseph Sponsi ejusdem, et Omnium Sanctorum, transfertur in primam diem Festo Duplici vel Semiduplici non impeditam: exceptis tamen Festis Nativitatis sancti Joannis Baptistæ, et sanctorum Apostolorum Petri et Pauli, quæ in die octava Corporis Christi celebrantur: excepto quoque Festo quocumque solemniori alicujus loci, quod in propria tantum Ecclesia, etiam in aliquibus ex supradictis diebus occurrens, scilicet in Dominicis secunda, tertia et quarta Adventus, et Quadragesimæ, Dominica Septuagesimæ, Sexagesimæ, et Quinquagesimæ, et diebus infra Octavam Epiphaniæ (ut in Rubrica de Commemorationibus dictum est) celebratur. Si autem Festum Purificationis beatæ Mariæ venerit in aliqua Dominica secundæ classis, transfertur in Feriam secundam sequentem, quamvis impeditam. Idemque est de Annuntiatione beatæ Mariæ. Item si Fe-

stum Nativitatis sancti Joannis Baptistæ venerit in die Corporis Christi, transfertur in sequentem diem cum commemoratione Octavæ, et in secundis Vesperis Corporis Christi fit tantum commemoratio sancti Joannis: sequentibus autem diebus fit Officium de eadem Octava Corporis Christi, cum commemoratione Octavæ sancti Joannis. Dies autem Octava sancti Joannis tunc veniens in die octava Corporis Christi, non transfertur, sed de illa eo anno fit tantum commemoratio in utrisque Vesperis et Laudibus diei octavæ Corporis Christi: et id semper servetur, quando Festum habens Octavam transfertur: ut non ideo dies octava transferatur, sed ipsa die de ea fiat commemoratio, quæ alias erat Octava, si Festum non fuisset translatum. Quod si Festum post totam suam Octavam transferri contigerit, illo anno celebretur sine Octava: nisi Titularis Ecclesiæ privilegio aliter fieri oporteat. Festa tamen Duplicita minora, exceptis illis Sanctorum Ecclesiæ Doctorum, si occursu Dominicæ, vel majoris Festi seu Officii quomodocumque impediuntur, non transferuntur, sed ipso die quo cadunt, de eis fit in utrisque Vesperis et Laudibus commemoratio, et legitur nona Lectio historica ad Matutinum, si tamen hæc eo die fieri possint; secus hujusmodi Festa Duplicita minora eo anno penitus omittuntur, ut in præcedenti Rubrica dictum est num. 7 et 10, et infra de Simplici dicitur num. 8. Iisdem comprehenduntur regulis alia Festa Duplicita, quorum translationi in toto anni decursu locus non superest.

2. Si in die Octava alicujus Festi habentis Octavam, occurrat aliquod Festum Duplex ex majoribus supra in Rubrica de Commemorationibus enumeratis, fiat de Festo cum commemoratione diei Octavæ: excepta die Octava Nativitatis Domini et Epiphaniæ, in quibus non fit de aliquo Festo, sed transfertur in primam diem similiter non impeditam. Si autem non fuerit ex prædictis Festis, fiat de Octava, et Festum transferatur, aut de eo fiat commemoratio, ut supra.

3. Si aliquod Festum Duplex infra Octavam occurrens, alio majori Festo Duplici impediatur, transfertur in primam diem similiter non impeditam, et in eo fiat commemoratio de Octava. Quod si transferri nequeat, de eodem quoque fiat commemoratio, ut supra.

4. Si in aliis Dominicis per annum a supradictis occurrat Festum Duplex, non transfertur, nec de eo fit commemoratio, sed officium, ut dictum est in Rubrica de Commemorationibus.

5. Festum Semiduplex occurrens diebus supradictis, et infra Octavam Corporis Christi, et aliis Dominicis per annum, non transfertur, sed ipso die quo cadit, de eo fit commemoratio in utrisque Vesperis et Laudibus, et legitur nona Lectio historica, aut illud penitus omittitur, ut supra de Duplici minori dictum est.

6. Si duo vel plura Festa novem Lectionum simul eodem die veniant, fiat Officium de majori, idest de Duplici, et de Semiduplici fiat commemoratio ut supra. At si omnia fuerint Duplicita, vel omnia Semiduplicita, fiat de digniori, seu solemniori, et quæ Duplicita minoris solemnitatis sunt, si transferri valeant, transferantur, aliter de eis, quemadmodum de Semiduplicibus, fiat commemoratio juxta superius explicata.

7. Si plura Festa Duplicita ex iis quæ transferri possunt, transferenda sint, quod est magis solemne semper prius transferatur et prius celebretur, alioquin si sunt æqualia, unum ante aliud transferatur eo ordine, quo erant celebranda in propriis diebus.

8. Festum Simplex pariter numquam transferatur: sed si de eo fieri non potest Officium, fiat commemoratio, ut dictum est in Rubrica de Commemorationibus; si autem venerit in illis diebus, in quibus de Simplicibus nulla fit commemoratio, eo anno non fit de eo amplius.

9. Si aliquod Festum Duplex e supra recensitis quæ transferuntur, in quo notatum est fieri commemorationem alicujus Sancti, transferatur propter advenientem Dominicam, vel aliud Festum majus, non tamen transferatur cum illo commemoratio illius Sancti in eo assignata; sed dicta commemoratio fit die suo in Dominica, vel alio Festo, in quo fieri possit, cum nona Lectione ejusdem, si propriam de vita Sancti habuerit: Festum vero Duplex transferatur sine ulla amplius commemoratione Festi Simplicis prædicti. Quod etiam servatur in commemorationibus occurrentibus in Vigiliis, cum de Vigilia veniente in Dominica fit in Sabbato præcedenti: tunc enim commemoratio Festi Simplicis non fit in Officio Vigiliæ, sed in Dominica.

XI. De Concurrentia Officii.

Concurrentia Officii attendenda est semper in secundis Vesperis, quomodo sit ordinandum Officium cum sequenti die. Itaque cum dicitur Officium aliquod cum alio concurrere, intelligitur de præcedenti in secundis Vesperis cum sequenti in primis Vesperis.

2. Duplici ergo in secundis Vesperis concurrente cum alio sequenti Duplici in primis, si utraque sint ejusdem solemnitatis, regulariter a Capitulo fit de sequenti cum commemoratione præcedentis, nisi aliter in propriis locis adnotetur. Si vero non sint ejusdem solemnitatis, servetur differentia in Rubricis de Commemorationibus, et Translatione Festorum assignata: ut scilicet Festa majora habeant primas et secundas Vesperas integras, cum commemoratione minorum, quando de eis fieri debet. Si autem post aliquod Festum ex iis, quæ in secundo ordine posita sunt in Rubrica de Commemorationibus, sequatur immediate aliud ex solemnibus majoribus, Vesperæ erunt de sequenti cum commemoratione præcedentis. Inter Festa æqualis solemnitatis servetur hic ordo, ut Festa Domini præferantur omnibus aliis, et habeant utraque Vesperas integras; sicuti Festa beatæ Mariæ, Festis Sanctorum: item Festa Angelorum, sancti Joseph Sponsi beatæ Mariæ Virginis, et Apostolorum, ceteris aliis; et Festa illorum Sanctorum, qui in propriis locis vel Ecclesiis solemniter celebrantur, aliis in Calendario descriptis.

3. Duplici vero concurrente cum Festo Semiduplici, cum Dominica, cum die infra Octavam, cum Festo Simplici, et cum Officio beatæ Mariæ in Sabbato, omnia in secundis Vesperis de Duplici cum commemoratione illorum: nisi illud Duplex fuerit de iis, quæ excipiuntur in Rubrica de Commemorationibus, in quibus aliquæ commemorationes omittuntur. Duplici etiam, et quocumque Officio novem Lectio-

num concurrente cum Feria, vel potius sequente Feria, omnia de Duplici, et nihil de Feria sequenti. Sed si Festum celebretur in Adventu, et Quadragesima, fit semper commemoratio de Feria, ut infra dicitur. Idem dicendum de Festis Simplicibus venientibus cum sequenti Festo novem Lectionum, de quibus etiam commemoratio fit, non ratione concursus, sed quia eodem die occurrunt, ut dictum est in Rubrica de Commemorationibus.

4. Semiduplici Festo, Dominica, et die infra Octavam concurrentibus cum sequenti Duplici, omnia de Duplici cum commemoratione illorum, nisi Duplex fuerit ex numero majorum, quæ supra in Rubrica de Commemorationibus numerata sunt, in quibus nulla fit commemoratio præcedentis. Semiduplici Festo concurrente cum sequenti alio Semiduplici, cum Dominica, vel cum die infra Octavam, a Capitulo fit de sequenti, et commemoratio præcedentis, nisi aliter signetur. Semiduplici autem concurrente cum sequenti Festo Simplici, vel cum Officio beatæ Mariæ in Sabbato, omnia de Semiduplici, cum commemoratione sequentis.

5. Dominica concurrente cum sequenti Festo Semiduplici, et cum die infra Octavam, vel cum Festo Simplici, omnia de Dominica cum commemoratione sequentis.

6. Die infra Octavam concurrente cum sequenti Dominica, vel Semiduplici, a Capitulo fit de sequenti, cum commemoratione Octavæ. Dies infra Octavam cum Simplici proprie non habet concursum, quia in sequenti die infra Octavam non fit de Simplici, nisi commemoratio, quæ et eadem ratione in præcedenti die infra Octavam fieri debet.

7. Die Octava concurrente cum alia die Octava, a Capitulo fit de sequenti, cum commemoratione præcedentis, excepta Octava Corporis Christi concurrente cum Octava sancti Joannis Baptistæ, in qua de sequenti fit tantum commemoratio, et quando aliter in propriis locis notatur. Die Octava concurrente cum sequenti Duplici minori, etiam translato, a Capitulo fit de sequenti, cum commemoratione Octavæ (exceptis diebus Octavis Festivitatibus beatæ Mariæ Virginis, etiam particularibus alicujus Religionis, in quibus de sequenti fit tantum commemoratio). Concurrente vero cum sequenti Duplici majori, etiam translato, totum Officium fit de sequenti, cum commemoratione Octavæ, excepta die Octava Epiphaniæ, Paschæ, Ascensionis, et Corporis Christi, in quibus de sequenti fit tantum commemoratio. Si autem sequens Festum etiam translato, fuerit ex solemnioribus supra enumeratis in Rubrica de Commemorationibus, in secundo ordine numero 6., totum Officium fit de sequenti, cum commemoratione Octavæ.

8. Simplex cum alio non potest concurrere in secundis Vesperis (licet cum ipso possit esse concursus in primis Vesperis), quia non habet secundas Vesperas, sed ejus Officium terminatur ad Nonam, et deinceps nihil fit de eo, nec commemoratio. Si sequatur aliud Simplex, Psalmi erunt de Feria occurrente in Psalterio ad Vesperas, et a Capitulo fit de sequenti Simplici sine ulla commemoratione præcedentis. Si sequatur Officium novem Lectionum, Vesperæ totæ erunt de eo sine ulla similiter commemoratione Simplicis

præcedentis. Si nullum Festum sequatur, subintrat Officium de Tempore, et Vesperæ totæ erunt de Feria.

9. Feria non potest concurrere cum alio Officio in secundis Vesperis, neque cum ipsa potest esse concursus in primis Vesperis: quia ejus Officium incipit et desinit, ubi desinit et incipit quodcumque aliud Officium. Quamvis proprie (si ei dandum est principium) sequente Feria post aliam Feriam, ejus Officium incipiat a Matutino, et terminetur sequente alia Feria ad Completorium; et ideo si Feria sequatur aliam Feriam, in Vesperis præcedentis Feriæ nihil fit de sequenti, quoad ea, quæ in sequenti Feria sunt propria. Verbi gratia, si in Vesperis Feriæ tertiæ ante Feriam quartam Cinerum fiat de Feria, dicitur Oratio Dominicæ præcedentis, non autem ea quæ est propria in sequenti Feria quarta Cinerum; nec ante Orationem dicuntur Preces, quæ dicendæ sunt in dicta Feria quarta Cinerum. Quod etiam fit quando Feria per annum præcedit Feriam Quatuor Temporum, vel Vigilium. Hac etiam ratione superius dictum est in concurrentia aliorum Officiorum, cum Feria nullum Officium concurrere, et nihil fieri de Feria præcedenti, adveniente alio Officio. Si autem de ea aliquando fieri debeat commemoratio in Vesperis, non fit ratione concursus, sed quia eo die, quo Officium Feriarum Adventus et Quadragesimæ impeditur, illarum commemoratio ratione temporis ex præcepto Ecclesiæ prætermitti non debet.

10. Cum vero occurrit, ut Festum Simplex veniat in Feria quarta et sexta Quatuor Temporum, in Feria quarta Cinerum, et in Vigiliis quæ jejuntur, Vesperæ antecedentes (nisi ea die celebratum sit Festum novem Lectionum) erunt de Feria communi per annum, non autem de sequenti, ut dictum est, cum commemoratione Festi Simplicis in sequenti Feria occurrentis. Quod ideo non fit, quia sequens Feria habeat primas Vesperas; sed quia cum Festum Simplex in sequenti die non habeat Officium propter Feriam prædictam in eo occurrentem, nec etiam convenit illud habere primas Vesperas in præcedenti die. Et eadem ratione, si Festum Simplex occurrat Feria quinta in Cæna Domini, in qua de eo non debet fieri commemoratio, nulla etiam fiet commemoratio in Vesperis Feriæ quartæ præcedentis.

XII. De Ordinando Officio ex prædictis Rubricis.

Si quis velit ex supradictis Rubricis ordinare Officium occurrentis diei, videat in Calendario et in Tabula Festorum mobilium, de quo fiat Officium sequenti die: et ut invenerit esse faciendum, sic ordinabit illud in Vesperis et aliis Horis nocturnis, et diurnis.

2. Si Ordinandum sit Officium de Tempore, id est, de Dominica vel Feria, recurrendum est semper ad Psalterium, ubi ordinate ponitur quod est commune Officii de Tempore, cum distributione Psalmorum, et ad Proprium de Tempore, ubi Lectiones et Responsoria, quædam Antiphonæ et Orationes ponuntur, quæ desunt in Psalterio. Invitatorium, Hymni, Capitula, Versus, Responsoria brevia et Antiphonæ, quæ diversis temporibus ponuntur in Proprio, dicuntur loco eorum quæ sunt in Psalterio: cum vero propria non fuerint, dicantur ut in Psalterio.

3. Si Officium sit ordinandum de Sancto, recurrendum est semper ad Commune Sanctorum (nisi proprium habeat in Proprio Sanctorum): ubi pro qualitate Festi, si novem Lectionum, id est, Duplex, vel Semiduplex fuerit, omnia ordinate ponuntur, illis exceptis, quæ propria suis locis habentur. Si Festum fuerit trium Lectionum (Nocturno Feriæ et Lectionibus exceptis) omnia sumuntur de eodem Communi. Tres Lectiones primi Nocturni in Officio novem Lectionum, et prima et secunda Lectio, vel prima tantum in Festis trium Lectionum, sumuntur de Scriptura in Officio de Tempore, nisi aliæ in propriis locis ponantur.

4. In majoribus Solemnitatibus et Festis per annum, totum Officium ordinatur ut in propriis locis ponitur.

5. In Festis beatæ Mariæ (omissis iis quæ propria in illis habentur) Hymni, novem Psalmi, et alia quædam requirenda sunt ex communi ejus Officio parvo, circa finem Breviarii.

6. Modus inchoandi Officium, dicendi Invitatorium, Hymnos, Antiphonas et Versus, habetur in principio Psalterii. Cum vero Antiphonæ duplicandæ sunt, dicuntur integræ ante Psalmos, sicut in fine Psalmorum.

7. Modus dicendi Absolutiones et Benedictiones ante Lectiones, legendi et terminandi Lectiones, dicendi Responsoria post Lectiones, ac Responsoria brevia post Capitula, habetur in prima Dominica de Adventu.

8. Quomodo sit inchoandum et terminandum Officium per Horas, habetur in Psalterio: quomodo terminandum per Antiphonas beatæ Mariæ, habetur in fine Completorii.

9. Sed ut hæc omnia facilius habeantur, positæ sunt sequentes Rubricæ de singulis Horis, earumque partibus distincte cognoscendis.

XIII. De Matutino.

Ad Matutinum hæc per ordinem regulariter dicuntur, secundum diversitatem Officii, nisi aliter in quibusdam diebus annotetur: Pater noster, Ave Maria. Credo, omnia secreto: deinde clara voce Hebdomadarius dicit, Dómine lábia mea, etc., pollice signando sibi os signo Crucis, Deus in adjutórium, etc. manu extensa signando se signo Crucis a fronte ad pectus, et a sinistro humero usque ad dexterum (quod servatur in principio omnium Horarum, cum dicitur, Deus in adjutórium) cum Glória Patri et aliis, ut in principio Psalterii. Deinde dicitur Invitatorium conveniens Officio de Tempore, vel de Sancto, quod dicitur cum Psalmo Veníte exsultémus, eo modo quo in principio Psalterii describitur. Dicto Psalmo, et repetito Invitatorio, dicitur Hymnus, qui Officio de Tempore, vel de Sancto, convenit.

2. Postea in Duplicibus et Semiduplicibus dicuntur novem Psalmi (sed in Dominicis plures, ut in Psalterio) cum suis Antiphonis et Versibus, quæ Tempori, vel Festo conveniunt, et totidem Lectiones cum octo Responsoriis, aliquando cum novem, ut suis locis ponitur, per tres Nocturnos distinctos, hoc modo.

3. In primo Nocturno dicuntur tres Psalmi cum tribus Antiphonis, post singulos Psalmos una Antiphona: sed tempore Paschali, id est, a Dominica in

Albis usque ad Pentecosten (præterquam in Officio Ascensionis Domini) tres Psalmi cujusque Nocturni dicuntur sub una Antiphona: et in fine Psalmorum post ultimam Antiphonam cujusque Nocturni dicitur Versus; postea Pater noster, Et ne nós, Absolutio Exaudi, Benedictio, Benedictione perpétua, et aliæ ad singulas Lectiones, ut in prima Dominica de Adventu ordinantur. Deinde leguntur tres Lectiones de Scriptura, quæ per ordinem in Officio de Tempore occurrunt (nisi aliæ assignentur), et ad singulas Lectiones dicitur unum Responsorium conveniens Officio: si de Tempore, ut in Proprio Temporis: si de Sancto, ut in Proprio Sanctorum; alioquin ut in Communi, etiamsi Lectiones primi Nocturni sint de Scriptura Officii de Tempore.

4. In fine ultimi Responsorii cujusque Nocturni dicitur Glória Patri, cum repetitione partis Responsorii, eo modo quo notatur in tertio Responsorio primæ Dominicæ de Adventu, nisi aliter in propriis locis signetur.

5. In secundo Nocturno dicuntur alii tres Psalmi, Antiphonæ, Versus, Pater noster, Absolutio, Ipsius pietas, et ei consequentes Benedictiones, ut in dicta Dominica prima de Adventu: tres Lectiones de aliquo Sermone, aut de vita illius Sancti, de quo fit Officium, et ad quamlibet Lectionem unum Responsorium.

6. In tertio Nocturno alii tres Psalmi cum Antiphonis, ut supra: post tertiam Antiphonam, Versus, Pater noster, Absolutio A vínculis, et Benedictiones consequentes ad singulas Lectiones, quæ erunt de Homilia Evangelii de Tempore, vel de Festo, secundum qualitatem Officii, ut in eadem prima Dominica de Adventu ponuntur. Post septimam et octavam Lectionem dicitur Responsorium Officio conveniens, id est, post quamlibet unum: aliquando autem dicitur etiam post nonam Lectionem, ut suis locis notatur: et in fine ultimi Responsorii, aut octavi, aut noni dicitur, Glória Patri, ut supra, nisi aliter signetur. Si non dicitur nonum Responsorium, post ultimam Lectionem dicitur Hymnus, Te Deum.

7. In Officio trium Lectionum ad Matutinum, Pater noster, Ave Maria, Credo, Dómine lábia, etc., Invitatorium, et Hymnus in feriali Officio de Feria, si non sint in Proprio de Tempore, dicuntur ut in Psalterio: in Festis, de Festo, ut in Communi Sanctorum: deinde Nocturnum Feriæ, ut in Psalterio, id est, duodecim Psalmi cum sex Antiphonis, et tempore Paschali cum una Antiphona Allelúja: qui dicuntur tam in Officio feriali, quam in Festis Simplicibus.

8. Post Psalmos et Antiphonas dicitur Versus, in feriali Officio, ut in Psalterio: in Festis, ut in Communi Sanctorum: qui in Festis sumitur secundum Ferias ex Nocturno Communis, unde sumuntur Responsoria, ut dicitur infra in Rubricis de Versibus et Responsoriis. Post Versum dicitur, Pater noster, Absolutio et Benedictiones, ut habetur infra in Rubrica de Absolutionibus et Benedictionibus. Tres Lectiones (si non adsit Homilia) singulæ in Officio feriali dicuntur de Scriptura, quæ eo die occurrit in Proprio de Tempore: si adsit Homilia, singulæ tres de Homilia. In Festis, prima et secunda de eadem Scriptura, tertia de Sancto. Si fuerint duæ Lectiones de Sancto, prima tantum erit de Scriptura, reliquæ de Sancto.

9. Post singulas Lectiones in Feriis extra tempus Paschale dicitur unum Responsorium, ita ut dicantur tria Responsoria: tempore vero Paschali, et in Festis, duo tantum Responsoria dicuntur, scilicet post primam et secundam Lectionem tantum. In fine ultimi Responsorii, secundi scilicet, aut tertii, dicitur Glória Patri, cum repetitione partis Responsorii, nisi aliud notetur. Quæ Responsoria in Officio de Sanctis sumuntur ex Communi Sanctorum; in feriali Officio ex Dominicis, quando propria per Ferias non distribuuntur, ordine descripto in Rubrica de Responsoriis. Quando non dicitur tertium Responsorium, post tertiam Lectionem, dicitur Hymnus, Te Deum.

XIV. De Laudibus.

Ad Laudes, dicto Hymno, Te Deum vel ultimo Responsorio, Hebdomadarius absolute dicit, Deus in adiutorium, etc. ut supra, et dicuntur Psalmi, et Canticum Benedicite, vel aliud, ut habetur in feriali Officio, extra tempus Paschale, cum Antiphonis Officio convenientibus. Qui Psalmi et Canticum in Dominicis per annum (exceptis Dominicis a Septuagesima usque ad Dominicam Palmarum inclusive) et in feriali Officio temporis Paschalis, ac in Festis tam novem, quam trium Lectionum, dicuntur de Dominica, ut in Psalterio. In prædictis vero Dominicis a Septuagesima usque ad Dominicam Palmarum inclusive, dicuntur ut suis locis ponitur. In feriali Officio per annum, extra tempus Paschale, dicuntur ut in Psalterio.

2. Antiphonæ in Dominicis, quando propriæ non assignantur, dicuntur ut in Psalterio. In Festis novem et trium Lectionum, si non adsint propriæ, dicuntur de Communi. Post Psalmos dicitur Capitulum, Hymnus, Versus, Antiphona ad Canticum Benedictus, cum eodem Cantico, et Oratio: omnia pro qualitate Officii de Tempore, vel de Festo.

3. Preces, quando dicendæ sunt, dicuntur ante primam Orationem. Commemorationes vero de Cruce, de sancta Maria, de sancto Joseph, de Apostolis, de Patrono et de Pace, similiter quando dicendæ sunt, dicuntur post Orationem, nisi alia commemoratio Festi Simplicis vel ad instar Simplicis occurrat, quæ semper prædictas commemoraciones præcedit, de quibus in propriis Rubricis dicitur.

4. Ante Orationem dicitur Dóminus vobiscum, et Orémus: post ultimam Orationem repetitur Dóminus vobiscum; deinde, Benedicámus Dómino, et V. Fidé- lium ánimæ, Pater noster, Dóminus det nobis suam pacem, et Antiphona beatæ Mariæ, ut habetur in fine Completorii, si tunc discedendum sit a Choro: alioquin in fine ultimæ Horæ, nisi sequatur Missa, vel Officium Defunctorum, vel Psalmi Pœnitentiales, aut Litanie, ut in propria Rubrica dicitur.

XV. De Prima.

Ad Primam, Pater noster, Ave Maria, Credo, secreto: Deus in adiutorium, etc. Hymnus Jam lucis orto sidere: deinde inchoatur Antiphona, quæ convenit. Sumuntur autem Antiphonæ in Festis ad omnes Horas ex Laudibus per ordinem, quarta prætermissa, ut dicitur infra in Rubrica de Antiphonis. Postea dicuntur Psalmi, qui in Dominicis et Feriis

dicuntur ut in Psalterio. In Festis autem, et tempore Paschali, tres tantum, ut etiam ibi adnotatur.

2. Post Antiphonam dicitur Capitulum Regi sæculorum. In feriali Officio extra tempus Paschale dicitur Capitulum Pacem, deinde Responsorium breve *Christe Fili Dei vivi, etc.* Post Responsorium breve in Officio Duplici, et infra Octavas, statim dicitur Oratio *Dómine Deus omnipotens.* In alio Officio dicitur, *Kýrie eléison* cum reliquis Precibus: omnia ut in Psalterio. Ad Versum autem Adjutórium, Hebdomadarius signat se signo Crucis a fronte ad pectus. Quando aliquis solus recitat Officium, semel tantum dicit *Confíteor*, omissis illis verbis, *Tibi pater, vel vobis fratres, et Te pater, vel vos fratres, et similiter dicit Misereátur nostri . . . peccátis nostris, perducát nos, quod etiam servatur ad Completorium.* In feriali Officio, quando dictæ sunt Preces ad Laudes, adduntur aliæ Preces, ut ibidem in Psalterio.

3. Post Orationem Primæ, vel si dicatur Officium beatæ Mariæ, post illius Orationem, dicto *Benedicámus*, in Choro legitur Martyrologium: deinde dicitur *Pretiosa* cum reliquis: quæ etiam dicantur ab iis, qui extra Chorum non legerint Martyrologium. In fine ad Absolutionem Capituli, in Festis et aliquibus diebus, pro Lectione brevi dicitur Capitulum Nonæ, si adsit proprium, alioquin de Communi: alio tempore, tam in Dominicis, quam Feriis, Lectio brevis Officio illius temporis in Psalterio assignata.

XVI. De Horis Tertia, Sexta et Nona.

Ad Tertiam, Sextam, et Nonam, ante singulas Horas dicitur, *Pater noster, Ave Maria, Deus in adjutórium.* Hymnus, et Psalmi, ut in Psalterio: Antiphonæ secundum Officii qualitatem, ordine quo supra. Dictis Psalmis et Antiphona, dicitur Capitulum et Responsorium breve pro qualitate Officii: quæ in Dominicis, et Feriis, quando non habentur propria in Proprio de Tempore, dicuntur ut in Psalterio: in Festis, si in Proprio Sanctorum non sint propria, sumuntur de Communi. Post Responsorium breve dicitur *Dóminus vobiscum*, et Oratio, quæ habetur in Proprio de Tempore: si autem fit de Sancto, ut in Proprio Sanctorum: alioquin ut in Communi.

2. Post Orationem repetitur *Dóminus vobiscum*, et dicitur *Benedicámus Dómino, Fidélium animæ, et Pater noster*, secreto, ut infra in Rubrica de Oratione Dominica explicatur.

XVII. De Vesperis.

Ad Vesperas, *Pater noster, Ave Maria, Deus in adjutórium, etc.* Deinde dicuntur quinque Psalmi cum quinque Antiphonis, ut in Proprio, aut Communi Sanctorum signantur. In Dominicis autem, et Feriis, Antiphonæ et Psalmi semper dicuntur ut in Psalterio (ubi etiam tempore Paschali Psalmi dicuntur sub una Antiph., *Allelúia*) nisi aliæ propriæ Antiphonæ vel Psalmi (ut in Dominicis Adventus, et triduo ante Pascha) assignentur.

2. Post Psalmos et Antiphonas dicitur Capitulum, Hymnus, Versus, Antiphona ad *Magnificat* cum eodem Cantico; et Oratio; omnia de Tempore, vel de Sancto, pro qualitate Officii.

3. Preces, quando dicendæ sunt, dicuntur ante Orationem; Commemorationes vero de Cruce, S. Ma-

ria, S. Joseph, Apostolis, Patrono, et Pace, post Orationem, ut in propriis Rubricis habetur. Terminatur autem Officium Vesperarum ut in aliis Horis.

XVIII. De Completorio.

Ad Completorium absolute dicitur Lectio brevis, ut in Psalterio: deinde *Pater noster, Confíteor, Misereátur, Indulgéntiam, Convérte, Deus in adjutórium, Antiphona, Psalmi, Hymnus, Capitulum, Responsorium breve, Canticum cum Antiphona; omnia ut in fine Psalterii; et post Antiphonam in Duplicibus et infra Octavas dicitur Oratio; in alio autem Officio ante Orationem dicitur Kýrie eléison. cum reliquis precibus, ut ibidem in Psalterio.*

2. Post Versum *Benedicat et custódiat nos, etc.* dicitur una ex Antiphonis beatæ Mariæ, cum Versiculo et Oratione, ut ibidem: et dicto Versu, *Divinum auxilium*, dicitur secreto, *Pater noster, Ave Maria, et Credo.*

XIX. De Invitatorio.

Invitatorium semper dicitur in omni Officio ad Matutinum cum Psalmo *Venite exsultémus*, ordine in principio Psalterii descripto: sed variatur pro Officii qualitate, ut in Psalterio, et Proprio de Tempore, ac in Proprio, et Communi Sanctorum.

2. Non dicitur in die Epiphaniæ, nec in triduo ante Pascha, ut suis locis notatur, nec in Officio Defunctorum per annum, excepto die Commemorationis omnium Fidélium defunctorum, ac in die obitus seu depositionis Defuncti, et quodcumque dicuntur tres Nocturni.

XX. De Hymnis.

Hymni semper dicuntur in qualibet Hora, præterquam a triduo ante Pascha, usque ad Vesperas Sabbati in Albis exclusive, et præterquam in Officio Defunctorum.

2. Ad Matutinum Hymnus dicitur post Psalmum *Venite*, repetito Invitatorio, præterquam in die Epiphaniæ. Ad Laudes et Vesperas dicitur post Capitulum: ad Horas ante Psalmos, ad Completorium post Psalmos et Antiphonam.

3. Dicuntur autem in Officio de Tempore ut in Psalterio, quando proprii Hymni in Proprio de Tempore non adsunt: qui Hymni de Psalterio in Dominicis, et Feriis assignati dicuntur ab Octava Pentecostes usque ad Adventum (Dominica infra Octavam Corporis Christi excepta) et ab Octava Epiphaniæ usque ad Dominicam primam Quadragesimæ exclusive. In Officio de Sanctis dicuntur ut in Communi Sanctorum, nisi proprii in Proprio Sanctorum habeantur.

4. In Nativitate Domini usque ad Epiphaniam, in Festo Corporis Christi et per Octavam, et quodcumque fit Officium beatæ Mariæ tam novem, quam trium Lectionum, etiam tempore Paschali, in fine omnium Hymnorum (præterquam in fine Hymni *Ave maris stella*, et Hymni ad Laudes in Festo Corporis Christi, qui habet ultimum versum proprium) dicitur *Jesu, tibi sit glória, Qui natus es de Virgine*, ut in ejus Officio parvo, etiamsi dicantur Hymni de Sanctis, qui infra Octavas prædictas celebrantur, dummodo Hymni illi sint ejusdem metri, nec habeant ultimum Versum proprium, ut Hymnus sanctæ Crucis ad Vesperas, et plurim. Martyrum ad Matutinum.

5. In Epiphania Domini, et per Octavam, in fine omnium Hymnorum dicitur, *Jesu, tibi sit glória, Qui apparuisti Géntibus.*

6. A Dominica in Albis usque ad Ascensionem, in Pentecoste, et per Octavam, in fine omnium Hymnorum dicitur Deo Patri sit glória, Et Filio qui a mórtuis; etiam in Festis Sanctorum eodem tempore Paschali occurrentium; dummodo Hymni sint ejusdem metri, nec habeant ultimum versum proprium, qui non mutatur, ut supra.

7. In Ascensione autem usque ad Pentecosten (præterquam in Hymno *Salútis humanæ Sator*) dicitur *Jesu, tibi sit glória, Qui victor in cœlum redis:* similiter etiam in Festis tunc occurrentibus.

8. In Transfiguratione Domini dicitur *Jesu, tibi sit glória. Qui te revelas párvulis.* Aliis temporibus terminantur Hymni, ut suis locis ponitur.

XXI. De Antiphonis.

Ad omnes Horas nocturnas, et diurnas semper cum Psalmis dicuntur Antiphonæ, vel una, vel plures, pro diversitate Officii, et Horarum.

2. Si de tempore fiat Officium, id est, de Dominica, aut Feria, dicuntur Antiphonæ ut in Psalterio, quæ cum Psalmis positæ in Vesperis Dominicæ et Feriarum, in Completorio, et in Nocturnis (etiam quando fit Officium de Festo trium Lectionum, id est, Simplici), numquam mutantur, nisi tempore Paschali, in quo dicitur una tantum Antiphona *Allelûja*; excepto etiam tempore Adventus, in quo ad Vesperas, et Nocturnos Dominicæ ponuntur Antiphonæ propriæ. In Laudibus, et aliis Horis mutantur pro diversitate temporum, ut in Proprio de Tempore habentur: cum vero non assignantur propriæ, semper dicuntur quæ positæ sunt in Psalterio.

3. Antiphonæ, quæ in Proprio de Tempore pro Sabbatis ponuntur ad *Magnificat* pro prima Dominica alicujus mensis, sumendæ sunt ex ea Dominica, quæ est proximior Kalendis, vel est in Kalendis illius mensis; ut dictum est supra in Rubrica de Dominicis, ac etiam in Rubrica mensis Augusti; et semper in Sabbato ponitur Antiphona ad *Magnificat*, quæ contigua est libro Scripturæ in Dominica ponendo.

4. In Festis novem Lectionum ad Vesperas dicuntur Antiphonæ de Laudibus, nisi propriæ in Vesperis assignentur. Ad Horas similiter, tam in Officio de Tempore, quam de Sanctis, quando habentur propriæ in Laudibus, et aliæ propriæ non fuerint ad Horas, sumuntur ex Laudibus, quarta prætermissa, hoc ordine: Ad Primam, prima; ad Tertiam, secunda; ad Sextam, tertia; ad Nonam, quinta.

5. In Feriis Adventus, quæ non habent in Laudibus Antiphonas proprias, sumuntur ad Horas ex Laudibus Dominicæ præcedentis. Ubi vero in Laudibus Feriarum fuerint propriæ, sumuntur ex ipsis Laudibus.

6. Tempore Paschali, in Officio tam novem, quam trium Lectionum, Psalmi cujuslibet Nocturni dicuntur sub unica Antiphona, quæ Officio convenit, ut suis locis ponitur: et in fine omnium Antiphonarum additur *Allelûja*, quando in illis non habetur. A Septuagesima usque ad Pascha, ubi habetur *Allelûja*, tacetur; neque aliud ejus loco dicitur.

7. In Duplicibus ad Vesperas, Matutinum et Laudes tantum, Antiphonæ dicuntur ante Psalmos vel Cantica integræ, et post Psalmos vel Cantica integræ repetuntur: in aliis Horis, et in Officio non Duplici, in principio Psalmi, vel Cantici, inchoatur tantum Antiphona, deinde in fine integra dicitur. Et quando Antiphona sumitur ex principio Psalmi, vel Cantici, et incipit sicut Psalmus, vel Canticum, post Antiphonam non repetitur principium Psalmi, vel Cantici; sed continuatur quod sequitur in Psalmo, vel Cantico, ab eo loco, ubi secundum ritum diei desinit Antiphona, nisi discontinuetur per *Allelûja*.

8. Antiphonis propriis, tam in Officio de Tempore, quam de Sanctis, semper cedunt quæ habentur in Psalterio, et in Communi Sanctorum.

9. Quando fit aliqua commemoratio semper dicitur Antiphona ante Orationem cum Versu, quæ sumitur ex Officio, quod convenit ei, de quo fit commemoratio; ita ut in Vesperis sumatur Antiphona, quæ assignatur ad *Magnificat*; in Laudibus, quæ ad *Benedictus*, cum Versibus qui habentur post Hymnum.

10. Antiphonæ sanctæ Mariæ positæ in fine Completorii, dicuntur ut inferius in propria Rubrica disponitur.

XXII. De Psalmis.

Psalmi in Officio de Tempore per omnes Horas in Dominicis, et Feriis dicuntur eo modo, quo distributi sunt in Psalterio: nisi aliquando aliter in Proprio de Tempore signetur. In Festis autem dicuntur, ut in propriis locis signantur: alioquin, ut in Communi Sanctorum.

2. Psalmi ad Laudes de Dominica, cum Cantico *Benedicite* dicuntur in omnibus Festis per annum, et in Feriis temporis Paschalis.

3. Psalmus *Confitemini* dicitur ad Primam cum aliis Psalmis in Psalterio assignatis, in omnibus Dominicis (quando Officium fit de Dominica, ut in Psalterio, etiam in Dominicis, quæ occurrunt infra Octavas Sanctorum) a tertia Dominica post Pentecosten inclusive, usque ad Nativitatem Domini exclusive: et a secunda Dominica post Epiphaniam inclusive, usque ad Septuag. exclusive: a Septuages. autem usque ad Pascha, ejus loco dicitur Psalmus *Dóminus regnavit*, quia Psalmus *Confitemini* tunc dicitur ad Laudes post Psalmum *Miserere*, ut suo loco ponitur. In Dominicis vero temporis Paschalis, a Dominica in Albis inclusive, usque ad Ascensionem exclusive, dicuntur tantum tres Psalmi sicut in Festis, addito Symbolo sancti Athanasii. Alii Psalmi per singulas Ferias distributi ad Primam, dicuntur singuli loco Psalmi *Confitemini*, in feriali tantum Officio, quando de Feria agitur extra tempus Paschale. In Feriis vero temporis Paschalis, in Festis per annum, et in Sabbato, sive de sancta Maria, sive de Feria fiat Officium, dicuntur tantum tres Psalmi, scilicet: *Deus in nómine tuo. Beáti immaculáti, et Retribue*; etiam si Festum Duplex celebretur in Dominica.

4. In Dominicis autem, quando Officium fit de Dominica ut in Psalterio, post Psalmos additur semper Symbolum sancti Athanasii *Quicumque* ut infra in propria Rubrica dicitur.

5. Psalmi Horarum, scilicet ad Tertiam, Sextam,

et Nonam, et ad Completorium, numquam mutantur, ut in Psalterio, sive de Sanctis, sive de Tempore fiat Officium.

6. Psalmi de Dominica ad Vesperas, ut plurimum dicuntur in Vesperis Festorum, excepto ultimo, qui mutatur: cum vero aliter fieri debet, suis locis notatur. In Vesperis infra Octavam dicuntur Psalmi ut in secundis Vesperis Festi: sed in primis Vesperis diei Octavæ dicuntur ut in primis Vesperis Festi, nisi aliter notetur.

7. In fine Psalmorum semper dicitur Glória Patri, præterquam in Psalmo Deus Deus meus ad te de luce vigilo, et in Psalmo Laudate Dóminum de cælis, qui conjunguntur cum aliis Psalmis, et in fine ultimi tantum dicitur Glória Patri, ut suis locis notatur. Præterea non dicitur in triduo majoris Hebdomadæ ante Pascha, nec in Officio Defunctorum, cujus loco pro Defunctis dicitur Réquiem æternam dona eis Dómine, etiamsi fiat Officium pro uno tantum.

8. Ut sacra Vulgatæ editionis puritas inconfusa et illibata servetur, etiam quoad interpunctiones et distinctiones in sacris Bibliis appositæ, additus est Asteriscus, * ut sit nota musicæ partitionis in medio Versu.

XXIII. De Canticis.

Cantica dicuntur in Officio de Tempore, tam de Dominicis, quam Feriis, ad Laudes, Vesperas et Completorium, ut in Psalterio distribuuntur.

2. In Festis, et tempore Paschali ad Laudes semper dicitur Canticum Benedicite, ut in Dominica; et in fine ejus non dicitur Glória Patri, sicut in aliis Canticis dicitur, nec respondetur Amen. Alia Cantica ferialia ut in Psalterio, ad Laudes non dicuntur, nisi quando fit Officium de Feria extra tempus Paschale.

3. Canticum Benedictus, Magnificat, et Nunc dimittis, semper dicuntur suo loco, ut in Psalterio.

XXIV. De Versibus.

Versus semper dicuntur ad Matutinum post ultimum Psalmum et Antiphonam Nocturnorum: sive in Officio dicantur tres Nocturni, sive unus. Ad Laudes et Vesperas Versus dicitur post Hymnum: ad Horas dicitur in Responsorio brevi, post repetitionem partis Responsorii, dicto Glória Patri.

2. In Pascha Resurrectionis et per Octavam usque ad Vesperas Sabbati in Albis exclusive, in Nocturno tantum dicitur Versus, in aliis Horis non dicitur, ut ibidem.

3. Quando fit aliqua commemoratio, semper post Antiphonam ejus, de quo fit commemoratio, dicitur Versus, qui in ejus Officio ponitur post Hymnum Vesperarum et Laudum, nisi aliter notetur.

4. Versibus prædictis tempore Paschali semper additur Alielúja: non autem Versibus Precum, nec in Pretiósâ ad Primam, neque in Versibus Responsiorum Matutini.

5. In Officio Festi trium Lectionum post omnes Psalmos ferialia cum Antiphonis dicitur Versus de Comuni Sanctorum, hoc ordine: Feria secunda et quinta, Versus primi Nocturni: Feria tertia et sexta, Versus secundi Nocturni: Feria quarta, Versus tertii Nocturni.

6. Versus positi in Psalterio ad Laudes et Vesperas semper dicuntur, quando alii proprii non assignantur in Proprio de Tempore.

XXV. De Absolutionibus et Benedictionibus ante Lectiones.

Absolutiones et Benedictiones dicuntur per ordinem in Officio novem Lectionum ante Lectiones, ut in prima Dominica de Adventu ponuntur, acilicet, post Versum, dicto Pater noster, Et ne nos, dicitur Absolutio, et Benedictiones, ut ibi: præterquam in Matutinis Tenebrarum majoris Hebdomadæ, et in Officio Defunctorum, in quibus Absolutio et Benedictiones non dicuntur.

2. Si fiat Officium trium Lectionum, et sit de Feria, in qua singulæ tres Lectiones sunt de Scriptura, Absolutio et Benedictiones sumuntur ex prima Dominica de Adventu, hoc ordine: Feria secunda et quinta dicuntur Absolutio et Benedictiones primi Nocturni: Feria tertia et sexta, secundi Nocturni: Feria quarta et Sabbato, tertii Nocturni.

3. Si autem singulæ tres Lectiones sint de Homilia super Evangelium, Absolutio dicitur secundum Ferias, ut supra: Benedictiones vero semper dicuntur ut in tertio Nocturno, scilicet: prima Benedictio erit Evangelíca lectio: secunda, Divinum auxilium: tertia, Ad societátem. Si fit de Sancto trium Lectionum, Absolutio dicitur secundum Ferias, ut supra: Benedictiones vero semper dicuntur ut in tertio Nocturno, hoc modo: prima Ille nos benedicat: secunda, Cujus, vel Quorum vel Quarum Festum cólimus: tertia, Ad societátem.

4. Quando fit Officium sanctæ Mariæ in Sabbato, Absolutio et Benedictiones dicuntur, ut habentur in ejus Officio parvo circa finem Breviarii.

XXVI. De Lectionibus.

Lectiones leguntur ad Matutinum, dictis Psalmis Nocturnorum cum Antiphonis, Versibus, Absolutionibus quoque, et Benedictionibus, ut supra. In Duplicibus et Semiduplicibus dicuntur novem Lectiones, id est, in quolibet Nocturno tres: in Feriis, et in Festis Simplicibus leguntur tantum tres Lectiones.

2. In Officio novem Lectionum dicuntur hoc modo. In primo Nocturno semper leguntur trea Lectiones de Scriptura: quæ, quando suis locis propriæ, aut de Comuni Sanctorum non assignantur, semper leguntur ut in Officio de Tempore; quæ sua quaque die occurrunt legendæ. In secundo Nocturno, si fit de Sancto, tres Lectiones leguntur de vita Sancti, vel de aliquo Sermone, aut Tractatu, qui ei convenit: quæ, si non adsint propriæ, leguntur ex Comuni Sanctorum. Ex quo etiam Comuni completur numerus trium Lectionum, quando Officium fit novem Lectionum de aliquo Sancto, qui habet tantum unam vel duas Lectiones proprias. Si fit de Dominica, vel de alio Officio novem Lectionum per annum, etiam de Octava, leguntur tres Lectiones de Sermone, aut Tractatu, qui in illis ponitur. In tertio Nocturno semper leguntur tres Lectiones de Homilia in Evangelium, positæ in Proprio, aut ex Comuni assignatæ: et primæ Lectioni de Homilia semper præponitur principium Evangelii, de quo est Homilia, etiam

infra Octavas. Excipiuntur ab hoc ordinario Lectionum Matutina Tenebrarum ante Pascha, et Defunctorum, ut in suis Officiis ponitur.

3. Si in Officio novem Lectionum, in quo non dicitur. nonum Responsorium, contingat fieri Commemorationem de aliquo Sancto, qui propriam habet Lectionem, nona Lectio legitur de Sancto: si habuerit duas Lectiones, ex duabus fiat una Lectio, ommissa nona Lectione in dicto Officio novem Lectionum vel octavæ Lectioni adjuncta. Item de Festo Duplici aut Semiduplici, si fiat tamquam Simplex, legitur nona Lectio composita ex omnibus Sancti Lectionibus historicis secundi Nocturni, ut supra dictum est in Rubrica de Commemorationibus num. 10. Quod si eodem die occurrat Dominica, vel Feria quæ habeat Homiliam, nona Lectio Sancti omittitur, et ejus loco legitur Homilia Dominicæ, vel Feriæ; scilicet vel prima Lectio de Homilia, vel tres simul in unam Lectionem conjunctæ. Similiter si plures occurrant nonæ Lectiones propriæ de Sanctis, legitur tantum illa dignioris.

4. In Officio trium Lectionum, si fit de Feria, tres Lectiones leguntur de Scriptura, nisi tres sint de Homilia, quia tunc ommissis Lectionibus de Scriptura, leguntur de Homilia. Si fit de Sancto, qui habeat duas Lectiones, prima tantum erit de Scriptura, ut vel legatur una, vel ex tribus simul junctis fiat una; secunda et tertia de Sancto. Si unam tantum habuerit, vel propriam, vel ex Communi assignatam, prima et secunda crunt de Scriptura, tertia de Sancto: quod etiam servatur in Officio beatæ Mariæ in Sabbato.

5. Lectiones autem de Scriptura in Officio de Tempore sic distributæ sunt per annum, ut quotidie aliquid ex ea legatur, etiam in Officio de Sanctis, quando aliæ (ut dictum est) non assignantur.

6. Initia librorum sacræ Scripturæ (qui fere semper in Dominicis inchoantur) eo die ponuntur, quo notata sunt, etiamsi fiat Officium de Sancto, nisi in Festo aliæ propriæ Lectiones de Scriptura, vel de Communi assignentur: tunc enim initium Lectionis de Scriptura transfertur in sequentem diem similiter non impeditam; et Lectiones illi diei de eadem Scriptura assignatæ vel cum superioribus Lectionibus legantur, vel omittantur: ita ut non oporteat eas amplius in alio sequenti die resumere, sed illæ legantur, quæ sua quaque die occurrunt, aut cum eisdem jungantur. Quod semper servetur; quando Lectiones occurrentes de Scriptura aliquo die omittuntur.

7. Cum autem initium alicujus Epistolæ catholice tempore Paschali, aut alicujus Prophetæ minoris mense Novembri, infra Hebdomadam illorum temporum impeditur aliquo Festo novem Lectionum habente proprias Lectiones de Scriptura, dictum initium Epistolæ et Prophetæ, quoad cōmode fieri poterit, ponatur in sequenti Feria, alio simili initio Scripturæ ponendo, vel Festo non impedita; alioquin in præcedenti similiter non impedita, ita ut aliquo modo ponatur, etiamsi plura initia eodem die poni oporteat.

8. De Scriptura quoque tantum est positum, quantum satis videtur pro numero Hebdomadarum, quæ esse possunt inter Epiphaniam et Septuagesimam, et inter Pentecosten et Adventum. Ubi vero contingit

minui numerum Dominicarum et Hebdomadarum post Epiphaniam, adveniente Dominica Septuagesimæ, quod superest de Epistolis beati Pauli, quæ distributæ sunt pro numero dictarum Dominicarum et Hebdomadarum, eo anno omittitur, quamvis de aliquibus Epistolis nihil sit lectum. Quod etiam fit de Scriptura ex libris Regum (de quibus legitur ab Octava Pentecostes usque ad Dominicam primam Augusti), cum non expletur numerus Dominicarum post Pentecosten de eis libris annotatus usque ad mensem Augusti; quia tunc, Lectionibus de his libris ommissis, legitur de Scriptura, quæ ponitur mense Augusti. Quod si fiat de aliqua Dominica post Epiphaniam anticipate in Feria, eo modo quo dictum est de Dominicis num. 4 et 5; tunc post Officium Dominicæ anticipatæ, in sequentibus diebus legatur de Epistolis sancti Pauli assignatis Dominicæ anticipatæ, et sequentibus Feriis, ommissis aliis, quæ sunt assignatæ præcedenti Hebdomadæ. Quid autem observandum sit, cum mensis, cui quinque Dominicæ assignantur, non habuerit nisi quatuor, in propriis locis notatur.

9. Lectiones de Scriptura positæ in Communi Sanctorum leguntur in Festis, ubi assignantur in Proprio Sanctorum per annum. Rursus, quando aliquod Festum in propria Ecclesia solemniter celebratur: item, quando aliquod Festum novem Lectionum occurrit in Quadragesima, et Quatuor Temporibus, in secunda Feria Rogationum, et in Vigilia Ascensionis, in quibus Feriis in Officio de Tempore non assignantur Lectiones de Scriptura, sed de Homilia; tunc enim in Festis recurrendum est ad Lectiones de Scriptura positas in Communi Sanctorum. Quod si in aliquibus ex supradictis Feriis occurrat dies Octava alicujus Festi habentis Octavam, tunc in primo Nocturno diei Octavæ repetantur Lectiones, quæ in primo Nocturno Festi lectæ fuerunt: si vero occurrat dies infra Octavam, tunc sumantur de Communi. Aliæ Lectiones secundi et tertii Nocturni positæ in Communi Sanctorum similiter leguntur, quando in Proprio Sanctorum assignantur, et quando in aliqua Ecclesia aliquod Festum celebratur cum novem Lectionibus (quia in ea est solemne, aut consuetum in ea celebrari), quod proprias et approbatas de Festo Lectiones non habuerit.

10. Lectiones primi Nocturni leguntur cum titulo libri, ex quo sumuntur, nisi aliter in propriis locis notetur. Lectiones etiam secundi Nocturni, quando sumuntur ex aliquo Sermone vel Tractatu, leguntur cum titulo et nomine Auctoris; alias minime. Et similiter in tertio Nocturno præponitur titulus auctoris cujus est Homilia.

11. In fine cujusque Lectionis dicitur Tu autem Dōmine miserere nobis, et respondetur Deo grātiās. Quod etiam fit in Lectionibus brevibus in principio Completorii, et in fine Primæ post Pretiōsa, præterquam in triduo majoris Hebdomadæ ante Pascha, et in Officio Defunctorum, ut suis locis ponitur.

XXVII. De Responsorii post Lectiones.

Responsoria dicuntur ad Matutinum post Lectiones: id est, post quamlibet Lectionem dicitur unum Responsorium, ut infra.

2. In Festis novem Lectionum (præterquam in Festo sanctorum Innocentium, quando non venerit in Dominica), et in Dominicis ab Octava Paschæ inclusive, usque ad Adventum exclusive, et a Dominica infra Octavam Nativitatis inclusive, usque ad Septuagesimam exclusive, dicantur octo tantum Responsoria; et in fine terti, sexti, et octavi dicitur Glória Patri, cum repetitione partis Responsorii: quod regulare est in fine ultimi Responsorii cujuslibet Nocturni, tam in Officio novem quam trium Lectionum: excepto Tempore Passionis, quo Tempore, loco Glória Patri, repetitur Responsorium a principio: excepto etiam Officio Defunctorum, in quo illius loco dicitur Réquiem ætérnā, etc. Qui Versus Glória Patri quibusdam diebus dicitur in primo Responsorio, ut in propriis locis annotatur. Post nonam Lectionem prædictis diebus, quando octo tantum dicuntur Responsoria, immediate dicitur Hymnus Te Deum.

3. In Dominicis Adventus, et in Dominicis a Septuagesima usque ad Dominicam Palmarum inclusive, et in triduo ante Pascha, dicuntur novem Responsoria, quia tunc non dicitur Te Deum.

4. In Officio autem trium Lectionum, quando fit de Festo, et in Feriis Temporis Paschalis, quod est inter Dominicam in Albis et Ascensionem (excepta Feria secunda Rogationum, in qua ponitur tertium Responsorium), dicuntur duo Responsoria, quia post tertiam Lectionem dicitur Te Deum. Quæ Responsoria in Festis sumuntur de Communi Sanctorum, et in dictis Feriis Temporis Paschalis, quando alia propria non assignantur, sumuntur de Dominica in qua primo sunt posita, hoc ordine: secunda et quinta Feria, primum et secundum Responsorium primi Nocturni: Feria tertia et sexta, primum et secundum Responsorium secundi Nocturni: Feria quarta primum et secundum Responsorium tertii Nocturni.

5. In aliis Feriis extra Tempus Paschale dicuntur tria Responsoria (quia in illis non dicitur Te Deum), hoc ordine: Feria secunda et quinta, tria Responsoria primi Nocturni: Feria tertia et sexta, tria Responsoria secundi Nocturni: Feria quarta et Sabbato, quando in eo fit de Feria, tria Responsoria tertii Nocturni Dominicæ præcedentis, in qua primo sunt posita. Verum quia in tertio Nocturno Dominicarum a tertia post Pentecosten inclusive, usque ad Adventum exclusive, non habetur nisi unum Responsorium dicendum infra Hebdomadam, quod est septimum in Dominica (propterea quod Responsorium Duo Séraphim non dicitur nisi in prædictis Dominicis); ideo Feria quarta et Sabbato, quando Responsoria sumenda erunt ex tertio Nocturno, primum Responsorium erit quod est septimum Dominicæ: secundo et tertio loco dicitur secundum et tertium sequentis Feriæ, id est, post secundam et tertiam Lectionem dicitur secundum et tertium Responsorium, quod est secundum et tertium secundæ sequentis Feriæ, si propria Responsoria habuerit; alioquin, si non habuerit propria, dicitur secundum et tertium Responsorium primi Nocturni ejusdem Dominicæ. Ab Octava Epiphaniæ usque ad Septuagesimam habentur Responsoria propria in singulis Feriis, excepto Sabbato, in quo, quando fit de Feria, dicuntur Responsoria Feriæ quartæ.

6. Sumuntur autem Responsoria ex eo loco, ubi primo sunt posita in principio mensis, vel libri, et repetuntur in aliis sequentibus Dominicis illius mensis in quibus alia non assignantur; vel donec de illo libro legitur, unde sumpta sunt Responsoria. Quæ autem in prima Hebdomada mensis posita sunt per Ferias, repetuntur eodem ordine in eisdem Feriis per sequentes Hebdomadas, donec alia ponantur. Ubi vero non adsunt propria, semper ex Nocturnis Dominicæ sumuntur dicto ordine.

7. Si Responsoria primi Nocturni ejus Dominicæ, in qua primo ponuntur, propter Festum Duplex in ea occurrens, in ipsa Dominica poni non possint, ponantur prima die ejus Hebdomadæ, in qua occurrit fieri de Feria, et omittantur alia quæ forte in illa Feria propria haberentur. Si vero in tota Hebdomada non occurrat dies in quo fiat de Feria, illa Responsoria ponantur in sequenti Hebdomada, vel Dominica similiter non impedita, et dummodo in ea alia Responsoria non sint primo ponenda; alioquin eo anno omittantur. Responsoria etiam quæ in aliquibus Feriis per Hebdomadam habentur, si eo die quo posita sunt, non possunt dici propter Festum occurrens, non sunt transferenda in aliam diem, sed omittuntur.

8. Tempore Paschali, in fine Responsorii, ante Versum, additur Allelûja.

XXVIII. De Responsoriis brevibus Horarum.

Responsoria brevia dicuntur post Capitulum ad Primam, Tertiam, Sextam, et Nonam, et ad Completorium, præterquam in triduo ante Pascha usque ad Nonam Sabbati in Albis inclusive, quibus diebus non dicuntur. Ad Primam et Completorium semper dicuntur eodem modo, ut in Psalterio. In aliis Horis, quando fit Officium de Dominica, vel Feria per annum, dicuntur ut habentur in Psalterio. In Adventu autem, Quadragesima, Tempore Passionis et Paschali, ut suis locis habentur propria. In Festis similiter, quando non habentur propria, dicuntur ut in Communi Sanctorum.

2. In fine Responsorii brevis dicitur Glória Patri, cum repetitione Responsorii eo modo quo ordinatur ad Primam in Psalterio, præterquam Tempore Passionis: tunc enim non dicitur Glória Patri in Officio de Tempore, sed solum repetitur Responsorium breve a principio.

3. In Responsorio brevi ad Primam, loco Versus: Qui sedes etc., in Adventu dicitur: Qui venturus es in mundum, tam in Dominicis et Feriis, quam in Festis, excepto Festo Immaculatæ Conceptionis beatæ Mariæ et per Octavam. In Nativitate Domini usque ad Epiphaniam, etiam in Festis occurrentibus; in Festo Corporis Christi, et per Octavam, et in omni Officio beatæ Mariæ, tam novem quam trium Lectionum, etiamsi infra ejusdem Octavas fiat de Festo vel de Dominica, dicitur: Qui natus es de Maria Virgine. In Epiphania, et per Octavam, et in Festo Transfigurationis, dicitur: Qui apparuisti hodie. A Dominica in Albis inclusive, usque ad Ascensionem exclusive, tam in Officio de Tempore, quam de Sanctis (excepto Officio beatæ Mariæ) semper dicitur:

Qui surrexisti a mortuis. In Ascensione usque ad Pentecosten exclusive dicitur: Qui scandis super sidera. In Pentecoste et reliquo anni tempore, tam in Officio de Tempore quam de Sanctis, dicitur: Qui sedes ad dexteram Patris, ut in Psalterio. Aliqua præterea sunt propria Officia, veluti Pretiosissimi Sanguinis, et Sacratissimi Cordis D. N. J. C. ac septem Dolorum B. M. V., in quibus proprius versus assignatur, ut suis locis ponitur.

4. Responsoria brevia aliarum Horarum, quæ ponuntur in prima Dominica de Adventu, dicuntur per totum Adventum, quando fit Officium de Tempore. Similiter quæ ponuntur in prima Dominica Quadragesimæ, dicuntur usque ad Dominicam Passionis exclusive. Et quæ ponuntur in Dominica Passionis, dicuntur usque ad Feriam quintam in Cæna Domini exclusive. Item quæ ponuntur in Dominica in Albis, dicuntur usque ad Ascensionem exclusive. Quæ vero ponuntur in aliquo Festo habente Octavam, dicuntur per totam Octavam quando fit de Octava. In Officio autem beatæ Mariæ, tam novem quam trium Lectionum, exceptis Festis quæ habent propria, dicuntur semper Responsoria brevia de Communi Virginum.

5. Tempore Paschali, a Dominica in Octava Paschæ usque ad Sabbatum post Pentecosten inclusive, in fine Responsorii brevis ante primum Versum dicuntur duo Allelûja, quæ etiam post dictum primum Versum repetuntur pro parte Responsorii; et in fine secundi Versus unum tantum Allelûja, tam in Officio de Tempore quam de Sanctis, ut dicitur in Rubrica quæ est in Sabbato in Albis. Extra tempus Paschale, quamvis in aliquibus Festis ad Tertiam, Sextam et Nonam, Responsorii brevibus addantur Allelûja, non ideo adduntur ad Primam et Completorium.

XXIX. De Capitulis.

Capitula semper dicuntur (præterquam a Feria quinta in Cæna Domini, usque ad Vesperas Sabbati in Albis exclusive, et præterquam in Officio Defunctorum) ad Vesperas, Laudes et alias Horas, dictis Psalmis et Antiphonis; ad Completorium vero dicto etiam Hymno.

2. Capitula Dominicalia posita in Psalterio in primis et secundis Vesperis, in Laudibus et Horis, dicuntur a tertia Dominica post Pentecosten usque ad Adventum, et a secunda post Epiphaniam usque ad Septuagesimam. Capitula autem ferialia dicuntur post Octavam Pentecostes usque ad Adventum, et ab Octava Epiphanie usque ad Dominicam primam Quadragesimæ. Aliis temporibus dicuntur ut in Proprio de Tempore: si fit de Sanctis, ut in Proprio de Sanctis, cum propria adsunt; alioquin de Communi Sanctorum. Capitulum Primæ et Completorii (quando Capitula dicuntur) numquam mutatur, ut in Psalterio.

3. In Dominicis ab Adventu usque ad Octavam Epiphanie, et a Septuagesima usque ad tertiam post Pentecosten, et in Ferialis temporis Paschalis, et in omnibus Festis regulariter, Capitulum positum in primis Vesperis dicitur in Laudibus, ad Tertiam, et in secundis Vesperis, quibusdam exceptis, quæ suis locis assignantur.

4. In Ferialis tempore Paschali ad Primam dicitur Capitulum Regi sæculorum sicut in Dominicis et in Festis. Post Capitulum semper respondetur Deo grâtiâs.

XXX. De Oratione.

Oratio in Vesperis et Laudibus dicitur post Antiphonas ad Magnificat et Benedictus immediate, nisi quando dicendæ sunt Preces, quæ dicuntur post Antiphonam, et in fine illarum Oratio. Ad Primam et alias Horas Oratio dicitur post Responsorium breve, nisi dicendæ sint Preces: tunc enim Oratio dicitur post Preces. Ad Completorium Oratio dicitur post Ant. Salva nos, nisi dicendæ sint Preces: et tunc dicitur post illas.

2. Ad Primam et Completorium numquam mutantur Orationes, quæ habentur in Psalterio, præterquam in triduo ante Pascha, in quo triduo ad omnes Horas usque ad Nonam Sabbati sancti inclusive post Psalmum Miserere, dicitur Oratio diei, ut suo loco ponitur. In aliis Horis regulariter dicitur Oratio quæ dicta est in primis Vesperis. In Quadragesima autem, Quatuor Temporibus, Vigiliis, et Feria secunda Rogationum, Oratio quæ dicta est in Laudibus, dicitur tantum ad Tertiam, Sextam et Nonam. In Vesperis autem sequentibus, si fit de Feria, dicitur vel alia propria, ut in Quadragesima, vel Dominicæ præcedentis, ut in aliis Ferialis. Quæ Oratio præcedentis Dominicæ semper dicitur in feriali Officio per Hebdomadam, quando propria non assignatur. Infra Octavas dicitur Oratio ut in die Festi: similiter et in die Octava, nisi alia propria assignetur.

3. Ante Orationem, etiam quando aliquis solus recitat Officium, semper dicitur Versus Dominus vobiscum, et respondetur Et cum spiritu tuo. Qui Versus non dicitur ab eo qui non est saltem in ordine Diaconatus, nec a Diacono, præsentem Sacerdote, nisi de illius licentia. Si quis autem ad Diaconatus ordinem non pervenerit, ejus loco dicat Domine, exaudi orationem meam, et respondetur Et clamor meus ad te veniat. Deinde dicitur Oremus, postea Oratio: quæ si unica tantum dicatur, Versus Dominus vobiscum. vel Domine exaudi. repetitur finita Oratione, postquam fuerit responsum Amen. Sin autem plures Orationes dicendæ sint, ante quamlibet Orationem dicitur Antiphona et Versus, deinde Oremus: et post ultimam Orationem repetitur Dominus vobiscum: postea dicitur Benedicamus Domino, respondetur Deo grâtiâs. Deinde dicitur Versus Fidelium animæ: qui Versus non dicitur post Benedicamus Domino, ad Primam ante Pretiosa, etc., neque ad Completorium ante Versum Benedicat etc., nec quando post aliquam Horam immediate sequitur Officium parvum beatæ Mariæ, vel Officium Defunctorum, aut Septem Psalmi Pœnitentiales, vel solæ Litanie.

4. Si Oratio dirigatur ad Patrem, concluditur Per Dominum: si ad Filium, Qui vivis et regnas. Si in principio Orationis fiat mentio Filii, dicatur Per eundem; si in fine Orationis, dicatur Qui tecum vivit et regnat. Si fiat mentio Spiritus sancti, dicatur In unitate ejusdem Spiritus sancti, etc.

5. Quando plures Orationes dicuntur, prima tantum dicitur sub sua conclusione *Per Dñm*. vel aliter, ut supra: aliæ non concluduntur, nisi in ultima Oratione; sed unicuique Orationi semper præponitur *Orémus*, præterquam in Officio Defunctorum, in quo, alio modo quam ut supra, Orationes dicuntur: item in Litanis, Orationes omnes dicuntur conjunctim sub uno *Orémus*. ut suis locis habetur.

XXXI. De Hymno Te Deum.

Hymnus *Te Deum* dicitur in omnibus Festis per annum, tam iii quam ix Lectionum, et per eorum Octavas, excepto Festo sanctorum Innocentium, nisi venerit in Dominica; dicitur tamen in ejus die Octava. Dicitur etiam in omnibus Dominicis a Pascha Resurrectionis inclusive, usque ad Adventum exclusive; et a Nativitate Domini inclusive, usque ad Septuagesimam exclusive, et in omnibus Feriis temporis Paschalis, scilicet a Dominica in Albis usque ad Ascensionem, excepta Feria secunda Rogationum, in qua non dicitur.

2. Non dicitur autem in Dominicis Adventus, et a Septuagesima usque ad Dominicam Palmarum inclusive, neque in Feriis extra tempus Paschale.

3. Cum dicitur, omittitur semper nonum, vel tertium Responsorium, et statim dicitur post ultimam Lectionem.

4. Cum non dicitur, ejus loco ponitur nonum, vel tertium Responsorium; quo dicto statim inchoantur Laudes. Similiter quando dicitur *Te Deum*, eo Hymno dicto statim inchoantur Laudes, præterquam in Nocte Nativitatis Domini; quia tunc dicitur Oratio, postea celebratur Missa, ut suo loco notatur.

XXXII. De Oratione Dominica et Salutatione Angelica.

Oratio Dominica *Pater noster*, et Salutatio Angelica *Ave Maria*, semper dicitur secreto ante omnes Horas, præterquam ad Completorium, in cujus principio post Lectionem brevem Fratres: Sôbrii, dicto Versu Adjutorium nostrum, dicitur tantum *Pater noster*. secreto; et in fine Completorii, statim post Orationem beatæ Mariæ, dicitur *Pater noster*, *Ave Maria*, et *Credo*. totum similiter secreto. Finitis Horis, et dicto Versu Fidei animæ, dicitur similiter secreto *Pater noster* tantum, nisi sequatur Officium beatæ Mariæ, quia tunc post illud dicitur *Pater noster*. ut supra, et nisi alia Hora subsquatur: tunc enim dicitur semel tantum *Pater noster*, cum *Ave Maria*. pro principio sequentis Horæ; qua finita, dicitur *Pater noster*, ita ut semper dicatur in fine ultimæ Horæ. Si autem post Vesperas immediate sequatur Completorium, dicto Fidei animæ, incipitur Versus *Jube domne benedicere*.

2. Quando in fine Orationis Dominicæ proferendum est clara voce *Et ne nos inducas*, semper in principio eadem voce proferuntur hæc duo verba *Pater noster*. ut in Precibus, et similibus: alias numquam proferuntur, ac dicitur totum secreto. Ad Laudea vero et Vesperas, quando in feriali Officio dicuntur Precea, totum dicitur clara voce ab Hebdomadario.

3. Salutatio Angelica semper dicitur ante Officium beatæ Mariæ, quando non conjungitur cum Officio

Domini; quia tunc sufficit dixisse eam in principio cum Oratione Dominica.

XXXIII. De Symbolo Apostolorum et Symbolo S. Athanasii.

Symbolum Apostolorum semper dicitur ante Matutinum et Primam, et finito Completorio post Orationem Angelicam, totum secreto: etiamsi ad Primam et Completorium iterum dicendum sit cum Precibus. Quando vero dicitur cum Precibus ad Primam et Completorium, clara voce profertur *Credo in Deum*, et in fine *Carnis resurrectionem*: reliquum dicitur secreto: alias totum secreto dicitur, ut supra.

2. Symbolum S. Athanasii dicitur ad Primam post Psalmum *Refræbuc*, in omnibus Dominicis per annum, quando Officium fit de Dominica, exceptis Dominicis infra Octavas Nativitatis Domini, Epiphaniæ, Ascensionis, et Corporis Christi, ac Dominica Resurrectionis et Pentecostes, in quibus dicuntur tantum tres Psalmi consueti, ut in Festis. In Dominicis infra alias Octavas, et in Dominica Trinitatis dicitur; alias numquam, neque si aliquod Festum Duplex celebretur in Dominica. Et in fine illius dicitur *Gloria Patri*.

XXXIV. De Precibus.

Preces sunt aliquot Versus qui aliquando dicuntur ante Orationem, incipientes a *Kýrie eléison*, vel a *Pater noster*.

2. Preces Dominicales ad Primam et Completorium, ut in Psalterio, non dicuntur in Duplicibus, nec infra Octavas, nec in Vigilia Epiphaniæ, et Feria sexta et Sabbato post Octavam Ascensionis, etiamsi infra Octavam fiat Officium de Dominica, vel alio Festo Semiduplici, quia tunc ratione Octavæ non dicuntur; alias autem semper dicuntur.

3. Preces feriales ad Laudes et per Horas distinctæ, ut in Psalterio, dicuntur tantum in Feriis Adventus, Quadragesimæ, Quatuor Temporum, et Vigiliarum quæ jejuntur (exceptis Vigilia Nativitatis Domini, ac Vigilia et Quatuor Temporibus Pentecostes), et tunc dicuntur flexis genibus. In aliis Feriis per annum numquam dicuntur nisi Dominicales, et in illis non flectuntur genua.

4. In Feriis Adventus, Quadragesimæ, et Quatuor Temporum, dicuntur Preces feriales etiam ad Vesperas, si non sequatur Festum: ad Completorium dicuntur consuetæ de Dominica, sed flexis genibus. Dicuntur autem Preces flexis genibus ab Hebdomadario usque ad Versum *Dóminus vobiscum* ante primam Orationem: a circumstantibus autem, usque ad Versum *Benedicámus Dómino*, post ultimam Orationem.

5. In Vigiliis Preces feriales dicuntur tantum ad Matutinum, et per Horas; ad Vesperas vero sequentes non dicuntur, quia inde fit de Festo. Quod si post Vigiliam S. Mathiæ sequatur primus dies Quadragesimæ, in Vesperis dicuntur Preces feriales, quamvis dicenda sit Oratio Dominicæ præcedentis, et non Vigiliæ. Quod etiam servatur quando in Feria sexta et Sabbato Quatuor Temporum Septembris fit Officium de Feria, cum in eia non occurrat Festum novem Lectionum: tunc enim in Vesperis Feriæ sextæ

dicuntur Preces, quamvis dicenda sit Oratio Dominicæ præcedentis, non autem Feriæ Quatuor Temporum.

6. Psalmus Miserere dicitur cum Precibus ad Vesperas tantum, et Psalmus De profundis ad Laudes. In Officio Defunctorum dicuntur Psalmi, qui in eo Officio designantur.

XXXV. De Commemorationibus communibus seu Suffragiis Sanctorum.

Commemorationes communes, seu Suffragia de Sanctis, quæ habentur in Psalterio post Vesperas Sabbati, dicuntur in fine Vesperarum, et Laudum, ab Octava Epiphaniæ usque ad Dominicam Passionis exclusive, et ab Octava Pentecostes usque ad Adventum exclusive, in Dominicis, Feriis et Festis (nisi Officium sit Duplex, vel infra Octavas, etiamsi de Dominica, vel Semiduplici infra eas fiat), et illis adjungitur Commemoratio de Patrono, vel Titulo Ecclesiæ, ante vel post Commemorationem de sancta Maria, de sancto Joseph, et de Apostolis, pro dignitate illius; ita tamen, ut semper ultimo loco ponatur Commemoratio de Pace. Et ante illas in feriali Officio fit Commemoratio de Cruce, quæ habetur in Psalterio post Laudes Feriæ secundæ.

2. Tempore Paschali fit alia Commemoratio de Cruce, ut ibi ponitur in Laudibus Feriæ secundæ post Dominicam in Albis, et ea solum tunc dicitur; non tamen in Duplicibus, neque infra Octavas.

3. Si facienda sit Commemoratio alicujus Festi occurrentis, semper fit ante ipsa Suffragia consueta, etiam ante Commemorationem de Cruce.

4. Commemoratio de sancta Maria non fit cum aliis, quando dicitur ejus Officium parvum, nec quodcumque fit Officium de ea.

XXXVI. De Antiphonis beatæ Mariæ in fine Officii.

Antiphonæ beatæ Mariæ positæ in fine Psalterii post Completorium, singulæ dicuntur pro temporis diversitate, ut ibi annotatur, præterquam in triduo majoris Hebdomadæ ante Pascha.

2. Dicuntur autem extra Chorum, tantum in fine Completorii, et in fine Matutini, dictis Laudibus, si tunc terminandum sit Officium; alioquin, si alia subsequatur Hora, in fine ultimæ Horæ. In Choro autem semper dicuntur quodcumque terminata aliqua Hora discedendum est a Choro.

3. Numquam vero dicuntur post aliquam Horam, quando subsequitur cum Officio diei Officium Defunctorum, vel Septem Psalmi Pœnitentiales, aut Litanie, præterquam post Completorium, in quo semper dicuntur, etiamsi prædicta subsequantur: neque etiam dicuntur quando post aliquam Horam immediate subsequitur Missa. Dicuntur autem flexis genibus (præterquam in diebus Dominicis, a primis Vesperis Sabbati, et toto tempore Paschali), Hebdomadario tamen ad Orationem surgente.

XXXVII. De Officio parvo beatæ Mariæ et aliis.

De Officio parvo beatæ Mariæ, de Officio Defunctorum, de Septem Psalmis Pœnitentialibus, et Litiis, et de Psalmis Gradualibus, quando et quomodo, tam in Choro quam extra Chorum, dicenda sint, habentur suis locis propriæ Rubricæ circa finem Breviarii.

2. Tempore Paschali in Officio parvo beatæ Mariæ, quod dicitur in Choro, non additur Allelûja Antiphonis, neque Versibus, neque Responsoriis.

DUÆ TABELLÆ

EX RUBRICIS GENERALIBUS EXCERPTÆ,

in quarum prima statim videri poterit de quo celebrandum erit Officium, si plura eodem die Festa occurrant.

In secunda vero, quomodo Officium præcedens concurrat in Vesperis cum Officio sequentis diei.

Ex utraque Tabella hoc ordine reperietur quod queritur.

Primum inveniatur numerus positus in quadrangulo illo, in quo Festa, de quibus est controversia, sibi invicem occurrunt: deinde legatur regula juxta dictum numerum descripta, et ex ea clare videbitur quid sit agendum.

Exempli gratia: Quadrangulus, in quo sibi invicem occurrunt Duplex primæ classis et Dominica primæ classis, erit qui est in angulo superiori primæ Tabellæ, in quo signatus est numerus 1., quia si ad eum tam Duplex quam Dominica prædicta ex eorum locis recto tramite pergerent, in eo sibi invicem occurrerent. Regula autem juxta dictum numerum apposta sic habet:

1. Translatio de primo, Officium de secundo. Id est, Duplex primæ classis prædictum transferatur, et Officium fiat de Dominica primæ classis: quia cum in his regulis dicitur De primo seu præcedenti,

intelligitur de Festo in superiori parte Tabellæ appposito, ut Duplex prædictum; cum de secundo vel sequenti, de Festo in inferiori parte sub numeris appposito, ut Dominica prædicta.

In aliquibus autem quadrangulis nullus appositus est numerus, vel quia nullus occursus, neque concursus esse potest, vel quia in propriis locis adnotatur in Breviario quid sit agendum.

Scire tamen oportet quæ sint Duplicia primæ et secundæ classis, et majora per annum, et quæ Dominicæ, et Feriæ majores dicantur.

Duplicia primæ classis,

in quibus nulla fit Commemoratio quoruncumque Festorum occurrentium, nisi prout supra in Rubricis.

Nativitas Domini.

Epiphania Domini.

Pascha Resurrectionis, cum tribus antecedentibus et duobus sequentibus diebus.

Ascensio Domini.

Pentecostes, cum duobus sequentibus diebus.

Festum Corporis Christi.

Assumptio et Immaculata Conceptio B. M. V.

Nativitas S. Joannis Baptistæ.

Festum S. Joseph Sponsi B. M. V.

Festum sanctorum Apostolorum Petri et Pauli.

Festum Omnium Sanctorum.

Dedicatio propriæ Ecclesiæ.

Patronus, vel Titulus Ecclesiæ.

Duplicia secundæ classis,

in quibus de Simplicibus fit Commemoratio in Laudibus tantum; de aliis ut in Rubricis.

Circumcisio Domini.

Festum Ss. Nominis Jesu.

Festum Ss. Trinitatis.

Festum Pretiosissimi Sanguinis D. N. J. C.

Inventio S. Crucis.

Purificatio

Annuntiatio

Visitatio

Nativitas

Solemnitas Ss. Rosarii

Dedicatio S. Michaëlis Archangeli.

Festum Patrocinii S. Joseph Sponsi B. M. V.

Natalitia undecim Apostolorum.

Festa Evangelistarum.

Festum S. Stephani Protomartyris.

Festum Ss. Innocentium Martyrum.

Festum S. Laurentii Mart.

Festum S. Annæ Matris B. Mariæ V.

Festum S. Joachim Patris B. Mariæ V.

Dominicæ majores

dividuntur in duas classes.

Dominicæ primæ classis,

quæ nunquam omittuntur.

Prima Adventus.

Prima Quadragesimæ.

Passionis.

Palmarum.

Paschæ.

In Albis.

Pentecostes.

Trinitatis.

Dominicæ secundæ classis,

quæ non omittuntur, nisi occurrente Patrono vel Titulari Ecclesiæ, et ejusdem Dedicatione; et tunc de eis fit semper Commemoratio in utrisque Vesperis et Laudibus.

Secunda

Tertia

Quarta

Dominica Septuagesimæ.

Dominica Sexagesimæ.

Dominica Quinquagesimæ.

Secunda

Tertia

Quarta

Adventus.

Quadragesimæ.

Duplicia majora per Annum,

quæ aliis duplicibus minoribus præferuntur.

Transfiguratio Domini.

Exaltatio sanctæ Crucis.

Festum Ss. Cordis D. N. J. C.

Duo Festa Septem Dolorum

Commem. de Monte Carmelo

Festum ad Nives

Festum Ss. Nominis

Festum de Mercede

Præsentatio

Apparitio S. Michaëlis Archangeli.

Festum Ss. Angelorum Custodum.

Decollatio S. Joannis Baptistæ.

Cathedra S. Petri Apostoli utraque.

Festum ejusdem ad Vincula.

Conversio S. Pauli Apostoli.

Commemoratio S. Pauli Apostoli.

Festum S. Joannis ante Portam Latinam.

Festum S. Barnabæ Apostoli.

Festum S. Benedicti Abb.

Festum S. Dominici Confessoris.

Festum S. Francisci Assisien. Confessoris.

Festum Patronorum minus Principalium.

Feriæ majores,

de quibus semper fit commemoratio.

Adventus.

Quadragesimæ.

Quatuor Temporum.

Secunda Rogationum.

SI OCCURRAT EODEM DIE.

Duplex i. classis,	6	4	0	6	6	4	6	6	2	2	2	8	4	4	1
Duplex ii. classis,	4	4	0	4	4	4	6	4	2	2	8	1	4	1	1
Dupl. per añum majus	4	4	0	4	4	1	4	4	2	8	1	1	4	1	1
Dupl. Doctoris Eccles.	4	4	0	4	4	1	4	0	0	1	1	1	4	1	1
Dupl. per añum minus	4	4	0	4	4	3	4	7	0	3	3	5	4	3	3
Dies infra Octavam,	4	4	0	4	3	3	7	3	3	3	5	5	3	3	3
Dies Octavæ,	4	4	0	4	4	7	4	4	2	2	3	3	4	3	3
Semiduplex.	4	4	0	4	7	3	4	3	3	3	3	5	3	3	3
Simplex,	3	3	3	0	3	3	3	3	3	3	3	5	3	3	3
S. Maria in Sabbato,	5	5	0	4	0	0	0	0	0	0	0	0	0	0	0
Feria major,	6	0	6	4	3	3	3	3	3	3	3	3	0	0	0
Vigilia,	0	5	6	4	3	3	3	3	3	3	3	5	0	0	0
1. Transl. de primo, Officium de secundo.	"	"	"	"	"	"	"	"	"	"	"	"	"	"	"
2. Officium de primo, Transl. de secundo.	"	"	"	"	"	"	"	"	"	"	"	"	"	"	"
3. Commem. de primo, Officium de secundo.	"	"	"	"	"	"	"	"	"	"	"	"	"	"	"
4. Officium de primo, commem. de secundo.	"	"	"	"	"	"	"	"	"	"	"	"	"	"	"
5. Nihil de primo, Officium de secundo.	"	"	"	"	"	"	"	"	"	"	"	"	"	"	"
6. Officium de primo, nihil de secundo.	"	"	"	"	"	"	"	"	"	"	"	"	"	"	"
7. Officium de digniori, commem. de minus digno.	"	"	"	"	"	"	"	"	"	"	"	"	"	"	"
8. Officium de digniori, Transl. de minus digno.	"	"	"	"	"	"	"	"	"	"	"	"	"	"	"
	Vigilia.	Feria major.	S. Maria in Sabbato.	Simplex.	Semiduplex.	Dies Octavæ.	Dies infra Octavam.	Duplex per annum minus.	Duplex Doctoris Ecclesiæ.	Duplex per annum majus.	Duplex secundæ classis.	Duplex primæ classis.	Dominica per annum.	Dominica secundæ classis.	et Dominica primæ classis.

Notandum, quod Duplex quodcumque, etiam Patroni et Tituli Ecclesiæ, vel Dedicationis ejusdem, occurrens in Vigilia Nativitatis Domini et Pentecostes, in die Circumcisionis, in die Octava Epiphaniæ, in Feria quarta Cinerum, ac in tota majori Hebdomada, et infra Octavam Paschæ et Pentecostes, in Ascensione Domini, in Festo Corporis Christi, in Festo Assumptionis et Immaculatæ Conceptionis B. Virginis, in Festo S. Joseph, Ss. Apostolorum Petri et Pauli, et Omnium Sanctorum, transfertur, si transferri valeat, aliter de eo fit Commemoratio ipso die quo cadit, vel penitus omittitur, ut ponitur in propriis Rubricis.

Infra Octavam Epiphaniæ fit tantum de Patrono, vel Titulari Ecclesiæ, et ejusdem Dedicatione, cum Commemoratione Octavæ: alia Festa transferuntur post Octavam, aut de eis fit Commemoratio, ut supra.

Infra Octavam Corporis Christi, de Semiduplici occurrente fit tantum Commemoratio, neque fit de duplici translato, nisi sit primæ vel secundæ classis, et de ea, quocumque adveniente duplici, fit Commemoratio.

Infra illas Octavas, in quibus fit de Festis occurrentibus, de Semiduplici, etiam occurrente in Dominica, fit Commemoratio, uti alias juxta Rubricas.

De Octava Nativitatis Domini, Epiphaniæ, et Corporis Christi, semper fit Commemoratio, quocumque Festo in illis occurrente.

De aliis Octavis, quæ non sunt in Calendario, nihil fit a Feria quarta Cinerum usque ad Dominicam in Albis, et a Vigilia Pentecostes usque ad Festum Ss. Trinitatis inclusive, et a die 17. Decembris usque ad Epiphaniam.

Dies Octavæ numquam transfertur: ideo quamquam Nativitas S. Joannis Baptistæ occurrens in die Corporis Christi, transferatur in diem sequentem; non tamen transfertur Octava, sed de ea fit tantum Commemoratio in Officio de Octava Corporis Christi.

Si occurrat, ut Patronus, vel Titulus Ecclesiæ descriptus sit eodem die in Calendario cum aliis Sanctis, in ea Ecclesia fit tantum de Patrono, vel Titulari. Alii si in dicto Calendario descripti sint sub officio Duplici minori, non tamen alicujus Ecclesiæ Doctoris, vel Semiduplici, de eis nihil fit. Si autem sint de Majoribus Festis aut Doctorum, transferuntur, ita ut de translato fiat Officium ac si proprio die celebraretur. Si vero in Calendario omnes sint tamquam Festum Simplex, etiam de illis nihil fit.

De Feriis Adventus et Quadragesimæ, quando de eis non fit Officium, fit Commemoratio in utrisque Vesperis, et Laudibus cujuscumque Festi: de Quatuor Temporibus, et Feria secunda Rogationum, ac Vigiliis, in Laudibus tantum. Si vero aliqua Vigilia occurrat in Adventu, Quadragesima, et Quatuor Temporibus, vel in diebus Festorum Duplicium primæ classis, sive Patroni, vel Tituli, aut Dedicationis Ecclesiæ, de ea nihil fit, nec etiam in Laudibus.

QUANDO CONCURRIT.

Domin. i. et ii. class.	0	4	3	4	4	3	3	3	3	3	0
Dominica per annum,	0	4	3	4	4	3	3	1	1	1	0
Duplex i. classis,	2	2	4	2	4	4	0	4	6	4	
Duplex ii. classis,	4	4	4	4	4	4	3	6	3	4	
Patronus, seu Tit. Ecclesiæ,	2	2	4	2	4	4	0	4	0	4	
Duplex per annum majus,	4	4	4	4	4	6	1	3	1	4	
Duplex per annum minus,	4	4	5	4	4	5	3	1	3	1	4
Semiduplex,	4	5	3	4	5	3	3	1	1	1	5
Dies Octavæ,	4	4	5	4	4	5	3	1	3	1	4
Dies infra Octavam,	0	0	3	4	5	3	3	1	1	1	5
1. Totum de sequenti, nihil de præcedenti.	"	"	"	"	"	"	"	"	"	"	cum Dominica quocumque.
2. Totum de præcedenti, nihil de sequenti.	"	"	"	"	"	"	"	"	"	"	"
3. Totum de sequenti, commemoratio de præced.	"	"	"	"	"	"	"	"	"	"	"
4. Totum de præced., commemoratio de sequenti.	"	"	"	"	"	"	"	"	"	"	"
5. Capitulum de sequ., commemoratio de præced.	"	"	"	"	"	"	"	"	"	"	"
6. Totum de digniori, commemor. de minus digno. Simplex, et S. Maria in Sabbato, Feria et Vigilia non concurrunt.	"	"	"	"	"	"	"	"	"	"	"
	Sancta Maria in Sabbato.	Die infra Octavam.	Die Octavæ.	Simplici.	Semiduplici.	Duplici per annum majore.	Duplici per annum minore.	Patrono, seu Titulo Ecclesiæ.	Duplici ii. classis.	Duplici i. classis.	

Notandum, quod in primis Vesperis diei Octavæ Ascensionis et Corporis Christi, totum Officium fit de Octava, cum Commemoratione præcedentis Festi Duplicis, nisi fuerit Festum solemne principale, vel primæ vel secundæ classis; quia tunc de Festo fieret Officium; et Commemoratio de Octava.

In secundis Vesperis diei Octavæ Epiphaniæ, Paschæ, Ascensionis, et Corporis Christi, de sequenti Duplici fit tantum Commemoratio, nisi illud fuerit primæ vel secundæ classis, seu Patronus, vel Titulus, aut Deductio Ecclesiæ: quia tunc de Festo fieret Officium, et de Octava Commemoratio. Et similiter die Octava Corporis Christi in secundis Vesperis concurrente cum die Octava S. Joannis Baptistæ, Vesperæ erunt de Octava Corporis Christi, cum Commemoratione Octavæ S. Joannis.

In secundis Vesperis Duplicis primæ classis fit commemoratio de Festis Duplicibus et Semiduplicibus reductis ad modum Simplicis tantummodo, si hujusmodi Commemoratio facienda sit die sequenti. In Duplicibus tamen secundæ classis de dictis Festis fit commemoratio in utrisque Vesperis ad instar Octavæ et Dominicæ: non fit vero Commemoratio de die infra Octavam, nisi quando de ea fieri debeat Officium die sequenti.

Cum plures fiunt Commemorationes, servetur hic ordo: De Duplici, licet agatur tamquam Simplex, de Dominica, de Semiduplici, etiam quando reductur ad modum Simplicis, de die infra Octavam, de Feria majore, seu Vigilia, de sancta Maria in Sabbato, de Simplicis.



ABSOLUTIONES ET BENEDICTIONES

DICENDÆ ANTE LECTIONES IN OFFICIO NOVEN ET TRIUM
LECTIONUM.

In I. Nocturno.

Et pro II. et V. Feria.

Absolutio.

Exaudi Dómine Jesu Christe preces servórum tuórum, et miserere nobis, qui cum Patre et Spíritu sancto vivis et regnas in sæcula sæculórum. R. Amen.

Benedictiones.

1. Benedictióne perpétua benedicat nos Pater ætérmus.
R. Amen.
2. Unigénitus Dei Fílius nos benedicere et adjuvare dignétur.
R. Amen.
3. Spíritus sancti grátia illúminet sensus et corda nostra.
R. Amen.

In II. Nocturno.

Et pro III. et VI. Feria.

Absolutio.

Ipsiús píetas et misericórdia nos ádjuvet, qui cum Patre et Spíritu sancto vivit et regnat in sæcula sæculórum. R. Amen.

Benedictiones.

4. Deus Pater omnípotens sit nobis propítius et clemens.
R. Amen.
5. Christus perpétuæ det nobis gaúdia vitæ. R. Amen.
6. Ignem sui amóris accéndat Deus in córdibus nostris.
R. Amen.

In III. Nocturno.

Et pro Feria IV. et Sabbato.

Absolutio.

Avículis peccatórum nostrórum absólvat nos omnípotens et miséricors Dóminus. R. Amen.

Benedictiones.

7. Evangélica léctio sit nobis salus et protéctio. R. Amen.
8. Divínium auxílium máneat semper nobíscum. R. Amen.
9. Ad societátem cívium supernórum perdúcat nos Rex Angelórum. R. Amen.

Si Officium fit de Sancto vel de Sancta novem Lectionum, octava Benedictio erit:

Cujus festum cólimus, ipse (vel ipsa) intercédât pro nobis ad Dóminum.

Quando sunt plures, dicitur:

Quorum (vel Quarum) festum cólimus, ipsi (vel ipsæ) intercédant pro nobis ad Dóminum.

Si Officium fit de S. Maria, octava Benedictio erit:

Cujus festum cólimus, ipsa Virgo vírginum intercédât pro nobis ad Dóminum.

Si in ultima Lectione legendum sit aliud Evangelium cum Homilia, nona Benedictio erit:

Per Evangélica dicta deleántur nostra delícta.

In Officio trium Lectionum dicuntur Absolutiones et Benedictiones prædictæ, ordine superius in Rubricis generalibus descripto: et in eo, quando non legitur Homilia cum Evang. et Benedictiones sumendæ sunt ex III. Nocturno, prima Benedictio dicitur:

1. Ille nos benedicat, qui sine fine vivit et regnat. R. Amen.
2. Divínium auxílium máneat semper nobíscum. R. Amen.
3. Ad societátem cívium supernórum perdúcat nos Rex Angelórum. R. Amen.

In Officio trium Lectionum, quando legitur Homilia cum Evang., prima Benedictio erit:

1. Evangélica léctio sit nobis salus et protéctio. *R. Amen.*
2. Divínium auxílium máneat semper nobíscum. *R. Amen.*
3. Ad societátem civium supernórum perdúcat nos Rex Angelórum. *R. Amen.*

Si Officium fit de Sancto vel de Sancta trium Lectionum, prima Benedictio erit:

1. Ille nos benedícat, qui sine fine vivit et regnat. *R. Amen.*
2. Cujus (vel Quorum, vel Quorum) festum cólimus, ipse (vel ipsa) intercédant (vel ipsi vel ipsæ intercédant) pro nobis ad Dóminum. *R. Amen.*
3. Ad societátem civium supernórum perdúcat nos Rex Angelórum. *R. Amen.*

In Officio de sancta Maria in Sabato Absolutio et Benedictiones quæ ibidem ponuntur.

ORATIO

DICENDA ANTE DIVINUM OFFICIUM.

Aperi Dómine os meum ad benedicéndum nomen sanctum tuum: munda quoque cor meum ab ómnibus vanis, perversis et aliénis cogitátionibus: intelléctum illúmina, afféctum inflámma, ut digne, attén-te ac devóte hoc Offícium recitáre váleam, et exaudíri mérear

ante conspéctum divínæ Majestátis tuæ. Per Christum Dóminum nostrum. *R. Amen.*

Dómine in unióne illíus divínæ intentiónis, qua ipse in terris laudes Deo persolvísti, has tibi Horas persólvo.

ORATIO

DICENDA POST DIVINUM OFFICIUM.

Orationem sequentem devote post Officium recitantibus Leo Papa X. defectus et culpas in eo persolvendo ex humana fragilitate contractas indulsit: dicitur flexis genibus.

Sacrosáctæ et indivíduæ Trinitáti, crucifixi Dómini nostri Jesu Christi humanitáti, beatíssimæ et gloriosíssimæ sempérque Vír-ginis Mariæ foecúndæ integritáti, et ómnium Sanctórum universitáti sit sempitérna laus, honor, virtus et glória ab omni creatúra, nobis-


que remíssio ómnium peccatórum, per infiníta sæcula sæculórum.


R. Amen.

V. Beáta víscera Mariæ Vír-ginis, quæ portavérunt æté-rni Patris Fílium. *R.* Et beáta úbera, quæ lactavérunt Christum Dóminum.

Pater noster. Ave María.







PSALTERIUM

DISPOSITUM

PER HEBDOMADAM

CUM ORDINARIO OFFICII DE TEMPORE.

PARS HIEMALIS.

Dominica ad Matutinum.

Ante Matutinum, et omnes Horas præterquam ad Completorium, dicitur secreto:

Pater noster, qui es in cœlis: sanctificetur nomen tuum: advénia regnum tuum: fiat volúntas tua, sicut in cœlo et in terra. Panem nostrum quotidí-
num da nobis hódie: et dimítte nobis débita nostra, sicut et nos dimíttimus debitóribus nostris: et ne nos indúcas in tentatióem: sed libera nos a malo. Amen.

Ave María, grátia plena, Dóminus tecum: benedícta tu in mulié-
ribus, et benedíctus fructus ventris tui Jesus. Sancta María, Mater Dei, ora pro nobis peccatóribus, nunc et in hora mortis nostræ. Amen.

In principio Matutini et Primæ, ac in fine Completorii, dicitur etiam Symbolum Apostolorum.

Credo in Deum, Patrem omnipo-
téntem, Creatórem cœli et ter-
ræ. Et in Jesum Christum, Fílium
ejus únicum, Dóminum nostrum:
qui concéptus est de Spíritu sancto,
natus ex María Vírgine, passus sub
Póntio Piláto, crucifíxus, mórtuus,
et sepúltus: descéndit ad ínferos:
tértia die resurréxit a mórtuis: a-
scéndit ad cœlos, sedet ad dexte-
ram Dei Patris omnipoténtis: inde
ventúrus est judicáre vivos et mór-
tuos. Credo in Spíritum sanctum,
sanctam Ecclésiám cathólicam,
sanctórum communióem, remis-
sióem peccatórum, carnis resur-
rectiόem, vitam ætérnam. Amen.

Deinde clara voce dic. *Ÿ.*

Dómine, lábia mea apéries. *R.* Et os meum annuntiábit laudem tuam. *Ÿ.* Deus in adiutorium meum inténde. *R.* Dómine ad adiuvándum me festína.

Glória Patri, et Fílio, et Spiritui sancto. Sicut erat in princípio, et nunc, et semper: et in sæcula sæculórum. Amen. Allelúja.

Sic dicitur Allelúja, ad omnes Horas per totum Annum, præterquam a Dom. in Septuag. usque ad Fer. V. in Cœna Domini: tunc enim dicitur: Laus tibi Dómine, Rex æternæ glóriæ.

Invitatorium sequ. dicitur ab Octava Epiph. usque ad Domin. Septuag.

Invitatorium. Adorémus Dóminum, * Qui fecit nos. Repetitur: Adorémus Dóminum, qui fecit nos.

Psalmus 94.

Veníte, exsultémus Dómino, jubilémus Deo salutári nostro: præoccupémus faciém ejus in confessióne, et in psalmis jubilémus ei.

Adorémus Dóminum, qui fecit nos.

Quóniam Deus magnus Dóminus. et Rex magnus super omnes deos: quóniam non repéllet Dóminus plebem suam, quia in manu ejus sunt omnes fines terræ, et altitúdines móntium ipse cónspicit.

Qui fecit nos.

Quóniam ipsíus est mare, et ipse fecit illud, et áridam fundavérunt manus ejus: veníte adorémus, et procidámus ante Deum: plorémus coram Dómino, qui fecit nos, quia ipse est Dóminus Deus noster: nos autem pópulus ejus, et oves pásquæ ejus.

Adorémus Dñm, qui fecit nos.

Hódie si vocem ejus audiéritis, nolíte obduráre corda vestra, sicut in exacerbatióne secúndum diem tentatiónis in desérto: ubi tentavérunt me patres vestri, probavérunt et vidérunt ópera mea.

Qui fecit nos.

Quadráginta annis próximus fui generatióni huic, et dixi, Semper hi errant corde: ipsi vero non cognovérunt vias meas, quibus jurávi in ira mea, si introíbunt in réquiem meam.

Adorémus Dñm, qui fecit nos.

Glória Patri, et Fílio, et Spiritui sancto. Sicut erat in princípio, et nunc, et semper: et in sæcula sæculórum. Amen.

Qui fecit nos.

Adorémus Dñm, qui fecit nos.

Sequens Hymnus dicitur ab Octava Epiph. usque ad Dom. I. Quadrag.

Hymnus.

Primo die, quo Trínitas
Beáta mundum cóndidit,
Vel quo resúrgens Cónditor
Nos morte victa liberat:

Pulsis procul torpóribus,
Surgámus omnes ócyus,
Et nocte quærámus Deum,
Prophéta sicut præcipit:

Nostras preces ut aúdiat,
Suámque dextram pórrigat,
Et expiátos sórdibus
Reddat polórum sédibus:

Ut, quique sacratíssimo
Hujus diéi témpore
Horis quiétis psállimus,
Donis beátis múneret.

Jam nunc, patérna cláritas,
Te postulámus áffatim:
Absint faces libídinis,
Et omnis actus nóxius.

Ne foeda sit, vel lúbrica
Compágo nostri córporis,
Ob cujus ignes ígnibus
Avérnus urat ácrius.

Mundi Redémptor quáesumus,
Tu probra nostra díluas:
Nobisque largus cómmoda
Vitæ perénis cónferas.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Aliis temporibus a supradictis. Invitat. et Hymnus dicuntur quæ habentur in Proprio de Tempore, pro Officii varietate: quod et in Capit. et Hymnis ad Laudes, et in aliis similibus servetur.

In I. Nocturno.

In Adventu. Ant. Véniet ecce Rex.

Per Annum. Ant. Servíte Dño.

Asteriscus * notat pausam cantus in Choro.

Psalmus 1.

Beátus vir, qui non ábiit in consílio impiórum, et in via peccatórum non stetit, * et in cáthedra pestiléntiæ non sedit:

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo:

Et fólium ejus non défluet: * et ómnia quæcúmque fáciat, prosperabúntur.

Non sic ímpii, non sic: * sed tamquam pulvis, quem prójicit ventus a fácie terræ.

Ideo non resúrgent ímpii in júdicio: * neque peccatóres in concílio justórum.

Quóniam novit Dóminus viam justórum: * et iter impiórum peribit.

Glória Patri, et Fílio, * et Spirítui sancto.

Sicut erat in princípio, et nunc, et semper: * et in sæcula sæculórum. Amen.

Hic versus Glória. semper dicitur in fine omnium Psalmorum, nisi aliter notetur. Psalmus 2.

Quare fremuérunt Gentes, * et pópuli meditáti sunt inánia?

Astitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in cœlis, irridébit eos: * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me: * Fílius meus es tu, ego hódie génui te.

Póstula a me, et dabo tibi Gentes hæreditátem tuam, * et possessionem tuam términos terræ.

Reges eos in virga férrea, * et tamquam vas figuli confrínges eos.

Et nunc reges intelligite: * erúdimini qui judicátis terram.

Servíte Dómino in timóre: * et exsultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus,
* beáti omnes qui confidunt in eo.

Psalmus 3.

Dómine quid multiplicáti sunt
qui tribulant me? * multi in-
súrgunt advérsus me.

Multi dicunt ánimæ meæ: * Non
est salus ipsi in Deo ejus.

Tu autem Dómine suscēptor
meus es, * glória mea, et exáltans
caput meum.

Voce mea ad Dóminum clamávi:
* et exaudivit me de monte san-
cto suo.

Ego dormívi, et soporátus sum:
* et exsurrexi, quia Dóminus sus-
cēpit me.

Non timébo millia pópuli cir-
cumdántis me: * exsúrge Dómine
salvum me fac, Deus meus.

Quóniam tu percussísti omnes
adversántes mihi sine causa: * den-
tes peccatórum contrivísti.

Dómini est salus: * et super póp-
ulum tuum benedictio tua.

Psalmus 6.

Dómine, ne in furóre tuo árguas
me, * neque in ira tua corripias
me.

Miserére mei Dómine quóniam
infirmus sum: * sana me Dómine
quóniam conturbáta sunt ossa mea.

Et ánima mea turbáta est valde:
* sed tu Dómine úsquequo?

Convértere Dómine, et éripe
ánimam meam: * salvum me fac
propter misericórdiam tuam.

Quóniam non est in morte qui
memor sit tui: * in inférno autem
quis confitébitur tibi?

Laborávi in gémitu meo, lavábo
per singulas noctes lectum meum:
* lácrimis meis stratum meum ri-
gábo.

Turbátus est a furóre óculus
meus: * inveterávi inter omnes
inimícos meos.

Discédite a me omnes, qui ope-
rámini iniquitátem: * quóniam ex-
audivit Dóminus vocem fletus mei.

Exaudivit Dóminus deprecatió-
nem meam, * Dóminus oratióem
meam suscēpit.

Erubéscant, et conturbéntur ve-
heménter omnes inimíci mei: * con-
vertántur et erubéscant valde ve-
lóciter.

In Adventu. Ant. Véniet ecce Rex
excélsus cum potestáte magna ad
salvándas Gentes, allelúja.

Ant. Confortáte.

Per Annum. Ant. Servíte Dómi-
no in timóre: et exsultáte ei cum
tremóre.

Ant. Deus iudex justus.

Psalmus 7.

Dómine Deus meus in te sperávi:
* salvum me fac ex ómnibus
persequéntibus me, et libera me.

Nequándo rápiat ut leo ánimam
meam, * dum non est qui rédimat,
neque qui salvum fáciat.

Dómine Deus meus si feci istud,
* si est iníquitas in mánibus meis:

Si réddidi retribuéntibus mihi
mala, * decídám mérito ab inimí-
cis meis inánis.

Persequátur inimícus ánimam
meam, et comprehéndat, et concúl-
cet in terra vitam meam, * et
glóriam meam in púlverem dedúcat.

Exsúrge Dómine in ira tua: * et
exaltáre in finibus inimicórum me-
órum.

Et exsúrge Dómine Deus meus in
præcépto quod mandásti: * et syna-
goga populórum circúmdabit te.

Et propter hanc in altum regrédere: * Dóminus júdicat pópulos.

Júdica me Dómine secúndum justítiam meam, * et secúndum innocéntiam meam super me.

Consumétur nequítia peccatórum, et díriges justum, * scrutans corda et renes Deus.

Justum adjutórium meum a Dómino, * qui salvos facit rectos corde.

Deus iudex justus, fortis, et pátiens: * numquid iráscitur per singulos dies?

Nisi convérsi fuéritis, gládium suum vibrábit: * arcum suum tendit, et parávit illum.

Et in eo parávit vasa mortis: * sagittas suas ardéntibus effécit.

Ecce partúriit injustítiam: * concépit dolórem, et péperit iniquitátem.

Lacum apérui, et effódit eum: * et incidit in fóveam quam fecit.

Convertétur dolor ejus in caput ejus: * et in vérticem ipsíus iniquitas ejus descéndet.

Confitébor Dómino secúndum justítiam ejus: * et psallam nómini Dómini altíssimi.

Psalmus 8.

Dómine Dóminus noster, * quam admirábile est nomen tuum in univérſa terra!

Quóniam eleváta est magnificéntia tua, * super coelos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo coelos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérſas: insuper et pécora campi.

Vólucres coeli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérſa terra!

Psalmus 9.

Confitébor tibi Dómine in toto corde meo: * narrábo ómnia mirabília tua.

Lætábor et exultábo in te: * psallam nómini tuo Altíssime.

In converténdo inimícum meum retrórsum: * infirmabúntur et peribunt a fácie tua.

Quóniam fecísti júdiciu meum et causam meam: * sedísti super thronum qui júdicas justítiam.

Increpásti Gentes, et périit impius: * nomen eórum delésti in ætérnum, et in sæculum sæculi.

Inimíci defecérunt frámeæ in finem: * et civitátes eórum destruxísti.

Périit memória eórum cum sónitu: * et Dóminus in ætérnum pérmanet.

Parávit in júdicio thronum suum: * et ipse judicábit orbem terræ in æquitáte, judicábit pópulos in justítia.

Et factus est Dóminus refúgium paúperi: * adjútor in opportunitátibus, in tribulatióne.

Et sperent in te qui novérunt nomen tuum: * quóniam non dereliquísti quæréntes te Dómine.

Psállite Dómino, qui hábitat in Sion: * annuntiáte inter Gentes stúdia ejus:

Quóniam requírens sánguinem eórum recordátus est: * non est oblítus clamórem paúperum.

Miserére mei Dómine: * vide humilitátem meam de inimicis meis.

Qui exáltas me de portis mortis, * ut annúntiem omnes laudatiónes tuas in portis filiæ Sion.

Exsultábo in salutári tuo: * infixæ sunt Gentes in intéritu, quem fecérunt.

In láqueo isto, quem abscondérunt, * comprehénsus est pes eórum.

Cognoscétur Dóminus judícia fáciens: * in opéribus mánuum suárum comprehénsus est peccátor.

Convertántur peccatóres in inférnum, * omnes Gentes quæ obliviscúntur Deum.

Quóniam non in finem oblivio erit paúperis: * patiéntia paúperum non períbit in finem.

Exsúrge Dómine, non confortétur homo: * judicéntur Gentes in conspéctu tuo.

Constitue Dómine legislatórem super eos: * ut sciant Gentes quóniam hómines sunt.

Ut quid Dómine recessísti longe, * déspicis in opportunitátibus, in tribulatióne?

Dum superbit ímpius, incénditur pauper: * comprehendúntur in consiliis quibus cógitant.

Quóniam laudátur peccátor in desidériis ánimæ suæ: * et iníquus benedícitur.

Exacerbávit Dóminum peccátor, * secúndum multitudinem iræ suæ non quæret.

Non est Deus in conspéctu ejus: * inquinatæ sunt viæ illius in omni témpore.

Auferúntur judícia tua a fácie ejus: * ómnium inimicórum suórum dominábitur.

Dixit enim in corde suo: * Non movébor a generatióne in generatióne sine malo.

Cujus maledictiόne os plenum est, et amaritúdine, et dolo: * sub lingua ejus labor et dolor.

Sedet in insidiis cum divítibus in occúltis, * ut interficiat innocéntem.

Oculi ejus in paúperem respiciunt: * insidiátur in abscondito, quasi leo in spelúnca sua.

Insidiátur ut rápiat paúperem: * rápere paúperem, dum átrahit eum.

In láqueo suo humiliábit eum: * inclinábit se, et cadet, cum dominátus fúerit paúperum.

Dixit enim in corde suo: Oblítus est Deus, * avértit fáciem suam ne vídeat in finem.

Exsúrge Dómine Deus, exaltétur manus tua: * ne obliviscáris paúperum.

Propter quid irritávit ímpius Deum? * dixit enim in corde suo: Non requíret.

Vides quóniam tu labórem et dolórem considéras: * ut tradas eos in manus tuas.

Tibi derelíctus est pauper: * órphano tu eris adjútor.

Cóntere bráchium peccatóris et maligni: * quærétur peccátum illius, et non inveniétur.

Dóminus regnabit in ætérnum,
et in sæculum sæculi: * peribitis
Gentes de terra illius.

Desidérium pauperum exaudivit
Dóminus: * præparatióem cordis
eórum audivit auris tua.

Judicáre pupíllo et húmili, * ut
non appónat ultra magnificáre se
homo super terram.

Psalmus 10.

In Dómino confido: quómodo di-
citis ánimæ meæ: * Trásmigra
in montem sicut passer?

Quóniam ecce peccatóres inten-
dérunt arcum, paravérunt sagittas
suas in pháretra, * ut sagittent in
obsúro rectos corde.

Quóniam quæ perfecisti, destru-
xérunt: * justus autem quid fecit?

Dóminus in templo sancto suo, *
Dóminus in cœlo sedes ejus:

Oculi ejus in pauperem respici-
unt: * pálpebræ ejus intérogant
filios hóminum.

Dóminus intérogat justum et
impium: * qui autem diligit iniqui-
tatem, odit ánimam suam.

Pluet super peccatóres láqueos:
* ignis, et sulphur, et spíritus pro-
cellárum pars cálicis eórum.

Quóniam justus Dóminus, et ju-
stítias diléxit: * æquitátem vidit
vultus ejus.

In Adventu. Ant. Confortáte ma-
nus dissolutas: confortámini, dí-
cite, Ecce Deus noster véniet, et
salvabit nos, allelúja.

Ant. Gaudéte omnes.

Per Annum. Ant. Deus judex ju-
stus, fortis et longánimis: numquid
irascétur per singulos dies?

Ant. Tu Dómine.

Psalmus 11.

Salvum me fac Dómine, quóniam
defécit sanctus: * quóniam di-
minútæ sunt veritátes a filiis hó-
minum.

Vana locúti sunt unusquisque
ad próximum suum: * lábia dolósa,
in corde et corde locúti sunt.

Dispérdat Dóminus univérsa lá-
bia dolósa, * et linguam magnílo-
quam.

Qui dixerunt: Linguam nostram
magnificábitur, lábia nostra a no-
bis sunt, * quis noster Dóminus
est?

Propter misériam inopum, et gé-
mitum pauperum, * nunc exsúr-
gam, dicit Dóminus.

Ponam in salutári: * fiduciáliter
agam in eo.

Elóquia Dómini, elóquia casta: *
argéntum igne examinátum, pro-
bátum terræ purgátum séptuplum.

Tu Dómine servábis nos: et cu-
stódies nos * a generatióne hac in
ætérnum.

In circúitu impii ámbulant: * se-
cúndum altitúdinem tuam multi-
plicásti filios hóminum.

Psalmus 12.

Usquequo Dómine obliviscéris
me in finem? * Usquequo avér-
tis fáciem tuam a me?

Quámdiu ponam consília in áni-
ma mea, * dolórem in corde meo
per diem?

Usquequo exaltábitur inimicus
meus super me? * réspice, et ex-
aúdi me Dómine Deus meus.

Illúmina óculos meos ne um-
quam obdórmiam in morte: * ne-
quándo dicat inimicus meus: Præ-
válui advérsus eum.

Qui trībulant me, exsultābunt si motus fūero: * ego autem in misericórdia tua sperāvi.

Exsultābit cor meum in salutāri tuo: cantābo Dómino qui bona trībuit mihi: * et psallam nómini Dómini altíssimi.

Psalmus 13.

Dixit insípiens in corde suo: * Non est Deus.

Corrúpti sunt, et abominábiles facti sunt in stúdiis suis: * non est qui fáciat bonum, non est usque ad unum.

Dóminus de cœlo prospéxit super filios hóminum, * ut vídeat si est intélligens, aut requírens Deum.

Omnes declinavérunt, simul inútiles facti sunt: * non est qui fáciat bonum, non est usque ad unum.

Sepúlchrum patens est guttur eórum: linguis suis dolóse agébant, * venénium áspidum sub lábiis eórum.

Quorum os maledictióne et amaritúdine plenum est: * velóces pedes eórum ad effundéndum sanguinem.

Contritio et infelicitas in viis eórum, et viam pacis non cognovérunt: * non est timor Dei ante óculos eórum.

Nonne cognóscant omnes qui operántur iniquitatem, * qui devorant plebem meam sicut escam panis?

Dóminum non invocavérunt, * illic trepidavérunt timóre, ubi non erat timor.

Quóniam Dóminus in generatióne justa est, consílium inopis confudístis: * quóniam Dóminus spes ejus est.

Quis dabit ex Sion salutáre Israël? * cum avérterit Dóminus captivitatem plebis suæ, exsultábit Jacob, et lætábitur Israël.

Psalmus 14.

Dómine quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam:

Qui lóquitur veritatem in corde suo, * qui non egit dolum in lingua sua:

Nec fecit próximo suo malum, * et oppróbrium non accépit advérsus próximos suos.

Ad níhilum dedúctus est in conspéctu ejus malignus: * timéntes autem Dóminum gloriícat:

Qui jurat próximo suo, et non decipit, * qui pecúniam suam non dedit ad usúram, et múnera super innocentem non accépit.

Qui facit hæc, * non movébitur in ætérnum.

In Adventu. Ant. Gaudéte omnes, et lætámini: ecce quia véniet Dóminus ultiónis, addúcet retributió-nem: ipse véniet, et salvábit nos.

Ÿ. Ex Sion spés decóris ejus.
R. Deus noster manifeste véniet.

Per Annum. Ant. Tu Dómine servábis nos: et custódies nos.

Ÿ. Memor fui nocte nóminis tui Dómine. R. Et custodívi legem tuam.

Post Ÿ. cujuslibet Nocturni dicitur Pater noster. secreto.

Ÿ. Et ne nos indúcas in tentatió-nem. R. Sed libera nos a malo.

Absolutio.

Exáudi Dómine Jesu Christe preces servórum tuórum, et misérére nobis, qui cum Patre et Spí-

ritu sancto vivis et regnas in sæcula sæculórum. R. Amen.

Y. Jube domne benedicere.

Benedictio. Benedictióne perpétua benedicat nos Pater ætérnus.

R. Amen.

Deinde leguntur Lect. cum RR., ut in Proprio de Tempore assignantur.

Pro ii. Lectione.

Bened. Unigénitus Dei Filius nos benedicere et adjuvare dignetur.

R. Amen.

Pro iii. Lectione.

Benedictio. Spíritus sancti grátia illúminet sensus et corda nostra.

R. Amen.

In II. Nocturno.

In Adventu. Ant. Gaude et lætare.

Per Annum. Ant. Bonórum meórum.

Psalmus 15.

Consérva me Dómine, quóniam sperávi in te. * Dixi Dómino: Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum: * póstea acceleravérunt.

Non congregábo conventícula eórum de sanguínibus, * nec memor ero nóminum eórum per lábia mea.

Dóminus pars hæreditátis meæ, et cálicis mei: * tu es, qui restitues hæreditátem meam mihi.

Funes cecidérunt mihi in præcláris: * étenim hæreditas mea præclára est mihi.

Benedícam Dóminum, qui tríbuit mihi intelléctum: * insuper et

usque ad noctem increpuérunt me renes mei.

Providébam Dóminum in conspéctu meo semper: * quóniam a dextris est mihi, ne commóvear.

Propter hoc lætátum est cor meum, et exsultávit lingua mea: * insuper et caro mea requiescet in spe.

Quóniam non derelínques ánimam meam in inférno: * nec dabis sanctum tuum vidére corruptiónem.

Notas mihi fecísti vias vitæ, adimplébis me lætítia cum vultu tuo: * delectatiónes in dextera tua usque in finem.

In Adventu. Ant. Gaude et lætare filia Jerúsalem: ecce Rex tuus véniet tibi: Sion noli timére, quia cito véniet salus tua.

Ant. Rex noster.

Per Annum. Ant. Bonórum meórum non índiges, in te sperávi, consérva me Dómine.

Ant. Propter verba.

Psalmus 16.

Exáudi Dómine justítiam meam: * inténde deprecationem meam.

Aúribus pécipe oratióem meam, * non in lábiis dolósis.

De vultu tuo júdicium meum pródeat: * óculi tui vídeant æquitátes.

Probásti cor meum, et visitásti nocte: * igne me examinásti, et non est invénta in me iníquitas.

Ut non loquátur os meum ópera hóminum: * propter verba labiórum tuórum ego custodívi vias duras.

Pérfice gressus meos in sémitis tuis: * ut non moveántur vestigia mea.

Ego clamávi, quóniam exaudísti me Deus: * inclína aurem tuam mihi, et exaúdi verba mea.

Mirífica misericórdias tuas, * qui salvos facis sperántes in te.

A resisténtibus dexteræ tuæ custódi me, * ut pupíllam óculi.

Sub umbra alárum tuárum prótege me: * a fácie impiórum qui me afflixérunt.

Inimíci mei ánimam meam circumdedérunt, ádipem suum conclusérunt: * os eórum locútum est supérbiam.

Projiéntes me nunc circumdedérunt me: * óculos suos statuérunt declináre in terram.

Suscepérunt me sicut leo parátus ad prædam: * et sicut cátulus leónis hábitans in ábditis.

Exsúrge Dómine, præveni eum, et supplánta eum: * éripe ánimam meam ab ímpio, frámeam tuam ab inimícis manus tuæ.

Dómine a paucis de terra dívide eos in vita eórum: * de abscónditis tuis adimplétus est venter eórum.

Saturáti sunt filii: * et dimisé-runt reliquias suas párvulis suis.

Ego autem in justítia apparébo conspéctui tuo: * satiábor cum apparúerit glória tua.

In Adventu. Ant. Rex noster advéniet Christus, quem Joánnes prædicávit Agnum esse ventúrum.

Ant. Ecce vénio.

Per Annum. Ant. Propter verba labiórum tuórum ego custodívi vias duras.

Ant. Díligam te.

Et non repetitur in Psalmo: quod semper fit, quando Ant. incipit a primo Versu Psalmi; et Ps. tunc incipitur

ab eo verbo, in quo desinit Ant., sive integra dicatur, sive tantum inchoata; si tamen eadem sint verba, et continetur Ant. cum Psalmo.

Psalmus 17.

Díligam te Dómine fortitúdo mea: * Dóminus firmaméntum meum, et refúgium meum, et liberátor meus.

Deus meus adjútor meus, * et sperábo in eum.

Protéctor meus, et cornu salútis meæ, * et suscéptor meus.

Laudans invocábo Dóminum: * et ab inimícis meis salvus ero.

Circumdedérunt me dolóres mortis: * et torréntes iniquitátis conturbavérunt me.

Dolóres inférni circumdedérunt me: * præoccupavérunt me láquei mortis.

In tribulatióne mea invocávi Dóminum, * et ad Deum meum clamávi:

Et exaudivit de templo sancto suo vocem meam: * et clamor meus in conspéctu ejus, introívit in aures ejus.

Commóta est, et contrémuit terra: * fundaménta móntium conturbáta sunt, et commóta sunt, quóniam irátus est eis.

Ascéndit fumus in ira ejus: et ignis a fácie ejus exársit: * carbónes succénsi sunt ab eo.

Inclinávit coelos, et descendit: * et caligo sub pédibus ejus.

Et ascendit super Chérubim, et volávit: * volávit super pennas ventórum.

Et pósuit ténebras latibulum suum, in circúitu ejus tabernáculum ejus: * tenebrósa aqua in núbibus áëris.

Præ fulgóre in conspéctu ejus
nubes transiérunt, * grando et carbónes ignis.

Et intónuit de cœlo Dóminus, et
Altíssimus dedit vocem suam: *
grando et carbónes ignis.

Et misit sagíttas suas, et dissipá-
vit eos: * fúlgura multiplicávit, et
conturbávit eos.

Et apparuérunt fontes aquárum,
* et reveláta sunt fundaménta or-
bis terrárum:

Ab increpatióne tua Dómine, *
ab inspiratióne spíritus iræ tuæ.

Misit de summo, et accépit me:
* et assúmpsit me de aquis multis.

Erípuit me de inimícis meis for-
tíssimis, et ab iis qui odérunt me:
* quóniam confortáti sunt super me.

Prævenérunt me in die afflicti-
onis meæ: * et factus est Dóminus
protéctor meus.

Et edúxit me in latitúdinem: *
salvum me fecit, quóniam vóluit me.

Et retribuet mihi Dóminus se-
cúndum justítiam meam, * et se-
cúndum puritátem mánuum meá-
rum retribuet mihi:

Quia custodívi vias Dómini, *
nec ímpie gessi a Deo meo.

Quóniam ómnia judícia ejus in
conspéctu meo: * et justítias ejus
non répuí a me.

Et ero immaculátus cum eo: * et
observábo me ab iniquitaté mea.

Et retribuet mihi Dóminus se-
cúndum justítiam meam: * et se-
cúndum puritátem mánuum meá-
rum in conspéctu oculórum ejus.

Cum sancto sanctus eris, * et
cum viro innocénte innocens eris:

Et cum elécto eléctus eris: * et
cum perverso pervertéris.

Quóniam tu pópulum húmílem

salvum fácies: * et óculos super-
bórum humiliábis.

Quóniam tu illúminas lucérnam
meam Dómine: * Deus meus illú-
mina ténebras meas.

Quóniam in te erípiar a tenta-
tióne, * et in Deo meo transgré-
diar murum.

Deus meus impollúta via ejus:
elóquia Dómini igne examináta: *
protéctor est ómnium sperántium
in se.

Quóniam quis Deus præter Dó-
minum? * aut quis Deus præter
Deum nostrum?

Deus qui præcínxit me virtúte:
* et pósuit immaculátam viam
meam.

Qui perfécit pedes meos tam-
quam cervórum, * et super excélsa
státuens me.

Qui docet manus meas ad præ-
lium: * et posuísti, ut arcum æreum,
bráchia mea.

Et dedísti mihi protectionem sa-
lútis tuæ: * et délixera tua suscep-
pit me:

Et disciplína tua corréxit me in
finem: * et disciplína tua ipsa me
docébit.

Dilatásti gressus meos subtus
me: * et non sunt infirmáta vestí-
gia mea:

Pérsequar inimícos meos, et com-
prehéndam illos: * et non convér-
tar, donec deficiant.

Confríngam illos, nec póterunt
stare: * cadent subtus pedes meos.

Et præcínxísti me virtúte ad bel-
lum: * et supplantásti insurgéntes
in me subtus me.

Et inimícos meos dedísti mihi
dorsum, * et odiéntes me disperdi-
dísti.

Clamavérunt, nec erat qui salvos faceret. ad Dóminum: * nec exaudivit eos.

Et commínuam eos, ut púlverem ante fáciem venti: * ut lutum plateárum delébo eos.

Erípies me de contradictionibus pópuli: * constitues me in caput Géntium.

Pópulus, quem non cognóvi, servívit mihi: * in auditu auris obedívit mihi.

Fílii aliéni mentíti sunt mihi, * fílii aliéni inveteráti sunt, et claudicavérunt a sémitis suis.

Vivit Dóminus, et benedíctus Deus meus, * et exaltétur Deus salútis meæ.

Deus, qui das vindíctas mihi, et subdis pópulos sub me, * liberátor meus de inimícis meis iracúndis.

Et ab insurgéntibus in me exaltábis me: * a viro iníquo erípies me.

Proptérea confitébor tibi in nationibus Dómine: * et nómini tuo psalmum dicam.

Magnificans salútes regis ejus, et fáciens misericórdiam Christo suo David, * et sémini ejus usque in sæculum.

In Adventu. Ant. Ecce vénio cito, et merces mea mecum est, dicit Dóminus: dare unicuique secúndum ópera sua.

V. Emítte Agnum Dómine Dominatórem terræ. R. De Petra déserti ad montem filíæ Sion.

Per Annum. Ant. Diligam te Dómine virtus mea.

V. Quóniam tu illúminas lucérnam meam Dómine. R. Deus meus illúmina ténebras meas.

Pater noster. secreto.

V. Et ne nos indúcas in tentatió-nem. R. Sed libera nos a malo.

Absolutio.

Ipsíus pietas et misericórdia nos ádjuvet, qui cum Patre et Spírítu sancto vivit et regnat in sæcula sæculórum. R. Amen.

V. Jube domne benedícere.

Bened. Deús Pater omnípotens sit nobis propítius et clemens.

R. Amen.

Pro v. Lectione.

Bened. Christus perpétuæ det nobis gáudia vitæ. R. Amen.

Pro vi. Lectione.

Bened. Ignem sui amóris accéndat Deus in córdibus nostris.

R. Amen.

In III. Nocturno.

In Adventu. Ant. Gábriel Angelus.

Per Annum. Ant. Non sunt loquélæ.

Psalmus 18.

Cœli enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse tamquam sponsus procédens de thálamo suo:

Exsultávit ut gigas ad curréndam viam, * a summo cœlo egrés-sio ejus:

Et occûrsus ejus usque ad summum ejus: * nec est qui se abscondat a calore ejus.

Lex Dómini immaculáta convértens ánimas: * testimónium Dómini fidéle, sapiéntiam præstans párvulis.

Justitiæ Dómini rectæ, lætificántes corda: * præcéptum Dómini lúcidum; illúminans óculos.

Timor Dómini sanctus, pèrmans in sæculum sæculi: * judícia Dómini vera, justificáta in semetipsa.

Desiderabilia super aurum et lapidem pretiosum multum: * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occultis meis munda me: * et ab aliénis parce servo tuo.

Si mei non fúerint domináti, tunc immaculátus ero: * et emundabor a delicto máximo.

Et erunt ut compláceant elóquia oris mei: * et meditátio cordis mei in conspéctu tuo semper.

Dómine adjutor meus, * et redemptor meus.

In Adventu. Ant. Gábriel Angelus locútus est Mariæ, dicens: Ave grátia plena, Dóminus tecum: benedícta tu inter mulieres.

Ant. María dixit.

Per Annum. Ant. Non sunt loquélæ, neque sermónes, quorum non audiántur voces eórum.

Ant. Exaúdiat.

Psalmus 19.

Exáúdiat te Dóminus in die tribulatiónis: * prótegat te nomen Dei Jacob.

Mittat tibi auxílium de sancto: * et de Sion tueátur te.

Memor sit omnis sacrificií tui: * et holocaústum tuum pingue fiat.

Tribuat tibi secúndum cor tuum: * et omne consílium tuum confirmet.

Lætábimur in salutári tuo: * et in nómine Dei nostri magnificábitur.

Impleat Dóminus omnes petitiónes tuas: * nunc cognóvi quóniam salvum fecit Dóminus Christum suum.

Exaúdiet illum de cœlo sancto suo: * in potentátibus salus dexteræ ejus.

Hi in curribus, et hi in equis: * nos autem in nómine Dómini Dei nostri invocábitur.

Ipsi obligáti sunt, et cecidérunt: * nos autem surréximus et erécti sumus.

Dómine salvum fac regem: * et exaúdi nos in die, qua invocavérimus te.

In Adventu. Ant. María dixit: Putas qualis est ista salutátio: quia conturbáta est ánima mea, et quia paritúra sum Regem, qui claustrum virginitátis meæ non violábit?

Ant. In advéntu.

Per Annum. Ant. Exaúdiat te Dóminus in die tribulatiónis.

Ant. Dómine.

Psalmus 20.

Dómine in virtúte tua lætábitur rex: * et super salutáre tuum exsultábit veheménter.

Desidérium cordis ejus tribuísti ei: * et voluntáte labiórur ejus non fraudásti eum.

Quóniam prævenísti eum in benedictiόνibus dulcédinis: * posuísti

in cápite ejus corónam de lápide pretiósio.

Vitam pétiit a te: * et tribuísti ei longitúdinem diérum in sǎculum, et in sǎculum sǎculi.

Magna est glória ejus in salutári tuo: * glóriam et magnum decórem impónes super eum.

Quóniam dabis eum in benedictiónem in sǎculum sǎculi: * lætificábis eum in gáudio cum vultu tuo.

Quóniam rex sperat in Dómino: * et in misericórdia Altíssimi non commovébitur.

Inveniátur manus tua ómnibus inimícis tuis: * dextera tua invéniat omnes, qui te odérunt.

Pones eos ut clíbanum ignis in témpore vultus tui: * Dóminus in ira sua conturbábit eos, et devorábit eos ignis.

Fructum córum de terra perdes: * et semen eórum a filiis hóminum.

Quóniam declinavérunt in temala: * cogitavérunt consília, quæ non potuérunt stabilíre.

Quóniam pones eos dorsum: * in reliquiis tuis præparábis vultum eórum.

Exaltáre Dómine in virtúte tua: * cantábimus et psallémus virtútes tuas.

In Adventu. Ant. In advéntu summi Regis mundéntur corda hóminum, ut digne ambulémus in occúrsum illius: quia ecce véniet, et non tardábit.

Ÿ. Egrediétur Dóminus de loco sancto suo. R. Véniet, ut salvet pópulum suum.

Per Annum. Ant. Dómine in virtúte tua lætábitur rex.

Ÿ. Exaltáre Dómine in virtúte tua. R. Cantábimus et psallémus virtútes tuas.

Pater noster. secreto.

Ÿ. Et ne nos indúcas in tentatió-nem. R. Sed libera nos a malo.

Absolutio.

A vínculis peccatórum nostrórum absólvat nos omnípotens et miséricors Dóminus. R. Amen.

Ÿ. Jube domne benedícere.

Bened. Evangélica léctio sit nobis salus et protéctio. R. Amen.

Pro viii. Lectione.

Bened. Divínium auxílium máneat semper nobíscum. R. Amen.

Pro ix. Lectione.

Bened. Ad societátem cívium supernórum perdúcat nos Rex Angelórum. R. Amen.

Seq. Hymnus semper dicitur post ult. Lect. in omnibus Dominicis et Festis tantum (excepto Festo Ss. Innocentium, quando non venit in Domin.) a Nativitate Domini usque ad Septuag. In Adventu autem non dicitur nisi in Festis. Quando vero non dicitur, ejus loco ponitur ix. aut iii. Responsorium. Hymnus Ss. Ambrosii et Augustini.

Te Deum laudámus: * te Dóminum confitémur.

Te ætérnum Patrem * omnis terra venerátur.

Tibi omnes Angeli, * tibi cœli, et univérsæ potestátes:

Tibi Chérubim et Séraphim, * incessábili voce proclámant:

Sanctus, * Sanctus, * Sanctus * Dóminus Deus Sábaoth.

Pleni sunt cœli et terra * majestátis glóriæ tuæ.

Te gloriósus * Apostolórum chorus,

Te Prophetárum * laudábilis númerus,

Te Mártyrum candidátus * laudat exércitus.

Te per orbem terrárum * sancta confitétur Ecclésia,

Patrem * imménsæ majestátis,
Venerándum tuum verum * et únicum Fílium,

Sanctum quoque * Paráclitum Spíritum.

Tu Rex glóriæ * Christe.

Tu Patris * sempitérnus es Fílius.

Tu ad liberándum susceptúrus hóminem: * non horruísti Vírginis úterum.

Tu devícto mortis acúleo: * aperuísti credéntibus regna cœlórum.

Tu ad dexteram Dei sedes, * in glória Patris.

Judex créderis * esse ventúrus.

Te ergo quæsumus, tuis fámulis súbveni: * quos pretiósó sáanguine redemísti.

Ætérna fac cum sanctis tuis: * in glória numerári.

Salvum fac pópulum tuum Dómine, * et bénedic hæreditáti tuæ.

Et rege eos, * et extólle illos usque in ætérnum.

Per síngulos dies * benedícimus te.

Et laudámus nomen tuum in sæculum, * et in sæculum sæculi.

Dignáre Dómine die isto * sine peccáto nos custodíre.

Miserére nostri Dómine: * miserére nostri.

Fiat misericórdia tua Dómine super nos, * quemádmódum sperávimus in te.

In te Dómine sperávi: * non confúndar in ætérnum.

Ad Laudes.

Deus in adjutórium meum inténde. R. Dómine ad adjuvándum me festína. Glória Patri, etc. 2.

Allelúja, vel Laus tibi Dómine, Rex ætérnæ glóriæ, pro temporis diversitate.

A Dom. post Oct. Epiph. usque ad Septuag.

Ant. Allelúja.

Psalmus 92.

Dóminus regnávít, decórem indútus est: * indútus est Dóminus fortitúdinem, et præcínxit se.

Etenim firmávit orbem terræ, * qui non commovébitur.

Paráta sedes tua ex tunc: * a sæculo tu es.

Elevavérunt flumina Dómine: * elevavérunt flúmina vocem suam.

Elevavérunt flúmina fluctus suos, * a vóçibus aquárum multárum.

Mirábiles elatiónes maris: * mirábilis in altis Dóminus.

Testimónia tua credibília facta sunt nimis: * domum tuam decet sanctitúdo Dómine in longitúdinem diérum.

Psalmus 99.

Jubiláte Deo omnis terra: * servíte Dómino in lætítia.

Introíte in conspéctu ejus, * in exsultatióne.

Scitótè quóniam Dóminus ipse est Deus: * ipse fecit nos, et non ipsi nos.

Pópulus ejus, et oves pásquæ ejus: * introíte portas ejus in confessióne, átria ejus in hymnis: confitémini illi.

Laudáte nomen ejus: quóniam suávis est Dóminus, in ætérnum

misericórdia ejus, * et usque in generatióem et generatióem véritas ejus.

Psalmus 62.

Deus Deus meus * ad te de luce vígilo.

Sitívit in te ánima mea, * quam multipliciter tibi caro mea.

In terra desérta, et ínvia, et in-aquósa: * sic in sancto appáruí tibi, ut vidérem virtútem tuam, et glóriam tuam.

Quóniam mélior est misericór-dia tua super vitas: * lábia mea laudábunt te.

Sic benedícam te in vita mea: * et in nómine tuo levábo manus meas.

Sicut ádipe et pinguédine repleá-tur ánima mea: * et lábiis exsulta-tiónis laudábit os meum.

Si memor fui tui super stratum meum, in matutínis meditábor in te: * quia fuísti adjútor meus.

Et in velaménto alárum tuárum exsultábo, adhæsit ánima mea post te: * me suscepit dextera tua.

Ipsi vero in vanum quæsiérunt ánimam meam, introíbunt in infe-rióra terræ: * tradéntur in manus gládii, partes vúlpium erunt.

Rex vero lætábitur in Deo, lau-dabúntur omnes qui jurant in eo: * quia obstrúctum est os loquén-tium iniqua.

Hic non dicitur Glória Patri.

Psalmus 66.

Deus misereátur nostri, et be-nedícat nobis: * illúminet vul-tum suum super nos, et misereátur nostri.

Ut cognoscámus in terra viam tuam: * in ómnibus Géntibus salu-táre tuum.

Confiteántur tibi pópuli Deus: * confiteántur tibi pópuli omnes.

Læténtur et exsúltent Gentes: * quóniam júdicas pópulos in æqui-táte, et Gentes in terra dírigis.

Confiteántur tibi pópuli Deus, confiteántur tibi pópuli omnes: * terra dedit fructum suum.

Benedícat nos Deus, Deus noster, benedícat nos Deus: * et métuant eum omnes fines terræ.

Glória Patri.

Per Annum. Ant. Allelúja, alle-lúja.

Ant. Tres púeri.

Canticum trium puerorum.

Danielis 3. e.

Benedícite ómnia ópera Dómini Dómino: * laudáte et super-exaltáte eum in sǎcula.

Benedícite Angeli Dómini Dómino: * benedícite cœli Dómino.

Benedícite aquæ omnes, quæ su-per cœlos sunt, Dómino: * benedícite omnes virtútes Dómini Dómino.

Benedícite sol et luna Dómino: * benedícite stellæ cœli Dómino.

Benedícite omnis imber et ros Dómino: * benedícite omnes spíri-tus Dei Dómino.

Benedícite ignis et æstus Dómino: * benedícite frigus et æstus Dómino.

Benedícite rores et pruína Dómino: * benedícite gelu et frigus Dómino.

Benedícite glácies et nives Dómino: * benedícite noctes et dies Dómino.

Benedícite lux et ténebræ Dómino: * benedícite fúlgura et nu-bes Dómino.

Benedícat terra Dóminum: * laudet, et superexáltet eum in sæcula.

Benedícite montes et colles Dómino: * benedícite univérſa germinántia in terra Dómino.

Benedícite fontes Dómino: * benedícite mária et flúmina Dómino.

Benedícite cete, et ómnia, quæ movéntur in aquis, Dómino: * benedícite omnes vólucres cœli Dómino.

Benedícite omnes béstiæ et pécora Dómino: * benedícite filii hóminum Dómino.

Benedícat Israël Dóminum: * laudet et superexáltet eum in sæcula.

Benedícite sacerdótes Dómini Dómino: * benedícite servi Dómini Dómino.

Benedícite spíritus, et ánimæ justórum Dómino: * benedícite sancti, et húmiles corde Dómino.

Benedícite Ananía, Azaría, Mísaël Dómino: * laudáte et superexaltáte eum in sæcula.

Benedicámus Patrem et Fílium cum sancto Spíritu: * laudémus et superexaltémus eum in sæcula.

Benedíctus es Dómine in firmaménto cœli: * et laudábilis, et glorióſus, et superexaltátus in sæcula.

Hic non dic. Glória Patri, neque Amen; in aliis Canticis dicuntur.

Per Ánnum. Ant. Tres púeri jussu regis in fornácem missi sunt, non timéntes flammam ignis, dicéntes: Benedíctus Deus.

Ant. Allelúja.

Psalmus 148.

Laudáte Dóminum de cœlis: * laudáte eum in excélsis.

Laudáte eum omnes Angeli ejus: * laudáte eum omnes virtútes ejus.

Laudáte eum sol et luna: * laudáte eum omnes stellæ, et lumen.

Laudáte eum cœli cœlórum: * et aquæ omnes, quæ super cœlos sunt, laudent nomen Dómini.

Quia ipse dixit, et facta sunt: * ipse mandávit, et creáta sunt.

Státuit ea in ætérnum, et in sæculum sæculi: * præcéptum pósuit, et non præteríbit.

Laudáte Dóminum de terra, * dracónes, et omnes abyssi.

Ignis, grando, nix, glácies, spíritus procellárum: * quæ faciunt verbum ejus:

Montes, et omnes colles: * ligna fructífera, et omnes cedri.

Béstiæ, et univérſa pécora: * serpéntes, et vólucres pennátæ:

Reges terræ, et omnes pópuli: * príncipes, et omnes júdices terræ.

Júvenes, et vírgines: senes cum junióribus laudent nomen Dómini: * quia exaltátum est nomen ejus solius.

Conféssio ejus super cœlum, et terram: * et exaltávit cornu pópuli sui.

Hymnus ómnibus sanctis ejus: * filiis Israël, pópulo appropinquánti sibi.

Hic non dicitur Glória Patri.

Psalmus 149.

Cantáte Dómino cánticum novum: * laus ejus in ecclésia sanctórum.

Lætétur Israël in eo, qui fecit eum: * et filii Sion exsúltent in rege suo.

Laudent nomen ejus in choro: * in týmpano, et psaltério psallant ei.

Quia beneplácitum est Dómino

in pópulo suo: * et exaltábit mansuétos in salútem.

Exsultábunt sancti in glória: * lætabúntur in cubílibus suis.

Exaltatiónes Dei in gútture eórum: * et gládii ancípites in máni-bus eórum:

Ad faciéndam vindíctam in natió-nibus: * increpatiónes in pópulis.

Ad alligándos reges eórum in compédibus: * et nóbiles eórum in mánicis férreis.

Ut fáciant in eis iudícium con-scríptum: * glória hæc est ómnibus sanctis ejus.

Hic non dicitur Glória Patri.

Psalmus 150.

Laudáte Dóminum in sanctis ejus: * laudáte eum in firma-ménto virtútis ejus.

Laudáte eum in virtútibus ejus: * laudáte eum secúndum multítu-dinem magnítudinis ejus.

Laudáte eum in sono tubæ: * laudáte eum in psaltério, et cíthara.

Laudáte eum in týmpano, et choro: * laudáte eum in chordis, et órgano.

Laudáte eum in cýmbalis bene-sonántibus: laudáte eum in cým-balis jubilatiónis: * omnis spíritus laudet Dóminum.

Glória Patri.

Per Annum. Ant. Allelúja, alle-lúja, allelúja.

Sequens Capit. dicitur in Dominicis, a Dom. II. post Epiph. usque ad Septuag.

Capitulum. Apoc. 7. c.

Benedictio, et cláritas, et sapién-tia, et gratiárum áctio, honor, et virtus, et fortitúdo Deo nostro in sæcula sæculórum. Amen.

R̃. Deo grátias.

Sic respondetur in fine omnium Capitulorum.

Hymnus.

Ætérne rerum Cónditor,
Noctem diémque qui regis,
Et témporum das témpora,
Ut álleves fastídium.

Noctúrna lux viántibus
A nocte noctem ségregans,
Præco diéi jam sonat,
Jubárque solis évocat.

Hoc excitátus Lúciſer
Solvit polum calígine:
Hoc omnis errónum cohors
Viam nocéndi déserit.

Hoc nauta vires cólligit,
Pontíque mítescunt freta:
Hoc, ipsa petra Ecclésiæ,
Canénte, culpam díluit.

Surgámus ergo strénue:
Gallus jacéntes éxcitat,
Et somnoléntos increpat,
Gallus negántes árguit.

Gallo canénte spes reſcit,
Ægris salus refúnditur,
Mucro latrónis cónditur,
Lapsis fides revértitur.

Jesu labántes réspice,
Et nos vidéndo córrige:
Si réspicis, labes cadunt,
Fletúque culpa sólvitur.

Tu lux refúlge sénsibus,
Mentísque somnum díscute:
Te nostra vox primum sonet,
Et vota solvámus tibi.

Deo Patri sit glória,
Ejúsque soli Fílio,
Cum Spíritu Paráclito,
Nunc, et per omne sæculum.

Amen.

Per Annum. V. Dóminus regná-vit, decórem índuit. R̃. Índuit Dó-

minus fortitudinem, et præcínxit se virtute.

A Septuag. usque ad Quadrag.

Ÿ. Dómine refúgium factus es nobis. R. A generatióne et progénie.

In Adventu. Hymnus. En clara vox.

Ÿ. Vox clamántis in desérto, Paráte viam Dómini. R. Rectas fácite sémitas ejus.

Canticum Zachariæ.

Lucae 1. g.

Benedictus Dóminus Deus Israë!, * quia visitávit, et fecit redemptiõnem plebis suæ:

Et eréxit cornu salutis nobis: * in domo David púeri sui.

Sicut locútus est per os sanctórum, * qui a sæculo sunt, prophetárum ejus:

Salútem ex inimícis nostris, * et de manu ómnium, qui odérunt nos:

Ad faciéndam misericórdiam cum pátribus nostris: * et memorári testaménti sui sancti.

Jusjurándum, quod jurávit ad Abraham patrem nostrum, * datúrum se nobis:

Ut sine timóre, de manu inimicórum nostrórum liberáti, * serviámus illi.

In sanctitáte, et justítia coram ipso, * ómnibus diébus nostris.

Et tu puer, Prophéta Altíssimi vocáberis: * præíbis enim ante fáciem Dómini paráre vias ejus:

Ad dandam sciéntiam salutis plebi ejus: * in remissionem peccatórum eórum:

Per víscera misericórdiæ Dei nostri: * in quibus visitávit nos, óriens ex alto:

Illumináre his, qui in ténebris, et

in umbra mortis sedent: * ad dirigéndos pedes nostros in viam pacis.

Glória Patri.

Deinde dic. Ant. et Oratio propria, et post eam, si occurrat eo die aliquod Festum Simplex, vel ad modum Simplicis recolendum fit de eo Commem. Postremo (si id tempus requirat) fiunt Comm. de S. Maria, de S. Joseph, de Apostolis, et de Patrono Ecclesiæ in ordine aliarum Comm. secundum illius dignitatem, et ultimo loco de Pace, ut infra in Vesp. Sabbati.

In fine, si discedendum sit a Choro, dic. una ex Ant. B. Mariæ, ut habetur infra post Completorium.

Dominica ad Primam.

Pater noster. Ave María. Credo.

Ÿ. Deus in adjutórium. 15.

Hymnus.

Jam lucis orto sídere
Deum precémur súplices,
Ut in diúrnis áctibus
Nos servet a nocéntibus.

Linguam refrénans témpere,
Ne litis horror ínsonet:
Visum fovéndo cóntegat,
Ne vanitátes háuriat.

Sint pura cordis íntima,
Absístat et vecórdia:
Carnis terat supérbiam
Potus cibíque párcitas.

Ut cum dies abscésserit,
Noctémque sors redúxerit,
Mundi per abstinentiam
Ipsi canámus glóriam.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sæculum.
Amen.

In Dominicis per Annum. Ant. Allelúja.

Psalmus 53.

Deus in nómine tuo salvum me fac: * et in virtúte tua júdica me.

Deus exaúdi oratióem meam: * aúribus pércipe verba oris mei.

Quóniam aliéni insurrexérunt advérsus me, et fortes quæsiérunt ánimam meam: * et non proposuerunt Deum ante conspéctum suum.

Ecce enim Deus ádjuvat me: * et Dóminus suscéptor est ánimæ meæ.

Avérte mala inimícis meis: * et in veritáte tua dispérde illos.

Voluntárie sacrificábo tibi, * et confitébor nómini tuo Dómine: quóniam bonum est:

Quóniam ex omni tribulatióne eripuísti me: * et super inimícos meos despéxit óculus meus.

Sequens Ps. Confitémini Dómino dicitur tantum in Domin., quando fit Officium de Dom. ut in Psalt.

A Septuag. vero usque ad Pascha, ejus loco dicitur

Psalmus 92.

Dóminus regnávít, decórem indútus est: * indútus est Dóminus fortitúdinem, et præcínxit se.

Etenim firmávit orbem terræ, * qui non commovébitur.

Paráta sedes tua ex tunc: * a sæculo tu es.

Elevavérunt flúmina Dómine: * elevavérunt flúmina vocem suam.

Elevavérunt flúmina fluctus suos. * a vóci bus aquárum multárum.

Mirábiles elatiónes maris: * mirábilis in altis Dóminus.

Testimónia tua credibília facta sunt nimis: * domum tuam decet sanctitúdo Dómine in longitúdinem diérum.

Psalmus 117.

Confitémini Dómino quóniam bonus: * quóniam in sæculum misericórdia ejus.

Dicat nunc Israél quóniam bonus: * quóniam in sæculum misericórdia ejus.

Dicat nunc domus Aaron: * quóniam in sæculum misericórdia ejus.

Dicant nunc qui timent Dóminus: * quóniam in sæculum misericórdia ejus.

De tribulatióne invocávi Dóminus: * et exaudivít me in latitúdine Dóminus.

Dóminus mihi adjútor: * non timebo quid fáciat mihi homo.

Dóminus mihi adjútor: * et ego despiciam inimícos meos.

Bonum est confidere in Dómino, * quam confidere in hómine:

Bonum est speráre in Dómino, * quam speráre in princípibus.

Omnes Gentes circuiérunt me: * et in nómine Dómini quia ultus sum in eos.

Circumdántes circumdedérunt me: * et in nómine Dómini quia ultus sum in eos.

Circumdedérunt me sicut apes, et exarsérunt sicut ignis in spinis: * et in nómine Dómini quia ultus sum in eos.

Impúlsus evérsus sum ut cáderem: * et Dóminus suscepit me.

Fortitúdo mea, et laus mea Dóminus: * et factus est mihi in salutem.

Vox exsultatiónis, et salutis * in tabernáculis justórum.

Déxtera Dómini fecit virtútem: déxtera Dómini exaltávit me, * déxtera Dómini fecit virtútem.

Non móriar, sed vivam: * et nar-
rábo ópera Dómini.

Castigans castigávit me Dómi-
nus: * et morti non trádidit me.

Aperíte mihi portas justítiae, in-
gréssus in eas confitébor Dómino:
* hæc porta Dómini, justi intrábunt
in eam.

Confitébor tibi quóniam exaudí-
sti me: * et factus es mihi in sa-
lútem.

Lápidem, quem reprobavérunt
ædificántes: * hic factus est in ca-
put ánguli.

A Dómino factum est istud: * et
est mirábile in óculis nostris.

Hæc est dies, quam fecit Dómi-
nus: * exultémus, et lætémur in ea.

O Dómine salvum me fac, o Dó-
mine, bene prosperáre: * benedí-
ctus qui venit in nómine Dómini.

Benedíximus vobis de domo Dó-
mini: * Deus Dóminus, et illúxit
nobis.

Constitúite diem solémnem in
condénsis, * usque ad cornu altáris.

Deus meus es tu, et confitébor
tibi: * Deus meus es tu, et exal-
tábo te.

Confitébor tibi quóniam exaudí-
sti me: * et factus es mihi in sa-
lútem.

Confitémini Dómino quóniam
bonus: * quóniam in sæculum mi-
sericórdia ejus.

Psalmus 118.

Beáti immaculáti in via: * qui
ámbulant in lege Dómini.

Beáti, qui scrutántur testimónia
ejus: * in toto corde exquírun eum.

Non enim qui operántur iniqui-
tátem, * in viis ejus ambulavérunt.

Tu mandásti * mandáta tua cu-
stodíri nimis.

Utinam dirigántur viæ meæ, * ad
custodiéndas justificatiónes tuas!

Tunc non confúndar, * cum per-
spéxero in ómnibus mandátis tuis.

Confitébor tibi in directiône cor-
dis: * in eo quod dídici judícia ju-
stítiae tuæ.

Justificatiónes tuas custódiam:
* non me derelínquas usquequáque.

In quo córrigit adolescéntior
viam suam? * in custodiéndo ser-
mónes tuos.

In toto corde meo exquisívi te:
* ne repéllas me a mandátis tuis.

In corde meo abscondi elóquia
tua: * ut non peccem tibi.

Benedíctus es Dómine: * doce
me justificatiónes tuas.

In lábiis meis, * pronuntiávi
ómnia judícia oris tui.

In via testimoniórum tuórum
delectátus sum, * sicut in ómnibus
divítiis.

In mandátis tuis exercébor: * et
considerábo vias tuas.

In justificatió nibus tuis meditá-
bor: * non oblivíscar sermónes
tuos.

Retribue servo tuo, vivífica me:
* et custódiam sermónes tuos.

Revéla óculos meos: * et consi-
derábo mirabilia de lege tua.

Incola ego sum in terra: * non
abscondas a me mandáta tua.

Concupívit ánima mea deside-
ráre justificatiónes tuas, * in omni
tépore.

Increpásti supérbos: * maledícti
qui declínant a mandátis tuis.

Aufer a me oppróbrium, et con-
témptum: * quia testimónia tua
exquisívi.

Étenim sedérunt príncipes, et
advérsum me loquebántur: * ser-

vus autem tuus exercebatur in justificationibus tuis.

Nam et testimonia tua meditatio mea est: * et consilium meum justificationes tuæ.

Adhæsit pavimento anima mea: * vivifica me secundum verbum tuum.

Vias meas enuntiavi, et exaudisti me: * doce me justificationes tuas.

Viam justificationum tuarum instrue me: * et exercébor in mirabilibus tuis.

Dormitavit anima mea præ tædio: * confirma me in verbis tuis.

Viam iniquitatis amove a me: * et de lege tua miserere mei.

Viam veritatis elégi: * iudicia tua non sum oblitus.

Adhæsi testimoniis tuis, Dómine: * noli me confundere.

Viam mandatorum tuorum cucurri, * cum dilatasti cor meum.

Sequens Symbolum dicitur in Dominicis tantum, quando fit Offic. de Dom. ut in Psalt.

Symbolum S. Athanasii.

Quicumque vult salvus esse, * ante omnia opus est, ut teneat catholicam fidem:

Quam nisi quisque integram inviolatamque servaverit, * absque dubio in æternum peribit.

Fides autem catholica hæc est: * ut unum Deum in Trinitate, et Trinitatem in unitate veneremur.

Neque confundentes personas, * neque substantiam separantes.

Alia est enim persona Patris, alia Filii, * alia Spiritus sancti:

Sed Patris, et Filii, et Spiritus sancti una est divinitas, * æqualis glória, coætérna maiestas.

Qualis Pater, talis Filius, * talis Spiritus sanctus.

Increátus Pater, increátus Filius, * increátus Spiritus sanctus:

Imménsus Pater, imménsus Filius, * imménsus Spiritus sanctus.

Ætérnus Pater, ætérnus Filius, * ætérnus Spiritus sanctus.

Et tamen non tres ætérni, * sed unus ætérnus.

Sicut non tres increátí, nec tres imménsi, * sed unus increátus, et unus imménsus.

Similiter omnipotens Pater, omnipotens Filius, * omnipotens Spiritus sanctus.

Et tamen non tres omnipoténtes, * sed unus omnipotens.

Ita Deus Pater, Deus Filius, * Deus Spiritus sanctus.

Et tamen non tres Dii: * sed unus est Deus.

Ita Dóminus Pater, Dóminus Filius, * Dóminus Spiritus sanctus.

Et tamen non tres Dómini: * sed unus est Dóminus.

Quia, sicut singillatim unamquamque personam Deum ac Dóminum confiteri christiána veritate compéllimur: * ita tres Deos aut Dóminos dicere cathólica religióné prohibémur.

Pater a nullo est factus: * nec creátus, nec génitus.

Filius a Patre solo est: * non factus, nec creátus, sed génitus.

Spiritus sanctus a Patre et Filio: * non factus, nec creátus, nec génitus, sed procédens.

Unus ergo Pater, non tres Patres: unus Filius, non tres Filii: * unus Spiritus sanctus, non tres Spiritus sancti.

Et in hac Trinitate nihil prius

aut postérius, nihil majus aut minus: * sed totæ tres persónæ co-æternæ sibi sunt et coæquales.

Ita ut per ómnia, sicut jam supra dictum est, * et únitas in Trinitáte, et Trínitas in unitáte veneránda sit.

Qui vult ergo salvus esse, * ita de Trinitáte séntiat.

Sed necessárium est ad ætérnam salútem, * ut Incarnatióem quoque Dómini nostri Jesu Christi fidéliter credat.

Est ergo fides recta, ut credámus et confiteámur, * quia Dóminus noster Jesus Christus Dei Fílius, Deus et homo est.

Deus est ex substántia Patris ante sæcula génitus: * et homo est ex substántia matris in sæculo natus.

Perfécus Deus, perfécus homo: * ex ánima ratióali, et humana carne subsístens.

Æquális Patri secúndum divinitátem: * minor Patre secúndum humanitátem.

Qui, licet Deus sit et homo, * non duo tamen, sed unus est Christus.

Unus autem non conversióne divinitátis in carnem; * sed assumptióne humanitátis in Deum.

Unus omníno, non confusióne substántiæ, * sed unitáte persónæ.

Nam sicut ánima ratióalis et caro unus est homo: * ita Deus et homo unus est Christus.

Qui passus est pro salúte nostra: descéndit ad ínferos: * tértia die resurréxit a mórtuis.

Ascéndit ad cœlos, sedet ad dexteram Dei Patris omnipoténtis: * inde ventúrus est judicáre vivos et mórtuos.

Ad cujus advéntum omnes hó-

mines resúrgere habent cum corpóribus suis: * et redditúri sunt de factis própriis ratióem.

Et qui bona egérunt, ibunt in vitam ætérnam: * qui vero mala, in ignem ætérnum.

Hæc est fides cathólica, * quam nisi quisque fidéliter firmitérque credíderit, salvus esse non póterit.

Glória Patri.

Ant. Allelúja, allelúja, allelúja.

Capitulum. 1. Tim. 1. d.

Regi sæculórum immortalí et invisíbili, soli Deo honor et glória in sæcula sæculórum. Amen.

R. Deo grátias.

R. br. Christe Fili Dei vivi, * Miserére nobis. Et repetitur: Christe Fili Dei vivi, miserére nobis. V. Qui sedes ad dexteram Patris. R. Miserére nobis. V. Glória Patri, et Fílio, et Spirítui sancto. R. Christe Fili Dei vivi, miserére nobis.

V. Exsúrge Christe, ádjuva nos.

R. Et libera nos propter nomen tuum.

Sequentes Preces non dicuntur in Dupl. nec infra Oct.; sed tunc dicto R. br. dicitur Dóminus vobíscum. et Oratio Dómine Deus omnipotens. ut infra. 24.

Kýrie eléison. Christe eléison. Kýrie eléison.

Pater noster. secreto usque ad V. Et ne nos indúcas in tentatió-nem. R. Sed libera nos a malo.

Credo in Deum. secreto usque ad V. Carnis resurrectionem. R. Vitam ætérnam. Amen.

V. Et ego ad te Dómine clamávi. R. Et mane orátio mea præveniet te.

V. Repleátur os meum laude. R. Ut cantem glóriam tuam, tota die magnitúdinem tuam.

Ÿ. Dómine avérte fáciem tuam a peccátis meis. R. Et omnes iniquitátes meas dele.

Ÿ. Cor mundum crea in me Deus. R. Et spíritum rectum innova in viscéribus meis.

Ÿ. Ne proíicias me a fácie tua. R. Et Spíritum sanctum tuum ne aúferas a me.

Ÿ. Redde mihi lætítiam salutáris tui. R. Et spíritu principáli confirma me.

Ÿ. Adjutórium nostrum in nómine Dómini. R. Qui fecit cœlum et terram.

Deinde Hebdomadarius facit Confessionem.

Confíteor Deo omnipoténti, beátæ Mariæ semper Virgini, beáto Michaéli Archángelo, beáto Joánni Baptistæ, sanctis Apóstolis Petro et Paulo, ómnibus Sanctis, et vobis fratres: quia peccávi nimis cogitatione, verbo et ópere: mea culpa, mea culpa, mea máxima culpa. Ideo precor beátam Mariám semper Virginem, beátum Michaélem Archángelum, beátum Joánnem Baptistam, sanctos Apóstolos Petrum et Paulum, omnes Sanctos, et vos fratres, oráre pro me ad Dóminum Deum nostrum.

Chorus respondet:

Misereátur tui omnipotens Deus, et dimíssis peccátis tuis, perdúcat te ad vitam ætérnam.

R. Amen.

Deinde repetit Confessionem: et ubi dicitur vobis fratres, et vos fratres, dicatur, tibi pater, et te pater.

Facta Confessione a Choro, Hebdomadarius dicit:

Misereátur vestri omnipotens Deus, et dimíssis peccátis

vestris, perdúcat vos ad vitam ætérnam. R. Amen.

Indulgéntiam, absolutiónem, et remissionem peccatórum nostrórum tríbuat nobis omnípotens et miséricors Dóminus. R. Amen.

Et proseguitur Ÿ. Dignáre Dómine die isto. R. Sine peccáto nos custodíre.

Ÿ. Miserére nostri Dómine. R. Miserére nostri.

Ÿ. Fiat misericórdia tua Dómine super nos. R. Quemádmódum sperávimus in te.

Ÿ. Dómine exaúdi oratióem meam. R. Et clamor meus ad te véniat.

Ÿ. Dóminus vobíscum. R. Et cum spíritu tuo.

Orémus.

Oratio.

Dómine Deus omnípotens, qui ad princípium hujus diéi nos perveníre fecísti: tua nos hódie salva virtúte; ut in hac die ad nulum declinémus peccátum, sed semper ad tuam justítiam faciéndam nostra procédant elóquia, dirigántur cogitationes et ópera. Per Dóminum nostrum. R. Amen.

Ÿ. Dóminus vobíscum. R. Et cum spíritu tuo.

Ÿ. Benedicámus Dómino. R. Deo grátias.

Deinde in Choro legitur Martyrologium. Et quando dicenda est Prima de B. Maria, præponitur lectioni Martyrologii.

Postea Hebdomadarius dicit

Ÿ. Pretiósá in conspéctu Dómini. R. Mors sanctórum ejus.

Et absolute sine Orémus.

Oratio.

Sancta María, et omnes Sancti intercédant pro nobis ad Dóminum, ut nos mereámur ab eo

adjuvári et salvári, qui vivit et regnat in sæcula sæculórum.

R. Amen.

V. Deus in adiutórium meum inténde. R. Dómine ad adiuvándum me festína.

Et dicitur ter: ultimo additur

Glória Patri. Sicut erat.

Kýrie eléison. Christe eléison. Kýrie eléison.

Pater noster. secreto.

V. Et ne nos indúcas in tentatió-nem. R. Sed libera nos a malo.

V. Réspice in servos tuos Dómine, et in ópera tua, et dirige filios eórum. R. Et sit splendor Dómini Dei nostri super nos, et ópera mánuum nostrárum dirige super nos, et opus mánuum nostrárum dirige.

V. Glória Patri. R. Sicut erat.

Orémus.

Oratio.

Dirigere et sanctificáre, régere et gubernáre dignáre, Dómine Deus Rex cœli et terræ, hódie corda et córpora nostra, sensus, sermónes et actus nostros in lege tua, et in opéribus mandatórum tuórum: ut hic, et in ætérnum, te auxiliánte salvi et liberi esse mereámur, Salvátor mundi: Qui vivis et regnas in sæcula sæculórum.

R. Amen.

V. Jube domne benedícere.

Bened. Dies et actus nostros in sua pace dispónat Dóminus omnípotens. R. Amen.

Ad Absolut. Capit. in Dom. et Feriis per Annum, ab Oct. Epiph. usque ad Dom. I. Quadrag. exclus.

Lectio brevis. II. Thess. 3. b.

Dóminus autem dirigat corda et córpora nostra in caritaté Dei,

et patiéntia Christi. Tu autem Dómine miserére nobis.

R. Deo grátias.

A Dominica I. Adventus usque ad Vigil. Nativ. Domini exclusive.

Isaiæ 33.


Dómine, miserére nostri: te enim exspectávimus: esto bráchium nostrum in mane, et salus nostra in témpore tribulatiónis. Tu autem Dómine.

Post Lect. brevem dicitur

V. Adiutórium nostrum in nómine Dómini. R. Qui fecit cœlum et terram.

V. Benedícite. R. Deus.

Bened. Dóminus nos benedícat, et ab omni malo deféndat, et ad vitam perdúcat ætérnam: et fidélium ánimæ per misericórdiam Dei requiéscent in pace. R. Amen.



In feriali Officio

ad Primam.

Pater noster. Ave María. Credo. V. Deus in adiutórium. 15.

Hymnus.

Jam lucis orto sídere
Deum precémur súplices,
Ut in diúrnis áctibus
Nos servet a nocéntibus.

Linguam refrænans témporet,
Ne litis horror ínsonet:
Visum fovéndo cóntegat,
Ne vanitátes haúriat.

Sint pura cordis íntima,
Absístat et vecórdia:
Carnis terat supérbiam
Potus cibíque párcitas.

Ut cum dies abscésserit,
Noctémque sors redúxerit,
Mundi per abstinéntiam
Ipsi canámus glóriam.

Deo Patri sit glória,
Ejúsque soli Filio,
Cum Spíritu Paráclito,
Nunc, et per omne sǎculum.
Amen.

Per Annum. Ant. Beáti qui ámbulant.

Temp. Advent. Ant. de Laud. Dom. aut ex propriis Laud.

Psalmus 53.

Deus in nómine tuo salvum me fac: * et in virtúte tua júdica me.

Deus exaúdi orationem meam: * aúribus pércipe verba oris mei.

Quóniam aliéni insurrexérunt advérsus me, et fortes quæsiérunt ánimam meam: * et non proposuerunt Deum ante conspéctum suum.

Ecce enim Deus ádjuvat me: * et Dóminus suscéptor est ánimæ meæ.

Avérte mala inimícis meis: * et in veritaté tua dispérde illos.

Voluntárie sacrificábo tibi, * et confitébor nómini tuo Dómine: quóniam bonum est:

Quóniam ex omni tribulatione eripuísti me: * et super inimícos meos despéxit óculus meus.

Post Ps. Deus in nómine tuo. loco Ps. Confitémini. dicitur unus ex infra-scriptis Psalmis, secundum Ferias distinctis. Sabbato autem dicuntur tantum tres Psalmi, sicut in Festis.

Feria Secunda.

Psalmus 23.

Dómini est terra, et plenitúdo ejus: * orbis terrárum, et univérsi qui hábitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dó-

mini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictionem a Dómino: * et misericórdiam a Deo salutári suo.

Hæc est generátio quæréntium eum, * quæréntium faciém Dei Jacob.

Attóllite portas príncipes vestras, et elevámini portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens: Dóminus potens in prælio.

Attóllite portas príncipes vestras, et elevámini portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Feria Tertia.

Psalmus 24.

Ad te Dómine levávi ánimam meam: * Deus meus in te confido, non erubéscam.

Neque irrideant me inimíci mei: * étenim univérsi, qui sústinent te, non confundéntur.

Confundántur omnes iníqua ágéntes * supervácue.

Vias tuas Dómine demónstra mihi: * et sémitas tuas édoce me.

Dírigé me in veritaté tua, et doce me: * quia tu es Deus salvátor meus, et te sustinui tota die.

Reminíscere miseratiónum tuárum Dómine, * et misericordiárum tuárum, quæ a sǎculo sunt.

Delícta juventútis meæ, * et ignorantias meas ne memíneris.

Secúndum misericórdiam tuam meménto mei tu: * propter bonitátem tuam Dómine.

Dulcis et rectus Dóminus: * propter hoc legem dabit delinquéntibus in via.

Diriget mansuétos in iudício: * docébit mites vias suas.

Univérsæ viæ Dómini, misericórdia et véritas, * requiréntibus testaméntum ejus et testimónia ejus.

Propter nomen tuum Dómine propitiáberis peccáto meo: * multum est enim.

Quis est homo qui timet Dóminum? * legem státuit ei in via, quam elégit.

Anima ejus in bonis demorábitur: * et semen ejus hæreditábit terram.

Firmaméntum est Dóminus timéntibus eum: * et testaméntum ipsíus ut manifestétur illis.

Oculi mei semper ad Dóminum: * quóniam ipse evéllit de láqueo pedes meos.

Réspice in me, et miserére mei: * quia únicus et pauper sum ego.

Tribulatiónes cordis mei multiplicátæ sunt: * de necessitatibus meis érue me.

Vide humilitátem meam, et labórem meum: * et dimítte univérsa delicta mea.

Réspice inimicos meos quóniam multiplicáti sunt, * et ódio iníquo odérunt me.

Custódi ánimam meam, et érue me: * non erubéscam quóniam sperávi in te.

Innocéntes et recti adhæsérunt mihi: * quia sustínui te.

Líbera Deus Israël, * ex ómnibus tribulatió nibus suis.

Feria Quarta.

Psalmus 25.

Júdica me Dómine, quóniam ego in innocéntia mea ingrédessus sum: * et in Dómino sperans non infirmábor.

Proba me Dómine, et tenta me: * ure renes meos et cor meum.

Quóniam misericórdia tua ante óculos meos est: * et compláculi in veritáte tua.

Non sedi cum concílio vanitátis: * et cum iníqua geréntibus non introibo.

Odívi ecclésiám malignántium: * et cum ímpiis non sedébo.

Lavábo inter innocéntes manus meas: * et circúmdabo altáre tuum Dómine:

Ut aúdiam vocem laudis, * et enárrem univérsa mirabilia tua.

Dómine diléxi decórem domus tuæ, * et locum habitatió nis glóriæ tuæ.

Ne perdas cum ímpiis Deus ánimam meam, * et cum viris sánguini vitam meam:

In quorum mánibus iniquitátes sunt: * dextera eórum repléta est munéribus.

Ego autem in innocéntia mea ingrédessus sum: * rédime me, et miserére mei.

Pes meus stetit in dirécto: * in ecclésiis benedícam te Dómine.

Feria Quinta.

Psalmus 22.

Dóminus regit me, et nihil mihi déerit: * in loco páscuæ ibi me collocávit.

Super aquam refectionis educávit me: * ánimam meam convértit.

Dedúxit me super sémitas justitiæ, * propter nomen suum.

Nam, et si ambulávero in médio umbræ mortis, non timébo mala: * quóniam tu mecum es.

Virga tua, et báculo tuus: * ipsa me consoláta sunt.

Parásti in conspéctu meo mensam, * advérsus eos, qui tríbulant me.

Impinguásti in óleo caput meum: * et calix meus inébrians quam præclárus est!

Et misericórdia tua subsequétur me * ómnibus diébus vitæ meæ:

Et ut inhábitem in domo Dómini, * in longitudínem diérum.

Feria Sexta.

Psalmus 21.

Deus Deus meus réspice in me: quare me dereliquísti? * longe a salúte mea verba delictórum meórum.

Deus meus clamábo per diem, et non exaúdiēs: * et nocte, et non ad insipiéntiam mihi.

Tu autem in sancto hábitas, * laus Israël.

In te speravérunt patres nostri: * speravérunt, et liberásti eos.

Ad te clamavérunt, et salví facti sunt: * in te speravérunt, et non sunt confúsi.

Ego autem sum vermis, et non homo: * oppróbrium hóminum, et abjéctio plebis.

Omnes vidéntes me, derisérunt me: * locúti sunt lábiis, et movérunt caput.

Sperávit in Dómino, erípiat eum: * salvum fáciat eum, quóniam vult eum.

Quóniam tu es, qui extraxísti

me de ventre: * spes mea ab ubéribus matris meæ. In te proyctus sum ex útero:

De ventre matris meæ Deus meus es tu, * ne discésseris a me:

Quóniam tribulatio próxima est: * quóniam non est qui ádjuvet.

Circumdedérunt me vítuli multi: * tauri pingues obsederunt me.

Aperuérunt super me os suum, * sicut leo rápiens et rúgiens.

Sicut aqua effúsus sum: * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhæsit faucibus meis: * et in púlverem mortis deduxísti me.

Quóniam circumdedérunt me canes multi: * concílium malignántium obsédit me.

Foderunt manus meas et pedes meos: * dinumeravérunt ómnia ossa mea.

Ipsi vero consideravérunt et in-spexérunt me: * divisérunt sibi vestiménta mea, et super vestem meam misérunt sortem.

Tu autem Dómine ne elongáveris auxílium tuum a me: * ad defensiónem meam cónspice.

Erue a frámea Deus ánimam meam: * et de manu canis únicam meam:

Salva me ex ore leónis: * et a cónibus unicórnium humilitátem meam.

Narrábo nomen tuum frátribus meis: * in médio ecclésiæ laudábo te.

Qui timétis Dóminum, laudáte eum: * univérsum semen Jacob glori ficáte eum.

Tímeat eum omne semen Israël:
* quóniam non spreuit, neque des-
spéxit deprecationem paúperis:

Nec avértit fáciem suam a me: *
et cum clamárem ad eum, exaudí-
vit me.

Apud te laus mea in ecclésia
magna: * vota mea reddam in con-
spéctu tíméntium eum.

Edent paúperes, et saturabún-
tur: et laudábunt Dóminum qui
requírunť eum: * vivent corda eó-
rum in sǎculum sǎculi.

Reminiscéntur et converténtur
ad Dóminum * univérſi fines terrǎe:

Et adorábunt in conspéctu ejus
* univérſæ famíliæ Géntium.

Quóniam Dómini est regnum: *
et ipse dominábitur Géntium.

Manducavérunt et adoravérunt
omnes pingues terrǎe: * in conspé-
ctu ejus cadent omnes qui descén-
dunt in terram.

Et ánima mea illi vivet: * et se-
men meum sérviet ipsi.

Annuntiábitur Dómino generatio
ventúra: * et annuntiábunt coeli
justítiam ejus pópulo qui nascétur,
quem fecit Dóminus.

Sabbato nihil additur, ut supra in
Rubrica. 26.

Deinde dicitur

Psalmus 118.

Beáti immaculáti in via: * qui
ámbulant in lege Dómini.

Beáti qui scrutántur testimónia
ejus: * in toto corde exquírunť eum.

Non enim qui operántur iniqui-
tátem, * in viis ejus ambulavérunt.

Tu mandásti * mandáta tua cu-
stodíri nimis.

Utinam dirigántur viæ meæ, * ad
custodiéndas justificatiónes tuas.

Tunc non confúndar, * cum per-
spéxero in ómnibus mandátis tuis.

Confitébor tibi in directiône cor-
dis: * in eo quod dídici judícia ju-
stítiæ tuæ.

Justificatiónes tuas custódiam: *
non me derelínquas usquequáque.

In quo córrigit adolescéntior
viam suam? * in custodiéndo ser-
mónes tuos.

In toto corde meo exquisívi te:
* ne repéllas me a mandátis tuis.

In corde meo abscondi elóquia
tua: * ut non peccem tibi.

Benedíctus es Dómine: * doce
me justificatiónes tuas.

In lábiis meis, * pronuntiávi ó-
mnia judícia oris tui.

In via testimoniórum tuórum de-
lectátus sum, * sicut in ómnibus
divítiis.

In mandátis tuis exercébor: * et
considerábo vias tuas.

In justificatió nibus tuis meditá-
bor: * non oblivíscar sermónes tuos.

Retribue servo tuo, vivífica me:
* et custódiam sermónes tuos.

Revéla óculos meos: * et consi-
derábo mirabília de lege tua.

Incola ego sum in terra: * non
abscondas a me mandáta tua.

Concupívit ánima mea deside-
ráre justificatiónes tuas, * in omni
tépore.

Increpásti supérbos: * maledícti
qui declínant a mandátis tuis.

Aufer a me oppróbrium, et con-
témptum: * quia testimónia tua
exquisívi.

Etenim sedérunt príncipes, et
advérsum me loquebántur: * ser-
vus autem tuus exercebátur in ju-
stificatió nibus tuis.

Nam et testimónia tua meditatio mea est: * et consílium meum justificationes tuæ.

Adhæsit paviménto ánima mea: * vivifica me secúndum verbum tuum.

Vias meas enuntiávi, et exaudisti me: * doce me justificationes tuas.

Viam justificationum tuarum instrue me: * et exercébor in mirabilibus tuis.

Dormitávit ánima mea præ tædio: * confirma me in verbis tuis.

Viam iniquitátis ámove a me: * et de lege tua miserére mei.

Viam veritátis elégi: * iudícia tua non sum oblítus.

Adhæsi testimóniis tuis Dómine: * noli me confúndere.

Viam mandatorum tuorum cucúrri, * cum dilatásti cor meum.

Per Annum. Ant. Beáti qui ámbulant in lege tua Dómine.

Temp. Adventus. Ant. de Laud. Dom., aut ex propriis Laudibus.

Capitulum. Zach. 8. d.

Pacem et veritatem diligite, ait Dóminus omnípotens. R. Deo grátias.

R. br. Christe Fili Dei vivi, * Miserére nobis. Et repetitur: Christe Fili Dei vivi, miserére nobis. V. Qui sedes ad dexteram Patris. R. Miserére nobis. V. Glória Patri, et Filio, et Spirítui sancto. R. Christe Fili Dei vivi, miserére nobis.

V. Exsúrge Christe, ádjuva nos. R. Et libera nos propter nomen tuum.

Kýrie eléison. Christe eléison. Kýrie eléison.

Pater noster. secreto.

V. Et ne nos indúcas in tentationem. R. Sed libera nos a malo. Credo in Deum. secreto.

V. Carnis resurrectionem. R. Vitam ætérnam. Amen.

V. Et ego ad te Dómine clamávi. R. Et mane oratio mea prævéniat te.

V. Repleátur os meum laude. R. Ut cantem glóriam tuam, tota die magnitúdinem tuam.

V. Dómine avérte fáciem tuam a peccátis meis. R. Et omnes iniquitates meas dele.

V. Cor mundum crea in me Deus. R. Et spíritum rectum innova in viscéribus meis.

V. Ne projicias me a fácie tua. R. Et Spíritum sanctum tuum ne aúferas a me.

V. Redde mihi lætítiam salutáris tui. R. Et spíritu principáli confirma me.

Quando ad Laud. non sunt dictæ Preces feriales, statim dic. Adjutórium nostrum et Confíteor Deo, etc. ut supra 24.

Quando autem ad Laud. dictæ sunt Preces feriales inferius positæ post Laudes Feriæ II., tunc ad Primam prædictæ Preces et sequentes dicuntur flexis genibus.

V. Eripe me Dómine ab hómine malo. R. A viro iníquo éripe me.

V. Eripe me de inimícis meis, Deus meus. R. Et ab insurgéntibus in me libera me.

V. Eripe me de operántibus iniquitatem. R. Et de viris sánguinem salva me.

V. Sic psalmum dicam nómini tuo in sæculum sæculi. R. Ut redam vota mea de die in diem.

V. Exaúdi nos Deus salutáris noster. R. Spes ómnium finium terræ, et in mari longe.

Ÿ. Deus in adiutorium meum intēde. R. Dómine ad adiuvandum me festína.

Ÿ. Sanctus Deus, sanctus fortis, sanctus immortalis. R. Misere nobis.

Ÿ. Benedic ánima mea Dómino. R. Et ómnia quæ intra me sunt, nómini sancto ejus.

Ÿ. Benedic ánima mea Dómino. R. Et noli oblivisci omnes retributiónes ejus.

Ÿ. Qui propitiátur ómnibus iniquitatibus tuis. R. Qui sanat omnes infirmitates tuas.

Ÿ. Qui redimit de intéritu vitam tuam. R. Qui coronat te in misericórdia et miseratióibus.

Ÿ. Qui replet in bonis desiderium tuum. R. Renovábitur ut áquilæ juvéntus tua.

Ÿ. Adiutorium nostrum in nómine Dómini. R. Qui fecit cœlum et terram.

Deinde Hebdomadarius facit Confessionem dicens: Confiteor Deo. Reliqua omnia ut supra in Dominica. 24.

In Festis per Annum.

Pater noster. Ave María. Credo. Ÿ. Deus in adiutorium meum. ut supra 15.

Hymnus.

Jam lucis orto sídere
Deum precémur súpplīces,
Ut in diúrnīs áctibus
Nos servet a nocéntibus.
Linguam refráenans témpereť,
Ne litis horror ínsonet:
Visum fovéndo cóntegat,
Ne vanitátes haúriat.
Sint pura cordis íntima,
Absístat et vecórdia;

Carnis terat supérbiam
Potus cibique párcitas:

Ut, cum dies abscésserit,
Noctémque sors redúxerit.
Mundi per abstinéntiam
Ipsi canámus glóriam.

Deo Patri sit glória,
Ejúsque soli Fílio,
Cum Spíritu Paráclito,
Nunc, et per omne sœculum.
Amen.

Ant. competens.

Psalmus 53.

Deus in nómine tuo salvum me fac: * et in virtúte tua júdica me.

Deus exaúdi oratióem meam: * aúribus pércipe verba oris mei.

Quóniam aliéni insurrexérunt advérsus me, et fortes quæsiérunt ánimam meam: * et non proposué-runt Deum ante conspéctum suum.

Ecce enim Deus áduvat me: * et Dóminus suscepťor est ánimæ meæ.

Avérte mala inimícis meis: * et in veritáte tua dispérde illos.

Voluntárie sacrificábo tibi, * et confitébor nómini tuo Dómine: quóniam bonum est.

Quóniam ex omni tribulatióne eripuísti me: * et super inimícos meos despéxit óculus meus.

Psalmus 118.

Beáti immaculáti in via: * qui ámbulant in lege Dómini.

Beáti, qui scrutántur testimónia ejus: * in toto corde exquirunt eum.

Non enim qui operántur iniquitátem, * in viis ejus ambulavérunt.

Tu mandásti * mandáta tua custodíri nimis.

Utinam dirigántur viæ meæ, * ad custodiéndas justificatiónes tuas.

Tunc non confúndar, * cum perspéxero in ómnibus mandátis tuis.

Confitébor tibi in directiône cordis: * in eo quod didici iudícia justitiæ tuæ.

Justificatiónes tuas custódiam: * non me derelinquas usquequáque.

In quo córrigit adolescéntior viam suam? * in custodiéndo sermónes tuos.

In toto corde meo exquisívi te: * ne repéllas me a mandátis tuis.

In corde meo abscondi elóquia tua: * ut non peccem tibi.

Benedíctus es Dómine: * doce me justificatiónes tuas.

In lábiis meis, * pronuntiávi ómnia iudícia oris tui.

In via testimoniórum tuórum delectátus sum, * sicut in ómnibus divítiis.

In mandátis tuis exercébor: * et considerábo vias tuas.

In justificatióibus tuis meditabor: * non oblivíscar sermónes tuos.

Retribue servo tuo, vivífica me: * et custódiam sermónes tuos.

Revéla óculos meos: * et considerábo mirabilia de lege tua.

Incola ego sum in terra: * non abscondas a me mandáta tua.

Concupívit ánima mea desideráre justificatiónes tuas, * in omni témpore.

Increpásti supérbos: * maledícti qui declínant a mandátis tuis.

Aufer a me oppróbrium et contéptum: * quia testimónia tua exquisívi.

Etenim sedérunt príncipes, et advérsus me loquebántur: * ser-

vus autem tuus exercebátur in justificatióibus tuis.

Nam et testimónia tua meditatio mea est: * et consílium meum justificatiónes tuæ.

Adhæsit paviménto ánima mea: * vivífica me secúndum verbum tuum.

Vias meas enuntiávi, et exaudísti me: * doce me justificatiónes tuas.

Viam justificatiónum tuárum instrue me: * et exercébor in mirabilibus tuis.

Dormitávit ánima mea præ tædio: * confírma me in verbis tuis.

Viam iniquitátis ámove a me: * et de lege tua miserére mei.

Viam veritátis elégi: * iudícia tua non sum oblítus.

Adhæsi testimoniis tuis Dómine: * noli me confúndere.

Viam mandatórum tuórum cucúrri, * cum dilatásti cor meum.

Ant. competens.

Capitulum.

1. Tim. 1. d.

Regi sæculórum immortáli et invisíbili, soli Deo honor, et glória in sæcula sæculórum. Amen.

R. Deo grátias.

R. br. Christe Fili Dei vivi, * Miserére nobis. Et repetitur: Christe Fili Dei vivi, miserére nobis. V. Qui sedes ad dexteram Patris. R. Miserére nobis. V. Glória Patri, et Fílio, et Spirítui sancto. R. Christe Fili Dei vivi, miserére nobis.

V. Exsúrge Christe, ádjuva nos. R. Et libera nos propter nomen tuum.

Preces. Kýrie eléison. quæ non dicuntur in Duplic. nec infra Oct. habentur supra in Dominica. 23.

℣. Dóminus vobíscum. R. Et cum spíritu tuo.

Orémus.

Oratio.

Dómine Deus omnípotens, qui ad princípium hujus diéi nos pervenire fecísti: tua nos hódie salva virtúte; ut in hac die ad nulum declinémus peccátum, sed semper ad tuam justítiam faciendam nostra procédant elóquia, dirigántur cogitatíones et ópera. Per Dóminum nostrum. R. Amen.

℣. Dóminus vobíscum. R. Et cum spíritu tuo.

℣. Benedicámus Dómino. R. Deo grátias.

Deinde in Choro legitur Martyrologium. Et quando dicenda est Prima de B. Maria, præponitur Lectioni Martyrologii.

Postea Hebdomadarius dicit

℣. Pretiósá in conspéctu Dómini. R. Mors sanctórum ejus.

Et absolute sine Orémus.

Oratio.

Sancta María, et omnes Sancti intercédant pro nobis ad Dóminum: ut nos mereámur ab eo adjuvári et salvári, qui vivit et regnat in sæcula sæculórum.

R. Amen.

℣. Deus in adjutórium meum inténde. R. Dómine ad adjuvándum me festína.

Et dicitur ter: ultimo additur

Glória Patri. Sicut erat.

Kýrie eléison. Christe eléison. Kýrie eléison.

Pater noster. secreto.

℣. Et ne nos inducas in tentatíonem. R. Sed libera nos a malo.

℣. Réspice in servos tuos Dómine, et in ópera tua, et dirige filios eórum. R. Et sit splendor Dó-

mini Dei nostri súper nos, et ópera mánuum nostrárum dirige súper nos, et opus mánuum nostrárum dirige.

℣. Glória Patri. R. Sicut erat.

Orémus.

Oratio.

Dirigere et sanctificáre, régere et gubernáre dignáre, Dómine Deus Rex cœli et terræ, hódie corda et córpora nostra, sensus, sermones, et actus nostros in lege tua, et in opéribus mandatórum tuórum: ut hic, et in ætérnum, te auxiliánte, salvi et líberi esse mereámur, Salvátor mundi: Qui vivis et regnas in sæcula sæculórum.

R. Amen.

℣. Jube domne benedícere.

Benedictio. Dies et actus nostros in sua pace dispónat Dóminus omnípotens. R. Amen.

Ad Absolutionem Capituli in Festis dic. Cap. Nonæ. Post Lectionem brevem dicitur

℣. Adjutórium nostrum in nómine Dómini. R. Qui fecit cœlum et terram.

℣. Benedícite. R. Deus.

Benedictio. Dóminus nos benedícat, et ab omni malo deféndat, et ad vitam perdúcat ætérnam; et fidélium ánimæ per misericórdiam Dei requiéscent in pace. R. Amen.

Ad Tertiam.

Pater noster. Ave María.
Deus in adjutórium. 15.

Hymnus.

Nunc sancte nobis Spíritus,
Unum Patri cum Filio,
Dignáre promptus ingeri
Nostro refúsus pectori.

Os, lingua, mens, sensus, vigor
Confessionem personent,
Flammescat igne caritas,
Accendat ardor proximos.

Praesta, Pater piissime,
Patricum compar Unice,
Cum Spiritu Paraclyto
Regnans per omne saeculum.

Amen.

In Dom. per Annum. Ant. Al-
leluja.

In feriali Officio per Annum,
Ant. Deduc me.

Temp. Advent., Ant. de Laud. Dom.,
aut ex propriis Laud.

Psalmus.

Legem pone mihi Domine viam
justificationum tuarum: * et
exquiram eam semper.

Da mihi intellectum, et scrutabor
legem tuam: * et custodiam
illam in toto corde meo.

Deduc me in semitam mandatorum
tuorum: * quia ipsam volui.

Inclina cor meum in testimonia
tua: * et non in avaritiam.

Averte oculos meos ne videant
vanitatem: * in via tua vivifica me.

Statue servo tuo eloquium tuum,
* in timore tuo.

Amputa opprobrium meum quod
suspensus sum: * quia iudicia tua
iucunda.

Ecce concupiivi mandata tua: *
in aequitate tua vivifica me.

Et veniat super me misericordia
tua Domine: * salutare tuum se-
cundum eloquium tuum.

Et respondebo exprobrantibus
mihi verbum: * quia speravi in ser-
monibus tuis.

Et ne auferas de ore meo ver-
bum veritatis usquequaque: * quia
in iudiciis tuis supersperavi.

Et custodiam legem tuam sem-
per: * in saeculum et in saeculum
saeculi.

Et ambulabam in latitudine: *
quia mandata tua exquisivi.

Et loquebar in testimoniis tuis
in conspectu regum: * et non con-
fundabar.

Et meditabar in mandatis tuis, *
quae dilexi.

Et levavi manus meas ad man-
data tua, quae dilexi: * et exercabar
in justificationibus tuis.

Memor esto verbi tui servo tuo,
* in quo mihi spem dedisti.

Haec me consolata est in humili-
tate mea: * quia eloquium tuum
vivificavit me.

Superbi inique agebant usque-
quaque: * a lege autem tua non
declinavi.

Memor fui iudiciorum tuorum a
saeculo Domine: * et consolatus
sum.

Defectio tenuit me, * pro pecca-
toribus derelinquentibus legem
tuam.

Cantabiles mihi erant justifica-
tiones tuae, * in loco peregrinationis
meae.

Memor fui nocte nominis tui Do-
mine: * et custodivi legem tuam.

Haec facta est mihi: * quia justi-
ficationes tuas exquisivi.

Portio mea Domine, * dixi cu-
stodire legem tuam.

Deprecatus sum faciem tuam in
toto corde meo: * miserere mei
secundum eloquium tuum.

Cogitavi vias meas: * et converti
pedes meos in testimonia tua.

Paratus sum, et non sum turbatus:
* ut custodiam mandata tua.

Funes peccatorum circumpléxi sunt me: * et legem tuam non sum oblítus.

Média nocte surgébam ad confiténdum tibi, * super iudicia justificationis tuæ.

Párticeps ego sum ómnium timéntium te: * et custodiéntium mandáta tua.

Misericórdia tua Dómine plena est terra: * justificationes tuas doce me.

Bonitatem fecisti cum servo tuo Dómine, * secúndum verbum tuum.

Bonitatem, et disciplinam, et sciéntiam doce me: * quia mandátis tuis crédidi.

Priúsqum humiliárer ego delíqui: * proptérea elóquium tuum custodívi.

Bonus es tu: * et in bonitate tua doce me justificationes tuas.

Multiplicáta est super me iniquitas superbórum: * ego autem in toto corde meo scrutábor mandáta tua.

Coagulátum est sicut lac cor eórum: * ego vero legem tuam meditátus sum.

Bonum mihi quia humiliásti me: * ut discam justificationes tuas.

Bonum mihi lex oris tui, * super millia auri et argénti.

Manus tuæ fecérunt me, et plasmavérunt me: * da mihi intelléctum, et discam mandáta tua.

Qui timent te vidébunt me, et lætabúntur: * quia in verba tua supersperávi.

Cognóvi Dómine quia æquitas iudicia tua: * et in veritate tua humiliásti me.

Fiat misericórdia tua ut consolétur me, * secúndum elóquium tuum servo tuo.

Véniant mihi miserationes tuæ, et vivam: * quia lex tua meditatio mea est.

Confundántur superbi, quia iníuste iniquitatem fecérunt in me: * ego autem exercébor in mandátis tuis.

Convertántur mihi timéntes te: * et qui novérunt testimónia tua.

Fiat cor meum immaculátum in justificationibus tuis, * ut non confundar.

Ant. Allelúja, allelúja, allelúja.

Sequens Capit. et alia in aliis Horis dicuntur in Dom. a II. post Epiph. usque ad Septuag. R̃R̃. br. etiam usque ad Dom. I. Quadrag., similiter et quæ sequ. in fer. Offic.

Capitulum. 1. Joann. 4. c.

Deus caritas est: et qui manet in caritate, in Deo manet, et Deus in eo.

R̃. br. Inclína cor meum Deus * Intestimónia tua. Inclína. Ṽ. Avérte óculos meos, ne vídeant vanitatem: in via tua vivífica me. In. Glória Patri. Inclína.

Ṽ. Ego dixi, Dómine miserére mei. R̃. Sana ánimam meam, quia peccávi tibi.

In feriali Officio per Annum. Ant. Deduc me Dómine in sémitam mandatórum tuórum.

Capitulum. Jerem. 17. c.

Sana me Dómine et sanábor: saluum me fac, et salvus ero: quóniam laus mea tu es.

R̃. br. Sana ánimam meam, * Quia peccávi tibi. Sana. Ṽ. Ego dixi, Dómine miserére mei. Quia. Glória Patri. Sana.

V. Adjutor meus esto, ne derelinquas me. *R.* Neque despicias me Deus salutaris meus.

Quando ad Matut. dictæ sunt Preces, ad Tertiam, Sextam et Nonam flexis genibus dicitur:

Kýrie eléison. Christe eléison.
Kýrie eléison.

Pater noster. secreto.

V. Et ne nos inducas in tentationem. *R.* Sed libera nos a malo.

V. Dómine Deus virtutum converte nos. *R.* Et ostende faciem tuam, et salvi érimus.

V. Exsúrge Christe, ádjuva nos. *R.* Et libera nos propter nomen tuum.

V. Dómine exaúdi orationem meam. *R.* Et clamor meus ad te véniat.

V. Dóminus vobíscum. *R.* Et cum spíritu tuo.

Orémus. Oratio conveniens.

Tempore Adventus, in feriali Offic. Ant. de Laud. Dom., aut ex propriis Laudibus.

Capitulum. Jerem. 23.

Ecce dies véniunt, dicit Dóminus, et suscitábo David germen justum: et regnabit rex, et sapiens erit: et faciet iudicium et justitiam in terra.

R. br. Veni ad liberándum nos, * Dómine Deus virtutum. Veni. *V.* Ostende faciem tuam, et salvi érimus. Dómine. Glória Patri. Veni.

V. Timébunt Gentes nomen tuum Dómine. *R.* Et omnes reges terræ glóriam tuam.

Kýrie eléison. ut supra.

Oratio conveniens.

Ad Sextam.

Pater noster. Ave María.
Deus in adiutorium. 15.

Hymnus.

Rector potens, verax Deus,
Qui témperas rerum vices,
Splendóre mane illúminas,
Et ignibus merídiem:

Exstingue flammam lítium,
Aufer calórem nóxium,
Confer salútem córporum,
Verámque pacem córdium.

Præsta, Pater piíssime,
Patrique compar Unice,
Cum Spíritu Paráclito
Regnans per omne sáeculum.

Amen.

In Dom. per Annum. Ant. Al-lelúja.

In feriali Officio per Annum.
Ant. Adjuva me.

Temp. Advent. Ant. de Laud. Dom.,
aut ex propriis Laudibus.

Psalmus.

Defecit in salutáre tuum ánima mea: * et in verbum tuum supersperávi.

Defecerunt óculi mei in elóquium tuum, * dicéntes: Quando consoláberis me?

Quia factus sum sicut uter in pruína: * justificatiónes tuas non sum oblítus.

Quot sunt dies servi tui? * quando facies de persecúentibus me iudicium?

Narravérunt mihi iníqui fabulatiónes: * sed non ut lex tua.

Omnia mandáta tua véritas: * iníque persecúti sunt me, ádjuva me.

Paulo minus consummavérunt me in terra: * ego autem non derelíqui mandáta tua.

Secúndum misericórdiam tuam vivífica me: * et custódiam testimónia oris tui.

In ætérnum Dómine, * verbum tuum pérmanet in cœlo.

In generatióem et generatióem véritas tua: * fundásti terram, et pérmanet.

Ordinatióne tua perseverát dies: * quóniam ómnia sérviant tibi.

Nisi quod lex tua meditatio mea est: * tunc forte periíssem in humilitáte mea.

In ætérnum non oblivíscar justificatióes tuas: * quia in ipsis vivificásti me.

Tuus sum ego, salvum me fac: * quóniam justificatióes tuas exquisívi.

Me exspectavérunt peccatóres ut pérderent me: * testimónia tua intelléxi.

Omnis consummatióis vidi finem: * latum mandátum tuum nimis.

Quómodo diléxi legem tuam Dómine? * tota die meditatio mea est.

Super inimícos meos prudéntem me fecísti mandátum tuum: * quia in ætérnum mihi est.

Super omnes docétes me intelléxi: * quia testimónia tua meditatio mea est.

Super senes intelléxi: * quia mandata tua quæsívi.

Ab omni via mala prohibui pedes meos: * ut custódiam verba tua.

A iudíciis tuis non declinávi: * quia tu legem posuísti mihi.

Quam dúlcia faúcibus meis elóquia tua, * super mel ori meo!

A mandátis tuis intelléxi: * pro-

ptérea odívi omnem viam iniquitátis.

Lucérna pédibus meis verbum tuum, * et lumen sémitis meis.

Jurávi, et státui * custodíre iudicia justítiæ tuæ.

Humiliátus sum usquequáque Dómine: * vivífica me secúndum verbum tuum.

Voluntária oris mei beneplácita fac Dómine: * et iudicia tua doce me.

Anima mea in mánibus meis semper: * et legem tuam non sum oblítus.

Posuérent peccatóres láqueum mihi: * et de mandátis tuis non errávi.

Hæreditáte acquisívi testimónia tua in ætérnum: * quia exsultatio cordis mei sunt.

Inclinávi cor meum ad faciéndas justificatióes tuas in ætérnum, * propter retributióem.

Iníquos ódio hábui: * et legem tuam diléxi.

Adjútor et suscéptor meus es tu: * et in verbum tuum supersperávi.

Declináte a me maligni: * et scrutabor mandata Dei mei.

Súscipe me secúndum elóquium tuum, et vivam: * et non confúndas me ab exspectatióne mea.

Adjuva me, et salvus ero: * et meditabor in justificatióibus tuis semper.

Sprevísti omnes discedétes a iudíciis tuis: * quia injústa cogitatio eórum.

Prævaricántes reputávi omnes peccatóres terræ: * ideo diléxi testimónia tua.

Confige timóre tuo carnes meas: * a iudíciis enim tuis tímui.

Feci iudicium et iustitiam: * non tradas me calumniantibus me.

Suscipe servum tuum in bonum: * non calumniéntur me superbi.

Oculi mei defecerunt in salutáre tuum: * et in elóquium iustitiæ tuæ.

Fac cum servo tuo secúndum misericórdiam tuam: * et justificatiónes tuas doce me.

Servus tuus sum ego: * da mihi intelléctum, ut sciam testimónia tua.

Tempus faciéndi Dómine: * dissipaverunt legem tuam.

Ideo diléxi mandáta tua, * super aurum et topázion.

Propterea ad ómnia mandáta tua dirigébar: * omnem viam iníquam ódio hábui.

Ant. Allelúja, allelúja, allelúja.

Capitulum. Galat. 6.

Alter altérius ónera portáte, et sic adimplébitis legem Christi.

R. br. In ætérnum Dómine * Pérmanet verbum tuum. In ætérnum.

V. In sæculum sæculi véritas tua. Pérmanet. Glória Patri. In ætérnum.

V. Dóminus regit me, et nihil mihi déerit. R. In loco páscae ibi me collocávit.

In feriali Officio per Annum. Ant. Adjuva me, et salvus ero Dómine.

Capit. Alter altérius. ut supra.

R. br. Benedícam Dóminum * In omni témpore. Benedícam. V. Semper laus ejus in ore meo. In. Glória Patri. Benedícam.

V. Dóminus regit me, et nihil mihi déerit. R. In loco páscae ibi me collocávit.

Quando ad Matutinum dictæ sunt preces, flexis genibus dicitur:

Kýrie eléison. Christe eléison. Kýrie eléison.

Pater noster. secreto.

V. Et ne nos indúcas in tentatió-nem. R. Sed libera nos a malo.

V. Dómine Deus virtútum con-vérte nos. R. Et osténde faciém tuam, et salvi érimus.

V. Exsúrge Christe, ádjuva nos. R. Et libera nos propter nomen tuum.

V. Dómine exáudi oratió-nem meam. R. Et clamor meus ad te véniat.

V. Dóminus vobíscum. R. Et cum spíritu tuo.

Oratio conveniens.

Tempore Adventus, in feriali Offic. Ant. de Laud. Dom., aut ex propriis Laudibus.

Capitulum. Jerem. 33. c.

In diébus illis salvábitur Juda, et Israél habitábit confidénter: et hoc est nomen, quod vocábunt eum, Dóminus justus noster.

R. br. Osténde nobis Dómine * Misericórdiam tuam. Osténde. V. Et salutáre tuum da nobis. Misericór-diam tuam. Glória Patri. Osténde.

V. Meménto nostri Dómine in beneplácito pópuli tui. R. Vísita nos in salutári tuo.

Kýrie eléison. ut supra.

Oratio conveniens.

Ad Nonam.

Pater noster. Ave María. Deus in adjutórium. 15.

Hymnus.

Rerum Deus tenax vigor,
Immótu in te pérmanens,
Lucis diúrnæ témpora
Succéssibus detérminans:

Largíre lumen vésperē,
Quo vita nusquam décidat,
Sed præmíum mortis sacræ
Perrénis instet glória.

Præsta, Pater piíssime,
Patrique compar Unice,
Cum Spírítu Paráclito
Regnans per omne sæculum.
Amen.

In Dominicis per Annum. Ant.
Allelúja.

In feriali Officio per Annum. Ant.
Aspice in me.

Temp. Advent., Ant. de Laud. Dom.,
aut ex propriis Laud.

Psalmus.

Mirabilia testimónia tua: * ideo
scrutáta est ea ánima mea.
Declarátio sermónum tu-
órum illúminat: * et intelléctum dat
párvulis.

Os meum apérui, et attráxi spí-
ritum: * quia mandáta tua desi-
derábam.

Aspice in me, et miserére mei,
* secúndum iudícium diligéntium
nomen tuum.

Gressus meos dírige secúndum
elóquium tuum: * et non dominé-
tur mei omnis injustítia.

Rédime me a calúmniis hómi-
num: * ut custódiam mandáta tua.

Fáciem tuam illúmina super ser-
vum tuum: * et doce me justifica-
tiones tuas.

Exitus aquárum deduxérunt óculi
mei: * quia non custodiérunt le-
gem tuam.

Justus es Dómine: * et rectum
iudícium tuum.

Mandásti justítiam testimónia
tua: * et veritátem tuam nimis.

Tabéscere me fecit zelus meus: *

quia oblíti sunt verba tua inimíci
mei.

Ignítum elóquium tuum vehe-
ménter: * et servus tuus diléxit
illud.

Adolescéntulus sum ego et con-
téptus: * justificatiónes tuas non
sum oblítus.

Justítia tua, justítia in ætérnum:
* et lex tua véritas.

Tribulátio, et angústia invené-
runt me: * mandáta tua meditátio
mea est.

Æquitas testimónia tua in ætér-
num: * intelléctum da mihi, et vivam.

Clamávi in toto corde meo, ex-
aúdi me Dómine: * justificatió-
nes tuas requíram.

Clamávi ad te, salvum me fac:
* ut custódiam mandáta tua.

Præveni in maturitáte, et clamávi:
* quia in verba tua supersperávi.

Prævenérunt óculi mei ad te di-
lúculo: * ut meditárer elóquia tua.

Vocem meam audi secúndum mi-
sericórdiam tuam Dómine: * et se-
cúndum iudícium tuum vivífica me.

Appropinquavérunt persequén-
tes me iniquitáti: * a lege autem
tua longe facti sunt.

Prope es tu Dómine: * et omnes
viæ tuæ véritas.

Inítio cognóvi de testimoniis tuis:
* quia in ætérnum fundásti ea.

Vide humilitátem meam, et éripe
me: * quia legem tuam non sum
oblítus.

Júdica iudícium meum, et rédime
me: * propter elóquium tuum vi-
vífica me.

Longe a peccatóribus salus: *
quia justificatiónes tuas non exqui-
siérunt.

Misericórdia tuæ multæ Dómine: * secúndum iudícium tuum vivifica me.

Multi qui persequúntur me, et tribulant me: * a testimoniis tuis non declinavi.

Vidi prævaricantes, et tabescébam: * quia elóquia tua non custodierunt.

Vide quóniam mandata tua diléxi Dómine: * in misericórdia tua vivifica me.

Principium verborum tuorum, veritas: * in ætérnum ómnia iudicia justitiæ tuæ.

Príncipes persecúti sunt me gratis: * et a verbis tuis formidávit cor meum.

Lætabor ego super elóquia tua: * sicut qui invénit spólia multa.

Iniquitatem odio hábui, et abominátus sum: * legem autem tuam diléxi.

Sépties in die laudem dixi tibi, * super iudicia justitiæ tuæ.

Pax multa diligéntibus legem tuam: * et non est illis scándalum.

Expectábam salutáre tuum Dómine: * et mandata tua diléxi.

Custodívit ánima mea testimónia tua: * et diléxit ea veheménter.

Servávi mandata tua, et testimónia tua: * quia omnes viæ meæ in conspéctu tuo.

Appropínquet deprecátio mea in conspéctu tuo Dómine: * juxta elóquium tuum da mihi intelléctum.

Intret postulátio mea in conspéctu tuo: * secúndum elóquium tuum éripe me.

Eruetábunt lábia mea hymnum, * cum docúeris me justificatiónes tuas.

Pronuntiábit lingua mea elóquium tuum: * quia ómnia mandata tua æquitas.

Fiat manus tua ut salvet me: * quóniam mandata tua elégi.

Concupívi salutáre tuum Dómine: * et lex tua meditátio mea est.

Vivet ánima mea, et laudábit te: * et iudicia tua adjuvábunt me.

Errávi, sicut ovis, quæ périit: * quære servum tuum, quia mandata tua non sum oblítus.

Ant. Allelúja, allelúja, allelúja.

Capitulum. 1. Cor. 6. d.

Empti enim estis pretio magno. Glorificáte et portáte Deum in corpore vestro.

R. br. Clamávi in toto corde meo, * Exaúdi me Dómine. Clamávi. V. Justificatiónes tuas requíram. Exaúdi. Glória. Clamávi.

V. Ab occúltis meis munda me Dómine. R. Et ab aliénis parce servo tuo.

In feriali Officio per Annum. Ant. Aspice in me, et miserere mei Dómine.

Capit. Empti enim. ut supra.

R. br. Rédime me Dómine, * Et miserere mei. Rédime. V. Pes enim meus stetit in via recta. Et. Glória Patri. Rédime.

V. Ab occúltis meis munda me Dómine. R. Et ab aliénis parce servo tuo.

Quando ad Matutinum dictæ sunt preces, flexis genibus dicitur

Kýrie eléison. Christe eléison. Kýrie eléison.

Pater noster. secreto.

V. Et ne nos indúcas in tentatiónem. R. Sed libera nos a malo.



Ÿ. Dómine Deus virtútum con-
verte nos. R. Et osténde faciém
tuam, et salvi érimus.

Ÿ. Exsúrge Christe, ádjuva nos.
R. Et libera nos propter nomen
tuum.

•Ÿ. Dómine exaúdi oratióem
meam. R. Et clamor meus ad te
véniat.

Ÿ. Dóminus vobíscum. R. Et
cum spírítu tuo.

Orémus. Oratio conveniens.

Tempore Adventus, in feriali Offic.,
Ant. de Laud. Dom., aut ex propriis
Laudibus.

Capitulum.

Is. 14.

Prope est ut véniat tempus ejus,
et dies ejus non elongabúntur.
Miserébitur enim Dóminus Jacob,
et Israël salvábitur.

R. br. Super te Jerúsalem * Orié-
tur Dóminus. Super te. Ÿ. Et glória
ejus in te vidébitur. Oriétur. Glória
Patri. Super te.

Ÿ. Veni Dómine, et noli tardáre.
R. Reláxa facínora plebi tuæ.

Kýrie eléison. ut supra. 40.

Orémus. Oratio conveniens.

Vesp. in Dom. et in Fer. habentur
inferius post Laudes Sabbati.

Feria secunda ad Matutinum.

Pater noster. Ave María. Credo.

Ÿ. Dómine lábia mea apéries. ut
supra. 2.

Invit. Veníte, * Exsultémus Dó-
mino.

Ps. Jubilémus Deo salutári no-
stro. ut supra. 2.

Hymnus.

Somno reféctis ártubus,
Spreto cubíli súrgimus:
Nobis, Pater, canéntibus
Adesse te depóscimus.

Te lingua primum cóncinat,
Te mentis ardor ámbiat:
Ut áctuum sequéntium
Tu, sancte, sis exórdium.

Cedant tenébræ lúmini,
Et nox diúrno síderi,
Ut culpa quam nox íntulit,
Lucis labáscat múnere.

Precámur iidem súpplíces,
Noxas ut omnes ámputes,
Et ore te canéntium
Laudéris omni témpore.

Præsta, Pater piíssime,
Patrique compar Unice,
Cum Spírítu Paráclito
Regnans per omne sáeculum.
Amen.

Invit. per Ferias dic. in fer. Offic. ab
Oct. Epiph. usque ad Dom. Pass. Hymni
vero tam ad Matut. quam ad Laud. et
Vesp., usque ad Dom. I. Quadr. Ant.
autem Noct. per totum Añum, ut infra.

Ant. Dóminus defénsor.

Psalmus 26.

Dóminus illuminátio mea, et
salus mea, * quem timébo?

Dóminus protéctor vitæ
meæ, * a quo trepidábo?

Dum apprópíant super me no-
céntes, * ut edant carnes meas:

Qui tríbulant me inimíci mei, *
ipsi infirmáti sunt, et cecidérunt.

Si consístant advérsus me ca-
stra, * non timébit cor meum.

Si exsúrgat advérsus me præ-
lium, * in hoc ego sperábo.

Unam pétii a Dómino, hanc re-
quíram, * ut inhábitem in domo
Dómini ómnibus diébus vitæ meæ:

Ut vídeam voluptátem Dómini,
* et vísitem templum ejus.

Quóniam abscondit me in taber-
náculo suo: * in die malórum proté-
xit me in abscondito tabernáculi sui.

In petra exaltávit me: * et nunc exaltávit caput meum super inimícos meos.

Circuivi, et immolávi in tabernáculo ejus hóstiam vociferatiónis: * cantábo, et psalmum dicam Dómino.

Exaúdi Dómine vocem meam, qua clamávi ad te: * miserére mei, et exaúdi me.

Tibi dixit cor meum, exquisívit te fácies mea: * fáciem tuam Dómine requíram.

Ne avértas fáciem tuam a me: * ne declínes in ira a servo tuo.

Adjútor meus esto: * ne derelínquas me, neque despícias me Deus salutáris meus.

Quóniam pater meus, et mater mea dereliquérunt me: * Dóminus autem assúmpsit me.

Legem pone mihi Dómine in via tua: * et dirige me in sémitam rectam propter inimícos meos.

Ne tradíderis me in ánimas tribulántium me: * quóniam insurrexérunt in me testes iníqui, et mentita est iníquitas sibi.

Credo vidére bona Dómini * in terra vivéntium.

Exspécta Dóminum, viríliter age: * et confortétur cor tuum, et sústine Dóminum.

Psalmus 27.

Ad te Dómine clamábo, Deus meus ne síleas a me: * nequándotáceas a me, et assimilábor descendéntibus in lacum.

Exaúdi Dómine vocem deprecatiónis meæ dum oro ad te: * dum extóлло manus meas ad templum sanctum tuum.

Ne simul trahas me cum peccatóribus: * et cum operántibus iniquitátem ne perdas me:

Qui loquúntur pacem cum próximo suo, * mala autem in córdibus eórum.

Da illis secúndum ópera eórum, * et secúndum nequítiam adinventiόνum ipsórum.

Secúndum ópera mánuum eórum tribue illis: * redde retributióne eórum ipsis.

Quóniam non intellexérunt ópera Dómini, et in ópera mánuum ejus * destrues illos, et non ædificábis eos.

Benedíctus Dóminus: * quóniam exaúdivit vocem deprecatiónis meæ.

Dóminus adjútor meus, et protéctor meus: * in ipso sperávit cor meum, et adjútus sum.

Et reflóruit caro mea: * et ex voluntáte mea confitébor ei.

Dóminus fortitúdo plebis suæ: * et protéctor salvatiόνum Christi sui est.

Salvum fac pópulum tuum Dómine, et bédedic hæreditáti tuæ: * et rege eos, et extólle illos usque in ætérnum.

Ant. Dóminus defénsor vitæ meæ.

Ant. Adoráte.

Psalmus 28.

Afférte Dómino filii Dei: * afférte Dómino filios arietum.

Afférte Dómino glóriam et honórem, afférte Dómino glóriam nómini ejus: * adoráte Dóminum in átrio sancto ejus.

Vox Dómini super aquas, Deus majestátis intónuit: * Dóminus super aquas multas.

Vox Dómini in virtúte: * vox Dómini in magnificéntia.

Vox Dómini confringéntis cedros: * et confringet Dóminus cedros Líbani:

Et commínuet eas tamquam vítulum Líbani: * et diléctus quem-ádmódum fílius unicórnium.

Vox Dómini intercidéntis flammam ignis: * vox Dómini concutiéntis desértum: et commovébit Dóminus desértum Cades.

Vox Dómini præparántis cervos, et revelábit condénsa: * et in templo ejus omnes dicent glóriam.

Dóminus dilúvium inhabitáre facit: * et sedébit Dóminus rex in ætérnum.

Dóminus virtútem pópulo suo dabit: * Dóminus benedícet pópulo suo in pace.

Psalmus 29.

Exaltábo te Dómine quóniam suscepísti me: * nec delectásti inimícos meos super me.

Dómine Deus meus clamávi ad te, * et sanásti me.

Dómine eduxísti ab inférno ánimam meam: * salvásti me a descendéntibus in lacum.

Psállite Dómino sancti ejus: * et confitémini memóriæ sanctitátis ejus.

Quóniam ira in indignatióne ejus: * et vita in voluntáte ejus.

Advésperum demorábitur fletus: * et ad matutinum lætítia.

Ego autem dixi in abundántia mea: * Non movébor in ætérnum.

Dómine in voluntáte tua, * præstitísti decóri meo virtútem.

Avertísti faciém tuam a me, * et factus sum conturbátus.

Ad te Dómine clamábo: * et ad Deum meum deprecábor.

Quæ utilitas in ságuine meo, * dum descéndo in corruptiódinem?

Numquid confitébitur tibi pulvis, * aut annuntiábit veritátem tuam?

Audívit Dóminus, et misértus est mei: * Dóminus factus est adjutor meus.

Convertísti planctum meum in gáudium mihi: * conscidísti saccum meum, et circumdedísti me lætítia:

Ut cantet tibi glória mea, et non compúngar: * Dómine Deus meus in ætérnum confitébor tibi.

Ant. Adoráte Dóminum in aula sancta ejus.

Ant. In tua justítia.

Psalmus 30.

In te Dómine sperávi, non confundar in ætérnum: * in justítia tua libera me.

Inclína ad me aurem tuam, * accélera ut éruas me.

Esto mihi in Deum protectórem: et in domum refúgii, * ut salvum me fácias.

Quóniam fortitúdo mea, et refúgium meum es tu: * et propter nomen tuum dedúces me, et enútrics me.

Edúces me de láqueo hoc, quem abscondérunt mihi: * quóniam tu es protéctor meus.

In manus tuas comméndo spíritum meum: * redemísti me Dómine Deus veritátis.

Odísti observátes vanitátes, * supervácue.

Ego autem in Dómino sperávi: * exsultábo, et lætábor in misericórdia tua.

Quóniam respexisti humilitátem meam, * salvásti de necessitatibus ánimam meam.

Nec conclusísti me in mánibus inimíci: * statuísti in loco spatióso pedes meos.

Miserére mei Dómine quóniam tribulor: * conturbátus est in ira óculus meus, ánima mea, et venter meus: ,

Quóniam defécit in dolore vita mea: * et anni mei in gemítibus.

Infirmáta est in paupertáte virtus mea: * et ossa mea conturbáta sunt.

Super omnes inimícos meos factus sum oppróbrium et vicínis meis valde: * et timor notis meis.

Qui vidébant me, foras fugérunt a me: * obliuioni datus sum, tamquam mórtuus a corde.

Factus sum tamquam vas pérditum: * quóniam audívi vituperationem multórum commorántium in circúitu.

In eo dum convenírent simul advérsus me, * accípere ánimam meam consiliáti sunt.

Ego autem in te sperávi Dómine: * dixi: Deus meus es tu: in mánibus tuis sortes meæ.

Eripe me de manu inimicórum meórum, * et a persecuéntibus me.

Illústra faciém tuam super servum tuum, salvum me fac in misericórdia tua: * Dómine non confúndar, quóniam invocávi te.

Erubéscant impíi, et deducántur in inférnum: * muta fiant lábia dolósa.

Quæ loquúntur advérsus justum iniquitátem, * in supérbia, et in abusióne.

Quam magna multitúdo dulcédinis tuæ Dómine, * quam abscondísti timéntibus te.

Perfecísti eis, qui sperant in te, * in conspéctu filiórum hóminum.

Abscóndes eos in abscondito faciéi tuæ * a conturbatióne hóminum.

Próteges eos in tabernáculo tuo * a contradicióne linguárum.

Benedíctus Dóminus: * quóniam mirificávit misericórdiam suam mihi in civitáte munita.

Ego autem dixi in excéssu mentis meæ: * Projéctus sum a facié oculórum tuórum.

Ideo exaudísti vocem oratiónis meæ, * dum clamárem ad te.

Dilígite Dóminum omnes sancti ejus: * quóniam veritátem requíret Dóminus, et retribuet abundánter faciéntibus supérbiam.

Viríliter ágite, et confortétur cor vestrum, * omnes qui sperátis in Dómino.

Psalmus 31.

Beáti quorum remissæ sunt iniquitátes: * et quorum tecta sunt peccáta.

Beátus vir, cui non imputávit Dóminus peccátum, * nec est in spíritu ejus dolus.

Quóniam tácuí, inveteravérunt ossa mea, * dum clamárem tota die.

Quóniam die ac nocte graváta est super me manus tua: * convérsus sum in ærúmna mea, dum configitur spina.

Delíctum meum cógnitum tibi feci: * et injustítiam meam non abscondi.

Dixi: Confitébor advérsus me injustítiam meam Dómino: * et tu remisísti impietátem peccáti mei.

Pro hac orábit ad te omnis sanctus, * in témpore opportúno.

Verúmtamen in dilúvio aquárum multárum, * ad eum non approxímábunt.

Tu es refúgium meum a tribulatione, quæ circúmdedit me: * exsultatio mea érue me a circumdántibus me.

Intelléctum tibi dabo, et ínstruam te in via hac, qua gradiéris: * firmábo super te óculos meos.

Nolíte fieri sicut equus et mulus, * quibus non est intelléctus.

In camo et fræno maxillas eórum constríngere, * qui non appróximant ad te.

¶ Multa flagélla peccatóris, * sperántem autem in Dómino misericórdia circúmdabit.

Lætámini in Dómino et exsultáte justí, * et gloriámini omnes recti corde.

Ant. In tua justítia libera me Dómine.

Ant. Rectos decet.

Psalmus 32.

Exsultáte justí in Dómino: * rectos decet collaudatio.

Confitémini Dómino in cíthara: * in psaltério decem chordárum psállite illi.

Cantáte ei cánticum novum: * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Díligit misericórdiam et júdicium: * misericórdia Dómini plena est terra.

Verbo Dómini coeli firmáti sunt: * et spíritu oris ejus omnis virtus eórum.

Cóngregans sicut in utre aquas maris: * ponens in thesaúris abýssos.

Tímeat Dóminum omnis terra: * ab eo autem commoveántur omnes inhabitántes orbem.

Quóniam ipse dixit, et facta sunt: * ipse mandávit, et creáta sunt.

Dóminus díssipat consília Génitium: * réprobat autem cogitatiónes populórum, et réprobat consília principum.

Consílium autem Dómini in ætérnum manet: * cogitatiónes cordis ejus in generatióne et generatióne.

Beáta gens, cujus est Dóminus, Deus ejus: * pópulus, quem elégit in hæreditátem sibi.

De coelo respéxit Dóminus: * vidit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit sigillátim corda eórum: * qui intélligit ómnia ópera eórum.

Non salvátur rex per multam virtútem: * et gigas non salvábitur in multítudine virtútis suæ.

Fallax equus ad salútem: * in abundántia autem virtútis suæ non salvábitur.

Ecce óculi Dómini super metuén-tes eum: * et in eis, qui sperant super misericórdia ejus:

Ut éruat a morte ánimas eórum: * et alat eos in fame.

Anima nostra sústinet Dóminum: * quóniam adjútor et prótector noster est.

Quia in eo lætábitur cor nostrum: * et in nómine sancto ejus sperávimus.

Fiat misericórdia tua Dómine super nos: * quemádmódum sperávimus in te.

Psalmus 33.

Benedicám Dóminum in omni témpore: * semper laus ejus in ore meo.

In Dómino laudábitur ánimamea: * aúdíant mansuétí, et læténtur.

Magnificáte Dóminum mecum: * et exaltémus nomen ejus in idípsum.

Exquisívi Dóminum, et exaudivít me: * et ex ómnibus tribulatió nibus meis erípuit me.

Accédite ad eum, et illuminámini: * et fácies vestræ non confundéntur.

Iste pauper clamávit, et Dóminus exaudivít eum: * et de ómnibus tribulatió nibus ejus salvávit eum.

Immíttet Angelus Dómini in circúitu timéntium eum: * et erípiet eos.

Gustáte et vidéte quóniam suávis est Dóminus: * beátus vir, qui sperat in eo.

Timéte Dóminum omnes sancti ejus: * quóniam non est inópia timéntibus eum.

Dívites eguérunt et esuriérunt: * inquiréntes autem Dóminum non minuéntur omni bono.

Veníte filii, audíte me: * timórem Dómini docébo vos.

Quis est homo qui vult vitam: * diligit dies vidére bonos?

Próhibe linguam tuam a malo: * et lábia tua ne loquántur dolum.

Divérte a malo, et fac bonum: * inquire pacem, et perséquare eam.

Oculi Dómini super justos: * et aures ejus in preces eórum.

Vultus autem Dómini super fa-

ciéntes mala: * ut perdat de terra memóriam eórum.

Clamavérunt justí, et Dóminus exaudivít eos: * et ex ómnibus tribulatió nibus eórum liberávit eos.

Juxta est Dóminus iis, qui tribuláto sunt corde: * et húmiles spíritu salvábit.

Multæ tribulatió nes justórum: * et de ómnibus his liberábit eos Dóminus.

Custódit Dóminus ómnia ossa eórum: * unum ex his non conterétur.

Mors peccatórum péssima: * et qui odérunt justum, delínquent.

Rédimet Dóminus ánimas servórum suórum: * et non delínquent omnes qui sperant in eo.

Ant. Rectos decet collaudátio.

Ant. Expúgna.

Psalmus 34.

Júdica Dómine nocéntes me, * expúgna impugnántes me.

Apprehénde arma et scutum: * et exsúrge in adjutórium mihi.

Effúnde frámeam, et conclúde advérsus eos, qui persecuúntur me: * dic animæ meæ: Salus tua ego sum.

Confundántur et revereántur, * quæréntes ánimam meam.

Avertántur retrórsus, et confundántur * cogitántes mihi mala.

Fiant tamquam pulvis ante fáciem venti: * et Angelus Dómini coárctans eos.

Fiat via illórum ténebræ et lúb ricum: * et Angelus Dómini pérsequens eos.

Quóniam gratis abscondérunt mihi intéritum láquei sui: * supervácue exprobravérunt ánimam meam.

Véniat illi láqueus, quem ignórat: et cáptio, quam abscondit, apprehéndat eum: * et in láqueum cadat in ipsum.

Anima autem mea exsultábit in Dómino: * et delectábitur super salutári suo.

Omnia ossa mea dicent: * Dómine, quis símilis tibi?

Erípiens ínopem de manu fortíorū ejus: * egénū et paúperem a diripiéntibus eum.

Surgéntes testes iníqui, * quæ ignorábam interrogábant me.

Retribuébant mihi mala pro bonis: * sterilitátem ánimæ meæ.

Ego autem cum mihi moléstí essent, * induébar cilício.

Humiliábam in jejúnio ánimam meam: * et orátio mea in sinu meo convertétur.

Quasi próximum, et quasi fratrem nostrum, sic complacébam: * quasi lugens et contristátus, sic humiliábar.

Et advérsum me lætáti sunt, et convenérunt: * congregáta sunt super me flagélla, et ignorávi.

Dissipáti sunt, nec compúncti, tentavérunt me, subsannavérunt me subsannatióne: * frenduérunt super me déntibus suis.

Dómine quando respícies? * restítue ánimam meam a malignitáte córum, a leónibus únicam meam.

Confitébor tibi in ecclésia magna, * in pópulo gravi laudábo te.

Non supergaúdeant mihi qui adversántur mihi iníque: * qui odérunt me gratis et ánnuunt óculis.

Quóniam mihi quidem pacífice loquebántur: * et in iracúndia terræ loquéntes, dolos cogitábant.

Et dilatavérunt super me os suum: * dixerunt: Euge, euge, vidérunt óculi nostri.

Vidísti Dómine, ne síleas: * Dómine ne discédas a me.

Exsúrge et inténde judício meo: * Deus meus, et Dóminus meus in causam meam.

Júdica me secúndum justítiam tuam Dómine Deus meus, * et non supergaúdeant mihi.

Non dicant in córdibus suis: Euge, euge, ánimæ nostræ: * nec dicant: Devorávimus eum.

Erubéscant, et revereántur simul, * qui gratulántur malis meis.

Induántur confusióne et reveréntia * qui magna loquúntur super me.

Exsúltent et læténtur qui volunt justítiam meam: * et dicant semper: Magnificétur Dóminus, qui volunt pacem servi ejus.

Et lingua mea meditábitur justítiam tuam, * tota die laudem tuam.

Psalmus 35.

Dixit injústus ut delínquat in semetípso: * non est timor Dei ante óculos ejus.

Quóniam dolóse egit in conspéctu ejus: * ut inveniátur iníquitas ejus ad ódium.

Verba oris ejus iníquitas, et dolus: * nóluit intelligere ut bene ágeret.

Iniquitátem meditátus est in cubili suo: * ástitit omni viæ non bonæ, malítiam autem non odívit.

Dómine in cœlo misericórdia tua: * et véritas tua usque ad nubes.

Justítia tua sicut montes Dei: * judícia tua abyíssus multa.

Hómines, et juménta salvábis Dómine: * quemádmódum multiplicásti misericórdiam tuam Deus.

Fílii autem hóminum, * in tégmīne alárum tuárum sperábunt.

Inebriabúntur ab ubertáte domus tuæ: * et torrén̄te voluptátis tuæ potábis eos.

Quóniam apud te est fons vitæ: * et in lúmine tuo vidébimus lumen.

Prætén̄de misericórdiam tuam sciéntibus te, * et justítiam tuam his, qui recto sunt corde.

Non véniat mihi pes supérbiæ: * et manus peccatóris non móveat me.

Ibi cecidérunt qui operántur iniquitátem: * expúl̄si sunt, nec potuerunt stare.

Ant. Expúgna impugnántes me.

Ant. Revéla.

Psalmus 36.

Noli æmulári in malignántibus: * neque zeláveris faciéntes iniquitátem.

Quóniam tamquam fœnum velóciter aréscent: * et quemádm̄odum ólera herbárum cito decident.

Spera in Dómino, et fac bonitátem: * et inhábita terram, et pascéris in divítiis ejus.

Delectáre in Dómino: * et dabit tibi petitiónes cordis tui.

Revéla Dómino viam tuam, et spera in eo: * et ipse fáciat.

Et edúcet quasi lumen justítiam tuam: et judícium tuum tamquam merídiem: * súbditus esto Dómino, et ora eum.

Noli æmulári in eo, qui prospérátur in via sua: * in hómine facién̄te injustítias.

Désine ab ira, et derelínque furórem: * noli æmulári ut malignéris.

Quóniam qui malignántur, exterminabúntur: * sustinéntes autem Dóminum, ipsi hæreditábunt terram.

Et adhuc pusillum, et non erit peccátor: * et quæres locum ejus, et non invénies.

Mansuétī autem hæreditábunt terram: * et delectabúntur in multitúde pacis.

Observábit peccátor justum: * et stridébit super eum déntibus suis.

Dóminus autem irridébit eum: * quóniam próspicit quod véniet dies ejus.

Gládium evaginavérunt peccatóres: * intendérunt arcum suum,

Ut dejíciant paúperem et ínopem: * ut trucident rectos corde.

Gládus eórum intret in corda ipsórum: * et arcus eórum confringátur.

Mélius est módicum justo, * super divítias peccatórum multas.

Quóniam bráchia peccatórum conteréntur: * confirmat autem justos Dóminus.

Novit Dóminus dies ímaculatórum: * et hæréditas eórum in ætérnum erit.

Non confundéntur in témpore malo, et in diébus famis saturabúntur: * quia peccatóres períbunt.

Inimíci vero Dómini mox ut honorificáti fúerint et exaltáti: * deficiéntes, quemádm̄odum fumus deficiént.

Mutuábitur peccátor, et non solvet: * justus autem miserétur et tribuet.

Quia benedicéntes ei hæreditábunt terram: * maledicéntes autem ei disperibunt.

Apud Dóminum gressus hóminis dirigéntur: * et viam ejus volet.

Cum ceciderit, non collidétur: * quia Dóminus suppónit manum suam.

Júnior fui, étenim sénuī: * et non vidi justum derelictum, nec semen ejus quærens panem.

Tota die miserétur et cómmo-dat: * et semen illíus in benedi-ctióne erit.

Declína a malo, et fac bonum: * et inhábita in sǎculum sǎculi.

Quia Dóminus amat judícium, et non derelínquet sanctos suos: * in ætérnum conservabúntur.

Injústi puniéntur: * et semen impiórum períbit.

Justi autem hæreditábunt ter-ram: * et inhabitábunt in sǎculum sǎculi super eam.

Os justí meditábitur sapiéntiam, * et lingua ejus loquétur judícium.

Lex Dei ejus in corde ipsíus: * et non supplantabúntur gressus ejus.

Consíderat peccátor justum: * et quærit mortificáre eum.

Dóminus autem non derelínquet eum in mánibus ejus: * nec damnábit eum, cum judicábitur illi.

Exspécta Dóminum, et custódi viam ejus: et exaltábit te ut hære-ditáte cápias terram: * cum per-ierint peccátóres vidébis.

Vidi ímpium superexaltátum, * et elevátum sicut cedros Líbani.

Et transívi et ecce non erat: * et quæsívi eum, et non est invéntus locus ejus.

Custódi innocéntiam, et vide æquitátem: * quóniam sunt reliquiæ hómini pacífico.

Injústi autem disperíbunt simul: * reliquiæ impiórum interíbunt.

Salus autem justórum a Dómino: * et protéctor eórum in témpore tribulatiónis.

Et adjuvábít eos Dóminus et liberábít eos: * et éruct eos a pecca-

tóribus, et salvábit eos: quia spera-vérunt in eo.

Psalmus 37.

Dómine ne in furóre tuo árguas me, * neque in ira tua corri-pias me.

Quóniam sagíttæ tuæ infíxæ sunt mihi: * et confirmásti super me manum tuam.

Non est sánitas in carne mea a fácie iræ tuæ: * non est pax óssibus meis a fácie peccátórum meórum.

Quóniam iniquitátes meæ super-gréssæ sunt caput meum: * et sicut onus grave gravátæ sunt super me.

Putruérunt et corrúptæ sunt ci-catríces meæ, * a fácie insipiéntiæ meæ.

Miser factus sum, et curvátus sum usque in finem: * tota die contri-státus ingrediébar.

Quóniam lumbi mei impléti sunt illusió nibus: * et non est sánitas in carne mea.

Afflíctus sum, et humiliátus sum nimis: * rugiébam a gémitu cordis mei.

Dómine, ante te omne desidérium meum: * et gémitus meus a te non est absconditus.

Cor meum conturbátum est, de-relíquit me virtus mea: * et lumen oculórum meórum, et ipsum non est mecum.

Amíci mei, et próximi mei * ad-vérsum me appropinquavérunt, et stetérunt.

Et qui juxta me erant, de longe stetérunt: * et vim faciébant qui quærébant ánimam meam.

Et qui inquirébant mala mihi, lo-cúti sunt vanitátes: * et dolos tota die meditabántur.

Ego autem tamquam surdus non audiébam: * et sicut mutus non apériens os suum.

Et factus sum sicut homo non aúdiens: * et non habens in ore suo redargutiónes.

Quóniam in te Dómine sperávi: * tu exaúdiēs me Dómine Deus meus.

Quia dixi: Nequándo supergaúdeant mihi inimíci mei: * et dum commovéntur pedes mei, super me magna locúti sunt.

Quóniam ego in flagélla parátus sum: * et dolor meus in conspéctu meo semper.

Quóniam iniquitátem meam annuntiábo: * et cogitábo pro peccáto meo.

Inimíci autem mei vivunt, et confirmáti sunt super me: * et multiplicáti sunt qui odérunt me iníque.

Qui retribuunt mala pro bonis, detrahébant mihi: * quóniam sequébar bonitátem.

Ne derelínquas me Dómine Deus meus: * ne discésseris a me.

Inténde in adiutórium meum, * Dómine Deus salútis meæ.

Ant. Revéla Dómino viam tuam.

Per Annum. V. Dómine in cœlo misericórdia tua. R. Et véritas tua usque ad nubes.

In Adventu. V. Ex Sion spécies decóris ejus. R. Deus noster manifesté véniet.

Pro uno Mart. V. Glória et honóre coronásti eum Dómine. R. Et constituísti eum super ópera mánuum tuárum.

Pro plurib. Mart. V. Lætámini in Dómino, et exsultáte justi. R. Et gloriámini omnes recti corde.

Pro Conf. Pont. et non Pont. V. Amávit eum Dóminus, et orná-

vit eum. R. Stolum glóriæ induit eum.

Pro una Sancta. V. Spécie tua et pulchritúdine tua. R. Inténde, prospere procéde, et regna.

Ad Laudes.

V. Deus in adiutórium. 15.

Quando non assignantur propriæ Ant. dicitur Ant. Miserére.

Psalmus 50.

Miserére mei Deus, * secundum magnam misericórdiam tuam.

Et secundum multitudinem miserationum tuárum, * dele iniquitátem meam.

Amplius lava me ab iniquitate mea: * et a peccáto meo munda me.

Quóniam iniquitátem meam ego cognósco: * et peccátum meum contra me est semper.

Tibi soli peccávi, et malum coram te feci: * ut justificéris in sermónibus tuis, et vincas cum iudicáris.

Ecce enim in iniquitatibus concéptus sum: * et in peccátis concépit me mater mea.

Ecce enim veritátem dilexísti: * incérta et occulta sapiéntiæ tuæ manifestásti mihi.

Aspérge me hyssópo, et mundábor: * lavábis me, et super nivem dealbábor.

Auditui meo dabis gáudium et lætítiam: * et exsultábunt ossa humiliáta.

Avérte faciém tuam a peccátis meis: * et omnes iniquitátes meas dele.

Cor mundum crea in me Deus: *

et spírítum rectum ínnova in viscéríbus meis.

Ne projícias me a fácie tua: * et Spírítum sanctum tuum ne aúferas a me.

Redde mihi lætítiam salutáris tui: * et spírítu principáli confirma me.

Docébo iníquos vias tuas: * et impíi ad te converténtur.

Líbera me de sanguínibus Deus, Deus salutis meæ: * et exsultábit lingua mea justítiam tuam.

Dómine, lábia mea apéries: * et os meum annuntiábit laudem tuam.

Quóniam si voluísseſ sacrificíum, dedísseſ útiq̃ue: * holocaústis non delectáberis.

Sacrificíum Deo spírítus contríbulátus: * cor contrítum, et humiliátum Deus non despícies.

Benígne fac Dómine in bona voluntáte tua Sion: * ut ædificén- tur muri Jerúsalem.

Tunc acceptábis sacrificíum justítiæ, oblatiónes, et holocaústa: * tunc impónent super altáre tuum vítulos.

Ant. Miserére mei Deus.

Ant. Intéllige.

Psalmus 5.

Verba mea aúribus pércipe Dómine, * intéllige clamórem meum.

Inténde voci oratiónis meæ, * rex meus et Deus meus.

Quóniam ad te orábo: * Dómine mane exaúdiēs vocem meam.

Mane astábo tibi et vidébo: * quóniam non Deus volens iniquitátem tu es.

Neque habitábit juxta te malignus: * neque permanébunt injústi ante óculos tuos.

Odísti omnes, qui operántur iniquitátem: * perdes omnes, qui loquúntur mendácium.

Virum sánguínū et dolósum abominábitur Dóminus: * ego autem in multítudine misericórdiæ tuæ.

Introíbo in domum tuam: * adorábo ad templum sanctum tuum in timóre tuo.

Dómine deduc me in justítia tua: * propter inimícos meos dirige in conspéctu tuo viam meam.

Quóniam non est in ore eórum véritas: * cor eórum vanum est.

Sepúlchrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multítudinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt: et habitábis in eis.

Et gloriabúntur in te omnes, qui diligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Ant. Intéllige clamórem meum Dómine.

Ant. Deus Deus meus * ad te de luce vígilo.

Ps. idem ut supra 16.

Ant. Convérsus est.

Canticum Isaíæ Prophetæ.

Cap. 12.

Confitébor tibi Dómine, quóniam irátus es mihi: * convérsus est furor tuus, et consolátus es me.

Ecce Deus salvátor meus, * fiduciáliter agam, et non timébo.

Quia fortitúdo mea, et laus mea
Dóminus, * et factus est mihi in
salútem.

Hauriétis aquas in gaúdio de
fóntibus Salvatóris: * et dicétis
in die illa: Confitémini Dómino,
et invocáte nomen ejus:

Notas fácite in pópulis adinven-
tiónes ejus: * mementóte quóniam
excélsum est nomen ejus.

Cantáte Dómino quóniam ma-
gnífice fecit: * annuntiáte hoc in
univérſa terra.

Exsúlta, et lauda habitátio Sion:
* quia magnus in médio tui san-
ctus Israël.

Ant. Convérſus est furor tuus
Dómine, et consolátus es me.

Ant. Laudáte * Dóminum de
cœlis.

Ps. idem, ut supra 17.

Capit. sequens dicitur in fer. Offic. ab
Oct. Epiph. usque ad Dom. I. Quadrag.;
aliis temporibus habentur propria.

Capitulum. Rom. 13. d.

Nox præcéssit, dies autem ap-
propinquávit. Abjiciámus ergo
ópera tenebrárum, et induámur
arma lucis. Sicut in die honéste
ambulémus.

Hymnus.

Splendor patérnæ glóriæ,
De luce lucem próferens,
Lux lucis, et fons lúminis,
Diem dies illúminans:

Verúsque sol illábere,
Micans nitóre pérpeti:
Jubárque sancti Spíritus
Infúnde nostris sénsibus.

Votis vocémus et Patrem,
Patrem poténtis grátiae,
Patrem perénis glóriæ:
Culpam reléget lúbricam.

Confirmet actus strénuos:

Dentes retúndat ínvidi:
Causa secúndet ásperos:
Agénda recte dírigat.

Mentem gubérnet et regat:

Sit pura nobis cástitas:
Fides calóre férveat,
Fraudis venéna nésciat.

Christúsque nobis sit cibus,
Potúsque noster sit fides:
Læti bibámus sóbriam
Profusióem Spíritus.

Lætus dies hic tránseat:
Pudor sit ut dilúculum:
Fides velut merídes:
Crepúsculum mens nésciat.

Auróra lucem próvehit,
Cum luce nobis pródeat
In Patre totus Fílius,
Et totus in Verbo Pater.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sáeculum.
Amen.

Per Annum. V̄. Repléti sumus
mane misericórdia tua. R̄. Exsul-
távimus, et delectáti sumus.

Ad Bened. Ant. Benedíctus *
Dóminus Deus Israël.

In Feriis Adventus, Quatuor Tempo-
rum, et Vigiliarum quæ jejnantur (ex-
cepta Vigil. Nativ. Domini), post Ant.
ad Bened. dicuntur sequ. Preces flexis
genibus: aliis temporibus non dicuntur.

Kýrie eléison. Christe eléison.
Kýrie eléison.

Pater noster. totum dicitur clara
voce etiam in Vesperis.

V̄. Et ne nos indúcas in tenta-
tióem. R̄. Sed libera nos a malo.

V̄. Ego dixi: Dómine miserére
mei. R̄. Sana ánimam meam, quia
peccávi tibi.

Ÿ. Convértere Dómine úsquequo. R. Et deprecábilis esto super servos tuos.

Ÿ. Fiat misericórdia tua Dómine super nos. R. Quemádmódum sperávimus in te.

Ÿ. Sacerdótes tui induántur iustítiam. R. Et sancti tui exsúltent.

Ÿ. Dómine salvum fac regem. R. Et exaúdi nos in die, qua invocavérimus te.

Ÿ. Salvum fac pópulum tuum Dómine, et bédedic hæreditáti tuæ. R. Et rege eos, et extólle illos usque in ætérnum.

Ÿ. Meménto congregatiónis tuæ. R. Quam possedísti ab inítio.

Ÿ. Fiat pax in virtúte tua. R. Et abundántia in túrribus tuis.

Ÿ. Orémus pro fidélibus defúntis. R. Réquiem ætérnam dona eis Dómine, et lux perpétua lúceat eis.

Ÿ. Requiéscant in pace. R. Amen.

Ÿ. Pro frátribus nostris abséntibus. R. Salvos fac servos tuos, Deus meus, sperántes in te.

Ÿ. Pro afflíctis et captívis. R. Líbera eos Deus Israël ex ómnibus tribulatióibus suis.

Ÿ. Mitte eis Dómine auxílium de sancto. R. Et de Sion tuére eos.

Ÿ. Dómine exaúdi oratióem meam. R. Et clamor meus ad te véniat.

Deinde dic. Psalmus 129.

De profúndis clamávi ad te Dómine: * Dómine exaúdi vocem meam.

Fiant aures tuæ intendéntes, * in vocem deprecatiónis meæ.

Si iniquitátes observáveris Dómine: * Dómine quis sustinébit?

Quia apud te propitiátio est: *

et propter legem tuam sustínui te Dómine.

Sustínuit ánima mea in verbo ejus: * sperávit ánima mea in Dómino.

A custódia matutína usque ad noctem: * speret Israël in Dómino.

Quia apud Dóminum misericórdia: * et copiósa apud eum redémptio.

Et ipse rédimet Israël, * ex ómnibus iniquitátibus ejus.

Glória Patri.

Finito Psalmo, dicitur

Ÿ. Dómine Deus virtútum convérte nos. R. Et osténde fáciem tuam, et salvi érimus.

Ÿ. Exsúrge Christe, ádjuva nos. R. Et líbera nos propter nomen tuum.

Ÿ. Dómine exaúdi oratióem meam. R. Et clamor meus ad te véniat.

Ÿ. Dóminus vobíscum.

R. Et cum spíritu tuo.

Deinde dicitur Oratio propria. Et quando in feriali Officio fiunt Cõmem. communes de S. Maria, de S. Joseph, de Apostolis et de Pace, ante eas tam in Laudibus quam in Vesp. fit sequ. Commem. de Cruce.

Ant. Per signum Crucis de inimícis nostris líbera nos Deus noster.

Ÿ. Omnis terra adóret te, et psallat tibi. R. Psalmum dicat nómini tuo Dómine.

Orémus.

Oratio.

Perpétua nos, quæsumus Dómine, pace custódi: quos per lignum sanctæ Crucis redímere dignátus es.

Quæ Commem. de Cruce fit etiam quando non dicuntur Preces, in feriali tantum Officio.



Feria tertia ad Matutinum.

Invit. Jubilémus Deo, * Salu-
tári nostro.

Ps. Veníte, exsultémus. 2.

Hymnus.

Consors patérni lúminis,
Lux ipse lucis, et dies,
Noctem canéndo rúmpimus:
Assiste postulántibus.

Aufer tenébras méntium,
Fuga catérvas dáemonum,
Expélle somnoléntiam,
Ne pigritánteſ óbruat.

Sic Christe nobis ómnibus
Indúlgeas credéntibus,
Ut prosit exorántibus,
Quod præcinénteſ psállimus.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Ant. Ut non delínquam.

Psalmus 38.

Dixi: Custódiam vias meas: *
ut non delínquam in lingua
mea.

Pósui ori meo custódiam, * cum
consisteret peccátor advérsus me.

Obmútui, et humiliátus sum, et
silui a bonis: * et dolor meus re-
novátus est.

Concáluit cor meum intra me:
* et in meditatióne mea exardéscet
ignis.

Locútus sum in lingua mea: * No-
tum fac mihi Dómine finem meum.

Et númerum diérum meórum
quis est: * ut sciam quid desit mihi.

Ecce mensurábiles posuísti dies
meos: * et substántia mea tam-
quam níhilum ante te.

Verúmtamen univérſa vánitas, *
omnis homo vivens.

Verúmtamen in imágine per-
tránsit homo: * sed et frustra con-
turbátur.

Thesaurízat: * et ignórat cui con-
gregábit ea.

Et nunc quæ est exspectátió
mea? Nonne Dóminus? * Et sub-
stántia mea apud te est.

Ab ómnibus iniquitátibus meis
érue me: * oppróbrium insipiénti
dedísti me.

Obmútui, et non apérui os meum,
quóniam tu fecísti: * ámove a me
plagas tuas.

A fortitúdiſe manuſ tuæ ego de-
fécí in increpatiónibus: * propter
iniquitátem corripuísti hóminem.

Et tabéſcere fecísti sicut aráne-
am ánimam ejus: * verúmtamen
vane conturbátur omnis homo.

Exaúdi oratióſem meam Dó-
mine, et deprecatióſem meam: *
aúribus pércipe lácrimas meas.

Ne síleas: quóniam ádvena ego
sum apud te, et peregrínus, * sicut
omnes patres mei.

Remítte mihi, ut refrígerer pri-
úsquam ábeam, * et ámplius non ero.

Psalmus 39.

Exspéctans exspectávi Dóminum,
* et inténdit mihi.

Et exaúdívit preces meas: * et
edúxit me de lacu misériae, et de
luto fáecis.

Et státuit super petram pedes
meos: * et diréxit gressus meos.

Et immísit in os meum cánti-
cum novum, * carmen Deo nostro.

Vidébunt multi, et timébunt: *
et sperábunt in Dómino.

Beátus vir, cujus est nomen Dó-

mini spes ejus: * et non respexit in vanitates et insanias falsas.

Multa fecisti tu Domine Deus meus mirabilia tua: * et cogitationibus tuis non est qui similissit tibi.

Annuntiavi et locutus sum: * multiplicati sunt super numerum.

Sacrificium et oblationem nolisti: * aures autem perfecisti mihi.

Holocaustum et pro peccato non postulasti: * tunc dixi: Ecce venio.

In capite libri scriptum est de me ut facerem voluntatem tuam: * Deus meus volui, et legem tuam in medio cordis mei.

Annuntiavi justitiam tuam in ecclesia magna, * ecce labia mea non prohibebo: Domine tu scisti.

Justitiam tuam non abscondi in corde meo: * veritatem tuam et salutare tuum dixi.

Non abscondi misericordiam tuam et veritatem tuam * a concilio multo.

Tu autem Domine ne longe facias miserationes tuas a me: * misericordia tua et veritas tua semper suscepérunt me.

Quoniam circumdederunt me mala, quorum non est numerus: * comprehenderunt me iniquitates meae, et non potui ut vidérem.

Multiplicatae sunt super capillos capitis mei: * et cor meum dereliquit me.

Complaceat tibi Domine ut eruas me: * Domine, ad adjuvandum me respice.

Confundantur et revereantur simul, qui quaerunt animam meam, * ut auferant eam.

Convertantur retrorsum, et revereantur * qui volunt mihi mala.

Ferant confestim confusionem suam, * qui dicunt mihi: Euge, euge.

Exsultent, et laetentur super te omnes quaerentes te: * et dicant semper: Magnificetur Dominus: qui diligunt salutare tuum.

Ego autem mendicus sum et pauper: * Dominus sollicitus est mei.

Adjutor meus, et protector meus tu es: * Deus meus, ne tardaveris.

Ant. Ut non delinquam in lingua mea.

Ant. Sana.

Psalmus 40.

Beatus qui intelligit super egenum, et pauperem: * in die mala liberabit eum Dominus.

Dominus conservet eum, et vivificet eum, et beatum faciat eum in terra: * et non tradat eum in animam inimicorum ejus.

Dominus opem ferat illi super lectum doloris ejus: * universum stratum ejus versasti in infirmitate ejus.

Ego dixi: Domine miserere mei: * sana animam meam, quia peccavi tibi.

Inimici mei dixerunt mala mihi: * Quando morietur, et peribit nomen ejus?

Et si ingrediebatur ut videret, vana loquebatur, * cor ejus congregavit iniquitatem sibi.

Egrediebatur foras, * et loquebatur in idipsum.

Adversum me susurrabant omnes inimici mei: * adversum me cogitabant mala mihi.

Verbum iniquum constituerunt adversum me: * Numquid qui dormit non adjiciet ut resurgat?

Etenim homo pacis meae, in quo speravi: * qui edebat panes meos,

magnificávit super me supplantatióem.

Tu autem Dómine miserére mei, et resúscita me: * et retribuam eis.

In hoc cognóvi quóniam voluísti me: * quóniam non gaudébit inimícus meus super me.

Me autem propter innocéntiam suscepísti: * et confirmásti me in conspéctu tuo in aetérnum.

Benedíctus Dóminus Deus Israél a sáeculo et usque in sáeculum: * fiat, fiat.

Psalmus 41.

Quemádmódum desíderat cervus ad fontes aquárum: * ita desíderat ánima mea ad te Deus.

Sitívit ánima mea ad Deum fortem vivum: * quando véniam, et apparébo ante fáciem Dei?

Fuérunt mihi lácrimæ meæ panes die ac nocte: * dum dicitur mihi quotidie: Ubi est Deus tuus?

Hæc recordátus sum, et effúdi in me ánimam meam: * quóniam transíbo in locum tabernáculi admirábilis, usque ad domum Dei.

In voce exsultatióis, et confesióis: * sonus epulántis.

Quare tristis es ánima mea? * et quare contúrbas me?

Spera in Deo, quóniam adhuc confitébor illi: * salutáre vultus mei, et Deus meus.

Ad meípsum ánima mea conturbáta est: * propterea memor ero tui de terra Jordánis, et Hermóniim a monte módico.

Abýssus abýssum ínvocat, * in voce cataractárum tuárum.

Omnia excélsa tua, et fluctus tui * super me transiérunt.

In die mandávit Dóminus mise-

ricórdiam suam: * et nocte cánticum ejus.

Apud me orátio Deo vitæ meæ, * dicam Deo: Suscéptor meus es.

Quare oblítus es mei? * et quare contristátus incédo, dum affligit me inimícus?

Dum confringúntur ossa mea, * exprobravérunt mihi qui tríbulant me inimíci mei.

Dum dicunt mihi per síngulos dies: Ubi est Deus tuus? * quare tristis es ánima mea, et quare contúrbas me?

Spera in Deo, quóniam adhuc confitébor illi: * salutáre vultus mei, et Deus meus.

Ant. Sana Dómine ánimam meam, quia peccávi tibi.

Ant. Eructávit.

Psalmus 43.

Deus aúribus nostris audívimus: * patres nostri annuntiavérunt nobis.

Opus, quod operátus es in diébus córum, * et in diébus antíquis.

Manus tua Gentes dispédidit, et plantásti eos: * afflixísti pópulos, et expulísti eos.

Nec enim in gládio suo posséderunt terram, * et bráchium eórum non salvávit eos:

Sed délixtera tua, et bráchium tuum, et illuminátio vultus tui: * quóniam complacuísti in eis.

Tu es ipse Rex meus et Deus meus: * qui mandas salútes Jacob.

In te inimícos nostros ventilá-bimus cornu, * et in nómine tuo spernémus insurgéntes in nobis.

Non enim in arcu meo sperábo: * et gládius meus non salvábit me.

Salvásti enim nos de affligéntibus nos: * et odiéntes nos confudísti.

In Deo laudábimur tota die: * et in nómine tuo confitébimur in sæculum.

Nunc autem repulísti et confudísti nos: * et non egrediéris Deus in virtútibus nostris.

Avertísti nos retrórsum post inimicos nostros: * et qui odérunt nos, diripiébant sibi.

Dedísti nos tamquam oves escárum: * et in Géntibus dispersísti nos.

Vendidísti pópulum tuum sine pretio: * et non fuit multitúdo in commutatióibus eórum.

Posuísti nos oppróbrium vicinis nostris, * subsannatióem et derisum his, qui sunt in circúitu nostro.

Posuísti nos in similitúdinem Géntibus: * commotióem cápitis in pópulis.

Tota die verecúndia mea contra me est, * et confúsió faciéi meæ coopérui me.

A voce exprobrántis, et obloquentis: * a fácie inimíci et persecúentis.

Hæc ómnia venérunt super nos, nec oblíti sumus te: * et iníque non égimus in testaménto tuo.

Et non recéssit retro cor nostrum: * et declinásti sémitas nostras a via tua:

Quóniam humiliásti nos in loco afflictiónis, * et coopérui nos umbra mortis.

Si oblíti sumus nomen Dei nostri, * et si expándimus manus nostras ad deum aliénium:

Nonne Deus requíret ista? * ipse enim novit abscondita cordis.

Quóniam propter te mortificámur tota die: * æstimáti sumus sicut oves occisiónis.

Exsúrge, quare obdórmis Dó-

mine? * exsúrge, et ne repéllas in finem.

Quare fáciem tuam avértis, * oblivisceris inópiae nostræ, et tribulatiónis nostræ?

Quóniam humiliáta est in púlvere ánima nostra: * conglutinátus est in terra venter noster.

Exsúrge Dómine, ádjua nos: * et rédime nos propter nomen tuum.

Psalmus 44.

Eructávit cor meum verbum bonum: * dico ego ópera mea regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis: * proptérea benedíxit te Deus in ætérnum.

Accíngere gládio tuo super femur tuum, * potentíssime,

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justítiam: * et dedúcet te mirabíliter dextera tua.

Sagíttæ tuæ acútæ, pópuli sub te cadent, * in corda inimicórum regis.

Sedes tua Deus in sæculum sæculi: * virga directiόνis virga regni tui.

Dilexísti justítiam, et odísti iniquitátem: * proptérea unxit te Deus Deus tuus óleo lætítiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis: * ex quibus delectavérunt te filiae regum in honóre tuo.

Astitit regína a dextris tuis in vestítu deauráto: * circúmdata varietáte.

Audi filia, et vide, et inclína au-

rem tuam: * et obliviscere pópulum tuum, et domum patris tui.

Et concupíscet Rex decórem tuum: * quóniam ipse est Dóminus Deus tuus, et adorábunt eum.

Et filiae Tyri in munéribus * vul-tum tuum deprecabúntur: omnes dívites plebis.

Omnis glória ejus filiae Regis ab intus, * in fimbriis aúreis circum-amícta varietátibus.

Adducéntur Regi vírgines post eam: * próximae ejus afferéntur tibi.

Afferéntur in lætítia et exsulta-tióne: * adducéntur in templum Regis.

Pro pátribus tuis nati sunt tibi filii: * constitues eos príncipes super omnem terram.

Mémores erunt nóminis tui: * in omni generatióne et generatióne.

Proptérea pópuli confitebúntur tibi in ætérnum: * et in sæculum sæculi.

Ant. Eructávit cor meum verbum bonum.

Ant. Adjútor.

Psalmus 45.

Deus noster refúgium, et virtus: * adjútor in tribulatió nibus quæ invenérunt nos nimis.

Proptérea non timébimus dum turbábitur terra: * et transferéntur montes in cor maris.

Sonuérunt, et turbátæ sunt aquæ eórum: * conturbáti sunt montes in fortitúdine ejus.

Flúminis ímpetus lætíficat civi-tátem Dei: * sanctificávit tabernáculum suum Altíssimus.

Deus in médio ejus, non com-movébitur: * adjuvábít eam Deus mane dilúculo.

Conturbátæ sunt Gentes, et in-

clináta sunt regna: * dedit vocem suam, mota est terra.

Dóminus virtútum nobíscum: * suscéptor noster Deus Jacob.

Veníte, et vidéte ópera Dñi, quæ pósuit prodígia super terram: * au-ferens bella usque ad finem terræ.

Arcum cónteret, et confrínget arma: * et scuta combúret igni.

Vacáte, et vidéte quóniam ego sum Deus: * exaltábor in Géntibus, et exaltábor in terra.

Dóminus virtútum nobíscum: * suscéptor noster Deus Jacob.

Psalmus 46.

Omnes Gentes plaúдите mánibus: * jubiláte Deo in voce exsulta-tiónis.

Quóniam Dóminus excélsus, ter-ríbilis: * Rex magnus super omnem terram.

Subjécit pópulos nobis: * et Gen-tes sub pédibus nostris.

Elégit nobis hæreditátem suam: * spéciem Jacob, quam diléxit.

Ascéndit Deus in júbilo: * et Dó-minus in voce tubæ.

Psállite Deo nostro, psállite: * psállite Regi nostro, psállite.

Quóniam Rex omnis terræ Deus: * psállite sapiénter.

Regnábít Deus super Gentes: * Deus sedet super sedem sanctam suam.

Príncipes populórum congregáti sunt cum Deo Abraham: * quóniam dii fortes terræ, veheménter eleváti sunt.

Ant. Adjútor in tribulatió nibus.

Ant. Magnus Dóminus.

Psalmus 47.

Magnus Dóminus, et laudábilis nimis * in civitáte Dei nostri, in monte sancto ejus.

Fundátur exsultatióne univérsæ terræ mons Sion, * látera Aquilonis, cívitas regis magni.

Deus in dómibus ejus cognoscétur, * cum suscípiet eam.

Quóniam ecce reges terræ congregáti sunt: * convenérunt in unum.

Ipsi vidéntes sic admiráti sunt, conturbáti sunt, commóti sunt: * tremor apprehéndit eos.

Ibi dolóres ut parturiéntis: * in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri: * Deus fundávit eam in ætérnum.

Suscépinus Deus misericórdiam tuam, * in médio templi tui.

Secúndum nomen tuum, Deus, sic et laus tua in fines terræ: * iustitia plena est dextera tua.

Lætétur mons Sion, et exsúltent filiæ Judæ * propter iudícia tua Dómine.

Circúmdate Sion, et complectimini eam: * narráte in túrribus ejus.

Pónite corda vestra in virtúte ejus: * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sæculum sæculi: * ipse reget nos in sæcula.

Psalmus 48.

Audíte hæc omnes Gentes: * aúribus percípите omnes, qui habitátis orbem:

Quique terrígenæ, et filii hóminum: * simul in unum dives et pauper.

Os meum loquétur sapiéntiam: * et meditatio cordis mei prudéntiam.

Inclinábo in parábolam aurem meam: * apériam in psaltério propositionem meam.

Cur timébo in die mala? * iniquitas calcáni mei circúmdabit me:

Qui confidunt in virtúte sua: * et in multitúdine divitiárum suárum gloriántur.

Frater non rédimet, rédimet homo: * non dabit Deo placatióem suam.

Et prétium redemptionis ánimæ suæ: * et laborábit in ætérnum, et vivet adhuc in finem.

Non vidébit intéritum, cum viderit sapiéntes moriéntes: * simul insípiens, et stultus peribunt.

Et relínquent aliénis divítias suas: * et sepúlchra eórum domus illórum in ætérnum.

Tabernácula eórum in progénie et progénie: * vocavérunt nómina sua in terris suis.

Et homo, cum in honóre esset, non intelléxit: * comparátus est juméntis insipientibus, et símilis factus est illis.

Hæc via illórum scándalum ipsis: * et póstea in ore suo complacébunt.

Sicut oves in inférno pósito sunt: * mors depáscet eos.

Et dominabúntur eórum justí in matutíno: * et auxílium eórum veteráscet in inférno a glória eórum.

Verúmtamen Deus rédimet ánimam meam de manu ínferi, * cum accéperit me.

Né timúeris cum dives factus fúerit homo: * et cum multiplicáta fúerit glória domus ejus.

Quóniam cum interierit, non sumet ómnia: * neque descéndet cum eo glória ejus.

Quia ánima ejus in vita ipsíus benedicétur: * confitébitur tibi cum beneféceris ei.

Introíbit usque in progénies patrum suórum; * et usque in ætérnum non vidébit lumen.

Homo, cum in honóre esset, non intelléxit: * comparátus est juméntis insipiéntibus, et símilis factus est illis.

Ant. Magnus Dóminus et laudábilis nimis.

Ant. Deus deórum.

Psalmus 49.

Deus deórum Dóminus locútus est: * et vocávit terram.

A solis ortu usque ad occásum: * ex Sion spécies decóris ejus.

Deus maniféste véniet: * Deus noster et non silébit.

Ignis in conspéctu ejus exardéscet: * et in circúitu ejus tempéstatas válda.

Advocábit cœlum desúrsum: * et terram discérnere pópulum suum.

Congregáte illi sanctos ejus: * qui órinant testaméntum ejus super sacrificia.

Et annuntiábunt cœli justítiam ejus: * quóniam Deus judex est.

Audi pópulus meus, et loquar: Israël, et testificábor tibi: * Deus Deus tuus ego sum.

Non in sacrificiis tuis árguam te: * holocaústa autem tua in conspéctu meo sunt semper.

Non accípiam de domo tua vítulos: * neque de grégibus tuis hircos.

Quóniam meæ sunt omnes feræ silvárum, * juménta in móntibus et boves.

Cognóvi ómnia volatília cœli: * et pulchritúdo agri mecum est.

Si esuríero, non dicam tibi: *

meus est enim orbis terræ, et plenitúdo ejus.

Numquid manducábo carnes taurórum? * aut ságuinem hircórum potábo?

Iñola Deo sacrificium laudis: * et redde Altíssimo vota tua.

Et invoca me in die tribulatiónis: * éruam te, et honorificábis me.

Peccatóri autem dixit Deus: * Quare tu enárras justítias meas, et assúmis testaméntum meum per os tuum?

Tu vero odísti disciplínam: * et projecísti sermónes meos retrórsim:

Si vidébas furem, currébas cum eo: * et cum adulteris portiómem tuam ponébas.

Os tuum abundávit malítia: * et lingua tua concinnábat dolos.

Sedens advérsus fratrem tuum loquebáris, et advérsus filium matris tuæ ponébas scándalum: * hæc fecísti, et tácui.

Existimásti iníque quod ero tui símilis: * árguam te, et státuam contra faciém tuam.

Intelligite hæc qui obliviscímini Deum: * nequándo rápiat, et non sit qui erípiat.

Sacrificium laudis honorificábit me: * et illic iter, quo osténdam illi salutáre Dei.

Psalmus 51.

Quid gloriáris in malítia, * qui potens es in iniquitáte?

Tota die injustítiam cogitávit lingua tua: * sicut novácula acúta fecísti dolum.

Dilexísti malítiam super benignitátem: * iniquitátem magis quam loqui æquitátem.

Dilexísti ómnia verba præcipit-
tationis, * lingua dolósa.

Propterea Deus destruet te in
finem, * evéllit te, et emigrábit te
de tabernáculo tuo: et radicem
tuam de terra vivéntium.

Vidébunt justí, et timébunt, et
super eum ridébunt, et dicent: *
Ecce homo, qui non pósuit Deum
adutórem suum:

Sed sperávit in multitúdine di-
vitiárum suárum: * et præváluit in
vanitate sua.

Ego autem, sicut olíva fructífera
in domo Dei, * sperávi in miseri-
córdia Dei in ætérnum: et in sæ-
culum sæculi.

Confitébor tibi in sæculum, quia
fecísti: * et expectábo nomen
tuum, quóniam bonum est in con-
spéctu sanctórum tuórum.

Ant. Deus deórum Dóminus lo-
cútus est.

Per Annum. V. Immola Deo sa-
crificium laudis. R. Et redde Altíssi-
mo vota tua.

In Adventu. V. Emítte Agnum
Dómine Dominatórem terræ. R. De
Petra desérti ad montem filíæ Sion.

Pro uno Martyre. V. Posuísti
Dómine super caput ejus. R. Co-
rónam de lápide pretióso.

Pro pluribus Martyribus. V. Ex-
súltent justí in conspéctu Dei.
R. Et delecténtur in lætítia.

Pro Conf. Pont. V. Elégit eum
Dóminus sacerdotem sibi. R. Ad
sacrificándum ei hóstiam laudis.

Pro Conf. non Pont. V. Os justí
meditábitur sapiéntiam. R. Et lin-
gua ejus loquétur iudícium.

Pro una Sancta. V. Adjuvábít
eam Deus vultu suo. R. Deus in
medio ejus, non commovébitur.

Ad Laudes.

Ant. Dele Dómine * iniquitátem
meam.

Ps. Miserére mei Deus. 50.

Ant. Salutare.

Psalmus 42.

Júdica me Deus, et discérne
causam meam de gente non
sancta, * ab hómine iníquo, et
dolóso érue me.

Quia tu es Deus fortitúdo mea: *
Quare me repulísti? et quare tristis
incédo, dum affligit me inimícus?

Emítte lucem tuam et veritátem
tuam: * ipsa me deduxérunt, et
adduxérunt in montem sanctum
tuum, et in tabernacula tua.

Et introibo ad altáre Dei: * ad
Deum, qui lætificat juventútem
meam.

Confitébor tibi in cíthara Deus
Deus meus: * quare tristis es áni-
ma mea? et quare contúrbas me?

Spera in Deo, quóniam adhuc
confitébor illi: * salutare vultus
mei, et Deus meus.

Ant. Salutare vultus mei, et
Deus meus.

Ant. Ad te de luce * vígilo Deus.

Ps. Deus Deus meus. 16.

Ant. Cunctis diébus.

Canticum Ezechíæ. Isaíæ 38. b.

Ego dixi: In dimídio diérum me-
órum * vadam ad portas inferi.

Quæsívi resíduum annórum me-
órum. * Dixi: Non vidébo Dómi-
num Deum in terra vivéntium.

Non aspíciam hóminem ultra, *
et habitatórem quiétis.

Generátio mea abláta est, et
convolúta est a me, * quasi taber-
náculum pastórum.

Præcisa est velut a texénte, vita
mea: dum adhuc ordírer, succídít

me: * de mane usque ad vésperam finies me.

Sperábam usque ad mane, * quasi leo sic contrívit ómnia ossa mea:

De mane usque ad vésperam finies me: * sicut pullus hirúndinis sic clamábo, meditábor ut colúmba:

Attenuáti sunt óculi mei, * suspiciéntes in excélsum:

Dómine vim pátiar, respónde pro me. * Quid dicam, aut quid respondébit mihi, cum ipse fécerit?

Recogitábo tibi omnes años meos * in amaritúdine ánimæ meæ.

Dómine si sic vívitur, et in talibus vita spíritus mei, corrípies me, et vivificábis me. * Ecce in pace amaritúdo mea amaríssima:

Tu autem eruísti ánimam meam ut non períret: * projecísti post tergum tuum ómnia peccáta mea.

Quia non inférnus confitébitur tibi, neque mors laudábit te: * non exspectábunt qui descéndunt in lacum, veritátem tuam.

Vivens vivens ipse confitébitur tibi, sicut et ego hódie: * pater filiis notam fáciat veritátem tuam.

Dómine salvum me fac, * et psalmos nostros cantábitus cunctis diébus vitæ nostræ in domo Dñi.

Ant. Cunctis diébus vitæ nostræ salvos nos fac Dómine.

Ant. Omnes Angeli ejus * laudáte Dóminum de cœlis.

Ps. Laudáte Dóminum. 17.

Capitulum. Rom. 13. d.

Nox præcëssit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus.

Ales diéi núntius
Lucem propínquam præcinit:
Nos excitátor méntium
Jam Christus ad vitam vocat.

Auférte, clamat, léctulos,
Ægro sopóre désides:
Castíque, recti, ac sóbrii
Vigiláte, jam sum próxímus.

Jesum ciámus vóciis,
Flentes, precántes, sóbrii:
Inténta supplicátio
Dormíre cor mundum vetat.

Tu Christe somnum díscute:
Tu rumpe noctis víncula:
Tu solve peccátum vetus,
Novúmque lumen íngere.

Deo Patri sit glória,
Ejúsque soli Fílio,
Cum Spíritu Paráclito
Nunc et per omne sáeculum.

Amen.

Y. Repléti sumus mane misericórdia tua. R. Exsultávimus, et delectáti sumus.

Ad Benedictus, Ant. Eréxit nobis * Dóminus cornu salútis in domo David púeri sui.

Preces, quando dicuntur, habentur supra in Feria secunda. 52.

Feria quarta ad Matutinum.

Invit. In manu tua Dómine * Omnes fines terræ.

Ps. Veníte, exsultémus. 2.

Hymnus.

Rerum Creátor óptime,
Rectórque noster áspice:
Nos a quáiete nóxia
Mersos sopóre líbera.

Te, sancte Christe, póscimus,
Ignósce culpis ómnibus:

Ad confitendum sūrgimus,
Morásque noctis rumpimus.

Mentes manúsque tollimus,
Prophéta sicut nóctibus
Nobis gerendum præcipit,
Paulúsque gestis cénsuit.

Vides malum quod fécimus:
Occulta nostra pándimus:
Preces geméntes fúndimus,
Dimítte quod peccávimus.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Ant. Avértit Dóminus.

Psalmus 52.

Dixit insípiens in corde suo: *
Non est Deus.

Corrúpti sunt, et abominá-
biles facti sunt in iniquitatibus: *
non est qui fáciat bonum.

Deus de cœlo prospéxit super
filios hóminum: * ut vídeat si est
intélligens, aut requírens Deum.

Omnes declinavérunt, simul inú-
tiles facti sunt: * non est qui fá-
ciat bonum, non est usque ad unum.

Nonne scient omnes qui operán-
tur iniquitatem, * qui dévorant ple-
bem meam ut cibum panis?

Deum non invocavérunt: * illic
trepidavérunt timóre, ubi non erat
timor.

Quóniam Deus dissipávit ossa
eórum qui homínibus placent: *
confúsi sunt, quóniam Deus spre-
vit eos.

Quis dabit ex Sion salutáre Is-
raël? * cum convérterit Deus ca-
ptivitatem plebis suæ, exsultábit
Jacob, et lætábitur Israël.

Psalmus 54.

Exáudi Deus oratióem meam,
et ne despéxeris deprecatió-
nem meam: * inténde mihi, et ex-
áudi me.

Contristátus sum in exercitatióne
mea: * et conturbátus sum a voce
inimíci, et a tribulatióne peccatóris.

Quóniam declinavérunt in me ini-
quitátes: * et in ira molésti erant
mihi.

Cor meum conturbátum est in
me: * et formído mortis cécidit
super me.

Timor et tremor venérunt super
me: * et contexérunt me ténebræ.

Et dixi: Quis dabit mihi pennas
sicut colúmbæ, * et volábo, et re-
quiescam?

Ecce elongávi fúgiens: * et mansi
in solitúdine.

Exspectábam eum, qui salvum
me fecit * a pusillanimitate spíritus
et tempestáte.

Præcípita Dómine, dívide linguas
eórum: * quóniam vidi iniquitatem
et contradiciónem in civitáte.

Die ac nocte circúmdabit eam
super muros ejus iniquitas: * et
labor in médio ejus, et injustitia.

Et non defécit de platéis ejus *
usúra, et dolus.

Quóniam si inimícus meus male-
dixisset mihi, * sustinuíssem útique.

Et si is, qui óderat me, super
me magna locútus fuisset: * abs-
condíssem me fórsitan ab eo.

Tu vero homo unánimis: * dux
meus, et notus meus.

Qui simul mecum dulces capié-
bas cibos: * in domo Dei ambu-
lávimus cum consénsu.

Véniat mors super illos: * et
descendant in inférnum vivéntes:

Quóniam nequítiae in habitáculis eórum: * in médio eórum.

Ego autem ad Deum clamávi: * et Dóminus salvábit me.

Véspere, et mane, et merídie narrábo et annuntiábo: * et exaúdiet vocem meam.

Rédimet in pace ánimam meam ab his, qui appropínquant mihi: * quóniam inter multos erant mecum.

Exaúdiet Deus, et humiliábit illos, * qui est ante saécula.

Non enim est illis commutátio, et non timuérunt Deum: * exténdit manum suam in retribuendo.

Contaminavérunt testaméntum ejus, divisi sunt ab ira vultus ejus: * et appropinquávit cor illíus.

Mollíti sunt sermónes ejus super óleum: * et ipsi sunt jácula.

Jacta super Dóminum curam tuam, et ipse te enútriet: * non dabit in aetérnum fluctuatióem justo.

Tu vero Deus dedúces eos, * in púteum intéritus.

Viri sánguinem, et dolósi non dimidiábunt dies suos: * ego autem sperábo in te Dómine.

Ant. Avértit Dóminus captivitátem plebis suae.

Ant. Quóniam.

Psalmus 55.

Miserére mei Deus, quóniam conculcávit me homo: * tota die impúgnans tribulávit me.

Conculcavérunt me inimíci mei tota die: * quóniam multi bellántes advérsus me.

Ab altitúdine diéi timébo: * ego vero in te sperábo.

In Deo laudábo sermónes meos, in Deo sperávi: * non timébo quid fáciat mihi caro.

Tota die verba mea exsecrabán-

tur: * advérsus me omnes cogitatiónes eórum in malum.

Inhabitábunt et abscondent: * ipsi calcáneum meum observábunt.

Sicut sustinuérunt ánimam meam, pro níhilo salvos fácies illos: * in ira pópulos confrínges.

Deus, vitam meam annuntiávi tibi: * posuísti lácrimas meas in conspéctu tuo,

Sicut et in promissióne tua: * tunc converténtur inimíci mei retrórsus:

In quacúmque die invocávero te: * ecce cognóvi quóniam Deus meus es.

In Deo laudábo verbum, in Dómino laudábo sermónem: * in Deo sperávi, non timébo quid fáciat mihi homo.

In me sunt Deus vota tua, * quæ reddam, laudatiónes tibi.

Quóniam eripuísti ánimam meam de morte, et pedes meos de lapsu: * ut pláceam coram Deo in lúmine vivéntium.

Psalmus 56.

Miserére mei Deus, miserére mei: * quóniam in te confidit ánimá mea.

Et in umbra alárum tuárum sperábo, * donec tránseat iníquitas.

Clamábo ad Deum altíssimum: * Deum qui benefécit mihi.

Misit de coelo, et liberávit me: * dedit in oppróbrium conculcántes me.

Misit Deus misericórdiam suam, et veritátem suam, * et erípuit ánimam meam de médio catulórum leónum: dormívi conturbátus.

Filii hóminum dentes eórum arma et sagíttæ: * et lingua eórum gládius acútus.

Exaltáre super cœlos Deus: *
et in omnem terram glória tua.

Láqueum paravérunt pédibus
meis: * et incurvavérunt ánimam
meam.

Fodérunt ante fáciem meam fó-
veam: * et incidérunt in eam.

Parátum cor meum Deus, parát-
um cor meum: * cantábo, et psal-
mum dicam.

Exsúrge glória mea, exsúrge
psaltérium et cíthara: * exsúrgam
dilúculo.

Confitébor tibi in pópulis Dó-
mine: * et psalmum dicam tibi in
Géntibus:

Quóniam magnificáta est usque
ad cœlos misericórdia tua, * et us-
que ad nubes véritas tua.

Exaltáre super cœlos Deus: *
et super omnem terram glória tua.

Ant. Quóniam in te confidit áni-
ma mea.

Ant. Justa judicáte.

Psalmus 57.

Si vere útique justítiam loquí-
mini: * recta judicáte filii hó-
minum.

Etenim in corde iniquitátes ope-
rámini: * in terra injustítias manus
vestræ concínnant.

Alienáti sunt peccatóres a vul-
va, erravérunt ab útero: * locúti
sunt falsa.

Furor illis secúndum similitú-
dinem serpéntis: * sicut áspidis
surdæ, et obturántis aures suas:

Quæ non exaúdiet vocem incan-
tántium: * et venéfici incantántis
sapiénter.

Deus cónteret dentes eórum in
ore ipsórum: * molas leónum con-
frínget Dóminus.

Ad níhilum devénient tamquam

aqua decúrrens: * inténdit arcum
suum donec infirméntur.

Sicut cera, quæ fluít, auferéntur:
* supercécidit ignis, et non vidé-
runt solem.

Priúsqvam intelligerent spinæ
vestræ rhamnum: * sicut vivéntes,
sic in ira absórbet eos.

Laetábitur justus cum viderit vin-
díctam: * manus suas lavábit in
sánguine peccatóris.

Et dicet homo: Si útique est
fructus justo: * útique est Deus
júdicans eos in terra.

Psalmus 58.

Eripe me de inimícis meis Deus
meus: * et ab insurgéntibus in
me libera me.

Eripe me de operántibus ini-
quitátem: * et de viris sánguinem
salva me.

Quia ecce cepérunt ánimam me-
am: * irruérunt in me fortes.

Neque iníquitas mea, neque pec-
cátum meum Dómine: * sine ini-
quitáte cucúrri, et diréxi.

Exsúrge in occúrsum meum, et
vide: * et tu Dómine Deus virtú-
tum, Deus Israél,

Inténde ad visitándas omnes
Gentes: * non misereáris ómnibus,
qui operántur iniquitátem.

Converténtur ad vésperam: et
famem patiéntur ut canes, * et
circuibunt civitátem.

Ecce loquéntur in ore suo, et
gládius in lábiis eórum: * quóni-
am quis audívit?

Et tu Dómine deridébis eos: *
ad níhilum dedúces omnes Gentes.

Fortitúdinem meam ad te custó-
diam, quia Deus suscéptor meus
es: * Deus meus, misericórdia ejus
prævéniat me.

Deus osténdet mihi super inimicos meos, ne occidas eos: * nequándo obliviscántur pópuli mei.

Dispérge illos in virtúte tua: * et depóne eos protéctor meus Dómine:

Delíctum oris eórum, sermónem labiórum ipsórum: * et comprehendántur in supérbia sua.

Et de execratióne et mendácio añuntiabúntur in consummatióne: * in ira consummatiónis, et non erunt.

Et scient quia Deus dominábitur Jacob: * et finium terræ.

Converténtur ad vésperam et famem patiéntur ut canes: * et circuibunt civitátem.

Ipsi dispergéntur ad manducándum: * si vero non fúerint saturáti et murmurábunt.

Ego autem cantábo fortitúdinem tuam: * et exsultábo mane misericórdiam tuam.

Quia factus es suscéptor meus, * et refúgium meum, in die tribulatiónis meæ.

Adjútor meus tibi psallam, quia Deus suscéptor meus es: * Deus meus misericórdia mea.

Ant. Justa judicáte filii hóminum.

Ant. Da nobis.

Psalmus 59.

Deus repulísti nos, et destruxísti nos: * irátus es, et misértus es nobis.

Commovísti terram, et conturbásti eam: * sana contritiónes ejus, quia commóta est.

Ostendísti pópulo tuo dura: * potásti nos vino compunctiόνis.

Dedísti metuéntibus te significatióne: * ut fúgiant a fácie arcus:

Ut liberéntur dilécti tui: * saluum fac déxtera tua, et exaúdi me.

Deus locútus est in sancto suo: * Lætabor, et partibor. Sichimam: et convállem tabernaculórum me-tibor.

Meus est Gálaad, et meus est Manásses: * et Ephraïm fortitúdo cápitis mei.

Juda rex meus: * Moab olla spei meæ.

In Idumæam exténdam calceaméntum meum: * mihi alienígenæ súbditi sunt.

Quis dedúcet me in civitátem munitam: * quis dedúcet me usque in Idumæam?

Nonne tu Deus, qui repulísti nos: * et non egrediéris Deus in virtútibus nostris?

Da nobis auxílium de tribulatióne: * quia vana salus hóminis.

In Deo faciémus virtútem: * et ipse ad nihilum dedúcet tribulántes nos.

Psalmus 60.

Exáudi Deus deprecationem meam: * inténde oratióni meæ.

A finibus terræ ad te clamávi: * dum anxiarétur cor meum, in petra exaltásti me.

Deduxísti me, quia factus es spes mea: * turris fortitúdinis a fácie inimíci.

Inhabitábo in tabernáculo tuo in sæcula: * prótegar in velaménto alárum tuárum.

Quóniam tu Deus meus exaudísti orationem meam: * dedísti hæreditátem fiméntibus nomen tuum.

Dies super dies regis adjícies: * annos ejus usque in diem generatiónis et generatiónis.

Pérmanet in ætérnum in con-

spéctu Dei: * misericórdiam et veritátem ejus quis requirét?

Sic psalmum dicam nómini tuo in sáeculum sáeculi: * ut reddam vota mea de die in diem.

Ant. Da nobis Dómine auxiliúm de tribulatióne.

Ant. Nonne Deo.

Psalmus 61.

Nonne Deo subjécta erit ánima mea? * ab ipso enim salutáre meum.

Nam et ipse Deus meus, et salutáris meus: * suscéptor meus, non movébor ámplius.

Quóusque irrúitis in hóminem? * interficitis univérsi vos: tamquam parieti inclináto et macériæ depúlsæ?

Verúmtamen prétium meum cogitavérunt repéllere, cucúrri in siti: * ore suo benedicébant, et corde suo maledicébant.

Verúmtamen Deo subjécta esto ánima mea: * quóniam ab ipso patiéntia mea.

Quia ipse Deus meus, et salvátor meus: * adjutor meus, non emigrábo.

In Deo salutáre meum, et glória mea: * Deus auxilií mei, et spes mea in Deo est.

Speráte in eo omnis congregátio pópuli, effúndite coram illo corda vestra: * Deus adjutor noster in ætérnum.

Verúmtamen vani filii hóminum, mendáces filii hóminum in statéris: * ut decípiant ipsi de vanitáte in idípsum.

Nolíte speráre in iniquitáte, et rapíñas nolíte concupíscere: * divítiæ si áffluant, nolíte cor appónere.

Semel locútus est Deus, duo hæc audívi, quia potéstas Dei est, et tibi Dómine misericórdia: * quia tu reddes unicuíque juxta ópera sua.

Psalmus 63.

Exauði Deus oratióem meam cum déprecor: * a timóre inimíci éripe ániam meam.

Protexísti me a convéntu malignántium: * a multitúdine operántium iniquitátem.

Quia exacuérunt ut gládium linguas suas: * intendérunt arcum rem amáram, ut sagíttent in ocúltis immaculátum.

Súbito sagittábunt eum, et non timébunt: * firmavérunt sibi sermónem nequam.

Narravérunt ut abscónderent láqueos: * dixerunt: Quis vidébit eos?

Scrutáti sunt iniquitátes: * defecerunt scrutántes scrútínio.

Accédet homo ad cor altum: * et exaltábitur Deus.

Sagittæ parvulórum factæ sunt plagæ eórum: * et infirmátæ sunt contra eos linguæ eórum.

Conturbáti sunt omnes qui vidébant eos: * et tímuit omnis homo.

Et annuntiavérunt ópera Dei, * et facta ejus intellexérunt.

Lætábitur justus in Dómino, et sperábit in eo, * et laudabúntur omnes recti corde.

Ant. Nonne Deo subjécta erit ánima mea?

Ant. Benedícite.

Psalmus 65.

Jubiláte Deo omnis terra, psalmum dicite nómini ejus: * date glóriam laudi ejus.

Dícite Deo, quam terribília sunt ópera tua Dómine! * in multitúdine

virtutis tuæ mentiéntur tibi inimici tui.

Omnis terra adóret te, et psallat tibi: * psalmum dicat nómini tuo.

Venite, et vidéte ópera Dei: * terribilis in consiliis super filios hóminum.

Qui convértit mare in áridam, in flúmine pertransibunt pede: * ibi lætábimur in ipso.

Qui domináture in virtúte sua in ætérnum, óculi ejus super Gentes respiciunt: * qui exásperant non exalténtur in semetipsis.

Benedícite Gentes Deum nostrum: * et audítam fácite vocem laudis ejus.

Qui pósuit ánimam meam ad vitam: * et non dedit in commotió-nem pedes meos.

Quóniam probásti nos Deus: * igne nos examinásti, sicut examináture argéntum.

Induxísti nos in láqueum, posuísti tribulatiónes in dorso nostro: * imposuísti hómines super cápita nostra.

Transívimus per ignem et aquam: * et eduxísti nos in refrigerium.

Introibo in domum tuam in holocaustis: * reddam tibi vota mea, quæ distinxérunt lábia mea.

Et locútum est os meum, * in tribulatióne mea.

Holocausta medulláta offeram tibi cum incénso arietum: * offeram tibi boves cum hircis.

Veníte, audíte, et narrábo, omnes qui timétis Deum, * quanta fecit animæ meæ.

Ad ipsum ore meo clamávi, * et exaltávi sub lingua mea.

Iniquitatem si aspéxi in corde meo, * non exáudiet Dóminus.

Propterea exaudivit Deus, * et atténdit voci deprecationis meæ.

Benedictus Deus, * qui non amóvit oratióem meam, et misericórdiam suam a me.

Psalmus 67.

Exsúrgat Deus, et dissipéntur inimici ejus, * et fúgiant qui odérunt eum, a fácie ejus.

Sicut déficit fumus, deficiant: * sicut fluit cera a fácie ignis, sic péreant peccatóres a fácie Dei.

Et justi epuléntur, et exsúltent in conspéctu Dei: * et delecténtur in lætítia.

Cantáte Deo, psalmum dícite nómini ejus: * iter fácite ei, qui ascéndit super occásus: Dóminus nomen illi.

Exsultáte in conspéctu ejus: * turbabúntur a fácie ejus, patris orphanórum, et júdicis viduárum.

Deus in loco sancto suo: * Deus qui inhabitáre facit unius moris in domo:

Qui edúcit vinctos in fortitúdine: * similiter eos qui exásperant, qui hábitant in sepúlchris.

Deus, cum egredereris in conspéctu pópuli tui, * cum pertransíres in desérto:

Terra mota est, étenim cœli distillavérunt a fácie Dei Sínai, * a fácie Dei Israél.

Plúviam voluntáriam segregábis Deus hæreditáti tuæ: * et infirmáta est, tu vero perfecísti eam.

Animália tua habitábunt in ea: * parásti in dulcédine tua paúperi Deus.

Dóminus dabit verbum evangelizántibus, * virtúte multa.

Rex virtútum dilécti dilécti: * et speciéi domus dividere spólia.

Si dormiátis inter médios cleros,
pennæ colúmbæ deargentatæ, * et
posterióra dorsi ejus in pallóre
auri.

Dum discérnit cœléstis reges
super eam, nive dealbabúntur in
Selmon: * mons Dei, mons pinguis.

Mons coagulátus, mons pinguis:
* ut quid suspicámini montes coa-
gulátos?

Mons, in quo beneplácitum est
Deo habitáre in eo: * étenim Dó-
minus habitábit in finem.

Currus Dei decem míllibus múl-
tiplex, míllia lætántium: * Dómi-
nus in eis in Sina in sancto.

Ascendísti in altum, cepísti ca-
ptivitátem: * accepísti dona in ho-
mínibus:

Etenim non credéntes, * inhabi-
táre Dóminum Deum.

Benedíctus Dóminus die quoti-
die: * prósperum iter fáciat nobis
Deus salutárium nostrórum.

Deus noster, Deus salvos fa-
ciéndi: * et Dómini Dómini éxitus
mortis.

Verúmtamen Deus confrínget
cápita inimicórum suórum: * vér-
ticem capilli perambulántium in
delíctis suis.

Dixit Dñs: Ex Basan convértam,
* convértam in profúndum maris:

Ut intingátur pes tuus in sánguine:
* lingua canum tuórum inimí-
cis, ab ipso.

Vidérunt ingræssus tuos Deus, *
ingræssus Dei mei: Regis mei qui
est in sancto.

Prævenérunt príncipes conjúcti
psalléntibus, * in médio juvenculá-
rum tympanistriárum.

In ecclésiis benedicite Deo Dó-
mino, * de fóntibus Israël.

Ibi Bénjamin adolescéntulus, *
in mentis excéssu.

Príncipes Juda, duces eórum: *
príncipes Zábulon, príncipes Néph-
tali.

Manda Deus virtúti tuæ: * con-
firma hoc Deus, quod operátus es
in nobis.

A templo tuo in Jerúsalem, * tibi
ófferent reges múnera.

Increpa feras arúndinis, congre-
gátio taurórum in vaccis populó-
rum: * ut exclúdant eos, qui pro-
báti sunt argénto.

Díssipa Gentes, quæ bella volunt:
vénient legáti ex Ægýpto: * Æthi-
opia præveniet manus ejus Deo.

Regna terræ, cantáte Deo: * psál-
lite Dómino.

Psállite Deo, qui ascéndit super
cœlum cœli, * ad Oriéntem.

Ecce dabit voci suæ vocem vir-
tútis, date glóriam Deo super Is-
raël, * magnificéntia ejus, et virtus
ejus in núbibus.

Mirábilis Deus in sanctis suis,
Deus Israël ipse dabit virtútem, et
fortitúdinem plebi suæ, * benedí-
ctus Deus.

Ant. Benedícite Gentes Deum
nostrum.

Per Annum. V. Deus vitam me-
am annuntiávi tibi. R. Posuísti
lácrimas meas in conspéctu tuo.

In Adventu. V. Egrediétur Dó-
minus de loco sancto suo. R. Vé-
niet ut salvet pópulum suum.

Pro uno Mart. V. Magna est
glória ejus in salutári tuo. R. Gló-
riam et magnum decórem impo-
nes super eum.

Pro plur. Mart. V. Justi autem
in perpétuum vivent. R. Et apud
Dóminum est merces eórum.

Pro Conf. Pont. V. Tu es sacerdōs in ætérnum. R. Secúndum órđinem Melchisedech.

Pro Confess. non Pontif. V. Lex Dei ejus in corde ipsíus. R. Et non supplantabúntur gressus ejus.

Pro una Sancta. V. Elégit eam Deus, et præelégit eam. R. In tabernáculo suo habitáre facit eam.

Ad Laudes.

Ant. Amplius lava me * Dómine ab injustítia mea.

Ps. Miserére. 50.

Ant. Te decet.

Psalmus 64.

Te decet hymnus Deus in Sion: * et tibi reddétur votum in Jerúsalem.

Exaúdi oratióem meam: * ad te omnis caro véniet.

Verba iniquórum prævaluérunt super nos: * et impietátibus nostris tu propitiáberis.

Beátus, quem elegísti, et assumpsísti: * inhabitábit in átriis tuis.

Replébimur in bonis domus tuæ: * sanctum est templum tuum, mirábile in æquitáte.

Exaúdi nos Deus salutáris noster, * spes ómnium finium terræ, et in mari longe.

Præparans montes in virtúte tua, accíntus poténtia: * qui contúrbas profúndum maris sonum flúctuum ejus.

Turbabúntur Gentes, et timébunt qui hábitant términos a signis tuis: * éxitus matutíni, et vespere delectábis.

Visitásti terram, et inebriásti eam: * multiplicásti locupletáre eam.

Flumen Dei replétum est aquis, parásti cibum illórum: * quóniam ita est præparátio ejus.

Rivos ejus inébria, multiplica genímina ejus: * in stillicídiis ejus lætábitur gérminans.

Benedíces corónæ anni benignitátis tuæ: * et campi tui replebúntur ubertáte.

Pinguéscent speciósa desérti: * et exsultatióne colles accingéntur.

Indúti sunt arietes óvium, et valles abundábunt fruménto: * clamábunt, étenim hymnum dicent.

Ant. Te decet hymnus Deus in Sion.

Ant. Lábia mea * laudábunt te in vita mea, Deus meus.

Ps. Deus Deus meus. 16.

Ant. Dóminus judicábit.

Canticum Annæ. I. Reg. 2.

Exsultávit cor meum in Dómino, * et exaltátum est cornu meum in Deo meo.

Dilatátum est os meum super inimícos meos: * quia lætáta sum in salutári tuo.

Non est sanctus, ut est Dóminus: neque enim est álius extra te, * et non est fortis sicut Deus noster.

Nolíte multiplicáre loqui sublíma, * gloriántes:

Recédant vétera de ore vestro: quia Deus scientiárum, Dóminus est, * et ipsi præparántur cogitatióes.

Arcus fórtium superátus est, * et infirmi accínti sunt róbore.

Repléti prius, pro pánibus se locavérunt: * et famélici saturáti sunt.

Donec stérilis péperit plúrimos:

* et quæ multoīs habébat filios, infirmáta est.

Dóminus mortificat et vivificat, * dedúcit ad inferos et redúcit.

Dóminus paúperem facit et ditat, * humiliat et súblevat.

Súscitat de púlvere egénium, * et de stércore élevat paúperem:

Ut sédeat cum princípibus, * et sólium glóriæ téneat.

Dómini enim sunt cárdines terræ, * et pósuit super cos orbem.

Pedes sanctórum suórum servábit, et impíi in ténebris conticéscunt: * quia non in fortitúdine sua roborábitur vir.

Dóminum formidábunt adversárii ejus: * et super ipsos in coelis tonábit:

Dóminus judicábit fines terræ, et dabit impérium regi suo, * et sublimábit cornu Christi sui.

Ant. Dóminus judicábit fines terræ.

Ant. Coeli coelórum * laudáte Deum.

Ps. Laudáte Dñm de coelis. 17.

Capitulum. Rom. 13. d.

Nox præcéssit, dies autem appropinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus.

Nox, et tenébræ, et núbila,
Confúsa mundi et túrbida:
Lux intrat, albéscit polus:
Christus venit: discédite.

Caligo terræ scínditur
Percússa solis spículo,
Rebúsque jam color redit,
Vultu niténtis síderis.

Te Christe solum nóvimus:

Te mente pura et simplici,
Flendo et canéndo quæsumus,
Inténde nostris sénsibus.

Sunt multa fucis illita,
Quæ luce purgéntur tua:
Tu vera lux coeléstium
Vultu seréno illúmina.

Deo Patri sit glória,
Ejúsque soli Fílio,
Cum Spiritu Paráclito,
Nunc et per omne sæculum.
Amen.

℣. Repléti sumus mane misericórdia tua. ℞. Exsultávimus, et delectáti sumus.

Ad Bened. Ant. De manu ómnium * qui odérunt nos, libera nos Dómine.

Preces quando dicuntur, habentur supra in Feria II. 52.

Feria quinta ad Matutinum.

Invit. Dóminum qui fecit nos, * Veníte adorémus.

Ps. Veníte, exsultémus. 2.

Hymnus.

Nox atra rerum cótegit
Terræ colóres ómnium:
Nos confiténtes póscimus
Te, juste iudex córdium:
Ut aúferas piácula,
Sordésque mentis ábluas:
Donésque Christe grátiam,
Ut arceántur crímina.

Mens ecce torpet impia,
Quam culpa mordet nóxia:
Obscúra gestit tóllere,
Et te Redémptor quærere.

Repélle tu caliginem
Intrínsecus quam máxime,
Ut in beáto gaúdeat
Se collocári lúmine.

Præsta, Pater piissime,
 Patrique compar Unice,
 Cum Spíritu Paráclito
 Regnans per omne sæculum.
 Amen.

Ant. Dómine Deus.

Psalmus 68.

Salvum me fac Deus: * quóni-
 am intravérunt aquæ usque
 ad ánimam meam.

Infixus sum in limo profúndi: *
 et non est substántia.

Veni in altitúdinem maris: * et
 tempésta demérsit me.

Laborávi clamans, raucæ factæ
 sunt fauces meæ: * defecérunt
 óculi mei, dum spero in Deum
 meum.

Multiplicáti sunt super capíllos
 cápitis mei, * qui odérunt me gratis.

Confortáti sunt qui persecúti
 sunt me inimíci mei injúste: * quæ
 non rápui, tunc exsolvébam.

Deus tu scis insipiéntiam me-
 am: * et delicta mea a te non
 sunt abscondita.

Non erubéscant in me qui ex-
 spéctant te Dómine, * Dómine
 virtútum.

Non confundántur super me *
 qui quærunt te, Deus Israël.

Quóniam propter te sustínui
 oppróbrium: * opéruit confúsió
 faciém meam.

Extráneus factus sum frátribus
 meis, * et peregrínus filiis matris
 meæ.

Quóniam zelus domus tuæ com-
 édít me: * et oppróbria expro-
 brántium tibi, cecidérunt super me.

Et opéruí in jejúnio ánimam me-
 am: * et factum est in oppróbri-
 um mihi.

Et pósui vestiméntum meum

cilícium: * et factus sum illis in
 parábolam.

Advérsus me loquebántur, qui
 sedébant in porta: * et in me psal-
 lébant qui bibébant vinum.

Ego vero oratióem meam ad
 te Dómine: * tempus benepláciti
 Deus.

In multitúdine misericórdiæ tuæ
 exaúdi me: * in veritáte salútis
 tuæ:

Eripe me de luto, ut non infi-
 gar: * libera me ab iis, qui odé-
 runt me, et de profúndis aquárum.

Non me demérgat tempésta
 aquæ, neque absórbeat me pro-
 fúndum: * neque úrgeat super me
 púteus os suum.

Exaúdi me Dómine, quóniam
 benígna est misericórdia tua: *
 secúndum multitúdinem misérati-
 ónum tuárum réspice in me.

Et ne avértas faciém tuam a
 púero tuo: * quóniam tribulor, ve-
 lóciter exaúdi me.

Inténde ánimæ meæ, et libera
 eam: * propter inimícos meos
 éripe me.

Tu scis impropérium meum, et
 confusióem meam, * et reverén-
 tiam meam.

In conspéctu tuo sunt omnes
 qui tríbulant me, * impropérium
 expectávit cor meum, et misé-
 riam.

Et sustínui qui simul contrista-
 rétur, et non fuit: * et qui conso-
 larétur, et non invéni.

Et dedérunt in escam meam
 fel: * et in siti mea potavérunt
 me acéto.

Fiat mensa eórum coram ipsis
 in láqueum, * et in retributiónes,
 et in scándalum.

Obscuréntur óculi eórum ne vídeant: * et dorsum eórum semper incúrva.

Effúnde super eos iram tuam: * et furor iræ tuæ comprehéndat eos.

Fiat habitátio eórum desérta: * et in tabernáculis eórum non sit qui inhábitet.

Quóniam quem tu percussísti, persecúti sunt: * et super dolórem vúlnerum meórum addidérunt.

Appóne iniquitátem super iniquitátem eórum: * et non intrent in justítiam tuam.

Deleántur de libro vivéntium: * et cum justis non scribántur.

Ego sum pauper et dolens: * salus tua Deus suscepit me.

Laudábo nomen Dei cum cántico: * et magnificábo eum in laude:

Et placébit Deo super vítulum novéllum: * córnua producéntem et úngulas.

Vídeant paúperes et læténtur: * quærite Deum, et vivet ánima vestra.

Quóniam exaudivit paúperes Dóminus: * et vinctos suos non despéxit.

Laudent illum coeli et terra, * mare, et ómnia reptília in eis.

Quóniam Deus salvam faciet Sion: * et ædificabúntur civitátes Juda.

Et inhabitábunt ibi, * et hæreditáte acquirént eam.

Et semen servórum ejus possidébit eam, * et qui díligunt nomen ejus, habitábunt in ea.

Psalmus 69.

Deus in adjutórium meum inténde: * Dómine ad adjuvándum me festína.

Confundántur et revearéantur, * qui quærunť ánimam meam.

Avertántur retrórsum, et erubescant, * qui volunt mihi mala.

Avertántur statim erubescéntes, * qui dicunt mihi: Euge, euge.

Exsúltent et læténtur in te omnes qui quærunť te, * et dicant semper: Magnificétur Dóminus: qui díligunt salutáre tuum.

Ego vero egénus, et pauper sum: * Deus ádjuva me.

Adjútor meus, et liberátor meus es tu: * Dómine ne moréris.

Ant. Dómine Deus in adjutóri-um meum inténde.

Ant. Esto mihi.

Psalmus 70.

In te Dómine sperávi, non confúndar in ætérnum: * in justítia tua líbera me, et éripe me.

Inclína ad me aurem tuam, * et salva me.

Esto mihi in Deum protectórem, et in locum munítum: * ut salvum me fácias,

Quóniam firmaméntum meum, * et refúgium meum es tu.

Deus meus éripe me de manu peccatóris, * et de manu contra legem agéntis et iníqui:

Quóniam tu es patiéntia mea Dómine: * Dómine spes mea a juventúte mea.

In te confirmátus sum ex útero: * de ventre matris meæ tu es protectór meus.

In te cantátio mea semper: * tamquam prodígium factus sum multis: et tu adjútor fortis.

Repleátur os meum laude, ut cantem glóriam tuam: * tota die magnitúdinem tuam.

Ne projicias me in témpore se-
nectútis: * cum defécerit virtus
mea, ne derelínquas me.

Quia dixérunt inimíci mei mihi:
* et qui custodiébant ánimam me-
am, consílium fecérunt in unum.

Dicéntes: Deus derelíquit eum,
persequímmini, et comprehéndite
eum: * quia non est qui erípiat.

Deus ne elongéris a me: * Deus
meus in auxílium meum réspice.

Confundántur, et deficiant detra-
héntes ánimæ meæ; * operiántur
confusióne, et pudóre qui quærun-
t mala mihi.

Ego autem semper sperábo: * et
adjiciam super omnem laudem
tuam.

Os meum annuntiábit justítiam
tuam: * tota die salutáre tuum.

Quóniam non cognóvi litteratú-
ram, introíbo in poténtias Dómini:
* Dómine memorábor justítiæ tuæ
solíus.

Deus docuísti me a juventúte
mea; * et usque nunc pronuntiábo
mirábília tua.

Et usque in senéctam et sénium:
* Deus ne derelínquas me.

Donec annúntiem bráchium tu-
um * generatióni omni, quæ ven-
túra est:

Poténtiam tuam, et justítiam tu-
am Deus usque in altíssima, quæ
fecísti magnália: * Deus quis sími-
lis tibi?

Quantas ostendísti mihi tribula-
tiónes multas et malas: et convér-
sus vivificásti me: * et de abyssis
terræ íterum reduxísti me:

Multiplicásti magnificéntiam tu-
am: * et convérsus consolátus es
me.

Nam et ego confitébor tibi in

vasis psalmi veritátem tuam: *
Deus psallam tibi in cíthara, san-
ctus Israël.

Exsultábunt lábia mea cum can-
távero tibi: * et ánima mea, quam
redemísti.

Sed et lingua mea tota die me-
ditábitur justítiam tuam: * cum
confúsi et revériti fúerint, qui quæ-
runt mala mihi.

Psalmus 71.

Deus judícium tuum regi da: *
et justítiam tuam filio regis:

Judicáre pópulum tuum in ju-
stítia, * et paúperes tuos in judício.

Suscípiant montes pacem pó-
pulo: * et colles justítiam.

Judicábit paúperes pópuli, et
salvos faciet filios paúperum: * et
humiliábit calumniatórem.

Et permanébit cum sole, et ante
lunam, * in generatióne et genera-
tióne.

Descéndet sicut plúvia in vellus:
* et sicut stillicidia stillántia super
terram.

Oriétur in diébus ejus justítia, et
abundántia pacis: * donec auferá-
tur luna.

Et dominábitur a mari usque ad
mare: * et a flúmine usque ad tér-
minos orbis terrárum.

Coram illo prócident Æthío-
pes: * et inimíci ejus terram lin-
gent.

Reges Tharsis, et ínsulæ múnera
ófferent: * reges Arabum et Saba
dona addúcent:

Et adorábunt eum omnes reges
terræ: * omnes Gentes sérvient ei:

Quia liberábit paúperem a pó-
tente: * et paúperem, cui non erat
adjútor.

Parcet paúperi et ínopi: * et ánimas paúperum salvas fáciat.

Ex usúris et iniquitáte rédimet ánimas eórum: * et honorábile nomen eórum coram illo.

Et vivet, et dábitur ei de auro Arábiæ, et adorábunt de ipso semper: * tota die benedícent ei.

Et erit firmaméntum in terra in summis móntium, superextollétur super Líbanum fructus ejus: * et florébunt de civitáte sicut fœnum terræ.

Sit nomen ejus benedíctum in sæcula: * ante solem pérmanet nomen ejus.

Et benedícentur in ipso omnes tribus terræ: * omnes Gentes magnificábunt eum.

Benedíctus Dóminus Deus Israël, * qui facit mirabília solus:

Et benedíctum nomen majestátis ejus in ætérnum: * et replébitur majestáte ejus omnis terra: fiat, fiat.

Ant. Esto mihi Dómine in Deum protectórem.

Ant. Liberásti virgam.

Psalmus 72.

Quam bonus Israël Deus * his, qui recto sunt corde!

Mei autem pene moti sunt pedes: * pene effúsi sunt gressus mei.

Quia zelávi super iníquos, * pacem peccatórum videns.

Quia non est respéctus mortis eórum: * et firmaméntum in plaga eórum.

In labóre hóminum non sunt, * et cum homínibus non flagellabúntur:

Ideo ténuite eos supérbia, * opérti sunt iniquitáte et impietáte sua.

Pródiit quasi ex ádipe iníquitas eórum: * transiérunt in afféctum cordis.

Cogitavérunt, et locúti sunt nequítiam: * iniquitátem in excélso locúti sunt.

Posuérunt in cœlum os suum: * et lingua eórum transívit in terra.

Ideo convertétur pópulus meus hic: * et dies pleni inveniéntur in eis.

Et dixerunt: Quómodo scit Deus, * et si est sciéntia in excélso?

Ecce ipsi peccatóres, et abundantes in sæculo, * obtinuérunt divítias.

Et dixi: Ergo sine causa justificávi cor meum, * et lavi inter innocéntes manus meas:

Et fui flagellátus tota die, * et castigatio mea in matutínis.

Si dicébam: Narrábo sic: * ecce nationem filiórum tuórum reprobávi.

Existimábam ut cognóscerem hoc, * labor est ante me:

Donec intrem in Sanctuárium Dei: * et intélligam in novíssimis eórum.

Verúmtamen propter dolos posuísti eis: * dejecísti eos dum allevaréntur.

Quómodo facti sunt in desolationem, súbito defecérunt: * periérunt propter iniquitátem suam.

Velut sómnum surgéntium Dómine, * in civitáte tua imáginem ipsórum ad níhilum rédiges.

Quia inflammátum est cor meum, et renes mei commutáti sunt: * et ego ad níhilum redáctus sum, et nescívi.

Ut juméntum factus sum apud te: * et ego semper tecum.

Tenuísti manum dēxteram meam: et in voluntáte tua deduxísti me, * et cum glória suscepísti me.

Quid enim mihi est in cœlo? * et a te quid vólui super terram?

Defécit caro mea, et cor meum: * Deus cordis mei, et pars mea Deus in ætérnum.

Quia ecce, qui elóngant se a te, peribunt: * perdidísti omnes, qui fornicántur abs te.

Mihi autem adhærere Deo bonum est: * pónere in Dómino Deo spem meam:

Ut annúntiem omnes prædicationes tuas, * in portis filiaë Sion.

Psalmus 73.

Ut quid Deus repulísti in finem: * irátus est furor tuus super oves páscuæ tuæ?

Memor esto congregatiónis tuæ, * quam possedísti ab inítió.

Redemísti virgam hæreditátis tuæ: * mons Sion, in quo habitásti in eo.

Leva manus tuas in superbias eórum in finem: * quanta malignátus est inimicus in sancto!

Et gloriáti sunt qui odérunt te: * in médio solemnitátis tuæ.

Posuérunt signa sua, signa: * et non cognovérunt sicut in éxitu super summum.

Quasi in silva lignórum secúribus excidérunt jánuas ejus in idípsum: * in secúri et áscia dejecérunt eam.

Incendérunt igni sanctuárium tuum: * in terra polluérunt tabernáculum nóminis tui.

Dixerunt in corde suo cognatio eórum simul: * Quiéscere faciámus omnes dies festos Dei a terra.

Signa nostra non vídimus, jam

non est prophéta: * et nos non cognóscet ámplius.

Usquequo Deus impropérabit inimicus: * irritat adversáriu nomen tuum in finem?

Ut quid avértis manum tuam, et dēxteram tuam, * de médio sinu tuo in finem?

Deus autem Rex noster ante sæcula: * operátus est salútem in médio terræ.

Tu confirmásti in virtúte tua mare: * contribulásti cápita draconum in aquis.

Tu confregisti cápita draconis: * dedísti eum escam pópulis Æthiopum.

Tu dirupísti fontes, et torréntes: * tu siccásti flúvios Ethan.

Tuus est dies, et tua est nox: * tu fabricátus es auróram et solem.

Tu fecísti omnes términos terræ: * æstátem et ver tu plasmásti ea.

Memor esto hujus, inimicus impropéravit Dómino: * et pópulus insípiens incitávit nomen tuum.

Ne tradas béstiis ánimas confiténtes tibi, * et ánimas paúperum tuórum ne obliviscáris in finem.

Réspice in testaméntum tuum: * quia repléti sunt, qui obscuráti sunt terræ dómibus iniquitátum.

Ne avertátur húmilis factus confúsus: * pauper et inops laudábunt nomen tuum.

Exsúrge Deus, júdica causam tuam: * memor esto impropériórum tuórum, eórum quæ ab insípiéte sunt tota die.

Ne obliviscáris vocés inimicórum tuórum: * superbia eórum, qui te odérunt, ascéndit semper.

Ant. Liberásti virgam hæreditátis tuæ.

Ant. Et invocábimus.

Psalmus 74.

Confitebimur tibi Deus: * confitebimur, et invocábimus nomen tuum.

Narrábimus mirabilia tua: * cum accépero tempus, ego justítias iudicábo.

Liquefacta est terra, et omnes qui hábitant in ea: * ego confirmávi colúmnas ejus.

Dixi iníquis: Nolite iníque ágere: * et delinquentibus: Nolite exaltáre cornu:

Nolite extóllere in altum cornu vestrum: * nolite loqui advérsus Deum iniquitátem.

Quia neque ab Oriénte, neque ab Occidénte, neque a désertis móntibus: * quóniam Deus iudex est.

Hunc humiliat, et hunc exáltat: * quia calix in manu Dómini vini meri plenus misto.

Et inclinávit ex hoc in hoc: verúmtamen fæx ejus non est exinaníta: * bibent omnes peccatóres terræ.

Ego autem annuntiábo in sæculum: * cantábo Deo Jacob.

Et ómnia córnua peccatórum confringam: * et exaltabúntur córnua iusti.

Psalmus 75.

Notus in Judæa Deus: * in Israël magnum nomen ejus.

Et factus est in pace locus ejus: * et habitatio ejus in Sion.

Ibi confrégit poténtias árcuum, * scutum, gládium, et bellum.

Illúminans tu mirábiliter a móntibus ætéris: * turbáti sunt omnes insipientes corde.

Dormiérunt somnum suum: * et

nihil invenérunt omnes viri divitiárum in mánibus suis.

Ab increpatione tua Deus Jacob * dormitavérunt qui ascendérunt equos.

Tu terribilis es, et quis résistet tibi? * ex tunc ira tua.

De cœlo audítum fecísti iudícium: * terra trémuit et quiévit.

Cum exsúrgeret in iudícium Deus, * ut salvos fáceret omnes mansuétos terræ.

Quóniam cogitatio hóminis confitébitur tibi: * et reliquiæ cogitationis diem festum agent tibi.

Vovéte, et réddite Dómino Deo vestro: * omnes qui in circúitu ejus affértis múnera.

Terribili et ei qui aufert spíritum príncipum, * terribili apud reges terræ.

Ant. Et invocábimus nomen tuum Dómine.

Ant. Tu es Deus.

Psalmus 76.

Voce mea ad Dóminum clamávi: * voce mea ad Deum, et inténdit mihi.

In die tribulationis meæ Deum exquisívi, mánibus meis nocte contra eum: * et non sum decéptus.

Rénuit consolári ánima mea: * memor fui Dei, et delectátus sum, et exercitátus sum: et defécit spíritus meus.

Anticipavérunt vigílias óculi mei: * turbátus sum, et non sum locútus.

Cogitávi dies antiquos: * et annos ætéris in mente hábui.

Et meditátus sum nocte cum corde meo, * et exercitábar, et scopébam spíritum meum.

Numquid in ætérnum projiciet

Deus: * aut non appónet ut complacítior sit adhuc?

Aut in finem misericórdiam suam abscíndet, * a generatióne in generatiónem?

Aut obliviscétur miseréri Deus? * aut continébit in ira sua misericórdias suas?

Et dixi: Nunc cœpi: * hæc mutatio dexteræ Excélsi.

Memor fui óperum Dómini: * quia memor ero ab inítio mirábiliū tuórum,

Et meditábor in ómnibus opéribus tuis: * et in adinventiōibus tuis exercébor.

Deus in sancto via tua: quis Deus magnus sicut Deus noster? * tu es Deus qui facis mirabilia.

Notam fecísti in pópulis virtutem tuam: * redemísti in bráchio tuo pópulum tuum, filios Jacob, et Joseph.

Vidérunt te aquæ Deus, vidérunt te aquæ: * et timuérunt, et turbátæ sunt abyssi.

Multitúdo sónitus aquárum: * vocem dedérunt nubes.

Etenim sagittæ tuæ tránseunt: * vox tonítrui tui in rota.

Illuxérunt coruscationes tuæ orbi terræ: * commóta est, et contrémuit terra.

In mari via tua, et sémitæ tuæ in aquis multis: * et vestigia tua non cognoscéntur.

Deduxísti sicut oves pópulum tuum, * in manu Móysi et Aaron.

Psalmus 77.

Atténdite pópule meus legem meam: * inclináte aurem vestram in verba oris mei.

Apériam in parábolis os meum: * loquar propositiones ab inítio.

Quanta audívimus et cognóvimus ea: * et pátres nostri narravérunt nobis.

Non sunt occultáta a filiis eórum, * in generatióne áltera.

Narrántes laudes Dómini, et virtútes ejus, * et mirabilia ejus, quæ fecit.

Et suscitávit testimónium in Jacob: * et legem pósuit in Israëli.

Quanta mandávit pátribus nostris nota fácere ea filiis suis: * ut cognóscat generatio áltera.

Filii qui nascéntur, et exsúrgent, * et narrábunt filiis suis,

Ut ponant in Deo spem suam, et non obliviscántur óperum Dei: * et mandáta ejus exquirant.

Ne fiant sicut patres eórum: * generatio prava et exásperans.

Generatio, quæ non diréxit cor suum: * et non est créditus cum Deo spíritus ejus.

Filii Ephrem intendéntes et mitténtes arcum: * convérsi sunt in die belli.

Non custodiérunt testaméntum Dei: * et in lege ejus noluérunt ambuláre.

Et oblíti sunt benefactórum ejus, * et mirábiliū ejus quæ osténdit eis.

Coram pátribus eórum fecit mirabilia in terra Ægýpti, * in campo Táneos.

Interrúpit mare, et perdúxit eos: * et státuit aquas quasi in utre.

Et dedúxit eos in nube diéi: * et tota nocte in illuminatióne ignis.

Interrúpit petram in erémo: * et adaquávit eos velut in abyssomulta.

Et edúxit aquam de petra: * et dedúxit tamquam flúmina aquas.

Et apposuérunt adhuc peccáre ei: * in iram excitavérunt Excélsum in inaquóso.

Et tentavérunt Deum in córdibus suis, * ut péterent escas animábus suis.

Et male locúti sunt de Deo: * dixerunt: Numquid póterit Deus paráre mensam in desérto?

Quóniam percússit petram, et fluxérunt aquæ, * et torréntes inundavérunt.

Numquid et panem póterit dare, * aut paráre mensam pópulo suo?

Ideo audívit Dóminus, et dístulit: * et ignis accénsus est in Jacob, et ira ascéndit in Israël:

Quia non credidérunt in Deo, * nec speravérunt in salutári ejus:

Et mandávit núbibus désuper, * et jánuas cœli apérui.

Et pluit illis manna ad manducándum, * et panem cœli dedit eis.

Panem Angelórum manducávit homo: * cibária misit eis in abundántia.

Tránstulit Austrum de cœlo: * et indúxit in virtúte sua Africum.

Et pluit super eos sicut púlverem carnes: * et sicut arénam maris volatília pennáta.

Et cecidérunt in médio castrórum eórum: * circa tabernácula eórum.

Et manducavérunt, et saturáti sunt nimis, et desidérium eórum áttulit eis: * non sunt fraudáti a desidério suo.

Adhuc escæ eórum erant in ore ipsórum: * et ira Dei ascéndit super eos.

Et occídit pingues eórum, * et eléctos Israël impedívit.

In ómnibus his peccavérunt ad-

huc: * et non credidérunt in mirabílibus ejus.

Et defecérunt in vanitáte dies eórum: * et anni eórum cum festinatóne.

Cum occíderet eos, quærébant eum: * et revertebántur, et dilúculo veniébant ad eum.

Et rememoráti sunt quia Deus adjútor est eórum: * et Deus excélsus redémtor eórum est.

Et dilexérunt eum in ore suo, * et lingua sua mentíti sunt ei:

Cor autem eórum non erat rectum cum eo: * nec fidéles hábiti sunt in testaménto ejus.

Ipse autem est miséricors, et propítius fiet peccátis eórum: * et non dispédet eos.

Et abundávit ut avérteret iram suam: * et non accéndit omnem iram suam:

Et recordátus est quia caro sunt: * spíritus vadens, et non rédiens.

Quóties exacerbavérunt eum in desérto, * in iram concitavérunt eum in inaquóso?

Et convérsi sunt, et tentavérunt Deum: * et sanctum Israël exacerbavérunt.

Non sunt recordáti manus ejus, * die qua redémit eos de manu tribulántis,

Sicut pósuit in Ægýpto signa sua, * et prodígia sua in campo Táneos.

Et convértit in ságuinem flúmina eórum, * et imbres eórum, ne bíberent.

Misit in eos cœnomyíam, et comédit eos: * et ranam, et dispédidit eos.

Et dedit ærúgini fructus eórum, * et labóres eórum locústæ.

Et occídit in grándine véneas eórum, * et moros eórum in pruína.

Et trádidit grándini juménta eórum: * et possessionem eórum igni.

Misit in eos iram indignatiónis suæ: * indignatióem, et iram, et tribulatióem: immissiões per ángelos malos.

Viam fecit sémitæ iræ suæ, non pepércit a morte animábus eórum, * et juménta eórum in morte conclúsit.

Et percússit omne primogénitum in terra Ægýpti: * primitias omnis labóris eórum in tabernáculis Cham.

Et ábstulit sicut oves pópulum suum: * et perdúxit eos tamquam gregem in desérto.

Et dedúxit eos in spe, et non timuérun: * et inimícos eórum opéruit mare.

Et indúxit eos in montem sanctificatiónis suæ, * montem, quem acquisívit dextera ejus.

Et ejécit a fácie eórum Gentes: * et sorte divisit eis terram in fúniculo distributiónis.

Et habitáre fecit in tabernáculis eórum * tribus Israél.

Et tentavérunt, et exacerbavérunt Deum excélsum: * et testimoniá ejus non custodiérunt.

Et avertérunt se, et non servavérunt pactum * quemádmódum patres eórum, convérsi sunt in arcum pravum.

In iram concitavérunt eum in cóllibus suis: * et in sculptilibus suis ad æmulatióem eum provocavérunt.

Audívit Deus, et sprexit: * et ad níhilum redégit valde Israél.

Et répulit tabernáculum Silo, *

tabernáculum suum, ubi hábitávit in homínibus.

Et trádidit in captivitátem virtutem eórum: * et pulchritúdinem eórum in manus inimíci.

Et conclúsit in gládio pópulum suū: * et hæreditátem suam sprexit.

Júvenes eórum comédit ignis: * et vírgines eórum non sunt lamentátæ.

Sacerdótes eórum in gládio cecidérunt: * et víduæ eórum non plorabántur.

Et excitátus est tamquam dórmienti Dóminus, * tamquam potens crapulátus a vino.

Et percússit inimícos suos in posterióra: * oppróbrium sempitérnum dedit illis.

Et répulit tabernáculum Joseph: * et tribum Ephraím non elégit:

Sed elégit tribum Juda, * montem Sion quem diléxit.

Et ædificávit sicut unicórnium sanctificiū suum in terra, * quam fundávit in sæcula.

Et elégit David servum suum, et sústulit eum de grégibus óvium: * de post foetántes accépit eum,

Páscere Jacob servum suum, * et Israél hæreditátem suam:

Et pavit eos in innocéntia cordis sui: * et in intelléctibus mánuum suárum dedúxit eos.

Ant. Tu es Deus, qui facis mirabilia.

Ant. Propítius esto.

Psalms 78.

Deus venérunt Gentes in hæreditátem tuam, polluérun templum sanctum tuum: * posuérun Jerúsalem in pomórum custódiam.

Posuérun morticína servórum tuórum, escas volatílibus cœli: *

carnes sanctórum tuórum béstiis terræ.

Effudérunt ságuinem eórum tamquam aquam in circúitu Jerúsalem: * et non erat qui sepelíret.

Facti sumus oppróbrium vicinis nostris: * subsannátio et illú-sio his, qui in circúitu nostro sunt.

Usquequo Dómine irascéris in finem: * accendétur velut ignis zelus tuus?

Effúnde iram tuam in Gentes, quæ te non novérunt: * et in regna, quæ nomen tuum non invocavérunt:

Quia comedérunt Jacob: * et locum ejus desolavérunt.

Ne memíneris iniquitátum nostrárum antiquárum, cito anticipent nos misericórdiæ tuæ: * quia paúperes facti sumus nimis.

Adjuva nos Deus salutáris noster: et propter glóriam nóminis tui Dómine libera nos: * et propítius esto peccátis nostris, propter nomen tuum:

Ne forte dicant in Géntibus: Ubi est Deus eórum? * et innotéscat in natióibus coram óculis nostris.

Ultio ságuinis servórum tuórum, qui effúsus est: * intróëat in conspéctu tuo gémitus compeditórum.

Secúndū magnitúdinem bráchii tui, * pósside filios mortificatórum.

Et redde vicinis nostris séptuplum in sinu eórum: * impropérium ipsórum, quod exprobravérunt tibi Dómine.

Nos autem pópulus tuus, et oves páscuæ tuæ, * confitébimur tibi in sæculum.

In generatióem et generatióem * añuntiábitur laudem tuam.

Psalmus 79.

Qui regis Israël, inténde: * qui dedúcis velut ovem Joseph.

Qui sedes super Chérubim, * manifestáre coram Ephraïm, Bénjamin et Manásse.

Excita poténtiam tuam, et veni, * ut salvos fácias nos.

Deus convérte nos: * et osténde faciém tuam, et salvi érimus.

Dómine Deus virtútum, * quousque irascéris super oratióem servi tui?

Cibábis nos pane lacrimárum: * et potum dabis nobis in lácrimis in mensúra?

Posuísti nos in contradictiόem vicinis nostris: * et inimici nostri subsannavérunt nos.

Deus virtútum convérte nos: * et osténde faciém tuam, et salvi érimus.

Víneam de Ægýpto transtulísti: * ejecísti Gentes, et plantásti eam.

Dux itíneris fuísti in conspéctu ejus: * plantásti radices ejus, et implévit terram.

Opéruit montes umbra ejus: * et arbústa ejus cedros Dei.

Exténdit pálmities suos usque ad mare: * et usque ad flumen propágines ejus.

Ut quid destruxísti macériam ejus: * et vindémiant eam omnes, qui prætergrediúntur viam?

Exterminávit eam aper de silva: * et singuláris feras depástus est eam.

Deus virtútum convértere: * respice de cœlo, et vide, et vísitá víneam istam.

Et pérfice eam, quam plantávit dextera tua: * et super filium hóminis, quem confirmásti tibi.

Incénsa igni, et suffóssa * ab increpatione vultus tui peribunt.

Fiat manus tua super virum dexteræ tuæ: * et super filium hominis, quem confirmasti tibi.

Et non discédimus a te, vivificabis nos: * et nomen tuum invocábitur.

Dómine Deus virtútum, convérte nos: * et osténde faciém tuam, et salvi érimus.

Ant. Propítius esto peccátis nostris Dómine.

Per Annum. V. Gaudébunt lábia mea, cum cantávero tibi. R. Et ánima mea quam redemísti.

In Adventu. V. Ex Sion spécies decóris ejus. R. Deus noster manifesté véniet.

Pro uno Mart. V. Glória et honóre coronásti eum Dómine. R. Et constituísti eum super ópera mánuum tuárum.

Pro plur. Mart. V. Lætámini in Dómino, et exsultáte justí. R. Et gloriámini omnes recti corde.

Pro Conf. Pont. et non Pont. V. Amávit eum Dóminus, et ornávit eum. R. Stolum glóriæ induit eum.

Pro una Sancta. V. Spécie tua et pulchritúdine tua. R. Inténde, próspere procéde, et regna.

Ad Laudes.

Ant. Tibi soli peccávi, * Dómine miserére mei.

Ps. Miserére mei. 50.

Ant. Dómine.

Psalmus 89.

Dómine, refúgium factus es nobis: * a generatióne in generatióne.

Priúsqvam montes fierent, aut formarétur terra et orbis: * a sæculo et usque in sæculū tu es Deus.

Ne avértas hóminem in humilitatem: * et dixísti: Convertimini filii hóminum.

Quóniam mille anni ante óculos tuos, * tamquam dies hestérna, quæ prætérit,

Et custódia in nocte, * quæ pro nihilo habéntur, eórum anni erunt.

Mane sicut herba tránseat, mane flóreat, et tránseat: * vespere decídat, indúret et aréscat.

Quia defécimus in ira tua, * et in furóre tuo turbáti sumus.

Posuísti iniquitátes nostras in conspéctu tuo: * sæculum nostrum in illuminatióne vultus tui.

Quóniam omnes dies nostri defecerunt: * et in ira tua defécimus.

Anni nostri sicut aránea medítantur: * dies annórum nostrórum in ipsis, septuagínta anni.

Si autem in potentátibus, octogínta anni: * et ámplius eórum, labor et dolor.

Quóniam supervénit mansuetúdo: * et corripiémur.

Quis novit potestátem iræ tuæ: * et præ timóre tuo iram tuam dinumeráre?

Déxteram tuam sic notam fac: * et erudítos corde in sapiéntia.

Convértere Dómine úsquequo? * et deprecábilis esto super servos tuos.

Repléti sumus mane misericórdia tua: * et exsultávimus, et delectáti sumus ómnibus diébus nostris.

Lætáti sumus pro diébus, quibus nos humiliásti: * annis, quibus vídimus mala.

Réspice in servos tuos, et in ópera tua: * et dirige filios eórum.

Et sit splendor Dómini Dei nostri super nos, et ópera mánuum nostrárum dirige super nos: * et opus mánuum nostrárum dirige.

Ant. Dómine, refúgium factus es nobis.

Ant. In matutínis * meditábor in te.

Ps. Deus Deus meus. 16.

Ant. Cantémus.

Canticum Moysis. Exod. 15.

Cantémus Dómino: glorióse enim magnificátus est, * equum et ascensórem dejécit in märe.

Fortitúdo mea, et laus mea Dñs, * et factus est mihi in salutem:

Iste Deus meus, et glorificábo eum: * Deus patris mei, et exaltábo eum.

Dóminus quasi vir pugnátor, Omnípotens nomen ejus. * Currus Pharaónis et exercítum ejus procépit in mare.

Elécti príncipes ejus submérsi sunt in Mari rubro: * abyssi operuerunt eos, descendérunt in profúndum quasi lapis.

Déxtera tua Dómine magnificáta est in fortitúdi-ne: déxtera tua Dómine percússit inimícum. * Et in multítudine glóriæ tuæ deposuísti adversários tuos:

Misisti iram tuam, quæ devorávit eos sicut stípulam. * Et in spíritu furóris tui congregátæ sunt aquæ:

Stetit unda fluens, * congregátæ sunt abyssi in médio mari.

Dixit inimícus: Pérsequar et comprehéndam, * dívidam spólia, implebitur ánima mea:

Evaginábo gládium meum, * interficiet eos manus mea.

Flavit spíritus tuus, et opéruit eos mare: * submérsi sunt quasi plumbum in aquis veheméntibus.

Quis símilis tui in fórtibus Dómine? * quis símilis tui, magníficus in sanctitáte, terríbilis atque laudábilis, fáciens mirabília?

Extendísti manum tuam, et devorávit eos terra. * Dux fuísti in misericórdia tua pópulo quem redemísti:

Et portásti eum in fortitúdi-ne tua, * ad habitáculum sanctum tuum.

Ascendérunt pópuli, et irátí sunt: * dolóres obtinuérunt habitatóres Philístiim.

Tunc conturbáti sunt príncipes Edom, robústos Moab obtínuit tremor: * obriguérunt omnes habitatóres Chánaan.

Irruat super eos formído et pavor, * in magnitúdi-ne bráchii tui:

Fiant inmóviles quasi lapis, donec pertránseat pópulus tuus Dómine, * donec pertránseat pópulus tuus iste, quem possedísti.

Introdúces eos, et plantábis in monte hæreditátis tuæ, * firmissimo habitáculo tuo quod operátus es Dómine:

Sanctuárium tuum Dómine, quod firmavérunt manus tuæ. * Dóminus regnábit in ætérnum et ultra.

Ingréssus est enim eques Phárao cum cúrribus et equítibus ejus in mare: * et redúxit super eos Dóminus aquas maris:

Fílii autem Israél ambulavérunt per siccum * in médio ejus.

Ant. Cantémus Dómino glorióse.

Ant. In sanctis ejus * laudáte Deum.

Ps. Laudáte Dóminum. 17.

Capitulum. Rom. 13. d.

Nox præcëssit, dies autem ap-
propinquávit. Abjiciámus er-
go ópera tenebrárum, et induámur
arma lucis. Sicut in die honéste
ambulémus.

Hymnus.

Lux ecce surgit aúrea,
Pallens facëssat cæcitas,
Quæ nosmet in præceps diu
Erróre traxit dévio.

Hæc lux serénium cónferat,
Purósque nos præstet sibi:
Nihil loquámur súbdolum:
Volvámus obscúrum nihil.

Sic tota decúrrat dies,
Ne lingua mendax, ne manus
Oculíve peccent lúbrici,
Ne noxa corpus inquinet.

Speculátor astat désuper,
Qui nos diébus ómnibus,
Actúsque nostros próspicit
A luce prima in vésperum.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæculum.
Amen.

V. Repléti sumus mane miseri-
córdia tua. R. Exsultávimus, et
delectáti sumus.

Ad Bened. Ant. In sanctitáte *
serviámus Dómino, et liberábit
nos ab inimícis nostris.

Preces quando dicuntur, habentur
supra in Feria II. 52.

Feria sexta ad Matutinum.

Invitat. Adorémus Dóminum, *
Quóniam ipse fecit nos.

Ps. Veníte, exsultémus. 2.

Hymnus.

Tu Trinitátis Unitas,
Orbem poténter quæ regis,
Atténde laudis cánticum,
Quod excubántes psállimus.

Nam léctulo consúrgimus
Noctis quiéto témpore,
Ut flagitémus ómnium
A te medélam vúlnerum.

Quo fraude quidquid dáemonum
In nóctibus delíquimus,
Abstérget illud cœlitis
Tuæ potéstas glóriæ.

Ne corpus astet sórdidum,
Nec torpor instet córdium,
Ne criminis contágio
Tepéscat ardor spíritus.

Ob hoc Redémptor, quæsumus,
Reple tuo nos lúmine,
Per quod diérum círculis
Nullis ruámus áctibus.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

Ant. Exsultáte.

Psalmus 80.

Exsultáte Deo adjutóri nostro:
* jubiláte Deo Jacob.
Súmíte psalmum, et date
týmpanum: * psaltérium jucúndum
cum cíthara.

Buccináte in Neoménia tuba, *
in insígni die solemnitátis vestræ.
Quia præcéptum in Israël est: *
et judícium Deo Jacob.

Testimónium in Joseph pósuit
illud, cum exíret de terra Ægýpti: *
linguam, quam non nóverat, audívit.

Divértit ab onéribus dorsum
ejus: * manus ejus in cóphino ser-
viérunt.

In tribulatióne invocásti me, et liberávi te: * exaudívi te in abscondito tempestátis: probávi te apud aquam contradiciónis.

Audi pópulus meus, et contestábor te: * Israël si audieris me, non erit in te deus recens, neque adorábis deum aliénium.

Ego enim sum Dñs Dèus tuus, qui edúxi te de terra Ægýpti: * diláta os tuum, et implébo illud.

Et non audívit pópulus meus vocem meam: * et Israël non inténdit mihi.

Et dimísi eos secúndum desideria cordis eórum, * ibunt in adinveniéntibus suis.

Si pópulus meus audísset me: * Israël si in viis meis ambulásset:

Pro níhilo fórsitan inimícos eórum humiliássem: * et super tribulántes eos misíssem manum meam.

Inimíci Dómini mentíti sunt ei: * et erit tempus eórum in sæcula.

Et cibávit eos ex ádipe fruménti: * et de petra, melle saturávit eos.

Psalmus 81.

Deus stetit in synagóga deórum: * in médio autem deos dijúdicat.

Usquequo judicátis iniquitátem: * et fácies peccatórum súmitis?

Judicáte egéno, et pupíllo: * húmitem, et paúperem justificáte.

Eripíte paúperem: * et egénium de manu peccatóris liberáte.

Nesciérunt, neque intellexérunt, in ténebris ámbulant: * movebúntur ómnia fundaménta terræ.

Ego dixi: Dii estis, * et filii Excelsi omnes.

Vos autem sicut hómines moriemini: * et sicut unus de principibus cadétis.

Surge Deus, júdica terram: * quóniam tu hæreditábis in ómnibus Géntibus.

Ant. Exsultáte Deo adjutóri nostro.

Ant. Tu solus.

Psalmus 82.

Deus, quis símilis erit tibi? * Ne táceas, neque compescáris Deus:

Quóniam ecce inimíci tui sonuerunt: * et qui odérunt te, extulerunt caput.

Super pópulum tuum malignáverunt consílium: * et cogitáverunt advérsus sanctos tuos.

Dixerunt: Veníte, et disperdámus eos de gente: * et non memorétur nomen Israël ultra.

Quóniam cogitáverunt unánimiter: * simul advérsus te testaméntum disposuerunt, tabernácula Idumæórum et Ismahelitæ:

Moab, et Agaréni, Gebal, et Ammon, et Amalec: * alienígenæ cum habitántibus Tyrum.

Etenim Assur venit cum illis: * facti sunt in adjutórium filiis Lot.

Fac illis sicut Mádian, et Sísaræ: * sicut Jabin in torrénate Cisson.

Disperiérunt in Endor: * facti sunt ut stercus terræ.

Pone príncipes eórum sicut Oreb, et Zeb, * et Zébee et Sálmana:

Omnes príncipes eórum: * qui dixerunt: Hæreditáte possideámus Sanctuárium Dei.

Deus meus pone illos ut rotam: * et sicut stípulam ante fáciem venti.

Sicut ignis, qui combúrit silvam: * et sicut flamma combúrens montes:

Ita persecúeris illos in tempestáte tua: * et in ira tua turbábis eos.

Imple fácies eórum ignomínia: *
et quærent nomen tuum Dómine.

Erubéscant, et conturbéntur in
sæculum sæculi: * et confundán-
tur, et péreant.

Et cognóscant quía nomen tibi
Dóminus: * tu solus Altíssimus in
omni terra.

Psalmus 83.

Quam dilécta tabernácula tua
Dómine virtútum: * concupí-
scit, et déficit ánima mea in átria
Dómini.

Cor meum, et caro mea * exsul-
tavérunt in Deum vivum.

Etenim passer invénit sibi do-
mum: * et turtur nidum sibi, ubi
ponat pullos suos.

Altária tua Dómine virtútum: *
Rex meus, et Deus meus.

Beáti, qui hábitant in domo tua
Dómine: * in sæcula sæculórum
laudábunt te.

Beátus vir, cujus est auxílium
abs te: * ascensiónes in corde suo
dispósuit, in valle lacrimárum in
loco quem pósuit.

Etenim benedictiónem dabit le-
gislátor, ibunt de virtúte in vir-
tutem: * vidébitur Deus deórum
in Sion.

Dómine Deus virtútum exaúdi
oratióem meam: * aúribus pér-
cipe Deus Jacob.

Protéctor noster áspice Deus: *
et réspice in fáciem Christi tui:

Quia mélior est dies una in átriis
tuis, * super millia.

Elégi abjéctus esse in domo Dei
mei: * magis quam habitáre in
tabernáculis peccatórum.

Quia misericórdiam, et veritá-
tem diligit Deus: * grátiam et gló-
riam dabit Dóminus.

Non privábit bonis eos, qui ám-
bulant in innocéntia: * Dómine
virtútum, beátus homo, qui sperat
in te.

Ant. Tu solus Altíssimus super
omnem terram.

Ant. Benedixísti.

Psalmus 84.

Benedixísti Dómine terram tuam:
* avertísti captivitátem Jacob.
Remisísti iniquitátem plebis tuæ:
* operuísti ómnia peccáta eórum.

Mitigásti omnem iram tuam: *
avertísti ab ira indignatióis tuæ.

Convérte nos Deus salutáris
noster: * et avérte iram tuam a
nobis.

Numquid in ætérnum irascéris
nobis? * aut exténdes iram tuam
a generatióne in generatióem?

Deus tu convérsus vivificábis
nos: * et plebs tua lætábitur in te.

Osténde nobis Dómine miseri-
córdiam tuam: * et salutáre tuum
da nobis.

Aúdiam quid loquátur in me Dó-
minus Deus: * quóniam loquétur
pacem in plebem suam.

Et super sanctos suos: * et in
eos, qui convertúntur ad cor.

Verúmtamen prope tíméntes
cum salutáre ipsíus: * ut inhábi-
tet glória in terra nostra.

Misericórdia, et véritas obvia-
vérunt sibi: * justítia, et pax os-
culátæ sunt.

Véritas de terra orta est: * et
justítia de cœlo prospéxit.

Etenim Dóminus dabit benigni-
tátem: * et terra nostra dabit fru-
ctum suum.

Justítia ante eum ambulábit: *
et ponet in via gressus suos.

Psalmus 85.

Inclína Dómine aurem tuam, et exáudi me: * quóniam inops, et pauper sum ego.

Custódi ánimam meam quóniam sanctus sum: * saluum fac seruum tuum, Deus meus, sperántem in te.

Miserére mei Dómine, quóniam ad te clamávi tota die: * lætífica ánimam servi tui, quóniam ad te Dómine ánimam meam levávi.

Quóniam tu Dómine suávis, et mitis: * et multæ misericórdiæ ómnibus invocántibus te.

Aúribus pércipe Dómine oratióem meam: * et inténde voci deprecationis meæ.

In die tribulatiónis meæ clamávi ad te: * quia exaudísti me.

Non est similis tui in diis Dómine: * et non est secúndum ópera tua.

Omnes Gentes quascúmque fecísti, vénient, et adorábunt coram te Dómine: * et glorificábunt nomen tuum.

Quóniam magnus es tu, et faciens mirabilia: * tu es Deus solus.

Deduc me Dómine in via tua, et ingrédiar in veritate tua: * lætétur cor meum ut timeat nomen tuum.

Confitébor tibi Dómine Deus meus in toto corde meo, * et glorificábo nomen tuum in ætérnum:

Quia misericórdia tua magna est super me: * et eruísti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam: * et non proposuérunt te in conspéctu suo.

Et tu Dómine Deus miserátor

et miséricors, * pátiens, et multæ misericórdiæ, et verax.

Réspice in me, et miserére mei, * da impérium tuum púero tuo: et saluum fac filium ancillæ tuæ.

Fac mecum signum in bonum, ut vídeant qui odérunt me, et confundántur: * quóniam tu Dómine adjuvísti me, et consolátus es me.

Ant. Benedixísti Dómine terram tuam.

Ant. Fundaménta ejus.

Psalmus 86.

Fundaménta ejus in móntibus sanctis: * diligit Dóminus portas Sion super ómnia tabernacula Jacob.

Gloriósá dicta sunt de te, * civitas Dei.

Memor ero Rahab, et Babylónis * sciéntium me.

Ecce alienígenæ, et Tyrus, et populus Æthiopum, * hi fuérunt illic.

Numquid Sion dicet: Homo, et homo natus est in ea: * et ipse fundávit eam Altíssimus?

Dóminus narrábit in scriptúris populórum, et príncipum: * horum, qui fuérunt in ea.

Sicut lætántium ómnium * habitatio est in te.

Psalmus 87.

Dómine Deus salutis meæ: * in die clamávi, et nocte coram te.

Intret in conspéctu tuo oratio mea: * inclína aurem tuam ad precem meam:

Quia repléta est malis ánima mea: * et vita mea inférno appropinquávit.

Æstimátus sum cum descendéntibus in lacum: * factus sum sicut homo sine adjutório, inter mórtuos liber.

Sicut vulneráti dormiéntes in sepúlchris, quorum non es memor ámplius: * et ipsi de manu tua repúlsi sunt.

Posuérunt me in lacu inferióri: * in tenebrósis, et in umbra mortis.

Super me confirmátus est furor tuus: * et omnes fluctus tuos induxísti super me.

Longe fecísti notos meos a me: * posuérunt me abominatióne sibi.

Tráditus sum, et non egrediébar: * óculi mei languérunt præ inópia.

Clamávi ad te Dómine tota die: * expándi ad te manus meas.

Numquid mórtuis fácies mirabilia: * aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam, * et veritátem tuam in perditiónem?

Numquid cognoscéntur in ténebris mirabilia tua: * et justítia tua in terra obliuionis?

Et ego ad te Dómine clamávi: * et mane orátio mea præveniet te.

Ut quid Dómine repéllis oratióne meam: * avértis fáciem tuam a me?

Pauper sum ego, et in labóribus a juventúte mea: * exaltátus autem, humiliátus sum et conturbátus.

In me transiérunt iræ tuæ: * et terróres tui conturbavérunt me.

Circumdedérunt me sicut aqua tota die: * circumdedérunt me simul.

Elongásti a me amicum et próximum: * et notos meos a miséria.

Ant. Fundaménta ejus in mónitibus sanctis.

Ant. Benedíctus.

Psalmus 88.

Misericórdias Dómini * in ætérnum cantábo.

In generatióne et generatióne * annuntiábo veritátem tuam in ore meo.

Quóniam dixísti: In ætérnum misericórdia ædificábitur in cœlis: * præparábitur véritas tua in eis.

Dispósui testaméntum eléctis meis, jurávi David servo meo: * usque in ætérnum præparábo semen tuum.

Et ædificábo in generatióne et generatióne * sedem tuam.

Confitebúntur cœli mirabilia tua Dómine: * étenim veritátem tuam in ecclésia sanctórum.

Quóniam quis in núbibus æquábitur Dómino: * similis erit Deo in filiis Dei?

Deus, qui glorificátur in consílio sanctórum: * magnus et terríbilis super omnes qui in circúitu ejus sunt.

Dómine Deus virtútum quis similis tibi? * potens es Dómine, et véritas tua in circúitu tuo.

Tu domináris potestáti maris: * motum autem flúctuum ejus tu mítigas.

Tu humiliásti sicut vulnerátum, supérbum: * in bráchio virtútis tuæ dispersísti inimícos tuos.

Tui sunt cœli, et tua est terra, orbem terræ et plenitúdinem ejus tu fundásti: * Aquilónem, et mare tu creásti.

Thabor et Hermon in nómine tuo exsultábunt: * tuum bráchium cum poténtia.

Firmétur manus tua, et exaltétur dextera tua: * justítia et judícium præparátio sedis tuæ.

Misericórdia et véritas præcedent faciē tuam: * beátus pópulus, qui scit jubilatióem.

Dómine in lúmine vultus tui ambulábunt, et in nómine tuo exultábunt tota die: * et in justítia tua exaltabúntur.

Quóniam glória virtútis eórum tu es: * et in beneplácito tuo exaltábitur cornu nostrum.

Quia Dómini est assúptio nostra: * et sancti Israēl regis nostri.

Tunc locútus es in visióne sanctis tuis, et dixísti: * Pósuí adiutorium in poténite: et exaltávi eléctum de plebe mea.

Inveni David servum meum: * óleo sancto meo unxi eum.

Manus enim mea auxiliábitur ei: * et bráchium meum confortábit eum.

Nihil proficiet inimícus in eo, * et fílius iniquitátis non appónet nocére ei.

Et concídam a faciē ipsíus inimícos ejus: * et odiéntes eum in fugam convértam.

Et véritas mea, et misericórdia mea cum ipso: * et in nómine meo exaltábitur cornu ejus.

Et ponam in mari manum ejus: * et in flumínibus dexteram ejus.

Ipse invocábit me: Pater meus es tu: * Deus meus, et suscēptor salutis meæ.

Et ego primogénitum ponam illum * excélsu præ régibus terræ.

In ætérnum servábo illi misericórdiam meam: * et testaméntum meum fidéle ipsi.

Et ponam in sáeculum sáeculi semen ejus: * et thronum ejus sicut dies cœli.

Si autem dereliquerint filii ejus

legem meam: * et in iudiciis meis non ambuláverint:

Si justítias meas profanáverint: * et mandáta mea non custodierint:

Visitábo in virga iniquitátes eórum: * et in verbéribus peccáta eórum.

Misericórdiam autem meam non dispérgam ab eo: * neque nocébo in veritáte mea:

Neque profanábo testaméntum meum: * et quæ procedunt de lábiis meis, non faciám írrita.

Semel jurávi in sancto meo, si David méntiar: * semen ejus in ætérnum manébit.

Et thronus ejus sicut sol in conspéctu meo, * et sicut luna perfécta in ætérnum: et testis in cœlo fidélis.

Tu vero repulísti et despexísti: * distulísti christum tuum.

Evertísti testaméntum servi tui: * profanásti in terra Sanctuárium ejus.

Destruxísti omnes sepes ejus: * posuísti firmaméntum ejus formídinem.

Diripuérunt eum omnes trans-eúntes viam: * factus est opprobrium vicínis suis.

Exaltásti dexteram depriméntium eum: * lætificásti omnes inimícos ejus.

Avertísti adiutorium gládií ejus: * et non es auxiliátus ei in bello.

Destruxísti eum ab emundatióne: * et sedem ejus in terram collisísti.

Minorásti dies témporis ejus: * perfudísti eum confusióne.

Usquequo Dómine avértis in finem: * exardéscet sicut ignis ira tua?

Memoráre quæ mea substántia: * numquid enim vane constituísti omnes filios hóminum?

Quis est homo, qui vivet, et non vidébit mortem: * éruet ánimam suam de manu inferi?

Ubi sunt misericórdiæ tuæ antiquæ Dómine, * sicut jurásti David in veritatē tuā?

Memor esto Dómine opprobrii servórum tuórum * (quod contínui in sinu meo) multárum Géntium.

Quod exprobravérunt inimíci tui Dómine, * quod exprobravérunt commutatiónem Christi tui.

Benedíctus Dóminus in ætérnum: * fiat, fiat.

Psalmus 93.

Deus ultiónum Dóminus: * Deus ultiónum libere egit.

Exaltáre qui júdicas terram: * redde retributióem supérbis.

Usquequo peccatóres Dómine, * úsquequo peccatóres gloriabúntur:

Effabúntur, et loquéntur iniquitátem: * loquéntur omnes, qui operántur injustítiam?

Pópulum tuum Dómine humiliavérunt: * et hæreditátem tuam vexavérunt.

Víduam, et ádvenam interfecérunt: * et pupílos occidérunt.

Et dixerunt: Non vidébit Dóminus, * nec intélliget Deus Jacob.

Intélligite insipiéntes in pópulo: * et stulti aliquándo sápite.

Qui plantávit aurem, non aúdiet? * aut qui finxit óculum, non considerat?

Qui córripit Gentes, non árguet: * qui docet hóminem sciéntiam?

Dóminus scit cogitatióes hóminum, * quóniam vanæ sunt.

Beátus homo, quem tu erudíeris

Dómine: * et de lege tua docúeris eum,

Ut mítigēs ei a diébus malis: * donec fodiátur peccatóri fóvea.

Quia non repéllet Dóminus plebem suam: * et hæreditátem suam non derelínquet.

Quoadúsque justítia convertátur in iudícium: * et qui juxta illam omnes qui recto sunt corde.

Quis consúrget mihi advérsus malignántes? * aut quis stabit mecum advérsus operántes iniquitátem?

Nisi quia Dóminus adjúvit me: * paulo minus habitásset in inférno ánima mea.

Si dicébam: Motus est pes meus: * misericórdia tua Dómine adjuvábatur me.

Secúndum multitudínem dolorum meórum in corde meo: * consolationes tuæ lætificavérunt ánimam meam.

Numquid adhæret tibi sedes iniquitátis: * qui fingis labórem in præcépto?

Captábunt in ánimam justí: * et sánguinem innocéntem condemnábunt.

Et factus est mihi Dóminus in refúgium: * et Deus meus in adiutórium spei meæ.

Et reddet illis iniquitátem ipsórum: et in malítia eórum dispédet eos: * dispédet illos Dóminus Deus noster.

Ant. Benedíctus Dóminus in ætérnum.

Ant. Cantáte.

Psalmus 95.

Cantáte Dómino cánticum novum: * cantáte Dómino omnis terra.

Cantáte Dómino, et benedicite nómini ejus: * annuntiáte de die in diem salutáre ejus.

Annuntiáte inter Gentes glóriam ejus, * in ómnibus pópulis mirabília ejus.

Quóniam magnus Dóminus, et laudábilis nimis: * terríbilis est super omnes deos.

Quóniam omnes dii Géntium dæmónia: * Dóminus autem cœlos fecit.

Conféssio, et pulchritúdo in conspéctu ejus: * sanctimónia et magnificéntia in sanctificatióne ejus.

Afférte Dómino pátriæ Géntium, afférte Dómino glóriam et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commovéatur a fácie ejus univérsa terra: * dicite in Géntibus quia Dóminus regnávit.

Etenim corréxit orbem terræ qui non commovébitur: * judicábit pópulos in æquitáte.

Læténtur cœli, et exsúltet terra: commovéatur mare, et plenitúdo ejus: * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Psalmus 96.

Dóminus regnávit, exsúltet terra: * læténtur ínsulæ multæ.

Nubes, et caligo in circúitu ejus: * justítia, et júdícium corréctio sedis ejus.

Ignis ante ipsum præcédet, * et inflamábit in circúitu inimícos ejus.

Illuxérunt fúlgora ejus orbi terræ: * vidit, et commóta est terra.

Montes, sicut cera fluxérunt a fácie Dómini: * a fácie Dómini omnis terra.

Annuntiavérunt cœli justítiam ejus: * et vidérunt omnes pópuli glóriam ejus.

Confundántur omnes, qui adorant sculptília: * et qui gloriántur in simulácris suis.

Adoráte eum omnes Angeli ejus: * audívit, et lætáta est Sion.

Et exsultavérunt filiæ Judæ, * propter júdícia tua Dómine:

Quóniam tu Dóminus Altíssimus super omnem terram: * nimis exaltátus es super omnes deos.

Qui diligitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómino: * et confitémini memóriæ sanctificatiónis ejus.

Ant. Cantáte Dómino, et benedicite nómini ejus.

Per Annum. V. Intret orátio mea in conspéctu tuo Dómine. R. Inclína aurem tuam ad precem meam.

In Adventu. V. Emítte Agnum Dómine Dominatórem terræ. R. De Petra desérti ad montem filiæ Sion.

Pro uno Mart. V. Posuísti Dómine super caput ejus. R. Corónam de lápide pretióso.

Pro plur. Mart. V. Exsúltent justí in conspéctu Dei. R. Et delecténtur in lætítia.

Pro Conf. Pont. V. Elégit eum
Dóminus sacerdotem sibi. R. Ad
sacrificándum ei hóstiam laudis.

Pro Conf. non Pont. V. Os iusti
meditábitur sapiéntiam. R. Et lin-
gua ejus loquétur iudícium.

Pro una Sancta. V. Adjuvábít
eam Deus vultu suo. R. Deus in
médio ejus, non commovébitur.



Ad Laudes.

Ant. Spíritu principáli * confir-
ma cor meum Deus.

Ps. Miserére. 50.

Ant. In veritate.

Psalmus 142.

Dómine exaúdi oratióem me-
am: aúribus pécipe obse-
cratióem meam in veritate
tua: * exaúdi me in tua justítia.

Et nón intres in iudícium cum
servo tuo: * quia non justificábitur
in conspéctu tuo omnis vivens.

Quia persecútus est inimícus
ánimam meam: * humiliávit in
terra vitam meam.

Collocávit me in obscuris sicut
mórtuos sæculi: * et anxiátus est
super me spíritus meus, in me tur-
bátum est cor meum.

Memor fui diérum antiquórum,
meditátus sum in ómnibus opéri-
bus tuis: * in factis mánuum tuá-
rum meditábar.

Expándi manus meas ad te: *
ánima mea sicut terra sine aqua
tibi.

Velóciter exaúdi me Dómine: *
defécit spíritus meus.

Non avértas faciém tuam a me:
* et similis ero descendéntibus in
lacum.

Audítam fac mihi mane miseri-
córdiam tuam: * quia in te sperávi.

Notam fac mihi viam, in qua ám-
bulem: * quia ad te levávi ánimam
meam.

Eripe me de inimícis meis Dó-
mine, ad te confúgi: * doce me fá-
cere voluntátem tuam, quia Deus
meus es tu.

Spíritus tuus bonus dedúcet me
in terram rectam: * propter nomen
tuum Dómine vivificábis me, in
æquitáte tua.

Edúces de tribulatióne ánimam
meam: * et in misericórdia tua
dispérdes inimícos meos.

Et perdes omnes, qui tríbulant
ánimam meam: * quóniam ego ser-
vus tuus sum.

Ant. In veritate tua exaúdi me
Dómine.

Ant. Illúmina Dómine * vultum
tuum super nos.

Ps. Deus Deus meus. 16.

Ant. Dómine.

Canticum Habacuc. Cap. 3.

Dómine audívi auditióem tuam,
* et tímui.

Dómine opus tuum, * in médio
annórum vivífica illud:

In médio annórum notum fácies:
* cum irátus fúeris, misericórdiæ
recordáberis.

Deus ab Austro véniet, * et san-
ctus de monte Pharan:

Opéruit cœlos glória ejus: * et
laudis ejus plena est terra.

Splendor ejus ut lux erit: * cór-
nua in mánibus ejus:

Ibi abscondita est fortitúdo ejus:
* ante faciém ejus ibit mors.

Et egrediétur diábolus ante pe-
des ejus. * Stetit, et mensus est
terram.

Aspéxit, et dissólvit Gentes: * et contríti sunt montes sæculi.

Incurváti sunt colles mundi, * ab itinéribus æternitátis ejus.

Pro iniquitáte vidi tentória Æthiopiæ, * turbabúntur pelles terræ Má dian.

Numquid in flumínibus irátus es Dómine? * aut in flumínibus furor tuus? vel in mari indignatio tua?

Qui ascédes super equos tuos: * et quadrigæ tuæ salvátio.

Súscitans suscitábis arcum tuum: * juraménta tribubus quæ locútus es.

Flúvios scindes terræ: vidérunt te, et doluérunt montes: * gurges aquárum tránsiit.

Dedit abyssus vocem suam: * altitúdo manus suas levávit.

Sol, et luna stetérunt in habitáculo suo, * in luce sagittárum tuárum, ibunt in splendóre fulgurántis hastæ tuæ.

In frémitu conculcábis terram: * et in furóre obstupefácies Gentes. Egréssus es in salútem pópuli tui: * in salútem cum Christo tuo.

Percussísti caput de domo impii: * denudásti fundaméntum ejus usque ad collum.

Maledixísti sceptris ejus, cápiti bellatórum ejus, * veniéntibus ut turbo ad dispergéndum me.

Exsultátio eórum * sicut ejus, qui dévorat paúperem in abscón-dito.

Viam fecísti in mari equis tuis, * in luto aquárum multárum.

Audívi, et conturbátus est venter meus: * a voce contremuérunt lábia mea.

Ingrediátur putrédo in óssibus meis, * et subter me scáteat.

Ut requiéscam in die tribulatió-nis: * ut ascéndam ad pópulum ac-cíntum nostrum.

Ficus enim non florébit: * et non erit germen in víneis.

Mentiétur opus olivæ: * et arva non áfferent cibum.

Abscindétur de ovíli pecus: * et non erit arméntum in præsepibus.

Ego autem in Dómino gaudebo: * et exsultábo in Deo Jesu meo.

Deus Dñs fortitúdo mea: * et po-net pedes meos quasi cervórum.

Et super excélsa mea dedúcet me victor * in psalmis canéntem.

Ant. Dómine audívi audítum tuum et tímui.

Ant. In týmpano * et choro, in chordis et órgano laudáte Deum.

Ps. Laudáte Dóminum. 17.

Capitulum. Rom. 13. d.

Nox præcéssit, dies autem ap-propinquávit. Abjiciámus ergo ópera tenebrárum, et induámur arma lucis. Sicut in die honéste ambulémus.

Hymnus.

Ætérna cœli glória,
Beáta spes mortálium,
Summi Tonántis Unice,
Castæque proles Víginis:

Da dexteram surgéntibus,
Exsúrgat ut mens sóbria,
Flagrans et in laudem Dei
Grates repéndat débitas.

Ortus refúlget lúcipher,
Præitque solem núntius:
Cadunt tenébræ nóctium:
Lux sancta nos illúminet.

Manénsque nostris sénsibus,
Noctem repéllat sæculi,
Omníque fine témporis
Purgáta servet péctora.

Quæsitâ jam primum fides
In corde radices agat:
Secunda spes congaudeat,
Qua major exstat caritas.

Deo Patri sit gloria,
Ejusque soli Filio,
Cum Spiritu Paraclito,
Nunc, et per omne sæculum.
Amen.

V. Repleti sumus mane misericordia tua. R. Exsultavimus, et delectati sumus.

Ad Benedictus. Ant. Per viscera
* misericordiae Dei nostri visitavit
nos Oriens ex alto.

Preces, quando dicendae sunt, habentur supra in Feria II. 52.

Sabbato ad Matutinum.

Invit. Dominum Deum nostrum
* Venite, adoremus.

Ps. Venite, exsultemus. 2.

Hymnus.

Summæ Parens clementiae,
Mundi regis qui machinam,
Unius et substantiae,
Trinusque personis Deus:

Nostros pius cum canticis
Fletus benigne suscipe:
Ut corde puro sordium
Te perfruamur largius.

Lumbos, jecurque morbidum
Flammis adure congruis,
Accincti ut artus excubent
Luxu remoto pessimo.

Quicumque ut horas noctium
Nunc concinendo rumpimus,
Ditemur omnes affatim
Donis beatæ patriæ.

Præsta, Pater piissime,
Patrique compar Unice,

Cum Spiritu Paraclito
Regnans per omne sæculum.
Amen.

Ant. Quia mirabilia.

Psalmus 97.

Cantate Domino canticum novum: * quia mirabilia fecit.
Salvavit sibi dextera ejus:
* et brachium sanctum ejus.

Notum fecit Dominus salutare suum: * in conspectu Gentium revelavit justitiam suam.

Recordatus est misericordiae suae, * et veritatis suae domui Israël.

Viderunt omnes termini terræ * salutare Dei nostri.

Jubilate Deo omnis terra: * cantate, et exsultate, et psallite.

Psallite Domino in cithara, in cithara et voce psalmi: * in tubis ductilibus, et voce tubæ corneæ.

Jubilate in conspectu regis Domini: * moveatur mare, et plenitudo ejus: orbis terrarum, et qui habitant in eo.

Flumina plaudent manu, simul montes exsultabunt a conspectu Domini: * quoniam venit judicare terram.

Judicabit orbem terrarum in justitia, * et populos in æquitate.

Psalmus 98.

Dominus regnavit, irascantur populi: * qui sedet super Cherubim, moveatur terra.

Dominus in Sion magnus: * et excelsus super omnes populos.

Confiteantur nomini tuo magno: quoniam terribile, et sanctum est: * et honor regis judicium diligit.

Tu parasti directiones: * judicium et justitiam in Jacob tu fecisti.

Exaltáte Dóminum Deum nostrum, et adoráte scabéllum pedum ejus: * quóniam sanctum est.

Móyses et Aaron in sacerdóti-
bus ejus: * et Sámuel inter eos,
qui invocant nomen ejus:

Invocabant Dóminum, et ipse
exaudiébat eos: * in columna nu-
bis loquebátur ad eos.

Custodiébant testimónia ejus,
* et præcéptum quod dedit illis.

Dómine Deus noster tu exaudié-
bas eos: * Deus tu propítius fuísti
eis, et ulciscens in omnes adinven-
tiónes eórum.

Exaltáte Dóminum Deum no-
strum, et adoráte in monte sancto
ejus: * quóniam sanctus Dóminus
Deus noster.

Ant. Quia mirabilia fecit Dó-
minus.

Sequens Ant. et Ps. Jubiláte hic
prætermittitur, quando dicitur in Laud.
ut in Sabbatis, in quibus fit Offic. de
S. Maria, et in Vigil. Nativ. Domini in
Sabbato occur., et ejus loco dicitur

Ant. et Ps. Bonum est * confitéri
Dómino. ut infra.

Ant. Jubiláte.

Psalmus 99.

Jubiláte Deo omnis terra: * ser-
víte Dómino in lætítia.

Introíte in conspéctu ejus, * in
exsultatióne.

Scitóte quóniam Dóminus ipse
est Deus: * ipse fecit nos, et non
ipsi nos:

Pópulus ejus, et oves páscae
ejus: * introíte portas ejus in con-
fessióne, átria ejus in hymnis: con-
fitémini illi.

Laudáte nomen ejus: quóniam
suávis est Dóminus, in ætérnum
misericórdia ejus, * et usque in ge-

neratióne et generatióne véri-
tas ejus.

Vel Psalmus 91.

Bonum est confitéri Dómino: *
et psállere nómini tuo Altís-
sime.

Ad annuntiándum mane miseri-
córdiam tuam: * et veritátem tuam
per noctem.

In decachórdo, psaltério: * cum
cántico, in cithara.

Quia delectásti me Dómine in
factúra tua: * et in opéribus má-
nuum tuárum exsultábo.

Quam magnificáta sunt ópera
tua Dómine! * nimis profúndæ fa-
ctæ sunt cogitatiónes tuæ:

Vir insípiens non cognóscet: *
et stultus non intélliget hæc.

Cum exórti fúerint peccatóres
sicut fœnum: * et apparúerint o-
mnes, qui operántur iniquitátem:

Ut intéreant in sáeculum sáeculi:
* tu autem Altíssimus in ætérnum
Dómine.

Quóniam ecce inimíci tui Dómi-
ne, quóniam ecce inimíci tui per-
ibunt: * et dispergéntur omnes,
qui operántur iniquitátem.

Et exaltábitur sicut unicórnis
cornu meum: * et senéctus mea in
misericórdia úberi.

Et despéxit óculus meus inimí-
cos meos: * et in insurgéntibus in
me malignántibus áudiet auris mea.

Justus, ut palma florébit: * sicut
cedrus Líbani multiplicábitur.

Plantáti in domo Dómini, * in
átriis domus Dei nostri florébunt.

Adhuc multiplicabúntur in se-
nécta úberi: * et bene patiéntes
erunt, ut annúntient:

Quóniam rectus Dóminus Deus
noster: * et non est iníquitas in eo.

Psalmus 100.

Misericórdiam, et iudícium *
cantábo tibi Dómine:

Psallam, et intélligam in via im-
maculáta, * quando vénies ad me.

Perambulábamininnocéntia cor-
dis mei, * in médio domus meæ.

Non proponébam ante óculos
meos rem injústam: * faciéntes
prævaricatiónes odívi.

Non adhæsit mihi cor pravum:
* declinántem a me malignum non
cognoscébam.

Detrahéntem secréto próximo
suo, * hunc persequébar.

Supérbo óculo, et insatiábili
corde, * cum hoc non edébam.

Oculi mei ad fidéles terræ ut sé-
deant mecum: * ámbulans in via
immaculáta, hic mihi ministrábat.

Non habitábit in médio domus
meæ qui facit supérbiam: * qui ló-
quitur iníqua, non diréxit in con-
spéctu oculórum meórum.

In matutíno interficiébam omnes
peccatóres terræ: * ut dispérde-
rem de civitaté Dómini omnes ope-
rántes iniquitátem.

Ant. Jubilate Deo omnis terra.

Vel Ant. Bonum est confitéri
Dómino.

Ant. Clamor meus.

Psalmus 101.

Dómine exaúdi oratióem me-
am: * et clamor meus ad te
véniat.

Non avértas fáciem tuam a me:
* in quacúmque die tribulor, in-
clína ad me aurem tuam.

In quacúmque die invocávero
te, * velóriter exaúdi me.

Quia defecérunt sicut fumus dies
mei: * et ossa mea sicut crémium
aruérunt.

Percússus sum ut fœnum, et
áruit cor meum: * quia oblítus
sum comédere panem meum.

A voce gémitus mei * adhæsit
os meum carni meæ.

Símilis factus sum pellicáno so-
litúdinis: * factus sum sicut ny-
ctícorax in domicílio.

Vigilávi, * et factus sum sicut
passer solitárius in tecto.

Tota die exprobrábant mihi in-
imíci mei: * et qui laudábant me,
advérsum me jurábant.

Quia cínere tamquam panem
manducábam, * et potum meum
cum fletu miscébam.

A fácie iræ et indignatiónis tuæ:
* quia élevans allisísti me.

Dies mei sicut umbra declina-
vérunt: * et ego sicut fœnum
áruí.

Tu autem Dómine in ætérnum
pérmanes: * et memoriále tuum in
generatióem et generatióem.

Tu exsúrgens miseréberis Sion:
* quia tempus miseréndi ejus, quia
venit tempus.

Quóniam placuérunt servis tuis
lápides ejus: * et terræ ejus mise-
rebúntur.

Et timébunt Gentes nomen tu-
um Dómine, * et omnes reges ter-
ræ glóriam tuam.

Quia ædificávit Dóminus Sion:
* et vidébitur in glória sua.

Respéxit in oratióem humílium:
* et non sprexit precem eórum.

Scribántur hæc in generatióne
áltera: * et pópulus, qui creábitur,
laudábit Dóminum:

Quia prospéxit de excélso sancto
suo: * Dóminus de cœlo in terram
aspéxit:

Ut audíret gémitus compeditó-

rum: * ut sólveret filios interemptórum:

Ut annúntient in Sion nomen Dómini: * et laudem ejus in Jerúsalem.

In conveniéndo pópulos in unum, * et reges ut sérviant Dómino:.

Respóndit ei in via virtútis suæ: * Paucitátem diérum meórum nuntiá mihi.

Ne révoques me in dimídio diérum meórum: * in generatióem et generatióem anni tui.

Inítio tu Dómine terram fundásti: * et ópera mánuum tuárum sunt cœli.

Ipsi períbunt, tu autem pérmanes: * et omnes sicut vestiméntum veteráscent.

Et sicut opertórium mutábis eos, et mutabúntur: * tu autem idem ipse es, et anni tui non deficiént.

Filii servórum tuórum habitábunt: * et semen eórum in sœculum dirigétur.

Psalmus 102.

Benedic ánima mea Dómino: * et ómnia, quæ intra me sunt, nómini sancto ejus.

Benedic ánima mea Dómino: * et noli oblivísci omnes retributiónes ejus.

Qui propitiátur ómnibus iniquitátibus tuis: * qui sanat omnes infirmitátes tuas.

Qui rédimit de intéritu vitam tuam: * qui coronat te in misericórdia et miseratióibus.

Qui replet in bonis desidérium tuum: * renovábitur ut áquilæ juvéntus tua:

Fáciens misericórdias Dóminus: * et judícium ómnibus injúriam patiéntibus.

Notas fecit vias suas Móysi, * filiis Israël voluntátes suas.

Miserátor, et miséricors Dóminus: * longánimis, et multum miséricors.

Non in perpétuum irascétur: * neque in ætérnum comminábitur.

Non secúndum peccáta nostra fecit nobis: * neque secúndum iniquitátes nostras retribuit nobis.

Quóniam secúndum altitúdinem cœli a terra: * corroborávit misericórdiam suam super timéntes se.

Quantum distat ortus ab occidente: * longe fecit a nobis iniquitátes nostras.

Quómodo miserétur pater filiórum, misértus est Dóminus timéntibus se: * quóniam ipse cognóvit figméntum nostrum.

Recordátus est quóniam pulvis sumus: * homo, sicut fœnum dies ejus, tamquam flos agri sic efflorebit.

Quóniam spíritus pertransíbit in illo, et non subsístet: * et non cognóscet ámplius locum suum.

Misericórdia autem Dómini ab ætérno, * et usque in ætérnum super timéntes eum.

Et justítia illíus in filios filiórum, * his qui servant testaméntum ejus:

Et mémoires sunt mandatórum ipsíus, * ad faciéndum ea.

Dóminus in cœlo parávit sedem suam: * et regnum ipsíus ómnibus dominábitur.

Benedícite Dómino omnes Angeli ejus: * poténtes virtúte, faciéntes verbum illíus, ad audiéndam vocem sermónum ejus.

Benedícite Dómino omnes virtútes ejus: * minístri ejus, qui fácitís voluntátem ejus.

Benedícite Dómino ómnia ópera ejus: * in omni loco dominationis ejus, bédedic ánima mea Dómino.

Ant. Clamor meus ad te véniat Deus.

Ant. Bénedic.

Psalmus 103.

Bénedic ánima mea Dómino: * Dómine Deus meus magnificátus es veheménter.

Confessióem, et decórem induísti: * amíctus lúmine sicut vestiménto:

Exténdens cœlum sicut pellem: * qui tegis aquis superióra ejus.

Qui ponis nubem ascénsu tuum: * qui ámbulas super pennas ventórum.

Qui facis Angelos tuos, spíritus: * et minístris tuos ignem uréntem.

Qui fundásti terram super stabilitátem suam: * non inclinábitur in sæculum sæculi.

Abýssus, sicut vestiméntum amíctus ejus: * super montes stabunt aquæ.

Ab increpatióe tua fúgent: * a voce tonítrui tui formidábunt.

Ascéndunt montes: et descéndunt campi * in locum, quem fundásti eis.

Términum posuísti, quem non transgrediéntur: * neque converténtur operíre terram.

Qui emíttis fontes in convállibus: * inter médium móntium pertransíbunt aquæ.

Potábunt omnes béstiae agri: * exspectábunt ónagri in siti sua.

Super ea vólucres cœli habitábunt: * de médio petrárum dabunt voces.

Rigans montes de superióribus

suis: * de fructu óperum tuórum satiábitur terra:

Prodúcens fœnum juméntis, * et herbam servitúti hóminum:

Ut edúcas panem de terra: * et vinum lætíficet cor hóminis:

Ut exhílalet fáciem in óleo: * et panis cor hóminis confírmet.

Saturabúntur ligna campi, et cedri Líbani, quas plantávit: * illic pásseres nidificábunt.

Heródii domus dux est eórum: * montes excélsi cervis: petra refúgium herináciis.

Fecit lunam in témpora: * sol cognóvit occásu suum.

Posuísti ténebras, et facta est nox: * in ipsa pertransíbunt omnes béstiae silvæ.

Cátuli leónum rugiéntes, ut rápíant, * et quærant a Deo escam sibi.

Ortus est sol, et congregáti sunt: * et in cubilibus suis collocabúntur.

Exíbit homo ad opus suum: * et ad operatióem suam usque ad vésperum.

Quam magnificáta sunt ópera tua Dómine! * ómnia in sapiéntia fecísti: impléta est terra possessióe tua.

Hoc mare magnum, et spatiósum má nibus: * illic reptília, quorum non est númerus.

Animália pusilla cum magnis: * illic naves pertransíbunt.

Draco iste, quem formásti ad iludéndum ei: * ómnia a te expéctant ut des illis escam in témpore.

Dante te illis, cólligent: * aperiénte te manum tuam, ómnia implebúntur bonitáte.

Averténte autem te fáciem, tur-

babúntur: * aúferes spíritum eórum, et deficient, et in púlverem suum reverténtur.

Emíttēs spíritum tuum, et creabúntur: * et renovábis fáciem terræ.

Sit glória Dómini in sáculum: * lætábitur Dóminus in opéribussuis.

Qui réspicit terram, et facit eam trémere: * qui tangit montes, et fúmigant.

Cantábo Dómino in vita mea: * psallam Deo meo, quámdui sum.

Jucúndum sit ei elóquium meum: * ego vero delectábor in Dómino.

Deficiant peccatóres a terra, et iníqui ita ut non sint: * bénedic ánima mea Dómino.

Psalmus 104.

Confitémini Dómino, et invocáte nomen ejus: * annuntiáte inter Gentes ópera ejus.

Cantáte ei, et psállite ei: * narráte ómnia mirabília ejus.

Laudámini in nómine sancto ejus: * lætétur cor quæréntium Dóminum.

Quærite Dóminum, et confirmámini: * quærite fáciem ejus semper.

Mementóte mirabílium ejus, quæ fecit: * prodígia ejus, et judícia oris ejus.

Semen Abraham, servi ejus: * filii Jacob, elécti ejus.

Ipsē Dóminus Deus noster: * in univérſa terra judícia ejus.

Memor fuit in sáculum testaménti sui: * verbi, quod mandávit in mille generatiónes:

Quod dispósuit ad Abraham: * et juraménti sui ad Isaac:

Et státuit illud Jacob in præcéptum: * et Israël in testaméntum ætérnum:

Dicens: tibi dabo terram Chánaan, * funículum hæreditátis vestræ.

Cum essent número brevi, * paucíssimi et incolæ ejus.

Et pertransiérunt de gente in gentem, * et de regno ad pópulum álterum.

Non relíquit hómīnem nocére eis: * et corrípuit pro eis reges.

Nolíte tângere christos meos: * et in prophétis meis nolite malignári.

Et vocávit famem super terram: * et omne firmaméntum panis contrívit.

Misit ante eos virum: * in servum venúmdatus est Joseph.

Humiliavérunt in compédibus pedes ejus, ferrum pertránsiit ánimam ejus, * donec veníret verbum ejus.

Elóquium Dómini inflammávit eum: * misit rex, et solvit eum; princeps populórum, et dimísit eum.

Constítuit eum dóminum domus suæ: * et príncipem omnis possesiónis suæ:

Ut erudíret príncipes ejus sicut semetípsum: * et senes ejus prudentiam docéret.

Et intrávit Israël in Ægýptum: * et Jacob áccola fuit in terra Cham.

Et auxit pópulum suum veheménter: * et firmávit eum super inimícos ejus.

Convértit cor eórum ut odírent pópulum ejus: * et dolum fácerent in servos ejus.

Misit Móysen servum suum: * Aaron, quem elégit ipsum.

Pósuit in eis verba signórum suórum, * et prodigiórum in terra Cham.

Misit ténebras, et obscurávit: *
et non exacerbávit sermónes suos.

Convértit aquas eórum in sán-
guinem: * et occídít pisces eórum.

Edidit terra eórum ranas * in
penetrálibus regum ipsórum.

Dixit, et venit cœnomyía: * et
cínifes in ómnibus fínibus eórum.

Pósuit plúvias eórum grándi-
nem: * ignem comburéntem in
terra ipsórum.

Et percússit véneas eórum, et
ficiúneas eórum: * et contrívit li-
gnum finium eórum.

Dixit, et venit locústa, et bru-
chus, * cuius non erat númerus.

Et comédit omne fœnum in terra
eórum: * et comédit omnem fru-
ctum terræ eórum.

Et percússit omne primogéni-
tum in terra eórum: * primitias
omnis labóris eórum.

Et edúxit eos cum argénto et
auro: * et non erat in tribubus
eórum infirmus.

Lætáta est Ægýptus in profe-
ctióne eórum: * quia incúbuit ti-
mor eórum super eos.

Expándit nubem in protecti-
onem eórum, * et ignem ut luceret
eis per noctem.

Petiérunt, et venit cotúrnix: *
et pane cœli saturávit eos.

Dirúpit petram, et fluxérunt a-
quæ: * abiérunt in sicco flúmina;

Quóniam memor fuit verbi san-
cti sui, * quod hábuit ad Abra-
ham púerum suum.

Et edúxit pópulum suum in ex-
sultatióne, * et eléctos suos in
lætítia.

Et dedit illis regiónes Géntium:
* et labóres populórum possedé-
runt:

Ut custódiant justificatiónes ejus,
* et legem ejus requirant.

Ant. Bénedic ánima mea Dómino.

Ant. Visita nos.

Psalmus 105.

Confitémini Dómino quóniam bo-
nus: * quóniam in sáeculum mi-
sericórdia ejus.

Quis loquétur poténtias Dómini,
* audítas fáciét omnes laudes ejus?

Beáti, qui custódiunt judícium,
* et fáciunt justítiam in omni témpo-
re.

Meménto nostri Dómine in be-
neplácito pópuli tui: * vísitá nos
in salutári tuo:

Ad vidéndum in bonitáte electó-
rum tuórum, ad lætándum in lætítia
gentis tuæ: * ut laudéris cum
hæreditáte tua.

Peccávimus cum pátribus no-
stris: * injúste égimus, iniquitátem
fécimus.

Patres nostri in Ægýpto non in-
tellexérunt mirabília tua: * non
fuérunt mémoires multitudínis mi-
sericórdiæ tuæ.

Et irritavérunt ascendéntes in
mare, * Mare rubrum.

Et salvávit eos propter nomen
suum: * ut notam fáceret potén-
tiam suam.

Et incrépuit Mare rubrum, et
exsiccátum est: * et dedúxit eos
in abyssis sicut in desérto.

Et salvávit eos de manu odién-
tium: * et redémit eos de manu
inimíci.

Et opéruiť aqua tribulántes eos:
* unus ex eis non remánsit.

Et credidérunt verbis ejus: * et
laudavérunt laudem ejus.

Cito fecérunt, obliti sunt óperum

ejus: * et non sustinuérunt consílium ejus.

Et concupiérunt concupiscéntiam in desérto: * et tentavérunt Deum in inaquóso.

Et dedit eis petitiónem ipsórum: * et misit saturitátem in ánimas eórum.

Et irritavérunt Móysen in castris: * Aaron sanctum Dómini.

Apérta est terra, et deglutívit Dathan: * et opéruit super congregatiónem Abíron.

Et exársit ignis in synagóga eórum: * flamma combússit peccatóres.

Et fecérunt vítulum in Horeb: * et adoravérunt scúlptile.

Et mutavérunt glóriam suam * in similitúdinem vítuli comedéntis fœnum.

Oblíti sunt Deum, qui salvávit eos, * qui fecit magnália in Ægýpto, mirábilia in terra Cham: terribília in Mari rubro.

Et dixit ut dispérderet eos: * si non Móyses eléctus ejus stetisset in confractiône in conspéctu ejus:

Ut avérteret iram ejus ne dispérderet eos: * et pro níhilo habuérunt terram desiderábilem:

Non credidérunt verbo ejus, et murmuravérunt in tabernáculis suis: * non exaudiérunt vocem Dómini.

Et elevávit manum suam super eos: * ut prostérneret eos in desérto:

Et ut dejíceret semen eórum in natióibus: * et dispérgeret eos in regióibus.

Et initiáti sunt Beélphegor: * et comedérunt sacrificia mortuórum.

Et irritavérunt eum in adinven-

tióibus suis: * et multiplicáta est in eis ruína.

Et stetit Phínees, et placávit: * et cessávit quassátio.

Et reputátum est ei in justítiam, * in generatiónem et generatiónem usque in sempiternum.

Et irritavérunt eum ad Aquas contradictiónis: * et vexátus est Móyses propter eos: quia exacerbavérunt spíritum ejus.

Et distínxit in lábiis suis: * non disperdidérunt Gentes, quas dixit Dóminus illis.

Et commísti sunt inter Gentes, et didicérunt ópera eórum: et serviérunt scúlptilibus eórum: * et factum est illis in scándalum.

Et immolavérunt filios suos, * et filias suas dæmóniis.

Et effudérunt ságuinem innocentem: * ságuinem filiórum suórum et filiárum suárum, quas sacrificavérunt scúlptilibus Chánaan.

Et infécta est terra in sanguíibus, et contamináta est in opéribus eórum: * et fornicáti sunt in adinventiúnibus suis.

Et irátus est furóre Dóminus in pópulum suum: * et abominátus est hæreditátem suam.

Et trádidit eos in manus Génitium: * et domináti sunt eórum qui odérunt eos.

Et tribulavérunt eos inimíci eórum, et humiliáti sunt sub mánibus eórum: * sæpe liberávit eos.

Ipsi autem exacerbavérunt eum in consílio suo: * et humiliáti sunt in iniquitátibus suis.

Et vidit cum tribularéntur: * et audívit oratiónem eórum.

Et memor fuit testaménti sui: *

et pœnítuit eum secúndum multi-
túdinem misericórdiæ suæ.

Et dedit eos in misericórdias *
in conspéctu ómnium qui cépe-
rant eos.

Salvos nos fac Dómine Deus no-
ster: * et cóngrega nos de natió-
nibus:

Ut confiteámur nómini sancto
tuo: * et gloriémur in laude tua.

Benedíctus Dóminus Deus Israël
a sæculo et usque in sæculum: * et
dicet omnis pópulus: Fiat, fiat.

Psalmus 106.

Confitémini Dómino quóniam
bonus: * quóniam in sæculum
misericórdia ejus.

Dicant qui redémpti sunt a Dó-
mino, quos redémit de manu ini-
míci: * et de regiónibus congregá-
vit eos:

A solis ortu, et occásu: * ab
aquilóne, et mari.

Erravérunt in solitúdine in ina-
quóso: * viam civitátis habitáculi
non invenérunt.

Esuriéntes, et sitiéntes: * ánima
eórum in ipsis defécit.

Et clamavérunt ad Dóminum
cum tribularéntur: * et de neces-
sítatibus eórum erípuit eos.

Et dedúxit eos in viam rectam:
* ut irent in civitátem habitatiónis.

Confiteántur Dómino misericór-
diæ ejus: * et mirabília ejus filiis
hóminum.

Quia satiávit ánimam inánem: *
et ánimam esuriéntem satiávit
bonis.

Sedéntes in ténebris, et umbra
mortis: * vinctos in mendicitáte et
ferro.

Quia exacerbavérunt elóquia Dei:

* et consílium Altíssimi irritavé-
runt.

Et humiliátum est in labóribus
cor eórum: * infirmáti sunt, nec
fuit qui adjuvaret.

Et clamavérunt ad Dóminum
cum tribularéntur: * et de neces-
sítatibus eórum liberávit eos.

Et edúxit eos de ténebris, et
umbra mortis: * et víncula eórum
disrúpit.

Confiteántur Dómino misericór-
diæ ejus: * et mirabília ejus filiis
hóminum.

Quia contrívit portas aéreas: * et
vectes férreos confrégit.

Suscépit eos de vía iniquitátis
eórum: * propter injustítias enim
suas humiliáti sunt.

Omnem escam abomináta est
ánima eórum: * et appropinqua-
vérunt usque ad portas mortis.

Et clamavérunt ad Dóminum
cum tribularéntur: * et de neces-
sítatibus eórum liberávit eos.

Misit verbum suum, et sanávit
eos: * et erípuit eos de interitióni-
bus eórum.

Confiteántur Dómino misericór-
diæ ejus: * et mirabília ejus filiis
hóminum.

Et sacríficent sacrificium laudis:
* et annúntient ópera ejus in ex-
sultatióne.

Qui descéndunt mare in návibus,
* faciéntes operatióem in aquis
multis.

Ipsi vidérunt ópera Dómini, * et
mirabília ejus in profúndo.

Dixit, et stetit spíritus procéllæ;
* et exaltáti sunt fluctus ejus.

Ascéndunt usque ad cœlos, et
descéndunt usque ad abyssos: *
ánima eórum in malis tabescébat.

Turbáti sunt, et moti sunt sicut ébrius: * et omnis sapiéntia eórum devoráta est.

Et clamavérunt ad Dóminum cum tribularéntur, * et de necessitatibus eórum edúxit eos.

Et státuit procéllam ejus in auram: * et siluérunt fluctus ejus.

Et lætáti sunt quia siluérunt: * et dedúxit eos in portum voluntátis eórum.

Confiteántur Dómino misericórdiæ ejus: * et mirabília ejus filiis hóminum.

Et exáltent eum in ecclésia plebis: * et in cáthedra seniórum laudent eum.

Pósuit flúmina in desértum: * et éxitus aquárum in sitim.

Terram fructíferam in salsúginem, * a malítia inhabitántium in ea.

Pósuit desértum in stagna aquárum: * et terram sine aqua in éxitus aquárum.

Et collocávit illic esuriéntes: * et constituérunt civitátem habitatiónis.

Et seminavérunt agros, et plantavérunt véneas: * et fecérunt fructum nativitátis.

Et benedíxit eis, et multiplicáti sunt nimis: * et juménta eórum non minorávit.

Et pauci facti sunt: * et vexáti sunt a tribulatióne malórum, et dolóre.

Effúsa est contéptio super príncipes: * et erráre fecit eos in invio, et non in via.

Et adjúvit paúperem de inópia: * et pósuit sicut oves famílias.

Vidébunt recti, et lætabúntur: * et omnis iníquitas oppilábit os suum.

Quis sápiens et custódiét hæc? * et intélliget misericórdias Dómini?

Ant. Vísita nos Dómine in salutári tuo.

Ant. Confitébor Dómino.

Psalmus 107.

Parátum cor meum Deus, parátum cor meum: * cantábo, et psallam in glória mea.

Exsúrge glória mea, exsúrge psaltérium, et cíthara: * exsúrgam dilúculo.

Confitébor tibi in pópulis Dómine: * et psallam tibi in natió nibus.

Quia magna est super cœlos misericórdia tua: * et usque ad nubes véritas tua:

Exaltáre super cœlos Deus, et super omnem terram glória tua: * ut liberéntur dilécti tui.

Salvum fac dextera tua, et exaúdi me: * Deus locútus est in sancto suo:

Exsultábo, et dívidam Síchimam, * et convállem tabernaculórum dímetiar.

Meus est Gálaad, et meus est Manásses: * et Ephraím suscéptio cápitis mei.

Juda rex meus: * Moab lebes spei meæ.

In Idumæam exténdam calceamentum meum: * mihi alienígenæ amíci facti sunt.

Quis dedúcet me in civitátem munitam? * quis dedúcet me usque in Idumæam?

Nonne tu Deus, qui repulísti nos, * et non exíbis Deus in virtútibus nostris?

Da nobis auxílium de tribulatióne: * quia vana salus hóminis.

In Deo faciémus virtútem: * et

ipse ad nīhilum dedúcet inimícos nostros.

Psalmus 108.

Deus laudem meam ne tacúeris: * quia os peccatóris, et os dolósi super me apértum est.

Locúti sunt advérsus me lingua dolósa, et sermónibus ódii circumdedérunt me: * et expugnavérunt me gratis.

Pro eo ut me diligerent, detrahébant mihi: * ego autem orábam.

Et posuérunt advérsus me mala pro bonis: * et ódium pro dilectióne mea.

Constitue super eum peccatórem: * et diábolus stet a dextris ejus.

Cum judicátur, éxeat condemnátus: * et orátio ejus fiat in peccátum.

Fiant dies ejus pauci: * et episcopátum ejus accípiat alter.

Fiant filii ejus órphani: * et uxor ejus vídua.

Nutántes transferántur filii ejus, et mendícent: * et ejiciántur de habitatióibus suis.

Scrutétur fœnerátor omnem substantiam ejus: * et dirípiant aliéni labóres ejus.

Non sit illi adjútor: * nec sit qui misereátur pupíllis ejus.

Fiant nati ejus in intéritum: * in generatióne una deleátur nomen ejus.

In memóriam rédeat iníquitas patrum ejus in conspéctu Dómini: * et peccátum matris ejus non deleátur.

Fiant contra Dóminum semper, et dispéreat de terra memória eórum: * pro eo quod non est recórdatus fácere misericórdiam.

Et persecútus est hóminem inopem, et mendícum, * et compúctum corde mortificáre.

Et diléxit maledictiόnem, et véniet ei: * et nóluit benedictiόnem, et elongábitur ab eo.

Et induit maledictiόnem sicut vestiméntum, * et intrávit sicut aqua in interióra ejus, et sicut óleum in óssibus ejus.

Fiat ei sicut vestiméntum, quo operítur: * et sicut zona, qua semper præcíngitur.

Hoc opus eórum, qui détrahunt mihi apud Dóminum: * et qui loquúntur mala advérsus ánimam meam.

Et tu Dómine, Dómine fac mecum propter nomen tuum: * quia suávis est misericórdia tua.

Libera me quia egénus, et pauper ego sum: * et cor meum conturbátum est intra me.

Sicut umbra cum declínat, ablátus sum: * et excússus sum sicut locústæ.

Génua mea infirmáta sunt a jejúnio: * et caro mea immutáta est propter óleum.

Et ego factus sum oppróbrium illis: * vidérunt me, et movérunt cápita sua.

Adjuva me Dómine Deus meus: * salvum me fac secúndum misericórdiam tuam.

Et sciant quia manus tua hæc: * et tu Dómine fecísti eam.

Maledícent illi, et tu benedíces: * qui insúrgunt in me, confundántur: servus autem tuus lætábitur.

Induántur qui détrahunt mihi, pudóre: * et operiántur sicut diplóide confusiόne sua.

Confitébor Dómino nimis in ore

meo: * et in médio multórum laudábo eum.

Quia ástitit a dextris paúperis, * ut salvam fáceret a persecuéntibus ánimam meam.

Ant. Confitébor Dómino nimis in ore meo.

Per Annum. V. Dómine exaúdi orationem meam. R. Et clamor meus ad te véniat.

In Adventu. V. Egrediétur Dóminus de loco sancto suo. R. Véniat, ut salvet pópulum suum.

Pro B. Maria. V. Diffúsa est grátia in lábiis tuis. R. Proptérea benedixit te Deus in ætérnum.

Ad Laudes.

Ant. Benigne fac * in bona voluntáte tua Dómine.

Ps. Miserére. 50.

Ant. Bonum est.

Psalmus 91.

Bonum est confitéri Dómino: * et psállere nómini tuo Altísime.

Ad annuntiándum mane misericórdiam tuam: * et veritátem tuam per noctem.

In decachórdo, psaltério: * cum cántico, in cíthara.

Quia delectásti me Dómine in factúra tua: * et in opéribus mánuum tuárum exsultábo.

Quam magnificáta sunt ópera tua Dómine! * nimis profúndæ factæ sunt cogitatióes tuæ.

Vir insípiens non cognóscet: * et stultus non intélliget hæc.

Cum exórti fúerint peccatóres sicut fœnum: * et apparúerint omnes, qui operántur iniquitátem:

Ut intéreant in sǎculum sǎculi: * tu autem Altíssimus in ætérnum Dómine.

Quóniam ecce inimíci tui Dómine, quóniam ecce inimíci tui períbunt: * et dispergéntur omnes, qui operántur iniquitátem.

Et exaltábitur sicut unicórnis cornu meum: * et senéctus mea in misericórdia úberi.

Et despéxit óculus meus inimícos meos: * et in insurgéntibus in me malignántibus aúdiat auris mea.

Justus, ut palma florébit: * sicut cedrus Líbani multiplicábitur.

Plantáti in domo Dómini, * in átriis domus Dei nostri florébunt.

Adhuc multiplicabúntur in senécta úberi: * et bene patiéntes erunt, ut annúntient:

Quóniam rectus Dóminus Deus noster: * et non est iníquitas in eo.

Ant. Bonum est confitéri Dño.

Ant. Métuant Dóminum * omnes fines terræ.

Ps. Deus Deus meus. 16.

Ant. Date magnitúdinem.

Canticum Moysis. Deut. 32.

Audíte cœli quæ loquor: * aúdiat terra verba oris mei.

Concréscat ut plúvia doctrína mea, * fluat ut ros elóquium meum,

Quasi imber super herbam, et quasi stillæ super grámina. * Quia nomen Dómini invocábo:

Date magnificéntiam Deo nostro. * Dei perfécta sunt ópera, et omnes viæ ejus iudícia:

Deus fidélis, et absque ulla iniquitáte, justus et rectus. * Peccavérunt ei, et non filii ejus in sórdibus:

Generátio prava atque perversa.

* Hæccine reddis Dómino pópule stulte et insípiens?

Numquid non ipse est pater tuus, * qui possédit te, et fecit, et creávit te?

Meménto diérum antiquórum, * cógita generatiónes síngulas:

Interroga patrem tuum, et annuntiábit tibi: * majóres tuos, et dicent tibi.

Quando dividébat Altíssimus Gentes: * quando separábat filios Adam,

Constituit téminos populórum * juxta númerum filiórum Israël.

Pars autem Dómini, pópulus ejus: * Jacob funículus hæreditátis ejus.

Invenit eum in terra desérta, * in loco horróris, et vastæ solitúdinis:

Circumdúxit eum, et dócuit: * et custodívit quasi pupillam óculi sui.

Sicut áquila próvocans ad volándum pullos suos, * et super eos volítans,

Expándit alas suas, et assúmpsit eum, * atque portávit in húmeris suis.

Dóminus solus dux ejus fuit: * et non erat cum eo deus aliénus.

Constituit eum super excélsam terram: * ut coméderet fructus agrórum,

Ut súgeret mel de petra, * oleúmque de saxo duríssimo.

Butýrum de arménto, et lac de óvibus * cum ádipe agnórum, et arietum filiórum Basan:

Et hircos cum medúlla trítici, * et sánguinem uvæ bíberet meracíssimum.

Incrassátus est diléctus, et recalcitrávit: * incrassátus, impinguátus, dilatátus,

Dereliquit Deum factórem suum, * et recéssit a Deo salutári suo.

Provocavérunt eum in diis aliénis, * et in abominatióibus ad iracúndiam concitavérunt.

Immolavérunt dæmóniis, et non Deo, * diis, quos ignorábant:

Novi recentésque vénérunt, * quos non coluérunt patres eórum.

Deum qui te genuit dereliquísti, * et oblítus es Dómini creatóris tui.

Vidit Dóminus, et ad iracúndiam concitátus est: * quia provocavérunt eum filii sui et filiæ.

Et ait: Abscóndam faciém meam ab eis, * et considerábo novíssima eórum:

Generátio enim perversa est, * et infidéles filii.

Ipsi me provocavérunt in eo, qui non erat Deus, * et irritavérunt in vanitatibus suis:

Et ego provocábo eos in eo, qui non est pópulus, * et in gente stulta irritábo illos.

Ignis succénsus est in furóre meo, * et ardébit usque ad inférni novíssima:

Devorabítque terram cum gérmine suo, * et móntium fundaménta combúret.

Congregábo super eos mala, * et sagíttas meas complébo in eis.

Consuméntur fame, * et devorábunt eos aves morsu amaríssimo:

Dentes bestiárum immíttam in eos, * cum furóre trahéntium super terram, atque serpéntium.

Foris vastábit eos gládius, et intus pavor, * júvenem simul ac virginem, lacténtem cum hómine sene.

Dixi: Ubinam sunt? * cessáre faciám ex homínibus memóriam eórum.

Sed propter iram inimicorum distuli: * ne forte superbirent hostes eorum,

Et dicerent: Manus nostra excelsa, et non Dominus, * fecit hæc omnia.

Gens absque consilio est, et sine prudentia. * Utinam scaperent, et intelligerent, ac novissima providerent.

Quomodo persequatur unus mille, * et duo fugent decem millia?

Nonne ideo, quia Deus suus vendidit eos, * et Dominus conclusit illos?

Non enim est Deus noster ut dii eorum: * et inimici nostri sunt iudices.

De vinea Sodomorum, vinea eorum, * et de suburbanis Gomorrhæ:

Uva eorum uva fellis, * et botri amarissimi.

Fel draconum vinum eorum, * et venenum aspidum insanabile.

Nonne hæc condita sunt apud me, * et signata in thesauris meis?

Mea est ultio, et ego retribuam in tempore, * ut labatur pes eorum:

Juxta est dies perditionis, * et adesse festinant tempora.

Judicabit Dominus populum suum, * et in servis suis miseretur:

Videbit quod infirmata sit manus, * et clausi quoque defecerunt, residuique consumpti sunt.

Et dicet: Ubi sunt dii eorum, * in quibus habebant fiduciam?

De quorum victimis comedebant adipem, * et bibebant vinum libaminum:

Surgant, et opitulentur vobis, * et in necessitate vos protegant.

Videte quod ego sim solus, * et non sit alius Deus præter me:

Ego occidam, et ego vivere faciam: percutiam, et ego sanabo, * et non est qui de manu mea possit eruiere.

Levabo ad coelum manum meam, et dicam: * Vivo ego in æternum.

Si acutero ut fulgur gladium meum, * et arripuerit iudicium manus mea:

Reddam ultionem hostibus meis, * et his qui oderunt me retribuam.

Inebriabo sagittas meas sanguine, * et gladius meus devorabit carnes,

De cruore occisorum, * et de captivitate, nudati inimicorum capitis.

Laudate Gentes populum ejus, * quia sanguinem servorum suorum ulciscetur:

Et vindictam retribuet in hostes eorum, * et propitius erit terræ populi sui.

Ant. Date magnitudinem Deo nostro.

Ant. In cymbalis benesonantibus * laudate Deum.

Ps. Laudate Dñm de coelis. 17.

Capitulum. Rom. 13. d.

Nox præcessit, dies autem appropinquavit. Abjiciamus ergo opera tenebrarum, et induamur arma lucis. Sicut in die honeste ambulamus.

Hymnus.

Aurora jam spargit polum: Terris dies illabitur.

Lucis resultat spiculum:

Discédât omne lúbricum.

Phantasma noctis exsulet:

Mentis reatus corruat:

Quidquid tenebris horridum

Nox attulit culpæ, cadat.

Ut mane, quod nos últimum
Hic deprecámur cérnuí,
Cum luce nobis éffluat,
Hoc dum canóre cóncrepat.

Deo Patri sit glória,
Ejúsque soli Fílio,
Cum Spíritu Paráclito,
Nunc et per omne sæculum.
Amen.

Y. Repléti sumus mane miseri-
córdia tua. R. Exsultávimus, et de-
lectáti sumus.

Ad Bened. Ant. Illumináre * Dó-
mine his, qui in ténebris sedent, et
dirige pedes nostros in viam pacis,
Deus Israël.

Preces, quando dicendæ sunt, ha-
bentur supra in Feria II. 52.

Dominica ad Vesperas.

Pater noster. Ave María.

Y. Deus in adjutórium. 15.

Ant. Dixit Dóminus.

Psalmus 109.

Dixit Dóminus Dómino meo: *
Sede a dextris meis:
Donec ponam inimícos tu-
os, * scabéllum pedum tuórum.

Virgam virtútis tuæ emíttet Dó-
minus ex Sion: * domináre in mé-
dio inimicórum tuórum.

Tecum princípium in die virtú-
tis tuæ in splendóribus sanctórum:
* ex útero ante lucíferum génui te.

Jurávit Dóminus, et non pœnité-
bit eum: * Tu es sacérdos in ætér-
num secúndum órđinem Melchíse-
dech.

Dóminus a dextris tuis, * confré-
git in die iræ suæ reges.

Judicábit in natió nibus, implébit
ruínas: * conquassábit cápita in
terra multórum.

De torrén te in via bibet: * pro-
ptérea exaltábit caput.

Ant. Dixit Dóminus Dómino
meo: Sede a dextris meis.

Ant. Fidélia.

Psalmus 110.

Confitébor tibi Dómine in toto
corde meo: * in consílio justó-
rum, et congregatióne.

Magna ópera Dómini: * exqui-
sita in omnes voluntátes ejus.

Conféssio et magnificéntia opus
ejus: * et justitia ejus manet in
sæculum sæculi.

Memóriam fecit mirabílium suó-
rum, miséricors et miserátor Dó-
minus: * escam dedit timéntibus se.

Memor erit in sæculum testa-
ménti sui: * virtútem óperum suó-
rum annuntiábit pópulo suo:

Ut det illis hæreditátem Gén-
tium: * ópera mánuum ejus véritas,
et judícium.

Fidélia ómnia mandáta ejus: con-
firmáta in sæculum sæculi, * facta
in veritáte et æquitáte.

Redemptiõem misit pópulo
suo: * mandávit in ætérnum testa-
méntum suum.

Sanctum, et terribile nomen ejus:
* initium sapiéntiæ timor Dómini.

Intelléctus bonus ómnibus fa-
ciéntibus eum: * laudátio ejus ma-
net in sæculum sæculi.

Ant. Fidélia ómnia mandáta ejus:
confirmáta in sæculum sæculi.

Ant. In mandátis.

Psalmus 111.

Beátus vir, qui timet Dóminum:
* in mandátis ejus volet nimis.

Potens in terra erit semen ejus:
* generátio rectórum benedicétur.

Glória, et divítiæ in domo ejus:

* et justítia ejus manet in sǎculum sǎculi.

Exórtum est in ténebris lumen rectis: * miséricors, et miserátor, et justus.

Jucúndus homo qui miserétur et cómmodat, dispónet sermónes suos in iudicio: * quia in ætérnum non commovébitur.

In memória ætérna erit justus: * ab auditióne mala non timébit.

Parátum cor ejus speráre in Dómino, confirmátum est cor ejus: * non commovébitur donec despiat inimícos suos.

Dispérsit, dedit paupéribus: justítia ejus manet in sǎculum sǎculi, * cornu ejus exaltábitur in glória.

Peccátor vidébit, et irascétur, déntibus suis fremet et tabéscet: * desidérium peccatórum períbit.

Ant. In mandátis ejus cupit nimis.

Ant. Sit nomen Dómini.

Psalmus 112.

Laudáte púeri Dóminum: * laudáte nomen Dómini.

Sit nomen Dómini benedíctum, * ex hoc nunc, et usque in sǎculum.

A solis ortu usque ad occásum, * laudábile nomen Dómini.

Excélsus super omnes Gentes Dóminus, * et super cœlos glória ejus.

Quis sicut Dóminus Deus noster, qui in altis hábitat, * et humília réspicit in cœlo et in terra?

Súscitans a terra ínopem, * et de stércore érigens pauperem:

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Sit nomen Dómini benedíctum in sǎcula.

Ant. Nos qui vívimus.

Psalmus 113.

In éxitu Israël de Ægýpto, * domus Jacob de pópulo bárbaro: Facta est Judæa sanctificatio ejus, * Israël potéstas ejus.

Mare vidit, et fugit: * Jordánis convérsus est retrórsum.

Montes exsultavérunt ut arietes, * et colles sicut agni óvium.

Quid est tibi mare quod fugísti: * et tu Jordánis, quia convérsus es retrórsum?

Montes exsultástis sicut arietes, * et colles sicut agni óvium.

A fácie Dómini mota est terra, * a fácie Dei Jacob. .

Qui convértit petram in stagna aquárum, * et rupem in fontes aquárum.

Non nobis Dómine, non nobis: * sed nómini tuo da glóriam.

Super misericórdia tua, et veritáte tua: * nequándo dicant Gentes: Ubi est Deus eórum?

Deus autem noster in cœlo: * ómnia quæcúmque vóluit, fecit.

Simulácra Géntium argéntum, et aurum, * ópera mánuum hóminum.

Os habent, et non loquéntur: * óculos habent, et non vidébunt.

Aures habent, et non audient: * nares habent, et non odorábunt.

Manus habent, et non palpábunt: pedes habent, et non ambulábunt: * non clamábunt in gútture suo.

Símiles illis fiant qui faciunt ea: * et omnes qui confidunt in eis.

Domus Israël sperávit in Dómino: * adjútor eórum et protéctor eórum est.

Domus Aaron sperávit in Dómino: * adjútor eórum et protéctor eórum est,

Qui timent Dóminum, speravérunt in Dómino: * adjútor eórum et protéctor eórum est.

Dóminus memor fuit nostri: * et benedíxit nobis:

Benedíxit dómui Israël: * benedíxit dómui Aaron.

Benedíxit ómnibus, qui timent Dóminum, * pusillis cum majóribus.

Adjiciat Dóminus super vos: * super vos, et super filios vestros.

Benedícti vos a Dómino, * qui fecit cælum, et terram.

Cælum cæli Dómino: * terram autem dedit filiis hóminum.

Non mórtui laudábunt te Dómine: * neque omnes, qui descéndunt in inférnum.

Sed nos qui vívimus, benedícimus Dómino, * ex hoc nunc et usque in sáeculum.

Ant. Nos qui vívimus, benedícimus Dómino.

Capitulum.

II. Cor. 1.

Benedíctus Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra.

Hymnus.

Lucis Creátor óptime
Lucem diérum próferens,
Primórdiis lucis novæ,
Mundi parans orígenem:

Qui mane junctum vésperi
Diem vocári præcipis:
Illábitur tetrum chaos,
Audi preces cum flétibus.

Ne mens graváta crímine,
Vitæ sit éxsul múnere,
Dum nil perénne cógitat,
Seséque culpis illigat.

Cœléste pulset óstium:
Vitále tollat præmium:
Vitémus omne nóxium:
Purgémus omne péssimum.

Præsta, Pater piíssime,
Patrique compar Unice,
Cum Spíritu Paráclito
Regnans per omne sáeculum.
Amen.

Ÿ. Dirigátur Dómine orátio mea.
R. Sicut incénsus in conspéctu tuo.

Prædictus Hymnus cum suo Ÿ. dicitur a Dom. II. post Epiph. usque ad Dom. I. Quadrages., Capit. vero prædictum dicitur in eisdem Dom. post Epiph. usque ad Septuag. tantum. Dicitur etiam in fer. Offic. ab Oct. Epiph. usque ad Dom. I. Quadrag. Similiter et Ÿ.; Ant. autem cum Ps. semper dicuntur ut supra, quando fit Offic. de Dom., exceptis Dom. Advent., quæ habent Ant. proprias.

Canticum B. Mariæ Virginis.

Lucae 1. c.

Magnificat * ánima mea Dóminum:

Et exsultávit spíritus meus * in Deo salutári meo.

Quia respéxit humilitátem ancillæ suæ: * ecce enim ex hoc beátam me dicent omnes generatiónes.

Quia fecit mihi magna qui potens est: * et sanctum nomen ejus.

Et misericórdia ejus a progénie in progénies * timéntibus eum.

Fecit poténtiam in bráchio suo: * dispérsit supérbos mente cordis sui.

Depósuit poténtes de sede, * et exaltávit húmiles.

Esuriéntes implévit bonis: * et dívites dimisit inánes.

Suscépit Israël púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sæcula.

Glória Patri.

Deinde dicitur Antiphona et Oratio propria.

Feria secunda ad Vesperas.

Ant. Inclínávit.

Psalmus 114.

Diléxi, quóniam exaúdiet Dóminus * vocem oratiónis meæ.

Quia inclinávit aurem suam mihi: * et in diébus meis invocábo.

Circumdedérunt me dolóres mortis: * et pericula inférni invénérunt me.

Tribulatiónem et dolórem invéni: * et nomen Dómini invocávi.

O Dómine libera ánimam meam: * miséricors Dóminus, et justus, et Deus noster miserétur.

Custódiens párvulos Dóminus: * humiliátus sum, et liberávit me.

Convértere ánima mea in réquiem tuam: * quia Dóminus benefécit tibi.

Quia erípuit ánimam meam de morte: * óculos meos a lácrimis, pedes meos a lapsu.

Placébo Dómino * in regióne vivórum.

Ant. Inclínávit Dóminus aurem suam mihi.

Ant. Crédidi.

Psalmus 115.

Crédidi, propter quod locútus sum: * ego autem humiliátus sum nimis.

Ego dixi in excéssu meo: * Omnis homo mendax.

Quid retribuam Dómino, * pro ómnibus, quæ retribuit mihi?

Cálicem salutáris accípiam: * et nomen Dómini invocábo.

Vota mea Dómino reddam coram omni pópulo ejus: * pretiósam in conspéctu Dómini mors sanctórum ejus:

O Dómine quia ego servus tuus: * ego servus tuus, et filius ancillæ tuæ.

Dirupísti víncula mea: * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini, in médio tui Jerúsalem.

Ant. Crédidi, propter quod locútus sum.

Ant. Laudáte.

Psalmus 116.

Laudáte Dóminum omnes Gentes: * laudáte eum omnes pópuli:

Quóniam confirmáta est super nos misericórdia ejus: * et véritas Dómini manet in ætérnum.

Ant. Laudáte Dóminum omnes Gentes.

Ant. Clamávi.

Psalmus 119.

Ad Dóminum cum tribulárer clamávi: * et exaudivit me.

Dómine libera ánimam meam a lábiis iníquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagittæ poténtis acútæ, * cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: * multum íncola fuit ánima mea.

Cum his, qui odérunt pacem, eram pacíficus: * cum loquébar illis, impugnábant me gratis.

Ant. Clamávi, et exaudivit me.

Ant. Unde véniet.

Psalmus 120.

Levávi óculos meos in montes, * Unde véniet auxiliúm mihi.

Auxiliúm meum a Dómino, * qui fecit cœlum et terram.

Non det in commotióne pedem tuum: * neque dormítet qui custódit te.

Ecce non dormitábit neque dormiet, * qui custódit Israël.

Dóminus custódit te, Dóminus protéctio tua, * super manum dexteram tuam.

Per diem sol non uret te: * neque luna per noctem.

Dóminus custódit te ab omni malo: * custódiat ánimam tuam Dóminus.

Dóminus custódiat intróitum tuum, et éxitum tuum: * ex hoc nunc, et usque in sœculum.

Ant. Unde véniet auxiliúm mihi.

Capitulum. II. Cor. 1.

Benedíctus Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra.

Hymnus.

Imménse cœli Cónditor,
Qui mixta ne confúnderent,
Aquæ fluénta dívidens,
Cœlum dedísti límitem.

Firmans locum cœléstibus,
Simúlque terræ rívilis;
Ut unda flammæ témpere,
Terræ solum ne díssipent.

Infúnde nunc, piíssime,
Donum perénis grátiae:
Fraudis novæ ne cásibus
Nos error átterat vetus.

Lucem fides adaúgeat:
Sic lúminis jubar ferat:
Hæc vana cuncta próterat:
Hanc falsa nulla cómprimant.

Præsta, Pater piíssime,
Patrique compar Unice,
Cum Spíritu Paráclito
Regnans per omne sœculum.
Amen.

℣. Dirigátur Dómine orátio mea.
℞. Sicut incénsum in conspéctu tuo.

Ad Magnif. Ant. Magníficat * ánima mea Dóminum, quia respéxit Deus humilitátem meam.

In Feriis Adventus post Ant. ad Magnificat, dicuntur sequentes Preces flexis genibus, si dicendæ sint.

Kýrie eléison. Christe eléison.
Kýrie eléison.

Pater noster. totum dicitur clara voce.

℣. Et ne nos indúcas in tentatióne. ℞. Sed libera nos a malo.

℣. Ego dixi, Dómine miserére mei. ℞. Sana ánimam meam, quia peccávi tibi.

℣. Convértere Dómine úsquequo. ℞. Et deprecábilis esto super servos tuos.

℣. Fiat misericórdia tua Dómine super nos. ℞. Quemádmódum sperávimus in te.

℣. Sacerdótes tui induántur iustítiam. ℞. Et sancti tui exsúltent.

℣. Dómine salvum fac regem.

R. Et exaúdi nos in die, qua invocavérimus te.

V. Salvum fac pópulum tuum Dómine, et bénedic hæreditáti tuæ. R. Et rege eos, et extólle illos usque in ætérnum.

V. Meménto congregatiónis tuæ. R. Quam possedísti ab initio.

V. Fiat pax in virtúte tua. R. Et abundantia in túrribus tuis.

V. Orémus pro fidélibus defúctis. R. Réquiem ætérnam dona eis Dómine, et lux perpétua lúceat eis.

V. Requiéscant in pace. R. Amen.

V. Pro frátribus nostris abséntibus. R. Salvos fac servos tuos, Deus meus, sperántes in te.

V. Pro afflíctis et captívis. R. Líbera eos Deus Israël ex ómnibus tribulatió nibus suis.

V. Mitte eis Dómine auxílium de sancto. R. Et de Sion tuére eos.

V. Dómine exaúdi oratió nem meam. R. Et clamor meus ad te véniat.

Deinde dicitur

Ps. 50. Miserére. ut supra. 50.

Finito Psalmo, dicitur

V. Dómine Deus virtútum con vértē nos. R. Et osténde fáciem tuam, et salvi érimus.

V. Exsúrge Christe, ádjuva nos. R. Et líbera nos propter nomen tuum.

V. Dómine exaúdi oratió nem meam. R. Et clamor meus ad te véniat.

V. Dóminus vobiscum. R. Et cum spíritu tuo.

Oratio, quando propria non assignatur, dicitur de Dom: præced., ut habetur in Proprio de Tempore.

Ant. cum Ps. semper dicuntur ad Vesp. in Offic. fer., ut hic in Psalt.: Hymni vero ab Oct. Epiph. usque ad Dom. I. Quadr.; Ant. autem ad Magnificat eodem tempore usque ad Septuag.

Feria tertia ad Vesperas.

Ant. In domum Dómini.

Psalmus 121.

Lætátus sum in his, quæ dicta sunt mihi: * in domum Dómini ibimus.

Stantes erant pedes nostri, * in átriis tuis Jerúsalem.

Jerúsalem, quæ ædificátur ut ci vitas: * cujus participatio ejus in idípsum.

Illuc enim ascendérunt tribus, tribus Dómini: * testimónium Israël ad confiténdum nómini Dómini.

Quia illic sedérunt sedes in júdicio, * sedes super domum David.

Rogáte quæ ad pacem sunt Jerúsalem: * et abundantia diligéntibus te:

Fiat pax in virtúte tua: * et abundantia in túrribus tuis.

Propter fratres meos, et próximos meos, * loquébar pacem de te:

Propter domum Dómini Dei nostri, * quæsi vi bona tibi.

Ant. In domum Dómini lætántes ibimus.

Ant. Qui hábitas.

Psalmus 122.

Ad te levávi óculos meos, * qui hábitas in cœlis.

Ecce sicut óculi servórum, * in mánibus dominórum suórum,

Sicut óculi ancillæ in mánibus dómínæ suæ: * ita óculi nostri ad Dóminum Deum nostrum donec misereátur nostri.

Miserére nostri Dómine, miserére nostri: * quia multum replétus sumus despectiōe:

Quia multum repléta est ánima nostra: * oppróbrium abundántibus, et despéctio supérbis.

Ant. Qui hábitas in cœlis, miserére nobis.

Ant. Adjutórium.

Psalmus 123.

Nisi quia Dóminus erat in nobis, dicat nunc Israël: * nisi quia Dóminus erat in nobis,

Cum exsúrgerent hómines in nos, * forte vivos deglutíssent nos:

Cum irascerétur furor eórum in nos, * fórsitan aqua absorbuisset nos.

Torréntem pertransívit ánima nostra: * fórsitan pertransísset ánima nostra aquam intolerábilem.

Benedictus Dóminus * qui non dedit nos, in captiónem déntibus eórum.

Anima nostra sicut passer erépta est * de láqueo venántium:

Láqueus contrítus est, * et nos liberáti sumus.

Adjutórium nostrum in nómine Dómini, * qui fecit cœlum et terram.

Ant. Adjutórium nostrum in nómine Dómini.

Ant. Bénefac.

Psalmus 124.

Qui confidunt in Dómino, sicut mons Sion: * non commovébitur in ætérnum, qui hábitat in Jerúsalem.

Montes in circúitu ejus: * et Dóminus in circúitu pópuli sui, ex hoc nunc et usque in sæculum.

Quia non relínquet Dóminus virgam peccatórum super sortem justórum: * ut non exténdant justi ad iniquitátem manus suas.

Bénefac Dómine bonis, * et réctis corde.

Declinántes autem in obligatiónes addúcet Dóminus cum operántibus iniquitátem: * pax super Israël.

Ant. Bénefac Dómine bonis, et rectis corde.

Ant. Facti sumus.

Psalmus 125.

In converténdo Dóminus captivitátem Sion: * facti sumus sicut consoláti:

Tunc replétum est gáudio os nostrum: * et lingua nostra exsultatióne.

Tunc dicent inter Gentes: * Magnificávit Dóminus fácere cum eis.

Magnificávit Dóminus fácere nobiscum: * facti sumus lætántes.

Convérte Dómine captivitátem nostram, * sicut torrens in Austro.

Qui sémant in lácrimis, * in exsultatióne metent.

Eúntes ibant et flebant, * míténtes sémina sua.

Veniéntes autem vénient cum exsultatióne, * portántes manipulos suos.

Ant. Facti sumus sicut consoláti.

Capitulum.

II. Cor. 1.

Benedictus Deus, et Pater Dómini nostri Jesu Christi, Pater misericordiárum, et Deus totius consolatiónis, qui consolátur nos in omni tribulatióne nostra.

Hymnus.

Tellúris alme Cónditor,
Mundi solum qui séparans,
Pulsis aquæ moléstiis,
Terram dedísti immóbilem:

Ut germen aptum próferens,
Fulvis decóra flóribus,
Fœcúnda fructu sísteret,
Pastúmque gratum rédderet.

Mentis perústæ vúlnera
Munda viróre grátiae:
Ut facta fletu díluat,
Motúsque pravos átterat.

Jussis tuis obtémperet:
Nullis malis appróximet:
Bonis repléri gaúdeat,
Et mortis ictum nésciat.

Præsta, Pater piissime,
Pátrique compar Unice,
Cum Spírítu Paráclito
Regnans per omne sæculum.
Amen.

V. Dirigátur Dómine orátio mea.
R. Sicut incénsum in conspéctu tuo.

Ad Magnif. Ant. Exsúltet * spí-
ritus meus in Deo salutári meo.

Preces, si dicendæ sint, habentur
supra in Vesp. Fer. II. 112.



Feria quarta ad Vesperas.

Ant. Non confundétur.

Psalmus 126.

Nisi Dóminus ædificáverit do-
mum, * in vanum laboravé-
runt qui ædificant eam.

Nisi Dóminus custodíerit civitá-
tem, * frustra vígilat qui custódit
eam.

Vanum est vobis ante lucem
súrgere: * súrgite postquam sedé-
ritis, qui manducatís panem do-
lórís.

Cum déderit diléctis suis so-
mnum: * ecce hæréditas Dómini
filii: merces, fructus ventris.

Sicut sagíttæ in manu poténtis:
* ita filii excussórum.

Beátus vir qui implévit desidé-
rium suum ex ipsis: * non confun-
détur cum loquétur inimícis suis
in porta.

Ant. Non confundétur cum lo-
quétur inimícis suis in porta.

Ant. Beáti.

Psalmus 127.

Beáti omnes, qui timent Dómi-
num, * qui ámbulant in viis
ejus.

Labóres mánuum tuárum quia
manducábis: * beátus es, et bene
tibi erit.

Uxor tua sicut vitis abúndans, *
in latéribus domus tuæ.

Filii tui sicut novéllæ olivárum,
* in circúitu mensæ tuæ.

Ecce sic benedicétur homo, *
qui timet Dóminum.

Benedícat tibi Dóminus ex Sion:
* et vídeas bona Jerúsalem ómni-
bus diébus vitæ tuæ.

Et vídeas filios filiórum tuórum,
* pacem super Israël.

Ant. Beáti omnes, qui timent
Dóminum.

Ant. Sæpe.

Psalmus 128.

Sæpe expugnavérunt me a juven-
túte mea, * dicat nunc Israël.

Sæpe expugnavérunt me a ju-
ventúte mea: * étenim non potué-
runt mihi.

Supra dorsum meum fabricavé-
runt peccatóres: * prolongavérunt
iniquitátem suam.

Dóminus justus concídít cervi-
ces peccatórum: * confundántur

et convertántur retrórsum omnes,
qui odérunt Sion.

Fiant sicut fœnum tectórum: *
quod priúsqvam evellátur, exáruit:

De quo non implévit manum
suam qui metit, * et sinum suum
qui manípulos cólligit.

Et non dixerunt qui præteribant:
Benedictio Dómini super vos: *
benedíximus vobis in nómine Dó-
mini.

Ant. Sæpe expugnávérunt me a
juventúte mea.

Ant. De profúndis.

Psalmus 129.

De profúndis clamávi ad te Dó-
mine: * Dómine exaúdi vocem
meam:

Fiant aures tuæ intendéntes, *
in vocem deprecationis meæ.

Si iniquitátes observáveris Dó-
mine: * Dómine quis sustinébit?

Quia apud te propitiatio est: *
et propter legem tuam sustínui te
Dómine.

Sustinuit ánima mea in verbo
ejus: * sperávit ánima mea in Dó-
mino.

A custódia matutína usque ad
noctem: * speret Israël in Dómino.

Quia apud Dóminum misericór-
dia: * et copiósa apud eum red-
éemptio.

Et ipse rédimet Israël, * ex ó-
mnibus iniquitatibus ejus.

Ant. De profúndis clamávi ad te
Dómine.

Ant. Speret.

Psalmus 130.

Dómine non est exaltátum cor
meum: * neque eláti sunt óculi
mei.

Neque ambulávi in magnis: * ne-
que in mirabilibus super me.

Si non humíliter sentiébam: *
sed exaltávi ánimam meam:

Sicut ablactátus est super matre
sua, * ita retribútio in ánima mea.

Speret Israël in Dómino, * ex
hoc nunc et usque in sæculum.

Ant. Speret Israël in Dómino.

Capitulum.

II. Cor. 1.

Benedictus Deus, et Pater Dó-
mini nostri Jesu Christi, Pater
misericordiárum, et Deus totíus
consolationis, qui consolátur nos
in omni tribulatióne nostra.

Hymnus.

Cœli Deus sanctíssime,
Qui lúcidas mundi plagas
Candóre pingis ígneo,
Augens decóro lúmine:

Quarto die qui flámmeam
Dum solis accéndis rotam,
Lunæ mínistras órdenem,
Vagósque cursus síderum:

Ut nóctibus, vel lúmini
Diremptionis términum,
Primórdiis et ménsium
Signum dares notíssimum;

Expélle noctem córdium:
Abstérge sordes méntium:
Resólve culpæ vínculum:
Evérte moles críminum.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.

Amen.

Y. Dirigátur Dómine orátio mea.

R. Sicut incénsum in conspéctu tuo.

Ad Magnif. Ant. Respéxit * Dó-
minus humilitátem meam, et fecit
in me magna, qui potens est.

Preces, si dicendæ sint, habentur
supra in Vesp. Fer. II. 112.

Feria quinta ad Vesperas.

Ant. Et omnis.

Psalmus 131.

Memento Dómine David, * et
omnis mansuetúdinis ejus:
Sicut jurávit Dómino, *
votum vovit Deo Jacob:

Si introíero in tabernáculum do-
mus meæ, * si ascéndero in lectum
strati mei:

Si dédero somnum óculis meis,
* et pálpebris meis dormitatióem:

Et réquiem tempóribus meis:
donec invéniam locum Dómino, *
tabernáculum Deo Jacob.

Ecce audívimus eam in Ephrata:
* invénimus eam in campis silvæ.

Introíbimus in tabernáculum
ejus: * adorábimus in loco, ubi
stetérunt pedes ejus.

Surge Dómine in réquiem tuam,
* tu et arca sanctificatiónis tuæ.

Sacerdótes tui induántur justí-
tiam: * et sancti tui exsúltent.

Propter David servum tuum, *
non avértas fáciem Christi tui.

Jurávit Dóminus David veritá-
tem, et non frustrábitur eam: * de
fructu ventris tui ponam super se-
dem tuam.

Si custodíerint filii tui testamén-
tum meum, * et testimónia mea
hæc, quæ docébo eos:

Et filii eórum usque in sæculum,
* sedébunt super sedem tuam.

Quóniam elégit Dóminus Sion: *
elégit eam in habitatióem sibi.

Hæc réquies mea in sæculum
sæculi: * hic habitábo quóniam
elégi eam.

Víduam ejus benedicens bene-
dicam: * paúperes ejus saturábo
pánibus.

Sacerdótes ejus induam salutári:
* et sancti ejus exsultatióne exsul-
tábunt.

Illuc producám cornu David, *
parávi lucérnam Christo meo.

Inimícos ejus induam confusióne:
* super ipsum autem efflorébit san-
ctificatio mea.

Ant. Et omnis mansuetúdinis ejus.

Ant. Ecce.

Psalmus 132.

Ecce quam bonum, et quam ju-
cúndum * habitáre fratres in
unum:

Sicut unguéntum in cápite, * quod
descéndit in barbam, barbam Aa-
ron,

Quod descéndit in oram vesti-
ménti ejus: * sicut ros Hermon, qui
descéndit in montem Sion.

Quóniam illic mandávit Dómi-
nus benedictiόem, * et vitam us-
que in sæculum.

Ant. Ecce quam bonum, et quam
jucúndum habitáre fratres in unum.

Ant. Omnia.

Psalmus 134.

Laudáte nomen Dómini, * laudáte
servi Dóminum.

Qui statis in domo Dómini, * in
átriis domus Dei nostri.

Laudáte Dóminum, quia bonus
Dóminus: * psállite nómini ejus,
quóniam suáve.

Quóniam Jacob elégit sibi Dó-
minus, * Israël in possessiόem
sibi.

Quia ego cognóvi quod magnus
est Dóminus, * et Deus noster præ
ómnibus diis.

Omnia quæcúmque vóluit, Dó-
minus fecit in cœlo, et in terra, *
in mari, et in ómnibus abyssis.

Edúcens nubes ab extrémō terræ: * fúlgora in plúviam fecit.

Qui producít ventos de thesaúris suis: * qui percússit primogénita Ægýpti ab hómīne usque ad pecus.

Et misit signa, et prodígia in médio tui Ægýpte: * in Pharaónem, et in omnes servos ejus.

Qui percússit gentes multas: * et occídit reges fortes:

Sehon regem Amorrhæórum, et Og regem Basan, * et ómnia regna Chánaan.

Et dedit terram eórum hæreditátem, * hæreditátem Israēl pópulo suo.

Dómine nomen tuum in ætérnum: * Dómine memoriále tuum in generatióem et generatióem.

Quia judicábit Dóminus pópulum suum: * et in servis suis deprecábitur.

Simulácrā Géntium argéntum, et aurum, * ópera mánuum hómīnum.

Os habent, et non loquéntur: * óculos habent, et non vidébunt.

Aures habent, et non aúdiunt: * neque enim est spíritus in ore ipsórum.

Símiles illis fiant qui faciunt ea: * et omnes, qui confídunt in eis.

Domus Israēl benedicite Dómino: * domus Aaron benedicite Dómino.

Domus Levi benedicite Dómino: * qui timétis Dóminum, benedicite Dómino:

Benedíctus Dóminus ex Sion, * qui hábitat in Jerúsalem.

Ant. Omnia quæcúmque vóluit Dóminus fecit.

Ant. Quóniam in ætérnum.

Psalmus 135.

Confitémini Dómino quóniam bonus: * quóniam in ætérnum misericórdia ejus.

Confitémini Deo deórum: * quóniam in ætérnum misericórdia ejus.

Confitémini Dómino dominórum: * quóniam in ætérnum misericórdia ejus.

Qui facit mirabília magna solus: * quóniam in ætérnum misericórdia ejus.

Qui fecit cœlos in intelléctu: * quóniam in ætérnum misericórdia ejus.

Qui firmávit terram super aquas: * quóniam in ætérnum misericórdia ejus.

Qui fecit luminária magna: * quóniam in ætérnum misericórdia ejus.

Solem in potestátem diéi: * quóniam in ætérnum misericórdia ejus.

Lunam, et stellas in potestátem noctis: * quóniam in ætérnum misericórdia ejus.

Qui percússit Ægýptum cum primogénitis eórum: * quóniam in ætérnum misericórdia ejus.

Qui edúxit Israēl de médio eórum: * quóniam in ætérnum misericórdia ejus.

In manu poténti, et bráchio excélso: * quóniam in ætérnum misericórdia ejus.

Qui divisit Mare rubrum in divisióes: * quóniam in ætérnum misericórdia ejus.

Et edúxit Israēl per médium ejus: * quóniam in ætérnum misericórdia ejus.

Et excússit Pharaónem, et virtútem ejus in Mari rubro: * quóniam in ætérnum misericórdia ejus.

Qui tradúxit pópulum suum per
desértum: * quóniam in ætérnum
misericórdia ejus.

Qui percússit reges magnos: *
quóniam in ætérnum misericórdia
ejus.

Et occídit reges fortes: * quón-
iam in ætérnum misericórdia ejus.

Sehon regem Amorrhæórum: *
quóniam in ætérnum misericórdia
ejus.

Et Og regem Basan: * quóniam
in ætérnum misericórdia ejus.

Et dedit terram eórum hæredi-
tátem: * quóniam in ætérnum mi-
sericórdia ejus.

Hæreditátem Israël servo suo: *
quóniam in ætérnum misericórdia
ejus.

Quia in humilitáte nostra memor
fuit nostri: * quóniam in ætérnum
misericórdia ejus.

Et redémit nos ab inimícis no-
stris: * quóniam in ætérnum mise-
ricórdia ejus.

Qui dat escam omni carni: * quón-
iam in ætérnum misericórdia ejus.

Confitémini Deo cœli: * quóniam
in ætérnum misericórdia ejus.

Confitémini Dómino dominó-
rum: * quóniam in ætérnum mise-
ricórdia ejus.

Ant. Quóniam in ætérnum mise-
ricórdia ejus.

Ant. Hymnum cantáte.

Psalmus 136.

Super flúmina Babylónis, illic
sédimus et flévimus: * cum
recordarémur Sion:

In salícibus in médio ejus, * sus-
péndimus órgana nostra.

Quia illic interrogavérunt nos,
qui captivos duxérunt nos, * verba
cantiónum:

Et qui abduxérunt nos: * Hy-
mnum cantáte nobis de cánticis
Sion.

Quómodo cantábimus cánticum
Dómini * in terra aliéna?

Si oblítus fúero tui Jerúsalem, *
oblivióni detur dextera mea.

Adhæreat lingua mea faucibus
meis, * si non memínero tui:

Si non proposúero Jerúsalem, *
in princípío lætitiæ meæ.

Memor esto Dómine filiórum
Edom, * in die Jerúsalem:

Qui dicunt: Exinaníte, exinaníte
* usque ad fundaméntum in ea.

Fília Babylónis mísera: * beátus,
qui retribuet tibi retributiónem
tuam, quam retribuísti nobis.

Beátus, qui tenébit, * et allidet
párvulos tuos ad petram.

Ant. Hymnum cantáte nobis de
cánticis Sion.

Capitulum.

II. Cor. 1.

Benedíctus Deus, et Pater Dó-
mini nostri Jesu Christi, Pater
misericordiárum, et Deus totíus
consolatiónis, qui consolátur nos
in omni tribulatióne nostra.

Hymnus.

Magnæ Deus poténtiæ,
Qui fértili natos aqua
Partim relínquis gúrgiti,
Partim levas in áëra.

Demérsa lymphis imprimens,
Subvécta cœlis érigens:
Ut stirpe ab una pródita,
Díversa répleant loca:

Largíre cunctis sérvulis,
Quos mundat unda sánguinis,
Nescíre lapsus críminum,
Nec ferre mortis tædium.

Ut culpa nullum déprimat:
Nullum éfferat jactántia:
Elísa mens ne cóncidat:
Eláta mens ne córruat.

Præsta, Pater piíssime,
Patrique compar Unice,
Cum Spíritu Paráclito
Regnans per omne sæculum.
Amen.

V. Dirigátur Dómine orátio mea.
R. Sicut incénsum in conspéctu tuo.

Ad Magnif. Ant. Fac Deus * poténtiam in bráchio tuo: dispérde superbos, et exálta húmiles.

Preces, si dicendæ sint, habentur supra in Vesp. Fer. II. 112.

Feria sexta ad Vesperas.

Ant. In conspéctu.

Psalmus 137.

Confitebor tibi Dómine in toto corde meo: * quóniam audísti verba oris mei.

In conspéctu Angelórum psallam tibi: * adorábo ad templum sanctum tuum, et confitebor nómini tuo.

Super misericórdia tua, et veritate tua: * quóniam magnificásti super omne, nomen sanctum tuum.

In quacúmque die invocávero te, exaúdi me: * multiplicábis in ánima mea virtútem.

Confiteántur tibi Dómine omnes reges terræ: * quia audiérunt ómnia verba oris tui:

Et cantent in viis Dómini: * quóniam magna est glória Dómini.

Quóniam excélsus Dóminus, et humília réspicit: * et alta a longe cognóscit.

Si ambulávero in médio tribulatiónis, vivificábis me: * et super

iram inimicórum meórum extendísti manum tuam, et salvum me fecit dextera tua.

Dóminus retribuet pro me: * Dómine misericórdia tua in sæculum: ópera mánuum tuárum ne despicias.

Ant. In conspéctu Angelórum psallam tibi Deus meus.

Ant. Dómine.

Psalmus 138.

Dómine probásti me, et cognovísti me: * tu cognovísti sessionem meam, et resurrectionem meam.

Intellexísti cogitationes meas de longe: * sémitam meam, et funiculum meum investigásti.

Et omnes vias meas prævidísti: * quia non est sermo in lingua mea.

Ecce Dómine tu cognovísti ómnia novíssima, et antiqua: * tu formásti me, et posuísti super me manum tuam.

Mirabilis facta est sciéntia tua ex me: * confortáta est, et non pótero ad eam.

Quo ibo a spíritu tuo? * et quo a fácie tua fúgiám?

Si ascéndero in cœlum, tu illic es: * si descéndero in inférnum, ades.

Si sumpsero pennas meas dilúculo, * et habitávero in extrémis maris:

Etenim illuc manus tua dedúcet me: * et tenébit me dextera tua.

Et dixi: Fórsitan ténebræ conculcábunt me: * et nox illuminatio mea in delíciis meis.

Quia ténebræ non obscurabúntur a te, et nox sicut dies illuminabitur: * sicut ténebræ ejus, ita et lumen ejus.

Quia tu possedisti renes meos: * suscepisti me de útero matris meæ.

Confitebor tibi quia terribiliter magnificatus es: * mirabilia ópera tua, et ánima mea cognóscit nimis.

Non est occultatum os meum a te, quod fecisti in occulto: * et substantia mea in inferióribus terræ.

Imperféctum meum vidérunt óculi tui, et in libro tuo omnes scribéntur: * dies formabúntur, et nemo in eis.

Mihi autem nimis honorificati sunt amici tui Deus: * nimis confortatus est principatus eórum.

Dinumerábo eos, et super arénam multiplicabúntur: * exsurrexi, et adhuc sum tecum.

Si occideris Deus peccatóres: * viri sánguinem declináte a me:

Quia dicitis in cogitatione: * accipient in vanitate civitates tuas.

Nonne qui odérunt te Dómine, óderam? * et super inimicos tuos tabescébam?

Perfécito ódio óderam illos: * et inimici facti sunt mihi.

Proba me Deus et scito cor meum: * intérroga me, et cognósce sémitas meas.

Et vide, si via iniquitátis in me est: * et deduc me in via æterna.

Ant. Dómine próbasti me, et cognovisti me.

Ant. A viro iníquo.

Psalmus 139.

Eripi me Dómine ab hómine malo: * a viro iníquo éripi me.

Qui cogitavérunt iniquitates in corde: * tota die constituébant prælia.

Acuérunt linguas suas sicut serpéntis: * venénium áspidum sub lábiis eórum.

Custódi me Dómine de manu peccatóris: * et ab homínibus iníquis éripi me.

Qui cogitavérunt supplantáre gressus meos: * abscondérunt supérbi láqueum mihi:

Et funes extendérunt in láqueum: * juxta iter scándalum posuérunt mihi.

Dixi Dómino: Deus meus es tu: * exaúdi Dómine vocem deprecaciónis meæ.

Dómine, Dómine virtus salutis meæ: * obumbrásti super caput meum in die belli:

Ne tradas me Dómine a desiderio meo peccatóri: * cogitavérunt contra me, ne derelínquas me, ne forte exalténtur.

Caput circúitus eórum: * labor labiórurn ipsórum opériet eos.

Cadent super eos carbónes, in ignem dejícies eos: * in misériis non subsistent.

Vir linguósus non dirigétur in terra: * virum injústum mala cápiunt in intéritu.

Cognóvi quia fáciét Dóminus júdiciú inopis: * et vindíctam pauperum.

Verúmtamen justí confitebúntur nómini tuo: * et habitábunt recti cum vultu tuo.

Ant. A viro iníquo libera me Dómine.

Ant. Dómine.

Psalmus 140.

Dómine clamávi ad te, exaúdi me: * inténde voci meæ, cum clamávero ad te.

Dirigátur orátio mea sicut incénsum in conspéctu tuo: * elevátio mánuum meárum sacrificiú vespertínú.

Pone Dómine custódiam ori meo:
* et óstium circumstántiæ lábiis meis.

Non declínes cor meum in verba malítiæ, * ad excusándas excusatiónes in peccátis.

Cum homínibus operántibus iniquitátem: * et non comunicábo cum eléctis eórum.

Corrípiet me justus in misericórdia, et increpábit me: * óleum autem peccatóris non impínguet caput meum.

Quóniam adhuc et orátio mea in beneplácitis eórum: * absorpti sunt juncti petræ júdices eórum.

Aúdiunt verba mea quóniam potuérunt: * sicut crassitúdo terræ erúpta est super terram.

Dissipáta sunt ossa nostra secus inférnum: * quia ad te Dómine, Dómine óculi mei: in te sperávi, non aúferas ánimam meam.

Custódi me a láqueo, quem statuérunt mihi: * et a scándalis operántium iniquitátem.

Cadent in retiáculo ejus peccatóres: * singuláriter sum ego donec transeam.

Ant. Dómine clamávi ad te, exaúdi me.

Ant. Pórtio mea.

Psalmus 141.

Voce mea ad Dóminum clamávi:
* voce mea ad Dóminum deprecátus sum:

Effúndo in conspéctu ejus oratiómem meam, * et tribulatiómem meam ante ipsum pronúntio.

In deficiéndo ex me spíritum meum, * et tu cognovísti sémitas meas.

In via hac, qua ambulábam, * abscondérunt láqueum mihi.

Considerábam ad déxteram et vidébam: * et non erat qui cognósceret me.

Périit fuga a me, * et non est qui requírat ánimam meam.

Clamávi ad te Dómine, * dixi: Tu es spes mea, pórtio mea in terra vivéntium.

Inténde ad deprecatiómem meam: * quia humiliátus sum nimis.

Líbera me a persecuéntibus me: * quia confortáti sunt super me.

Educ de custódia ánimam meam ad confiténdum nómini tuo: * me expéctant justí, donec retribuas mihi.

Ant. Pórtio méa Dómine sit in terra vivéntium.

Capitulum.

II. Cor. 1.

Benedictus Deus, et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra.

Hymnus.

Hóminis supérné Córditor,
Qui cuncta solus órduans,
Humum jubes producere
Reptántis et feræ genus:

Et magna rerum córpora,
Dictu jubéntis vívida,
Per téporum certas vices
Obtemperáre sérvulis:

Repélle, quod cupídinis
Ciénte vi nos ímpetit,
Aut móribus se súggerit,
Aut áctibus se intérsarit.

Da gaudiórum præmia,
Da gratiárum múnera:
Dissólve litis víncula:
Astrínge pacis fœdera.

Præsta, Pater piissime,
 Patrique compar Unice,
 Cum Spiritu Paráclito
 Regnans per omne sæculum.
 Amen.

V. Dirigatur Dómine oratio mea.
 R. Sicut incensum in conspéctu tuo.

Ad Magnif. Ant. Deposuit * potentes, sanctos persequentes: et exaltavit humiles, Christum confidentes.

Preces, si dicendæ sint, habentur supra in Vesp. Fer. II. 112.

Sabbato ad Vesperas.

Ant. Benedictus.

Psalmus 143.

Benedictus Dóminus Deus meus, qui docet manus meas ad prælium, * et dígitos meos ad bellum.

Misericórdia mea, et refúgium meum: * suscéptor meus, et liberátor meus:

Protéctor meus, et in ipso sperávi: * qui subdit pópulum meum sub me.

Dómine quid est homo, quia innotuísti ei? * aut filius hóminis, quia réputas eum?

Homo vanitati similis factus est: * dies ejus sicut umbra prætereunt.

Dómine inclína cœlos tuos, et descende: * tange montes, et fumigábunt.

Fúlgura coruscationem, et dissipábis eos: * emitte sagittas tuas, et conturbábis eos:

Emitte manum tuam de alto, éripe me, et libera me de aquis multis: * de manu filiorum alienórum.

Quorum os locútum est vanitatem: * et dextera eorum, dextera iniquitátis.

Deus cánticum novum cantábo tibi: * in psaltério, decachórdo psallam tibi.

Qui das salutem régibus: * qui redemísti David servum tuum de gládio maligno: éripe me.

Et érue me de manu filiorum alienórum, quorum os locútum est vanitatem: * et dextera eorum, dextera iniquitátis:

Quorum filii, sicut novellæ plantationes * in juventute sua.

Filiæ eorum compósitæ: * circumornatæ ut similitúdo templi.

Promptuária eorum plena, * eructántia ex hoc in illud.

Oves eorum foetósæ, abundantes in egressibus suis: * boves eorum crassæ.

Non est ruína maceriæ, neque tránsito: * neque clamor in plateis eorum.

Beátum dixerunt pópulum, cui hæc sunt: * beátus pópulus, cujus Dóminus Deus ejus.

Ant. Benedictus Dóminus Deus meus.

Ant. Per singulos dies.

Psalmus 144.

Exaltábo te Deus meus rex: * et benedicam nómini tuo in sæculum, et in sæculum sæculi.

Per singulos diés benedicam tibi: * et laudábo nomen tuum in sæculum, et in sæculum sæculi.

Magnus Dóminus et laudábilis nimis: * et magnitudinis ejus non est finis.

Generatio et generatio laudábit ópera tua: * et poténtiam tuam pronuntiábunt.

Magnificéntiam glóriæ sanctitátis tuæ loquéntur: * et mirabilia tua narrábunt.

Et virtútem terribílium tuórum dicent: * et magnitúdinem tuam narrábunt.

Memóriam abundántiæ suavitátis tuæ eructábunt: * et justítia tua exsultábunt.

Miserátor et miséricors Dñs: * pátiens, et multum miséricors.

Suávis Dóminus univérsis: * et miseratiónes ejus super ómnia ópera ejus.

Confiteántur tibi Dómine ómnia ópera tua: * et sancti tui benedicant tibi.

Glóriam regni tui dicent: * et poténtiam tuam loquéntur:

Ut notam fáciant filiis hóminum poténtiam tuam: * et glóriam magnificéntiæ regni tui.

Regnum tuum regnum ómnium sæculórum: * et dominátio tua in omni generatióne et generatióne.

Fidélis Dóminus in ómnibus verbis suis: * et sanctus in ómnibus opéribus suis.

Allevat Dóminus omnes qui córruunt: * et érigit omnes elisos.

Oculi ómnium in te sperant Dómine: * et tu das escam illórum in témpore opportúno.

Aperis tu manum tuam: * et imples omne ánimál benedictióne.

Justus Dóminus in ómnibus viis suis: * et sanctus in ómnibus opéribus suis.

Prope est Dóminus ómnibus invocántibus eum: * ómnibus invocántibus eum in veritaté.

Voluntátem tíméntium se fáciat: * et deprecatióne eórum exaudiet: et salvos fáciat eos.

Custódit Dóminus omnes diligétes se: * et omnes peccatóres dispérdet.

Laudatióne Dómini loquétur os meum: * et benedicat omnis caro nómini sancto ejus in sæculum, et in sæculum sæculi.

Ant. Per singulos dies benedicam te Dómine.

Ant. Laudábo.

Psalmus 145.

Lauda ánima mea Dóminum, laudábo Dóminum in vita mea: * psallam Deo meo quámdui fúero.

Nolíte confidere in princípibus: * in filiis hóminum, in quibus non est salus.

Exíbit spíritus ejus, et revertétur in terram suam: * in illa die peribunt omnes cogitatiónes eórum.

Beátus, cujus Deus Jacob adjutor ejus, spes ejus in Dómino Deo ipsíus: * qui fecit cælum et terram, mare, et ómnia, quæ in eis sunt.

Qui custódit veritaté in sæculum, facit judícium injúriam patiéntibus: * dat escam esuriéntibus.

Dóminus solvit compeditos: * Dóminus illúminat cæcos.

Dóminus érigit elisos, * Dóminus díligit justos.

Dóminus custódit ádvenas, pupillum et víduam suscípiet: * et vias peccatórum dispérdet.

Regnabit Dóminus in sæcula Deus tuus Sion, * in generatióne et generatióne.

Ant. Laudábo Deum meum in vita mea.

Ant. Deo nostro.

Psalmus 146.

Laudáte Dóminum quóniam bonus est psalmus: * Deo nostro sit jucúnda, decóraque laudátio.

Ædificans Jerúsalem Dóminus:
* dispersiónes Israël congregábit.

Qui sanat contritos corde: * et
álligat contritiónes eórum.

Qui númerat multitudínem stel-
lárum: * et ómnibus eis nómina
vocat.

Magnus Dóminus noster, et ma-
gna virtus ejus: * et sapiéntiæ ejus
non est númerus.

Suscípiens mansuétos Dóminus:
* humilians autem peccatóres us-
que ad terram.

Præcínite Dómino in confessió-
ne: * psállite Deo nostro in cíthara.

Qui óperit cælum núbibus: * et
parat terræ plúviam.

Qui producit in móntibus fœnum:
* et herbam servitúti hóminum.

Qui dat juméntis escam ipsórum:
* et pullis corvórum invocántibus
eum.

Non in fortitúdine equi voluntá-
tem habébit: * nec in tibiis viri be-
neplácitum erit ei.

Beneplácitum est Dómino super
timéntes eum: * et in eis, qui spe-
rant super misericórdia ejus.

Ant. Deo nostro jucúnda sit lau-
dátio.

Ant. Lauda.

Psalmus 147.

Lauda Jerúsalem Dóminus: *
* lauda Deum tuum Sion.

Quóniam confortávit seras por-
tárum tuárum: * benedíxit filiis
tuis in te.

Qui pósuit fines tuos pacem: *
et ádipe fruménti sátiat te.

Qui emíttit elóquium suum ter-
ræ: * velóciter currit sermo ejus.

Qui dat nivem sicut lanam: *
nébulam sicut cínerem spargit.

Mittit crystállum suam sicut buc-

céllas: * ante fáciem frígoris ejus
quis sustinébit?

Emíttet verbum suum, et lique-
fáciat ea: * flabit spíritus ejus, et
fluent aquæ.

Qui annúntiat verbum suum Ja-
cob: * justítias, et judícia sua Israël.

Non fecit táliter omni natióni: *
et judícia sua non manifestávit eis.

Ant. Lauda Jerúsalem Dóminus.

Capitulum. Rom. 11. d.

O altitúdo divitiárum sapiéntiæ
et sciéntiæ Dei: quam incom-
prehensibília sunt judícia ejus, et
investigábiles viæ ejus!

Hymnus.

Jam sol recédit igneus:
Tu lux perénis Unitas,
Nostris, beáta Trínitas,
Infúnde lumen córdibus.

Te mane laudum cármine,
Te deprecámur vespere;
Dignéris ut te súplices
Laudémus inter cœlites.

Patri, simúlque Fílio,
Tibíque sancte Spíritus,
Sicut fuit, sit júgiter
Sæclum per omne glória:
Amen.

Ÿ. Vespertína orátio ascéndat
ad te Dómine. R. Et descéndat
super nos misericórdia tua.

Ad Magnif. Ant. Suscépit * Deus
Israel púerum suum: sicut locútus
est ad Abraham, et semen ejus:
exaltáre húmiles usque in sæculum.

Capit. O altitúdo. dicitur in Vesp.
Sabbati ab Oct. Epiph. usque ad Se-
ptuag.: Hymnus et Ÿ. etiam usque ad
Quadragesimam. Ant. ad Magnificat ab
Octava Epiphaniæ usque ad Septua-
gesimam tantum. Post Antiphonam
dicitur Oratio propria.

Deinde fiunt sequentes Commemorationes communes, seu Suffragia Sanctorum, quæ dicuntur etiam ad Laudes.

Commemoratio de Cruce.

In feriali tantum Officio, etiam quando non dicuntur Preces.

Ad Vesp. et Laudes. Ant. Per signum Crucis de inimicis nostris libera nos Deus noster.

℣. Omnis terra adóret te, et psallat tibi. R. Psalmum dicat nómini tuo Dómine.

Orémus. Oratio.

Perpétua nos, quæsumus Dómine, pace custódi: quos per lignum sanctæ Crucis redímere dignátus es.

Commemorationes communes, sive Suffragia Sanctorum.

De S. Maria,
quando non dicitur ejus Officium parvum.

Ad Vesp. et Laudes. Ant. Sancta María succúrre míseris, juva pusillánimes, réfove flébiles, ora pro pópulo, intérvieni pro clero, intercède pro devóto femíneo sexu: sentiant omnes tuum juvámén, quicumque celebrant tuam sanctam commemoratióem.

℣. Ora pro nobis sancta Dei Génitrix. R. Ut digni efficiámur promissionibus Christi.

Orémus. Oratio.

Concède nos fámulos tuos, quæsumus Dómine Deus, perpétua mentis et córporis sanitáte gaudere, et gloriósa beátæ Mariæ semper Vírginis intercessióne, a præsentí liberári tristítia, et ætérna pérfrui lætítia.

Ab Oct. Epiph. usque ad Purificationem dicitur:

℣. Post partum Virgo invioláta permansísti. R. Dei Génitrix intercède pro nobis.

Orémus. Oratio.

Deus, qui salútis ætérnæ, beátæ Mariæ virginitáte fœcúnda, humano géneri præmia præstitísti: tríbue, quæsumus; ut ipsam pro nobis intercédere sentiámus, per quam merúimus auctórem vitæ suscípere Dóminum nostrum Jesum Christum Filium tuum.

De sancto Joseph.

Ad Vesp. Ant. Ecce fidélis servus et prudens, quem constituit Dóminus super famíliam suam.

℣. Glória et divítiae in domo ejus. R. Et justítia ejus manet in sæculum sæculi.

Ad Laud. Ant. Ipse Jesus erat incípiens quasi annórum trigínta ut putabátur filius Joseph.

℣. Os justí meditábitur sapiéntiam. R. Et lingua ejus loquétur judícium.

Orémus. Oratio.

Deus, qui ineffábili providéntia beátum Joseph sanctíssimæ Genitrícis tuæ sponsum elígere dignátus es: præsta quæsumus; ut quem protectórem venerámur in terris, intercessórem habére mereámur in cœlis.

De Apostolis.

Ad Vesp. Ant. Petrus Apóstolus, et Paulus Doctor Géntium, ipsi nos docuérunt legem tuam Dómine.

℣. Constitues eos príncipes super omnem terram. R. Mémoires erunt nóminis tui Dómine.

Ad Laud. Ant. Gloriósi príncipes terræ, quómodo in vita sua

dilexérunt se, ita et in morte non sunt separáti.

Ÿ. In omnem terram exívit sonus eórum. R. Et in fines orbis terræ verba eórum.

Orémus. Oratio.

Deus, cujus dextera beátum Petrum ambulántem in flúctibus, ne mergerétur, eréxit, et coapóstolum ejus Paulum tértio naufragántem de profúndo pélagi liberávit: exáudi nos propítius, et concéde; ut ambórum méritis, æternitátis glóriam consequámur.

De Patrono

vel Titulari ecclesiæ fiat Commem. consueta ante vel post Commem. prædictas, pro dignitate illius, et ultimo loco

De Pace.

Ad Vesp. et Laud. Ant. Da pacem Dómine in diébus nostris, quia non est álius, qui pugnet pro nobis, nisi tu Deus noster.

Ÿ. Fiat pax in virtúte tua. R. Et abundantia in túrribus tuis.

Orémus. Oratio.

Deus, a quo sancta desidéria, recta consília, et justa sunt ópera: da servis tuis illam, quam mundus dare non potest, pacem; ut et corda nostra mandátis tuis dédita, et hostium sublata formidine, témpora sint tua protectione tranquilla. Per Dóminum. R. Amen.

Ÿ. Dóminus vobíscum. R. Et cum spíritu tuo.

Ÿ. Benedicámus Dómino. R. Deo grátias.

Ÿ. Fidélium animæ per misericórdiam Dei requiescant in pace. R. Amen.

Deinde dic. secr. Pater noster.

Sic terminatur Offic., ubi alia non

sequatur Hora, ut dicitur in Rubrica de Oratione Dominica.

Dictæ Commem. seu Suffragia dicuntur ab Octava Epiphaniæ usque ad Dominicam Passionis, exceptis Duplicibus, et infra Octavas.

Quando dicitur Offic. B. Mariæ, non fit alia Commem. de ea.



Ad Completorium.

Lector incipit: Ÿ. Jube domne benedicere.

Benedictio. Noctem quiétam, et finem perféctum concédant nobis Dóminus omnipotens. R. Amen.

Lectiò brevis. 1. Petr. 5. c.

Fratres: Sóbrii estóte, et vigilate: quia adversárius vester diábolus tamquam leo rúgiens circuit, quærens quem dévoret: cui resistite fortes in fide. Tu autem Dómine miserére nobis.

R. Deo grátias.

Ÿ. Adjutórium nostrum in nómine Dómini. R. Qui fecit cœlum et terram.

Pater noster. dicitur totum secreto.

Deinde Hebdomadarius facit Confessionem.

Confíteor Deo omnipoténti, beátæ Mariæ semper Vírgini, beáto Michaéli Archángelo, beáto Joánni Baptístæ, sanctis Apóstolis Petro et Paulo, ómnibus Sanctis, et vobis fratres: quia peccávi nimis cogitatione, verbo et ópere: mea culpa, mea culpa, mea máxima culpa. Ideo precor beátam Mariám semper Vírginem, beátum Michaélem Archángelum, beátum Joánnem Baptistam, sanctos Apóstolos Petrum et Paulum, omnes Sanctos, et vos fratres, oráre pro me ad Dóminum Deum nostrum.

Chorus respondet:

Misereatur tui omnipotens Deus, et dimissis peccatis tuis, perducatur te ad vitam æternam.

R. Amen.

Deinde repetit Confessionem; et ubi dicitur vobis fratres, et vos fratres, dicatur tibi Pater, et te Pater.

Facta Confessione a Choro.

Hebdomadarius dicit:

Misereatur vestri omnipotens Deus, et dimissis peccatis vestris, perducatur vos ad vitam æternam. R. Amen.

Indulgentiam, absolutiõnem et remissionem peccatorum nostrorum tribuat nobis omnipotens et misericors Dominus. R. Amen.

Et facta Absolutione dic. V.

Converte nos Deus salutaris noster. R. Et averte iram tuam a nobis.

V. Deus in adiutorium meum intende. R. Domine ad adjuvandum me festina.

Gloria Patri. Sicut erat.

Ant. Miserere.

Psalmus 4.

Cum invocarem exaudivit me Deus iustitiæ meæ: * in tribulatione dilatasti mihi.

Miserere mei, * et exaudi orationem meam.

Filii hominum usquequo gravi corde? * ut quid diligitis vanitatem, et queritis mendacium?

Et scitote quoniam mirificavit Dominus sanctum suum: * Dominus exaudiet me cum clamavero ad eum.

Irascimini, et nolite peccare: * quæ dicitis in cordibus vestris, in cubilibus vestris compungimini.

Sacrificate sacrificium iustitiæ, et sperate in Domino. * Multi dicunt: Quis ostendit nobis bona?

Signatum est super nos lumen vultus tui Domine: * dedisti lætiam in corde meo.

A fructu frumenti, vini, et olei sui * multiplicati sunt.

In pace in idipsum * dormiam, et requiescam;

Quoniam tu Domine singulariter in spe * constituisti me.

Psalmus 30.

In te Domine speravi, non confundar in æternum: * in iustitia tua libera me.

Inclina ad me aurem tuam, * accelera ut eruas me.

Esto mihi in Deum protectorem: et in domum refugii, * ut salvum me facias.

Quoniam fortitudo mea, et refugium meum es tu: * et propter nomen tuum deduces me, et enutries me.

Educes me de laqueo hoc, quem absconderunt mihi: * quoniam tu es protector meus.

In manus tuas commendo spiritum meum: * redemisti me Domine Deus veritatis.

Psalmus 90.

Qui habitat in adiutorio Altissimi, * in protectione Dei cœli commorabitur.

Dicet Domino: Susceptor meus es tu, et refugium meum: * Deus meus sperabo in eum.

Quoniam ipse liberavit me de laqueo venantium, * et a verbo aspero.

Scapulis suis obumbrabit tibi: * et sub pennis ejus sperabis.

Scuto circúmdabit te véritas ejus:
 * non timébis a timóre noctúrno,
 A sagíтта volánte in die, a negó-
 tio perambulánte in ténebris: * ab
 incúrsu, et dæmónio meridiáno.

Cadent a látere tuo mille, et de-
 cem millia a dextris tuis: * ad te
 autem non appropinquábit.

Verúmtamen óculis tuis conside-
 rábis: * et retributióem peccató-
 rum vidébis.

Quóniam tu es Dómine spes mea:
 * Altíssimum posuísti refúgium
 tuum.

Non accédet ad te malum: * et
 flagéllum non appropinquábit ta-
 bernáculo tuo.

Quóniam Angelis suis mandávit
 de te: * ut custódiant te in ómni-
 bus viis tuis.

In mánibus portábunt te: * ne
 forte offéndas ad lápidem pedem
 tuum.

Super áspidem, et basilíscum
 ambulábis: * et conculcábis leó-
 nem et draconem.

Quóniam in me sperávit, liberá-
 bo eum: * prótegam eum, quóniam
 cognóvit nomen meum.

Clamábit ad me, et ego exaú-
 diam eum: * cum ipso sum in tri-
 bulatióne: erípiam eum et glorifi-
 cábo eum.

Longitúdine diérum replébo
 eum: * et osténdam illi salutáre
 meum.

Psalmus 133.

Ecce nunc benedícite Dóminum,
 * omnes servi Dómini:

Qui statis in domo Dómini, * in
 átriis domus Dei nostri,

In nóctibus extóllite manus ve-
 stras in sancta, * et benedícite Dó-
 minum.

Benedícat te Dóminus ex Sion,
 * qui fecit cœlum et terram.

Ant. Miserére mihi Dómine, et
 exaúdi oratióem meam.

Hymnus.

Te lucis ante términum,
 Rerum Creátor póscimus,
 Ut pro tua cleméntia
 Sis præsul et custódia.

Procul recédant sómnia,
 Et nóctium phantásmata;
 Hostémque nostrum, cómprime,
 Ne polluántur córpora.

Præsta, Pater piíssime,
 Patrique compar Unice,
 Cum Spíritu Paráclito
 Regnans per omne sæculum.
 Amen.

Capitulum. Jerem. 14. b.

Tu autem in nobis es Dómine, et
 nomen sanctum tuum invocá-
 tum est super nos, ne derelínquas
 nos Dómine Deus noster.

R. Deo grátias.

R. br. In manus tuas Dómine *
 Comméndo spíritum meum. In.
 V. Redemísti nos Dómine Deus
 veritátis. Comméndo. Glória Pa-
 tri. In.

V. Custódi nos Dómine ut pu-
 píllam óculi. R. Sub umbra alárum
 tuárum prótege nos.

Ant. Salva nos.

Canticum Simeonis.

Luc. 2. c.

Nunc dimíttis servum tuum Dó-
 mine, * secúndum verbum tu-
 um in pace:

Quia vidérunt óculi mei * salu-
 táre tuum.

Quod parásti * ante fáciem ó-
 mnium populórum:

Lumen ad revelatióem Gén-
tium, * et glóriam plebis tuæ
Israël.

Glória Patri.

Ant. Salva nos Dómine vigilán-
tes, custódi nos dormiéntes: ut vi-
gilémus cum Christo, et requiescá-
mus in pace.

Sequentes Preces semper dicuntur,
præterquam in Officio Duplici, et infra
Octavas: quæ in fer. Offic. Temp. Ad-
vent., quando dictæ sunt Preces in
Vesp., dicuntur flexis genibus.

Kýrie eléison. Christe eléison.
Kýrie eléison.

Pater noster. secreto.

Ÿ. Et ne nos indúcás in tentatió-
nem. R. Sed libera nos a malo.

Credo in Deum. secreto.

Ÿ. Carnis resurrectionem. R. Vi-
tam ætérnam. Amen.

Ÿ. Benedíctus es Dómine Deus
patrum nostrórum. R. Et laudábi-
lis et gloriósus in sæcula.

Ÿ. Benedicámus Patrem et Fí-
lium cum sancto Spíritu. R. Lau-
démus, et superexaltémus eum in
sæcula.

Ÿ. Benedíctus es Dómine in
firmaménto cœli. R. Et laudábilis,
et gloriósus, et superexaltátus in
sæcula.

Ÿ. Benedícat et custódiat nos
omnípotens et miséricors Dómi-
nus. R. Amen.

Ÿ. Dignáre Dómine nocte ista.
R. Sine peccáto nos custodíre.

Ÿ. Miserére nostri Dómine. R. Mi-
serére nostri.

Ÿ. Fiat misericórdia tua Dómine
super nos. R. Quemádmódum spe-
rávimus in te.

Ÿ. Dómine exaúdi oratióem
meam. R. Et clamor meus ad te
véniat.

Ÿ. Dóminus vobíscum. R. Et cum
spíritu tuo.

Orémus.

Oratio.

Vísita, quæsumus Dómine, habi-
tatióem istam, et omnes insí-
dias inimíci ab ea longe repélle:
Angeli tui sancti hábitent in ea,
qui nos in pace custódiant, et be-
nedíctio tua sit super nos semper.
Per Dóminum.

Ÿ. Dóminus vobíscum. R. Et
cum espíritu tuo.

Ÿ. Benedicámus Dómino. R. Deo
grátias.

Bened. Benedícat et custódiat
nos omnípotens et miséricors Dó-
minus, Pater, et Fílius, et Spíritus
sanctus. R. Amen.

Et non dicitur Fidélium ánimæ, sed
immediate dicitur una ex infrascriptis
Antiphonis pro tempore.

A Vesp. Sabbati ante Dominicam
I. Adventus usque ad Purificat. inclus.

Antiphona.

Alma Redemptóris Mater, quæ
pérvia cœli

Porta manes, et stella maris, suc-
cúrre cadénti,

Súrgere qui curat, pópulo: tu quæ
genuísti,

Natúra miránte, tuum sanctum Ge-
nitórem,

Virgo prius ac postérius, Gabriélis
ab ore

Sumens illud Ave, peccatórum mi-
serére.

In Adventu. Ÿ. Angelus Dómini
nuntiávit Mariæ. R. Et concépit de
Spíritu sancto.

Orémus.

Oratio.

Gratiam tuam, quæsumus Dómine, méntibus nostris infúnde: ut qui, Angelo nuntiánte, Christi Filii tui Incarnatiónem cognóvimus, per passióem ejus et crucem ad resurrectiósni glóriam perducámur. Per eúndem Christum Dóminum nostrum. *R.* Amen.

A I. Vesp. Nativ. Domini et deinceps. *V.* Post partum Virgo invioláta permansísti. *R.* Dei Génitrix intercède pro nobis.

Orémus.

Oratio.

Deus, qui salutis æternæ beátæ Mariæ virginitáte fœcúnda, humano géneri præmia præstitisti: tribue, quæsumus; ut ipsam pro nobis intercédere sentiámus, per quam merúimus auctórem vitæ suscipere Dóminum nostrum Jesum Christum Filium tuum. *R.* Amen.

Post Purificat., id est, a fine Completorii illius diei secundæ Febr. inclusive, usque ad Feriam V. in Cœna Domini exclusive.

Antiphona.

Ave Regina cœlórum,
Ave Dómina Angelórum:
Salve radix, salve porta,
Ex qua mundo lux est orta:
Gaude Virgo gloriósa,
Super omnes speciósa,
Vale o valde decóra,
Et pro nobis Christum exóra.

V. Dignáre me laudáre te, Virgo sacráta. *R.* Da-mihi virtútem contra hostes tuos.

Orémus.

Oratio.

Concède, miséricors Deus, fragilitáti nostræ præsidium: ut qui sanctæ Dei Genitrícis memóriam ágimus, intercessiósni ejus auxílio, a nostris iniquitatibus resurgámus. Per eúndem Christum. *R.* Amen.

V. Divinum auxilium máneat semper nobiscum. *R.* Amen.

Deinde dicitur secreto Pater noster. Ave María. et Credo.

Si post Complet. immediate sequatur Matut., tunc bis dicatur Pater noster. Ave María. et Credo: quia Completorium, quod est finis Officii, sic terminari debet, et ante Matutinum iterum repetitur pro principio Officii sequentis diei.

Antiphonæ prædictæ dicuntur etiam in fine Laudum, quando discedendum est a Choro: sed si-immediate post Matut. subsequatur Prima, vel alia Hora, dicuntur in fine ultimæ Horæ, ita ut dicantur semper, quando, terminata aliqua Hora, discedendum est a Choro: et tunc post *V.* Fidélium animæ. et Pater noster. secreto, dicitur *V.* Dóminus det nobis suam pacem. *R.* Et vitam æternam. Amen.

Deinde una ex prædictis Antiphonis et in fine Divinum auxilium máneat semper nobiscum. *R.* Amen.

Extra Chorū autem dicuntur in fine Laudum, si tunc terminandum sit Officium; alioquin in fine ultimæ Horæ. Post alias vero Horas, quando terminatur Offic., dicitur tantum Pater noster. secreto.





PROPRIUM DE TEMPORE.

Sabbato

ante Dominicam I. Adventus.

Ad Vesperas.

Capitulum. Rom. 13. d.

Eratres: Hora est jam nos
de somno surgere. Nunc
enim propior est nostra
salus, quam cum credi-
dimus. R. Deo gratias.

Sic semper respondetur in fine om-
nium Capitulorum.

Hymnus.

Creátor alme sīderum,
Ætérna lux credéntium,
Jesu Redēptor ómnium,
Intēde votis sūpplicum.

Qui dáemonis ne fraudibus
Períret orbis, ímpetu
Amóris actus, lánguidi
Mundi medéla factus es.

Commúne qui mundi nefas

Ut expiáres; ad crucem

E Vírginis sacrário

Intácta prodís víctima.

Cujus potéstas glóriæ,

Noménque cum primum sonat;

Et cóelites et ínferi

Treménte curvántur genu.

Te deprecámur últimæ

Magnum diéi Júdicem,

Armis supérnæ grátiae

Defēde nos ab hóstibus.

Virtus, honor, laus, glória

Deo Patri cum Fílio,

Sancto simul Paráclito,

In sæculórum sæcula.

Amen.

V. Rorate cœli désuper, et nu-
bes pluant justum. R. Aperiátur
terra, et gérmínet Salvatórem.

Ad Magnif. Ant. Ecce nomen
Dómini * venit de longínquo, et
cláritas ejus replet orbem terrárum.

Oratio.

Excita, quæsumus Dómine, po-
téntiam tuam, et veni: ut ab
imminéntibus peccatórum nostró-
rum perículis, te mereámur prote-
génte éripi, te liberánte salvári:
Qui vivis et regnas cum Deo Patre
in unitáte Spíritus sancti Deus, per
ómnia sæcula sæculórum.

R. Amen.

Commem. seu Suffragia Sanctorum
non fiunt per totum Advent., etiam in
Officio de Sanctis, nec de Cruce in
feriali Officio.

In Adventu non fit de Festo, nisi
fuerit Dupl. vel Semiduplex. Quod si
occurrat in Dom., de eo fit tantum
Commem. in utrisque Vesperis et Lau-
dibus: Festum autem majus vel ali-
cujus Doctoris Ecclesiæ transfertur in
primam diem Duplici vel Semiduplici
Festo non impeditam. De Simplici
quoque fit tantum Commemoratio ut
in Rubricis Generalibus.

Dominica I. Adventus.

Ad Matutinum.

Invit. Regem ventúrum Dómi-
num, * Veníte, adorémus.

Et dicitur etiam in Feriis, usque ad
Dom. III. Adventus.

Ps. Veníte, exultémus. 2.

Hymnus.

Verbum supérnum pródiens,
E Patris ætérni sinu
Qui natus orbi súbvenis,
Labénte cursu témporis.
Illúmina nunc péctora,
Tuóque amóre cóncrema;
Ut cor cadúca déserens
Cœli volúptas ímpleat:

Ut, cum tribúnal Júdicis
Damnábit igni nóxios,
Et vox amíca débitum
Vocábit ad cœlum pios.

Non esca flammárum nigros
Volvámur inter túrbines,
Vultu Dei sed cómpotes
Cœli fruámur gaúdiis.

Patri simúlque Fílio,
Tibíque sancte Spíritus,
Sicut fuit, sit júgiter
Sæclum per omne glória.
Amen.

In I. Nocturno.

Ant. et Ps. ut in Psalt. 3.

Post V., in quolibet Nocturno dici-
tur Pater noster. Deinde Benedictiones
et Absolutiones ut in Psalterio.

Incipit liber Isaíæ Prophétæ.

Lectio i.

Cap. 1.

Visio Isaíæ filii Amos, quam
vidit super Judam et Jerú-
salem, in diébus Ozíæ, Jóa-
than, Achaz, et Ezechíæ, regum
Juda. Audíte cœli, et aúribus pér-
cipe terra, quóniam Dóminus lo-
cútus est. Fílios enutrívi, et ex-
altávi: ipsi autem spreverunt me.
Cognóvit bos possessórem suum,
et ásinus præsepe dómini sui: Is-
raël autem me non cognóvit, et
pópulus meus non intelléxit. Tu
autem Dómine miserére nobis.

R. Deo grátias.

Sic semper terminantur Lectiones,
nisi aliter signetur.

R. Aspiciens a longe, ecce vídeo
Dei poténtiam veniéntem, et nébu-
lam totam terram tegéntem. * Ité
óbviám ei, et dicite: * Núntia no-
bis si tu es ipse, * Qui regnatúrus
es in pópulo Israél. V. Quique ter-
rígenæ, et filii hóminum, simul in

unum dives et pauper. *Ite óbviā* ei, et dícite. *V.* Qui regis Israēl, intēde, qui dedúcis velut ovem Joseph. Núntia nobis, si tu es ipse. *V.* Tóllite portas príncipes vestras, et elevámini portæ æternáles, et introíbit Rex glóriæ. Qui regnatúr-
us es in pópulo Israēl. *V.* Glória Patri, et Fílio, et Spirítui sancto.

Deinde repetitur *R.* Aspiciens a longe, usque ad *V.* Quique terrí-
genæ.

Hoc *R.* non dicitur per Hebdoma-
dam, sed ejus loco dicitur *R.* i. Feriæ II.
sequentis.

Lectio ii.

Væ genti peccatríci, pópulo gravi
iniquitáte, sémini nequam, fi-
liis scelerátis: dereliquérunt Dómi-
num, blasphemavérunt sanctum
Israēl, abalienáti sunt retrórsum.
Super quo percútiam vos ultra, ad-
déntes prævaricatióem? omne ca-
put lánguidum, et omne cor mœ-
rens. A planta pedis usque ad vér-
ticem non est in eo sánitas: vulnus,
et livor, et plaga tumens, non est
circumligáta, nec curáta medicá-
mine, neque fota óleo.

R. Aspiciébam in visu noctis, et
ecce in núbibus cœli Fílius hómi-
nis veniébat: et datum est ei re-
gnum, et honor: * Et omnis póp-
ulus, tribus, et linguæ sérvient ei.
V. Potéstas ejus, potéstas æténa,
quæ non auferétur: et regnum ejus,
quod non corrumpétur. Et.

Lectio iii.

Terra vestra desérta, civitátes
vestræ succénsæ igni: regi-
onem vestram coram vobis aliéni
dévorant, et desolábitur sicut in
vastitáte hostili. Et derelinquétur
filia Sion ut umbráculum in vénea,

et sicut tugúrium in cucumerário,
et sicut civitas, quæ vastátur. Nisi
Dóminus exercítuum reliquisset
nobis semen, quasi Sódoma fuissé-
mus, et quasi Gomórrha símiles
essémus.

R. Missus est Gábriel Angelus
ad Mariám Vírginem desponsátam
Joseph, núntians ei verbum; et ex-
pavéscit Virgo de lúmine: ne tí-
meas, Mariá, invenisti grátiam apud
Dóminum: * Ecce concípies et pá-
ries, et vocábitur Altíssimi Fílius.
V. Dabit ei Dóminus Deus sedem
David, patris ejus, et regnábit in
domo Jacob in ætérnum. Ecce.
Glória Patri. Ecce.

Sic semper dicitur Glória Patri. in
fine ultimi *R.* cujuslibet Nocturni, nisi
aliter notetur.

In II. Nocturno.

Sermo sancti Leónis Papæ.

Serm. 8. de jej. X. mens. et eleemos.

Lectio iv.

Cum de advéntu regni Dei, et
de mundi fine ac témporum,
discípulos suos Salvátor in-
strúeret, totámque Ecclésiā su-
am in Apóstolis erudíret: Cavéte,
inquit, ne forte gravéntur corda
vestra in crápula, et ebrietáte, et
cogitatióibus sæculáribus. Quod
útique præcéptum, dilectíssimi,
ad nos speciálius pertinére cognó-
scimus, quibus denunciátus dies,
etiámsi est occúltus, non dubitátur
esse vicínus.

R. Ave Mariá, grátia plena, Dó-
minus tecum: * Spíritus sanctus
supervéniet in te, et virtus Altíssi-
mi obumbrábit tibi: quod enim ex
te nascétur Sanctum, vocábitur Fí-
lius Dei. *V.* Quómodo fiet istud,

quóniam virum non cognosco? Et respondens Angelus, dixit ei. Spiritus sanctus.

Lectio v.

Ad cujus adventum omnem hominem convenit preparari: ne quem aut ventri deditum, aut curis saecularibus inveniat implicatum. Quotidiano enim, dilectissimi, experimento probatur, potus satietate aciem mentis obtundi, et ciborum nimietate vigorem cordis hebetari: ita ut delectatio edendi etiam corporum contraria sit salutis, nisi ratio temperantiae obsistat illicebrae, et quod futurum est oneri, subtrahat voluptati.

R. Salvatorem expectamus Dominum Jesum Christum, * Qui reformabit corpus humilitatis nostrae configuratum corpori claritatis suae. V. Sobrie, et juste, et pie vivamus in hoc saeculo, expectantes beatam spem, et adventum gloriae magni Dei. Qui.

Lectio vi.

Quamvis enim sine anima nihil caro desideret, et inde accipiat sensus, unde sumit et motus: ejusdem tamen est animae, quaedam sibi subditae negare substantiae, et interiori iudicio ab inconvenientibus exteriora frenare: ut a corporeis cupiditatibus saepius libera, in aula mentis possit divinae vacare sapientiae: ubi omni strepitu terrenarum silente curarum, in meditationibus sanctis, et in deliciis laetetur aeternis.

R. Obsecro Domine, mitte quem missurus es: vide afflictionem populi tui: * Sicut locutus es, veni, * Et libera nos. V. Qui regis Israel

intende, qui deducis velut ovem Ioseph, qui sedes super Cherubim. Sicut. Gloria Patri. Et libera.

In III. Nocturno.

Lectio sancti Evangelii secundum Lucam.

Sic semper praepositur Lectio sancti Evangelii. ante I. Lectionem de Homilia.

Lectio vii. Cap. 21. e.

In illo tempore: Dixit Jesus discipulis suis: Erunt signa in sole, et luna, et stellis, et in terris pressura gentium. Et reliqua.

Homilia sancti Gregorii Papae.

Homilia 1. in Evangelia.

Dominus ac Redemptor noster paratos nos invenire desiderans, senescentem mundum quae mala sequantur denuntiat, ut nos ab ejus amore compescat. Appropinquantem ejus terminum quantae percussiones praevéniant, innotescit: ut si Deum metuere in tranquillitate nolumus, saltem vicinum ejus iudicium vel percussiónibus attriti timeamus.

R. Ecce virgo concipiet, et pariet filium, dicit Dominus: * Et vocabitur nomen ejus Admirabilis, Deus, Fortis. V. Super solium David, et super regnum ejus sedebit in aeternum. Et.

Lectio viii.

Huic etenim lectioni sancti Evangelii, quam modo vestra fraternitas audivit, paulo superius Dominus praemisit, dicens: Exsurgit gens contra gentem, et regnum adversus regnum: et erunt terrae motus magni per loca, et pestilentiae, et fames. Et quibusdam interpositis, hoc, quod modo audistis, ad-

júnxit: Erunt signa in sole, et luna, et stellis, et in terris pressúra gén-
tium præ confusióne sónitus maris,
et flúctuum. Ex quibus profécto
ómnibus ália jam facta cernimus,
ália in próximo ventúra formidá-
mus.

R. Audíte verbum Dómini Gen-
tes, et annuntiáte illud in fínibus
terræ: * Et ínsulis, quæ procul sunt,
dicite: Salvátor noster advéniet.
V. Annuntiáte, et audítum fácite:
loquímini, et clamáte. Et ínsulis.

Lectio ix.

Nam gentem contra gentem
exsurgere, earúmque pres-
súram terris insístere, plus jam
in nostris tempóribus cernimus,
quam in codícibus légimus. Quod
terrámótus urbes innúmeras ób-
ruat, ex áliis mundi pártibus scitis
quam frequénte audívimus. Pesti-
léntias sine cessatióne pátimur.
Signa vero in sole, et luna, et
stellis, adhuc apérte mínime vídi-
mus: sed quia et hæc non longe
sint, ex ipsa jam áëris ímutatióne
collígimus.

R. Ecce dies véniunt, dicit Dó-
minus, et suscitábo David germen
justum: et regnabit Rex, et sápiens
erit, et fáciet judícium et justítiam
in terra: * Et hoc est nomen quod
vocábunt eum: * Dóminus justus
noster. V. In diébus illis salvábi-
tur Juda, et Israël habitábit con-
fidénte. Et hoc est. Glória Patri.
Dóminus.

Ab hac Dominica usque ad Nati-
vitatem Domini, et a Dominica Septua-
gesimæ usque ad Pascha, Dominicis
diebus dicitur ix. R.: quia Te Deum
non dicitur nisi in festis.

Ad Laudes

et per Horas.

Ant. 1. In illa die * stillábunt
montes dulcédinem, et colles fluent
lac et mel, allelúja.

Ps. Dóminus regnávít. 15.

2. Jucundáre * filia Sion, et ex-
súlta satis filia Jerúsalem, allelúja.

3. Ecce Dóminus véniet, * et
omnes Sancti ejus cum eo: et erit
in die illa lux magna, allelúja.

4. Omnes sitiéntes * veníte ad
aquas: quærite Dóminum, dum in-
veníri potest, allelúja.

5. Ecce véniet * Prophéta ma-
gnus, et ipse renovábit Jerúsalem,
allelúja.

Capitulum. Rom. 13. d.

Fratres: Hora est jam nos de
somno surgere: nunc enim
própior est nostra salus, quam
cum credídimus.

Hymnus.

En clara vox redárguit
Obscúra quæque, pèrsonans:
Procul fugéntur sómnia:
Ab alto Jesus prómicat.

Mens jam resúrgat tórpida,
Non ámplius jacens humi;
Sidus refúlget jam novum,
Ut tollat omne nóxium.

En Agnus ad nos míttitur
Laxáre gratis débitum:
Omnes simul cum lácrimis
Precémur indulgéntiam.

Ut, cum secúndo fúlserit,
Metúque mundum cínxerit,
Non pro reátu púniat,
Sed nos pius tunc prótegat.

Virtus, honor, laus, glória
Deo Patri cum Filio,
Sancto simul Paráclito,
In sæculórum sæcula. Amen.

Ÿ. Vox clamántis in desérto, Pa-
ráte viam Dómini. R. Rectas fácite
sémitas ejus.

Ad Bened. Ant. Spíritus sanctus
* in te descéndet, María: ne timeas,
habébis in útero Filium Dei, allel.

Oratio.

Excita, quæsumus Dómine, po-
téntiam tuam, et veni: ut ab
imminéntibus peccatórum nostró-
rum perículis, te mereámur prote-
génte éripi, te liberánte salvári:
Qui vivis et regnas.

Ad Primam, Tertiam, Sextam et No-
nam, Antiphonæ de Laudibus dicuntur
per ordinem, quarta prætermis-
sa. Quod etiam servatur in aliis Dominicis Ad-
ventus.

In R. br. ad Primam loco Qui sedes,
dicitur Qui ventúrus es in mundum.

Sic dicitur quotidie usque ad Nati-
vitatem Domini, etiam in Officio de
Sanctis, præterquam in die et infra Oct.
Immaculatæ Concept. B. Mariæ.

Deinde Kýrie eléison. cum reliqu. ut
in Psalt. 23.

Ad Absolutionem Capituli, Lectio
brevis Dómine miserére. 25. Quæ di-
citur in Dominicis et Feriis usque ad
Vigiliam Nativitatis Domini exclusive.

Ad Tertiam.

Ant. Jucundáre.

Capitulum. Fratres: Hora est. ut
supra ad Laudes. 136.

R. br. Veni ad liberándum nos
* Dómine Deus virtútum. Et repe-
titur: Veni ad liberándum nos Dó-
mine Deus virtútum. Ÿ. Osténde
fáciem tuam, et salvi érimus. Dó-
mine Deus virtútum. Glória Patri.

Veni ad liberándum nos Dómine
Deus virtútum.

Ÿ. Timébunt Gentes nomen tu-
um Dómine. R. Et omnes reges
terræ glóriam tuam.

Sic repetuntur ŸŸ. in omnibus R. R.
brevibus Horarum.

Ad Sextam.

Ant. Ecce Dóminus véniet.

Capitulum. Rom. 13. d.

Nox præcéssit, dies autem ap-
propinquávit: abjiciámus ergo
ópera tenebrárum, et induámur
arma lucis.

R. br. Osténde nobis Dómine
* Misericórdiam tuam. Osténde.
Ÿ. Et salutáre tuum da nobis. Mi-
sericórdiam. Glória Patri. Osténde.

Ÿ. Meménto nostri Dómine in
beneplácito pópuli tui. R. Vísta
nos in salutári tuo.

Ad Nonam.

Ant. Ecce véniet.

Capitulum. Rom. 13. d.

Sicut in die honéste ambulémus,
non in comessatióibus et ebri-
etátibus, non in cubilibus et impu-
dicitiis, non in contentiône et æ-
mulatiône: sed induímini Dóminum
Jesum Christum.

R. br. Super te Jerúsalem, * Ori-
etur Dóminus. Super te. Ÿ. Et gló-
ria ejus in te vidébitur. Orietur.
Glória Patri. Super te.

Ÿ. Dómine Deus virtútum con-
vérte nos. R. Et osténde faciém
tuam, et salvi érimus.

Ad Vesperas.

Ant. de Laud., Ps. de Domin. 108.
Capit., Hymn. et Ÿ. ut supra. 132.

Ad Magnif. Ant. Ne timeas Ma-
ría, * invenísti enim grátiam apud

Dóminum: ecce concípies, et páries fílium, allelúja.

Hymni, VV. et RR. br. hujus Dom. dicuntur in aliis Dom. et Feriis Advent.

Post Vesperas diei dicuntur Vesperæ Defunctorum.

Feria Secunda.

Ad Matutinum. Invitat. Regem ventúrum Dóminum, * Veníte adorémus.

Ps. Veníte, exsultémus. 2.

Hymn. Verbum supérnum. 133.

Ant. et Ps. Feriæ II. 41.

De Isaíá Prophéta.

Lectio i.

Cap. 1. d.

Iavámini, mundi estóte, auférte malum cogitátionum vestrárum ab óculis meis: quíescite ágere perversé, díscite benefácere: quærite judícium, subveníte opprésso, judicáte pupíllo, deféndite víduam. Et veníte, et argúite me, dicit Dóminus: si fúerint peccáta vestra ut cóccinum, quasi nix dealbabúntur: et si fúerint rubra quasi vermículus, velut lana alba erunt.

R. Súscipe verbum Virgo María, quod tibi a Dómino per Angelum transmissum est: concípies et páries Deum páriter et hóminem, * Ut benedícta dicáris inter omnes mulieres. V. Páries quidem fílium, et virginitátis non patiéris detrimentum: efficiéris grávida, et eris mater semper intácta. Ut.

Lectio ii.

Si voluéritis, et audiéritis me, bona terræ comedétis. Quod si noluéritis, et me ad iracúndiam provocavéritis, gládius devorábit vos, quia os Dómini locútum est. Quómodo facta est méretrix civitas fidélis, plena judícii? Justítia

habitávit in ea, nunc autem homicídae. Argéntum tuum versum est in scóriam: vinum tuum mistum est aqua. Príncipes tui infidéles, sócii furum: omnes díligunt múnera, sequúntur retributiónes. Pupíllo non júdicant: et causa víduæ non ingréditur ad illos.

R. Læténtur cœli, et exsúltet terra, jubiláte montes laudem: quia Dóminus noster véniet, * Et pauperum suórum miserébitur. V. Oriétur in diébus ejus justítia, et abundantia pacis. Et.

Lectio iii.

Propter hoc ait Dóminus Deus exercítuum fortis Israél: Heu, consolábor super hóstibus meis, et vindicábor de inimícis meis. Et convértam manum meam ad te, et excoquam ad purum scóriam tuam, et aúferam omne stannum tuum. Et restítuam júdices tuos ut fúerunt prius, et consiliários tuos sicut antíquitus: post hæc vocáberis civitas justí, urbs fidélis. Sion in judício redimétur, et redúcent eam in justítia: et cónteret sceléstos, et peccatóres simul: et qui dereliquérunt Dóminum, consumentur.

R. Aliéni non transíbunt per Jerúsalem ámplius: * Nam in illa die stillábunt montes dulcédinem, et colles fluent lac et mel, dicit Dóminus. V. Deus a Líbano véniet, et Sanctus de monte umbróso et condénso. Nam. Glória Patri. Nam.

Ad Laudes.

Ant. et Ps. Fer. II. 50.

Capitulum.

Is. 2.

Veníte, et ascendámus ad montem Dómini, et ad domum Dei

Jacob, et docébit nos vias suas, et ambulábit in sémitis ejus: quia de Sion exíbit lex, et verbum Dómini de Jerúsalem.

Hymn. En clara vox. 136. *Ÿ*. Vox clamántis. 137.

Ad Bened. Ant. Angelus Dómini * nuntiávit Mariæ, et concépit de Spíritu sancto, allelúja.

In feriali Officio per Adventum dicuntur Preces ut in Psalterio. 112.

Oratio.

Excita, quæsumus Dómine, poténtiam tuam, et veni: ut ab imminéntibus peccatórum nostrórum perículis, te mereámur protegénte éripi, te liberánte salvári: Qui vivis et regnas.

Orat. Dom. præteritæ semper dicitur per Hebdomadam in fer. Offic., quando propria non assignatur.

Hodie dicitur Offic. Defunct.

Ad Horas Antiph. de Laudib. Dom. præcedentis, Capit., *R. R.* br. et alia ut in Psalt., nisi quod in *R.* br. ad Primam loco *Ÿ*. Qui sedes dicitur *Ÿ*. Qui ventúrus es in mundum.

Ad Vesperas.

Ant. et Ps. de Psalt. 111.

Capitulum. Gen. 49. b.

Non auferétur sceptrum de Juda, et dux de fémore ejus, donec véniat qui mitténdus est: et ipse erit exspectátio Géntium.

Hymnus. Creátor alme. *Ÿ*. Rorate. 132.

Ad Magnif. Ant. Leva Jerúsalem * óculos tuos, et vide poténtiam regis: ecce Salvátor venit sólvere te a vínculo.

Deinde Preces, ut in Psalterio. 112. et Oratio Dom. præced.

Capitula prædicta dicuntur in feriali Officio usque ad Vigiliam Nativitatis Domini exclusive.

Feria Tertia.

De Isaia Prophéta.

Lectio i.

Cap. 2.

Verbum, quod vidit Isaías, filius Amos, super Juda et Jerúsalem. Et erit in novíssimis diébus præparátus mons domus Dómini in vértice móntium, et elevábitur super colles, et fluent ad eum omnes gentes. Et ibunt pópuli multi, et dicent: Veníte et ascendámus ad montem Dómini, et ad domum Dei Jacob, et docébit nos vias suas, et ambulábit in sémitis ejus: quia de Sion exíbit lex, et verbum Dómini de Jerúsalem.

R. Montes Israël, ramos vestros expándite, et floréte, et fructus fácite: * Prope est ut véniat dies Dómini. *Ÿ*. Rorate cœli désuper, et nubes pluant justum: aperiátur terra, et gérminet Salvátorem. Prope est.

Lectio ii.

Et judicábit Gentes, et árguet pópulos multos: et conflábunt gládios suos in vómeres, et lanceas suas in falces: non levábit gens contra gentem gládium, nec exercebúntur ultra ad prælium. Domus Jacob veníte, et ambulémus in lumine Dómini. Projecísti enim pópulum tuum, domum Jacob: quia repléti sunt ut olim, et aúgures habuérent ut Philístiim, et púeris aliénis adhæsérunt.

R. Erúmpant montes jucunditatem, et colles justítiam: * Quia lux mundi Dóminus cum poténtia venit. *Ÿ*. De Sion exíbit lex, et verbum Dómini de Jerúsalem. Quia.

Lectio iii.

Repléta est terra argénto et auro, et non est finis thesauró-

rum ejus: et repléta est terra ejus equis: et innumerábiles quadrígæ ejus. Et repléta est terra ejus idólis: opus mánuum suárum adoravérunt, quod fecérunt dígití eórum. Et incurvávít se homo, et humiliátus est vir: ne ergo dimíttas eis.

R. Ecce ab Austro vénio, ego Dóminus Deus vester, * Visitáre vos in pace. V. Aspíciam vos, et créscere fáciam: multiplicabímíni, et firmábo pactum meum vobíscum. Visitáre. Glória Patri. Visítáre.

Ad Bened. Ant. Antequam convenírent, * invénta est María habens in útero de Spíritu sancto, allelúja.

Ad Magnif. Ant. Quærite Dóminum, * dum inveníri potest: invocáte eum, dum prope est, allelúja.

Feria Quarta.

De Isaía Prophéta.

Lectio i.

Cap. 3.

Ecce enim Dominátor Dóminus exercítuum aúferet a Jerúsalem et a Juda válidum et fortem, omne robur panis, et omne robur aquæ: fortem, et virum bellatórem, júdicem, et prophétam, et ariolum, et senem: príncipem super quinquagínta, et honorábilem vultu, et consiliárium, et sapiéntem de architécis, et prudéntem elóquii mystici. Et dabo púeros príncipes eórum, et effemináti dominabúntur eis.

R. Rex noster advéniet Christus, * Quem Joánnes prædicávit Agnum esse ventúrum. V. Super ipsum continébunt reges os suum, ipsum Gentes deprecabúntur. Quem.

Lectio ii.

Et irruet pópulus, vir ad virum, et unusquisque ad próximum suum: tumultuábitur puer contra senem, et ignóbilis contra nóbilem. Apprehéndet enim vir fratrem suum domésticum patris sui: Vestiméntum tibi est, princeps esto noster, ruína autem hæc sub manu tua. Respondébit in die illa, dicens: Non sum médicus, et in domo mea non est panis, neque vestiméntum: nolíte constitúere me príncipem pópuli.

R. Ante multum tempus prophtávit Ezéchiél: Vidi portam clausam; ecce Deus ante sæcula ex ea procedébat pro salúte mundi: * Et erat íterum clausa, demónstrans Vírginem, quia post partum permánsit virgo. V. Porta quam vidísti, Dóminus solus transíbit per illam. Et.

Lectio iii.

Ruit enim Jerúsalem, et Judas cóncidit: quia lingua eórum et adinventiónes eórum contra Dóminum, ut provocárent óculos majestátis ejus. Agnítio vultus eórum respóndit eis: et peccátum suum quasi Sódoma prædicavérunt, nec abscondérunt: vae ánimæ eórum, quóniam réddita sunt eis mala. Dícite justo quóniam bene, quóniam fructum adinventiónum suárum cómedet. Vae ímpio in malum: retribútio enim mánuum ejus fiet ei.

R. Ecce dies véniunt, dicit Dóminus, et suscitábo David germen justum: et regnábit rex, et sapiens erit, et fáciét judícium et justítiam in terra: * Et hoc est nomen quod vocábunt eum: * Dóminus justus noster. V. In diébus illis salvábi-

tur Juda, et Israël habitabit confidenter. Et. Glória Patri. Dóminus.

Ad Bened. Ant. De Sion * exhibet lex, et verbum Dómini de Jerúsalem.

Ad Magnif. Ant. Véniet * fórtior me post me, cujus non sum dignus sólvere corrigiam calceamentórum.

Feria Quinta.

De Isaia Prophéta.

Lectio i. Cap. 4.

Et apprehéndent septem mulieres virum unum in die illa, dicéntes: Panem nostrum comedemus, et vestiméntis nostris operiémur: tantúmmodo invocétur nomen tuum super nos, aufer op-probrium nostrum. In die illa erit germen Dómini in magnificéntia, et glória, et fructus terræ sublímis, et exsultatio his, qui salváti fuerint de Israël. Et erit: Omnis qui relictus fuerit in Sion, et résiduus in Jerúsalem, sanctus vocábitur, omnis qui scriptus est in vita in Jerúsalem.

R. Súscipe verbum. 138.

Lectio ii. Cap. 5.

Cantábo dilécto meo cánticum patruélis mei véneæ suæ. Véneæ facta est dilécto meo in cornu ólei. Et sepívit eam, et lápides elégit ex illa, et plantávit eam eléctam, et ædificávit turrim in médio ejus, et tórcular exstrúxit in ea: et exspectávit ut fáceret uvas, et fecit labrúscas. Nunc ergo habitatóres Jerúsalem, et viri Juda, judicáte inter me et véneam meam. Quid est quod débui ultra fácere véneæ meæ, et non feci ei?

An quod exspectávi, ut fáceret uvas, et fecit labrúscas?

R. Aspiciébam in visu. 134.

Lectio iii.

Et nunc osténdam vobis quid ego fáciam véneæ meæ: aufferam sepem ejus, et erit in direptionem: díruam macériam ejus, et erit in conculcationem. Et ponam eam désertam: non putábitur, et non fodiétur: et ascéndent vepres et spinæ: et núbibus mandábo ne pluant super eam imbrem. Véneæ enim Dómini exercítium domus Israël est: et vir Juda germen ejus delectábile: et exspectávi ut fáceret judícium, et ecce iniquitas: et justítiam, et ecce clamor.

R. Missus est. 134.

Ad Bened. Ant. Benedícta * tu in mulieribus, et benedíctus fructus ventris tui.

Ad Magnif. Ant. Exspectábo * Dóminum Salvatórem meum, et præstolabor eum dum prope est, allelúja.

Feria Sexta.

De Isaia Prophéta.

Lectio i. Cap. 6.

In anno, quo mórtuus est rex Ozías, vídi Dóminum sedéntem super sólum excélsum et elevátum: et ea, quæ sub ipso erant, replébant templum. Séraphim stabant super illud: sex alæ uni, et sex alæ álteri: duábus velábant faciém ejus, et duábus velábant pedes ejus, et duábus volábant. Et clamábant alter ad álterum, et dicebant: Sanctus, sanctus, sanctus, Dóminus Deus exercítium, plena est omnis terra glória ejus.

R. Ave María. 134.

Lectio ii.

Et commóta sunt superliminária cárdinum a voce clamántis, et domus repléta est fumo. Et dixi: Væ mihi, quia tácii, quia vir pollútus lábiis ego sum, et in médio pópuli pollúta lábia habéntis ego hábito, et Regem Dóminum exercítuum vidi óculis meis. Et volávit ad me unus de Séraphim, et in manu ejus cálculus, quem fórcipe túlerat de altári. Et tétigit os meum, et dixit: Ecce tétigit hoc lábia tua, et auferétur iníquitas tua, et peccátum tuum mundábitur.

R. Salvatórem. 135.

Lectio iii.

Et audívi vocem Dómini dicéntis: Quem mittam? et quis ibit nobis? Et dixi: Ecce ego, mitte me. Et dixit: Vade, et dices pópulo huic: Audíte audíentes, et nolíte intelligere: et vidéte visiónem, et nolíte cognóscere. Excæca cor pópuli hujus, et aures ejus ággrava, et óculos ejus claude, ne forte vídeat óculis suis, et aúribus suis aúdiat, et corde suo intélligat, et convertátur, et sanem eum.

R. Obsecro Dómine. 135.

Ad Bened. Ant. Ecce véniet * Deus et homo de domo David sedére in throno, allelúja.

Ad Magnif. Ant. Ex Ægýpto * vocávi Fílium meum: véniet, ut salvet pópulum suum.

S a b b a t o.

De Isaia Prophéta.

Lectio i. Cap. 7.

Et factum est in diébus Achaz fílii Jóathan, fílii Ozíæ regis Juda, ascéndit Rasin rex Sýriæ, et

Phácee fílius Romeliæ rex Israël, in Jerúsalem, ad præliándum contra eam: et non potuérunt debelláre eam. Et nuntiavérunt dómui David, dicéntes: Requiévit Sýria super Ephraïm, et commótum est cor ejus, et cor pópuli ejus, sicut movéntur ligna silvárum a fácie venti. Et dixit Dóminus ad Isaíam: Egrédere in occúrsum Achaz tu, et qui derelíctus est Jasub fílius tuus, ad extrémum aquæductus piscínæ superiórís in via Agri fulónis.

R. Ecce virgo. 135.

Lectio ii.

Et dices ad eum: Vide ut síleas: noli timére, et cor tuum ne formídet a duábus caudis titiónum fumigántium istórum in ira furóris Rasin regis Sýriæ, et fílii Romeliæ: eo quod consílium iníerit contra te Sýria in malum Ephraïm, et fílius Romeliæ, dicéntes: Ascendámus ad Judam, et suscitémus eum, et avellámus eum ad nos, et ponámus regem in médio ejus fílium Tábeel.

R. Audíte verbum. 136.

Lectio iii.

Et adjécit Dóminus loqui ad Achaz, dicens: Pete tibi signum a Dómino Deo tuo in profúndum inférni, sive in excélsum supra. Et dixit Achaz: Non petam, et non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce virgo concípíet, et páriet fílium, et vocábitur nomen ejus Emmánuel. Butý-

rum et mel cómedet, ut sciat reprobáre malum, et eligere bonum.

R. Ecce dies. 136.

Ad Bened. Ant. Sion, noli timére, * ecce Deus tuus véniet, allel.

Ad Vesperas.

Capitulum. Rom. 15.

Fratres: Quæcúmque scripta sunt, ad nostram doctrínam scripta sunt: ut per patiéntiam, et consolatióem Scripturárum spem habeámus.

Hymnus.

Creátor alme síderum,
Ætérna lux credéntium,
Jesu Redémptor ómnium,
Inténde votis súpplicum.

Qui dáemonis ne fraudibus
Períret orbis, ímpetu
Amóris actus, lánguidi
Mundi medéla factus es.

Commúne qui mundi nefas
Ut expiáres; ad crucem
E Vírginis sacrário
Intácta prodís víctima.

Cujus potéstas glóriæ,
Noménque cum primum sonat;
Et cœlites et ínferi
Treménte curvántur genu.

Te deprecámur últimæ
Magnum diéi Júdicem,
Armis supérnæ grátia
Defénde nos ab hóstibus.

Virtus, honor, laus, glória
Deo Patri cum Fílio,
Sancto simul Paráclito,
In sæculórum sæcula. Amen.

V. Roráte cœli désuper, et nubes pluant justum. R. Aperiátur terra, et gérmínet Salvatórem.

Ad Magnif. Ant. Veni Dómine * visitáre nos in pace, ut lætémur coram te corde perfécto.

Oratio.

Excita Dómine corda nostra ad præparándas Unigéniti tui vias: ut per ejus advéntum purificátis tibi méntibus servíre mereámur: Qui tecum vivit et regnat.



Dominica II. Adventus.

Ad Matutinum.

Invit. Regem ventúrum Dóminum, * Veníte adorémus.

Ps. Veníte, exsultémus. 2.

Hymnus.

Verbum supérnum pródiens
E Patris ætérni sinu,
Qui natus orbi súbvenis,
Labénte cursu témporis:

Illúmina nunc pèctora,
Tuóque amóre cóncrema,
Ut cor cadúca déserens
Cœli volúptas ímpleat.

Ut, cum tribúnal Júdicis
Damnábit igni nóxios,
Et vox amíca débitum
Vocábit ad cœlum pios.

Non esca flammárum nigros
Volvámur inter túrbines,
Vultu Dei sed cómpotes
Cœli fruámur gaúdiis.

Patri simúlque Fílio,
Tibíque sancte Spíritus,
Sicut fuit, sit júgiter
Sæclum per omne glória.
Amen.

In I. Nocturno.

De Isaía Prophéta.

Lectio i. Cap. 11.

Et egrediétur virga de radíce Jesse, et flos de radíce ejus ascéndet. Et requiescet super eum spíritus Dómini: spíritus

sapiéntiæ et intelléctus, spíritus consílii et fortitúdinis, spíritus sciéntiæ et pietátis; et replébit eum spíritus timóris Dómini: non secúndum visiónem oculórum judicábit, neque secúndum audítum aúrium árguet: sed judicábit in justítia paúperes, et árguet in æquitáte pro mansuétis terræ.

R. Jerúsalem, cito véniet salus tua: quare mœróre consuéreris? numquid consiliárius non est tibi, quia innovávit te dolor? * Salvábo te, et liberábo te, noli timére. V. Ego enim sum Dóminus Deus tuus, sanctus Israël, Redemptor tuus. Salvábo.

Lectio ii.

Et percútiét terram virga oris sui, et spíritu labiórurn suórum interficiét ímpium. Et erit justítia cingulum lumbórum ejus: et fides cinctórium renurn ejus. Habitábit lupus cum agno, et pardus cum hœdo accubábit: vítulus, et leo, et ovis simul morabúntur, et puer párvulus minábit eos. Vítulus et ursus pascéntur: simul requiéscent cáculi eórum: et leo, quasi bos, cómedet páleas.

R. Ecce Dóminus véniet, et omnes sancti ejus cum eo, et erit in die illa lux magna: et exíbunt de Jerúsalem sicut aqua munda: et regnábit Dóminus in ætérnum * Super omnes Gentes. V. Ecce Dóminus cum virtúte véniet: et regnum in manu ejus, et potéstas, et impérium. Super omnes Gentes.

Lectio iii.

Et delectábitur infans ab úbere super forámine áspidis: et in cavérna réguli, qui ablactátus fúerit, manum suam mittet. Non no-

cébunt, et non occídent in univérso monte sancto meo: quia repléta est terra sciéntia Dómini, sicut aquæ maris operiéntes. In die illa radix Jesse, qui stat in signum populórum, ipsum gentes deprecabúntur, et erit sepúlchrum ejus gloriósum.

R. Cívitas Jerúsalem noli flere: quóniam dóluit Dóminus super te: * Et auferet a te omnem tribulatiónem. V. Ecce Dóminus in fortitúde véniet: et bráchium ejus dominábitur. Et. Glória Patri. Et.

In II. Nocturno.

De Expositione sancti Hierónymi Presbýteri in Isaíam Prophétam.

Lib. 4. in cap. 11. Isaíæ.

Lectio iv.

Et egrediétur virga de radíce Jesse. Usque ad princípium visiónis, vel pónderis Baby-lónis, quod vidit Isaías, filius Amos, omnis hæc prophetía de Christo est: quam per partes vólumus explanáre, ne simul propósita atque dissérta lectóris confúndat memóriam. Virgam et florem de radíce Jesse ipsum Dóminum Judæi interpretántur: quod scilicet in virga regnántis poténtia, in flore pulchritúdo monstrétur.

R. Ecce véniet Dóminus, protector noster, sanctus Israël, * Corónam regni habens in cápite suo. V. Et dominábitur a mari usque ad mare, et a flúmine usque ad téminos orbis terrárum. Corónam.

Lectio v.

Nos autem virgam de radíce Jesse sanctam Mariám Vírginem intelligámus, quæ nullum hábuit sibi frúticem cohæréntem, de

qua et supra légimus: Ecce virgo concípiet et páriet filium. Et florem, Dóminum Salvátorem, qui dicit in Cántico canticórum: Ego flos campi, et lilium convállium.

R. Sicut mater consolátur filios suos, ita consolábor vos, dicit Dóminus: et de Jerúsalem civitáte quam elégi, véniet vobis auxiliúm: * Et vidébitis, et gaudébit cor vestrum. V. Dabo in Sion salútem, et in Jerúsalem glóriam meam. Et.

Lectio vi.

Super hunc igitur florem, qui de trunco et radíce Jesse per Mariám Virginem repénite consúrget, requiescet Spíritus Dómini: quia in ipso complácuít omnem plenitúdinem divinitátis habitáre corporaliter: nequáquam per partes, ut in céteris Sanctis: sed juxta Evangelíum eórum, quod hebræo sermóne conscriptum legunt Nazaráei: Descéndet super eum omnis fons Spíritus sancti. Dóminus autem Spíritus est; et ubi Spíritus Dómini, ibi libértas.

R. Jerúsalem plantábis véneam in móntibus tuis: exsultábis, quóniam dies Dómini véniet: surge Sion, convértere ad Dóminum Deum tuum: gaude et lætáre Jacob: * Quia de médio Géntium Salvátor tuus véniet. V. Exsulta satis filia Sion: júbila filia Jerúsalem. Quia. Glória Patri. Quia.

In III. Nocturno.

Léctio sancti Evangelíi secúndum Matthæum.

Lectio vii. Cap. 11.

In illo témpore: Cum audisset Joánnes in vínculis ópera Chri-

sti, mittens duos de discíplis suis, ait illi: Tu es qui ventúrus es, an álium exspectámus? Et réliqua.

Homília sancti Gregórii Papæ.

Homília 6. in Evang. post init.

Misis tot signis tantisque virtutibus, non scandalizári quisque pótuit, sed admirári. Sed infidélium mens grave in illo scándalum pértulit, cum eum post tot mirácula moriéntem vidit. Unde et Paulus dicit: Nos autem prædicámus Christum crucifixum, Judæis quidem scándalum, Géntibus autem stultítiam. Stultum quippe homínibus visum est, ut pro homínibus auctor vitæ more-rétur: et inde contra eum homo scándalum sumpsit, unde ei ámplius débitor fieri débuit. Nam tanto Deus ab homínibus dignius honorándus est, quanto pro homínibus et indigna suscepit.

R. Egrediétur Dóminus de Samaría ad portam, quæ respicit ad Oriéntem: et véniet in Bétlehem, ámbulans super aquas redemptionis Judæ: * Tunc salvus erit omnis homo: quia ecce véniet. V. Et præparábitur in misericórdia sólum ejus, et sedébit super illud in veritáte. Tunc.

Lectio viii.

Quid est ergo dicere: Beátus qui non fúerit scandalizátus in me; nisi apérta voce abjectionem mortis suæ humilitatémque signáre? Ac si paténter dicat: Mira quidem fácio, sed abjecta pérpeti non dedígnor. Quia ergo moriéndum te súbsequor, cavéndum valde est homínibus, ne in me mortem despícient, qui signa venerántur.

R. Festína, ne tardáveris Dómine: * Et libera pópulum tuum.
 V. Veni Dómine, et noli tardáre: reláxa facínora plebi tuæ. Et.

Lectio ix.

Sed dimíssis Joánnis discípulis, quid de eódem Joánnē turbis dicat, audiámus. Quid exístis in desértum vidére? Arúndinem vento agítatam? Quod vidélicet non asseréndo, sed negándo íntulit. Arúndinem quippe mox ut aura contígerit, in partem álteram inflectit. Et quid per arúndinem, nisi carnális ánimus designátur? Qui mox ut favóre vel detractióne tángitur, statim in partem quámlibet inclinátur?

R. Ecce Dóminus véniet cum splendóre descéndens, et virtus ejus cum eo, * Visitáre pópulum suum in pace, et constitúere super eum vitam sempitérnam.
 V. Ecce Dóminus noster cum virtúte véniet. Visitáre. Glória Patri. Visitáre.

Ad Laudes

et per Horas.

Ant. 1. Ecce in núbibus cœli: * Dóminus véniet cum potestáte magna, allelúja.

Psalm. Dóminus regnávít. cum reliquis. 15.

2. Urbs fortitúdinis * nostræ Sion, Salvátor ponétur in ea murus et antemurále: aperíte portas, quia nobíscum Deus, allelúja.

3. Ecce apparébit * Dóminus, et non mentiétur: si moram fécerit, exspécta eum, quia véniet, et non tardábit, allelúja.

4. Montes et colles * cantábunt coram Deo laudem, et ómnia ligna

silvárum plaudent mánibus: quóniam véniet Dominátor Dóminus in regnum ætérnum, allelúja, allelúja.

5. Ecce Dóminus * noster cum virtúte véniet, et illuminábit óculos servórum suórum, allelúja.

Capitulum. Rom. 15.

Fratres: Quæcúmque scripta sunt, ad nostram doctrínam scripta sunt: ut per patiéntiam, et consolatiónem Scripturárum spem habeámus.

Hymnus.

En clara vox redárguit
 Obscúra quæque, pérsonans:
 Procul fugéntur sómnia:
 Ab alto Jesus prómecat.

Mens jam resúrgat tórpida,
 Non ámplius jacens humi:
 Sidus refúlget jam novum,
 Ut tollat omne nóxium.

En Agnus ad nos míttitur
 Laxáre gratis débitum:
 Omnes simul cum lácrimis
 Precémur indulgéntiam:

Ut, cum secúndo fúlserit,
 Metúque mundum cínxerit,
 Non pro reátu púniat,
 Sed nos pius tunc próteget.

Virtus, honor, laus, glória
 Deo Patri cum Fílio,
 Sámcto simul Paráclito,
 In sæculórum sæcula. Amen.

V. Vox clamántis in desérto,
 Paráte viam Dómini. R. Rectas
 fácite sémitas ejus.

Ad Bened. Ant. Joánnes autem * cum audísset in vínculis ópera Christi, mittens duos ex discípulis suis, ait illi: Tu es qui ventúrus es, an álium exspectámus?

Oratio.

Excita Dómine corda nostra ad præparandas Unigéniti tui vias: ut per ejus advéntum, purificáti tibi méntibus servíre mereámur: Qui tecum vivit.

Ad Tertiam.

Ant. Urbs fortitúdinis.

Capit. Fratres: Quæcúmque. 146.

R̃. br. Veni ad liberándum nos

* Dómine Deus virtútum. Veni. Ṽ. Osténde fáciem tuam, et salvi érimus. Dómine. Glória. Veni.

Ṽ. Timébunt Gentes nomen tuum Dómine. R̃. Et omnes reges terræ glóriam tuam.

Ad Sextam.

Ant. Ecce apparébit.

Capitulum. Rom. 15.

Deus autem patiéntiæ, et solátii det vobis idípsum sápere in altérutrum secúndum Jesum Christum: ut unánimes uno ore honorificétis Deum, et Patrem Dómini nostri Jesu Christi.

R̃. br. Osténde nobis Dómine * Misericórdiam tuam. Osténde. Ṽ. Et salutáre tuum da nobis. Misericórdiam. Glória. Osténde.

Ṽ. Meménto nostri Dómine in beneplácito pópuli tui. R̃. Vísita nos in salutári tuo.

Ad Nonam.

Ant. Ecce Dóminus.

Capitulum. Rom. 15. c.

Deus autem spei répleat vos omni gaudio et pace in credendo; ut abundétis in spe, et in virtúte Spiritus sancti.

R̃. br. Super te Jerúsalem * Oriétur Dóminus. Super te. Ṽ. Et glória ejus in te vidébitur. Oriétur. Glória Patri. Super te.

Ṽ. Dómine Deus virtútum convertéte nos. R̃. Et osténde fáciem tuam, et salvi érimus.

Ad Vesperas.

Ant. de Laud., Ps. de Domin. 108. Capit., Hymn. et Ṽ. ut supra. 143.

Ad Magnif. Ant. Tu es qui ventúrus es, * an álium exspectámus? Dícite Joánni quæ vidístis: Ad lumen rédeunt cæci, mórtui resurgunt, paúperes evangelizántur, al-lelúja.

Post Vesperas diei dicuntur Vesperæ Defunctorum.

Feria Secunda.

Ad Matutinum. Invit. et Hymn. ut in Domin. præcedenti. 143.

De Isaia Prophéta.

Lectio i. Cap. 13.

Dominus Babylónis, quod vidit Isaías filius Amos. Super montem caliginósum leváte signum, exaltáte vocem, leváte manum, et ingrediántur portas duces. Ego mandávi sanctificáti meis, et vocávi fortes meos in ira mea, exsultántes in glória mea. Vox multitudinis in móntibus, quasi populórum frequéntium: vox sónitus regum, géntium congregátarum.

R̃. Súscipe verbum. 138.

Lectio ii.

Dóminus exercítuum præcépit militiæ belli, veniéntibus de terra procul a summitáte cœli: Dóminus, et vasa furóris ejus, ut dispérdat omnem terram. Ululáte, quia prope est dies Dómini: quasi vástitas a Dómino véniet. Propter hoc omnes manus dissolvéntur, et omne cor hóminis contabéscet, et conterétur. Torsiónes et dolóres tenébunt; quasi partúriens dolé-

bunt: unusquisque ad primum suum stupébit, fácies combústæ vultus eorum.

R. Læténtur cœli. 138.

Lectio iii.

Ecce dies Dómini véniet, crudélis, et indignatiónis plenus, et iræ, furorisque, ad ponéndam terram in solitúdinem, et peccatóres ejus conteréndos de ea. Quóniam stellæ cœli, et splendor eárum non expándent lumen suum: obtenebrátus est sol in ortu suo, et luna non splendébit in lúmine suo. Et visitábo super orbis mala, et contra ímpios iniquitátem eorum, et quiéscere fáciam supérbiam infidélium, et arrogántiam fórtium humiliábo.

R. Aliéni non transíbunt. 138.

Ad Bened. Ant. De cœlo véniet * Dominátor Dóminus, et in manu ejus honor et impérium.

Hodie dicitur Offic. Defunct.

Ad Magnif. Ant. Ecce véniet Rex * Dóminus terræ, et ipse áuferet jugum captivitátis nostræ.

~~~~~  
Feria Tertia.

De Isaíá Prophéta.

Lectio i. Cap. 14.

**P**rope est ut véniat tempus ejus, et dies ejus non elongabúntur. Miserébitur enim Dóminus Jacob, et éliget adhuc de Israél, et requiéscere eos fáciat super humum suam: adjungétur ádvena ad eos, et adhærébit dómui Jacob. Et tenébunt eos pópuli, et addúcent eos in locum suum: et possidébit eos domus Israél super terram Dómini in servos et ancíllas: et erunt ca-

piéntes eos qui se céperant, et subjicient exactóres suos.

R. Montes Israël. 139.

Lectio ii.

**E**t erit in die illa, cum réquiem déderit tibi Deus a labóre tuo, et a concussiône tua, et a servitúte dura, qua ante servísti: sumes parábolam istam contra regem Babilónis, et dices: Quómodo cessávit exáctor, quiévit tribútum? Contrívit Dóminus báculum impiórum, virgam dominántium, cædéntem pópulos in indignatióne, plaga insanábili, subjiciéntem in furóre gentes, persequéntem crudéliter.

R. Erúmpant. 139.

Lectio iii.

**Q**uómodo cecidísti de cœlo lícifer, qui mane oriebáris? corruísti in terram, qui vulnerábas gentes? qui dicébas in corde tuo: In cœlum conscéndam, super astra Dei exaltábo sólum meum, sedébo in monte testaménti, in latéribus Aquilónis. Ascéndam super altitúdinem núbium, símilis ero Altíssimo. Verúmtamen ad inférnum detrahéris in profúndum laci.

R. Ecce ab Austro. 140.

Ad Bened. Ant. Super te \* Jerúsalem oriétur Dóminus, et glória ejus in te vidébitur.

Ad Magnif. Ant. Vox clamántis \* in desérto, Paráte viam Dómini, rectas fácite sémitas Dei nostri.

~~~~~  
Feria Quarta.

De Isaíá Prophéta.

Lectio i. Cap. 16.

Mitte Agnum Dómine, Domínatorem terræ de Petra desérti ad montem filíæ Sion. Et

erit: Sicut avis fúgiens, et pulli de nido avolántes, sic erunt filiae Moab in transcénsu Arnon. Ini consílium, coge concílium: pone quasi noctem umbram tuam in merídie: abscónde fugiéntes, et vagos ne prodas. Habitábunt apud te prófugi mei: Moab esto latíbulum eórum a fácie vastatóris.

R. Rex noster. 140.

Lectio ii.

Finitus est enim pulvis, consummátus est miser, defécit qui conculcábat terram. Et præparábitur in misericórdia sólum, et sedébit super illud in veritáte in tabernáculo David, júdicans et quærens judícium, et velóciter reddens quod justum est. Audívimus superbiam Moab, superbus est valde: superbia ejus et arrogántia ejus, et indignátio ejus, plus quam fortitúdo ejus.

R. Ante multum. 140.

Lectio iii.

Idcirco ululábit Moab ad Moab, univérsum ululábit: his, qui lætántur super muros cocti láteris, loquimini plagas suas. Quóniam suburbána Hésebon déserta sunt, et vineam Sábama dómini Géntium excidérunt: flagélla ejus usque ad Jazer pervenérunt: erravérunt in déserto, propágines ejus relíctæ sunt, transiérunt mare.

R. Ecce Dóminus. 146.

Ad Bened. Ant. Ecce ego mitto
* Angelum meum, qui præparábit viam meam ante fáciem tuam.

Ad Magnif. Ant. Sion renováberis, * et vidébis justum tuum, qui ventúrus est in te.

Feria Quinta.

De Isaia Prophéta.

Lectio i.

Cap. 19.

Donus Ægypti. Ecce Dóminus ascéndet super nubem levem, et ingrediétur Ægyptum, et commovebúntur simulácra Ægypti a fácie ejus, et cor Ægypti tabéscet in médio ejus. Et concúrrere fáciem Ægyptios advérsus Ægyptios: et pugnábit vir contra fratrem suum, et vir contra amicum suum, civitas advérsus civitatem, regnum advérsus regnum.

R. Jerúsalem, cito véniet. 144.

Lectio ii.

Et dirumpétur spíritus Ægypti in viscéribus ejus, et consílium ejus præcipitábo: et interrogábunt simulácra sua, et divínos suos, et pythónes, et ariolos. Et tradam Ægyptum in manu dominórum crudélium, et rex fortis dominábitur eórum, ait Dóminus Deus exercítuum. Et aréscet aqua de mari, et flúvius desolábitur, atque siccábitur. Et deficient flúmina: attenuabúntur, et siccabúntur rivi ággerum.

R. Ecce Dóminus. 144.

Lectio iii.

Stulti príncipes Táneos, sapientes consiliárii Pharaónis dedérunt consílium insípiens. Quómodo dicétis Pharaóni: Fílius sapientium ego, filius regum antiquórum? Ubi nunc sunt sapientes tui? annúntient tibi, et índicent quid cogitáverit Dóminus exercítuum super Ægyptum. Stulti facti sunt príncipes Táneos, emarcuérunt príncipes Mémpheos, deceperunt

Ægyptum, ángulum populórum ejus.

R. Cívitas Jerúsalem. 144.

Ad Bened. Ant. Tu es qui ventúrus es * Dómine, quem exspectámus, ut salvum fácias pópulum tuum.

Ad Magnif. Ant. Qui post me véniet, * ante me factus est: cujus non sum dignus calceaménta sólvēre.

~~~~~  
Feria Sexta.

De Isaíá Prophéta.

Lectio i. Cap. 24.

**E**cce Dóminus dissipábit terram, et nudábit eam, et afflíget fáciem ejus, et dispérget habitatóres ejus. Et erit sicut pópulus, sic sácerdos: et sicut servus, sic dóminus ejus: sicut ancílla, sic dómína ejus: sicut emens, sic ille qui vendit: sicut fœnerátor, sic is qui mútuum áccipit: sicut qui répetit, sic qui debet. Dissipatióne dissipábitur terra, et direptiόne prædábitur. Dóminus enim locútus est verbum hoc.

R. Ecce véniet. 144.

Lectio ii.

**L**uxit, et deflúxit terra, et infirmáta est: deflúxit orbis, infirmáta est altitúdo pópuli terræ. Et terra infécta est ab habitatóribus suis: quia transgréssi sunt leges, mutavérunt jus, dissipavérunt fœdus sempitérnus. Propter hoc maledíctio vorábit terram, et peccábunt habitatóres ejus: ideóque insánient cultóres ejus, et relinquéntur hómīnes pauci.

R. Sicut mater. 145.

Lectio iii.

**L**uxit vindémia, infirmáta est vītis, ingemuérunt omnes qui lætabántur corde. Cessávit gáudium tympanórum, quiévit sónitus lætántium, contícuit dulcédo cítharæ. Cum cántico non bibent vinum: amára erit pótio bibéntibus illam. Attríta est cívitas vanitátis, clausa est omnis domus, nullo introéunte. Clamor erit super vino in platéis: desérta est omnis lætítia: translátum est gáudium terræ. Relícta est in urbe solitúdo, et calámitas ópprimit portas. Quia hæc erunt in médio terræ, in médio populórum: quómodo si paucæ olívæ, quæ remansérunt, excutiántur ex ólea: et racémi, cum fúerit finíta vindémia. Hi levábunt vocem suam, atque laudábunt: cum glorificátus fúerit Dóminus, hínnient de mari. Propter hoc in doctrínis glorificáte Dóminum, in ínsulis maris nomen Dómini Dei Israél. A finibus terræ laudes audívimus, glóriam justī.

R. Jerúsalem plantábis. 145.

Ad Bened. Ant. Dícite, Pusillánimes \* confortámini: ecce Dóminus Deus noster véniet.

Ad Magnif. Ant. Cantáte Dómino \* cánticum novum: laus ejus ab extrémis terræ.

~~~~~  
S a b b a t o.

De Isaíá Prophéta.

Lectio i. Cap. 25.

Dómine Deus meus es tu, exaltábo te, et confitébor nómini tuo: quóniam fecísti mirabília, cogitatiónes antiquas fidéles, amen. Quia posuísti civitátem in túmu-

lum, urbem fortem in ruīnam, domum alienōrum: ut non sit cívitas, et in sempiternum non ædificétur. Super hoc laudábit te pópulus fortis, cívitas géntium robustárum timébit te. Quia factus es fortitúdo paúperi, fortitúdo egéno in tribulatióne sua: spes a túrbine, umbráculum ab æstu.

R. Egrediétur Dóminus. 145.

Lectio ii.

Spíritus enim robustórum quasi turbo impéllens parietem. Sicut æstus in siti, tumultum alienórum humiliábis: et quasi calóre sub nube torrén-te, propáginem fórtium marcéscere fácies. Et fáciet Dóminus exercítuum ómnibus pópulis in monte hoc convívium pínguium, convívium vindémiae, pínguium medullatórum, vindémiae defæcátæ. Et præcipitábit in monte isto faciē vīculi colligáti super omnes pópulos, et telam quam orditus est super omnes natiónes.

R. Festina, ne tardáveris. 146.

Lectio iii.

Præcipitábit mortem in sempiternum: et aúferet Dóminus Deus lácrimam ab omni faciē, et oppróbrium pópuli sui aúferet de univérſa terra: quia Dóminus locútus est. Et dicet in die illa: Ecce Deus noster iste, exspectávimus eum, et salvábit nos: iste Dóminus, sustinúimus eum, exsultávimus, et lætábimur in salutári ejus. Quia requiescet manus Dómini in monte isto: et triturábitur Moab sub eo, sicuti terúntur páleæ in plaustro. Et exténdet manus suas sub eo, sicut exténdit natans ad natándum: et humiliábit glóriam ejus cum allisióne mánuum

ejus. Et muniménta sublímium murórum tuórum cóncident, et humiliabúntur, et detrahéntur in terram usque ad púlverem.

R. Ecce Dóminus. 146.

Ad Bened. Ant. Levábit Dóminus signum * in natió nibus, et congregábit dispérsos Israël.

Ad Vesperas.

Capitulum. Philipp. 4.

Fratres: Gaudéte in Dómino semper: íterum dico, gaudéte. Modéstia vestra nota sit ómnibus hominibus: Dóminus enim prope est.

Hymnus.

Creátor alme síderum,
Æténa lux credéntium,
Jesu Redémptor ómnium,
Inténde votis súpplícum.

Qui dáemonis ne fraudibus
Períret orbis, ímpetu
Amóris actus, lánguidi
Mundi medéla factus es.

Commúne qui mundi nefas
Ut expiáres; ad crucem
E Vírginis sacrário
Intácta prodís víctima.

Cujus potéstas glóriæ,
Noménque cum primum sonat;
Et cœlites et ínferi
Tremén-te curvántur genu.

Te deprecámur últimæ
Magnum diéi Júdicem,
Armis supérnæ grátiae
Defénde nos ab hóstibus.

Virtus, honor, laus, glória
Deo Patri cum Fílio,
Sancto simul Paráclito,
In sæculórum sæcula. Amen.

V. Roráte cœli désuper, et nubes pluant justum. R. Aperiátur terra, et gérminet Salvatórem.

Ad Magnif. Ant. Ante me * non est formátus Deus, et post me non erit: quia mihi curvábatur omne genu, et confitébitur omnis lingua.

Oratio.

Aurem tuam, quæsumus Dómine, précibus nostris accómmoda: et mentis nostræ ténebras grátia tuæ visitatiónis illústra: Qui vivis.

Dominica III. Adventus.

Ad Matutinum.

Invit. Prope est jam Dóminus:
* Veníte adorémus.

Et dicitur quotidie usque ad Vigil.
Nativ. Domini exclusive.

Ps. Veníte, exsultémus. 2.

Hymnus.

Verbum supérnum pródiens,
E Patris ætérni sinu
Qui natus orbi súbvenis,
Labénte cursu témporis:

Illúmina nunc péctora,
Tuóque amóre cóncrema,
Ut cor cadúca déserens
Cœli volúptas impleat.

Ut, cum tribúnal Júdicis
Damnábit igni nóxios,
Et vox amíca débitum
Vocábit ad cœlum pios.

Non esca flammárum nigros
Volvámur inter túrbines,
Vultu Dei sed cómpotes
Cœli fruámur gaúdiis.

Patri simúlque Fílio,
Tibíque sancte Spíritus,
Sicut fuit, sit júgiter
Sæclum per omne glória.
Amen.

In I. Nocturno.

De Isaia Prophéta.

Lectio i.

Cap. 26.

In die illa cantábitur cánticum istud in terra Juda: Urbs fortitúdinis nostræ Sion Salvátor, ponétur in ea murus et antemurále. Aperíte portas, et ingreditúr gens justa, custódiens veritátem. Vetus error ábiit: servábis pacem: pacem, quia in te sperávimus. Sperástis in Dómino in sæculis ætérnis, in Dómino Deo forti in perpétuum. Quia incurvábit habitántes in excélso, civitátem sublímem humiliábit. Humiliábit eam usque ad terram, détrahet eam usque ad púlverem. Conculcábit eam pes, pedes paúperis, gressus egenórum.

R. Ecce apparébit Dóminus super nubem cándidam, * Et cum eo sanctórum millia: et habébit in vestiménto, et in fémore suo scriptum: Rex regum, et Dóminus dominántium. V. Apparébit in finem, et non mentiétur; si moram fécerit, exspécta eum, quia véniens véniet. Et.

Lectio ii.

Sémita justi recta est, rectus callis justi ad ambulándum. Et in sémita judiciórum tuórum Dómine sustinúimus te: nomen tuum, et memoriále tuum in desidério animæ. Anima mea desiderávit te in nocte, sed et spíritu meo in præcórdiis meis de mane vigilábo ad te. Cum féceris judícia tua in terra, justítiam discent habitatóres orbis. Misereámur ímpio, et non discet justítiam: in terra sanctórum iní-

qua gessit, et non vidébit glóriam Dómini.

R. Béthlehem civitas Dei summi, ex te éxiet Dominátor Israël, et egressus ejus sicut a principio diérum æternitátis, et magnificábitur in médio univérsæ terræ: * Et pax erit in terra nostra, dum vénerit. V. Loquétur pacem in Géntibus, et potéstas ejus a mari usque ad mare. Et.

Lectio iii.

Dómine exaltétur manus tua, et non vídeant: vídeant, et confundántur zelántes pópuli: et ignis hostes tuos dévoret. Dómine, da-bis pacem nobis: ómnia enim ópera nostra operátus es nobis. Dómine Deus noster, possederunt nos dómini absque te, tantum in te recordémur nóminis tui. Morientes non vivant, gigántes non resúr-gant: proptérea visitásti et contrivísti eos, et perdidísti omnem memóriam eórum.

R. Qui ventúrus est, véniet, et non tardábit: et jam non erit timor in finibus nostris: * Quóniam ipse est Salvátor noster. V. Depónet omnes iniquitátes nostras, et projíciet in profúndum maris ómnia peccáta nostra. Quóniam. Glória Patri. Quóniam.

In II. Nocturno.

Sermo sancti Leónis Papæ.

Serm. 2. de jejunió decimi mensis, et collectis.

Lectio iv.

Quod témporis rátió, et devotiónis nostræ ádmonet consuetúdo, pastoráli vobis, dilectíssimi, sollicitúdine prædicá-mus, decimi mensis celebrándum

esse jejúnium, quo pro consumáta perceptióne ómnium frúctuum, digníssime largitóri eórum Deo continéntiæ libámen offértur. Quid enim potest effícacius esse jejúnio? cujus observántia appropinquá-mus Deo, et resistentés diabolo, vítia blanda superámus.

R. Ægýpte noli flere, quia Dominátor tuus véniet tibi, ante cujus conspéctum movebúntur abyssi, * Liberáre pópulum suum de manu poténtiæ. V. Ecce véniet Dóminus exercítuum, Deus tuus cum potestate magna. Liberáre.

Lectio v.

Semper enim virtúti cibus jejúnium fuit. De abstinéntia déni-que prúdeunt castæ cogitatiónes, rationábiles voluntátes, salubrióra consilia: et per voluntárias afflictiónes caro concupiscéntiis mó-ritur, virtútibus spíritus innovátur. Sed quia non solo jejúnio animárum nostrárum salus acquiritur: jejúnium nostrum misericórdiis paúperum suppléamus. Impendá-mus virtúti, quod subtráhimus voluptáti. Fiat reféctio paúperis abstinéntia jejunántis.

R. Prope est ut véniat tempus ejus, et dies ejus non elongabúntur: * Miserébitur Dóminus Jacob, et Israël salvábitur. V. Revértere virgo Israël, revértere ad civitátes tuas. Miserébitur.

Lectio vi.

Studeámus viduárum defensióni, pupillórum utilitáti, lugéntium consolatióni, dissidentium paci. Suscipiátur peregrínus, adjuvétur opprésus, vestiátur nudus, foveátur ægrótus: ut quicúmque nostrum de justis labóribus auctóri

bonórum ómnium Deo sacrificium hujus pietátis obtúlerit, ab eódem regni coeléstis præmium percípere mereátur. Quarta ígitur et sexta Féria jejunémus: Sábbato autem apud beátum Petrum Apóstolum páriter vigilémus: cujus suffragántibus méritis, quæ póscimus, impetráre possímus per Dóminum nostrum Jesum Christum, qui cum Patre et sancto Spíritu vivit et regnat in sæcula sæculórum. Amen.

R. Descéndet Dóminus sicut plúvia in vellus: * Oriétur in diébus ejus justítia, et abundántia pacis. V. Et adorábunt eum omnes reges, omnes gentes sérvient ei. Oriétur. Glória Patri. Oriétur.

In III. Nocturno.

Léctio sancti Evangélíi secúndum Joánnem.

Lectio vii. Cap. 1. c.

In illo témpore: Misérunt Judæi ab Jerosólymis sacerdótes et levítas ad Joánnem, ut interrogárent eum: Tu quis es? Et réliqua.

Homília sancti Gregórii Papæ.

Homilia 7. in Evang.

Ex hujus nobis lectionis verbis, fratres caríssimi, Joánnis humilitas commendátur: qui cum tantæ virtútis esset, ut Christus credi potuísset, elégit sólíde subsistere in se, ne humana opiníone raperétur inániter super se. Nam conféssus est, et non negávit: et conféssus est, Quia non sum ego Christus. Sed qui dixit, Non sum; negávit plane quod non erat, sed non negávit quod erat: ut veritátem loquens, ejus membrum fieret, cujus sibi nomen falláciter non usurpáret. Cum ergo non vult ap-

pétere nomen Christi, factus est membrum Christi: quia dum infirmitátem suam stúduit humíliter agnóscere, illius celsitúdinem méruit veráciter obtinére.

R. Veni Dómine, et noli tardáre: reláxa facínora plebi tuæ, * Et révoca dispérsos in terram suam. V. Excita Dómine poténtiam tuam, et veni, ut salvos fácias nos. Et.

Lectio viii.

Sed cum ex lectione ália, Redemptóris nostri senténtia ad mentem redúcitur, ex hujus lectionis verbis nobis quæstio valde impléxa generátur. Alio quippe in loco inquisítus a discípulis Dóminus de Eliæ advéntu, respóndit: Eliás jam venit, et non cognovérunt eum, sed fecérunt in eum quæcúmque voluerunt: et, si vultis scire, Joánnes ipse est Eliás. Requisítus autem Joánnes dicit: Non sum Eliás. Quid est hoc, fratres caríssimi, quia quod Véritas affirmat, hoc prophéta veritátis negat? Valde namque inter se diversa sunt: Ipse est: et, Non sum. Quómodo ergo prophéta veritátis est, si ejúsdem Veritátis sermonibus concors non est?

R. Ecce radix Jesse descéndet in salútem populórum, ipsum Gentes deprecabúntur: * Et erit nomen ejus gloriósum. V. Dabit ei Dóminus Deus sedem David patris ejus, et regnábít in domo Jacob in ætérnum. Et erit.

Lectio ix.

Sed si subtiliter veritas ipsa requirátur, hoc quod inter se contrárium sonat, quómodo contrárium nòn sit, invenítur. Ad Zachariám namque de Joánnē Angelus dicit: Ipse præcédet ante illum

in spíritu et virtúte Eliæ. Qui idcirco venturus in spíritu et virtúte Eliæ dicitur, quia sicut Eliás secundum Dómini adventum præveniet, ita Joánnes prævenit primum. Sicut ille præcursor venturus est Judicis, ita iste præcursor est factus Redemptoris. Joánnes igitur in spíritu Eliás erat, in persóna Eliás non erat. Quod ergo Dóminus fatetur de spíritu, hoc Joánnes dénegat de persóna.

R. Docébit nos Dóminus vias suas, et ambulábit in sémitis ejus: * Quia de Sion exíbit lex, et verbum Dñi de Jerúsalem. **V.** Veníte, ascendámus ad montem Dómini, et ad domum Dei Jacob. Quia. Glória Patri. Quia.

Ad Laudes et per Horas.

Ant. 1. Véniet Dóminus, * et non tardábit, et illuminábit abscondita tenebrarum, et manifestábit se ad omnes gentes, allelúja.

Ps. Dóminus regnávít. 15.

2. Jerúsalem gaude * gaudio magno, quia véniet tibi Salvátor, allel.

3. Dabo in Sion * salutem, et in Jerúsalem glóriam meam, allelúja.

4. Montes et omnes colles * humiliabúntur: et erunt prava in directa, et áspera in vias planas: veni Dómine, et noli tardáre, allelúja,

5. Juste et pie * vivámus, expectántes beátam spem, et adventum Dómini.

Capitulum. Philipp. 4.

Fratres: Gaudéte in Dómino semper: iterum dico, gaudéte. Modestia vestra nota sit ómnibus homínibus: Dóminus enim prope est.

Hymnus.

En clara vox redárguit
Obscúra quæque, pèrsonans:
Procul fugéntur sómnia:
Ab alto Jesus prómicat.

Mens jam resúrgat tórpida,
Non ámplius jacens humi:
Sidus refúlget jam novum,
Ut tollat omne nóxium.

En Agnus ad nos míttitur
Laxáre gratis débitum:
Omnes simul cum lácrimis
Precémur indulgéntiam.

Ut, cum secúndo fúlserit,
Metúque mundum cínxerit,
Non pro reátu púniat,
Sed nos pius tunc prótegat.

Virtus, honor, laus, glória
Deo Patri cum Fílio,
Sancto simul Paráclito,
In sæculórum sæcula. Amen.

V. Vox clamántis in desérto, Paráte viam Dómini. **R.** Rectas fácite sémitas ejus.

Ad Bened. Ant. Super sólíum * David, et super regnum ejus sedébit in ætérnum, allelúja.

Oratio.

Aurem tuam, quæsumus Dómine, precibus nostris accómmoda: et mentis nostræ ténebras grátia tuæ visitatiónis illústra: Qui vivis.

Ad Tertiam.

Ant. Jerúsalem gaude.

Capit. Fratres: Gaudéte.

R. br. Veni ad liberándum nos * Dómine Deus virtútum. Veni. **V.** Osténde faciém tuam, et salvi érimus. Dómine. Glória. Veni.

V. Timébunt Gentes nomen tuum Dómine. **R.** Et omnes reges terræ glóriam tuam.

Ad Sextam.

Ant. Dabo in Sion.

Capitulum. Philipp. 4. b.

Nihil solliciti sitis: sed in omni oratione, et obsecratione, cum gratiarum actione, petitiones vestrae innotescant apud Deum.

R. br. Ostende nobis Domine * Misericordiam tuam. Ostende. V. Et salutare tuum da nobis. Misericordiam. Gloria. Ostende.

V. Memento nostri Domine in beneplacito populi tui. R. Visita nos in salutari tuo.

Ad Nonam.

Ant. Juste et pie.

Capitulum. Philipp. 4. b.

Et pax Dei, quae exsuperat omnem sensum, custodiat corda vestra, et intelligentias vestras in Christo Jesu Domino nostro.

R. br. Super te Jerusalelem * Orietur Dominus. Super te. V. Et gloria ejus in te videbitur. Orietur. Gloria Patri. Super te.

V. Domine Deus virtutum converte nos. R. Et ostende faciem tuam, et salvi erimus.

Ad Vesperas.

Ant. de Laud.; Ps. de Dom. Capit. et Hymn. ut supra. 151.

V. Rorate coeli desuper, et nubes pluant justum. R. Aperiatur terra, et germinet Salvatorem.

Ad Magnif. Ant. Beata es Maria, * quae credidisti Domino: perficiuntur in te, quae dicta sunt tibi a Domino, alleluja.

Oratio. Aurem tuam. 155.

Post Vesperas dici dicuntur Vesperae Defunctorum.

Ant. Beata es. praetermittitur, si hodie ejus loco ponenda sit una ex Antiphonis majoribus, ut infra: quibus semper cedunt Antiphonae propriae aliis diebus ad Magnificat assignatae.

Sequentes Ant. majores ad Magnificat inchoantur die xvii. Decembris, et singulae ante et post Magnificat integre sicut in Dupl. dicuntur per ordinem, usque ad diem ante Vigil. Nativitatis. Si vero Festum fuerit, dicuntur post Orationem Festi, pro Commem. Advent.

Die 17. Decembris. Ant. O Sapientia, quae ex ore Altissimi prodisti, attingens a fine usque ad finem, fortiter suaviterque disponens omnia: veni ad docendum nos viam prudentiae.

18. Ant. O Adonai, et Dux domus Israel, qui Moyysi in igne flammæ rubi apparuisti, et ei in Sina legem dedisti: veni ad redimendum nos in brachio extenso.

19. Ant. O radix Jesse, qui stas in signum populorum, super quem continebunt reges os suum, quem Gentes deprecabuntur: veni ad liberandum nos, jam noli tardare.

20. Ant. O clavis David, et sceptrum domus Israel; qui aperis, et nemo claudit; claudis, et nemo aperit: veni, et educ vinctum de domo carceris, sedentem in tenebris, et umbra mortis.

21. Ant. O Oriens, splendor lucis aeternae, et sol justitiae: veni, et illumina sedentes in tenebris, et umbra mortis.

22. Ant. O Rex Gentium, et desideratus earum, lapisque angularis, qui facis utraque unum: veni, et salva hominem, quem de limo formasti.

23. Ant. O Emmanuel, Rex et legifer noster, expectatio Gén-

tium, et Salvátor eárum: veni ad salvándum nos Dómine Deus noster.

Sequentes Ant. ad Laudes et per Horas dicuntur in sex Feriis ante Vigiliam Nativitatis, incipiendo die 17. Decembris, ab Ant. quæ Feriæ illius diei assignantur. Similiter et aliæ dicuntur in propriis Feriis.

Quod si dies 17. fuerit Dominica, Ant. inchoantur sequenti Feria II. quæ erit dies 18. Quæ autem dicendæ essent die, in quo occurrit Festum S. Thomæ, dicuntur in Sabbato cum Ps. Sabbati, quarta Ant. prætermittitur: cujus loco dicitur Ant. Exspectetur. 158, nisi Vigilia Nativ. venerit in Domini.: tunc enim in Sabbato dicuntur Ant. de Laud. Dom., quarta prætermittitur, cujus loco dicitur Ant. Exspectetur. Ant. ad Benedictus, et Oratio dicitur, ut in Sabbato Quatuor Temporum ponitur. 164.

Antiphonæ vero de Laud., quæ occurrunt in die S. Thomæ, eo anno prætermittuntur, et in Dominica tunc dicuntur Ant. de Vigilia. Similiter omittitur Ant. Exspectetur. quando illud Festum in Sabbato venerit.

Feria Secunda.

Ad Laudes

et per Horas.

Ant. 1. Ecce véniet * Dóminus princeps regum terræ: beáti, qui paráti sunt occurrere illi.

Ps. ejusdem Feriæ. 50.

2. Cum vénerit * Fílius hóminis, putas invéniet fidem super terram?

3. Ecce jam venit * plenitúdo témporis, in quo misit Deus Fílium suum in terras.

4. Hauriétis aquas * in gaudio de fóntibus Salvatóris.

5. Egrediétur * Dóminus de loco sancto suo: véniet ut salvet pópulum suum.

Feria Tertia.

Ad Laudes

et per Horas.

Ant. 1. Roráte cœli désuper, * et nubes pluant justum: aperiátur terra, et gérmínet Salvátorem.

Ps. ejusdem Feriæ. 61.

2. Emítte Agnum Dómine * Dominatórem terræ, de Petra desérti, ad montem filíæ Sion.

3. Ut cognoscámus Dómine * in terra viam tuam, in ómnibus gén-tibus salutáre tuum.

4. Da mercédem Dómine * sustinéntibus te, ut prophétæ tui fidéles inveniántur.

5. Lex per Móysen data est, * grátia et véritas per Jesum Christum facta est.

Feria Quarta.

Ad Laudes

et per Horas.

Ant. 1. Prophétæ prædicavérunt * nasci Salvátorem de Vírgine María.

Ps. ejusdem Feriæ. 70.

2. Spíritus * Dómini super me, evangelizáre paupéribus misit me.

3. Propter Sion * non tacébo, donec egrediátur ut splendor justus ejus.

4. Ecce véniet Dóminus, * ut sé-deat cum princípibus, et sólium glóriæ téneat.

5. Annuntiáte * pópulis, et dí-cite: Ecce Deus Salvátor noster véniet.

Feria Quinta.

Ad Laudes

et per Horas.

Ant. 1. De Sion * véniet Dóminus omnípotens, ut salvum fáciat pópulum suum.

Ps. ejusdem Ferie. 82.

2. Convértere Dómine * aliquántulum, et ne tardes veníre ad servos tuos.

3. De Sion * véniet, qui regnáturus est Dóminus, Emmánuel magnum nomen ejus.

4. Ecce Deus meus, * et honorábo eum: Deus patris mei, et exaltábo eum.

5. Dóminus * légifer noster, Dóminus Rex noster, ipse véniet, et salvábit nos.

Feria Sexta.

Ad Laudes

et per Horas.

Ant. 1. Constántes estóte, * vidébitis auxílium Dómini super vos.

Ps. ejusdem Ferie. 92.

2. Ad te Dómine * levávi ánimam meam: veni, et éripe me Dómine, ad te confúgi.

3. Veni Dómine, * et noli tardáre: reláxa facínora plebi tuæ Israël.

4. Deus a Líbano véniet, * et splendor ejus sicut lumen erit.

5. Ego autem * ad Dóminum aspíciam, et exspectábo Deum Salvatórem meum.

Sabbato.

Antiphonæ secundum superiorem Rubricam. 157.

Ad Canticum vero Ant. Exspectétur * sicut plúvia elóquium meum: et descéndet super nos sicut ros Deus noster.

Ps. ut in Laud. Sabbati. 105.

In Festo S. Thomæ pro commemoratione Adventus.

Ad Bened. Ant. Nolíte timére: * quinta enim die véniet ad vos Dóminus noster.

Si vero contingat Festum S. Thomæ transferri in II. Feriam, Ant. prædicta dicitur ad Benedictus in Dominica, loco Ant. Ave María.

Ultimo die ante Vigiliam Nativitatis

Ad Bened. Ant. Ecce compléta sunt * ómnia, quæ dicta sunt per Angelum de Vírgine María.

Quibus Antiphonis cedunt aliæ Antiphonæ in propriis locis ad Benedictus assignatæ.

Feria Secunda.

Ad Matutinum. Invit. et Hymn. ut in Dom. præced. 152.

De Isaia Prophéta.

Lectio i.

Cap. 28.

Væ coronæ supérbiæ, ébriis Ephraïm, et flori decidénti, glóriæ exsultatiónis ejus, qui erant in vértice vallis pinguíssimæ, errántes a vino. Ecce válidus et fortis Dóminus, sicut ímpetus grándinis: turbo confríngens, sicut ímpetus aquárum multárum inundántium, et emissárum super terram spatiósam. Pédibus conculcábitur coroná supérbiæ ebriórum Ephraïm.

R. Ecce apparébit Dóminus super nubem cándidam, * Et cum eo sanctórum míllia: et habébit in vestiménto, et in fémore suo scriptum: Rex regum, et Dóminus dominántium. V. Apparébit in finem, et non mentiétur; si moram fécerit, exspécta eum, quia véniens véniet. Et.

Lectio ii.

Et erit flos decídens glóriæ exsultatiónis ejus, qui est super vérticem vallis pínguium, quasi temporáneum ante maturitátem autúmni: quod cum aspéxerit vi-

dens, statim ut manu tenuerit, devorabit illud. In die illa erit Dóminus exercítuum coróna glóriæ, et sertum exsultatiónis resíduo pópuli sui; et spíritus iudícii sedénti super iudícium, et fortitúdo reverténtibus de bello ad portam. Verum hi quoque præ vino nesciérunt, et præ ebrietáte erravérunt: sacérdos et prophéta nesciérunt præ ebrietáte, absórpti sunt a vino.

R. Béthlehem civitas Dei sumi, ex te éxiet Dominátor Israël, et egréssus ejus sicut a princípío diérum æternitátis, et magnificábitur in médio univérsæ terræ: * Et pax erit in terra nostra, dum vénerit. V. Loquétur pacem in Géntibus, et potéstas ejus a mari usque ad mare. Et.

Lectio iii.

Idcírco hæc dicit Dóminus Deus: Ecce ego mittam in fundaméntis Sion lápidem, lápidem probátum, angulárem, pretiósum, in fundaménto fundátum. Qui credíderit, non festínet. Et ponam in póndere iudícium, et justítiam in mensúra: et subvértet grando spem mendáccii: et protectionem aquæ inundábunt. Et delébitur fœdus vestrum cum morte, et pactum vestrum cum inférno non stabit.

R. Qui ventúrus est, véniet, et non tardábit: et jam non erit timor in fínibus nostris: * Quóniam ipse est Salvátor noster. V. Depónet omnes iniquitátes nostras, et projíciet in profúndum maris ómnia peccáta nostra. Quóniam. Glória Patri. Quóniam.

Ad Laudes. Ant. et Ps. de Psalt. 50; nisi dicendæ sint Ant. secundum superiorem Rubricam.

Ad Bened. Ant. Egrediétur * virga de radíce Jesse, et replébitur omnis terra glória Dómini: et vidébit omnis caro salutáre Dei.

Oratio. Aurem tuam. 155.

Hodie dicitur Offic. Defunct.

Ad Magnif. Ant. Beátam me dicent * omnes generatiónes, quia ancíllam húmílem respéxit Deus.

Nisi dicenda sit Ant. O.

Feria Tertia.

De Isaía Prophéta.

Lectio i. Cap. 30. d.

Exspéctat Dóminus ut misereátur vestri, et ideo exaltábitur parcens vobis: quia Deus iudícii Dóminus: beáti omnes qui exspéctant eum. Pópulus enim Sion habitábit in Jerúsalem: plorans nequáquam plorábis, miserans miserébitur tui: ad vocem clamóris tui statim ut audierit, respondébit tibi. Et dabit vobis Dóminus panem arctum, et aquam brevem: et non fáciat avoláre a te ultra doctórem tuum: et erunt óculi tui vidéntes præceptórem tuum.

R. Ægýpte noli flere, quia Dominátor tuus véniet tibi, ante cujus conspéctum movebúntur abyssi, * Liberáre pópulum suum de manu poténtiæ. V. Ecce véniet Dóminus exercítuum, Deus tuus cum potestate magna. Liberáre.

Lectio ii.

Egrédere, dices ei: Et dábitur plúvia sémini tuo, ubicúmque semináveris in terra: et panis frugum terræ erit ubérrimus et pinguis. Pascétur in possessióne tua in die illo agnus spatióse: et tauri tui, et pulli asinórum, qui operán-

tur terram, commístum migma cómedent sicut in área ventilátum est. Et erunt super omnem montem excélsu, et super omnem collem elevátum rivi curréntium aquárum, in die interfectiónis multórum, cum ceciderint tures.

R. Prope est ut véniat tempus ejus, et dies ejus non elongabúntur: * Miserébitur Dóminus Jacob, et Israël salvábitur. V. Revértere virgo Israël, revértere ad civitátes tuas. Miserébitur.

Lectio iii.

Et erit lux lunæ sicut lux solis, et lux solis erit septemplíciter sicut lux septem diérum in die, qua alligáverit Dóminus vulnus pópuli sui, et percussúram plagæ ejus sanáverit. Ecce nomen Dómini venit de longínquo, ardens furor ejus, et gravis ad portándum: lábia ejus repléta sunt indignatióne, et lingua ejus quasi ignis devorans. Spíritus ejus velut torrens inúndans usque ad médium colli ad perdéndas gentes in níhilum, et frenum erróris, quod erat in máxillis populórum.

R. Descéndet Dóminus sicut plúvia in vellus: * Oriétur in diébus ejus justítia, et abundántia pacis. V. Et adorábunt eum omnes reges, omnes gentes sérvient ei. Oriétur. Glória Patri. Oriétur.

Ad Bened. Ant. Tu Béthlehem * terra Juda, non eris mínima: ex te enim éxiet Dux, qui regat pópulum meum Israël.

Ad Magnif. Ant. Eleváre, eleváre, * consúrge Jerúsalem: solve víncula colli tui, captíva filia Sion.

Nisi dicenda sit Ant. O.

Feria Quarta Quatuor Temporum.

Léctio sancti Evangélli secúndum Lucam.

Lectio i. Cap. 1. c.

In illo témpore: Missus est Angelus Gábriel a Deo in civitátem Galilææ, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Et reliqua.

Homilia sancti Ambrósii Episcopi.

Lib. 2. in Lucam.

Latent quidem divína mystéria, nec fáci-le, juxta prophéticum dictum, quisquam hóminum potest scire consílium Dei. Sed tamen ex céteris factis, atque præcéptis Dómini Salvatóris póssumus intelligere, et hoc propensióris fuisse consílii, quod ea potíssimum elécta est, ut Dóminum páreret, quæ erat desponsáta viro. Cur autem non ántequam desponsarétur, impléta est? Fortásse ne dicerétur, quod concéperat ex adultério.

R. Clama in fortitúdine, qui annúntias pacem in Jerúsalem: * Dic civitátibus Judæ, et habitatóribus Sion: Ecce Deus noster, quem expectabámus, advéniet. V. Supra montem excélsu ascénde tu, qui evangelízas Sion, exálta in fortitúdine vocem tuam. Dic.

Lectio ii.

Et ingrèssus ad eam Angelus. Disce vírginem móribus, disce vírginem verecúndia, disce oráculo, disce mystério. Trepidáre vírginum est, et ad omnes viri ingrèssus pavére, omnes viri affátus veréri. Discant muliéres propósi-

tum pudóris imitári. Sola in penetrálibus, quam nemo virórum viderit, solus Angelus repérerit: sola sine cómite, sola sine teste, ne quo degénere depravarétur affátu, ab Angelo salutátur.

R. Oriétur stella ex Jacob, et exsúrget homo de Israél, et confrínget omnes duces alienigenárum: * Et erit omnis terra posséssio ejus. V. Adorábunt eum omnes reges terræ, omnes gentes sérvient ei. Et erit.

Lectio iii.

Tanti namque mandáti mystérium non hóminis fuit, sed Angeli ore proméndum. Hódie primum audítur: Spíritus sanctus supervéniet in te. Et audítur, et créditur. Dénique, Ecce, inquit, ancílla Dómini: contíngat mihi secúndum verbum tuum. Vide humilitátem, vide devotióem. Ancíllam se dicit Dómini, quæ mater elígitur, nec repentinó exaltáta promísso est.

R. Modo véniet Dominátor Dóminus: * Et nomen ejus Emmánuel vocábitur. V. Oriétur in diébus ejus justítia, et abundántia pacis. Et. Glória Patri. Et.

Ad Bened. Ant. Missus est Gábríel * Angelus ad Mariám Vírginem desponsátam Joseph.

Oratio.

Præsta, quæsumus omnipotens Deus: ut redemptiόνis nostræ ventúra solémnitas, et præsentis nobis vitæ subsídia cónferat, et æternæ beatitúdinis præmia largiátur. Per Dóminum.

Et dicitur ad omnes Horas, præterquam in Vesperis.

Ad Magnif. Ant. Ecce ancílla Dómini: * fiat mihi secúndum verbum tuum.

Nisi dicenda sit Ant. O.

Post Preces dic. Oratio Dom. præced. Aurem tuam. 155.

Feria Quinta.

De Isaía Prophéta.

Lectio i.

Cap. 33.

Mæ qui prædáris, nonne et ipse prædáberis? et qui spernis, nonne et ipse spernéris? cum consummáveris deprædatiόνem, deprædáberis: cum fatigátus desíeris contémnere, contemnérís. Dómine miserére nostri: te enim exspectávimus: esto bráchium nostrum in mane, et salus nostra in témpore tribulatiónis.

R. Egrediétur Dóminus et præliábitur contra Gentes: * Et stabunt pedes ejus supra montes olivárum ad Oriéntem. V. Et elevábitur supra omnes colles, et fluent ad eum omnes Gentes. Et.

Lectio ii.

Avoce Angeli fugérunt pópuli, et ab exaltatióne tua dispérsæ sunt Gentes. Et congregábuntur spólia vestra sicut collígítur bruchus, velut cum fossæ plenæ fúerint de eo. Magnificátus est Dóminus, quóniam habitávit in excélsso: implévit Sion iudicio et justítia. Et erit fides in tempóribus tuis: divítiae salútis, sapiéntia et sciéntia: timor Dómini ipse est thesáurus ejus.

R. Præcúrsor pro nobis ingréditur Agnus sine mácula, * Secúndum órđinem Melchisedech Póntifex factus in ætérnum, et in sæcu-

lum sæculi. *V.* Ipse est rex justitiæ, cujus generatio non habet finem. Secundum.

Lectio iii.

Contérriti sunt in Sion peccatores, possédit tremor hypócritas. Quis póterit habitáre de vobis cum igne devoránte? quis habitábit ex vobis cum ardóribus sempitérnis? Qui ámbulat in justítiis, et lóquitur veritátem, qui prójicit avarítiam ex calúmnia, et éxcutit manus suas ab omni múnere, qui obtúrat aures suas ne aúdiat sánguinem, et claudit óculos suos ne vídeat malum. Iste in excélsis habitábit, muniénta saxórum sublímitas ejus: panis ei datus est, aquæ ejus fideles sunt. Regem in decóre suo vidébunt óculi ejus, cernent terram de longe.

R. Vidébunt Gentes justum tuum, et cuncti reges inclytum tuum: * Et vocábitur tibi nomen novum, quod os Dómini nominávit. *V.* Et eris coróna glóriæ in manu Dómini, et diadéma regni in manu Dei tui. Et. Glória Patri. Et.

Ad Bened. Ant. Vigilate * ánimo, in próximo est Dóminus Deus noster.

Nisi occurrat Festum sancti Thomæ: quia tunc ea prætermisssa, dicitur

Ant. Nolite timére: * quinta enim die véniet ad vos Dóminus noster.

Quod etiam servatur in sequentibus diebus. quando illud Festum occurrit.

Ad Magnif. Ant. Lætámini * cum Jerúsalem, et exsultáte in ea omnes qui dilígitis eam, in ætérnum.

Nisi dicenda sit Ant. O.

Feria Sexta

Quatuor Temporum.

Lectio sancti Evangélii secúndum Lucam.

Lectio i. Cap. 1. d.

In illo témpore: Exsúrgens María ábiit in montána cum festinátione in civitátem Juda: et intrávit in domum Zachariæ, et salutávit Elísabeth. Et réliqua.

Homilia sancti Ambrósii Episcopi.

Lib. 2. in Luc. cap. 1. post init.

Morale est ómnibus, ut qui fidem éxigunt, fidem ástruant. Et ideo Angelus, cum abscondita nuntiáret, ut fidem astrúeret, exémplo seniórís féminæ sterilisque concéptum Vírgini Mariæ nuntiávit: ut possíbile Deo omne quod ei placúerit, asséreret. Ubi audívit hoc María, non quasi incrédula de oráculo, nec quasi incérta de nuntio, nec quasi dúbítans de exémplo, sed quasi læta pro voto, religiósá pro offício, festína pro gaúdio, in montána perréxit. Quo enim jam Deo plena, nisi ad superióra cum festinátione conténderet? Nescit tarda molímina sancti Spíritus grátia.

R. Emítte Agnum Dómine, Dominatórem terræ, * De Petra déserti ad montem filíæ Sion. *V.* Osténde nobis Dómine misericórdiam tuam, et salutáre tuum da nobis. De Petra.

Lectio ii.

Discite et vos, sanctæ mulieres, sedulitátem, quam prægnántibus debeátis exhibére cognátis. Mariám, quæ ante sola in íntimis penetrálibus versabátur, non a pú-

blico virginitatis pudor, non ab stúdio aspéritas móntium, non ab officio prolíxitas itíneris retardávit. In montána Virgo cum festinatóne, Virgo officii memor, injúriæ immemor, afféctu urgénte, non sexu, relícta perréxit domo. Díscite vírgines non circumcursáre per aliénas ædes, non demorári in platéis, non áliquos in público miscére sermónes. María in domo sera, festína in público, mansit apud cognátam suam tribus mén-sibus.

R. Roráte cœli désuper, et nubes pluant justum: * Aperiátur terra, et gérmínet Salvatórem. V. Emítte Agnum Dómine Dominatórem terræ, de Petra desérti ad montem filíæ Sion. Aperiátur.

Lectio iii.

Didicístis, vírgines, pudórem Maríæ; díscite humilitátem. Venit propínqua ad próxíam, júnior ad seniórem: nec solum venit, sed étiam prior salutávit. Decet enim, ut quanto cástior virgo, tanto humílior sit. Nóverit deférre senióri-bus. Sit magístra humilitátis, in qua est proféssio castitátis. Est et causa pietátis, est étiam norma doctrínæ. Contuéndum est enim, quia supéríor venit ad inferiorem, ut inféríor adjuvétur: María ad Elísabeth, Christus ad Joánnem.

R. Germinavérunt campi erémi germen odóris Israél: quia ecce Deus noster cum virtúte véniet, * Et splendor ejus cum eo. V. Ex Sion spécies decóris ejus: Deus noster maniféste véniet. Et. Gló-ria Patri. Et.

Ad Bened. Ant. Ex quo facta est * vox salutatiónis tuæ in aúri-

bus meis, exsultávit in gaúdio infans in útero meo, allelúja.

Nisi dicenda sit Ant. Nolíte timére. ut supra.

Oratio.

Excita, quæsumus Dómine, poténtiam tuam, et veni: ut hi, qui in tua pietáte confidunt, ab omni cítius adversitáte liberéntur: Qui vivis.

Et dicitur ad omnes Horas, præterquam in Vesperis.

Ad Magnif. Ant. Hoc est testimoniúm, * quod perhibuit Joáñes: Qui post me venit, ante me factus est.

Nisi dicenda sit Ant. O.

Post Preces, dicitur Oratio Domin. præced. Aurem tuam. 155.

S a b b a t o

Quatuor Temporum.

Léctio sancti Evangélíi secúndum Lucam.

Lectio i.

Cap. 3.

Anno quintodécimo impérii Tiberii Cæsaris, procurante Póntio Piláto Judæam. Et réliqua.

Homilía sancti Gregórii Papæ.

Homilia 20. in Evang.

Redemptóris nostri Præcúrsor, quo témpore prædicatiónis officium accéperit, memoráto Románæ reipúblicæ príncipe, et Judææ régibus, designátur. Quia enim illum prædicáre veniébat, qui et ex Judæa quosdam, et multos ex Géntibus redemptúrus erat: per regem Géntium et príncipes Judæórum prædicatiónis ejus témpora designántur. Quia autem Gentílitas colligénda erat, et Judæa pro culpa perfidiæ dispergénda, ipsa quoque

descriptio terréni principátus osténdit: quóniam et in Romána república unus præfuisse describitur, et in Judææ regno per quartam partem plúrimi principabántur.

R. Egrediétur virga de radíce Jesse, et flos de radíce ejus ascéndet: * Et erit justítia cingulum lumbórum ejus, et fides cinctórium renum ejus. V. Et requiescet super eum spíritus Dómini: spíritus sapiéntiæ, et intelléctus: spíritus consilii, et fortitúdinis. Et.

Lectio ii.

Voce étenim nostri Redemptóris dicitur: Omne regnum in se ipsum divísus desolábitur. Liquet ergo, quod ad finem regni Judæa pervenerat, quæ tot régibus divisa subjacébat. Apte quoque non solum quibus régibus, sed étiam quibus sacerdotibus actum sit, demonstrátur: et quia illum Joánnes Baptista prædicáret, qui simul Rex et Sacérdos exsisteret, Lucas Evangelísta prædicatiónis ejus témpora per regnum et sacerdotium designávit.

R. Radix Jesse, qui exsúrget judicáre Gentes, in eum Gentes sperábunt: * Et erit nomen ejus benedíctum in sæcula. V. Super ipsum continébunt reges os suum, ipsum Gentes deprecabúntur. Et.

Lectio iii.

Et venit in omnem regiónem Jordánis, prædicans baptísmum pœniténtiæ in remissiónem peccatórum. Cunctis legéntibus liquet, quia Joáñes non solum baptísmum pœniténtiæ prædicávit, verum étiam quibúsdam dedit: sed ta-

men baptísmum suum in remissiónem peccatórum dare non pótuit. Remissio étenim peccatórum in solo nobis baptismo Christi tribúitur. Notándum itaque, quod dicitur: Prædicans baptísmum pœniténtiæ in remissiónem peccatórum: quóniam baptísmum, quod peccáta sólveret, quia dare non póterat, prædicábat: ut sicut incarnátum Verbum Patris præcurrébat verbo prædicatiónis, ita baptísmum pœniténtiæ, quo peccáta solvúntur, præcurreret suo baptísmate, quo peccáta solvi non possunt.

R. Veni Dómine, et noli tardáre: reláxa facínora plebi tuæ, * Et révoca dispérsos in terram suam. V. Excita Dómine poténtiam tuam, et veni, ut salvos fácias nos. Et. Glória Patri. Et.

Ad Bened. Ant. Quómodo fiet istud, * Angele Dei, quóniam virum non cognósco? Audi María Virgo: Spíritus sanctus supervéniet in te, et virtus Altíssimi obumbrábit tibi.

Nisi dicenda sit Ant. Nolíte timére. 162. et nisi hæc fuerit dies ante Vigil. Nativitatis: quia tunc ea prætermissa, dicitur

Ant. Ecce compléta sunt * ómnia, quæ dicta sunt per Angelum de Vírgine María.

Quod etiam servatur (si idem contingat) in sequ. diebus.

Oratio.

Deus, qui cónspicis, quia ex nostra pravitate affligimur: concede propítius; ut ex tua visitatióne consolémur: Qui vivis.

Et dicitur per omnes Horas.

Ad Vesperas.

Capitulum. 1. Cor. 4.

Fratres: Sic nos existimet homo
ut ministros Christi, et dispensatores
mysteriorum Dei. Hic jam
quaeritur inter dispensatores, ut
fidelis quis inveniatur.

Hymnus.

Creator alme siderum,
Æterna lux credentium,
Jesu Redemptor omnium,
Intende votis supplicum.
Qui daemonis ne fraudibus
Periret orbis, impetu
Amoris actus, languidi
Mundi medela factus es.
Commune qui mundi nefas
Ut expiaret; ad crucem
E Virginis sacrario
Intacta prodixit victima.
Cujus potestas gloriæ,
Nomenque cum primum sonat;
Et coelites et inferi
Tremente curvantur genu.
Te deprecamur ultimæ
Magnum dei iudicem,
Armis supernæ gratiæ
Defende nos ab hostibus.
Virtus, honor, laus, gloria
Deo Patri cum Filio,
Sancto simul Paraclyto,
In seculorum secula. Amen.


℣. Rorate coeli desuper, et nubes
pluant justum. ℞. Aperiatur
terra, et germinet Salvatorem.

Ant. ad Magnif. una ex majoribus O.

Oratio.

Excita, quaesumus Domine, potentiam tuam, et veni, et magna nobis virtute succurre: ut per auxilium gratiæ tuæ, quod nostra

peccata præpediunt, indulgentia
tuæ propitiationis acceleret: Qui
vivis et regnas.

**Dominica IV. Adventus.****Ad Matutinum.**

Invit. Prope est jam Dominus: *
Venite adoremus.

Ps. Venite, exsultemus. 2.

Hymnus.

Verbum supernum prodiens,
E Patris æterni sinu
Qui natus orbi subvenis,
Labente cursu temporis:
Illumina nunc pectora,
Tuoque amore concrema,
Ut cor caduca deserens
Cœli voluptas impleat:
Ut, cum tribunal iudicis
Damnabit igni noxios,
Et vox amica debitum
Vocabit ad cœlum pios.
Non esca flammarum nigros
Volvamur inter turbines,
Vultu Dei sed compotes
Cœli fruamur gaudiis.
Patri simulque Filio,
Tibi que sancte Spiritus,
Sicut fuit, sit iugiter
Sæclum per omne gloria.
Amen.

In I. Nocturno.

De Isaia Propheta.

Lectio i.

Cap. 35.

Lætabitur deserta et invia, et
exsultabit solitudo, et floré-
bit quasi lilium. Germinans
germinabit, et exsultabit lætabunda
et laudans: gloria Libani data
est ei: decor Carmeli et Saron, ipsi

vidébunt glóriam Dómini, et decórem Dei nostri. Confortáte manus dissolútas, et gēnua debília roboráte. Dícite pusillánimis: Confortámini, et nolíte timére: ecce Deus vester ultiónem addúcet retribu-tiónis: Deus ipse véniet, et salvábit vos. Tunc aperiéntur óculi cæcórū, et aures surdórū patébunt. Tunc sáliet sicut cervus claudus, et apérta erit lingua mutórum: quia scissæ sunt in desérto aquæ, et torréntes in solitúdine. Et quæ erat árida, erit in stagnum, et sitiens in fontes aquárum.

R. Cánite tuba in Sion, vocáte Gentes, annuntiáte pópulis, et dícite: * Ecce Deus Salvátor noster advéniet. V. Annuntiáte, et auditum fácite: loquimini, et clamáte. Ecce.

Lectio ii.

In cubílibus, in quibus prius dracones habitábant, oriétur viror cálami et junci. Et erit ibi sémita et via, et via sancta vocábitur: non transíbit per eam pollútus, et hæc erit vobis dirécta via, ita ut stulti non errent per eam. Non erit ibi leo, et mala béstia non ascéndet per eam, nec inveniétur ibi: et ambulábunt, qui liberáti fúerint. Et redémpti a Dómino converténtur, et vénient in Sion cum laude: et lætítia sempitérna super caput eórum: gaúdium et lætítiam obtiné-bunt, et fúgiet dolor et gémitus.

R. Non auferétur sceptrum de Juda, et dux de fémore ejus, donec véniat qui mitténdus est: * Et ipse erit exspectátio Géntium. V. Pulchrióres sunt óculi ejus vino, et dentes ejus lacte candidióres. Et.

Lectio iii.

Cap. 41.

Táceant ad me insulæ, et Gentes mutent fortitúdinem: accédant, et tunc loquántur, simul ad júdiciū propinquémus. Quis suscitávit ab Oriénte justum, vocávit eum ut sequerétur se? dabit in conspéctu ejus Gentes et reges obtinébit: dabit quasi púlverem gládio ejus, sicut stípulam vento raptam árcui ejus. Persequétur eos, transíbit in pace, sémita in pédibus ejus non apparébit. Quis hæc operátus est, et fecit, vocans generatiónes ab exórdio? Ego Dóminus, primus et novíssimus ego sum.

R. Me opórtet mínui, illum autem créscere: qui autem post me venit, ante me factus est: * Cujus non sum dignus corrigiam calceamentórum sólvare. V. Ego baptizávi vos aqua: ille autem baptizábit vos Spíritu sancto. Cujus. Glória Patri. Cujus.

In II. Nocturno.

Sermo sancti Leónis Papæ.

Serm. 1. de jejunio decimi mensis, et collectis.

Lectio iv.

Si fidéliter, dilectíssimi, atque sapiénter creatiόνis nostræ intelligámus exórdium, inveniémus hómīnem ídeo ad imágīnem Dei cōditum, ut imitátor sui esset auctóris: et hanc esse naturálem nostri géneris dignitátem, si in nobis, quasi in quodam spéculo, divínæ benignitátis forma respléndeat. Ad quam quotidie nos úti-que réparat grátia Salvatóris, dum quod cécidit in Adam primo, erígatur in secúndo.

R. Nascétur nobis párvulus, et vocábitur Deus, Fortis: * Ipse sedébit super thronum David patris sui, et imperábit: cuius potéstas super húmerum ejus. V. In ipso benedicéntur omnes tribus terræ, omnes Gentes sérvient ei. Ipse.

Lectio v.

Causa autem reparatiónis nostræ non est nisi misericórdia Dei: quem non diligerémus, nisi prius nos ipse diligeret, et ténebras ignorántiæ nostræ, suæ veritátis luce discúteret. Quod per sanctum Isaíam Dóminus denúntians, ait: Addúcam cæcos in viam quam ignorábant, et sémitas quas nesciébant, fáciam illos calcáre: fáciam illis ténebras in lucem, et prava in dirécta. Hæc verba fáciam illis, et non relínquam eos. Et iterum: Invéntus sum, inquit, a non quæréntibus me, et palam appáruí iis qui me non interrogábant.

R. Ecce jam venit plenitúdo témporis, in quo misit Deus Fílium suum in terras, natum de Vírgine, factum sub lege: * Ut eos, qui sub lege erant, redímeret. V. Propter nímiam caritátem suam, qua diléxit nos Deus, Fílium suum misit in similitúdinem carnis peccáti. Ut eos.

Lectio vi.

Quod quómodo implétum sit, Joánnes Apóstolus docet, dicens: Scimus quóniam Fílius Dei venit, et dedit nobis sensum, ut cognoscámus verum, et simus in vero Fílio ejus. Et iterum: Nos ergo diligámus Deum, quóniam ipse prior diléxit nos. Diligéndo itaque nos Deus, ad imáginem suam nos réparat: et ut in nobis for-

mam suæ bonitátis invéniat, dat unde ipsi quoque quod operátur operémur, accéndens scílicet mén-tium nostrárum lucernas, et igne nos suæ caritátis inflámmans, ut non solum ipsum, sed étiam quidquid diligit, diligámus.

R. Virgo Israël, revértere ad civitátes tuas: * Usquequo dolens avertéris? generábis Dóminum Salvatórem, oblatiόνem novam in terra: * Ambulábunt hómines in salvatióne. V. In caritáte perpétua diléxi te: ideo attráxi te míserans tui. Usquequo. Glória Patri. Ambulábunt.

In III. Nocturno.

Léctio sancti Evangélii secúndum Lucam.

Lectio vii.

Cap. 3.

Anno quintodécimo impérii Tiberii Cæsaris, procuránte Póntio Piláto Judæam. Et reliqua.

De Homilia sancti Gregórii Papæ.

Ex Homilia 20. in Evangelia ante medium.

Dicébat Joánnes ad turbas, quæ exíbant ut baptizaréntur ab eo: Genímína viperárum, quis osténdit vobis fúgere a ventúra ira? Ventúra enim ira est animadvérsio uliónis extrémæ: quam tunc fúgere peccátor non valet, qui nunc ad láménta poeniténtiæ non recúrrit. Et notándum, quod malæ sóboles, malórum paréntum actiόνem imitántes, genímína viperárum vocántur: quia per hoc quod bonis ívident, eosque persequúntur, quod quibúsdam mala retribuunt, quod læsiónes próximis exquirunt: quóniam in his ómnibus patrum suórum carnálium

vias sequúntur, quasi venenáti filii de venenátis paréntibus nati sunt.

R. Jurávi, dicit Dóminus, ut ultra jam non iráscar super terram: montes enim et colles suscipient justítiam meam, * Et testaméntum pacis erit in Jerúsalem. **V.** Juxta est salus mea, ut véniat: et justítia mea, ut revelétur. Et.

Lectio viii.

Sed quia jam peccávimus, quia usu malæ consuetúdinis involúti sumus: dicat quid nobis faciéndum sit, ut fúgere a ventúra ira valeámus. Séquitur: Fácite ergo fructus dignos pœniténtiæ. In quibus verbis notándum est, quod amicus sponsi non solum fructus pœniténtiæ, sed dignos pœniténtiæ ádmonet esse faciéndos. Aliud namque est fructum fácere pœniténtiæ; áliud, dignum pœniténtiæ fructum fácere. Ut enim secúndum dignos pœniténtiæ fructus loquámur, sciéndum est, quia quisquis ilícita nulla commísit, huic jure concéditur, ut lícitis utátur: sicque pietátis ópera fáciat, ut tamen si volúerit, ea quæ mundi sunt, non relínquat.

R. Non discédimus a te, vivificábis nos Dómine, et nomen tuum invocábimus: * Osténde nobis fáciem tuam, et salvi érimus. **V.** Meménto nostri Dómine in beneplácito pópuli tui: vísita nos in salutári tuo. Osténde.

Lectio ix.

At si quis in fornicatiónis culpam, vel fortásse, quod est grávius, in adultérium lapsus est: tanto a se lícita debet abscíndere, quanto se méminit et ilícita perpetrásse.

Neque enim par fructus boni óperis esse debet, ejus qui minus, et ejus qui ámplius delíquit: aut ejus qui in nullis, et ejus qui in quibúsdam facinóribus cécidit, et ejus qui in multis est lapsus. Per hoc ergo quod dicitur: Fácite fructus dignos pœniténtiæ: uniuscujúsque consciéntia convenítur, ut tanto majóra acquirat bonórum óperum lucra per pœniténtiam, quanto gravióra sibi íntulit damna per culpam.

R. Intuémini, quantus sit iste, qui ingréditur ad salvándas Gentes: ipse est rex justítiae, * Cujus generátio non habet finem. **V.** Præcúrsor pro nobis ingréditur, secúndum órđinem Melchisedech Póntifex factus in ætérnum. Cujus. Glória Patri. Cujus.

Ad Laudes

et per Horas.

Ant. 1. Cánite tuba * in Sion, quia prope est dies Dómini: ecce véniet ad salvándum nos, allelúja, allelúja.

Ps. Dóminus regnávít. 15.

2. Ecce véniet * desiderátus cunctis Géntibus: et replébitur glória domus Dómini, allelúja.

3. Erunt prava * in dirécta, et áspera in vias planas: veni Dómine, et noli tardáre, allelúja.

4. Dóminus véniet, * occúrrite illi, dicéntes: Magnum princípium, et regni ejus non erit finis: Deus, fortis, dominátor, princeps pacis, allelúja, allelúja.

5. Omnípotens sermo tuus * Dómine a regálibus sédibus véniet, allelúja.

Capitulum. 1. Cor. 4.

Fratres: Sic nos existimet homo
ut ministros Christi, et dispensatores
mysteriorum Dei. Hic jam
quaeritur inter dispensatores, ut
fidelis quis inveniatur.

Hymnus.

En clara vox redarguit
Obscura quaeque, personans:
Procul fugentur somnia:
Ab alto Jesus promicat.

Mens jam resurgat torpida,
Non amplius jacens humi:
Sidus refulget jam novum,
Ut tollat omne noxium.

En Agnus ad nos mittitur
Laxare gratis debitum:
Omnes simul cum lacrimis
Precemur indulgentiam.

Ut, cum secundo fulserit,
Metuque mundum cinxerit,
Non pro reatu puniat,
Sed nos pius tunc protegat.

Virtus, honor, laus, gloria
Deo Patri cum Filio,
Sancto simul Paraclyto,
In saeculorum saecula. Amen.

V. Vox clamantis in deserto, Pa-
rate viam Domini. R. Rectas facite
semitas ejus.

Ad Bened. Ant. Ave Maria, *
gratia plena: Dominus tecum: be-
nedicta tu in mulieribus, alleluja.

Nisi dicenda sit Ant. Nolite timere.
vel Ant. Ecce completa. ut supra. 158.

Oratio.

Excita, quaesumus Domine, po-
tentiam tuam, et veni, et ma-
gna nobis virtute succurre: ut per
auxilium gratiae tuae, quod nostra
peccata praepediunt, indulgentia
tua propitiationis acceleret: Qui
vivis et regnas.

Ad Tertiam.

Ant. Ecce veniet.

Capit. Fratres: Sic nos.

R. br. Veni ad liberandum nos
* Domine Deus virtutum. Veni.
V. Ostende faciem tuam, et salvi
erimus. Domine. Gloria. Veni.

V. Timebunt Gentes nomen tu-
um Domine. R. Et omnes reges
terrae gloriam tuam.

Ad Sextam.

Ant. Erunt prava.

Capitulum. 1. Cor. 4.

Mihi autem pro minimo est, ut
-a vobis iudicer, aut ab huma-
no die: sed neque meipsum iudico.

R. br. Ostende nobis Domine *
Misericordiam tuam. Ostende. V. Et
salutare tuum da nobis. Misericor-
diam. Gloria Patri. Ostende.

V. Memento nostri Domine in
beneplacito populi tui. R. Visita
nos in salutari tuo.

Ad Nonam.

Ant. Omnipotens sermo tuus.

Capitulum. 1. Cor. 4.

Itaque nolite ante tempus judi-
care, quoadusque veniat Domi-
nus: qui et illuminabit abscondita
tenebrarum, et manifestabit consi-
lia cordium: et tunc laus erit uni-
cuique a Deo.

R. br. Super te Jerusalem * Orietur
Dominus. Super te. V. Et gloria
ejus in te videbitur. Orietur.
Gloria Patri. Super te.

V. Domine Deus virtutum con-
verte nos. R. Et ostende faciem
tuam, et salvi erimus.

Ad Vesperas.

Ant. de Laud. Ps. de Domin. Capit.,
Hymn. et V. ut supra. 165.

Ad Magnif. Ant. O.

Oratio. Excita. ut supra. 169.

Post Vesperas diei dicuntur Vesperæ Defunctorum.

Feria Secunda.

Ad Matutinum. Invit. et Hymn. ut in Domin. præced. 165.

De Isaia Prophéta.

Lectio i. Cap. 41. b.

Et tu Israël serve meus, Jacob quem elégi, semen Abraham amici mei: in quo apprehénderi te ab extrémis terræ, et a longínquis ejus vocávi te, et dixi tibi: Servus meus es tu, elégi te, et non abjéci te. Ne timeas, quia ego tecum sum: ne declínes, quia ego Deus tuus: confortávi te, et auxiliátus sum tibi, et suscepit te dextera justi mei.

R. Cánite tuba in Sion, vocáte Gentes, annuntiáte pópulis, et dícite: * Ecce Deus Salvátor noster advéniet. V. Annuntiáte, et audítum fácite: loquímini, et clamáte. Ecce.

Lectio ii.

Ecce confundéntur et erubéscent omnes, qui pugnant advérsus te: erunt quasi non sint, et peribunt viri, qui contradícunt tibi. Quæres eos, et non invénies, viros rebélles tuos: erunt quasi non sint, et véluti consúptio hómines belántes advérsus te. Quia ego Dóminus Deus tuus apprehéndens manum tuam, dicénsque tibi: Ne timeas, ego adjúvi te.

R. Non auferétur sceptrum de Juda, et dux de fémore ejus, donec véniat qui mitténdus est: * Et ipse erit exspectátio Géntium. V. Pulchríores sunt óculi ejus vino, et dentes ejus lacte candidiôres. Et.

Lectio iii.

Noli timére, vermis Jacob, qui mórtui estis ex Israël: ego auxiliátus sum tibi, dicit Dóminus: et redémptor tuus sanctus Israël. Ego pósui te quasi plaustrum tritúrans novum, habens rostra serántia: triturábis montes, et comínues: et colles quasi púlverem pones. Ventilábis eos, et ventus tollet, et turbo dispérget eos: et tu exsultábis in Dómino, in sancto Israël lætáberis.

R. Me opórtet mínui, illum autem créscere: qui autem post me venit, ante me factus est: * Cujus non sum dignus corrígiam calceamentórum sólvere. V. Ego baptizávi vos aqua: ille autem baptizábit vos Spíritu sancto. Cujus. Glória Patri. Cujus.

Ad Laudes. Ant. secundum superiorem Rubricam. 157.

Ad Bened. Ant. Dicit Dóminus: * Pœniténtiam ágite: appropinquávit enim regnum cœlórum, allelúja.

Nisi dicenda sit Ant. Nolíte timére. vel Ant. Ecce compléta. 158.

Hodie dicitur Offic. Defunct.

Ad Magnif. Ant. O.

Feria Tertia.

De Isaia Prophéta.

Lectio i. Cap. 42.

Ecce servus meus, suscípiam eum: eléctus meus, complácuít sibi in illo ánima mea: dedi spíritum meum super eum, judícium Géntibus próferet. Non clamábit, neque accípiet persónam, nec audiétur vox ejus foris. Cálamum quassátum non cónteret, et linum fúmigans non exstinguet: in veritáte edúcet judícium. Non erit

tristis, neque turbuléntus, donec ponat in terra iudícium: et legem ejus ínsulæ exspectábunt.

R. Nascétur nobis párvulus, et vocábitur Deus, Fortis: * Ipse sedébit super thronum David patris sui, et imperábit: cujus potéstas super húmerum ejus. V. In ipso benedicéntur omnes tribus terræ, omnes Gentes sérvient ei. Ipse.

Lectio ii.

Hæc dicit Dóminus Deus creans cœlos, et exténdens eos: firmans terram, et quæ gérmant ex ea: dans flatum pópulo, qui est super eam, et spíritum calcántibus eam. Ego Dóminus vocávi te in justítia, et apprehéndi manum tuam, et servávi te. Et dedi te in fœdus pópuli, in lucem Géntium: ut aperíres óculos cæcórum, et edúceres de conclusióne vinctum, de domo cárceris sedéntes in ténebris.

R. Ecce jam venit plenitúdo témporis, in quo misit Deus Fílium suum in terras, natum de Vírgine, factum sub lege: * Ut eos, qui sub lege erant, redímeret. V. Propter nímiā caritátem suam, qua diléxit nos Deus, Fílium suum misit in similitúdinem carnis peccáti. Ut eos.

Lectio iii.

Cantáte Dómino cánticum novum, laus ejus ab extrémis terræ: qui descénditis in mare, et plenitúdo ejus, ínsulæ, et habitatóres eárum. Sublevétur desértum, et civitátes ejus; in dómibus habitábit Cedar: laudáte habitatóres Petræ, de vértice móntium clamábunt. Ponent Dómino glóriam, et

laudem ejus in ínsulis nuntiábunt. Dóminus sicut fortis egrediétur, sicut vir præliátor suscitábit zelum: vocíferábitur, et clamábit: super inimícos suos confortábitur.

R. Virgo Israël, revértere ad civitátes tuas: * Usquequo dolens avertéris? generábis Dóminum Salvatórem, oblatiónem novam in terra: * Ambulábunt hómines in salvatióne. V. In caritáte perpétua diléxi te: ídeo attráxi te míserans tui. Usquequo. Glória Patri. Ambulábunt.

Ad Bened. Ant. Consúrge, consúrge: * indúere fortitúdinem, bráchium Dómini.

Nisi dicenda sit Ant. Nolíte. vel Ant. Ecce compléta. 158.

Ad Magnif. Ant. O.

Feria Quarta.

De Isaía Prophéta.

Lectio i.

Cap. 51.

Audíte me, qui sequímini quod justum est, et quæritis Dóminum: atténdite ad petram unde excísi estis, et ad cavérnam laci, de qua præcísí estis. Atténdite ad Abraham patrem vestrum, et ad Saram quæ péperit vos: quia unum vocávi eum, et benedíxi ei, et multiplicávi eum. Consolábitur ergo Dóminus Sion, et consolábitur omnes ruínas ejus: et ponet desértum ejus quasi delicias, et solitúdinem ejus quasi hortum Dómini. Gáúdium et lætítia inveniétur in ea, gratiárum áctio, et vox laudis.

R. Jurávi, dicit Dóminus, ut ultra jam non iráscar super terram: montes enim et colles suscipient justítiam meam, * Et testaméntum

pacis erit in Jerúsalem. *Ÿ.* Juxta est salus mea, ut véniat: et justítia mea, ut revelétur. Et.

Lectio ii.

Atténdite ad me pópule meus, et tribus mea me audíte: quia lex a me éxiet, et judícium meum in lucem populórum requiescet. Prope est justus meus, egréssus est salvátor meus, et bráchia mea pópulos judicábunt: me ínsulæ exspectábunt, et bráchium meum sustinébunt. Leváte in cœlum óculos vestros, et vidéte sub terra deórsum: quia cœli sicut fumus liquéscent, et terra sicut vestiméntum atterétur, et habitatóres ejus sicut hæc interíbunt: Salus autem mea in sempitérnum erit, et justítia mea non deficiet.

R. Non discédimus a te, vivificábis nos Dómine, et nomen tuum invocábimus: * Osténde nobis fáciem tuam, et salvi érimus. *Ÿ.* Memento nostri Dómine in beneplácito pópuli tui: vísita nos in salutári tuo. Osténde.

Lectio iii.

Audíte me qui scitis justum, pópulus meus, lex mea in corde eórum: nolíte timére oppróbrium hóminum, et blasphémias eórum ne metuátis. Sicut enim vestiméntum, sic cómedet eos vermis: et sicut lanam, sic devorábit eos tínea: Salus autem mea in sempitérnum erit, et justítia mea in generatiónes generatiónum.

R. Intuémini, quantus sit iste, qui ingréditur ad salvándas Gentes: ipse est rex justítiæ, * Cujus generátio non habet finem. *Ÿ.* Præcúrsor pro nobis ingréditur, se-

cúndum órđinem Melchisedech Póntifex factus in ætérnum. Cujus. Glória Patri. Cujus.

Ad Bened. Ant. Ponam in Sion * salútem, et in Jerúsalem glóriam meam, allelúja.

Nisi dicenda sit Ant. Nolíte. vel Ant. Ecce compléta. 158.

Ad Magnif. Ant. O.

Feria Quinta.

De Isaía Prophéta.

Lectio i. Cap. 64.

Utinam dirúmperes cœlos, et descénderes: a fácie tua montes deflúerent. Sicut exústio ignis tabéscerent, aquæ ardérent igni, ut notum fieret nomen tuum inimícis tuis: a fácie tua Gentes turbarentur. Cum féceris mirabília, non sustinébimus: descendísti, et a fácie tua montes defluxérunt. A sæculo non audierunt, neque aúribus percepérunt: óculus non vidit, Deus absque te, quæ præparásti expectántibus te.

R. Cánite tuba in Sion, vocáte Gentes, annuntiáte pópulis, et dícite: * Ecce Deus Salvátor noster advéniet. *Ÿ.* Annuntiáte, et auditum fácite: loquimini, et clamáte. Ecce.

Lectio ii.

Occurrísti lætánti, et faciénti justítiam: in viis tuis recordábuntur tui: ecce tu irátus es, et peccávimus: in ipsis fúimus semper, et salvábimur. Et facti sumus ut immúndus omnes nos, et quasi pannus menstruátæ univérsæ justítiæ nostræ: et cecídimus quasi fólium univérsi, et iniquitátes nostræ quasi ventus abstulérunt nos.

Non est qui invocet nomen tuum: qui consúrgat, et téneat te: abscondísti fáciem tuam a nobis, et allisísti nos in manu iniquitátis nostræ.

R. Non auferétur sceptrum de Juda, et dux de fémore ejus, donec véniat qui mitténdus est: * Et ipse erit exspectátio Géntium. V. Pulchrióres sunt óculi ejus vino, et dentes ejus lacte candidióres. Et ipse erit.

Lectio iii.

Et nunc Dómine pater noster es tu, nos vero lutum: et fictor noster tu, et ópera mánuum tuárum omnes nos. Ne irascáris Dómine satis, et ne ultra memíneris iniquitátis nostræ: ecce réspice, pópulus tuus omnes nos. Cívitas sancti tui facta est desérta, Sion desérta facta est, Jerúsalem desoláta est. Domus sanctificatiónis nostræ, et glóriæ nostræ, ubi laudavérunt te patres nostri, facta est in exustiónem ignis, et ómnia desiderabilia nostra versa sunt in ruínas.

R. Me opórtet mínui, illum autem créscere: qui autem post me venit, ante me factus est: * Cujus non sum dignus corrigiam calceamentórum sólvare. V. Ego baptizávi vos aqua: ille autem baptizábit vos Spíritu sancto. Cujus. Glória Patri. Cujus.

Ad Bened. Ant. Consolámini, consolámini, * pópule meus, dicit Dóminus Deus vester.

Nisi dicenda sit Antiph. Ecce compléta. ut infra. 174.

Ad Magnif. Ant. O.

Feria Sexta.

De Isaía Prophéta.

Lectio i. Cap. 66. b.

Audíte verbum Dómini, qui trémitis ad verbum ejus: dixerunt fratres vestri odiéntes vos, et abjiciéntes propter nomen meum: Glorificétur Dóminus, et vidébimus in lætítia vestra: ipsi autem confundéntur. Vox pópuli de civitáte, vox de templo, vox Dómini reddéntis retributiónem inimicis suis. Antequam parturíret, péperit: ántequam veníret partus ejus, péperit másculum. Quis audívit umquam tale? et quis vidit huic símile? Numquid partúriet terra in die una? aut paríetur gens simul, quia parturívit et péperit Sion filios suos? R. Nascétur. 171.

Lectio ii.

Numquid ego, qui álios párrere fácio, ipse non páriam, dicit Dóminus? si ego, qui generatiónem céteris tribuo, stérilis ero, ait Dóminus Deus tuus? Lætámini cum Jerúsalem, et exsultáte in ea omnes qui dilígitis eam: gaudéte cum ea gaúdio univérsti, qui lugétis super eam, ut sugátis, et repleámini ab úbere consolatiónis ejus: ut mulgeátis, et delíciis affluátis ab omnimoda glória ejus. Quia hæc dicit Dóminus: Ecce ego declinábo super eam quasi flúvium pacis, et quasi torréntem inundántem glóriam Géntium, quam sugétis: ad úbera portabímini, et super génua blandiéntur vobis.

R. Ecce jam. 171.

Lectio iii.

Quómodo si cui mater blandiátur, ita ego consolábor vos, et in Jerúsalem consolabímini. Vidé-

bitis, et gaudébit cor vestrum, et ossa vestra quasi herba germinábunt, et cognoscétur manus Dómini servis ejus, et indignábitur inimícis suis. Quia ecce Dóminus in igne véniet, et quasi turbo quadrigæ ejus: réddere in indignatióne furórem suum, et increpationem suam in flamma ignis: quia in igne Dóminus dijudicábit, et in gládio suo ad omnem carnem, et multiplicabúntur interfécti a Dómino.

R. Virgo Israël. 171.

Ad Bened. Ant. Ecce compléta sunt * ómnia, quæ dicta sunt per Angelum de Vírgine María.

Ad Magnif. Ant. O Emmánuel, Rex et légifer noster, exspectatio Géntium, et Salvátor eárum: veni ad salvándum nos Dómine Deus noster.

Si Vigilia Nativitatis Domini venerit in Dominica, Officium fit hoc modó:

Ad Matutinum. Invit. de Vigilia. Hódie sciétis. ut infra.

Hymnus de Adventu. Verbum supérnum. ut infra.

Ant., Ps., VV., Lect. et RR. in I. et II. Nocturno dicuntur de Domin. IV. Adventus. 165.

In III. Nocturno. Ant. et Ps. de Domin. 12. VV. de Vigilia, tres Lect. de Homilia Vigiliæ cum suis RR.: et non legitur Homil. Domin. pro ultima Lect. Laudes de Vigilia cum Coñem. de Dominica. Similiter et per Horas celebratur Offic. de Vigilia.

In Vigilia Nativitatis Domini.

Ad Matutinum.

Invit. Hódie sciétis, quia véniet Dóminus: * Et mane vidébitis glóriam ejus.

Ps. Veníte, exsultémus. 2.

Hymnus.

Verbum supérnum pródiens,
E Patris ætérni sinu
Qui natus orbi súbvenis,
Labénte cursu témporis:

Illúmina nunc pectora,
Tuoque amóre cóncrema,
Ut cor cadúca désereus
Cœli volúptas ímpleat:

Ut, cum tribúnal Júdicis
Damnábit igni nóxios,
Et vox amíca débitum
Vocábit ad cœlum pios.

Non esca flammárum nigros
Volvámur inter túrbines,
Vultu Dei sed cómpotes
Cœli fruámur gaúdiis.

Patri simúlque Filio,
Tibíque sancte Spíritus,
Sicut fuit, sit júgiter
Sæclum per omne glória.
Amen.

Ant. et Ps. de Feria occur.

V. Hódie sciétis, quia véniet Dóminus. R. Et mane vidébitis glóriam ejus.

Lectio sancti Evangélii secúndum Matthæum.

Lectio i. Cap. 1. c.

Cum esset desponsáta mater Jesu María Joseph, ántequam convenírent, invénta est in útero habens de Spíritu sancto. Et reliqua.

Homilia sancti Hierónymi
Presbýteri.

Lib. I. Comment. in c. 1. Matth.

Quare non de simplici vírgine, sed de desponsáta concípitur? Primum, ut per generatióem Joseph, orígo Mariæ monstrarétur: secúndo, ne lapidarétur a Judæis

ut adultera: tertio, ut in Ægyptum fugiens haberet solatium. Martyr Ignátius étiam quartam áddidit causam, cur a desponsáta concéptus sit: Ut partus, ínquiens, ejus celaretur diábolo, dum eum putat non de vírgine, sed de uxóre generátum.

R. Sanctificámini hódie, et estóte paráti: quia die crástina vidébitis * Majestátem Dei in vobis. **V.** Hódie sciétis, quia véniet Dóminus, et mane vidébitis. Majestátem.

Lectio ii.

Antequam convenírent, invénta est in útero habens de Spíritu sancto. Non ab álío invénta est, nisi a Joseph, qui pene licéntia maritáli futúráe uxóris ómnia nóverat. Quod autem dicitur, Antequam convenírent: non séquitur ut póstea convénerint: sed Scriptúra quod factum non sit, osténdit.

R. Constántes estóte, vidébitis auxílium Dómini super vos: Judæa et Jerúsalem, nolíte timére: * Cras egrediémini, et Dóminus erit vobíscum. **V.** Sanctificámini filii Israél, et estóte paráti. Cras egrediémini.

Lectio iii.

Joseph autem vir ejus, cum esset justus, et nollet eam tradúcere, vóluit occúlte dimíttre eam. Si quis fornicáriæ conjúngitur, unum corpus efficitur, et in lege præcéptum est, non solum reos, sed et cóncios críminum obnóxios esse peccáti: quómodo Joseph, cum crimen celáret uxóris, justus scribitur? Sed hoc testimónium Mariæ est, quod Joseph sciens illius ca-

stitátem, et admirans quod evénérat, celat siléntio, cujus mystérium nesciébat.

R. Sanctificámini, filii Israél, dicit Dóminus: die enim crástina descéndet Dóminus, * Et aúferet a vobis omnem languórem. **V.** Crástina die delébitur iníquitas terræ, et regnábit super nos Salvátor mundi. Et. Glória Patri. Et.

Deinceps Offic. fit Duplex.

Ad Laudes

et per Horas.

Ant. 1. Judæa et Jerúsalem * nolíte timére: cras egrediémini, et Dóminus erit vobíscum, allelúja.

Ps. Dóminus regnávít. 15.

2. Hódie sciétis * quia véniet Dóminus: et mane vidébitis glóriam ejus.

3. Crástina die * delébitur iníquitas terræ: et regnábit super nos Salvátor mundi.

4. Dóminus véniet, * occúrrite illi, dicéntes: Magnum princípium, et regni ejus non erit finis: Deus, fortis, dominátor, princeps pacis, allelúja.

5. Crástina erit * vobis salus, dicit Dóminus Deus exercítuum.

Capitulum.

Rom. 1.

Paulus servus Jesu Christi, vocátus Apóstolus, segregátus in Evangélium Dei, quod ante promiserat per prophétas suos in Scriptúris sanctis de Fílio suo, qui factus est ei ex sémine David secúndum carnem.

Hymnus.

En clara vox redárguit
Obscúra quæque, pérsonans:
Procul fugéntur sómnia:
Ab alto Jesus prómicat.

Mens jam resúrgat tórpida,
Non ámplius jacens humi:
Sidus refúlget jam novum,
Ut tollat omne nóxium.

En Agnus ad nos míttitur
Laxáre gratis débitum:
Omnes simul cum lácrimis
Precémur indulgéntiam.

Ut, cum secúndo fúlserit,
Metúque mundum cínxerit,
Non pro reátu púniat,
Sed nos pius tunc prótegat.

Virtus, honor, laus, glória
Deo Patri cum Fílio,
Sancto simul Paráclito,
In sæculórum sæcula. Amen.

Ÿ. Crástina die delébitur iníqui-
tas terræ. R. Et regnábit super nos
Salvátor mundi.

Ad Bened. Ant. Oriétur sicut
sol Salvátor mundi: et descéndet
in úterum Vírginis, sicut imber su-
per gramen, allelúja.

Oratio.

Deus, qui nos redemptiónis no-
stræ ánnua exspectatióne læ-
tíficas: præsta; ut Unigénitum tu-
um, quem Redemptórem læti sus-
cípimus, veniéntem quóque júdi-
cem secúri videámus, Dóminum
nostrum Jesum Christum Fílium
tuum: Qui tecum vivit et régnat
in unitáte Spíritus.

Et dicitur per Horas diei.

Prima dicitur sicut in Dupl., et ad
Absolutionem Capituli dicitur Capitu-
lum Nonæ.

Ad Tertiam.

Ant. Hódie sciétis.

Capitulum. Paulus servus. ut
supra. 175.

R. br. Hódie sciétis, * Quia vé-
niet Dóminus. Hódie. Ÿ. Et mane
vidébitis glóriam ejus. Quia. Gló-
ria Patri. Hódie.

Ÿ. Constántes estóte. R. Vidé-
bitis auxiliúm Dómini super vos.

Ad Sextam.

Ant. Crástina die.

Capitulum. Rom. 1.

Qui prædestinátus est Filius Dei
in virtúte secúndum spíritum
sanctificatiónis, ex resurrectiόne
mortuórum Jesu Christi Dómini
nostri.

R. br. Crástina die * Delébitur
iníquitas terræ. Crástina. Ÿ. Et re-
gnábit super nos Salvátor mundi.
Delébitur. Glória Patri. Crástina.

Ÿ. Crástina erit vobis salus.
R. Dicit Dóminus Deus exercí-
tuum.

Ad Nonam.

Ant. Crástina erit.

Capitulum. Rom. 1.

Per quem accépiimus grátiam, et
apostolátum ad obediéndum
fidei in ómnibus Géntibus pro nó-
mine ejus, in quibus estis et vos
vocáti Jesu Christi Dómini nostri.

R. br. Crástina * Erit vobis sa-
lus. Crástina. Ÿ. Dicit Dóminus
Deus exercítuum. Erit. Glória Pa-
tri. Crástina.

Ÿ. Crástina die delébitur iníqui-
tas terræ. R. Et regnábit super
nos Salvátor mundi.





IN NATIVITATE DOMINI.

Duplex 1. classis.

In I. Vesperis.

Antiph. 1.

Rex pacíficus magnificátus est, cujus vultum desíderat univérsta terra.
Psalmi ut in I. Vesperis de Comm. Apost. [2]

2. Magnificátus est Rex pacíficus super omnes reges univérstæ terræ.

3. Compléti sunt dies Mariæ, ut páreret Fílium suum primogénitū.

4. Scitóte quia prope est regnum Dei: amen dico vobis, quia non tardábit.

5. Leváte cápita vestra: ecce appropínquat redémptio vestra.

Capitulum. Tit. 3. b.

Appáruit benígnitas, et humánitas Salvatóris nostri Dei: non ex opéribus justitiæ, quæ fécimus nos, sed secúndum suam misericórdiam salvos nos fecit.

Hymnus.

Jesu Redémptor ómnium,
Quem lucis ante oríginem
Parem patrénæ glóriæ
Pater suprémus édedit.

Tu lumen, et splendor Patris,
Tu spes perénnis ómnium,
Inténde quas fundunt preces
Tui per orbem sérvuli.

Meménto, rerum Cónditor,
Nostri quod olim córporis,
Sacráta ab alvo Vírginis
Nascéndo, formam sumpseris.

Testátur hoc præsens dies,
Currens per anni círculum,
Quod solus e sinu Patris
Mundi salus advéneris.

Hunc astra, tellus, æquora,
Hunc omne quod cœlo subest,
Salútis Auctórem novæ
Novo salútat cántico.

Et nos, beáta quos sacri
Rigávit unda sánguinis;
Natális ob diem tui
Hymni tribútum sólvimus.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempitérna sácula. Amen.

Sic terminantur omnes Hymni ejusdem metri usque ad Epiphaniam.

¶ Crástina die delébitur iníquitas terræ. R. Et regnábit super nos Salvátor mundi.

Ad Magnif. Ant. Cum ortus fuerit sol de cœlo, vidébitis Regem regum procedentem a Patre, tamquam sponsum de thálamo suo.

Oratio.

Concède, quæsumus omnípotens Deus: ut nos Unigéniti tui nova per carnem Natívitatis liberet; quos sub peccáti iugo vetústa sérvitus tenet. Per eúmdem Dóminum.

Ad Matutinum.

Invit. Christus natus est nobis:
* Veníte adorémus.

Ps. Veníte, exsultémus. 2.

Hymnus. Jesu Redemptor ómnium. 177.

In I. Nocturno.

Ant. Dóminus dixit * ad me: Fílius meus es tu, ego hódie génui te.

Psalmus 2.

Quare fremuérunt Gentes, * et pópuli meditáti sunt inánia?
Astitérunt reges terræ, et principes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in cœlis irridébit eos: * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum rex ab eo super Sion montem sanctum ejus, * prædicans præcéptum ejus.

Dóminus dixit ad me: * Fílius meus es tu, ego hódie génui te.

Póstula a me, et dabo tibi Gentes hæreditátem tuam, * et possessionem tuam términos terræ.

Reges eos in virga férrea, * et tamquam vas figuli confringes eos.

Et nunc reges intelligite: * erudímini qui judicátis terram.

Servíte Dómino in timóre: * et exsultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Dóminus dixit ad me: Fílius meus es tu, ego hódie génui te.

Ant. Tamquam sponsus * Dóminus procedens de thálamo suo.

Psalmus 18.

Cœli enarrant glóriam Dei, * et Ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse tamquam sponsus procedens de thálamo suo:

Exsultávit ut gigas ad curréndam viam, * a summo cœlo egrésio ejus:

Et occúrsus ejus usque ad sum-

mum ejus: * nec est qui se abscondat a calore ejus.

Lex Dómini immaculáta convértens ánimas: * testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda: * præcéptum Dómini lúcidum, illúminans óculos.

Timor Dómini sanctus, pérmanens in sáeculum sáeculi: * judícia Dómini vera, justificáta in semetipsa.

Desiderabilia super aurum et lápidem pretiósum multum: * et dulcióra super mel et favum.

Etenim servus tuus custódit ea, * in custodiéndis illis retribúto multa.

Delicta quis intélligit? ab ocúltis meis munda me: * et ab aliénis parce servo tuo.

Si mei non fúerint domináti, tunc immaculátus ero: * et emundábor a delicto máximo.

Et erunt ut compláceant elóquia oris mei: * et meditatio cordis mei in conspéctu tuo semper.

Dómine adjútor meus, * et redemptor meus.

Ant. Tamquam sponsus Dóminus procédens de thálamo suo.

Ant. Diffúsa est * grátia in lábiis tuis, proptérea benedíxit te Deus in ætérnum.

Psalmus 44.

Eructávit cor meum verbum bonum: * dico ego ópera mea Regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis:

* proptérea benedíxit te Deus in ætérnum.

Accíngere gládio tuo super femur tuum, * potentíssime,

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justítiam: * et dedúcet te mirabíliter dextera tua.

Sagittæ tuæ acútæ, pópuli sub te cadent, * in corda inimicórum Regis.

Sedes tua Deus in sáeculum sáeculi: * virga directiónis virga regni tui.

Dilexísti justítiam, et odísti iniquitátem: * proptérea unxit te Deus, Deus tuus óleo lætítiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis: * ex quibus delectavérunt te filiae regum in honóre tuo.

Astitit regína a dextris tuis in vestítu deauráto: * circúmdata varietáte.

Audi filia, et vide, et inclína aurem tuam: * et oblivíscere pópulum tuum, et domum patris tui.

Et concupíscet Rex decórem tuum: * quóniam ipse est Dóminus Deus tuus, et adorábunt eum.

Et filiae Tyri in munéribus * vultum tuum deprecabúntur: omnes dívites plebis.

Omnis glória ejus filiae Regis ab intus, * in fimbriis aúreis circumamícta varietátibus.

Adducéntur Regi vírgines post eam: * próximæ ejus afferéntur tibi.

Afferéntur in lætítia et exsulta-

tióne: * adducéntur in templum Regis.

Pro pátribus tuis nati sunt tibi filii: * constitues eos principes super omnem terram.

Mémores erunt nóminis tui: * in omni generatióne et generatióne.

Proptérea pópuli confitebúntur tibi in ætérnum: * et in sáeculum sáeculi.

Ant. Diffúsa est grátia in lábiis tuis, proptérea benedíxit te Deus in ætérnum.

Ÿ. Tamquam sponsus. R. Dóminus procedens de thálamo suo. Pater noster.

Absolutio. Exaúdi Dómine.

Ÿ. Jube domne.

Bened. Benedictióne perpétua.

Tres sequentes Lectiones Isaïe leguntur sine titulo.

Lectio i.

Cap. 9.

Primo témpore alleviáta est terra Zábulon, et terra Néphthali: et novíssimo aggraváta est via maris trans Jordánem Galilææ Géntium. Pópulus qui ambulábat in ténebris, vidit lucem magnam: habitántibus in regióne umbræ mortis, lux orta est eis. Multiplicásti gentem, et non magnificásti lætítiam. Lætabúntur coram te, sicut qui lætántur in messe, sicut exsúltant victóres capta præda, quando dívidunt spólia. Jugum enim óneris ejus, et virgam húmeri ejus, et sceptrum exactóris ejus superásti sicut in die Mádian. Quia omnis violénta prædátio cum tumultu, et vestiméntum mistum sanguine, erit in combustióne, et cibus ignis. Párvulus enim natus est nobis, et filius datus est nobis, et

factus est principátus super húmerum ejus: et vocábitur nomen ejus, Admirábilis, Consiliárius, Deus, Fortis, Pater futúri sáeculi, Princeps pacis.

R. Hódie nobis cœlórum Rex de Vírgine nasci dignátus est, ut hóminem pérditum ad cœléstia regna revocáret: * Gaudet exércitus Angelórum: quia salus ætérna humano géneri appáruit. Ÿ. Glória in excélsis Deo, et in terra pax homínibus bonæ voluntátis. Gaudet. Glória Patri.

Et repetitur R. Hódie nobis. usque ad Ÿ. Glória in excélsis.

Bened. Unigénitus Dei Fílius.

Lectio ii.

Cap. 40.

Consolámini, consolámini pópule meus, dicit Deus vester. Loquímmini ad cor Jerúsalem, et advocáte eam: quóniam compléta est malítia ejus, dimíssa est iníquitas illíus: suscepit de manu Dómini duplicia pro ómnibus peccátis suis. Vox clamántis in desérto: Paráte viam Dómini, rectas fácite in solitúdine sémitas Dei nostri. Omnis vallis exaltábitur, et omnis mons et collis humiliábitur: et erunt prava in dirécta, et áspera in vias planas. Et revelábitur glória Dómini: et vidébit omnis caro páriter quod os Dómini locútum est. Vox dicéntis: Clama. Et dixi: Quid clamábo? Omnis caro fœnum, et omnis glória ejus quasi flos agri. Exsiccátum est fœnum, et cécidit flos: quia spíritus Dómini sufflavit in eo. Vere fœnum est pópulus: exsiccátum est fœnum, et cécidit flos: Verbum autem Dómini nostri manet in ætérnum.

R. Hódie nobis de cœlo pax vera descéndit: * Hódie per totum mundum mellíflui facti sunt cœli. V. Hódie illúxit nobis dies redemptiónis novæ, reparatiónis antiquæ, felicitátis æternæ. Hódie.

Bened. Spíritus sancti grátia.

Lectio iii. Cap. 52.

Consúrge, consúrge, indüere fortitudíne tua Sion, indüere vestiméntis glóriæ tuæ Jerúsalem civitas sancti: quia non adjíciet ultra ut pertránseat per te incircumcísus et immúndus. Excútere de púlvere, consúrge, sede Jerúsalem: solve víncula colli tui, captíva filia Sion. Quia hæc dicit Dóminus: Gratis venúmdati estis, et sine argénto redimémíni. Quia hæc dicit Dóminus Deus: In Ægýptum descéndit pópulus meus in princípíio, ut colónus esset ibi: et Assur absque ulla causa calumniátus est eum. Et nunc quid mihi est hic, dicit Dóminus, quóniam ablátus est pópulus meus gratis? Domínatores ejus iníque agunt, dicit Dóminus: et júgiter tota die nomen meum blasphemátur. Propter hoc sciet pópulus meus nomen meum, in die illa: quia ego ipse qui loquébar, ecce adsum.

R. Quem vidístis, pastóres? dícite, annuntiáte nobis, in terris quis appáruit? * Natum vídimus, et choro Angelórum collaudántes Dóminum. V. Dícite, quidnam vidístis? et annuntiáte Christi nativitém. Natum. Glória. Natum.

In II. Nocturno.

Ant. Suscépimus * Deus misericórdiam tuam in médio templi tui.

Psalmus 47.

Magnus Dóminus, et laudábilis nimis * in civitaté Dei nostri, in monte sancto ejus.

Fundátur exsultatíone univérsæ terræ mons Sion, * látera Aquilónis, civitas regis magni.

Deus in dómibus ejus cognoscétur, * cum suscípiet eam.

Quóniam ecce reges terræ congregáti sunt: * convenérunt in unum.

Ipsi vidéntes sic admiráti sunt, conturbáti sunt, commóti sunt: * tremor apprehéndit eos.

Ibi dolóres ut parturiéntis: * in spíritu veheménti cónteres naves Tharsis.

Sicut audívimus, sic vídimus in civitaté Dómini virtútum, in civitaté Dei nostri: * Deus fundávit eam in ætérnum.

Suscépinus Deus misericórdiam tuam, * in médio templi tui.

Secúndum nomen tuum Deus, sic et laus tua in fines terræ: * justítia plena est dextera tua.

Lætétur mons Sion, et exsúltent filiæ Judæ, * propter judícia tua Dómine.

Circúmdate Sion, et complectímini eam: * narráte in túrribus ejus.

Pónite corda vestra in virtúte ejus: * et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sǎculum sǎculi: * ipse reget nos in sǎcula.

Ant. Suscépimus Deus misericórdiam tuam in médio templi tui.

Ant. Oriétur * in diébus Dómini abundántia pacis, et dominábitur.

Psalmus 71.

Deus iudicium tuum regi da: *
et iustitiam tuam filio regis:

Judicare populum tuum in iustitia, * et pauperes tuos in iudicio.

Suscipiant montes pacem populo: * et colles iustitiam.

Judicabit pauperes populi, et salvos faciet filios pauperum: * et humiliabit calumniatorem.

Et permanebit cum sole, et ante lunam, * in generatione et generationem.

Descendet sicut pluvia in vellus: * et sicut stillicidia stillantia super terram.

Orietur in diebus ejus iustitia, et abundantia pacis: * donec auferatur luna.

Et dominabitur a mari usque ad mare: * et a flumine usque ad terminos orbis terrarum.

Coram illo procident Aethiopes: * et inimici ejus terram lingent.

Reges Tharsis, et insulae munera offerent: * reges Arabum et Saba dona adducent:

Et adorabunt eum omnes reges terrae: * omnes Gentes servient ei:

Quia liberabit pauperem a potente: * et pauperem, cui non erat adjutor.

Parcet pauperi et inopi: * et animas pauperum salvos faciet.

Ex usuris et iniquitate redimet animas eorum: * et honorabile nomen eorum coram illo.

Et vivet, et dabitur ei de auro Arabiae, et adorabunt de ipso semper: * tota die benedicent ei.

Et erit firmamentum in terra in summis montium, superextolletur super Libanum fructus ejus: * et

florabunt de civitate sicut foenum terrae.

Sit nomen ejus benedictum in saecula: * ante solem permanet nomen ejus.

Et benedicentur in ipso omnes tribus terrae: * omnes Gentes magnificabunt eum.

Benedictus Dominus Deus Israel, * qui facit mirabilia solus:

Et benedictum nomen maiestatis ejus in aeternum: * et replabitur maiestate ejus omnis terra: fiat, fiat.

Ant. Orietur in diebus Domini abundantia pacis, et dominabitur.

Ant. Veritas de terra * orta est, et iustitia de coelo prospexit.

Psalmus 84.

Benedixisti Domine terram tuam: * avertisti captivitatem Jacob.

Remisisti iniquitatem plebis tuae: * operuisti omnia peccata eorum.

Mitigasti omnem iram tuam: * avertisti ab ira indignationis tuae.

Converte nos Deus salutaris noster: * et averte iram tuam a nobis.

Numquid in aeternum irasceris nobis? * aut extends iram tuam a generatione in generationem?

Deus tu conversus vivificabis nos: * et plebs tua laetabitur in te.

Ostende nobis Domine misericordiam tuam: * et salutare tuum da nobis.

Audiam quid loquatur in me Dominus Deus: * quoniam loquetur pacem in plebem suam.

Et super sanctos suos: * et in eos, qui convertuntur ad cor.

Verumtamen prope timentes eum salutare ipsius: * ut inhabitet gloria in terra nostra.

Misericórdia, et véritas obviáverunt sibi: * justítia, et pax osculátæ sunt.

Véritas de terra orta est: * et justítia de cœlo prospéxit.

Etenim Dóminus dabit benignitátem: * et terra nostra dabit fructum suum.

Justítia ante eum ambulábit: * et ponet in via gressus suos.

Ant. Véritas de terra orta est, et justítia de cœlo prospéxit.

V. Speciósus forma præ filiis hóminum. R. Diffúsa est grátia in lábiis tuis.

Pater noster.

Absolutio. Ipsíus píetas.

V. Jube domne benedícere.

Bened. Deus Pater omnípotens.

Sermo sancti Leónis Papæ.

Sermo 1. de Nativitate Domini.

Lectio iv.

Salvátor noster, dilectíssimi, hódie natus est: gaudeámus. Neque enim fas est locum esse tristítiæ, ubi natális est vitæ: quæ consúpto mortalitátis timóre, nobis íngerit de promíssa æternitáte lætítiam. Nemo ab hujus alacritátis participatióne secérnitur. Una cunctis lætítiæ commúnis est rátio: quia Dóminus noster peccáti mortisque destrúctor, sicut nullum a reátu liberum réperit, ita liberándis ómnibus venit. Exsúltet sanctus, quia appropínquat ad palmam: gaúdeat peccátor, quia invitátur ad véniam: animétur Gentílis, quia vocátur ad vitam. Dei namque Fílius secúndum plenitúdinem témporis, quam divíni consílii inscrutábilis altitúdo dispósuit, reconciliándam auctóri suo

natúram géneris assúmpsit humáni, ut invéntor mortis diábolus, per ipsam, quam vícerat, vincerétur.

R. O magnum mystérium, et admirábile sacraméntum, ut animália vidérent Dóminum natum, jacéntem in præsépio: * Beáta Virgo, cujus víscera meruérunt portáre Dóminum Christum. V. Ave María, grátia plena: Dóminus tecum. Beáta.

Bened. Christus perpétuæ.

Lectio v.

In quo conflictu pro nobis ínito, magno et mirábili æquitátis jure certátum est, dum omnípotens Dóminus cum sævíssimo hoste non in sua majestáte, sed in nostra congréditur humilitáte: objiciens ei eámdem formam, eamdémque natúram, mortalitátis quidem nostræ participem, sed peccáti totíus expértem. Aliénium quippe ab hac nativitate est, quod de ómnibus légitur: Nemo mundus a sorde, nec infans, cujus est uníus diéi vita super terram. Nihil ergo in istam singulárem nativitátem de carnis concupiscéntia transívit, nihil de peccáti lege manávit. Virgo régia Davídicæ stirpis elígitur, quæ sacro gravidánda foetu, divínam humanámque prolem prius concíperet mente, quam corpore. Et ne supérni ignára consílii ad inusítatos pavéret affátus, quod in ea operándum erat a Spíritu sancto, collóquio discit angélico: nec damnum credit pudóris, Dei Génitrix mox futura.

R. Beáta Dei Génitrix María, cujus víscera intácta pérmanent: * Hódie genuit Salvatórem sæculi.

Ÿ. Beáta, quæ crédidit: quóniam perfécta sunt ómnia, quæ dicta sunt ei a Dómino. Hódie.

Bened. Ignem sui amóris.

Lectio vi.

Agámus ergo, dilectíssimi, grátias Deo Patri, per Fílium ejus in Spíritu sancto: qui propter multam caritátem suam, qua diléxit nos, misértus est nostri: et cum essemus mórtui peccátis, convivificávit nos Christo, ut essemus in ipso nova creatúra, novúmque figméntum. Deponámus ergo véterem hóminem cum áctibus suis: et adépti participatióem generatiónis Christi, carnis renuntiémus opéribus. Agnósce, o Christiáne, dignitátem tuam: et divínæ consors factus natúræ, noli in véterem vilitátem degéneri conversatióne redíre. Meménto, cujus cápitis et cujus córporis sis membrum. Reminíscere, quia érutus de potestáte tenebrárum, translátus es in Dei lumen et regnum.

R. Sancta et immaculáta virginitas, quibus te laúdibus éfferam néscio: * Quia quem cœli cápere non póterant, tuo grémio contulísti.

Ÿ. Benedícta tu in muliéribus, et benedíctus fructus ventris tui. Quia. Glória Patri. Quia.

In III. Nocturno.

Ant. Ipse invocábit * me, allelúja: Pater meus es tu, allelúja.

Psalmus 88.

Misericórdias Dómini * in ætérnum cantábo.

In generatióem et generatióem * annuntiábo veritátem tuam in ore meo.

Quóniam dixísti: In ætérnum

misericórdia ædificábitur in cœlis: * præparábitur véritas tua in eis.

Dispósui testaméntum eléctis meis, jurávi David servo meo: * usque in ætérnum præparábo semen tuum.

Et ædificábo in generatióem, et generatióem * sedem tuam.

Confitebúntur cœli mirabília tua Dómine: * étenim veritátem tuam in ecclésia sanctórum.

Quóniam quis in núbibus æquábitur Dómino: * símilis erit Deo in filiis Dei?

Deus, qui glorificátur in consílio sanctórum: * magnus et terríbilis super omnes qui in circúitu ejus sunt.

Dómine Deus virtútum quis símilis tibi? * potens es Dómine, et véritas tua in circúitu tuo.

Tu domináris potestáti maris: * motum autem flúctuum ejus tu mítigas.

Tu humiliásti sicut vulnerátum, supérbum: * in bráchio virtútis tuæ dispersísti inimícos tuos.

Tui sunt cœli, et tua est terra, orbem terræ et plenitúdinem ejus tu fundásti: * Aquilónem, et mare tu creásti.

Thabor et Hermon in nómine tuo exsultábunt: * tuum bráchium cum poténtia.

Firmétur manus tua, et exaltétur délixtera tua: * justítia et júdicium præparátió sedis tuæ.

Misericórdia et véritas præcedent faciém tuam: * beátus pópulus, qui scit jubilationem.

Dómine, in lúmine vultus tui ambulábunt, et in nómine tuo exsultábunt tota die: * et in justítia tua exaltabúntur.

Quóniam glória virtútis eórum tu es: * et in beneplácito tuo exaltábitur cornu nostrum.

Quia Dómini est assúptio nostra: * et sancti Israël regis nostri.

Tunc locútus es in visióne sanctis tuis, et dixísti: * Pósui adjutórium in poténite: et exaltávi eléctum de plebe mea.

Invéni David servum meum: * óleo sancto meo unxi eum.

Manus enim mea auxiliábitur ei: * et bráchium meum confortábit eum.

Nihil proficiet inimícus in eo, * et filius iniquitátis non appónet nocére ei.

Et concídam a fácie ipsíus inimícos ejus: * et odiéntes eum in fugam convértam.

Et véritas mea, et misericórdia mea cum ipso: * et in nómine meo exaltábitur cornu ejus.

Et ponam in mari manum ejus: * et in fluminibus dexteram ejus.

Ipse invocábit me: Pater meus es tu: * Deus meus, et suscéptor salutis meæ:

Et ego primogénitum ponam illum * excélsu præ régibus terræ.

In ætérnum servábo illi misericórdiam meam: * et testaméntum meum fidéle ipsi.

Et ponam in sáeculum sáeculi semen ejus: * et thronum ejus sicut dies coeli.

Si autem dereliquerint filii ejus legem meam: * et in judiciis meis non ambuláverint:

Si justítias meas profanáverint: * et mandáta mea non custodiérint:

Visitábo in virga iniquitátes eó-

rum: * et in verbéribus peccáta eórum.

Misericórdiam autem meam non dispérgam ab eo: * neque nocébo in veritáte mea:

Neque profanábo testaméntum meum: * et quæ procédunt de lábiis meis, non fáciám írrita.

Semel jurávi in sancto meo, si David méntiar: * semen ejus in ætérnum manébit.

Et thronus ejus sicut sol in conspéctu meo, * et sicut luna perfécta in ætérnum: et testis in cœlo fidélis.

Tu vero repulísti et despexísti: * distulísti christum tuum.

Evertísti testaméntum servi tui: * profanásti in terra sanctuárium ejus.

Destruxísti omnes sepes ejus: * posuísti firmaméntum ejus formídinem.

Diripuérunt eum omnes transéúntes viam: * factus est opprobrium vicínis suis.

Exaltásti dexteram depriméntium eum: * lætificásti omnes inimícos ejus.

Avertísti adjutórium gládii ejus: * et non es auxiliátus ei in bello.

Destruxísti eum ab emundatióne: * et sedem ejus in terram colísisti.

Minorásti dies témporis ejus: * perfudísti eum confusióne.

Usquequo Dómine avértis in finem: * exardéscet sicut ignis ira tua?

Memoráre quæ mea substántia: * numquid enim vane constituísti omnes filios hóminum?

Quis est homo, qui vivet, et non

vidébit mortem: * éruet ánimam suam de manu inferi?

Ubi sunt misericórdiæ tuæ antiquæ Dómine, * sicut jurásti David in veritáte tua?

Memor esto Dómine oppróbrii servórum tuórum * (quod continui in sinu meo) multárum Géntium.

Quod exprobravérunt inimíci tui Dómine, * quod exprobravérunt commutatióem christi tui.

Benedíctus Dóminus in ætérnum: * fiat, fiat.

Ant. Ipse invocábit me, allelúja: Pater meus es tu, allelúja.

Ant. Læténtur cœli, * et exsúltet terra ante fáciem Dómini, quóniam venit.

Psalmus 95.

Cantáte Dómino cánticum novum: * cantáte Dómino omnis terra.

Cantáte Dómino, et benedícite nómini ejus: * annuntiáte de die in diem salutáre ejus.

Annuntiáte inter Gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis: * terríbilis est super omnes deos.

Quóniam omnes dii Géntium dæmónia: * Dóminus autem cœlos fecit.

Conféssio, et pulchritúdo in conspéctu ejus: * sanctimónia et magnificéntia in sanctificatióne ejus.

Afférte Dómino pátriæ Géntium, afférte Dómino glóriam et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commovéatur a fácie ejus univérsa terra: * dícite in Géntibus quia Dóminus regnávit.

Etenim corréxit orbem terræ qui non commovébitur: * judicábit pópulos in æquitáte.

Læténtur cœli, et exsúltet terra: commovéatur mare, et plenitúdo ejus: * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Læténtur cœli, et exsúltet terra ante fáciem Dómini, quóniam venit.

Ant. Notum fecit * Dóminus, allelúja, salutáre suum, allelúja.

Psalmus 97.

Cantáte Dómino cánticum novum: * quia mirabilia fecit.

Salvavit sibi dextera ejus: * et bráchium sanctum ejus.

Notum fecit Dóminus salutáre suum: * in conspéctu Géntium revelávit justítiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutáre Dei nostri.

Jubiláte Deo omnis terra: * cantáte, et exsultáte, et psállite.

Psállite Dómino in cíthara, in cíthara et voce psalmi: * in tubis ductilibus, et voce tubæ córneæ.

Jubiláte in conspéctu regis Dómini: * moveáur mare, et plenitúdo ejus: orbis terrárum, et qui hábitant in eo.

Flúmina plaudent manu, simul

montes exsultábunt a conspéctu Dómini: * quóniam venit iudicáre terram.

Judicábit orbem terrárum in iustítia, * et pópulos in æquitáte.

Ant. Notum fecit Dóminus, allelúja, salutáre suum, allelúja.

Ÿ. Ipse invocábit me, allelúja.

R. Pater meus es tu, allelúja.

Pater noster.

Absolutio. A vñculis.

Ÿ. Jube domne benedícere.

Bened. Evangélica léctio sit nobis salus et protéctio. R. Amen.

Léctio sancti Evangélii secúndum Lucam.

Lectio vii.

Cap. 2.

In illo témpore: Exiit edíctum a Cæsare Augústo, ut describerétur univérsum orbis. Et réliqua.

Homília sancti Gregórii Papæ.

Homilia 8. in Evang.

Quia largiénte Dómino, Missárum solémnia ter hódie celebratúri sumus, loqui diu de evangélica lectione non póssumus: sed nos áliquid vel bréviter dicere, Redemptóris nostri natívitatis ipsa compéllit. Quid est enim, quod nascitúro Dómino mundus describitur, nisi hoc, quod apérte monstrátur, quia ille apparébat in carne, qui eléctos suos adscriberet in æternitáte? Quo contra de réprobis per prophétam dicitur: Deleántur de libro vivéntium, et cum iustis non scribántur. Qui bene étiam in Bétlehem nascitur. Bétlehem quippe domus panis interpretátur. Ipse namque est, qui ait: Ego sum panis vivus, qui de cœlo descéndi. Locus ergo, in quo Dóminus nascitur, domus panis ántea

vocatús est: quia futúrum profécto erat, ut ille ibi per matériam carnis apparéret, qui electórum mentes intérna satietáte reficeret. Qui non in paréntum domo, sed in via náscitur: ut profécto osténderet, quia per humanitátem suam, quam assúmpserat, quasi in aliéno nascebátur.

R. Beáta víscera Mariæ Vírginis, quæ portavérunt ætérni Patris Fílium: et beáta úbera, quæ lactavérunt Christum Dóminum: * Qui hódie pro salúte mundi de Vírgine nasci dignátus est. Ÿ. Dies sanctificátus illúxit nobis: veníte Gentes, et adoráte Dóminum. Qui hódie.

Ÿ. Jube domne benedícere.

Bened. Per Evangélica dicta deleántur nostra delícta. R. Amen.

Léctio sancti Evangélii secúndum Lucam.

Lectio viii.

Cap. 2. b.

In illo témpore: Pastóres loquebántur ad invicem: Transeámus usque Bétlehem, et videámus hoc verbum, quod factum est, quod Dóminus osténdit nobis. Et réliqua.

Homília sancti Ambrósii Epíscopi.

Lib. 2. in cap. 2. Lucæ, circa med.

Vidéte Ecclésiæ surgéntis exórdium. Christus nascitur, et pastóres vigiláre cœpérunt: qui Géntium greges, pécudum modo ante vivéntes, in caulam Dómini congregárent, ne quos spiritalium bestiárum, per offúsas nóctium ténebras pateréntur incúrsum. Et bene pastóres vigilánt, quos bonus pastor infórmát. Grex ígitur pópulus, nox sáculum, pastóres sunt sacerdótes. Aut for-

tásse étiam ille sit pastor, cui díctur: Esto vígilans, et confírma. Quia non solum epíscopus ad tuéndum gregem Dóminus ordinávit, sed étiam Angelos destinávit.

R̃. Verbum caro factum est, et habitávit in nobis: * Et vídimus glóriam ejus, glóriam quasi Unigéniti a Patre, plenum grátiae et veritátis. Ṽ. Omnia per ipsum facta sunt, et sine ipso factum est nihil. Et. Glória Patri. Et.

Ṽ. Jube domne benedícere.

Bened. Verba sancti Evangélij dóceat nos Christus Fílius Dei. R̃. Amen.

Léctio sancti Evangélij secúndum Joánnem.

Lectio ix. Cap. 1.

In princípío erat Verbum, et Verbum erat apud Deum, et Deus erat Verbum. Et réliqua.

Homilía sancti Augustíni
Epíscopi.

Tract. 1. in Joann., circa medium.

Ne vile áliquid putáres quale consuevísti cogitáre, cum verba humána soléres audíre, audi quid cógites. Deus erat Verbum. Exeat nunc néscio quis infidélis Ariánuſ, et dicat, quia Verbum Dei factum est. Quómodo potest fieri, ut Verbum Dei factum sit, quando Deus per Verbum fecit ómnia? Si et Verbum Dei ipsum factum est; per quod áliud verbum factum est? Si hoc dicis, quia hoc est verbum Verbi, per quod factum est illud: ipsum dico ego únicum Fílium Dei. Si autem non dicis verbum Verbi, concéde non factum, per quod facta sunt ómnia. Non enim per scípsum fieri

pótuít, per quod facta sunt ómnia. Crede ergo Evángelistæ.

Deinde dicitur Hymnus

Te Deum laudámus. 14.

Quo finito, dicitur Ṽ. Dóminus vobíscum. R̃. Et cum spírítu tuo.

Oratio. Concéde. ut ad Laud. 189.

Et dicto Benedicámus Dómino. celebratur prima Missa post mediam noctem, ut in Ordinario: qua finita, dicuntur Laudes.

Ad Laudes

et per Horas.

Ant. 1. Quem vídistis * pastóres? dícite, annuntiáte nobis, in terris quis appáruit? Natum vídimus, et choros Angelórum collaudántes Dóminum, allelúja, allelúja.

Psalm. Dóminus regnávit. 15.

2. Génuit puérpera * Regem, cui nomen ætérnum, et gaúdia matris habens cum virginitátis honóre: nec primam símilem visa est, nec habére sequéntem, allelúja.

3. Angelus ad pastóres * ait: Annúntio vobis gaúdiu magnum: quia natus est vobis hódie Salvátor mundi, allelúja.

4. Facta est cum Angelo * multitúdo coeléstis exércitus laudántium Deum, et dicéntium: Glória in excélsis Deo, et in terra pax homínibus bonæ voluntátis, allelúja.

5. Párvulus fílius * hódie natus est nobis: et vocábitur Deus, fortis, allelúja, allelúja.

Capitulum. Hebr. 1.

Multifáriam, multisque modis olim Deus loquens pátribus in prophétis: novíssime diébus istis locútus est nobis in Fílio, quem constitúit hærédem universórum, per quem fecit et sæcula.

Hymnus.

A solis ortus cárdine
Ad usque terræ límitem,
Christum canámus Príncipem,
Natum Maríá Vírgine.

Beátus auctor sáeculi
Servíle corpus índuit:
Ut carne carnem liberans,
Ne pérderet quos cóndidit.

Castæ Paréntis víscera
Cœléstis intrat grátia:
Venter Puéllæ bájulat
Secréta, quæ non nóverat.

Domus pudíci péctoris
Templum repénite fit Dei:
Intácta nésciens virum,
Concépit alvo Fílium.

Enítitur puérpera,
Quem Gábriel prædíxerat,
Quem ventre Matris géstiens,
Baptísta clausum sénserat.

Fœno jacére pértulit:
Præsepe non abhórruit:
Et lacte módico pastus est,
Per quem nec ales ésurit.

Gaudet chorus cœléstium,
Et Angeli canunt Deo;
Palámque fit pastóribus
Pastor, Creatór ómnium.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempitérna sácula. Amen.

Ÿ. Notum fecit Dóminus, alle-
lúja. R. Salutare suum, allelúja.

Ad Bened. Ant. Glória in excél-
sis Deo, * et in terra pax homíni-
bus bonæ voluntátis, allelúja, allel.

Oratio.

Concéde, quæsumus omnipotens
Deus: ut nos Unigéniti tui nova
per carnem Natívitatis liberet; quos

sub peccáti jugo vetústa sérvitus
tenet. Per eúmdem Dóminum.

Summo mane dicitur Prima, qua
finita, celebratur secunda Missa in
Aurora, et in ea fit commemoratio de
sancta Anastasia Martyre.

Ad Primam.

Ant. Quem vidístis.

Capit. Regi sæculórum. 32.

R. br. Christe, Fili Dei vivi, *
Miserére nobis. Ÿ. Qui natus es
de Maríá Vírgine.

Et sic dicitur quotidie usque ad
Epiphaniam.

Ad Absolutionem Capituli, Lectio
brevis. Ipsi peribunt. ut infra ad
Nonam. 190.

Tertia dicitur hora sua, qua finita,
celebratur tertia Missa de die Nativi-
tatis.

Ad Tertiam.

Ant. Génuit puérpera.

Capit. Multifáriam. ut supra. 188.

R. br. Verbum caro factum est,
* Allelúja, allelúja. Verbum. Ÿ. Et
habitávit in nobis. Allelúja, alle-
lúja. Glória Patri. Verbum.

Ÿ. Ipse invocábit me, allelúja.
R. Pater meus es tu, allelúja.

Ad Sextam.

Ant. Angelus ad pastóres.

Capitulum. Hebr. 1. c.

Et: Tu in princípío Dómine ter-
ram fundásti: et ópera mánuum
tuárum sunt cœli.

R. br. Notum fecit Dóminus, *
Allelúja, allelúja. Notum. Ÿ. Salu-
tare suum. Allelúja, allelúja. Gló-
ria Patri. Notum.

Ÿ. Vidérunt omnes fines terræ,
allelúja. R. Salutare Dei nostri, al-
lelúja.

Ad Nonam.

Ant. Párvulus filius.

Capitulum. Hebr. 1. d.

Ipsi peribunt, tu autem permanébis; et omnes sicut vestiméntum veteráscent: et velut amíctum mutábis eos, et mutabúntur: tu autem idem ipse es, et anni tui non deficiunt.

R. br. Vidérunt omnes fines terræ, * Allelúja, allelúja. Vidérunt. V. Salutare Dei nostri. Allelúja, allelúja. Glória Patri. Vidérunt.

V. Verbum caro factum est, allelúja. R. Et habitávit in nobis, allel.

In II. Vesperis.

Ant. Tecum princípium * in die virtútis tuæ, in splendóribus sanctórum, ex útero ante lucíferum génui te.

Psalmus 109.

Dixit Dóminus Dómino meo: * Sede a dextris meis:

Donec ponam inimicos tuos, * scabéllum pedum tuórum.

Virgam virtútis tuæ emíttet Dóminus ex Sion: * domináre in médio inimicórum tuórum.

Tecum princípium in die virtútis tuæ in splendóribus sanctórum: * ex útero ante lucíferum génui te.

Jurávit Dñs, et non pœnitébit eum: * Tu es sacérdos in ætérnum secúndum órđinem Melchisedech.

Dóminus a dextris tuis, * confrégit in die iræ suæ reges.

Judicábit in natió nibus, implébit ruínas: * conquassábit cápita in terra multórum.

De torrén te in via bibet: * própterea exaltábit caput.

Ant. Tecum princípium in die virtútis tuæ, in splendóribus san-

ctórum, ex útero ante lucíferum génui te.

Ant. Redemptiόnem * misit Dóminus pópulo suo: mandávit in ætérnum testaméntum suum.

Psalmus 110.

Confitébor tibi Dómine in toto corde meo: * in consílio justórum, et congregatiόne.

Magna ópera Dómini: * exquisíta in omnes voluntátes ejus.

Conféssio et magnificéntia opus ejus: * et justítia ejus manet in sáeculum sáeculi.

Memóriam fecit mirabílium suórum, miséricors et miserátor Dóminus: * escam dedit timéntibus se.

Memor erit in sáeculum testaménti sui: * virtútem óperum suórum annuntiábit pópulo suo:

Ut det illis hæreditátem Gén tium: * ópera mánuum ejus véritas, et judícium.

Fidé lia ómnia mandáta ejus: confirmáta in sáeculum sáeculi, * facta in veritáte et æquitáte.

Redemptiόnem misit pópulo suo: * mandávit in ætérnum testaméntum suum.

Sanctum, et terríbile nomen ejus: * inítium sapiéntiæ timor Dómini.

Intelléctus bonus ómnibus faciéntibus eum: * laudátio ejus manet in sáeculum sáeculi.

Ant. Redemptiόnem misit Dóminus pópulo suo: mandávit in ætérnum testaméntum suum.

Ant. Exórtum est * in ténebris lumen rectis corde: miséricors, et miserátor, et justus Dóminus.

Psalmus 111.

Beátus vir, qui timet Dóminum: * in mandátis ejus volet nimis.

Potens in terra erit semen ejus:
 * generatio rectorum benedicetur.
 Glória, et divitiæ in domo ejus:
 * et justitia ejus manet in sæculum
 sæculi.

Exortum est in tenebris lumen
 rectis: * misericors, et miserator,
 et justus.

Jucundus homo qui miseretur
 et commodat, disponet sermones
 suos in iudicio: * quia in æternum
 non commovebitur.

In memoria æterna erit justus: *
 ab auditione mala non timebit.

Paratum cor ejus sperare in Dó-
 mino, confirmatum est cor ejus: *
 non commovebitur donec despi-
 ciat inimicos suos.

Dispersionis, dedit pauperibus: justitia
 ejus manet in sæculum sæculi,
 * cornu ejus exaltabitur in glória.

Peccator videbit, et irascetur,
 dentibus suis fremet et tabescet: *
 desiderium peccatorum peribit.

Ant. Exortum est in tenebris lu-
 men rectis corde: misericors, et
 miserator, et justus Dominus.

Ant. Apud Dñm * misericordia,
 et copiosa apud eum redemptio.

Psalmus 129.

De profundis clamavi ad te Dñe:
 * Dómine exaudi vocem meam:
 Fiant aures tuæ intendentes, *
 in vocem deprecationis meæ.

Si iniquitates observaveris Dó-
 mine: * Dómine quis sustinebit?

Quia apud te propitiatio est: *
 et propter legem tuam sustinui te
 Dómine.

Sustinuit anima mea in verbo
 ejus: * speravit anima mea in Dó-
 mino.

A custodia matutina usque ad
 noctem: * speret Israël in Dómino:

Quia apud Dóminum misericór-
 dia: * et copiosa apud eum red-
 emptio.

Et ipse redimet Israël, * ex ómni-
 bus iniquitatibus ejus.

Ant. Apud Dñm misericordia,
 et copiosa apud eum redemptio.

Ant. De fructu * ventris tui po-
 nam super sedem tuam.

Psalmus 131.

Memento Dómine David, * et
 ómnis mansuetudinis ejus:

Sicut juravit Dómino, * votum
 vovit Deo Jacob:

Si introiero in tabernaculum do-
 mus meæ, * si ascendero in lectum
 strati mei:

Si dederó somnum oculis meis, *
 et palpebris meis dormitationem:

Et requiem temporibus meis:
 donec inveniam locum Dómino, *
 tabernaculum Deo Jacob.

Ecce audivimus eam in Ephrata:
 * invenimus eam in campis silvæ.

Introibimus in tabernaculum
 ejus: * adorabimus in loco, ubi
 steterunt pedes ejus.

Surge Dómine in requiem tuam,
 * tu et arca sanctificationis tuæ.

Sacerdotes tui induantur justitia:
 * et sancti tui exsultent.

Propter David servum tuum, *
 non avertas faciem Christi tui.

Juravit Dominus David veritatem,
 et non frustrabitur eam: * de
 fructu ventris tui ponam super se-
 dem tuam.

Si custodierint filii tui testamen-
 tum meum, * et testimonia mea
 hæc, quæ docebo eos:

Et filii eorum usque in sæculum,
 * sedebunt super sedem tuam.

Quoniam elegit Dominus Sion: *
 elegit eam in habitationem sibi.

Hæc réquies mea in sæculum
sæculi: * hic habitábo quóniam
elégi eam.

Víduam ejus benedicens benedí-
cam: * paúperes ejus saturábo pá-
nibus.

Sacerdótes ejus induam salutári,
* et sancti ejus exsultatióne exsul-
tábunt.

Illuc prodúcam cornu David, *
parávi lucérnam Christo meo.

Inimícos ejus induam confusió-
ne: * super ipsum autem efflorébit
sanctificátio mea.

Ant. De fructu ventris tui ponam
super sedem tuam.

Capitulum.

Hebr. 1.

Multifáriam, multisque modis
olim Deus loquens pátribus
in prophétis: novíssime diébus istis
locútus est nobis in Fílio, quem
constituit hærédem universórum,
per quem fecit et sæcula.

Hymnus.

Jesu Redemptor ómnium,
Quem lucis ante originem
Parem patrénæ glóriæ
Pater suprémus édedit.

Tu lumen, et splendor Patris,
Tu spes perénnis ómnium,
Inténde quas fundunt preces
Tui per orbem sérvuli.

Meménto, rerum Cónditor,
Nostri quod olim córporis,
Sacráta ab alvo Vírginis
Nascéndo, formam sumpseris.

Testátur hoc præsens dies,
Currrens per anni círculum,
Quod solus e sinu Patris
Mundi salus advéneris.

Hunc astra, tellus, æquora,
Hunc omne quod cœlo subest,
Salútis Auctórem novæ
Novo salútat cántico.

Et nos, beáta quos sacri
Rigávit unda sánguinis;
Natális ob diem tui
Hymni tribútum sólvimus.

Jesu, tibi sit glória,
Qui natus es de Vírgine,
Cum Patre, et almo Spíritu
In sempitérna sæcula. Amen.

Ÿ. Notum fecit Dóminus, alle-
lúja. R. Salutare suum, allelúja.

Ad Magnif. Ant. Hódie Christus
natus est: hódie Salvátor appáruit:
hódie in terra canunt Angeli, læ-
tántur Archángeli: hódie exsúltant
justi, dicéntes: Glória in excélsis
Deo, allelúja.

Oratio.

Concède, quæsumus omnípotens
Deus: ut nos Unigéniti tui nova
per carnem Nativitas liberet; quos
sub peccáti jugo vetústa sérvitus
tenet. Per eúmdem Dóminum.

Deinde pro S. Stephano.

Ant. Stéphanus autem plenus
grátia et fortitúdine, faciébat signa
magna in pópulo.

Ÿ. Glória et honóre coronásti
eum Dómine. R. Et constituísti
eum super ópera mánuum tuárum.

Oratio.

Da nobis, quæsumus Dómine,
imitári quod cólimus, ut discá-
mus et inimícos dilígere: quia ejus
natalítia celebrámus, qui novit
étiam pro persecutóribus exoráre
Dóminum nostrum Jesum Christum
Fílium tuum: Qui tecum vivit.



Die 26. Decembris.

In Festo **Sancti Stephani** Protomartyris.

Duplex 2. classis.

Ad Matutinum.

Invit. Christum natum, qui beá-
tum hódie coronávit Stéphanum,
* Veníte adorémus.

Ps. Veníte, exsultémus. 2.

Hymnus.

Deus, tuórum militum
Sors, et coróna, præmium,
Laudes canéntes Mártyris
Absólve nexu criminis.

Hic nempe mundi gaúdia,
Et blanda fraudum pábula
Imbúta felle députans,
Pervénit ad coeléstia.

Pœnas cucúrrit fórtiter,
Et sústulit viríliter:
Fundénsque pro te sánguinem,
Ætérna dona póssidet.

Ob hoc precátu súpplici
Te póscimus piíssime:
In hoc triúmpho Mártyris
Dimítte noxam sérvulis.

Jesu, tibi sit glória,
Qui natus es de Vírgine,
Cum Patre, et almo Spíritu
In sempitérna sácula.

Amen.

Ant., Ps. et VV. Nocturn. dicuntur
de Comm. unius Mart. [21]

In I. Nocturno.

De Actibus Apostolórum.

Lectio i. Cap. 6.

In diébus illis, crescén-
te nú-
mero discipulórum, factum
est murmur Græcór-
um ad-
vérsus Hebræos, eo quod despice-
réntur in ministério quotidiano ví-
duæ eórum. Convocántes autem
duódecim multitudinem discipu-
lórum, dixerunt: Non est æquum
nos derelinquere verbum Dei, et
ministráre mensis. Consideráte er-
go fratres, viros ex vobis boni
testimónii septem, plenos Spíritu
sancto et sapiéntia, quos consti-
tuámus super hoc opus. Nos vero
oratióni, et ministério verbi in-
stántes érimus.

R. Stéphanus autem plenus grá-
tia et fortitúdine, * Faciébat pro-
dígia et signa magna in pópulo.
V. Surrexérunt quidam de syna-
góga disputántes cum Stéphan-
o: et non póterant resistere sapién-
tiæ, et Spíritui, qui loquebátur.
Faciébat.

Lectio ii.

Et placuit sermo coram omni multitúdine. Et elegérunt Stéphanum, virum plenum fide et Spíritu sancto, et Philíppum, et Próchorum, et Nicánorem, et Timónem, et Pármenam, et Nicoláum ádvenam Antiochénum. Hos statuérunt ante conspéctum Apostolorum: et orántes imposuérunt eis manus. Et verbum Dómini crecébat, et multiplicabátur númerus discipulorum in Jerúsalem valde: multa étiam turba sacerdotum obediébat fidei. Stéphanus autem plenus grátia et fortitúdine, faciébat prodigia et signa magna in pópulo.

R. Vidébant omnes Stéphanum qui erant in concílio. * Et intuebántur vultum ejus tamquam vultum Angeli stantis inter illos. V. Plenus grátia et fortitúdine faciébat prodigia et signa magna in pópulo. Et.

Lectio iii.

Surrexérunt autem quidam de synagóga, quæ appellátur Libertinórum, et Cyrenénsium, et Alexandrinórum, et eórum qui erant a Cilícia, et Asia, disputántes cum Stéphano: et non póterant resistere sapiéntiæ, et Spíritui, qui loquebátur. Tunc summisérunt viros, qui dicerent se audivísse eum dicéntem verba blasphemíæ in Móysen, et in Deum. Commovérunt itaque plebem, et senióres, et scribas: et concurréntes rapuérunt eum, et adduxérunt in concílium, et statuérunt falsos testes, qui dicerent: Homo iste non cessat loqui verba advérsus locum sanctum, et legem.

R. Intuens in cœlum beátus Stéphanus, vidit glóriam Dei, et ait: * Ecce vídeo cœlos apértos, et Fílium hóminis stantem a dextris virtútis Dei. V. Cum autem esset Stéphanus plenus Spíritu sancto, inténdens in cœlum, vidit glóriam Dei, et ait. Ecce. Glória Patri. Ecce.

In II. Nocturno.

Sermo sancti Fulgéntii Epíscopi.

Serm. de S. Stephano, circa init.

Lectio iv.

Heri celebrávimus temporálem sempitérni Regis nostri nátalem: hódie celebrámus triumphálem militis passióem. Heri enim Rex noster trábea carnis indútus, de aula úteri virginális egrédiens, visitáre dignátus est mundum: hódie miles de tabernáculo córporis éxiens, triumphátor migrávit ad cœlum. Ille sempitérnæ Deitátis majestáte serváta, servíle cinctórium carnis assúmens, in hujus sæculi campum pugnatúrus intrávit: iste depóstitis corruptíbilibus córporis induméntis, ad cœli palátium perénriter regnatúrus ascéndit. Ille descendit carne velátus, iste ascéndit ságuine laureátus.

R. Lapidábant Stéphanum invocántem et dicéntem: * Dómine Jesu Christe, áccipe spíritum meum: et ne státuas illis hoc peccátum. V. Póstitis autem génibus clamávit voce magna, dicens. Dómine.

Lectio v.

Ascéndit iste lapidántibus Judæis, quia ille descendit lætántibus Angelis. Glória in excélsis Deo, heri sancti Angeli exsultántes can-

tavérunt: hódie Stéphanum lætántes in suum consórtium suscepérunt. Heri Dóminus exívit de útero Vírginis: hódie miles egrésus est de ergástulo carnis. Heri Christus pro nobis pannis est involútus: hódie Stéphanus stola est ab eo imortalitátis indútus. Heri præsépis angústia Christum portávit infántem: hódie imménsitas cœli suscepit Stéphanum triumphántem. Solus Dóminus descendit, ut multos eleváret: humiliávit se Rex noster, ut suos milites exaltáret.

R. Impetum fecérunt unánimenter in eum, et eiecérunt eum extra civitátem, invocántem et dicéntem: * Dómine Jesu, áccipe spíritum meum. V. Et testes deposuérunt vestiménta sua secus pedes adolescentis, qui vocabátur Saulus: et lapidábant Stéphanum invocántem et dicéntem. Dómine.

Lectio vi.

Necessárium tamen nobis est, fratres, agnóscere, quibus armis præcínctus Stéphanus sævitiam Judæórum pótuit superáre, ut ita meruísset feliciter triumpháre. Stéphanus ergo, ut nóminis sui corónam meruísset accípere, caritátem pro armis habébat, et per ipsam ubique vincébat. Per caritátem Dei, sæviéntibus Judæis non cessit: per caritátem próximi pro lapidántibus intercésit. Per caritátem arguébat errántes, ut corrigeréntur: per caritátem pro lapidántibus orábat, ne puniréntur. Caritátis virtúte subníxus, vicit Saulum crudéliter sæviéntem: et quem hábuit in terra persecutó-

rem, in cœlo méruit habére consórtem.

R. Impii super justum jactúram fecérunt, ut eum morti tráderent: * At ille gaudens suscepit lápidés, ut mererétur accípere corónam glóriæ. V. Continuérunt aures suas, et ímpetum fecérunt unánimenter in eum. At. Glória Patri. At.

In III. Nocturno.

Lectio sancti Evangélii secúndum Matthæum.

Lectio vii. Cap. 23. d.

In illo témpore: Dicébat Jesus scribis et pharisæis: Ecce ego mitto ad vos prophétas, et sapiéntes, et scribas: et ex illis occidétis, et crucifigétis. Et réliqua.

Homília sancti Hierónymi Presbýteri.

Lib. 4. Comment. in cap. 23. Matthæi.

Hoc quod ántea dixerámus: Impléte mensúram patrum vestrórum; ad persónam Dómini pertinére, eo quod occidéndus esset ab eis, potest et ad discipulos ejus reférri, de quibus nunc dicit: Ecce ego mitto ad vos prophétas, et sapiéntes, et scribas. Simúlque obsérva, juxta Apóstolum scribéntem ad Corínthios, vária esse dona discipulórum Christi: álios prophétas, qui ventúra prædicent: álios sapiéntes, qui novérunt quando débent proférre sermónem: álios scribas in lege doctíssimos, ex quibus lapidátus est Stéphanus, Paulus occisus, crucifixus Petrus, flagelláti in Actibus Apostolórum discipuli.

R. Stéphanus servus Dei, quem lapidábant Judæi, vidit cœlos apér-

tos: vidit et introivit: * Beátus homo, cui cœli patébant. *V.* Cum igitur saxorum crepitantium túrbine quaterétur, inter æthéreos aulæ coeléstis sinus divína ei cláritas fulsit. Beátus.

Lectio viii.

Quærimus, quis iste sit Zacharías filius Barachíæ: quia multos légimus Zacharías. Et ne libera nobis tribuerétur erróris facultas, ádditum est: Quem occidístis inter templum et altáre. In diversis diversa legi: et débeo singulorum opiniónes pónere. Alii Zachariám filium Barachíæ dicunt, qui in duódecim prophétis undécimus est: patrísque in eo nomen conséntit: sed ubi occísus sit inter templum et altáre, Scriptúra non lóquitur: máxime cum temporibus ejus vix ruínæ templi fúerint. Alii Zachariám patrem Joánnis intélligi volunt, ex quibúsdam apocryphórum sómniis approbántes, quod proptérea occísus sit, quia Salvatóris prædicáverit advéntum.

R. Patefactæ sunt jánuæ cœli Christi Mártýri beáto Stépiano, qui in número Mártýrum invéntus est primus: * Et ideo triúmphant in cœlis coronátus. *V.* Mortem enim, quam Salvátor noster dignátus est pro nobis pati, hanc ille primus réddidit Salvatóri. Et. Glória Patri. Et.

Lectio ix.

Alii istum volunt esse Zachariám, qui occísus est a Joas rege Judæ inter templum et altáre, sicut Regum narrat história. Sed observándum, quod ille Zacharías non sit filius Barachíæ, sed filius

Joíadæ sacerdotis: unde et Scriptúra refert: Non fuit recordátus Joas patris ejus Joíadæ, quia sibi fecisset bona. Cum ergo et Zachariám teneámus et occisiónis conséntiat locus: quærimus, quare Barachíæ dicátur filius, et non Joíadæ? Barachía lingua nostra Benedictus Dómini dicitur, et sacerdotis Joíadæ justítia Hebræo nómine demonstrátur. In Evangelio, quo utúntur Nazaréni, pro filio Barachíæ, filium Joíadæ reperimus scriptum.

Te Deum laudámus. 14.

Ad Laudes

et per Horas.

Ant. 1. Lapidavérunt Stépianum, * et ipse invocábat Dóminum, dicens: Ne státuas illis hoc peccátum.

Psalm. Dóminus regnávit. 15.

2. Lápidés torréntis * illi dulces fuérunt: ipsum sequúntur omnes ánimæ justæ.

3. Adhæsit ánima mea * post te, quia caro mea lapidáta est pro te, Deus meus.

4. Stépianus vidit * cœlos apértos, vidit, et introivit: beátus homo cui cœli patébant.

5. Ecce vídeo * cœlos apértos, et Jesum stantem a dextris virtútis Dei.

Capitulum. Act. 6. b.

Stépianus autem plenus grátia et fortitúidine, faciébat prodigia et signa magna in pópulo.

Hymnus.

Invícte Martyr, únicum Patris secútus Fílium, Victis triúmphas hóstibus, Victor fruens coeléstibus.

Tui precátus múnere
 Nostrum reátum díluē,
 Arcens mali contágium,
 Vitæ repéllens tædium.

Solúta sunt jam víncula
 Tui sacráti córporis:
 Nos solve vinclis sáeculi
 Dono supérni Núminis.

Jesu, tibi sit glória,
 Qui natus es de Vírgine,
 Cum Patre, et almo Spíritu,
 In sempitérna sáecula.
 Amen.

Ÿ. Sepeliérunt Stéphanum viri
 timoráti. R. Et fecérunt planctum
 magnum super eum.

Ad Bened. Ant. Stéphanus au-
 tem plenus grátia et fortitúdine,
 faciébat signa magna in pópulo.

Oratio.

Da nobis, quæsumus Dómine,
 imitári quod cólimus, ut di-
 scámus et inimícos dilígere: quia
 ejus natalítia celebrámus, qui novit
 étiam pro persecutóribus exoráre
 Dóminum nostrum Jesum Chri-
 stum Fílium tuum: Qui tecum vivit.

Deinde fit commem. de Nativ.

Ant. Glória in excélsis Deo, et
 in terra pax homínibus bonæ vo-
 luntátis, allelúja, allelúja.

Ÿ. Notum fecit Dóminus, alle-
 lúja. R. Salutare suum, allelúja.

Oratio.

Concede, quæsumus omnipotens
 Deus: ut nos Unigéniti tui nova
 per carnem Natívitatis liberet, quos
 sub peccáti jugo vetústa sêrvitus
 tenet. Per eúmdem Dóminum.

Ad Tertiam.

Ant. Lápides torréntis.

Capit. Stéphanus autem. 196.

R. br. Glória et honóre * Coro-
 násti eum Dómine. Glória et ho-
 nóre. Ÿ. Et constituísti eum super
 ópera mánuum tuárum. Coronásti.
 Glória Patri. Glória et honóre.

Ÿ. Posuísti Dómine super caput
 ejus. R. Corónam de lápide pre-
 tióso.

Ad Sextam.

Ant. Adhæsit ánima mea.

Capitulum. Act. 6. c.

Surrexérunt autem quidam de
 synagóga, quæ appellátur Li-
 bertínórum, et Cyrenénsium, et
 Alexándrinórum, et eórum qui
 erant a Cilícia, et Asia, dispután-
 tes cum Stéphano: et non póterant
 resistere sapiéntiæ, et Spíritui qui
 loquebátur.

R. br. Posuísti Dómine * Super
 caput ejus. Posuísti. Ÿ. Corónam
 de lápide pretióso. Super. Glória
 Patri. Posuísti.

Ÿ. Magna est glória ejus in sa-
 lutári tuo. R. Glóriam et magnum
 decórem impónes super eum.

Ad Nonam.

Ant. Ecce vídeo.

Capitulum. Act. 7. g.

Pósisit autem génibus clamávit
 voce magna, dicens: Dómine
 ne státuas illis hoc peccátum. Et
 cum hoc dixisset, obdormívit in
 Dómino.

R. br. Magna est glória ejus * In
 salutári tuo. Magna. Ÿ. Glóriam
 et magnum decórem impónes su-
 per eum. In. Glória Patri. Magna.

Ÿ. Justus ut palma florébit.
 R. Sicut cedrus Líbani multipli-
 cábitur.

Ad Vesperas.

Ant. et Ps. de Nativitate. 190.

Et dicuntur etiam in aliis Festis
infra hanc Octavam occurrentibus.

Capitulum. Act. 6. b.

Stéphanus autem plenus grátia
et fortitúde, faciébat prodí-
gia et signa magna in pópulo.

Hymnus.

Deus, tuórum mílitum
Sors, et coróna, præmium,
Laudes canéntes Mártyris
Absólve nexu críminis.

Hic nempe mundi gaúdia,
Et blanda fraudum pábula
Imbúta felle députans,
Pervénit ad coeléstia.

Pœnas cucúrrit fórtiter,
Et sústulit viríliter:
Fundénsque pro te sánguinem,
ÆtéRNA dona póssidet.

Ob hoc precátu súpplíci
Te póscimus piússime:
In hoc triúmpho Mártyris
Dimítte noxam sérvulis.

Jesu, tibi sit glória,
Qui natus es de Vírgine,
Cum Patre, et almo Spíritu
In sempitérna sácula.

Amen.

Ÿ. Stéphanus vidit coelos apér-
tos. R̃. Vidit, et introívit: beátus
homo, cui coeli patébant.

Ad Magnif. Ant. Sepeliérunt
Stéphanum viri timoráti, et fecé-
runt planctum magnum super
eum.

Oratio.

Da nobis, quæsumus Dómine,
imitári quod cólimus, ut discá-
mus et inimícos dilígere: quia ejus
natalítia celebrámus, qui novit
étiam pro persecutóribus exoráre
Dóminum nostrum Jesum Chri-
stum Fílium tuum: Qui tecum vivit.

Deinde pro S. Joánnē.

Ant. Iste est Joánnēs, qui supra
pectus Dómini in cœna recúbuit:
beátus Apóstolus, cui reveláta sunt
sekrétá coeléstia.

Ÿ. Valde honorándus est beátus
Joánnēs. R̃. Qui supra pectus Dó-
mini in cœna recúbuit.

Oratio.

Ecclésiám tuam Dómine bení-
gnus illústra: ut beáti Joánnis
Apóstoli tui et Evangelistæ illu-
mináta doctrínis, ad dona pervé-
niat sempitérna.

Postea fit commemor. de Nativitate.

Ant. Hódie Christus natus est:
hódie Salvátor appáruit: hódie in
terra canunt Angeli, lætántur Arch-
ángeli: hódie exsúltant justí, di-
céntes: Glória in excélsis Deo, al-
lelúja.

Ÿ. Notum fecit Dóminus, alle-
lúja. R̃. Salutáre suum, allelúja.

Oratio.

Concède, quæsumus omnípotens
Deus: ut nos Unigéniti tui no-
va per carnem Natívitatis liberet,
quos sub peccáti iugo vetústa sér-
vitus tenet. Per eúmdem Dómi-
num nostrum.





Die 27. Decembris.

In Festo **Sancti Joannis** Apostoli et Evangelistæ.

Duplex 2. classis.

Ad Matutinum.

Invit., Hymn., Ant.; Ps. et V. de
Comm. Apost. [4]

In I. Nocturno.

Incipit Epistola prima beati Joānis
Apóstoli.

Lectio i. Cap. 1.

Quod fuit ab initio, quod au-
dívimus, quod vídimus ó-
culis nostris, quod perspé-
ximus, et manus nostræ contrecta-
vérunt de verbo vitæ: et vita ma-
nifestáta est, et vídimus, et testá-
mur, et annuntiámus vobis vitam
æternam, quæ erat apud Patrem,
et appáruit nobis: quod vídimus et
audívimus, annuntiámus vobis, ut
et vos societátem habeátis nobís-
cum, et societas nostra sit cum Pa-
tre, et cum Filio ejus Jesu Christo.
Et hæc scríbimus vobis, ut gau-
deátis, et gáudium vestrum sit ple-
num. Et hæc est annuntiátio, quam
audívimus ab eo, et annuntiámus
vobis: Quóniam Deus lux est, et
ténébræ in eo non sunt ullæ.

R. Valde honorándus est beátus
Joánes, qui supra pectus Dómini
in cœna recúbuit: * Cui Christus

in cruce matrem vírginem vírgini
commendávit. V. Virgo est eléctus
a Dómino, atque inter céteros ma-
gis diléctus. Cui.

Lectio ii.

Si dixérimus quóniam societa-
tem habémus cum eo, et in té-
nebris ambulámus, mentímur, et
veritátem non fácimus. Si autem
in luce ambulámus, sicut et ipse
est in luce; societátem habémus
ad invicem, et sanguis Jesu Christi
Filii ejus emúndat nos ab omni
peccáto. Si dixérimus quóniam
peccátum non habémus: ipsi nos
sedúcimus, et véritas in nobis non
est. Si confiteámur peccáta nostra:
fidélis est, et justus, ut remíttat
nobis peccáta nostra, et emúndet
nos ab omni iniquitáte. Si dixéri-
mus quóniam non peccávimus, men-
dácem fácimus eum, et verbum ejus
non est in nobis.

R. Hic est discípulus ille, qui te-
stimónium pérhibet de his, et scri-
psit hæc: * Et scimus quia verum
est testimónium ejus. V. Fluénta
Evangélii de ipso sacro Domínici
péctoris fonte potávit. Et.

Lectio iii.

Cap. 2.

Filioli mei, hæc scribo vobis, ut non peccétis. Sed et si quis peccáverit, advocátum habémus apud Patrem, Jesum Christum justum: et ipse est propitiatio pro peccátis nostris: non pro nostris autem tantum, sed étiam pro totíus mundi. Et in hoc scimus, quóniam cognóvimus eum, si mandáta ejus observémus. Qui dicit se nosse eum, et mandáta ejus non custódit, mendax est, et in hoc véritas non est. Qui autem servat verbum ejus, vere in hoc caritas Dei perfectá est.

R. Hic est beatíssimus Evangelísta et Apóstolus Joánnes, * Qui privilégio amoris præcípui, céteris áltius a Dómino méruit honorári. V. Hic est discipulus ille, quem diligébat Jesus, qui supra pectus Dñi in cœna recúbuit. Qui. Glória. Qui.

In II. Nocturno.

Ex libro sancti Hierónymi Presbyteri de Scriptóribus Ecclesiásticis.

Lectio iv.

Joánnes Apóstolus, quem Jesus amávit plúrimum, filius Zebedæi, frater Jacóbi Apóstoli, quem Heródes post passió-nem Dómini decollávit, novíssimus ómnium scripsit Evangélium, rogátus ab Asiæ episcopis, advérsus Cerínthum, aliósque hæréticos: et máxime tunc Ebionitárum dogma consúrgens, qui ásserunt Christum ante Mariám non fuisse: unde et compúlsus est divínam ejus nativitém edícere.

R. Qui vicerit, fáciám illum columnam in templo meo, dicit Dóminus: * Et scribam super eum

nomen meum, et nomen civitátis novæ Jerúsalem. V. Vincénti dabo édere de ligno vitæ, quod est in paradiso Dei mei. Et.

Lectio v.

Quarto décimo ígitur anno, secúndam post Nerónem persecutió-nem movénte Domitiáno, in Patmos ínsulam relegátus, scripsit Apocalýpsim, quam interpretátur Justínus Martyr, et Irenæus. Interféc-to autem Domitiáno, et actis ejus ob nímiám crudelitátem a senátu rescíssis, sub Nerva príncipe rédiit Ephesum: ibíque usque ad Trajánum príncipem perseverans, totas Asiæ fundávit, rexitque ecclési-as; et conféc-tus sénio, sexagésimo octávo post passió-nem Dómini anno mórtuus, juxta eámdem urbem sepúltus est.

R. Diligébat autem eum Jesus, quóniam speciális prærogatíva castitátis amplióri dilectió-ne fécerat dignum: * Quia virgo eléctus ab ipso, virgo in ævum permánsit. V. In cruce dénique moritúrus, huic matrem suam vírginem vírgini commendávit. Quia.

Ex Commentáriis ejúsdem in Epístolam ad Gálatas.

Lectio vi.

Lib. 3. Cap. 6.

Beátus Joánnes Evangelísta, cum Ephesi morarétur usque ad últimam senectútem, et vix inter discipulórum manus ad Ecclésiám deferretur, nec posset in plura vocem verba contéxere: nihil áliud per síngulas solébat proférre coléctas, nisi hoc: Filioli, dilígite altérutrum. Tandem discipuli, et fratres, qui áderant, tædio affécti quod éadem semper audírent, di-

xérunt: Magíster, quare semper hoc lóqueris? Qui respóndit dignam Joánnē senténtiam: Quia præcéptum Dómini est: et si solum fiat, súfficit.

R. In médio Ecclésiæ apéruiť os ejus, *Et implévit eum Dñs spírítu sapiéntiæ et intelléctus. V. Jucunditátem et exsultatióem thesaurizávit super eum. Et. Glória. Et.

In III. Nocturno.

Léctio sancti Evangélíi secúndum Joánnem.

Lectio vii. Cap. 21. d.

In illo témpore: Dixit Jesus Petro: Séquere me. Convérsus Petrus, vidit illum discípulum, quem diligébat Jesus, sequéntem. Et reliqua.

Homilía sancti Augustíni Epíscopi.

Tract. 124. in Joann., post med.

Duas vitas sibi divínitus prædicátas, et commendátas novit Ecclésiá: quarum est una in fide, áltera in spécie: una in témpore peregrinatiónis, áltera in æternitáte mansiónis: una in labóre, áltera in réquie: una in via, áltera in pátria: una in ópere actiόνis, áltera in mercéde contempla-tiónis. Una declínat a malo, et facit bonum: áltera nullum habet, a quo declínet, malum; et magnum habet, quo fruátur, bonum. Una cum hoste pugnat, áltera sine hoste regnat.

R. In illum diem suscípíam te servum meum, et ponam te sicut signáculum in conspéctu meo: * Quóniam ego elégi te, dicit Dóminus. V. Esto fidélis usque ad mortem, et dabo tibi corónam vitæ. Quóniam.

Lectio viii.

Una súbvenit indigénti, áltera ibi est, ubi nullum ínvenit indigéntem. Una aliéna peccáta, ut sua sibi ignoscántur, ignóscit: áltera nec pátitur quod ignóscat, nec facit quod sibi poscat ignósci. Una flagellátur malis, ne extollátur in bonis: áltera tanta plenitúdine grátíæ caret omni malo, ut sine ulla tentatióne supérbiæ cohæreat summo bono.

R. Iste est Joánnēs, qui supra pectus Dómini in cœna recúbuit: * Beátus Apóstolus, cui reveláta sunt secréta cœléstia. V. Fluénta Evangélíi de ipso sacro Domínici pectoris fonte potávit. Beátus. Glória Patri. Beátus.

Lectio ix.

Ergo una bona est, sed adhuc mísera: áltera mélior, et beáta. Ista significáta est per Apóstolum Petrum, illa per Joánnem. Tota hic ágitur ista usque in hujus sæculi finem, et illic ínvenit finem: différtur illa complénda post hujus sæculi finem, sed in futúro sæculo non habet finem. Ideo díctur huic: Séquere me. De illo autem: Sic eum volo manére, donec véniam: quid ad te? tu me séquere. Quid enim est hoc? Quantum sápio, quantum cápío, quid est hoc? nisi tu me séquere per imitatióem perferéndi temporália mala: ille máneat, donec sempitérna vénio redditúrus bona. Te Deum. 14.

Ad Laudes

et per Horas.

Ant. 1. Valde honorándus est * beátus Joánnēs, qui supra pectus Dómini in cœna recúbuit.

Psalm. Dóminus regnávít. 15.

2. Hic est discipulus ille, * qui testimónium pérhibet de his: et scimus quia verum est testimónium ejus.

3. Hic est discipulus meus: * sic eum volo manére, donec véniam.

4. Sunt de hic stántibus, * qui non gustábunt mortem, donec vídeant Filium hóminis in regno suo.

5. Ecce puer meus * eléctus, quem elégi, pósui super eum spíritum meum.

Capitulum. Eccli. 15.

Qui timet Deum, fáciat bona: et qui cóntinens est justítiæ, apprehéndet illam, et obviábit illi quasi mater honorificáta.

Hymnus.

Exsúltet orbis gaúdiis:
Cœlum resúltet laúdis:
Apostolorum glóriam
Tellus et astra cóncinunt.

Vos sæculorum júdices,
Et vera mundi lúmina:
Votis precámur córdium,
Audíte voces súpplicum.

Qui templa cœli cláuditis,
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum prótinus
Languor salúsque sentiunt,
Sanáte mentes lánguidas,
Augéte nos virtútibus.

Ut, cum redíbit Arbiter
In fine Christus sæculi,
Nos sempitérni gaúdi
Concédat esse cómpotes.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempitérna sæcula. Amen.

Ÿ. Hic est discipulus ille, qui testimónium pérhibet de his. R. Et scimus quia verum est testimónium ejus.

Ad Bened. Ant. Iste est Joáñes, qui supra pectus Dómini in cœna recúbuit: beátus Apóstolus, cui reveláta sunt secréta cœlestia.

Oratio.

Ecclésiám tuam Dómine benígnus illústra: ut beáti Joáñnis Apóstoli tui et Evangelistæ illumináta doctrínis, ad dona pervéniant sempitérna. Per Dóminum.

Deinde fit commem. de Nativit.

Ant. Glória in excélsis Deo, et in terrapax homínibus bonæ voluntátis, allelúja, allelúja.

Ÿ. Notum fecit Dóminus, allelúja.
R. Salutare suum, allelúja.

Oratio.

Concède, quæsumus omnípotens Deus: ut nos Unigéniti tui nova per carnem Nativitas liberet, quos sub peccáti iugo vetústa sérvitus tenet.

Pro S. Stephano.

Ant. Stéphanus autem plenus grátia et fortitúdine, faciébat signa magna in pópulo.

Ÿ. Sepeliérunt Stéphanum viri timoráti. R. Et fecérunt planctum magnum super eum.

Oratio.

Da nobis, quæsumus Dómine, imitári quod cólimus, ut discámus et inimícos dilígere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Filium tuum: Qui tecum vivit.

Ad Tertiam.

Ant. Hic est discipulus ille.

Capit. Qui timet Deum.

R. br. In omnem terram * Exiit sonus eorum. In omnem. V. Et in fines orbis terrae verba eorum. Exiit. Glória Patri. In omnem.

V. Constitues eos principes super omnem terram. R. Mémores erunt nómínis tui Dómine.

Ad Sextam.

Ant. Hic est discipulus meus.

Capitulum.

Eccli. 15.

Cibávit illum pane vitæ, et intellectus, et aqua sapiéntiæ salutaris potávit illum Dóminus Deus noster.

R. br. Constitues eos principes * Super omnem terram. Constitues. V. Mémores erunt nómínis tui Dñe. Super. Glória Patri. Constitues.

V. Nimis honoráti sunt amíci tui Deus. R. Nimis confortátus est principátus eorum.

Ad Nonam.

Ant. Ecce puer meus.

Capitulum.

Eccli. 15.

In médio Ecclésiæ apéruit os ejus, et implévit illum Dóminus spiritu sapiéntiæ, et intellectus, et stolam glóriæ induit eum.

R. br. Nimis honoráti sunt * Amíci tui Deus. Nimis. V. Nimis confortátus est principátus eorum. Amíci. Glória Patri. Nimis.

V. Annuntiavérunt ópera Dei. R. Et facta ejus intellexérunt.

Ad Vesperas.

Ant. et Ps. de Nativitate. 190.

Capitulum. Qui timet Deum. et

Hymn. Exsúltet. ut supra. 202.

V. Valde honorándus est beátus Joánnēs. R. Qui supra pectus Dómini in cœna recúbuit.

Ad Magnif. Ant. Exiit sermo inter fratres, quod discipulus ille non móritur; et non dixit Jesus, Non móritur: sed, Sic eum volo manére, donec véniam.

Oratio. Ecclésiám. 202.

Deinde pro Ss. Innocentibus.

Ant. Hi sunt, qui cum muliéribus non sunt coinquináti: vírgines enim sunt et sequúntur Agnum, quocúmque íerit.

V. Heródes irátus occídít multos púeros. R. In Bétlehem Judæ civitáte David.

Oratio.

Deus, cujus hodiérna die præcónium Innocéntes Mártyres non loquendo, sed moriendo conféssi sunt: ómnia in nobis vitiórum mala mortifica; ut fidem tuam, quam lingua nostra lóquitur, étiam móribus vita fateátur.

Postea fit commem. de Nativit.

Ant. Hódie Christus natus est: hódie Salvátor apparuit: hódie in terra canunt Angeli, lætántur Arch-ángeli: hódie exsúltant justí, dicéntes: Glória in excélsis Deo, allelúja.

V. Notum fecit Dóminus, allelúja. R. Salutare suum, allelúja.

Oratio. Concéde, quæsumus. ut supra. 202.

Pro S. Stephano.

Ant. Sepeliérunt Stéphanum viri timoráti, et fecérunt planctum magnum super eum.

V. Stéphanus vidit cœlos apértos. R. Vidit et introívit: beátus homo, cui cœli patébant.

Oratio. Da nobis. ut supra. 202.





Die 28. Decembris.

In Festo **Ss. Innocentium.**

Duplex 2. classis.

Ad Matutinum.

Invit. Regem Mártyrum Dóminum, * Veníte adorémus.

Ps. Veníte, exsultémus. 2.

Hymnus.

Audit tyránnus ánxius
Adesse regum Prínci-
pem,

Qui nomen Israél regat,
Teneátque David régiam.

Exclámat amens núntio:
Succéssor instat, péllimur:
Satélles, i, ferrum rape:
Perfúnde cunas sáanguine.

Quid próficit tantum nefas?
Quid crimen Heródem juvat?
Unus tot inter fúnera
Impúne Christus tóllitur.

Jesu, tibi sit glória,
Qui natus es de Vírgine,
Cum Patre, et almo Spíritu
In sempitérna sæcula.

Amen.

Ant., Ps. et VV. Noct. sumuntur de
Comm. plurim. Mart. [36], excepta se-

cunda Ant. III. Nocturni, ut infra suo
loco. 206.

In I. Nocturno.

De Jeremía Prophéta.

Lectio i. Cap. 31. c.

Hæc dicit Dóminus: Vox in
excélso audita est lamen-
tationis, luctus, et fletus
Rachel plorántis filios suos, et no-
léntis consolári super eis, quia non
sunt. Hæc dicit Dóminus: Quiéscat
vox tua a plorátu, et óculi tui a lá-
crimis: quia est merces óperi tuo,
ait Dóminus: et reverténtur de ter-
ra inimíci. Et est spes novíssimis
tuis, ait Dóminus: et reverténtur
filii ad términos suos.

R. Centum quadraginta quátuor
míllia, qui empti sunt de terra, hi
sunt qui cum muliéribus non sunt
coinquináti: * Vírgines enim per-
mansérunt, ideo regnant cum Deo,
et Agnus Dei cum illis. V. Isti sunt
qui venérunt ex magna tribulatió-
ne, et lavérunt stolas suas in sán-
guine Agni. Vírgines.

Lectio ii.

Aúdiens audivi Ephraïm transmigrantem: Castigasti me, et eruditus sum, quasi iuvenulus indomitus: converte me, et convertar: quia tu Dominus Deus meus. Postquam enim convertisti me, egi poenitentiam: et postquam ostendisti mihi, percussi femur meum. Confusus sum, et erubui: quoniam sustinui opprobrium adolescentiae meae. Si filius honorabilis mihi Ephraïm, si puer delicatus: quia ex quo locutus sum de eo, adhuc recordabor ejus.

R. Sub altare Dei audivi voces occisorum dicentium: * Quare non defendis sanguinem nostrum? Et acceperunt divinum responsum: Adhuc sustinete modicum tempus, donec impleatur numerus fratrum vestrorum. V. Vidi sub altare Dei animas interfectorum propter verbum Dei, et propter testimonium quod habebant, et clamabant voce magna, dicentes. Quare.

Lectio iii.

Státue tibi spéculam, pone tibi amaritudines: dirige cor tuum in viam rectam, in qua ambulasti: revértere virgo Israël, revértere ad civitates tuas istas. Usquequo deliciis dissolveris filia vaga? quia creavit Dominus novum super terram: Fémina circumdabit virum. Hæc dicit Dominus exercituum Deus Israël: Adhuc dicent verbum istud in terra Juda, et in urbibus ejus, cum convertero captivitatem eorum: Benedicat tibi Dominus, pulchritudo iustitiæ, mons sanctus.

R. Adoraverunt viventem in sæcula sæculorum, * Mittentes coronas suas ante thronum Domini Dei

sui. V. Et ceciderunt in conspectu throni in facies suas: et benedixerunt viventem in sæcula sæculorum. Mittentes. Glória Patri. Mittentes.

In II. Nocturno.

Sermo sancti Augustini Episcopi.
Sermo 10. de Sanctis.

Lectio iv.

Hódie, fratres carissimi, natálem illórum infántium cólimus, quos ab Heróde crudelíssimo rege interféctos esse, Evangelii textus elóquitur. Et ideo cum summa exsultatione gaudeat terra, coeléstium militum, et tantárum parens foecúnda virtútum. Ecce profánus hostis numquam beátis párvulis tantum prodésse potuisset obséquio, quantum profuit ódio. Nam, sicut sacratíssimum præséntis diéi festum manifestat, quantum in beátos párvulos iníquitas abundávit, tantum in eis grátia benedictiónis refúdit.

R. Effuderunt sanguinem sanctorum velut aquam in circúitu Jerúsalem: * Et non erat qui sepeliret. V. Posuerunt mortália servórum tuórum escas volatilibus coeli, carnes sanctorum tuórum béstiis terræ. Et.

Lectio v.

Beáta es, o Béthlehem terra Juda, quæ Heródis regis immanitatem in puerórum exstinctione perpessa es: quæ sub uno témpore candidatam plebem imbellis infántiæ Deo offerre meruisti. Digne tamen natálem illórum cólimus, quos beátius æternæ vitæ mundus édedit, quam quos maternórum víscerum partus effúdit. Siquidem ante vitæ perpétuæ adépti sunt

dignitatem, quam usuram praesentis accéperint.

R. Isti sunt sancti, qui passi sunt propter te Dómine: vindica eos, * Quia clamant ad te quotidie. V. Vindica Dómine sanguíne sanctórum tuórum, qui effusus est. Quia.

Lectio vi.

Aliórum quidem pretiosa mors Mátyrum laudem in confessione promérui, horum in consummatione compláuit. Quia incipientis vitae primórdiis, ipse eis occasus iníitium glóriæ dedit, qui praesentis términum impósuit. Quos Heródis impietas lactantes matrum ubéribus abstráxit, qui jure dicuntur Mátyrum flores, quos in médio frigore infidelitátis exórtos velut primas erumpéntes Ecclésiæ gemmas, quædam persecutiónis pruina decóxit.

R. Isti sunt, qui non inquinaverunt vestiménta sua: * Ambulábunt mecum in albis, quia digni sunt. V. Hi sunt, qui cum muliéribus non sunt coinquináti: vírgines enim sunt. Ambulábunt. Glória Patri. Ambulábunt.

In III. Nocturno.

Ant. Justi autem in perpétuum vivent, et apud Dóminum est merces eórum.

Ps. 32. Exsultáte justi. [41]

Ant. Isti sunt, qui venerunt ex magna tribulatione, et laverunt stolas suas in sanguine Agni.

Ps. 33. Benedicam Dóminum. [42]

Ant. Ecce merces sanctórum copiosa est apud Deum: ipsi vero mórtui sunt pro Christo, et vivent in ætérnum.

Ps. 45. Deus noster refúgium. [42]

V. Justi autem in perpétuum vivent. R. Et apud Dóminum est merces eórum.

Lectio sancti Evangélii secúndum Matthæum.

Lectio vii. Cap. 2. c.

In illo témpore: Angelus Dómini appáruit in somnis Joseph, dicens: Surge, et accipe púerum, et matrem ejus, et fuge in Ægýptum, et esto ibi usque dum dicam tibi. Et reliqua.

Homilia S. Hierónymi Presbýteri.

Lib. 1. Comm. in c. 2. Matth. et apud Gloss. ord.

Quando tulit púerum, et matrem ejus, ut in Ægýptum transeat, nocte tulit, et in tenebris: quia noctem ignorantiae his, a quibus ipse recéssit, reliquit incredulis. Quando vero revértitur in Judæam, nec nox, nec ténebrae ponúntur in Evangélio: quia in fine mundi Judæi fidem, tamquam Christum ab Ægýpto reverténtem suscipiéntes, illuminabúntur.

R. Cantábant sancti cánticum novum ante sedem Dei et Agni: * Et resonábat terra in voces eórum. V. Hi empti sunt ex homínibus primítiæ Deo et Agno, et in ore ipsórum non est invéntum mendácium. Et resonábat.

Lectio viii.

Ut adimplerétur quod dictum est a Dómino per Prophétam dicéntem: Ex Ægýpto vocávi Fílium meum. Respódeant, qui Hebraeorum volúminum dénégant veritatem, ubi hoc in Septuaginta legátur intérprétribus. Quod cum non invenerint, nos eis dicémus, in Osée Prophéta scriptum, sicut et exem-

plária probáre possunt, quæ nuper edidimus.

R. Vidi sub altáre Dei ánimas interfectórum propter verbum Dei quod habébant, et clara voce dicébant: * Víndica Dómine sánguinem sanctórum tuórum, qui éffusus est. V. Sub throno Dei omnes sancti clamant. Víndica.

Si hoc Festum venerit in Dom., tunc in fine prædicti R. viii. additur Glória Patri. Víndica. Et post Lect. ix. dic. Te Deum. Aliis diebus, ut infra.

Lectio ix.

Tunc adimplétum est, quod dictum est per Jeremíam Prophétam dicéntem: Vox in Rama audíta est, plorátus et ululátus multus, Rachel plorans filios suos. De Rachel natus est Bénjamin, in cuius tribu non est Bétlehem. Quæritur ergo, quómodo Rachel filios Judæ, id est Bétlehem, quasi suos ploret. Respondébimus breviter, quia sepúlta sit juxta Bétlehem in Ephrata: et ex matérno corpúsculi hospítio matris nomen accéperit. Sive quóniam Juda et Bénjamin duæ tribus junctæ erant: et Heródes præcéperat non solum in Bétlehem intérfici púeros, sed et in omnibus finibus ejus.

R. Isti, qui amícti sunt stolis albis, qui sunt, et unde venérunt? Et dixit mihi: * Hi sunt, qui venérunt de tribulatióne magna, et lavérunt stolas suas, et dealbavérunt eas in ságuine Agni. V. Vidi sub altáre Dei ánimas interfectórum propter verbum Dei, et propter testimónium quod habébant. Hi sunt. Glória Patri. Hi sunt.

Ad Laudes

et per Horas.

Ant. 1. Heródes irátus * occídít multos púeros in Bétlehem Judæ civitáte David.

Psalm. Dóminus regnávit. 15.

2. A bimátu * et infra, occídít multos púeros Heródes propter Dóminum.

3. Angeli eórum * semper vident faciém Patris.

4. Vox in Rama * audíta est, plorátus et ululátus, Rachel plorans filios suos.

5. Sub throno Dei * omnes sancti clamant: Víndica sánguinem nostrum Deus noster.

Capitulum. Apoc. 14.

Vidi supra montem Sion Agnum stantem, et cum eo centum quadragínta quátuor millia, habéntes nomen ejus, et nomen Patris ejus scriptum in fróntibus suis.

Hymnus.

Salvété flores Mártyrum,
Quos lucis ipso in límine
Christi insecútor sústulit,
Ceum turbo nascéntes rosas.

Vos prima Christi víctima,
Grex immolatórum tener,
Aram sub ipsam símplices
Palma et corónis lúdítis.

Jesu, tibi sit glória,
Qui natus es de Vírgine,
Cum Patre et almo Spíritu,
In sempitérna sæcula. Amen.

V. Heródes irátus occídít multos púeros. R. In Bétlehem Judæ civitáte David.

Ad Bened. Ant. Hi sunt, qui cum muliéribus non sunt coínquináti: vírgines enim sunt, et sequúntur Agnum, quocúmque íerit.

Oratio.

Deus, cujus hodierna die præcónium Innocéntes Mártyres non loquendo, sed moriendo conféssi sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam móribus vita fateátur. Per Dóminum.

Et fit commem. de Nativitate.

Ant. Glória in excélsis Deo, et in terra pax homínibus bonæ voluntátis, allelúja, allelúja.

Ÿ. Notum fecit Dóminus, allelúja. R. Salutare suum, allelúja.

Oratio.

Concède, quæsumus omnípotens Deus: ut nos Unigéniti tui nova per carnem Nativitas liberet, quos sub peccáti iugo vetústa sérvitus tenet.

Deinde de S. Stephano.

Ant. Stéphanus autem plenus grátia et fortitúdine, faciébat signa magna in pópulo.

Ÿ. Sepeliérunt Stéphanum viri timoráti. R. Et fecérunt planctum magnum super eum.

Oratio.

Da nobis, quæsumus Dómine, imitári quod cólimus, ut discámus et inimícos diligere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum.

Postea de S. Joanne.

Ant. Iste est Joánnes, qui supra pectus Dómini in cœna recúbuit: beátus Apóstolus, cui reveláta sunt secréta cœléstia.

Ÿ. Hic est discípulus ille, qui testimonium pérhibet de his. R. Et scimus quia verum est testimonium ejus.

Oratio.

Ecclésiám tuam Dómine benígnus illústra: ut beáti Joánnis Apóstoli tui et Evangelistæ illumináta doctrínis, ad dona pervéniat sempitérna. Per Dóminum.

Ad Tertiam.

Ant. A bimátu.

Capit. Vidi supra montem. ut supra. 207.

R. br. Lætámini in Dómino, * Et exsultáte justi. Lætámini. Ÿ. Et gloriámini, omnes recti corde. Et. Glória Patri. Lætámini.

Ÿ. Exsúltent justi in conspéctu Dei. R. Et delecténtur in lætítia.

Ad Sextam.

Ant. Angeli eórum.

Capitulum. Apoc. 14.

Hi sunt, qui cum muliéribus non sunt coinquináti: vírgines enim sunt. Hi sequúntur Agnum, quocúmque ierit.

R. br. Exsúltent justi * In conspéctu Dei. Exsúltent. Ÿ. Et delecténtur in lætítia. In. Glória Patri. Exsúltent.

Ÿ. Justi autem in perpétuum vivent. R. Et apud Dóminum est merces eórum.

Ad Nonam.

Ant. Sub throno Dei.

Capitulum. Apoc. 14.

Hi empti sunt ex homínibus primítiæ Deo et Agno, et in ore ipsórum non est invéntum mendácium: sine mácula enim sunt ante thronum Dei.

R. br. Justi autem * In perpétuum vivent. Justi. Ÿ. Et apud Dóminum est merces eórum. In. Glória Patri. Justi.

Ÿ. Exsultábunt sancti in glória. R. Lætabúntur in cubilibus suis.

Ad Vesperas.

Ant. et Ps. de Nativit. 190.

Capit. Vidi supra montem. et Hymnus. Salvéte flores. 207.

℣. Sub throno Dei omnes sancti clamant. R. Vindica sanguinem nostrum Deus noster.

Ad Magnif. Ant. Innocentes pro Christo infantes occisi sunt, ab iniquo rege lactentes interfecit: ipsum sequuntur Agnum sine macula, et dicunt semper: Glória tibi Dómine.

Orat. Deus, cujus hodierna. 208.

Et fit commem. S. Thomæ Cantuariensis, nisi fuerit Sabbatum.

Ant. Iste sanctus pro lege Dei sui certavit usque ad mortem, et a verbis impiorum non tímuit: fundatus enim erat supra firmam petram.

℣. Glória et honóre coronasti eum Dómine. R. Et constituisti eum super ópera manuum tuarum.

Oratio.

Deus, pro cujus Ecclesia gloriosus Póntifex Thomas gládiis impiorum occubuit: præsta quæsumus; ut omnes, qui ejus implorant auxilium, petitionis suæ salutarem consequantur effectum.

Deinde de Nativitate.

Ant. Hódie Christus natus est: hódie Salvátor apparuit: hódie in terra canunt Angeli, lætántur Archàngeli: hódie exsultant justí, dicentes: Glória in excelsis Deo, allelúja.

℣. Notum fecit Dóminus, allelúja. R. Salutare suum, allelúja.

Oratio.

Concède, quæsumus omnipotens Deus: ut nos Unigéniti tui nova per carnem Nativitas liberet; quos

sub peccati iugo vetusta servitus tenet.

Postea de S. Stephano.

Ant. Sepeliérunt Stéphanum viri timoráti, et fecérunt planctum magnum super eum.

℣. Stéphanus vidit cœlos apertos. R. Vidit et introívit: beátus homo, cui cœli patébant.

Oratio.

Da nobis, quæsumus Dómine, imitari quod colimus, ut discamus et inimicos diligere: quia ejus natalitia celebramus, qui novit étiam pro persecutóribus exoráre Dóminum nostrum Jesum Christum Filium tuum.

Et tandem de S. Joanne.

Ant. Exiit sermo inter fratres, quod discipulus ille non móritur; et non dixit Jesus, Non móritur: sed, Sic eum volo manére, donec véniam.

℣. Valde honorándus est beátus Joánnes. R. Qui supra pectus Dómini in cœna recubuit.

Oratio.

Ecclésiám tuam Dómine benígnus illústra: ut beáti Joánnis, Apóstoli tui et Evangelístæ, illumináta doctrínis, ad dona pervéniant sempitérna. Per Dóminum.

Si Festum Nativitatis Domini, S. Stephani, S. Joannis Evang., Ss. Innocentium, et eorum dies Octavæ venerint in Dominica, ipso die nihil fit de Dom., sed die proximo post Festum S. Thomæ Mart. fit de ea, ut infra. 213.

Si Festum S. Thomæ impediatur a Dominica, celebratur eo anno Feria secunda insequenti tamquam in sede propria, et in Sabbato post Orationem Ss. Innocentium dicitur Ant., ℣. et Oratio Dominicæ, quæ paulo infra habetur, 213; deinde fit commem. Octavarum;

et in II. Vesp. Dom. fit Comm. S. Thomæ et Octavarum.

In II. Vesperis S. Thomæ, Ant. et Ps. de Nativitate. 190, quæ duplicantur: Capit., et alia de S. Silvestro, cum commem. S. Thomæ et Octavarum.

Die 29. Decembris.

In Festo **S. Thomæ** Episc. et Mart.

Semiduplex.

Omnia de Comm. unius Mart. [21] præter sequentia.

Oratio.

Deus, pro cujus Ecclesiâ gloriôsus Póntifex Thomas gládiis impiórum occúbuit: præsta quæsumus; ut omnes, qui ejus implórant auxílium, petitiónis suæ salutárem consequántur effectum. Per Dóminum nostrum.

In I. Noct. Lectiones A Miléto. [23]

In II. Nocturno.

Lectio iv.

Thomas, Londíni in Anglia natus, Theobáldo succéssit Cantuariénsi epíscopo: et qui ántea in administrándo cancelláriæ múnere præcláre se gésserat, in episcopáli officio fortis et invíctus fuit. Cum enim Henricus secúndus Angliæ rex, convocátis ad se episcopis et procéribus regni, leges ferret utilitáti ac dignitáti ecclesiásticæ repugnántes, ádeo constánter óbstetit régiæ cupiditáti, ut neque pollicitatióibus, neque terróribus de senténtia decédens, próxime conjiciéndus in cárcerem clam recésserit. Inde propínqui ejus omnis ætátis ejécti, amíci, fautores omnes, iis, quibus per ætátem licéret, jurejurándo adstríctis, univérsos Thomam aditúros, si fortásse miserábili suórum calamitátis aspéctu

moverétur, qui a sancto propósito privátis incómodis deterréri mínime potuísset. Non respéxit carnem aut sánguinem, neque ullus in eo humanitátis sensus pastorális officii constántiam labefactávit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam. V. Descendítque cum illo in fóveam, et in vínculis non derelíquit eum. Et.

Lectio v.

Cóntulit ígitur se ad Alexándrum tértium Póntificem, a quo benigne accéptus est: et inde proféctus, mónachis Pontiniacénsis monastérii, Cisterciénsis órdinis, ab eódem coméndátus. Quod ut cognóvit Henricus, missis ad convéntum fratrum Cisterciénsium minácibus lítteris, Thomam e Pontiníaco monastério exturbáre conátur. Quare vir sanctus, véritus ne sua causa mali áliquid Cisterciénsis familia paterétur, sponte discéssit, et Ludovícum Gállíæ regem ejus invitáto convénit: ubi támdiu fuit, quoad Póntifice Máximo, et ipso rege agéntibus, ab exsílio, summa totiús regni gratulatióne revocátur. Qui dum boni pastóris officium secúrus exséquitur, ecce, calumniátóres ad regem déferunt, eum multa contra regnum et públicam quiétem molíri, ut proptérea sápius conquererétur rex, se in suo regno cum uno sacerdoté pacem habére non posse.

R. Desidérium ánimæ ejus tribuísti ei Dómine, * Et voluntáte labiórum ejus non fraudásti eum. V. Quóniam prævenísti eum in be-

nedictiónibus dulcédinis: posuísti in cápite ejus corónam de lápide pretiósó. Et.

Lectio vi.

Ex qua regis voce nefárii satélites sperántes gratum se regi factúros, si Thomam e médio tólerent, clam conveniéntes Cantuáriam, episcopum in templo vesperinis horis óperam dantem aggrediúntur. Qui cléricis templi áditus præclúdere conántibus accúrrens, óstium apérui, illis usus verbis ad suos: Non est Dei Ecclesiá custodiéndá more castrórum: et ego pro Ecclesiá Dei libénter mortem subibo. Tum ad mílites: Vos Dei jussu cavéte, ne cuípiam meórum noceátis. Deínde flexis génibus, Deo, beatæ Mariæ, sancto Dionýsio et réliquis sanctis ejus ecclesiæ patrónis, Ecclesiám et seípsum comméndans, sacrum caput eádem constántia, qua iniquíssimi regis légibus restítérat, ímpio ferro præcidéndum óbtulit, quarto Kaléndas Januárii, anno Dómini millésimo centésimo septuagésimo primo: cujus cérebro respésum est totíus templi paviméntum. Quem multis póstea illústrem miráculis idem Alexánder Póntifex rétulit in sanctórum númerum.

R. Stola jucunditátis. [27]

In III. Nocturno.

Léctio sancti Evangélii secúndum Joánnem.

Lectio vii. Cap. 10. b.

In illo témpore: Dixit Jesus pharisæis: Ego sum pastor bonus. Bonus pastor ánimam suam dat pro óvibus suis. Et réliqua.

Homilía sancti Joánnis Chrysóstomi.

Hom. 59. in Joannem.

Magnum quiddam, dilectíssimí, magnum, inquam, est Ecclesiæ prælatió, et quæ multa indiget sapiéntia et fortitúdine, qualem Christus propósuit: ut ánimam pro óvibus ponámus, et numquam illas deserámus: ut lupo generóse resistámus. Hæc enim inter pastórem et mercenárium est differéntia. Alter propriæ, contéptis óvibus: alter, sua contépta, óvium semper salúti invígilat. Pastóris ergo exémplo demonstráto, deceptóres duos méminit; furem mactántem et rapiéntem oves; et mercenárium permitténtem, neque defendéntem commíssas.

R. Coróna aúrea super caput ejus, * Expréssa signo sanctitátis, glória honóris, et opus fortitúdinis. V. Quóniam prævenísti eum in benedictiónibus dulcédinis, posuísti in cápite ejus corónam de lápide pretiósó. Expréssa.

Lectio viii.

Quod superióri témpore Ezéchiél his verbis insectátus est: Væ pastóribus Israël: nonne pascébant semetípsos? nonne greges pascúntur a pastóribus? Sed illi contrárium faciébant, quod máximæ malítiæ genus est, et plurimórum causa malórum. Idcírcó inquit: Neque quod abjéctum erat, reducébant: neque quod perierat, quærébant, neque confráctum alligábant, neque infirmum consolidábant: quóniam se, non gregem pascébant. Idem et Paulus áliis verbis significat: Omnes quæ sua sunt, quærunt, non quæ Jesu Christi.

R. Hic est vere Martyr, qui pro Christi nómine sánguinem suum fudit: * Qui minas júdicum non tímuit, nec terrénæ dignitátis glóriam quæsiuit, sed ad coeléstia regna pervénit. V. Justum dedúxit Dóminus per vias rectas, et osténdit illi regnum Dei. Qui. Glória Patri. Qui.

Lectio ix.

Verum ab utróque se dissidére osténdit Christus: ab illis quidem, qui in aliórum perniciem véniunt, cum dicat, se proptérea vénisse, ut vitam habérent, et abundantius habérent: ab his autem, qui oves a lupis rapi negligébant, dicéndo se propter eas ánimam pónere, ne oves perirent. Nam cum Judæi ipsum interímere vellent, non proptérea déstitit a doctrína, neque credéntes trádidit, sed pérsistit, et pértulit mortem: ideo fréquénter inquit: Ego sum pastor bonus. Quæ cum nullo niti testimonió videréntur, (quod enim póneret ánimam suam, non multo post re monstrátum est: quod autem vitam habérent, et abundantius habérent, eventúrum erat in futúro sáculo) álterum ab áltero confirmat.

Te Deum laudámus. 14.

In Laudibus fiunt commemorationes de Octavis.

De Nativitate.

Ant. Glória in excélsis Deo, et in terra pax homínibus bonæ voluntátis, allelúja, allelúja.

V. Notum fecit Dóminus, allelúja. R. Salutare suum, allelúja.

Oratio.

Concède, quæsumus omnípotens Deus: ut nos Unigéniti tui nova

per carnem Nativitas liberet, quos sub peccáti iugo vetústa sêrvitus tenet.

De S. Stephano.

Ant. Stéphanus autem plenus grátia et fortitúdine, faciébat signa magna in pópulo.

V. Sepeliérunt Stéphanum viri timoráti. R. Et fecérunt planctum magnum super eum.

Oratio.

Da nobis, quæsumus Dómine, imitári quod cólimus, ut discámus et inimícos diligere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum.

De S. Joanne.

Ant. Iste est Joánnes, qui supra pectus Dómini in cœna recúbuit: beátus Apóstolus, cui reveláta sunt secréta coeléstia.

V. Hic est discípulus ille, qui testimoníum pérhibet de his. R. Et scimus quia verum est testimoníum ejus.

Oratio.

Ecclésiám tuam Dómine benígnus illústra: ut beáti Joánnis Apóstoli tui et Evangelístæ illumináta doctrínis, ad dona pervéniat sempitérna.

De Ss. Innocentibus.

Ant. Hi sunt, qui cum muliéribus non sunt coinquináti: vírgines enim sunt, et sequúntur Agnum quocúmque íerit.

V. Heródes irátus occídit multos púeros. R. In Béthlehem Judæ, civitáte David.

Oratio.

Deus, cujus hodiérna die præcónium Innocéntes Mártyres non

loquendo, sed moriendo confessi sunt: omnia in nobis vitiórum mala mortifica; ut fidem tuam, quam lingua nostra loquitur, étiam móribus vita fateátur. Per Dóminum.

Si Festum S. Thomæ non venerit in Dominica, Offic. Dom. fit die immediate sequ. Festum ipsius, nisi fuerit Sabbatum: quia tunc de Dom. fit tantum commem. in die S. Silvestri; et in Sabbato fit Officium de Octava Nativitatis, ut inferius ponitur. 218.

Dominica

infra Octavam Nativitatis.

In II. Vesperis S. Thomæ, quando non venerit in Domin. Ant. et Ps. de Nativitate. 190.

Capitulum.

Gal. 4.

Fratres: Quanto témpore hæres párvulus est, nihil differt a servo, cum sit dóminus ómnium: sed sub tutóribus et actóribus est usque ad præfínitum tempus a patre.

Hymnus.

Jesu Redemptor ómnium,
Quem lucis ante oríginem
Parem patrénæ glóriæ
Pater suprémus édedit.
Tu lumen, et splendor Patris,
Tu spes perénis ómnium,
Inténde quas fundunt preces
Tui per orbem sérvuli.
Meménto, rerum Cónditor;
Nostri quod olim córporis,
Sacráta ab alvo Vírginis
Nascéndo, formam sumpseris.
Testátur hoc præsens dies,
Curréns per anni círculum,
Quod solus e sinu Patris
Mundi salus advéneris.
Hunc astra, tellus, æquora,
Hunc omne quod cœlo subest,

Salútis Auctórem novæ
Novo salútat cántico.

Et nos, beáta quos sacri
Rigávit unda sánguinis;
Natális ob diem tui
Hymni tribútum sólvimus.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempitérna sœcula. Amen.

Ÿ. Verbum caro factum est, allelúja. R. Et habitávit in nobis, allel.

Ad Magnif. Ant. Dum médium siléntium * tenérent ómnia, et nox in suo cursu médium iter perágeret, omnípotens sermo tuus Dñe a regalibus sédibus venit, allelúja.

Oratio.

Omnípotens sempitérne Deus, dírige actus nostros in beneplácito tuo: ut in nómine dilécti Fílii tui mereámur bonis opéribus abundáre: Qui tecum vivit.

Deinde fit commem. S. Thomæ.

Ant. Qui vult veníre post me ábneget semetípsum, et tollat crucem suam, et sequátur me.

Ÿ. Justus ut palma florébit.
R. Sicut cedrus Líbani multiplicábitur.

Oratio.

Deus, pro cujus Ecclésia gloriósus Póntifex Thomas gládiis impiórum occúbuit: præsta quæsumus; ut omnes, qui ejus implórant auxílium, petitiónis suæ salutárem consequántur efféctum.

Postea de Nativitate.

Ant. Hódie Christus natus est: hódie Salvátor appáruit: hódie in terra canunt Angeli, lætántur Archángeli: hódie exsúltant justí, dicéntes: Glória in excélsis Deo, allel.

Ÿ. Notum fecit Dóminus, allelúja. R. Salutare suum, allelúja.

Oratio.

Concède, quæsumus omnipotens Deus: ut nos Unigéniti tui nova per carnem Nativitas liberet, quos sub peccáti iugo vetústa servitus tenet.

De S. Stephano.

Ant. Sepeliérunt Stéphanum viri timoráti, et fecérunt planctum magnum super eum.

Ÿ. Stéphanus vidit cœlos apertos. R. Vidit et introívit: beátus homo, cui cœli patébant.

Oratio.

Da nobis, quæsumus Dómine, imitári quod cólimus, ut discámus et inimícos diligere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Filium tuum.

De S. Joanne.

Ant. Exiit sermo inter fratres, quod discipulus ille non móritur; et non dixit Jesus, Non móritur: sed, Sic eum volo manére, donec véniam.

Ÿ. Valde honorándus est beátus Joánnes. R. Qui supra pectus Dómini in cœna recúbuit.

Oratio.

Ecclésiám tuam Dómine benígnus illústra: ut beáti Joánnis, Apóstoli tui et Evangelistæ, illumináta doctrínis, ad dona pervéniant sempitérna.

De Ss. Innocentibus.

Ant. Innocéntes pro Christo infántes occísi sunt, ab iníquo rege lacténtes interfécti sunt: ipsum sequúntur Agnum sine mácula, et dicunt semper: Glória tibi Dómine.

Ÿ. Sub throno Dei omnes sancti clamant. R. Víndica sánguinem nostrum Deus noster.

Oratio.

Deus, cujus hodiérna die præcónium Innocéntes Mártyres non loquendo, sed moriendo conféssi sunt: ómnia in nobis vitiórum mala mortífica; ut fidem tuam, quam lingua nostra loquitur, étiam moribus vita fateátur. Per Dóminum.

Ad Matutinum.

Omnia dicuntur sicut in die Nativitatis, 178. præter Ant. ad Benedictus et ad Magnificat, Orationem, Lctiones et Responsoria.

Hac nocte ponitur Epistola B. Pauli ad Romanos, et de ea, et aliis ejus Epistolis legitur usque ad Septuages.

In I. Nocturno.

Incipit Epístola B. Pauli Apóstoli ad Romános.

Lectio i.

Cap. 1.

Paulus servus Jesu Christi, vocátus Apóstolus, segregátus in Evangélium Dei, quod ante promiserat per prophétas suos in Scriptúris sanctis de Filio suo, qui factus est ei ex sémine David secundum carnem, qui prædestinátus est Filius Dei in virtúte secundum spíritum sanctificatiónis, ex resurrectione mortuórum Jesu Christi Dómini nostri: per quem accévimus grátiam, et apostolátum ad obediéndum fidei in ómnibus Géntibus pro nómine ejus, in quibus estis et vos vocáti Jesu Christi: ómnibus qui sunt Romæ, diléctis Dei, vocátis sanctis. Grátia vobis, et pax a Deo Patre nostro, et Dómino Jesu Christo.

R. Hódie nobis de cœlo pax vera descendit: * Hódie per totum

mundum melliflui facti sunt cœli.
 V. Hódie illúxit nobis dies redempti-
 ónis novæ, reparatiónis antiquæ,
 felicitátis æternæ. Hódie.

Lectio ii.

Primum quidem grátias ago Deo
 meo per Jesum Christum pro
 ómnibus vobis: quia fides vestra
 annuntiátur in univérso mundo.
 Testis enim mihi est Deus, cui
 sérvio in spíritu meo in Evangélio
 Fílii ejus, quod sine intermissi-
 óne memóriam vestri fácio semper in
 oratióibus meis: óbsecrans, si
 quómodo tandem aliquándo pró-
 sperum iter hábeam in voluntáte
 Dei veniéndi ad vos. Desídero
 enim vidére vos: ut áliquid impér-
 tiar vobis grátiae spirituális ad con-
 firmándos vos: id est, simul conso-
 lári in vobis per eam, quæ ínvicem
 est, fidem vestram atque meam.

R. Quem vidístis pastóres? dí-
 cite, annuntiáte nobis, in terris
 quis appáruit? * Natum vídimus,
 et choros Angelórum collaudántes
 Dóminum. V. Dícite, quidnam vi-
 distis? et annuntiáte Christi nati-
 vitátem. Natum.

Lectio iii.

Nolo autem vos ignoráre fratres:
 quia sæpe propósui veníre ad
 vos, (et prohibitus sum usque ad-
 huc) ut áliquem fructum hábeam
 et in vobis, sicut et in céteris gén-
 tibus: Græcis, ac Bárbaris, sapién-
 tibus, et insipiéntibus débitor sum:
 ita (quod in me) promptum est et
 vobis, qui Romæ estis, evangeli-
 záre. Non enim erubésco Evangé-
 lium. Virtus enim Dei est in salú-
 tem omni credénti, Judæo primum,
 et Græco. Justítia enim Dei in eo
 revelátur ex fide in fidem: sicut

scriptum est: Justus autem ex fide
 vivit. Revelátur enim ira Dei de
 cœlo super omnem impietátem et
 injustítiam hóminum eórum, qui
 veritátem Dei in injustítia détinent:
 quia quod notum est Dei, manifé-
 stum est in illis. Deus enim illis
 manifestávit.

R. O magnum mystérium, et ad-
 mirábile sacraméntum, ut animália
 vidérent Dóminum natum, jacén-
 tem in præsepío: * Beáta Virgo,
 cujus víscera meruérunt portáre
 Dóminum Christum. V. Ave Ma-
 ría, grátia plena: Dóminus tecum.
 Beáta. Glória Patri. Beáta.

In II. Nocturno.

Sermo sancti Leónis Papæ.

Serm. 9. de Nativ. Dom.

Lectio iv.

Excedit quidem, dilectíssimi,
 multúmque superémínet hu-
 máni elóquii facultátem di-
 víni óperis magnitúdo: et inde óri-
 tur difficúltas fandi, unde adest
 rátio non tacéndi. Quia in Christo
 Jesu Filio Dei non solum ad diví-
 nam esséntiam, sed étiam ad hu-
 mánam spectat natúram quod di-
 ctum est per prophétam: Genera-
 tióne ejus quis enarrábit? Utrám-
 que enim substántiam in unam
 convenísse persónam, nisi fides
 credat, sermo non éxplicat. Et íd-
 eo numquam matéria déficit lau-
 dis, quia numquam súfficit cópia
 laudatóris.

R. Beáta Dei Génitrix María,
 cujus víscera intácta pérmanent: *
 Hódie genuit Salvatórem sǎculi.
 V. Beáta quæ crédidit: quóniam
 perfécta sunt ómnia, quæ dicta
 sunt ei a Dómino. Hódie.

Lectio v.

Gaudeamus igitur, quod ad eloquendum tantæ misericordiæ sacramentum impares sumus: et cum salutis nostræ altitudinem promere non valeamus, sentiāmus nobis bonum esse, quod vincimur. Nemo enim ad cognitionem veritatis magis propinquat, quam qui intēlligit in rebus divinis, etiam si multum proficiat, semper sibi superesse quod quærat. Nam qui se ad id, in quod tendit, pervenisse præsumit, non quæsita reperit, sed in inquisitione deficit.

R. Sancta et immaculata virginitas, quibus te laudibus effera, nescio: * Quia quem cœli capere non poterant, tuo gremio contulisti. V. Benedicta tu in mulieribus, et benedictus fructus ventris tui. Quia.

Lectio vi.

Ne autem infirmitatis nostræ perturbemur angustis, evangelicæ nos et propheticæ adjuvant voces: quibus ita accendimur, et docemur, ut nos Nativitatem Domini, qua Verbum caro factum est, non tam præteritam recollere, quam præsentem videamur inspicere. Quod enim pastoribus pro gregum suorum custodia vigilantibus nuntiavit Angelus, etiam nostrum implēvit auditum: et ideo Dominicis omnibus præsumus, quia verba divinitus edita cordis aure servamus: tamquam et in hodierna festivitate dicatur: Evangelizo vobis gaudium magnum, quod erit omni populo, quia natus est vobis hodie Salvator, qui est Christus Dominus, in civitate David.

R. Beata viscera Mariæ Virginis, quæ portaverunt æterni Patris Filium: et beata ubera, quæ lactaverunt Christum Dominum: * Qui hodie pro salute mundi de Virgine nasci dignatus est. V. Dies sanctificatus illuxit nobis: venite Gentes, et adorare Dominum. Qui. Gloria Patri. Qui.

In III. Nocturno.

Lectio sancti Evangelii secundum Lucam.

Lectio vii. Cap. 2. c.

In illo tempore: Erat Joseph, et Maria mater Jesu, mirantes super his, quæ dicebantur de illo. Et reliqua.

Homilia sancti Ambrósii Episcopi.

Lib. 2. in cap. 2. Lucæ, prope finem.

Vides uberem in omnes gratiam, Domini generatione diffusam et prophetiam incredulis negatam esse, non justis. Ecce et Simeon prophetat, in ruinam et resurrectionem plurimorum venisse Dominum Jesum Christum, ut justorum, iniquorumque merita discernat; et pro nostrorum qualitate factorum, iudex verus et justus aut supplicia decernat, aut præmia.

R. Verbum caro factum est, et habitavit in nobis: * Et vidimus gloriam ejus, gloriam quasi Unigeniti a Patre, plenum gratiæ et veritatis. V. Omnia per ipsum facta sunt, et sine ipso factum est nihil. Et vidimus.

Lectio viii.

Et tuam ipsius animam pertransibit gladius. Nec littera, nec historia docet, ex hac vita Mariam

corporális necis passiōe migrásse. Non enim ánima, sed corpus materiáli gládio transverberátur. Et ideo prudéntiam Mariæ haud ignáram mystérii coeléstis osténdit. Vivum enim verbum Dei, et válidum, et acútius omni gládio acutíssimo, pénétrans usque ad divisióem animæ et spíritus, ártuum quoque et medullárum, cogitatióes cordis et secréta scrutátur animórum, quia nuda et apérta sunt ómnia Dei Filio, quem consciéntiæ secréta non fallunt.

R. O Regem cœli, cui tália famulántur obséquia: stábulo pónitur, qui cóninet mundum: * Jacet in præsepío, et in cœlis regnat. V. Natus est nobis hódie Salvátor, qui est Christus Dóminus, in civitáte David. Jacet. Glória. Jacet.

Lectio ix.

Prophetávit itaque Simeon, prophetáverat virgo, prophetáverat copuláta conjúgio; prophetáre débuit étiam vídua, ne qua aut proféssio deésset, aut sexus. Et ideo Anna et stipéndiis viduitátis, et móribus talis indúcitur, ut digna plane fuisse credátur, quæ Redemptórem ómnium venísse nuntiáret. Cujus mérita cum álibi descripsérimus, cum víduas hortarémur, hoc loco, quóniam ad ália properámus, non putámus iteránda.

Te Deum laudámus. 14.

Ad Laudes

et per Horas.

Ant. 1. Quem vidístis, * pastóres? dicite, annuntiáte nobis, in terris quis appáruit? Natum vídimus, et choro Angelórum collaudántes Dóminum, allelúja, allelúja.

Psalm. Dóminus regnávít. 15.

2. Génuit puérpera * Regem, cui nomen ætérnum, et gaúdia matris habens cum virginitátis honóre: nec primam símilem visa est, nec habére sequéntem, allelúja.

3. Angelus ad pastóres * ait: Annúntio vobis gaúdium magnum: quia natus est vobis hódie Salvátor mundi, allelúja.

4. Facta est cum Angelo * multitúdo coeléstis exércitus laudántium Deum, et dicéntium: Glória in excélsis Deo, et in terra pax homínibus bonæ voluntátis, allelúja.

5. Párvulus fílius * hódie natus est nobis, et vocábitur Deus, fortis, allelúja, allelúja.

Capitulum. Galat. 4.

Fratres: Quanto témpore hæres párvulus est, nihil differt a servo, cum sit dóminus ómnium: sed sub tutóribus et actóribus est usque ad præfínitum tempus a patre.

Hymn. A solis ortus. 189.

V. Verbum caro factum est, allelúja. R. Et habitávit in nobis, allelúja.

Ad Bened. Ant. Dum médium siléntium * tenérent ómnia, et nox in suo cursu médium iter perágeret, omnípotens sermo tuus Dómine, a regálibus sédibus venit, allelúja.

Oratio.

Omnípotens sempitérne Deus, dirige actus nostros in beneplácito tuo: ut in nómine dilécti Fílii tui mereámur bonis opéribus abundáre: Qui tecum vivit.

Et fit commem. de Octava Nativit. et aliis Oct., ut supra. 212.

Ad Tertiam.

Ant. Génuit puérpera.

Capit. Fratres: Quanto. 217.

R. br. Verbum caro factum est,
 * Allelúja, allelúja. Verbum. V. Et
 habitávit in nobis. Allelúja, alle-
 lúja. Glória Patri. Verbum.

V. Ipse invocábit me, allelúja.
 R. Pater meus es tu, allelúja.

Ad Sextam.

Ant. Angelus ad pastóres.

Capitulum. Galat. 4.

At ubi venit plenitúdo témporis,
 misit Deus Fílium suum fa-
 ctum ex muliere, factum sub lege,
 ut eos, qui sub lege erant, redíme-
 ret, ut adoptiónem filiórum reci-
 perémus.

R. br. Notum fecit Dóminus, *
 Allelúja, allelúja. Notum. V. Salu-
 táre suum. Allelúja, allelúja. Gló-
 ria Patri. Notum.

V. Vidérunt omnes fines terræ,
 allelúja. R. Salutare Dei nostri, al-
 lelúja.

Ad Nonam.

Ant. Párvulus filius.

Capitulum. Galat. 4.

Itaque jam non est servus, sed
 filius: quod si filius, et hæres
 per Deum.

R. br. Vidérunt omnes fines ter-
 ræ, * Allelúja, allelúja. Vidérunt.
 V. Salutare Dei nostri. Allelúja,
 allelúja. Glória Patri. Vidérunt.

V. Verbum caro factum est, al-
 lelúja. R. Et habitávit in nobis,
 allelúja.

In II. Vesperis.

Ant. et Ps. de Nativit. 190.

Capitulum. Fratres: Quanto. et
 Hymn. Jesu Redemptor. 213.

V. Verbum caro factum est, al-
 lelúja. R. Et habitávit in nobis,
 allelúja.

Ad Magnif. Ant. Puer Jesus *
 proficiébat ætáte et sapiéntia co-
 ram Deo et homínibus.

Oratio. Omnípotens. 217.

Et fit commem. de Oct. Nativit. et
 aliis Octav., ut supra. 213.

In die**infra Octavam Nativitatis.**

Si dies post Festum S. Thomæ fu-
 erit Sabbatum, Officium fit de Octava
 Nativitatis hoc modo:

In II. Vesp. S. Thomæ omnia di-
 cuntur sicut in II. Vesp. diei Nativi-
 tatis. 190. (sed non duplicantur Ant.;)
 et post Orationem Nativitatis fit com.
 S. Thomæ, deinde S. Stephani, et alia-
 rum Octavarum, ut supra. 213.

Ad Matutinum.

Omnia dicuntur sicut in Dominica
 infra Octav. Nativ. 214. præter Lect.
 III. Noct., quæ dicuntur ut infra.

In III. Nocturno.

Léctio sancti Evangélii secúndum
 Lucam.

Lectio vii. Cap. 2. b.

In illo témpore: Pastóres loque-
 bántur ad invicem: Transeámus
 usque Béthlehem, et videámus hoc
 verbum quod factum est, quod
 Dóminus osténdit nobis. Et vené-
 runt festinántes. Et réliqua.

Homília sancti Ambrósii
 Epíscopi.

Lib. 2. in cap. 2. Lucæ, circa med.

Vides festinare pastóres. Ne-
 mo enim cum desidia Chri-
 stum requirit. Vides pastó-
 res Angelo credidisse: et tu Patri,
 Fílio, Spíritui sancto, Angelis, Pro-
 phétis, et Apóstolis credere non

vis? Vide, quam signanter Scriptura singulorum libret momenta verborum. Festinant, inquit, Verbum videre. Etenim cum caro Domini videtur, Verbum videtur, quod est Filius.

R. Verbum caro factum est, et habitavit in nobis: * Et vidimus gloriam ejus, gloriam quasi Unigeniti a Patre, plenum gratiæ et veritatis. V. Omnia per ipsum facta sunt, et sine ipso factum est nihil. Et vidimus.

Lectio viii.

Non mediocre fidei tibi hoc videatur exemplum, quod vilis sit persona pastorum. Certe quod vilior ad prudentiam, eo pretiosior ad fidem. Non gymnasia choris referta sapientum, sed plebem Dominus simplicem requisivit, quæ phalerare audita, et fucare nesciret. Simplicitas enim quaeritur, non ambitio desideratur.

R. O Regem cœli, cui talia famulantur obsequia: stabulo ponitur, qui continet mundum: * Jacet in præsépio, et in cœlis regnat. V. Natus est nobis hodie Salvator, qui est Christus Dominus, in civitate David. Jacet. Glória. Jacet.

Lectio ix.

Nec contemnenda putes quasi vilia verba pastorum. A pastoribus enim Maria fidem colligit. A pastoribus populus ad Dei reverentiam congregatur. Mirati etiam sunt omnes qui audierunt, de iis, quæ dicebantur a pastoribus ad ipsos. Maria autem conservabat omnia verba hæc, conferens in corde suo. Discamus sanctæ Virginis in omnibus castitatem, quæ non minus ore pudica, quam cor-

pore, argumenta fidei conferbat in corde. Te Deum laudamus. 14.

Ad Laud. omnia dicuntur sicut in Nativit. 188. Et post Orationem fit commemor. de S. Stephano, et reliquis Octav. 212.

Ad Horas omnia dicuntur sicut in Nativit. Domini. 189.

Ad Vesperas. Ant. et Ps. de Nativitate, 190. et Ant. duplicantur; Capitulum et reliqua de S. Silvestro.

Si Festum S. Silvestri venerit in Dominica, agitur de Festo cum commemor. Dom. in I. Vesp. et Laud. ante commemor. omnium Octavarum; et ix. Lectio erit de Homil. Dominicæ. 216.



Die 31. Decembris.

In Festo **S. Silvestri** Papæ et Conf.

Duplex.

A Capit. omnia de Communi Confessoris Pontificis. [49]

Oratio.

Da quæsumus omnipotens Deus: ut beati Silvestri Confessoris tui atque Pontificis veneranda sollemnitas, et devotionem nobis augeat et salutem. Per Dominum.

Et fit com. de Octavis. ut supra. 213.

Ad Matutinum.

Omnia de Communi Confessoris Pontificis [50] præter Lectiones.

In I. Nocturno.

De Epistola ad Romanos.

Lectio i. Cap. 2.

Propter quod inexcusabilis es, o homo omnis, qui iudicas. In quo enim iudicas alterum, teipsum condemnas: eadem enim agis quæ iudicas. Scimus enim quoniam iudicium Dei est secundum veritatem in eos, qui talia agunt. Existimas autem hoc, o homo, qui iudicas eos, qui talia agunt, et fa-

cis ea, quia tu effûgies iudícium Dei? An divítias bonitátis ejus, et patiéntiæ, et longanimitátis contémnis? Ignóras quóniam benígnitas Dei ad poeniténtiam te addúcit?

R. Euge serve bone et fidélis, quia in pauca fuísti fidélis, supra multa te constituam: * Intra in gáudium Dómini tui. V. Dómine quinque talénta tradidísti mihi, ecce ália quinque superlucrátus sum. Intra.

Lectio ii.

Secúndum autem durítiam tuam, et impœnitens cor, thesaurizas tibi iram in die iræ, et revelatiónis iusti iudícii Dei, qui reddet unicuique secúndum ópera ejus: iis quidem, qui secúndum patiéntiam boni óperis, glóriam, et honórem, et incorruptiόνem quærunt, vitam ætérnam: iis autem, qui sunt ex contentiόνem, et qui non acquiescunt veritáti, credunt autem iniquitáti, ira et indignatio.

R. Ecce sacerdos magnus, qui in diébus suis plácuít Deo: * Ideo jurejurádo fecit illum Dóminus crêscere in plebem suam. V. Benedictiόνem ómnium géntium dedit illi, et testaméntum suum confirmávit super caput ejus. Ideo.

Lectio iii.

Tribulatio et angústia in omnem ánimam hómínis operántis malum, Judæi primum, et Græci: glória autem, et honor, et pax omni operánti bonum, Judæo primum et Græco: non enim est accéptio personárum apud Deum. Quicúmque enim sine lege peccavérunt, sine lege peribunt: et quicúmque in lege peccavérunt, per legem iudicabúntur. Non enim auditóres

legis iusti sunt apud Deum, sed factóres legis justificabúntur.

R. Jurávit Dóminus. [52]

In II. Nocturno.

Lectio iv.

Silvéster RománuS, patre Ruíno, a prima ætáte óperam dedit Cyríno presbýtero: cuius doctrínam et mores egrégie imitátus est. Hic, sævién-te persecutióne, in Sorácte monte latitáverat, et trigésimum annum agens, présbyter sanctæ Románæ Ecclésiæ a Marcellíno Pontifice créatur. Quo in múnere cum omni laude cléricis áliis antecélleret, in Melchiadis póstea locum succéssit, imperátore Constantíno, qui ántea pacem Ecclésiæ Christi lege pública déderat. Vix Ecclésiæ gubernácula tractánda suscepérat, Constantínus, jam Crucis signo cœlitus illustrátus, et de hoste Maxéntio victórem, ad tuéndam propagandámque christiánam religiόνem impénse fovit. Quem étiam, uti vetus Ecclésiæ Románæ refert traditio, Apostolórum imágines recognóscere fecit, sacro baptísmate tinxit, et ab infidelitátis lepra mundávit.

R. Invéni David servum meum, óleo sancto meo unxi eum: * Manus enim mea auxiliábitur ei. V. Nihil proficiet inimícus in eo, et filius iniquitátis non nocébit ei. Manus.

Lectio v.

Itaque auctóre Silvέstro pius imperátor quam christifidélibus públice templa exstruéndi tribúerat facultátem, eam exémplo suo confirmávit; multas enim eréxit

Basilicas, scilicet Lateranensem Christo Servatori, Vaticanam sancto Petro, Ostiensem sancto Paulo, sancto Lauréntio in Agro Verano, sanctæ Cruci in Atrio Sessoriano, sancto Petro et Marcellino ac sanctæ Agnæti in viis Lavicana et Nomentana, et alias, quas sacris imaginibus splendide exornavit, et, munèribus prædiisque attributis, magnificentissime locupletavit. Hoc Pontifice habitum est Concilium Nicænum primum, ubi præsidéntibus ejus legátis, præsentemque Constantino, et trecéntis decem et octo episcopis, sancta et catholica fides explicata est, Ario ejusque sectatoribus condemnatis; quod etiam Concilium, peténtibus Patribus, confirmavit in synodo Romæ habita, ubi iterum Arius condemnatus est. Multa item decreta fecit Ecclesiæ Dei utilia, quæ sub ejus nomine recensentur; id est, ut a solo Episcopo chrisma conficeretur; ut Præbyter chrismate baptizati summum liniret verticem; ut Diaconi dalmaticis in ecclesia, et palla linostima ad lævam uterentur; ut in lineo tantum velo sacrificium altaris conficeretur.

R. Pósui adiutorium super potentem, et exaltavi electum de plebe mea: * Manus enim mea auxiliabitur ei. V. Inveni David servum meum, oleo sancto meo unxi eum. Manus.

Lectio vi.

Idem præscripsisse traditur tempus omnibus, qui ordinibus initiati essent, exercendi singulos ordines in Ecclesia, antequam quisque ad altiores gradum ascende-

ret; ut laicus clérico non inferret crimen; ne clericus apud profanum iudicem causam diceret. Sabbati et Domínici diéi nómine retento, reliquos hebdomadæ dies feriárum nómine distinctos, ut jam ante in Ecclesia vocari cœperant, appellari voluit, quo significaretur, quotidie clericos, abjecta ceterarum rerum cura, uni Deo prorsus vacare debere. Huic cœlesti prudentiæ, qua Ecclesiam administrabat, insignis vitæ sanctitas, et benignitas in pauperes perpétuo respondit. Quo in genere providit, ut clericis copiosis egentes conjungeret, et sacris virginibus, quæ ad victum necessaria essent, supeditaréntur. Vixit in pontificatu annos viginti unum, menses decem, diem unum. Sepultus est in cœmetério Priscillæ, via Salária. Fecit ordinationes septem mense Decembri, quibus creavit presbyteros quadraginta duos, diaconos viginti quinque, episcopos per diversa loca sexaginta quinque.

R. Iste est qui ante. [54]

In III. Nocturno.

Lectio sancti Evangelii secundum Lucam.

Lectio vii. Cap. 12. e.

In illo tempore: Dixit Jesus discipulis suis: Sint lumbi vestri præcincti, et lucernæ ardentes in manibus vestris. Et reliqua.

Homilia sancti Gregorii Papæ.

Homil. 13. in Evang.

Sancti Evangelii, fratres carissimi, aperta vobis est lectio recitata. Sed, ne aliquibus ipsa ejus planities alta fortasse vi-

deatur, eam sub brevitate transcurrimus, quatenus ejus expositio ita nescientibus fiat cognita, ut tamen scientibus non sit onerosa. Dominus dicit: Sint lumbi vestri præcincti. Lumbos enim præcingimus, cum carnis luxuriam per continentiam coarctamus. Sed quia minus est, mala non agere, nisi etiam quisque studeat et bonis operibus insudare, protinus additur: Et lucernæ ardentes in manibus vestris. Lucernas quippe ardentes in manibus tenemus, cum per bona opera proximis nostris lucis exempla monstramus. De quibus profecto operibus Dominus dicit: Luceat lux vestra coram hominibus, ut videant opera vestra bona, et glorificent Patrem vestrum, qui in cælis est.

R. Amavit eum Dominus, et ornavit eum: stolam gloriæ induit eum, * Et ad portas paradisi coronavit eum. V. Induit eum Dominus lorica fidei, et ornavit eum. Et.

Lectio viii.

Duo autem sunt quæ jubentur, et lumbos restringere, et lucernas tenere: ut et munditia sit castitatis in corpore, et lumen veritatis in operatione. Redemptori etenim nostro unum sine altero placere nequaquam potest: si aut is, qui bona agit, adhuc luxuriæ inquinamenta non deserit: aut is, qui castitate præeminet, necdum se per bona opera exercet. Nec castitas ergo magna est sine bono

opere, nec opus bonum est aliquod sine castitate. Sed et si utrumque agitur, restat, ut quisquis ille est, spe ad supernam patriam tendat, et nequaquam se a vitiis pro mundi hujus honestate contineat.

R. Sint lumbi vestri præcincti, et lucernæ ardentes in manibus vestris: * Et vos similes hominibus expectantibus dominum suum, quando revertatur a nuptiis. V. Vigilate ergo, quia nescitis qua hora Dominus vester venturus sit. Et. Glória Patri. Et.

Lectio ix.


Et vos similes hominibus expectantibus dominum suum, quando revertatur a nuptiis: ut, cum venerit et pulsaverit, confestim aperiant ei. Venit quippe Dominus, cum ad iudicium properat: pulsat vero, cum jam per ægritudinis molestias esse mortem vicinam designat. Cui confestim aperimus, si hunc cum amore suscipimus. Aperire enim iudici pulsanti non vult, qui exire de corpore trepidat: et videre eum, quem contempsisse se meminit, iudicem formidat. Qui autem de sua spe et operatione securus est, pulsanti confestim aperit, quia lætus iudicem sustinet: et cum tempus propinquæ mortis advenerit, de glória retributionis hilaréscit.

Te Deum laudamus. 14.

Reliqua omnia usque ad Vesperas sumuntur de Comm. Conf. Pont. [57]

Et in fine Laud. fit commemor. de Oct., ut supra. 212.





IN CIRCUMCISIONE DOMINI ET OCTAVA NATIVITATIS.

Duplex 2. classis.

In I. Vesperis.

Antiph. et Capit. de Laud. 231; Ps.
ut in Festis B. M. V. [133]

Hymnus.

Iesu Redemptor omnium,
Quem lucis ante originem
Parem Paternæ gloriæ
Pater supremus edidit.

Tu lumen, et splendor Patris,
Tu spes perennis omnium,
Intende quas fundunt preces
Tui per orbem servuli.

Meménto, rerum Cónditor,
Nostri quod olim corporis,
Sacráta ab alvo Vírginis
Nascéndo, formam sumpseris.

Testátur hoc præsens dies,
Currrens per anni círculum,

Quod solus e sinu Patris
Mundi salus advéneris.

Hunc astra, tellus, æquora,
Hunc omne quod cælo subest,
Salútis auctórem novæ
Novo salútat cántico.

Et nos, beáta quos sacri
Rigávit unda ságuinis,
Natális ob diem tui
Hymni tribútum sólvimus.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempitérna sácula.

Amen.

Ÿ. Verbum caro factum est, al-
lelúja. R. Et habitávit in nobis,
allelúja.

Ad Magnif. Ant. Propter níam caritátem suam, qua diléxit nos Deus, Fílium suum misit in similitúdinem carnis peccáti, allelúja.

Oratio.

Deus, qui salutis æternæ, beatæ Mariæ virginitate foecunda, humano generi præmia præstitisti: tribue quæsumus; ut ipsam pro nobis intercédere sentiámus, per quam meruimus auctórem vitæ suscipere, Dóminum nostrum Jesum Christum Fílium tuum: Qui tecum vivit.

Et non fit aliqua commem.

Ad Matutinum.

Invit. Christus natus est nobis:

* Veníte adorémus.

Ps. Veníte, exsultémus. 2.

Hymn. Jesu Redemptor. 223.

In I. Nocturno.

Ant. Dóminus dixit * ad me: Fílius meus es tu, ego hódie génui te.

Psalmus 2.

Quare fremuerunt Gentes, * et pópuli meditáti sunt inánia? Astiterunt reges terræ, et principes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in cœlis, irridébit eos: * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me: * Fílius meus es tu, ego hódie génui te.

Póstula a me, et dabo tibi Gentes hæreditátem tuam, * et possessionem tuam términos terræ.

Reges eos in virga férrea, * et tamquam vas figuli confringes eos.

Et nunc reges intelligite: * erudimini qui judicátis terram.

Servíte Dómino in timóre: * et exsultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Dóminus dixit ad me: Fílius meus es tu, ego hódie génui te.

Ant. In sole pósuit * tabernáculum suum: et ipse tamquam sponsus procedens de thálamo suo.

Psalmus 18.

Cœli enarrant glóriam Dei, * et ópera mánuum ejus annúnciat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermones, * quorum non audiántur voces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse tamquam sponsus procedens de thálamo suo:

Exsultávit ut gigas ad curréndam viam, * a summo cœlo egrésio ejus:

Et occúrsus ejus usque ad summum ejus: * nec est qui se abscondat a calóre ejus.

Lex Dómini immaculáta convértens ánimas: * testimónium Dó-

mini fidèle, sapiéntiam præstans párvulis.

Justítiæ Dómini rectæ, lætifi-
cántes corda: * præcéptum Dó-
mini lúcidum, illúminans óculos.

Timor Dómini sanctus, pérma-
nens in sæculum sæculi: * judícia
Dómini vera, justificáta in semet-
ípsa.

Desiderabilia super aurum et
lápídem pretiósus multum: * et
dulcióra super mel et favum.

Etenim servus tuus custódit ea,
* in custodiéndis illis retribútio
multa.

Delicta quis intélligit? ab oc-
cúltis meis munda me: * et ab
aliénis parce servo tuo.

Si mei non fúerint domináti,
tunc immaculátus ero: * et emun-
dabor a delicto máximo.

Et erunt ut compláceant eló-
quia oris mei: * et meditátio cor-
dis mei in conspéctu tuo semper.

Dómine adjútor meus, * et red-
émptor meus.

Ant. In sole pósuit tabernácu-
lum suum, et ipse tamquam spon-
sus procédens de thálamo suo.

Ant. Elevámini * portæ æter-
náles, et introíbit Rex glóriæ.

Psalmus 23.

Dómini est terra, et plenitúdo
ejus: * orbis terrárum, et uni-
vérsi qui hábitant in eo.

Quia ipse super mária fundávit
eum: * et super flúmina præpa-
rávit eum.

Quis ascéndet in montem Dó-
mini? * aut quis stabit in loco
sancto ejus?

Iñocens mánibus et mundo cor-
de, * qui non accépit in vano áni-

mam suam, nec jurávit in dolo
próximo suo.

Hic accípiet benedictiónem a
Dómino: * et misericórdiam a Deo
salutári suo.

Hæc est generátio quæréntium
eum, * quæréntium faciém Dei
Jacob.

Attóllite portas príncipes ve-
stras, et elevámini portæ æterná-
les: * et introíbit Rex glóriæ.

Quis est iste Rex glóriæ? * Dó-
minus fortis et potens: Dóminus
potens in prælio.

Attóllite portas príncipes ve-
stras, et elevámini portæ æterná-
les: * et introíbit Rex glóriæ.

Quis est iste Rex glóriæ? * Dó-
minus virtútum ipse est Rex gló-
riæ.

Ant. Elevámini portæ æterná-
les, et introíbit Rex glóriæ.

Ÿ. Tamquam sponsus. R. Dó-
minus procédens de thálamo suo.

De Epístola beáti Pauli Apóstoli
ad Romános.

Lectio i. Cap. 3. et 4.

Quid ergo ámplius Judæo est?
aut quæ utilitas circumcisi-
ónis? Multum per omnem
modum. Primum quidem, quia
crédita sunt illis elóquia Dei. Quid
enim si quidam illórum non cre-
didérunt? Numquid incredúlitas
illórum fidem Dei evacuábit? Absit.
Est autem Deus verax: omnis au-
tem homo mendax, sicut scriptum
est: Ut justificéris in sermónibus
tuis: et vincas cum judicáris. Si
autem iníquitas nostra justítiam
Dei comméndat, quid dicémus?
Numquid iníquus est Deus qui
infert iram? (secúndum hóminem

dico.) Absit. Alióquin quómodo judicábit Deus hunc mundum?

R. Ecce Agnus Dei, ecce qui tollit peccáta mundi: ecce de quo dicébam vobis: Qui post me venit, ante me factus est: * Cujus non sum dignus corrígiam calceaménti sólvare. V. Qui de terra est, de terra lóquitur: qui de cœlo venit, super omnes est. Cujus.

Lectio ii.

An Judæórum Deus tantum? nonne et Géntium? Imo et Géntium. Quóniam quidem unus est Deus, qui justificat circumcisiónem ex fide, et præpútium per fidem. Legem ergo destrúimus per fidem? Absit: sed legem statúimus. Quid ergo dicémus invenísse Abraham patrem nostrum secúndum carnem? Si enim Abraham ex opéribus justificátus est, habet glóriam, sed non apud Deum. Quid enim dicit Scriptúra? Crédidit Abraham Deo: et reputátum est illi ad justítiam. Ei autem, qui operátur, merces non imputátur secúndum grátiam, sed secúndum débitum. Ei vero qui non operátur, credénti autem in eum, qui justificat ímpium, reputátur fides ejus ad justítiam secúndum propósitum grátiae Dei. Sicut et David dicit beatitúdinem hóminis, cui Deus accépto fert justítiam sine opéribus: Beáti, quorum remissæ sunt iniquitátes, et quorum tecta sunt peccáta.

R. Dies sanctificátus illúxit nobis: veníte Gentes, et adoráte Dóminum: * Quia hódie descéndit lux magna in terris. V. Hæc dies quam fecit Dóminus, exsultémus et lætémur in ea. Quia.

Lectio iii.

Beatitúdo ergo hæc in circumcisióne tantum manet, an étiam in præpútio? Dícimus enim quia reputáta est Abrahæ fides ad justítiam. Quómodo ergo reputáta est? in circumcisióne, an in præpútio? Non in circumcisióne, sed in præpútio. Et signum accépit circumcisiónis, signáculum justítiæ fidei, quæ est in præpútio: ut sit pater ómnium credéntium per præpútium, ut reputétur et illis ad justítiam: et sit pater circumcisiónis non iis tantum qui sunt ex circumcisióne, sed et iis qui sectántur vestigia fidei, quæ est in præpútio patris nostri Abrahæ.

R. Benedictus qui venit in nómine Dómini, Deus Dóminus, et illúxit nobis: * Allelúja, allelúja. V. Hæc dies quam fecit Dóminus, exsultémus et lætémur in ea. Allelúja. Glória Patri. Allelúja.

In II. Nocturno.

Ant. Speciósus forma * præ filiis hóminum, diffúsa est grátia in lábiis tuis.

Psalmus 44.

Fructávit cor meum verbum bonum: * dico ego ópera mea Regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis: * proptérea benedíxit te Deus in ætérnum.

Accíngere gládio tuo super femur tuum, * potentíssime,

Spécie tua et pulchritúdine tua * inténde, prospere procéde, et regna.

Propter veritatem, et mansuetudinem, et iustitiam: * et deducet te mirabiliter dextera tua.

Sagittae tuae acutae, populi sub te cadent, * in corda inimicorum Regis.

Sedes tua Deus in saeculum saeculi: * virga directionis virga regni tui.

Dilexisti iustitiam, et odisti iniquitatem: * propterea unxit te Deus, Deus tuus oleo laetitiae prae consortibus tuis.

Myrrha, et gutta, et casia a vestimentis tuis, a domibus eburneis: * ex quibus delectaverunt te filiae regum in honore tuo.

Astitit regina a dextris tuis in vestitu deaurato: * circumdata varietate.

Audi filia, et vide, et inclina aurem tuam: * et obliviscere populum tuum, et domum patris tui.

Et concupiscet Rex decorem tuum: * quoniam ipse est Dominus Deus tuus, et adorabunt eum.

Et filiae Tyri in muneribus * vultum tuum deprecabuntur: omnes divites plebis.

Omnis gloria ejus filiae Regis ab intus, * in fimbriis aureis circumamicta varietatibus.

Adducuntur Regi virgines post eam: * proximae ejus afferentur tibi.

Afferentur in laetitia et exultatione: * adducuntur in templum Regis.

Pro patribus tuis nati sunt tibi filii: * constitues eos principes super omnem terram.

Memores erunt nominis tui: * in omni generatione et generationem.

Propterea populi confitebuntur tibi in aeternum: * et in saeculum saeculi.

Ant. Speciosus forma prae filiis hominum, diffusa est gratia in labiis tuis.

Ant. Homo natus est * in ea, et ipse fundavit eam Altissimus.

Psalmus 86.

Fundamenta ejus in montibus sanctis: * diligit Dominus portas Sion super omnia tabernacula Jacob.

Gloriosa dicta sunt de te, * civitas Dei.

Memor ero Rahab, et Babylonis * scientium me.

Ecce alienigenae, et Tyrus, et populus Aethiopum, * hi fuerunt illic.

Numquid Sion dicet: Homo, et homo natus est in ea: * et ipse fundavit eam Altissimus?

Dominus narrabit in scripturis populorum, et principum: * horum, qui fuerunt in ea.

Sicut laetantium omnium * habitatio est in te.

Ant. Homo natus est in ea, et ipse fundavit eam Altissimus.

Ant. Exsultabunt omnia ligna * silvarum ante faciem Domini, quoniam venit.

Psalmus 95.

Cantate Domino canticum novum: * cantate Domino omnis terra.

Cantate Domino, et benedicite nomini ejus: * annuntiате de die in diem salutare ejus.

Annuntiате inter Gentes gloriam ejus, * in omnibus populis mirabilia ejus.

Quoniam magnus Dominus, et laudabilis nimis: * terribilis est super omnes deos.

Quóniam omnes dii Géntium dæmónia: * Dóminus autem cœlos fecit.

Conféssio, et pulchritúdo in conspéctu ejus: * sanctimónia et magnificéntia in sanctificatióne ejus.

Afférte Dómino pátriæ Géntium, afférte Dómino glóriam et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commovéatur a fácie ejus univérsa terra: * dícite in Géntibus quia Dóminus regnávít.

Etenim corréxit orbem terræ qui non commovébitur: * judicábit pópulos in æquitáte.

Læténtur cœli, et exsúltet terra, commovéatur mare, et plenitúdo ejus: * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Exsultábunt ómnia ligna silvárum ante fáciem Dómini, quóniam venit.

V. Speciósus forma præ filiis hóminum. R. Diffúsa est grátia in lábiis tuis.

Sermo sancti Leónis Papæ.

Sermone 7. de Nativitate Domini.

Lectio iv.

Festivitátis hodiernæ, dilectissimi, verus venerátor est, et pius cultor, qui nec de Incarnatióne Dómini áliquid falsum, nec de Deitáte áliquid sentit indignum.

Paris enim perículi malum est, si illi aut natúræ nostræ véritas, aut patérnæ glóriæ negátur æqualitas. Cum ergo ad intelligéndum sacraméntum Nativitátis Christi, qua de matre vírgine est ortus, accédimus, abigátur procul terrenárum caligo ratiónum, et ab illuminátæ fidei óculo mundánæ sapiéntiæ fumus abscédat.

R. Congratulámini mihi omnes qui diligitis Dóminum: * Quia cum essem párvula, plácuí Altíssimo, et de meis viscéribus génui Deum et hóminem. V. Beátam me dicent omnes generatiónes, quia ancillam húmilem respéxit Deus. Quia.

Lectio v.

Divína est enim auctóritas, cui crédimus: divína est doctrína, quam séquimur. Quóniam sive legis testificatióni, sive oráculis Prophetárum, sive evangélicæ tubæ interiorem admovéamus audítum: verum est, quod Joánnes plenus Spíritu sancto intónuit: In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt, et sine ipso factum est nihil. Et simíliter verum est, quod idem prædicátor adjécit: Verbum caro factum est, et habitávit in nobis: et vídimus glóriam ejus, glóriam quasi unigéniti a Patre.

R. Confirmátum est cor Vírginis, in quo divína mystéria, Angelo nuntiánte, concépit: tunc speciósus forma præ filiis hóminum castis suscepit viscéribus: * Et benedicta in ætérnum, Deum nobis prótulit et hóminem. V. Domus

pudíci pectoris templum repén-
fit Dei, intácta nésciens virum,
verbo concépit Fílium. Et.

Lectio vi.

In utrâque ergo natúra idem est
Dei Fílius, nostra suscípíens, et
 própíria non amíttens: in hómine
hóminem rénovans, in se incoñ-
tábilis perseverans. Déitas enim,
quæ illi cum Patre commúnis est,
nullum detriméntum omnipotén-
tiæ súbiit, nec Dei formam servi
forma violávit: quia summa et
sempitérna esséntia, quæ se ad
humáni géneris inclinávit salútem,
nos quidem in suam glóriam trãs-
tulit, sed quod erat, esse non dé-
stitit. Unde cum Unigénitus Dei
minórem se Patre confitétur, cui
se dicit æquálem, veritátem in se
formæ utriusque demónstrat: ut
et humánam probet imparílitas, et
divínam decláret æquálitas.

R. Benedícta et venerábilis es
Virgo María, quæ sine tactu pu-
dóris invénta es mater Salvatóris:
* Jacébat in præsépio, et fulgébat
in cœlo. V. Dómine audívi audí-
tum tuum, et tímui: considerávi
ópera tua, et expávi: in médio
duórum animálium. Jacébat. Gló-
ria Patri. Jacébat.

In III. Nocturno.

Ant. In princípío, * et ante sæ-
cula Deus erat Verbum, et ipse
natus est hódie Salvátor mundi.

Psalmus 96.

Dóminus regnávit, exsúltet
terra: * læténtur insulæ
multæ.

Nubes, et caligo in circúitu ejus:
* justítia, et judícium corrécio
sedis ejus.

Ignis ante ipsum præcédet, *
et inflamábit in circúitu inimícos
ejus.

Illuxérunt fúlgura ejus orbi ter-
ræ: * vidit, et commóta est terra.

Montes, sicut cera fluxérunt a
fácie Dómini: * a fácie Dómini
omnis terra.

Annuntiavérunt cœli justítiam
ejus: * et vidérunt omnes pópuli
glóriam ejus.

Confundántur omnes, qui ad-
órant sculptília: * et qui glorián-
tur in simulácris suis.

Adoráte eum omnes Angeli ejus:
* audívit, et lætáta est Sion.

Et exsultavérunt filiæ Judæ, *
propter judícia tua Dómine:

Quóniam tu Dóminus Altíssimus
super omnem terram: * nimis ex-
altátus es super omnes deos.

Qui diligitis Dóminum, odíte ma-
lum: * custódit Dóminus ánimas
sanctórum suórum, de manu pec-
catóris liberábit eos.

Lux orta est justo, * et rectis
corde lætítia.

Lætámini justí in Dómino: * et
confitémini memóriæ sanctificati-
ónis ejus.

Ant. In princípío, et ante sæcula
Deus erat Verbum, et ipse natus
est hódie Salvátor mundi.

Ant. Ante lucíferum génitus, *
et ante sæcula, Dóminus Salvátor
noster hódie nasci dignátus est.

Psalmus 97.

Cantáte Dómino cánticum no-
vum: * quia mirabília fecit.

Salvavit sibi dextera ejus: * et
bráchium sanctum ejus.

Notum fecit Dóminus salutáre
suum: * in conspéctu Géntium re-
velávit justítiam suam.

Recordátus est misericórdiæ suæ, * et veritátis suæ dómui Israhël.

Vidérunt omnes términi terræ * salutáre Dei nostri.

Jubiláte Deo omnis terra: * cantáte, et exsultáte, et psállite.

Psállite Dómino in cithara, in cithara et voce psalmi: * in tubis ductilibus, et voce tubæ córneæ.

Jubiláte in conspéctu regis Dómini: * moveátur mare, et plenitúdo ejus: orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dómini: * quóniam venit judicáre terram.

Judicábit orbem terrárum in justítia, * et pópulos in æquitáte.

Ant. Ante lucíferum génitus, et ante sácula, Dóminus Salvátor noster hódie nasci dignátus est.

Ant. Nato Dómino, * Angelórum chorus canébat, dicens: Salus Deo nostro, sedénti super thronum, et Agno.

Psalmus 98.

Dóminus regnávít, irascántur pópuli: * qui sedet super Chérubim, moveátur terra.

Dóminus in Sion magnus: * et excélsus super omnes pópulos.

Confiteántur nómini tuo magno: quóniam terríbile, et sanctum est: * et honor regis judícium díligit.

Tu parásti directiónes: * judícium et justítiam in Jacob tu fecísti.

Exaltáte Dóminum Deum nostrum, et adoráte scabéllum pedum ejus: * quóniam sanctum est.

Móyses et Aaron in sacerdotibus ejus: * et Sámuel inter eos, qui invocant nomen ejus:

Invocábant Dóminum, et ipse exaudiébat eos: * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine Deus noster tu exaudiébas eos: * Deus tu propítius fuísti eis, et ulciscens in omnes adinventiónes eórum.

Exaltáte Dóminum Deum nostrum, et adoráte in monte sancto ejus: * quóniam sanctus Dóminus Deus noster.

Ant. Nato Dómino, Angelórum chorus canébat, dicens: Salus Deo nostro, sedénti super thronum, et Agno.

℣. Notum fecit Dóminus, allelúja. ℞. Salutáre suum, allelúja.

Léctio sancti Evangélíi secúndum Lucam.

Lectio vii. Cap. 2. c.

In illo témpore: Postquam consummáti sunt dies octo, ut circumciderétur puer: vocátum est nomen ejus Jesus. Et réliqua.

Homília sancti Ambrósii Episcopi.

Lib. 2. in cap. 2. Lucæ, circa med.

Circumcíditur itaque puer. Quis est iste puer, nisi ille, de quo dictum est: Puer natus est nobis, filius datus est nobis? Factus est enim sub lege, ut eos, qui sub lege essent, lucrífaceret. Ut sisterent eum Dómino. Quid sit autem in Jerúsalem sisti Dómino, dícerem, nisi in Isaíæ comméntis ante dixíssem. Circumcísus enim vítiis, Domínico dignus judicátur obtútu: quia óculi Dómini super justos. Vides omnem legis véteris sériem fuisse typum

futúri: nam et circumcísio purgatióem significat delictórum.

R. Sancta et imaculáta virgíntas, quibus te laúdibus éfferam néscio: * Quia quem cœli cápere non póterant, tuo grémio contulisti. V. Benedícta tu in muliéribus, et benedíctus fructus ventris tui. Quia.

Bened. Divínium auxiliúm máneat.

Lectio viii.

Sed quóniam prona quadam cupiditate peccándi, humanæ carnis et mentis fragilitas inextricabilibus vítiis implicátur, eo per octávum circumcisióis diem culpæ totíus futúra purgatio, resurrectiόνis præfigurabátur ætáte. Hoc est enim illud: Quia omne masculinum adapériens vulvam, sanctum Dómino vocábitur. Verbis enim legis promittebátur Virgínis partus. Et vere sanctus, quia imaculátus. Dénique ipsum esse, qui lege signétur, in eúmdem modum ab Angelo repetíta verba declárant: Quod nascétur, inquit, Sanctum, vocábitur Filius Dei.

R. Nésciens mater virgo virum, péperit sine dolore: * Salvatórem sæculórum, ipsum Regem Angelórum, sola virgo lactábat úbere de cœlo pleno. V. Domus pudíci pectoris templum repénite fit Dei: intácta nésciens virum, verbo concépit Fílium. Salvatórem. Glória Patri. Salvatórem.

Lectio ix.

Solus enim per ómnia ex natis de fémína sanctus Dóminus Jesus, qui terrénæ contágia corruptelæ, imaculáti partus novitate non senserit, et cœlesti majestate

depúlerit. Nam si litéram sequámur: quómodo sanctus omnis másculus, cum multos sceleratíssimos fuisse non láteat? Numquid sanctus Achab? Numquid sancti pseudoprophétæ, quos ad Eliæ preces ultor cœlestis injúriæ ignis absumpsit? Sed ille sanctus, quem in figura futúri mystérii pia legis divínæ præscripta signábant; eo quod solus sanctæ Ecclesiæ virginis ad generándos pópulos Dei, imaculátæ fœcunditátis aperíret genitále secrétum.

Te Deum laudámus. 14.

Ad Laudes

et per Horas.

Ant. 1. O admirábile commercium: * Creátor géneris humani, animátum corpus sumens, de Virgine nasci dignátus est: et procedens homo sine sémine, largítus est nobis suam Deitátem.

Psalm. Dóminus regnávít. cum reliquis. 15.

2. Quando natus es * ineffabíliter ex Virgine, tunc implétæ sunt Scriptúræ: sicut plúvia in vellus descendísti, ut salvum fáceres genus humanum: te laudámus Deus noster.

3. Rubum quem víderat Móyses * incombústum, conservátam agnovimus tuam laudábilem virginitátem: Dei Génitrix, intercède pro nobis.

4. Germinávít radix Jesse, * orta est stella ex Jacob: Virgo péperit Salvatórem: te laudámus Deus noster.

5. Ecce María génuit * nobis Salvatórem, quem Joánnes videns exclamávít, dicens: Ecce Agnus Dei,

ecce qui tollit peccáta mundi, allelúja.

Capitulum.

Tit. 2. c.

Appáruit grátia Dei Salvatóris nostri ómnibus homínibus, erúdiens nos, ut abnegántes impietátem, et sæculária desidéria, sóbrie, et juste, et pie vivámus in hoc sæculo.

Hymnus.

A solis ortus cárdine
Ad usque terræ límitem,
Christum canámus Príncipem,
Natum María Vírgine.

Beátus auctor sæculi
Servíle corpus índuit:
Ut carne carnem líberans,
Ne pérderet quos cóndidit.

Castæ paréntis víscera
Cœléstis intrat grátia:
Venter Puéllæ bájulat
Secréta, quæ nòn nóverat.

Domus pudíci pectoris
Templum repénite fit Dei:
Intácta nésciens virum,
Concépit alvo Fílium.

Enítitur puérpera,
Quem Gábriel prædixerat,
Quem ventre matris géstiens,
Baptísta clausum sénserat.

Fœno jacére pértulit:
Præsépe non abhórruit:
Et lacte módico pastus est,
Per quem nec ales ésurit.

Gaudet chorus cœléstium,
Et Angeli canunt Deo;
Palámque fit pastóribus
Pastor, Creátor ómnium.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempitérna sæcula. Amen.

℣. Verbum caro factum est, allelúja. ℞. Et habitávit in nobis, allelúja.

Ad Bened. Ant. Mirábile mystérium declarátur hódie: innovántur naturæ, Deus homo factus est: id quod fuit permánsit, et quod non erat assúmpsit; non commixtióne passus, neque divisióne.

Oratio.

Deus, qui salutis æternæ, beatæ Mariæ virginitate fœcúnda, humano géneri præmia præstitisti: tribue quæsumus; ut ipsam pro nobis intercédere sentiámus, per quam merúimus auctórem vitæ suscípere, Dóminum nostrum Jesum Christum Fílium tuum: Qui tecum vivit et regnat.

Ad Tertiam.

Ant. Quando natus es.

Capit. Appáruit grátia.

℞. br. Verbum caro factum est, * Allelúja, allelúja. Verbum. ℣. Et habitávit in nobis. Allelúja, allelúja. Glória Patri. Verbum.

℣. Ipse invocábit me, allelúja. ℞. Pater meus es tu, allelúja.

Ad Sextam.

Ant. Rubum quem viderat Móyses.

Capitulum.

Hebr. 1. c.

Et: Tu in princípio Dómine terram fundásti: et ópera mánuum tuárum sunt cœli.

℞. br. Notum fecit Dóminus, * Allelúja, allelúja. Notum. ℣. Salutare suum. Allelúja, allelúja. Glória Patri. Notum.

℣. Vidérunt omnes fines terræ, allelúja. ℞. Salutare Dei nostri, allelúja.

Ad Nonam.

Ant. Ecce María genuit.

Capitulum. Hebr. 1. c.

Ipsi peribunt, tu autem permanébis; et omnes sicut vestiméntum veteráscent: et velut amíctum mutábis eos, et mutabúntur: tu autem idem ipse es, et anni tui non defícient.

R. br. Vidérunt omnes fines terræ, * Allelúja, allelúja. Vidérunt. V. Salutare Dei nostri. Allelúja, allelúja. Glória Patri. Vidérunt.

V. Verbum caro factum est, allelúja. R. Et habitávit in nobis, allelúja.

In II. Vesperis.

Ant. de Laudibus 231; Psalmi ut in Festis B. M. V. [133]; Capit. et Hymn. ut in I. Vesperis. 223.

V. Notum fecit Dóminus, allelúja. R. Salutare suum, allelúja.

Ad Magnif. Ant. Magnum hæreditátis mystérium: templum Dei factus est úterus nesciéntis virum: non est pollútus ex ea carnem asúmens: omnes gentes vénient, dicéntes: Glória tibi Dómine.

Oratio ut supra in Laud. 232.

Deinde pro S. Stephano.

Ant. Stéphanus autem plenus grátia et fortitúde, faciébat signa magna in pópulo.

V. Stéphanus vidit coelos apértos. R. Vidit et introívit: beátus homo, cui coeli patébant.

Oratio.

Omnípotens sempitérne Deus, qui primítias Mártyrum in beáti Levítæ Stéphani ságuine dedicásti: tríbe quæsumus; ut pro nobis intercéssor exsístat, qui pro suis étiam persecutóribus exorá-

vit Dóminum nostrum Jesum Christum Fílium tuum: Qui tecum vivit et regnat.

De aliis Octavis in his Vesperis nihil fit.

In Octava Sancti Stephani.

Duplex.

Ad Matutinum.

Invit. Christum natum, qui beátum hódie coronávit Stéphanum, * Veníte adorémus.

Ps. Veníte, exsultémus. 2.

Hymn., Ant., Ps. et VV. Noct. de Comm. unius Mart. [22]

In I. Nocturno.**De Actibus Apostolorum.**

Lectio i. Cap. 7. f. et 8.

Dura cervíce, et incircumcísis córdibus et aúribus, vos semper Spíritui sancto resistitis, sicut patres vestri, ita et vos. Quem Prophetárum non sunt persecúti patres vestri? Et occidérunt eos, qui prænuntiábant de advéntu Justi, cujus vos nunc proditóres, et homicídæ fuístis: qui accepístis legem in dispositióne Angelórum, et non custodístis. Audiéntes autem hæc, dissecabántur córdibus suis, et stridébant déntibus in eum.

R. Stéphanus autem plenus grátia et fortitúde, * Faciébat prodígia et signa magna in pópulo. V. Surrexérunt quidam de synagóga disputántes cum Stéphano, et non póterant resistere sapiéntiæ et Spíritui qui loquebátur. Faciébat.

Lectio ii.

Cum autem esset plenus Spíritu sancto, inténdens in coelum, vi-

dit glóriam Dei, et Jesum stantem a dextris Dei. Et ait: Ecce vídeo cœlos apértos, et Fílium hóminis stantem a dextris Dei. Exclamántes autem voce magna, continuérunt aures suas, et ímpetum fecérunt unánimiter in eum. Et ejiciéntes eum extra civitátem lapidábant: et testes deposuérunt vestiménta sua secus pedes adolescéntis, qui vocabátur Saulus. Et lapidábant Stéphanum invocántem, et dicéntem: Dómine Jesu súscipe spíritum meum.

R. Vidébant omnes Stéphanum, qui erant in concílio: * Et intuebántur vultum ejus tamquam vultum Angeli stantis inter illos. V. Plenus grátia et fortitúdine, faciébat prodígia et signa magna in pópulo. Et.

Lectio iii.

Póstitis autem génibus, clamávit voce magna, dicens: Dómine ne státuas illis hoc peccátum. Et cum hoc dixísset, obdormívit in Dómino. Saulus autem erat conséntiens neci ejus. Facta est autem in illa die persecútio magna in Ecclésia, quæ erat Jerosólymis: et omnes dispérsi sunt per regiónés Judææ et Samariæ, præter Apóstolos. Curavérunt autem Stéphanum viri timoráti, et fecérunt planctum magnum super eum.

R. Intuens in cœlum beátus Stéphanus, vidit glóriam Dei, et ait: * Ecce vídeo cœlos apértos, et Fílium hóminis stantem a dextris virtútis Dei. V. Cum autem esset Stéphanus plenus Spíritu sancto, inténdens in cœlum, vidit glóriam Dei, et ait. Ecce. Glória. Ecce.

In II. Nocturno.

Sermo sancti Augustíni Epíscopi.

Serm. 2. de S. Stephano.

Lectio iv.

Post hestérnum festivíssimum diem, quo Salvatóris nostri Christi nobis Nativitas illúxit, étiam hodiérnus dies beáti Mártyris Stéphaní coróna illustrátur. Mártyris illíus mérita nulla pars orbis ignórat: passus enim est in ipso princípío Ecclésiæ, id est, in ipsa urbe Jerosólýma. Ibi enim Diáconus ministrávit: et in ipso juventútis flore decórem ætátis suæ sángine purpurávit. Pásio ejus insígnis est, multúmque mirábilis. Hanc modo de libro Actuum Apostolorum, cum legérétur, non solum audívimus, sed étiam oculis spectávimus.

R. Lapidábant Stéphanum invocántem et dicéntem: * Dómine Jesu Christe, áccipe spíritum meum, et ne státuas illis hoc peccátum. V. Póstitis autem génibus, clamávit voce magna, dicens. Dómine.

Lectio v.

Christus ergo caput Mártyrum prior passus est pro nobis, relínquens vobis exéplum, ut sequámini vestígia ejus. Cujus passiónis vestígia prosecútus beatíssimus Stéphanus, confiténdó Christum lapidátus a Judæis, corónam méruit tamquam suo sibi nómine pósitam. Stéphanus enim Græce, Latíne coróna appellátur. Jam coróna nomen habébat, et ideo palmam martýrii suo nómine præférebat.

R. Impetum fecérunt unánimiter in eum, et ejecérunt eum extra civitátem, invocántem et dicéntem:

* Dómine Jesu, áccipe spíritum meum. *V.* Et testes deposuérunt vestiménta sua secus pedes adolescéntis, qui vocabátur Saulus: et lapidábant Stéphanum invocántem et dicéntem. Dómine.

Lectio vi.

Qui cum lapidarétur, non solum non expectábat de persecutóribus reportáre vindíctam, sed eis pótius a Deo véniam postulábat. Memínerat enim dixísse Dóminum: Mihi vindíctam, ego retribuam, dicit Dóminus. Et iterum: Ne díxeris, Ulcísca me de inimícis meis; sed exspécta Dóminum, ut tibi auxílio sit. Exspectáre nos jubet Dóminus Deus, ut in die futúráe retributiónis cum sanctis Mártiribus vindicémur.

R. Impií super justum jactúram fecérunt, ut eum morti tráderent: * At ille gaudens suscepit lápides, ut mererétur accípere corónam glóriæ. *V.* Continuérunt aures suas, et ímpetum fecérunt unanimiter in eum. At. Glória Patri. At.

In III. Nocturno.

Lectio sancti Evangélíi secúndum Matthæum.

Lectio vii. Cap. 23. d.

In illo témpore: Dicébat Jesus scribis et pharisæis: Ecce ego mitto ad vos prophétas, et sapiéntes, et scribas: et ex illis occidétis, et crucifigétis. Et reliqua.

Homília sancti Hierónymi
Presbýteri.

Lib. 4. Comment. in cap. 23. Matth.

Jerúsalem, Jerúsalem, quæ occidís prophétas. Jerúsalem, non saxa et ædificia civitátis, sed habitatóres vocat: quam plan-

git patris afféctu, sicut et in álio loco légimus, quod videns eam, fléverit. In eo autem quod dicit: Quóties vólui congregáre filios tuos: omnes retro prophétas a se missos esse testátur. Gallínæ quoque similitúdinem congregántis sub alas pullos suos, in cántico Deuteronomíi légimus: Sicut áquila prótegit nidum suum, et super pullos suos desiderávit: expándens alas suas, suscepit eos, et tulit super pennas suas.

R. Stéphanus, servus Dei, quem lapidábant Judæi, vidit cœlos apértos: vidit, et introívit: * Beátus homo, cui cœli patébant. *V.* Cum igitur saxórum crepitántium túrbine quaterétur, inter æthéreos aulæ cœléstis sinus divína ei cláritas fulsit. Beátus.

Lectio viii.

Ecce relinquétur vobis domus vestra desérta. Hoc ipsum ex persóna Jeremíæ jam ante díxerat: Relíqui domum meam, dimísi hæreditátem meam: facta est mihi hæreditas mea quasi spelúnca hyænæ. Desértam Judæórum domum, id est, templum illud, quod fulgébat augústius, óculis comprobámus, quia habitatórem Christum pérdidit, et hæreditátem præripere géstiens, occidit hærédem.

R. Patefáctæ sunt jánuæ cœli Christi Mártýri beáto Stéphano, qui in número Mártýrum invéntus est primus: * Et ideo triúmphat in cœlis coronátus. *V.* Mortem enim, quam Salvátor noster dignátus est pro nobis pati, hanc ille primus réddidit Salvatóri. Et ideo. Glória Patri. Et ideo.

Lectio ix.

Dico enim vobis: Non me vidēbitis ámodo, donec dicátis: Benedíctus qui venit in nómine Dómini. Ad Jerúsalem lóquitur, et ad pópulum Judæórum. Versículum autem istum, quo et párvuli atque lacténtes in ingrèssu Jerúsalem Dómini Salvatóris usi sunt, quando dixerunt: Benedíctus qui venit in nómine Dómini, hosánna in excélsis, sumpsit de centésimo décimo séptimo Psalmo, qui manifeste de advéntu Dómini scriptus est.

Te Deum laudámus. 14.

Ad Laudes et per Horas, omnia ut in die Festi. 196, præter Orationem sequentem.

Oratio.

Omnípotens sempitérne Deus, qui primitias Mátyrum in beáti Levítæ Stéphani sángine dedicásti: tríbe quæsumus; ut pro nobis intercéssor exsístat, qui pro suis étiam persecutóribus exorávit Dóminum nostrum Jesum Christum Fílium tuum: Qui tecum vivit.

Et fit commem. de S. Joanne.

Ant. Iste est Joánnes, qui supra pectus Dómini in cœna recúbuit: beátus Apóstolus cui reveláta sunt secréta cœléstia.

V. Hic est discípulus ille, qui testimoníum pérhibet de his. R. Et scimus quia verum est testimoníum ejus.

Oratio.

Ecclésiám tuam, Dómine, benígnus illústra: ut beáti Joánnis Apóstoli tui et Evangelistæ illumináta doctrínis, ad dona pervéniat sempitérna.

Postea de Ss. Innocentibus.

Ant. Hi sunt qui cum muliéribus non sunt coinquináti: vírgines enim sunt, et sequúntur Agnum quocúmque ierit.

V. Heródes irátus occídít multos púeros. R. In Béthlehem Judæ civitáte David.

Oratio.

Deus, cujus hodiérna die præcónium Innocéntes Mátyres non loquendo, sed moriendo conféssi sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam móribus vita fateátur. Per Dóminum.

In II. Vesperis.

Ant. de Laud. Festi. 196. Ps. ut in II. Vesp. de Comm. unius Mart. [31] et ult. loc. Ps. 115. Crédidi. ibid.

Deinde fit de S. Joanne.

Capitulum. Eccli. 15.

Qui timet Deum, fáciat bona: et qui cóntinens est justítiæ, apprehéndet illam, et obviábit illi quasi mater honorificáta.

Hymnus.

Exsúltet orbis gaúdiis:
Cœlum resúltet laúdibus:

Apostolórum glóriam

Tellus et astra cóncinunt.

Vos sæculórum júdices,

Et vera mundi lúmina:

Votis precámur córdium,

Audíte voces súpplicum.

Qui templa cœli cláuditis,

Serásque verbo sólvitis,

Nos a reátu nóxios

Solvi jubéte, quæsumus.

Præcépta quorum prótinus

Languor salúsque séntiunt,

Sanáte mentes lánguidas,

Augéte nos virtútibus.

Ut, cum redíbit Arbiter
In fine Christus sǽculi,
Nos sempitérni gáudii
Concédat esse cómpotes.

Jesu, tibi sit glória,
Qui natus es de Vírgine,
Cum Patre, et almo Spíritu,
In sempitérna sǽcula.
Amen.

Ÿ. Valde honorándus est beátus Joáñnes. R. Qui supra pectus Dómini in cœna recúbuit.

Ad Magnif. Ant. Iste est Joáñnes, qui supra pectus Dómini in cœna recúbuit: beátus Apóstolus, cui reveláta sunt secréta cœléstia.

Oratio.

Ecclésiám tuam, Dómine, benígnus illústra: ut beáti Joáñnis Apóstoli tui et Evangelístæ illumináta doctrínis, ad dona pervéniant sempitérna. Per Dóminum.

Pro S. Stephano.

Ant. Sepeliérunt Stéphanum viri timoráti, et fecérunt planctum magnum super eum.

Ÿ. Stéphanus vidit cœlos apértos. R. Vidit et introívit: beátus homo, cui cœli patébant.

Oratio.

Omnípotens sempitérne Deus, qui primítias Mátyrum in beáti Levítæ Stéphani ságuine dedicásti: tribue quǽsumus; ut pro nobis intercæssor exsístat, qui pro suis étiam persecutóribus exorávit Dóminum nostrum Jesum Christum Filium tuum.

Pro Ss. Innocentibus.

Ant. Innocéntes pro Christo infántes occísi sunt, ab iníquo rege lacténtes interfécti sunt: ipsum se-

quúntur Agnum sine mácula, et dicunt semper: Glória tibi Dómine.

Ÿ. Sub throno Dei omnes sancti clamant. R. Víndica ságuinem nostrum Deus noster.

Oratio.

Deus, cujus hodiérna die præcónium Innocéntes Mátyres non loquendo, sed moriendo conféssi sunt: ómnia in nobis vitiórum mala mortífica; ut fidem tuam, quam lingua nostra lóquitur, étiam móribus vita fateátur. Per Dóminum.



In Octava S. Joannis.

Duplex.

Omnia ut in Communi Apost. [2] præter Lectiones.

In I. Nocturno.

De libro Apocalýpsis beáti Joáñis Apóstoli.

Lectio i.

Cap. 4.

Post hæc vidi: et ecce óstium apértum in cœlo: et vox prima, quam audivi tamquam tubæ loquéntis mecum, dicens: Ascénde huc, et osténdam tibi quæ opórtet fieri post hæc. Et statim fui in spíritu: et ecce sedes pósita erat in cœlo, et supra sedem sedens. Et qui sedébat, símilis erat aspéctui lápidis jáspidis et sárdinis: et iris erat in circúitu sedis, símilis visióni smarágdinæ. Et in circúitu sedis sedília viginti quátuor: et super thronos viginti quátuor senióres sedéntes, circumamícti vestiméntis albis, et in capítibus eórum corónæ aúreæ.

R. Valde honorándus est beátus Joáñnes, qui supra pectus Dómini

in cœna recubuit: * Cui Christus in cruce matrem virginem virgini commendavit. *V.* Virgo est electus a Domino, atque inter ceteros magis dilectus. Cui.

Lectio ii.

Et de throno procedebant fulgura, et voces, et tonitrua: et septem lampades ardentes ante thronum, qui sunt septem spiritus Dei. Et in conspectu sedis tamquam mare vitreum simile crystallo: et in medio sedis, et in circuitu sedis quatuor animalia plena oculis ante et retro. Et animal primum simile leoni, et secundum animal simile vitulo, et tertium animal habens faciem quasi hominis, et quartum animal simile aquilæ volanti. Et quatuor animalia, singula eorum habebant alas senas: et in circuitu, et intus plena sunt oculis.

R. Hic est discipulus ille, qui testimonium perhibet de his, et scripsit hæc: * Et scimus quia verum est testimonium ejus. *V.* Fluente Evangelii de ipso sacro Domini pectoris fonte potavit. Et.

Lectio iii.

Et requiem non habebant die ac nocte, dicentia: Sanctus, Sanctus, Sanctus Dominus Deus omnipotens, qui erat, et qui est, et qui venturus est. Et cum darent illa animalia gloriam, et honorem, et benedictionem sedenti super thronum, viventi in sæcula sæculorum, procidebant viginti quatuor seniores ante sedentem in throno, et adorabant viventem in sæcula sæculorum, et mittebant coronas suas ante thronum, dicentes: Dignus

es Domine Deus noster accipere gloriam, et honorem, et virtutem: quia tu creasti omnia, et propter voluntatem tuam erant, et creata sunt.

R. Hic est beatissimus Evangelista et Apostolus Joannes, * Qui privilegio amoris præcipui, ceteris altius a Domino meruit honorari. *V.* Hic est discipulus ille, quem diligebat Jesus, qui supra pectus Domini in cœna recubuit. Qui. Gloria Patri. Qui.

In II. Nocturno.

Ex Tractatu sancti Augustini
Episcopi in Joannem.

Lectio iv. Tract. 36.

In quatuor Evangeliiis, vel potius quatuor libris unius Evangelii, sanctus Joannes Apostolus non immerito secundum intelligentiam spiritalem aquilæ comparatus, altius multoque sublimius aliis tribus erexit prædicationem suam: et in ejus erectione etiam corda nostra erigi voluit. Nam ceteri tres Evangelistæ tamquam cum homine Domino in terra ambulant, et de divinitate ejus pauca dixerunt: istum autem quasi piguerit in terra ambulare, sicut ipso exordio sui sermonis intonuit, erexit se non solum super terram, et super omnem ambitum aeris et cœli, sed super omnem etiam exercitum Angelorum, omnemque constitutionem invisibilium potestatum: et pervenit ad eum, per quem facta sunt omnia, dicendo: In principio erat Verbum, et Verbum erat apud Deum, et Deus erat Verbum.

R. Qui vicerit, faciam illum columnam in templo meo, dicit Dó-

minus: * Et scribam super eum nomen meum, et nomen civitatis novæ Jerúsalem. *Ÿ.* Vincénti dabo édere de ligno vitæ, quod est in paradíso Dei mei. Et.

Lectio v.

Huic tantæ sublimitáti princípíi étiam cétera cóngrua prædicávit, et de Dómini divinitáte, quómodo nullus álius, est locútus: hoc ructábat, quod bíberat. Non enim sine causa de illo in isto ipso Evangélio narrátur, quia et in convívio super pectus Dómini discumbébat. De illo ergo pectore in secréto bibébat, sed quod in secréto bibit, in manifestó eructávit: ut pervéniat ad omnes gentes non solum incarnátio Fílii Dei, pássio, et resurréctio, sed étiam quod erat ante incarnatióem únicus Patri, Verbum Patris, coætérnus generánti, æquális ei a quo missus est.

R. Diligébat autem eum Jesus, quóniam speciális prærogatíva castitátis amplióri dilectiône fécerat dignum: * Quia virgo eléctus ab ipso, virgo in ævum permánsit. *Ÿ.* In cruce dénique moritúrus, huic matrem suam vírginem vírgini commendávit. Quia.

Lectio vi.

Aquila ipse est Joánnes, sublímius prædicátor, et lucis intérnæ atque ætérnæ fixis óculis contemplátor. Dicúntur enim et pulli aquilárum a paréntibus sic probári, patris scílicet ungue suspéndi, et rádiis solis oppóni. Qui firme contemplátus fúerit, filius agnóscitur: si ácie palpitáverit, tamquam adulterínus ab ungue dimíttitur. Jam ergo vidéte, quam

sublímia loqui débuit, qui est áquilæ comparátus: et tamen étiam nos humi repéntes, infirmi, et vix ullíus moménti inter hómines, audémus tractáre ista, et ista expónere: et putámus nos aut cápere posse cum cogitámus, aut capidum dícimur.

R. In médio Ecclesiæ apéruiť os ejus, * Et implévit eum Dóminus spírítu sapiéntiæ et intelléctus. *Ÿ.* Jucunditátem et exsultatióem thesaurizávit super eum. Et. Glória Patri. Et.

In III. Nocturno.

Léctio sancti Evangélii secúndum Joánnem.

Lectio vii. Cap. 21. d.

In illo témpore: Dixit Jesus Petro: Séquere me. Convérsus Petrus, vidit illum discípulum, quem diligébat Jesus, sequéntem. Et reliqua.

Homília sancti Joánnis Chrysóstomi.

Hom. 87. in Joann., circa med.

Cum magna Christus Petro comunicásset, orbis terrárum curam demandásset, martýrium prædixisset, et majórem erga eum dilectiόnem testátus esset: cum vellet Petrus Joánnem sócium et collégam, inquit: Hic autem quid? Numquid eámdem viam aggrediétur? Et quem ádmodum in cœna interrogáre non ausus, Joánnem suffécit; ita nunc vicem reddit, arbitrátus eum velle, sed non audére de se sciscitári. Tum Christus: Si eum volo manére donec véniam, quid ad te?

R. In illum diem suscípíam te servum meum, et ponam te sicut

signáculum in conspéctu meo: * Quóniam ego elégi te, dicit Dóminus. *V.* Esto fidélis usque ad mortem, et dabo tibi corónam vitæ. Quóniam.

Lectio viii.

Nam cum nímia id caritaté diceret Petrus, nec ab eo dívidi vellet, osténdens Christus, quod quantávis eum dilectióne prosequerétur, suam ássequi non posset, inquit: Si eum volo manére, quid ad te? His verbis nos erúdiens, neque doléndum, neque curíusius præter divínam voluntátem investigándum. Nam cum Petrus semper in hujúsmodi interrogatiónes fervéntius prosilíret, íterum ejus fervórem retúndens, quod non sit ultérius inquiréndum, in hunc modum respóndit.

R. Iste est Joánnes, qui supra pectus Dómini in cœna recúbuit: * Beátus Apóstolus, cui reveláta sunt secréta cœléstia. *V.* Fluénta Evangélii de ipso sacro Domínici pectoris fonte potávit. Beátus. Glória Patri. Beátus.

Lectio ix.

Exiit ergo sermo iste inter fratres, quod discípus ille non móritur: et non dixit ei Jesus, quia non móritur; sed, Si eum volo manére donec véniam quid ad te? Noli arbitrári, inquit, eódem modo me de vobis disposuísse. Hoc autem dixit, ut intempestívum affectum, et consuetúdinis desidérium tólleret. Cum enim essent orbis terrárum curam susceptúri, simul ámplius esse non oportébat: magnum enim fuísset mundo detrimentum. Idcíro inquit: Opus

suscepísti, id considéra: pérfice, labóra, et te certamínibus expóne. Quid ad te, si volo eum manére hic? tu officium tuum cura, et exséquare.

Te Deum laudámus. 14.

Ad Laudes et per Horas, omnia ut in Festo. 201.

Pro commem. Ss. Innocentium.

Ant. Hi sunt, qui cum muliéribus non sunt coinquináti: Vírgines enim sunt, et sequúntur Agnum quocúmque íerit.

V. Heródes irátus occidit multos púeros. *R.* In Béthlehem Judæ civitáte David.

Oratio.

Deus, cujus hodiérna die præcónium Innocéntes Mártyres non loquéndum, sed moriéndum conféssi sunt: ómnia in nobis vitiórum mala mortifica; ut fidem tuam, quam lingua nostra lóquitur, étiam móribus vita fateátur. Per Dóminum.

In II. Vesperis.

Ant. de Laud. Festi. 201. *Ps.* ut in II. Vesperis de Communi Apost. [13]

Capitul. et alia ut in die. 202, cum Commem. Ss. Innocentium, *Ant.* Hi sunt. *V.* Heródes. *Oratio.* Deus, cujus hodiérna. 203.



In Octava Ss. Innocentium.

Duplex.

Ad Matutinum.

Invit. Regem Mártyrum Dóminum, * Veníte adorémus.

Ps. Veníte, exsultémus. 2.

Hymnus.

Audit tyránnus ánxius
Adésse regum Príncipem,
Qui nomen Israél regat,
Teneátque David régiam.

Exclámat amens núntio:
 Succéssor instat, péllimur:
 Satélles, i, ferrum rape:
 Perfúnde cunas ságuine.

Quid próficit tantum nefas?
 Quid crimen Heródem juvat?
 Unus tot inter fúnera
 Impúne Christus tóllitur.

Jesu, tibi sit glória,
 Qui natus es de Vírgine,
 Cum Patre, et almo Spíritu
 In sempitérna sácula. Amen.

Ant., Psalmi et VV. Noct. sumuntur de Comm. plur. Mart. [36], excepta secunda Antiph. III. Noct. quæ dic. ut infra et omittitur ix. Respons., cujus loco dicitur Te Deum laudamus.

In I. Nocturno.

De Epístola ad Romános.

Lectio i. Cap. 5.

Iustificáti ergo ex fide, pacem habeamus ad Deum per Dóminum nostrum Jesum Christum: per quem et habemus accéssum per fidem in grátiam istam, in qua stamus, et gloriámur in spe glóriæ filiórum Dei. Non solum autem, sed et gloriámur in tribulatióibus: sciéntes quod tribulatio patiéntiam operátur: patiéntia autem probatióem, probatio vero spem, spes autem non confúndit: quia caritas Dei diffúsa est in córdibus nostris per Spíritum sanctum, qui datus est nobis.

R. Centum quadragínta quátuor millia, qui empti sunt de terra, hi sunt qui cum muliéribus non sunt coinquináti: * Vírgines enim permansérunt, ideo regnant cum Deo, et Agnus Dei cum illis. V. Isti sunt qui venérunt ex magna tribula-

tióne, et lavérunt stolas suas in ságuine Agni. Vírgines.

Lectio ii.

Ut quid enim Christus, cum adhuc infirmi essémus, secúndum tempus pro ímpiis mórtuus est? Vix enim pro justo quis móritur: nam pro bono fórsitan quis aúdeat mori. Comméndat autem caritátem suam Deus in nobis: quóniam cum adhuc peccatóres essémus, secúndum tempus Christus pro nobis mórtuus est: multo igitur magis nunc justificáti in ságuine ipsíus, salvi érimus ab ira per ipsum.

R. Sub altáre Dei audívi voces occisórum dicéntium: * Quare non deféndis ságuinem nostrum? Et accepérunt divínium respónsum: Adhuc sustinéte módicum tempus, donec impleátur númerus fratrum vestrórum. V. Vidi sub altáre Dei ánimas interfectórum propter verbum Dei, et propter testimónium quod habébant, et clamábant voce magna, dicéntes. Quare.

Lectio iii.

Si enim cum inimíci essémus, reconciliáti sumus Deo per mortem Filii ejus: multo magis reconciliáti, salvi érimus in vita ipsíus. Non solum autem: sed et gloriámur in Deo per Dóminum nostrum Jesum Christum, per quem nunc reconciliationem accépimus. Proptérea sicut per unum hóminem peccátum in hunc mundum intrávit, et per peccátum mors, et ita in omnes hómines mors pertránsiit, in quo omnes peccavérunt.

R. Adoravérunt vivéntem in sácula sæculórum, * Mitténtes coró-

nas suas ante thronum Dómini Dei sui. *V.* Et cecidérunt in conspéctu throni in fácies suas: et benedixerunt vivéntem in sǎcula sǎculórum. Mitténtes. Glória Patri. Miténtes.

In II. Nocturno.

Sermo sancti Augustíni Epíscopi.

Sermo 1. de Innocentibus.

Lectio iv.

Nascénte Dómino luctus cœpit, non cœlo, sed mundo: indicitur mátribus lamentátio, Angelis exsultátio, infántibus transmigrátio. Deus est, qui natus est: Innocéntes illi debéntur víctima, qui venit damnáre mundi malítiam. Agnélli debent immolári, quia Agnus futúrus est crucifígi, qui tollit peccáta mundi. Sed oves úlulant matres, quia agnos perdunt sine voce balántes. Grande mártýrium, crudéle spectáculum! Exímitur machæra, et nulla intérvénit causa: sola stridet invídia, cum qui natus est, nulli fáciat violéntiam. Sed oves cérnimus matres, quæ super agnos lugent. Vox in Rama audíta est, plorátus et ululátus magnus. Pígnora sunt, non crédita, sed creáta: non depósita, sed expósita.

R. Effudérunt sánguinem sanctórum velut aquam in circúitu Jerúsalem: * Et non erat qui sepe líret. *V.* Posuérunt mortália servórum tuórum escas volatilibus cœli, carnes sanctórum tuórum béstiis terræ. Et.

Lectio v.

Testis est ipsa natúra, quæ pugnábat in Mártýres, cum tyránnus jactáret infántes. Mater crines

cápitis dissipábat, quæ ornaméntum cápitís amittébat. Quantis modis infántem volébat abscóndere, et ipse se infántulus publicábat! Nesciébat tacére, quia necdum dídicerat formidáre. Pugnábat mater, et cárnifex: ille trahébat, illa tenébat. Ad cárníficem mater clamábat: Quid séparas a me, quem génui ex me? Úterus génuit, non mansit ille, cum vixit, úbera mea frustra lacte contórquens. Caute portávi, quem a te vídeo manu crudéli jactári. Modo eum effuderunt víscera mea, et tu elídis ad terram.

R. Isti sunt sancti, qui passi sunt propter te Dómine: víndica eos, * Quia clamant ad te quotidie. *V.* Víndica Dómine sánguinem sanctórum tuórum, qui effúsus est. Quia.

Lectio vi.

Alia acclamábat mater, cum exáctor latro non compélleret simul occídi cum párvulo matrem: Ut quid me dimíttis inánem? Si culpa est, mea est: si non est crimen, junge mortem, et líbera matrem. Alia dicébat: Quid quæritis? Unum quæritis, et multos occíditis, et ad unum, qui unus est, attingere non potéstis. Alia contra clamábat: Veni jam, veni Salvátor mundi, quámduu quærerís? Nullum times: vídeat te miles, et nostros non occídat infántes. Miscebátur lamentátio matrum, et ad cœlum transibat oblátio parvulórum.

R. Isti sunt, qui non inquinavérunt vestiménta sua: * Ambulábunt mecum in albis, quia digni sunt. *V.* Hi sunt, qui cum muliéri-

bus non sunt coinquináti: Vírgines enim sunt. Ambulábunt. Glória Patri. Ambulábunt.

In III. Nocturno.

Ant. Justi autem in perpétuum vivent, et apud Dóminum est merces eórum.

Ps. 32. Exsultáte justi. [41]

Ant. Isti sunt qui venérunt ex magna tribulatióne, et lavérunt stolas suas in ságuine Agni.

Ps. 33. Benedícam Dñm. [42]

Ant. Ecce merces sanctórum copiósa est apud Deum: ipsi vero mórtui sunt pro Christo, et vivent in ætérnum.

Ps. 45. Deus noster refúgium. [42]

V. Justi autem in perpétuum vivent. R. Et apud Dóminum est merces eórum.

Léctio sancti Evangélii secúndum Matthæum.

Lectio vii.

Cap. 2. c.

In illo témpore: Angelus Dómini appáruit in somnis Joseph, dicens: Surge, et áccipe púerum, et matrem ejus, et fuge in Ægýptum: et esto ibi usque dum dicam tibi. Et réliqua.

Homilia sancti Joánnis Chrysóstomi.

Ex Hom. 8. in Matth., ante med.

Quæ cum audísset Joseph, nequáquam passus est scándalum, neque dixit: Incérta ista res est, ac prorsus ambígua. Tu paulo ante dicébas, quia salvábit pópulum suum, et nunc seípsum quidem non potest de periculis liberáre: sed fuga nobis est necesária, et peregrinátio, ac transmi-grátio longínqua. Contrária omni-

no sunt facta promíssis. Sed horum nihil prorsus oppónit: vir enim erat fidélis: neque reversiónis tempus curióse inquirit, quod útique ab Angelo non signáte fúerat expréssum: sed: Esto ibi, inquit, úsquequo dicam tibi.

R. Cantábant sancti cánticum novum ante sedem Dei et Agni: * Et resonábat terra in voces eórum. V. Hi empti sunt ex homínibus primítiae Deo et Agno, et in ore ipsórum non est invéntum mendácium. Et resonábat.

Lectio viii.

Verum ille nec per ista quidem factus est ségnior, sed obedívit libénter, et crédidit, omnes prorsus tribulatiónes cum gáudio sustinéndó. Enimvéro miséricors Deus móestis rebus quædam étiam jucúnda permíscuit. Quod certe in sanctis ómnibus facit, quos neque tribulatiónes, neque jucunditátes sinit habére continuas: sed tum de advérsis, tum ex prósperis justórum vitam quasi admirábili varietáte contéxit. Quod hic quoque eum fecísse consídera.

R. Vidi sub altáre Dei ánimas interfectórum propter verbum Dei quod habébant, et clara voce dicébant: * Víndica Dómine ságuinem sanctórum tuórum, qui effúsus est. V. Sub throno Dei omnes sancti clamant. Víndica. Glória Patri. Víndica.

Lectio ix.

Vidéndó quippe sanctus Joseph grávidam Vírginem, in conturbatióne incidit máximam: sed ádfuit repénite Angelus, timórem prorsus exstínguens. Deínde vi-

dens púerum natum, máxima exsultatione replétus est: sed rursus huic étiam gáudio periculum grande succéssit, cum tota útique civitas turbarétur, ipse rex fúreret, et ad necem púerum quæreretur. Sed et hunc mœrórem ália rursus lætítia subsecúta est, apparítio vidélicet stellæ, et adorátio Magórum. Post hanc quoque jucunditatem iterum periculum, iterúmque formído. Quærit, inquit, Heródes ánimam púeri, et fúgere necesse est, et in longínqua transíre.

Te Deum laudámus. 14.

Ad Laudes et per Horas, omnia ut in die Festi. 207, omissis Commemorationibus.

In II. Vesperis.

Ant. de Laud. 207; Ps. de Dom. 108. et loco ult., Ps. 115. Crédidi. 111. et reliqua ut in die. 209.

Post Orat. Ss. Innocentium fit commem. de Vigil. Epiph.

Ant. Puer Jesus proficiébat ætate et sapiéntia coram Deo et homínibus.

V. Notum fecit Dóminus, allelúja. R. Salutare suum, allelúja.

Oratio.

Omnípotens sempitérne Deus, dirige actus nostros in beneplácito tuo: ut in nómine dilécti Fílii tui mereámur bonis opéribus abundáre.

Deinde fit commem. S. Telesphori Papæ et Martyris.

Ant. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

V. Glória et honóre coronásti eum Dómine. R. Et constituísti eum super ópera mánuum tuárum.

Oratio.

Deus, qui nos beáti Telésphori Mártiris tui atque Pontíficis ánnua solemnitate lætíficas: concede propítius; ut cujus natalítia cólimus, de ejúsdem étiam protectióne gaudeámus. Per Dóminum.

In Vigilia Epiphaniæ.

Officium fit Semiduplex.

Ad Matutinum.

Omnia dicuntur ut in Oct. Nativitatis. 224. exceptis Lect. et aliis, quæ infra ponuntur.

In I. Nocturno.

De Epístola ad Romános.

Lectio i.

Cap. 7.

In ignorátis fratres (sciéntibus enim legem loquor) quia lex in hómine dominátur quanto témpore vivit? Nam quæ sub viro est múlter, vivente viro, alligáta est legi: si autem mórtuus fúerit vir ejus, solúta est a lege viri. Igitur, vivente viro, vocábitur adúltera si fúerit cum álio viro: si autem mórtuus fúerit vir ejus, liberáta est a lege viri: ut non sit adúltera si fúerit cum álio viro.

R. Ecce Agnus Dei, ecce qui tollit peccáta mundi: ecce de quo dicebam vobis: Qui post me venit, ante me factus est: * Cujus non sum dignus corrígiam calceaménti sólvare. V. Qui de terra est, de terra lóquitur: qui de cœlo venit, super omnes est. Cujus.

Lectio ii.

Itaque fratres mei et vos mortificáti estis legi per corpus Christi:

ut sitis altérius, qui ex mórtuis resurréxit, ut fructificémus Deo. Cum enim essémus in carne, passiónes peccatórum, quæ per legem erant, operabántur in membris nostris, ut fructificárent morti. Nunc autem solúti sumus a lege mortis, in qua detinebámur, ita ut serviámus in novitáte spíritus, et non in vestustáte litteræ.

R. Dies sanctificátus illúxit nobis: veníte Gentes et adoráte Dóminum: * Quia hódie descendit lux magna in terris. V. Hæc dies quam fecit Dóminus, exsultémus et lætémur in ea. Quia.

Lectio iii.

Quid ergo dicémus? lex peccátum est? Absit. Sed peccátum non cognóvi, nisi per legem: nam concupiscéntiam nesciébam, nisi lex diceret: Non concupísces. Occasióne autem accépta, peccátum per mandátum operátum est in me omnem concupiscéntiam. Sine lege enim peccátum mórtuum erat. Ego autem vivébam sine lege aliquándo. Sed cum venisset mandátum, peccátum revíxit.

R. Benedíctus qui venit in nómine Dómini, Deus Dóminus, et illúxit nobis: * Allelúja, allelúja. V. Hæc dies quam fecit Dóminus, exsultémus et lætémur in ea. Allelúja. Glória Patri. Allelúja.

In II. Nocturno.

Sermo sancti Augustíni Episcopi.

Serm. 13. de Tempore.

Lectio iv.

Dóminus noster Jesus Christus, fratres caríssimi, qui in ætérnum est cunctórum Créator, hódie de matre nascéndo fa-

ctus est nobis Salvátor. Natus est nobis hódie in témpore per voluntátem, ut nos perdúcat ad Patris æternitátem. Factus est Deus homo, ut homo fieret Deus: ut panem Angelórum manducáret homo, Dóminus Angelórum hódie factus est homo.

R. Congratulámini mihi omnes, qui dilígitis Dóminum: * Quia cum essem párvula, plácuí Altíssimo, et de meis viscéribus génui Deum et hóminem. V. Beátam me dicent omnes generatiónes, quia ancíllam húmílem respéxit Deus. Quia.

Lectio v.

Hódie impléta est prophetía illa, quæ dicit: Roráte cœli désuper, et nubes pluant justum: aperiátur terra, et gérminet Salvátorem. Factus est igitur qui fécerat, ut invenirétur qui perierat. Sic enim in Psalmis homo confitétur: Priúsqvam humiliárer, ego peccávi. Peccávit homo, et factus est reus: natus est homo Deus, ut liberarétur reus. Homo igitur cécidit, sed Deus descendit. Cécidit homo miserabíliter, descendit Deus misericórditer. Cécidit homo per supérbiam, descendit Deus cum grátia.

R. Confirmátum est cor Vírginis, in quo divína mystéria Angelo nuntiánte concépit: tunc speciósus forma præ filiis hóminum castis suscepit viscéribus: * Et benedícta in ætérnum, Deum nobis prótulit et hóminem. V. Domus pudíci pectoris, templum repénite fit Dei, intácta nésciens virum, verbo concépit Fílium. Et benedícta in ætérnum.

Lectio vi.

O mirácula, o prodígia, fratres mei! Natúræ jura mutántur in hómine; Deus náscitur, virgo sine viro gravidátur, viri nésciam sermo Dei marítat: simul facta est mater et virgo; mater facta, sed incorrúpta; virgo habens filium, nésciens virum; semper clausa, sed non infœcúnda. Solus enim sine peccáto est natus, quem sine virili compléxu non concupiscéntia carnis, sed obediéntia génuít mentis.

R. Benedícta et venerábilis es Virgo María, quæ sine tactu pudóris invénta es mater Salvatóris: * Jacébat in præsépio, et fulgébat in cœlo. V. Dómine audívi auditum tuum, et tímui: considerávi ópera tua, et expávi: in médio duórum animálium. Jacébat. Glória Patri. Jacébat.

In III. Nocturno.

Léctio sancti Evangélíi secúndum Matthæum.

Lectio vii. Cap. 2. d.

In illo témpore: Defúnto Heróde, ecce Angelus Dómini appáruit in somnis Joseph in Ægýpto, dicens: Surge, et áccipe púerum, et matrem ejus, et vade in terram Israël. Et réliqua.

Homília sancti Hierónymi
Presbýteri.

Lib. 1. Comm. in c. 2. Matth.

Ex hoc loco intelligimus non solum Heródem, sed et sacerdótes et scribas eódem témpore necem Dómini fuisse medítátos. Qui surgens accépit púerum et matrem ejus. Non dixit: Accépit filium suum, et uxórem

suam: sed púerum, et matrem ejus: quasi nutritius, non marítus.

R. Sancta et immaculáta virginitas, quibus te laúdibus éfferam, néscio: * Quia quem cœli cápere non póterant, tuo grémio contulísti. V. Benedícta tu in muliéribus, et benedíctus fructus ventris tui. Quia.

Lectio viii.

Aúdiens autem quod Archeláus regnáret in Judæa pro Heróde patre suo, tímuit illo ire. Multi labúntur erróre propter ignorántiam históriæ, putántes eúndem esse Heródem, a quo in passióne sua Dóminus irridétur, et qui nunc mórtuus esse referátur. Ergo Heródes ille qui cum Piláto póstea amicitias fecit, hujus Heródis filius est, frater Archelái.

R. Nésciens mater virgo virum, péperit sine dolóre: * Salvatórem sæculórum, ipsum Regem Angelórum, sola virgo lactábat úbere de cœlo pleno. V. Domus pudíci pectoris templum repénite fit Dei: intácta nésciens virum, verbo concépit Fílium. Salvatórem. Glória Patri. Salvatórem.

Lectio ix.

Quóniam Nazaræus vocábitur. Si fixum de Scriptúris posuísset exéplum, numquam diceret: Quod dictum est per Prophétas; sed simpliciter: Quod dictum est per Prophétam: nunc autem pluraliter Prophétas vocans, osténdit se non verba de Scriptúris sumpsisse, sed sensum. Nazaræus sanctus interpretátur. Sanctum autem Dóminum futúrum omnis Scriptúra commémorat.

Te Deum laudámus. 14.

Ad Laudes

et per Horas.

Ant. 1. O admirabile commercium: * Creátor géneris humáni, animátum corpus sumens, de Vírgine nasci dignátus est: et procedens homo sine sémine, largítus est nobis suam Deitátem.

Psalm. Dóminus regnávít. cum reliquis. 15.

2. Quando natus es * ineffabíliter ex Vírgine, tunc implétæ sunt Scriptúræ: sicut plúvia in vellus descendísti, ut salvum fáceres genus humánum: te laudámus Deus noster.

3. Rubum quem víderat Móyses * incombústum, conservátam agnóvimus tuam laudábilem virginitátem: Dei Génitrix intercède pro nobis.

4. Germinávit radix Jesse: * orta est stella ex Jacob: Virgo péperit Salvatórem: te laudámus Deus noster.

5. Ecce María génuit * nobis Salvatórem, quem Joánnēs videns exclamávit, dicens: Ecce Agnus Dei, ecce qui tollit peccáta mundi, allelúja.

Capitulum. Galat. 4.

Fratres: Quanto témpore hæres párvulus est, nihil differt a servo, cum sit dóminus ómnium: sed sub tutóribus et actóribus est usque ad præfínitum tempus a patre.

Hymnus.

A solis ortus cárdine
Ad usque terræ lítem,
Christum canámus Príncipem,
Natum María Vírgine.

Beátus auctor sǽculi
Servíle corpus índuit:
Ut carne carnem líberans,
Ne pérderet quos cóndidit.

Castæ Paréntis víscera
Cœléstis intrat grátia:
Venter Puéllæ bájulat
Secréta, quæ non nóverat.

Domus pudíci pectoris
Templum repénite fit Dei:
Intácta nésciens virum,
Concépit alvo Fílium.

Enítitur puérpera,
Quem Gábriel prædíxerat,
Quem ventre Matris géstiens,
Baptísta clausum sénserat.

Fœno jacére pértulit:
Præsépe non abhórruit:
Et lacte módico pastus est,
Per quem nec ales ésurit.

Gaudet chorus cœléstium,
Et Angeli canunt Deo;
Palámque fit pastóribus
Pastor, Creátor ómnium.

Jesu, tibi sit glória,
Qui natus es de Vírgine,
Cum Patre, et almo Spírítu,
In sempitérna sǽcula.
Amen.

Ÿ. Verbum caro factum est, allelúja. R̃. Et habitávit in nobis, allelúja.

Ad Bened. Ant. Dum médium siléntium * tenérent ómnia, et nox in suo cursu médium iter perágeret, omnípotens sermo tuus Dómine a regálibus sédibus venit, allelúja.

Oratio.

Omnípotens sempitérne Deus, dírige actus nostros in beneplácito tuo: ut in nómine dilécti

Filii tui mereámur bonis opéribus abundáre: Qui tecum vivit.

Et fit commem. S. Telesphori Papæ et Martyris.

Ant. Qui odit ánimam suám in hoc mundo, in vitam ætérnam custódit eam.

Ÿ. Justus ut palma florébit.
R. Sicut cedrus Líbani multiplicábitur.

Oratio.

Deus, qui nos beáti Telésphori Mártyris tui atque Pontíficis ánnua solemnitáte lætíficas: concede propítius; ut cujus natalítia cólimus, de ejúsdem étiam protectióne gaudeámus. Per Dóminum.

Ad Primam.

In R. br., Ÿ. Qui natus es de María Vírgine.

Et non dicuntur Preces.

Ad Absolutionem Capituli dicitur Capitulum Nonæ.

Ad Tertiam.

Ant. Quando natus es.

Capitulum. Galat. 4.

Fratres: Quanto témpore hæres párvulus est, nihil differt a servo, cum sit dóminus ómnium: sed sub tutóribus et actóribus est usque ad præfínitum tempus a patre.

R. br. Verbum caro factum est, * Allelúja, allelúja. Verbum. Ÿ. Et habitávit in nobis. Allelúja, allelúja. Glória Patri. Verbum.

Ÿ. Ipse invocábit me, allelúja.
R. Pater meus es tu, allelúja.

Ad Sextam.

Ant. Rubum quem víderat Móyses.

Capitulum.

Galat. 4.

At ubi venit plenitúdo témporis, amisit Deus Fílium suum factum ex muliere, factum sub lege: ut eos, qui sub lege erant, redímeret: ut adoptiónem filiórum reciperémus.

R. br. Notum fecit Dóminus, * Allelúja, allelúja. Notum. Ÿ. Salutare suum. Allelúja, allelúja. Glória Patri. Notum.

Ÿ. Vidérunt omnes fines terræ, allelúja. R. Salutare Dei nostri, allelúja.

Ad Nonam.

Ant. Ecce María génuít.

Capitulum.

Galat. 4.

Itaque jam non est servus, sed fílius: quod si fílius, et hæres per Deum.

R. br. Vidérunt omnes fines terræ, * Allelúja, allelúja. Vidérunt. Ÿ. Salutare Dei nostri. Allelúja, allelúja. Glória Patri. Vidérunt.

Ÿ. Verbum caro factum est, allelúja. R. Et habitávit in nobis, allelúja.

Vesp. de Epiph. Duplex.





IN EPIPHANIA DOMINI.

Duplex 1. classis.

In I. Vesperis.

Ant. de Laud. 258; Ps. ut in I. Vesp.
de Comm. Apost. [2]



Capitulum. Is. 60.
urge, illuminare Jerúsalem,
quia venit lumen tuum,
et gloria Domini super te orta est.

Hymnus.

Crudélis Heródes, Deum
Regem venire quid times?
Non eripit mortalia,
Qui regna dat coelestia.
Ibant Magi, quam viderant,
Stellam sequentes praeiviam:
Lumen requirunt lumine:
Deum fatentur munere.
Lavacra puri gurgitis
Coelestis Agnus attingit:
Peccata, quae non detulit,
Nos abluendo sustulit.

Novum genus potentiae:

Aquae rubescunt hydriae,
Vinumque jussa fundere,
Mutavit unda originem.

Jesu, tibi sit gloria,
Qui apparuisti Gentibus,
Cum Patre, et almo Spiritu,
In sempiterna saecula.

Amen.

Sic terminantur Hymni per totam
Octavam.

V. Reges Tharsis et insulae muna
offarent. R. Reges Arabum et
Saba dona adducent.

Ad Magnif. Ant. Magi videntes
stellam, dixerunt ad invicem: Hoc
signum magni Regis est: eamus et
inquiramus eum, et offeramus ei
munera, aurum, thus, et myrrham,
alleluja.

Oratio.

Deus, qui hodierna die Unigénitum tuum Géntibus stella duce revelásti: concéde propítius; ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúndem Dóminum.

Ad Matutinum.

Dicto Pater noster, Ave María, et Credo. omissis V. Dómine lábia. Invitatorio cum Ps. Veníte. et Hymno, incipitur ab Ant. Afférte Dómino.

Infra Octavam vero dicitur:

V. Dómine lábia.

Invit. Christus appáruit nobis, * Veníte adorémus.

Ps. Veníte, exsultémus. 2.

Hymn. Crudélis. ut supra. 249.

In I. Nocturno.

Ant. Afférte Dómino * filii Dei, adoráte Dóminum in aula sancta ejus.

Psalmus 28.

Afférte Dómino filii Dei: * afférte Dómino filios arietum. Afférte Dómino glóriam et honórem, afférte Dómino glóriam nómini ejus: * adoráte Dóminum in átrio sancto ejus.

Vox Dómini super aquas, Deus majestátis intónuit: * Dóminus super aquas multas.

Vox Dómini in virtúte: * vox Dómini in magnificéntia.

Vox Dómini confringéntis cedros: * et confrínget Dóminus cedros Líbani:

Et commínuet eas tamquam vítulum Líbani: * et diléctus quemádmodum filius unicórnium.

Vox Dómini intercidéntis flammam ignis: * vox Dómini concu-

tiéntis desértum: et commovébit Dóminus desértum Cades.

Vox Dómini præparántis cervos, et revelábit condénsa: * et in templo ejus omnes dicent glóriam.

Dóminus dilúvium inhabitáre facit: * et sedébit Dóminus Rex in ætérnum.

Dóminus virtútem pópulo suo dabit: * Dóminus benedícet pópulo suo in pace.

Ant. Afférte Dómino filii Dei, adoráte Dóminum in aula sancta ejus.

Ant. Flúminis ímpetus * lætíficat, allelúja, civitátem Dei, allelúja.

Psalmus 45.

Deus noster refúgium, et virtus: * adjútor in tribulatió nibus, quæ invenérunt nos nimis.

Proptérea non timébimus dum turbábitur terra: * et transferéntur montes in cor maris.

Sonuérunt, et turbátæ sunt aquæ eórum: * conturbáti sunt montes in fortitúdine ejus.

Flúminis ímpetus lætíficat civitátem Dei: * sanctificávit tabernáculum suum Altíssimus.

Deus in médio ejus, non commovébitur: * adjuvábít eam Deus mane dilúculo.

Conturbátæ sunt Gentes, et inclináta sunt regna: * dedit vocem suam, mota est terra.

Dóminus virtútum nobíscum: * suscéptor noster Deus Jacob.

Veníte, et vidéte ópera Dómini, quæ pósuit prodígia super terram: * aúferens bella usque ad finem terræ.

Arcum cónteret, et confrínget arma: * et scuta combúret igni.

Vacáte, et vidéte quóniam ego

sum Deus: * exaltábor in Géntibus, et exaltábor in terra.

Dóminus virtútum nobíscum: * suscéptor noster Deus Jacob.

Ant. Flúminis ímpetus lætíficat, allelúja, civitátem Dei, allelúja.

Ant. Psállite Deo nostro, * psállite: psállite Regi nostro, psállite sapiénter.

Psalmus 46.

Omnes Gentes plaúдите máni-bus: * jubiláte Deo in voce exsultatiónis.

Quóniam Dóminus excélsus, ter-ríbilis: * Rex magnus super omnem terram.

Subjécit pópulos nobis: * et Gen-tes sub pédibus nostris.

Elégit nobis hæreditátem suam: * spéciem Jacob, quam diléxit.

Ascéndit Deus in júbilo: * et Dó-minus in voce tubæ.

Psállite Deo nostro, psállite: * psállite Regi nostro, psállite.

Quóniam Rex omnis terræ Deus: * psállite sapiénter.

Regnábit Deus super Gentes: * Deus sedet super sedem sanctam suam.

Príncipes populórum congregáti sunt cum Deo Abraham: * quóniam dii fortes terræ, veheménter eleváti sunt.

Ant. Psállite Deo nostro, psállite: psállite Regi nostro, psállite sapiénter.

V. Omnis terra adóret te, et psallat tibi. R. Psalmum dicat nómini tuo Dómine.

De Isaía Prophéta.

Lectio i. Cap. 55.



Omnes sitiéntes veníte ad a-quas: et qui non habétis ar-géntum, properáte, émite, et

comédite: veníte, émite absque ar-génto, et absque ulla comutátione vinum et lac. Quare appénditis ar-géntum non in pánibus, et labórem vestrum non in saturitáte? Audíte audiéntes me, et comédite bonum, et delectábitur in crassitudine áni-ma vestra. Inclínate aurem ve-stram, et veníte ad me: audíte, et vivet ánima vestra, et fériam vo-bíscum pactum sempitérnum, mi-sericórdias David fidéles. Ecce testem pópulis dedi eum, ducem ac præceptórem Géntibus.

R. Hódie in Jordáne baptizáto Dómino apérti sunt cœli, et sicut colúmba super eum Spíritus man-sit, et vox Patris intónuit: * Hic est Fílius meus diléctus, in quo mihi bene complácu. V. Descén-dit Spíritus sanctus corporáli spé-cie sicut colúmba in ipsum, et vox de cœlo facta est. Hic est.

Prædictum Responsorium dicitur hac die, et in Dominica infra Octavam, et in die Octava tantum: aliis vero diebus infra Octavam, ejus loco dicitur seq.

R. Tria sunt múnera pretiósá, quæ obtulérunt Magi Dómino in die ista, et habent in se divína mystéria: * In auro, ut ostendátur Regis poténtia: in thure, Sacerdotem magnum considera: et in myrrha, Domínica sepultúram. V. Sa-lútis nostræ auctórem Magi veneráti sunt in cunábulis, et de thesaúris suis mysticas ei múnere spécies obtulé-runt. In auro.

Lectio ii.

Cap. 60.

Surge, illumináre Jerúsalem: quia venit lumen tuum, et glória Dómini super te orta est. Quia ecce ténebræ opérient terram, et caligo pópulos: super te autem oriétur Dóminus, et glória ejus in te vidé-bitur. Et ambulábunt Gentes in

lúmine tuo, et reges in splendóre ortus tui. Leva in circúitu óculos tuos, et vide: omnes isti congregáti sunt, vénierunt tibi: filii tui de longe vénient, et filíæ tuæ de látere surgent. Tunc vidébis, et áfflues, mirábitur, et dilatábitur cor tuum, quando convérsa fúerit ad te multitúdo maris, fortitúdo Géntium vénerit tibi. Inundátio camelórum opériet te, dromedárii Máidian et Epha: omnes de Saba vénient, aurum et thus deferéntes, et laudem Dómino annuntiántes.

R. In colúmbæ spécie Spíritus sanctus visus est, Patérna vox audíta est: * Hic est Fílius meus dilectus, in quo mihi bene complácuí. V. Coeli apérti sunt super eum, et vox Patris intónuit. Hic est.

Lectio iii. Is. 61. d. et 62.

Gaudens gaudébo in Dómino, et exsultábit ánima mea in Deo meo: quia induit me vestiméntis salútis: et induménto justítiæ circúmdedit me, quasi sponsum decorátum coróna, et quasi sponsam ornátam monílibus suis. Sicut enim terra profert germen suum, et sicut hortus semen suum gérmínat, sic Dóminus Deus germinábit justítiam, et laudem coram univérsis Géntibus. Propter Sion non tacébo, et propter Jerúsalem non quiescam, donec egrediátur ut splendor justus ejus, et salvátor ejus ut lampas accendátur.

R. Reges Tharsis et ínsulæ múnera ófferent: * Reges Arabum et Saba dona Dómino Deo addúcent. V. Omnes de Saba vénient, aurum et thus deferéntes. Reges. Glória Patri. Reges.

In II. Nocturno.

Ant. Omnis terra adóret te, * et psallat tibi: psalmum dicat nómini tuo Dómine.

Psalmus 65.

Jubiláte Deo omnis terra, psalmum dicite nómini ejus: * date glóriam laudi ejus.

Dícite Deo, quam terribília sunt ópera tua Dómine! * in multitudine virtútis tuæ mentiéntur tibi inimíci tui.

Omnis terra adóret te, et psallat tibi: * psalmum dicat nómini tuo.

Veníte, et vidéte ópera Dei: * terribilis in consiliis super filios hóminum.

Qui convértit mare in áridam, in flúmine pertransíbunt pede: * ibi lætábimur in ipso.

Qui dominátur in virtúte sua in ætérnum, óculi ejus super Gentes respíciunt: * qui exásperant non exalténtur in semetípsis.

Benedícite Gentes Deum nostrum: * et audítam fácite vocem laudis ejus,

Qui pósuit ánimam meam ad vitam: * et non dedit in commotió-nem pedes meos.

Quóniam probásti nos Deus: * igne nos examinásti, sicut examinátur argéntum.

Induxísti nos in láqueum, posuísti tribulatiónes in dorso nostro: * imposuísti hómines super cápita nostra.

Transívimus per ignem et aquam: * et eduxísti nos in refrigérium.

Introíbo in domum tuam in holocaustis: * reddam tibi vota mea, quæ distinxérunt lábia mea.

Et locútum est os meum, * in tribulatióne mea.

Holocaústa medulláta offeram tibi cum incénso arietum: * offeram tibi boves cum hircis.

Veníte, audíte, et narrábo, omnes qui timétis Deum, * quanta fecit ánimæ meæ.

Ad ipsum ore meo clamávi, * et exaltávi sub lingua mea.

Iniquitátem si aspéxi in corde meo, * non exáudiet Dóminus.

Proptérea exáudívit Deus, * et attendit voci deprecationis meæ.

Benedíctus Deus, * qui non amóvit oratióne meam, et misericórdiam suam a me.

Ant. Omnis terra adóret te, et psallat tibi: psalmum dicat nómini tuo Dómine.

Ant. Reges Tharsis * et ínsulæ múnera offerent Regi Dómino.

Psalmus 71.

Deus iudícium tuum regi da: * et justítiam tuam filio regis:

Judicáre pópulum tuum in justítia, * et paúperes tuos in iudicio.

Suscípiant montes pacem pópulo: * et colles justítiam.

Judicábit paúperes pópuli, et salvos faciet filios paúperum: * et humiliábit calumniatórem.

Et permanébit cum sole, et ante lunam, * in generatióne et generatióne.

Descéndet sicut plúvia in velus: * et sicut stillicídia stillántia super terram.

Oriétur in diébus ejus justítia, et abundántia pacis: * donec auferátur luna.

Et dominábitur a mari usque ad mare: * et a flúmine usque ad términos orbis terrárum.

Coram illo prócident Æthíopes: * et inimíci ejus terram lingent.

Reges Tharsis, et ínsulæ múnera offerent: * reges Arabum et Saba dona addúcent:

Et adorábunt eum omnes reges terræ: * omnes Gentes sérvient ei:

Quia liberábit paúperem a poténste: * et paúperem, cui non erat adjútor.

Parcet paúperi et ínopi: * et ánimas paúperum salvas faciet.

Ex usúris et iniquitáte rédimet ánimas eórum: * et honorábile nomen eórum coram illo.

Et vivet, et dábitur ei de auro Arábiæ, et adorábunt de ipso semper: * tota die benedícant ei.

Et erit firmaméntum in terra in summis móntium, superextollétur super Líbanum fructus ejus: * et florébunt de civitáte sicut fœnum terræ.

Sit nomen ejus benedíctum in sæcula: * ante solem pérmanet nomen ejus.

Et benedicéntur in ipso omnes tribus terræ: * omnes Gentes magnificábunt eum.

Benedíctus Dóminus Deus Israël, * qui facit mirabilia solus:

Et benedíctum nomen majestátis ejus in ætérnum: * et replébitur majestáte ejus omnis terra: fiat, fiat.

Ant. Reges Tharsis et ínsulæ múnera offerent Regi Dómino.

Ant. Omnes Gentes * quascúmque fecísti, vénient, et adorábunt coram te Dómine.

Psalmus 85.

Inclína Dómine aurem tuam, et exáudi me: * quóniam inops, et pauper sum ego.

Custódi ánimam meam, quóniam

sanctus sum: * saluum fac servum tuum, Deus meus, sperántem in te.

Miserére mei Dómine, quóniam ad te clamávi tota die: * lætífica ánimam servi tui, quóniam ad te Dómine ánimam meam levávi.

Quóniam tu Dómine suávis, et mitis: * et multæ misericórdiæ ómnibus invocántibus te.

Aúribus pércipe Dómine oratió-nem meam: * et inténde voci de-precatiónis meæ.

In die tribulatiónis meæ clamávi ad te: * quia exaudísti me.

Non est símilis tui in diis Dómine: * et non est secúndum ópera tua.

Omnes Gentes quascúmque fecísti, vénient, et adorábunt coram te Dómine: * et glorificábunt nomen tuum.

Quóniam magnus es tu, et fáciens mirabilia: * tu es Deus solus.

Deduc me Dómine in via tua, et ingrédia in veritate tua: * lætétur cor meum ut timeat nomen tuum.

Confitébor tibi Dómine Deus meus in toto corde meo, * et glorificábo nomen tuum in ætérnum:

Quia misericórdia tua magna est super me: * et eruísti ánimam meam ex inférno inferióri.

Deus, iníqui insurrexérunt super me, et synagóga poténtium quæsiérunt ánimam meam: * et non proposuérunt te in conspéctu suo.

Et tu Dómine Deus miserátor et miséricors, * pátiens, et multæ misericórdiæ, et verax,

Réspice in me, et miserére mei: * da impérium tuum púero tuo: et saluum fac filium ancillæ tuæ.

Fac mecum signum in bonum, ut vídeant qui odérunt me, et confun-

dántur: * quóniam tu Dómine adjuvísti me, et consolátus es me.

Ant. Omnes Gentes quascúmque fecísti, vénient, et adorábunt coram te Dómine.

V. Reges Tharsis et insulæ múnera ófferent. R. Reges Arabum et Saba dona addúcent.

Sermo sancti Leónis Papæ.

Sermo 2. de Epiphania.

Lectio iv.

Gaudéte in Dómino, dilectíssimi, íterum dico, gaudéte: quóniam brevi intervállo témporis, post solemnitátem Nativitátis Christi, festívitás declaratiónis ejus illúxit: et quem in illo die Virgo péperit, in hoc mundus agnóvit. Verbum enim caro factum, sic susceptiόνis nostræ temperávit exórdia, ut natus Jesus et credéntibus maniféstus, et persequéntibus esset occúltus. Jam tunc ergo cœli enarravérunt glóriam Dei, et in omnem terram sonus veritátis exívit, quando et pastóribus exércitus Angelórum Salvatóris édití annuntiátor appáruit, et Magos ad eum adorándum prævia stella perdúxit: ut a solis ortu usque ad occásus veri Regis generátio coruscáret, cum rerum fidem et regna Oriéntis per Magos discerent, et Románum impérium non latéret.

R. Illumináre, illumináre Jerúsalem, quia venit lux tua: * Et glória Dómini super te orta est. V. Et ambulábunt Gentes in lúmine tuo, et reges in splendóre ortus tui. Et.

Lectio v.

Nam et sævítia Heródis volens primórdia suspécti sibi Regis exstinguere, huic dispensatióni né-

sciens serviébat: ut dum atróci inténtus facínori, ignótum sibi púerum indiscreta infántium cæde persequitur, annuntiátum cœlitus dominatóris ortum insígnior ubique fama loquerétur: quam promptiorem ad narrándum, diligentiorémque faciébat et supérnæ significatiónis nóvitas, et cruentíssimi persecutóris impietas. Tunc autem étiam Ægýpto Salvátor illátus est, ut gens antíquis erróribus dedita, jam ad vicínam salutem per occultam grátiam signarétur: et quæ nondum ejécerat ab ánimo superstitiónem, jam hospítio recíperet veritátem.

R. Omnes de Saba vénient, aurum et thus deferéntes, et laudem Dómino annuntiántes, * Allelúja, allelúja, allelúja. V. Reges Tharsis et ínsulæ múnera ófferent, reges Arabum et Saba dona addúcent. Allelúja, allelúja, allelúja.

Lectio vi.

Agnoscamus ergo, dilectíssimi, in Magis adoratóribus Christi, vocatiónis nostræ fideíque primítias: et exsultántibus ánimis beátæ spei inítia celebrémus. Exínde enim in ætérnam hæreditátem cóepimus introíre: exínde nobis Christum loquéntia Scripturárum arcána patuerunt, et véritas, quam Judæórum obcæcátio non récipit, ómnibus natió nibus lumen suum invéxit. Honorétur itaque a nobis sacratíssimus dies, in quo salutis nostræ Auctor apparuit: et quem Magi infántem veneráti sunt in cunábulis, nos omnipoténtem adorémus in cœlis. Ac sicut illi de thesaúris suis mýsticas Dómino múnorum spécies obtulérunt, ita et nos de

córdibus nostris, quæ Deo sunt digna, promámus.

R. Magi véniunt ab Oriénte Jerosólymam, quæréntes, et dicéntes: Ubi est qui natus est, cujus stellam vídimus? * Et vénimus adoráre Dóminum. V. Vídimus stellam ejus in Oriénte. Et. Glória Patri. Et.

In III. Nocturno.

Ant. Veníte adorémus eum: quia ipse est Dóminus Deus noster.

Hæc Antiphona repetitur in Psalmo ordine infrascripto.

Psalmus 94.

Veníte, exsultémus Dómino: * jubilémus Deo salutári nostro:

Præoccupémus fáciem ejus in confessiône: * et in psalmis jubilémus ei.

Ant. Veníte adorémus eum: quia ipse est Dóminus Deus noster.

Quóniam Deus magnus Dóminus: * et Rex magnus super omnes deos.

Quia in manu ejus sunt omnes fines terræ: * et altitúdines món-tium ipsíus sunt.

Ant. Veníte adorémus eum: quia ipse est Dóminus Deus noster.

Quóniam ipsíus est mare, et ipse fecit illud: * et siccam manus ejus formavérunt.

Ant. Veníte adorémus eum: quia ipse est Dóminus Deus noster.

Et nos pópulus pásuæ ejus, et oves manus ejus. * Hódie si vocem ejus audiéritis, nolíte obduráre corda vestra:

Sicut in irritatióne secúndum diem tentatiónis in desérto: * ubi tentavérunt me patres vestri, probavérunt me, et víderunt ópera mea.

Ant. Veníte adorémus eum: quia ipse est Dóminus Deus noster.

Quadragínta annis offénsus fui generatióni illi, * et dixi: Semper hi errant corde.

Et isti non cognovérunt vias meas, ut jurávi in ira mea: * Si introibunt in réquiem meam.

Ant. Veníte adorémus eum: quia ipse est Dóminus Deus noster.

Glória Patri, et Fílio, * et Spirítui sancto:

Sicut erat in princípío, et nunc, et semper, * et in sæcula sæculórum. Amen.

Ant. Veníte adorémus eum: quia ipse est Dóminus Deus noster.

Ant. prædicta cum suo Psalmo dicitur tantum hac nocte: per Octavam vero loco hujus dicitur:

Ant. Homo natus est * in ea, et ipse fundávit eam Altíssimus.

Psalmus 86.

Fundaménta ejus in móntibus sanctis: * diligit Dóminus portas Sion super ómnia tabernácula Jacob.

Gloriósa dicta sunt de te, * civitas Dei.

Memor ero Rahab, et Babylónis * sciéntium me.

Ecce alienígenæ, et Tyrus, et pópulus Æthiopum, * hi fuérunt illic.

Numquid Sion dicet: Homo, et homo natus est in ea: * et ipse fundávit eam Altíssimus?

Dóminus narrábit in scriptúris populórum, et princípum: * horum, qui fuérunt in ea.

Sicut lætántium ómnium * habitatio est in te.

Ant. Homo natus est in ea, et ipse fundávit eam Altíssimus.

Ant. Adoráte Dóminum, * allelúja: in aula sancta ejus, allelúja.

Psalmus 95.

Cantáte Dómino cánticum novum: * cantáte Dómino omnis terra.

Cantáte Dómino, et benedicite nómini ejus: * annuntiáte de die in diem salutáre ejus.

Annuntiáte inter Gentes glóriam ejus, * in ómnibus pópulis mirabília ejus.

Quóniam magnus Dóminus, et laudábilis nimis: * terribilis est super omnes deos.

Quóniam omnes dii Géntium dæmónia: * Dóminus autem cœlos fecit.

Conféssio, et pulchritúdo in conspéctu ejus: * sanctimónia et magnificéntia in sanctificatiónē ejus.

Afférte Dómino pátriæ Géntium, afférte Dómino glóriam et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commovéatur a fácie ejus univérsa terra: * dicite in Géntibus quia Dóminus regnávit.

Etenim corréxit orbem terræ qui non commovébitur: * judicábit pópulos in æquitáte.

Læténtur cœli, et exsúltet terra: commovéatur mare, et plenitúdo ejus: * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Adoráte Dóminum, allelúja:
in aula sancta ejus, allelúja.

Ant. Adoráte Deum, * allelúja:
omnes Angeli ejus, allelúja.

Psalmus 96.

Dóminus regnávít, exsúltet ter-
ra: * læténtur ínsulæ multæ.

Nubes, et caligo in circúitu ejus:
* justítia, et judícium corréctio
sedis ejus.

Ignis ante ipsum præcédet, *
et inflamábit in circúitu inimicos
ejus.

Illuxérunt fúlgura ejus orbi ter-
ræ: * vidít, et commóta est terra.

Montes, sicut cera fluxérunt a
fácie Dómini: * a fácie Dómini
omnis terra.

Annuntiavérunt cœli justítiam
ejus: * et vidérunt omnes pópuli
glóriam ejus.

Confundántur omnes, qui ad-
órant sculptília: * et qui glorián-
tur in simulácris suis.

Adoráte eum omnes Angeli ejus:
* audívít, et lætáta est Sion.

Et exsultavérunt filiæ Judæ, *
propter judícia tua Dómine:

Quóniam tu Dóminus Altíssimus
super omnem terram: * nimis ex-
altátus es super omnes deos.

Qui diligitis Dóminum, odíte ma-
lum: * custódit Dóminus ánimas
sanctórum suórum, de manu pec-
catóris liberábit eos.

Lux orta est justo, * et rectis
corde lætítia.

Lætámini justí in Dómino: * et
confitémini memóriæ sanctificati-
ónis ejus.

Ant. Adoráte Deum, allelúja:
omnes Angeli ejus, allelúja.

¶ Adoráte Dóminum, allelúja.
R. In aula sancta ejus, allelúja.

Léctio sancti Evangélii secúndum
Matthæum.

Lectio vii. Cap. 2.

Cum natus esset Jesus in Béth-
lehem Juda in diébus Heródis
regis, ecce Magi ab Oriénte vené-
runt Jerosólymam, dicéntes: Ubi
est qui natus est Rex Judæórum?
Et réliqua.

Homília sancti Gregórii Papæ.

Homil. 10. in Evang.

Sicut in lectione evangélica, fra-
tres caríssimi, audístis, cœli
Rege nato, rex terræ turbátus
est: quia nímírum terréna altitúdo
confúnditur, cum celsitúdo cœlé-
stis aperítur. Sed quæréndum no-
bis est, quidnam sit, quod, Redem-
ptóre nato, pastóribus in Judæa
Angelus appáruit, atque ad ad-
orándum hunc ab Oriénte Magos
non Angelus, sed stella perdúxit?
Quia vidélicet Judæis, tamquam
ratione uténtibus, rationále ánimál,
id est, Angelus prædicáre débuit:
Gentíles vero, quia uti ratione ne-
sciébant, ad cognoscéndum Dómi-
num non per vocem, sed per signa
perducúntur. Unde étiam per Pau-
lum dícitur: Prophetiæ fidélibus
datæ sunt, non infidélibus: signa
autem infidélibus, non fidélibus.
Quia et illis prophetiæ tamquam
fidélibus, non infidélibus: et istis
signa tamquam infidélibus, non
fidélibus data sunt.

R. Stella, quam víderant Magi
in Oriénte, antecedébat eos, donec
venírent ad locum, ubi puer erat. *
Vidéntes autem eam, gavísi sunt
gaúdio magno. ¶ Et intrántes do-
mum, invenérunt púerum cum Ma-
ría matre ejus, et procidéntes ad-
oravérunt eum. Vidéntes.

Lectio viii.

Et notandum, quod Redemptorem nostrum, cum jam perfectæ esset ætatis, eisdem Gentilibus Apóstoli prædicant, eumque párvulum, et necdum per humáni corpóris officium loquentem, stella Géntibus denúntiat: quia nimirum ratiónis ordo poscébat, ut et loquentem jam Dóminum loquentes nobis prædicatóres innotéscerent, et necdum loquentem eleménta muta prædicarent. Sed in ómnibus signis, quæ vel nascénte Dómino, vel moriénte eo monstráta sunt, considerándum nobis est, quanta fúerit in quorúmdam Judæórum corde durítia, qui hunc nec per prophetiæ donum, nec per mirácula agnovérunt.

R. Vidéntes stellam Magi, gavísi sunt gaúdio magno: * Et intrántes domum invenérunt púerum cum María matre ejus, et procidéntes adoravérunt eum: * Et apértis thesaúris suis obtulérunt ei múnera, aurum, thus, et myrrham. V. Stella, quam víderant Magi in Oriénte, antecedébat eos, usque dum véniens staret supra ubi erat puer. Et intrántes. Glória. Et apértis.

Lectio ix.

Omnia quippe eleménta auctórem suum venísse testáta sunt. Ut enim de eis quiddam usu humano loquar: Deum hunc cœli esse cognovérunt, quia prótinus stellam misérunt. Mare cognóvit, quia sub plantis ejus se calcábile præbuit. Terra cognóvit, quia eo moriénte contrémuit. Sol cognóvit, quia lucis suæ rádios abscondit. Saxa et parietes cognovérunt, quia tēpore mortis ejus scissa sunt. In-

férnus agnóvit, quia hos, quos tenébat mórtuos, réddidit. Et tamen hunc, quem Dóminum ómnia insensibília eleménta sensérunt, adhuc infidélium Judæórum corda Deum esse mínime cognóscunt, et durióra saxis, scindi ad pœniténdum nolunt.

Te Deum laudámus. 14.

Ad Laudes

et per Horas.

Ant. 1. Ante lucíferum génitus, * et ante sæcula, Dóminus Salvátor noster hódie mundo appáruit.

Psalm. Dóminus regnávít. cum reliquis. 15.

2. Venit lumen tuum * Jerúsalem, et glória Dómini super te orta est, et ambulábunt Gentes in lúmine tuo, allelúja.

3. Apértis thesaúris suis * obtulérunt Magi Dómino aurum, thus, et myrrham, allelúja.

4. Mária et flúmina * benedicite Dómino: hymnum dicite fontes Dómino, allelúja.

5. Stella ista * sicut flamma corúscat, et Regem regum Deum demónstrat: Magi eam víderunt, et magno Regi múnera obtulérunt.

Capitulum.

Is. 60.

Surge, illumináre Jerúsalem, quia venit lumen tuum, et glória Dómini super te orta est.

Hymnus.

O sola magnárum úrbium
Major Bethlem, cui cóntigit
Ducem salútis cœlitus
Incorporátum gígnere.

Quem stella, quæ solis rotam
Vincit decóre, ac lúmine;
Venísse terris núntiat
Cum carne terréstri Deum.

Vidére postquam illum Magi,
Eóa promunt múnera:
Stratíque votis ófferunt
Thus, myrrham, et aurum ré-
gium.

Regem Deúmque annúntiant
Thesaúrus, et fragrans odor
Thuris Sabæi, ac mýrrheus
Pulvis sepúlchrum prædocet.

Jesu, tibi sit glória,
Qui apparuísti Géntibus,
Cum Patre, et almo Spíritu
In sempitérna sæcula.
Amen.

Ÿ. Adoráte Deum, allelúja. R.
Omnes Angeli ejus, allelúja.

Ad Bened. Ant. Hódie coeléstis
sponso juncta est Ecclésia, quóniam
in Jordáne lavit Christus ejus
crímina: currunt cum munéribus
Magi ad regáles nuptias, et ex aqua
facto vino lætántur convívæ, alle-
lúja.

Oratio.

Deus, qui hodiérna die Unigénitum
tuum Géntibus stella duce
revelásti: concéde propítius; ut qui
jam te ex fide cognóvimus, usque
ad contemplándam spéciem tuæ
celsitúdinis perducámur. Per eúm-
dem Dóminum.

Ad Primam.

In R. br., Ÿ. Qui apparuísti hódie.
Et sic dicitur per totam Octavam.

Ad Tertiam.

Ant. Venit lumen tuum.

Capit. Surge, illumináre. 258.

R. br. Reges Tharsis et ínsulæ
múnera ófferent, * Allelúja, alle-
lúja. Reges. Ÿ. Reges Arabum et
Saba dona addúcent. Allelúja, al-
lelúja. Glória Patri. Reges.

Ÿ. Omnes de Saba vénient, alle-
lúja. R. Aurum et thus deferéntes,
allelúja.

Ad Sextam.

Ant. Apértis thesaúris suis.

Capitulum. Is. 60.

Leva in circúitu óculos tuos, et
vide: omnes isti congregáti
sunt, venérunt tibi: filii tui de lon-
ge vénient, et filia tuæ de látere
surgent.

R. br. Omnes de Saba vénient, *
Allelúja, allelúja. Omnes. Ÿ. Au-
rum et thus deferéntes. Allelúja,
allelúja. Glória Patri. Omnes.

Ÿ. Adoráte Dóminum, allelúja.
R. In aula sancta ejus, allelúja.

Ad Nonam.

Ant. Stella ista.

Capitulum. Is. 60.

Omnes de Saba vénient, aurum
et thus deferéntes, et laudem
Dómino annuntiántes.

R. br. Adoráte Dóminum, * Al-
lelúja, allelúja. Adoráte. Ÿ. In aula
sancta ejus. Allelúja, allelúja. Gló-
ria Patri. Adoráte.

Ÿ. Adoráte Deum, allelúja. R.
Omnes Angeli ejus, allelúja.

In II. Vesperis.

Antiphonæ de Laudibus, Psalmi de
Dominica. 108.

Et sic dicitur per totam Octavam.

Capit. Hymnus et Ÿ. ut in I. Vesp.

Ad Magnif. Ant. Tribus mirácu-
lis ornátum diem sanctum cólimus:
hódie stella Magos duxit ad præ-
sépium: hódie vinum ex aqua fa-
ctum est ad nuptias: hódie in Jor-
dáne a Joánne Christus baptizári
vóluit, ut salváret nos, allelúja.

Si Epiphania venerit in Sabbato, in
II. Vesp. fit Commem. Dominicæ infra
Octavam.

Ant. Remánsit. V. Omnes de Saba.
Oratio. Vota, quæsumus. ut infra. 277.

Infra Octavam Epiphaniæ si occurrat festum Duplex ex majoribus vel alicujus Doctoris Ecclesiæ, transfertur post Octavam, nisi fuerit Patroni vel Titularis Ecclesiæ, vel Dedicatio ejusdem. De aliis vero Duplicibus, de Semiduplicibus et Simplicibus fit cõmem. juxta Rubricas.

Ad Matutinum. V. Dómine lábia mea.

Invit. et Hymn., ut supra in Rubrica festi ponitur. 250.

Reliqua omnia ut in die festi, præter Lect. et Ant. ad Benedictus et Magnificat, quæ singulis diebus habentur propriæ, ut sequitur.

De Dominica infra Octavam, in quamcumque diem Octavæ inciderit, fit Officium ut infra ordinatur. 274. Et in ea ponitur Epistola prima ad Corinthios, omissis Lectionibus de Epistola ad Romanos.

Post Dominicam vero continuantur dies Octavæ eodem numero, quo notantur, perinde ac si Dom. non intercessisset. Exempli gratia: Si Domin. venerit in tertia die infra Octavam, prima die post Dom. Lect. II. et III. Nocturni, et Ant. ad Benedictus et Magnificat, dicentur de tertia die infra Octavam, et sic deinceps de aliis. Lect. tamen I. Noct. de Epistola ad Romanos omittuntur, et pro iis sumuntur de Epistola prima ad Corinthios, quæ sequuntur post Dom.; et de ea legitur etiam post Octavam usque ad Dominicam sequentem.

Secunda Die infra Octavam Epiphaniæ.

In I. Nocturno.

De Epístola ad Romános.

Lectio i. Cap. 9.

Veritatem dico in Christo, non méntior: testimónium mihi perhibénte consciéntia mea in Spíritu sancto: quóniam tristítia mihi magna est, et continuus dolor

cordi meo. Optábam enim ego ipse anáthema esse a Christo pro frátribus meis, qui sunt cognáti mei secúndum carnem, qui sunt Israëlítæ, quorum adóptio est filiórum, et glória, et testaméntum, et legislácio, et obséquium, et promíssa: quorum patres, et ex quibus est Christus secúndum carnem, qui est super ómnia Deus benedíctus in sæcula. Amen.

R. Tria sunt múnera pretiósa, quæ obtulérunt Magi Dómino in die ista, et habent in se divína mystéria: * In auro, ut ostendátur Regis poténtia: in thure, Sacerdótem magnum considéra: et in myrrha, Domínicam sepultúram. V. Salútis nostræ auctórem Magi veneráti sunt in cunábulis, et de thesaúris suis mýsticas ei múnere spécies obtulérunt. In auro.

Lectio ii.

Non autem quod exciderit verbum Dei. Non enim omnes qui ex Israël sunt, ii sunt Israëlítæ: neque qui semen sunt Abrahæ, omnes filii: sed in Isaac vocábitur tibi semen: id est, non qui filii carnis, hi filii Dei: sed qui filii sunt promissionis, æstimántur in sémine. Promissionis enim verbum hoc est: Secúndum hoc tempus véniam: et erit Saræ filius. Non solum autem illa: sed et Rebécca ex uno concúbitu habens, Isaac patris nostri.

R. In colúmbæ spécie Spíritus sanctus visus est, Patérna vox audíta est: * Hic est Filius meus dilectus, in quo mihi bene compláculi. V. Cœli apérti sunt super eum, et vox Patris intónuit. Hic est Fílius.

Lectio iii.

Cum enim nondum nati fuissent, aut áliquid boni egissent, aut mali, (ut secúndum electiónem propositum Dei manéret) non ex opéribus, sed ex vocánte dictum est ei: Quia major sêrviet minóri, sicut scriptum est: Jacob diléxi, Esau autem ódio hábui. Quid ergo dicemus? numquid iníquitas apud Deum? Absit. Móysi enim dicit: Miserébor cujus miséreor: et misericórdiam præstábo cujus miserébor. Igitur non voléntis, neque curréntis, sed miseréntis est Dei.

R. Reges Tharsis. 252.

In II. Nocturno.

Sermo sancti Augustíni Epíscopi.

Serm. 2. de Epiph., qui est 30. de Temp.

Lectio iv.

Ad partum Vírginis adorándum Magi ab Oriénte venérunt. Hunc diem hódie celebrámus: huic débitum solemnitati sermónem persólvimus. Illis dies iste primus illúxit, anniversária nobis festivitáte rédiit. Illi erant primítie Géntium, nos pópulus Géntium. Nobis hoc lingua nuntiávit Apostolorum, stella illis tamquam lingua cœlorum: et nobis iidem Apóstoli, tamquam álii cœli, enarravérunt glóriam Dei.

R. Illumináre, illumináre Jerúsalem, quia venit lux tua: * Et glória Dómini super te orta est. V. Et ambulábunt Gentes in lúmine tuo, et reges in splendóre ortus tui. Et.

Lectio v.

Magnum sacraméntum: in præsépi jacébat, et Magos ab Oriénte ducébat: abscondebátur in stábulo, et agnoscebátur in cœlo: ut agnitus in cœlo manifestarétur

in stábulo, et appellarétur Epiphanía dies iste, quod latíne manifestátio dici potest: simul ejus celsitudinem humilitatémque comméndans, ut qui in apérto cœlo signis sidéreis monstrabátur magnus, in angústo diversório quæsítus invenirétur inválidus, infantilibus in membris natus, infantilibúsque panis involútus, adorarétur a Magis, timerétur a malis.

R. Omnes de Saba vénient, aurum et thus deferéntes, et laudem Dómino añuntiántes, * Allelúja, allelúja, allelúja. V. Reges Tharsis et insulæ múnera ófferent, reges Arabum et Saba dona addúcent. Allelúja.

Lectio vi.

Tímuit enim eum rex Heródes, eisdem sibi Magis nuntiántibus, cum adhuc quærerent párvulum, quem cognóverant cœlo teste jam natum. Quid erit tribúnal judicántis, quando supérbos reges cunábula terrébant infántis? Quanto consúltius reges, non sicut Heródes, interficere quærant, sed sicut Magi, pótius adoráre delecténtur, jam præsertim eum, qui et ipsam mortem, quam cupiébat inimícus inférre, étiam pro ipsis inimícis ab inimícis sustínuit, eámque in suo corpore occísus occídít. Pie timeant reges ad Patris dexteram jam sedéntem, quem rex ímpius tímuit adhuc matris úbera lambéntem.

R. Magi véniunt. 255.

In III. Nocturno.

Léctio sancti Evangélíi secúndum Matthæum.

Lectio vii.

Cap. 2.

Cum natus esset Jesus in Bêthlehem Juda in diébus Heródis re-

gis, ecce Magi ab Oriënte venérunt Jerosólymam, dicétes: Ubi est qui natus est Rex Judæórum? Et réliqua.

De Homilia sancti Gregórii Papæ.

Homilia 10. in Evangelia.

Nativitatē Regis nostri cōgnita, Heródes ad cállida arguménta convértitur: et ne terréno regno privarétur, renuntiári sibi ubi puer inveniátur, póstulat. Adoráre eum velle se símulat, ut hunc, si inveníri possit, exstínguat. Sed quanta est húmana malítia contra consílium divinitátis? Scriptum quippe est: Non est sapiéntia, non est prudéntia, non est consílium contra Dóminum. Nam ea, quæ appáruit stella, Magos perdúcit: natum Regem repériunt, múnera déferunt: et ne redíre ad Heródem debeant, in somnis admonéntur. Sicque fit, ut Jesum, quem quærit Heródes, inveníre non possit. Cujus persóna qui álii, quam hypócritæ designántur, qui dum fícte quærunť, inveníre Dóminum numquam meréntur?

R. Stella, quam viderant Magi in Oriënte, antecédébat eos, donec venirent ad locum, ubi puer erat: * Vidéntes autem eam, gavísi sunt gaúdio magno. V. Et intrántes domum, invenérunt púerum cum María matre ejus, et procidéntes adoravérunt eum. Vidéntes.

Lectio viii.

Sed inter hæc sciéndum, quod Priscillianistæ hæréfici nasci unumquémque hóminem sub constitutióibus stellárum putant: et hoc in adiutórium sui erróris asúmunt, quod nova stella éxiit cum Dóminus in carne appáruit: cujus

fuísse fatum eámdem, quæ appáruit, stellam putant. Sed si Evangelíi verba pensámus, quibus de eádem stella dícitur: Usque dum véniens staret supra, ubi erat puer: dum non puer ad stellam, sed stella ad púerum cucúrrit, si dici liceat, non stella fatum púeri, sed fatum stellæ is, qui appáruit, puer fuit.

R. Vidéntes stellam Magi, gavísi sunt gaúdio magno: * Et intrántes domum invenérunt púerum cum María matre ejus, et procidéntes adoravérunt eum: * Et apértis thesaúris suis, obtulérunt ei múnera, aurum, thus, et myrrham. V. Stella, quam viderant Magi in Oriënte, antecédébat eos, usque dum véniens staret supra ubi erat puer. Et intrántes. Glória Patri. Et apértis.

Lectio ix.

Sed a fidélium córdibus absit, ut áliquid esse fatum dicant. Vitam quippe hóminum solus hic Cónditor, qui creávit, administrat. Neque enim propter stellas homo, sed stellæ propter hóminem factæ sunt: et si stella fatum hóminis dícitur, ipsis suis ministériis subesse homo perhibétur. Certe cum Jacob de útero egrédiens, prióris fratris plantam tenéret manu, prior perfécte nequáquam égredi pótuit, nisi súbsequens inchoásset: et tamen cum uno témpore, eodémque moménto utrúmque mater fúderit, non una utriúsque vitæ quálitás fuit. Te Deum laudámus. 14.

Ad Bened. Ant. Ab Oriënte * venérunt Magi in Béthlehem adoráre Dóminum: et apértis thesaúris suis, pretiósa múnera obtulérunt: aurum, sicut Regi magno;

thus, sicut Deo vero; myrrham sepulturæ ejus, allelûja.


Ad Magnif. Ant. Videntes stellam Magi, * gavisi sunt gaudio magno: et intrantes domum, obtulerunt Dómino aurum, thus, et myrrham, allelûja.

Tertia Die.

In I. Nocturno.

De Epístola ad Romános.

Lectio i. Cap. 12.

 bsecro itaque vos fratres per misericórdiam Dei, ut exhibeátis córpora vestra hóstiam vivéntem, sanctam, Deo placéntem, rationábile obséquium vestrum. Et nolíte conformári huic sæculo, sed reformámini in novitate sensus vestri: ut probétis quæ sit volúntas Dei bona, et benéplacens, et perfectá. Dico enim per grátiam quæ data est mihi, ómnibus qui sunt inter vos: Non plus sápere quam opórtet sápere, sed sápere ad sobrietátem: et unicuique sicut Deus divisit mensúram fidei.

R. Tria sunt múnera pretiósá, quæ obtulerunt Magi Dómino in die ista, et habent in se divína mystéria: * In auro, ut ostendátur Regis poténtia: in thure, Sacerdotem magnum considera: et in myrrha, Domínicam sepultúram. V. Salútis nostræ auctórem Magi veneráti sunt in cunábulis, et de thesaúris suis mysticas ei múnorum spécies obtulerunt. In auro.

Lectio ii.

Sicut enim in uno córpore multa membra habémus, ómnia autem membra non eúndem actum habent: ita multi unum corpus sumus in Christo, sínguli autem alter al-

térius membra. Habéntes autem donatiónes secúndum grátiam, quæ data est nobis, differentes: sive prophetíam secúndum ratióem fidei, sive ministérium in ministrádo, sive qui docet in doctrína, qui exhortátur in exhortádo, qui tribuit in simplicitáte, qui præest in sollicitú-dine, qui miserétur in hilaritáte.

R. In colúmbæ spécie Spíritus sanctus visus est, Patérna vox audíta est: * Hic est Fílius meus dilectus, in quo mihi bene complá-cui. V. Cœli apérti sunt super eum, et vox Patris intónuit. Hic est.

Lectio iii.

Diléctio sine simulatióne. Odiéntes malum, adhæréntes bono: Caritáte fraternitátis ínvicem diligéntes: Honóre ínvicem præveniéntes: Sollicitú-dine non pigri: Spíritu fervéntes: Dómino serviéntes: Spe gaudéntes: In tribulatióne patiéntes: Oratióni instántes: Neces-sitatibus sanctórum comunicántes: Hospitalitátem sectántes. Benedícite persecúntibus vos: benedícite, et nolíte maledícere. Gaudere cum gaudéntibus, flere cum fléntibus: Idípsum ínvicem sentiéntes: Non alta sapiéntes, sed humílibus consentiéntes.


R. Reges Tharsis. 252.

In II. Nocturno.

De Sermóne sancti Augustíni
Epíscopi.

Sermo 2. de Epiphania.

Lectio iv.

 um tam multi jam nati, atque defúnti essent reges Judæórum, numquid quemquam eórum adorándum Magi quæsiérunt? Non, quia nec quemquam eórum

cœlo loquente didicerunt. Verumtamen, quod prætereundum non est, hæc Magorum illuminatio magnum testimonium cæcitatibus exstitit Judæorum. In terra eorum isti requirebant, quem illi in sua non agnoscebant.

R. Illuminare, illuminare Jerusalem, quia venit lux tua: * Et gloria Domini super te orta est. V. Et ambulabunt Gentes in lumine tuo, et reges in splendore ortus tui. Et.

Lectio v.

Apud eos isti infantem invenerunt, quem illi apud se negaverunt. In his terris de longinquo isti et peregrini puerum Christum nondum verba promentem adoraverunt, ubi cives illi juvenem miracula facientem crucifixerunt. Isti in membris parvis Deum adoraverunt, illi in magnis factis nec tamquam homini pepercunt: quasi plus fuerit videre novam stellam in ejus nativitate fulgentem, quam solem ejus in morte lugentem.

R. Omnes de Saba venient, aurum et thus deferentes, et laudem Domino annuntiantes, * Alleluya, alleluya, alleluya. V. Reges Tharsis et insulae munera offerent, reges Arabum et Saba dona adducent. Alleluya, alleluya, alleluya.

Lectio vi.

Jam vero quod eadem stella, quam Magos perduxit ad locum, ubi erat cum matre Virgine Deus infans, quam utique poterat eos ad ipsam perducere civitatem, se tamen subtraxit, nec eis prorsus apparuit, donec de civitate, in qua Christus nasceretur, iidem ipsi interrogarentur Judæi, et ipsi eam secundum divinæ Scripturæ testi-

monium nominarent, ipsi dicerent: In Bethlehem Judæ. Sic enim scriptum est: Et tu Bethlehem terra Juda, non es minima in principibus Juda: ex te enim exiet Dux, qui regat populum meum Israël. Quid aliud hic significavit divina providentia, nisi apud Judæos solas divinas litteras remansuras, quibus Gentes instruerentur, illi excacerentur? R. Magi veniunt. 255.

In III. Nocturno.

Lectio sancti Evangelii secundum Matthæum.

Lectio vii.

Cap. 2.

Cum natus esset Jesus in Bethlehem Juda in diebus Herodis regis, ecce Magi ab Oriente venerunt Jerosolymam, dicentes: Ubi est qui natus est Rex Judæorum? Et reliqua.

De Homilia sancti Gregorii Papæ.

Ex Homilia 10. in Evangelia.

Magi vero aurum, thus, et myrrham deferunt. Aurum quippe Regi congruit, thus vero in Dei sacrificium ponitur, myrrha autem mortuorum corpora condiuntur. Eum ergo Magi, quem adorant, etiam mysticis muneribus prædicant: auro Regem, thure Deum, myrrha mortalem. Sunt vero nonnulli hæretici, qui hunc Deum credunt, sed ubique regnare nequaquam credunt. Hi profecto ei thus offerunt, sed offerre etiam aurum nolunt. Et sunt nonnulli, qui hunc Regem existimant, sed Deum negant. Hi videlicet ei aurum offerunt, sed offerre thus nolunt.

R. Stella, quam viderant Magi in Oriente, antecedebat eos, donec venirent ad locum, ubi puer erat: *

Videntes autem eam, gavisi sunt gaudio magno. *V.* Et intrantes domum, invenerunt puerum cum Maria matre ejus, et procidentes adoraverunt eum. Videntes.

Lectio viii.

Et sunt nonnulli, qui hunc et Deum et Regem fatentur, sed assumpsisse carnem mortalem negant. Hi nimirum ei aurum et thus offerunt, sed offerre myrrham assumptæ mortalitatis nolunt. Nos itaque nato Domino offeramus aurum, ut hunc ubique regnare fateamur: offeramus thus, ut credamus, quod is qui in tempore apparuit, Deus ante tempora existit: offeramus myrrham, ut eum, quem credimus in sua divinitate impassibilem, credamus etiam in nostra fuisse carne mortalem.

R. Videntes stellam Magi, gavisi sunt gaudio magno: * Et intrantes domum invenerunt puerum cum Maria matre ejus, et procidentes adoraverunt eum: * Et apertis thesauris suis obtulerunt ei munera, aurum, thus, et myrrham. *V.* Stella, quam viderant Magi in Oriente, antecedebat eos, usque dum veniens staret supra ubi erat puer. Et intrantes. Gloria Patri. Et apertis.

Lectio ix.

Quamvis in auro, thure, et myrrha intelligi et aliud potest. Auro namque sapientia designatur, Salomone attestante, qui ait: Thesaurus desiderabilis requiescit in ore sapientis. Thure autem, quod Deo incenditur, virtus orationis exprimitur, Psalmista testante, qui dicit: Dirigatur oratio mea sicut incensum in conspectu tuo. Per

myrrham vero carnis nostræ mortificatio figuratur. Unde sancta Ecclesia de suis operariis usque ad mortem pro Deo certantibus dicit: Manus meæ distillaverunt myrrham.

Te Deum laudamus. 14.

Ad Bened. Ant. Tria sunt munera, * quæ obtulerunt Magi Domino, aurum, thus, et myrrham, Filio Dei, Regi magno, allelûja.

Ad Magnif. Ant. Lux de luce * apparuisti Christe, cui Magi munera offerunt, allelûja, allelûja, allelûja.

Quarta Die.

In I. Nocturno.

De Epistola ad Romanos.

Lectio i. Cap. 13.



Omnis anima potestatibus sublimioribus subdita sit: Non est enim potestas nisi a Deo: quæ autem sunt, a Deo ordinatæ sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt: nam principes non sunt timori boni operis, sed mali. Vis autem non timere potestatem? Bonum fac: et habebis laudem ex illa: Dei enim minister est tibi in bonum.

R. Tria sunt munera pretiosa, quæ obtulerunt Magi Domino in die ista, et habent in se divina mysteria: * In auro, ut ostendatur Regis potentia: in thure, Sacerdotem magnum considera: et in myrrha, Dominicam sepulturam. *V.* Salutis nostræ auctorem Magi venerati sunt in cunabulis, et de thesauris suis mysticas ei munerum species obtulerunt. In auro.

Lectio ii.

Si autem malum féceris, time: non enim sine causa gládium portat. Dei enim mínister est: vindex in iram ei, qui malum agit. Ideo necessitaté súbditi estóte non solum propter iram, sed étiam propter consciéntiam. Ideo enim et tribúta præstátis: ministri enim Dei sunt, in hoc ipsum serviéntes. Réddite ergo ómnibus débíta: cui tribútum, tribútum: cui vectígal, vectígal: cui timórem, timórem: cui honórem, honórem.

R. In colúmbæ spécie Spíritus sanctus visus est, Patérna vox audita est: * Hic est Fílius meus dílectus, in quo mihi bene complá-cui. V. Cœli apérti sunt super eum, et vox Patris intónuit. Hic est.

Lectio iii.

Némini quidquam debeátis, nisi ut invicem diligátis: qui enim diligit próximum, legem implévit. Nam, Non adulterábis, Non occídes, Non furáberis, Non falsum testimónium dices, Non concupíscas: et si quod est áliud mandátum, in hoc verbo instaurátur: Díliges próximum tuum sicut teípsum. Dílectio próximi malum non operátur. Plenitúdo ergo legis est dílectio.

R. Reges Tharsis. 252.

In II. Nocturno.

Sermo sancti Leónis Papæ.

Sermo 1. de Epiphania.

Lectio iv.

Celebráto próximo die, quo intemeráta virgíntas húmáni géneris édídít Salvatórem, Epiphaniæ nobis, dílectíssimi, veneránda festívitás dat perseverán-

tiam gaudiórum: ut inter cognátarum solemnitátum vicína sacraménta, exsultatiónis vigor, et fervor fidei non tepéscat. Ad ómnium enim hóminum spectat salútem, quod infántia mediatóris Dei et hóminum, jam univérso declarabátur mundo, cum adhuc exíguo detinerétur oppídulo.

R. Illumináre, illumináre Jerúsalem, quia venit lux tua: * Et glória Dómini super te orta est. V. Et ambulábunt Gentes in lúmine tuo, et reges in splendóre ortus tui. Et.

Lectio v.

Quamvis enim Israëlíticam gentem, et ipsíus gentis unam familiam delegísset, de qua natúram univérse humanitátis assúmeret: nóluit tamen intra matérnæ habitatiónis angústias ortus sui latére primórdia: sed mox ab ómnibus vóluit agnósci, qui dignátus est pro ómnibus nasci. Tribus igitur Magis in regióne Oriéntis stella novæ claritátis appáruit, quæ illústrior céteris pulchriórque sidéribus, fáci-le in se intuéntium óculos animósque convérteret: ut conféstim adverte-rétur, non esse otíósum, quod tam insólutum videbátur.

R. Omnes de Saba vénient, aurum et thus deferéntes, et laudem Dómino annuntiántes, * Allelúja, allelúja, allelúja. V. Reges Tharsis et insulæ múnera ófferent, reges Arabum et Saba dona addúcent. Allelúja, allelúja, allelúja.

Lectio vi.

Dedit ergo aspiciéntibus intelléctum, qui præstitit signum: et quod fecit intélligi, fecit inquíri, et se inveniéndum óbtulit requisítus. Sequúntur tres viri supérni lúminis

ductum, et prævii fulgoris indícium inténta contemplatione comitantes, ad agnitionem veritátis, grátia splendóre ducúntur: qui humano sensu significátum sibi Regis ortum æstimavérunt in civitaté régia esse quæréndum. Sed qui servi suscepérat formam, et non iudicáre vénerat, sed iudicári, Béthlehem præelégit nativitáti, Jerosólymam passióni.

R. Magi véniunt. 255.

In III. Nocturno.

Léctio sancti Evangélii secúndum Matthæum.

Lectio vii. Cap. 2.

Cum natus esset Jesus in Béthlehem Juda in diébus Heródis regis, ecce Magi ab Oriénte venérunt Jerosólymam, dicéntes: Ubi est qui natus est Rex Judæórum? Et reliqua.

De Homilia sancti Gregórii Papæ.

Ex Homilia 10. in Evangelia.

Magnum vero nobis áliquid Magi innuunt, quod in regionem suam per áliam viam revertúntur. In eo namque quod admóniti faciunt, nobis profecto insínuant, quid faciámus. Régio quippe nostra paradísus est: ad quam, Jesu cógnito, redíre per viam, qua vénimus, prohibémur. A regione étenim nostra superbiéndo, inobediéndo, visibília sequéndo, cibum vétitum gustádo discéssimus: sed ad eam necesse est, ut fléndo, obediéndo, visibília contemnén-do, atque appetitum carnis refrenádo redeámus.

R. Stella, quam viderant Magi in Oriénte, antecédébat eos, donec venírent ad locum, ubi puer erat: *

Vidéntes autem eam, gavísi sunt gaúdio magno. V. Et intrántes domum, invenérunt púerum cum María matre ejus, et procidéntes adoravérunt eum. Vidéntes.

Lectio viii.

Per áliam ergo viam ad regionem nostram regrédimur: quóniam qui a paradísi gaúdiis per delectaménta discéssimus, ad hæc per laménta revocámur. Unde necesse est, fratres caríssimi, ut semper pávidi, sempérque suspécti, ponámus ante óculos cordis, hinc culpas óperis, illinc iudícium extrémæ districtiónis. Pensémus, quam districtus iudex véniat, qui iudícium minátur, et latet: terróres peccatóribus inténtat, et tamen adhuc sústinet: et idcirco veníre citius differt, ut minus invéniat quod condémnet.

R. Vidéntes stellam Magi, gavísi sunt gaúdio magno: * Et intrántes domum invenérunt púerum cum María matre ejus, et procidéntes adoravérunt eum: * Et apértis thesaúris suis, obtulérunt ei múnera: aurum, thus, et myrrham. V. Stella, quam viderant Magi in Oriénte, antecédébat eos, usque dum veniens staret supra ubi erat puer. Et intrántes. Glória Patri. Et apértis.

Lectio ix.

Puniámus flétibus culpas, et cum Psalmístæ voce, præveniámus faciém ejus in confessióne. Voluptátum nos ergo fallácia nulla decípiat, nulla vana lætítia sedúcat. In próximo namque est iudex, qui dixit: Væ vobis, qui ridétis nunc; quia lugébitis et flébitis. Hinc enim Sálomon ait: Risus dolóri miscébitor: et, Extréma gaúdií luctus óc-

cupat. Hinc iterum dicit: Risum deputavi errorem, et gaudio dixi, Quid frustra deciperis? Hinc rursus ait: Cor sapientium ubi tristitia est: et cor stultorum ubi lætitia.

Te Deum laudamus. 14.

Ad Bened. Ant. Vidimus stellam ejus * in Oriente, et venimus cum muneribus adorare Dominum.

Ad Magnif. Ant. Interrogabat * Magos Heródes: Quod signum vidistis super natum Regem? Stellam vidimus fulgentem, cujus splendor illuminat mundum.

Quinta Die.

In I. Nocturno.

De Epístola ad Romanos.

Lectio i. Cap. 14.

Infirmum autem in fide assume, non in disceptationibus cogitationum. Alius enim credit se manducare omnia: qui autem infirmus est, olus manducet. Is qui manducat, non manducantem non spernat: et qui non manducat, manducantem non iudicet: Deus enim illum assumpsit. Tu quis es, qui iudicas alienum servum? Domino suo stat, aut cadit: stabit autem: potens est enim Deus statuere illum.

R. Tria sunt munera pretiosa, quæ obtulerunt Magi Domino in die ista, et habent in se divina mysteria: * In auro, ut ostendatur Regis potentia: in thure, Sacerdotem magnum considera: et in myrrha, Dominicam sepulturam. V. Salutis nostræ auctorem Magi venerati sunt in cunabulis, et de thesauris suis mysticas ei munerum species obtulerunt. In auro.

Lectio ii.

Nam alius iudicat diem inter diem: alius autem iudicat omnem diem: unusquisque in suo sensu abundet. Qui sapit diem, Domino sapit: Et qui manducat, Domino manducat: gratias enim agit Deo. Et qui non manducat, Domino non manducat, et gratias agit Deo. Nemo enim nostrum sibi vivit, et nemo sibi moritur. Sive enim vivimus, Domino vivimus: sive morimur, Domino morimur. Sive ergo vivimus, sive morimur, Domini sumus.

R. In columbæ specie Spiritus sanctus visus est, Paterna vox audita est: * Hic est Filius meus dilectus, in quo mihi bene complacui. V. Cœli aperti sunt super eum, et vox Patris intonuit. Hic est.

Lectio iii.

In hoc enim Christus mortuus est, et resurrexit: ut et mortuorum et vivorum dominetur. Tu autem quid iudicas fratrem tuum? aut tu quarespernis fratrem tuum? Omnes enim stabimus ante tribunal Christi. Scriptum est enim: Vivo ego, dicit Dominus, quoniam mihi flectetur omne genu: et omnis lingua confitebitur Deo. Itaque unusquisque nostrum pro se rationem reddet Deo. Non ergo amplius invicem iudicemus.

R. Reges Tharsis. 252.

In II. Nocturno.

Sermo sancti Máximi Episcopi.

Homilia 1. de Epiphania.

Lectio iv.

In hac, dilectissimi, celebritate, sicut relatu paternæ traditionis instruímur, múltiplici no-

bis est festivit te l t ndum. Ferunt enim, h odie Christum D minum nostrum vel stella duce a G ntibus ador tum; vel invit tum ad n ptias, aquas in vina vertisse; vel susc pto a Jo nne bapt smate, consecr sse flu nta Jord nis, su mque simul purific sse Bapt stam.

R. Illumin re, illumin re Jer salem, quia venit lux tua: * Et gl ria D mini super te orta est. V. Et ambul bunt Gentes in l mine tuo, et reges in splend re ortus tui. Et gl ria.

Lectio v.

Sed quid potissimum pr s nti hoc factum sit die, n verit ipse qui fecit: nos tamen credere, nec dubitare deb mus, quidquid illud est, factum esse pro nobis. Nam quod eum fulgentioris stell e r diis incit ti adorav re Chald i, De m verum G ntibus spes data est ador ndi. Quod aqu e novo sunt  rdine in vina mut t e, novi nobis p culi pr elib tum est sacram ntum. Quod autem baptiz tus est Agnus Dei, regener ntis bapt smi salut re nobis munus est dedic tum.

R. Omnes de Saba v nient, aurum et thus defer ntes, et laudem D mipo annunti ntes, * Allel ja, allel ja, allel ja. V. Reges Tharsis et insul e m nera  fferent, reges Arabum et Saba dona add cent. Allel ja, allel ja, allel ja.

Lectio vi.

Op rtet itaque nos, fratres, ad hon rem Salvatoris nostri, cuius nativit tem debita nuper cum exsultatione trans gimus, omni cum devotione  tiam hunc virtutum ejus celebr re nat lem. Et

quam recte tria h c nobis uno acta in die myst ria pr dic ntur, qui ineff bilis Trinit tis arc num uno Dei sub n mine confitemur. Per h c ergo mir cula Christus D minus Red mptor noster oculis se v luit revel re mort lium, qu tenus invisibilis ejus divinitas, qu e lat bat in h mine, in  pere non lat ret.

R. Magi v niunt. 255.

In III. Nocturno.

L ctio sancti Evangelii sec ndum Matth um.

Lectio vii.

Cap. 2.

Cum natus esset Jesus in B thlehem Juda in di bus Her dis regis, ecce Magi ab Ori nte venerunt Jeros lymam, dic ntes: Ubi est qui natus est Rex Jud orum? Et r liqua.

Homilia sancti Hier nyni Presb yteri.

Lib. 1. Comment. in cap. 2. Matth.

Vidimus enim stellam ejus in Ori nte. Ad confusi nem Jud orum, ut nativit tem Christi a G ntibus d scerent,  ritur in Ori nte stella; quam futuram, B laam, cujus successores erant, vaticinio n verant. Lege Numerorum librum. Defer ntur autem Magi stell e indicio in Jud eam, ut sacerdotes a Magis interrog ti, ubi Christus nascer tur, inexcusabiles fierent de adventu ejus.

R. Stella, quam viderant Magi in Ori nte, antecederat eos, donec venirent ad locum, ubi puer erat: * Vid ntes autem eam, gavisi sunt gaudio magno. V. Et intr ntes do-

mun, invenérunt púerum cum María matre ejus, et procidentes adoravérunt eum. Vidéntes.

Lectio viii.

At illi dixerunt ei: In Bétlehem Judææ. Librariórum hic error est. Putámus enim ab Evangelísta primum éditum, sicut in ipso Hebraico légimus, Judæ, non Judææ. Quæ est enim aliárum géntium Bétlehem, ut ad distinctiónem ejus, hic Judææ ponerétur? Judæ autem idcirco scríbitur, quia est et ália Bétlehem in Galilæa. Lege librum Jesu filii Nave. Dénique et in ipso testimónio, quod de Michææ prophetía sumptum est, ita habétur: Et tu Bétlehem terra Juda.

R. Vidéntes stellam Magi, gavisi sunt gaudio magno: * Et intrátes domum invenérunt púerum cum María matre ejus, et procidentes adoravérunt eum: * Et apértis thesaúris suis obtulérunt ei múnera, aurum, thus, et myrrham. V. Stella, quam viderant Magi in Oriénte, antecédébat eos, usque dum véniens staret supra ubi erat puer. Et intrátes. Glória. Et apértis.

Lectio ix.

Et apértis thesaúris suis, obtulérunt ei múnera, aurum, thus, et myrrham. Pulchérrime múnere sacraménta Juvénus Présbyter uno versículo comprehéndit: Thus, aurum, myrrham, Regíque, homínique, Deoque dona ferunt. Et respónso accépto in somnis, ne redírent ad Heródem, per áliam viam revérsi sunt in regiónem suam. Qui múnera obtulérunt Dómino, consequéter respónsum ac-

cipiunt, non per Angelum, sed per ipsum Dóminum: ut meritórum Joseph privilégium demonstrarétur. Revertúntur autem per áliam viam: quia infidelitáti miscéendi non erant Judæórum.

Te Deum laudámus. 14.

Ad Bened. Ant. Omnes nationes * vénient a longe, portátes múnera sua, allelúja.

Ad Magnif. Ant. Omnes de Saba * vénient, aurum et thus deferétes, allelúja, allelúja.

S e x t a D i e.

In I. Nocturno.

De Epístola ad Romános.

Lectio i. Cap. 15.

Debémus autem nos firmiôres imbecillitátes infirmórum sustinére, et non nobis placere. Unusquisque vestrum próximo suo placeat in bonum, ad ædificatióem. Etenim Christus non sibi placuit, sed sicut scriptum est: Improperia improperántium tibi ceciderunt super me. Quæcúmque enim scripta sunt, ad nostram doctrinam scripta sunt: ut per patientiam et consolatióem Scripturárum, spem habeamus.

R. Tria sunt múnera pretiôsa, quæ obtulérunt Magi Dómino in die ista, et habent in se divína mystéria: * In auro, ut ostendátur Regis poténtia: in thure, Sacerdotem magnum considera: et in myrrha, Dominicam sepultúram. V. Salútis nostræ auctórem Magi veneráti sunt in cunábulis, et de thesaúris suis mysticas ei múnere species obtulérunt. In auro.

Lectio ii.

Deus autem paciëntiæ et solatii, det vobis idípsum sápere in altérutrum secúndum Jesum Christum: ut unánimes, uno ore honorificétis Deum, et Patrem Dómini nostri Jesu Christi. Propter quod suscípite invicem, sicut et Christus suscepit vos in honórem Dei. Dico enim Christum Jesum minístrum fuisse circumcisiónis propter veritatem Dei, ad confirmándas promissiónes patrum: Gentes autem super misericórdia honoráre Deum, sicut scriptum est: Propterea confitébor tibi in Géntibus Dómine, et nómini tuo cantábo. Et iterum dicit: Lætámini Gentes cum plebe ejus. Et iterum: Laudáte omnes Gentes Dóminum, et magnificáte eum omnes pópuli.

R. In colúmbæ spécie Spíritus sanctus visus est, Patérna vox audita est: * Hic est Fílius meus dilectus, in quo mihi bene compláui. V. Cœli apérti sunt super eum, et vox Patris intónuit. Hic est.

Lectio iii.

Et rursus Isaías ait: Erit radix Jesse, et qui exsúrget régere Gentes, in eum Gentes sperábunt. Deus autem spei répleat vos omni gáudio et pace in credéndo: ut abundétis in spe, et virtúte Spíritus sancti. Certus sum autem fratres mei et ego ipse de vobis, quóniam et ipsi pleni estis dilectiône, repléti omni sciéntia, ita ut possitis altérutrum monére. Audácius autem scripsi vobis fratres ex parte, tamquam in memóriam vos redúcens: propter grátiam, quæ data est mihi a Deo, ut sim miníster Christi Jesu in Géntibus: sanctifi-

cans Evangélium Dei, ut fiat oblátio Géntium accépta, et sanctificáta in Spíritu sancto.

R. Reges Tharsis. 252.

In II. Nocturno.

Sermo sancti Fulgéntii Episcopi.

Ex Serm. 5. qui est de Epiphania, sub initium.

Lectio iv.

Ipse Deus, qui sibi in véteri testaménto primítias offérri mandávit, homo natus Géntium primítias suo cúltoi dedicávit. Pastóres fuérunt primítiæ Judæórum: Magi facti sunt primítiæ Géntium. Illi de próximo addúcti, isti de longínquo redúcti. Ubi est, inquiunt, qui natus est Rex Judæórum? De Heróde rege Judæórum filii jam fúerant nati. Archeláus natus est in palátio, Christus in diversório. Archeláus natus, est in lecto argénteo pósitus, Christus autem natus, in præsépio est brevíssimo collocátus: et tamen ille natus in palátio contémnitur, iste natus in diversório quæritur: ille a Magis nullátenuis nominátur, iste invéntus suppliciter adorátur.

R. Illumináre, illumináre Jerúsalem, quia venit lux tua: * Et glória Dómini super te orta est. V. Et ambulábunt Gentes in lúmine tuo, et reges in splendóre ortus tui. Et glória.

Lectio v.

Quis est iste Rex Judæórum? Pauper et dives, húmilis et sublimis. Quis est iste Rex Judæórum, qui portátur ut párvulus, adorátur ut Deus? parvus in præsépio, imménsus in cœlo: vilis in pannis, pretiósus in stellis. Quid

est quod sic turbáris Heródes? Rex iste, qui natus est, non venit reges pugnando superáre, sed moriendo mirabiliter subjugáre. Nec ideo natus est, ut tibi succédât, sed ut in eum mundus fidéliter credat. Venit ergo, non ut pugnet vivus, sed ut triúmphet occísus.

R. Omnes de Saba vénient, aurum et thus deferéntes, et laudem Dómino annuntiántes, * Allelúja, allelúja, allelúja. V. Reges Tharsis et insulæ múnera ófferent, reges Arabum et Saba dona addúcent. Allelúja, allelúja, allelúja.

Lectio vi.

Puer iste, qui nunc a Magis dicitur Rex Judæórum, idem Creátor est, et Dóminus Angelórum. Quaprópter cuius times infántiam nascéntis, magis timére debes omnipoténtiam judicántis. Noli eum timére regni tui succesorém, sed time infidelitátis tuæ justíssimum damnatórem. Ite, inquit, et renuntiáte mihi, ut et ego véniens adórem eum. O calliditas ficta, o incredúlitas ímpia, o nequítia fraudulénta! Sanguis Innocéntium, quem crudéliter effudísti, attestátur quid de hoc púero voluísti.

R. Magi véniunt. 255.

In III. Nocturno.

Léctio sancti Evangélíi secúndum Matthæum.

Lectio vii.

Cap. 2.

Cum natus esset Jesus in Béthlehem Juda in diébus Heródis regis, ecce Magi ab Oriénte venérunt Jerosólymam, dicéntes: Ubi est qui natus est Rex Judæórum? Et réliqua.

Homilía sancti Ambrósii Epíscopi.

Lib. 2. in Lucæ cap. 2. post init.

Quæ sunt ista veræ fidei múnera? Aurum Regi, thus Deo, myrrha defúncito. Aliud enim Regis insígne, aliud divínæ sacraméntum potestátis, aliud honor est sepultúræ, quæ non corrúmpat corpus mórtui, sed resérvet. Nos quoque, qui hæc audímus, et légimus, de thesaúris nostris tália, fratres, múnera proferámus. Háemus enim thesaúrum in vasis fictilibus. Si igitur in teípsó quod es, non ex te debes æstimáre, sed ex Christo: quanto magis in Christo non tua debes æstimáre, sed Christi?

R. Stella, quam víderant Magi in Oriénte, antecedébat eos, donec venírent ad locum, ubi puer erat: * Vidéntes autem eam, gavísi sunt gaúdio magno. V. Et intrántes domum, invenérunt púerum cum María matre ejus, et procidéntes adoravérunt eum. Vidéntes.

Lectio viii.

Ergo Magi de thesaúris suis ófferunt múnera. Vultis scire quam bonum méritum hábeant? Stella ab his vidétur: ubi Heródes est, non vidétur: ubi Christus est, rursus vidétur, et viam demónstrat. Ergo stella hæc via est, et via Christus: quia secúndum incarnationis mystérium Christus est stella. Oriétur enim stella ex Jacob, et exsúrget homo ex Israël. Dénique ubi Christus, et stella est. Ipse enim est stella spléndida, et matutína. Sua igitur ipse luce se signat.

R. Vidéntes stellam Magi, gavísi sunt gaúdio magno: * Et intrántes

domum invenérunt púerum cum María matre ejus, et procidéntes adoravérunt eum: * Et apértis thesaúris suis obtulérunt ei múnera, aurum, thus, et myrrham. *V.* Stella, quam víderant Magi in Oriénte, antecédébat eos, usque dum véniens staret supra ubi erat puer. Et intrántes. Glória. Et apértis.

Lectio ix.

Accipe áliud documéntum. Alia venérunt via Magi, ália rédeunt. Qui enim Christum víderant, Christum intelléxerant; meliôres útique, quam vénerant, revertúntur. Duæ quippe sunt viæ: una, quæ ducit ad intéritum; ália, quæ ducit ad regnum. Illa peccatórum est, quæ ducit ad Heródem: hæc Christus est, qua redítur ad pátriam. Hic enim temporális est incolátus, sicut scriptum est: Multum íncola facta est ánima mea.

Te Deum laudámus. 14.

Ad Bened. Ant. Vénient ad te, * qui detrahébant tibi, et adorábunt vestígia pedum tuórum.

Ad Magnif. Ant. Admóniti Magi * in somnis, per áliam viam revérsi sunt in regiónem suam.

~~~~~  
S a b b a t o

infra Octavam Epiphaniae.

## Ad Vesperas.

Capitulum. Rom. 12.

**F**ratres: Obsecro vos per misericórdiam Dei, ut exhibeátis cörpera vestra hóstiam vivéntem, sanctam, Deo placéntem, rationábile obséquium vestrum.

## Hymnus.

**C**rudélis Heródes, Deum Regem veníre quid times?

Non éripit mortália,  
Qui regna dat coeléstia.

Ibant Magi, quam víderant,  
Stellam sequéntes præviam:  
Lumen requírunť lúmine:  
Deum faténtur múnere.

Lavácra puri gúrgitis  
Coeléstis Agnus áttigit:  
Peccáta, quæ non détulit,  
Nos abluéndo sústulit.

Novum genus poténtiæ:  
Aquæ rubéscunt hýdriæ,  
Vinúmque jussa fúndere,  
Mutávit unda originem.

Jesu, tibi sit glória,  
Qui apparuísti Géntibus,  
Cum Patre, et almo Spíritu,  
In sempitérna sæcula.

Amen.

*V.* Reges Tharsis et ínsulæ múnera ófferent. *R.* Reges Arabum et Saba dona addúcent.

Ad Magnif. Ant. Remánsit \* puer Jesus in Jerúsalem, et non cognovérunt paréntes ejus, existimántes illum esse in comitátu: et requirébant eum inter cognátos et notos.

## Oratio.

**V**ota, quæsumus Dómine, supplicántis pópuli coelésti pietáte proséquere: ut et quæ agénda sunt, vídeant, et ad implénda quæ víderint, convalescant. Per Dóminum nostrum.

Deinde fit Commem. Epiph. per Ant. quæ occurrit secundum ordinem dierum infra Octavam.

*V.* Omnes de Saba vénient, allelúja. *R.* Aurum et thus deferéntes, allelúja.

Nisi dicta sit Ant. Omnes de Saba vénient; tunc enim legítur

*V.* Adoráte Deum, allelúja. *R.* Omnes Angeli ejus, allelúja.

## Oratio.

**D**eus, qui hodierna die Unigenitum tuum Géntibus stella duce revelásti: concéde propítius; ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúmdem Dóminum.

## Dominica

infra Octavam Epiphaniæ.

Totum Officium dicitur de Epiphania, præter Lectiones, Capitula, Ant. ad Bened. et ad Magnif., et Orationem.

In I. Noct. ponitur Epistola I. ad Corinthios, quæ inferius post Octavam habetur. 280; et legitur de ea sequentibus diebus. Lectiones vero, quæ aliquando supersunt de Epistola ad Romanos, eo anno prætermittuntur.

Quando Epiphania in Dominica venerit, Sabbato sequenti fit Officium de Dominica, et Feria VI. Vesperæ a Capit. de Dom. cum Commem Octavæ.

In I. Noct. leguntur Lect. de Epistola ad Romanos, ut infra: Epistola vero ad Corinthios tunc ponitur ipsa die Dominica in Officio Octavæ.

In I. Nocturno.

De Epístola ad Romános.

Lectio i. Cap. 16.

**C**omméndo autem vobis Phœben sorórem nostram, quæ est in ministério Ecclésiæ, quæ est in Cenchris: ut eam suscipiátis in Dómino digne sanctis: et assistátis ei in quocúmque negótio vestri indigúerit: étenim ipsa quoque ástitit multis, et mihi ipsi. Salutate Priscam et Aquilam adjutores meos in Christo Jesu; (qui pro ánima mea suas cervíces supposuerunt: quibus non solus ego grátias ago, sed et cunctæ Ecclésiæ

Géntium) et domésticam Ecclésiám eórum.

**R.** Hódie in Jordáne baptizáto Dómino apérti sunt cœli, et sicut colúmba super eum Spíritus mansit, et vox Patris intónuit: \* Hic est Filius meus diléctus, in quo mihi bene complácu. **V.** Descéndit Spíritus sanctus corporáli specie sicut colúmba in ipsum, et vox de cœlo facta est. Hic est Filius meus.

Lectio ii.

**R**ogo autem vos fratres, ut ob-servétis eos, qui dissensiónes et offendícula præter doctrínam, quam vos didicistis, faciunt, et declínate ab illis. Hujuscémodi enim Christo Dómino nostro non serviunt, sed suo ventri: et per dulces sermónes, et benedictiões sedúcunt corda innocéntium. Vestra enim obediéntia in omnem locum divulgáta est. Gaúdeo ígitur in vobis. Sed volo vos sapiéntes esse in bono, et simplices in malo.

**R.** In colúmbæ specie Spíritus sanctus visus est, Patérna vox audíta est: \* Hic est Filius meus diléctus, in quo mihi bene complácu. **V.** Cœli apérti sunt super eum, et vox Patris intónuit. Hic est.

Lectio iii.

**S**alutat vos Timótheus adjutor meus, et Lúcius, et Jason, et Sosípater cognáti mei. Salúto vos ego Tértius, qui scripsi epístolam, in Dómino. Salutat vos Cajus hospes meus, et univérſa Ecclésia. Salutat vos Erástus arcárius civitátis, et Quartus frater. Grátia Dómini nostri Jesu Christi cum ómnibus vobis. Amen.

**R.** Reges Tharsis. 252.

## In II. Nocturno.

Sermo sancti Leonis Papæ.

Serm. 4. de Epiphania.

## Lectio iv.

**I**ustum et rationabile, dilectissimi, veræ pietatis obsequium est, in diebus, qui divinæ opera misericordiæ protestantur, toto corde gaudere, et honorifice ea, quæ ad salutem nostram gesta sunt, celebrare, vocante nos ad hanc devotionem ipsa recurrentium temporum lege, quæ nobis post diem, in quo coæternus Patri Filius Dei natus ex Virgine est, brevi intervalllo Epiphaniæ intulit festum, ex apparitione Domini consecratum.

R. Illuminare, illuminare Jerusalem, quia venit lux tua: \* Et gloria Domini super te orta est. V. Et ambulabunt Gentes in lumine tuo, et reges in splendore ortus tui. Et gloria.

## Lectio v.

**I**n quo fidei nostræ magnum præsidium providentia divina constituit: ut, dum solènni veneratione recólitur adorata in exordiis suis Salvatoris infántia, per ipsa originália documenta probarétur veri hominis in Christo orta natura. Hoc enim est, quod justificat impios: hoc est, quod ex peccatoribus facit sanctos, si in uno eodémque Domino nostro Jesu Christo et vera Déitas, et vera credatur humanitas: Déitas, qua ante omnia sæcula in forma Dei æqualis est Patri: humanitas, qua novissimis diebus in forma servi unicus est homini.

R. Omnes de Saba venient, aurum et thus deferentes, et laudem

Domino annuntiantes, \* Allelúja, allelúja, allelúja. V. Reges Tharsis et insulæ múnera offerent, reges Arabum et Saba dona adducunt. Allelúja, allelúja, allelúja.

## Lectio vi.

**A**d roborandum ergo hanc fidem, quæ contra omnes pronuntiabatur errores, ex magna gestum est divini pietate consilii, ut gens in longínqua Orientalis plagæ regione consistens, quæ spectandorum siderum arte pollébat, signum nati pueri, qui supra omnem Israël esset regnáturus, acciperet. Nova etenim cláritas apud Magos stellæ illustriórís apparuit, et intuéntium ánimos ita admiratione sui splendóris implévit, ut nequáquam sibi créderent negligendum, quod tanto nuntiabatur indicio.

R. Magi veniunt. 255.

## In III. Nocturno.

Lectio sancti Evangelii secundum Lucam.

## Lectio vii. Cap. 2. f.

**C**um factus esset Jesus annorum duódecim, ascendéntibus illis Jerosólymam secundum consuetudinem diéi festi, consummatisque diébus, cum redirent, remansit puer Jesus in Jerúsalem. Et reliqua.

Homilia sancti Ambrósii  
Episcopi.

Lib. 2. in cap. 2. Lucæ, in fine.



duodécimo anno, ut legimus, Dominicæ sumitur disputationis exórdium. Hic enim prædicandæ fidei evangelizántium número debebatur. Nec otiose immemor suorum se-

cúndum carnem paréntum, qui secúndum carnem útique sapiéntia Dei implebátur et grátia, post tríduum reperítur in templo: ut esset indício, quia post tríduum triumphális illíus passiónis, in sede coelesti, et honóre divíno, fidei nostræ se suscitátus offérret, qui mórtuus credebátur.

R. Stella, quam viderant Magi in Oriénte, antecedebat eos, donec venírent ad locum, ubi puer erat. \* Vidéntes autem eam, gavísi sunt gaúdio magno. V. Et intránte domum, invenérunt púerum cum María matre ejus, et procidentes adoravérunt eum. Vidéntes.

#### Lectio viii.

**Q**uid est quod me quærebátis? Duæ sunt in Christo generatiões: una est patérna, matérna áltera. Patérna illa divínior; matérna vero, quæ in nostrum labórem usúmque descéndit. Et ideo quæ supra natúram, supra ætátem, supra consuetúdinem fiunt, non humanis assignánda virtútibus, sed divinis referénda sunt potestátibus. Alibi eum ad ministérium mater impéllit, hic mater argúitur, quia adhuc quæ humana sunt, exigat. Sed cum hic duódecim describátur annórum, illic discipulos habére dicátur; vides matrem didicísse a filio, ne exígeret a validióre ministérium, quæ stupébat in junióre miraculum.

R. Vidéntes stellam Magi, gavísi sunt gaúdio magno: \* Et intránte domum invenérunt púerum cum María matre ejus, et procidentes adoravérunt eum: \* Et apértis thesaúris suis obtulérunt

ei múnera, aurum, thus, et myrrham. V. Stella, quam viderant Magi in Oriénte, antecedebat eos, usque dum veniens staret supra ubi erat puer. Et intránte. Glória Patri. Et apértis.

#### Lectio ix.

**E**t venit Náza-reth, et erat súbditus illis. Quid enim magíster virtútis, nisi officium pietátis impléret? Et mirámur, si Patri defert, qui súbditur matri? Non útique infirmitátis, sed pietátis ista subjéctio est: attóllat licet sævis emissus látebris cóluber perfidiæ caput, et serpentínis évomat venéna pectoribus. Cum dicit se Fílius missum, majórem hæréticus appéllat Patrem, ut imperféc-tum Fílium dicat, qui potest habére majórem: ut aliénis auxiliis ásser-at eum, qui míttitur, indigére. Numquid et humano egébat auxílio, ut matérno servíret império?

Te Deum laudámus. 14.

#### Ad Laudes

et per Horas.

Ant. 1. Ante lucíferum \* gé-nitus, et ante sæcula Dóminus Sal-vátor noster hódie mundo appáruit.

Psalm. Dóminus regnávit. cum reliquis. 15.

2. Venit lumen tuum \* Jerúsalem, et glória Dómini super te orta est, et ambulábunt Gentes in lúmine tuo, allelúja.

3. Apértis thesaúris suis \* obtulérunt Magi Dómino aurum, thus, et myrrham, allelúja.

4. Mária et flúmina \* benedicite Dómino: hymnum dícite fontes Dómino, allelúja.



5. Stella ista \* sicut flamma corúscat, et Regem regum Deum demonstrat: Magi eam viderunt, et magno Regi múnera obtulerunt.

Capitulum. Rom. 12.

**F**ratres: Obsecro vos per misericórdiam Dei, ut exhibeátis corpóra vestra hóstiam vivéntem, sanctam, Deo placéntem, rationábile obséquium vestrum.

Hymnus.

**O** sola magnárum úrbium  
Major Bethlem, cui cóntigit  
Ducem salutis cóelitus  
Incorporátum gignere.  
Quem stella, quæ solis rotam  
Vincit decóre, ac lúmine;  
Venisse terris núnaiat  
Cum carne terréstri Deum.  
Vidére postquam illum Magi,  
Eóa promunt múnera:  
Stratíque votis ófferunt  
Thus, myrrham, et aurum ré-  
gium.

Regem Deúmque annúntiant  
Thesáurus, et fragrans odor  
Thuris Sabæi, ac myrrheus  
Pulvis sepúlchrum prædocet.

Jesu, tibi sit glória,  
Qui apparuísti Géntibus,  
Cum Patre, et almo Spíritu  
In sempitérna sæcula. Amen.

Ÿ. Adoráte Deum, allelúja. R.  
Omnes Angeli ejus, allelúja.

Ad Bened. Ant. Remánsit \* puer  
Jesus in Jerúsalem, et non cognó-  
verunt paréntes ejus, existimántes  
illum esse in comitátu: et requiré-  
bant eum inter cognátos et notos.

Oratio.

**V**ota, quæsumus Dómine, sup-  
plicántis pópuli cóelésti pie-  
táte proséquere: ut et quæ agénda

sunt, vídeant, et ad implénda quæ  
viderint, convaléscant. Per Dñm.

Deinde fit commemoratio de Epi-  
phania.

Ant. Hódie cóeléstí sponso jun-  
cta est Ecclésia, quóniam in Jor-  
dáne lavit Christus ejus crímina:  
currunt cum munéribus Magi ad  
regáles nuptias, et ex aqua facto  
vino lætántur convívæ, allelúja.

Ÿ. Omnes de Saba vénient, alle-  
lúja. R. Aurum et thus deferéntes,  
allelúja.

Oratio.

**D**eus, qui hodiérna die Unigéni-  
tum tuum Géntibus stella du-  
ce revelásti: concéde propítius; ut  
qui jam te ex fide cognóvimus, us-  
que ad contemplándam spéciem  
tuæ celsitúdinis perducámur. Per  
eúmdem Dóminum.

Ad Tertiam.

Ant. Venit lumen tuum.

Capit. Fratres: Obsecro vos. ut  
supra.

R. br. Reges Tharsis et ínsulæ  
múnera ófferent, \* Allelúja, allelúja.  
Reges. Ÿ. Reges Arabum et Saba  
dona addúcent. Allelúja, allelúja.  
Glória Patri. Reges Tharsis.

Ÿ. Omnes de Saba vénient, alle-  
lúja. R. Aurum et thus deferéntes,  
allelúja.

Ad Sextam.

Ant. Apértis thesaúris suis.

Capitulum. Rom. 12.

**D**ico enim per grátiam quæ data  
est mihi, ómnibus qui sunt in-  
ter vos: Non plus sápere quam o-  
pórtet sápere, sed sápere ad so-  
brietátem.

R. br. Omnes de Saba vénient,  
\* Allelúja, allelúja. Omnes. Ÿ. Au-

rum et thus deferentes. Allelúja, allelúja. Glória Patri. Omnes.

Ÿ. Adoráte Dóminum, allelúja. R. In aula sancta ejus, allelúja.

Ad Nonam.

Ant. Stella ista.

Capitulum. Rom. 12. b.

**S**icut enim in uno corpore multa membra habemus, omnia autem membra non eúmdem actum habent: ita multi unum corpus sumus in Christo, singuli autem alter alterius membra in Christo Jesu Dómino nostro.

R. br. Adoráte Dóminum, \* Allelúja, allelúja. Adoráte. Ÿ. In aula sancta ejus. Allelúja, allelúja. Glória Patri. Adoráte.

Ÿ. Adoráte Deum, allelúja. R. Omnes Angeli ejus, allelúja.

Ad Vesperas.

Ant. de Laud. 276. Ps. de Dominica. 108.

Capit. Fratres: Obsecro vos. ut supra. 277.

Hymnus. Crudélis Heródes. 273.

Ÿ. Reges Tharsis et insulæ múnere offerent. R. Reges Arabum et Saba dona addúcent.

Ad Magnif. Ant. Fili, quid fecisti \* nobis sic? Ego et pater tuus dolentes quærebamus te. Quid est quod me quærebátis? nesciebátis quia in iis, quæ Patris mei sunt, opórtet me esse?

Oratio. Vota, quæsumus Dómine. ut supra. 277.

Et sit commem. de Epiphania.

Ant. Tribus miraculis ornátum diem sanctum cólimus: hódie stella Magos duxit ad præsepium: hódie vinum ex aqua factum est ad nú-

ptias: hódie in Jordáne a Joánne Christus baptizári vóluit, ut salváret nos, allelúja.

Ÿ. Omnes de Saba vénient, allelúja. R. Aurum et thus deferentes, allelúja.

Oratio.

**D**eus, qui hodiérna die Unigénitum tuum Géntibus stella duce revelásti: concéde propítius; ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúmdem Dóminum.

Si Octava Epiphaniæ venerit in Dominica, nihil fit de Dominica in ipsa die Octava, sed tantum in I. Vesp. diei Octavæ fit commem. pro II. Vesp. Dominicæ infra Oct., de qua celebratum est Officium eo die. Ant. Fili, quid fecisti. Ÿ. Omnes de Saba. qui Versus etiam dicitur, quando Octava Epiphaniæ venerit in Feria II. pro comm. Dominicæ in I. Vesperis diei Octavæ.

In die Octava Epiphaniæ.

Duplex.

In I. Vesp. omnia dicuntur sicut in I. Vesperis Epiph. 249. excepta Oratione, quæ dicitur ut sequitur.

Oratio.

**D**eus, cujus Unigénitus in substantia nostræ carnis apparuit: præsta quæsumus; ut per eum, quem símilem nobis foris agnóvimus, intus reformári mereámur: Qui tecum vivit.

Ad Matutinum.

Invitat., Hymnus, et Ps. ut infra Octavam: cetera dicuntur sicut in die Epiph., præter Lectiones.

In I. Noct. leguntur Lect. de Epistola I. ad Corinthios, quæ occurrunt secundum superiorem Rubricam. 274:

## In II. Nocturno.

Sermo sancti Gregórii Nazianzéní.

Orat. in sancta Lumina.

## Lectio iv.

**N**on possum cohibére lætitiæ voluptatem, sed mente extóllor, et afficior: et propriæ pusillitátis oblítus, officium magni Joánnis, imo pótius famulátum subíre conténdo, ac géstio: et licet non sim præcúrsor, de erémo tamen vénio. Christus ergo illuminátur, imo pótius fulgóre suo nos illúminat: Christus baptizátur, simul et nos descendámus, ut cum ipso páriter ascendámus.

R. Illumináre, illumináre Jerúsalem, quia venit lux tua: \* Et glória Dómini super te orta est. V. Et ambulábunt Gentes in lúmine tuo, et reges in splendóre ortus tui. Et glória.

## Lectio v.

**J**oánnes baptizat, et accédit Jesus, sanctificans quidem et ipsum, qui baptizat, præcípue tamen ut et véterem Adam sepéliat in aquis, et ante ómnia, ut per hæc sanctificéntur aquæ Jordánis: ut sicut erat spíritus et caro, ita et his, qui baptizándi erant, in spíritu et aqua sanctificatiónis succéssio traderétur. Non súscipit Baptista, conténdit Jesus. Ego, inquit, opus hábeo a te baptizári. Lucérna dicit ad Solem, et vox lóquitur ad Verbum.

R. Omnes de Saba vénient, aurum et thus deferéntes, et laudem Dómino annuntiántes, \* Allelúja, allelúja, allelúja. V. Reges Tharsis et ínsulæ múnera ófferent, reges Arabum et Saba dona addúcent. Allelúja, allelúja, allelúja.

## Lectio vi.

**A**scéndit Jesus de aqua, secum quodámmodo demérsus edúcens et élevans mundum: et vidit non dívidi cœlum, sed aperíri, quod sibi ac nobis post se aliquándo Adam ille conclúserat; sicut et ígneo gládio paradísus fúerat conclúsus. Spíritus sanctus testimonium pérhibet: similia namque sibi ipsa concúrrunt. De cœlo testimonium defértur: inde enim erat ille, cui testimonium perhibétur.

R. Magi véniunt. 255.

## In III. Nocturno.

Léctio sancti Evangélíi secúndum Joánnem.

## Lectio vii.

Cap. 1. d.

**I**n illo témpore: Vidit Joánnes Jesum veniéntem ad se, et ait: Ecce Agnus Dei, ecce qui tollit peccátum mundi. Et réliqua.

Homília sancti Augustíni  
Epíscopi.

Tract. 6. in Joann., ante med.

**A**ntequam veníret Dóminus ut baptizarétur a Joánnē in Jordáne, nóverat eum illis vóciis, ubi ait: Tu ad me venis baptizári? ego a te débeo baptizári. Sed ecce Dóminum nóverat, nóverat Fílium Dei. Unde probámus quod jam nóverat, quia ipse baptizáret in Spíritu sancto? Antequam veníret ad flúvium, cum multi ad Joánnem cúrrerent baptizári, ait illis: Ego quidem baptízo vos in aqua: qui autem post me venit, major me est: cujus non sum dignus corrigiam calceaménti sólvēre: ipse vos baptizábit in Spíritu sancto, et igni. Jam et hoc nóverat.

R. Stella, quam viderant Magi in Oriēte, antecēbat eos, donec venirent ad locum, ubi puer erat. \* Vidētes autem eam, gavisi sunt gāudio magno. V. Et intrātes domum, invenērunt pūerum cum Mariā matre ejus, et procidētes adoravērunt eum. Vidētes.

## Lectio viii.

**Q**uid ergo per colūbam dīdicit, ne mendax pōstea inveniātur, (quod avētat a nobis Deus opināri) nisi quamdam proprietātem in Christo talem futūram, ut quamvis multi ministri baptizātūri essent, sive iusti, sive injūsti, non tribuerētur sanctitas baptīsmi, nisi illi, super quem descēdit colūmba, de quo dictum est: Hic est qui baptizat in Spīritu sancto? Petrus baptizet, hic est qui baptizat: Paulus baptizet, hic est qui baptizat: Judas baptizet, hic est qui baptizat. Nam si pro diversitate meritōrum baptisma sanctum est: quia diversā sunt mērita, diversā erunt baptīsmata: et tanto quisque āliquid mēlius putātur accipere, quanto a meliōre vidētur accepisse.

R. Vidētes stellam Magi, gavisi sunt gāudio magno: \* Et intrātes domum invenērunt pūerum cum Mariā matre ejus, et procidētes adoravērunt eum: Et apērtis thesauris suis, obtulērunt ei mūnera, aurum, thus, et myrrham. V. Stella, quam viderant Magi in Oriēte, antecēbat eos, usque dum vēniens staret supra ubi erat puer. Et intrātes. Glōria. Et apērtis.

## Lectio ix.

**I**psi sancti, (intelligite fratres) boni pertinētes ad colūbam, pertinētes ad sortem civitātis il-

lius Jerūsalem, ipsi boni in Ecclēsia, de quibus dicit Apōstolus: Novit Dōminus qui sunt ejus; diversarum gratiārum sunt, non omnes pāria mērita habent. Sunt ālii āliis sanctiōres, sunt ālii āliis meliōres. Quare ergo si unus ab illo, verbi grātia, justo, sancto baptizētur, ālius ab ālio inferiōris mēriti apud Deum, inferiōris gradus, inferiōris continētiāe, inferiōris vitāe; unum tamen et par et æquāle est quod accepērunt, nisi quia hic est, qui baptizat? Te Deum. 14.

Ad Laudes, per Horas, et ad Vesp., omnia dicuntur sicut in die Epiph., excepta Oratione, quæ est: Deus, cuius Unigēitus. ut supra. 278.

Si Octava Epiphaniæ venerit in Sabbato, in II. Vesp. Oct. fit commem. Dominicæ II. post Epiph. Quando autem Septuagesima venerit in Dominica I. post Oct. Epiphaniæ, tunc in primo Sabbato post Octavam, non impedito festo ix Lectionum, alioquin i. die post Octavam, fit Officium de Feria, in qua ponuntur R. I. Nocturni Dominicæ II. post Epiph., et tres Lect. leguntur de Homilia ejusdem Dominicæ cum ejus Ant. ad Bened., et Oratione. De Festo vero Semiduplici in ea occurrente fit tantum commemoratio in utrisque Vesperis et Laudibus.

## Dominica I.

### post Epiphaniam

quæ est infra Octavam.

In I. Nocturno legitur Epistola I. ad Corinthios, secundum superiorem Rubricam. 274.

Incipit Epistola prima beāti Pauli Apōstoli ad Corīnthios.

## Lectio i.

## Cap. i.

**P**aulus vocātus Apōstolus Jesu Christi per voluntātem Dei, et Sósthenes frater, Ecclēsiæ

Dei quæ est Corínthi, sanctificátis in Christo Jesu, vocátis sanctis, cum ómnibus qui invocant nomen Dómini nostri Jesu Christi, in omni loco ipsórum, et nostro. Grátia vobis, et pax a Deo Patre nostro, et Dómino Jesu Christo.

**R.** Hódie in Jordáne baptizáto Dómino apérti sunt cœli, et sicut colúmba super eum Spíritus mansit, et vox Patris intónuit: \* Hic est Fílius meus diléctus, in quo mihi bene compláui. **V.** Descéndit Spíritus sanctus corporáli spécie sicut colúmba in ipsum, et vox de cœlo facta est. Hic est.

### Lectio ii.

**G**rátiās ago Deo meo semper pro vobis in grátia Dei, quæ data est vobis in Christo Jesu: quod in ómnibus dívites facti estis in illo, in omni verbo, et in omni sciéntia: sicut testimónium Christi confirmátum est in vobis: ita ut nihil vobis desit in ulla grátia, expectántibus revelatióem Dómini nostri Jesu Christi, qui et confirmábit vos usque in finem sine crímine, in die advéntus Dómini nostri Jesu Christi. Fidélis Deus: per quem vocáti estis in societátem Fílii ejus Jesu Christi Dómini nostri.

**R.** In colúmbæ spécie Spíritus sanctus visus est, Patérna vox audíta est: \* Hic est Fílius meus diléctus, in quo mihi bene compláui. **V.** Cœli apérti sunt super eum, et vox Patris intónuit. Hic est.

### Lectio iii.

**O**bsecro autem vos fratres per nomen Dómini nostri Jesu Christi: ut idípsū dicátis omnes,

et non sint in vobis schísmata: sitis autem perfécti in eódem sensu, et in eádem senténtia. Significátum est enim mihi de vobis fratres mei ab iis, qui sunt Chloës, quia contentiões sunt inter vos. Hoc autem dico, quod unusquisque vestrum dicit: Ego quidem sum Pauli: ego autem Apóllo: ego vero Cephæ: ego autem Christi. Divísus est Christus? Numquid Paulus crucifixus est pro vobis? aut in nómine Pauli baptizáti estis?

**R.** Reges Tharsis. 252.

In II. et III. Noct. leguntur Lect. Domin. infra Oct. 275.

Si vero dies Octava venerit in Dominica, dicuntur de die Octava. 279.

### Feria Secunda.

De Epístola prima ad Corínthios.

Lectio i. Cap. 2.

**E**t ego, cum veníssem ad vos, fratres, veni non in sublimitáte sermónis, aut sapiéntiæ, annútiāns vobis testimónium Christi. Non enim judicávi me scire áliquid inter vos, nisi Jesum Christum, et hunc crucifixum. Et ego in infirmitáte, et timóre, et tremóre multo fui apud vos: et sermo meus, et prædicatio mea non in persuasibílibus humánæ sapiéntiæ verbis, sed in ostensióne spíritus et virtútis: ut fides vestra non sit in sapiéntia hóminum, sed in virtúte Dei.

### Lectio ii.

**S**apiéntiam autem lóquimur inter perféctos: sapiéntiam vero non hujus sæculi, neque princípum hujus sæculi, qui destruúntur: sed lóquimur Dei sapiéntiam in mystério, quæ abscondita est, quam præ-

destinavit Deus ante sæcula in glóriam nostram, quam nemo principum hujus sæculi cognovit: si enim cognovissent, numquam Dóminum glóriæ crucifixissent. Sed sicut scriptum est: Quod óculus non vidit, nec auris audivit, nec in cor hóminis ascendit, quæ præparavit Deus iis, qui diligunt illum.

Lectio iii.

**N**obis autem revelavit Deus per Spíritum suum: Spíritus enim ómnia scrutatur, étiam profunda Dei. Quis enim hóminum scit quæ sunt hóminis, nisi spíritus hóminis, qui in ipso est? ita et quæ Dei sunt, nemo cognovit, nisi Spíritus Dei. Nos autem non spíritum hujus mundi accepimus, sed Spíritum, qui ex Deo est, ut sciámus quæ a Deo donata sunt nobis: quæ et loquimur non in doctis humanæ sapiéntiæ verbis, sed in doctrína Spíritus, spirituálibus spirituália comparantes.

Feria Tertia.

De Epístola prima ad Corínthios.

Lectio i.

Cap. 5.

**O**mnino auditur inter vos fornicatio, et talis fornicatio, qualis nec inter Gentes, ita ut uxórem patris sui aliquis hábeat. Et vos infláti estis: et non magis luctum habuístis ut tollátur de médio vestrum qui hoc opus fecit. Ego quidem absens corpore, præsens autem spíritu, jam judicavi ut præsens, eum, qui sic operátus est, in nómine Dómini nostri Jesu Christi, congregátis vobis et meo spíritu, cum virtúte Dómini nostri Jesu, trádere hujusmodi sátanæ in

intéritum carnis, ut spíritus salvus sit in die Dómini nostri Jesu Christi.

Lectio ii.

**N**on est bona gloriatio vestra. Nescitis quia módicum fermentum totam massam corrumpit? Expurgáte vetus fermentum, ut sitis nova conspersio, sicut estis ázyymi. Etenim Pascha nostrum immolátus est Christus. Itaque epulémur: non in fermento véteri, neque in fermento malitiæ, et nequitiae: sed in ázymis sinceritátis, et veritátis.

Lectio iii.

**S**cripsi vobis in epístola: Ne commisceámini fornicáriis. Non útique fornicáriis hujus mundi, aut aváris, aut rapácibus, aut idólis serviéntibus: alióquin debuerátis de hoc mundo exísse. Nunc autem scripsi vobis non commiscéri: si is, qui frater nominátur, est fornicátor, aut avárus, aut idólis serviens, aut malédicus, aut ebriósus, aut rapax: cum hujusmodi nec cibum sumere.

Feria Quarta.

De Epístola prima ad Corínthios.

Lectio i.

Cap. 6.

**A**udet aliquis vestrum habens negotium advérsus álterum, judicári apud iníquos, et non apud sanctos? An nescitis quóniam sancti de hoc mundo judicábunt? Et si in vobis judicábitur mundus, indigni estis qui de minimis judicétis? Nescitis quóniam ángelos judicábitus? quanto magis sæculária? Sæculária igitur iudicia si habueritis: contemptibiles, qui sunt



in Ecclesia, illos constituite ad iudicandum. Ad verecundiam vestram dico. Sic non est inter vos sapiens quisquam, qui possit iudicare inter fratrem suum? Sed frater cum fratre iudicio contendit: et hoc apud infideles?

Lectio ii.

**J**am quidem omnino delictum est in vobis, quod iudicia habetis inter vos. Quare non magis injuriam accipitis? quare non magis fraudem patimini? Sed vos injuriam facitis, et fraudatis: et hoc fratribus. An nescitis quia iniqui regnum Dei non possidebunt? Nolite errare: Neque fornicarii, neque idolis serviētes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces, regnum Dei possidebunt. Et hæc quidam fuistis: sed abluti estis, sed sanctificati estis, sed justificati estis, in nomine Domini nostri Jesu Christi, et in Spiritu Dei nostri.

Lectio iii.

**O**mnia mihi licent, sed non omnia expediunt. Omnia mihi licent, sed ego sub nullius redigar potestate. Esca ventri, et venter escis: Deus autem et hunc, et has destruet: corpus autem non fornicationi, sed Domino: et Dominus corpori. Deus vero et Dominum suscitavit: et nos suscitabit per virtutem suam. Nescitis quoniam corpora vestra membra sunt Christi? Tollens ergo membra Christi, faciam membra meretricis? Absit. An nescitis quoniam qui adhæret meretrici, unum corpus efficitur? Erunt enim (inquit) duo in carne

una. Qui autem adhæret Domino, unus spiritus est. Fugite fornicationem.

Feria Quinta.

De Epistola prima ad Corinthios.

Lectio i.

Cap. 7.

**D**e quibus autem scripsistis mihi: Bonum est homini mulierem non tangere: propter fornicationem autem unusquisque suam uxorem habeat, et unaquæque suum virum habeat. Uxori vir debitum reddat: similiter autem et uxor viro. Mulier sui corporis potestatem non habet, sed vir. Similiter autem et vir sui corporis potestatem non habet, sed mulier.

Lectio ii.

**N**olite fraudare invicem, nisi forte ex consensu ad tempus, ut vacetis orationi: et iterum revertimini in idipsum, ne tentet vos satanas propter incontinentiam vestram. Hoc autem dico secundum indulgentiam, non secundum imperium. Volo enim omnes vos esse sicut meipsum: sed unusquisque proprium donum habet ex Deo: alius quidem sic, alius vero sic. Dico autem non nuptis, et viduis: bonum est illis si sic permaneant, sicut et ego. Quod si non se continent, nubant. Melius est enim nubere, quam uri.

Lectio iii.

**I**s autem, qui matrimonio juncti sunt, præcipio non ego, sed Dominus, uxorem a viro non discedere: quod si discesserit, manere innuptam, aut viro suo reconciliari. Et vir uxorem non dimittat. Nam ceteris ego dico, non Dominus. Si quis frater uxorem habet infidē-

lem, et hæc conséntit habitáre cum illo, non dimíttat illam. Et si qua múlter fidélis habet virum infidél-lem, et hic conséntit habitáre cum illa, non dimíttat virum: sanctifi-cátus est enim vir infidélis per mu-lierem fidélem, et sanctificáta est múlter infidélis per virum fidélem: alióquin filii vestri immúndi es-sent, nunc autem sancti sunt.

### Feria Sexta.

De Epístola prima ad Corínthios.

Lectio i. Cap. 13.

**S**i linguis hóminum loquar et An-gelórum, caritátem autem non hábeam, factus sum velut æs so-nans, aut cýmbalum tínniens. Et si habúero prophetíam, et nóverim mystéria ómnia, et omnem scién-tiam: et si habúero omnem fidem, ita ut montes tránsferam, caritá-tem autem non habúero, nihil sum. Et si distribúero in cibos paúpe-rum omnes facultátes meas, et si tradídero corpus meum, ita ut ár-deam, caritátem autem non habú-ero, nihil mihi prodest.

### Lectio ii.

**C**áritas pátiens est, benígna est: Cáritas non æmulátur, non agit pérperam, non inflátur, non est ambitiósa, non quærit quæ sua sunt, non irritátur, non cógitat ma-lum, non gaudet super iniquitáte, congaúdet autem veritáti: ómnia suffert, ómnia credit, ómnia spe-rat, ómnia sústinet. Cáritas num-quam éxcidit: sive prophetiæ eva-cuabúntur, sive linguæ cessábunt, sive sciéntia destruétur. Ex parte enim cognóscimus, et ex parte pro-

phetámus. Cum autem vénerit quod perféctum est, evacuábitur quod ex parte est.

### Lectio iii.

**C**um essem párvulus, loquébar ut párvulus, sapiébam ut párvulus, cogitábam ut párvulus. Quando autem factus sum vir, eva-cuávi quæ erant párvuli. Vidémus nunc per spéculum in ænígmate: tunc autem fácie ad fáciem. Nunc cognóscó ex parte: tunc autem cognóscam, sicut et cógnitus sum. Nunc autem manent fides, spes, cáritas: tria hæc. Major autem ho-rum est cáritas.

### Sabbato.

De Epístola prima ad Corínthios.

Lectio i. Cap. 16.

**D**e colléctis autem, quæ fiunt in sanctos, sicut ordinávi ecclé-siis Galátia, ita et vos fácite. Per unam sábbati unusquisque vestrum apud se sepónat, recóndens quod ei bene placúerit: ut non, cum vé-nero, tunc colléctæ fiant. Cum au-tem præsens fúero: quos probavé-ritis per epístolas, hos mittam per-férre grátiam vestram in Jerúsa-lem. Quod si dignum fúerit ut et ego eam, mecum ibunt.

### Lectio ii.

**V**éniam autem ad vos, cum Ma-cedóniam pertransiéro: nam Macedóniam pertransibo. Apud vos autem fórsitan manébo, vel étiam hiemábo: ut vos me dedu-cátis quocúmque iéro. Nolo enim vos modo in tránsitu vidére: spero enim me aliquántulum témporis manére apud vos, si Dóminus per-

miserit. Permanébo autem Ephesi usque ad Pentecósten. Ostium enim mihi apértum est magnum, et evidens: et adversáarii multi.

Lectio iii.

**S**i autem vénerit Timótheus, vidéte ut sine timóre sit apud vos: opus enim Dómini operátur, sicut et ego. Ne quis ergo illum spernat: dedúcite autem illum in pace, ut véniat ad me: exspécto enim illum cum frátribus. De Apóllo autem fratre vobis notum fácio, quóniam multum rogávi eum ut veníret ad vos cum frátribus: et útique non fuit volúntas ut nunc veníret: véniet autem, cum ei vácuum fúerit. Vigiláte, state in fide, viríliter ágite, et confortámini. Omnia vestra in caritaté fiant.

Sabbato I.

post Octavam Epiphaniae.

Ad Vesperas.

Omnia, præter Orationem, ut in Psalt. 123. quod servatur in aliis Sabbatis usque ad Septuagesimam.

Oratio.

**O**mnípotens sempitérne Deus, qui cœléstia simul et terréna moderáris: supplicatiónes pópuli tui cleménter exaúdi, et pacem tuam nostris concéde temporibus. Per Dóminum.

Deinde fiunt commem. ibidem positæ ut in Psalt. 126.

Dominica II.

post Epiphaniam.

Omnia ut in Psalterio, præter ea quæ hic sunt propria.

In I. Nocturno.

Incipit Epístola secúnda beáti Pauli Apóstoli ad Corínthios.

Lectio i.

Cap. 1.

**P**aulus Apóstolus Jesu Christi per voluntátem Dei, et Timótheus frater, Ecclésiæ Dei, quæ est Corínthi cum ómnibus sanctis, qui sunt in univérsa Achája. Grátia vobis, et pax a Deo Patre nostro, et Dómino Jesu Christo. Benedictus Deus et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra: ut possimus et ipsi consolári eos qui in omni pressúra sunt, per exhortatióem, qua exhortámur et ipsi a Deo. Quóniam sicut abúndant passiónes Christi in nobis: ita et per Christum abúndat consolatio nostra.

**R.** Dómine, ne in ira tua árguas me, neque in furóre tuo corrípias me: \* Miserére mei Dómine, quóniam infirmus sum. **V.** Timor et tremor venérunt super me, et contexérunt me ténebræ. Miserére mei Dómine.

Lectio ii.

**S**ive autem tribulámur pro vestra exhortatióne et salúte, sive consolámur pro vestra consolatióne, sive exhortámur pro vestra exhortatióne et salúte, quæ operátur tolerántiam earúmdem passiónum, quas et nos pátimur: ut spes nostra firma sit pro vobis: sciéntes quod sicut sócii passiónum estis, sic éritis et consolatiónis.

R. Deus, qui sedes super thronum, et júdicas æquitátem, esto refúgium paúperum in tribulatióne: \* Quia tu solus labórem et dólórem consíderas. V. Tibi enim derelictus est pauper, pupíllo tu eris adjútor. Quia tu solus.

Lectio iii.

**N**on enim vólumus ignoráre vos fratres de tribulatióne nostra, quæ facta est in Asia, quóniam supra modum graváti sumus supra virtútem, ita ut tædéret nos étiam vivere. Sed ipsi in nobismetípsis respónsum mortis habúimus, ut non simus fidéntes in nobis, sed in Deo, qui súscitat mórtuos: qui de tantis perículis nos erípuit, et éruit: in quem sperámus, quóniam et adhuc erípiet, adjuvántibus et vobis in oratióne pro nobis: ut ex multórum persónis, ejus quæ in nobis est donatiónis, per multos grátiae agántur pro nobis.

R. A dextris est mihi Dóminus, ne commóvear: \* Propter hoc dilatátum est cor meum, et exsultávit lingua mea. V. Dóminus pars hæreditátis meæ, et cálicis mei. Propter. Glória Patri. Propter.

In II. Nocturno.

Sermo sancti Joáñis Chrysóstomi.

Ex Præfatione in Epistolas  
beati Pauli.

Lectio iv.

**B**eáti Pauli Epistolárum lecti-  
onem dum assídue auscúlto,  
perque hebdómadas singulas  
bis sæpe, et ter et quater, quoties-  
cúmque sanctórum Mártyrum me-  
mórias celebrámus, gaúdio exsúlto,  
tuba illa spiritali pérfruens, et éx-  
citor, ac desidério incalésco, vo-

cem mihi amícam agnóscens, et  
fere præsentem ipsum intuéri, et  
disseréntem audíre vídeor. Sed  
tamen dóleo et moléste fero, quod  
virum hunc non omnes, sicut par  
est, cognóscunt: verum ita illum  
nonnúllo ignórant, ut ne Epistolá-  
rum quidem ejus númerum plane  
sciant. Hoc vero non imperítia fa-  
cit: sed quod nolint beáti hujus  
viri scripta assidue in mánibus ha-  
bére.

R. Notas mihi fecísti Dómine  
vias vitæ: \* Adimplébis me lætítia  
cum vultu tuo: delectatiónes in  
déktera tua usque in finem. V. Tu  
es qui restitues hæreditátem me-  
am mihi. Adimplébis me.

Lectio v.

**N**eque enim nos, quæ scimus, si  
quid scimus, ab ingénii boni-  
táte atque acúmíne scimus: sed  
quod erga hunc virum impénse af-  
fécti, ab illíus lectiόne numquam  
discédimus: síquidem qui amant,  
ii plus quam céteri omnes eórum  
facta norunt, quos amant, ut qui  
de iis ipsis sint solliciti. Id quod  
beátus hic véluti osténdens, ad  
Philippénses ait: Sicut est mihi  
justum, ut hoc de vobis ómnibus  
séntiam, eo quod hábeam vos in  
corde, et in vínculis meis, et in de-  
fensiόne et confirmatiόne Evan-  
gélíi.

R. Diligam te Dómine virtus  
mea: Dóminus firmaméntum me-  
um, \* Et refúgium meum. V. Libe-  
rátor meus, Deus meus, adjútor  
meus. Et refúgium.

Lectio vi.

**Q**uaprópter si et vos quoque le-  
ctiόni diligénter atténdere vo-  
luéritis, nihil áliud vobis erit re-

quiréndum. Verax est enim Christi sermo dicentis: Quærite, et inveniétis: pulsáte, et aperiétur vobis. Céterum, quandóquidem complúres ex iis, qui huc nobíscum convéniunt, et liberórum educatió-nem, et uxóris curam, et famíliæ providéntiam suscepére, ob idque totos sese huic labóri dare non sústinent: at certe ipsi vos excitáte ad ea saltem capiéndam, quæ álii collégerint; stúdií tantúndem iis, quæ dicta fúerint, auscultándis, quantum pecúniis colligéndis impertiéntes. Nam etsi turpe sit, non nisi tantum stúdií a vobis exigere: optábile tamen erit, si tantum saltem tribuátis.

R. Dómini est terra, et plenitúdo ejus: \* Orbis terrárum, et univér-si qui hábitant in eo. V. Ipse super mária fundávit eam, et super flúmina præparávit illam. Orbis. Gló-ria Patri. Orbis.

In III. Nocturno.

Léctio sancti Evangélíi secúndum Joánnem.

Lectio vii. Cap. 2.

**I**n illo témpore: Núptiæ factæ sunt in Cana Galilææ, et erat mater Jesu ibi. Vocátus est autem et Jesus, et discípuli ejus ad núptias. Et réliqua.

Homilía sancti Augustíni  
Epíscopi.

Tract. 9. in Joannem, post initium.

**Q**uod Dóminus invitátus venit ad núptias, étiam excépta mýstica significatióne, confirmáre vóluit, quod ipse fecit núptias. Futúri enim erant, de quibus dixit Apóstolus, prohibéntes núbere, et dicéntes quod malum

essent núptiæ, et quod diábolus eas fecísset: cum idem Dóminus dicat in Evangélio interrogátus, utrum liceat hómini dimíttre uxórem suam ex quálibet causa, non licére, excépta causa fornicatió-nis. In qua responsiόne, si meminístis, hoc ait: Quod Deus conjúxit, homo non séparet.

R. Ad te Dómine levávi ánimam meam: \* Deus meus in te confido, non erubéscam. V. Custódi ánimam meam, et éripe me. Deus.

Lectio viii.

**E**t qui bene erudíti sunt in fide Ecathólica novérunt, quod Deus fécerit núptias: et sicut conjúctio a Deo, ita divórtium a diábolo sit. Sed proptérea in causa fornicatió-nis licet uxórem dimíttre: quia ipsa esse uxor prior nóluit, quæ fidem conjugálem maríto non servávit. Nec illæ, quæ virginitátem Deo vovent, quamquam ampliórem gradum honóris et sanctitátis in Ecclésia téneant, sine núptiis sunt: nam et ipsæ pértinent ad núptias cum tota Ecclésia, in quibus núptiis sponsus est Christus.

R. Duo Séraphim clamábant alter ad álterum: \* Sanctus, sanctus, sanctus Dóminus Deus Sábaoth: \* Plena est omnis terra glória ejus. V. Tres sunt qui testimónium dant in coelo: Pater, Verbum, et Spíritus sanctus: et hi tres unum sunt. Sanctus. Glória Patri. Plena est.

Hoc R. semper dicitur post viii. Lect. ab hac Dominica usque ad Septuagesimam in Dominicis tantum.

Lectio ix.

**A**c per hoc ergo Dóminus invitátus venit ad núptias, ut conjugális cástitas firmarétur, et osten-

derétur sacraméntum nuptiárum: quia et illárum nuptiárum sponsus persónam Dómini figurábat, cui dictum est: Servásti vinum bonum usque adhuc. Bonum enim vinum Christus servávit usque adhuc, id est, Evangélium suum.

Te Deum laudámus. 14.

### Ad Laudes

et per Horas.

Omnia ut in Psalterio. 15.

Ad Bened. Ant. Nuptiæ factæ sunt \* in Cana Galilææ, et erat ibi Jesus cum Mariá matre sua.

Ÿ. Dóminus regnávit, decórem induit. R. Induit Dóminus fortitúdinem, et præcínxit se virtúte.

Oratio.

**O**mnípotens sempitérne Deus, qui coeléstia simul et terréna moderáris: supplicatiónes pópuli tui cleménter exaúdi, et pacem tuam nostris concéde temporibus. Per Dóminum.

Deinde fiunt commem. ut supra in Vesperis Sabbati. 126.

### Ad Vesperas.

Omnia ut in Psalt. de Dom. 108.

Ad Magnif. Ant. Deficiente vino, \* jussit Jesus impléri hýdrias aqua, quæ in vinum convérsa est, allelúja.

Ÿ. Dirigátur Dómine orátio mea. R. Sicut incénsum in conspéctu tuo.

Deinde fiunt commem. ut supra in Vesp. Sabbati. 126.

Post Octavam Epiph. usque ad Quadrag. quando occurrit ferí de Feria, fit Offic. ut in Psalt., exceptis iis, quæ sunt propria. Oratio vero dicitur de Dominica præcedenti.

### Feria Secunda.

De Epístolasecúnda ad Corínthios.

Lectio i.

Cap. 3.

**I**ncipimus iterum nosmetipsos commendáre? aut numquid egémus (sicut quidam) commendatítiis epístolis ad vos, aut ex vobis? Epístola nostra vos estis, scripta in córdibus nostris, quæ scitur, et légitur ab ómnibus homínibus: manifestáti quod epístola estis Christi, ministráta a nobis, et scripta non atraménto, sed Spíritu Dei vivi: non in tábulis lapídeis, sed in tábulis cordis carnálibus.

R. Quam magna multitúdo dulcedinis tuæ Dómine, \* Quam abscondísti timéntibus te! Ÿ. Et perfecísti eis qui sperant in te Dómine, in conspéctu filiórum hóminum. Quam.

Lectio ii.

**F**idúciám autem talem habémus per Christum ad Deum: non quod sufficiéntes simus cogitare áliquíd a nobis, quasi ex nobis: sed sufficiéntia nostra ex Deo est: qui et idóneos nos fecit ministros novi Testaménti, non lítera, sed Spíritu: lítera enim occídit, Spíritus autem vivícat. Quod si ministrátio mortis líteris deformáta in lapídibus, fuit in glória, ita ut non possent inténdere filii Israél in fáciem Móysi propter glóriam vultus ejus, quæ evacuátur: quómodo non magis ministrátio Spíritus erit in glória?

R. Adjútor meus esto, Deus: \* Ne derelínquas me. Ÿ. Neque despicias me Deus salutáris meus. Ne derelínquas.



## Lectio iii.

**N**am si ministratio damnationis glória est: multo magis abundat ministerium iustitiæ in glória. Nam nec glorificatum est, quod cláruit in hac parte, propter excellentem glóriam. Si enim quod evacuátur, per glóriam est: multo magis quod manet, in glória est. Habéntes igitur talem spem, multa fiducia útimur: et non sicut Móyses ponébat velámen super faciém suam, ut non inténderent filii Israël in faciém ejus, quod evacuátur, sed obtúsi sunt sensus eórum. Usque in hodiérnum enim diem idípsum velámen in lectione véteris Testaménti manet non revelátum, quóniam in Christo evacuátur.

**R.** Benedícam Dóminum in omni témpore: \* Semper laus ejus in ore meo. **V.** In Dómino laudábitur ánima mea, aúdiat mansuétí, et læténtur. Semper. Glória. Semper.

Responsoria in hac et sequ. Feriis posita repetuntur in Feriis sequentium Hebd. usque ad Septuagesimam.

## Feria Tertia.

De Epístola secúnda ad Corínthios.

## Lectio i.

## Cap. 5.

**S**cimus enim quóniam si terréstris domus nostra hujus habitationis dissolvátur, quod ædificationem ex Deo habémus, domum non manufactam, ætérnam in cœlis. Nam et in hoc ingemíscimus, habitationem nostram, quæ de cœlo est, superíndui cupiéntes: si tamen vestíti, non nudi inveniámur. Nam et qui sumus in hoc tabernáculo, ingemíscimus graváti: eo quod nolumus exspoliári, sed

supervestíri, ut absorbeátur quod mortále est, a víta.

**R.** Aúribus pércipe Deus lácrimas meas: ne síleas a me, remítte mihi: \* Quóniam íncola ego sum apud te, et peregrínus. **V.** Compláceat tibi, ut erípias me: Dómine ad adjuvándum me festína. Quóniam.

## Lectio ii.

**A**udéntes igitur semper, sciéntes quóniam dum sumus in corpore, peregrínámur a Dómino: (per fidem enim ambulámus, et non per spéciem) audémus autem, et bonam voluntátem habémus magis peregrínári a corpore, et præséntes esse ad Dóminum. Et ídeo conténdimus sive abséntes, sive præséntes, placére illi. Omnes enim nos manifestári opórtet ante tribúnal Christi, ut réferat unusquisque própria cörperis, prout gessit, sive bonum, sive malum.

**R.** Státuit Dóminus supra petram pedes meos, et diréxit gressus meos Deus: \* Et misit in os meum cánticum novum. **V.** Exaudivit preces meas: et edúxit me de lacu misériæ. Et misit.

## Lectio iii.

**S**ciéntes ergo timórem Dómini homínibus suadémus, Deo autem manifesti sumus. Spero autem et in consciétiis vestris manifestos nos esse. Non íterum commendámus nos vobis, sed occasiönem damus vobis gloriándi pro nobis: ut habeátis ad eos qui in facië gloriántur, et non in corde. Sive enim mente excédimus, Deo: sive sóbrii sumus, vobis. Cáritas enim Christi urget nos: æstimán-

tes hoc, quóniam si unus pro ómnibus mórtuus est, ergo omnes mórtui sunt: et pro ómnibus mórtuus est Christus: ut et qui vivunt, jam non sibi vivant, sed ei qui pro ipsis mórtuus est et resurrexit.

R. Ego dixi, Dómine miserere mei: \* Sana ánimam meam, quia peccávi tibi. V. Ab ómnibus iniquitatibus meis éripe me Dómine. Sana. Glória Patri. Sana.

#### Feria Quarta.

De Epístola secúnda ad Corínthios.

##### Lectio i.

##### Cap. 7.

**I**as ergo habéntes promissiones, caríssimi, mundémus nos ab omni inquinaménto carnis et spíritus, perficiéntes sanctificationem in timóre Dei. Cápite nos. Némitem læsimus, némitem corripimus, némitem circumvénimus. Non ad condemnationem vestram dico. Prædíximus enim, quod in córdibus nostris estis ad commo-riéndum, et ad convivéndum.

R. Ne perdíderis me cum iniquitatibus meis: \* Neque in finem irátus resérves mala mea. V. Non intres in iudícium cum servo tuo Dómine. Neque.

##### Lectio ii.

**M**ulta mihi fidúcia est apud vos, multa mihi gloriátio pro vobis, replétus sum consolatióne, superabúndo gaúdio in omni tribulatione nostra. Nam et cum venissemus in Macedóniam, nullam réquiem hábuit caro nostra, sed omnem tribulationem passi sumus: foris pugnae, intus timóres. Sed qui consolátur húmiles, consolátus est nos Deus in advéntu Titi. Non solum autem in advéntu ejus, sed

étiam in consolatióne, qua consolátus est in vobis, réferens nobis vestrum desidérium, vestrum fletum, vestram æmulationem pro me, ita ut magis gaudérem.

R. Parátum cor meum Deus, parátum cor meum: \* Cantábo, et psalmum dicam Dómino. V. Exsúrge glória mea, exsúrge psaltérium et cíthara, exsúrgam dilúculo. Cantábo.

##### Lectio iii.

**Q**uóniam etsi contristávi vos in epístola, non me pœnitet: et si pœnitéret, videns quod epístola illa (etsi ad horam) vos contristávit; nunc gaúdeo: non quia contristáti estis, sed quia contristáti estis ad pœniténtiam. Contristáti enim estis secúndum Deum, ut in nullo detriméntum patiámini ex nobis. Quæ enim secúndum Deum tristítia est, pœniténtiam in salutem stáblem operátur: sæculi autem tristítia mortem operátur.

R. Adjútor meus tibi psallam, quia Deus suscéptor meus es: \* Deus meus, misericórdia mea. R. Lætabor, et exsultábo in te, psallam nómini tuo Altíssime. Deus. Glória Patri. Deus.

#### Feria Quinta.

De Epístola secúnda ad Corínthios.

##### Lectio i.

##### Cap. 10.

**I**pse autem ego Paulus óbsecro vos per mansuetúdinem et modéstiam Christi, qui in fácie quidem húmilis sum inter vos, absens autem confido in vobis. Rogo autem vos, ne præsens aúdeam per eam confidéntiam, qua existimor audére in quosdam, qui arbitrántur nos tamquam secúndum

carnem ambulémus. In carne enim ambulantes, non secundum carnem militámus.

R. Deus in te sperávi, Dómine non confúndar in ætérnum: in iustitia tua libera me, \* Et éripe me. V. Inclína ad me aurem tuam, et salva me. Et éripe.

Lectio ii.

**N**am arma militiæ nostræ non carnália sunt, sed poténtia Deo ad destructionem munitiónum, consilia destruéntes, et omnem altitudinem extolléntem se advérsus scientiam Dei, et in captivitatem redigéntes omnem intelléctum in obséquium Christi, et in promptu habéntes ulcisci omnem inobediéntiam, cum impléta fúerit vestra obediéntia. Quæ secundum faciém sunt, vidéte. Si quis confidit sibi Christi se esse, hoc cógitet íterum apud se: quia sicut ipse Christi est, ita et nos.

R. Repleátur os meum laude tua, ut hymnum dicam glóriæ tuæ, tota die magnitudinem tuam: noli me projícere in témpore senectútis: \* Dum defécerit in me virtus mea, ne derelínquas me. V. Gaudébunt lábia mea cum cantávero tibi. Dum.

Lectio iii.

**N**am, et si ámplius áliquid gloriátus fúero de potestáte nostra, quam dedit nobis Dóminus in ædificatióem, et non in destructionem vestram: non erubéscam. Ut autem non exístimer tamquam terrére vos per epístolas: quóniam quidem epístolæ, inquiunt, graves sunt et fortes: præséntia autem córporis infirma, et sermo contemptibilis: hoc cógitet qui ejúsmodi

est, quia quales sumus verbo per epístolas abséntes, tales et præséntes in facto. Non enim audémus insérere, aut comparáre nos quibúsdam, qui seípsos comméndant: sed ipsi in nobis nosmetípsos metiéntes, et comparántes nosmetípsos nobis.

R. Gaudébunt lábia mea cum cantávero tibi: \* Et ánima mea, quam redemísti Dómine. V. Sed et lingua mea meditábitur iustitiam tuam, tota die laudem tuam. Et. Glória Patri. Et.

Feria Sexta.

De Epístola secúnda ad Corínthios.

Lectio i.

Cap. 12.

**S**i gloriári opórtet (non expedit quidem) véniam autem ad visiones, et revelatióes Dómini. Scio hóminem in Christo ante annos quatuórdecim (sive in corpore nescio, sive extra corpus nescio, Deus scit:) raptum hujúsmodi usque ad tértium cælum. Et scio hujúsmodi hóminem, (sive in corpore, sive extra corpus, nescio, Deus scit:) quóniam raptus est in paradísus: et audívit arcána verba, quæ non licet hómini loqui.

R. Confitébor tibi Dómine Deus in toto corde meo, et honorificábo nomen tuum in ætérnum: \* Quia misericórdia tua Dómine magna est super me. V. Deus meus es tu, et confitébor tibi: Deus meus es tu, et exaltábo te. Quia.

Lectio ii.

**P**ro hujúsmodi gloriábor: pro me autem nihil gloriábor nīsi in infirmitátibus meis. Nam, et si volúero gloriári, non ero insípiens: veritatem enim dicam: parco au-

tem, ne quis me existimet supra id, quod videt in me, aut aliquid audit ex me. Et ne magnitudo revelationum extollat me, datus est mihi stimulus carnis meae angelus satanae, qui me colaphizet. Propter quod ter Dominum rogavi, ut discederet a me: et dixit mihi: Sufficient tibi gratia mea: nam virtus in infirmitate perficitur.

R. Misericordia tua Domine magna est super me: \* Et liberasti animam meam ex inferno inferiori. V. In die tribulationis meae clamavi ad te, quia exaudisti me. Et liberasti.

### Lectio iii.

**L**ibenter igitur gloriabor in infirmitatibus meis, ut inhabitet in me virtus Christi. Propter quod placeo mihi in infirmitatibus meis, in contumeliis, in necessitatibus, in persecutionibus, in angustiis pro Christo: Cum enim infirmor, tunc potens sum. Factus sum insipiens, vos me coegistis. Ego enim a vobis debui commendari: nihil enim minus fui ab iis, qui sunt supra modum Apostoli: tametsi nihil sum.

R. Factus est mihi Dominus in refugium: \* Et Deus meus in auxilium spei meae. V. Eripuit me de inimicis meis fortissimis, et factus est Dominus protector meus. Et Deus. Gloria Patri. Et Deus.

### S a b b a t o.

De Epistola secunda ad Corinthios.

Lectio i. Cap. 13.

**E**cce tertio hoc venio ad vos: In ore duorum vel trium testium stabit omne verbum. Praedixi, et

praedico, ut praesens, et nunc absens iis, qui ante peccaverunt, et ceteris omnibus, quoniam si venero iterum, non parcam. An experimentum quaeritis ejus, qui in me loquitur Christus, qui in vobis non infirmatur, sed potens est in vobis? Nam etsi crucifixus est ex infirmitate: sed vivit ex virtute Dei. Nam et nos infirmi sumus in illo: sed vivemus cum eo ex virtute Dei in vobis.

R. Ne perderis. 290.

### Lectio ii.

**V**osmetipsos tentate si estis in fide: ipsi vos probate. An non cognoscitis vosmetipsos, quia Christus Jesus in vobis est? nisi forte reprobi estis. Spero autem quod cognoscetis, quia nos non sumus reprobi. Oramus autem Deum ut nihil mali faciatis, non ut nos probati appareamus, sed ut vos quod bonum est faciatis: nos autem ut reprobi simus. Non enim possumus aliquid adversus veritatem, sed pro veritate. Gaudemus enim, quoniam nos infirmi sumus, vos autem potentes estis. Hoc et oramus vestram consummationem.

R. Paratum cor. 290.

### Lectio iii.

**I**deo haec absens scribo, ut non praesens durius agam secundum potestatem, quam Dominus dedit mihi in aedificationem, et non in destructionem. De cetero fratres gaudete, perfecti estote, exhortamini, idem sapite, pacem habete, et Deus pacis, et dilectionis erit vobiscum. Salutate invicem in osculo sancto. Salutant vos omnes sancti. Gratia Domini nostri Jesu

Christi, et caritas Dei, et communicatio sancti Spiritus sit cum omnibus vobis. Amen.

R. Adjutor meus. 290.

### Ad Vesperas.

#### Oratio.

**O**mnipotens sempiternus Deus, infirmitatem nostram propitius respice: atque ad protegendum nos dexteram tuæ majestatis extendende. Per Dominum.

### Dominica III.

post Epiphaniam.

### Ad Matutinum.

Omnia ut in Psalterio.

In I. Nocturno.

Incipit Epistola beati Pauli Apostoli ad Galatas.

Lectio i.

Cap. 1.

**P**aulus Apostolus non ab hominibus, neque per hominem, sed per Jesum Christum, et Deum Patrem, qui suscitavit eum a mortuis: et qui mecum sunt omnes fratres, ecclesiis Galatiæ. Grátia vobis, et pax a Deo Patre, et Domino nostro Jesu Christo, qui dedit semetipsum pro peccatis nostris, ut eriperet nos de presenti sæculo nequam, secundum voluntatem Dei et Patris nostri, cui est glória in sæcula sæculorum. Amen.

R. Domine, ne in ira tua arguas me, neque in furore tuo corripas me: \* Miserere mei Domine, quoniam infirmus sum. V. Timor et tremor venerunt super me, et contexerunt me tenebræ. Miserere mei.

Lectio ii.

**M**iror quod sic tam cito transferimini ab eo, qui vos vocavit in grátiam Christi in aliud Evangelium: quod non est aliud, nisi sunt aliqui, qui vos conturbant, et volunt convertere Evangelium Christi. Sed licet nos, aut Angelus de cœlo evangelizet vobis præterquam quod evangelizavimus vobis, anáthema sit. Sicut prædiximus, et nunc iterum dico: Si quis vobis evangelizaverit præter id quod accepistis, anáthema sit. Modo enim hominibus suadeo, an Deo? An quæro hominibus placere? Si adhuc hominibus placerem, Christi servus non essem.

R. Deus, qui sedes super thronum, et iudicas æquitatem, esto refugium pauperum in tribulatione: \* Quia tu solus laborem et dolorem consideras. V. Tibi enim derelictus est pauper, pupillo tu eris adjutor. Quia tu solus.

Lectio iii.

**N**otum enim vobis facio fratres Evangelium, quod evangelizatum est a me, quia non est secundum hominem: neque enim ego ab homine accépi illud, neque didici, sed per revelationem Jesu Christi. Audistis enim conversationem meam aliquando in Judaismo: quoniam supra modum persequébar Ecclesiam Dei, et expugnabam illam, et proficiebam in Judaismo supra multos coetaneos meos in genere meo, abundantius æmulator exsistens paternarum mearum traditionum.

R. A dextris est mihi Dominus, ne commovear: \* Propter hoc di-

latatum est cor meum, et exsultavit lingua mea. *Ps.* Dóminus pars hæreditatis meæ, et cálicis mei. Propter. Glória Patri. Propter.

In II. Nocturno.

De Expositione sancti Augustini Epíscopi in Epístolam ad Gálatas.

In Præfatione, tomo 4.

Lectio iv.

**C**ausa, propter quam scribit Apóstolus ad Gálatas, hæc est: ut intélligant grátiam Dei id secum ágere, ut sub lege jam non sint. Cum enim prædicata eis esset Evangélii grátia, non defuerunt quidam ex circumcisióne, quamvis Christiáni nómine, nondum tamen tenéntes ipsum grátiae beneficium, et adhuc voléntes esse sub onéribus legis, quæ Dóminus Deus imposúerat non justitiæ serviéntibus, sed peccáto, justam scilicet legem injústis homínibus dando ad demonstránda peccáta eórum, non auferénda. Non enim auferit peccáta, nisi grátia fidei, quæ per dilectiónem operátur.

*R.* Notas mihi fecísti Dómine vias vitæ: \* Adimplébis me lætítia cum vultu tuo: delectatiónes in dextera tua usque in finem. *Ps.* Tu es qui restitues hæreditatem meam mihi. Adimplébis me.

Lectio v.

**S**ub hac ergo grátia jam Gálatas constitútis illi volébant constitúere sub onéribus legis, asseverántes nihil eis prodésse Evangélium, nisi circumcideréntur, et céteras carnáles Judáici ritus observatiónes subírent. Et ideo Paulum Apóstolum suspéctum habére cøperant, a quo illis Evangélium

prædicátum erat, tamquam non tenéntem disciplinam ceterórum Apostolórum, qui Gentes cogébant judaizáre.

*R.* Díligam te Dómine virtus mea: Dóminus firmaméntum meum, \* Et refúgium meum. *Ps.* Liberátor meus, Deus meus, adjutor meus. Et refúgium.

Lectio vi.

**T**alis quidem quæstio est et in Epístola ad Romános: verúmtamen vidétur áliquíd interésse, quod ibi contentiónem ipsam dírimít, litémque compónit, quæ inter eos, qui ex Judæis, et eos, qui ex Géntibus credíderant, orta erat: cum illi tamquam ex méritis óperum legis, sibi rédditum Evangélii præmium arbitraréntur, quod præmium incircumcísis tamquam im-méritis nolébant dari: illi contra Judæis se præferre gestírent, tamquam interfectóribus Dómini. In hac vero epístola ad eos scribit, qui jam commóti erant auctoritate illórum, qui ex Judæis erant, et ad observatiónes legis cogébant.

*R.* Dómini est terra, et plenitúdo ejus: \* Orbis terrárum, et universi qui hábitant in eo. *Ps.* Ipse super mária fundávit eam, et super flúmina præparávit illam. Orbis. Glória Patri. Orbis.

In III. Nocturno.

Léctio sancti Evangélii secúndum Matthæum.

Lectio vii. Cap. 8.

**I**n illo témpore: Cum descendisset Jesus de monte, secútæ sunt eum turbæ multæ: et ecce leprósus véniens, adorábat eum. Et reliqua.



## Homilia S. Hierónymi Presbýteri.

Lib. 1. Comm. in cap. 8. Matth.

**D**e monte Dómino descendente, occurrunt turbæ, quia ad altióra ascendere non valuerunt. Et primus ei occurrít leprósus: necdum enim póterat cum lepra tam múltiplicem in monte Salvatóris audíre sermónem. Et notándum, quod hic primus speciáliter curátus sit: secúndo, puer centuriónis: tértio, socrus Petri febriens in Caphárnaum: quarto loco, qui obláti sunt ei a dæmónio vexáti: quorum spíritus verbo ejiciébat, quando et omnes male habéntes curávit.

R. Ad te Dómine levávi ánimam meam: \* Deus meus in te confido, non erubéscam. V. Custódi ánimam meam, et éripe me. Deus meus.

Lectio viii.

**E**t ecce leprósus véniens adorábat eum, dicens. Recte post prædicatióem atque doctrínam, signi offértur occásió, ut per virtutem miráculi, prætéritus apud audiéntes sermo firmétur. Dómine, si vis, potes me mundáre. Qui voluntátem rogat, de virtúte non dubitat. Et exténdens Jesus manum tétigít eum, dicens: Volo, mundáre. Extendénte manum Dómino, statim lepra fugit. Simúlque consídera, quam húmilis, et sine jactántia respónsio. Ille díxerat, Si vis: Dóminus respóndit, Volo. Ille præmiserat, Potes me mundáre: Dóminus jungit, et dicit, Mundáre. Non ergo, ut plerique Latinórum putant, jungéndum est, et legéndum, Volo mundáre: sed separatim, ut primum dicat, Volo; deínde ímperet, Mundáre.

R. Duo Séraphim clamábant alter ad álterum: \* Sanctus, sanctus, sanctus Dóminus Deus Sábaoth: \* Plena est omnis terra glória ejus. V. Tres sunt qui testimónium dant in cælo: Pater, Verbum, et Spíritus sanctus: et hi tres unum sunt. Sanctus. Glória Patri. Plena est.

Lectio ix.

**E**t ait illi Jesus: Vide, némini díxeris. Et revéra quid erat necesse ut sermóne jactáret, quod corpore præferébat? Sed vade, osténde te sacerdoti. Várias ob causas mittit eum ad sacerdotem: primum propter humilitátem, ut sacerdotibus deférre honórem videátur. Erat enim lege præcéptum, ut qui mundáti fúerant a lepra, offerrent múnera sacerdotibus. Deínde, ut mundátum vidéntes leprósum, aut créderent Salvatóri, aut non créderent: si créderent, salvarentur: si non créderent, inexcusabiles forent. Et simul, ne, quod in eo sæpíssime criminabántur, legem viderétur infringere.

Te Deum laudámus. 14.

Ad Laudes.

Omnia ut in Psalterio. 15.

Ad Bened. Ant. Cum descendisset Jesus \* de monte, ecce leprósus véniens adorábat eum, dicens: Dómine, si vis, potes me mundáre: et exténdens manum, tétigít eum, dicens: Volo, mundáre.

V. Dóminus regnávit, decórem induit. R. Induit Dóminus fortitúdinem, et præcínxit se virtúte.

Oratio.

**O**mnípotens sempitérne Deus, infirmitátem nostram propítius respice: atque ad protegéndum nos

déxteram tuæ majestátis exténde.  
Per Dóminum.

Ad Magnif. Ant. Dómine, \* si vis,  
potes me mundáre: et ait Jesus:  
Volo, mundáre.

℣. Dirigátur Dómine orátio mea.  
℞. Sicut incénsum in conspéctu tuo.

### Feria Secunda.

De Epístola ad Gálatas.

Lectio i. Cap. 3.

**C**onsensáti Gálatae, quis vos fascinávit non obedíre veritáti, ante quorum óculos Jesus Christus præscriptus est, in vobis crucifixus? Hoc solum a vobis volo discere: Ex opéribus legis Spíritum accepístis, an ex audítu fidei? Sic stulti estis, ut cum spíritu coepéritis, nunc carne consummémini? Tanta passi estis sine causa? si tamen sine causa. Qui ergo tribuit vobis Spíritum, et operátur virtútes in vobis: ex opéribus legis, an ex audítu fidei? Sicut scriptum est: Abraham crédidit Deo, et reputátum est illi ad justítiam.

℞. Quam magna. 288.

Lectio ii.

**C**ognóscite ergo, quia qui ex fide sunt, ii sunt filii Abrahæ. Próvidens autem Scriptúra, quia ex fide justificat Gentes Deus, prænuntiávit Abrahæ: Quia benedicéntur in te omnes Gentes. Igitur qui ex fide sunt, benedicéntur cum fidéli Abraham. Quicúmque enim ex opéribus legis sunt, sub maledicto sunt. Scriptum est enim: Maledíctus omnis, qui non permánserit in ómnibus, quæ scripta sunt in libro legis ut fáciat ea.

℞. Adjútor meus. 288.

### Lectio iii.

**Q**uóniam autem in lege nemo justificátur apud Deum, manifestum est: quia justus ex fide vivit. Lex autem non est ex fide, sed, Qui fécerit ea, vivet in illis. Christus nos redémit de maledicto legis, factus pro nobis maledíctum: quia scriptum est: Maledíctus omnis qui pendet in ligno: ut in Génitibus benedíctio Abrahæ fieret in Christo Jesu, ut pollicitatióem Spíritus accipiámus per fidem.

℞. Benedícam Dóminum. 289.

### Feria Tertia.

De Epístola ad Gálatas.

Lectio i. Cap. 5.

**S**tate, et nolite íterum jugo servitútis continéri. Ecce ego Paulus dico vobis: quóniam si circumcidámini, Christus vobis nihil próderit. Testificor autem rursus omni hómini circumcisénti se, quóniam débitor est univérsæ legis faciéndæ. Evacuáti estis a Christo, qui in lege justificámini: a grátia excidístis. Nos enim spíritu ex fide, spem justitiæ expectámus.

℞. Auribus pécipe. 289.

Lectio ii.

**N**am in Christo Jèsu neque circumcisio áliiquid valet, neque præpútium: sed fides, quæ per caritátem operátur. Currebátis bene: quis vos impedívit veritáti non obedíre? Persuásio hæc non est ex eo, qui vocat vos. Módicum fermentum totam massam corrúmpit. Ego confido in vobis in Dómino, quod nihil áliud sapiétis: qui autem contúrbat vos, portábit júdiciu, quicúmque est ille.

℞. Státuit Dóminus. 289.

## Lectio iii.

**E**go autem fratres si circumcisió-  
nem adhuc prædico: quid ad-  
huc persecutióem pátiór? Ergo  
evacuátum est scándalum crucis.  
Utinam et abscindántur qui vos  
contúrbant. Vos enim in libertá-  
tem vocáti estis fratres: tantum ne  
libertátem in occasiúnem detis car-  
nis, sed per caritátem spíritus ser-  
víte ínvicem. Omnis enim lex in  
uno sermóne implétur: Díliges pró-  
ximum tuum sicut teípsum. Quod  
si ínvicem mordétis, et coméditis:  
vidéte ne ab ínvicem consumámini.  
Dico autem: Spíritu ambuláte, et  
desidéria carnis non perficiétis.  
Caro enim concupiscit advérsus  
spíritum: spíritus autem advérsus  
carnem: hæc enim sibi ínvicem ad-  
versántur: ut non quæcúmque vul-  
tis, illa faciátis. *R.* Ego dixi. 290.

## Feria Quarta.

Incipit Epístola beáti Pauli Apó-  
stoli ad Ephésios.

## Lectio i.

## Cap. 1.

**P**aulus Apóstolus Jesu Christi  
per voluntátem Dei, ómnibus  
sanctis, qui sunt Ephesi, et fidéli-  
bus in Christo Jesu. Grátia vobis,  
et pax a Deo Patre nostro, et  
Dómino Jesu Christo. Benedíctus  
Deus, et Pater Dómini nostri Jesu  
Christi, qui benedíxit nos in omni  
benedictióne spirituáli in coeléstí-  
bus in Christo, sicut elégit nos in  
ipso ante mundi constitutióem, ut  
essémus sancti et immaculáti in  
conspéctu ejus in caritáte.

*R.* Ne perdíderis. 290.

## Lectio ii.

**Q**ui prædestinávit nos in adopti-  
onem filiórum per Jesum Chri-

stum in ipsum: secúndum propó-  
situm voluntátis suæ, in laudem  
glóriæ grátiae suæ, in qua gratifi-  
cávit nos in dilécto Filio suo. In  
quo habémus redemptiúnem per  
sánguinem ejus, remissiúnem pec-  
cátórum secúndum divítias grátiae  
ejus, quæ superabundávit in nobis  
in omni sapiéntia, et prudéntia: ut  
notum fáceret nobis sacraméntum  
voluntátis suæ, secúndum beneplá-  
cítum ejus, quod propósuit in eo,  
in dispensatióne plenitúdinis tém-  
porum, instauráre ómnia in Chri-  
sto, quæ in coelis, et quæ in terra  
sunt, in ipso.

*R.* Parátum cor. 290.

## Lectio iii.

**I**n quo étiam et nos sorte vocáti  
sumus, prædestináti secúndum  
propósitum ejus, qui operátur ó-  
mnia secúndum consílium volun-  
tátis suæ: ut simus in laudem gló-  
riæ ejus nos, qui ante sperávimus  
in Christo: In quo et vos, cum au-  
dissétis verbum veritátis (Evangé-  
lium salútis vestræ) in quo et cre-  
déntes signáti estis Spíritu promís-  
siónis sancto, qui est pignus hære-  
ditátis nostræ, in redemptiúnem  
acquisitiónis, in laudem glóriæ  
ipsíus.

*R.* Adjútor meus. 290.

## Feria Quinta.

De Epístola ad Ephésios.

## Lectio i.

## Cap. 4.

**O**bsacro itaque vos ego vinctus  
in Dómino, ut digne ambulétis  
vocatióne, qua vocáti estis, cum  
omni humilitáte, et mansuetúdine,  
cum paciéntia, supportántes ínvi-  
cem in caritáte, solliciti serváre

unitátem Spíritus in vínculo pacis. Unum corpus, et unus Spíritus, sicut vocáti estis in una spe vocatiónis vestráe. Unus Dóminus, una fides, unum baptísma. Unus Deus et Pater ómnium, qui est super omnes, et per ómnia, et in ómnibus nobis.

R. Deus in te. 291.

Lectio ii.

**U**nicuique autem nostrum data est grátia secúndum mensúram donatiónis Christi. Propter quod dicit: Ascéndens in altum captívam duxit captivitátem: dedit dona homínibus. Quod autem ascéndit, quid est, nisi quia et descéndit primum in inferiôres partes terræ? Qui descéndit, ipse est et qui ascéndit super omnes cœlos, ut impléret ómnia.

R. Repleátur. 291.

Lectio iii.

**E**t ipse dedit quosdam quidem Apóstolos, quosdam autem Prophétas, álios vero Evangelistas, álios autem pastôres et doctôres, ad consummationem sanctórum in opus ministérii, in ædificationem cörperis Christi: donec occurrámus omnes in unitátem fidei, et agnitiónis Filii Dei, in virum perféctum, in mensúram ætátis plenitudinis Christi: ut jam non simus párvuli fluctuántes, et circumferámur omni vento doctrínæ in nequítia hóminum, in astútia ad circumventiõem erróris. Veritátem autem faciéntes in caritáte, crescámus in illo per ómnia, qui est caput Christus.

R. Gaudébunt. 291.

Feria Sexta.

De Epístola ad Ephésios.

Lectio i. Cap. 5.

**E**stóte ergo imitatôres Dei, sicut filii caríssimi: et ambuláte in dilectiône, sicut et Christus diléxit nos, et trádedit semetípsum pro nobis oblatiõem, et hóstiam Deo in odórem suavitátis. Fornicatio autem, et omnis immundítia, aut avarítia nec nominétur in vobis, sicut decet sanctos: aut turpitúdo, aut stultilóquium, aut scurrílitas, quæ ad rem non pértinet: sed magis gratiárum actio.

R. Confitébor tibi. 291.

Lectio ii.

**H**oc enim scitóte intelligéntes: quod omnis fornicátor, aut immúndus, aut avárus, quod est idolórum sérvitus, non habet hæreditátem in regno Christi, et Dei. Nemo vos sedúcat inánibus verbis: propter hæc enim venit ira Dei in filios diffidéntiæ. Nolíte ergo éffici partícipes eórum. Erátis enim aliquándo ténebræ: nunc autem lux in Dómino. Ut filii lucis ambuláte.

R. Misericórdia tua. 292.

Lectio iii.

**F**ructus enim lucis est in omni bonitáte, et justítia, et veritáte: probántes quid sit beneplácitum Deo: et nolíte communicáre opéribus infructuósis tenebrárum, magis autem redargúite. Quæ enim in occúlto fiunt ab ipsis, turpe est et dícere. Omnia autem, quæ arguúntur, a lúmine manifestántur: omne enim, quod manifestátur, lumen est. Propter quod dicit: Surge

qui dormis, et exsúrge a mórtuis, et illuminábit te Christus.

R. Factus est. 292.

S a b b a t o.

De Epístola ad Ephésios.

Lectio i. Cap. 6.

**F**ilii, obedite paréntibus vestris in Dómino: hoc enim justum est. Honóra patrem tuum, et matrem tuam. Quod est mandátum primum in promissióne: ut bene sit tibi, et sis longævus super terram. Et vos patres nolite ad iracúndiam provocáre filios vestros: sed educáte illos in disciplína, et correptióne Dómini.

R. Ne perdíderis. 290.

Lectio ii.

**S**ervi obedíte dóminis carnálibus cum timóre et tremóre, in simplicitáte cordis vestri, sicut Christo: non ad óculum serviéntes, quasi homínibus placéntes, sed ut servi Christi, faciéntes voluntátem Dei ex ánimo, cum bona voluntáte serviéntes, sicut Dómino, et non homínibus: sciéntes quóniam unusquisque quodcúmque fécerit bonum, hoc recípiet a Dómino, sive servus, sive liber. Et vos dómini éadem fácite illis, remitténtes minas: sciéntes quia et illórum et vester Dóminus est in cœlis: et personárum accéptio non est apud eum.

R. Parátum cor. 290.

Lectio iii.

**D**e cétero fratres confortámini in Dómino, et in poténtia virtútis ejus. Indúite vos armatúram Dei, ut possítis stare advérsus insídias diaboli. Quóniam non est nobis colluctátio advérsus carnem et

sánguinem: sed advérsus príncipes, et potestátes, advérsus mundi rectóres tenebrárum harum, contra spirituália nequítiae, in cœlestibus. Proptérea accípите armatúram Dei, ut possítis resístere in die malo, et in ómnibus perfécti stare.

R. Adjútor meus. 290.

Ad Vesperas.

Oratio.

**D**eus, qui nos in tantis periculis constitútos, pro humána scis fragilitáte non posse subsistere: da nobis salútem mentis et córporis; ut ea, quæ pro peccátis nostris pátimur, te adjuvánte vincámus. Per Dóminum.

Dominica IV.

post Epiphaniam.

In I. Nocturno.

Incipit Epístola beáti Pauli Apóstoli ad Philippéenses.

Lectio i. Cap. 1.

**P**aulus, et Timótheus servi Jesu Christi, ómnibus sanctis in Christo Jesu, qui sunt Philíppis, cum Episcopis et Diacónibus. Grátia vobis, et pax a Deo Patre nostro, et Dómino Jesu Christo. Grátias ago Deo meo in omni memória vestri, semper in cunctis oratióibus meis pro ómnibus vobis cum gaúdio deprecatióem fáciens, super cómunicatióne vestra in Evangélio Christi a prima die usque nunc. Confidens hoc ipsum, quia qui cœpit in vobis opus bonum, perficiet usque in diem Christi Jesu. Sicut est mihi justum hoc sentíre pro ómnibus vobis: eo quod

hábeam vos in corde, et in vñculis meis, et in defensiõne, et confirmatiõne Evangélii, sócios gáudii mei omnes vos esse.

R̃. Dómine, ne in ira tua árguas me, neque in furóre tuo corrípias me: \* Miserére mei Dómine, quóniam infirmus sum. Ṽ. Timor et tremor venérunt super me, et contexérunt me ténebræ. Miserére.

Lectio ii.

**T**estis enim mihi est Deus, quómo cúpiam omnes vos in viscéribus Jesu Christi. Et hoc oro ut cáritas vestra magis ac magis abúndet in sciéntia, et in omni sensu: ut probétis potióra, ut sitis sincéri, et sine offénsa in diem Christi, repléti fructu justitiæ per Jesum Christum, in glóriam et laudem Dei. Scire autem vos volo fratres, quia quæ circa me sunt, magis ad proféctum venérunt Evangélii: ita ut vñcula mea manifestá fierent in Christo in omni prætório, et in céteris ómnibus, et plures e frátribus in Dómino confidéntes vñculis meis, abundántius audérent sine timóre verbum Dei loqui.

R̃. Deus, qui sedes super thronum, et júdicas æquitátem, esto refúgium paúperum in tribulatiõne: \* Quia tu solus labórem et dolórem considéras. Ṽ. Tibi enim derelictus est pauper, pupíllo tu eris adjútor. Quia tu solus.

Lectio iii.

**Q**uidam quidem et propter invídiam et contentiõnem: quidam autem et propter bonam voluntátem Christum prædicant: quidam ex caritáte, sciéntes quóniam in defensiõnem Evangélii pósitus sum.

Quidam autem ex contentiõne Christum annúntiant non sincére, existimántes pressúram se suscitáre vñculis meis. Quid enim? Dum omni modo, sive per occasiõnem, sive per veritátem, Christus annuntiétur: et in hoc gáudeo, sed et gaudébo.

R̃. A dextris est mihi Dóminus, ne commóvear: \* Propter hoc dilatátum est cor meum, et exsultávit lingua mea. Ṽ. Dóminus pars hæreditátis meæ, et cálicis mei. Propter. Glória Patri. Propter.

In II. Nocturno.

Ex libro Morálium sancti Gregórii Papæ.

Lectio iv. Lib. 4. Cap. 30.

**R**eplémus refectiõnibus corpus, ne extenuátum deficiat: extenuámus abstinentia, ne nos replétum premat: vegetámus hoc mótibus, ne situ immobilitátis intéreat: sed cítius hoc collocándo sistimus, ne ipsa sua vegetatiõne succúmbat: adjuméntis hoc véstium tégimus, ne frigus intérimat: et quæsíta adjuménta projícimus, ne calor exúrat. Tot igitur diversitátibus occurréntes, quid ágimus, nisi corruptibilitáti servímus, ut saltem multiplicitas impénsi obséquii corpus sustíneat, quod anxietas infirmæ mutabilitátis gravat?

R̃. Notas mihi fecísti Dómine vias vitæ: \* Adimplébis me lætítia cum vultu tuo: delectatiõnes in dextera tua usque in finem. Ṽ. Tu es qui restitues hæreditátem meam mihi. Adimplébis me.

Lectio v.

**U**nde bene per Paulum dicitur: Vanitáti enim subjécta est crea-



túra non volens, sed propter eum qui subjécit eam in spe: quia et ipsa creatúra liberábitur a servitute corruptiónis, in libertátem glóriæ filiórum Dei. Vanitati quippe creatúra non volens súbditur: quia homo, qui ingénitæ constántiæ statum volens deséruit, pressus justæ mortalitátis póndere, nolens mutabilitátis suæ corruptióni servit. Sed creatúra hæc tunc a servitute corruptiónis erípitur, cum ad filiórum Dei glóriam incorrupta resurgéndo sublevátur.

R. Díligam te Dómine virtus mea: Dóminus firmaméntum meum, \* Et refúgium meum. V. Liberátor meus, Deus meus, adjutor meus. Et refúgium.

Lectio vi.

**H**ic itaque elécti moléstia vincti sunt, quia adhuc corruptiónis suæ pœna deprimúntur: sed cum corruptibili carne exuimur, quasi ab his, quibus nunc astringimur, moléstia vinculis relaxámur. Præsentári namque jam Deo cupimus, sed adhuc mortális córporis obligatione præpedimur. Jure ergo vincti dicimur, quia adhuc incésum nostri desidérii ad Deum liberum non habémus. Unde bene Paulus, æténa desiderans, sed tamen adhuc corruptiónis suæ sárcinam portans, vinctus clamat: Cúpio dissólvi, et esse cum Christo. Dissólvi enim non quæreret, nisi se proculdúbio vinctum vidéret.

R. Dómini est terra, et plenitúdo ejus: \* Orbis terrárum, et univérsi qui hábitant in eo. V. Ipse super mária fundávit eam, et super flúmina præparávit illam. Orbis. Glória Patri. Orbis.

In III. Nocturno.

Léctio sancti Evangélii secúndum Matthæum.

Lectio vii. Cap. 8. c.

**I**n illo témpore: Ascendénte Jesu in navículam, secúti sunt eum discípuli ejus: et ecce motus magnus factus est in mari, ita ut navícula operirétur flúctibus: ipse vero dormiébat. Et réliqua.

Homilia sancti Hierónymi  
Presbýteri.

Lib. 1. Comm. in cap. 8. Matth.

**Q**uintum signum fecit, quando ascendens navem de Capharnaum, ventis imperávit et mari. Sextum, quando in regione Gerasenórum dedit potestátem dæmónibus in porcos. Séptimum, quando ingrédiens civitátem suam, paralyticum secúndum curávit in léctulo. Primus enim paralyticus est puer centuriónis.

R. Ad te Dómine levávi ánimam meam: \* Deus meus in te confido, non erubescam. V. Custódi ánimam meam, et éripe me. Deus meus.

Lectio viii.

**I**pse vero dormiébat: et accessérunt ad eum, et suscitavérunt eum, dicéntes: Dómine, salva nos. Hujus signi typum in Jona légimus, quando céteris periclitántibus, ipse secúrus est, et dormit, et suscitá-tur; et império ac sacraménto passionis suæ liberat suscitántes. Tunc surgens imperávit ventis et mari. Ex hoc loco intelligimus, quod omnes creatúræ sentiant Creatórem. Quas enim increpávit, et quibus imperávit, sentiunt imperántem: non erróre hæreticórum qui ómnia putant animántia, sed majestáte

Conditóris, quæ apud nos insensibília, illi sensibília sunt.

R. Duo Séraphim clamábant alter ad álterum: \* Sanctus, sanctus, sanctus Dóminus Deus Sábaoth: \* Plena est omnis terra glória ejus. V. Tres sunt qui testimónium dant in cœlo: Pater, Verbum, et Spíritus sanctus: et hi tres unum sunt. Sanctus. Glória Patri. Plena est.

Lectio ix.

**P**orro hómines miráti sunt, dicéntes: Qualis est hic, quia venti et mare obédiunt ei? Non discípuli, sed nautæ, et céteri, qui in navi erant, mirabántur. Sin autem quis contentióse volúerit, eos, qui mirabántur, fuisse discípulos: respondébimus, recte hómines appellátos, qui necdum nóverant poténtiam Salvatóris.

Te Deum laudámus. 14.

Ad Bened. Ant. Ascendénte Jesu \* in navículam, ecce motus magnus factus est in mari: et suscitavérunt eum discípuli ejus, dicéntes: Dómine, salva nos, perímos.

V. Dóminus regnávít, decórem índuit. R. Índuit Dóminus fortitúdinem, et præcínxit se virtúte.

Oratio.

**D**eus, qui nos in tantis perículis constitútos, pro humána scis fragilitáte non posse subsistere: da nobis salútem mentis et córporis; ut ea, quæ pro peccátis nostris pátimur, te adjuvánte vincámus. Per Dóminum nostrum.

Ad Magníf. Ant. Dómine, \* salva nos, perímos: ímpera, et fac Deus tranquillitátem.

V. Dirigátur Dómine orátio mea. R. Sicut incénsus in conspéctu tuo.

Feria Secunda.

De Epístola ad Philippéenses.

Lectio i.

Cap. 4.

**I**taque fratres mei caríssimi, et desideratíssimi, gáudium meum, et coróna mea: sic state in Dómino, caríssimi: Evódiam rogo, et Sýntychen déprecór idípsum sápere in Dómino. Etiam rogo et te germáne compar, ádjuva illas, quæ mecum laboravérunt in Evangélio cum Cleménte, et céteris adjutóribus meis, quorum nómina sunt in libro vitæ. R. Quam magna. 288.

Lectio ii.

**G**audéte in Dómino semper: iterum dico, gaudéte. Modéstia vestra nota sit ómnibus homínibus: Dóminus prope est. Nihil sollicitis: sed in omni oratióne, et obsecratióne, cum gratiárum actiÓne petitiÓnes vestræ innotéscant apud Deum. Et pax Dei, quæ exsúperat omnem sensum, custódiat corda vestra, et intelligéntias vestras in Christo Jesu.

R. Adjútor meus. 288.

Lectio iii.

**D**e cétero fratres, quæcúmque sunt vera, quæcúmque pudíca, quæcúmque justa, quæcúmque sancta, quæcúmque amabília, quæcúmque bonæ famæ, si qua virtus, si qua laus disciplínæ, hæc cogitáte. Quæ et didicístis, et accepístis, et audístis, et vidístis in me, hæc ágite: et Deus pacis erit vobíscum. Gávisus sum autem in Dómino vehementer, quóniam tandem aliquándo refluístis pro me sentíre, sicut et sentiebátis: occupáti autem erátis.

R. Benedícám. 289.

**Feria Tertia.**

Incipit Epístola beáti Pauli Apóstoli ad Colossenses.

Lectio i.

Cap. 1.

**P**aulus Apóstolus Jesu Christi per voluntátem Dei, et Timótheus frater: eis, qui sunt Colóssis, sanctis et fidélibus fratribus in Christo Jesu. Grátia vobis, et pax a Deo Patre nostro, et Dómino Jesu Christo. Grátias ágimus Deo et Patri Dómini nostri Jesu Christi, semper pro vobis orántes: audiéntes fidem vestram in Christo Jesu, et dilectiónem, quam habétis in sanctos omnes propter spem, quæ repósita est vobis in cœlis: quam audístis in verbo veritátis Evangélii: quod pervénit ad vos, sicut et in univérso mundo est, et fructificat, et crescit sicut in vobis, ex ea die qua audístis, et cognovístis grátiam Dei in veritáte, sicut didicístis ab Epápbra caríssimò consérvo nostro, qui est fidélis pro vobis minister Christi Jesu, qui étiam manifestávit nobis dilectiónem vestram in spíritu.

R. Aúribus pèrcipe. 289.

Lectio ii.

**I**deo et nos, ex qua die audívimus, non cessámus pro vobis orántes, et postulántes ut impleámini agnitióne voluntátis ejus, in omni sapiéntia et intelléctu spiritali: ut ambulétis digne Deo per ómnia placéntes: in omni ópere bono fructificántes, et crescéntes in sciéntia Dei: in omni virtúte confortáti secúndum poténtiam claritátis ejus in omni patiéntia, et longanimitáte cum gaúdio grátias ágéntes Deo

Patri, qui dignos nos fecit in partem sortis sanctórum in lúmine.

R. Státuit Dóminus. 289.

Lectio iii.

**Q**ui erípuit nos de potestáte tenebrárum, et tránstulit in regnum Filii dilectiónis suæ, in quo habémus redemptionem per sanguinem ejus, remissionem peccatórum: qui est imágo Dei invisibilis, primogénitus omnis creatúræ: quóniam in ipso cóndita sunt univérsa in cœlis et in terra, visibília, et invisibília, sive Throni, sive Dominationes, sive Principátus, sive Potestates: ómnia per ipsum, et in ipso creáta sunt: et ipse est ante omnes, et ómnia in ipso constant. Et ipse est caput córporis Ecclesiæ, qui est princípium, primogénitus ex mórtuis.

R. Ego dixi. 290.

**Feria Quarta.**

De Epístola ad Colossenses.

Lectio i. Cap. 3. b. et 4.

**I**ndúite vos ergo sicut elécti Dei, sancti et dilécti, viscera misericórdiæ, benignitátem, humilitátem, modéstiam, patiéntiam: supportántes invicem, et donántes vobismetípsis si quis advérsus aliquem habet querélam: sicut et Dóminus donávit vobis, ita et vos. Super ómnia autem hæc, caritátem habéte, quod est vínculum perfectiόνis: et pax Christi exsúltet in córdibus vestris, in qua et vocáti estis in uno córpore: et grati estóte.

R. Ne perdíderis. 290.

Lectio ii.

**V**erbum Christi hábitet in vobis abundánter, in omni sapiéntia, docéntes, et commonéntes vosmet-

ípsos, psalmis, hymnis, et cánticis spirituálibus, in grátia cantántes in córdibus vestris Deo. Omne quodcúmque fácitis in verbo, aut in ópere, ómnia in nómine Dómini Jesu Christi, grátias ágentes Deo et Patri per ipsum. Mulieres súbditæ estóte viris, sicut opórtet, in Dómino. Viri dilígite uxóres vestras, et nolíte amári esse ad illas. Fílii obedíte paréntibus per ómnia: hoc enim plácitum est in Dómino. Patres, nolíte ad indignatióem provocáre filios vestros, ut non pusillo ánimo fiant.

R. Parátum cor. 290.

Lectio iii.

**S**ervi obedíte per ómnia dóminis carnálibus, non ad óculum serviéntes, quasi homínibus placéntes, sed in simplicitáte cordis, timéntes Deum. Quodcúmque fácitis, ex ánimo operámini sicut Dómino, et non homínibus: sciéntes quod a Dómino accipiétis retributióem hæreditátis. Dómino Christo servíte. Qui enim injúriam facit, recipiet id, quod iníque gessit: et non est personárum accéptio apud Deum. Dómini, quod justum est et æquum, servis præstáte: sciéntes quod et vos Dóminum habétis in cœlo. Oratióni instáte, vigilántes in ea in gratiárum actiône.

R. Adjútor meus. 290.

Feria Quinta.

Incipit Epístola prima beáti Pauli Apóstoli ad Thessalonicénses.

Lectio i.

Cap. 1.

**P**aulus, et Silvánus, et Timótheus, Ecclésiæ Thessalonicénsium in Deo Patre, et Dómino Jesu Christo. Grátia vobis et pax. Grátias ági-

mus Deo semper pro ómnibus vobis, memóriam vestri faciéntes in oratióibus nostris sine intermissiône, mémores óperis fidei vestræ, et labóris, et caritátis, et sustinéntiæ spei Dómini nostri Jesu Christi, ante Deum et Patrem nostrum: sciéntes fratres dilécti a Deo, electiόnem vestram: quia Evangélium nostrum non fuit ad vos in sermóne tantum, sed et in virtúte, et in Spíritu sancto, et in plenitúdine multa, sicut scitis quales fuérimus in vobis propter vos.

R. Deus in te. 291.

Lectio ii.

**E**t vos imitatóres nostri facti estis, et Dómini, excipióntes verbum in tribulatióne multa, cum gaudio Spíritus sancti: ita ut facti sitis forma ómnibus credéntibus in Macedónia, et in Achája. A vobis enim diffamátus est sermo Dómini, non solum in Macedónia, et in Achája, sed et in omni loco fides vestra, quæ est ad Deum, profécta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos: et quómodo convérsi estis ad Deum a simulácris, servíre Deo vivo et vero, et exspectáre Fílium ejus de cœlis (quem suscitávit ex mórtuis) Jesum, qui erípuit nos ab ira ventúra.

R. Repleátur. 291.

Lectio iii.

Cap. 2.

**N**am ipsi scitis, fratres, intróitum nostrum ad vos, quia non inánis fuit: sed ante passi, et contuméliis affécti (sicut scitis) in Philíppis, fidúciám habúimus in Deo nostro loqui ad vos Evangélium Dei in multa sollicitúdine. Exhortatio

enim nostra non de errore, neque de immunditia, neque in dolo, sed sicut probati sumus a Deo, ut crederetur nobis Evangelium: ita loquimur, non quasi hominibus placentes, sed Deo, qui probat corda nostra. Neque enim aliquando fuimus in sermone adulationis, sicut scitis: neque in occasione avaritiae: Deus testis est: nec quærentes ab hominibus gloriam, neque a vobis, neque ab aliis.

R. Gaudébunt. 291.

### Feria Sexta.

De Epístola prima ad Thessalonicenses.

Lectio i. Cap. 4.

**D**e cetero ergo, fratres, rogamus vos, et obsecramus in Domino Jesu, ut quemadmodum accepistis a nobis, quomodo oporteat vos ambulare, et placere Deo, sic et ambulatis, ut abundetis magis. Scitis enim quæ præcepta dederim vobis per Dominum Jesum. Hæc est enim voluntas Dei, sanctificatio vestra: ut abstineatis vos a fornicatione, ut sciat unusquisque vestrum vas suum possidere in sanctificatione et honore: non in passionem desiderii, sicut et Gentes, quæ ignorant Deum.

R. Confitebor tibi. 291.

Lectio ii.

**E**t ne quis supergrediatur, neque circumveniat in negotio fratrem suum: quoniam vindex est Dominus de his omnibus, sicut prædiximus vobis, et testificati sumus. Non enim vocavit nos Deus in immunditiam, sed in sanctificationem. Itaque qui hæc spernit, non hominem spernit, sed Deum: qui etiam

dedit Spiritum suum sanctum in nobis.

R. Misericordia tua. 292.

Lectio iii.

**D**e caritate autem fraternitatis non necesse habemus scribere vobis: ipsi enim vos a Deo didicistis, ut diligatis invicem. Etenim illud facitis in omnes fratres in universa Macedonia. Rogamus autem vos fratres ut abundetis magis, et operam detis ut quieti sitis, et ut vestrum negotium agatis, et operemini manibus vestris, sicut præcepimus vobis: et ut honeste ambulatis ad eos qui foris sunt: et nullius aliquid desideretis.

R. Factus est. 292.

### Sabbato.

Incipit Epístola secunda ad Thessalonicenses.

Lectio i. Cap. 1.

**P**aulus, et Silvānus, et Timotheus: Ecclesiæ Thessalonicensium in Deo Patre nostro, et Domino Jesu Christo. Grátia vobis, et pax a Deo Patre nostro, et Domino Jesu Christo. Grátias ágere debemus semper Deo pro vobis, fratres, ita ut dignum est, quoniam supercrêscit fides vestra, et abundat caritas uniuscujusque vestrum in invicem: ita ut et nos ipsi in vobis gloriemur in Ecclesiis Dei, pro patientia vestra, et fide, et in omnibus persecutionibus vestris, et tribulationibus, quas sustinetis in exemplum justi judicii Dei, ut digni habeamini in regno Dei, pro quo et patimini.

R. Ne perdidideris. 290.

Lectio ii.

**S**i tamen justum est apud Deum retribuere tribulationem iis, qui

vos tribulant: et vobis, qui tribulamini, réquiem nobiscum in revelatióne Dómini Jesu de cœlo cum Angelis virtútis ejus, in flamma ignis dantis vindíctam iis, qui non novérunt Deum, et qui non obédiunt Evangélio Dómini nostri Jesu Christi. Qui pœnas dabunt in intéritu ætérnas a fácie Dómini, et a glória virtútis ejus: cum vénerit glorificári in sanctis suis, et admirábilis fieri in ómnibus, qui crediderunt, quia créditum est testimónium nostrum super vos in die illo. In quo étiam orámus semper pro vobis: ut dignétur vos vocatióne sua Deus noster, et impleat omnem voluntátem bonitátis, et opus fidei in virtúte, ut clarificétur nomen Dómini nostri Jesu Christi in vobis, et vos in illo, secúndum grátiam Dei nostri, et Dómini Jesu Christi.

R. Parátum cor. 290.

Lectio iii. Cap. 2.

**R**ogámus autem vos fratres per advéntum Dómini nostri Jesu Christi, et nostræ congregatiónis in ipsum: ut non cito moveámini a vestro sensu, neque terreámini, neque per spíritum, neque per sermónem, neque per epístolam tamquam per nos missam, quasi instet dies Dómini. Ne quis vos seducat ullo modo: quóniam nisi vénerit discéssio primum, et revelátus fúerit homo peccáti, filius perditionis, qui adversáitur, et extóllitur supra omne, quod dicitur Deus, aut quod cólitur, ita ut in templo Dei sédeat osténdens se tamquam sit Deus.

R. Adjutor meus. 290.

## Ad Vesperas.

Oratio.

**F**amíliam tuam, quæsumus Dómine, continúa pietáte custodi: ut, quæ in sola spe grátiae cœlestis innítitur, tua semper protectione muniátur. Per Dóminum.

## Dominica V. post Epiphaniam.

In I. Nocturno.

Incipit Epístola prima beáti Pauli Apóstoli ad Timótheum.

Lectio i. Cap. 1.

**P**aulus Apóstolus Jesu Christi secúndum impérium Dei Salvatóris nostri, et Christi Jesu spei nostræ: Timótheo dilécto filio in fide. Grátia, misericórdia, et pax a Deo Patre, et Christo Jesu Dómino nostro. Sicut rogávi te ut remanéres Ephesi, cum irem in Macedóniam, ut denunciáres quibúsdam ne áliter docérent, neque inténderent fábulis, et genealógiis interminátis: quæ quæstiões præstant magis quam ædificatióem Dei, quæ est in fide.

R. Dómine, ne in ira tua árguas me, neque in furóre tuo corrípias me: \* Miserére mei Dómine, quóniam infirmus sum. V. Timor et tremor venérunt super me, et contexérunt me ténebræ. Miserére.

Lectio ii.

**F**inis autem præcépti est caritas de corde puro, et consciéntia bona, et fide non ficta. A quibus quidam aberrántes, convérsi sunt in vanilóquium, voléntes esse legis doctóres, non intelligéntes neque quæ loquúntur, neque de quibus affirmant. Scimus autem quia bona



est lex, si quis ea legítimè utátur: sciens hoc quia lex justo non est pósita, sed injústis, et non súbditis, impiis et peccatóribus, scelerátis et contaminátis, parricidis et matricidis, homicidis, fornicáriis, masculórum concubitóribus, plagiáriis, mendácibus et perjúris, et si quid áliud sanæ doctrínæ adversátur, quæ est secúndum Evangélium glóriæ beáti Dei, quod créditum est mihi.

**R.** Deus, qui sedes super thronum, et júdicas æquitátem, esto refúgium paúperum in tribulatióne: \* Quia tu solus labórem et dolórem consíderas. **V.** Tibi enim derelíctus est pauper, pupílo tu eris adjútor. Quia tu solus.

Lectio iii.

**G**rátiās ago ei, qui me confortávit Christo Jesu Dómino nostro, quia fidélem me existimávit, ponens in ministério: qui prius blasphemus fui, et persecútor, et contumeliósus: sed misericórdiam Dei consecútus sum, quia ignórans feci in incredulitáte. Superabundávit autem grátia Dómini nostri cum fide et dilectiône, quæ est in Christo Jesu. Fidélis sermo, et omni acceptiône dignus: quod Christus Jesus venit in hunc mundum peccatóres salvos fácere, quorum primus ego sum. Sed ídeo misericórdiam consecútus sum: ut in me primo osténderet Christus Jesus omnem patiéntiam ad informatiõem eórum, qui creditúri sunt illi, in vitam ætérnam.

**R.** A dextris est mihi Dóminus, ne commóvear: \* Propter hoc dilatátum est cor meum, et exsultávit lingua mea. **V.** Dóminus pars hæ-

reditátis meæ, et cálicis mei. Propter. Glória Patri. Propter.

In II. Nocturno.

Sermo sancti Augustíni Epíscopi. De Verbis Apostoli, Serm. 8. sub initio.

Lectio iv.

**H**umánus sermo, et omni acceptiône dignus, quia Christus Jesus venit in hunc mundum peccatóres salvos fácere. Atténde Evangélium: Venit enim Fílius hóminis quærere, et salváre, quod perierat. Si homo non periisset, Fílius hóminis non venisset. Ergo perierat homo: venit Deus homo, et invéntus est homo. Perierat homo per líberam voluntátem: venit Deus homo per grátiam liberatricem.

**R.** Notas mihi fecísti Dómine vias vitæ: \* Adimplébis me lætítia cum vultu tuo: delectatiónes in dextera tua usque in finem. **V.** Tu es qui restitues hæreditátem meam mihi. Adimplébis me.

Lectio v.

**Q**uæris, quid váleat ad malum liberum arbítrium? Récole hóminem peccántem. Quæris, quid váleat ad auxílium Deus, et homo? Atténde in eo grátiam liberántem. Nusquam pótuit sic osténdi, quantum váleat volúntas hóminis usurpáta per supérbiam, ad uténdum sine adjutório Dei: malum non pótuit plus, et manifestius éxprimi, quam in hómine primo. Ecce perit primus homo, et ubi esset, nisi venisset secúndus homo? quia et ille homo, ídeo et iste homo; et ídeo humanus sermo.

**R.** Díligam te Dómine virtus mea: Dóminus firmaméntum me-

um, \* Et refúgium meum. *V.* Liberátor meus, Deus meus, adjutor meus. Et refúgium.

Lectio vi.

**P**rorsus nusquam sic appáret benignitas grátiae, et liberálitatis omnipoténtiae Dei, quam in hómine mediátore Dei et hóminum, hómine Christo Jesu. Quid enim dicimus, fratres mei? In fide cathólica nutritis loquor, vel in pacem catholicam lucrátis. Nóvimus et tenémus, mediátorem Dei et hóminum, hóminem Christum Jesum, in quantum homo erat, ejus esse natúrae, cujus et nos sumus. Non enim altérius natúrae caro nostra, et caro illius: nec altérius natúrae ánima nostra, et ánima illius. Hanc suscepit natúram, quam salvándam esse judicávit.

*R.* Dómini est terra, et plenitúdo ejus: \* Orbis terrárum, et univérsi qui hábitant in eo. *V.* Ipse super mária fundávit eam, et super flúmina præparávit illam. Orbis. Glória Patri. Orbis.

In III. Nocturno.

Léctio sancti Evangélíi secúndum Matthæum.

Lectio vii. Cap. 13. c.

**I**n illo témpore: Dixit Jesus turbis parábolam hanc: Símile factum est regnum coelórum hómini, qui seminávit bonum semen in agro suo. Et réliqua.

Homília sancti Augustíni  
Epíscopi.

Lib. Quæst. Evang. in Matth.  
cap. 11. tom. 4.

**C**um negligéntius ágerent præpósiti Ecclésiæ, aut cum dormitióne mortis accíperent

Apóstoli, venit diábolus, et superseminávit eos, quos malos filios Dóminus interpretátur. Sed quæritur, utrum hærétiци sint, an male vivéntes cathólici? Possunt enim dici filii mali étiam hærétiци, quia ex eódem Evangélíi sémíne, et Christi nómine procreáti, pravis opinióibus ad falsa dógmata convertúntur.

*R.* Ad te Dómine levávi ánimam meam: \* Deus meus in te confido, non erubéscam. *V.* Custódi ánimam meam, et éripe me. Deus.

Lectio viii.

**S**ed quod dicit eos in médio trítici seminátos, quasi vidéntur illi significári, qui uníus communionis sunt. Verúmtamen quóniam Dóminus agrum ipsum, non Ecclésiám, sed hunc mundum interpretátus est: bene intelligúntur hærétiци, quia non societáte uníus Ecclésiæ, vel uníus fidei, sed societáte solíus nóminis cristiáni in hoc mundo permiscéntur bonis. At illi, qui in eádeme fide mali sunt, pálea pótius quam zizánia reputántur: quia pálea étiam fundaméntum ipsum habet cum fruménto, radicémque commúnem.

*R.* Duo Séraphim clamábant alter ad álterum: \* Sanctus, sanctus, sanctus Dóminus Deus Sábaoth: \* Plena est omnis terra glória ejus. *V.* Tres sunt qui testimónium dant in coelo: Pater, Verbum, et Spíritus sanctus: et hi tres unum sunt. Sanctus. Glória Patri. Plena est.

Lectio ix.

**I**n illa plane sagéna, qua concludúntur et mali et boni pisces, non absúrde mali cathólici intelligúntur. Aliud est enim mare, quod

magis mundum istum significat: aliud sagena, quæ unius fidei, vel unius Ecclesiæ communionem videtur ostendere. Inter hæreticos et malos catholicos hoc interest, quod hæretici falsa credunt: illi autem vera credentes non vivunt ita ut credunt.

Te Deum laudamus. 14.

Ad Bened. Ant. Dómine, \* nonne bonum semen seminasti in agro tuo? unde ergo habet zizania? et ait illis: Hoc fecit inimicus homo.

V. Dóminus regnavit, decorem induit. R. Induit Dóminus fortitudinem, et præcinxit se virtute.

Oratio.

**F**amiliam tuam, quæsumus Dómine, continua pietate custodi: ut quæ in sola spe gratiæ cœlestis innititur, tua semper protectione muniatur. Per Dóminum.

Ad Magnif. Ant. Colligite \* primum zizania, et alligáte ea in fasciculos ad comburendum: tritum autem congregáte in horreum meum, dicit Dóminus.

V. Dirigatur Dómine oratio mea. R. Sicut incensum in conspectu tuo.

Feria Secunda.

De Epístola prima ad Timótheum.

Lectio i. Cap. 3. et 4.

**I**didélis sermo: Si quis episcopatum desiderat, bonum opus desiderat. Opórtet ergo episcopum irreprehensibilem esse, unius uxoris virum, sóbrium, prudentem, ornatum, pudicum, hospitalem, doctorem, non vinolentum, non percussorem, sed modestum: non litigiosum, non cupidum, sed suæ

dómui bene præpositum: filios habentem súbditos cum omni castitate. Si quis autem dómui suæ præesse nescit, quómodo Ecclesiæ Dei diligentiam habébit? Non neóphytum: ne in superbiam elatus, in iudicium incidat diaboli. Opórtet autem illum et testimonium habere bonum ab iis, qui foris sunt, ut non in opprobrium incidat, et in láqueum diaboli.

R. Quam magna. 288.

Lectio ii.

**D**iaconos similiter pudicos, non bilíngues, non multo vino deditos, non turpe lucrum sectantes: habentes mystérium fidei in conscientia pura. Et hi autem probentur primum: et sic ministrent, nullum crimen habentes. Mulieres similiter pudicas, non detrahentes, sóbrias, fideles in ómnibus. Diaconi sint unius uxoris viri: qui filiis suis bene præsent, et suis dómibus. Qui enim ministraverint, gradum bonum sibi acquirant, et multam fiduciam in fide, quæ est in Christo Jesu.

R. Adjutor meus. 288.

Lectio iii.

**H**æc tibi scribo, sperans me ad te venire cito. Si autem tardávero, ut scias quómodo oporteat te in domo Dei conversari, quæ est Ecclesiá Dei vivi, columna et firmamentum veritatis. Et manifeste magnum est pietatis sacramentum, quod manifestatum est in carne, justificatum est in spíritu, apparuit Angelis, prædicatum est Géntibus, creditum est in mundo, assumptum est in glória. Spiritus autem manifeste dicit, quia in no-

víssimis tempóribus discédent quidam a fide, attendéntes spirítibus erróris, et doctrínis dæmoniórum.

R. Benedícam. 289.

### Feria Tertia.

Incipit Epístola secúnda beáti Pauli Apóstoli ad Timótheum.

Lectio i.

Cap. 1.

**P**aulus Apóstolus Jesu Christi per voluntátem Dei, secúndum promissionem vitæ, quæ est in Christo Jesu: Timótheo caríssimo filio, grátia, misericórdia, pax a Deo Patre, et Christo Jesu Dómino nostro. Grátias ago Deo, cui sérvio a progenitóribus in consciéntia pura, quod sine intermissione hábeam tui memóriam in oratióibus meis, nocte ac die desíderans te vidére, memor lacrimárum tuárum, ut gáudio ímplear, recordatióem accípiens ejus fidei, quæ est in te non ficta, quæ et habitávit primum in ávia tua Lóide, et matre tua Euníce, certus sum autem quod et in te.

R. Aúribus pércipe. 289.

Lectio ii.

**P**ropter quam causam admóneo te ut resúscites grátiam Dei, quæ est in te per impositionem mánuum meárum. Non enim dedit nobis Deus spíritum timóris: sed virtútis, et dilectionis, et sobrietátis. Noli itaque erubescere testimonium Dómini nostri, neque me vinctum ejus; sed collabóra Evangélio secúndum virtútem Dei: qui nos liberávit, et vocávit vocatióne sua sancta, non secúndum ópera nostra, sed secúndum propositum suum, et grátiam, quæ

data est nobis in Christo Jesu ante témpora sæculária.

R. Státuit Dóminus. 289.

Lectio iii.

**M**anifestáta est autem nunc per illuminationem Salvatóris nostri Jesu Christi, qui destrúxit quidem mortem, illuminávit autem vitam, et incorruptionem per Evangélium: in quo pósitus sum ego prædicátor, et Apóstolus, et magister Géntium. Ob quam causam étiam hæc pátor, sed non confúndor. Scio enim cui crédidi, et certus sum quia potens est depósitum meum serváre in illum diem. Formam habe sanórum verbórum, quæ a me audísti in fide, et in dilectione in Christo Jesu.

R. Ego dixi, Dómine. 290.

### Feria Quarta

De Epístola secúnda ad Timótheum.

Lectio i.

Cap. 3.

**H**oc autem scito, quod in novísimis diébus instábunt témpora periculósa: erunt hómines seípsos amántes, cúpidi, eláti, supérbi, blasphémi, paréntibus non obediéntes, ingrátí, scelésti, sine affectiône, sine pace, criminatóres, incontínéntes, immítes, sine benignitáte, proditóres, protérvi, túmidi, et voluptátum amatóres magis quam Dei: habéntes spéciem quidem pietátis, virtútem autem ejus abnegántes. Et hos devíta.

R. Ne perdideris. 290.

Lectio ii.

**E**x his enim sunt, qui pénétrant domos, et captívas ducunt muliérculas onerátas peccátis, quæ ducúntur váriis desidériis: semper

discéntes, et numquam ad sciéntiam veritátis perveniéntes. Quemádmodum autem Jannes et Mambres restitérunt Móysi: ita et hi resistunt veritáti, hómínes corrúpti mente, réprobi circa fidem, sed ultra non proficient: insipiéntia enim eórum manifésta erit ómnibus, sicut et illórum fuit.

R. Parátum cor. 290.

Lectio iii.

**T**u autem assecúsus es meam doctrínam, institutiónem, propósito, fidem, longanimitátem, dilectiόnem, patiéntiam, persecutiόnes, passiόnes: quália mihi facta sunt Antiochiæ, Iconií, et Lystris: quales persecutiόnes sustinui, et ex ómnibus eripuit me Dóminus. Et omnes, qui pie volunt vivere in Christo Jesu, persecutiόnem patiéntur. Mali autem hómínes et seductóres proficient in pejus, errántes, et in errórem miténtes.

R. Adjutor meus. 290.

Feria Quinta.

Incipit Epístola beáti Pauli Apóstoli ad Titum.

Lectio i.

Cap. 1.

**P**aulus servus Dei, Apóstolus autem Jesu Christi secúndum fidem electórum Dei, et agnitiónem veritátis, quæ secúndum pietátem est in spem vitæ æternæ, quam promísit qui non mentitur, Deus, ante témpora sæculária: manifestávit autem tempóribus suis verbum suum in prædicatiόne, quæ crédita est mihi secúndum præcéptum Salvatóris nostri Dei: Tito dilécto filio secúndum comúnem fidem, grátia, et pax a Deo

Patre, et Christo Jesu Salvatóre nostro.

R. Deus in te. 291.

Lectio ii.

**H**ujus rei grátia reliqui te Creatæ, ut ea quæ desunt córrigas, et constituas per civitátes presbýteros, sicut et ego dispósui tibi. Si quis sine crímíne est, unius uxóris vir, filios habens fidéles, non in accusatiόne luxúriæ, aut non súbditos. Opórtet enim episcopum sine crímíne esse, sicut Dei dispensatórem: non supérbum, non iracúndum, non vinoléntum, non percussórem, non turpis lucri cúpidum: sed hospitálem, benígnum, sóbrium, justum, sanctum, continéntem, amplecténtem eum, qui secúndum doctrínam est, fidélem sermónem: ut potens sit exhortári in doctrína sana, et eos, qui contradícunt, arguere.

R. Repleátur. 291.

Lectio iii.

**S**unt enim multi étiam inobediéntes, vaníloqui, et seductóres: máxime qui de circumcisiόne sunt: quos opórtet redárgui: qui univérsas domos subvértunt, docéntes quæ non opórtet, turpis lucri grátia. Dixit quidam ex illis, próprios ipsórum prophéta: Creténses semper mendáces, malæ béstiæ, ventres pigri. Testimónium hoc verum est. Quam ob causam increpa illos dure, ut sani sint in fide, non intendéntes Judáicis fábulis, et mandátis hómínium aversántium se a veritáte. Omnia munda munda: coínquinátis autem et infidélibus nihil est mundum.

R. Gaudébunt. 291.

**Feria Sexta.**

De Epístola ad Titum.

Lectio i. Cap. 2. d. et 3.

**H**æc loquere, et exhortare, et argue cum omni império. Nemo te contemnat. Admone illos principibus, et potestatibus subditos esse, dicto obedire, ad omne opus bonum paratos esse: neminem blasphemare, non litigiosos esse, sed modestos, omnem ostendentes mansuetudinem ad omnes homines.

R. Confitebor tibi. 291.

Lectio ii.

**E**ramus enim aliquando et nos insipientes, increduli, errantes, serviens desideriiis, et voluptatibus variis, in malitia et invidia agentes, odibiles, odientes invicem. Cum autem benignitas, et humanitas apparuit Salvatoris nostri Dei: non ex operibus justitiae, quae fecimus nos, sed secundum suam misericordiam salvos nos fecit per lavacrum regenerationis, et renovationis Spiritus sancti, quem effudit in nos abunde per Jesum Christum Salvatorem nostrum: ut justificati gratia ipsius, haeredes simus secundum spem vitae aeternae.

R. Misericordia tua. 292.

Lectio iii.

**F**idelis sermo est: et de his volo te confirmare: ut curent bonis operibus praesse qui credunt Deo. Haec sunt bona, et utilia hominibus. Stultas autem quaestiones, et genealogias, et contentiones, et pugnas legis devota. Sunt enim inutilis et vanae. Haereticum hominem post unam, et secundam correptionem devota: sciens quia subversus est, qui ejusmodi est, et de-

linquit, cum sit proprio judicio condemnatus. R. Factus est. 292.

**Sabbato.**

Incipit Epístola beati Pauli Apostoli ad Philémonem.

Lectio i. Cap. 1.

**P**aulus vinctus Christi Jesu, et Timotheus frater: Philémoni dilecto, et adjutori nostro, et Appiae sorori carissimae, et Archippo commilitoni nostro, et Ecclesiae quae in domo tua est. Gratia vobis, et pax a Deo Patre nostro, et Domino Jesu Christo. Grantias ago Deo meo, semper memoriam tui faciens in orationibus meis, audiens caritatem tuam, et fidem, quam habes in Domino Jesu, et in omnes sanctos: ut communicatio fidei tuae evidens fiat in agnitione omnis operis boni, quod est in vobis in Christo Jesu.

R. Ne perdidideris. 290.

Lectio ii.

**G**audium enim magnum habui, et consolationem in caritate tua: quia viscera sanctorum requieverunt per te, frater. Propter quod multam fiduciam habens in Christo Jesu imperandi tibi quod ad rem pertinet: propter caritatem magis obsecro, cum sis talis, ut Paulus senex, nunc autem et vinctus Jesu Christi: Obsecro te pro meo filio, quem genui in vinculis, Onesimo, qui tibi aliquando inutilis fuit, nunc autem et mihi, et tibi utilis, quem remisi tibi.

R. Paratum cor. 290.

Lectio iii.

**T**u autem illum, ut mea viscera, suscipe: quem ego volueram mecum detinere, ut pro te mihi



ministráret in v́nculis Evangélii: sine consílio autem tuo nihil vólui fácere, uti ne velut ex necessitáte bonum tuum esset, sed voluntárium. Fórsitan enim ídeo discéssit ad horam a te, ut ætérnum illum recíperes: jam non ut servum, sed pro servo caríssimum fratrem, máxime mihi: quanto autem magis tibi et in carne, et in Dómino? Si ergo habes me sócium, súscipe illum sicut me: si autem áliquíd nócuit tibi, aut debet: hoc mihi ímputa. Ego Paulus scripsi mea manu.

R. Adjútor meus. 290.

### Ad Vesperas.

Oratio.

**P**ræsta quæsumus, omnípotens Deus: ut semper rationabília meditántes, quæ tibi sunt plácita, et dictis exsequámur, et factis. Per Dóminum nostrum.

## Dominica VI. post Epiphaniam.

In I. Nocturno.

Incipit Epístola beáti Pauli Apóstoli ad Hebræos.

Lectio i. Cap. 1.

**M**ultifáriam, multisque modis olim Deus loquens pátribus in Prophétis: novíssime, diébus istis locútus est nobis in Fílio, quem constituit hærédem universórum, per quem fecit et sæcula: qui cum sit splendor glóriæ, et figúra substántiæ ejus, portánsque ómnia verbo virtútis suæ, purgatióem peccatórum fáciens, sedet ad d́xteram majestátis in excélsis: tanto mélior Angelis effé-

ctus, quanto differentius præ illis nomen hæreditávit.

R. Dómine, ne in ira tua árguas me, neque in furóre tuo corrípias me: \* Miserére mei Dómine, quóniam infirmus sum. V. Timor et tremor venérunt super me, et contextérunt me ténebræ. Miserére mei.

Lectio ii.

**C**ui enim dixit aliquándo Angelórum: Fílius meus es tu, ego hódie génui te? Et rursum: Ego ero illi in patrem, et ipse erit mihi in filium? Et cum íterum introducit primogénitum in orbem terræ, dicit: Et adórent eum omnes Angeli Dei. Et ad Angelos quidem dicit: Qui facit Angelos suos spíritus, et ministros suos flammam ignis. Ad Fílium autem: Thronus tuus Deus in sæculum sæculi: virga æquitátis, virga regni tui. Dilexísti justítiam, et odísti iniquitatem: proptérea unxit te Deus, Deus tuus óleo exsultatiónis præ participibus tuis.

R. Deus, qui sedes super thronum, et júdicas æquitátem, esto refúgium paúperum in tribulatióne: \* Quia tu solus labórem et dolórem consíderas. V. Tibi enim derelíctus est pauper, pupíllo tu eris adjútor. Quia tu solus.

Lectio iii.

**E**t: Tu in princípío Dómine terram fundásti: et ópera mánuum tuárum sunt cœli. Ipsi peribunt, tu autem permanébis, et omnes ut vestiméntum veteráscent: et velut amíctum mutábis eos, et mutabúntur: tu autem idem ipse es, et anni tui non deficient. Ad quem autem Angelórum dixit aliquándo: Sede

a dextris meis, quoadúsque ponam inimicos tuos scabéllum pedum tuórum? Nonne omnes sunt administratórii spíritus, in ministérium missi propter eos, qui hæreditátem cápient salútis?

R. A dextris est mihi Dóminus, ne commóvear: \* Propter hoc dilatátum est cor meum, et exsultávit lingua mea. V. Dóminus pars hæreditátis meæ, et cálicis mei. Propter. Glória Patri. Propter.

In II. Nocturno.

Sermo sancti Athanásii Epíscopi.  
Orat. 2. contra Arianos, post medium.

Lectio iv.

**S**i persónam, rem, tempus apostólici dicti cognóscerent hæretici, numquam humana in Deitátem transferéntes, tam impie et stulte advérsus Christum sese habuissent. Id intuéri licébit, si initium lectionis dénuo repétitum probe excípias. Dicit enim Apóstolus: Multifáram, multisque modis olim Deus locútus est pátribus nostris per Prophétas: últimis autem diébus locútus est nobis in Filio. Atque ita paulo post dicit: Perfécta ab eo nostrórum peccatórum purificatióne, ipsum sedére ad dexteram majestátis in excélsis, tanto meliorem Angelis factum, quanto præstantius nomen præ illis sortítus est. De eo igitur tēpore, quo nobis per Filium locútus est, cum peccatórum purgatio fíeret, apostólicum dictum mentiōnem facit. Quando autem nobis locútus est in Filio, aut quando purgatio peccatórum facta, aut quando natus est homo, nisi post Prophétas, idque in últimis diébus?

R. Notas mihi fecísti Dómine vias vitæ: \* Adimplébis me lætítia cum vultu tuo: delectatiónes in dextera tua usque in finem. V. Tu es qui restitues hæreditátem meam mihi. Adimplébis me.

Lectio v.

**D**einde cum narratio instituta esset de humana Verbi dispensatióne, deque últimis tempóribus: consequénter commemorávit, Deum neque superióribus ætátibus tacuisse, sed locútum esse per Prophétas: et postquam Prophétæ suo officio perfúnti sunt, et lex per Angelos pronuntiáta est, et Fílius étiam ad nos descéndit, et ad ministrándum accéssit; tunc demum necessário subíntulit: Tanto melior Angelis factus: osténdere volens, quanto Fílius præ servo excéllit, tanto functiōe officiōque servórum, Fílii administratiōnem meliorem fuisse.

R. Diligam te Dómine virtus mea: Dóminus firmaméntum meum, \* Et refúgium meum. V. Liberátor meus, Deus meus, adjutor meus. Et refúgium.

Lectio vi.

**F**unctiōnem igitur discernens Apóstolus, tum véterem, tum novam, magna dicéndi libertáte útitur, ad Judæos scribens et loquens. Propter hoc igitur non in univérsum ex própria comparatiōnis ratiōe dixit, quod major aut honorátior esset: ne quis quasi de ejúsdem géneris, et cum eo comúnibus rebus hæc verba intellígeret: sed ídeo meliorem illum dixit, ut discrímen natúræ Fílii ad res creatas indicáret.

R. Dómini est terra, et plenitúdo ejus: \* Orbis terrárum, et univérsti qui hábitant in eo. V. Ipse super mária fundávit eam, et super flúmina præparávit illam. Orbis. Glória Patri. Orbis.

In III. Nocturno.

Lectio sancti Evangélíi secúndum Mattháeum.

Lectio vii. Cap. 13. d.

**I**n illo témpore: Dixit Jesus turbis parábolam hanc: Simile est regnum cœlórum grano sinápis, quod accípiens homo seminávit in agro suo. Et réliqua.

Homília sancti Hierónymi Presbýteri.

Lib. 2. Comm. in cap. 13. Matth.

**R**egnum cœlórum prædicatio Evangélíi est, et notítia Scripturárum, quæ ducit ad vitam, et de qua dicitur ad Judæos: Auferétur a vobis regnum Dei, et dábitur genti faciénti fructus ejus. Simile est ergo hujuscémodi regnum grano sinápis, quod accípiens homo seminávit in agro suo. Homo qui séminat in agro suo, a plerisque Salvátor intelligitur, quod in ánimis credéntium séminet: ab áliis ipse homo séminans in agro suo, hoc est in semetípso, et in corde suo.

R. Ad te Dómine levávi ánimam meam: \* Deus meus in te confido, non erubéscam. V. Custódi ánimam meam, et éripe me. Deus.

Lectio viii.

**Q**uis est iste, qui séminat, nisi sensus noster et ánimus; qui suscípiens granum prædicatiónis, et fovens seméntem, humóre fidei facit in agro sui pectoris pulluláre?

Prædicatio Evangélíi mínima est ómnibus disciplínis. Ad primam quippe doctrínam, fidem non habet veritátis, hóminem Deum, Christum mórtuum, et scándalum crucis prædicans. Confer hujuscémodi doctrínam dogmátibus philosophórum, et libris eórum, et splendóri eloquéntiæ, et compositióri sermónum: et vidébis quanto minor sit céteris semínibus seméntis Evangélíi.

R. Duo Séraphim clamábant alter ad álterum: \* Sanctus, sanctus, sanctus Dóminus Deus Sábaoth: \* Plena est omnis terra glória ejus. V. Tres sunt qui testimónium dant in cœlo: Pater, Verbum, et Spíritus sanctus: et hi tres unum sunt. Sanctus. Glória Patri. Plena est.

Lectio ix.

**S**ed illa cum créverint, nihil mordax, nihil vívidum, nihil vitále demónstrant: sed totum fláccidum marcidúmque et mollítum ebúllit in ólera et in herbas, quæ cito aréscunt et córruunt. Hæc autem prædicatio, quæ parva videbátur in princípíio, cum vel in ánima credéntis, vel in toto mundo sata fúerit, non exsúrgit in ólera, sed crescit in árborem: ita ut vólucres cœli (quas vel ánimas credéntium, vel fortitúdiines, Dei servítio mancipátas, sentíre debémus) véniant et hábitent in ramis ejus. Ramos puto evangélicæ árboris, quæ de grano sinápis créverit, dógmatum esse diversitátes, in quibus supradictárum vólucrum unaquæque requiêscit.

Te Deum laudámus. 14.

Ad Bened. Ant. Simile est \* regnum cœlórum grano sinápis, quod

mínimum est ómnibus semínibus: cum autem créverit, majus est ómnibus oléribus.

¶ *Dóminus regnávít, decórem induit. R. Induit Dóminus fortitúdinem, et præcínxit se virtúte.*

*Oratio.*

**P**ræsta quæsumus omnípotens Deus: ut semper rationabilia medítantes, quæ tibi sunt plácita, et dictis exsequámur, et factis. Per Dóminum.

*Ad Magnif. Ant. Símile est \* regnum cœlórum fermento, quod acéptum mûlier abscondit in farínæ satis tribus, donec fermentátum est totum.*

¶ *Dirigátur Dómine orátio mea. R. Sicut incénsum in conspéctu tuo.*

*Feria Secunda.*

*De Epístola ad Hebræos.*

*Lectio i. Cap. 3.*

**U**nde fratres sancti, vocatiónis cœléstis partícipes, consideráte Apóstolum et Pontíficem confessiόνis nostræ Jesum: qui fidélis est ei, qui fecit illum sicut et Móyses in omni domo ejus. Ampliór-  
is enim glóriæ iste præ Móyse dignus est hábitus, quanto ampliorem honórem habet domus, qui fabricávit illam. Omnis namque domus fabricátur ab áliquo: qui autem ómnia creávit, Deus est.

*R. Quam magna. 288.*

*Lectio ii.*

**E**t Móyses quidem fidélis erat in tota domo ejus tamquam fámulus, in testimónium eórum, quæ dicénda erant: Christus vero tamquam filius in domo sua: quæ domus sumus nos, si fidúciám, et glóriam spei usque ad finem fir-

mam retineámus. Quaprópter sicut dicit Spíritus sanctus: Hódie si vocem ejus audiéritis, nolíte obduráre corda vestra, sicut in exacerbatióne secúndum diem tentatiónis in desérto.

*R. Adjutor meus. 288.*

*Lectio iii.*

**V**idéte fratres, ne forte sit in áliquo vestrum cor malum incredulitátis, discedéndi a Deo vivo: sed adhortámini vosmetipsos per singulos dies, donec Hódie cognominátur, ut non obdurétur quis ex vobis fallácia peccáti. Partícipes enim Christi effécti sumus: si tamen inítium substántiæ ejus usque ad finem firmum retineámus. Dum dicitur: Hódie si vocem ejus audiéritis, nolíte obduráre corda vestra, quemádmódum in illa exacerbatióne. Quidam enim audiétes exacerbavérunt: sed non univérsi qui profécti sunt ex Ægýpto per Móysen.

*R. Benedicam. 289.*

*Feria Tertia.*

*De Epístola ad Hebræos.*

*Lectio i. Cap. 4.*

**T**imeámus ergo, ne forte relícta pollicitatióne introeúndi in réquiem ejus, existimétur áliquis ex vobis deesse. Etenim et nobis nuntiátum est, quemádmódum et illis. Sed non prófuit illis sermo audítus, non admístus fidei ex iis, quæ audiérunt. Ingrediémur enim in réquiem, qui credídimus: quemádmódum dixit: Sicut jurávi in ira mea: Si introíbunt in réquiem meam: et quidem opéribus ab institutióne mundi perféctis.

*R. Auribus pécipe. 289.*

Lectio ii.

**D**ixit enim in quodam loco de die séptima sic: Et requiévít Deus die séptima ab ómnibus opéribus suis. Et in isto rursum: Si introíbunt in réquiem meam. Quóniam ergo súperest introíre quosdam in illam, et ii, quibus prióribus annuntiátum est, non introiérunt propter incredulitátem: íterum términat diem quemdam, Hódie, in David dicéndo, post tantum témporis, sicut supra dictum est: Hódie si vocem ejus audiéritis, nolíte obduráre corda vestra.

R. Státuit Dóminus. 289.

Lectio iii.

**N**am si eis Jesus réquiem præstitisset, numquam de ália loquerétur, posthac, die. Itaque relínquitur sabbatísmus pópulo Dei. Qui enim ingræssus est in réquiem ejus: étiam ipse requiévít ab opéribus suis, sicut a suis Deus. Festinémus ergo íngredi in illam réquiem: ut ne in idípsum quis inci-dat incredulitátis exéplum. Vivus est enim sermo Dei, et éfficax, et penetrabilior omni gládio ancípi: et pertíngens usque ad divisió-nem ánimæ ac spíritus, compá-gum quoque ac medullárum, et discrétor cogitatiónum et intenti-ónum cordis.

R. Ego dixi. 290.

Feria Quarta.

De Epístola ad Hebræos.

Lectio i. Cap. 6.

**Q**uaprópter intermitténtes inchoatiónis Christi sermónem, ad perfectióra ferámur, non rursum jaciéntes fundaméntum pœniténtiæ ab opéribus mórtuis, et fi-

dei ad Deum, baptísmatum doctri-næ, impositiόνis quoque mánuum, ac resurrectiόνis mortuórum, et judicii ætérni. Et hoc faciémus, si quidem permíserit Deus.

R. Ne perdíderis. 290.

Lectio ii.

**I**mpossíbile est enim eos, qui semel sunt illumináti, gustavérunt étiam donum coeléste, et partícipes facti sunt Spíritus sancti, gustavérunt nihilóminus bonum Dei verbum, virtutésque sæculi ventúri, et prolápsi sunt; rursus renovári ad pœniténtiam, rursum crucifigéntes sibimetípsis Fílium Dei, et osténtui habéntes.

R. Parátum cor. 290.

Lectio iii.

**T**erra enim sæpe veniéntem super se bibens imbrem, et génerans herbam opportunam illis, a quibus cólitur: áccipit benedicti-ó-nem a Deo. Próferens autem spinas ac tribulos, réproba est, et maledícto próxima: cujus consummá-tio in combustió-nem. Confídimus autem de vobis dilectíssimi melióra, et vicinióra salúti: tamétsi ita lóquimur. Non enim injústus Deus, ut obliviscátur óperis vestri, et dilectiόνis, quam ostendístis in nómine ipsíus, qui ministrástis sanctis, et ministrátis.

R. Adjútor meus. 290.

Feria Quinta.

De Epístola ad Hebræos.

Lectio i. Cap. 7.

**I**nc enim Melchísedech, rex Sa-lem, sacerdos Dei summi, qui obviávit Abrahæ regresso a cæde regum, et benedíxit ei: cui et dé-cimas ómnium divísit Abraham:

primum quidem qui interpretatur rex justitiæ: deinde autem et rex Salem, quod est, rex pacis, sine patre, sine matre, sine genealogia, neque initium dierum, neque finem vitæ habens, assimilatus autem Filio Dei, manet sacerdos in perpetuum.

R. Deus in te. 291.

Lectio ii.

**I**ntuemini autem quantus sit hic, cui et decimas dedit de præcipuis Abraham patriarcha. Et quidem de filiis Levi sacerdotium accipientes, mandatum habent decimas sumere a populo secundum legem, id est, a fratribus suis: quamquam et ipsi exierint de lumbis Abraham. Cujus autem generatio non annumeratur in eis, decimas sumpsit ab Abraham, et hunc, qui habebat repromissiones, benedixit.

R. Repleatur. 291.

Lectio iii.

**S**ine ulla autem contradictione, quod minus est, a meliore benedicitur. Et hic quidem decimas morientes homines accipiunt: ibi autem contestatur, quia vivit. Et (ut ita dictum sit) per Abraham, et Levi, qui decimas accepit, decimatus est: adhuc enim in lumbis patris erat, quando obviavit ei Melchisedech. Si ergo consummatio per sacerdotium Leviticum erat (populus enim sub ipso legem accepit) quid adhuc necessarium fuit secundum ordinem Melchisedech, alium surgere sacerdotem, et non secundum ordinem Aaron dici? Translato enim sacerdotio, necesse est ut et legis translatio fiat. R. Gaudébunt. 291.

Feria Sexta.

De Epistola ad Hebræos.

Lectio i. Cap. 11.

**E**st autem fides sperandarum substantia rerum, argumentum non apparentium. In hac enim testimonium consecuti sunt senes. Fide intelligimus aptata esse sæcula verbo Dei: ut ex invisibilibus visibilia fierent. Fide plurimam hostiam Abel, quam Cain, obtulit Deo, per quam testimonium consecutus est esse justus, testimonium perhibente muneribus ejus Deo, et per illam defunctus adhuc loquitur.

R. Confitebor tibi. 291.

Lectio ii.

**F**ide Henoch translatus est ne videret mortem, et non inveniebatur: quia transtulit illum Deus: ante translationem enim testimonium habuit placuisse Deo. Sine fide autem impossibile est placere Deo. Credere enim oportet accedentem ad Deum quia est, et inquirentibus se remunerator sit. Fide Noë, responso accepto de iis, quæ adhuc non videbantur, metuens aptavit arcam in salutem domus suæ, per quam damnavit mundum: et justitiæ, quæ per fidem est, hæres est institutus.

R. Misericordia tua. 292.

Lectio iii.

**F**ide qui vocatur Abraham obediit in locum exire, quem accepturus erat in hereditatem: et exiit, nesciens quo iret. Fide demoratus est in terra repromissionis, tamquam in aliena, in casulis habitando cum Isaac et Jacob cohæredibus repromissionis ejusdem. Expectabat enim fundamenta ha-



béntem civitátem: cujus ártifex et cónditor Deus.

R. Factus est. 292.

S a b b a t o.

De Epístola ad Hebræos.

Lectio i. Cap. 13.

**C**áritas fraternitátis máneat in vobis. Et hospitalitátem nolite oblivisci: per hanc enim latuérunt quidam, Angelis hospítio recéptis. Mementóte vinctórum, tamquam simul vincti: et laborántium, tamquam et ipsi in corpore morántes. Honorábile connúbium in ómnibus, et thorus immaculátus. Fornicatóres enim, et adúlteros judicábit Deus.

R. Ne perdíderis. 290.

Lectio ii.

**S**int mores sine avarítia, conténti præséntibus: ipse enim dixit: Non te déseram, neque derelínquam. Ita ut confidénter dicámus: Dóminus mihi adjútor: non timébo quid fáciat mihi homo. Mementóte præpositórum vestrórum, qui vobis locúti sunt verbum Dei: quorum intuéntes éxitum conversatiónis, imitámini fidem. Jesus Christus heri, et hódie: ipse et in sæcula.

R. Parátum cor. 290.

Lectio iii.

**D**octrínis váriis et peregrínis nólite abdúci. Optimum est enim grátia stabilíre cor, non escis: quæ non profuérent ambulántibus in eis. Habémus altáre, de quo édere non habent potestátem qui tabernáculo desérviunt. Quorum enim animálium infértur sanguis pro peccáto in Sancta per Pontíficem, horum córpora cremántur extra

castra. Propter quod et Jesus, ut sanctificáret per suum sánguinem pópulum, extra portam passus est.

R. Adjútor meus. 290.

Si aliquod festum Duplex celebretur in Sabbato ante Septuagesimam, in II. Vesp. post Orationem festi fit commemoratio de Dominica: et in fine dicitur Benedicámus Dómino, allelúja, allelúja, etc. ut infra.

S a b b a t o

ante Septuagesimam.

Ad Vesperas.

Capitulum. 1. Cor. 9. d.

**F**ratres: Nescítis quod ii qui in stádio currunt, omnes quidem currunt, sed unus áccipit bravíum? Sic cúrrite ut comprehendátis.

Hymnus.

**J**am sol recédit ígneus:  
Tu lux perénis Unitas,  
Nostris, beáta Trínitas,  
Infúnde lumen córdibus.  
Te mane laudum cármine,  
Te deprecámur vespere;  
Dignéris ut te súplices  
Laudémus inter cœlites.  
Patri, simúlque Filio,  
Tibíque sancte Spíritus,  
Sicut fuit, sit júgiter  
Sæclum per omne glória.  
Amen.

¶ Vespertína orátio ascéndat ad te Dómine. R. Et descéndat super nos misericórdia tua.

Ad Magnif. Ant. Dixit Dóminus \* ad Adam: De ligno quod est in médio paradísi, ne cómedas: in qua hora coméderis, morte moriéris.

Oratio.

**P**reces pópuli tui, quæsumus Dómine, cleménter exaúdi: ut qui

juste pro peccâtis nostris affligimur, pro tui nómînis glória misericórditer liberémur. Per Dñm.

Ÿ. Benedicámus Dómino, allelúja, allelúja. R. Deo grátias, allelúja, allelúja.

Et deinceps non dic. Allelúja, usque ad Sabbatum sanctum. Sed post Deus in adjutórium. ubi dicebatur Allelúja, dicitur Laus tibi Dómine Rex æternæ glóriæ.

Si in Dominicis a Septuages. usque ad Dominicam in Albis occurrat Festum Duplex quod transferri valeat, transfertur in primam diem non impeditam. De aliis vero Duplicibus et de Semidupl. fit tantum commem. in utrisque Vesp. et Laud.; ut dic. in Rubricis de Commemorationibus.

## Dominica

in Septuagesima.

### Ad Matutinum.

Invitatorium. Præoccupémus faciém Dómini: \* Et in psalmis jubilémus ei.

Ps. Veníte, exsultémus. 2.

In primo Versu Psalmi omittitur Præoccupémus faciém ejus, etc. et ejus loco repetitur a choro Invitatorium.

Hymnus. Primo die. 2.

Ant., Psalmi et ŸŸ. Noct. de Psalterio. 3.

In I. Nocturno.

Incipit liber Génesis.

Lectio i. Cap. 1.

**I**n principio creávit Deus cœlum, et terram. Terra autem erat inánis et vácuá, et tenebræ erant super faciém abyssi: et Spíritus Dei ferebátur super aquas. Dixitque Deus: Fiat lux. Et facta est lux. Et vidit Deus lucem quod esset bona: et divisit lucem a tenebris. Appellávitque lucem Diem,

et tenebras Noctem: factúmque est vespere et mane, dies unus. Dixit quoque Deus: Fiat firmaméntum in médio aquárum: et dividat aquas ab aquis. Et fecit Deus firmaméntum, divisítque aquas, quæ erant sub firmaménto, ab his, quæ erant super firmaméntum. Et factum est ita. Vocávitque Deus firmaméntum, Cœlum: et factum est vespere et mane, dies secundus.

R. In principio creávit Deus cœlum et terram, et fecit in ea hóminem, \* Ad imáginem et similitúdinem suam. Ÿ. Formávit igitur Deus hóminem de limo terræ, et inspirávit in faciém ejus spiráculum vitæ. Ad.

Lectio ii.

**D**ixit vero Deus: Congregéntur aquæ, quæ sub cœlo sunt, in locum unum: et appáreat árida. Et factum est ita. Et vocávit Deus áridam, Terram, congregationesque aquárum appellávit Mária. Et vidit Deus quod esset bonum. Et ait: Gérminet terra herbam viréntem et faciéntem semen, et lignum pomíferum fáciens fructum juxta genus suum, cujus semen in semetipso sit super terram. Et factum est ita. Et prótulit terra herbam viréntem, et faciéntem semen juxta genus suum, lignúmque fáciens fructum, et habens unumquódque seméntem secundum spéciem suam. Et vidit Deus quod esset bonum. Et factum est vespere et mane, dies tertius. Dixit autem Deus: Fiant luminária in firmaménto cœli, et dívidant diem ac noctem, et sint in signa et témpora, et dies et annos: ut lúceant in fir-

maménto cœli, et illúminent terram. Et factum est ita. Fecítque Deus duo luminária magna: lumináre majus, ut præesset diéi: et lumináre minus, ut præesset nocti: et stellas. Et pósuit eas in firmaménto cœli, ut lucerent super terram, et præessent diéi ac nocti, et dividerent lucem ac ténebras. Et vidit Deus quod esset bonum. Et factum est vespere et mane, dies quartus.

R. In princípio creávit Deus cœlum et terram, et Spíritus Dei ferebátur super aquas: \* Et vidit Deus cuncta quæ fécerat, et erant valde bona. V. Igitur perfécti sunt cœli et terra, et omnis ornátus eórum. Et.

### Lectio iii.

**D**ixit étiam Deus: Producant aquæ réptile ánimæ vivéntis, et volátile super terram sub firmaménto cœli. Creávitque Deus Cete grándia, et omnem ánimam vivéntem atque motábilem, quam produxerant aquæ in spécies suas, et omne volátile secúndum genus suum. Et vidit Deus quod esset bonum. Benedixítque eis, dicens: Créscite, et multiplicámini, et repléte aquas maris: avésque multiplicéntur super terram. Et factum est vespere et mane, dies quintus. Dixit quoque Deus: Producat terra ánimam vivéntem in génere suo, juménta, et reptília, et béstias terræ secúndum spécies suas. Factúmque est ita. Et fecit Deus béstias terræ juxta spécies suas, et juménta, et omne réptile terræ in génere suo. Et vidit Deus quod esset bonum, et ait: Faciámus hóminem ad imáginem et similitúdi-

nem nostram: et præsit pískibus maris, et volatilibus cœli, et béstiiis, universæque terræ, omníque réptili, quod movétur in terra.

R. Formávit Dóminus hóminem de limo terræ, \* Et inspirávit in faciém ejus spiráculum vitæ, et factus est homo in ánimam vivéntem. V. In princípio fecit Deus cœlum et terram, et plasmávit in ea hóminem. Et. Glória Patri. Et.

### In II. Nocturno.

Ex libro Enchirídii sancti Augustíni Epíscopi.

Cap. 25. 26. et 27. tomi 3.

### Lectio iv.

**M**ortis supplicium Dóminus hómini comminátus fúerat, si peccáret: sic eum múnérans líbero arbítrio, ut tamen régeret império, terréret exítio: atque in paradísi felicitáte, tamquam in umbra vitæ, unde justítia custodíta in melióra conscénderet, collocávit. Hinc post peccátum exsul efféctus, stirpem quoque suam, quam peccándo in se tamquam in radíce vitiáverat, pœna mortis et damnatióne obstrínxit: ut quidquid prolis ex illo, et simul damnáta, per quam peccáverat, cónjuge, per carnálem concupiscéntiam, in qua inobediéntiæ pœna símilis retribúta est, nascerétur, tráheret originále peccátum, quo traherétur per erróres dolorésque divérsos ad illud extrémum cum desertóribus ángelis, vitiatóribus et possessoribus et consórtibus suis sine fine supplicium.

R. Tulit Dóminus hóminem, et pósuit eum in paradíso voluptátis: \* Ut operarétur et custodíret il-

lum. **V.** Plantáverat autem Dóminus Deus paradísium voluptátis a princípío, in quo pósuit hóminem quem formáverat. Ut operarétur.

Lectio v.

**S**ic per unum hóminem peccátum intrávit in mundum, et per peccátum mors: et ita in omnes hómines pertránsiit, in quo omnes peccavérunt. Mundum quippe appellávit eo loco Apóstolus univérsum genus humánum. Ita ergo res se habébant. Jacébat in malis, vel étiamolvebátur, et de malis in mala præcipitabátur totíus humáni géneris massa damnáta: et adjúnta parti eórum, qui peccáverant, angelórum, luébat impiæ desertiónis digníssimas pœnas.

**R.** Dixit Dóminus Deus: Non est bonum hóminem esse solum: \* Faciámus ei adjutórium símile sibi. **V.** Adæ vero non inveniebátur adjutor símilis sibi: dixit vero Deus. Faciámus.

Lectio vi.

**A**d iram quippe Dei pértinet justam, quidquid cæca et indómíta concupiscéntia faciunt libénter mali, et quidquid manifestis opertisque pœnis patiúntur invíti: non sane Creatóris desisténtie bonitáte, et malis ángelis subministráre vitam, vivacémque poténtiam, (quæ subministrátio si auférátur, interíbunt) et hóminum, quamvis de propágine vitiáta damnátaque nascéntium, formáre sémina, et animáre, et ordináre membra per témporum ætates, per locórum spátia vegetáre sensus, aliménta donáre. Mélius enim judicávit de malis bene fácere, quam mala nulla esse permíttere.

**R.** Immísit Dóminus sopórem in Adam, et tulit unam de costis ejus: \* Et ædificávit costam, quam túlerat Dóminus de Adam, in mulierem, et addúxit eam ad Adam, ut vidéret quid vocáret eam: \* Et vocávit nomen ejus Virágo, quia de viro sumpta est. **V.** Cumque obdormísset, tulit unam de costis ejus, et replévit carnem pro ea. Et ædificávit. Glória. Et vocávit.

In III. Nocturno.

Léctio sancti Evangélíi secúndum Matthæum.

Lectio vii. Cap. 20.

**I**n illo témpore: Dixit Jesus discipulis suis parábolam hanc: Símile est regnum cœlórum hómini patrifamílias, qui éxiit primo mane conducere operários in vínream suam. Et réliqua.

Homília sancti Gregórii Papæ.

Homil. 19. in Evangelium post princ.

**R**egnum cœlórum hómini patrifamílias símile dicitur, qui ad excoléndam vínream suam operários conducit. Quis vero patrifamílias similitúdinem réctius tenet, quam Cónditor noster, qui regit quos cóndidit, et eléctos suos sic in hoc mundo pósidet, quasi subjéctos dóminus in domo? Qui habet vínream, universálem scilicet Ecclésiám, quæ ab Abel justo usque ad últimum eléctum, qui in fine mundi nascitúrus est, quot sanctos prótulit, quasi tot pálmities misit.

**R.** Plantáverat autem Dóminus Deus paradísium voluptátis a princípío: \* In quo pósuit hóminem, quem formáverat. **V.** Produxitque Dóminus Deus de humo omne li-

gnum pulchrum visu, et ad vescendum suáve; lignum étiam vitæ in médio paradísi. In quo.

Lectio viii.

**H**ic itaque paterfamilias ad excoléndam vineam suam, mane, hora tértia, sexta, nona, et undécima operários conducit: quia a mundi hujus iníitio usque in finem ad erudiéndam plebem fidélium, prædicatóres congregáre non desistit. Mane etenim mundi fuit ab Adam usque ad Noë: hora vero tértia a Noë usque ad Abraham: sexta quoque ab Abraham usque ad Móysen: nona autem a Móyse usque ad advéntum Dómini: undécima vero ab advéntu Dómini usque ad finem mundi. In qua prædicatóres sancti Apóstoli missi sunt, qui mercédem plenam et tarde veniéntes accepérunt.

R. Ecce Adam quasi unus ex nobis factus est sciens bonum et malum: \* Vidéte, ne forte sumat de ligno vitæ, et vivat in ætérnum. V. Fecit quoque Dóminus Deus Adæ tunicam pelliceam, et induit eum, et dixit. Vidéte.

Lectio ix.

**A**d erudiéndam ergo Dóminus plebem suam, quasi ad excoléndam vineam suam, nullo témpore déstitit operários mittere: quia et prius per Patres, et póstmodum per legis Doctóres et Prophétas, ad extrémum vero per Apóstolos, dum plebis suæ mores excoluit, quasi per operários in vineæ cultúra laborávit: quamvis in quólibet módulo vel mensúra, quisquis cum fide recta bonæ prædicátor actióis éxstitit, hujus vineæ operárius fuit. Operátor ergo ma-

ne, hora tértia, sexta, et nona, antiquus ille et Hebráicus pópulus designátur: qui in eléctis suis ab ipso mundi exórdio, dum recta fide Deum stúduit cólere, quasi non déstitit in vineæ cultúra laboráre. Ad undécimam vero Gentiles vocántur, quibus et dicitur: Quid hic statis tota die otíosi?

R. Ubi est Abel frater tuus? dixit Dóminus ad Cain. Nescio Dómine, numquid custos fratris mei sum ego? Et dixit ad eum: Quid fecísti? \* Ecce vox ságuinis fratris tui Abel clamat ad me de terra. V. Maledíctus eris super terram, quæ apérui os suum, et suscepit ságuinem fratris tui de manu tua. Ecce. Glória Patri. Ecce.

Nonum R. dicitur in Dominicis usque ad Pascha loco Hymni Te Deum laudámus. qui non dicitur hoc tempore, nisi in festis.

Ad Laudes.

Ant. 1. Miserére mei.

Psalmus 50.

**M**iserére mei Deus, \* secúndum magnam misericórdiam tuam.

Et secúndum multitudínem miseratiónum tuárum, \* dele iniquitátem meam.

Amplius lava me ab iniquitáte mea: \* et a peccáto meo munda me.

Quóniam iniquitátem meam ego cognósco: \* et peccátum meum contra me est semper.

Tibi soli peccávi, et malum coram te feci: \* ut justificéris in sermónibus tuis, et vincas cum iudicáris.

Ecce enim in iniquitátibus concéptus sum: \* et in peccátis concépit me mater mea.

Ecce enim veritatem dilexisti: \* incerta et occulta sapientiæ tuæ manifestasti mihi.

Asperges me hyssopo, et mundabor: \* lavabis me, et super nivem dealbabor.

Auditui meo dabis gaudium et lætitiā: \* et exultabunt ossa humiliata.

Averte faciem tuam a peccatis meis: \* et omnes iniquitates meas dele.

Cor mundum crea in me Deus: \* et spiritum rectum innova in visceribus meis.

Ne projicias me a facie tua: \* et Spiritum sanctum tuum ne auferas a me.

Redde mihi lætitiā salutāris tui: \* et spiritu principali confirma me.

Docēbo iniquos vias tuas: \* et impii ad te convertentur.

Libera me de sanguinibus Deus, Deus salutis meæ: \* et exultabit lingua mea justitiā tuam.

Dómine, labia mea apéries: \* et os meum annuntiabit laudem tuam.

Quóniam si voluisses sacrificium, dedissem utique: \* holocaustis non delectaberis.

Sacrificium Deo spiritus contribulatus: \* cor contritum, et humiliatum Deus non despiciet.

Benigne fac Dómine in bona voluntate tua Sion: \* ut ædificentur muri Jerúsalem.

Tunc acceptabis sacrificium justitiæ, oblationes, et holocausta: \* tunc imponent super altare tuum vitulos.

Ant. 1. Miserere mei Deus, et a delicto meo munda me: quia tibi soli peccavi.

Ant. 2. Confitebor.

Psalmus 117.

**C**onfitemini Dómino quóniam bonus: \* quóniam in sæculum misericórdia ejus.

Dicat nunc Israël quóniam bonus: \* quóniam in sæculum misericórdia ejus.

Dicat nunc domus Aaron: \* quóniam in sæculum misericórdia ejus.

Dicant nunc qui timent Dóminum: \* quóniam in sæculum misericórdia ejus.

De tribulatione invocavi Dóminum: \* et exaudivit me in latitudine Dóminus.

Dóminus mihi adjutor: \* non timebo quid faciat mihi homo.

Dóminus mihi adjutor: \* et ego despiciam inimicos meos.

Bonum est confidere in Dómino, \* quam confidere in homine.

Bonum est sperare in Dómino, \* quam sperare in principibus.

Omnes Gentes circuiērunt me: \* et in nómine Dómini quia ultus sum in eos.

Circumdantes circumdederunt me: \* et in nómine Dómini quia ultus sum in eos.

Circumdederunt me sicut apes, et exarserunt sicut ignis in spinis: \* et in nómine Dómini quia ultus sum in eos.

Impulsus eversus sum ut caderem: \* et Dóminus suscepit me.

Fortitudo mea, et laus mea Dóminus: \* et factus est mihi in salutem.

Vox exultationis, et salutis \* in tabernaculis justorum.

Déxtera Dómini fecit virtutem: déxtera Dómini exaltavit me, \* déxtera Dómini fecit virtutem.



Non móriar, sed vivam: \* et nar-  
rábo ópera Dómini.

Castigans castigávit me Dómi-  
nus: \* et morti non trádidit me.

Aperíte mihi portas justítiae, in-  
gréssus in eas confitébor Dómino:  
\* hæc porta Dómini, justi intrá-  
bunt in eam.

Confitébor tibi quóniam exaudí-  
sti me: \* et factus es mihi in salú-  
tem.

Lápidem, quem reprobavérunt  
ædificántes: \* hic factus est in ca-  
put ánguli.

A Dómino factum est istud: \* et  
est mirábile in óculis nostris.

Hæc est dies, quam fecit Dómi-  
nus: \* exultémus, et lætémur in ea.

O Dómine salvum me fac, o Dó-  
mine bene prosperáre: \* benedi-  
ctus qui venit in nómine Dómini.

Benedíximus vobis de domo Dó-  
mini: \* Deus Dóminus, et illúxit  
nobis.

Constitúite diem solémnem in  
condénsis, \* usque ad cornu al-  
táris.

Deus meus es tu, et confitébor  
tibi: \* Deus meus es tu, et exal-  
tábo te.

Confitébor tibi quóniam exaudí-  
sti me: \* et factus es mihi in salú-  
tem.

Confitémini Dómino quóniam  
bonus: \* quóniam in sáeculum mi-  
sericórdia ejus.

Ant. 2. Confitébor tibi, quóniam  
exaudísti me.

Ant. 3. Deus Deus meus.

Psalmus 62.

**D**eus Deus meus \* ad te de luce  
vígilo.

Sitívit in te ánima mea, \* quam  
multipliciter tibi caro mea.

In terra desérta, et ínvia, et in-  
aquósa: \* sic in sancto appáruí  
tibi, ut vidérem virtútem tuam, et  
glóriam tuam.

Quóniam mélior est misericór-  
dia tua super vitas: \* lábia mea  
laudábunt te.

Sic benedicam te in vita mea: \*  
et in nómine tuo levábo manus  
meas.

Sicut ádipe et pinguédine reple-  
átur ánima mea: \* et lábiis exul-  
tatiónis laudábit os meum.

Si memor fui tui super stratum  
meum, in matutínis meditábor in  
te: \* quia fuísti adjútor meus.

Et in velaménto alárum tuárum  
exultábo, adhæsit ánima mea post  
te: \* me suscepit dextera tua.

Ipsi vero in vanum quæsiérunt  
ánimam meam, introíbunt in infe-  
rióra terræ: \* tradéntur in manus  
gládii, partes vúlpium erunt.

Rex vero lætábitur in Deo, lau-  
dabúntur omnes qui jurant in eo:  
\* quia obstrúctum est os loquén-  
tium iníqua.

Hic non dicitur Glória Patri.

Psalmus 66.

**D**eus misereátur nostri, et bene-  
dícat nobis: \* illúminet vultum  
suum super nos, et misereátur no-  
stri.

Ut cognoscámus in terra viam  
tuam: \* in ómnibus Géntibus salu-  
táre tuum.

Confiteántur tibi pópuli Deus: \*  
confiteántur tibi pópuli omnes.

Læténtur et exsúltent Gentes: \*  
quóniam júdicas pópulos in æqui-  
táte, et Gentes in terra dirígis.

Confiteántur tibi pópuli Deus,  
confiteántur tibi pópuli omnes: \*  
terra dedit fructum suum.

Benedícat nos Deus, Deus noster, benedícat nos Deus: \* et mé-  
tuant eum omnes fines terræ.

Glória Patri.

Ant. 3. Deus Deus meus, ad te  
de luce vígilo, quia factus es adjú-  
tor meus.

Ant. 4. Benedíctus es.

Canticum trium puerorum.

Danielis 3. c.

**B**enedícite ómnia ópera Dómini  
Dómino: \* laudáte et superex-  
altáte eum in sæcula.

Benedícite Angeli Dómini Dó-  
mino: \* benedícite cœli Dómino.

Benedícite aquæ omnes, quæ su-  
per cœlos sunt, Dómino: \* benedi-  
cite omnes virtútes Dómini Dño.

Benedícite sol et luna Dómino:  
\* benedícite stellæ cœli Dómino.

Benedícite omnis imber et ros  
Dómino: \* benedícite omnes spíri-  
tus Dei Dómino.

Benedícite ignis et æstus Dómi-  
no: \* benedícite frigus et æstus  
Dómino.

Benedícite rores et pruína Dó-  
mino: \* benedícite gelu et frigus  
Dómino.

Benedícite glácies et nives Dó-  
mino: \* benedícite noctes et dies  
Dómino.

Benedícite lux et ténebræ Dó-  
mino: \* benedícite fúlgura et nu-  
bes Dómino.

Benedícat terra Dóminum: \* lau-  
det, et superexáltet eum in sæcula.

Benedícite montes et colles Dó-  
mino: \* benedícite univérſa ger-  
minántia in terra Dómino.

Benedícite fontes Dómino: \* be-  
nedícite mária et flúmina Dómino.

Benedícite cete, et ómnia, quæ

movéntur in aquis, Dómino: \* be-  
nedícite omnes vólucres cœli Dó-  
mino.

Benedícite omnes béstia et pé-  
cora Dómino: \* benedícite filii hó-  
minum Dómino.

Benedícat Israël Dñm: \* laudet  
et superexáltet eum in sæcula.

Benedícite sacerdótes Dómini  
Dómino: \* benedícite servi Dó-  
mini Dómino.

Benedícite spíritus, et ánimæ  
justórum Dómino: \* benedícite  
sancti, et húmiles corde Dómino.

Benedícite Ananía, Azaría, Mí-  
saël Dómino: \* laudáte et super-  
exaltáte eum in sæcula.

Benedicámus Patrem et Filium  
cum sancto Spíritu: \* laudémus et  
superexaltémus eum in sæcula.

Benedíctus es Dómine in firma-  
mento cœli: \* et laudábilis, et glo-  
riósus, et superexaltátus in sæcula.

Hic non dicitur Glória Patri, neque  
Amen.

Ant. 4. Benedíctus es in firma-  
mento cœli, et laudábilis in sæcula,  
Deus noster.

Ant. 5. Laudáte.

Psalmus 148.

**L**audáte Dóminum de cœlis: \*  
laudáte eum in excélsis.

Laudáte eum omnes Angeli ejus:  
\* laudáte eum omnes virtútes ejus.

Laudáte eum sol et luna: \* lau-  
dáte eum omnes stellæ, et lumen.

Laudáte eum cœli cœlórum: \*  
et aquæ omnes, quæ super cœlos  
sunt, laudent nomen Dómini.

Quia ipse dixit, et facta sunt: \*  
ipse mandávit, et creáta sunt.

Státuit ea in ætérnum, et in sæ-  
culum sæculi: \* præcéptum pósuit,  
et non præteríbit.

Laudáte Dóminum de terra, \*  
dracónes, et omnes abyssi.

Ignis, grando, nix, glacies, spí-  
tus procellarum: \* quæ faciunt  
verbum ejus:

Montes, et omnes colles: \* ligna  
fructifera, et omnes cedri.

Béstiae, et univérſa pécora: \* ser-  
péntes, et vólucres pennatæ:

Reges terræ, et omnes pópuli:  
\* príncipes, et omnes júdices terræ.

Júvenes, et vírgines: senes cum  
juníoribus laudent nomen Dómini:  
\* quia exaltátum est nomen ejus  
solius.

Conféssio ejus super cœlum, et  
terram: \* et exaltávit cornu pó-  
puli sui.

Hymnus ómnibus sanctis ejus: \*  
filiis Israël, pópulo appropinquánti  
sibi.

Hic non dicitur Glória Patri.

Psalmus 149.

**C**antáte Dómino cánticum no-  
vum: \* laus ejus in ecclésia  
sanctorum.

Lætétur Israël in eo, qui fecit  
eum: \* et filii Sion exsúltent in re-  
ge suo.

Laudent nomen ejus in choro: \*  
in týmpano, et psaltério psallant ei:

Quia beneplácitum est Dómino  
in pópulo suo: \* et exaltábit man-  
suétos in salútem.

Exsultábunt sancti in glória: \*  
lætábúntur in cubilibus suis.

Exaltatiónes Dei in gútture eó-  
rum: \* et gládii ancípites in máni-  
bus eórum:

Ad faciéndam vindíctam in na-  
tiónibus: \* increpatiónes in pópulis.

Ad alligándos reges eórum in  
compédibus: \* et nóbiles eórum in  
mánicis férreis.

Ut fáciant in eis judícium con-  
scriptum: \* glória hæc est ómni-  
bus sanctis ejus.

Hic non dicitur Glória Patri.

Psalmus 150.

**L**audáte Dóminum in sanctis  
ejus: \* laudáte eum in firma-  
ménto virtútis ejus.

Laudáte eum in virtútibus ejus:  
\* laudáte eum secúndum multítu-  
dinem magnitúdinis ejus.

Laudáte eum in sono tubæ: \*  
laudáte eum in psaltério, et cíthara.

Laudáte eum in týmpano, et cho-  
ro: \* laudáte eum in chordis, et ór-  
gano.

Laudáte eum in cýmbalis bene-  
sonántibus: laudáte eum in cým-  
balis jubilatiónis: \* omnis spíritus  
laudet Dóminum.

Glória Patri.

Ant. 5. Laudáte Dóminum de  
cœlis.

Psalmi supradicti semper dicuntur in  
Laudibus Dominicæ usque ad Pascha.

Capitulum. 1. Cor. 9. d.

**F**ratres: Nescítis quod ii qui in  
stádio currunt, omnes quidem  
currunt, sed unus áccipit bravíum?  
Sic cúrrite ut comprehendátis.

Hymnus.

**Æ**térne rerum Cónditor,  
Noctem diémque qui regis,  
Et témporum das témpora,  
Ut álleves fastídium.

Noctúrna lux viántibus

A nocte noctem ségregans,  
Præco diéi jam sonat,  
Jubárque solis évocat.

Hoc excitátus LúCIFER

Solvit polum calígene:

Hoc omnis errónum cohors  
Viam nocéndi déserit.

Hoc nauta vires cōlligit,  
Pontique mitescunt freta:  
Hoc, ipsa petra Ecclésiæ,  
Canente, culpam diluit.

Surgamus ergo strénue:  
Gallus jacéntes éxcitat,  
Et somnoléntos increpat,  
Gallus negántes árguit.

Gallo canente spes redit,  
Ægris salus refúnditur,  
Mucro latrónis cōnditur,  
Lapsis fides revértitur.

Jesu labántes réspice,  
Et nos vidéndo cōrrige:  
Si réspicis, labes cadunt,  
Fletúque culpa sólvitur.

Tu lux refúlge sénsibus,  
Mentisque somnum díscute:  
Te nostra vox primum sonet,  
Et vota solvámus tibi.

Deo Patri sit glória,  
Ejúsque soli Fílio,  
Cum Spíritu Paráclito,  
Nunc, et per omne sæculum.  
Amen.

Ÿ. Dómine refúgium factus es  
nobis. R. A generatióne et pro-  
genie.

Ad Bened. Ant. Simile est \* re-  
gnum coelórum hómini patrifamí-  
lias, qui éxiit primo mane condú-  
cere operários in véneam suam, di-  
cit Dóminus.

Oratio.

**P**reces pópuli tui, quæsumus  
Dómine, cleménter exaúdi: ut  
qui juste pro peccátis nostris affli-  
gimur, pro tui nóminis glória mi-  
sericórditer liberémur. Per Dñm.

Ad Primam.

Ant. Conventióne autem \* facta  
cum operáriis ex denário diúrno,  
misit eos in véneam suam.

Ps. Deus in nóminè tuo. cum reli-  
quis ut in Psalt. 26. Ad Absolutio-  
nem Capituli, Lectio brevis. Dóminus  
autem. 25.

Ad Tertiam.

Ant. Ite et vos \* in véneam me-  
am, et quod justum fúerit, dabo  
vobis.

Capit. Fratres: Nescítis. ut su-  
pra. 327.

R. br. Inclína cor meum Deus \*  
In testimónia tua. Inclína. Ÿ. Avér-  
te óculos meos, ne vídeant vanitá-  
tem: in via tua vivífica me. In te-  
stimónia tua. Glória Patri. Inclína.

Ÿ. Ego dixi: Dómine miserére  
mei. R. Sana ánimam meam, quia  
peccávi tibi.

Ad Sextam.

Ant. Quid hic státis \* tota die  
otíosi? respondérunt, et dixerunt:  
Quia nemo nos condúxit.

Capitulum. 1. Cor. 9. d.

**O**mnis autem, qui in agóne con-  
téndit, ab ómnibus se ábstinet:  
et illi quidem ut corruptibilem co-  
rónam accípiant, nos autem incor-  
rúptam.

R. br. In ætérnum Dómine \* Pér-  
manet verbum tuum. In ætérnum.  
Ÿ. In sæculum sæculi véritas tua.  
Pérmanet. Glória Patri. In ætér-  
num.

Ÿ. Dóminus regit me, et nihil  
mihi déerit. R. In loco páscae ibi  
me collocávit.

Ad Nonam.

Ant. Voca operários, \* et redde  
illis mercédem suam, dicit Dó-  
minus.

Capitulum. 1. Cor. 10.

**B**ibébant autem de spiritali, con-  
sequente eos, petra: petra au-

tem erat Christus: sed non in pluribus eorum beneplacitum est Deo.

R. br. Clamavi in toto corde meo,  
\* Exaudi me Domine. Clamavi.  
V. Justificationes tuas requiram.  
Exaudi me. Gloria Patri. Clamavi.

V. Ab occultis meis munda me Domine. R. Et ab alienis parce servo tuo.

### Ad Vesperas.

Ant. et Ps. de Dominica. 108.

Capit. Fratres: Nescitis. 327.

Hymnus: Lucis Creator. 110.

V. Dirigatur Domine oratio mea.

R. Sicut incensum in conspectu tuo.

Ad Magnif. Ant. Dixit paterfamilias \* operariis suis: Quid hic statis tota die otiosi? At illi respondentes dixerunt: Quia nemo nos conduxit. Ite et vos in vineam meam: et quod justum fuerit, dabo vobis.

### Feria Secunda.

De libro Genesis.

Lectio i. Cap. 1. d.

**E**t creavit Deus hominem ad imaginem suam: ad imaginem Dei creavit illum, masculum et feminam creavit eos. Benedixitque illis Deus, et ait: Crescite, et multiplicamini, et replete terram, et subijcite eam, et dominamini piscibus maris, et volatilibus cœli, et universis animantibus, quæ moventur super terram. Dixitque Deus: Ecce dedi vobis omnem herbam afferentem semen super terram, et universa ligna quæ habent in semetipsis seminem generis sui, ut sint vobis in escam: et cunctis animantibus terræ, omnique volucris cœli, et universis quæ moventur in terra,

et in quibus est anima vivens, ut habeant ad vescendum. Et factum est ita. Viditque Deus cuncta quæ fecerat: et erant valde bona. Et factum est vespere et mane, dies sextus.

R. Dum deambularet Dominus in paradiso ad auram post meridiem, clamavit, et dixit: Adam ubi es? Audivi Domine vocem tuam, \* Et abscondi me. V. Vocem tuam audivi in paradiso, et timui, eo quod nudus essem. Et.

Lectio ii.

Cap. 2.

**I**gitur perfecti sunt cœli et terra, et omnis ornatus eorum. Complevitque Deus die septimo opus suum quod fecerat: et requievit die septimo ab universo opere quod patrat. Et benedixit diei septimo, et sanctificavit illum: quia in ipso cessaverat ab omni opere suo quod creavit Deus ut faceret. Istæ sunt generationes cœli et terræ, quando creata sunt, in die quo fecit Dominus Deus cœlum et terram: Et omne virgultum agri antequam oriretur in terra, omnemque herbam regionis priusquam germinaret: non enim pluerat Dominus Deus super terram, et homo non erat qui operaretur terram: Sed fons ascendebat e terra, irrigans universam superficiem terræ.

R. In sudore vultus tui vesceris pane tuo, dixit Dominus ad Adam: cum operatus fueris terram, non dabit fructus suos: \* Sed spinas et tribulos germinabit tibi. V. Quia audisti vocem uxoris tuæ, et comediti de ligno, ex quo præceperam tibi ne comederes, maledicta terra in opere tuo. Sed spinas.

## Lectio iii.

**F**ormávit igitur Dóminus Deus hóminem de limo terræ, et inspirávit in fáciem ejus spiráculum vitæ, et factus est homo in ánimam vivéntem. Plantáverat autem Dóminus Deus paradísium voluptátis a princípio: in quo pósuit hóminem quem formáverat. Produxitque Dóminus Deus de humo omne lignum pulchrum visu, et ad vescéndum suáve: lignum étiam vitæ in médio paradísi, lignúmque sciéntiæ boni et mali. Et flúvius egrediebátur de loco voluptátis ad irrigándum paradísium, qui inde dividitur in quátuor cápita.

R. Formávit Dóminus hóminem de limo terræ, \* Et inspirávit in fáciem ejus spiráculum vitæ, et factus est homo in ánimam vivéntem. V. In princípio fecit Deus cælum et terram, et plasmávit in ea hóminem. Et. Glória Patri. Et.

Ad Magnif. Ant. Hi novíssimi \* una hora fecérunt, et pares illos nobis fecísti, qui portávimus pondus diéi, et æstus.

## Feria Tertia.

De libro Génesis.

Lectio i. Cap. 2. c.

**T**ulit ergo Dóminus Deus hóminem, et pósuit eum in paradíso voluptátis, ut operarétur, et custodíret illum: præcepítque ei dicens: Ex omni ligno paradísi cómede: de ligno autem sciéntiæ boni et mali ne cómedas. In quocúmque enim die coméderis ex eo, morte moriérís. Dixit quoque Dñs Deus: Non est bonum esse hóminem solum: faciámus ei adjutórium símile sibi. R. Tulit Dóminus. 321.

## Lectio ii.

**F**ormátis igitur, Dóminus Deus, de humo cunctis animántibus terræ, et univérsis volatílibus cœli, addúxit ea ad Adam, ut vidéret quid vocáret ea: omne enim quod vocávit Adam ánimæ vivéntis, ipsum est nomen ejus. Appellávitque Adam nomínibus suis cuncta animántia, et univérsa volatília cœli, et omnes béstias terræ: Adæ vero non inveniebátur adjútor símilis ejus. R. Dixit Dóminus. 322.

## Lectio iii.

**I**mmísit ergo Dóminus Deus sopórem in Adam: cumque obdormísset, tulit unam de costis ejus, et replévit carnem pro ea. Et edificávit Dóminus Deus costam, quam túlerat de Adam, in mulierem: et addúxit eam ad Adam. Dixítque Adam: Hoc nunc, os ex óssibus meis, et caro de carne mea: hæc vocábitur Virágo, quóniam de viro sumpta est. Quamóbrem relínquet homo patrem suum, et matrem, et adhærébit uxóri suæ: et erunt duo in carne una. R. Immísit Dñs. 322.

Ad Magnif. Ant. Dixit autem paterfamílias: \* Amíce, non fácio tibi injúriam: nonne ex denário convenísti mecum? tolle quod tuum est, et vade.

## Feria Quarta.

De libro Génesis.

Lectio i. Cap. 3.

**S**ed et serpens erat callídior cunctis animántibus terræ quæ fécerat Dóminus Deus. Qui dixit ad mulierem: Cur præcepít vobis Deus ut non comederétis de omni ligno paradísi? Cui respóndit múlíer: De fructu lignórum, quæ sunt in para-



díso, véscimur: de fructu vero ligni, quod est in médio paradísi, præcépit nobis Deus ne comederémus: et ne tangerémus illud, ne forte moriámur. Dixit autem serpens ad mulierem: Nequáquam morte moriémini. Scit enim Deus quod in quocúmque die comedéritis ex eo, aperiéntur óculi vestri: et éritis sicut dii, sciéntes bonum et malum. Vidit igitur múlter quod bonum esset lignum ad vescéndum, et pulchrum óculis, aspectúque delectábile: et tulit de fructu illíus, et comédit: deditque viro suo, qui comédit. Et apérti sunt óculi ambórum. *R.* Plantáverat. 322.

## Lectio ii.

**C**umque cognovissent se esse nudos, consuérunt fólía ficus, et fecérunt sibi perizómata. Et cum audissent vocem Dómini Dei deambulántis in paradíso ad auram post merídiem, abscondit se Adam et uxor ejus a fácie Dómini Dei in médio ligni paradísi. Vocavítque Dóminus Deus Adam, et dixit ei: Ubi es? Qui ait: Vocem tuam audivi in paradíso: et tímui, eo quod nudus essem, et abscondi me. Cui dixit: Quis enim indicávit tibi quod nudus esses, nisi quod ex ligno, de quo præcéperam tibi ne coméderes, comedísti? Dixítque Adam: Múlter, quam dedísti mihi sóciam, dedit mihi de ligno, et comédi. Et dixit Dóminus Deus ad mulierem: Quare hoc fecísti? Quæ respóndit: Serpens decépit me, et comédi.

*R.* Ecce Adam. 323.

## Lectio iii.

**E**t ait Dóminus Deus ad serpén-tem: Quia fecísti hoc, maledíctus es inter ómnia animántia, et

béstias terræ: super pectus tuum gradiéris, et terram cómedes cunctis diébus vitæ tuæ. Inimicítias ponam inter te et mulierem, et semen tuum et semen illíus: ipsa cónteret caput tuum, et tu insidiáberis calcáneo ejus. Mulieri quoque dixit: Multiplicábo ærúmnas tuas, et concéptus tuos: in dolóre páries filios, et sub viri potestáte eris, et ipse dominábitur tui. Adæ vero dixit: Quia audísti vocem uxóris tuæ, et comedísti de ligno, ex quo præcéperam tibi ne coméderes, maledícta terra in ópere tuo: in labóribus cómedes ex ea cunctis diébus vitæ tuæ. Spinās et tríbulos germinábit tibi, et cómedes herbam terræ. In sudóre vultus tui vescéris pane, donec revertáris in terram de qua sumptus es: quia pulvis es, et in púlverem revertéris. Et vocávit Adam nomen uxóris suæ, Heva: eo quod mater esset cunctórum vivéntium.

*R.* Ubi est Abel. 323.

*Ad Magnif. Ant.* Tolle. quod tuum est, \* et vade; quia ego bonus sum, dicit Dóminus.

## Feria Quinta.

## De libro Génesis.

## Lectio i.

## Cap. 4.

**A**dám vero cognóvit uxórem suam Hevam: quæ concépit et péperit Cain, dicens: Possédi hóminem per Deum. Rursúmque péperit fratrem ejus Abel. Fuit autem Abel pastor óvium, et Cain agricola. Factum est autem post multos dies ut offérret Cain de fructibus terræ múnera Dómino. Abel quoque óbtulit de primogénitis gregis sui, et de adípibus eórum:

et respéxit Dóminus ad Abel, et ad múnera ejus. Ad Cain vero, et ad múnera illius non respéxit: irátusque est Cain veheménter, et cóncidit vultus ejus. Dixítque Dóminus ad eum: Quare irátus es? et cur cóncidit fácies tua? Nonne si bene égeris, recípies: sin autem male, statim in fóribus peccátum áderit? sed sub te erit appetitus ejus, et tu domináberis illius.

R. In princípio . . . et fecit. 320.

Lectio ii.

**D**ixítque Cain ad Abel fratrem suum: Egrediámur foras. Cumque essent in agro, consurréxit Cain advérsus fratrem suum Abel, et interfécit eum. Et ait Dóminus ad Cain: Ubi est Abel frater tuus? Qui respóndit: Néscio. Num custos fratris mei sum ego? Dixítque ad eum: Quid fecísti? vox sánguini fratris tui clamat ad me de terra. Nunc ígitur maledíctus eris super terram, quæ apéruit os suum, et suscepít sánguinem fratris tui de manu tua. Cum operátus fúeris eam, non dabit tibi fructus suos: vagus et prófugus eris super terram. R. In princípio. 321.

Lectio iii.

**D**ixítque Cain ad Dóminum: Major est iníquitas mea, quam ut véniam mérear. Ecce éjicis me hódie a fácie terræ, et a fácie tua abscondar, et ero vagus et prófugus in terra: omnis ígitur qui invénerit me, occidet me. Dixítque ei Dóminus: Nequáquam ita fiet: sed omnis qui occiderit Cain, séptuplum puniétur. Posuítque Dóminus Cain signum, ut non interficeret eum omnis qui invenísset eum. Egresúsque Cain a fácie Dñi, habitávit

prófugus in terra ad orientálem plagam Eden. R. Formávit. 321.

Ad Magnif. Ant. Non licet mihi \* quod volo fácere? an óculus tuus nequam est? quia ego bonus sum, dicit Dóminus.

Feria Sexta.

De libro Génesis.

Lectio i. Cap. 4. c.

**C**ognóvit autem Cain uxórem suam, quæ concépit, et péperit Henoch: et ædificávit civitátem, vocavítque nomen ejus ex nómine filii sui, Henoch. Porro Henoch génuít Irad, et Irad génuít Mavíaël, et Mavíaël génuít Mathúsaël, et Mathúsaël génuít Lamech. Qui accépit duas uxóres, nomen uni Ada, et nomen álteri Sella. Genuítque Ada Jabel, qui fuit pater habitántium in tentóriis, atque pastórum. Et nomen fratris ejus Jubal: ipse fuit pater canéntium cithara et órganó. Sella quoque génuít Tubálcain, qui fuit malleátor et faber in cuncta ópera æris et ferri. Soror vero Tubálcain, Noéma.

R. Tulit Dóminus. 321.

Lectio ii.

**D**ixítque Lamech uxóribus suis Adæ et Sellæ: Audíte vocem meam uxóres Lamech, auscultáte sermónem meum: quóniam occidi virum in vulnus meum, et adolescéntulum in livórem meum. Séptuplum últio dábitur de Cain, de Lamech vero septuágies sépties. Cognóvit quoque adhuc Adam uxórem suam: et péperit filium, vocavítque nomen ejus Seth, dicens: Pósuit mihi Deus semen áliud pro Abel, quem occidit Cain. Sed et Seth natus est filius, quem vo-

cávit Enos: iste cœpit invocare nomen Dómini. *R.* Dixit Dñs. 322.

Lectio iii. Cap. 5.

**H**ic est liber generatiónis Adam. In die, qua creávit Deus hóminem, ad similitúdinem Dei fecit illum. Másculum et féminam creávit eos, et benedixit illis: et vocávit nomen eórum Adam, in die quo creáti sunt. Vixit autem Adam centum trigínta annis: et genuit ad imáginem et similitúdinem suam, vocavítque nomen ejus Seth. Et facti sunt dies Adam, postquam genuit Seth, octingénti anni: genuitque filios et filias. Et factum est omne tempus quod vixit Adam, anni nongénti trigínta, et mórtuus est. *R.* Immisit Dóminus. 322.

S a b b a t o.

De libro Génesis.

Lectio i. Cap. 5. b.

**V**ixit autem Maláleel sexagínta quinque annis, et genuit Jared. Et vixit Maláleel postquam genuit Jared, octingéntis trigínta annis: et genuit filios et filias. Et facti sunt omnes dies Maláleel octingénti nonagínta quinque anni, et mórtuus est. Vixítque Jared centum sexagínta duóbus annis, et genuit Henoch. Et vixit Jared, postquam genuit Henoch, octingéntis annis, et genuit filios et filias. Et facti sunt omnes dies Jared nongénti sexagínta duo anni, et mórtuus est. Porro Henoch vixit sexagínta quinque annis, et genuit Mathúsalam. *R.* Plantáverat. 322.

Lectio ii.

**E**t ambulávit Henoch cum Deo: et vixit, postquam genuit Mathúsalam, trecéntis annis, et genuit

filios et filias. Et facti sunt omnes dies Henoch trecénti sexagínta quinque anni. Ambulavítque cum Deo, et non appáruit: quia tulit eum Deus. Vixit quoque Mathúsala centum octogínta septem annis, et genuit Lamech. Et vixit Mathúsala, postquam genuit Lamech, septingéntis octogínta duóbus annis, et genuit filios et filias. Et facti sunt omnes dies Mathúsala, nongénti sexagínta novem anni, et mórtuus est. *R.* Ecce Adam. 323.

Lectio iii.

**V**ixit autem Lamech centum octogínta duóbus annis, et genuit filium: vocavítque nomen ejus Noë, dicens: Iste consolábitur nos ab opéribus et labóribus mánuum nostrárum in terra, cui maledíxit Dóminus. Vixítque Lamech, postquam genuit Noë, quingéntis nonagínta quinque annis, et genuit filios et filias. Et facti sunt omnes dies Lamech, septingénti septuagínta septem anni, et mórtuus est. *R.* Ubi est Abel. 323.

S a b b a t o

ante Sexagesimam.

Ad Vesperas.

Capitulum. 2. Cor. 11. d.

**F**ratres: Libénter suffértis insipientes, cum sitis ipsi sapientes: sustinétis enim si quis vos in servitútem rédigit, si quis dévorat, si quis áccipit, si quis extóllitur, si quis in fáciem vos cædit.

Hymnus.

**J**am sol recédit ígneus:  
Tu lux perénis Unitas,  
Nostris, beáta Trínitas,  
Infúnde lumen córdibus.

Te mane laudum cármine,  
Te deprecámur vespere;  
Dignéris ut te súpplices  
Laudémus inter cœlites.

Patri, simúlque Filio,  
Tibíque sancte Spíritus,  
Sicut fuit, sit júgiter  
Sæclum per omne glória.  
Amen.

℣. Vespertína orátio ascéndat  
ad te Dómine. ℞. Et descéndat su-  
per nos misericórdia tua.

Ad Magnif. Ant. Dixit Dóminus  
\* ad Noë: Finis univérse carnis  
venit coram me: fac tibi arcam de  
lignis lævigátis, ut salvétur univér-  
sum semen in ea.

Oratio.

**D**eus, qui cónspicis, quia ex nulla  
nostra actióne confidimus: con-  
céde propítius; ut contra advérse  
ómnia Doctóris Géntium protectió-  
ne muniámur. Per Dóminum.

## Dominica

in Sexagesima.

### Ad Matutinum.

Invitat. Præoccupémus faciém  
Dñi: \* Et in psalmis jubilémus ei.

Ps. Veníte, exsultémus. 2.

In primo Versu Psalmi omittitur Præ-  
occupémus faciém ejus, etc. et ejus loco  
repetitur a Choro Invitatorium.

Hymnus. Primo die. 2.

Ant., Ps. et ℣℣. Noct., ut in Psalt. 3.

In I. Nocturno.

De libro Génesis.

Lectio i. Cap. 5. d. et 6.

**N**oë vero cum quingentórum  
esset annórum, genuit Sem,  
Cham, et Japheth. Cumque  
cœpissent hómines multiplicári su-

per terram, et filias procreássent,  
vidéntes filii Dei filias hóminum  
quod essent pulchræ, accepérunt  
sibi uxóres ex ómnibus, quas elé-  
gerant. Dixitque Deus: Non per-  
manébit spíritus meus in hómine  
in ætérnum, quia caro est: erúnt-  
que dies illius centum viginti an-  
nórum. Gigántes autem erant su-  
per terram in diébus illis. Post-  
quam enim ingrèssi sunt filii Dei  
ad filias hóminum, illæque genu-  
érunt, isti sunt poténtes a sæculo  
viri famósi.

℞. Dixit Dóminus ad Noë: Finis  
univérse carnis venit coram me:  
repléta est terra iniquitáte eórum,  
\* Et ego dispérdam eos cum terra.  
℣. Fac tibi arcam de lignis lævigá-  
tis, mansiúnculas in ea fácies. Et.

Lectio ii.

**V**idens autem Deus quod multa  
malítiá hóminum esset in ter-  
ra, et cuncta cogitatio cordis in-  
ténta esset ad malum omni témpo-  
re, pœnituit eum quod hóminem  
fecísset in terra. Et tactus dolore  
cordis intrínsecus, Delébo, inquit,  
hóminem, quem creávi, a fácie ter-  
ræ, ab hómine usque ad animántia,  
a réptili usque ad vólucres cœli.  
Pœnitet enim me fecísse eos. Noë  
vero invénit grátiam coram Dó-  
mino.

℞. Noë vir justus atque perfé-  
ctus, cum Deo ambulávit: \* Et fe-  
cit ómnia quæcúmque præcépit ei  
Deus. ℣. Fecit sibi arcam, ut sal-  
varétur univérsum semen. Et fecit.

Lectio iii.

**H**æ sunt generatiónes Noë: Noë  
vir justus atque perféctus fuit  
in generatióibus suis, cum Deo  
ambulávit. Et genuit tres filios,

Sem, Cham, et Japheth. Corrupta est autem terra coram Deo, et replēta est iniquitate. Cumque vidisset Deus terram esse corruptam, (omnis quippe caro corruperat viam suam super terram) dixit ad Noë: Finis universæ carnis venit coram me: replēta est terra iniquitate a facie eorum, et ego disperdam eos cum terra. Fac tibi arcam de lignis lævigatis: mansiunculas in arca facies, et bitumine līnes intrinsecus et extrinsecus. Et sic facies eam: Trecentorum cubitorum erit longitudo arcæ, quinquaginta cubitorum latitudo, et triginta cubitorum altitudo illius.

R. Quadraginta dies et noctes aperti sunt cœli, et ex omni carne habente spīritum vitæ ingressa sunt in arcam: \* Et clausit a foris ostium Dōminus. V. In articulo diēi illius ingressus est Noë in arcam, et filii ejus, et uxor illius, et uxores filiorum ejus. Et. Glōria Patri. Et.

#### In II. Nocturno.

Ex libro sancti Ambrōsii Episcopi de Noë et arca.

#### Lectio iv. Cap. 4. circa med.

**H**abes, quia iratus Dōminus est: quoniam quamvis cogitaret, hoc est sciret, quia homo positus in terræ regione, carnem portans, sine peccato esse non possit, (terra enim velut quidam tentationum locus est, caroque corruptelæ illēcebra) tamen cum haberent mentem rationis capācem, virtutēque animæ infusam corpore, sine consideratione aliqua in lapsum ruērunt, ex quo revocare se nollent. Neque enim Deus cogitat sicut homines, ut aliqua ei nova succedat senten-

tia, neque irāscitur quasi mutabilis: sed ideo hæc leguntur, ut exprimatur peccatorum nostrorum acerbitas, quæ divinam meruerit offensam: tamquam eoſque increverit culpa, ut etiam Deus, qui naturaliter non movetur aut ira, aut odio, aut passione ulla, provocatus videatur ad iracundiam.

R. Ædificavit Noë altare Dōmino, offerens super illud holocaustum: odoratusque est Dōminus odorem suavitatis, et benedixit ei, dicens: \* Crescite, et multiplicamini, et replēte terram. V. Ecce ego statuam pactum meum vobiscum, et cum semine vestro post vos. Crescite.

#### Lectio v.

**M**initatus est præterea, quod deleret hominem. Ab homine, inquit, usque ad pecus, et a reptilibus usque ad volatilia delēbo. Quid læserant irrationabilia? Sed quia propter hominem illa facta erant, eo utique delēto, propter quem facta sunt, cōsequens erat, ut etiam illa delerentur, quia non erat qui his uteretur. Sensu autem altiore illud manifestatur: quia homo mens est, quæ est rationis capax. Homo enim definitur animal vivum, mortale, rationabile. Principali igitur extincto, etiam sensus omnis exstinguitur: eo quod nihil reliqui ad salutem supersit, cum salutis fundamentum virtus defecerit.

R. Ponam arcum meum in nūbibus cœli, dixit Dōminus ad Noë: \* Et recordabor fœderis mei, quod pepigi tecum. V. Cumque obdūxero nūbibus cœlum, apparēbit arcus meus in nūbibus. Et recordabor.

## Lectio vi.

**A**d condemnatióem autem ceterórum, et ad expressiόνem pietátis divínæ, dicitur Noë apud Deum grátiam invenísse. Simul osténditur, quod hóminem justum non obúmbret aliórum offénsio, quando ipse ad totíus géneris reservátur seminárium. Qui non generatiónis nobilitáte, sed justitiæ et perfectiόνis mérito laudátur. Probáti enim viri genus, virtútis prosápia est: quia sicut hóminum genus hómines, ita animárum genus virtútes sunt. Etenim famíliæ hóminum splendóre géneris nobilitántur, animárum autem clarificátur grátia splendóre virtútis.

R. Per memetípsum jurávi, dicit Dóminus, non adjiciam ultra aquas dilúvii super terram: pacti mei recordábor. \* Ut non perdam aquis dilúvii omnem carnem. V. Arcum meum ponam in núbibus, et erit signum fœderis inter me, et inter terram. Ut. Glória Patri. Ut.

## In III. Nocturno.

Lectio sancti Evangélii secúndum Lucam.

## Lectio vii.

## Cap. 8.

**I**n illo témpore: Cum turba plúrima convenírent, et de civitatibus properárent ad Jesum, dixit per similitúdinem: Exiit qui séminat, semináre semen suum. Et reliqua.

Homília sancti Gregórii Papæ.

Homília 15. in Evangelia.

**L**ectio sancti Evangélii, quam modo, fratres caríssimi, audistis, expositiône non indiget, sed admonitiône. Quam enim per semetípsum Vértas expósuit,

hanc discútere humána fragilitas non præsumat. Sed est quod sollícite in hac ipsa expositiône Dominica pensáre debeámus: quia si nos vobis semen verbum, agrum mundum, vólucres dæmónia, spinas divítias significáre dicerémus; ad credéndum nobis mens fórsitan vestra dubitáret. Unde et idem Dóminus per semetípsum dignátus est expónere quod dicébat, ut sciátis rerum significatióes quærere in iis étiam, quæ per semetípsum nóluit explanáre.

R. Benedixit Deus Noë, et filiis ejus, et dixit ad eos: \* Créscite, et multiplicámini, et repléte terram. V. Ecce ego státuam pactum meum vobíscum, et cum sémine vestro post vos. Créscite.

## Lectio viii.

**E**xponéndo ergo quod dixit, figuráte se loqui innótuit: quátenus certos nos rédderet, cum vobis nostra fragilitas verbórum illíus figuras aperíret. Quis enim mihi umquam créderet, si spinas divítias interpretári voluíssem? máxime cum illæ pungant, istæ deléctent. Et tamen spinæ sunt, quia cogitatiónum suárum punctiόνibus mentem lácerant: et cum usque ad peccátum pértrahunt, quasi inflícto vúlvere cruéntant. Quas bene hoc in loco, álio Evangelísta testánte, nequáquam Dóminus divítias, sed falláces divítias appellat.

R. Ecce ego státuam pactum meum vobíscum, et cum sémine vestro post vos: \* Neque erit deinceps dilúvium dissipans terram. V. Arcum meum ponam in núbibus, et erit signum fœderis inter me, et inter terram. Neque.



## Lectio ix.

**F**allaces enim sunt, quæ nobiscum diu permanere non possunt: fallaces sunt, quæ mentis nostræ inopiam non expellunt. Solæ autem divitiæ veræ sunt, quæ nos divites virtutibus faciunt. Si ergo, fratres carissimi, esse divites cupitis, veras divitias amate. Si culmen veri honoris queritis, ad cœlestē regnum tendite. Si gloriā dignitatum diligitis, in illa superna Angelorum curia adscribi festinate. Verba Domini, quæ aure percipitis, mente retinete. Cibus enim mentis est sermo Dei: et quasi acceptus cibus stomacho languente rejicitur, quando auditus sermo in ventre memoriæ non tenetur. Sed quisquis alimēta non retinet, hujus profecto vita desperatur.

*R.* Cum turba plurima convenirent ad Jesum, et de civitatibus properarent ad eum, dixit per similitudinem: \* Exiit qui seminat, seminare semen suum. *V.* Et dum seminat, aliud cecidit in terram bonam, et ortum fecit fructum centuplum. Exiit. Glória Patri. Exiit.

Infra Hebdomadam Feria iv. et Sabbato, loco hujus *R.* dicitur primum *R.* Feriæ ii. sequi.

## Ad Laudes.

*Ant.* 1. Secundū magnam misericordiam \* tuam miserere mei Deus.

*Ps.* Miserere mei. 323.

2. Si mihi Dominus \* salvator fuerit, non timebo, quid faciat mihi homo.

*Ps.* Confitemini. 324.

3. In velamento \* clamavi valde diluculo: Deus Deus meus, ad te de luce vigilo.

*Ps.* Deus Deus meus. 325.

4. Hymnum dicamus \* Domino Deo nostro.

*Cant.* Benedicite. 326.

5. In tympano et choro, \* in chordis et organo laudate Deum.

*Ps.* Laudate Dominum de cœlis. 326.

*Capitulum.* 2. Cor. 11. d.

**F**ratres: Libenter suffertis insipientes, cum sitis ipsi sapientes: sustinetis enim si quis vos in servitutē redigit, si quis devorat, si quis accipit, si quis extollitur, si quis in faciem vos cedit.

*Hymnus.* Æternæ rerum. 327.

*V.* Domine refugium factus es nobis. *R.* A generatione et progenie.

*Ad Bened. Ant.* Cum turba \* plurima convenirent ad Jesum, et de civitatibus properarent ad eum, dixit per similitudinem: Exiit qui seminat, seminare semen suum.

## Oratio.

**D**eus, qui conspicias, quia ex nulla nostra actione confidimus: concede propitius; ut contra adversa omnia Doctoris Gentium protectione muniamur. Per Dominum.

## Ad Primam.

*Ant.* Semen cecidit \* in terram bonam, et attulit fructum in patientia.

*Ad Absolutionem Capituli, Lectio brevis.* Dominus autem dirigat. 25.

## Ad Tertiam.

*Ant.* Qui verbum Dei \* retinent corde perfecto et optimo, fructum afferunt in patientia.

*Cap.* Fratres: Libenter. ut supra.

*R.* br. Inclina cor meum Deus \* In testimonia tua. Inclina. *V.* Averte oculos meos, ne videant vanitatem.

tem: in via tua vivifica me. In.  
Glória Patri. Inclína.

℣. Ego dixi, Dómine miserére  
mei. ℞. Sana ánimam meam, quia  
peccávi tibi.

Ad Sextam.

Ant. Semen cécidit \* in terram  
bonam, et áttulit fructum, áliud  
centésimum, et áliud sexagésimum.

Capitulum. 2. Cor. 11. f.

**T**er virgis cæsus sum, semel lapi-  
dátus sum, ter naufrágium feci,  
nocte et die in profúndo maris fui.

℞. br. In ætérnum Dómine \* Pér-  
manet verbum tuum. In. ℣. In sæ-  
culum sáculi véritas tua. Pérma-  
net. Glória Patri. In ætérnum.

℣. Dóminus regit me, et nihil  
mihi déerit. ℞. In loco páscuæ ibi  
me collocávit.

Ad Nonam.

Ant. Si vere, fratres, \* dívites es-  
se cúpitis, veras divítias amáte.

Capitulum. 2. Cor. 12. c.

**L**ibénter igitur gloriábor in infir-  
mitátibus meis, ut inhábitet in  
me virtus Christi.

℞. br. Clamávi in toto corde meo,  
\* Exaúdi me Dómine. Clamávi.  
℣. Justificatiónes tuas requíram.  
Exaúdi. Glória Patri. Clamávi.

℣. Ab occúltis meis munda me  
Dómine. ℞. Et ab aliénis parce  
servo tuo.

Ad Vesperas.

Ant. et Ps. de Dominica. 108.

Capit. Fratres: Libénter. 337.

Hymnus. Lucis Créator. 110.

℣. Dirigátur Dómine orátio mea.

℞. Sicut incénsum in conspéctu tuo.

Ad Magnif. Ant. Vobis datum est  
\* nosse mystérium regni Dei, cete-

ris autem in parábolis, dixit Jesus  
discípulis suis.

Feria Secunda.

De libro Génesis.

Lectio i.

Cap. 7.

**D**ixit Dóminus ad Noë: Ingré-  
dere tu, et omnis domus tua  
in arcam: te enim vidi justum co-  
ram me in generatióne hac. Ex  
ómnibus animántibus mundis tol-  
les septéna et septéna, másculum  
et féminam: de animántibus vero  
immúndis duo et duo, másculum  
et féminam. Sed et de volatilibus  
coeli septéna et septéna, másculum  
et féminam: ut salvétur semen su-  
per fáciem univérsæ terræ. Adhuc  
enim, et post dies septem ego plu-  
am super terram quadragínta dié-  
bus et quadragínta nóctibus: et  
delébo omnem substántiam, quam  
feci, de superficie terræ.

℞. In artículo diéi illius ingrés-  
sus est Noë in arcam, et filii ejus,  
\* Uxor illius, et uxóres filiórum  
ejus. ℣. Deléta sunt univér-  
sa de terra, remánsit autem solus Noë,  
et qui cum eo erant in arca. Uxor.

Lectio ii.

**F**ecit ergo Noë ómnia, quæ man-  
dáverat ei Dóminus. Cumque  
transissent septem dies, aquæ di-  
lúvii inundavérunt super terram.  
Año sexcentésimo vitæ Noë, men-  
se secúndo, septimodécimo die  
mensis, rupti sunt omnes fontes  
abýssi magnæ, et cataráctæ coeli  
apértæ sunt: et facta est plúvia  
super terram quadragínta diébus,  
et quadragínta nóctibus.

℞. Recordátus Dóminus Noë, ad-  
dúxit spíritum super terram, et

imminútæ sunt aquæ: \* Et prohibítæ sunt plúviæ de cœlis. V. Reversæque sunt aquæ de terra eúntes et redeúntes, et cœpérunt mínui post centum quinquagínta dies. Et prohibítæ.

Lectio iii.

**I**n artículo diéi illius ingræssus est Noë, et Sem, et Cham, et Japheth filii ejus: uxor illius, et tres uxóres filiórum ejus cum eis in arcam: ipsi et omne ánimál secúndum genus suum, univérsaque juménta in génerē suo, et omne quod movétur super terram in génerē suo, cunctúmque volátile secúndum genus suum. Factúmque est dilúvium quadragínta diébus super terram: et multiplicátæ sunt aquæ, et elevavérunt arcam in sublíme a terra.

R. Quadragínta dies et noctes apérti sunt cœli, et ex omni carne habénte spíritum vitæ ingræssá sunt in arcam: \* Et clausit a foris óstium Dóminus. V. In artículo diéi illius ingræssus est Noë in arcam, et filii ejus, et uxor illius, et uxóres filiórum ejus. Et clausit. Glória Patri. Et clausit.

Ad Magnif. Ant. Si culmen \* veri honóris quæritis, ad illam cœléstem pátriam quantócius properáte.

Feria Tertia.

De libro Génesis.

Lectio i.

Cap. 8.

**R**ecordátus autem Deus Noë, cunctórúmque animántium, et ómnium jumentórum, quæ erant cum eo in arca, addúxit spíritum super terram, et imminútæ sunt aquæ. Et clausi sunt fontes abyssi, et cataráctæ cœli: et prohibítæ

sunt plúviæ de cœlo. Reversæque sunt aquæ de terra eúntes et redeúntes: et cœpérunt mínui post centum quinquagínta dies. Requivítque arca mense séptimo, vigésimo séptimo die mensis super montes Arménia.

R. Ædificávit Noë. 335.

Lectio ii.

**A**t vero aquæ ibant, et decrescébant usque ad décimum mensem: décimo enim mense, prima die mensis, apparuérunt cacúmina móntium. Cumque transíssent quadragínta dies, apériens Noë fenestram arcæ, quam fécerat, dimísit corvum: qui egrediebátur, et non revertébátur, donec siccaréntur aquæ super terram. Emísit quoque colúmbam post eum, ut vidéret si jam cessássent aquæ super faciē terræ. Quæ cum non invenísset ubi requiésceret pes ejus, reversa est ad eum in arcam.

R. Ponam arcum. 335.

Lectio iii.

**E**xpectátis autem ultra septem diébus áliis, rursum dimísit colúmbam ex arca. At illa venit ad eum ad vésperam, portans rānum olívæ viréntibus fóliis in ore suo. Intelléxit ergo Noë quod cessássent aquæ super terram. Expectavítque nihilóminus septem álios dies: et emísit colúmbam, quæ non est reversa ultra ad eum. Igitur sexcentésimo primo anno, primo mense, prima die mensis imminútæ sunt aquæ super terram.

R. Per memetípsum. 336.

Ad Magnif. Ant. Semen est \* verbum Dei, sator autem Christus: omnis qui invenit eum, manébit in ætérnum.

## Feria Quarta.

## De libro Génesis.

## Lectio i. Cap. 8. c.

**L**ocutus est autem Deus ad Noë, dicens: Egrédere de arca, tu et uxor tua, filii tui et uxóres filiórurum tuórum tecum. Cuncta animántia, quæ sunt apud te, ex omni carne, tam in volatilibus quam in béstiis et univérſis reptílibus, quæ reptant super terram, educ tecum, et ingredimini super terram: créſcite et multiplicámini super eam. Egréſſus est ergo Noë, et filii ejus: uxor illíus, et uxóres filiórurum ejus cum eo. Sed et ómnia animántia, juménta, et reptília quæ reptant super terram ſecúndum genus ſuum, egréſſa ſunt de arca.

R. Benedíxit Deus. 336.

## Lectio ii.

**A**edificávit autem Noë altáre Dómino: et tollens de cunctis pecóribus et volúcribus mundis, óbtulit holocaúſta ſuper altáre. Odoratúſque eſt Dóminus odórem ſuavitátis, et ait: Nequáquam ultra maledícam terræ propter hómínes: ſenſus enim et cogitátio humáni cordis in malum prona ſunt ab adoleſcéntia ſua: non ígitur ultra percútiám omnem ánimam vivéntem ſicut feci. Cunctis diébus terræ, ſeméntis et meſſis, frigus et æſtus, æſtas et hiems, nox et dies non requiéſcent.

R. Ecce ego. 336.

## Lectio iii. Cap. 9.

**B**enedíxitque Deus Noë et filiis ejus. Et dixit ad eos: Créſcite, et multiplicámini, et repléte terram. Et terror veſter ac tremor ſit ſuper cuncta animália terræ, et ſuper omnes volúcrés cœli, cum

univérſis quæ movéntur ſuper terram: omnes piſces maris mánuí veſtræ tráđiti ſunt. Et omne, quod movétur et vivit, erit vobis in cibum: quaſi ólera viréntia tráđidi vobis ómnia. Excépto, quod carnem cum ſánguine non comedétis. Sánguinem enim animárum veſtrárum requíram de manu cunctárum beſtiárum: et de manu hómínis, de manu viri, et fratris ejus requíram ánimam hómínis. Quicúmque effúderit humánum ſánguinem, fundétur ſanguis illíus: ad imáginem quippe Dei factus eſt homo.

R. In artículo. cum Glória Patri. Uxor. in fine. 338.

Ad Magnif. Ant. Quod autem cécidit \* in terram bonam, hi ſunt, qui in corde bono et óptimo fructum áfferunt in patiéntia.

Si prædictæ Ant. ad Magnif. non potuerunt dici in præcedentibus Feriis, et in ſequenti Feria V. occurrat fieri Officium de Feria, dicatur ultima ex iis prætermiſſa; alioquin, expletis omnibus, ſumantur de Pſalterio: quod ſemper fit, quando propriæ non habentur.

## Feria Quinta.

## De libro Génesis.

## Lectio i. Cap. 9. b.

**D**ixítque Deus: Hoc ſignum fœderis quod do inter me et vos, et ad omnem ánimam vivéntem, quæ eſt vobíſcum in generatiónes ſempitérnas: Arcum meum ponam in núbibus, et erit ſignum fœderis inter me, et inter terram. Cumque obdúxero núbibus cœlum, appárebit arcus meus in núbibus: et recordábor fœderis mei vobíſcum, et cum omni ánima vivénte, quæ carnem végetat: et non erunt ultra

aquæ dilúvii ad deléndum univér-  
sam carnem.

R. Dixit Dóminus. 334.

Lectio ii.

**C**œpítque Noë vir agricóla exer-  
cère terram, et plantávit ví-  
neam. Bibénsque vinum inebriátus  
est, et nudátus in tabernáculo suo.  
Quod cum vidísset Cham pater  
Chánaan, verénda scilicet patris  
sui esse nudáta, nuntiávit duóbus  
frátribus suis foras. At vero Sem  
et Japheth pállium imposuérunt  
húmeris suis, et incedéntes retrór-  
sum, operuérunt verénda patris  
sui: faciésque eórum avérsæ erant,  
et patris virília non vidérunt.

R. Noë vir justus. 334.

Lectio iii.

**E**vígilans autem Noë ex vino,  
cum didicísset quæ fécerat ei  
filius suus minor, ait: Maledíctus  
Chánaan, servus servórum erit frá-  
tribus suis. Dixítque: Benedíctus  
Dóminus Deus Sem, sit Chánaan  
servus ejus. Dilátet Deus Japheth,  
et hábitet in tabernáculis Sem, sit-  
que Chánaan servus ejus. Vixit  
autem Noë post dilúvium trecén-  
tis quinquagínta annis. Et impléti  
sunt omnes dies ejus nongentórum  
quinquagínta annórum: et mór-  
tuus est.

R. Quadragínta dies. 335.

Feria Sexta.

De libro Génesis.

Lectio i.

Cap. 10.

**H**æ sunt generatiónes filiórum  
Noë, Sem, Cham, et Japheth:  
natíque sunt eis filii post dilúvium.  
Fílii Japheth: Gomer, et Magog, et  
Mádai, et Javan, et Thubal, et Mo-  
soch, et Thiras. Porro filii Gomer:

Ascenez, et Riphath, et Thogórma.  
Fílii autem Javan: Elísa, et Thar-  
sis, Cetthim, et Dódanim. Ab his  
divísæ sunt ínsulæ Géntium in re-  
giónibus suis, unusquisque secún-  
dum linguam suam et famílias suas  
in natióibus suis. Fílii autem  
Cham: Chus, et Mésraïm, et Phuth,  
et Chánaan.

R. Ædificávit Noë. 335.

Lectio ii.

Cap. 11.

**E**rat autem terra lábii uníus, et  
sermónum eorúmdem. Cum-  
que proficisceréntur de Oriénte,  
invenérunt campum in terra Sén-  
naar, et habitavérunt in eo. Dixít-  
que alter ad próximum suum: Ve-  
níte, faciámus láteres, et coquámus  
eos igni. Habuerúntque láteres pro  
saxis, et bitúmen pro cæménto: et  
dixérunt: Veníte, faciámus nobis  
civitátem, et turrim, cujus culmen  
pertíngat ad cælum: et celebrémus  
nomen nostrum ántequam dividá-  
mur in univérsas terras.

R. Ponam arcum. 335.

Lectio iii.

**D**escéndit autem Dóminus ut vi-  
déret civitátem et turrim, quam  
ædificábant filii Adam, et dixit:  
Ecce, unus est pópulus, et unum  
lábium ómnibus: coeperúntque hoc  
facere, nec desístent a cogitatióni-  
bus suis, donec eas ópere cóm-  
pleant. Veníte ígitur, descendá-  
mus, et confundámus ibi linguam  
eórum, ut non aúdiat unusquisque  
vocem próximi sui. Atque ita di-  
vísit eos Dóminus ex illo loco in  
univérsas terras, et cessavérunt  
ædificáre civitátem.

R. Per memetípsum. 336.

## Sabbato.

De libro Génesis.

Lectio i.

Cap. 11.

**H**æ sunt generatiões Sem: Sem erat centum annórum, quando genuit Arpháxad, biénno post dilúvium. Vixítque Sem, postquam genuit Arpháxad, quingéntis annis: et genuit filios et filias. Porro Arpháxad vixit trigínta quinque añis, et genuit Sale. Vixítque Arpháxad, postquam genuit Sale, trecéntis tribus annis: et genuit filios et filias. Sale quoque vixit trigínta annis, et genuit Heber. Vixítque Sale postquam genuit Heber, quadringéntis tribus annis: et genuit filios et filias.

R. Benedíxit Deus. 336.

Lectio ii.

**V**ixit autem Heber trigínta quátuor annis, et genuit Phaleg. Et vixit Heber postquam genuit Phaleg, quadringéntis trigínta annis: et genuit filios et filias. Vixit quoque Phaleg trigínta annis, et genuit Reu. Vixítque Phaleg postquam genuit Reu, ducéntis novem annis, et genuit filios et filias. Vixit autem Reu trigínta duóbus annis, et genuit Sarug. Vixit quoque Reu postquam genuit Sarug, ducéntis septem annis: et genuit filios et filias. Vixit vero Sarug trigínta añis, et genuit Nachor. Vixítque Sarug postquam genuit Nachor, ducéntis annis: et genuit filios et filias.

R. Ecce ego. 336.

Lectio iii.

**V**ixit autem Nachor vigínti novem annis, et genuit Thare. Vixítque Nachor postquam genuit Thare, centum decem et novem annis: et genuit filios et filias. Vi-

xítque Thare septuagínta annis, et genuit Abram, et Nachor, et Aran. Hæ sunt autem generatiões Thare: Thare genuit Abram, Nachor, et Aran. Porro Aran genuit Lot. Mortuúsque est Aran ante Thare patrem suum, in terra nativitátis suæ in Ur Chaldæórum. Duxérunt autem Abram et Nachor uxóres: nomen uxóris Abram, Sárai: et nomen uxóris Nachor, Melcha filia Aran patris Melchæ, et patris Jeschæ. Erat autem Sárai stérilis, nec habébat líberos.

R. In artículo. cum Glória Patri. Uxor. in fine. 338.

## Sabbato

ante Quinquagesimam.

## Ad Vesperas.

Capitulum.

1. Cor. 13.

**I**ratres: Si linguis hóminum loquar, et Angelórum, caritátem autem non hábeam, factus sum velut æs sonans, aut cýmbalum tinniens.

## Hymnus.

**J**am sol recédit igneus:  
Tu lux perénis Unitas,  
Nostris, beáta Trínitas,  
Infúnde lumen córdibus.

Te mane laudum cármine,  
Te deprecámur véspere;  
Dignéris ut te súpplices  
Laudémus inter cóelites.

Patri, simúlque Fílio,  
Tibíque sancte Spíritus,  
Sicut fuit, sit júgiter  
Sæclum per omne glória.

Amen.

V. Vespertína orátio ascéndat ad te Dómine. R. Et descéndat super nos misericórdia tua.



Ad Magnif. Ant. Pater fidei nostræ \* Abraham summus, obtulit holocaustum super altare pro filio.

Oratio.

**P**reces nostras, quæsumus Domine, clementer exaudi: atque a peccatorum vinculis absolutos, ab omni nos adversitate custodi. Per Dominum.

## Dominica

in Quinquagesima.

### Ad Matutinum.

Invitat. Præoccupemus faciem Domini: \* Et in psalmis jubilemus ei.

Ps. Venite, exultemus. 2.

In primo Versu Psalmi omittitur Præoccupemus faciem ejus, etc. et ejus loco repetitur a Choro Invitatorium.

Hymnus. Primo die. 2.

Antiph., Ps. et VV. Noct. de Psalt. 3.

In I. Nocturno.

De libro Génesis.

Lectio i. Cap. 12.

**D**ixit autem Dominus ad Abram: Egrédere de terra tua, et de cognatione tua, et de domo patris tui, et veni in terram, quam monstrabo tibi. Faciamque te in gentem magnam, et benedicam tibi, et magnificabo nomen tuum, erisque benedictus. Benedicam benedicentibus tibi, et maledicam maledicentibus tibi, atque in te benedicentur universæ cognationes terræ. Egressus est itaque Abram sicut præcéperat ei Dominus, et ivit cum eo Lot. Septuaginta quinque annorum erat Abram, cum egrederetur de Haran. Tulitque Sarai uxorem suam,

et Lot filium fratris sui, universamque substantiam quam possederant, et animas quas fecerant in Haran: et egressi sunt ut irent in terram Chanaan. Cumque venissent in eam, pertransiit Abram terram usque ad locum Sichem, usque ad convallē illūstrem: Chananæus autem tunc erat in terra.

**R.** Locutus est Dominus ad Abram, dicens: Egrédere de terra tua, et de cognatione tua, et veni in terram quam monstravero tibi: \* Et faciam te in gentem magnam. **V.** Benedicens benedicam tibi, et magnificabo nomen tuum, erisque benedictus. Et faciam.

Lectio ii.

**A**pparuit autem Dominus Abram, et dixit ei: Sémini tuo dabo terram hanc. Qui ædificavit ibi altare Domino, qui apparuerat ei. Et inde transgrediens ad montem, qui erat contra Orientem Bethel, tetendit ibi tabernaculum suum, ab Occidente habens Bethel, et ab Oriente Hai: ædificavit quoque ibi altare Domino, et invocavit nomen ejus. Perrexitque Abram vadens, et ultra progradiens ad meridiem. Facta est autem fames in terra: descenditque Abram in Ægyptum, ut peregrinaretur ibi: prævaluerat enim fames in terra. Cumque prope esset ut ingrederetur Ægyptum, dixit Sarai uxori suæ: Novi quod pulchra sis mulier, et quod cum viderint te Ægyptii, dicturi sunt: Uxor ipsius est: et interficient me, et te reservabunt. Dic ergo, obsecro te, quod soror mea sis: ut bene sit mihi propter te, et vivat anima mea ob gratiam tui.

R. Dum staret Abraham ad ilicem Mambre, vidit tres viros ascendentes per viam: \* Tres vidit, et unum adoravit. V. Ecce Sara uxor tua pariet tibi filium, et vocabis nomen ejus Isaac. Tres vidit.

Lectio iii.

Cum itaque ingressus esset Abram Ægyptum, viderunt Ægyptii mulierem quod esset pulchra nimis. Et nuntiaverunt principes Pharaóni, et laudaverunt eam apud illum: et sublata est mulier in domum Pharaónis. Abram vero bene usi sunt propter illam: fueruntque ei oves et boves et asini, et servi et famulæ, et asinæ et cameli. Flagellavit autem Dominus Pharaónem plagis maximis, et domum ejus propter Sarai uxorem Abram. Vocavitque Pharaon Abram, et dixit ei: Quidnam est hoc quod fecisti mihi? quare non indicasti quod uxor tua esset? Quam ob causam dixisti esse sororem tuam, ut tollerem eam mihi in uxorem? Nunc igitur ecce conjux tua, accipe eam, et vade.

R. Tentavit Dominus Abraham, et dixit ad eum: \* Tolle filium tuum, quem diligis, Isaac, et offer illum ibi in holocaustum super unum montium, quem dixerò tibi. V. Vocatus quoque a Domino, respondit, Adsum: et ait ei Dominus. Tolle. Glória Patri. Tolle.

In II. Nocturno.

Ex libro sancti Ambrósii Episcopi de Abraham Patriarcha.

Lectio iv.

Lib. 1. cap. 2.

**M**agnus plane vir Abraham et multarum virtutum clarus insignibus, quem votis

suis philosophia non potuit æquare. Denique minus est quod illa finxit, quam quod iste gessit: majorque ambitioso eloquentiæ mendacio simplex veritatis fides. Itaque cujuscumque fuerit in eo viro devotio, consideremus. Ea enim virtus ordine prima est, quæ est fundamentum ceterarum: meritoque hanc ab eo primam exegit Deus, dicens: Exi de terra tua, et de cognatione tua, et de domo patris tui. Satis fuerat dixisse, de terra tua. Ibi enim erat exire de cognatione, exire de paterna domo.

R. Angelus Domini vocavit Abraham, dicens: \* Ne extendas manum tuam super puerum, eo quod timeas Dominum. V. Cumque extendisset manum ut immolaret filium, ecce Angelus Domini de cælo clamavit, dicens. Ne extendas.

Lectio v.

**S**ed ideo addidit singula, ut ejus affectum probaret: ne forte aut imprudenter cœpisse videretur, aut fraus aliqua mandatis cœlestibus pararetur. Sed sicut coacervanda fuerunt præcepta, ne quid latere; ita etiam proponenda præmia, ne forte desperaret. Tentatur ut fortis, incitatur ut fidelis, provocatur ut justus: meritoque exiit, quemadmodum locutus est illi Dominus. Et exiit cum eo Lot. Hoc autem, quod pro magno inter septem sapientum dicta celebratur, Sequere Deum; perfecit Abraham, factoque sapientum dicta prævenit, et secutus Deum exiit de terra sua.

R. Vocavit Angelus Domini Abraham de cælo, secundo, dicens:

Benedicam tibi, \* Et multiplicabo te sicut stellas cœli. *V.* Possidebit semen tuum portas inimicorum tuorum, et benedicentur in semine tuo omnes tribus terræ. Et.

Lectio vi.

**S**ed quia ante terra ei fuerat alia, hoc est, regio Chaldæorum, de qua exiit Thare pater Abraham, et in Charran demigravit: et quia secum eduxit nepotem suum, cui dictum fuerat, Exi de cognatione tua: consideremus, ne forte hoc sit exire de terra sua, de hujus terræ, hoc est, de corporis nostri quadam commoratione egredi, de qua exiit Paulus, qui dixit: Nostra autem conversatio in cœlis est.

*R.* Deus domini mei Abraham dirige viam meam: \* Ut cum salute revértar in domum domini mei. *V.* Obsecro Domine, fac misericordiam cum servo tuo. Ut. Glória Patri. Ut.

In III. Nocturno.

Lectio sancti Evangelii secundum Lucam.

Lectio vii. Cap. 18. f.

**I**n illo tempore: Assumpsit Jesus duodecim, et ait illis: Ecce ascendimus Jerosolymam, et consummabuntur omnia, quæ scripta sunt per Prophétas de Filio hominis. Et reliqua.

Homilia sancti Gregorii Papæ.

Homilia 2. in Evangelia.

**R**edemptor noster, prævidens ex passione sua discipulorum ánimos perturbandos, eis longe ante et ejusdem passionis pœnam, et resurrectionis suæ glóriam prædixit: ut cum eum morientem, sicut prædictum est, cernerent;

etiam resurrecturum non dubitarent. Sed quia carnales adhuc discipuli nullo modo valébant capere verba mystèrii, venit ad miraculum. Ante eorum óculos cæcus lumen recépit: ut qui cœlestis mystèrii verba non cáperent, eos ad fidem cœlestia facta solidarent.

*R.* Veni hódie ad fontem aquæ, et orávi Dóminum, dicens: \* Dómine Deus Abraham, tu prósperum fecisti desidérium meum. *V.* Igitur puella, cui dixero, Da mihi aquam de hýdria tua, ut bibam: et illa díxerit, Bibe domine, et camélis tuis potum tríbuam: ipsa est, quam præparávit Dóminus filio domini mei. Dómine.

Lectio viii.

**S**ed miracula Dómini et Salvatoris nostri sic accipiéndam sunt, fratres caríssimi, ut et in veritate credántur facta, et tamen per significationem nobis aliquid innuant. Opera quippe ejus et per poténtiam aliud osténdunt, et per mystérium aliud loquúntur. Ecce enim, quis juxta históriam cæcus iste fuerit, ignorámus: sed tamen quid per mystérium significet, nóvimus. Cæcum quippe est genus humanum, quod in parénte primo a paradisi gaúdiis expúlsum, claritatem supérnæ lucis ignórans, damnationis suæ ténebras pátitur. Sed tamen per Redemptoris sui præsentiam illuminátur: ut intérnæ lucis gaúdia jam per desidérium vídeat, atque in via vitæ boni óperis gressus ponat.

*R.* Factus est sermo Dómini ad Abram, dicens: \* Noli timére Abram: ego protéctor tuus sum, et

merces tua magna nimis. *Ÿ.* Ego enim sum Dóminus Deus tuus, qui edúxi te de Ur Chaldæórum. Noli.

Lectio ix.

**N**otándum vero est, quod cum Jesus Jéricho appropinquáre dicitur, cæcus illuminátur. Jéricho quippe luna interpretátur: luna autem in sacro elóquio pro defectu carnis pónitur: quia dum ménstruis moméntis decrésцит, defectum nostræ mortalitátis designat. Dum igitur Cónditor noster appropinquat Jéricho, cæcus ad lumen redit: quia dum divinitas defectum nostræ carnis suscepit, humánum genus lumen, quod amiserat, recépit. Unde enim Deus humana pátitur, inde homo ad divína sublevátur. Qui vidélicet cæcus recte et juxta viam sedére, et mendicans esse describitur. Ipsa enim Véritas dicit: Ego sum via.

*R.* Cæcus sedébat secus viam, transeúnte Dómino, et clamávit ad eum: et ait illi Dóminus: \* Quid vis ut fáciam tibi? \* Dómine, ut vídeam lumen. *Ÿ.* Stans autem Jesus, jussit illum duci ad se, et cum appropinquáset, interrogávit eum, dicens. Quid vis. Glória. Dómine.

Infra Hebdomadam Feria IV. et Sabbato, loco hujus *R.* dicitur *R.* primum Feriæ II. sequi.

Ad Laudes.

Ant. 1. Secúndum multitudínem \* miseratiónum tuárum Dómine, dele iniquitátem meam.

Ps. Miserére mei. 323.

2. Deus meus es tu, \* et confitébor tibi: Deus meus es tu, et exaltábo te.

Ps. Confitémini. 324.

3. Ad te de luce \* vígilo Deus, ut vídeam virtútem tuam.

Ps. Deus Deus meus. 325.

4. Hymnum dícite, \* et superexaltáte eum in sácula.

Cant. Benedícite. 326.

5. Omnes Angeli \* ejus laudáte Dóminum de coelis.

Ps. Laudáte Dñm de coelis. 326.

Capitulum. 1. Cor. 13.

**F**ratres: Si linguis hóminum loquar, et Angelórum, caritátem autem non hábeam, factus sum velut æs sonans, aut cýmbalum tinniens.

Hymnus. Ætérne rerum. 327.

*Ÿ.* Dómine refúgium factus es nobis. *R.* A generatióne et progénie.

Ad Bened. Ant. Ecce ascéndimus \* Jerosólymam, et consummabúntur ómnia, quæ scripta sunt de Fílio hóminis: tradétur enim Géntibus, et illudétur, et conspuétur: et postquam flagelláverint, occident eum, et tértia die resúrget.

Oratio.

**P**reces nostras, quæsumus Dómine, cleménter exaúdi: atque a peccatórum vínculis absolútos, ab omni nos adversitáte custódi. Per Dóminum.

Ad Primam.

Ant. Iter faciénte \* Jesu, dum appropinquáret Jéricho, cæcus clamábat ad eum, ut lumen recíperemererétur.

Ad Absolutionem Capituli, Lectio brevis. Dóminus autem dírigat. 25.

Ad Tertiam.

Ant. Transeúnte \* Dómino clamábat cæcus ad eum: Miserére mei, Fili David.

Capitulum.

1. Cor. 13:

**F**ratres: Si linguis hóminum loquar, et Angelórum, caritátem autem non hábeam, factus sum velut æs sonans, aut cýmbalum tinniens.

R. br. Inclína cor meum Deus,\* In testimónia tua. Inclína. V. Avérte óculos meos, ne vídeant vanitátem: in via tua vivífica me. In testimónia tua. Glória Patri. Inclína.

V. Ego dixi, Dómine miserére mei. R. Sana ánimam meam, quia peccávi tibi.

Ad Sextam.

Ant. Et qui præibant, \* increpábant eum ut tacéret: ipse vero multo magis clamábat: Miserére mei, Fili David.

Capitulum.

1. Cor. 13. c.

**C**áritas numquam éxcidit: sive prophetiæ evacuabúntur, sive linguæ cessábunt, sive sciéntia destrúetur: Ex parte enim cognóscimus, et ex parte prophetámus.

R. br. In ætérnum Dómine\* Pérmanet verbum tuum. In ætérnum. V. In sáculum sáculi véritas tua. Pérmanet. Glória Patri. In ætérnum.

V. Dóminus regit me, et nihil mihi déerit. R. In loco páscuæ ibi me collocávit.

Ad Nonam.

Ant. Cæcus magis \* ac magis clamábat, ut eum Dóminus illumináret.

Capitulum.

1. Cor. 13. d.

**N**unc autem manent, fides, spes, cáritas, tria hæc: major autem horum est cáritas.

R. br. Clamávi in toto corde meo, \* Exáudi me Dómine. Cla-

mávi. V. Justificatiónes tuas requíram. Exáudi. Glória Patri. Clamávi.

V. Ab occúltis meis munda me Dómine. R. Et ab aliénis parce servo tuo.

Ad Vesperas.

Ant. et Ps. de Domin. 108.

Cap. Fratres: Si linguis. ut supra. Hymnus. Lucis Creátor. 110.

V. Dirigátur Dómine orátio mea. R. Sicut incénsus in conspéctu tuo.

Ad Magnif. Ant. Stans autem Jesus \* jussit cæcum addúci ad se, et ait illi: Quid vis ut fáciam tibi? Dómine, ut vídeam. Et Jesus ait illi: Réspice, fides tua te salvum fecit. Et conféstim vidit, et sequebátur illum, magnificans Deum.

Feria Secunda.

De libro Génesis.

Lectio i.

Cap. 13.

**A**scéndit ergo Abram de Ægypto, ipse et uxor ejus, et ómnia quæ habébat, et Lot cum eo ad Austrálem plagam. Erat autem dives valde in possessióne auri et argénti. Reversúsque est per iter, quo vénerat, a Merídie in Bethel usque ad locum ubi prius fixerat tabernáculum inter Bethel et Haï: in loco altáris quod fécerat prius, et invocávit ibi nomen Dómini. Sed et Lot qui erat cum Abram, fuérunt greges óvium, et arménta, et tabernácula. Nec póterat eos cápere terra, ut habitárent simul: erat quippe substántia eórum multa, et nequíbant habitáre commúniter.

R. Movens Abram tabernáculum suum, venit et habitávit juxta con-

vállem Mambre: \* *Ædificavítque ibi altáre Dómino.* *V.* Dixit autem Dóminus ad eum: Leva óculos tuos, et vide: omnem terram quam cónspicis, tibi dabo, et sémini tuo in sempitérnium. *Ædificavítque.*

*Lectio ii.*

**U**nde et facta est rixa inter pastóres gregum Abram et Lot. Eo autem témpore Chananæus et Pherezæus habitábant in terra illa. Dixit ergo Abram ad Lot: Ne quæso sit júrgium inter me et te, et inter pastóres meos, et pastóres tuos: fratres enim sumus. Ecce univérſa terra coram te est: recéde a me, óbsecro: si ad sinístram íeris, ego dexteram tenébo: si tu dexteram elégeris, ego ad sinístram pergam. Elevátis ítaque Lot óculis, vidit omnem circa regiónem Jordánis, quæ univérſa irrigabátur ántequam subvérteret Dóminus Sódomam et Gomórrham, sicut paradísus Dómini, et sicut *Ægýptus* veniéntibus in Segor. Elegítque sibi Lot regiónem circa Jordánem, et recéssit ab Oriénte.

*R.* Crédidit Abram Deo, et reputátum est ei ad justitiam: \* Et ídeo amícus Dei factus est. *V.* Fuit autem justus coram Dómino, et ambulávit in viis ejus. Et ídeo.

*Lectio iii.*

**D**ivísique sunt altérutrum a fratre suo. Abram habitávit in terra Chánaan: Lot vero morátus est in óppidis, quæ erant circa Jordánem, et habitávit in Sódomis. Hómines autem Sodomítæ péssimi erant, et peccatóres coram Dómino nimis. Dixítque Dóminus ad Abram, postquam divísus est ab eo Lot: Leva óculos tuos, et vide

a loco, in quo nunc es, ad Aquilónem et Merídiem, ad Oriéntem et Occidéntem. Omnem terram, quam cónspicis, tibi dabo, et sémini tuo usque in sempitérnium. Faciámque semen tuum sicut púlverem terræ.

*R.* Tentávit Dóminus Abraham, et dixit ad eum: \* Tolle filium tuum, quem diligis, Isaac, et offer illum ibi in holocaústum super unum móntium, quem díxero tibi. *V.* Vocátus quoque a Dómino, respóndit, Adsum: et ait ei Dóminus. Tolle. Glória Patri. Tolle.

*Ad Magnif. Ant.* Et qui præibant, \* increpábant eum ut tacéret: ipse vero multo magis clamábat: Miserére mei, Fili David.

*Feria Tertia.*

*De libro Génesis.*

*Lectio i.*

*Cap. 14. b.*

**E**t egréssi sunt rex Sodomórum, et rex Gomórrhæ, rexque Adamæ, et rex Séboïm, necnon et rex Balæ, quæ est Segor: et direxérunt áciem contra eos in valle Silvéstri: scílicet advérsus Chodorlahómor regem Elamítarum, et Thadal regem Géntium, et Amraphel regem Sennaar, et Arioch regem Ponti: quátuor reges advérsus quinque. Vallis autem Silvéstris habébat púteos multos bitúminis. Itaque rex Sodomórum, et Gomórrhæ terga vertérunt, ceciderúntque ibi: et qui remánsérant, fugérunt ad montem. Tulérunt autem omnem substántiam Sodomórum et Gomórrhæ, et univérſa quæ ad cibum pértinent, et abiérunt: necnon et Lot et substántiam ejus, filium fratris Abram, qui habitábat in Sódomis. *R.* Angelus Dñi. 344.



## Lectio ii.

**E**t ecce unus, qui eváserat, nuntiávit Abram Hebræo, qui habitábat in conválle Mambre Amorrhæi, fratris Escol, et fratris Aner: hi enim pepígerant fœdus cum Abram. Quod cum audísset Abram, captum vidélicet Lot fratrem suum, numerávit expeditos vernáculos suos trecéntos decem et octo: et persecútus est usque Dan. Et divisís sóciis, irruiť super eos nocte: percussítque eos, et persecútus est eos usque Hoba, quæ est ad lævam Damásci. Reduxítque omnem substántiam, et Lot fratrem suum cum substántia illius, mulieres quoque et pópulum.

R. Vocávit Angelus. 344.

## Lectio iii.

**E**gréssus est autem rex Sodomórum in occúrsum ejus, postquam revérsus est a cæde Chodorlahómor, et regum qui cum eo erant in valle Save, quæ est vallis regis. At vero Melchisedech rex Salem, próferens panem et vinum, erat enim sacérdos Dei altíssimi, benedíxit ei, et ait: Benedictus Abram Deo excélso, qui creávit cœlum et terram: et benedíctus Deus excélsus, quo protegénte, hostes in mánibus tuis sunt. Et dedit ei decimas ex ómnibus.

R. Deus dómini. 345.

Ad Magnif. Ant. Miserére mei,  
\* Fili David. Quid vis ut fáciam tibi? Dómine, ut vídeam.

## Feria IV. Cinerum.

Si hac die occurrat festum Duplex ex majoribus vel alicujus Doctoris Ecclesiæ, transfertur in sequentem diem Duplici vel Semiduplici non im-

peditam. De Duplicibus vero minoribus vel Semiduplicibus fit tantum Commemoratio, ut dicitur in Rubrica de Translatione Festorum. Aliis diebus Quadragesimæ usque ad majorem Hebdomadam, si occurrat festum Duplex, vel Semidupl., fit de eo cum Commemoratione et nona Lectione de Homilia Feriæ. De Simplicibus quoque fit tantum Commemoratio, ut in Rubricis Generalibus.

In hac, et sequentibus Feriis usque ad Vesp. Sabbati, Hymni, Capitula, et alia omnia dicuntur ut in Psalt. per annum, exceptis Ant. ad Bened., et Magnif.: et post Laudes, Horas, Vesperas, et Completorium dicuntur Preces flexis genibus, ut ibid. in Psalt.

Hodie ante Matutinum in Choro dicuntur Psalmi Graduales, ut infra.

## Léctio sancti Evangélíi secúndum Matthæum.

## Lectio i: Cap. 6. b.

**I**n illo témpore: Dixit Jesus discipulis suis: Cum jejunátis, nolíte fieri sicut hypócritæ, tristes. Et réliqua.

## Homília sancti Augustíni Epíscopi.

Lib. 2. de Serm. Domini in monte, cap. 12. tom. 4.

**M**anifestum est, his præcéptis omnem nostram intentiónem in interióra gáudia dirigi: ne foris quæréntes mercédem, huic sæculo conformémur, et amittámus promissionem tanto solidiórís atque firmiórís, quanto interiórís beatitúdinis, qua nos elégit Deus conformes fieri imáginis Filii sui. In hoc autem capítulo máxime adverténdum est, non in solo rerum corporeárum nitóre atque pompa, sed étiam in ipsis sórdibus luctuósis esse posse jactántiam; et eo periculosiórém, quo sub nómine servitútis Dei decipit.

R. Veni hódie ad fontem aquæ, et orávi Dóminum, dicens: \* Dómine Deus Abraham, tu prósperum fecísti desidérium meum. V. Igitur puélla, cui díxero, Da mihi aquam de hýdria tua, ut bibam: et illa díxerit, Bibe dómine, et camélis tuis potum tríbuam: ipsa est, quam præparávit Dóminus filio dóm̃ini mei. Dómine Deus.

## Lectio ii.

**Q**ui ergo immoderáto cultu corp̃is atque vestítu, vel ceterárum rerum nitóre præfulget, fá-cile convíncitur rebus ipsis, pompárum sæculi esse sectátor, nec quemquam fallit dolósa imágine sanctitátis. Qui autem in professione Christianitátis, inusitáto squalóre ac sórdibus inténtos in se óculos hóminum facit, cum id voluntáte fáciat, non necessitáte patiátur: ex céteris ejus opéribus potest cónjici, utrum hoc contémp̃tu supérflui cultus, an ambitione álqua fáciat: quia et sub ovína pelle cavéndos lupos Dóminus præcépit: Sed ex frúctibus, inquit, eórum cognoscétis eos.

R. Factus est sermo Dómini ad Abram, dicens: \* Noli timére Abram: ego protéctor tuus sum, et merces tua magna nimis. V. Ego enim sum Dóminus Deus tuus, qui edúxi te de Ur Chaldæórum. Noli.

## Lectio iii.

**C**um enim cœperint álquibus tentationibus ea ipsa scilicet illis súbtrahi, vel negári, quæ isto velám̃ine vel consecúti sunt, vel cónsequi cúpiunt: tunc necesse est ut appáreat, utrum lupo in ovína pelle sit, an ovis in sua. Non tamen propterea ornátu supérfluo

debet aspéctus hóminum mulcére Christiánus, quia illum parcum hábitum ac necessárium étiam simulatóres sæpius usúrpant, ut incautos decípiant: quia et illæ oves non debent pelles suas depónere, si aliquándo eis lupi se cóntegant.

R. Movens Abram tabernáculum suum, venit et habitávit juxta convállem Mambre: \* Ædificávitque ibi altáre Dómino. V. Dixit autem Dóminus ad eum: Leva óculos tuos, et vide: omnem terram quam cónspicis, tibi dabo, et sémini tuo in sempitérnum. Ædificávitque. Glória. Ædificávitque.

## Ad Laudes

et per Horas.

Omniá ut in Psalterio. 70.

Ad Bened. Ant. Cum jejunátis, \* nolite fieri sicut hypócritæ, tristes.

Deinde dicuntur Preces flexis genibus. 52. Et similiter ad omnes Horas, ut in Psalt.

## Oratio.

**P**ræsta Dómine fidélibus tuis: ut jejuniórum veneránda solém̃nia, et cóngrua pietáte suscíp̃iant, et secúra devotióne percúrrant. Per Dóminum nostrum.

Hodie, et duobus sequentibus diebus, dicuntur Vesp. hora consueta: Sabbato vero dicuntur ante cœtionem.

V. Dirigátur Dómine orátio mea. R. Sicut incénsus in conspéctu tuo.

Ad Magnif. Ant. Thesaurizáte vobis \* thesaúros in cœlo, ubi nec ærúgo, nec tinea demolítur.

Deinde dic. Preces. 112.

## Oratio.

**I**nclinántes se, Dómine, majestáti tuæ, propitiátus inténde: ut qui

divino múnere sunt refécti, coelé-  
stibus semper nutriántur auxiliis.  
Per Dóminum.

~~~~~  
Feria Quinta.

Léctio sancti Evangélíi secúndum
Matthæum.

Lectio i. Cap. 8.

In illo témpore: Cum introísset
Jesus Caphárnaum, accessit ad
eum centúrio, rogans eum, et di-
cens: Dómine, puer meus jacet in
domo paralýticus, et male torqué-
tur. Et réliqua.

Homília sancti Augustíni
Epíscopi.

Lib. 2. de Consensu Evangelist.
cap. 20. tom. 4.

Videámus, utrum sibi de hoc
servo centuriónis Matthæus
Lucásque conséntiant. Matthæus
enim dicit: Accessit ad eum centú-
rio, rogans eum, et dicens: Puer
meus jacet in domo paralýticus.
Cui vidétur repugnare quod ait
Lucas: Et cum audísset de Jesu,
misit ad eum senióres Judæórum,
rogans eum ut veníret, et sanáret
servum ejus. At illi cum venísset
ad Jesum, rogábant eum solícite,
dicéntes ei: Quia dignus est ut hoc
illi præstes: díligit enim gentem
nostram, et synagógam ipse ædifi-
cávit nobis. Jesus autem ibat cum
illis: et cum jam non longe esset a
domo, misit ad eum centúrio amí-
cos, dicens: Dómine, noli vexári:
non enim dignus sum ut sub te-
ctum meum intres.

R. Dómine, puer meus jacet pa-
ralýticus in domo, et male torqué-
tur: * Amen dico tibi, ego véniam,
et curábo eum. V. Dómine, non

sum dignus ut intres sub tectum
meum: sed tantum dic verbo, et
sanábitur puer meus. Amen dico.

Lectio ii.

Si enim hoc ita gestum est, quó-
modo erit verum, quod Mat-
thæus narrat, Accessit ad eum
quidam centúrio, cum ipse non ac-
césserit, sed amícos míserit: nisi
díligenter adverténtes intelligá-
mus, Matthæum non omnímmodo
deseruísse usitátum morem lo-
quéndi? Non solum enim dícere
solémus, accessísse áliquem étiam
ántequam pervéniat illuc, quo dí-
citur accessísse: unde étiam díci-
mus, Parum accessit, vel multum
accessit eo, quo áppetit pervenire:
verum étiam ipsam perventióem,
cujus adipiscéndi causa accéditur,
dícimus plerúmque factam, etsi
eum, ad quem pervenit, non vídeat
ille qui pervenit, cum per amicum
pervenit ad áliquem, cujus ei favor
est necessárius. Quod ita tenuit
consuetúdo, ut jam étiam vulgo
perventóres appelléntur, qui po-
téntium quorúmlibet tamquam in-
accessíbles ánimos, per conve-
niéntium personárum interpositi-
onem, ambiónis arte pertingunt.

R. Dum staret. 344.

Lectio iii.

Non ergo absúrde Matthæus,
étiam quod vulgo possit intél-
ligi, per álios facto accéssu centu-
riónis ad Dóminum, compéndio
dícere vóluit: Accessit ad eum
centúrio. Verúmtamen non negli-
genter intuénda est étiam sancti
Evangelistæ altitúdo mýsticæ lo-
cutiόνis, secúndum quam scriptum
est in Psalmo: Accédite ad eum,

et illuminámini. Proinde quia fidem centuriónis, qua vere accéditur ad Jesum, ipse ita laudávit, ut diceret: Non invéni tantam fidem in Israël: ipsum pótius accessisse ad Christum dicere vóluit prudens Evangelísta, quam illos, per quos verba sua míserat.

R. Tentávit Dóminus. 344.

V. Repléti sumus mane misericórdia tua. R. Exsultávimus, et delectáti sumus.

Ad Bened. Ant. Dómine, * puer meus jacet paralýticus in domo, et male torquétur: Amen dico tibi, ego véniam, et curábo eum.

Deinde dic. Preces. 52.

Oratio.

Deus, qui culpa offénderis, pœniténtia placáris: preces pópuli tui supplicántis propítius réspice; et flagélla tuæ iracúndiæ, quæ pro peccátis nostris merémur, avérte. Per Dóminum.

V. Dirigátur Dómine orátio mea. R. Sicut incénsum in conspéctu tuo.

Ad Magnif. Ant. Dómine, * non sum dignus ut intres sub tectum meum: sed tantum dic verbo, et sanábitur puer meus.

Deinde dic. Preces. 112.

Oratio.

Parce Dómine, parce pópulo tuo: ut dignis flagellatióibus castigátus, in tua miseratióne respíret. Per Dóminum.

Feria Sexta.

Léctio sancti Evangélíi secúndum Matthæum.

Lectio i.

Cap. 5. g.

In illo témpore: Dixit Jesus discí-
pulis suis: Audístis quia dictum

est: Díliges próximum tuum, et ódio habébis inimicum tuum. Et réliqua.

Homilía sancti Hierónymi
Presbýteri.

Lib. 1. Comm. in cap. 5. et 6. Matth.

Ego autem dico vobis: Diligite inimícos vestros; benefácite his qui odérunt vos. Multi præcépta Dei, imbecillitáte sua, non Sanctórum víribus æstimántes, putant esse impossibília quæ præcépta sunt: et dicunt suffícere virtútibus, non odísse inimícos: céterum diligere, plus præcipi, quam humana nátura patiátur. Sciéndum est ergo, Christum non impossibília præcípere, sed perfécta. Quæ fecit David in Saul, et in Absalom: Stéphanus quoque Martyr pro inimícis lapidántibus deprecátus est: et Paulus anáthema cupit esse pro persecutóribus suis. Hæc autem Jesus et dócuit et fecit, dicens: Pater ignósce illis: quod enim faciunt, nésciunt.

R. Angelus Dómini. 344.

Lectio ii.

Ut sitis filii Patris vestri, qui in cœlis est. Si Dei præcépta custódiens, filius quis efficitur Dei: ergo non est nátura filius, sed arbitrio suo. Cum ergo facis eleemósynam, noli tuba cánere ante te, sicut hypócritæ faciunt in synagógis et in vicis, ut honorificéntur ab homínibus. Qui tuba canit, eleemósynam fáciens, hypócrita est. Qui jejúnans demolitur faciém suam, ut ventris inanitátem monstret in vultu, et hic hypócrita est. Qui in synagógis et in ángulis plateá-

rum orat, ut videátur ab homínibus, hypócrita est.

R. Vocávit Angelus. 344.

Lectio iii.

Ex quibus ómnibus colligitur hypócritas esse, qui quódlibet faciunt ut ab homínibus glorificéntur. Mihi vidétur et ille, qui dicit fratri suo: Dimítte ut tollam festúcam de óculo tuo: nam propter glóriam hoc fácere vidétur, ut ipse justus esse videátur. Unde dicitur ei a Dómino: Hypócrita, éjice primum trabem de óculo tuo. Non itaque virtus, sed causa virtútis apud Deum mercédem habet. Et si a recta via paúlulum declináveris, non interés, utrum ad dexteram vadas, an ad sinístram, cum verum iter amíseris.

R. Deus dómini. 345.

Y. Repléti sumus mane misericórdia tua. R. Exsultávimus, et delectáti sumus.

Ad Bened. Ant. Cum facis * eleemósynam, nésciat sinístra tua quid fáciat dextera tua.

Deinde dic. Preces. 52.

Oratio.

Inchoáta jejúnia, quæsumus Dómine, benigno favóre proséquare: ut observántiam, quam corporáliter exhibémus, méntibus étiam sincéris exercére valeámus. Per Dóminum nostrum.

Hodie post Laudes dicuntur Psalmi Pœnitentiales.

Y. Dirigátur Dómine orátio mea. R. Sicut incénsūm in conspéctu tuo.

Ad Magnif. Ant. Tu autem cum oráveris, * intra in cubículum tuum: et clauso óstio, ora Patrem tuum.

Deinde dic. Preces. 112.

Oratio.

Tuére Dómine pópulum tuum, et ab ómnibus peccátis cleménter emúnda: quia nulla ei nocébit advérsitas, si nulla ei dominétur iníquitas. Per Dóminum.

S a b b a t o.

Léctio sancti Evangélii secúndum Marcum.

Lectio i. Cap. 6. f.

In illo témpore: Cum sero esset, erat navis in médio mari, et Jesus solus in terra. Et réliqua.

Homília venerábilis Bedæ Presbýteri.

Lib. 2. cap. 28. in cap. 6.

Marci, tom. 4.

Labor discipulórum in remigándō, et contrárius eis ventus, labóres sanctæ Ecclésiæ vários désignat: quæ inter undas sæculi advérsántis, et immundórum flatus spirítuum, ad quiétem pátriæ cœléstis, quasi ad fidam líttoris staciónem, perveníre conátur. Ubi bene dicitur, quia navis erat in médio mari, et ipse solus in terra: quia nonnúmquam Ecclésia tantis Gentílium pressúris non solum afflícta, sed et fœdáta est, ut, si fieri posset, Redémptor ipsíus eam prorsus deseruísse ad tempus viderétur.

R. Veni hódie. 350.

Lectio ii.

Unde est illa vox ejus inter undas procellásque tentatiónum irruéntium deprehénsæ, atque auxiliū protectiόνis illius gemebúndo clamóre quæréntis: Ut quid Dómine recessisti longe, déspicis in opportunitátibus, in tribulatióne?

Quæ páriter vocem inimíci persecuéntis expónit, in sequéntibus Psalmi subjúciens: Dixit enim in corde suo, Oblítus est Deus, avértit fáciem suam, ne vídeat usque in finem.

R. Factus est. 350.

Lectio iii.

Verum ille non oblivíscitur oratíonem paúperum, neque avértit fáciem suam a sperántibus in se: quin pótius et certántes cum hóstibus, ut vincant, ádjuvat, et victóres in ætérnum coronat. Unde hic quoque apérte dícitur, quia vidit eos laborántes in remigándo. Videt quippe Dóminus laborántes in mari, quamvis ipse pósitus in terra: quia etsi ad horam différre videátur auxiliúm tribulátis impéndere, nihilóminus eos, ne in tribulatióibus deficiant, suæ respéctu pietátis corróborat: et aliquándó étiam manifésto adjutório, victis adversitatibus, quasi calcátis sedatísque flúctuum volumínibus líberat.

R. Movens Abram. 350.

V. Repléti sumus mane misericórdia tua. R. Exsultávimus, et delectáti sumus.

Ad Bened. Ant. Me étenim * de die in diem quærunt, et scire vias meas volunt.

Deinde dic. Preces. 52.

Oratio.

Adésto Dómine supplicatióibus nostris, et concéde: ut hoc solémne jejúnium, quod animábus corporibúisque curándis salúbriter institútum est, devóto servítio celebrémus. Per Dóminum.

Sabbato Primo
in Quadragesima.

Ad Vesperas.

Capitulum. 2. Cor. 6.

Fratres: Hortámur vos, ne in vácuum grátiam Dei recipiátis. Ait enim: Témpace accépto exaudivi te, et in die salutis adjúvi te.

Hymnus.

Audi benígne Cónditor
Nostras preces cum flétibus,
In hoc sacro jejúnio
Fusas quadragenário.

Scrutátor alme córdium,
Infirma tu scis vírium:
Ad te revérsis éxhibe
Remissiónis grátiam.

Multum quidem peccávimus,
Sed parce confiténtibus:
Ad nóminis laudem tui
Confer medélam lánguidis.

Concéde nostrum cónteri
Corpus per abstinéntiam;
Culpæ ut relínquant pábulum
Jejúna corda críminum.

Præsta beáta Trínitas,
Concéde simplex Unitas;
Ut fructuósa sint tuis
Jejuniórum múnera. Amen.


V. Angelis suis Deus mandávit de te. R. Ut custódiant te in ómnibus viis tuis.

Ad Magnif. Ant. Tunc invocábis, * et Dóminus exaúdiet: clamábis, et dicet: Ecce adsum.

Oratio.

Deus, qui Ecclésiám tuam ánnua Quadragesimáli observatióne puríficas: præsta familiæ tuæ; ut quod a te obtinére abstinéndo nítitur, hoc bonis opéribus exsequátur. Per Dóminum.





PROPRIUM SANCTORUM.

FESTA NOVEMBRIS.

Die 29. Novembris.

Commem. **S. Saturnini** Martyris.

Ad Vesperas.

Ant. Iste sanctus pro lege Dei sui certavit usque ad mortem, et a verbis impiorum non timuit: fundatus enim erat supra firmam petram.

V. Glória et honóre coronásti eum Dómine. R. Et constituísti eum super ópera mánuum tuárum.

Oratio.

Deus, qui nos beáti Saturnini Mátyris tui concédís natalitio pérfrui: ejus nos tríbue méritis adjuvári. Per Dóminum nostrum.

De Festis occurrentibus in Adventu non fit Officium, nisi fuerit Duplex vel Semiduplex. Quod si Festum Duplex ex majoribus vel alicujus Doctoris Ecclesiæ venerit in Dominica, transfertur in primam diem non impeditam. Duplicia vero minora vel Semiduplicia commemorantur in utrisque Vesperis et Laudibus sine ix. Lectione. De Simplicibus item fit tantum Commemoratio, ut in Rubricis Generalibus.

¶ In Vigilia S. Andreæ Apost. nihil fit de ea, nisi in Missa.

Ad Laudes.

Commemoratio S. Saturnini.

Ant. Qui odit ánimam suam in hoc mundo, in vitam ætérnam custódit eam.

V. Justus ut palmá florébit. R. Sicut cedrus Líbani multiplicábitur.



Die 30. Novembris.

Sancti Andreæ Apostoli.

: Duplex 2. classis.

In I. Vesperis.

Ant. de Laud. 364. Ps. ut in I. Vesp.
de Comm. Apost. [2]

Capitulum. Rom. 10. b.
fratres: Corde enim crédi-
tur ad justitiam, ore au-
tem conféssio fit ad salú-
tem. Dicit enim Scriptúra: Omnis,
qui credit in illum, non confun-
détur.

Hymnus. Exsúltet orbis. 365.

V. In omnem terram exívit so-
nus eórum. R. Et in fines orbis
terræ verba eórum.

Ad Magnif. Ant. Unus ex duó-
bus, qui secúti sunt Dóminum, erat
Andréas, frater Simónis Petri, al-
lelúja.

Oratio ut ad Laudes. 365.

Et fit commem. Feriæ occur.

Ad Matutinum.

Invit. Regem Apostolorum Dó-
minum, * Veníte adorémus.

Ps. Veníte, exsultémus. 2.

Hymnus.

Ætérna Christi múnera,
Apostolorum glóriam,
Palmas et hymnos débítos
Lætis canámus méntibus.

Ecclesiárum Príncipes,

Belli triumpháles duces,

Cœléstis aulæ mílites,

Et vera mundi lúmina.

Devóta sanctórum fides,

Invícta spes credéntium,

Perfécta Christi cáritas

Mundi tyránnum cónterit.

In his Patérna glória,

In his triúmphant Fílius,

In his volúntas Spíritus,

Cœlum replétur gáudio.

Patri, simúlque Fílio,

Tibíque sancte Spíritus,

Sicut fuit, sit júgiter

Sæclum per omne glória.

Amen.

In I. Nocturno.

Ant. Vidit Dóminus Petrum et
Andréam, et vocávit eos.

Psalmus 18.

Cœli enárrant glóriam Dei, *
et ópera mánuum ejus annún-
tiat firmaméntum.

Dies diéi erúctat verbum, * et
nox nocti índicat sciéntiam.

Non sunt loquélæ, neque sermó-
nes, * quorum non audiántur vo-
ces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse tamquam sponsus procedens de thálamo suo:

Exsultávit ut gigas ad curréndam viam, * a summo cœlo egrés-sio ejus:

Et occúrsus ejus usque ad sum-mum ejus: * nec est qui se abscón-dat a calóre ejus.

Lex Dómini immaculáta convér-tens ánimas: * testimónium Dómini fidéle, sapiéntiam præstans pár-vulis.

Justitiæ Dómini rectæ, lætificán-tes corda: * præcéptum Dómini lúcidum; illúminans óculos.

Timor Dómini sanctus, pérma-nens in sæculum sæculi: * júdicia Dñi vera, justificáta in semetíp-sa.

Desiderabilia super aurum et lá-pidem pretiósum multum: * et dul-cióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúl-tis meis munda me: * et ab aliénis parce servo tuo.

Si mei non fúerint domináti, tunc immaculátus ero: * et emundábor a delicto máximo.

Et erunt ut compláceant elóquia oris mei: * et meditátio cordis mei in conspéctu tuo semper.

Dómine adjútor meus, * et red-émptor meus.

Ant. Vidit Dóminus Petrum et Andréam, et vocávit eos.

Ant. Veníte post me, dicit Dó-minus, fáciam vos fieri piscatóres hóminum.

Psalmus 33.

Benedícam Dóminum in omni témpore: * semper laus ejus in ore meo.

In Dómino laudábitur ánima mea: * aúdiant mansuéti, et læténtur.

Magnificáte Dóminum mecum: * et exaltémus nomen ejus in id-ípsum.

Exquisívi Dóminum, et exaúdívit me: * et ex ómnibus tribulatióni-bus meis erípuit me.

Accédite ad eum, et illuminá-mini: * et fácies vestræ non con-fundéntur.

Iste pauper clamávit, et Dóminus exaúdívit eum: * et de ómnibus tri-bulatió nibus ejus salvávit eum.

Immíttet Angelus Dómini in cir-cúitu timéntium eum: * et erípiet eos.

Gustáte et vidéte quóniam suá-vis est Dóminus: * beátus vir, qui sperat in eo.

Timéte Dóminum omnes sancti ejus: * quóniam non est inópia timéntibus eum.

Dívites eguérunt et esuriérunt: * inquiréntes autem Dóminum non minuéntur omni bono.

Veníte filii, audíte me: * timórem Dómini docébo vos.

Quis est homo qui vult vitam: * díligit dies vidére bonos?

Próhibe linguam tuam a malo: * et lábia tua ne loquántur dolum.

Divérte a malo, et fac bonum: * inquiré pacem, et perséquere eam.

Oculi Dómini super justos: * et aures ejus in preces eórum.

Vultus autem Dómini super fa-ciéntes mala: * ut perdat de terra memóriam eórum.

Clamavérunt justí, et Dóminus

exaudivit eos: * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde: * et húmiles spíritu salvábit.

Multæ tribulatióes justórum: * et de ómnibus his liberábit eos Dóminus.

Custódit Dóminus ómnia ossa eórum: * unum ex his non contérétur.

Mors peccatórum péssima: * et qui odérunt justum, delínquent.

Rédimet Dóminus ánimas servórum suórum: * et non delínquent omnes qui sperant in eo.

Ant. Veníte post me, dicit Dóminus, fáciam vos fieri piscatóres hóminum.

Ant. Relíctis rétibis suis, secúti sunt Dóminum Redemptórem.

Psalmus 44.

Eructávit cor meum verbum bonum: * dico ego ópera mea regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis: * proptérea benedixit te Deus in ætérnum.

Accíngere gládio tuo super femur tuum, * potentíssime,

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justítiam: * et dedúcet te mirabiliter dextera tua.

Sagíttæ tuæ acútæ, pópuli sub te cadent, * in corda inimicórum regis.

Sedes tua Deus in sæculum sæ-

culi: * virga directiόνis virga regni tui.

Dilexísti justítiam, et odísti iniquitátem: * proptérea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis: * ex quibus delectavérunt te filiæ regum in honóre tuo.

Astitit regína a dextris tuis in vestítu deauráto: * circúmdata varietáte.

Audi filia, et vide, et inclína aures tuas: * et oblivíscere pópulum tuum, et domum patris tui.

Et concupíscet Rex decórem tuum: * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur: omnes dívites plebis.

Omnis glória ejus filiæ Regis ab intus, * in fimbriis aúreis circumamícta varietátibus.

Adducéntur Regi vírgines post eam: * próximæ ejus afferéntur tibi.

Afferéntur in lætítia et exsultatióne: * adducéntur in templum Regis.

Pro pátribus tuis nati sunt tibi filii: * constitúes eos príncipes super omnem terram.

Mémores erunt nóminis tui: * in omni generatióne et generatió-nem.

Proptérea pópuli confitebúntur tibi in ætérnum: * et in sæculum sæculi.

Ant. Relíctis rétibis suis, secúti sunt Dóminum Redemptórem.

V. In omnem terram exívit sonus eórum. R. Et in fines orbis terræ verba eórum.

De Epístola beáti Pauli Apóstoli
ad Romános.

Lectio i. Cap. 10.

Inis legis, Christus, ad justítiam omni credénti. Móyses enim scripsit, quóniam justítiam, quæ ex lege est, qui fécerit homo, vivet in ea. Quæ autem ex fide est justítia, sic dicit: Ne díxeris in corde tuo: Quis ascéndet in coelum? id est, Christum dedúcere. Aut quis descéndet in abyíssum? hoc est, Christum a mórtuis revocáre. Sed quid dicit Scriptúra? Prope est verbum in ore tuo, et in corde tuo: hoc est verbum fidei, quod prædicámus. Quia si confiteáris in ore tuo Dóminum Jesum, et in corde tuo credideris quod Deus illum suscitávit a mórtuis, salvus eris.

R. Cum perambuláret Dóminus juxta mare Galilææ, vidit Petrum et Andréam rétia mitténtes in mare, et vocávit eos, dicens: * Veníte post me, fáciam vos fieri piscatóres hóminum. V. Erant enim piscatóres, et ait illis. Veníte.

Lectio ii.

Corde enim créditur ad justítiam: Ore autem conféssio fit ad salutem. Dicit enim Scriptúra: Omnis, qui credit in illum, non confundétur. Non enim est distíctio Judæi et Græci: nam idem Dóminus ómnium, dives in omnes qui ínvocant illum. Omnis enim, quicúmque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo autem audient sine prædicánte? Quómo-

do vero prædicábunt nisi mittántur? sicut scriptum est: Quam speciósi pedes evangelizántium pacem, evangelizántium bona!

R. Mox ut vocem Dómini prædicántis audívit beátus Andréas, relictis rétibus, quorum usu actúque vivébat, * Æternæ vitæ secútus est præmia largiéntem. V. Hic est qui pro amóre Christi pepéndit in cruce, et pro lege ejus sustínuit passiónem. Æternæ.

Lectio iii.

Sed non omnes obédiunt Evangelio. Isaías enim dicit: Dómine quis crédidit audítui nostro? Ergo fides ex audítu, audítus autem per verbum Christi. Sed dico: Numquid non audiérunt? Et quidem in omnem terram exívit sonus eórum, et in fines orbis terræ verba eórum. Sed dico: Numquid Israël non cognóvit? Primus Móyses dicit: Ego ad æmulationem vos addúcam in non gentem: in gentem insipiéntem, in iram vos mittam. Isaías autem audet, et dicit: Invéntus sum a non quæréntibus me: palam appáruí iis, qui me non interrogábant. Ad Israël autem dicit: Tota die expándi manus meas ad pópulum non credéntem et contradicéntem.

R. Doctor bonus, et amicus Dei Andréas dúcitur ad crucem, quam a longe aspiciens dixit: Salve crux, * Súscipe discípulum ejus, qui pepéndit in te magíster meus Christus. V. Salve crux, quæ in corpore Christi dedicáta es: et ex membris ejus tamquam margarítis ornáta. Súscipe. Glória Patri. Súscipe.

In II. Nocturno.

Ant. Dignum sibi Dóminus computávit Mártyrem, quem vocávit Apóstolum, dum esset in mari, allelúja.

Psalmus 46.



Omnes Gentes plaúдите máni-
bus: * jubiláte Deo in voce
exsultatiónis.

Quóniam Dóminus excélsus, ter-
ribilis: * Rex magnus super omnem
terram.

Subjécit pópulos nobis: * et Gen-
tes sub pédibus nostris.

Elégit nobis hæreditátem suam:
* spéciem Jacob, quam diléxit.

Ascéndit Deus in júbilo: * et Dó-
minus in voce tubæ.

Psállite Deo nostro, psállite: *
psállite Regi nostro, psállite.

Quóniam Rex omnis terræ Deus:
* psállite sapiénter.

Regnábit Deus super Gentes: *
Deus sedet super sedem sanctam
suam.

Príncipes populórum congregáti
sunt cum Deo Abraham: * quón-
iam dii fortes terræ, veheménter
eleváti sunt.

Ant. Dignum sibi Dóminus com-
putávit Mártyrem, quem vocávit
Apóstolum, dum esset in mari,
allelúja.

Ant. Diléxit Andréam Dóminus
in odórem suavitátis.

Psalmus 60.

Exáudi Deus deprecationem me-
am: * inténde oratióni meæ.

A finibus terræ ad te clamávi:
* dum anxiarétur cor meum, in
petra exaltásti me.

Deduxísti me, quia factus es spes
mea: * turris fortitúdinis a fácie
inimíci.

Inhabitábo in tabernáculo tuo
in sæcula: * prótegar in velaménto
alárum tuárum.

Quóniam tu Deus meus exau-
dísti oratióem meam: * dedísti hæ-
reditátem timéntibus nomen tuum.

Dies super dies regis adjícies:
* annos ejus usque in diem gene-
ratióis et generatióis.

Pérmanet in ætérnum in con-
spéctu Dei: * misericórdiam et
veritátem ejus quis requíret?

Sic psalmum dicam nómini tuo
in sæculum sæculi: * ut reddam
vota mea de die in diem.

Ant. Diléxit Andréam Dóminus
in odórem suavitátis.

Ant. Bíduo vivens pendébat in
cruce beátus Andréas pro Christi
nómine, et docébat pópulum.

Psalmus 63.

Exáudi Deus oratióem meam
cum déprecor: * a timóre in-
imíci éripe ánimam meam.

Protexísti me a convéntu mali-
gnántium: * a multítudine operán-
tium iniquitátem.

Quia exacuérunt ut gládium lin-
guas suas: * intendérunt arcum
rem amáram, ut sagittént in oc-
cúltis immaculátum.

Súbito sagittábunt eum, et non
timébunt: * firmavérunt sibi ser-
mónem nequam.

Narravérunt ut absconderent
lâqueos: * dixerunt: Quis vidébit
eos?

Scrutáti sunt iniquitátes: * defe-
cérunt scrutántes scrutínio.

Accédet homo ad cor altum: *
et exaltábitur Deus.

Sagittæ parvulórum factæ sunt
plagæ eórum: * et infirmátæ sunt
contra eos linguæ eórum.

Conturbáti sunt omnes qui vidébant eos: * et tímuit omnis homo.

Et annuntiavérunt ópera Dei, * et facta ejus intellexérunt.

Lætábitur justus in Dómino, et sperábit in eo, * et laudabúntur omnes recti corde.

Ant. Bíduo vivens pendébat in cruce beátus Andréas pro Christi nómine, et docébat pópulum.

℣: Constitues eos príncipes super omnem terram. R. Mémoires erunt nóminis tui Dómine.

Lectio iv.

Andréas Apóstolus Bethsaídæ natus, qui est Galilææ vicus, frater Petri, discipulus Joánnis Baptístæ, cum eum de Christo dicentem audisset: Ecce Agnus Dei; secútus Jesum, fratrem quoque suum ad eúmdem perdúxit: cum póstea una cum fratre piscarétur in mari Galilææ, ambo a prætereúnte Christo Dómino ante álios Apóstolos vocáti illis verbis: Veníte post me, fáciam vos fieri piscatóres hóminum; nullam interponéntes moram, et relictis rétibus secúti sunt eum. Post cujus passióem et resurrectionem, Andréas, cum in Scýthiam Európæ, quæ ei provincia ad Christi fidem disseminándam obtígerat, venisset, deínde Epírum ac Thráciam peragrásset; doctrína et miraculis innumerábiles hómines ad Christum convértit. Post Patras Achájæ proféctus, et in ea urbe plúrimis ad veritátem evangélicam perductis, Ægéam procónsulem, prædicatióni evangélicæ resistentem, libérime increpávit, quod, qui iudex hóminum habéri vellet, Christum De-

um ómnium júdicem a dæmónibus elúsus non agnósceret.

R. Homo Dei ducebátur ut crucifigerent eum: pópulus autem clamábat voce magna, dicens: * Innocens ejus sanguis sine causa damnátur. ℣. Cumque dúcerent eum ut crucifigerétur, factus est concúrsus populórum clamántium, et dicéntium. Innocens.

Lectio v.

Tum Ægéas irátus, Désine, inquit, Christum jactáre, cui simília verba nihil profuérunt, quo minus a Judæis crucifigerétur. Andréam vero de Christo nihilóminus libere prædicántem quod pro salúte humáni géneris se crucifigéndum obtulisset, ímpia oratióne interpéllat, ac demum hortátur, ut sibi cónsulens, diis velit immoláre. Cui Andréas: Ego omnipoténti Deo, qui unus et verus est, immolo quotidie, non taurórum carnes, nec hircórum sánguinem, sed immaculátum Agnum in altári: cujus carnem posteaquam omnis pópulus credéntium manducáverit, Agnus, qui sacrificátus est, ínteger perseverát et vivus. Quamóbrem ira accénsus Ægéas, jubet eum in cárcerem detrúdi: unde pópulus Andréam fáciie liberásset, nisi ipse sedásset multitudinem, veheméntius rogans, ne se ad optatíssimam martýrii corónam properántem impedirent.

R. O bona crux, quæ decórem et pulchritúdinem de membris Dómini suscepísti; áccipe me ab homínibus, et redde me magístro meo: * Ut per te me recípiat, qui per te me redémit. ℣. Beátus An-

dréas expánsis mánibus ad cœlum orábat, dicens: Salva me bona crux. Ut per te.

Lectio vi.

Igitur paulo post in tribúnal prodúctum, cum Ægéas crucis extolléntem mystéria, sibíque suam impietátem exprobrántem diútius ferre non posset, in crucem tolli, et Christi mortem imitári jussit. Addúctus Andréas ad locum mártýrii, cum crucem vidísset, longe exclamáre cœpit: O bona crux, quæ decórem ex membris Dómini suscepisti, diu desideráta, solícite amáta, sine intermissióne quæsíta, et aliquándo cupiénti ánimo præparáta: áccipe me ab homínibus, et redde me magístro meo: ut per te me recípiat, qui per te me redémit. Itaque cruci affíxus est: in qua bíduum vivus pendens, et Christi fidem prædicáre numquam intermittens, ad eum migrávit, cujus mortis similitúdinem concupíerat. Quæ ómnia presbýteri et diáconi Achájæ, qui ejus passióem scripsérunt, se ita ut commemoráta sunt, audísse et vidísse testántur. Ejus ossa primum Constantíno imperatóre Constantinópolis, deínde Amálphim transláta sunt. Caput, Pio secúndo Pontífice, Romam allátum, in basílica sancti Petri collocátum est.

R. Expándi manus meas tota die in cruce ad pópulum non credéntem, sed contradicéntem mihi: * Qui ámbulant vias non bonas, sed post peccáta sua. **V.** Deus ultiónum Dóminus, Deus ultiónum libere egit: exaltáre qui júdicas terram, redde retributióem supérbis. Qui. Glória Patri. Qui.

In III. Nocturno.

Ant. Non me permíttas Dómine, fámulum tuum a te separári: tempus est ut commendétur terræ corpus meum, et me ad te veníre júbeas.

Psalmus 74.

Confitébimur tibi Deus: * confitébimur, et invocábimus nomen tuum.

Narrábimus mirabília tua: * cum accépero tempus, ego justítias júdicábo.

Liquefácta est terra, et omnes qui hábitant in ea: * ego confir-mávi columbas ejus.

Dixi iníquis: Nolíte iníque ágere: * et delinquéntibus: Nolíte exaltáre cornu:

Nolíte extóllere in altum cornu vestrum: * nolíte loqui advérsus Deum iniquitátem.

Quia neque ab Oriénte, neque ab Occidénte, neque a desértis món-tibus: * quóniam Deus júdex est.

Hunc humiliat, et hunc exáltat: * quia calix in manu Dómini vini meri plenus misto.

Et inclinávit ex hoc in hoc: verúmtamen fæx ejus non est exinaníta: * bibent omnes peccátó-res terræ.

Ego autem annuntiábo in sáculum: * cantábo Deo Jacob.

Et ómnia córnua peccatórum confríngam: * et exaltabúntur córnua justí.

Ant. Non me permíttas Dómine, fámulum tuum a te separári: tempus est ut commendétur terræ corpus meum, et me ad te veníre júbeas.

Ant. Andréas vero rogábat pópulum, ut non impedíret passió-nem ipsíus.

Psalmus 96.

Dóminus regnávít, exsúltet terra: * læténtur ínsulæ multæ.

Nubes, et caligo in circúitu ejus: * justítia, et judícium corréctio sedis ejus.

Ignis ante ipsum præcédet, * et inflamábit in circúitu inimícos ejus.

Illuxérunt fúlgura ejus orbi terræ: * vidit, et commóta est terra.

Montes, sicut cera fluxérunt a fácie Dómini: * a fácie Dómini omnis terra.

Annuntiavérunt cœli justítiam ejus: * et vidérunt omnes pópuli glóriam ejus.

Confundántur omnes, qui adorant sculptília: * et qui gloriántur in simulácris suis.

Adorate eum omnes Angeli ejus: * audívit, et lætáta est Sion.

Et exsultavérunt filíæ Judæ, * propter judícia tua Dómine:

Quóniam tu Dóminus Altíssimus super omnem terram: * nimis exaltátus es super omnes deos.

Qui diligitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómino: * et confitémini memóriæ sanctificatiónis ejus.

Ant. Andréas vero rogábat pópulum, ut non impedíret passió-nem ipsíus.

Ant. Accipe me ab homínibus, et redde me magístro meo: ut per te me recípiat, qui per te me redémit, allelúja.

Psalmus 98.

Dóminus regnávít, irascántur pópuli: * qui sedet super Chérubim, moveátur terra.

Dóminus in Sion magnus: * et excélsus super omnes pópulos.

Confiteántur nómini tuo magno: quóniam terribile, et sanctum est: * et honor regis judícium díligit.

Tu parásti directiões: * judícium et justítiam in Jacob tu fecísti.

Exaltáte Dóminum Deum nostrum, et adoráte scabéllum pedum ejus: * quóniam sanctum est.

Móyses et Aaron in sacerdótibus ejus: * et Sámuel inter eos, qui invocant nomen ejus:

Invocabant Dóminum, et ipse exaudiébat eos: * in colúmna nubis loquebátur ad eos.

Custodiébant testimónia ejus, * et præcéptum quod dedit illis.

Dómine Deus noster tu exaudiébas eos: * Deus tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus: * quóniam sanctus Dóminus Deus noster.

Ant. Accipe me ab homínibus, et redde me magístro meo: ut per te me recípiat, qui per te me redémit, allelúja.

V. Nimis honorátí sunt amíci tui Deus. R. Nimis confortátus est principátus eórum.

Léctio sancti Evangélíi secúndum Matthæum.

Lectio vii. Cap. 4. c.

In illo témpore: Ambulans Jesus iuxta mare Galilææ, vidit duos fratres, Simónem, qui vocátur Pe-

trus, et Andréam fratrem ejus, mittentes rete in mare. Et reliqua.

Homilia sancti Gregorii Papæ.

Homilia 5. in Evangelia.



audistis, fratres carissimi, quia ad unius jussionis vocem Petrus et Andréas relictis retibus secuti sunt Redemptorem. Nulla vero hunc facere adhuc miracula viderant; nihil ab eo de præmio æternæ retributionis audierant: et tamen ad unum Domini præceptum, hoc quod possidere videbantur, obliti sunt. Quanta nos ejus miracula videmus, quot flagellis affligimur, quantis minarum asperitatibus deterremur, et tamen vocantem sequi contemnimus?

R. Oravit sanctus Andréas, dum respiceret in cælum, et voce magna clamavit et dixit: Tu es Deus meus, quem vidi: ne me patiáris ab impio iudice depóni: * Quia virtutem sanctæ crucis agnovi. V. Tu es magister meus Christus, quem dilexi, quem cognovi, quem confessus sum: tantummodo in ista voce exaudi me. Quia.

Lectio viii.

In cælo jam sedet, qui de conversione nos admonet: jam jugo fidei colla Géntium subdidit, jam mundi glóriam stravit, jam ruinis ejus crebrescentibus, districti sui iudicii diem propinquantem denútiat: et tamen superba mens nostra adhuc non vult hoc sponte desérere, quod quotidie perdit invíta. Quid ergo, fratres carissimi, quid in ejus iudicio dicturi sumus, qui ab amore præsentis sæculi nec præceptis fléctimur, nec verbéribus emendámur?

R. Videns crucem Andréas exclamavit, dicens: O crux admirabilis, o crux desiderabilis, o crux quæ per totum mundum rútilas: * Súscipe discipulum Christi, ac per te me recípiat, qui per te móriens me redémit. V. O bona crux, quæ decórem et pulchritúdinem de membris Dómini suscepísti. Súscipe. Glória Patri. Súscipe.

Lectio ix.

Sed fortásse áliquis tácitis sibi cogitationibus dicat: Ad vocem Dominicam utérque iste piscátor quid, aut quantum dimísit, qui pene nihil hábuit? Sed hac in re, fratres carissimi, afféctum debémus pótius pensáre, quam censum. Multum reliquit, qui sibi nihil retinuit: multum reliquit, qui quantumlibet parum, totum desérui. Certe nos et hábita cum amóre possidémus, et ea, quæ mínime habémus, ex desiderio quærimus. Multum ergo Petrus et Andréas dimísit, quando utérque étiam desidéria habéndereliquit. Te Deum. 14.

Ad Laudes

et per Horas.

Ant. 1. Salve crux pretiósá, * súscipe discipulum ejus, qui péndit in te magister meus Christus.

Ps. Dóminus regnavit. 15.

2. Beátus Andréas * orábat, dicens: Dómine Rex æternæ glóriæ, súscipe me pendéntem in patibulo.

3. Andréas Christi fámulus, * dignus Dei Apóstolus, germánus Petri, et in passióne sócius.

4. Maximílla Christo amábilis * tulit corpus Apóstoli, óptimo loco cum aromátibus sepelívit.

5. Qui persequébantur justum, *
demersisti eos Dómine in inférno,
et in ligno crucis dux justí fuísti.

Capitulum. Rom. 10. b.

Fratres: Corde enim créditur ad
justítiam, ore autem conféssio
fit ad salútem. Dicit enim Scriptú-
ra: Omnis, qui credit in illum, non
confundétur.

Hymnus.

Exsúltet orbis gaúdiis:
Cœlum resúltet laúdibus:
Apostolorum glóriam
Tellus et astra cóncinunt.

Vos sæculorum júdices,
Et vera mundi lúmina:
Votis precámur córdium,
Audíte voces súpplicum.

Qui templa cœli claúditis,
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum prótinus
Languor salúsque séntiunt:
Sanáte mentes lánguidas;
Augéte nos virtútibus.

Ut, cum redíbit Arbiter
In fine Christus sæculi,
Nos sempitérni gaúdii
Concédat esse cómpotes.

Patri, simúlque Fílio,
Tibíque sancte Spíritus,
Sicut fuit, sit júgiter
Sæclum per omne glória.
Amen.

Ÿ. Annuntiavérunt ópera Dei.
R̃. Et facta ejus intellexérunt.

Ad Bened. Ant. Concéde nobis
hóminem justum, redde nobis hó-
minem sanctum: ne interficias hó-
minem Deo carum, justum, man-
suétum, et pium.

Oratio.

Majesfátem tuam Dómine sup-
pliciter exorámus: ut sicut
Ecclésiæ tuæ beátus Andréas Apó-
stolus éxstitit prædicátor et re-
ctor; ita apud te sit pro nobis per-
pétuus intercéssor. Per Dóminum.

Et fit commem. Feriæ.

Ad Tertiam.

Ant. Beátus Andréas.

Capit. Fratres: Corde. ut supra.

R̃. br. In omnem terram * Ex-
ívit sonus eórum. In omnem. Ÿ. Et
in fines orbis terræ verba eórum.
Exívit. Glória Patri. In omnem.

Ÿ. Constítues eos príncipes su-
per omnem terram. R̃. Mémoires
erunt nóminis tui Dómine.

Ad Sextam.

Ant. Andréas Christi fámulus.

Capitulum. Rom. 10. c.

Non enim est distinctio Judæi
et Græci: nam idem Dóminus
ómnium, dives in omnes, qui ínvo-
cant illum. Omnis enim, quicúm-
que invocáverit nomen Dómini,
salvus erit.

R̃. br. Constítues eos príncipes *
Super omnem terram. Constítues.
Ÿ. Mémoires erunt nóminis tui Dñe.
Super. Glória Patri. Constítues.

Ÿ. Nimis honoráti sunt amíci
tui Deus. R̃. Nimis confortátus est
principátus eórum.

Ad Nonam.

Ant. Qui persequébantur justum.

Capitulum. Rom. 10. c.

Isaías enim dicit: Dómine quis
crédidit auditui nostro? Ergo
fides ex auditu, auditus autem per
verbum Christi. Sed dico: Num-
quid non audiérunt? Et quidem
in omnem terram exívit sonus eó-

rum, et in fines orbis terræ verba eorum.

R. br. Nimis honorāti sunt * Amici tui Deus. Nimis. V. Nimis confortātus est principātus eorum. Amici. Glória Patri. Nimis.

V. Annuntiavérunt ópera Dei. R. Et facta ejus intellexérunt.

In II. Vesperis.

Ant. et Capit. de Laud. 364, Psalmi ut in II. Vesp. de Comm. Apost. [13]

Hymnus. Exsúltet orbis. 365.

V. Annuntiavérunt ópera Dei. R. Et facta ejus intellexérunt.

Ad Magnif. Ant. Cum pervenisset beátus Andréas ad locum, ubi crux paráta erat, exclamávit et dixit: O bona crux, diu desideráta, et jam concupiscénti ánimo præparáta: secúrus et gaudens vénio ad te, ita et tu exsúltans suscípias me discipulum ejus, qui pepéndit in te.

Et fit commem. Feriæ.

FESTA DECEMBRIS.

Die 2. Decembris.

S. Bibianæ Virg. et Mart.

Semiduplex.

Omnia dicuntur de Communi Virg. [83] præter sequ.

Oratio.

Deus ómnium largítor bonórum, qui in fámula tua Bibiána cum virginitátis flore martýrii palmam conjunxísti: mentes nostras ejus intercessióne tibi caritáte conjunge; ut amótis perículis præmia consequámur æténa. Per Dóminum.

Et fit commem. Feriæ.

In I. Nocturno Lectiones de Scriptura occurrente.

In II. Nocturno.

Lectio iv.

Bibiána virgo Romána, nóbili génere nata, christiána fide nobílior fuit. Ejus enim pater Flaviánus sub Juliáno Apóstata impiússimo tyránno expræfêctus, servilibúsque notis compunctus, ad aquas Taurinas deportátus, martyr occúbuit. Mater Dáfrósa, et filiae primum conclúsæ domi, ut inédia conficeréntur; mox relegáta mater extra Urbem cápite plexa est. Mórtuis autem piis paréntibus, Bibiána cum soróre sua Demétria bonis ómnibus exspoliátur; Aproniánus Urbis prætor, pecúniis inhians, soróres perséquitur; quas humana prorsus ope destitútas, Deo mirabiliter, qui dat escam esuriéntibus, enutriente, cum vivacióres vegetiorésque conspexisset, veheménter est admirátus.

R. Propter veritátem, et mansuetúdinem, et justítiam: * Et dedúcet te mirabiliter dextera tua. V. Spécie tua et pulchritúdine tua inténde, prospere procéde et regna. Et dedúcet.

Lectio v.

Suádet nihilóminus Aproniánus, ut veneréntur deos Géntium, amíssas ídeo opes, imperatóris grátiam, præclaríssimas nuptias consecutúræ. Si secus fécerint, minátur cárceres, virgas, secúres. At illæ neque blandítiis, neque minis a recta fide declinántes, parátæ pótius mori, quam foedári móribus ethnicórum, prætóris impietátem constantíssime detestántur. Quare Demétria ob óculos Bibiánæ repénite córruens, óbiit in Dó-

mino: Bibiána Rufinæ mulieri vaférrimæ seducénda tráditur, quæ ab incunábulis edócta, cristiánas leges, et illibátum serváre virginitátis florem, se ipsa fórtior féminæ superávit insídias, et prætóris astus delúsit.

R. Dilexísti justítiam, et odísti iniquitátem: * Proptérea unxit te Deus, Deus tuus óleo lætitiæ. V. Propter veritátem, et mansuetúdinem, et justítiam. Proptérea.

Lectio vi.

Nihil autem proficiénte Rufina, quæ, præter dolósa verba, illam quotidie verbéribus affligébat, ut de sancto propósito dimovéret, spe sua frustrátus prætor, accén-sus ira, quod in Bibiána perdidisset óperam, a lictóribus eam denudári, vinctisque mánibus colúmnæ alligári, eámque plumbátis cædi jubet, donec effláret ánimam. Cujus sacrum corpus objéctum cánibus bíduo jácuit in foro Tauri, illæsum tamen, et divínitus servátum; quod deínde Joánnes præsbyter sepelívit noctu juxta sepúlchrum soróris, et matris ad palátium Liciniánum, ubi usque in præsens exstat ecclésia Deo, sanctæ Bibiánæ nómine, dicáta, quam Urbánus octávus instaurávit, sanctárum Bibiánæ, Demétriae, et Dafrosæ corpóribus in ea repértis, et sub ara máxima collocátis.

R. Afferéntur. [91]

In III. Nocturno.

Léctio sancti Evangélii secúndum Matthæum.

Lectio vii. Cap. 13. f.

In illo témpore: Dixit Jesus discipulis suis parábolam hanc: Si-

mile est regnum cœlórum thesaúro abscondito in agro. Et réliqua.

Homilía sancti Gregórii Papæ.

Homil. 11. in Evang.

Cœlórum regnum, fratres carísimi, idcírco terrénis rebus símile dicitur, ut ex his quæ ánimus novit, surgat ad incógnita quæ non novit: quátenus exémplo visibílium se ad invisibília rápiat, et per ea, quæ usu dídicit, quasi confricátus incaléscat: ut per hoc, quod scit notum diligere, discat et incógnita amáre. Ecce enim cœlórum regnum thesaúro abscondito in agro comparátur: quem qui invenit homo, abscondit, et præ gaúdio illíus vadit, et vendit univérsa quæ habet, et emit agrum illum.

R. Hæc est Virgo sápiens, quam Dóminus vigilántem invénit, quæ accéptis lampádibus, sumpsit secum óleum: * Et veniénte Dómino, introívit cum eo ad nuptias. V. Média nocte clamor factus est: Ecce sponsus venit, exíte óbviám ei. Et.

Lectio viii.

Qua in re hoc quoque notándum est, quod invéntus thesaúrus absconditur, ut servétur: quia stúdiu cœléstis desidérii a malignis spirítibus custodíre non súfficit, qui hoc ab humánis laúdibus non abscondit. In præsénti étenim vita, quasi in via sumus, qua ad pátriam pér-gimus. Maligni autem spirítus iter nostrum quasi quidam latrúnculi óbsident. Deprædári ergo desidérat, qui thesaúrum públice portat in via. Hoc autem dico, non ut próximi ópera nostra bona non vídeant, cum scriptum sit: Videant ópera vestra bona, et gloríficent

Patrem vestrum, qui in cœlis est: sed ut per hoc, quod ágimus, laudes extérius non quæramus. Sic autem sit opus in público, quatenus inténtio máneat in occulto: ut et de bono ópere próximis præbeamus exéplum, et tamen per intentiónem, qua Deo soli placere quærimus, semper optémus secretum.

R. Média nocte clamor factus est: * Ecce sponsus venit, exíte óbviám ei. V. Prudentes Vírgines, aptáte vestras lámpades. Ecce. Glória Patri. Ecce.

Lectio ix.

Thesaurus autem cœléste est desiderium: ager vero, in quo thesaurus absconditur, disciplina stúdi cœléstis. Quem profecto agrum venditis ómnibus cómparat, qui voluptátibus carnis renúntians, cuncta sua terréna desidéria per disciplinæ cœléstis custódiam calcat: ut nihil jam, quod caro blanditur, líbeat; nihil quod carnálem vitam trucídat, spíritus perhorrescat.

Te Deum laudámus. 14.

In Laud. fit comem. Fer. in Adventu. Vesperæ de sequ. cum commem. præc. et Feriæ.

Die 3. Decembris.

S. Francisci Xaverii Conf.

Duplex.

Omnia de Communi Confessoris non Pontificis [67] præter sequ.

Oratio.

Deus, qui Indiárum Gentes be-
áti Francisci prædicatióne et
miráculis Ecclésiæ tuæ aggregáre
voluísti: concéde propítius; ut cu-
jus gloriósa mérita venerámur, vir-
tútum quoque imitémur exépla.
Per Dóminum.

Deinde commem. S. Bibianæ.

Ant. Veni sponsa Christi, áccipe
corónam, quam tibi Dóminus præ-
parávit in ætérnum.

V. Diffúsa est grátia in lábiis
tuis. R. Proptérea benedíxit te
Deus in ætérnum.

Oratio. Deus ómnium. 366.

Postea de Feria.

In I. Nocturno Lectiones de Scri-
ptura occurrente.

In II. Nocturno.

Lectio iv.

Franciscus in Xavério diocésis
Pampelonénsis nobilibus pa-
réntibus natus, Parísii san-
cto Ignátio sese cómitem et disci-
pulum junxit. Ipso magistro eo
brevis devénit, ut in rerum diviná-
rum contemplatióne defíxus, a ter-
ra aliquándo sublimis elevarétur:
quod illi sacrificánti coram pópuli
multitúdine aliquóties evénit. Has
ánimi delicias magnis sui córporis
cruciátibus merebátur. Nam inter-
dicto sibi, non carnis solum et vini,
sed panis quoque tritícei usu, víli-
bus cibis vesci sólitus, per bíduum
subínde triduúmque omni prorsus
aliménto abstínuit. Férreis in se
flagéllis ita sæviit, ut sæpe copió-
so cruóre diffúeret; somnum bre-
víssimum humi jacens carpébat.

R. Honéstum fecit illum Dómi-
nus, et custodívit eum ab inimícis,
et a seductóribus tutávit illum: *
Et dedit illi claritátem ætérnam.
V. Justum dedúxit Dñs per vias re-
ctas, et osténdit illi regnum Dei. Et.

Lectio v.

Vitæ austeritáte ac sanctitáte
apostólico múnere jam matú-
rus, cum Joánnes tértius Lusitániæ
rex áliquot nascéntis societátis vi-

ros a Paulo tertio pro Indiis postulasset; sancti Ignatii hortatu, ab eodem Pontifice ad tantum opus cum apostolici Nuntii potestate deligitur. Eo impulsus, illico variarum Gentium difficillimis et variis linguis divinitus instructus apparuit. Quin eum quandoque unico idioma ad diversas Gentes concionantem, unaquaque sua lingua loquentem audivit. Provincias innumeras pedibus semper, et saepe nudis, peragravit. Fidem Japoniae et sex aliis regionibus invexit. Multa centena hominum millia ad Christum in Indiis convertit: magnosque principes, regesque complures sacro fonte expiavit. Et cum tam magna pro Deo ageret, ea erat humilitate, ut sancto Ignatio, tunc praeposito suo, flexis genibus scriberet.

R. Amavit eum Dominus, et ornavit eum: stolam gloriae induit eum, * Et ad portas paradisi coronavit eum. V. Induit eum Dñs lorica[m] fidei, et ornavit eum. Et.

Lectio vi.

Hunc dilatandi Evangelii ardorem multitudine et excellentia miraculorum Dominus roboravit. Caeco visum reddidit. Tantum marinae aquae signo crucis convertit in dulcem, quantum quingentis vectoribus, qui siti adgebantur ad mortem, diu suffecit: qua in varias quoque regiones asportata, aegri plurimi subito curati sunt. Plures mortuos revocavit ad vitam, inter quos pridie sepultum erui iussum e tumulo suscitavit, duosque alios, dum efferrantur, apprehensa eorum manu, parentibus e fetro vivos restituit. Prophetiae spiritu

passim afflatus, plurima et loco et tempore remotissima enuntiavit. Demum in Sanciāno Sinarum insula, die secunda Decembris, obiit plenus meritis, laboribusque confectus. Demortui cadaver viva calore per multos menses bis obrutum, sed penitus incorruptum, odore et sanguine manavit: et ubi Malacam delatum est, pestem saevissimam confestim exstinxit. Denique ubique terrarum novis maximisque fulgentem miraculis, Gregorius decimus quintus Sanctis adscripsit.

R. Iste homo. [72]

In III. Nocturno.

Lectio sancti Evangelii secundum Marcum.

Lectio vii. Cap. 16. c.

In illo tempore: Dixit Jesus discipulis suis: Euntes in mundum universum praedicat[e] Evangelium omni creaturae. Et reliqua.

Homilia sancti Gregorii Papae.

Homilia 29. in Evang. post init.

Potest omnis creaturae nomine omnis natio Gentium designari. Ante enim dictum fuerat: In viam Gentium ne abiieritis; nunc autem dicitur: Praedicat[e] omni creaturae: ut scilicet prius a Judaea Apostolorum repulsa praedicatio tunc nobis in adiutorium fieret, cum hanc illa ad damnationis suae testimonium superba repulisset. Sed cum discipulos ad praedicandum Veritas mittit, quid aliud in mundo facit, nisi grana seminis spargit? Et pauca grana mittit in semine, ut multarum messium fruges recipiat ex nostra fide.

R. Iste est qui ante Deum magnas virtutes operatus est, et de

omni corde suo laudávit Dñm: * Ipse intercédât pro peccátis ómnium populórum. *V.* Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viii.

Neque étenim in univérso mundo tanta fidélium messis exsúrgeret, si de manu Dómini super rationálem terram illa elécta grana prædicántium non veníssent. Séquitur: Qui credíderit, et baptizátus fúerit, salvus erit: qui vero non credíderit, condemnábitur. Fortásse unusquisque apud semetípsum dicat: Ego jam crédidi, salvus ero. Verum dicit, si fidem opéribus tenet. Vera étenim fides est, quæ in hoc, quod verbis dicit, móribus non contradícit. Hinc est enim quod de quibúsdam falsis fidélibus Paulus dicit: Qui confiténtur se nosse Deum, factis autem negant.

R. Sint lumbi vestri præcíncti, et lucérnæ ardéntes in mánibus vestris: * Et vos símiles homínibus expectántibus dóminum suum, quando revertátur a núptiis. *V.* Vigilate ergo, quia nescitis qua hora Dóminus vester ventúrus sit. Et. Glória Patri. Et.

Lectio ix.

Signa autem eos, qui creditúri sunt, hæc sequéntur: In nómine meo dæmónia ejícient, linguis loquéntur novis, serpéntes tollent: et si mortíferum quid bíberint, non eis nocébit: super ægros manus impónent, et bene habébunt. Numquidnam, fratres mei, quia ista signa non fácitis, mínime créditos? Sed hæc necessária in exórdio Ec-

clésiæ fuérunt. Ut enim ad fidem crésceret multitúdo credéntium, miráculis fúerat nutriéndam. Quia et nos, cum arbústa plantámus, tándiu eis aquam infúndimus, quóusque ea in terra jam coaluísse videámus: et si semel radicem fixerint, irrigátio cessábit. Hinc est enim quod Paulus dicit: Linguæ in signum sunt non fidélibus, sed infidélibus. *Te Deum. 14.*

In Laud. fit commemor. Feriæ.

Vesp. a Capit. de sequ. comm. præc. et Feriæ ac S. Barbaræ Virg. et Mart.

Die 4. Decembris.

S. Petri Chrysologi Episc., Conf. et Eccl. Doct.

Duplex.

Omnia de Comm. Conf. Pont. [49] præter sequ. (m. t. v.)

In utrisque Vesp. ad Magnif.

Ant. O Doctor óptime, Ecclésiæ sanctæ lumen, beáte Petre Chrysóloge, divínæ legis amátor, deprecáre pro nobis Filium Dei.

Oratio.

Deus, qui beátum Petrum Chrysólogum Doctórem egrégium, divínitus præmonstrátum, ad regéndam et instruéndam Ecclésiám tuam éligi voluísti: præsta quæsumus; ut quem Doctórem vitæ habuimus in terris, intercessórem habére mereámur in cœlis. Per Dñm.

Et fit. commemor. præced.

Ant. Hic vir despiciens mundum et terréna, triúmphans, divítias cœlo cóndidit ore, manu.

V. Justum dedúxit Dóminus per vias rectas. *R.* Et osténdit illi regnum Dei.

Oratio ut supra. 368.

Postea Feriæ Adv. et S. Barbaræ Virg. et Martyris.

Ant. Veni sponsa Christi, áccipe coronam, quam tibi Dóminus præparávit in ætérnum. -

Ÿ. Spécie tua et pulchritúdine tua. R. Inténde, prospere procéde, et regna.

Oratio.

Deus, qui inter cétera poténtiæ tuæ miracula étiam in sexu frágili victóriam martýrii contulisti: concéde propítius; ut qui beátæ Bárbaræ Vírginis et Mártýris tuæ natalítia cólimus, per ejus ad te exémpa gradiámur. Per Dñm.

In I. Nocturno Lect. Fidélis sermo. de eodem Communi 1. loco. [51]

In II. Nocturno.

Lectio iv.

Petrus, qui ob aúream ejus eloquentiam Chrysólogi cognómen adéptus est, Foro Cornélii in Æmília honéstis paréntibus natus, a prima ætáte ánimus ad religiónem adjiciens, Cornélio Románo, tunc ejúsdem urbis Corneliénsis epíscopo, óperam dedit: a quo étiam, sciéntia et vitæ sanctitáte cum brevi profecísset, diáconus créatus est. Póstrmodum cóntigit, ut Ravennátes ob mortem archipræsulis sui álium (ut moris erat) ab eis eléctum Romam ad sanctum Xystum Papam tertium pro confirmatióne míserint una cum legátis suis, et cum prædicto Cornélio, qui eúmdem levítam secum perdúxit. Interim sanctus Petrus Apóstolus, et Martyr Apollináris Summo Pontífici in somnis apparuérunt, mediúmque habéntes hunc júvenem, jussérunt, ut illum, et non álium, in archiepiscopum Ravénnæ créaret. Hinc Póntifex, mox ut vidit Petrum,

cognóvit eum a Dómino Deo præeléctum: proptérea rejécto illo, quem ipsi offerébant, hunc solum, anno Christi quadringentésimo trigésimo tértio, illi metropolitánæ præfécit ecclésiæ. Quod cum legáti Ravennaténses ægre ferrent, audíta visióne, divínæ voluntáti libénter acquiescéntes, novum archiepiscopum máxima cum reveréntia suscepérunt.

R. Invéni David, servum meum, óleo sancto meo unxi eum: * Manus enim mea auxiliábitur ei. Ÿ. Nihil proficiet inimícus in eo, et filius iniquitátis non nocébit ei. Manus.

Lectio v.

Petrus igitur, licet invítus, in archipræsulem consecrátus, Ravénnam dedúctur: ubi a Valentiniano imperátore, et a Galla Placidia ejus matre, ac ab univérso pópulo máxima lætítia excéptus est. Et illé ab eis id unum pétete dixit, ut quando tantum óneris pro ipsórum salúte subíre non recusávit, studérent ipsi mónitis suis obtemperáre, divínisque præcéptis non obsístere. Duórum sanctórum tunc ibi defunctorum córpora óptimis unguéntis condíta sepelívit, Barbatiani vidélicet presbýteri, et Germáni Antissiodorénsis epíscopi; cujus étiam cucúllam et cilícium sibi vindicávit in hæreditátem. Projéctum, et Marcellinum in episcopos ordinávit. In Classe fontem exstrúxit magnitúdinis vere admirábilis, et templa quædam magnífica ædificávit tum beáto Andréæ Apóstolo, tum áliis Sanctis. Ludos ab homínibus personátis cum váriis saltatió nibus Kaléndis Januárii fieri sólitos concióne cohíbuit acér-

rima: ubi inter alia illud præclare dixit: Qui jocari voluerit cum diabolo, non poterit gaudere cum Christo. Jussu sancti Leonis Papæ primi scripsit postea ad Chalcedonense concilium adversus hæresim Eutychétis. Respondit præterea ad Eutychem ipsum et alia epistola, quæ eidem concilio in novis editionibus præfixa, et in annales ecclesiásticos relata fuit.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei. V. Invéni David servum meum, óleo sancto meo unxi eum. Manus.

Lectio vi.

Dum públice sermónes habéret ad pópulum, ádeo véhemens erat in dicéndo, ut præ nímio ardóre vox illi intérdum defécerit: sicut cóntigit in concióne mulieris hæmorrhóissæ. Unde Ravennátes commóti, tot lácrimis, clamóribus, et oratiónibus locum replevérunt, ut póstea ipse grátias ágeret Deo, quod in lucrum amóris vérterit damnum ejúsdem sermónis. Cum tandem annos círciter decem et octo eam ecclésiám sanctíssimè rexíisset, labórum suórum finem adéssè divínitus prænúscens, in pátriam se cóntulit. Ubi sancti Cassiáni templum ingrèssus, magnum diadéma aúreum, gemmis distíctum pretiosíssimis ófferens, super altáre majus pósuit, necnon aúreum cratérem, et paténam argénteam, quam tum rábidi canis morsus, tum febres sanáre sæpius expértum est, aqua inde demíssa. Ex tunc Ravennátes, qui cúmdem secúti fúerant, dimísit, ádmonens,

ut in eligéndo óptimo pastóre invigilárent atténte. Mox Deum humíliter precátus, et sanctum Cassiánum patrónum, ut benígne ánimam ejus excíperet, tértio Nonas Decémbris plácide ex hac vita migrávit, anno Dómini círciter quadringentésimo quinquagésimo. Sacrum illíus corpus commúni totíus civitátis fletu ac pietáte, prope corpus ejúsdem sancti Cassiáni honorífice cónditum nostris étiam temporibus religiósè cólitur: cujus tamen bráchium, auro et gemmis ornátum, Ravénnam delátum, in Ursiána æde venerátur.

R. Iste est qui. [54]

In III. Noct. Homilia in Evang. Vos estis. de Communi Doct. 1. loco. [64]

In Laud. fit com. Fer. et S. Barbaræ.

Ant. Simile est regnum cœlorum hómini negotiátóri quærénti bonas margarítas: invénta una pretiósa, dedit ómnia sua, et comparávit eam.

V. Diffúsa est grátia in lábiis tuis. R. Proptérea benedíxit te Deus in ætérnum.

Oratio. Deus, qui inter. 371.

In Vesp. commem. Feriæ et sequ.

Die 5. Decembris.

S. Sabbæ Abbatis Comemoratio.

In Vesp. Ant. Similábo eum viro sapiénti, qui ædificávit domum suam supra petram.

V. Amávit eum Dñs, et ornávit eum. R. Stolum glóriæ induit eum.

Oratio.

Intercéssio nos, quæsumus Dómine, beáti Sabbæ Abbátis coméndet: ut quod nostris méritis non valémus, ejus patrocínio assequámur. Per Dóminum.

In Laud. Ant. Euge serve bone et fidélis, quia in pauca fuísti fidélis, supra multa te constítuam, intra in gáudium Dómini tui.

V. Justum dedúxit Dóminus per vias rectas. R. Et osténdit illi regnum Dei.

Die 6. Decembris.

S. Nicolai Episc. et Conf.

Duplex.

Omnia de Communi Conf. Pont. [49] præter sequ.

Oratio.

Deus, qui beátum Nicoláum Pontíficem innúmeris decorásti miraculis: tríbe quæsumus; ut ejus méritis et précibus a gehénnæ incéndiis liberémur. Per Dóminum.

Deinde fit commem. Feriæ.

In I. Nocturno Lectiones de Scriptura occurrente.

In II. Nocturno.

Lectio iv.

Nicoláum, illústri loco Pátaræ in Lýcia natum, paréntes a Deo précibus impetráruunt. Cujus viri sáncritas, quanta futúra esset, jam ab incunábulis appáruit. Nam infans, cum réliquos dies lac nutrícis frequens súgeret, quarta et sexta féria semel dumtáxat, idque vésperi sugébat: quam jejúnii consuetúdinem in réliqua vita semper ténuít. Adoléscens paréntibus orbátus, facultátes suas paupéribus distribuit. Cujus illud insigne est christiánæ benignitátis exéplum; quod cum ejus civis egens tres filias jam núbiles in matrimónio collocáre non posset, earúmque pudicitiam prostituere cogitáret; re cógnita, Nicoláus noctu per fenéstram tantum pecúniæ in ejus domum injécit, quantum unius vír-

ginis doti satis esset: quod cum iterum et tértio fecísset, tres illæ vírgines honéstis viris in matrimónio datae sunt.

R. Invéni David servum meum, óleo sancto meo unxi eum: * Manus enim mea auxiliábitur ei. V. Nihil proficiet inimicus in eo, et filius iniquitátis non nocébit ei. Manus.

Lectio v.

Cum vero se totum Deo dedísset, in Palæstinam proféctus est, ut loca sancta víseret, et præsens venerarétur. Qua in peregrinatione navem conscéndens sérénó cœlo, et tranquillo mari, horribilem nautis tempestátem prædixit: moxque ortam, cum essent omnes in summo perículo, orans mirabíliter sedávit. Unde cum domum revérsus singuláris sanctitátis ómnibus documénta præbéret; Dei admónitu Myram, quæ Lýciæ metrópolis erat, venit: quo témpore ejus urbis epíscopo mórtuo, provinciáles epíscopi de successóre deligéndo consultábant. Itaque in ea deliberatióne divínitus admóniti sunt, ut eum eligerent, qui postrídie mane primus in ecclésiám ingrederétur, Nicoláus nómine. Qua observatióne adhibita, in ecclésiæ jánuá deprehénsus est Nicoláus, et summo ómnium consénsu Myræ epíscopus créatur. In episcopátu castitátem, quam semper colúerat, gravitátem, oratiónis assiduitátem, vigílias, abstinéntiam, liberalitátem, et hospitalitátem, in adhortádo mansuetúdinem, in reprehendédo severitátem perpétuo adhíbuit.

R. Pósuí adjutórium super poténtem, et exaltávi eléctum de

plebe mea: * Manus enim mea auxiliabitur ei. V. Inveni David servum meum, óleo sancto meo unxi eum. Manus.

Lectio vi.

Víduis et órphanis pecúnia, consílio, ópera non defuit: oppressos ádeo sublevávit, ut étiam tres tribúnos, per calúmniam a Constantíno Augústo condemnátos, qui se propter famam ejus miraculórum oratiónibus longíssime absénti commendárant, adhuc vivens, cum imperatóri, mináciter eum terrens, apparuísset, liberáverit. Cum vero contra edíctum Diocletiáni et Maximiani christiánæ fidei veritátem Myræ prædicáret, ab imperatórum satellítibus comprehénsus, et longíssime abductus, in cárcerem conjéctus est: ubi fuit usque ad Constantínium imperátorem: cujus jussu ex custódia eréptus, Myram rédiit. Mox ad Nicáenum concílium se contulit: ubi cum trecéntis illis decem et octo Pátribus Ariánam hæresim condemnávit. Inde revérsus ad episcopátum, non ita multo post, instánte morte, suspiciens in cœlum, cum Angelos sibi occurréntes intuerétur, illo Psalmo pronuntiáto, In te Dómine sperávi; usque ad eum locum, In manus tuas comméndo spíritum meum; in cœlestem pátriam migrávit. Ejus corpus Bárium in Apúlia translátum, ibídem suíma celebritáte ac veneratíone cólitur. R. Iste est. [54]

In III. Noct. Homil. in Evang. Homo peregre. de Com. Conf. Pont. 1. loco. [56]

In Laud. fit commem. Feriæ.

Vesperæ a Capit. de sequ. cum commem. præced. et Feriæ.

Die 7. Decembris.

S. Ambrosii Episcopi, Conf. et Eccl. Doct.

Duplex.

Omnia de Comm. Conf. Pont. [49] præter sequ. (m. t. v.)

Ad Magnif. Ant. O Doctor óptime, Ecclésiæ sanctæ lumen, beáte Ambrósi, divínæ legis amátor, deprecáre pro nobis Fílium Dei.

Oratio.

Deus, qui pópulo tuo æternæ salutis beátum Ambrósium mínistrum tribuísti: præsta, quæsumus; ut quem Doctórem vitæ habuimus in terris, intercessórem habére mereámur in cœlis. Per Dóminum nostrum.

Deinde fit commem. S. Nicolai.

Ant. Amávit eum Dñs, et ornávit eum: stolam glóriæ induit eum, et ad portas paradísi coronávit eum.

V. Justum dedúxit Dóminus per vias rectas. R. Et osténdit illi regnum Dei.

Oratio ut supra. 373.

Postea de Feriæ.

In I. Nocturno Lect. Fidélis sermo. de eodem Comm. 1. loco. [51]

In II. Nocturno.

Lectio iv.

Ambrósius episcopus Mediolanénsis, Ambrósii civis Románi filius, patre Gállíæ præfécito natus est. In hujus infántis ore exámen apum consedisce dicitur: quæ res divínam viri eloquéntiam præmonstrábat. Romæ liberalibus disciplínis eruditus est. Post a Probo præfécito, Ligúriæ et Æmíliæ præpósitus: unde póstea ejúsdem Probi jussu cum potestáte Mediolánum venit: ubi, mórtuo Au-

xéntio Ariáno epíscopo, pópulus de successóre deligéndo dissidébat. Quare Ambrósius, pro officii sui múnere ecclésiám ingrédessus, ut commótam seditiónem sedáret, cum multa de quiéte et tranquillitáte reipúblicæ præcláre dixísset, de repén-te púero Ambrósium episcopum exclamánte, univér-si pópuli vox erúpit, Ambrósium episcopum deposcéntis.

R. Invéni David servum meum, óleo sancto meo unxi eum: * Manus enim mea auxiliábitur ei. V. Nihil proficiet inimicus in eo, et filius iniquitátis non nocébit ei. Manus.

Lectio v.

Recusánte illo, et eórum précibus resisténte, ardens pópuli stúdi-um ad Valentiniánum imperátorem delátum est: cui gratíssimum fuit, a se deléctos júdices ad sacerdotíum postulári. Fuit id étiam Probo præfécto jucúndum, qui Ambrósio proficiscénte quasi divínans dixerat: Vade age, non ut iudex, sed ut epíscopus. Itaque cum ad pópuli desidérium imperatóris volúntas accéderet, Ambrósius baptizátus (erat enim catechúmenus) sacrísque initiátus, ac servátis ómnibus ex institúto Ecclésiæ ór-dinum grádibus, octávo die, qui fuit séptimo Idus Decémbris, episcopále onus suscepit. Factus epíscopus, cathólicam fidem et disciplinam ecclesiásticam acérrime deféndit: multósque Ariános, et álios hæré-ticos ad fidei veritátem convértit, in quibus claríssimum Ecclésiæ lumen sanctum Augustí-num Jesu Christo péperit.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei. V. Invéni David servum meum, óleo sancto meo unxi eum. Manus.

Lectio vi.

Gratiano imperátore occiso, ad Máximum ejus interfectórem legátus íterum proféctus est: eóque pœniténtiam ágere recusánte, se ab ejus communióne semóvit. Theodósium imperátorem, propter cædem Thessaloní-cæ factam, ingrédssu Ecclésiæ prohibuit. Cui, cum ille David quoque regem adúlterum, et homicídám fuisse dixísset, respóndit Ambrósius: Qui secútus es erránte, séquere pœniténtem. Quare Theodósius sibi ab eo impósitam públicam pœniténtiam humiliter egit. Ergo sanctus epíscopus pro Ecclésiá Dei máximis labóribus curísque perfúctus, multis libris étiam egrégie conscriptis, ántequam in morbum incíderet, mortis suæ diem prædixit. Ad quem ægrótum Honorátus Vercellénsis epíscopus, Dei voce ter admónitus, accúrrit, eíque sanctum Dómini corpus præbuit: quo ille sumpto, conformátis in crucis similitúdinem má-nibus, orans, ánimam Deo réddidit pridie Nonas Aprílis, anno post Christum natum trecentésimo nonagésimo séptimo.

R. Iste est qui. [54]

In III. Noct. Homil. in Evang. Vos estis. de Communi Doct. 1. loco. [64]

In Laud. fit commem. Feriæ.

De Vigilia Immacul. Concept. B. M. V. nihil fit nisi in Missa.

Vesp. de sequ. comm. Feriæ tantum.



Die 8. Decembris.

IMMACULATÆ CONCEPTIONIS B. Mariæ V.

Duplex 1. classis.

In I. Vesperis.

Ant. et Capit. de Laud. 385. Psalmi
ut in festis B. M. V. per annum. [133].



Hymnus.

ve maris stella,
Dei Mater alma,
Atque semper Virgo,
Felix cœli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus,
Tulit esse tuus.

Virgo singulâris,
Inter omnes mitis,
Nos culpâs solûtos
Mites fac et castos.
Vitâ præsta puram,
Iter para tutum,
Ut vidéntes Jesum,
Semper collætémur.
Sit laus Deo Patri,
Summo Christo decus,
Spirítui sancto,
Tribus honor unus. Amen.

V. Imaculáta Concéptio est hó-
die sanctæ Mariæ Virginis. R. Quæ
serpéntis caput virgíneo pede con-
trívit.

Ad Magnif. Ant. Beátam me
dicent omnes generatiónes, quia
fecit mihi magna qui potens est,
allelúja.

Oratio.

Deus, qui per Immaculátam Vírginis Conceptionem dignum Fílio tuo habitáculum præparásti: quæsumus; ut qui ex morte ejúdem Fílii tui prævísa, eam ab omni labe præservásti, nos quoque mundos ejus intercessióne ad te pervenire concédas. Per eúmdem Dóminum nostrum.

Deinde fit commem. Feriæ tantum.

Ad Completorium, et alias Horas, in fine Hymnorum dicitur:

Jesu, tibi sit glória,

Qui natus es de Vírgine.

etiam in Festis et Dominica infra Oct. occur.

Ad Matutinum.

Invit. Immaculátam Conceptionem Vírginis Mariæ celebrémus: * Christum ejus Fílium adorémus Dóminum.

Ps. Veníte, exsultémus. 2.

Hymnus.

Præclára custos Vírginum,
Intácta mater Núminis,
Cœléstis aulæ jánuas,
Spes nostra, cœli gáudium.

Inter rubéta lílium,
Colúmba formosíssima,
Virga e radíce gérmínans
Nostro medélam vúlneri.

Turris draconí impérvia,
Amíca stella náufragis,
Tuére nos a fráudibus,
Tuáque luce dírige.

Erróris umbras díscute,
Syrtes dolósas ámove,
Fluctus tot inter, déviis
Tutam reclúde sémitam.

Jesu, tibi sit glória,
Qui natus es de Vírgine,
Cum Patre, et almo Spíritu
In sempitérna sæcula. Amen.

In I. Nocturno.

Ant. Admirábile est nomen tuum * Dómine in univérsa terra, quia in Vírgine María dignum tibi habitáculum præparásti.

Psalmus 8.

Dómine Dóminus noster, * quam admirábile est nomen tuum in univérsa terra!

Quóniam eleváta est magnificéntia tua, * super cœlos.

Ex ore infántium et lacténtium perfecísti laudem propter inimicos tuos, * ut déstruas inimícum et ultórem.

Quóniam vidébo cœlos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam visitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas: ínsuper et pécora campi.

Vólucres cœli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsa terra!

Ant. Admirábile est nomen tuum Dómine in univérsa terra, quia in Vírgine María dignum tibi habitáculum præparásti.

Ant. In sole * pósuit Deus tabernáculum suum.

Psalmus 18.

Cœli enárrant glóriam Dei, * et ópera mánuum ejus annúntiat firmaméntum.

Dies diēi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse tamquam sponsus procedens de thálamo suo:

Exsultávit ut gigas ad curréndam viam, * a summo cœlo egrésio ejus:

Et occúrsus ejus usque ad summum ejus: * nec est qui se abscóndat a calóre ejus.

Lex Dómini immaculáta convértens ánimas: * testimónium Dómini fidèle, sapiéntiam præstans párvulis.

Justítiæ Dómini rectæ, lætificántes corda: * præcéptum Dómini lúcidum: illúminans óculos.

Timor Dómini sanctus, pérmans in sæculum sæculi: * judícia Dñi vera, justificáta in semetípsa.

Desiderabília super aurum et lápidem pretiósium multum: * et dulcióra super mel et favum.

Etenim servus tuus custódit ea, * in custodiéndis illis retribútio multa.

Delicta quis intélligit? ab occúltis meis munda me: * et ab aliénis parce servo tuo.

Si mei non fúerint domináti, tunc immaculátus ero: * et emundábor a delicto máximo.

Et erunt ut compláceant elóquia oris mei: * et meditátio cordis mei in conspéctu tuo semper.

Dómine adjútor meus, * et redémptor meus.

Ant. In sole pósuit Deus tabernáculum suum.

Ant. In Conceptione sua * accépit María benedictiónem a Dómino, et misericórdiam a Deo salutári suo.

Psalmus 23.

Dómini est terra, et plenitúdo ejus: * orbis terrárum, et universi qui hábitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas príncipes vestras, et elevámini portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens: Dóminus potens in prælio.

Attóllite portas príncipes vestras, et elevámini portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. In Conceptione sua accépit María benedictiónem a Dómino, et misericórdiam a Deo salutári suo.

V. Deus omnípotens præcínxit me virtúte. R. Et pósuit immaculátam viam meam.

De libro Génesis.

Lectio i.

Cap. 3.

Serpens erat callídior cunctis animántibus terræ quæ féce-
rat Dóminus Deus. Qui dixit
ad mulierem: Cur præcépít vobis
Deus ut non comederétis de omni
ligno paradísi? Cui respóndit mú-
lier: De fructu lignórum, quæ sunt
in paradíso, véscimur: de fructu
vero ligni, quod est in médio pa-
radísi, præcépít nobis Deus ne
comederémus: et ne tangerémus
illud, ne forte moriámur. Dixit au-
tem serpens ad mulierem: Nequá-
quam morte moriémini. Scit enim
Deus quod in quocúmque die com-
ederítis ex eo, aperiéntur óculi
vestri: et éritis sicut díi, sciéntes
bonum et malum.

R. Per unum hóminem peccá-
tum in hunc mundum intrávit, in
quo omnes peccavérunt. * Ne tí-
meas María, invenísti grátiam apud
Deum. V. Erípuit Dóminus áni-
mam tuam de morte, et contra
inimícum factus est protéctor tuus.
Ne tímeas.

Lectio ii.

Vidit ígitur mulier quod bonum
esset lignum ad vescéndum,
et pulchrum óculis, aspectúque
delectábile: et tulit de fructu illíus,
et comédit: deditque viro suo, qui
comédit. Et apérti sunt óculi am-
bórum: cumque cognovíssent se
esse nudos, consuérunt fólia ficus,
et fecérunt sibi perizómata. Et
cum audíssent vocem Dómini Dei
deambulántis in paradíso ad au-
ram post merídiem, abscondit se
Adam et uxor ejus a fácie Dómini
Dei in médio ligni paradísi.

R. Transíte ad me omnes qui
concupiscitis me: * Et narrábo
vobis quanta fecit Deus ánimæ
meæ. V. Vivit Dóminus, quóniam
adimplévit in me misericórdiam
suam. Et narrábo.

Lectio iii.

Vocavítque Dóminus Deus A-
dam, et dixit ei: Ubi es? Qui
ait: Vocem tuam audívi in para-
díso: et tímui, eo quod nudus es-
sem, et abscondi me. Cui dixit:
Quis enim indicávit tibi quod nu-
dus esses, nisi quod ex ligno de
quo præcéperam tibi ne coméde-
res, comedísti? Dixítque Adam:
Múlier, quam dedísti mihi sóciam,
dedit mihi de ligno, et comédi. Et
dixit Dóminus Deus ad mulierem:
Quare hoc fecísti? Quæ respóndit:
Serpens decépit me, et comédi. Et
ait Dóminus Deus ad serpéntem:
Quia fecísti hoc, maledíctus es in-
ter ómnia animántia, et béstias
terræ: super pectus tuum gradié-
ris, et terram cómedes cunctis dié-
bus vitæ tuæ. Inimicítias ponam
inter te et mulierem, et semen tu-
um et semen illíus: ipsa cónteret
caput tuum, et tu insidiáberis cal-
cáneo ejus.

R. Elécta mea cándida sicut nix
in Líbano; sicut favus distillans lá-
bia ejus: * Mel et lac sub lingua
illíus. V. Veni de Líbano, sponsa
mea, veni coronáberis coróna gra-
tiárum. Mel et lac. Glória Patri.
Mel et lac.

In II. Nocturno.

Ant. Diffúsa est grátia * in Con-
ceptióne ejus, et speciósá appáruit
inter filias hóminum.

Psalms 44.

Fructávit cor meum verbum bonum: * dico ego ópera mea regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis: * proptérea benedíxit te Deus in ætérnum.

Accíngere gládio tuo super femur tuum, * potentíssime,

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justítiam: * et dedúcet te mirabíliter dextera tua.

Sagittæ tuæ acútæ, pópuli sub te cadent, * in corda inimicórum regis.

Sedes tua Deus in sæculum sæculi: * virga directiónis virga regni tui.

Dilexísti justítiam, et odísti iniquitátem: * proptérea unxit te Deus Deus tuus óleo lætitiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis: * ex quibus delectavérunt te filiae regum in honóre tuo.

Astitit regína a dextris tuis in vestítu deauráto: * circúmdata varietáte.

Audi filia, et vide, et inclína aurem tuam: * et oblivíscere pópulum tuum, et domum patris tui.

Et concupíscet Rex decórem tuum: * quóniam ipse est Dóminus Deus tuus, et adorábunt eum.

Et filiae Tyri in munéribus * vul-tum tuum deprecabúntur: omnes dívites plebis.

Omnis glória ejus filiae Regis ab intus, * in fimbriis aúreis circumamícta varietátibus.

Adducéntur Regi vírgines post eam: * próximæ ejus afferéntur tibi.

Afferéntur in lætítia et exsultatióne: * adducéntur in templum Regis.

Pro pátribus tuis nati sunt tibi filii: * constitues eos príncipes super omnem terram.

Mémores erunt nóminis tui: * in omni generatióne et generatió-nem.

Proptérea pópuli confitebúntur tibi in ætérnum: * et in sæculum sæculi.

Ant. Diffúsa est grátia in Conceptione ejus, et speciósá apparuit inter filias hóminum.

Ant. Adjúvit eam * Deus mane dilúculo; sanctificávit tabernáculum suum Altíssimus.

Psalms 45.

Deus noster refúgium, et virtus: * adjútor in tribulatió-nibus, quæ invenérunt nos nimis.

Proptérea non timébimus dum turbábitur terra: * et transferén-tur montes in cor maris.

Sonuérunt, et turbátæ sunt aquæ eórum: * conturbáti sunt montes in fortitúdine ejus.

Flúminis ímpetus lætíficat civitátem Dei: * sanctificávit tabernáculum suum Altíssimus.

Deus in médio ejus, non commovébitur: * adjuvábít eam Deus mane dilúculo.

Conturbátæ sunt Gentes, et inclináta sunt regna: * dedit vocem suam, mota est terra.

Dóminus virtútum nobiscum: * suscéptor noster Deus Jacob.

Veníte, et vidéte ópera Dómini, quæ pósuit prodígia super terram: * aúferens bella usque ad finem terræ.

Arcum cónteret, et confrínget arma: * et scuta combúret igni.

Vacáte, et vidéte quóniam ego sum Deus: * exaltábor in Géntibus, et exaltábor in terra.

Dóminus virtútum nobíscum: * suscéptor noster Deus Jacob.

Ant. Adjúvit eam Deus mane dilúculo; sanctificávit tabernáculum suum Altíssimus.

Ant. Gloriósa * dicta sunt de te, cívitas Dei: fundávit te Dóminus in móntibus sanctis.

Psalmus 86.

Fundaménta ejus in móntibus sanctis: * diligit Dóminus portas Sion super ómnia tabernácula Jacob.

Gloriósa dicta sunt de te, * cívitas Dei.

Memor ero Rahab, et Babylónis * sciéntium me.

Ecce alienígenæ, et Tyrus, et pópulus Æthiopum, * hi fuérunt illic.

Numquid Sion dicet: Homo, et homo natus est in ea: * et ipse fundávit eam Altíssimus?

Dóminus narrábit in scriptúris populórum, et princípum: * horum, qui fuérunt in ea.

Sicut lætántium ómnium * habitatio est in te.

Ant. Gloriósa dicta sunt de te, cívitas Dei: fundávit te Dóminus in móntibus sanctis.

V. In hoc cognóvi quóniam voluísti me. R. Quóniam non gaudébit inimicus meus super me.

Sermo sancti Hierónymi
Presbýteri.

De Assumptione B. M. V.

Lectio iv.

Qualis et quanta esset beáta, et gloriósa semper Virgo María, ab Angelo divínitus declarátur, cum dicitur: Ave grátia plena, Dóminus tecum: benedícta tu in muliéribus. Tálibus namque decébat Vírginem oppignorári mulieribus, ut esset grátia plena, quæ dedit cœlis glóriam, terris Dóminum, pacémque refúdit, fidem Géntibus, finem vítiis, vitæ órđinem, móríbus disciplínam. Et bene plena, quia céteris per partes præstátur: Mariæ vero simul se tota infúdit plenitúdo grátiae. Vere plena, quia etsi in sanctis Pátribus, et Prophétis grátia fuisse créditur, non tamen eátenus plena: in Mariám vero totíus grátiae, quæ in Christo est, plenitúdo venit, quamquam áliter. Et ideo inquit: Benedícta tu in muliéribus: id est plus benedícta, quam omnes mulieres. Ac per hoc quidquid maledictiónis infúsum est per Hevam, totum ábs tulit benedíctio Mariæ. De ipsa Sálomon in Cánticis, quasi in laudem ejus: Veni, inquit, columba mea, immaculáta mea. Jam enim hiems tránsiit, imber ábiit, et recéssit. Ac deínde inquit: Veni de Líbano, veni, coronáberis.

R. Ego ex ore Altíssimi prodívi, primogénita ante omnem creatúram: ego feci in cœlis ut orirétur lumen indeficiens. * Nondum erant abyssi, et ego jam concépta eram. V. Deus enim creávit me in justitia, et apprehéndit manum meam, et servávit me. Nondum.

Lectio v.

Non immérito igitur venire de Libano jubetur, quia Libanus candidatio interpretatur. Erat enim candidata multis meritum virtutibus, et dealbata nive candidior, Spiritus sancti muneribus, simplicitatem columbæ in omnibus repræsentans, quoniam, quidquid in ea gestum est, totum puritas et simplicitas, totum veritas et gratia fuit; totum misericordia et iustitia, quæ de cælo prospexit: et ideo immaculata, quia in nullo corrupta. Circumdedit enim virum in utero, sicut Jeremias sanctus testatur, et non aliunde accepit. Faciet, inquit, Dominus novum super terram, et mulier circumdabit virum. Vere novum, et omnium novitatum supereminens novitas virtutum, quando Deus (quem ferre non potest mundus, neque videre aliquis, ut vivere possit) sic ingressus est hospitium ventris, ut corporis claustrum nesciret: sicque gestatus, ut totus Deus in eo esset: et sic exivit inde, ut esset (sicut Ezéchiel fatetur) porta omnino clausa. Unde canitur in eisdem Canticis de ea: Hortus conclusus, fons signatus, emissiones tuæ paradisus. Vere hortus deliciarum, in quo cõsita sunt universa florum genera, et odoramenta virtutum: sicque conclusus, ut nesciat violari, neque corrumpi ullis insidiarum fraudibus. Fons itaque signatus sigillo totius Trinitatis.

R. Nihil inquinatum in eam incurrit: * Candor est lucis æternæ et speculum sine macula. **V.** Est enim hæc speciosior sole, et luci comparata invenitur purior. Candor.

Lectio vi.

Ex Actis Pii Papæ IX.

Deiparæ autem Virginis in sua Conceptione de teterrimo humani generis hoste victoriam, quam divina eloquia, veneranda traditio, perpetuus Ecclesiæ sensus, singularis episcoporum ac fidelium conspiratio, insignia quoque summorum Pontificum acta atque constitutiones mirifice jam illustrabant, Pius nonus Pontifex Maximus totius Ecclesiæ votis annuens statuit supremo suo atque infallibili oraculo sollemniter proclamare. Itaque sexto Idus Decembris anni millésimi octingentésimi quinquagésimi quarti in basilica Vaticana ingenti sanctæ Romænæ Ecclesiæ patrum Cardinalium, et Episcoporum ex dissitis etiam regionibus astante cœtu, universoque plaudente orbe sollemniter pronuntiavit ac definivit: Doctrinam quæ tenet beatissimam Virginem Mariam in primo instanti suæ Conceptionis fuisse, singulari Dei privilegio, ab omni originæ culpæ labe præservatam imûnem, esse a Deo revelatam, ac proinde ab omnibus fidelibus firmiter constantèrque credendam.

R. Signum magnum apparuit in cælo: Mulier amicta sole, et luna sub pedibus ejus: * Et in capite ejus corona stellarum duodecim. **V.** Induit eam Dominus vestimentis salutis, indumento iustitiæ, et quasi sponsam ornavit eam monilibus suis. Et in. Glória. Et in.

In III. Nocturno.

Ant. Sanctimonia et magnificentia * in Conceptione ejus; annuntiante in omnibus populis gloriam ejus.

Psalmus 95.

Cantáte Dómino cánticum novum: * cantáte Dómino omnis terra.

Cantáte Dómino, et benedicite nómini ejus: * annuntiáte de die in diem salutáre ejus.

Annuntiáte inter Gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis: * terríbilis est super omnes deos.

Quóniam omnes dii Géntium dæmónia: * Dóminus autem coelos fecit.

Conféssio, et pulchritúdo in conspéctu ejus: * sanctimónia et magnificéntia in sanctificatióne ejus.

Afférte Dómino pátriæ Géntium, afférte Dómino glóriam et honórem: * afférte Dómino glóriam nómini ejus.

Tóllite hóstias, et introíte in átria ejus: * adoráte Dóminum in átrio sancto ejus.

Commovéatur a fácie ejus universa terra: * dicite in Géntibus quia Dóminus regnávit.

Etenim corréxit orbem terræ qui non commovébitur: * judicábit pópulos in æquitáte.

Læténtur cœli, et exsúltet terra, commovéatur mare, et plenitúdo ejus: * gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dñi, quia venit: * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Sanctimónia et magnificéntia in Conceptiône ejus; annuntiáte in ómnibus pópulis glóriam ejus.

Ant. Lætámini omnes * in Dómino: et confitémini memóriæ sanctitátis ejus.

Psalmus 96.

Dóminus regnávit, exsúltet terra: * læténtur ínsulæ multæ.

Nubes, et calígo in circúitu ejus: * justítia, et judícium corréctio sedis ejus.

Ignis ante ipsum præcédet, * et inflamábit in circúitu inimícos ejus.

Illuxérunt fúlgura ejus orbi terræ: * vidit, et commóta est terra.

Montes, sicut cera fluxérunt a fácie Dómini: * a fácie Dómini omnis terra.

Annuntiavérunt cœli justítiam ejus: * et vidérunt omnes pópuli glóriam ejus.

Confundántur omnes, qui adorant sculptília: * et qui gloriántur in simulácris suis.

Adoráte eum omnes Angeli ejus: * audívit, et lætáta est Sion.

Et exsultavérunt filiæ Judæ, * propter judícia tua Dómine:

Quóniam tu Dóminus Altíssimus super omnem terram: * nimis exaltátus es super omnes deos.

Qui dilígitis Dóminum, odíte malum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini justí in Dómino: * et confitémini memóriæ sanctificatiónis ejus.

Ant. Lætámini omnes in Dómino: et confitémini memóriæ sanctitátis ejus.

Ant. Notum fecit * Dóminus opus suum: in conspéctu Géntium revelávit glóriam Genitrícis suæ.

Psalmus 97.

Cantáte Dómino cánticum novum: * quia mirabília fecit.

Salvávít sibi délixtera ejus: * et bráchium sanctum ejus.

Notum fecit Dóminus salutáre suum: * in conspéctu Géntium revelávit justítiam suam.

Recordátus est misericórdiæ suæ, * et veritátis suæ dómui Israël.

Vidérunt omnes términi terræ * salutáre Dei nostri.

Jubiláte Deo omnis terra: * cantáte, et exsultáte, et psállite.

Psállite Dómino in cíthara, in cíthara et voce psalmi: * in tubis ductílibus, et voce tubæ córneæ.

Jubiláte in conspéctu regis Dómini: * moveátur mare, et plenitúdo ejus: orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dómini: * quóniam venit judicáre terram.

Judicábit orbem terrárum in justítia, * et pópulos in æquitáte.

Ant. Notum fecit Dóminus opus suum: in conspéctu Géntium revelávit glóriam Genitrícis suæ.

V. Exaltábo te Dómine, quóniam suscepísti me. **R.** Nec deletásti inimícos meos super me.

Lectio sancti Evangélii secúndum Lucam.

Lectio vii. Cap. I. c.

In illo témpore: Missus est Angelus Gábriel a Deo in civitatem Galilææ, cui nomen Názareth, ad Vírginem desponsátam viro, cui nomen erat Joseph, de domo David, et nomen Vírginis María. Et reliqua.

Homília sancti Germáni Epíscopi.

In Præsentatione Deiparæ.



Ave María, grátia plena, Sanctis sánctior, et cœlis excélsior, et Chérubim gloriósior, et Séraphim honorabílior, et super omnem creatúram venerabílior. Ave colúmba, quæ nobis et fructum fers olívæ, et servatórem a spiritali dilúvio, ac portum salutis annúntias, cujus pennæ deargentátæ, et posterióra dorsi in pallóre auri sanctíssimi et illuminántis Spíritus fulgóre irradiántur. Ave amœníssimus et rationalis Dei paradísus, benevolentíssima et omnipoténti ejúsdem dextra hódie ad Oriéntem plantátus, et ipsi suáve olens lílium, et rosam immarcescibilem gérminans in eórum medéllam, qui pestíferam animæque exitiálem amaritúdinem mortis ad Occidéntem ebíberant: paradísus, in quo ad veritátis agnitióem lignum vivíficum effloréscit, e quo qui gustáverint, immortalitátem consequúntur. Ave sacrosáncte ædificátum, imáculátum, puríssimúmque Dei summi Regis palátium, ejúsdem Dei Regis magnificéntia circumornátum, omnésque hospítio recípiens, ac mýsticis reficiens delíciis; in quo non manufactus et vário decóre nitens situs est spirituális sponsi thálamus; in quo Verbum errántem humánam stirpem revocáre volens, carnem sibi desponsávit, ut eos, qui voluntáte própria extórres facti fúerant, Patri reconciliáret.

R. Hortus conclúsus soror mea sponsa, hortus conclúsus, fons signátus: * Emissiões tuæ paradísus, o María. **V.** Aperi mihi, soror

mea, amíca mea, colúmba mea, immaculáta mea. Emissiões tuæ.

Lectio viii.

Ave Dei mons præpínguis et umbrósus, in quo enutrítus agnus rationális peccáta atque infirmitátes nostras portávit: mons, e quo devolútus ille, nulla manu præcísus lapis, contrívit aras idolórum, et factus est in caput ánguli, mirábilis in óculis nostris. Ave sanctus Dei thronus, divínus donárium, domus glóriæ, perpúlchrum ornaméntum, cimélium eléctum, et totíus orbis propitiatórium, coelúmque Dei glóriam enárrans. Ave urna ex puro auro confláta, et suavíssimam animárum nostrárum dulcédinem, Christum scílicet, qui manna est, cóntinens. O puríssima et omni laude et obséquio digníssima Virgo, Deo dicátum donárium omni creaturárum conditióni præcéllens, terra non secta, inarátus ager, vitis floridíssima, fons aquas effúndens, virgo génerans: et mater viri néscia, innocéntiæ thesáurus absconditus, et sanctimóniæ decus; acceptíssimis tuis ac máterna auctoritáte válidis précibus ad Dóminum ac Deum ómnium Conditórem Fílium tuum ex te sine patre génitum, ecclesiástici órdis gubernácula fac dirigas, et ad portum tranqúillum perdúcas.

R. Magnificat ánima mea Dóminum: * Quia fecit mihi magna qui potens est, et sanctum nomen ejus. **V.** Ecce enim ex hoc beátam me dicent omnes generatiões. Quia fecit. Glória Patri. Quia fecit.

Lectio ix.

Sacerdótes justítia, et probátæ, immaculátæ ac sincéræ fidei

exsultatióne splendidíssime indúto. Orthodóxis princípibus, qui præ omni púrpuræ aut auri splendóre, et præ margarítis ac lapídbus pretiósiss, te nacti sunt diadéma et induméntum ac firmíssimum regni sui ornaméntum, in tranqúillo ac próspero statu sceptrá dirige. Male fidas nátiões in te, ac Deum ex te génitum blasphemántes, eórum pédibus sternens subjícito: subjectúmque pópulum, ut secúndum Dei præcéptum in suávi obediéntiæ obséquio perseveret, confirmáto. Tuam hanc civitátem, quæ te tamquam turrim ac fundaméntum habet, victóriæ triúmphis coronáto, et fortitúdine circumcínzens custodíto Dei habitatióne, templi decórem semper conserváto; laudatóres tuos ab omni discrímine et ánimi angóre éxime; captívis redemptionem tribúto; peregrínis tecto, et quovis præsidio destitútis, solámen te exhibe. Univérso mundo auxiliátricem manum tuam pórrige, ut in lætítia et exsultatióne solemnitátes tuas simul cum ista, quam modo celebrámus, festivitáte splendidíssimo éxitu transigámus, in Christo Jesu universórum Rege ac vero Deo nostro, cui glória et fortitúdo una cum sancto vitæque princípío Patre, et coætérno et consubstantiali et conregnánte Spírítu, nunc et semper et in sæcula sæculórum. Amen.

Te Deum laudámus. 14.

Ad Laudes

et per Horas.

Ant. 1. Tota pulchra * es María, et mácula originális non est in te.

Ps. Dóminus regnávít. 15.

2. Vestiméntum tuum * cándidum quasi nix, et fácies tua sicut sol.

3. Tu glória Jerúsalem, * tu lætítia Israël, tu honorificéntia pópuli nostri.

4. Benedícta es tu, * Virgo María, a Dómino Deo excélso præ ómnibus muliéribus super terram.

5. Trahe nos * Virgo immaculáta, post te currémus in odórem unguentórum tuórum.

Capitulum.

Prov. 8.

Dóminus possédit me in inítio viárum suárum, ántequam quidquam fáceret a princípío. Ab ætérno ordináta sum, et ex antíquis ántequam terra fieret. Nondum erant abyssi, et ego jam concépta eram.

Hymnus.

O gloriósa víginum,
Sublímis inter sídera,
Qui te creávit, párvulum
Lacténte nutris úbere.

Quod Heva tristis ábstulit,
Tu reddis almo gérmine:
Intrent ut astra flébiles,
Coeli reclúdis cárdines.

Tu regis alti jánuā,
Et aula lucis fúlgida:
Vitā datam per Víginem
Gentes redémtæ plaúdite.

Jesu, tibi sit glória,
Qui natus es de Vírgine,
Cum Patre, et almo Spírítu
In sempitérna sæcula.

Amen.

Ÿ. Immaculáta Concéptio est hodie sanctæ Mariæ Víginis. R. Quæ serpéntis caput virgíneo pede contrívit.

Ad Bened. Ant. Ait Dóminus Deus * ad serpéntem: Inimicitias ponam inter te et mulierem, et semen tuum et semen illius: ipsa cónteret caput tuum, allelúja.

Oratio.

Deus, qui per Immaculátam Víginis Conceptionem dignum Fílio tuo habitáculum præparásti: quæsumus; ut qui ex morte ejúsdem Filii tui prævísa, eam ab omni labe præservásti, nos quoque mundos ejus intercessióne ad te pervenire concédas. Per eúmdem Dñm.

Deinde fit commemoratio Feriæ.

Ad Primam.

In R. br. dicitur Ÿ. Qui natus es de Mariá Vírgine. etiam per totam Octavam.

Ad Tertiam.

Ant. Vestiméntum tuum.

Capit. Dñs possédit. ut supra.

R. br. Deus omnípotens * Præcínxit me virtúte. Deus. Ÿ. Et pósuit immaculátam viam meam. Præcínxit. Glória Patri. Deus.

Ÿ. In hoc cognóvi quóniam voluísti me. R. Quóniam non gaudébit inimícus meus super me.

Ad Sextam.

Ant. Tu glória Jerúsalem.

Capitulum. Ezech. 44.

Porta hæc clausa erit, non aperiétur, et vir non intrábit per eam, quóniam Dóminus Deus Israël ingræssus est per eam: erítque clausa Principi. Princeps ipse sedébit in ea.

R. br. In hoc cognóvi, * Quóniam voluísti me. In hoc. Ÿ. Quóniam non gaudébit inimícus meus super me. Quóniam. Glória Patri. In.

Ÿ. Exaltábo te Dómine, quóniam suscepísti me. R. Nec delectásti inimícos meos super me.

Ad Nonam.

Ant. Trahe nos.

Capitulum.

Apoc. 12.

Signum magnum appáruit in cœlo: Múlier amícta sole, et luna sub pédibus ejus, et in cápite ejus coróna stellárum duódecim.

R. br. Exaltábo te Dómine, * Quóniam suscepísti me. Exaltábo. Ÿ. Nec delectásti inimícos meos super me. Quóniam suscepísti. Glória Patri. Exaltábo.

Ÿ. Immaculáta Concéptio tua Dei Génitrix Virgo. R. Gaúdium annuntiávit univérso mundo.

In II. Vesperis.

Omnia ut in I. Vesp. 376, præter

Ad Magnif. Ant. Hódie egréssa est * virga de radíce Jesse: hódie sine ulla peccáti labe concépta est María: hódie contrítum est ab ea caput serpéntis antíqui, allelúja.

Et fit commemoratio Feriæ.

Die 9. Decembris.

Secunda die infra Octavam

Immaculatæ Concept. B. M. V.

Omnia ut in festo. 376.

In I. Nocturno Lectiones de Scriptura occurrente.

In II. Nocturno.

Ex Bulla dogmática Pii Papæ noni.

Lectio iv.

Ineffábilis Deus, cujus viæ misericórdia et véritas, cujus volúntas omnipoténtia, et cujus sapiéntia attingit a fine usque ad finem fórtiter, et dispónit ómnia suáriter, cum ab omni æternitate præviderit luctuosíssimam totíus

humáni géneris ruínam ex Adámi transgressióne derivándam, atque in mystério a sæculis abscóndito primum suæ bonitátis opus decreverit per Verbi incarnatióem sacraménto occultióre complére, ut contra miséricors suum propósitum homo diabólicæ iniquitátis versútia actus in culpam non períret, et quod in primo Adámo casúrum erat, in secúndo felicius erigerétur, ab inítio et ante sæcula unigénito Fílio suo Matrem, ex qua caro factus in beáta témporum plenitúdine nascerétur, elégit atque ordinávit, tantóque præ creatúris univérsis est prosecútus amóre, ut in illa una sibi propensíssima volúntate complacúerit.

R. Ego ex ore Altíssimi prodívi, primogénita ante omnem creatúram: ego feci in cœlis ut orirétur lumen indeficiens. * Nondum erant abyssi, et ego jam concépta eram. Ÿ. Deus enim creávit me in justítia, et apprehéndit manum meam, et servávit me. Nondum.

Lectio v.

Quaprópter illam longe ante omnes angélicos spíritus, cunctósque Sanctos cœléstium ómnium charísmatum cópia de thesaúro divinitátis depróptá ita mirífice cumulávit, ut ipsa ab omni prorsus peccáti labe semper líbera, ac tota pulchra et perfécta eam inñocéntiæ et sanctitátis plenitúdinem præ se ferret, qua major sub Deo nullátenuus intelligitur, et quam præter Deum nemo ássequi cogitádo potest. Et quidem decébat omnino, ut perfectíssimæ sanctitátis splendóribus semper ornáta fulgérét, ac vel ab ipsa originális culpæ

labe plane immúnis amplíssimum de antiquo serpente triúmphum referret tam venerábilis mater, cui Deus Pater únicum Fílium suum, quem de corde suo æquálem sibi génitum, tamquam seípsum diligit, ita dare dispósuit, ut naturáliter esset unus idémque commúnis Dei Patris et Vírginis Fílius.

R. Nihil inquinátum in eam incurrít: * Candor est lucis æternæ et spéculum sine mácula. V. Est enim hæc speciósior sole, et luci comparáta invenitur púrior. Candor est.

Lectio vi.

Quam originálem augústæ Vírginis innocéntiam cum admirábili ejúsdem sanctitáte præcel-sáque Dei Matris dignitáte omnino cohæréntem cathólica Ecclésia, quæ a sancto semper edócta Spírítu columna est ac firmaméntum veritátis, tamquam doctrínam pós-sidens divínitus accéptam, et cœ-léstis revelatiónis depósito comprehénsam multiplici continénter ratióne, splendidisque factis magis in dies explicáre, propónere ac fovére numquam déstitit. Hanc enim doctrínam ab antiquíssimis temporibus vigéntem, ac fidélium ánimis pénitus ínsitam, et sacrórum Antístitum curis studiisque per cathólicum orbem mirífice propagátam, ipsa Ecclésia luculentíssime significávit, cum ejúsdem Vírginis Conceptionem público fidélium cúltoi ac veneratióni propónere non dubitávit. Quo illústri quidem facto ipsíus Vírginis Concepti-onem véluti singulárem, miram et a reliquórum hóminum primórdiis longíssime secrétam, et omnino

sanctam coléndam exhibuit, cum Ecclésia nónnisi de Sanctis dies festos concélebret.

R. Signum magnum. 382.

In III. Nocturno.

Léctio sancti Evángelii secúndum Lucam.

Lectio vii. Cap. 1. c.

In illo témpore: Missus est Angelus Gábriel a Deo in civitátem Galilææ, cui nomen Názareth, ad Vírginem desponsátam viro, cui nomen erat Joseph, de domo David, et nomen Vírginis María. Et réliqua.

Homília sancti Sophrónii Epíscopi.

Homília in Deiparæ Annunt.

Quid missus beátus ille Angelus ad Vírginem integérrimam dicit? Aut quómodo faustíssimum hoc núntium ipsi defert? Ave grátia plena, Dóminus tecum. A gaudio incipit eam álloqui ille gaúdii núntius. Nóverat enim et plane sciébat, núntium illud suum univérstis homínibus atque ómnibus páriter creatúris gaúdium paráre, et quóslibet a quibuscúmque dolóres expéllere; nóverat, ex divína hujus mystérii cognitióne mundum lúmine collustrári; nóverat, erróris dísjici caliginem; nóverat, retúndi mortis acúleum; nóverat, vim corruptiόνis infríngi; nóverat, inférno victóriam auférri; nóverat, salútem pérdito affulgére hómini, qui horum malórum jugo jámdiu premebátur, ex quo scilicet a paradísi delíciis expúlsus, et a beáto illo domicílio ejéctus fúerat. Proptérea legatiónis suæ exórdium a gaudio ducit; proptérea sermónibus suis gaúdii voces præmittit;

propterea faustis hisce nuntiis gaudium antecedit, utpote quæ omnibus credentibus gaudio futura erant.

R. Hortus conclusus soror mea sponsa, hortus conclusus, fons signatus: * Emissiones tuæ paradisus, o María. V. Aperi mihi, soror mea, amica mea, columba mea, immaculata mea. Emissiones tuæ.

Lectio viii.

Et sane par omnino erat, ut divina gaudii denuntiatio a sermonibus verbisque gaudium elicientibus sumeret initium. Propterea enim et Angelus gaudium ante omnia renuntiat, quia faustæ legationis suæ non ignorat exitum, ac probe novit colloquium quod habebatur, in totius mundi gaudium manifeste esse cessurum. Et profecto quodnam gaudium, aut quænam reperiri potest iucunditas, quam non longe excedat alloquium ad Virginem illam beatam ac gaudii parentem habitum? Gaude o supercoelestis gaudii genitrix. Gaude o sublimissimi gaudii nutrix. Gaude o salutaris gaudii sedes princeps. Gaude o immortalis gaudii auctrix. Gaude o ineffabilis gaudii mysticum diversorium. Gaude o indeficientis gaudii fons beatissime. Gaude o gaudii æterni deiferum cimelium. Gaude o vivificantis gaudii arbor virentissima. Gaude o innupta Dei Mater. Gaude o Virgo post partum integerrima. Gaude o spectaculum præ mirabilibus omnibus summe admirandum.

R. Magnificat anima mea Dominum: * Quia fecit mihi magna qui potens est, et sanctum nomen ejus.

V. Ecce enim ex hoc beatam me dicent omnes generationes. Quia. Glória Patri. Quia.

Lectio ix.

Quisnam tuum eloqui splendorem poterit? Quisnam portentum, quod ipsa es, enarrare verbis audeat? Quisnam magnificentiam tuam effari se posse confidet? Tu hominum exornasti naturam; tu Angelorum ordines superasti; tu fulgores Archangelorum obtinebrasti; tu sublimes Thronorum sedes infra te ostendisti; tu altitudinem Dominationum depressisti; tu Principatuum ducatibus præcucurristi; tu enervasti fortitudinem Potestatum; tu ipsis Virtutibus potentior virtus prodiisti; tu Chérubim oculatissimum visum terrestribus oculis vicisti; tu Séraphim sex alas habentium volatus animæ pennis divinitus agitatús transvolasti; tu denique omnem creaturam longe transgressa es; quippe quæ præ omni creatura enituiisti puritate; et omnium creaturarum Conditorem in te excepisti; ipsúmque et sinu tuo gestasti, et genuisti; et sola ex omnibus creaturis Dei Mater effecta es.

Te Deum laudamus. 14.

In Laudibus commemor. Feriæ.

In Vesperis comm. Feriæ et S. Melchiadis Papæ et Mart.

Ant. Iste sanctus pro lege Dei sui certavit usque ad mortem, et a verbis impiorum non tímuit: fundátus enim erat supra firmam petram.

V. Glória et honóre coronasti eum Dómine. R. Et constituisti eum super ópera mánuum tuárum.

Oratio.

Infirmi^{tas} nostram respice o^mnipotens Deus: et quia pondus propriæ acti^onis gravat, be^{at}i Melchiadis Mártiris tui atque Pontificis interc^ossio glori^osa nos prótegat. Per Dóminum.

Die 10. Decembris.

Tertia die infra Octavam

Immaculatæ Concept. B. M. V.

In I. Nocturno Lectiones de Scriptura occurrente.

In II. Nocturno.

Ex Bulla dogmática Pii Papæ noni.

Lectio iv.

Ipsissima verba, quibus divínæ Scripturæ de increáta Sapientia loquúntur, ejúsque sempiternas origines repræsentant, consuévít (Eccl^{esi}a) tum in ecclesiásticis officiis, tum in sacrosáncta liturgía adhibére et ad illius Vírginis primórdia transférre, quæ uno eodémque decréto cum divínæ Sapientiae incarnatione fúerant præstitúta. Quamvis autem hæc ómnia penes fidéles ubique prope recépta osténdant, quo stúdio ejúsmodi de Immaculatá Vírginis Conceptione doctrinam ipsa quoque Romána Eccl^{esi}a ómnium ecclesiárum mater et magistra fúerit prosecúta, tamen illústria hujus Eccl^{esi}æ facta digna plane sunt, quæ nominátim recenseántur, cum tanta sit ejúsdem Eccl^{esi}æ dignitas atque auctoritas, quanta illi omníno debétur, quæ est cathólicæ veritátis et unitátis centrum, in qua solum inviolabíliter fuit custodíta religio, et ex qua tráducem fidei réliquæ omnes eccl^{esi}æ mutuéntur opórtet.

R. Ego ex ore. 381.

Lectio v.

Itaque éadem Romána Eccl^{esi}a nihil pótius hábuit, quam eloquentíssimis quibúsque modis Immaculatam Vírginis Conceptionem, ejúsque cultum et doctrinam assérere, tuéri, promovére et vindicáre. Enim vero prædecessóres nostri veheménter gloriáti sunt apostólica sua auctoritáte festum Conceptionis in Romána Eccl^{esi}a instítuere, ac próprio Offício, propriáque Missa, quibus prærogatíva immunitátis ab hæreditária labe manifestíssime asserebátur, augére, honestáre et cultum jam instítutum omni ope promovére, amplificáre, sive erogátis indulgéntiis, sive facultáte tribúta civitatibus, provinciis regnisque, ut Deíparam sub título Immaculatæ Conceptionis patrónam sibi deligerent, sive comprobátis sodalitátibus, congregatióibus, religiosisque famíliis ad Immaculatæ Conceptionis honórem instítutis, sive laúdibus eórum pietáti delátis, qui monastéria, xenodochía, altária, templa sub Immaculáti Concéptus título eréxerint, aut sacraménti religióne interpósita Immaculatam Deíparæ Conceptionem strénue propugnáre spopónderint.

R. Nihil inquinátum. 382.

Lectio vi.

Insuper summópere lætáti sunt decérnere Conceptionis festum ab omni eccl^{esi}a esse habéndum eódem censu ac número quo festum Nativitátis, idémque Conceptionis festum cum octáva ab univér^{sa} Eccl^{esi}a celebrándum, et ab ómnibus inter ea quæ præcépta sunt, sancte coléndum, ac pontifi-

ciam capellam in patriarchali nostra Liberiána basilica die Vírginis Conceptionis sacro quotánnis esse peragendam. Atque exoptántes in fidélium ánimis quotidie magis fovére hanc de Immaculáta Deíparæ Conceptione doctrínam, eorúmque pietátem excitáre ad ipsam Vírginem sine labe origináli concéptam colendam et venerándam, gávísí sunt quam libentíssime facultátem tribúere, ut in Lauretánis Litaníis, et in ipsa Missæ Præfatióne Immaculátus ejúsdem Vírginis proclaméretur Concéptus, atque ádeo lex credéndi ipsa supplicándi lege statuerétur. *R.* Signum. 382.

In III. Nocturno.

Léctio sancti Evangélíi secúndum Lucam.

Lectio vii. Cap. 1. c.

In illo témpore: Missus est Angelus Gábriel a Deo in civitatem Galilææ, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Et réliqua.

Homília sancti Bernárdi Abbátis.

Ex Homília 2. super Missus.

Lætáre, pater Adam, sed magis tu, o Heva mater, exsúlta, qui sicut ómnium paréntes, ita ómnium fuístis peremptóres; et quod infelícíus est, prius peremptóres quam paréntes. Ambo, inquam, consolámini super filia, et tali filia, sed illa ámplius de qua malum ortum est prius, cujus oppróbrium in omnes pertransívit mulieres. Instat namque tempus, quo jam tollátur oppróbrium, nec hábeat vir quid causétur advérsus

féminam: qui útique, dum se imprudénter excusáre conarétur, crudéliter illam accusáre non cunctátus est, dicens: Múlier quam dedísti mihi, dedit mihi de ligno, et comédi. Proptérea curre Heva ad Mariám; curre mater ad filiam; filia pro matre respóndeat: ipsa matris oppróbrium aúferat; ipsa patri pro matre satisfáciat: quia ecce si vir cécidit per féminam, jam non erígitur nisi per féminam.

R. Hortus conclusus. 384.

Lectio viii.

Quid dicébas, o Adam? Múlier quam dedísti mihi, dedit mihi de ligno, et comédi. Verba malítiæ sunt hæc quibus magis aúgeas quam déleas culpam. Verúmtamen Sapiéntia vicit malítiam, cum occasione vénia, quam a te Deus interrogádo elícere tentávit, sed non pótuit, in thesaúro indeficiéntis suæ pietátis invénit. Rédditur nempe fémina pro fémina, prudens pro fátua, húmilis pro supérba, quæ pro ligno mortis gustum tibi pórrigat vitæ, et pro venenóso cibo illo amaritúdinis, dulcédinem páriat fructus ætérni. Muta ergo iniquæ excusatiónis verbum in vocem gratiárum actiόνis, et dic: Dómine, múlier, quam dedísti mihi, dedit mihi de ligno vitæ, et comédi; et dulce factum est super mel ori meo, quia in ipso vivificásti me. Ecce enim ad hoc missus est Angelus ad Vírginem. O admirándam et omni honóre digníssimam Vírginem; o féminam singuláriter venerándam, super omnes féminas admirábilem, paréntum reparatricem, posterórum vivificatricem.

R. Magnificat ánima. 385.

Lectio ix.

Quam tibi áliam prædixisse Deus videtur, quando ad serpéntem ait: Inimicitias ponam inter te et mulierem? Et si adhuc dúbitas, quod de Mariá dixerit, audi quod séquitur: Ipsa cónteret caput tuum. Cui hæc serváta victória est, nisi Mariæ? Ipsa procul dúbio caput contrivit venenátum, quæ omnimodam maligni suggestiónem tam de carnis illécebra, quam de mentis supérbia dedúxit ad níhilum. Quam vero áliam Sálomon requirébat, cum dicébat: Mulierem fortem quis invéniet? Nóverat quippe vir sápiens hujus sexus infirmitátem, frágle corpus, lúbri- cam mentem. Quia tamen et Deum légerat promisisse, et ita vidébat congruere, ut qui vícerat per féminam, vincerétur per ipsam, veheménter admirans ajébat: Mulierem fortem quis invéniet? Quod est dicere: si ita de manu féminæ pendet et nostra ómnium salus, et innocentíæ restitútio, et de hoste victória: fortis omníno necesse est ut provideátur, quæ ad tantum opus possit esse idónea. Te Deum. 14.

In Laud. fit com. Fer. ac S. Melehiadis.

Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. R. Sicut cedrus Libani multiplicábitur.

Oratio. Infirmitátem. 390.

Vesp. a Capit. de sequ. cum comem. Oct. et Feriæ.

Die 11. Decembris.

S. Damasi Papæ et Confess.

Semiduplex.

Omnia de Comuni Conf. Pont. [49] præter sequentia.

Oratio.

Exáudi Dómine preces nostras: et interveniénte beáto Dámaso Confessóre tuo atque Pontífice, indulgéntiam nobis tríbue placátus et pacem. Per Dóminum.

Deinde fit commem. Oct.

Ant. Hódie egréssa est virga de radice Jesse: hódie sine ulla peccáti labe concépta est Mariá: hódie contrítum est ab ea caput serpéntis antiqui, allelúja.

V. Imaculáta Concéptio est hódie sanctæ Mariæ Vírginis. R. Quæ serpéntis caput virgíneo pede contrivit.

Oratio.

Deus, qui per Immaculátam Vírginis Conceptionem dignum Fílio tuo habitáculum præparásti: quæsumus; ut qui ex morte ejúdem Fílii tui prævísa, eam ab omni labe præservásti, nos quoque mundos ejus intercessióne ad te pervenire concédas. Per eúndem Dñm.

In I. Nocturno Lectiones de Scriptura occurrente.

In II. Nocturno.

Lectio iv.

Dámasus Hispanus, vir egrégus et eruditus in Scriptúris, indícto primo Constantino- politáno concílio nefáriam Eunómii et Macedónii hæresim exstinxit. Idem Ariminensem convéntum a Libério jam ante rejéctum, iterum condemnávit: in quo, ut scribit sanctus Hierónymus, Valéntis potíssimum et Ursáciij fraudibus damnátio Nicæænæ fidei conclamáta fuit: et ingemíscens orbis terrárum, se Ariánum esse mirátus est.

R. Invéni David servum meum, óleo sancto meo unxi eum: * Ma-

nus enim mea auxiliábitur ei. *V.* Nihil proficiet inimicus in eo, et filius iniquitátis non nocébit ei. Manus.

Lectio v.

Basilicas duas ædificávit, álteram sancti Lauréntii nómine ad theátrum Pompéji, quam máximis munéribus auxit, eíque domos et prædia attribuit: álteram via Ardeatína ad Catacúmbas. Platóniam étiam, ubi córpora sanctorum Petri et Pauli aliquámdiu jacuérent, dedicávit, et exornávit elegantibus vérsibus. Idémque prosa et versu scripsit de virginitáte, múltaque ália metro édedit.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei. *V.* Invéni David servum meum, óleo sancto meo unxi eum. Manus enim.

Lectio vi.

Poenam taliónis constitúit iis, qui álterum falsi crimínis accusásent. Státuit, ut, quod plúribus jam locis erat in usu, Psalmi per omnes ecclésiass die noctúque ab altérnis caneréntur; et in fine cuiúsque Psalmi dicerétur: Glória Patri, et Fílio, et Spirítui sancto. Ejus jussu sanctus Hierónymus novum testaméntum Græcæ fidei réddidit. Cum Ecclésiám rexisset annos decem et septem, menses duos, dies viginti sex, et habúisset ordinatiónes quinque mense Decémbri, quibus creávit presbýteros trigínta unum, diáconos úndecim, epíscopos per diversa loca sexagínta duos; virtúte, doctrína, ac prudéntia clarus, prope octogenárius, Theodósio senióre imperánte, obdormívit in Dómino: et via Ardeatína una cum

matre et soróre sepúltus est in basilíca, quam ipse ædificáverat. Illíus reliquiæ póstea translátæ sunt in ecclésiám sancti Lauréntii, ab ejus nómine in Dámaso vocátam.

R. Iste est qui. [54]

In III. Nocturno Homilia in Evang. Vigiláte, quia nescítis. de eodem Comuni 2. loco. [61]

In Laudibus commem. Oct.

Ant. Ait Dóminus Deus ad serpéntem: Inimicitías ponam inter te et mulierem, et semen tuum et semen illíus: ipsa cónteret caput tuum, allelúja.

V. Immaculáta Concéptio. et Oratio. Deus, qui. ut supra. 392.

Postea de Feria occur.

Vesp. a Capit. de Oct. cum coñem. S. Damasi.

Ant. Dum esset summus Pón-tifex, terréna non méruit, sed ad cœléstia regna gloriósus migrávit.

V. Justum dedúxit Dóminus per vias rectas. *R.* Et osténdit illi regnum Dei.

Postea de Feria occur.

Die 12. Decembris.

Quinta die infra Octavam

Immaculatæ Concept. B. M. V.

In I. Noct. Lectiones de Scriptura occurrente.

In II. Nocturno.

Ex Bulla dogmática Pii Papæ noni.

Lectio iv.

Quóniam quæ ad cultum pértinent, íntimo plane vínculo cum ejúsdem objécto consérta sunt, neque rata et fixa manére possunt, si illud anceps sit et in ambíguo versétur, idcirco decessóres nostri Románi Pontífices

omni cura Conceptionis cultum amplificantes, illius etiam objectum ac doctrinam declarare, et inculcare impensissime studuerunt. Etenim clare apertèque docuere, festum agi de Virginis Conceptione, atque uti falsam et ab Ecclesiæ mente alienissimam proscripsérunt illorum opinionem qui non Conceptionem ipsam, sed sanctificationem ab Ecclesiâ coli arbi-traréntur et affirmarent.

R. Ego ex ore Altissimi prodívi, primogénita ante omnem creaturam: ego feci in cœlis ut orirétur lumen indeficiens. * Nondum erant abyssi, et ego jam concepta eram. V. Deus enim creávit me in justitia, et apprehéndit manum meam, et servávit me. Nondum.

Lectio v.

Neque mítius cum iis agendum esse existimáront, qui ad labe-factándam de Immaculáta Virginis Conceptione doctrinam, excogitáto inter primum atque álterum Conceptionis instans et moméntum discrimine, asserébant, celebrári quidem Conceptionem, sed non pro primo instánti atque moménto. Ipsi namque prædecessóres nostri suárum pártium esse duxérunt, et beatíssimæ Virginis Conceptionis festum, et Conceptionem pro primo instánti tamquam verum cultus objectum omni stúdio tuéri ac propugnáre. Hinc decretória plane verba, quibus Alexander séptimus decéssor noster sincéram Ecclesiæ mentem declarávit, inquit: Sane vetus est Christifidélium erga ejus beatíssimam Matrem Virginem Mariám pietas sentiéntium, ejus ánimam in primo

instánti creatiónis atque infusiónis in corpus fuisse speciáli Dei grátia et privilégio, intúitu meritórum Jesu Christi ejus Filii humáni géneris Redemptóris, a mácula peccáti originális præservátam immúnem, atque in hoc sensu ejus Conceptionis festivitátem solémni ritu coléntium et celebrántium.

R. Nihil inquinátum in eam incúrrit: * Candor est lucis æternæ et spéculum sine mácula. V. Est enim hæc speciósior sole, et luci comparáta invenítur púrior. Candor est.

Lectio vi.

Atque illud in primis solémne quoque fuit iisdem decessóri-bus nostris, doctrinam de Immaculáta Dei Matris Conceptione sartam tectámque omni cura, stúdio et contentióne tuéri. Etenim non solum nullátenus passi sunt, ipsam doctrinam quovis modo a quópiam notári atque tradúci, verum etiam longe ultérius progréssi, perspicuis declaratió nibus iteratísque vicibus edixérunt: Doctrinam qua Immaculátam Virginis Conceptionem profitémur, esse, suóque mérito habéri cum ecclesiástico cultu plane cónsonam, eámque véterem, ac prope universálem et ejúsmodi, quam Romána Ecclesiá sibi fovéndam tuendámque suscepérit, atque omníno dignam, quæ in sacra ipsa liturgía, solemnioribúsque précibus usurparétur. Neque his contenti, ut ipsa de Immaculáto Virginis Concéptu doctrína invioláta persisteret, opinió nem huic doctrinæ advérsam, sive públice; sive privátim, deféndi posse severíssime prohibuere, eámque multi-

plici véluti vúlnerē conféctam esse voluérunt.

R̃. Signum magnum. 382.

In III. Nocturno.


Léctio sancti Evangélíi secúndum
Lucam.

Lectio vii. Cap. 1. c.

In illo témpore: Missus est Angelus Gábriel a Deo in civitátem Galiléæ, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Et réliqua.

Homília sancti Tharásii Epíscopi.

De Præsentatione Deiparæ.

uibus te laúdibus cumulá-bimus, María? O puélla imma-culáta; o virgo impollúta; o mulierum ornámētum, filiárum nitor! O mater Virgo sancta, tu benedícta inter mulieres; tu celebráta propter innocéntiam; tu ob-signáta virginitáte. Tu Adámi maledícti expiátio; tu débiti Hevæ solútio. Tu Abélis puríssima oblátio; primogenitórum deléctus; im-maculátum sacrificium. Tu Enos in Deum spes non pudóre suffúsa; tu Enoch ínta grátia, et in secúram vitam migrátio. Tu Noë arca, et secúndæ regeneratiónis apud Deum conciliátio. Tu regni et sacerdotíi Melchisedech perillústris splendor; tu Abrahámi firma fidúcia et promissiónis futúre posteri-tátis óbsequens fides. Tu Isaac novum sacrificium et rationále holocaústum; tu Jacob in scalam ascénsus causa, et fœcunditátis in duódecim tribus permanéntis exp-réssio nobilíssima. Tu Judæ apparuísti secúndum stirpem filia; tu

Joséphi pudicítia et véteris Ægýpti, nimírum synagógæ Judæórum evérsio, o Immaculáta! Tu Móysis ejusdémque legislatóris liber divínus concinnátus, in quo scriptum est sacraméntum regeneratiónis, et divínis dígitis inscúlpta in tábulis lex est tamquam in monte Sina, ubi novus Israël ab intelligibílium Ægyptiórum servitúte vindicábitur, quemádmódum antíquus pópulus in solitúdine manna et aqua de petra satiátus est, petra autem erat Christus e tuo grémio proditúrus tamquam sponsus de thá-lamo. Tu Aarónis virga floréscens; tu es Davídis filia fimbriis aúreis circumvestíta vário ornátu nitéscens.

R̃. Hortus conclúsus soror mea sponsa, hortus conclúsus, fons signátus: * Emissiões tuæ paradísus, o María. Ṽ. Aperi mihi, soror mea, amíca mea, colúmba mea, im-maculáta mea. Emissiões tuæ.

Lectio viii.

Tu es prophetárum spéculum, et rerum ab illis prænuntiátarum éxitus. Te eníxe Ezéchiél vaticinans appellávit portam clausam, per quam nemo hóminum umquam transíbit nisi Dóminus Deus solus, et portam clausam conservábit. Te Isaías ille in primis grandíloquus prænúntiat virgam Jesse, ex qua flos Christus oriétur, et frutícibus vitiórum exstirpátis radícitus, plantas divínæ cognitiónis in agro ín-seret. Te Jeremías præmonstrávit ínquiens: Ecce dies vénient, dicit Dóminus, et fériam dómui Israël et dómui Judæ fœdus novum, quod constitui cum pátribus eórum, ita significans advéntum ortúmque fi-

lii tui, et pópulum Géntium vocans ad Deum adorándum inde usque a finibus terræ. Te étiam Dániel vir desideriórum proclamávit montem ingéntem, e quo Christus lapis anguláris abscindétur, et simulácrum multifórmis serpéntis ruína atque exítio dissipábit. Te honóro agnam immaculátam, te prædico grátia plenam, te cano Dei habitatióne puram et immaculátam. Et sane ubi abundávit delíctum, superabundávit grátia. Per mulierem mortem lucráti sumus, per mulierem univérſa ipse rursus instaurábit. Per serpéntem cibum accépimus amári saporis, per ipsum vero rursum vescémur cibo immortalitátis. Prima parens Heva Caínum in lucem édedit invídiæ et nequitiæ príncipem; unigénitus Fílius tuus erit primogénitus vitæ et resurrectiόνis. O inaudítum prodígium! O admirándam novitatem! O sapiéntiam nullis verbis coæquándam!

R. Magnificat ánima mea Dóminum: * Quia fecit mihi magna qui potens est, et sanctum nomen ejus. V. Ecce enim ex hoc beátam me dicent omnes generatiónes. Quia. Glória Patri. Quia.

Lectio ix.

Nos autem pópulus Dei, gens sancta, congregátio acceptábilis, filii colúmbæ, sóboles grátiae in hac Vírginis celebritáte puris ánimis, impollútis lábiis, multisonis linguis hymnos suavidicos extollámus. Illústre hoc festum, príncipem solemnitátem Angelis lætam et hóminum prædicatióne digníssimam, prouti par est, venerántes illud Ave Gabriélis cum reveréntia

et gaúdio sancto conclamémus. Ave delícium Patris, per quam ad últimos terræ fines Dei cognítio manávit. Ave Fílii domicílium, de qua ille carne indútus prodívit. Ave sancti Spíritus habitáculum ineffábile. Ave sánctor Chérubim; ave gloriósior Séraphim; ave coelo látior; ave sole splendídior; ave luna micántior; ave múltiplex astrórum nitor; ave levis nubes, quæ coeléstem plúviam inspérgis. Ave aura sancta, quæ spíritum malítiæ a terra dissipásti. Ave nóbile præcónium Prophetárum; ave Apostolórum audítus per totum orbem sonus; ave Mártyrum excellens conféssio; ave Patriarchárum laudatíssima prædicatió; ave Sanctórum summum ornáméntum. Ave causa salutis ómnium mortálium; ave regína pacis conciliátrix; ave matrum splendor immaculátus. Ave mediátrix ómnium, qui sub coelo sunt; ave totíus orbis reparátio; ave grátia plena, Dóminus tecum, qui ante te, et ex te, et nobíscum. Ipsi laus cum Patre et sanctíssimo et vivífico Spíritu, nunc et semper, et in infinita sæcula sæculórum. Amen.

Te Deum laudámus. 14.

In Laudibus fit comm. Feriæ.

Vesperæ de sequ. cum comm. Oct. et Feriæ.

Die 13. Decembris.

S. Luciae Virginis et Martyris.

. Duplex.

Omnia de Comm. Virg. [83] præter sequentia.

In I. Vesperis.

Ant. et Capit. de Laud. 400. Ps. et Hymn. de Comm. Virg. [83]

V. Spécie tua et pulchritudine tua. **R.** Inténde, prospere procéde, et regna.

Ad Magnif. Ant. In tua patiéntia possedísti ánimam tuam, Lúcia sponsa Christi: odísti quæ in mundo sunt, et corúscas cum Angelis: ságuine próprio inimicum vicísti.

Oratio.

Exauði nos Deus salutáris noster: ut sicut de beátæ Lúciæ Virginitis et Mártiris tuæ festivitáte gaudémus; ita piæ devotiónis erudiámur afféctu. Per Dóminum.

Et fit commem. Octavæ.

Ant. Hódie egréssa est virga de radíce Jesse: hódie sine ulla peccáti labe concépta est María: hódie contrítum est ab ea caput serpéntis antiqui, allelúja.

V. Imaculáta Concéptio est hódie sanctæ Mariæ Virginitis. **R.** Quæ serpéntis caput virgíneo pede contrívit.

Oratio.

Deus, qui per Immaculátam Virginitis Conceptionem dignum Fílio tuo habitáculum præparásti: quæsumus; ut qui ex morte ejúdem Filii tui prævísa, eam ab omni labe præservásti, nos quoque mundos ejus intercessióne ad te pervenire concédas. Per eúndem Dñm.

Postea Feriæ.

Ad Matutinum.

In I. Nocturno.

De Epístola prima beáti Pauli Apóstoli ad Corínthios.

Lectio i.

Cap. 7. e.

De virgínibus præcéptum Dómini non hábeo: consílium autem do, tamquam misericórdiam consecútus a Dómino ut

sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri? noli quærere solutiónem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulatiónem tamen carnis habébunt hujúsmodi. Ego autem vobis parco. Hoc itaq̃ue dico, fratres: Tempus breve est: reliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudéntes: et qui emunt, tamquam non possidéntes: et qui utúntur hoc mundo, tamquam non utántur: præterit enim figúra hujus mundi.

R. Lúcia virgo, quid a me petis, quod ipsa póteris præstáre continuo matri tuæ? nam et fides tua illi subvénit, et ecce salváta est: * Quia jucúndum Deo in tua virginitáte habitáculum præparásti. **V.** Sicut per me cívitas Catanénsium sublimátur a Christo, ita per te Syracúsána cívitas decorábitur. Quia.

Lectio ii.

Volo autem vos sine sollicitúdine esse. Qui sine uxóre est, sollicitus est quæ Dómini sunt, quómodo pláceat Deo. Qui autem cum uxóre est, sollicitus est quæ sunt mundi, quómodo pláceat uxóri, et divísus est. Et múlter innúpta, et virgo cógitat quæ Dómini sunt, ut sit sancta córpore, et spíritu. Quæ autem nupta est, cógitat quæ sunt mundi, quómodo pláceat viro. Porro hoc ad utilitátem vestram dico: non ut láqueum vobis injíciam, sed ad id, quod honéstum

est, et quod facultátem præbeat sine impediménto Dóminum obsecrándi.

R. Rogávi Dóminum meum Jesum Christum, ut ignis iste non dominétur mei: * Et impetrávi a Dómino indúcias martýrii mei. V. Pro eo ut me diligerent, detrahébant mihi: ego autem orábam. Et.

Lectio iii.

Si quis autem turpem se vidéri exístimat super vírgine sua, quod sit superadúlta, et ita opórtet fieri: quod vult fáciat: non peccat, si nubat. Nam qui státuit in corde suo firmus, non habens necessitátem, potestátem autem habens suæ voluntátis, et hoc iudicávit in corde suo, serváre vírginem suam, bene facit. Igitur et qui matrimónio jungit vírginem suam, bene facit: et qui non jungit, mélius facit. Múlier alligáta est legi quanto témpore vir ejus vivit. Quod si dormierit vir ejus, liberáta est: cui vult nubat, tantum in Dómino. Beátior autem erit si sic permanserit, secúndum meum consilium: puto autem quod et ego Spíritum Dei hábeam.

R. Grata facta est a Dómino in certámine, quia apud Deum et apud hómines glorificáta est: in conspéctu princípis loquebátur sapientiam: * Et Dñs ómnium diléxit eam. V. Adjuvábít eam Deus vultu suo: Deus in médio ejus, non comóvèbitur. Et. Glória Patri. Et.

In II. Nocturno.

Lectio iv.

Lúcia virgo Syracusána genere et christiána fide ab infántia nóbilis, una cum matre Eu-

týchia, quæ sánguinis fluxu laborábat, Cátanam ad venerándum corpus beátæ Agathæ venit: quæ ad ejus sepúlchrum cum supplíciter orásset, Agathæ intercessióne matri sanitátem impetrávit. Statim vero matrem exorávit, ut quam dotem sibi datúra esset, Christi paupéribus tríbui paterétur. Ut igitur Syracúsas rédiit, omnem pecúniám, quam ex facultátibus vénditis redégerat, paupéribus tríbuit.

R. Veni sponsa Christi, áccipe corónam, quam tibi Dóminus præparávit in ætérnum: pro cujus amóre sánguinem tuum fudísti, * Et cum Angelis in paradísium introísti. V. Veni elécta mea, et ponam in te thronum meum, quia concupívit Rex spéciem tuam. Et cum Angelis.

Lectio v.

Quod ubi rescivísset is, cui eam paréntes contra vírginis voluntátem despónderant, apud Paschásum præfécum Lúciám, quod Christiána esset, accusávit. Quam ille cum nec précibus, nec minis ad cultum idolórum posset perdúcere: imo tanto magis incénsam vidéret ad celebrándas christiánæ fidei laudes, quanto magis ipse eam a senténtia avértere conabátur: Cessábunt, inquit, verba, cum ventum erit ad vérbera. Cui virgo: Dei servis verba deesse non possunt, quibus a Christo Dómino dictum est: Cum stetéritis ante reges et præsides, nolíte cogitáre quómodo aut quid loquámini: dábitur enim vobis in illa hora quid loquámini: non enim vos estis qui loquí-

mini, sed Spiritus sanctus, qui loquitur in vobis.

R. Diffusa est gratia in labiis tuis: * Propterea benedixit te Deus in ætérnum. V. Spécie tua et pulchritudine tua inténde, prospere procéde, et regna. Propterea benedixit.

Lectio vi.

Quam cum Paschásius interrogasset, Estne in te Spiritus sanctus? respondit: Caste et pie vivéntes templum sunt Spiritus sancti. At ille: Jubébo te ad lupánar duci, ut te Spiritus sanctus désérat. Cui virgo: Si invitam jússeris violári, cástitas mihi duplicábitur ad corónam. Quare Paschásius ira inflammátus, Lúciam eo trahi jussit, ubi ejus virgíntas violarétur: sed divínus factum est, ut firma virgo ita consisteret, ut nulla vi de loco dimovéri posset. Quamóbrem præfèctus circum ipsam, pice, resína, ac fervénti óleo perfúsam, ignem accéndi imperávit: sed cum ne flamma quidem eam læderet, multis torméntis excruciatæ guttur gládio transfígitur. Quo vulnere accépto, Lúcia prædicens Ecclésiæ tranquillitatem, quæ futura erat Diocletiáno et Maximiáno mórtuis, Idibus Decémbris spíritum Deo réddidit. Cujus corpus Syracúsus sepúltum, deínde Constantínópolim, postrémo Venétias translátum est.

R. Spécie tua et pulchritudine tua * Inténde, prospere procéde, et regna. V. Diffusa est gratia in labiis tuis, propterea benedixit te Deus in ætérnum. Inténde. Glória Patri. Inténde.

In III. Nocturno.

Léctio sancti Evangélii secúndum Matthæum.

Lectio vii. Cap. 13. f.

In illo témpore: Dixit Jesus discipulis suis parábolam hanc: Símile est regnum coelórum thesaúro abscondito in agro. Et réliqua.

Homilia sancti Gregórii Papæ.

Homilia 11. in Evangelia.

Cœlórum regnum, fratres carísimi, idcírco terrénis rebus símile dícitur, ut ex his quæ ánimus novit, surgat ad incógnita quæ non novit: quátenus exémplo visibílium se ad invisibília rápiat, et per ea, quæ usu dídicit, quasi confricátus incaléscat: ut per hoc quod scit notum dilígere, discat et incógnita amáre. Ecce enim coelórum regnum thesaúro abscondito in agro comparátur: quem qui invenit homo abscondit, et præ gaudio illius vadit, et vendit univérsa quæ habet, et emit agrum illum.

R. Propter veritatem, et mansuetudinem, et justitiam: * Et dedúcet te mirabíliter dextera tua. V. Spécie tua et pulchritudine tua inténde, prospere procéde, et regna. Et dedúcet.

Lectio viii.

Qua in re hoc quoque notándum est, quod invéntus thesaúrus absconditur, ut servétur: quia stúdiu coeléstis desidérii a malignis spíritibus custodíre non sùfficit, qui hoc ab humánis laúdis non abscondit. In præsénti étenim vita, quasi in via sumus, qua ad pátriam pérgimus. Maligni autem spíritus iter nostrum quasi quidam latrúnculi óbsident. Deprædári ergo de-

síderat, qui thesaúrum públice portat in via. Hoc autem dico, non ut próximi ópera nostra bona non videant, cum scriptum sit: Videant ópera vestra bona, et gloríficent Patrem vestrum, qui in cœlis est: sed ut per hoc, quod ágimus, laudes extérius non quæramus. Sic autem sit opus in público, quátenus inténtio máneat in occúlto: ut et de bono ópere próximis præbeámus exémplum, et tamen per intentióem, qua Deo soli placere quærimus, semper optémus secrétum.

R. Dilexísti justítiam, et odísti iniquitátem: * Proptérea unxit te Deus, Deus tuus óleo lætítiæ. V. Propter veritátem, et mansuetúdinem, et justítiam. Proptérea. Glória Patri. Proptérea.

Lectio ix.

Thesaúrus autem cœléste est desiderium: ager vero, in quo thesaúrus absconditur, disciplína stúdií cœlestis. Quem profecto agrum venditis ómnibus comparat, qui voluptátibus carnis renúntians, cuncta sua terréna desideria per disciplínæ cœlestis custódiam calcet: ut nihil jam, quod caro blanditur, libeat; nihil, quod carnálem vitam trucídat, spíritus perhorrescat. Te Deum laudámus. 14.

Ad Laudes

et per Horas.

Ant. 1. Oránte sancta Lúcia, * appáruit ei beáta Agatha, et consolabátur ancíllam Christi.

Psalm. Dóminus regnávít. 15.

2. Lúcia virgo * quid a me petis, quod ipsa póteris præstare continuo matri tuæ?

3. Per te Lúcia virgo * cívitas Syracusána decorábitur a Dómino Jesu Christo.

4. Benedíco te * Pater Dñi mei Jesu Christi, quia per Fílium tuum ignis exstíctus est a látere meo.

5. Soror mea Lúcia, * virgo Deo devóta, quid a me petis, quod ipsa póteris præstare continuo matri tuæ?

Capitulum.

2. Cor. 10. d.

Fratres: Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat.

Hymnus.

Jesu, coróna Vírginum,
Quem mater illa concipit,
Quæ sola Virgo párturit:
Hæc vota clemens áccipe.

Qui pergis inter lília,
Septus choréis Vírginum,
Sponsus decórus glória,
Sponsisque reddens præmia.

Quocúmque tendis, Vírgines
Sequúntur, atque laúdibus
Post te canéntes cúrsitant,
Hymnósque dulces pèrsonant.

Te deprecámur súpplīces;
Nostris ut addas sènsibus,
Nescíre prorsus ómnia
Corruptiõnis vúlnera.

Jesu, tibi sit glória,
Qui natus es de Vírgine,
Cum Patre, et almo Spíritu
In sempitérna sæcula. Amen.

V. Diffúsa est grátia in lábiis tuis. R. Proptérea benedíxit te Deus in ætérnum.

Ad Bened. Ant. Colúmna es inmóbilis, Lúcia sponsa Christi: quia omnis plebs te expéctat, ut accípias corónam vitæ, allelúja.

Oratio.

Exaudi nos Deus salutáris noster: ut sicut de beátæ Lúciæ Vírginis et Mártiris tuæ festivitáte gaudémus; ita piæ devotiónis erudiámur afféctu. Per Dóminum.

Et fit commem. Octavæ.

Ant. Ait Dóminus Deus ad serpéntem: Inimicitias ponam inter te et mulierem, et semen tuum et semen illius: ipsa cónteret caput tuum, allelúja.

℣. Imaculáta Concéptio est hodie sanctæ Mariæ Vírginis. **R.** Quæ serpéntis caput virgíneo pede contrívit.

Oratio.

Deus, qui per Immaculátam Vírginis Conceptionem dignum Filio tuo habitáculum præparásti: quæsumus; ut qui ex morte ejusdem Filii tui prævísa, eam ab omni labe præservásti, nos quoque mundos ejus intercessióne ad te pervenire concédas. Per eúndem Dñm.

Postea Feriæ.

Ad Tertiam.

Ant. Lúcia virgo.

Capit. Fratres: Qui. 400.

R. br. Spécie tua * Et pulchritúdine tua. Spécie tua. **℣.** Inténde, prospere procéde, et regna. Et. Glória Patri. Spécie.

℣. Adjuvabit eam Deus vultu suo. **R.** Deus in médio ejus, non commovébitur.

Ad Sextam.

Ant. Per te Lúcia virgo.

Capitulum. 2. Cor. 11.

Æmulator enim vos Dei æmulatione. Despóndi enim vos uni viro vírginem castam exhibére Christo.

R. br. Adjuvabit eam * Deus vultu suo. Adjuvabit. **℣.** Deus in médio ejus, non commovébitur. Deus. Glória Patri. Adjuvabit.

℣. Elégit eam Deus, et præelégit eam. **R.** In tabernáculo suo habitáre facit eam.

Ad Nonam.

Ant. Soror mea Lúcia.

Capitulum. Eccli. 51. b.

Dómine Deus meus, exaltásti super terram habitatióne meam, et pro morte defluente deprecáta sum. Invocávi Dñm Patrem Dómini mei, ut non derelinquat me in die tribulatiónis meæ, et in tēpore superbórum sine adjutório.

R. br. Elégit eam Deus, * Et præelégit eam. Elégit. **℣.** In tabernáculo suo habitáre facit eam. Et præelégit. Glória Patri. Elégit.

℣. Diffúsa est grátia in lábiis tuis. **R.** Proptérea benedixit te Deus in ætérnum.

In II. Vesperis.

Omnia ut in I. Vesp. 396, præter:

℣. Diffúsa est grátia in lábiis tuis. **R.** Proptérea benedixit te Deus in ætérnum.

Ad Magnif. Ant. Tanto póndere eam fixit Spíritus sanctus, ut virgo Christi immóbilis permaneret.

Commem. Octavæ 397. et Feriæ.

Quando festum S. Lucíæ incidit in Domin. III. Advent., de eo fit tantum commem. in utrisque Vesp. et Laud. absque ix. Lect.

Die 14. Decembris.

Septima die infra Octavam
Immaculatæ Concept. B. M. V.


In I. Nocturno Lectiones de Scriptura occurrente. In Quat. Temp. Ego sapiéntia. ut in Festis B. M. V. [137] cum R̃R̃. ut in festo.

Si hodie occurrat Feriã IV. Quatuor Temp., Homil. in Evang. hujus Feriæ. cum sit idem, omittitur: de ea tamen FERIA fit commem. in Laud.

In II. Nocturno.

Ex Bulla dogmática Pii Papæ noni.

Lectio iv.

mnes norunt quanto stúdio hæc de Immaculata Deiparæ Virginis Conceptione doctrina a spectatissimis religiõsis familiis et celebrioribus theologicis academiiis, ac præstantissimis divinarum rerum scientia doctoribus fuerit tradita, asserta ac propugnata. Omnes pariter norunt quantopere solliciti fuerint sacrorum Antistites vel in ipsis ecclesiasticis conventibus palam publicèque profiteri, sanctissimam Dei Genitricem Virginem Mariam ob prævisa Christi Domini Redemptoris mèrita numquam originali subjacuisse peccato, sed præservatam omnino fuisse ab originis labe, et idcirco sublimiori modo redemptam. Quibus illud profecto gravissimum et omnino maximum accedit, ipsam quoque Tridentinam synodum, cum dogmaticum de peccato originali ederet decretum, quo juxta sacrarum Scripturarum sanctorumque Patrum ac probatissimorum conciliorum testimonia statuit ac definivit: Omnes homines nasci originali culpa infectos; tamen solèmniter declarasse: Non esse suæ intentionis, in decreto ipso tantæque definitionis amplitudine comprehendere beatam et Immaculatam Virginem Dei Genitricem Mariam. Hac enim declaratione Tridentini Patres, ipsam beatissimam Virginem ab originali labe solu-

tam, pro rerum temporumque adiunctis, satis innuerunt, atque adeo perspicue significarunt, nihil ex divinis litteris, nihil ex traditione, Patrumque auctoritate rite afferri posse, quod tantæ Virginis prærogativæ quovis modo refragetur.

R. Ego ex ore Altissimi prodivi, primogenita ante omnem creaturam: ego feci in cœlis ut oriretur lumen indeficiens. * Nondum erant abyssi, et ego jam concepta eram. V. Deus enim creavit me in justitia, et apprehendit manum meam, et servavit me. Nondum.

Lectio v.

Et re quidem vera hanc de Immaculata beatissimæ Virginis Conceptione doctrinam quotidie magis gravissimo Ecclesiæ sensu, magisterio, stúdio, scientia ac sapientia tam splendide explicatam, declaratam, confirmatam, et apud omnes catholici orbis populos ac nationes mirandum in modum propagatam, in ipsa Ecclesiâ semper exstitisse veluti a maioribus acceptam, ac revelatæ doctrinæ caractere insignitam, illustria venerandæ antiquitatis Ecclesiæ orientalis et occidentalis monimenta validissime testantur. Equidem Patres Ecclesiæque scriptores, cœlestibus edocti eloquiis, nihil antiquius habuere, quam in libris ad explicandas Scripturas, vindicanda dogmata, erudiendosque fideles elucubratis, summam Virginis sanctitatem, dignitatem, atque ab omni peccati labe integritatem, ejusque præclaram de teterrimo humani generis hoste victoriam, multis mirisque modis certatim prædicare atque efferre.

R. Nihil inquinatum in eam incurrit: * Candor est lucis æternæ et speculum sine macula. V. Est enim hæc speciosior sole, et luci comparata invenitur purior. Candor est.

Lectio vi.

Quapropter enarrantes verba, quibus Deus preparata renovandis mortalibus suæ pietatis remedia inter ipsa mundi primordia prænuntians; et deceptoris serpentis retudit audaciam et nostri generis spem mirifice erexit inquires: Inimicitias ponam inter te et mulierem, et semen tuum et semen illius, docuere: divino hoc oraculo clare apertèque demonstratum fuisse misericordem humani generis Redemptorem, scilicet unigenitum Dei Filium Christum Jesum, ac designatam beatissimam ejus Matrem Virginem Mariam, ac simul ipsissimas utriusque contra diabolum inimicitias insigniter expressas. Quocirca sicut Christus Dei hominumque mediator, humana assumpta natura, delens quod adversus nos erat chirographum decreti, illud cruci triumphator affixit, sic sanctissima Virgo, arctissimo et indissolubili vinculo cum eo conjuncta, una cum illo et per illum, sempiternas contra venenosum serpentem inimicitias exercens ac de ipso plenissime triumphans, illius caput immaculato pede contrivit.

R. Signum magnum. 382.

In III. Nocturno.

Lectio sancti Evangelii secundum Lucam.

Lectio vii. Cap. 1. c.

In illo tempore: Missus est Angelus Gabriel a Deo in civitatem

Galilææ, cui nomen Nazareth, ad Virginem desponsatam viro, cui nomen erat Joseph, de domo David, et nomen Virginis Maria. Et reliqua.

Homilia sancti Sophronii Episcopi.

Homilia in Deiparæ Annunt.



Vere benedicta tu in mulieribus, quoniam Hevæ maledictionem in benedictionem commutasti; quoniam Adam, qui prius jacebat execratione percussus, ut per te benediceretur effecisti. Vere benedicta tu in mulieribus, quoniam benedictio Patris per te affulsit hominibus, eosque a veteri maledicto liberavit. Vere benedicta tu in mulieribus, quia per te progenitores tui salutem inveniunt; tu siquidem genitura es Servatorem, qui divinam ipsis salutem comparabit. Vere benedicta tu in mulieribus, quoniam sine semine eum protulisti fructum, qui benedictionem terrarum orbi elargitur, ipsumque a maledictione spinas germinante redimit. Vere benedicta tu in mulieribus, quia mulier naturali conditione cum sis, Dei tamen Genitrix reipsa fies. Etenim si, qui ex te nasciturus est, secundum veritatem Deus est incarnatus, ipsa jure meritoque diceris Deipara, quippe quæ Deum verissime paris.

R. Hortus conclusus soror mea sponsa, hortus conclusus, fons signatus: * Emissiones tuæ paradissus, o Maria. V. Aperi mihi, soror mea, amica mea, columba mea, immaculata mea. Emissiones tuæ.

Lectio viii.

Ne timeas Maria, invenisti enim apud Deum gratiam perire

nesciam; invenisti apud Deum gratiam præ quolibet eximiam; invenisti apud Deum gratiam omnibus votis expetendam; invenisti apud Deum gratiam omnium gratiarum splendidissimam; invenisti apud Deum gratiam numquam elanguentem; invenisti apud Deum gratiam quæ te salvam præstet; invenisti apud Deum gratiam, quæ nullo impetu quatiatur; invenisti apud Deum gratiam plane invictam; invenisti apud Deum gratiam perenniter duraturam. Et alii quidem, iique plures ante te eximia sanctitate floruerunt. Sed nemini, quemadmodum tibi, plena gratia impertita est; nemo sicut tu, ad tantum magnificentiae est evectus; nemo sicut tu, purificante gratia præoccupatus est; nemo sicut tu, coelesti lumine refulsit; nemo sicut tu, præ omni celsitudine exaltatus est.

R. Magnificat anima mea Dominum: * Quia fecit mihi magna qui potens est, et sanctum nomen ejus. V. Ecce enim ex hoc beatam me dicent omnes generationes. Quia. Glória Patri. Quia.

Lectio ix.

Et mérito quidem; nemo enim sicut tu, ad Deum tam prope accessit; nemo sicut tu, Dei donis ditatus est; nemo sicut tu, Dei gratiae particeps fuit. Omnia vincis, quaecúmque inter homines emineant; omnia superas múnera, quæ effusa a Dei largitate in quoslibet dimanaverint. Plus enim omnibus inhabitantis Dei possessione ditescis. Nemo sic in se Deum complécti pótuit; nemo pótuit sic frui Dei præséntia; nemo dignus est

hábitus, qui sic per Deum illuminarétur; ac propterea non modo Deum omnium Conditorem ac Dominum in te excepisti, sed eum habes ex te ineffabiliter incarnatum, atque in útero tuo gestatum, et post hæc génitum, et universos homines a paterna condemnatione redimentem, ac salutem, quæ nullum finem habitura sit, ipsis elargientem. Et propterea tibi clamavi, atque iterum vehementer clamabo: Ave gratia plena, Dominus tecum: benedicta tu in mulieribus.

Te Deum laudamus. 14.

In Laud. fit commem. Feriæ.

Ad Vesperas.

Duplex.

Omnia ut in I. Vesp. festi 376. cum commemoratione Feriæ.

Si dies Octava Immac. Conceptionis B. M. V. inciderit in Dom. III. Adv., fit Officium de Dom. hoc modo: Vesp. in Sabbato præced. dicuntur de Feriâ ut in Psalt. 123. et a Capit. fit de Dom. 151. cum commem. diei Octav. ut in I. Vesperis festi sine Suffrag. et Prec. consuetis.

Sequenti die fit de Dom. prædicta, cum comm. Oct. in Laud. et II. Vesp.

Die 15. Decembris.

In Octava

Immaculatæ Concept. B. M. V.

Duplex.

Omnia ut in Festo. 376. præter sequ.

In II. Nocturno.

Ex Bulla dogmática Pii Papæ noni.

Lectio iv.

Ab antiquis temporibus sacrorum Antistites, ecclesiastici viri, regulares ordines ac vel ipsi imperatores et reges ab hac apostolica Sede enixe efflagitarunt, ut Immaculata sanctissimæ Dei Genitricis Concéptio véluti ca-

tholicæ fidei dogma definirétur. Quæ postulationes hac nostra quoque ætate iteratæ fuérunt, ac potissimum felícis recordationis Gregório decimoséxto prædecessóri nostro, ac nobis ipsis oblátæ sunt tum ab episcopis, tum a clero sæculári, tum a religiósis familiis, ac summis princípibus et fidélibus pópulis. Nos itaque singulári ánimí nostri gaudio hæc ómnia probe noscéntes, ac sério considerántes, vix dum licet immériti, arcáno divínæ providéntiæ consílio ad hanc sublímem Petri cáthedram evécti, totíus Ecclésiæ gubernácula tractánda suscepimus, nihil certe antiquius habúimus, quam pro summa nostra vel a téneris annis erga sanctíssimam Dei Genitricem Vírginem Mariám veneratióne, pietáte et afféctu ea ómnia perágere, quæ adhuc in Ecclésiæ votis esse póterant, ut beatíssimæ Vírginis honor augerétur, ejúsque prærogatívæ uberióri luce nitérent.

R. Ego ex ore Altíssimi prodívi, primogénita ante omnem creatúram: ego feci in cœlis ut orirétur lumen indeficiens. * Nondum erant abyssi, et ego jam concépta eram. V. Deus enim creávit me in justitia, et apprehéndit manum meam, et servávit me. Nondum.

Lectio v.

Itaque plúrimum in Dómino confisi advenísse témporum opportunitátem pro Immaculáta sanctíssimæ Dei Genitricis Vírginis Mariæ Conceptione definiénda, quam divína elóquia, veneránda tradítio, perpétuus Ecclésiæ sensus, singuláris catholicórum Antístitum ac fidélium conspirátio, et insígnia

prædecessórum nostrórum acta, constitutiónes mirífice illústrant atque declárant; rebus ómnibus diligentíssime perpénsis et assíduis fervidisque ad Deum précibus effúsis, mínime cunctándum nobis esse censúimus, suprémó nostro judicio Immaculátam ipsíus Vírginis Conceptionem sancíre, definíre, atque ita pientíssimis cathólici orbis desidériis, nostræque in ipsam sanctíssimam Vírginem pietáti satisfácere, ac simul in ipsa unigénitum Fílium suum Dóminum nostrum Jesum Christum magis atque magis honorificáre, cum in Fílium redúndet quidquid honóris et laudis in Matrem impénditur.

R. Nihil inquinátum in eam incúrrit: * Candor est lucis æternæ et spéculum sine mácula. V. Est enim hæc speciósior sole, et luci comparáta invenítur púrior. Candor est.

Lectio vi.

Quare postquam numquam intermísimus in humilitáte et jejúnio privátas nostras et públicas Ecclésiæ preces Deo Patri per Fílium ejus offérre, ut Spiritus sancti virtúte mentem nostram dirígere et confirmáre dignarétur, imploráto univérsæ cœléstis cúriæ præsidio, et advocáto cum gemítibus Paráclito Spíritu, eóque sic aspiránte: ad honórem sanctæ et indivíduæ Trinitátis, ad decus et ornámentum Vírginis Deíparæ, ad exaltatiónem fidei catholicæ et christiánæ religiónis augméntum, auctoritáte Dómini nostri Jesu Christi, beatórum Apostolórum Petri et Pauli, ac nostra declarámus, pronuntiámus et definímus:

Doctrinam quæ tenet beatissimam Virginem Mariam in primo instanti suæ Conceptionis fuisse singulâri omnipotentis Dei grâtia et privilegio, intuitu meritôrum Christi Jesu Salvatoris humani generis, ab omni originâlis culpæ labe præservatam immûnem, esse a Deo revelatam, atque idcirco ab omnibus fidelibus firmiter constantérque credendam. Quaprópter si qui secus ac a nobis definitum est, quod Deus avértat, præsumpserint corde sentire, ii nóverint ac porro sciant se proprio iudicio condemnâtos, naufragium circa fidem passos esse, et ab unitate Ecclésiæ defecisse.

R. Signum magnum. 382.

In III. Nocturno.

Lectio sancti Evangelii secundum Lucam.

Lectio vii. Cap. 1. c.

In illo tẽpore: Missus est Angelus Gábriel a Deo in civitatem Galilææ, cui nomen Náza-reth, ad Virginem desponsatam viro, cui nomen erat Joseph, de domo David, et nomen Virginiis María. Et reliqua.

Homilia sancti Epiphánii Episcopi.

Orat. de laudibus S. Mariæ Deiparæ.

Quid dicam, aut quid prolo-quar de præclára et sancta Virgine? Solo enim Deo excẽpto, cunctis supérior exstítit: natúra formósior est ipsis Chérubim et Séraphim, et omni exércitu angélico; cui prædicandæ cœléstis ac terréna lingua mínime súfficit, imo vero nec Angelórum. O beáta Virgo, colúmba pura et sponsa cœléstis María, cœlum, templum, et thronus divinitátis, quæ coru-

scântem in cœlo et in terra solem habes Christum! Nubes lúcida, quæ fulgur de cœlo lucidíssimum ad illuminándum mundum deduxisti Christum. Ave grâtia plena, porta cœlórum, de qua in Cánticis prophéta in decûrsu oratiónis plane et apérte prolóquitur inclámans: Hortus conclûsus, soror mea sponsa, hortus conclûsus, fons signátus.

R. Hortus conclûsus soror mea sponsa, hortus conclûsus, fons signátus: * Emissiões tuæ paradísus, o María. V. Aperi mihi, soror mea, amíca mea, colúmba mea, immaculáta mea. Emissiões tuæ.

Lectio viii.

Virgo est lilium immaculátum, quæ rosam immarcescibilem genuit Christum. O sancta Deipara, ovis immaculáta quæ verbum ex te incarnátum Agnum Christum peperísti! O Virgo sanctíssima, quæ exércitus Angelórum in stupórem deduxísti! Stupéndum est miráculum in cœlis, múluer amícta sole, gestans lucem in ulnis: stupéndum miráculum in cœlis, thá-lamus Virginiis habens Fílium Dei: stupéndum miráculum in cœlis, Dóminus Angelórum infans Virginiis efféctus est. Angeli accusábant Hevam, nunc vero Mariám glória prosequúntur, quæ lapsam Hevam eréxit, et Adámum e paradiso de-jéctum in cœlos misit. Ipsa enim est cœli et terræ mediátrix, quæ uniónem naturaliter perégit.

R. Magnificat ánima mea Dóminum: * Quia fecit mihi magna qui potens est, et sanctum nomen ejus. V. Ecce enim ex hoc beátam me dicent omnes generatiões. Quia. Glória Patri. Quia.

Sequens Lectio legitur etiam in Feria IV. Quatuor Temporum.

Lectio ix.

Gratia sanctæ Virginis est immensa. Hinc Gábríel in primis salutat Virgínem, dicens: Ave grátia plena, quæ es spléndidum cœlum. Ave grátia plena, multis virtútibus exornáta Virgo. Ave grátia plena, quæ es urna aúrea cóntinens manna cœléste. Ave grátia plena, quæ sitiéntes perénis fontis dulcedine sátias. Ave sanctíssima Mater Immaculáta, quæ genuísti Christum, qui est ante te. Ave púrpura régia, quæ cœli terræque Regem induísti. Ave liber incomprehensus, quæ Verbum et Fílium Patris mundo legéndum exhibuísti.

Te Deum laudámus. 14.

In Laudibus commem. Feriæ.

In II. Vesp. fit comm. sequ. et Feriæ.

Die 16. Decembris.

S. Eusebii Episc. et Mart.

Semiduplex.

Omnia de Communi unius Mart. [21] præter sequentia.

Ant. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

℣. Glória et honóre coronásti eum Dómine. ℞. Et constituísti eum super ópera mánuum tuárum.

Oratio.

Deus, qui nos beáti Eusépii Mártyris tui atque Pontíficis ánnua solemnitáte lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dóminum.

Deinde fit commemoratio Feriæ.

In I. Nocturno Lectiones de Scriptura occurrente.

In Quat. Temp. A Miléto. de eodem Communi 1. loco. [23]

In II. Nocturno.

Lectio iv.

Eusébius natióne Sardus, Románæ urbis lector, post Vercellénsis episcopus, ad hanc regéndam ecclésiám mérito est créditus divíno eléctus iudicio: nam quem numquam ante constitúti electóres cognóverant, posthábitis civibus, simul ut vidérunt et probavérunt, tantúmque intérfuit, ut probarétur, quantum ut viderétur. Primus in Occidéntis pártibus in eádem ecclésiá eósdem mónachos instítuit esse, quos cléricos, ut esset in ipsis viris et contéptus rerum, et accurátio levitárum. Ariánis impietátibus ea tempestáte per Occidéntem longe latéque tradúctis, advérsus eas viriliter sic dimicávit, ut ejus invícta fides Libérium summum Pontíficem ad vitæ solátium erígeret. Quare hic sciens, in ipso fervére Spíritum Dei, cum ei significáset, ut penes imperatórem una cum suis legátis patrocínium fidei susciperet, mox cum illis proféctus est ad Constántium, apud quem eníxius agens, quidquid legatióne petebátur, obtínuit, ut episcopórum nempe coetus celebraretur.

℞. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam. ℣. Descendítque cum illo in fóveam, et in vínculis non derelíquit eum. Et dedit.

Lectio v.

Colléctum est Medióláni anno sequénti concílium, ad quod a

Constántio invitátum Eusébiū concupitūmq̃ue, ac vocátum a Libérii legátis, tantum abest, ut malignántium synagoga Arianórum contra sanctum Athanásium furéntium in suas partes addúceret, ut pótius disérte statim ipse declárans, e præséntibus quosdam sibi compértos hærética labe pollútos, Nicænam imo fidem proposúerit iis subscribendam, ántequam cétera tractaréntur. Quod Ariánis acérbe irátis negántibus, nedum in Athanásium recusávit ipse subscribere, quin sancti Dionýsii Mártyris, qui decéptus ab ipsis subscripserat, captivátam simplicitátem ingeniosíssime liberávit. Quamóbrem illi gráviter indignántes, post multas illátas injúrias, exsílio illum mulctáru[n]t: sed sanctus vir, excúso púlvere, nec Cæsaris minas véritus, nec enses obstrictos, exsílum véluti sui ministérii officium accépit; missúsque Scythópolim, famem, sitim, vérbera, diversaque supplícia perpéssus, pro fide strénue vitam contémpsit, mortem non méruit, corpus carnificibus trádedit.

R̃. Desidérium ánimæ ejus tribuísti ei Dómine, * Et voluntáte labiórū ejus non fraudásti eum. V. Quóniam præveniísti eum in benedictionibus dulcédinis: posuísti in cápite ejus corónam de lápide pretiósō. Et voluntáte.

Lectio vi.

Quanta in eum tunc Arianórum crudélitas fúerit, ac effrons in verecúndia, osténdunt graves líteræ plenæ róboris, pietátis, ac

religiónis, quas e Scythópoli scripsit ad Vercellénsem clerum, et pópulum, aliósque finítimos; e quibus étiam est explorátum, ipsórum nec minis, inhumanáque sævítia potuísse umquam eum deterréri, nec serpentina blanda subtilitáte ad eórum societátem perdúci. Hinc in Cappadóciā, postremóque ad superióre[s] Ægýpti Thebáidas pro constántia sua deportátus, exsílíi rigóres tulit ad mortem usque Constántii, post quam ad gregem suum revérti permíssus, non prius redíre vóluit, quam reparándis fidei jactúris ad Alexandrínam sýnodum sese conférret: postque médici præstántis instar, péragrans Oriéntis provinciās, in fide infirmos ad íntegram valetúdinem restitúeret, eos ínstituens in Ecclésiæ doctrína. Inde salubritáte pari digresso in Illýricum, tandémque in Itáliam deláto, ad ejus réditum lúgubres vestes Itália mutávit: ubi postquam Psalmórum ómnium expurgátos a se commentários Origenis édedit, Eusebiúque Cæsareénsis, quos vérterat de Græco in Latínium: demum tot egrégie factis illústris ad immarcescibilem glóriæ corónam tantis ærúmnis proméritam sub Valentiniáno et Valénte, Vercéllis migrávit.

R̃. Stola jucunditátis. [27]


In III. Noct. Homil. in Evang. Si quis vult. de eodem Comm. 2. loco. [32]

R̃. viii. Dómine præveniísti. [29]

In Quat. Temp. Lectio ix. de Homil. Feriæ et commem. in Laudibus.

De Vigilia S. Thomæ Apostoli nihil fit nisi in Missa.





Die 21. Decembris.

Sancti Thomæ Apostoli.

Duplex 2. classis.

Omnia de Communi Apost. [2] præter sequentia.

Ad Magnificat in utrisque Vesp. et ad Bened. in Laud.

Ant. Quia vidisti me, Thoma, credidisti: beāti qui non vidērunt, et credidērunt, allelūja.

Oratio.

Da nobis, quæsumus Dómine, beāti Apóstoli tui Thomæ solemnitatibus gloriári: ut ejus semper et patrociniiis sublevémur, et fidem congrua devotiōne sectémur. Per Dóminum nostrum.

Pro commem. Adventus. Ant. O clavis. 156. Si autem transferatur in II. Feriam, Ant. O Oriens. ibid.

In I. Nocturno Lectiones Sic nos existimet. [7]

In II. Nocturno.

Lectio iv.

Thomas Apóstolus, qui et Dídymus, Galilæus, post accēptum Spíritum sanctum in multas provincias profectus est ad prædicandum Christi Evangélium: Parthis, Medis, Persis, Hyrcanis, et Bactris christiánæ fidei et vitæ præcepta tradidit. Postrémo ad

Indos se cónferens, eos in christiána religiōne erudívit. Qui ad extrémum, vitæ doctrinæque sanctitáte, et miraculorum magnitúdine, cum céteris ómnibus sui admiratiōnem, et Jesu Christi amorem commovísset; illius gentis regem, idolorum cultorem, magis ad iram accéndit: cujus sententia condemnátus, telisque confóssus, Calamínæ apostolátus honórem martyrii coróna decorávit.

R. Vidi conjúctos viros, habéntes spléndidas vestes, et Angelus Dómini locútus est ad me, dicens: * Isti sunt viri sancti facti amíci Dei. V. Vidi Angelum Dei fortem, volántem per médium cœlum, voce magna clamántem et dicéntem. Isti sunt viri.

Sermo sancti Gregórii Papæ.

Homilia 30. in Evang., post medium.

Lectio v.

Scriptum est: Spíritus Dómini ornávit cœlos. Ornámēta enim cœlorum sunt virtútes prædicántium. Quæ videlicet ornámēta Paulus enúmerat, dicens: Alii datur per Spíritum sermo sapiéntiæ,

alii sermo sciéntiæ secúndum eúmdem Spíritum, álii fides in eódem Spíritu, álii grátia sanitátum in uno Spíritu, álii operátio virtútum, álii prophetía, álii discrétio spírituum, álii génera linguárum, álii interpretátio sermónum. Hæc autem ómnia operátur unus atque idem Spíritus, dívidens singulis prout vult.

R. Beáti estis, cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me: * Gaudéte et exsultáte, quóniam merces vestra copiósa est in cœlis. V. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Filium hóminis. Gaudéte.

Lectio vi.

Quot ergo sunt bona prædicántium, tot sunt ornáménta cœlórum. Hinc rursus scriptum est: Verbo Dómini cœli firmáti sunt. Verbum enim Dómini Filius est Patris. Sed eósdem cœlos, videlicet sanctos Apóstolos, ut tota simul sancta Trinitas ostendátur operáta, repénite de sancti Spíritus divinitáte adjúngitur: Et spíritu oris ejus omnis virtus eórum. Cœlórum ergo virtus de Spíritu sumpta est: quia mundi hujus potestátibus contraíre non præsumerent, nisi eos sancti Spíritus fortitúdo solidásset. Quales namque doctóres sanctæ Ecclésiæ ante advéntum hujus Spíritus fúerint, scimus: et post advéntum illíus, cujus fortitúdinis facti sint, conspícimus.

R. Isti sunt. [10]

In III. Nocturno.

Léctio sancti Evangélíi secúndum Joánnem.

Lectio vii. Cap. 20. f.

In illo témpore: Thomas unus ex duódecim, qui dícitur Dídymus, non erat cum eis, quando venit Jesus. Et réliqua.

Homília sancti Gregórii Papæ.

Ex Homília 26. in Evang., post med.

Quid, fratres caríssimi, quid inter hæc animadvértitis? Numquid casu gestum créditis, ut eléctus ille discipulus tunc deéssset, post autem véniens audíret, aúdiens dubitáret, dúbitans palpáret, palpans créderet? Non hoc casu, sed divína dispensatióne gestum est. Egit namque miro modo supérna cleméntia, ut discipulus ille dúbitans, dum in magistro suo vúlnera palpáret carnis, in nobis vúlnera sanáret infidelitátis. Plus enim nobis Thomæ infidelitas ad fidem, quam fides credéntium discipulórum prófuit: quia dum ille ad fidem palpándo redúci-tur, nostra mens, omni dubitatióne postpósita, in fide solidátur.

R. Isti sunt qui vivéntes in carne, plantavérunt Ecclésiám sáanguine suo: * Cálicem Dómini bibérunt, et amíci Dei facti sunt. V. In omnem terram exívit sonus eórum, et in fines orbis terræ verba eórum. Cálicem.

Lectio viii.

Sic quippe discipulum Dóminus post resurrectióne suam dubitáre permísit, nec tamen in dubitatióne deséruit: sicut ante nativitatém suam habére Mariám sponsum vóluit, qui tamen ad ejus

núptias non pervénit. Nam ita factus est discipulus dúbitans et palpans, testis veræ resurrectionis, sicut sponsus matris fúerat custos integérrimæ virginitátis. Palpávit autem, et exclamávit: Dóminus meus, et Deus meus. Dicit ei Jesus: Quia vidísti me, credidísti. Cum Paulus Apóstolus dicat, Est autem fides sperandárum substántia rerum, arguméntum non apparentium: profecto liquet, quia fides illárum rerum arguméntum est, quæ apparére non possunt. Quæ etenim appárent, jam fidem non habent, sed agnitiónem.

R. Isti sunt viri sancti, quos elégit Dóminus in caritaté non ficta, et dedit illis glóriam sempitérnam: * Quorum doctrína fulget Eccléssia, ut sole luna. V. Sancti per fidem vicérunt regna, operáti sunt justítiam. Quorum. Glória Patri. Quorum.

In Quatuor Temp. ix. Lectio de Homilia Feriæ.

Lectio ix.

Dum ergo vidit Thomas, dum palpávit, cur ei dicitur: Quia vidísti me, credidísti? Sed áliud vidit, áliud crédidit. A mortáli quippe hómīne divínitas vidéri non pótuit. Hóminem ergo vidit, et Deum conféssus est, dicens: Dóminus meus, et Deus meus. Vidéndo ergo crédidit, qui considerádo verum hómīnem, hunc Deum, quem vidére non póterat, exclamávit. Lætíficat valde quod séquitur: Beáti qui non vidérunt, et credidérunt. In qua nimirum senténtia nos speciáliter signáti sumus, qui eum, quem carne non ví-

dimus, mente retinémus. Nos signáti sumus: sed si fidem nostram opéribus séquimur. Ille etenim vere credit, qui exércet operádo quod credit.

Te Deum laudámus. 14.

Pro commem. Adv. Ant. Nolíte timére: quinta enim die véniet ad vos Dóminus noster.

Si hoc Festum transferatur, tunc Ant. Nolíte. dicitur ad Bened. in Dom. loco Ant. Ave María; et in Officio S. Thomæ pro comm. Adv. ponitur Ant. Feriæ II. Dicit Dóminus. 170.

FESTA JANUARI.

Prima die non impedita dicitur Officium Defunctorum.

Die 11. Januarii.

S. Hygini Papæ et Martyris
fit comm. infra Oct. Epiph.

Ad Vesp. Ant. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

V. Glória et honóre coronásti eum Dómine. R. Et constituísti eum super ópera mánuum tuárum.

Óratio.

Infirmatém nostram réspice, omnípotens Deus: et quia pondus propriæ actióis gravat, beáti Hygini Mártiris tui atque Pontíficis intercésio gloriósa nos próteget. Per Dóminum.

Ad Laudes Ant. Qui odit ánimam suam in hoc mundo, in vitam ætérrnam custódit eam.

V. Justus ut palma florébit. R. Sicut cedrus Líbani multiplicábitur.



Dominica II. post Epiphaniam.
Sanctissimi Nominis Jesu.

Duplex 2. classis.

Occurrente Dóm. Septuag. reponitur hoc Festum in diem 28. Jan., tamquam in sedem propriam (translato quocumque alio festo, si alicubi occurrat et transferri valeat, nisi sit altioris ritus): et tunc legitur nona Lectio de S. Agnete secundo, et fit de ea commem. in Laudibus tantum. De Festo Duplici minori vel de Semiduplici occurrente fit tantum commem. in utrisque Vesperis et Laudibus cum Lectione ix. histórica, ommissa Lectione ix. de S. Agnete. Sed advertendum est, quod in fine Versuum, Responsiorum et Antiphonarum, omitendum erit Allelúja, similiter et in Responsoriis brevibus Horarum.

In I. Vesperis.

Antiph. 1.



mnis qui invocáverit nomen Dómini, salvus erit.

Ps. ut in I. Vesp. de Comm. Apost. [2] et loco ultimi Ps. Crédidi. ut infra.

2. Sanctum et terríbile nomen ejus, initium sapiéntiæ timor Dómini.

3. Ego autem in Dómino gaudébo, et exsultábo in Deo Jesu meo.

4. A solis ortu usque ad occásus laudábile nomen Dómini.

5. Sacrificábo hóstiám laudis, et nomen Dómini invocábo.

Psalmus 115.

Crédidi, propter quod locútus sum: * ego autem humiliátus sum nimis.

Ego dixi in excéssu meo: * Omnis homo mendax.

Quid retríbuiam Dómino, * pro ómnibus, quæ retribuit mihi?

Cálicem salutáris accípiam: * et nomen Dómini invocábo.

Vota mea Dómino reddam coram omni pópulo ejus: * pretiósa in conspéctu Dómini mors sanctórum ejus:

O Dómine quia ego servus tuus: * ego servus tuus, et filius ancillæ tuæ.

Dirupísti víncula mea: * tibi sacrificábo hóstiám laudis, et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini, in médio tui Jerúsalem.

Capitulum.

Philipp. 2.

Fratres: Christus humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum, et donávit illi

nomen, quod est super omne nomen: ut in nómine Jesu omne genu flectátur.

Hymnus.

Jesu dulcis memória,
Dans vera cordis gáudia:
Sed super mel, et ómnia,
Ejus dulcis præséntia.

Nil cánitur suávius,
Nil audítur jucúndius,
Nil cogitátur dúlcius,
Quam Jesus Dei Fílius.

Jesu spes poeniténtibus,
Quam pius es peténtibus!
Quam bonus te quæréntibus!
Sed quid inveniéntibus?

Nec lingua valet dícere,
Nec líttéra exprímere:
Expértus potest crédere,
Quid sit Jesum diligere.

Sis Jesu nostrum gáudium,
Qui es futúrus præmium:
Sit nostra in te glória,
Per cuncta semper sæcula.

Amen.

V. Sit nomen Dómini benédíctum, allelúja. R. Ex hoc nunc, et usque in sæculum, allelúja.

Ad Magnif. Ant. Fecit mihi magna qui potens est, et sanctum nomen ejus, allelúja.

Oratio.

Deus, qui unigénitum Fílium tuum constituísti humáni géneris Salvatórem; et Jesum vocári jussísti: concéde propítius; ut, cujus sanctum nomen venerámur in terris, ejus quoque aspéctu perfruámur in cœlis. Per eúmdem Dóminum nostrum.

Commém. Dominicæ II. post Epiph.

Ant. Suscépit Deus Israël puerum suum, sicut locútus est ad

Abraham, et semen ejus: exaltáre húmiles usque in sæculum.

V. Vespertína orátio ascéndat ad te Dómine. R. Et descéndat super nos misericórdia tua.

Oratio.

Omnípotens sempitérne Deus, qui coeléstia simul et terréna moderáris: supplicatiónes pópuli tui cleménter exaúdi, et pacem tuam nostris concéde tempóribus. Per Dóminum.

Ad Complet. et per Horàs diei in fine Hymn. dicitur:

Jesu, tibi sit glória,
Qui natus es de Vírgine.

Ad Matutinum.

Invit. Admirábile nomen Jesu, quod est super omne nomen, * Veníte adorémus.

Ps. Veníte, exsultémus. 2.

Hymnus.

Jesu Rex admirábilis,
Et triumphátor nóbilis,
Dulcédo ineffábilis,
Totus desiderábilis.

Quando cor nostrum vísitas,
Tunc lucet ei véritas,
Mundi viléscit vánitas,
Et intus fervet caritas.

Jesu dulcédo córdium,
Fons vivus, lumen méntium,
Excédens omne gáudium,
Et omne desidérium.

Jesum omnes agnóscite,
Amórem ejus póscite:
Jesum ardénter quæríte,
Quæréndo inardéscite.

Te nostra Jesu vox sonet,
Nostri te mores éxprimant,
Te corda nostra díligant,
Et nunc, et in perpétuum.

Amen.

In I. Nocturno.

Ant. Dómine Dóminus noster, quam admirábile est nomen tuum in univérsa terra!

Ps. trium Noct. ut in Festis B. M. V. [136] Psalmus primus incipitur a secundo Versu: Quóniam eleváta est.

Ant. In nómine Jesu omne genu flectátur coeléstium, terréstrium, et infernórum.

Ant. Confitémini Dómino, et invocáte nomen ejus: mementóte, quóniam excélsus est nomen ejus.

Ÿ. Propter nomen tuum Dómine propitiáberis peccáto meo. R. Multum est enim.

De Actibus Apostolorum.

Lectio i. Cap. 3.

Petrus autem et Joánnēs ascendébant in tēplum ad horam oratiónis nonam. Et quidam vir, qui erat claudus ex útero matris suæ, bajulabátur: quem ponébant quotidie ad portam templi, quæ dícitur Speciósá; ut péteret eleemósynam ab introeúntibus in templum. Is cum vidísset Petrum, et Joánnem incipientes introíre in templum, rogábat ut eleemósynam accíperet. Intuens autem in eum Petrus cum Joáñne, dixit: Réspice in nos. At ille intendébat in eos, sperans se áliquid acceptúrum ab eis. Petrus autem dixit: Argéntum et aurum non est mihi: quod autem hábeo, hoc tibi do: In nómine Jesu Christi Nazaréni surge, et ámbula. Et apprehénsa manu ejus délixtera, allevávit eum, et prótinus consolidátæ sunt bases ejus, et plantæ. Et exsíliens stetit, et ambulábat: et intrávit cum illis in templum ámbulans, et exsíliens, et laudans Deum.

R. Ecce concípies, et páries fílium, et vocábis nomen ejus Jesum: * Ipse enim salvum fáciét pópulum suum a peccátis eórum. Ÿ. Vocátum est nomen ejus Jesus, quod vocátum est ab Angelo, priúsqvam in útero conciperétur. Ipse.

Lectio ii.

Et vidit omnis pópulus eum ambulántem, et laudántem Deum. Cognoscébant autem illum, quod ipse erat, qui ad eleemósynam sedébat ad Speciósam portam templi: et impléti sunt stupóre et éxtasi in eo, quod contígerat illi. Cum tenéret autem Petrum et Joánnem, cucúrrit omnis pópulus ad eos ad pórticum, quæ appellátur Salomónis, stupéntes. Videns autem Petrus, respóndit ad pópulum: Viri Israélitæ quid mirámini in hoc, aut nos quid intuémini, quasi nostra virtúte aut potestáte fecérimus hunc ambuláre? Deus Abraham, et Deus Isaac, et Deus Jacob, Deus patrum nostrórum glorificávit Fílium suum Jesum, quem vos quidem tradidístis, et negástis ante fáciem Piláti, judicánte illo dimítti. Vos autem sanctum, et justum negástis, et petístis virum homicídam donári vobis: auctórem vero vitæ interfecístis, quem Deus suscitávit a mórtuis, cujus nos testes sumus. Et in fide nóminis ejus hunc, quem vos vidístis et nostis, confirmávit nomen ejus: et fides, quæ per eum est, dedit íntegram sanitátem istam in conspéctu ómnium vestrum.

R. Benedíctum est nomen tuum, Deus patrum nostrórum, qui cum irátus fúeris, misericórdiæ recordáberis, * Et in témpore tribula-

tionis peccata dimittis. *V.* Et benedictum nomen maiestatis tuæ in ætærnũ, qui facis mirabilia solus. Et in tẽpore.

Lectio iii.

Cap. 4.

Factum est autem in crastinum, ut congregarentur principes eorum, et seniores, et scribæ in Jerúsalem: et Annas princeps sacerdotum, et Cáiphas, et Joánnes, et Alexánder, et quotquot erant de genere sacerdotáli. Et statuentes eos in medio, interrogabant: In qua virtute, aut in quo nómine fecistis hoc vos? Tunc replétus Spíritu sancto Petrus, dixit ad eos: Principes pópuli, et seniores audite: Si nos hódie dijudicámur in benefacto hóminis infirmi, in quo iste salvus factus est, notum sit ómnibus vobis, et omni plebi Israhël: quia in nómine Dómini nostri Jesu Christi Nazaréni, quem vos crucifixistis, quem Deus suscitávit a mórtuis, in hoc iste adstat coram vobis sanus. Hic est lapis, qui reprobátus est a vobis ædificántibus, qui factus est in caput ánguli: et non est in álio áliquo salus. Nec enim áliud nomen est sub cœlo datum homínibus, in quo opórteat nos salvos fieri.

R. Laudábo nomen tuum assidue, * Et collaudábo illud in confessione. *V.* Lætabor et exsultábo in te: psallam nómini tuo, Altíssime. Et. Glória Patri. Et.

In II. Nocturno.

Ant. Mémoires erunt nóminis tui Dómine in omni generatióne et generatióne.

Ant. Magnificáte Dñm mecum, et exaltémus nomen ejus in idípsum.

Ant. Omnes gentes, quascúmque fecisti, vénient, et adorábunt coram te Dómine, et glorificábunt nomen tuum.

V. Propter glóriam nóminis tui Dómine libera nos. *R.* Et propítius esto peccátis nostris propter nomen tuum.

Sermo sancti Bernárdi Abbátis.

Sermo 15. super Cantica, circa medium.

Lectio iv.

Non otiose Spíritus sanctus nomen sponsi óleo cómparat, cum ita dóceat sponsum ad sponsum clamáre: Oleum effusum nomen tuum. Oleum enim lucet, pascit, et ungit. Fovet ignem, nutrit carnem, lenit dolórem: lux, cibus, medicína. Vide idem nunc et de sponsi nómine: Lucet prædicátum, pascit recogitátum, invocátum lenit, et ungit. Et percurrámus síngula. Unde putas in toto orbe tanta et tam súbita fidei lux, nisi de prædicáto nómine Jesu? Nonne in hujus nóminis luce Deus nos vocávit in admirábile lumen suum, quibus illuminátis, et in lumine isto vidéntibus lumen, dicat mérito Paulus: Fuístis aliquándo ténebræ, nunc autem lux in Dómino?

R. Sperent in te, qui novérunt nomen tuum: * Quóniam non dereliquísti quæréntes te Dómine. *V.* Exsúrge Dómine, ádjuva nos, et libera nos propter nomen tuum. Quóniam.

Lectio v.

Hoc dénique nomen coram régibus, et Géntibus, et filiis Israhël portáre jussus est idem Apóstolus; et portábat nomen tam-

quam lumen, et illuminábat pátriam, et clamábat ubíque: Nox præcèssit, dies autem appropinquávit. Abjiciámus ergo ópera tenebrárum, et induámur arma lucis, sicut in die honéste ambulémus. Et monstrábat ómnibus lucérnam super candelábrum, annúntians in omni loco Jesum, et hunc crucifixum. Quómodo lux ista resplénduit ac perstrínxit cunctórum intuéntium óculos, quando de oré Petri, tamquam fulgur egrédiens, claudi uníus corporáles plantas solidávit et bases, multósque spirituáliter cæcos illuminávit? Numquid non ignem sparsit, cum ait: In nómine Jesu Christi Nazaréni surge, et ámbula?

R. Confiteámur nómini tuo magno, * Quóniam terríbile et sanctum est. V. Hi in cúrribus, et hi in equis, nos autem in nómine Dómini Dei nostri invocábimus. Quóniam terríbile.

Lectio vi.

Nec tantum lux est nomen Jesu, sed est et cibus. An non tóties confortáris, quóties recordáris? Quid æque mentem cogitántis impínguat? Quid ita exercitátos réparat sensus, virtútes róborat, végetat mores bonos atque honéstos, castas fovet affectiões? Aridus est omnis ánimæ cibus, si non óleo isto infúnditur; insípidus est, si non hoc sale conditur. Si scribas, non sapit mihi, nisi légero ibi Jesum. Si disputes, aut cónferas, non sapit mihi, nisi sonúerit ibi Jesus. Jesus mel in ore, in aure melos, in corde júbilus. Sed est et medicína. Tristátur áliquis nostrum? Véniat

in cor ejus Jesus, et inde sáliat in os. Et ecce ad exórtum nóminis lumen, núbilum omne díffugit, redit serénus. Lábitur quis in crimen? currit ínsuper ad láqueum mortis désperádo? Nonne, si ínvocet nomen vitæ, conféstim respirábit ad vitam?

R. Læténtur omnes, qui sperant in te Dómine, in ætérnum exsultábunt, et habitábis in eis, et gloriabúntur in te omnes, * Qui díligunt nomen tuum. V. Dómine in lúmine vultus tui ambulábunt, et in nómine tuo exsultábunt tota die. Qui díligunt. Glória Patri. Qui díligunt.

In III. Nocturno.

Ant. Cantáte Dómino, et benedicite nómini ejus: annuntiáte de die in diem salutáre ejus.

Ant. Secúndum nomen tuum Deus, sic et laus tua in fines terræ: justítia plena est délixtera tua.

Ant. Cantáte Deo, psalmum dicite nómini ejus: iter fácite ei, qui ascéndit super occásus, Dóminus nomen illi.

V. Afférte Dómino glóriam et honórem. R. Afférte Dómino glóriam nómini ejus.

Léctio sancti Evangélli secúndum Lucam.

Lectio vii. Cap. 2. c.

In illo témpore: Postquam consummáti sunt dies octo, ut circumciderétur puer, vocátum est nomen ejus Jesus. Et réliqua.

Homilía sancti Bernárdi Abbátis.
Serm. 1. de Circumcisione.

Magnum et mirábile sacraméntum! Circumcíditur puer, et vocátur Jesus.

Quid sibi vult ista connexio? Circumcisio nempe magis salvandi, quam Salvatoris esse videtur: et Salvatorem circumcidere potius decet, quam circumcidi. Sed agnosce mediatorem Dei et hominum, qui ab ipso nativitatis suae exordio divinis humana sociat, ima summis. Nascitur ex muliere, sed cui fecunditatis fructus sic accedat, ut non decidat flos virginitatis. Pannis involvitur: sed panni ipsi angelicis laudibus honorantur. Absconditur in praesepio: sed prouidetur radiante stella de coelo. Sic et circumcisio veritatem susceptae probat humanitatis: et nomen, quod est super omne nomen, gloriam indicat maiestatis. Circumciditur tamquam verus Abrahamae filius: Jesus vocatur tamquam verus Filius Dei.

R. Tribulationem et dolorem inveni: * Et nomen Domini invocavi. V. Turris fortissima nomen Domini, in ipso speravi, et adiutus sum. Et nomen.

Bened. Divinum auxilium.

Lectio viii.

Neque enim ad instar priorum meus iste Jesus nomen vacuum aut inane portat. Non est in eo magni nominis umbra, sed veritas. Coelitus siquidem inditum nomen Evangelista testatur, quod vocatum est ab Angelo, priusquam in utero conciperetur. Et attende verbi profunditatem: Postquam natus est Jesus. Jesus vocatur ab hominibus, qui vocatus est ab Angelo, priusquam in utero conciperetur. Idem quippe et Angeli Salvator, et hominis: sed hominis ab

incarnatione, Angeli ab initio creaturae. Vocatum est, ait, nomen ejus Jesus, quod vocatum est ab Angelo. In ore ergo duorum vel trium testium stat omne verbum: et ipsum, quod in Propheta abbreviatum, manifestius in Evangelio legitur caro factum.

R. Expectabo nomen tuum Domine, * Quoniam bonum est in conspectu sanctorum tuorum. V. Ut confiteamur nomini sancto tuo, et gloriemur in laude tua. Quoniam. Gloria Patri. Quoniam.

Lectio ix. de Hom. Domin. II. post Epiph. Si transferatur, ix. Lectio erit sequens.

Lectio ix.

Merito sane, dum circumciditur puer, qui natus est nobis, Salvator vocatur: quod videlicet ex hoc jam coeperit operari salutem nostram, immaculatum illum pro nobis sanguinem fundens. Neque enim jam quaerere est Christianis, cur voluerit Dominus Christus circumcidi. Propter hoc siquidem circumciscus est, propter quod natus, propter quod passus. Nihil horum propter se, sed omnia propter electos. Nec in peccato genitus, nec a peccato circumciscus, nec mortuus est pro peccato suo: magis autem propter delicta nostra. Quod vocatum est, inquit, ab Angelo, priusquam in utero conciperetur: Vocatum plane, non impositum. Nempe hoc ei nomen est ab aeterno. A natura propria habet, ut sit Salvator: innatum est ei nomen hoc, non inditum ab humana, vel angelica creatura.

Te Deum laudamus. 14.

Ad Laudes

et per Horas.

Ant. 1. Oleum effúsum * nomen tuum, ideo adolescéntulæ dilexérunt te.

Ps. Dóminus regnávít. 15.

2. Scitóte, * quia Dóminus ipse est Deus, cujus nomen in ætérnum.

3. Sitívit * ánima mea ad nomen sanctum tuum Dómine.

4. Benedíctum nomen * glóriæ tuæ sanctum, et laudábile, et superexaltátum in sæcula.

5. Júvenes et vírgines, * senes cum junióribus laudáte nomen Dómini, quia exaltátum est nomen ejus solíus.

Capitulum. Philipp. 2.

Fratres: Christus humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen: ut in nómine Jesu omne genu flectátur.

Hymnus.

Jesu decus angélicum,
In aure dulce cánticum,
In ore mel miríficum,
In corde nectar cóelicum.

Qui te gustant, esúriunt;
Qui bibunt, adhuc sítiunt;
Desideráre nésciunt,
Nisi Jesum, quem díligunt.

O Jesu mi dulcíssime,
Spes suspirántis ánimæ!
Te quærunť piæ lácrimæ,
Te clamor mentis íntimæ.

Mane nobíscum Dómine,
Et nos illústra lúmine;
Pulsa mentis calígine,
Mundum reple dulcédine.

Jesu flos Matris Vírginis,
Amor nostræ dulcédinis,
Tibi laus, honor nóminis,
Regnum beatitúdinis. Amen.

Ÿ. Adjutórium nostrum in nómine Dómini. R. Qui fecit cœlum et terram.

Ad Bened. Ant. Dedit se, ut liberáret pópulum, et acquireret sibi nomen ætérnum, allelúja.

Oratio.

Deus; qui unigénitum Fílium tuum constituísti humáni géneris Salvatórem, et Jesum vocári jussísti: concéde propítius; ut cujus sanctum nomen venerámur in terris, ejus quoque aspéctu perfruámur in cœlis. Per eúmdem Dóminum nostrum.

Et fit commem. Domin. II. post Epiphan.

Ant. Núptiæ factæ sunt in Cana Galilææ, et erat ibi Jesus cum María matre sua.

Ÿ. Dóminus regnávít, decórem induit. R. Induit Dóminus fortitúdinem, et præcínxit se virtúte.

Oratio.

Omnípotens sempitérne Deus, qui cœléstia simul et terréna moderáris: supplicatiónes pópuli tui cleménter exaúdi, et pacem tuam nostris concéde tempóribus. Per Dóminum.

Ad Primam.

In R. br. Ÿ. Qui natus es de María Vírgine.

Ad Tertiam.

Ant. Scitóte.

Capit. Fratres: Christus. ut supra.

Post Septuag. R. R. br. dividuntur ad 3, omissis Allelúja.

R. br. Sit nomen Dómini ⁊ benedictum, * Allelúja, allelúja. Sit nomen. V. Ex hoc nunc et usque in sæculum. Allelúja, allelúja. Glória Patri. Sit nomen.

V. Afférte Dómino glóriam et honórem, allelúja. R. Afférte Dómino glóriam nómini ejus, allelúja.

Ad Sextam.

Ant. Sitívit.

Capitulum. Philipp. 2. b.

In nómine Jesu omne genu flectá-tur coeléstium, terréstrium, et infernórum: et omnis lingua confiteátur, quia Dóminus Jesus Christus in glória est Dei Patris.

R. br. Afférte Dómino glóriam ⁊ et honórem, * Allelúja, allelúja. Afférte. V. Afférte Dómino glóriam nómini ejus. Allelúja, allelúja. Glória Patri. Afférte.

V. Magnificáte Dóminum mecum, allelúja. R. Et exaltémus nomen ejus in idípsum, allelúja.

Ad Nonam.

Ant. Júvenes et vírgines.

Capitulum. Coloss. 3. c.

Omne quodcúmque fácitis in verbo, aut in ópere: ómnia in nómine Dñi Jesu Christi fácite, gráti-as agéntes Deo et Patri per ipsum.

R. br. Magnificáte Dóminum ⁊ mecum, * Allelúja, allelúja. Magnificáte. V. Et exaltémus nomen ejus in idípsum. Allelúja, allelúja. Glória Patri. Magnificáte.

V. Adjutórium nostrum in nómine Dómini, allelúja. R. Qui fecit coelum et terram, allelúja.

In II. Vesperis.

Omnia ut in I. Vesp. 412, præter

Ad Magnif. Ant. Vocábis nomen ejus Jesum: ipse enim salvum fá-

ciet pópulum suum a peccátis eórum, allelúja.

Comm. Domin. II. post Epiph.

Ant. Deficiente vino jussit Jesus impléri hýdrias aqua, quæ in vinum convérta est, allelúja.

V. Dirigátur Dómine orátio mea. R. Sicut incensum in conspéctu tuo.

Die 14. Januarii.

S. Hilarii Episc. Conf. et Eccl. Doctoris.

Duplex.

Omnia de Comm. Conf. Pont. [49] præter sequ. (m. t. v.)

In utrisque Vesp. ad Magnif.

Ant. O Doctor óptime, Ecclésiæ sanctæ lumen, beáte Hilári, divínæ legis amátor, deprecáre pro nobis Filiúm Dei.

V. Amávit eum Dóminus, et ornávit eum. R. Stolam glóriæ induit eum.

Oratio.

Deus, qui pópulo tuo æternæ salutis beátum Hilárium ministrum tribuísti: præsta quæsumus; ut, quem Doctórem vitæ habuimus in terris, intercessórem habére mereámur in coelis. Per Dóminum.

Et fit coñem. S. Felicis Presbyteri et Mart.

Ant. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

V. Glória et honóre coronásti eum Dómine. R. Et constituísti eum super ópera mánuum tuárum.

Oratio.

Concede quæsumus omnipotens Deus: ut ad meliorem vitam sanctórum tuórum exéempla nos

próvocent: quátenus quorum solémnia ágimus, étiam actus imitémur. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.

Hiláriuſ in Aquitánia nóbili gènere natus, doctrína et eloquéntia excélluit. Qui primum in matrimónio quasi mónachi vitam egit: deínde propter singuláres virtútes Pictavórum epíscopus creátur: quod munus episcopále sic gessit, ut a fidélibus summam laudem consequerétur. Quo témpore, cum terróribus, bonórum spoliatióne, exsílio, et omni crudelitáte Constántius imperátor Cathólicos vexáret, nisi ad Ariánas partes transírent: Hiláriuſ tamquam firmíssimum murum se Ariánis oppónens, illórum furórem in se concitávit. Itaque multis petítus insidiis, tandem dolo Saturníni Arelaténsis epíscopi, de sýnodo Biterrénsi in Phrýgiam relegátus est: ubi et mórtuum suscitávit, et libros duódecim scripsit de Trinitáte contra Ariános.

R̃. Invéni David servum meum, óleo sancto meo unxi eum: * Manus enim mea auxiliábitur ei. Ṽ. Nihil proficiet inimícus in eo, et filius iniquitátis non nocébit ei. Manus enim mea.

Lectio v.

Quadriénno post coácto concilio ad Seleucíam Isaúriæ urbem, Hiláriuſ adesse compúlsus est: ac deínde Constantinópolim proféctus, ubi extrémum fidei periculum animadvértit, tribus libéllis

públice datis, audiéntiam imperatóris popóscit, ut de fide cum adversáriis coram disputáret. Verum cum Ursácius et Valens Ariáni epíscopi, quos Hiláriuſ scriptis confutárat, præsentis eruditiónem pertiméscerent, Constántio persuasérunt, ut spécie honóris eum in suum episcopátum restitúeret. Tunc Hiláriuſ e prælio hæreticórum reverténtem, ut inquit sanctus Hierónymus, Galliárum ecclésia compléxa est: quem ad episcopátum secúsus est Martinus, qui póstea Turonénsi præfuit ecclésiæ: tantúmque illo doctóre profécit, quantum ejus póstea sánctitas declarávit.

R̃. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei. Ṽ. Invéni David servum meum, óleo sancto meo unxi eum. Manus enim.

Lectio vi.

Magna deinceps tranquillitáte Pictavórum ecclésiám administrávit: Galliámque univérsam addúxit, ut Arianórum impietátem condemnáret. Multos libros scripsit mira eruditiónē: quos omnes sanctus Hierónymus ad Lætám, sine ulla erróris suspicióne legi posse testátur illis verbis: Hilárii libros inoffénso decúrrat pede. Migrávit in cœlum Idibus Januárii, Valentiniáno et Valénte imperatóribus, anno post Christum natum trecentésimo sexagésimo nono. Eum a multis Pátribus et concíliis insignem Ecclésiæ Doctórem nuncupátum, atque uti talem in aliquot diocésibus cultum, tandem instánte sýnodo Burdigalénsi Pius

nonus Póntifex Máximus, ex sacrorum Rítuum Congregatiónis consúlto, universális Ecclésiæ Doctórem declarávit et confirmávit, ac ipsíus festo die Missam et Officium de Doctóribus ab ómnibus recitári jussit.

R. Iste est qui. [54]

In III. Noct. Homil. in Evang. Vos estis sal. de Comm. Doct. 2. loco. [65] Ex tribus Lect. fiant duæ. Lectio viii. incipit: Mérito igitur. R. viii. In médio. [65]

Pro S. Felice Presb. et Mart.

Lectio ix.

Felix Nolánus présbyter, cum in idóla veheméntius invehéretur, ab infidélibus várie vexátus, in cárcerem conjícitur. Unde ab Angelo nocte edúctus, quærere jussus est Maximiánus Nolæ episcopum: qui cum sénio conféctus desperáret se ferre posse supplicia persequéntium, se abdíderat in silvam. Quo cum Felix Deo duce pervenísset, sanctum episcopum humi jacéntem pene mórtuum videt: quem recreátum, ac sublátum in húmeros, apud fidélem víduam reficiéndum curávit. Sed cum is iterum idolórum cultóres impietátis argúeret, facto in ipsum ímpetu, fúgiens in angústo duórum parietum intervállo se occultávit. Qui áditus cum repénite araneárum telis pertéxtus visus esset, némini recéntis látebræ suspicióne reliquit. Inde igitur evádens Felix, in ædibus piæ mulieris tres menses látuit. Cum vero Dei Ecclésia requiéscere cœpísset, Nolam rédiens, multisque ibi vitæ exémpis, et doctrinæ præcéptis, miraculísque ad Christi fidem convérsis, constánter

étiam recusáto ejus urbis episcopátu, obdormívit in Dómino, sepultúsque est prope Nolam in loco, quem in Pincis appellábant.

Te Deum laudámus. 14.

In Laud. fit commem. S. Felicis.

Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. R. Sicut cedrus Líbani multiplicábitur.

Vesp. a Capit. de sequ. commem. præc. ac S. Mauri Abb.

Die 15. Januarii.

S. Pauli primi Eremitæ et Conf.

Duplex.

Omnia de Comm. Conf. non Pont. [67] præter sequ. (m. t. v.)

Oratio.

Deus, qui nos beáti Pauli Confessoris tui ánnua solemnitáte lætíficas: concéde propítius; ut cujus natalítia cólimus, étiam actiões imitémur. Per Dóminum.

Pro S. Hilario. Ant. O Doctor óptime, Ecclésiæ sanctæ lumen, beáte Hilári, divínæ legis amátor, deprecáre pro nobis Fílium Dei.

V. Elégit eum Dóminus sacerdotem sibi. R. Ad sacrificándum ei hóstiám laudis.

Oratio. Deus, qui. 419.

Deinde S. Mauri Abbatis.

Ant. Euge serve bone et fidélis, quia in pauca fuísti fidélis, supra multa te constituam, intra in gaúdium Dómini tui.

V. Justum dedúxit Dóminus per vias rectas. R. Et osténdit illi regnum Dei.

Oratio.

Intercéssio nos, quæsumus Dómine, beáti Mauri Abbátis coméndet: ut quod nostris méritis non valémus, ejus patrocínio assequámur. Per Dóminum.

Sed si festum S. Pauli alia die celebretur, non variantur Ant. et VV. sed dicuntur ut in eodem Comuni.

In I. Nocturno Lectiones de Scriptura occurrente.

In II. Nocturno.

Lectio iv.

Paulus, Eremitarum auctor et magister, apud inferiorem Thebáidem natus, cum quíndecim esset annórum, orbátus paréntibus est. Qui póstea declinándæ causa persecutiónis Décii et Valeriáni, et Deo libérius inserviéndi, in erémi spelúncam se cóntulit: ubi, palma ei victum et vestítum præbénste, vixit ad centésimum et décimum tértium annum, quo témpore ab António nonagenário Dei admónitu invísitur. Quibus inter se, cum ántea non nosset, próprio nómine consalutántibus, et multa de regno Dei colloquéntibus, corvus, qui ántea semper Paulo dimidiátum panem attúlerat, íntegrum détulit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérrnam. V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Post corvi discéssum, Eja, inquit Paulus, Dóminus nobis prándium misit, vere pius, vere miséricors. Sexagínta jam anni

sunt, cum accípio quotidie dimídi panis fragméntum, nunc ad advéntum tuum milítibus suis Christus duplicávit annónam. Quare cum gratiárum actióne ad fontem capiéntes cibum, ubi tantísper recreáti sunt, íterum grátiis de more Deo actis, noctem in divínis laudibus consumpsérunt. Dilúculo Paulus de morte, quæ sibi instáret, ádmonens Antónium, hortátur, ut pállium, quod ab Athanáσιο accéperat, ad involvéndum suum corpus afférret. Quo ex itínere rédiens ille, vidit inter Angelórum choros, inter Prophetárum et Apostolórum coetus Pauli ánimam in cœlum ascéndere.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum. V. Induit eum Dóminus lorícam fidei, et ornávit eum. Et.

Lectio vi.

Cumque ad ejus cellam pervenisset, invénit génibus complicátis, erécta cervíce, exténsisque in altum mánibus corpus exánime: quod pállio obvólvens, hymnósque et psalmos ex christiána traditióne decántans, cum sárculum, quo terram fóderet, non habéret; duo leónes ex interióre erémo rápido cursu ad beáti senis corpus ferúntur: ut fáciie intelligerétur, eos, quo modo póterant, plorátum édere: qui certátim terram pédibus effodiéntes, fóveam, quæ hóminem cómmode cáperet, effecérunt. Qui cum abiíssent, Antónius sanctum corpus in eum locum íntulit: et injécta humo, túmulum ex christiáno more compósuit: túni-


cam vero Pauli, quam in sportæ modum ex palmæ fôliis ille sibi contexúerat, secum aúferens, eo vestitu diébus solémnibus Paschæ et Pentecóstes, quoad vixit, usus est.

R. Iste homo. [72]

In III. Noct. Homil. in Evang. Confiteor tibi. de Coñ. Abbat. 2. loco. [81]

Pro S. Mauro Abbate.

Lectio ix.

aurus nóbilis Románuſ, puer a patre Eutychio Deo sub sancti Benedicti disciplína oblátus, brevi tantum divína grátia profécit, ut ipsi magistro admiratióni esset: qui illum sæpe véluti regularis observántiæ, et virtútum ómnium spécimen, céteris discipulis ad imitándum proponébat. Cujus adhuc adolescéntis illud admirábilis obediéntiæ extrémum a sancto Gregório Papa commemorátur. Nam cum Plácidus mónachus in lacum prolápsus, aquárum ímpetu raperétur, sancti Patris jussu accúrrens Maurus, et super aquas incédens, sócium capíllis apprehénsus, ad terram attráxit. Missus in Gálliam ab eódem sancto Benedicto, célebri monastério extrúcto, cui annos quadraginta præfuit, monásticam disciplínam mirifice propagávit. Dénique sanctitáte et miraculis clarus, septuagénario major migrávit in cœlum, anno salutis quingéntesimo sexagésimo quinto.

Te Deum laudámus. 14.

In Laud. commem. S. Mauri.

Ant. Similábo eum viro sapiénti, qui ædificávit domum suam supra petram.

V. Amávit eum Dóminus, et ornávit eum. R. Stolum glóriæ índuit eum.

In II. Vesp. commem. sequ.

Die 16. Januarii.

S. Marcelli Papæ et Mart.

Semiduplex.

Omnia de Coñuni unius Mart. [21] præter sequ.

Ant. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

V. Glória et honóre coronásti eum Dómine. R. Et constituísti eum super ópera mánuum tuárum.

Oratio.

Preces pópuli tui, quæsumus Dómine, cleménter exaúdi: ut beátí Marcelli Mátyris tui atque Pontificis méritis adjuvémur, cujus passióne lætámur. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.

arcéllus Románuſ, a Constantio et Galério usque ad Maxéntium pontificátum gessit. Cujus hortátu Lucína matróna Romána, bonórum suórum Dei Ecclesiám fecit hærédem. Aucto in Urbe fidélium número, ad eórum utilitátem, ad baptísmum pœnitentiámque dandam eis, qui christiánam religióem suscéperant, et ad Mátyrum sepultúram, novos Títulos instituit, et quasi álteras diocèses distribuit. Quibus rebus ira incénsus Maxéntius, Marcéllo grávia supplicia minátur,

nisi, depósito pontificátu, idólis immoláret.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam. V. Descenditque cum illo in fóveam, et in vínculis non derelíquit eum. Et dedit illi.

Lectio v.

Qui cum insánas hóminis voces negligéret, misit eum in catábulum, ut bestiárum, quæ públice alebántur, curam sustinéret. Ubi Marcéllus assíduis jejúniis et précibus novem menses vitam duxit, paróchias, quas præsens non pótérat, vísitans per epístolas. Inde eréptus a cléricis, hospítio recípitur a beáta Lucína, in cujus ædibus ecclésiám dedicávit, quæ hódie título sancti Marcélli nomináitur: in qua et Christiáni orábant, et ipse beátus Marcéllus prædicábat.

R. Desidérium ánimæ ejus tribuísti ei Dómine, * Et voluntáte labiórum ejus non fraudásti eum. V. Quóniam prævenísti eum in benedictionibus dulcédinis: posuísti in cápite ejus corónam de lápide pretióso. Et.

Lectio vi.

Quibus cógnitis, Maxéntius in eam ecclésiám catábuli béstias transférri, et a Marcélló custodíri jubet: ubi loci fœditáte, multisque ærúmnis afflíctus obdormívit in Dómino. Cujus corpus in cœmetério Priscillæ via Salária a beáta Lucína sepúltum est décimo séptimo Kaléndas Febrúarii. Sedit annos quinque, mensem unum, dies vigínti quinque. Scripsit epí-

stolam ad episcopos Antiochénae provinciæ de primátu Románae Ecclésiæ, quam caput ecclesiárum appellándam demónstrat. Ubi étiam illud scriptum est, nullum concílium jure celebrári, nisi ex auctoritáte Románi Pontificis. Ordinávit mense Decémbri Romæ presbýteros vigínti quinque, diáconos duos, episcopos per diversa loca vigínti unum.

R. Stola jucunditátis. [27]

In III. Noct. Homilia in Evang. Si quis vult. de eodem Comm. 2. loco. [32]

R. viii. Dómine prævenísti. [29]

Vesperæ de sequ. commem. præced.

Die 17. Januarii.

S. Antonii Abbatis.

Duplex.

Omnia de Comm. Conf. non Pont. [67] præter sequ.

Oratio.

Intercéssio nos, quæsumus Dómine, beáti Antónii Abbátis comméndet: ut, quod nostris méritis non valémus, ejus patrocínio assequámur. Per Dóminum.

Deinde commem. præced.

Ant. Qui vult veníre post me, abneget semetípsum, et tollat crucem suam, et sequáitur me.

V. Justus ut palma florébit. R. Sicut cedrus Líbani multiplicábitur.

Oratio ut supra. 423.

In I. Nocturno Lectiones de Scriptura occurrente.

In II. Nocturno.

Lectio iv.

Antónius Ægyptius, nobilibus et christiánis paréntibus natus, quibus adolescens orbátus est, cum ingressus ecclésiám

ex Evangélio audivisset: Si vis perfectus esse, vade, et vende ómnia quæ habes, et da paupéribus: tamquam ea sibi dicta essent, sic Christo Dómino obtemperándum existimávit. Itaque, vëndita re familiári, pecúniã omnem paupéribus distribuit. Quibus solútus impediméntis, cœléstis vitæ genus in terris cólere instituit. Sed cum in periculósum illud certámen descenderet, ad fidei præsidium, quo erat armátus, adhibéndum sibi putávit subsidium reliquárum virtútum: quarum tanto stúdio incensus fuit, ut quemcúmque vidéret áliqua virtútis laude excellentem, illum imitári studéret.

R. Honéstum fecit illum Dñs, et custodívit eum ab inimícis, et a seductóribus tutávit illum: * Et dedit illi claritátem ætérnam. V. Justum dedúxit Dóminus per vias rectas, et osténdit illi regnum Dei. Et dedit illi.

Lectio v.

Nihil igitur eo continéntius, nihil vigilántius erat. Patiéntia, mansuetúdone, misericórdia, humilitáte, labóre, ac stúdio divinárum Scripturárum superábat omnes. Ab hæreticórum et schismaticórum hóminum, máxime Arianórum, congréssu et collóquio sic abhorrébat, ut ne prope quidem ad eos accedéndum diceret. Humi jacébat, cum eum necessariús somnus occupásset. Jejúnium autem ádeo cóluit, ut salem tantúmmodo ad panem adhibéret, sitim aqua exstíngueret: neque se ante solis occásu cibo aut potu recreábat, sæpe étiam bíduum cibo abstinébat: sæpíssime in oratióne perno-

ctábat. Cum talis tantúsque Dei miles evásisset Antónius, sanctíssimum júvenem hostis humáni géneris váriis tentatióibus aggréditur, quas ille jejúnio et oratióne vincébat. Nec vero frequens de sátana triúmphus secúrum reddébat Antónium, qui diáboli innumérabiles artes nocéndi nóverat.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum. V. Induit eum Dóminus lorícã fidei, et ornávit eum. Et.

Lectio vi.

Itaque cöntulit se in vastíssimam Ægýpti solitúdinem: ubi quotidie ad christiánã perfectiόνem proficiens, dæmones (quorum tanto erant acrióres ímpetus, quanto Antónius ad resisténdum fórtior evadébat) ita contémpsit, ut illis exprobráret imbecillitátem: ac sæpe discípulos suos éxcitans ad pugnándum contra diábolum, docénsque quibus armis vincerétur: Mihi créдите, dicébat, fratres, pertiméscit sátanas piórum vigílias, oratiónes, jejúnia, voluntáriã paupertátem, misericórdiam, et humilitátem, máxime vero ardéntem amórem in Christum Dóminum, cujus único sanctíssimæ crucis signo debilitátus aúfugit. Sic autem dæmónibus erat formidolósus, ut multi per Ægýptum ab illis agitati, invocáto nómine Antónii liberarentur: tántaque erat ejus fama sanctitátis, ut per litéras se ejus oratióibus Constantínus Magnus et filii commendárent. Qui aliquándó quintum et centésimum annum agens, cum innumerábiles sui institúti imitatóres habéret, convo-

câtis mónachis, et ad perfectam christiánæ vitæ régulam instrúctis, sanctitáte et miráculis clarus migrávit in cœlum, décimo sexto Kaléndas Februárii.

R. Iste homo. [72]

In III. Noct. Homil. in Evang. Sint lumbi. de eodem Comm. 1. loco. [74]

Vesp. de sequ. cum comm. ut infra.

Die 18. Januarii.

Cathedræ S. Petri
qua Romæ primum sedit.

Duplex majus.

In I. Vesperis.

Ant., Ps., Capit. et alia hic non propria de Comm. Conf. Pont. [49]

Hymnus.

Quodcúmque in orbe nêxibus revínxeris,

Erit revíntum Petre in arce síderum:

Et quod resólvit hic potéstas tráditæ,

Erit solútum cœli in alto vér-tice:

In fine mundi judicábis sâculum.

Patri perénne sit per ævum glória,
Tibique laudes concinámus inclytas,

Ætérne Nate, sit supérne Spíritus

Honor tibi, decúsque: sancta jú-giter

Laudétur omne Trínitas per sâculum. Amen.

V. Tu es Petrus. R. Et super hanc petram ædificábo Ecclésiám meam.

Ad Magnif. Ant. Tu es pastor óvium, princeps Apostolorum, tibi tráditæ sunt claves regni cœlorum.

Oratio.

Deus, qui beáto Petro Apóstolo tuo, collátis clávisbus regni cœléstis, ligándi atque solvéndi pontificium tradidísti: concéde; ut intercessiónis ejus auxilio, a peccatórum nostrórum nêxibus liberémur: Qui vivis et regnas.

Deinde fit commem. S. Pauli, ante quascumque alias comm. etiam Festi Duplicis aut Dominicæ. Quod et servatur in commem. S. Petri, quæ fit in Festis S. Pauli.

Ant. Sancte Paule Apóstole, prædicátor veritátis, et Doctor Géntium, intercède pro nobis ad Deum, qui te elégit.

V. Tu es vas electiónis sancte Paule Apóstole. R. Prædicátor veritátis in univérso mundo.

Oratio.

Deus, qui multitudínem Géntium beáti Pauli Apóstoli prædicatione docuísti: da nobis quæsumus; ut cujus commemoratióem cólimus, ejus apud te patrocínia sentiámus.

Postea S. Antonii.

Ant. Hic vir despíciens mundum et terréna, triúmphans, divítias cœlo cóndidit ore, manu.

V. Justum dedúxit Dóminus per vias rectas. R. Et osténdit illi regnum Dei.

Oratio.

Intercéssio nos, quæsumus Dómine, beáti Antónii Abbátis comméndet: ut, quod nostris méritis non valémus, ejus patrocínio assequámur.

Postremo S. Priscæ Virg. et Mart.

Ant. Veni sponsa Christi, áccipe coronam, quam tibi Dóminus præparávit in ætérnum.

¶. Spécie tua et pulchritudine tua. R. Inténde, prospere procéde, et regna.

Oratio.

Da quæsumus omnipotens Deus: ut qui beátæ Priscæ Virginis et Mártiris tuæ natalítia cólimus, et ánnua solemnitáte lætémur, et tantæ fidei proficiámus exémplo. Per Dóminum.

Ad Matutinum.

Invit. Tu es pastor óvium, princeps Apostolorum: * Tibi trádidi Deus claves regni cœlórum.

Ps. Veníte, exsultémus. 2.

Hymnus. Quodcúmque. 426.

In I. Nocturno.

Incipit Epístola prima beáti Petri Apóstoli.

Lectio i.

Cap. 1.

Petrus Apóstolus Jesu Christi, eléctis ádvenis dispersiónis Ponti, Galátiae, Cappadóciae, Asiae, et Bithýniæ secúndum præsciéntiam Dei Patris, in sanctificatióne Spíritus, in obediéntiam, et aspersionem ságuinis Jesu Christi: Grátia vobis, et pax multiplicétur. Benedíctus Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hæreditátem incorruptibilem, et incontaminátam, et immarcescibilem, conservátam in cœlis in vobis, qui in virtúte Dei custodímini per fidem in salutem, parátam revelári in témpore novíssimo.

R. Simon Petre ántequam de navi vocárem te, novi te, et super plebem meam príncipem te con-

stítui, * Et claves regni cœlórum trádidi tibi. V. Quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis. Et claves.

Lectio ii.

In quo exsultábitis, módicum nunc si opórtet contristári in váriis tentatióibus: ut probatio vestræ fidei multo pretiósior auro (quod per ignem probáitur) inveniátur in laudem, et glóriam, et honórem in revelatióne Jesu Christi: quem cum non vidéritis diligitis: in quem nunc quoque non vidéntes créditis: credéntes autem exsultábitis lætítia inenarrábili, et glorificáta: reportántes finem fidei vestræ salutem animárum.

R. Si diligis me, Simon Petre, pasce oves meas. Dómine tu nosti quia amo te, * Et ánimam meam pono pro te. V. Si oportúerit me mori tecum, non te negábo. Et.

Lectio iii.

De qua salute exquisiérunt, atque scrutáti sunt prophétæ, qui de futura in vobis grátia prophetavérunt: scrutántes in quod, vel quale tempus significáret in eis Spíritus Christi: prænúntians eas quæ in Christo sunt passiões, et posteriões glórias: quibus revelátum est quia non sibimetípsis, vobis autem ministrábant ea, quæ nunc nuntiáta sunt vobis per eos, qui evangelizavérunt vobis, Spíritu sancto misso de cœlo, in quem desíderant Angeli prospícere.

R. Tu es Petrus, et super hanc petram ædificábo Ecclésiám meam, et portæ ínferi non prævalébunt advérsus eam: * Et tibi dabo

claves regni cœlorum. *V.* Quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis. Et tibi. Glória Patri. Et tibi.

In II. Nocturno.

Sermo sancti Leónis Papæ.

Serm. 1. de Ss. Apost. Petro et Paulo, ante medium.

Lectio iv.

Cum duódecim Apóstoli, accépta per Spíritum sanctum ómnium locutióne linguárum, imbuéndum Evangélio mundum distribútis sibi terrárum pártibus suscepissent, beatíssimus Petrus princeps apostólici órdis ad arcem Románi destinátur impérii, ut lux veritátis, quæ in ómnium géntium revelabátur salútem, effícius se ab ipso cápite per totum mundi corpus effúnderet. Cujus autem natiónis hómines in hac tunc urbe non essent? aut quæ usquam Gentes ignorárent, quod Roma didicisset?

R. Tu es pastor óvium, princeps Apostolorum: tibi trádidit Deus ómnia regna mundi: * Et ideo tibi tráditæ sunt claves regni cœlorum. *V.* Quodcúmque ligáveris super terram, erit ligátum et in cœlis: et quodcúmque sólveris super terram, erit solútum et in cœlis. Et.

Lectio v.

Hic conculcándæ philosophiæ opiniónes, hic dissolvéndæ erant terrénæ sapiéntiæ vanitátes, hic confutándi dæmonum cultus, hic ómnium sacrilegiórum impietas destruénda, ubi diligentíssima superstitióne habebátur colléctum, quidquid usquam fúerat vanis er-

róribus institútum. Ad hanc ergo urbem tu beatíssime Petre Apóstole veníre non métuís; et consórte glóriæ tuæ Paulo Apóstolo, aliárum adhuc ecclesiárum ordinatióibus occupáto, silvam istam freméntium bestiárum, et turbulentíssimæ profunditátis océanum constántior, quam cum supra mare graderéris, ingréderis.

R. Ego pro te rogávi Petre, ut non deficiat fides tua: * Et tu aliquándo convérsus confirma fratres tuos. *V.* Caro et sanguis non revelávit tibi, sed Pater meus, qui est in cœlis. Et tu.

Lectio vi.

Jam pópulos, qui ex circumcisióne credíderant, erudíeras: jam Antiochénam ecclésiám, ubi primum christiáni nóminis dignitas est orta, fundáveras: jam Pontum, Galátiam, Cappadóciám, Asiám, atque Bithýniám légibus evangélicæ prædicatiónis impléveras: nec aut dúbius de provéctu óperis, aut de spátio tuæ ignárus ætátis, trophæum crucis Christi Románis árcibus inferébas, quo te divínis præordinatióibus antefíbant, et honor potestátis, et glória passiónis.

R. Petre amas me? tu scis Dómine, quia amo te. * Pasce oves meas. *V.* Simon Joánnis díligis me plus his? tu scis. Dómine, quia amo te. Pasce. Glória Patri. Pasce.

In III. Nocturno.

Lectio sancti Evangélii secúndum Matthæum.

Lectio vii. Cap. 16. b.

In illo témpore: Venit Jesus in partes Cæsaráe Philíppi: et in-

terrogábat discipulos suos, dicens: Quem dicunt hómines esse Fílium hóminis? Et réliqua.

Homília sancti Hilárii Epíscopi.

Coment. in Matth. can. 16. post initium.

Dóminus a discipulis requírit, quem se hómines esse dicerent: et adjécit, hóminis fílium. Hæc enim confessiónis tenénda rátió est, ut sicut Dei Fílium, ita et fílium hóminis memínérimus: quia álterum sine áltero nihil spei tribuit ad salútem. Editis itaque, quæ divérsæ de eo erant, hóminum opinióibus, quid de se ipsi séntiant, quærit. Petrus respóndit: Tu es Christus Fílius Dei vivi. Sed Petrus conditiónes propositiόνis expénderat. Dóminus enim díxerat: Quem me hómines esse dicunt, fílium hóminis? Et certe fílium hóminis, contemplátio córporis præferébat. Sed addéndo, Quem me esse dicunt; significávit præter id, quod in se videbátur, esse áliud sentiéndum: erat enim hóminis fílius. Quod igitur de se opinándi judícium desiderábat? Non illud arbitrámur, quod de se ipse conféssus est: sed ocúltum erat, de quo quærebatúr, in quod se credéntium fides debébat exténdere.

R. Quem dicunt hómines esse Fílium hóminis? dixit Jesus discipulis suis. Respóndens Petrus dixit: Tu es Christus Fílius Dei vivi. * Et ego dico tibi, quia tu es Petrus, et super hanc petram ædificábo Ecclésiám meam. V. Beátus es Simon Bar-Jona, quia caro et sanguis non revelávit tibi, sed Pater meus, qui est in cœlis. Et.

Lectio viii.

Et dignum plane conféssio Petri præmíum consecúta est: quia Dei Fílium in hómine vidísset. Beátus hic est, qui ultra humánum óculos intendísse, et vidísse laudátus est: non id quod ex carne et ságuine erat cóntuens, sed Dei Fílium cœléstis Patris revelatióne conspiciens: dignúsque judicátus, qui quod in Christo Dei esset, primus agnósceret. ¶ O in nuncupatióne novi nóminis felix Ecclésiæ fundaméntum: dígnaque ædificatióne illíus petra, quæ inférnas leges, et tártari portas, et ómnia mortis claustra dissólveret! O beátus cœli jánitor, cujus arbitrio claves ætérni áditus tradúntur, cujus terréstre judícium præjudicáta auctóritas sit in cœlo! ut quæ in terris aut ligáta sint aut solúta, statúti ejúsdem conditiónem obtíneant et in cœlo.

R. Elégit te Dóminus sacerdotem sibi, ad sacrificándum ei * Hóstiám laudis. V. Immola Deo sacrificium laudis, et redde Altíssimo vota tua. Hóstiám. Glória Patri. Hóstiám.

Si festum Cathedræ transferri contigerit, et in illa die non occurrat Festum simplex, habens Lect. propriam, tunc ex viii. Lect. fiant duæ, quarum prior desinit ad signum ¶.

Pro S. Prisca Virg. et Mart.

Lectio ix.

Prisca, nóbilis virgo Romána, trédecim annos nata, Cláudio imperatóre, cristiánæ fidei accusáta, ejúsdem jussu ducta ad Apólinis templum, ut idólis immoláret, cum rem detestarétur, cólaphis cæsa, in cárcerem tráditur: atque

inde emissa, cum in fidei constantia perseveraret, affecta verbèribus, ferventique adipe delibuta, rursus in carcerem includitur. Post triduum in amphitheatrum producta, leoni objicitur: qui suæ feritatis oblitus, humiliter se ad ejus pedes abjecit. Quæ postea in ergastulo triduum inedia afflicta, in equuleo suspenditur, et ungulis ferreis excarnificata in rogam injicitur, unde etiam mirabiliter evasit incolumis. Denique extra Urbem capite abscisso, virginitatis palmam martyrii corona cumulavit. Cujus corpus via Ostiensi, decimo ab Urbe milliario, a Christianis decimo quinto Kalendas Februarii sepelitur. Te Deum. 14.

Ad Laudes.

Hymnus.

Beate pastor Petre clemens accipe

Voces precantum, criminumque vincula

Verbo resolve, cui potestas tradita

Aperire terris coelum, apertum claudere.

Sit Trinitati sempiterna gloria,
Honor, potestas, atque jubilatio,
In unitate, quæ gubernat omnia,
Per universa æternitatis sæcula.

Amen.

℣. Exaltent eum in ecclesia plebis. ℞. Et in cathedra seniorum laudent eum.

Ad Bened. Ant. Quodcumque ligaveris super terram, erit ligatum et in coelis: et quodcumque solveris super terram, erit solutum et in coelis: dicit Dominus Simoni Petro.

Oratio.

Deus, qui beato Petro Apostolo tuo, collatis clavibus regni cælestis, ligandi atque solvendi pontificium tradidisti: concede; ut intercessionis ejus auxilio, a peccatorum nostrorum nexibus liberemur: Qui vivis et regnas.

Deinde fit commemor. S. Pauli.

Ant. Sancte Paule Apostole, prædicator veritatis, et Doctor Gentium, intercède pro nobis ad Deum, qui te elegit.

℣. Tu es vas electionis sancte Paule Apostole. ℞. Prædicator veritatis in universo mundo.

Oratio.

Deus, qui multitudinem Gentium beati Pauli Apostoli prædicatione docuisti: da nobis quaesumus; ut cujus commemorationem colimus, ejus apud te patrocinia sentiamus.

Postea S. Priscæ Virg. et Mart.

Ant. Simile est regnum cælorum homini negotiatori quaerenti bonas margaritas; inventa una pretiosa, dedit omnia sua, et comparavit eam.

℣. Diffusa est gratia in labiis tuis. ℞. Propterea benedixit te Deus in æternum.

Oratio. Da quaesumus. 427.

In II. Vesperis.

Hymnus ut in I. Vesp. 426.

℣. Elegit te Dominus sacerdotem sibi. ℞. Ad sacrificandum ei hostiam laudis.

Ad Magnif. Ant. Dum esset summus Pontifex, terræ non metuit, sed ad cælestia regna gloriosus migravit.

Postea fit commemor. S. Pauli, ut supra in Laudibus.

Deinde S. Canuti Regis et Mart. necnon Ss. Marii et Soc. Mart. ut infra.

Die 19. Januarii.

S. Canuti Regis et Mart.

Semidupl. ad libitum.

Si venerit in Dominica, vel in die infra aliquam Octavam, omittitur.

Omnia de Comm. unius Mart. [21] præter sequ.

Ant. Iste sanctus pro lege Dei sui certavit usque ad mortem, et a verbis impiorum non timuit: fundatus enim erat supra firmam petram.

V. Glória et honóre coronasti eum Dómine. **R.** Et constituisti eum super ópera mánuum tuárum.

Oratio.

Deus, qui ad illustrándam Ecclésiám tuam, beátum Canútum regem martýrii palma et gloriósis miráculis decoráre dignátus es: concéde propítius; ut, sicut ipse Domínicæ passiónis imitátor fuit, ita nos per ejus vestigia gradiétes, ad gaúdia sempitérna pervenire mereámur. Per eúmdem Dóminum nostrum.

Pro commemor. Ss. Marii, Marthæ, Audifacis et Abachum Mart.

Ant. Istórum est enim regnum coelórum, qui contempsérunt vitam mundi, et pervenérunt ad præmia regni, et lavérunt stolas suas in sanguíne Agni.

V. Lætámini in Dómino, et exultáte justi. **R.** Et gloriámini omnes recti corde.

Oratio.

Exáudi Dómine pópulum tuum cum sanctórum tuórum patrocinio supplicántem: ut et tempo-

rális vitæ nos tribuas pace gaudere, et æternæ reperire subsidium. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.

Canútus quartus, Suenónis Esthrítii Danórum regis filius, fide, pietáte et morum honestáte conspicuus, exímie sanctitátis a téneris annis spécimen dedit. Patérnum sceptrum summa ómnium acclamatióne adéptus, religióni promovéndæ sédulo incumbere, ecclésiás redítibus augere, et pretiósa supelléctili ornáre cœpit. Tum zelo propagándæ fidei succensus, bárbara regna justo certamine aggréssus, devíctas subditasque natiónes christiánæ legi subjugávit. Victóriis autem plúrimis gloriósus, et divítiis auctus, regále diadéma ad Christi crucifixi pedes abjécit, se et regnum illi subjiciens, qui Rex regum est, et Dóminus dominántium. Corpus suum jejúniis, cilíciis et flagéllis castigávit. In oratióne et contemplatióne assíduus, erga paúperes profusus, erga omnes benéficus semper fuit: nec umquam a justítiæ divinæque legis sémita defléxit.

R. Honéstum fecit illum Dóminus, et custodívit eum ab inimícis, et a seductóribus tutávit illum, * Et dedit illi claritátem æternam. **V.** Descendítque cum illo in foveam, et in vinctulis non dereliquit eum. Et.

Lectio v.

His aliisque virtútibus imbútus, ad supréum perfectiónis ápicem sanctus rex properábat. Ac-

cidit autem ut Angliæ regnum a Wilhélmo Normannorum duce, formidabili exercitu invaderetur. Anglis vero, Danorum opem implorantibus, cum succurrere rex decrevisset, belli expeditionem Olao fratri commisit. Qui regnandi cupiditate illéctus, arma vertit in regis perniciem, militibus et populo contra illum concitatis. Nec defuerunt rebellioni foménta. Cum enim rex, éditis légibus, décimas ecclésiis solvi, Dei et Ecclésiæ præcépta servári, transgressores puniri sanxisset, plerique perversi ac scelerati homines exacerbatí, primum quidem tumultuari, tum plebem commovere, ac tandem sanctissimo regi necem moliri cœperunt.

R. Desiderium animæ ejus tribuisti ei Dómine, * Et voluntate labiorum ejus non fraudasti eum. V. Quoniam prævenisti eum in benedictionibus dulcedinis: posuisti in capite ejus coronam de lapide pretioso. Et.

Lectio vi.

Sciens igitur rex, futurorum præscius, mortem sibi propter justitiam imminere; ea prænuntiata, ad ecclésiam sancti Albani Mártyris Othóniæ, tamquam ad locum certaminis, profectus est: et sacraméntis munitus, agónem suum Dómino commendabat. Mox ibi adveniēns conjuratorum multitudo, ecclésiæ ignem admovere, fores confringere et in eam irrumpere tentarunt. Quod cum perficere non possent, ad fenestras accedentes, saxa et sagittas in sanctum regem, flexis génibus pro inimicis orantem, magno impetu jaculari

non cessarunt: donec lápidum et telorum ictibus, ac tandem lancea confossus, glorióso martyrio, ante altare extensis brachiis procumbens, coronatus est, sedente in apostólico throno Gregório séptimo. Multis póstea miraculis Mártyrem suum illustravit Deus. Nam gravi penúria et diversis calamitatibus oppressa Dánia, patrati sacrilégii pœnas luit. Plures étiam váriis languoribus afflicti, ad ejus túmulum remédium et incolumitatem consecuti sunt. Cumque regína sacrum ejus corpus noctu clam surripere, et álio transférre conaretur, emissó cœlitus ingénti splendóre perterrita, a proposito cessavit.

R. Stola jucunditatis. [27]

In III. Noct. Homil. in Evang. Si quis vult. de eodem Comm. 2. loco. [32]

Pro Ss. Mario et Sociis Mart.

Lectio ix.

Márius Persa, nobili loco natus, cum Martha cónjuge pari nobilitate, et duobus filiis Audíface et Abachum, Romam venit Claudio imperatore, ut Mártyrum sepúlchra veneraretur. Ibi Christiános in víncula conjéctos fovébant, et ópera ac facultatibus suis sustentábant, et sanctorum cõrpora sepeliébant. Quamóbrem comprehénsi omnes, cum nec impiórum minis, nec terróre commoveréntur, ut diis sacrificarent; primum fústibus debilitati, deinde fúnibus attrácti, tum admótis candéntibus láminis combústi, et úngulis férreis excarnificati sunt. Postrémo præcisis mánibus, et ad collum alligatis, ducti per médiam urbem, via Cornélia ad tértium decimum

ab Urbe milliárium, in eum locum, qui Nymphe dicebátur, necántur: ac primum Martha, quæ virum ac filios ad supplícia pro Jesu Christi fide constánter perferénda, vehementer fúerat cohortáta: mox céteris in eádem arenária cervíces abscindúntur, eorúmque córpora conjiciúntur in ignem. Quæ semiústá, Felícitas matróna Romána nóbilis, colligénda, et in suo prædio sepeliénda curávit.

Te Deum laudámus. 14.

In Laudibus pro commem. Ss. Marii et Soc. Mart.

Ant. Vestri capilli cápitis omnes numeráti sunt: nolíte timére: multis passéribus meliôres estis vos.

Ÿ. Exsultábunt sancti in glória.

R. Dætabúntur in cubilibus suis.

Vesp. de sequ. cum comm. præced.

Die 20. Januarii.-

Ss. Fabiani et Sebastiani
Martyrum.

Duplex.

Omnia de Comm. plurim. Mart. [35]
præter sequ.

Oratio.

Infirmítatem nostram respice, omnípotens Deus: et quia pondus propriæ actióis gravat, beatórum Mátyrum tuórum Fabiáni et Sebastiani intercéssio gloriósa nos prótegat. Per Dóminum.

Et fit commem. præc.

Ant. Qui vult veníre post me, ábneget semetípsum, et tollat crucem suam, et sequátur me.

Ÿ. Justus ut palma florébit.

R. Sicut cedrus Líbani multiplicábitur.

In I. Nocturno Lectiones de Scriptura occurrente,

In II. Nocturno.

Lectio iv.

Fabiánus Románus a Maximíno usque ad Décium regens Ecclésiám, septem diáconis regiónés divisit, qui paúperum curam habérent. Tótidem subdiáconos creávit, qui res gestas Mátyrum a septem notáriis scriptas colligerent. Idem státuit, ut quotánis féria quinta in Cœna Dómini, vétere combústó, chrisma renovarétur. Dénique décimo tértio Kaléndas Febuárii in persecutióne Décii mátyrio coronátus, in cœmetério Callísti via Appia sepelí-
tur, cum sedísset annos quíndecim, dies quátuor. Hic fecit ordinationés quinque mense Decémbri, quibus creávit presbýteros viginti duos, diáconos septem, episcopos per divérsa loca úndecim.

R. Sancti tui Dómine mirábile consecúti sunt iter, serviéntes præcéptis tuis, ut inveniréntur illæsi in aquis válidis: * Terra apáruit árida, et in Mari rubro via sine impediménto. Ÿ. Quóniam percússit petram, et fluxérunt aquæ, et torréntes inundavérunt Terra.

Lectio v.

Sebastiánus ex patre Narbonénsi, si, matre Mediolanénsi natus, ob géneris nobilitátem et virtútem Diocletiáno carus fuit; dux primæ cohórtis, Christiános, quorum fidem clam colébat, ópera et facultátibus adjuvábatur; et qui ex eis tormentórum vim reformidáre videbántur, cohortatióne sic confirmábat, ut pro Jesu Christo multi se ultro tortóribus offérrent. In illis fuére Marcus et Marcelliánus fra-

tres, qui Romæ in custódia erant apud Nicóstratum: cujus uxor Zoë vocem, quam amiserat, Sebastíani oratione recuperávit. Quibus Diocletiano delátis, Sebastíanum accersit, et veheméntius objurgátum ómnibus artificiis a Christi fide conátur avértere. Sed cum nihil nec pollicéndo, nec terréndo proficeret, ad palum alligátum sagíttis configi jubet.

R. Vérbera carníficum non timuérunt sancti Dei, moriéntes pro Christi nómine: * Ut hærédes fierent in domo Dómini. V. Tradidérunt córpora sua propter Deum ad supplícia. Ut hærédes.

Lectio vi.

Quem ómnium opinióne mórtuum noctu sancta múlIER Iréne sepeliéndi grátia jussit auférri: sed vivum repértum domi suæ curávit. Itaque paulo post confirmáta valetúdi-ne, Diocletiano óbviám factus, ejus impietátem libérius accusávit. Cujus aspéctu cum ille primum obstupuísset, quod mórtuum créderet; rei novitáte, et acri Sebastíani reprehensióne excandéscens, eum támdiu virgis cædi imperávit, donec ánimam Deo réderet. Ejus corpus in cloácám de-jéctum Lucína a Sebastiano in sómnis admónita, ubi esset, et quo loco humári vellet, ad Catacúmbas sepelívit, ubi sancti Sebastíani nómine célebris ecclésia est ædificáta.

R. Tamquam aurum. [41]

In III. Nocturno Homilia in Evang. Descéndens Jesus. de eodem Comm. 2. loco. [47]

Vesp. a Capit. de sequ. eum commem. præc.

Die 21. Januarii.

S. Agnetis Virg. et Mart.

Duplex.

Quando I. Vesp. dicendæ sunt integræ, Ant. erunt de Laud. Psalmi ut in I. Vesp. Apost. [2]

Capitulum. Eccli. 51.

Confitébor tibi Dómine Rex, et collaudábo te Deum Salvatórem meum. Confitébor nómini tuo: quóniam adjútor et protéctor factus es mihi et liberásti corpus meum a perditíone.

Hymnus.

Jesu, coróna Vírginum,
Quem mater illa cóncipit,
Quæ sola Virgo párturit:
Hæc vota clemens áccipe.

Qui pergis inter lília,
Septus choréis Vírginum,
Sponsus decórus glória,
Sponsisque reddens præmia.

Quocúmque tendis, Vírgines
Sequúntur, atque laúdibus
Post te canéntes cúrsitant,
Hymnósque dulces pèrsonant.

Te deprecámur súpplices;
Nostris ut addas sénsibus,
Nescíre prorsus ómnia
Corruptiónis vúlnera.

Virtus, honor, laus, glória
Deo Patri cum Fílio,
Sancto simul Paráclito,
In sæculórum sæcula. Amen.

V. Spécie tua et pulchritúdi-ne tua. R. Inténde, prospere procéde, et regna.

Ad Magnif. Ant. Beáta Agnes in médio flammárum expánsis má-nibus orábat: Te déprecór omní-potens, adoránde, colénde, Pater me-tuéndé, quia per sanctum Fílium

tuum evási minas sacrilegi tyránni,
et carnis spurcítias immaculáto
calle transívi: et ecce vénio ad te,
quem amávi, quem quæsívi, quem
semper optávi.

Oratio.

Omnípotens sempitérne Deus,
qui infirma mundi éligis, ut
fórtia quæque confúndas: concéde
propítius; ut, qui beátæ Agnétis
Vírginis et Mártiris tuæ solémnia
cólimus, ejus apud te patrocínia
sentiámus. Per Dóminum.

Deinde fit commemor. præced.

Ant. Gaudent in cœlis ánimæ
sanctórum, qui Christi vestigia
sunt secúti: et quia pro ejus amóre
sánguinem suum fuderunt, ideo
cum Christo exsúltant sine fine.

V. Exsultábunt sancti in glória.
R. Lætabúntur in cubilibus suis.

Ad Matutinum.

Invit. Regem Vírginum Dómi-
num * Veníte adorémus.

Ps. Veníte, exsultémus. 2.

Hymnus.

Vírginis Proles, Opiféxque Ma-
tris,

Virgo quem gessit, peperítque
Virgo;

Vírginis partos cánimus decóra
Morte triúmpos.

Hæc enim palmæ dúplicitis beáta
Sorte, dum gestit fráguilem do-
máre

Córporis sexum, dómuít cruéntū
Cæde tyránnum.

Unde nec mortem, nec amíca mor-
tis

Mille poenárum génera expavé-
scens,

Sánguine effúso mérúit serénus
Scándere cœlum.

Hujus orátu Deus alme nobis
Débitas poenas scélerum remítte;
Ut tibi puro resonémus alnum
Péctore carmen.

Sit decus Patri, genitæque Proli,
Et tibi compar utriúsque virtus
Spíritus semper, Deus unus o-
mni

Témporis ævo. Amen.

In I. Nocturno.

Ant. Discéde a me pábulum mor-
tis, quia jam ab álío amatóre præ-
vénta sum.

Psalmus 1.

Beátus vir, qui non ábiit in con-
sílio impiórum, et in via pec-
catórum non stetit, * et in
cáthedra pestiléntiæ non sedit:

Sed in lege Dómini volúntas ejus,
* et in lege ejus meditábitur die
ac nocte.

Et erit tamquam lignum, quod
plantátum est secus decúrsus aquá-
rum, * quod fructum suum dabit in
témpore suo:

Et fólium ejus non défluet: * et
ómnia quæcúmque fáciat, prospera-
rabúntur.

Non sic ímpii, non sic: * sed tam-
quam pulvis, quem prójicit ventus
a fácie terræ.

Ideo non resúrgent ímpii in ju-
dício: * neque peccatóres in con-
cílio justórum.

Quóniam novit Dñs viam justó-
rum: * et iter impiórum peribit.

Ant. Discéde a me pábulum mor-
tis, quia jam ab álío amatóre præ-
vénta sum.

Ant. Déxteram meam et collum
meum cinxit lapídibus pretiósus,
trádidit aúribus meis inæstímá-
biles margarítas.

Psalmus 2.

Quare fremuérunt Gentes, * et pópuli meditáti sunt inánia?

Astitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in coelis, irridébit eos: * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me: * Fílius meus es tu, ego hódie génui te.

Póstula a me, et dabo tibi Gentes hæreditátem tuam, * et possessionem tuam términos terræ.

Reges eos in virga férrea, * et tamquam vas figuli confrínges eos.

Et nunc reges intelligite: * erudímini qui judicátis terram.

Servíte Dómino in timóre: * et exultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Déxteram meam et collum meum cinxit lapídibus pretiósus, trádedit aúribus meis inæstimábiles margarítas.

Ant. Pósuit signum in fáciem meam, ut nullum præter eum amatórem admíttam.

Psalmus 3.

Dómine quid multiplicáti sunt qui tríbulant me? * multi insúrgunt advérsus me.

Multi dicunt ánimæ meæ: * Non est salus ipsi in Deo ejus.

Tu autem Dómine suscéptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exsurrexi, quia Dóminus suscepit me.

Non timébo millia pópuli circumdántis me: * exsúrge Dómine, salvum me fac Deus meus.

Quóniam tu percussísti omnes adversátes mihi sine causa: * dentes peccatórum contrivísti.

Dómini est salus: * et super pópulum tuum benedíctio tua.

Ant. Pósuit signum in fáciem meam, ut nullum præter eum amatórem admíttam.

V. Spécie tua et pulchritúdine tua. R. Inténde, prospere procéde, et regna.

De libro Ecclesiástici.

Lectio i.

Cap. 51.



onfitebor tibi Dómine Rex, et collaudábo te Deum Salvatórem meum. Confitebor nómini tuo: quóniam adjutor et protéctor factus es mihi, et liberásti corpus meum a perditíone, a láqueo linguæ iníquæ, et a lábiis operántium mendácium, et in conspéctu astántium factus es mihi adjutor. Et liberásti me secúndum multitudínem misericórdiæ nóminis tui a rugiéntibus præparátis ad

escam, de mánibus quæréntium ánimam meam, et de portis tribulatiónum, quæ circumdedérunt me: a pressúra flammæ, quæ circumdedit me, et in médio ignis non sum æstuáta: de altitúdine ventris inferi, et a lingua coinquináta, et a verbo mendácii, a rege iníquo, et a lingua injústa.

R. Diem festum sacratíssimæ Vírginis celebrémus, quáliter passa sit beáta Agnes ad memóriam revocémus: tertiodécimo ætátis suæ anno mortem pérdidit, et vitam invénit: * Quia solum vitæ diléxit auctórem. V. Infántia quidem computabátur in annis, sed erat senéctus mentis imménsa. Quia.

Lectio ii.

Laudábit usque ad mortem ánima mea Dóminum, et vita mea appropínquans erat in inférno deórsum. Circumdedérunt me úndique, et non erat qui adjuváret. Respiciens eram ad adiutórium hóminum, et non erat. Memoráta sum misericórdiæ tuæ Dómine, et operatiónis tuæ, quæ a sæculo sunt: quóniam éruis sustinéntes te Dómine, et liberas eos de mánibus géntium.

R. Déxteram meam et collum meum cinxit lapídibus pretiósus, trádidit aúribus meis inæstimábiles margarítas: * Et circumdedit me vernántibus atque coruscántibus gemmis. V. Pósuit signum in faciém meam, ut nullum præter eum amatórem admíttam. Et.

Lectio iii.

Exaltásti super terram habitatió-nem meam, et pro morte defluénte deprecáta sum. Invocávi

Dóminum Patrem Dómini mei, ut non derelínquat me in die tribulatiónis meæ, et in témpore superbórum sine adiutório. Laudábo nomen tuum assidue, et collaudábo illud in confessiône, et exaudíta est orátio mea. Et liberásti me de perditione, et eripuísti me de témpore iníquo. Proptérea confitébor, et laudem dicam tibi, et benedicam nómini Dómini.

R. Amo Christum, in cujus thálamum introibo, cujus mater virgo est, cujus pater féminam nescit, cujus mihi órgana modulátis vóci-bus cantant: * Quem cum amávero, casta sum; cum tetígero, munda sum; cum accépero, virgo sum. V. Annulo fidei suæ subarrhávít me, et imménsis monílibus ornávít me. Quem. Glória Patri. Quem.

In II. Nocturno.

Ant. Induit me Dóminus cýclade auro texta, et imménsis monílibus ornávít me.

Psalmus 4.

Cum invocárem exaudivít me Deus justítiæ meæ: * in tribulatióne dilatásti mihi.

Miserére mei, * et exáudi oratió-nem meam.

Fílii hóminum úsquequo gravi corde? * ut quid dilígitis vanitátem, et quæritis mendácium?

Et scitóte quóniam mirificávít Dóminus sanctum suum: * Dóminus exáudiet me cum clamávero ad eum.

Irascímíni, et nolíte peccáre: * quæ dicitis in córdibus vestris, in cubilibus vestris compungímíni.

Sacrificáte sacrificium justítiæ,

et speráte in Dómino. * Multi dicunt: Quis osténdit nobis bona?

Signátum est super nos lumen vultus tui Dómine: * dedísti lætítiam in corde meo.

A fructu fruménti, víní, et ólei sui * multiplicáti sunt.

In pacē in idípsum * dórmiam, et requiéscam;

Quóniam tu Dómine singuláriter in spe * constituísti me.

Ant. Induit me Dóminus cýclade auro texta, et imménsis monílibus ornávit me.

Ant. Mel et lac ex ejus ore suscepí, et sanguis ejus ornávit genas meas.

Psalmus 5.

Verba mea aúribus pércepe Dómine, * intéllege clamórem meum.

Inténde voci oratiónis meæ, * Rex meus et Deus meus.

Quóniam ad te orábo: * Dómine mane exaúdiēs vocem meam.

Mane astábo tibi et vidébo: * quóniam non Deus volens iniquitátem tu es.

Neque habitábit juxta te malignus: * neque permanébunt injústi ante óculos tuos.

Odísti omnes, qui operántur iniquitátem: * perdes omnes, qui loquúntur mendácium.

Virum sánguinum et dolósum abominábitur Dóminus: * ego autem in multitúdine misericórdiæ tuæ.

Introíbo in domum tuam: * adorábo ad templum sanctum tuum in timóre tuo.

Dómine deduc me in justítia tua: * propter inimícos meos dirige in conspéctu tuo viam meam.

Quóniam non est in ore eórum véritas: * cor eórum vanum est.

Sepúlchrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multitúdinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt: et habitábis in eis.

Et gloriabúntur in te omnes, qui diligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Ant. Mel et lac ex ejus ore suscepí, et sanguis ejus ornávit genas meas.

Ant. Ipsi soli servo fidem, ipsi me tota devotióne committo.

Psalmus 8.

Dómine Dóminus noster, * quam admirábile est nomen tuum in univérsta terra!

Quóniam eleváta est magnificéntia tua, * super cœlos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cœlos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus

ejus, * oves et boves univérſas, insuper et pécora campi.

Vólucres cœli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérſa terra!

Ant. Ipsi soli servo fidem, ipsi me tota devotióne commítto.

Ÿ. Adjuvábít eam Deus vultu suo. R. Deus in médio ejus, non commovébitur.

Ex libro S. Ambrósii Epíscopi de Virgínibus.

Lectio iv. Lib. 1. post init.

Hódie natális est Virgínis, integritátem sequámur. Natális est Mártyris, hóstias immolémus. Natális est sanctæ Agnétis, miréntur viri, non despérent párvuli, stúpeant nuptæ, imiténtur innúptæ. Sed quid dignum ea loqui póssumus, cujus ne nomen quidem vácuum laudis est? Devótio supra ætátem, virtus supra natúram: ut mihi videátur non hómínis habuisse nomen, sed oráculum Mártyris, quod indicávit quid esset futúra. Nomen Virgínis, títulus est pudóris. Appellábo Mártyrem: prædicávi satis. Prolíxa laudátio est, quæ non quæritur, sed tenétur. Nemo est laudabílior, quam qui ab ómnibus laudári pótet. Quot hómínes, tot præcónes, qui Mártyrem prædicant, dum loquúntur.

R. Induit me Dóminus vestiménto salútis, et induménto lætitiæ circúmdedit me: * Et tamquam sponsam decorávit me coróna. Ÿ. Trádidit aúribus meis inæstimábiles margarítas, circúmdedit

me vernántibus atque coruscántibus gemmis. Et tamquam.

Lectio v.

Hæc trédecim annórum martýrium fecísse tráditur. Quo detestabílior crudélitas, quæ nec minúsculæ pepércit ætáti: imo magna vis fidei, quæ étiam ab illa testimoniúm invénit ætáte. Fuítne in illo corpúsculo vúlneri locus? Et quæ non hábuit quo ferrum reciperet, hábuit quo ferrum vínceret. Hæc inter cruéntas carníficum impávida manus, hæc stridentium grávibus immóbilis tráctibus caténarum, nunc furéntis mucróni militis totum offérre corpus, mori adhuc néscia, sed paráta, vel si ad aras invíta raperétur, téndere Christo inter ignes manus, atque in ipsis sacrilegis focis trophæum Dómini signáre victóris: nunc ferrátis colla manúsque ambas insérere nexibus. Sed nullus tam tenúia membra póterat nexus inclúdere. Novum martýrii genus. Nondum idónea pœnæ, et jam matúra victóriæ: certáre difficilis, fácilis coronári: magistérium virtútis implévit, quæ præjudícium vehébat ætátis.

R. Mel et lac ex ejus ore suscepí, * Et sanguis ejus ornávit genas meas. Ÿ. Osténdit mihi thesaúros incomparábiles, quos mihi se datúrum repromísit. Et.

Lectio vi.

Non sic ad thálamum nupta properáret, ut ad supplicíi locum, læta succéssu, gradu festína virgo procéssit. Flere omnes, ipsa sine fletu. Mirári pleríque, quod tam fácile vitæ suæ pródiga, quam nondum háuserat, jam quasi perfúnta

donáret. Stupére univérſi, quod jam divinitátis testis exsisteret, quæ adhuc árbitra ſui per ætátem eſſe non poſſet. Quánto terróre egit cárniſex ut timerétur, quantis blanditiis ut ſuadéret, quantórum vota, ut ſibi ad núptias proveníret? At illa: Et hæc ſponſi injúria eſt, inquit, exſpectáre placitúram. Qui me ſibi prior elégit, accípiet: quid percúſſor moráris? Péreat corpus, quod amári poſteſt óculis, quibus nolo. Stetit, orávit, cervícem inflexit. Cérneres trepidáre carníficem, quaſi ipſe addíctus fuiſſet, trémere percúſſóris dexteram, palére ora aliéno timéntis perículo, cum puélla non timéret ſuo. Habétis igitur in una hóſtia duplex martýrium, pudóris et religiónis. Et virgo permánsit, et martýrium obtínuit.

R. Jam corpus ejus córpori meo ſociátum eſt, et ſanguis ejus ornávit genas meas: * Cujus mater virgo eſt, cujus pater féminam nescit. V. Ipſi ſum deſponsáta, cui Angeli ſérviunt, cujus pulchritúdinem ſol et luna mirántur. Cujus. Glória Patri. Cujus.

In III. Nocturno.

Ant. Cujus pulchritúdinem ſol et luna mirántur, ipſi ſoli ſervo fidem.

Psalmus 14.

Dómine quis habitábit in tabernáculo tuo? * aut quis requieſcet in monte ſancto tuo?

Qui ingréditur ſine mácula, * et opératur juſtítiam:

Qui lóquitur veritátem in corde

ſuo, * qui non egit dolum in lingua ſua:

Nec fecit próximo ſuo malum, * et oppróbrium non accépit advérſus próximos ſuos.

Ad níhilum dedúctus eſt in conſpectu ejus malignus: * timéntes autem Dóminum glórficat:

Qui jurat próximo ſuo, et non decipit, * qui pecúniam ſuam non dedit ad uſúram, et múnera ſuper innocentem non accépit.

Qui facit hæc, * non movébitur in ætérnum.

Ant. Cujus pulchritúdinem ſol et luna mirántur, ipſi ſoli ſervo fidem.

Ant. Chriſtus circúmdedit me vernántibus atque coruſcántibus gemmis pretiósís.

Psalmus 44.

Eructávit cor meum verbum bonum: * dico ego ópera mea regi.

Lingua mea cálamus ſcribæ, * velóciter ſcribéntis.

Speciósus forma præ filiis hóminum, diffúſa eſt grátia in lábiis tuis: * proptérea benedíxit te Deus in ætérnum.

Accíngere gládio tuo ſuper femur tuum, * potentíſſime,

Spécie tua et pulchritúdine tua * inténde, próſpere procéde, et regna.

Propter veritátem, et mansuetúdinem, et juſtítiam: * et dedúcet te mirabíliter dextera tua.

Sagíttæ tuæ acútæ, pópli ſub te cadent, * in corda inimicórum regis.

Sedes tua Deus in ſæculum ſæculi: * virga directiónis virga regni tui.

Dilexisti justítiam, et odísti iniquitátem: * proptérea unxit te Deus Deus tuus óleo lætitiæ præ consórtibus tuis.

Myrrha, et gutta, et cásià a vestiméntis tuis, a dómibus ebúrneis: * ex quibus delectavérunt te filiæ regum in honóre tuo.

Astitit regína a dextris tuis in vestitu deauráto: * circúmdata varietáte.

Audi filia, et vide, et inclína aurem tuam: * et obliviscere pópulum tuum, et domum patris tui.

Et concupíscet Rex decórem tuum: * quóniam ipse est Dóminus Deus tuus, et adorábunt eum.

Et filiæ Tyri in munéribus * vultum tuum deprecabúntur: omnes dívites plebis.

Omnis glória ejus filiæ Regis ab intus, * in fimbriis aúreis circumamícta varietátibus.

Adducéntur Regi vírgines post eam: * próximæ ejus afferéntur tibi.

Afferéntur in lætítia et exultatióne: * adducéntur in templum Regis.

Pro pátribus tuis nati sunt tibi filii: * constitues eos príncipes super omnem terram.

Mémores erunt nóminis tui: * in omni generatióne et generatióne.

Proptérea pópuli confitebúntur tibi in ætérnum: * et in sæculum sæculi.

Ant. Christus circúmdedit me vernántibus atque coruscántibus gemmis pretiósus.

Ant. Ipsi sum desponsáta, cui Angeli sérvunt, cujus pulchritúdinem sol et luna mirántur.

Psalmus 45.

Deus noster refúgium, et virtus: * adjutor in tribulatió nibus, quæ invenérunt nos nimis.

Proptérea non timébimus dum turbábitur terra: * et transferéntur montes in cor maris.

Sonuérunt, et turbátæ sunt aquæ eórum: * conturbáti sunt montes in fortitú dine ejus.

Flúminis ímpetus lætíficat civitátem Dei: * sanctificávit tabernáculum suum Altíssimus.

Deus in médio ejus, non commovébitur: * adjuvábít eam Deus mane dilúculo.

Conturbátæ sunt Gentes, et inclináta sunt regna: * dedit vocem suam, mota est terra.

Dóminus virtútum nobíscum: * suscéptor noster Deus Jacob.

Veníte, et vidéte ópera Dómini, quæ pósuit prodígia super terram: * aúferens bella usque ad finem terræ.

Arcum cónteret, et confrínget arma: * et scuta combúret igni.

Vacáte, et vidéte quóniam ego sum Deus: * exaltábor in Géntibus, et exaltábor in terra.

Dóminus virtútum nobíscum: * suscéptor noster Deus Jacob.

Ant. Ipsi sum desponsáta, cui Angeli sérvunt, cujus pulchritúdinem sol et luna mirántur.

V. Elégit eam Deus, et præelégit eam. R. In tabernáculo suo habitáre facit eam.

Léctio sancti Evangélíi secúndum Matthæum.

Lectio vii. Cap. 25.

In illo témpore: Dixit Jesus discí pulis suis parábolam hanc: Sí-

mile erit regnum cœlorum decem virgínibus: quæ accipiéntes lám-pades suas, exiérunt óbviám spon-so et sponsæ. Et réliqua.

Homilia sancti Gregórii Papæ.

Homilia 12. in Evang.

Sæpe vos, fratres caríssimi, ad-móneo prava ópera fúgere, mundi hujus inquinaménta devitáre: sed hodiérna sancti Ev-angélii lectióne compéllor dícere, ut et bona quæ ágitis, cum magna cautéla teneátis: ne per hoc quod a vobis rectum géritur, favor aut grátia húmána requirátur: ne ap-petitus laudis subrépat, et quod foris osténditur, intus a mercéde vacuétur. Ecce enim Redemptóris voce decem vírgines, et omnes dicúntur vírgines, et tamen intra beatitúdinis jánuam non omnes sunt recéptæ: quia eárum quædam, dum de virginitáte sua glóriam fo-ris éxpetunt, in vasis suis óleum habére noluérunt.

R. Ipsi sum desponsáta, cui An-geli sérvíunt, cujus pulchritúdinem sol et luna mirántur: * Ipsi soli servo fidem, ipsi me tota devotió-ne commítto. V. Déxteram meam et collum meum cinxit lapídibus pretiósis: trádidit aúribus meis in-æstimábiles margarítas. Ipsi soli.

Lectio viii.

Sed prius quæréndum nobis est, quid sit regnum cœlorum, aut cur decem virgínibus comparétur, quæ étiam vírgines prudéntes et fátuæ dicántur. Dum enim cœlórum regnum constat, quia repro-borum nullus ingréditur, étiam fá-tuis virgínibus cur símile esse per-hibétur? Sed sciéndum nobis est,

quod sæpe in sacro elóquio regnum cœlorum præsentis témporis Ec-clésia díctur. De quo álio in loco Dóminus dicit: Mittet Fílius hómi-nis Angelos suos, et cólligent de regno ejus ómnia scándala. Neque enim in illo regno beatitúdinis, in quo pax summa est, inveníri scán-dala póterunt, quæ colligántur.

R. Omnípotens, adoránde, co-lénde, treménde, benedíco te: * Quia per Fílium tuum unigénitum evási minas hóminum impiórum, et spurcítias diáboli impollúto calle transívi. V. Te confíteor lá-biis, te corde, te totis viscéribus concupísco. Quia. Glória Patri. Quia.

Lectio ix.

In quinque autem cõrporis sènsi-bus unusquísque subsístit. Ge-minátus autem quínarius denárium pérficit. Et quia ex utróque sexu fidélium multitúdo collígitur, san-cta Ecclésia decem virgínibus sí-milis esse denuntiátur. In qua quia mali cum bonis, et réprobi cum eléctis admíxti sunt, recte símilis virgínibus prudéntibus et fátuís esse perhibétur. Sunt namque ple-ríque continéntes, qui ab appetítu se exterióri custódiunt, et spe ad interióra rapiúntur, carnem máce-rant, et toto desidério ad supér-nam pátriam anhélant, æténa præmia éxpetunt, pro labóribus suis recípere laudes húmáneas no-lunt. Hi nimírum glóriam suam non in ore hóminum ponunt, sed intra consciéntiam cóntegunt. Et sunt pleríque, qui corpus per abs-tinéntiam affligunt, sed de ipsa sua abstinéntia húmános favóres éx-petunt. Te Deum laudámus. 14.

Ad Laudes

et per Horas.

Ant. 1. Ingressa Agnes * turpitudinis locum, Angelum Dómini præparátum invénit.

Ps. Dóminus regnávít. 15.

2. Mecum enim hábeo * custódem córporis mei, Angelum Dñi.

3. Annulo suo * subarrhávit me Dóminus meus Jesus Christus, et tamquam sponsam decorávit me coróna.

4. Benedíco te * Pater Dómini mei Jesu Christi, quia per Fílium tuum ignis exstíctus est a látere meo.

5. Congaudéte mecum, * et congratulámini, quia cum his ómnibus lúcidas sedes accépi.

Capitulum. Eccli. 51.

Confitebor tibi Dómine Rex, et collaudábo te Deum Salvátorem meum. Confitebor nómini tuo: quóniam adjutor et protéctor factus es mihi et liberásti corpus meum a perditíone.

Hymnus. Jesu coróna. 434.

Ÿ. Diffúsa est grátia in lábiis tuis. R. Proptérea benedíxit te Deus in ætérnum.

Ad Bened. Ant. Ecce quod concupívi, jam vídeo: quod sperávi, jam téneo: ipsi sum juncta in cœlis, quem in terris pósita, tota devotíone diléxi.

Oratio.

Omnípotens sempitérne Deus, qui infirma mundi éligis, ut fórtia quæque confúndas: concéde propítius; ut, qui beátæ Agnétis Vírginis et Mártiris tuæ solémnia cólimus, ejus apud te patrocínia sentiámus. Per Dóminum.

Ad Tertiam.

Ant. Mecum enim hábeo.

Capitulum. Confitebor. ut supra.

R. br. Spécie tua * Et pulchritúdine tua. Spécie tua. Ÿ. Inténde, prospere procéde, et regna. Et Glória Patri. Spécie.

Ÿ. Adjuvábít eam Deus vultu suo. R. Deus in médio ejus, non commovébitur.

Ad Sextam.

Ant. Annulo suo.

Capitulum. Eccli. 51.

Liberásti me secúndum multitudinem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de multis tribulatióibus quæ circumdedérunt me.

R. br. Adjuvábít eam * Deus vultu suo. Adjuvábít eam. Ÿ. Deus in médio ejus, non commovébitur. Deus. Glória Patri. Adjuvábít.

Ÿ. Elégit eam Deus, et præelégit eam. R. In tabernáculo suo habitáre facit eam.

Ad Nonam.

Ant. Congaudéte mecum.

Capitulum. Eccli. 51.

Laudábit usque ad mortem ánima mea Dóminum, quóniam éruis sustinéntes te, et liberas eos de manu angústiae, Dómine Deus noster.

R. br. Elégit eam Deus, * Et præelégit eam. Elégit. Ÿ. In tabernáculo suo habitáre facit eam. Et præelégit. Glória Patri. Elégit.

Ÿ. Diffúsa est grátia in lábiis tuis. R. Proptérea benedíxit te Deus in ætérnum.

In II. Vesperis.

Ant. et Capit. de Laud. 443. Psalmi de Dominica. 108. et loco ultimi, Ps. Lauda Jerúsalem. 125.

Hymnus. Jesu coróna. 434.

Ÿ. Diffúsa est grátia in lábiis tuis. R. Proptérea benedíxit te Deus in ætérnum.

Ad Magnif. Ant. Stans beáta Agnes in médio flammæ, expánsis mánibus orábat ad Dóminum: Omnípotens, adoránde, colénde, treménde, benedíco te, et glorífico nomen tuum in ætérnum.

Deinde fit commem. sequ.

Die 22. Januarii.

Ss. Vincentii et Anastasii Mart.

Semiduplex.

Omnia de Communi plurimorum Mart. [35] præter sequ.

Ant. Istórum est enim regnum coelórum, qui contempsérunt vitam mundi, et pervenérunt ad præmia regni, et lavérunt stolas suas in sanguíne Agni.

Ÿ. Lætámini in Dómino, et exultáte justi. R. Et gloriámini omnes recti corde.

Oratio.

Adésto Dómine supplicatióibus nostris: ut, qui ex iniquitáte nostra reos nos esse cognóscimus, beatórum Mártyrum tuórum Vincéntii et Anastásii intercessióne liberémur. Per Dóminum.

In I. Nocturno Lectiones de Scriptura occurrente.

In II. Nocturno.

Lectio iv.



Vincéntius Oscæ in Hispánia citerióre natus, a prima ætáte stúdiis déditus, sacras lítteras a Valério Cæsaraugustáno

epíscopo dídicit: cujus étiam partes suscepit prædicándi Evangélium, quod epíscopus, propter linguae impediméntum, prædicatiónis officio fungi non póterat. Ea re ad Daciánum, provinciæ a Diocletiáno et Maximiano præpósitum, deláta, Vincéntius Cæsaraugustæ comprehenditur, et vinctus ad Daciánum Valéntiam addúcitur. Ubi verbéribus et equúleo tortus, multis præsentibus, cum nulla aut tormentórum vi, aut acerbitate, vel lenitate verbórum a propósito deterréri posset; in craticula impósitus, prunis ardéntibus suppósitis, ac férreis únguibus excarnificátus, candentibusque láminis exústus, iterum dúcitur in cárcerem stratum testáceis fragméntis, ut ejus nudum corpus, somno opprèssum, a subjéctis étiam testárum acúleis torquerétur.

R. Sancti tui Dómine mirábile consecúti sunt iter, serviéntes præceptis tuis, ut inveniréntur illæsi in aquis válidis: * Terra appáruit árida, et in Mari rubro via sine impediménto. Ÿ. Quóniam percússit petram, et fluxérunt aquæ, et torréntes inundavérunt. Terra.

Lectio v.

Verum, illo in tenebricósa inclúso custódia, claríssimus splendor obórtus totum cárcerem illustrávit; quæ lux cum summa admiratióne omnes, qui áderant, afecísset; res a custóde cárceris ad Daciánum defértur. Qui edúctum in molli cúlctra cóllocat: et quem cruciátibus in suam senténtiam trahere non póterat, delíciis perdúcere conátur. Sed invíctus Vincén-

tii ánimus Jesu Christi fide speque munítus vicit ómnia: et ignis, ferri, tortórum immanitáte superáta, victor ad cœléstem martýrii corónam advolávit, undécimo Kaléndas Febrúarii. Cujus corpus, cum projectum esset inhumátum, corvus et a volúcribus et a lupo únguibus, rostro, alis mirabíliter deféndit. Qua re cógnita, Daciánus illud in altum mare demérge jubet: sed inde étiam divínitus ejéctum ad littus, Christiáni sepéliunt.

R. Vërbera carníficum non timuérunt sancti Dei, moriéntes pro Christi nómine,* Ut hærédes fierent in domo Dómini. V. Tradidérunt córpora sua propter Deum ad supplicia. Ut hærédes.

Lectio vi.

Anastásius Persa, mónachus, Heraclíio imperatóre, cum sanctam Jerosolymórum terram visitásset, ad Cæsaréam Palæstínæ pro Christi religiône víncula et vërbera constánter perpéssus est. Mox a Persis ob eámdem causam váriis cruciátibus afféctus, a rege Chósroa una cum septuagínta áliis Christiánis secúri percútitur. Cujus reliquiæ primum Jerosólymam ad monastérium, in quo monásticam vitam proféssus erat, deinde Romam delátæ, collocátæ sunt in monastério ad Aquas Sálvias.

R. Tamquam aurum. [41]

In III. Nocturno Homilia in Evang. Cum audiéritis. de eodem Communi 1. loco. [43]

Vesperæ a Capit. de sequ. comm. præced. et S. Emerentianæ Virg. et Mart.

Die 23. Januarii.

S. Raymundi de Peñafort Conf.
Semiduplex.

Omnia de Communi Conf. non Pont. [67] præter sequ. (m. t. v.)

Oratio.

Deus, qui beátum Raymúndum pœniténtiæ sacraménti insignem minístrum elegísti, et per maris undas mirabíliter traduxísti: concéde; ut ejus intercessióne dignos pœniténtiæ fructus fácere, et ad æternæ salútis portum pervenire valeámus. Per Dóminum.

Deinde fit commemor. præced.

Ant. Gaudent in cœlis ánimæ sanctórum, qui Christi vestigia sunt secúti: et quia pro ejus amóre ságuinem suum fuderunt, ideo cum Christo exsúltant sine fine.

V. Exsultábunt sancti in glória.

R. Lætabúntur in cubilibus suis.

Oratio. Adésto Dómine. 444.

Postea S. Emerentianæ Virg. et Mart.

Ant. Veni sponsa Christi, accipe corónam, quam tibi Dóminus præparávit in ætérnum.

V. Spécie tua et pulchritúdine tua. R. Inténde, prospere procéde, et regna.

Oratio.

Indulgéntiam nobis, quæsumus Dómine, beáta Emerentiána Virgo et Martyr implóret: quæ tibi grata semper éxstitit et mérito castitátis, et tuæ professione virtútis. Per Dóminum.

In I. Noct. Lect. de Script. occur.

In II. Nocturno.

Lectio iv.

Beátus Raymúndus Barcinonénsis, ex nóbili familia de Peñafort, christiánæ religiõnis rudiméntis imbútus, adhuc pár-

vulus exímia ánimí et córporis índole magnum áliquíd porténdere visus est. Nam adoléscentis humaniôres litteras in pátria proféssus, Bonóniam se cóntulit, ubi pietátis offíciis, ac pontificio civilíque juri sédulo incúmbens, et doctóris láurea insignítus, ibídem sacros cánones magna cum hóminum admiratíone est interpretátus. Ejus virtútum fama percrebrescénte, Berengáriu s Barcinonénsis epíscopus, cum Roma suam ad ecclésiám redíret, eum conveniéndi causa Bonóniam iter instítuit, et tandem summis précibus, ut secum in pátriam reverterétur, obtínuit. Mox ejúsdem ecclésiæ canonicátu et præpositúra ornátus, univérso clero et pópulo, integritáte, modéstia, doctrína, et morum suavitate præfúlsit, ac Deíparæ Vírginis, quam singulári pietátis afféctu venerabátur, honórem et cultum semper pro víribus auxit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérrnam. V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Annum círciter quintum supra quadragésimum agens, in ór-dine fratrum Prædicatórum solénni emíssa professíone, ut novus miles, in omni virtútum génere, sed præcípuè in caritaté erga egénos, et máxime captívos ab infidélibus deténtos, se exércuit. Unde cum ejus hortátu sanctus Petrus Noláscus (cujus ipse confessíones audiébat) suas opes piíssimo huic

óperi conférret, tum eídem, tum beáto Raymúndo, et Jacóbo primo Aragóniæ regi appárens beatíssima Virgo, gratíssimum sibi, et unigénito Fílio suo fore dixit, si in suum honórem instituerétur ordo religiosórum, quibus captívos ex infidélium tyránnide liberándi cura incúberet. Quare collátis inter se consíliis, ór-dinem beátæ Mariæ de Mercéde Redemptiónis Captivórum fundavérunt: cui beátus Raymúndus certas vivéndi leges præscrípsit ad ejúsdem ór-dinis vocatíonem accommodatíssimas: quarum approbatíonem áliquot post annos a Gregório nono impetrávit, et dictum sanctum Petrum primum Generálem ór-dinis magístrem suis ipse mánibus hábitu eódem indútum creávit.

R. Amávit eum Dóminus, et ornávit eum: stolam glóriæ índuit eum, * Et ad portas paradísi coronávit eum. V. Índuit eum Dóminus lorícam fidei, et ornávit eum. Et.

Lectio vi.

Ab eódem Gregório Romam accersítus, et capelláni, ac pœnitentiárii, et confessárii sui múnere decorátus, ejúsdem jussu Romanórum Pontíficum decreta, in diversis concíliis et epístolis sparsa, in unum Decretálium volúmen redégit. Archiepiscopátum Tarraconénsem ab ipso Pontífice sibi oblátum constantíssime recusávit, et totíus ór-dinis Prædicatórum generále magistérium, quod per bién-nium sanctíssime administráverat, sponte dimísit. Jacóbo Aragóniæ regi sacræ Inquisitíonis offíciis suis in regnis instituéndi auctor fuit. Multa patrávit mirácula, inter quæ

illud claríssimum, quod ex ínsula Baleári Majóri Barcinónem reversurus, strato super aquas pállio, centum sexagínta milliária sex horis confecerit, et suum coenóbium jánuis clausis fúerit ingrèssus. Tandem prope centenárius, virtútibus et méritis cumulátus, obdormívit in Dómino, anno salutis millésimo ducentésimo septuagésimo quinto. Quem Clemens octávus in Sanctórum númerum rétulit.

R. Iste homo. [72]

In III. Noct. Homil. in Evang. Sint lumbi. de eodem Communi. [74]

Pro S. Emerentiana.

Lectio ix.

Emerentiána virgo Romána, col-lactánea beátæ Agnétis, adhuc catechúmena, fide et caritáte flagrans, furéntes in Christiános idólorum cultóres cum veheméntius accusáret, a concitáta multitúdine lapídibus óbruta est. Quæ in cruciátibus orans ad sepúlchrum sanctæ Agnétis, próprio ságuine, quem pro Christo constánter effúdit baptizáta, ánimam Deo redidit.

Te Deum laudámus. 14.

In Laud. fit commem. S. Emerentianæ.

Ant. Símile est regnum coelórum hómini negotiátóri quærénti bonas margarítas: invénta una pretiósa, dedit ómnia sua, et comparávit eam.

V. Diffúsa est grátia in lábiis tuis. R. Proptérea benedíxit te Deus in ætérnum.

Vesp. de sequ. commem. præced.

Die 24. Januarii.

S. Timothei Episc. et Mart.

Duplex.

Omnia de Comm. unius Mart. [21], præter sequ.

Oratio.

Infirmítatem nostram réspice, omnípotens Deus: et quia pondus propriæ actiónis gravat, beáti Timóthei Mártiris tui atque Pontificis intercèssio gloriósa nos prótegat. Per Dóminum.

Deinde fit commem. S. Raymundi.

Ant. Hic vir despíciens mundum et terréna, triúmphans, divítias coelo cóndidit ore, manu.

V. Justum dedúxit Dóminus per vias rectas. R. Et osténdit illi regnum Dei.

In I. Nocturno Lectiones de Scriptura occurrente.

In II. Nocturno.

Lectio iv.

Timótheus, Lystris in Lycaónia natus ex patre Gentíli, et matre Judæa, christíanam colébat religiónem, cum in ea loca venit Paulus Apóstolus. Qui fama commótus, quæ de Timóthei sanctitáte percrebúerat, ipsum adhíbuit sócium suæ peregrinatiónis: sed propter Judæos, qui se ad Christum convérterant, sciéntes Timóthei patrem esse Gentilem, eum circumcídit. Cum igitur ambo Ephesum veníssent, ibi ordinátus est epíscopus ab Apóstolo, ut eam ecclésiám gubernáret.

R. Honéstum fecit illum Dóminus, et custodívit eum ab inimícis, et a seductóribus tutávit illum, * Et dedit illi claritátem ætérnam. V. Descendítque cum illo in fove-

am, et in vñculis non dereliquit eum. Et.

Lectio v.

Ad quem Apóstolus duas epístolas scripsit, álteram Laodicéa, álteram Roma: quibus in pastorális officii cura confirmátus, cum sacrificium, quod uni Deo debétur, fieri dáemonum simulácris, ferre non posset; pópulum Ephesínum, Díanæ in ejus celebritáte immolántem, ab illa impietáte removére conátus, lapídibus óbrutus est: ac pene mórtuus, a Christiánis eréptus, et in montem óppido vicínium delátus, nono Kaléndas Februárii obdormívit in Dómino.

R. Desidérium ánimæ ejus tribuísti ei Dómine, * Et voluntáte labiórur ejus non fraudásti eum. V. Quóniam prævenísti eum in benedictionibus dulcédinis: posuísti in cápite ejus corónam de lápide pretiósó. Et.

Sermo sancti Augustíni Epíscopi.

Sermo 44. de Sanctis.

Lectio vi.

Triumphális beáti Mártiris Timóthei dies hódie nobis anniversária celebritáte recúrrit: cujus glorificatióni sicut congaudet Ecclésia, sic ejus propónit sequénda vestigia. Si enim compátimur, et conglorificábimur. In cujus glorióso agóne duo nobis præcípue consideránda sunt: induráta vidélicet tortóris sævítia, et Mártiris invicta patiéntia. Sævítia tortóris, ut eam detestémur: patiéntia Mártiris, ut eam imitémur. Audi Psalmístam advérsus malítiam increpántem: Noli æmulári in malignántibus: quóniam tamquam fœnum velóci-

ter aréscent. Quod autem advérsus malignántes patiéntia exhibénda sit, audi Apóstolum suadéntem: Patiéntia vobis necessariá est, ut reportétis promissiões.

R. Stola jucunditátis, [27]

In III. Noct. Homil. in Evang. Si quis venit. de eodem Comm. 1. loco. [28]

Vesperæ de sequ. cum commem. ut infra.

Die 25. Januarii.

In Conversione S. Pauli Apostoli.

Duplex majus.

In I. Vesperis.

Antiph. et Capit. de Laudibus. 452. Psalmi ut in I. Vesp. de Comuni Apostolorum. [2]

Hymnus.

Ingrégie Doctor Paule mores ínstrue,

Et nostra tecum péctora in cœlum trahe:

Veláta dum merídiem cernat fides,

Et solis instar sola regnet cáritas.

Sit Trinitáti sempitérna glória,
Honor, potéstas, atque jubilátio,
In unitáte, quæ gubérnat ómnia,
Per univérsa æternitátis sæcula.
Amen.

V. Tu es vas electiόνis sancte Paule Apóstole. R. Prædicátor veritátis in univérso mundo.

Ad Magnif. Ant. Vade Ananía, et quære Saulum: ecce enim orat: quia vas electiόνis est mihi, ut portet nomen meum coram Géntibus, et régibus, et fíliis Israël.

Oratio ut in Laud. 453.

Et fit commem. S. Petri. ibid. Deinde fit commem. S. Timothei.

Ant. Qui vult venire post me, abneget semetipsum, et tollat crucem suam, et sequatur me.

V. Justus ut palma florebit.
R. Sicut cedrus Libani multiplicabitur.

Oratio. Infirmiorem. 447.

Ad Matutinum.

Invitatorium. Laudemus Deum nostrum, * In conversione Doctoris Gentium.

Ps. Venite, exultemus. 2.

Hymnus. Egrégie Doctor Paule. ut supra. 448.

In I. Nocturno.

Ant. Qui operatus est Petro in apostolatum, operatus est et mihi inter Gentes: et cognoverunt gratiam, quae data est mihi a Christo Domino.

Psalmi trium Nocturn. ut in Comuni Apostolorum. [4]

Ant. Scio cui credidi, et certus sum, quia potens est depositum meum servare in illum diem justus iudex.

Ant. Mihi vivere Christus est, et mori lucrum: gloriari me oportet in cruce Domini nostri Jesu Christi.

V. In omnem terram exivit sonus eorum. R. Et in fines orbis terrae verba eorum.

De Actibus Apostolorum.

Lectio i. Cap. 9.

Saulus adhuc spirans minarum, et cædis in discipulos Domini, accessit ad principem sacerdotum, et petiit ab eo epistolas in Damascum ad synagogas: ut si quos invenisset hujus viæ viros, ac mulieres, vinctos perduceret in Jerusalem. Et cum iter faceret,

contigit ut appropinquaret Damasco: et subito circumfulsit eum lux de caelo. Et cadens in terram audivit vocem dicentem sibi: Saule, Saule, quid me persequeris? Qui dixit: Quis es Domine? Et ille: Ego sum Jesus, quem tu persequeris. Durum est tibi contra stimulum calcitrare.

R. Qui operatus est Petro in apostolatum, operatus est et mihi inter Gentes: * Et cognoverunt gratiam Dei, quae data est mihi. V. Gratia Dei in me vacua non fuit, sed gratia ejus semper in me manet. Et.

Lectio ii.

Et tremens, ac stupens dixit: Domine, quid me vis facere? Et Dominus ad eum: Surge, et ingredere civitatem, et ibi dicetur tibi quid te oporteat facere. Viri autem illi, qui comitabantur cum eo, stabant stupefacti, audientes quidem vocem, neminem autem videntes. Surrexit autem Saulus de terra, apertisque oculis nihil videbat. Ad manus autem illum trahentes, introduxerunt Damascum. Et erat ibi tribus diebus non viciens, et non manducavit, neque bibit.

R. Bonum certamen certavi, cursum consummavi, fidem servavi: * Ideoque reposta est mihi corona justitiae. V. Scio cui credidi, et certus sum quia potens est depositum meum servare in illum diem. Ideoque reposta.

Lectio iii.

Erat autem quidam discipulus Damasci, nomine Ananias: et dixit ad illum in visu Dominus:

Ananías. At ille ait: Ecce ego, Dómine. Et Dóminus ad eum: Surge, et vade in vicum, qui vocátur Rectus: et quære in domo Judæ Saulum nómine Tarsénsem: ecce enim orat. (Et vidit virum Ananíam nómine, introëuntem, et imponéntem sibi manus ut visum recípiat.) Respóndit autem Ananías: Dómine, audívi a multis de viro hoc, quanta mala fécerit sanctis tuis in Jerúsalem: et hic habet potestátem a princípibus sacerdotum alligándi omnes, qui invocant nomen tuum. Dixit autem ad eum Dóminus: Vade, quóniam vas electiónis est mihi iste, ut portet nomen meum coram Géntibus, et régibus, et filiis Israël. Ego enim osténdam illi quanta opórteat eum pro nómine meo pati.

R. Repósita est mihi coróna justítiæ: * Quam reddet mihi Dóminus in illum diem justus iudex. V. Scio cui crédidi, et certus sum quia potens est depósitum meum serváre in illum diem. Quam. Glória Patri. Quam.

In II. Nocturno.

Ant. Tu es vas electiónis sancte Paule Apóstole, prædicátor veritátis in univérso mundo.

Ant. Magnus sanctus Paulus vas electiónis, vere digne est glorificándus, qui et méruit thronum duodécimum possidére.

Ant. Bonum certámen certávi, cursum consummávi, fidem servávi.

V. Constitues eos príncipes super omnem terram. R. Mémoires erunt nóminis tui Dómine.

Sermo sancti Augustíni Epíscopi.

Sermone 14. de Sanctis.

Hódie de Actibus Apostolorum léctio hæc pronuntiáta est: ubi Paulus Apóstolus ex persecutore Christianórum, annuntiátor factus est Christi. Prostrávit enim Christus persecutórem, ut fáceret Ecclesiæ doctórem: percútiens eum, et sanans: occídens, et vivíficans: occísus agnus a lupis, et fáciens agnos de lupis. Ita enim in præclára prophetía, cum Jacob Patriárcha benedíceret filiis suis (præséntes tangens, futura prospiciens) prædictum erat, quod in Paulo cóntigit. Erat autem Paulus, sicut ipse testátur, de tribu Bénjamin. Cum autem Jacob benedicens filios suos, venísset ad benedicéndum Bénjamin, ait de illo: Bénjamin lupus rapax.

R. Tu es vas electiónis sancte Paule Apóstole, prædicátor veritátis in univérso mundo: * Per quem omnes Gentes cognoverunt grátiam Dei. V. Intercéde pro nobis ad Deum, qui te elégit. Per.

Lectio v.

Quid ergo? lupus rapax semper? Absit; sed qui mane rapit prædam, ad vésperam dívidit escas. Hoc in Apóstolo Paulo implétum est, quia et de illo dictum erat. Jam, si placet, audiámus illum mane rapiéntem, ad vésperam escas dividéntem. Mane, et véspere pósita sunt pro eo, ac si dicerétur, prius, et póstea. Sic ergo accipiámus: Prius rápiet, póstea dívidet escas. Atténdite raptórem. Saulus, inquit, accéptis epístolis a princípibus sacerdotum, ibat, ut ubicúm-

que inveniret Christiános, ad sacerdótes attráheret et addúceret, útique puniéndos.

R. Grátia Dei sum id quod sum:
* Et grátia ejus in me vácuá non fuit, sed semper in me manet.
V. Qui operátus est Petro in apostolátum, operátus est et mihi inter Gentes. Et grátia.

Lectio vi.

Ibat spirans, et anhelans cædes; hoc est, mane rapiens. Nam et quando lapidátus est Stéphanus primus Martyr pro nómine Christi, evidéntius áderat et Saulus, et sic áderat lapidántibus, ut non ei sufficeret, si tantum suis mánibus lapidáret. Ut enim esset in ómnium lapidántium mánibus, ipse ómnium vestiménta servábat: magis sæviens omnes adjuvándo, quam suis mánibus lapidándo. Audívimus, mane rapiet: videámus ad vésperam quáliter dívidat escas. Voce Christi prostrátus de cælo, et accípiens désuper interdíctum jam sæviéndo, cécidit in fáciem suam, prius prosternéndus, póstea erigéndus; prius percutiéndus, póstea sanándus.

R. Saulus, qui et Paulus, magnus prædicátor, * A Deo confortátus convalescébat, et confundébat Judæos. V. Osténdens quia hic est Christus Fílius Dei. A Deo. Glória Patri. A Deo.

In III. Nocturno.

Ant. Saulus, qui et Paulus, magnus prædicátor, a Deo confortátus convalescébat, et confundébat Judæos.

Ant. Ne magnitúdo revelatiónum extóllat me, datus est mihi

stímulus carnis meæ, ángelus sátanæ, qui me colaphízet: propter quod ter Dóminum rogávi, ut auferretur a me, et dixit mihi Dóminus: Súfficit tibi Paule grátia mea.

Ant. Repósita est mihi coróna justítiæ, quam reddet mihi Dóminus in illa die justus iudex.

V. Nimis honoráti sunt amíci tui Deus. R. Nimis confortátus est principátus eórum.

Lectio sancti Evangélii secúndum Matthæum.

Lectio vii. Cap. 19. d.

In illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Et réliqua.

Homília venerábilis Bedæ Presbýteri.

Homilia in Natali S. Benedicti.

Perfectus ille est, qui ábiens vendit ómnia quæ habet, et dat paupéribus, ac véniens, séquitur Christum: habébit enim thesaúrum non deficiéntem in cælis. Unde bene interrogánte Petro, dixit talibus Jesus: Amen dico vobis, quod vos qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israël. In hac quippe vita pro ejus nómine laborántes, in ália præmi-um speráre dócuit: id est, in regeneratióne; cum videlicet in vitam immortálem fuérimus resurgéndo regeneráti, qui in vitam cadúcam mortáliter erámus géniti.

R. Sancte Paule Apóstole prædicátor veritátis, et Dóctor Génitium, * Intercéde pro nobis ad

Deum, qui te elégit, ut digni efficiámur grátia Dei. *V.* Tu es vas electiónis sancte Paule Apóstole prædicátor veritátis. Intercéde.

Lectio viii.

Et justa prorsus retribútio, ut qui hic pro Christo humánæ glóriam celsitúdinis neglexérunt, illic a Christo júdices glorificáti singulariter cum eo assídeant, qui a sequéndis ejus vestígiis nulla ratióne póterant avélli. Nemo autem putet, duódecim tantum Apóstolos, quia pro Juda prævaricánte Mathías electus est, tunc esse judicatúros: sicut nec duódecim solæ sunt tribus Israël judicándæ: alióquin tribus Levi, quæ tertiadécima est, injudicáta recédet.

R. Damásci, præpósitus Gentis Arétæ regis vóluit me comprehéndere: * Et a frátribus per murum demíssus sum in sporta, * Et sic evási manus ejus in nómine Dómini. *V.* Deus et Pater Dómini nostri Jesu Christi scit quia non mén-tior. Et a frátribus. Glória Patri. Et sic.

Lectio ix.

Et Paulus, qui tertiusdécimus est Apóstolus, judicándi sorte privábitur, cum ipse dicat: Nescítis quóniam ángeles judicábimus, quanto magis sæculária? Sciéndum namque est, omnes, qui ad exémplum Apostolórum sua reliquérunt ómnia, et secúti sunt Christum, júdices cum eo ventúros, sicut étiam omne mortálium genus esse judicándum. Quia enim duodenário sæpe número solet in Scriptúris univérsitas designári, per duódecim sedes Apostolórum, ómnium numerósitas judicántium, et per

duódecim tribus Israël, univérsitas eórum, qui judicándi sunt, osténditur.

Te Deum laudámus. 14.

Ad Laudes

et per Horas.

Ant. 1. Ego plantávi, * Apóllorígávit, Deus autem increméntum dedit, allelúja.

Ps. Dóminus regnávit. 15.

2. Libénter gloriabor * in infirmitátibus meis, ut inhábitet in me virtus Christi.

3. Grátia Dei * in me vácuá non fuit, sed grátia ejus semper in me manet.

4. Damásci, præpósitus * Gentis Arétæ regis vóluit me comprehéndere: a frátribus per murum demíssus sum in sporta, et sic evási manus ejus in nómine Dómini.

5. Ter virgis cæsus sum, * semel lapidátus sum, ter naufrágium pétuli pro Christi nómine.

Capitulum.

Act. 9.

Saulus adhuc spirans minárum, et cædis in discípulos Dómini, accéssit ad príncipem sacerdotum, et pétiiit ab eo epístolas in Damáscum ad synagógas: ut si quos invenísset hujus viæ viros, ac mulieres, vinctos perdúceret in Jerúsalem.

Hymnus.

Exsúltet orbis gaúdiis:
Cælum resúltet laúdibus:
Apostolórum glóriam
Tellus et astra cóncinunt.

Vos sæculórum júdices,
Et vera mundi lúmina,
Votis precámur córdium:
Audíte voces súpplicum.

Qui templa cœli cláuditis,
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum prótinus
Languor salúsque séntiunt;
Sanáte mentes lánguidas:
Augéte nos virtútibus:

Ut, cum redíbit árbitèr
In fine Christus sæculi,
Nos sempitérni gáudii
Concédat esse cómpotes.

Pátri, simúlque Fílio,
Tibíque sancte Spíritus,
Sicut fuit, sit júgiter
Sæclum per omne glória.
Amen.

Ÿ. Tu es vas electiónis sancte
Paule Apóstole. R. Prædicátor
veritátis in univérso mundo.

Ad Bened. Ant. Vos qui secúti
estis me, sedébitis super sedes, ju-
dicántes duódecim tribus Israël,
dicit Dóminus.

Oratio.

Deus, qui univérsum mundum
beáti Pauli Apóstoli prædica-
tione docuísti: da nobis quæsu-
mus; ut qui ejus hódie Conversi-
onem cólimus, per ejus ad te exém-
pla gradiámur. Per Dóminum.

Et fit commem. S. Petri.

Ant. Tu es pastor óvium, prin-
ceps Apostolórum, tibi tráditæ
sunt claves regni cœlórum.

Ÿ. Tu es Petrus. R. Et super
hanc petram ædificábo Ecclésiám
meam.

Oratio.

Deus, qui beáto Petro Apóstolo
tuo, collátis clávibus regni
cœléstis, ligándi atque solvéndi
pontificium tradidísti: concéde; ut

intercessiónis ejus auxílio, a pec-
catórum nostrórum néxibus libe-
rémur: Qui vivis.

Ad Tertiam.

Ant. Libénter gloriábor.

Capitulum. Saulus adhuc spirans.
ut supra. 452.

R. br. In omnem terram * Ex-
ívit sonus eórum. In omnem. Ÿ. Et
in fines orbis terræ verba eórum.
Exívit. Glória Patri. In omnem.

Ÿ. Constitues eos príncipes su-
per omnem terram. R. Mémoires
erunt nóminis tui Dómine.

Ad Sextam.

Ant. Grátia Dei.

Capitulum. Act. 9. b.

Surréxit autem Saulus de terra,
apertisque óculis nihil vidébat.
Ad manus autem illum trahéntes,
introducérunt Damáscum. Et erat
ibi tribus diébus non videns, et
non manducávit, neque bibit.

R. br. Constitues eos príncipes
* Super omnem terram. Consti-
tues. Ÿ. Mémoires erunt nóminis
tui Dómine. Super. Glória Patri.
Constitues.

Ÿ. Nimis honoráti sunt amíci tui
Deus. R. Nimis confortátus est
principátus eórum.

Ad Nonam.

Ant. Ter virgis cæsus sum.

Capitulum. Act. 9. d.

Saulus autem multo magis con-
valescébat, et confundébat Ju-
dæos, qui habitábant Damásci, af-
firmans quóniam hic est Christus.

R. br. Nimis honoráti sunt *
Amíci tui Deus. Nimis. Ÿ. Nimis
confortátus est principátus eórum.
Amíci. Glória Patri. Nimis.

Ÿ. Annuntiavérunt ópera Dei.
R. Et facta ejus intellexérunt.

In II. Vesperis.

Ant. et Capit. de Laud. 452. Psalmi
ut in II. Vesp. de Comm. Apost. [13]
Hymnus et Ÿ. ut in I. Vesp. 448.

Ad Magnif. Ant. Sancte Paule
Apóstole, prædicátor veritátis, et
Doctor Géntium, intercède pro no-
bis ad Deum, qui te elégit.

Deinde fit commem. S. Petri ut in
Laud. 453. et S. Polycarpi ut infra.

Die 26. Januarii.

S. Polycarpi Episc. et Mart.

Duplex.

Omnia de Communi unius Mart. [21]
præter sequ.

Ant. Iste sanctus pro lege Dei
sui certávit usque ad mortem, et a
verbis impiórum non tímuit: fun-
dátus enim erat supra firmam pe-
tram.

Ÿ. Glória et honóre coronásti
eum Dómine. R. Et constituísti
eum super ópera mánuum tuárum.

Oratio.

Deus, qui nos béati Polycárpi
Mártiris tui atque Pontíficis
ánnua solemnitáte lætíficas: con-
céde propítius; ut cujus natalítia
cólimus, de ejúsdem étiam prote-
ctióne gaudeámus. Per Dóminum.

In I. Nocturno Lectiones de Scri-
ptura occurrente.

In II. Nocturno.

Ex libro sancti Hierónymi Presbý-
teri de Scriptóribus ecclesiásticis.

Lectio iv.

Polycárpus, Joánnis Apóstoli
discípulus, et ab eo Smyrnæ
epíscopus ordinátus, totíus
Asiæ princeps fuit, quippe qui non-

núllos Apostolórum, et eórum, qui
viderant Dóminum, magístros ha-
búerit, et viderit. Hic propter
quasdam super die Paschæ quæ-
stiónes, sub imperatóre Antoníno
Pio, Ecclésiám in Urbe regénte
Anicéto, Romam venit: ubi plúri-
mos credéntium, Marciónis et Va-
lentíni persuasióne decéptos, re-
dúxit ad fidem. Cumque ei for-
túito óbviám fuisset Márcion, et
diceret: Cognóscis nos? respóndit:
Cognósco primogénitum diáboli.
Póstea vero, regnánte Marco An-
toníno et Lúcio Aurélio Cómodo,
quarta post Nerónem persecutió-
ne, Smyrnæ sedénte procónsule,
et univérso pópulo in amphitheá-
tro advérsus eum personánte, igni
tráditus est. Scripsit ad Philippén-
ses valde útilem epístolam, quæ
usque hódie in Asiæ convéntu lé-
gitur.

R. Honéstum fecit illum Dómi-
nus, et custodívit eum ab inimícis,
et a seductóribus tutávit illum: *
Et dedit illi claritátem ætérrnam.
Ÿ. Descendítque cum illo in fó-
veam, et in vínclis non derelíquit
eum. Et dedit.

De Expositione sancti Ambrósii
Epíscopi in Psalmum centésimum
décimum octávum.

Lectio v. Serm. 21.

Príncipes persecúti sunt me gra-
tis: et a verbis tuis trepidávit
cor meum. Bene hoc Martyr dicit,
quod injúste persecutiónum tor-
ménta sustineat: qui nihil rapúerit,
nullum violéntus opprèsserit, nul-
lius sánguinem fúderit, nullius to-
rum putáverit esse violándum: qui
nihil légibus débeat, et gravióra

latrónum sustinére cogátur supplicia: qui loquátur juste, et non audiátur: qui loquátur plena salutis, et impugnétur: ut possit dicere: Cum loquébar illis, impugnábant me gratis. Gratis igitur persecutióne pátitur, qui impugnátur sine crimine: impugnátur ut nóxius, cum sit in tali confessiõe laudábilis: impugnátur quasi venéficus, qui in nómine Dómini gloriátur, cum píetas virtútum ómnium fundaméntum sit.

R. Desidérium animæ ejus tribuísti ei Dómine, * Et voluntáte labiórum ejus non fraudásti eum. V. Quóniam prævenísti eum in benedictiõibus dulcedinis: posuísti in cápite ejus corónam de lápide pretiósó. Et.

Lectio vi.

Vere frustra impugnátur, qui apud ímpios et infidos impietátis arcéssitur, cum fidei sit magíster. Verum qui gratis impugnátur, fortis debet esse et constans. Quómodo ergo subtéxuit: Et a verbis tuis trepidávit cor meum? Trepidáre infirmitátis est, timóris atque formídinis. Sed est étiam infirmitas ad salutem, est étiam timor sanctórum. Timéte Dóminum omnes sancti ejus: et, Beátus vir, qui timet Dóminum. Qua ratiõe beátus? Quia in mandátis ejus cupit nimis.

R. Stola jucunditátis. [27]

In III. Nocturno Homilia in Evang. Nihil est opértum. de eodẽ Comuni 3. loco. [33]

Vesperæ a Capit. de sequ. commem. præced.

Die 27. Januarii.

S. Joannis Chrysostomi Episc. Conf. et Eccl. Doct.

Duplex.

Omnia de Comm. Conf. Pont. [49] præter sequ. (m. t. v.)

In utrisque Vesp. ad Magnif.

Ant. O Doctor óptime, Ecclésiæ sanctæ lumen, beáte Joánnes Chrysóstome, divínæ legis amátor, deprecáre pro nobis Fílium Dei.

Oratio.

Ecclésiã tuã, quæsumus Dómine, grátia cœlestis amplifícet: quam beáti Joánnis Chrysóstomi Confessóris tui atque Pontíficis illustráre voluísti gloriósis méritis, et doctrínis. Per Dóminum.

Deinde fit commem. præced.

Ant. Qui vult veníre post me, ábneget semetípsum, et tollat crucem suã, et sequátur me.

V. Justus ut palma florébit.

R. Sicut cedrus Líbani multiplicábitur.

In I. Nocturno Lectiones de Scriptura occurrente.

In II. Nocturno.

Lectio iv.

Joánnes Antiochénus, propter aúreum eloquéntiæ flumen cognoménto Chrysóstomus, a forénsibus et sæculáribus stúdiis ad divínas líttas summa cum ingénii et indústriæ laude se cóntulit. Itaque sacris initiátus, ac præsbyter Antiochénæ ecclésiæ factus, mórtuo Nectário, Arcádii imperatóris ópera, invítus Constantino-politánæ ecclésiæ præfíctur. Quo suscepto pastoráli múnere, depravátos mores, et nobiliórum hóminum vivéendi licéntiam vehemén-

tius objurgare cœpit. Qua ex libertate magnam multorum subiit invidiam. Apud Eudoxiam etiam, quod eam propter Callitropæ viduæ pecuniam, et alterius viduæ agrum reprehendisset, graviter offendit.

R. Inveni David servum meum, oleo sancto meo unxi eum: * Manus enim mea auxiliabitur ei. V. Nihil proficiet inimicus in eo, et filius iniquitatis non nocēbit ei. Manus.

Lectio v.

Quare aliquot episcoporum acto Chalcedone conventu, quo ipse vocatus ire noluit, quod nec legitimum concilium, nec publicum esse diceret; nitente in primis ipsa contra Chrysostomum Eudoxia, ejicitur in exsilium: sed paulo post propter ejus desiderium seditione populi facta, admirabili civitatis plausu ab exsilio revocatur. Verum cum perditos mores increpare non desisteret, et ad argenteam Eudoxiæ statuam in foro sanctæ Sophiæ ludos fieri prohiberet: conspiratione inimicorum episcoporum iterum exsulare cogitur, viduis et egentibus omnibus communis parentis ejectionem lugentibus. In exsilio Chrysostomus incredibile est et quanta mala perpessus sit, et quam multos ad Jesu Christi fidem converterit.

R. Pôsui adjutorium super potentem, et exaltavi electum de plebe mea: * Manus enim mea auxiliabitur ei. V. Inveni David servum meum, oleo sancto meo unxi eum. Manus enim.

Lectio vi.

Verum dum concilio Romæ habito, decreto Innocētiū primi

Pontificis restituitur, a militibus, qui eum custodiebant, miris in itinere malis et calamitatibus afficitur. Cumque per Armeniam duceretur, sanctus Basiliscus Martyr, in cujus templo antea oraverat, noctu sic eum affatus est: Joānes frater, crastinus dies nos loco junget. Quare postridie sumpto Eucharistiæ sacramento seque crucis signo muniens, animam Deo reddidit, decimo octavo Kalendas Octobris. Quo mortuo, horribilis grando Constantinopoli cecidit, et quatrídno Augusta cessit e vita. Ejus corpus insigni pompa et hominum multitudinem celebratum, Theodosius Arcadii filius Constantinopolim portandum, et honorifice sepeliendum curavit sexto Kalendas Februarii: cujus etiam reliquias veneratus, parentum suorum veniam petiit: quod deinde Romam translatum in basilica Vaticana conditum est. Multitudinem, pietatem, ac splendorem concionum, ceterorumque ejus scriptorum, interpretandi etiam rationem, et inhærentem sententiæ sacrorum librorum explanationem, omnes admirantur: dignumque existimant, cui Paulus Apostolus, quem ille mirifice coluit, scribenti et prædicanti multa dictasse videatur.

R. Iste est qui. [54]

In III. Nocturno Homilia in Evang. Vos estis sal terræ. de Comm. Doct. 3. loco. [66]

In II. Vesp. fit commem. sequ.

Die 28. Januarii.

S. Agnetis Virg. et Mart. secundo.

Ad Magnif. Ant. Stans a dextris ejus * Agnus nive candidior, Chri-

stus sibi sponsam et Mártyrem consecrávit.

Ÿ. Spécie tua et pulchritúdine tua. R. Inténde, prospere procéde, et regna.

Oratio.

Deus, qui nos ánnua beátæ Agnétis Vírginis et Mártyris tuæ solemnitáte lætíficas: da quæsumus: ut quam venerámur officio, étiam piæ conversatiónis sequámur ex-émplo. Per Dóminum.

Ad Matutinum Invitator. et Hymnus de Comuni Virg. [85]

Nocturnum Feriæ occurrentis, Ÿ. et duo R.R. ex Nocturnis festi, eo ordine quo sumuntur R.R. ex Communibus Sanctorum in aliis festis Simplicibus, ut dic. in Rubr. de Responsoriis.

Lectio iii.

Beáta Agnes, paréntibus ad ejus sepúlchrum assídue vigilántibus, quadam nocte choro vírginum comitáta cum apparúisset, sic ad eos locúta dicitur: Ne me paréntes mórtuam lugeátis: nam una cum his virgínibus vivo apud illum in cœlis, quem in terris tota mente diléxi. Cum áliquot post annos Constántia, Constantíni imperatóris filia, insanábili úlceri medicínam quærens, nondum Christiána ad idem sepúlchrum accessísset; obdormíscens sibi audíre visa est vocem hanc Agnétis: Constánter age Constántia: crede in Jesum Christum Fílium Dei, qui te sanam fáciat. Quæ sanáta, paulo post una cum multis ex familia imperatóris baptísmum suscípiens, ibi ecclésiám nómine beátæ Agnétis ædificávit.

Te Deum laudámus. 14.

Ad Laudes et Horas, Ant. et reliqua ut in die festo. 443.

Ad Bened. Ant. Ecce quod concupívi, * jam vídeo: quod sperávi, jam téneo: ipsi sum juncta in cœlis, quem in terris pósito, tota devotióne diléxi.

Ÿ. Diffúsa est grátia in lábiis tuis. R. Proptérea benedíxit te Deus in ætérnum.

Oratio ut supra.

Post Nonam nihil fit de ea.

Vesperæ de sequ.

Die 29. Januarii.

S. Francisci Salesii Episc. Conf. et Eccl. Doct.

Duplex.

Omnia de Comm. Conf. Pont. [49] præter sequ. (m. t. v.)

In utrisque Vesperis ad Magnif.

Ant. O Doctor óptime, Ecclésiæ sanctæ lumen, beáte Francíscе, divínæ legis amátor, deprecáre pro nobis Fílium Dei.

Oratio.

Deus, qui ad animárum salútem beátum Francíscum Confessórem tuum atque Pontíficem ómnibus ómnia factum esse voluísti: concéde propítius; ut caritátis tuæ dulcédine perfúsi, ejus dirigéntibus mónitis, ac suffragántibus méritis, ætérna gáudia consequámur. Per Dóminum nostrum.

In I. Noct. Lect. Sapiéntiam. ut in Comm. Doct. [62]

In II. Nocturno.

Lectio iv.

Francíscus in óppido Salésio, unde familiæ cognómen, piis et nobilibus paréntibus natus, a téneris annis futúrá sanctitátis indícia præbuit, morum innocentia et gravitáte. Adoléscens liberálibus disciplinis eruditus, mox

philosophiæ ac theologiæ Parísiis óperam dedit: et ne quid sibi de-
ésset ad ánimi cultúram, juris
utriusque laúream summa cum
laude Patávii obtínuit. In sacra
æde Lauretána perpétuæ virgini-
tátis votum, quo pridem Parísiis
se obstrínxerat, innovávit: a cujus
virtútis propósito nullis umquam
dæmonum fraudibus, nullis sén-
sum illécebris pótuit dimovéri.

R. Invéni David servum meum,
óleo sancto meo unxi eum: * Ma-
nus enim mea auxiliábitur ei. V. Ni-
hil proficiet inimicus in eo, et fílius
iniquitátis non nocébit ei. Manus.

Lectio v.

Recusáta in Sabaúdiæ senátu
amplíssima dignitaté, clericáli
milítiae nomen dedit: tum sacerdotío
initiátus, et Genevénsis ecclé-
siæ præpositúram adéptus, ejus
múneris partes ádeo perfécite ex-
plévit, ut eum Granérius epíscopus
vindícandis ab hæresi Calvi-
niána Chaballícensibus, aliisque
Genévæ finítimis pópulis, divíni
verbi præcónem destinárit. Quam
expeditiónem álacri ánimo susci-
piens, aspérrima quæque perpés-
sus est, sæpe ab hæreticis conqui-
sítus ad necem, variisque calúmniis
et insídiis vexátus. Sed inter tot
discrímina et agónes, insuperábilis
ejus constántia sémper enítuit;
Deique ope protéctus, septuagínta
duo millia hæreticórum ad cathó-
licam fidem reduxisse dicitur, in-
ter quos multi nobilitáte et doctrí-
na insíignes numerántur.

R. Pósuí adjutórium super po-
téntem, et exaltávi eléctum de ple-
be mea: * Manus enim mea auxi-

liábitur ei. V. Invéni David servum
meum, óleo sancto meo unxi eum.
Manus.

Lectio vi.

Mórtuo Granério, qui eum sibi
coadjutórem decérni curáve-
rat, epíscopus consecrátus, sancti-
tátis suæ rádios circumquaque
diffúdit, zelo ecclesiásticæ disci-
plinæ, pacis stúdio, misericórdia
in paúperes, omnique virtúte con-
spícuus. Ad divíni cultus augmén-
tum novum órđinem sanctimoniá-
lium instituit, a Visitatíone beátæ
Vírginis nuncupátum, sub régula
sancti Augustíni; cui áddidit con-
stitutíones sapiéntia, discretíone,
et suavitaté mirábiles. Suis étiam
scriptis coeléstí doctrína refértis
Ecclésiám illustrávit, quibus iter
ad christíanam perfectiónem tu-
tum et planum demónstrat. Annum
dénique agens quinquagésimum
quintum, dum e Gállia Annésium
regréditur, post Sacrum in die sancti
Joánnis Evangelístæ Lugdúni
celebrátum, gravi morbo corréptus,
sequénti die migrávit in cœlum,
anno Dómini millésimo sexcenté-
simo vigésimo secúndo. Ejus cor-
pus Annésium delátum, in ecclésiá
monialium dicti órđinis honorífice
cónditum fuit, cœpítque statim mi-
ráculis claréscere. Quibus rite pro-
bátis, ab Alexándro séptimo Pon-
tífice Máximo in Sanctórum núme-
rum relátus est, assignáta ejus fe-
stivitáti die vigésima nona Januá-
rii, et a Summo Pontífice Pio nono,
ex Sacrórum Rítuum Congregatió-
nis consúlto, universális Ecclésiæ
Doctor fuit declarátus.

R. Iste est. [54]

In III. Noct. Homilia in Evang. Vos
estis sal. de Comm. Doct. 1. loco. [64]

In II. Vesp. fit commemor. sequ.

Die 30. Januarii.

S. Martinæ Virg. et Mart.

Semiduplex.

Omnia de Comm. Virg. [83] præter
sequ.

Ant. Veni sponsa Christi, accipe
corónam, quam tibi Dóminus præ-
parávit in ætérnum.

Ÿ. Spécie tua et pulchritúdine
tua. R. Inténde, prospere procéde,
et regna.

Oratio.

Deus, qui inter cétera poténtiæ
tuæ mirácula, étiam in sexu
frágili victóriam martýrii contulí-
sti: concéde propítius; ut, qui beá-
tæ Martínæ Vírginis et Mártiris
tuæ natalítia cólimus, per ejus ad
te exémpa gradiámur. Per Dñm.

In I. vel II. Vesp. quando dicendæ
sunt, dicitur Hymn. Martinæ célebri,
usque ad Quærit præmia; et in fine
A nobis ábigas. Ad Matutinum autem
incipitur a Non illam, usque in finem.

Ad Matutinum.

Invitat. Regem Vírginum Dómi-
num, * Veníte adorémus.

Ps. Veníte, exsultémus. 2.

Hymnus.

Martinæ célebri plaúдите nómini
Cives Romúlei, plaúдите gló-
riæ:

Insígnem méritis dícite Vírgi-
nem,

Christi dícite Mártirem.

Hæc dum conspícuis orta parénti-
bus

Inter delicias, inter amábiles

Luxus illécebras dítibus áffluit

Faustæ munéribus domus.

Vitæ despíciens cómmoda, dédi-
cat

Se rerum Dómino, et munífica
manu

Christi paupéribus distríbuens
opes,

Quærit præmia cóelitum.

Non illam crúciens úngula, non
feræ,

Non virgæ horribili vúlnerē cóm-
movent;

Hinc lapsi e Súperum sédibus
Angeli

Cœlésti dape récreant.

Quin et depósita sævitie leo

Se rictu plácido prójicit ad pe-
des:

Te Martina tamen dans gládus
neci

Cœli cœtibus ínserit.

Te, thuris rédolens ara vapóribus,
Quæ fumat, précibus júgiter ín-
vocat,

Et falsum périmens auspícium,
tui

Delet nóminis ómine.

A nobis ábigas lúbrica gaúdia

Tu, qui Mártýribus dexter ades,
Deus

Une et Trine: tuis da fámulis ju-
bar,

Quo clemens ánimos beas.

Amen.

In I. Nocturno Lectiones de Scri-
ptura occurrente.

In II. Nocturno.

Lectio iv.

Martína virgo Romána, patre
consulári, illústri génere
nata, téneris adhuc annis
orbáta paréntibus, christiánæ pie-
tátis ardóre succénsa, divítias, qui-

bus affluébat, mira in paúperes liberalitáte distribuit. Sub Alexándro príncipe, cum deos inánes cólere juberétur, immáne fácinus summa libertáte detestátur. Quaprópter íterum atque íterum affécta verbéribus, uncis, úngulis férreis, testárum fragméntis laceráta, acutíssimis gládiis membrátim concísa, ádipe fervénti perúncata, demum in amphitheatró damnátur ad béstias: a quibus illæsa divínitus evádens, in ardéntem rogam injécta, incólumis pari beneficio servátur.

R. Propter veritátem, et mansuetúdinem, et justítiam: * Et dedúcet te mirabíliter dextera tua. V. Spécie tua, et pulchritúdine tua inténde, prospere procéde, et regna. Et.

Lectio v.

Ex ejus tortóribus nonnúlli, miráculi novitáte corrépti, Dei aspiránte grátia, Christi fidem amplexi, post cruciátus gloriósam martýrii palmam cápitis abscissióne promeruére. Ad ejúsdem preces nunc terræmótibus exórtis, nunc ignibus e cælo tonánte delápsis, deórum templa prostráta sunt, et simulácra consúpta. Intérdum ex vulnéribus lac cum sáanguine erúpit, splendórque nitidíssimus, ac suavíssimus odor e corpore emanávit: intérdum sublímis régia in sede divínis laúdibus una cum cœlítibus interésse visa est.

R. Dilexísti justítiam, et odísti iniquitátem: * Proptérea unxit te Deus, Deus tuus óleo lætitiæ. V. Propter veritátem, et mansuetúdinem, et justítiam. Proptérea.

Lectio vi.

Hisce prodígiis, ejúsque in primis constántia, ácritèr permótus judex, caput vírgini amputári præcépit; qua perémpta, auditáque de cælo voce, qua ad Súperos evocabátur, urbs tota contrémuit, ac multi idolórum cultóres ad Christi fidem convérsi sunt. Sacrum Martinæ corpus, sedénte sancto Urbáno primo, martýrio afféctum, Urbáno octávo Pontífice Máximo, in pervetústa ejúsdem ecclésia, ad Mamertínus cárcerem, in Capitolíni clivi radícibus, cum sanctórum Mártyrum Concórdii, Epiphánii et sociórum corpóribus repértum, eódem loco in meliorem formam redácto, atque decéntius ornáto, magno pópuli concúrsu, totíus Urbis lætítia, solémni ritu ac pompa repositum est.

R. Afferéntur Regi. [91]

In III. Nocturno Homilia in Evang. Símile erit regnum cœlórum decem vírgínibus. de codem Coñ. 1. loco. [93]

Ad Laudes.

Hymnus.

Tu natále solum prótege, tu bonæ
Da pacis réquiem Christiádum
plagis;
Armórum strépitus, et fera prælia
In fines age Thrácios.
Et regum sóciâs ágmina sub crucis
Vexíllo, Sólymas · néxibus éxime,
Vindéxque innócuí sánguínis hósticum
Robur fúnditus érué.

Tu nostrum cólumen, tu decus inclytum,
 Nostrárum obséquium rēspice
 méntium;
 Romæ vota libens éxcipe, quæ
 pio
 Te ritu canit, et colit.
 A nobis ábigas lúbrica gáudia
 Tu, qui Martýribus dexter ades,
 Deus
 Une et Trine: tuis da fámulis ju-
 bar,
 Quo clemens ánimos beas.
 Amen.
 Vesp. de sequ. cum comm. præc.

Die 31. Januarii.

S. Petri Nolasci Confessoris.

Duplex.

Omnia de Comm. Conf. non Pont.
 [67] præter sequ. (m. t. v.)

Oratio.

Deus, qui in tuæ caritátis exém-
 plum, ad fidélium redempti-
 onem sanctum Petrum Ecclési-
 am tuam nova prole fœcundáre divi-
 nitus docuísti: ipsíus nobis inter-
 cessióne concéde; a peccáti servi-
 túte solútis, in cœlésti pátria per-
 pétua libertáte gaudére: Qui vivis.

Deinde fit commem. præced.

Ant. Veni sponsa Christi, áccipe
 corónam, quam tibi Dóminus præ-
 parávit in ætérnum.

Ÿ. Diffúsa est grátia in lábiis
 tuis. R̃. Propterea benedíxit te
 Deus in ætérnum.

In I. Nocturno Lectiones de Scri-
 ptura occurrente.

In II. Nocturno.

Lectio iv.

Petrus Noláscus, Recaúdi pro-
 pe Carcasónam in Gállia nó-
 bili génere natus, singulári

erga próximum caritáte excélluit.
 Cujus virtútis præságium fuit;
 quod, cum adhuc in cunábulis va-
 gíret infans, exámen apum ad eum
 convolávit, et favum mellis in ejus
 dextera constrúxit. Adoléscens
 paréntibus orbátus, Albigénsium
 hæresim, quæ tunc in Gállia gras-
 sabátur, éxsecrans, divéndito pa-
 trimónio, in Hispániam secéssit;
 et apud beátam Vírginem montis
 Serráti votum, quo pridem se ob-
 strínxerat, exsólvit. Tum Barcinó-
 nam pergens, cum Christi fidélibus
 ab hóstium servitúte rediméndis
 omnem pecúniám consumpsísset,
 seípsum pro iis liberándis venum
 ire, aut in illórum víncula súffici
 cúpere dictitábat.

R̃. Honéstum fecit illum Dómi-
 nus, et custodívit eum ab inimícis,
 et a seductóribus tutávit illum: *
 Et dedit illi claritátem ætérnam.
 Ÿ. Justum dedúxit Dóminus per
 vias rectas, et osténdit illi regnum
 Dei. Et dedit.

Lectio v.

Quam gratum Deo fúerit hoc
 sancti viri desidérium, súbse-
 quens declarávit événtus: nam no-
 ctu oránti, et de Christianórum in
 captivitáte degéntium subsídio
 multa ánimo volvénti beáta Virgo
 appárens, Fílio suo sibíque acce-
 ptíssimum fore suggéssit, si ad sui
 honórem religiosórum ordo insti-
 tuerétur, quibus præcípuè esset
 cura captívos ab infidélium tyrán-
 nide liberáre. Huic cœlésti mónito
 illico obtémperans, una cum san-
 cto Raymúndo de Péñafort, et Ja-
 cóbo primo, rege Aragóniæ, de
 eádem re a Dei Genitríce ipsa no-
 cte præmónitis, religióne beátæ

Maríæ de Mercéde Redemptiónis Captivórum instituit: sodálibus suis quarto voto obstrictis, manéndo in pignus sub paganórum potestáte, si pro Christianórum liberatióne opus fúerit.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum. V. Induit eum Dóminus lorícam fidei, et ornávit eum. Et.

Lectio vi.

Edito virginitátis voto, illibátam perpétuo castitatem servávit. Patiéntia, humilitáte, abstinéntia, ceterisque virtútibus mirabiliter enítuit. Prophetíæ dono illústris, futúra prædixit: inter quæ máxime celebrátur, quod Jacóbus rex Valéntiam a Mauris occupátam expugnáverit, accépta prius ab eo obtinéndæ victóriæ securitáte. Angeli Custódis, ac Deíparæ Vírginis, frequénti apparitióne recreabátur. Sénio tandem conféctus, de imminénti morte cértior factus, in morbum incidit, sanctisque reféctus sacraméntis, fratres suos ad caritatem erga captivos cohortátus, et Psalmum, Confitébor tibi Dómine in toto corde meo, devotíssime récitans, ad illa verba, Redemptiónem misit Dóminus pópulo suo, spíritum Deo réddidit média nocte Vigíliæ Nativitátis Dómini, anno millésimo ducentésimo quinquagésimo sexto. Cujus festivitatem Alexander séptimus die trigésima prima Januárii celebrári præcépit.

R. Iste homo. [72]

In III. Noct. Homilia in Evang. No-
líte timére. de eodem Coñ. 2. loco. [79]

Vesperæ a Capit. de sequenti com-
mem. præc.

FESTA FEBRUARII.

Prima die non impedita dicitur Of-
fícium Defunctorum.

Die 1. Februarii.

S. Ignatii Episc. et Mart.

Duplex.

Omnia de Comm. unius Mart. [21]
præter sequ.

Oratio.

Infirmítatem nostram réspice, om-
nípotens Deus: et quia pondus
própriæ actiónis gravat, beáti Igná-
tii Mártyris tui atque Pontíficis in-
tercessio gloriósa nos próteget.
Per Dóminum.

Deinde fit commem. præced.

Ant. Hic vir despiciens mundum
et terréna, triúmphans, divítias
cœlo cóndidit ore, manu.

V. Justum dedúxit Dóminus per
vias rectas. R. Et osténdit illi re-
gnum Dei.

Oratio.

Deus, qui in tuæ caritátis exem-
plum, ad fidélium redempti-
onem sanctum Petrum Ecclési-
am tuam nova prole fœcundare divi-
nitus docuísti: ipsius nobis inter-
cessiõe concéde; a peccáti servi-
tute solútis, in cœlésti pátria per-
pétua libertáte gaudere: Qui vivis.

In I. Nocturno Lectiones de Scri-
ptura occurrente.

In II. Nocturno.

Ex libro sancti Hierónymi Presbý-
teri de Scriptóribus ecclesiásticis.

Lectio iv.

Ignátius Antiochénae ecclésiæ
tértius post Petrum Apóstó-
lum epíscopus, commovén-
te persecutióne Trajáno, damnátus
ad béstias, Romam vinctus mítti-

tur. Cumque nāvigans Smyrnam venisset, ubi Polycārpus audītor Joānnis, epīscopus erat, scripsit unam epīstolam ad Ephēsios, alteram ad Magnesiānos, tērtiam ad Trallēnses, quartam ad Romānos: et inde egrēdiens scripsit ad Philadēlphios, et ad Smyrnāeos, et propriam ad Polycārpum, commēdans illi Antiochēnsē ecclēsiā: in qua et de Evangēlio, quod nuper a me translātum est, super persōna Christi ponit testimōnium.

R. Honēstum fecit illum Dōminus, et custodīvit eum ab inimicis, et a seductōribus tutāvit illum: * Et dedit illi claritātem aeternam. V. Descenditque cum illo in foveam, et in vīculis non dereliquit eum. Et dedit illi.

Lectio v.

Dignum autem videtur, quia tanti viri fecimus mentionem, et de epistola ejus, quam ad Romānos scribit, pauca ponere. De Syria usque ad Romam pugno ad bestias in mari et in terra, nocte diēque ligātus cum decem leopardis, hoc est militibus, qui me custodiunt; quibus et cum benefeceris, peiores fiunt. Iniquitas autem eorum mea doctrina est: sed non idcirco justificatus sum. Utinam fruar bestiis, quae mihi sunt paratae: quas et oro mihi veloces esse ad interitum, et ad supplicia, et allici ad comedendum me, ne, sicut et aliorum Martyrum, non audeant corpus attingere. Quod si venire noluerint, ego vim faciam, ego me urgebo, ut devorer. Ignoscite mihi filiioli: quid mihi prosit, ego scio.

R. Desiderium animae ejus tribuisti ei Dōmine, * Et voluntate labiorum ejus non fraudasti eum. V. Quoniam praevenisti eum in benedictionibus dulcedinis: posuisti in capite ejus coronam de lapide pretioso. Et.

Lectio vi.

Nunc incipio Christi esse discipulus, nihil de his, quae videntur, desiderans, ut Jesum Christum inveniam. Ignis, crux, bestiae, confractio ossium, membrorum divisio, et totius corporis contritio, et tota tormenta diaboli in me veniant: tantum ut Christo fruatur. Cumque jam damnatus esset ad bestias, et ardore patiendi rugientes audiret leones, ait: Frumentum Christi sum, dentibus bestiarum molar, ut panis mundus inveniar. Passus est anno undecimo Trajani. Reliquiae corporis ejus Antiochiaē jacent extra portam Daphniticam, in coemeterio.

R. Stola jucunditatis induit eum Dōminus: * Et coronam pulchritudinis posuit super caput ejus. V. Cibavit illum Dōminus pane vitae et intellectus: et aqua sapientiae salutaris potavit illum. Et coronam. Glōria Patri. Et coronam.

In III. Nocturno.

Lectio sancti Evangelii secundum Joānnem.

Lectio vii. Cap. 12. d.

In illo tempore: Dixit Jesus discipulis suis: Amen, amen dico vobis, nisi granum frumenti cadens in terram, mortuum fuerit, ipsum solum manet. Et reliqua.

Homília sancti Augustíni
Epíscopi.

Tract. 51. in Joann., sub med.

Ipse Dóminus Jesus erat gra-
num mortificándum et multi-
plicándum: mortificándum in-
fidelitáte Judæórum, multiplicán-
dum fide populórum. Jam vero
exhórtans ad passióis suæ sectán-
da vestígia, Qui amat, inquit, áni-
mam suam, perdet eam. Quod duó-
bus modis intélligi potest. Qui
amat, perdet: id est, si amas, per-
des. Si cupis vitam tenére in Chri-
sto, noli mortem timére pro Chri-
sto. Item álio modo: Qui amat
ánimam suam, perdet eam: noli
amáre, ne perdas: noli amáre in
hac vita, ne perdas in ætérna vita.

R. Coróna aúrea super caput
ejus, * Expréssa signo sanctitátis,
glória honóris, et opus fortitúdinis.
V. Quóniam prævenísti eum in be-
nedictiónibus dulcédinis, posuísti
in cápite ejus corónam de lápide
pretiósó. Expréssa.

Lectio viii.

Hoc autem, quod postérius dixi,
magis habére vidétur evangé-
licus sensus. Séquitur enim: Et qui
odit ánimam suam in hoc mundo,
in vitam ætérnam custódit eam.
Ergo, quod supra dictum est, qui
amat, subintelligitur in hoc mun-
do, ipse útique perdet: qui autem
odit, útique in hoc mundo, in vi-
tam ætérnam ipse custódit eam.
Magna et mira senténtia, quemád-
modum sit hóminis in ánimam su-

am amor ut péreat, ódium ne pér-
eat. Si male amáveris, tunc odísti:
si bene óderis, tunc amásti. Felí-
ces, qui odérunt custodiéndo, ne
perdant amándo.

R. Hic est vere Martyr, qui pro
Christi nómine sánguinem suum
fudit: * Qui minas júdicum non
timuit, nec terrénæ dignitátis gló-
riam quæsívit, sed ad cœléstia re-
gna pervénit. V. Justum dedúxit
Dóminus per vias rectas, et ostén-
dit illi regnum Dei. Qui. Glória
Patri. Qui.

Lectio ix.

Sed vide ne tibi subrépat, ut te-
ípsum velis interimere, sic in-
telligéndo, quod debes odísse in
hoc mundo ánimam tuam. Hinc
enim quidam maligni atque per-
vérsi hómines, et in seípsis crude-
lióres et sceleratióres homicídæ
flammis se donant, aquis se præfó-
cant, præcipítio se collidunt, et
péreunt. Hoc Christus non dócuit:
imo étiam diábolo præcipítium
suggerénti respóndit, Redi retro
sátanas: scriptum est, Non tentábis
Dóminum Deum tuum. Petro au-
tem dixit, significans qua morte
clarificatúrus erat Deum: Cum es-
ses júnior, cingébas te, et ambulá-
bas quo volébas: cum autem se-
núeris, alter te cinget, et feret quo
tu non vis. Ubi satis expréssit, non
a seípso, sed ab álio debére occidi,
qui vestígia séquitur Christi.

Te Deum laudámus. 14.

Vesp. de sequ. commem. præced.





Die 2. Februarii.

IN PURIFICATIONE B. MARIAE VIRG.

Duplex 2. classis.

Si hoc Festum inciderit in aliquam Dominicam privilegiatam, transfertur in Feriam II. tamquam in sedem propriam, translato quocumque Festo Duplici ex majoribus, aut alicujus Doctoris Ecclesiae, etiam aequalis, non tamen altioris ritus. De alio autem Festo Duplici minori vel de Semidupl. occurrit commemoratio in utrisque Vesp. et Laudibus cum ix. Lectione historica.

In I. Vesperis.

Antiph. 1.

Concedit admirabile commercium: Creator generis humani, animatum corpus sumens, de Virgine nasci dignatus est: et procedens homo sine semine, largitus est nobis suam Deitatem.

Psalmi et alia hic non propria ut in festis B. M. V. [133]

2. Quando natus es ineffabiliter ex Virgine, tunc impleretur sunt

Scripturae: sicut pluvia in vellus descendisti, ut salvum faceres genus humanum: te laudamus Deus noster.

3. Rubum, quem viderat Moyses incombustum, conservatam agnovimus tuam laudabilem virginitatem: Dei Genitrix intercede pro nobis.

4. Germinavit radix Jesse, orta est stella ex Jacob, Virgo peperit Salvatorem: te laudamus Deus noster.

5. Ecce Maria genuit nobis Salvatorem, quem Joannes videns exclamavit, dicens: Ecce Agnus Dei, ecce qui tollit peccata mundi, alleluja.

Capitulum.

Malach. 3.

Ecce ego mitto Angelum meum, et praeparabit viam ante faciem

meam. Et statim véniet ad templum sanctum suum Dominátor, quem vos quæritis, et Angelus testaménti, quem vos vultis.

Hymnus.

Ave maris stella,
Dei Mater alma,
Atque semper Virgo,
Felix cœli porta.

Sumens illud Ave
Gabriélis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus,
Tulit esse tuus.

Virgo singuláris,
Inter omnes mitis,
Nos culpis solútos
Mites fac et castos.

Vitam præsta puram,
Iter para tutum,
Ut vidéntes Jesum,
Semper collætémur.

Sit laus Deo Patri,
Summo Christo decus,
Spíritui sancto,
Tribus honor unus. Amen.

Ÿ. Respónsum accépit Símeon
a Spíritu sancto. R. Non visúrum
se mortem, nisi vidéret Christum
Dómini.

Ad Magnif. Ant. Senex púerum
portábat, puer autem senem regé-
bat: quem virgo péperit, et post
partum virgo permánsit: ipsum
quem génuít, adorávit.

Oratio.

Omnípotens sempitérne Deus,
majestátem tuam súpplíces ex-
orámus: ut, sicut unigénitus Fílius
tuus hodiérna die cum nostræ car-
nis substántia in templo est præ-
sentátus; ita nos fácias purificátis
tibi méntibus præsentári. Per eúm-
dem Dóminum.

Et fit commemoratio præced.

Ant. Qui vult veníre post me,
ábneget semetípsum, et tollat cru-
cem suam, et sequátur me.

Ÿ. Justus ut palma florébit.
R. Sicut cedrus Líbani multipli-
cábitur.

Oratio. Infirmitátem. 462.

Ad Completorium et per Horas in
fine Hymnorum dicitur

Jesu, tibi sit glória,
Qui natus es de Vírgine.

Ad Matutinum.

Invit. Ecce venit ad templum
sanctum suum Dominátor Dómi-
nus: * Gaude et lætare Sion, oc-
cúrrens Deo tuo.

Ps. Veníte, exsultémus. 2.

Hymn., Ant., Ps. et ŸŸ. Noct. dic.
ut in festis B. M. V. [135]

In I. Nocturno.

De libro Exodi.

Lectio i. Cap. 13.

Locútus est Dóminus ad Móy-
sen, dicens: Sanctífica mihi
omne primogénitum quod
áperit vulvam in fíliis Israél, tam
de homínibus quam de juméntis:
mea sunt enim ómnia. Et ait Móy-
ses ad pópulum: Cum introdúxerit
te Dóminus in terram Chananæi,
sicut jurávit tibi et pátribus tuis,
et déderit tibi eam: separábis omne
quod áperit vulvam Dómino, et

quod primitivum est in pecoribus tuis: quidquid habueris masculini sexus, consecrabis Domino. Primogenitum asini mutabis ove: quod si non redemeris, interficies. Omne autem primogenitum hominis de filiis tuis, pretio redimes.

R. Adorna thalamum tuum Sion, et suscipe Regem Christum: * Quem virgo concepit, virgo peperit, virgo post partum, quem genuit, adoravit. V. Accipiens Simeon puerum in manibus, gratias agens benedixit Dominum. Quem.

De libro Levitici.

Lectio ii.

Cap. 12.

Locutus est Dominus ad Moysen, dicens: Loquere filiis Israel, et dices ad eos: Mulier, si suscepto semine pepererit masculum, immunda erit septem diebus juxta dies separationis menstruae. Et die octavo circumcidetur infans: ipsa vero triginta tribus diebus manebit in sanguine purificationis suae. Omne sanctum non tanget, nec ingrediatur in Sanctuarium, donec impleantur dies purificationis suae. Sin autem feminam pepererit, immunda erit duabus hebdomadibus juxta ritum fluxus menstrui, et sexaginta sex diebus manebit in sanguine purificationis suae.

R. Postquam implati sunt dies purificationis Mariae, secundum legem Moysi, tulerunt Jesum in Jerusalem, ut sisterent eum Domino: * Sicut scriptum est in lege Domini: Quia omne masculinum aperiens vulvam, sanctum Domino vocabitur. V. Obtulerunt pro eo Domino par turturum, aut duos pullos columbarum. Sicut.

Lectio iii.

Cumque explati fuerint dies purificationis suae, pro filio, sive pro filia, deferet agnum anniculum in holocaustum, et pullum columbae sive turturem pro peccato, ad ostium tabernaculi testimonii, et tradet sacerdoti, qui offeret illa coram Domino, et orabit pro ea, et sic mundabitur a profluvio sanguinis sui. Ista est lex parientis masculinum aut feminam. Quod si non invenerit manus ejus, nec potuerit offerre agnum, sumet duos turtures vel duos pullos columbarum, unum in holocaustum, et alterum pro peccato: orabitque pro ea sacerdos, et sic mundabitur.

R. Obtulerunt pro eo Domino par turturum, aut duos pullos columbarum, * Sicut scriptum est in lege Domini. V. Postquam autem implati sunt dies purificationis Mariae, secundum legem Moysi, tulerunt illum in Jerusalem, ut sisterent eum Domino. Sicut. Gloria Patri. Sicut.

In II. Nocturno.

Sermo sancti Augustini Episcopi.

Serm. 13. de Tempore, post initium.

Lectio iv.

Sic olim praedictum est: Mater Sion dicit: Homo, et homo factus est in ea: et ipse fundavit eam Altissimus. O omnipotentia nascentis! o magnificentia de caelo ad terram descendentis! Adhuc in utero portabatur, et ex utero matris a Joanne Baptista salutabatur. In templo praesentabatur, et a Simeone sene famoso, annoso, probato, coronato agnoscebatur. Tunc cognovit, tunc adoravit, tunc dixit:

Nunc Dómine, dimíttis servum tuum in pace: quia vidérunt óculi mei salutáre tuum.

R. Símeon justus et timorátus exspectábat redemptionem Israël: * Et Spíritus sanctus erat in eo. V. Respónsum accépit Símeon a Spíritu sancto, non visúrum se mortem, nisi vidéret Christum Dómini. Et Spíritus sanctus.

Lectio v.

Differebátur exire de sáculo, ut vidéret natum, per quem cónditum est sáculum. Agnóvit infántem senex, factus est in púero puer. Innovátus in ætáte, qui plenus erat pietáte. Símeon senex ferébat Christum infántem, Christus regébat Simeónis senectútem. Dictum ei fúerat a Dómino, quod non gustáret mortem, nisi vidéret Christum Dómini natum. Natus est Christus, et implétum est desidérium senis in mundi ipsíus senectúte. Ipse ad senem hóminem venit, qui mundum inveterátum invénit.

R. Respónsum accépit Símeon a Spíritu sancto, non visúrum se mortem, nisi vidéret Christum Dómini: * Et benedíxit Deum, et dixit: Nunc dimíttis servum tuum in pace, quia vidérunt óculi mei salutáre tuum Dómine. V. Cum inducerent púerum Jesum paréntes ejus, ut fácerent secúndum consuetúdinem legis pro eo: ipse accépit eum in ulnas suas. Et benedíxit.

Lectio vi.

In isto quidem sáculo diu esse inolébat, et Christum in hoc sáculo vidére cupiébat, cantans cum Prophéta, et dicens: Osténde nobis Dómine misericórdiam tuam, et salutáre tuum da nobis. Dénique,

ut novéritis ita esse istíus lætítiam, conclúsit, dicens: Nunc dimíttis servum tuum in pace: quia vidérunt óculi mei salutáre tuum. Prophétæ cecinérunt Conditórem cœli et terræ in terra cum homínibus futúrum: Angelus nuntiávit Creatórem carnis et spíritus in carne ventúrum: salutávit Joánnes ex útero in útero Salvatórem: Símeon senex Deum agnóvit infántem.

R. Cum inducerent púerum Jesum paréntes ejus in templum, ut fácerent secúndum consuetúdinem legis pro eo, accépit eum Símeon in ulnas suas, et benedíxit Deum, dicens: * Nunc dimíttis Dómine servum tuum in pace. V. Suscípiens Símeon púerum in mánibus, exclamávit, dicens. Nunc dimíttis. Glória Patri. Nunc dimíttis.

In III. Nocturno.

Léctio sancti Evangélíi secúndum Lucam.

Lectio vii. Cap. 2. c.

In illo témpore: Postquam impléti sunt dies purgatióis Mariæ secúndum legem Móysi, tulérunt Jesum in Jerúsalem, ut sístèrent eum Dómino, sicut scriptum est in lege Dómini. Et réliqua.

Homília sancti Ambrósii Epíscopi.

Lib. 2. Comment. in Lucæ cap. 2. post initium.

Et ecce homo erat in Jerúsalem, cui nomen Símeon, et homo iste justus et timorátus, exspectans consolatióem Israël. Non solum ab Angelis, et prophétis, et a pastóribus, sed étiam a senióribus et justis generátio Dómini accépit testimónium. Omnis ætas, et utérque sexus,

eventorúmque mirácula fidem ástruunt. Virgo generat, stérilis parit, mutus lóquitur, Elísabeth prophétat, Magus adórat, útero clausus exsúltat, vídua confitétur, justus exspéctat.

R. Suscípiens Jesum in ulnas suas Símeon, exclamávit, et dixit: * Tu es vere lumen ad illuminatió-nem Géntium, et glóriam plebis tuæ Israëł. V. Cum indúcerent pú-erum Jesum paréntes ejus, et ipse accépit eum in ulnas suas, et bene-díxit Deum, et dixit. Tu es.

Bened. Cujus festum cólimus, ipsa Virgo vírginum.

Lectio viii.

Et bene justus, qui non suam, sed pópuli grátiam requirébat, cúpiens ipse corpóreæ vínculis fragilitátis exsólvi, sed exspéctans vídere promíssum: sciébat enim quia beáti óculi qui eum vidérent. Et ipse accépit eum in ulnas suas, et benedíxit Deum, et dixit: Nunc dí-mítte servum tuum Dómine secún-dum verbum tuum in pace. Vide justum, velut corpóreæ cárcere molis inclúsum, velle dissólvi, ut incípiat esse cum Christo. Dissólvi enim, et cum Christo esse, multo mélius est.

R. Senex púerum portábat, puer autem senem regébat: * Quem vir-go concépit, virgo péperit, virgo post partum, quem genuit, adorá-vit. V. Accípiens Símeon púerum in mánibus, grátias agens benedíxit Dóminum. Quem virgo. Glória Patri. Quem virgo.

Lectio ix.

Sed qui vult dí-mítte, véniat in templum, véniat in Jerúsalem, exspéctet Christum Dómini, accí-

piat in mánibus Verbum Dei, com-plectátur opéribus velut quibús-dam suæ fídei bráchiis: tunc dimit-tétur, ut non vídeat mortem, qui viderit vitam. Vides úberem in omnes grátiam, Dómini generatió-ne diffúsam, et prophetiam incrédulis negátam esse, non justis. Ec-ce et Símeon prophétat, in ruínam et resurrectionem plurimórum ve-nísse Dóminum Jesum Christum: ut justórum iniquorúmque mérita discérnat, et pro nostrórum quali-táte factórum, judex verus et ju-stus aut supplicia decérnat, aut præmia.

Te Deum laudámus. 14.

Ad Laudes

et per Horas.

Ant. 1. Símeon justus * et timo-rátus exspectábat redemptionem Israëł, et Spíritus sanctus erat in eo.

Psalm. Dóminus regnávít. cum reliqu. 15.

2. Respónsum accépit Símeon * a Spíritu sancto, non visúrum se mortem, nisi vidéret Dóminum.

3. Accípiens Símeon * púerum in mánibus, grátias agens benedíxit Dóminum.

4. Lumen ad revelatió-nem Gén-tium, * et glóriam plebis tuæ Israëł.

5. Obtulérunt * pro eo Dómino par túrturum aut duos pullos co-lumbárum.

Capitulum.

Malach. 3.

Ecce ego mitto Angelum meum, et præparábit viam ante fáciem meam. Et statim véniet ad tem-plum sanctum suum Dominátor, quem vos quæritis, et Angelus te-staménti, quem vos vultis.

Hymnus.

O gloriósa vírginum,
Sublímis inter sídera,
Qui te creávit, párvulum
Lacténte nutris úbere.

Quod Heva tristis ábstulit,
Tu reddis almo gérmine:
Intrent ut astra flébiles,
Cœli reclúdis cárdines.

Tu regis alti jánuā,
Et aula lucis fúlgida:
Vitā datam per Vírginem
Gentes redémp̄tæ plaúдите.

Jesu, tibi sit glória,
Qui natus es de Vírgine,
Cum Patre, et almo Spírītu
In sempitérna sæcula. Amen.

Ÿ. Diffúsa est grátia in lábiis
tuis. R. Proptérea benedíxit te
Deus in ætérnum.

Ad Bened. Ant. Cum indúcerent
púerum Jesum paréntes ejus, accé-
pit eum Símeon in ulnas suas, et
benedíxit Deum, dicens: Nunc di-
míttis servum tuum in pace.

Oratio.

Omnípotens sempitérne Deus,
majestátem tuam súp̄plices
exorámus: ut, sicut unigénitus Fí-
lius tuus hodiérna die cum nostræ
carnis substántia in templo est
præsentátus; ita nos fácias purifi-
cátis tibi méntibus præsentári. Per
eúmdem Dóminum.

Ad Primam.

In R. br. dicitur Ÿ. Qui natus es
de María Vírgine.

Ad Tertiam.

Ant. Respónsum accépit Símeon.
Capit. Ecce ego. ut supra. 469.

R. br. Spécie tua * Et pulchritú-
dine tua. Spécie. Ÿ. Inténde, pró-

spere procéde, et regna. Et. Gló-
ria Patri. Spécie.

Ÿ. Adjuváb̄it eam Deus vultu
suo. R. Deus in médio ejus, non
commovébitur.

Ad Sextam.

Ant. Accípiens Símeon.

Capitulum. Malach. 3.

Ecce véniet, dicit Dóminus exer-
cítuum: et quis póterit cogitare
diem advéntus ejus, et quis stabit
ad vidéndum eum? Ipse enim qua-
si ignis conflans, et quasi herba
fullónum.

R. br. Adjuváb̄it eam * Deus
vultu suo. Adjuváb̄it. Ÿ. Deus in
médio ejus, non commovébitur.
Deus. Glória Patri. Adjuváb̄it.

Ÿ. Elégit eam Deus, et præelég-
git eam. R. In tabernáculo suo ha-
bitáre facit eam.

Ad Nonam.

Ant. Obtulérunt.

Capitulum. Malach. 3.

Et placébit Dómino sacrificium
Juda, et Jerúsalem sicut dies
sæculi, et sicut anni antiqui, dicit
Dóminus omnípotens.

R. br. Elégit eam Deus, * Et
præelégit eam. Elégit. Ÿ. In ta-
bernáculo suo habitáre facit eam.
Et præelégit. Glória Patri. Elégit.

Ÿ. Diffúsa est grátia in lábiis
tuis. R. Proptérea benedíxit te
Deus in ætérnum.

In II. Vesperis.

Ant. et Capit. de Laud. 469; Ps. et
Hymn. ut in festis B. M. V. [133]

Ÿ. Respónsum accépit Símeon
a Spírītu sancto. R. Non visúrum
se mortem, nisi vidéret Christum
Dómini.

Ad Magnif. Ant. Hódie beáta Virgo María púerum Jesum præsentávit in templo, et Símeon replétus Spíritu sancto accépit eum in ulnas suas, et benedíxit Deum in ætérnum.

Deinde fit commemoratio sequ.

Die 3. Februarii.

S. Blasii Episc. et Mart.

Ant. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

Ÿ. Glória et honóre coronásti eum Dómine. R. Et constituísti eum super ópera mánuum tuárum.

Oratio.

Deus, qui nos beáti Blásii Mártyris tui atque Pontíficis áñua solemnitate lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dóminum.

Lectio iii.

Blásius, Sebáste in Arménia cum virtútum laude floréret, ejúsdem civitátis episcopus elígitur. Qui quo témpore Diocletíanus insatiábilem crudelitátem in Christiános exercébat, se in spelúncam ábdidit montis Argæi: ubi támdiu látuit, dum ab Agricolái præsidis militibus venántibus deprehénsus, et ad præsidem ductus, ejus jussu conjéctus est in víncula. Quo in loco multos ægrótos sanávit, qui ad Blásium, ejus fama sanctitátis addúcti, deferebántur. In illis puer fuit, qui desperáta a médicis salute, transversa spina faucibus inhærente, ánimam agébat. Prodúctus autem ad præsidem Blásius semel et

íterum, cum nec blandítiis, nec minis addúci posset, ut diis sacrificáret, primum virgis cæsus, deínde in equúleo férreis pectinibus dilaniátus est: postrémo dempto cápite, illústre fidei testimónium Christo Dómino dedit, tértio Nonas Februárii. Te Deum laudámus. 14.

Die 4. Februarii.

S. Andreæ Corsini Episc. et Conf.

Duplex.

Omnia de Comm. Conf. Pont. [49] præter sequ. (m. t. v.)

Oratio.

Deus, qui in Ecclesiá tua nova semper instaúras exémpia virtutum: da pópulo tuo beáti Andreæ Confessóris tui atque Pontíficis ita sequi vestigia; ut assequá-tur et præmia. Per Dóminum.

In I. Nocturno Lectiones de Scriptura occurrente.

Si vero hoc Festum celebretur in Quadrag., Lect. I. Noct. sumuntur ex Comm. Conf. Pont., Fidélis sermo. [51], et ix. Lect. legitur de Homilia Feriæ, cum commem. de ea in Vesp. et Laud. Quod servatur in aliis Festis Tempore Quadrag.

In II. Nocturno.

Lectio iv.

Andréam, Floréntiæ ex nobili Corsinórum familia natum, paréntes précibus a Deo impetrárun, et beátæ Vírgini spondérunt. Qualis autem futúrus esset, divíno præságio, ántequam nascerétur, osténsus est: nam mater grávida sibi visa est per quíetem lupum edidísse, qui ad Carmelitárum ædem pergens, in ipso templi vestibulo statim in agnum convérsus est. Adoléscens pie et ingénue educátus, cum sensim ad

vítia declináret, sæpe a matre increpátus fuit. Ubi autem cognóvit, se paréntum voto Deíparæ Vírgini dicátum fuisse, Dei amóre succén-sus, deque visu matris admónitus, Carmelitárum institútum ampléxus est, in quo váriis tentatiónibus a dæmone vexátus, numquam tamen pótuit a religiónis propósito dimo- véri. Mox Lutétiam missus, emén- so studiórum curriculo, et láurea donátus, in pátriam revocátur, suí- que órdis regímini in Etrúria præficitur.

R. Invéni David servum meum, óleo sancto meo unxi eum: * Manus enim mea auxiliábitur ei. V. Nihil proficiet inimícus in eo, et filius iniquitátis non nocébit ei. Manus enim.

Lectio v.

Intérea Fesulána ecclésia suo vi- duáta pastóre, eum sibi epíscopum elégit: quo múnere se indí- gnum æstimans, diu látuit ignótus, donec púeri voce mirábiliter lo- quéntis próditus, et extra urbem invéntus, ne divínæ contradíceret voluntáti, episcopátum suscepit. Ea dignitáte auctus, humilitáti, quam semper colúerat, impénsius incúbuit: et pastoráli sollicitúdini misericórdiam in paúperes, libera- litátem, oratiónis assiduitátem, vi- gílias, aliásque virtútes adjúnxit, et spírítu étiam prophético clarus fuit; ádeo ut ejus sánctitas ab ó- mnibus celebrarétur.

R. Pósui adjutórium super po- téntem, et exaltávi eléctum de ple- be mea: * Manus enim mea auxi- liábitur ei. V. Invéni David, ser- vum meum, óleo sancto meo unxi eum. Manus enim.

Lectio vi.

His permótus Urbánus quintus, ad sedándas Bonóniæ turbas, Andréam legátum misit: quo in múnere multa perpéssus, civium ódia, quæ ad interneciónem exár- serant, summa prudéntia restínxit: tum restitúta tranquillitáte, ad pró- pria revérsus est. Nec multo post assíduis labóribus, et voluntária carnis maceratióne conféctus, ób- itus die a beáta Vírgine sibi præ- dicto, ad cœléstia regna migrávit, anno Dómini millésimo tercenté- simo septuagésimo tértio, ætátis suæ septuagésimo primo. Quem Urbánus octávus multis magnisque miráculis clarum Sanctórum nú- mero adscrípsit. Ejus corpus Flo- réntiæ in ecclésia sui órdis quíe- scit, et máxima cívium veneratióne cólitur, quibus non semel in præ- sénti discrímine præsidio fuit.

R. Iste est qui. [54]

In III. Nocturno Homilia in Evang. Homo pégre. de eodem Comuni 1. loco. [56]

Vesperæ a Capitulo de sequ. cum commem. præced.

Die 5. Februarii.

S. Agathæ Virg. et Mart.

Duplex.

In I. Vesp. quando dicuntur integræ, Ant. erunt Quis es tu. cum reliquis de Laud. Ps. Dixit Dóminus. cum reliqu. de Comm. Apost. [2]

Capitulum.

Eccli. 51.

Confitébor tibi Dómine Rex, et collaudábo te Deum Salvató- rem meum. Confitébor nómini tuo: quóniam adjutor et protéctor factus es mihi, et liberásti corpus meum a perditiónem.

Hymnus. Jesu coróna. 434.

V. Spécie tua et pulchritúdine tua. R. Inténde, prospere procéde, et regna.

Ad Magnif. Ant. Stans beáta Agatha in médio cárceris, expánsis mánibus orábat ad Dóminum: Dómine Jesu Christe, magíster bone, grátias tibi ago, qui me fecísti vincere torménta carníficum: jube me Dómine ad tuam immarcescibilem glóriam felíciter pervenire.

Oratio ut in Laud. 477.

Et fit commem. præced.

Ant. Amávit eum Dñs, et ornávit eum: stolam glóriæ induit eum, et ad portas paradísi coronávit eum.

V. Justum dedúxit Dóminus per vias rectas. R. Et osténdit illi regnum Dei.

Ad Matutinum.

Invit. Regem Vírginum Dóminum, * Veníte adorémus.

Ps. Veníte, exsultémus. 2.

Hymnus.

Virginis Proles, Opiféxque Matris,

Virgo quem gessit, peperítque Virgo;

Virginis partos cánimus decóra Morte triúmphos.

Hæc enim palmæ dúplicitis beáta Sorte, dum gestit frágilem domáre

Córporeis sexum, dómuít cruéntum

Cæde tyránnum.

Unde nec mortem, nec amíca mortis

Mille pœnárú genera expavéscens,

Sángine effúso mérúit sérénú Scándere cœlum.

Hujus orátu Deus alme nobis Débitas pœnas scélerum remítte; Ut tibi puro resonémus alnum Péctore carmen.

Sit decus Patri, genitæque Proli, Et tibi compar utriúsque virtus Spíritus semper, Deus unus omni Témporis ævo. Amen.

In I. Nocturno.

Ant. Ingénua sum, et ex spectábili génere, ut omnis parentéla mea testátur.

Psalmi I. et II. Noct. ut supra in festo S. Agnetis Virg. et Mart. 435.

Ant. Summa ingenúitas ista est in qua sérvitus Christi comprobátur.

Ant. Ancilla Christi sum, ideo me osténdo servílem habére persónam.

V. Spécie tua et pulchritúdine tua. R. Inténde, prospere procéde, et regna.

De libro Ecclesiástici.

Lectio i.

Cap. 51.

Confitebor tibi, Dómine Rex, et collaudábo te Deum Salvatórem meum. Confitebor nómini tuo: quóniam adjutor et protéctor factus es mihi, et liberásti corpus meum a perditíone, a láqueo linguæ iníquæ, et a lábiis operántium mendácium, et in conspéctu astántium factus es mihi adjutor. Et liberásti me secúndum multitudínem misericórdiæ nóminis tui a rugiéntibus præparátis ad escam, de mánibus quæréntium ánimam meam, et de portis tribulatiónum, quæ circumdedérunt me: a pressúra flammæ, quæ circúmdedit me, et in médio ignis non sum æstuáta: de altitúdine ventris ínferi, et a lingua coinquináta, et

a verbo mendácii, a rege iniquo et a lingua injústa.

R. Dum torquerétur beáta Agatha in mamílla grávitèr, dixit ad júdicem: * Impie, crudélis, et dire tyránne, non es confúsus amputáre in fémina, quod ipse in matre suxísti? V. Ego enim hábeo mamíllas íntegras íntus in ánima mea, quas ab infántia Dño consecrávi. Impie.

Lectio ii.

Laudábit usque ad mortem áni-
ma mea Dóminum, et víta mea appropínquans erat in inférno deórsum. Circumdedérunt me úndique, et non erat qui adjuváret. Respiciens eram ad adjutórium hóminum, et non erat. Memoráta sum misericórdiæ tuæ Dómine, et operatiónis tuæ, quæ a sæculo sunt: quóniam éruis sustinéntes te Dñe, et liberas eos de mánibus géntium.

R. Agatha lætissime et gloriánter ibat ad cárcerem, * Quasi ad épulas invitáta: et agónem suum Dómino précibus commendábat. V. Nobilíssimis orta natálibus, ab ignóbili gaudens trahebátur ad cárcerem. Quasi.

Lectio iii.

Exaltásti super terram habitatió-
nem meam, et pro morte defluénte deprecáta sum. Invocávi Dóminum Patrem Dómini mei, ut non derelínquat me in die tribulatiónis meæ, et in témpore superbórum sine adjutório. Laudábo nomen tuum assidue, et collaudábo illud in confessiône, et exaudíta est orátio mea. Et liberásti me de perditiónè, et eripuísti me de témpore iniquo. Proptérea confitébor, et laudem dicam tibi, et benedicam nómini Dómini.

R. Quis es tu, qui venísti ad me curáre vúlnera mea? ego sum Apóstolus Christi: nihil in me dúbites filia: ipse me misit ad te, * Quem dilexísti mente, et puro corde. V. Nam et ego Apóstolus ejus sum, et in nómine ejus scias te esse curándam. Quem. Glória. Quem.

In II. Nocturno.

Ant. Agatha sancta dixit: Si feras mihi promíttis, audíto Christi nómine mansuéscunt.

Ant. Si ignem adhíbeas, rorem mihi salvíficum de cœlo Angeli ministrábunt.

Ant. Agatha lætissime et gloriánter ibat ad cárcerem, quasi ad épulas invitáta: et agónem suum Dómino précibus commendábat.

V. Adjuvábít eum Deus vultu suo. R. Deus in médio ejus, non commovébítur.

Lectio iv.

Agatha virgo, in Sicília nobílibus paréntibus nata, quam Panormitáni et Catanénses civem suam esse dicunt, in persecutióne Décii imperatóris Cátanæ gloriósi martýrii corónam consecúta est. Nam cum pari pulchritúdinis et castitátis laude commendarétur, Quintiánus Sicíliae prætor ejus amóre captus est. Sed cum, tentáta modis ómnibus ejus pudicitia, Agatham in suam senténtiam perducere non posset, christiánæ superstitiónis nómine comprehénsam, Aphrodisiæ cuídam mulieri depravándam tradit. Quæ Aphrodisiæ consuetúdi-
ne cum de constantia coléndæ christiánæ fidei, et servándæ virginitátis removéri non posset: núntiat illa Quintiáno,

se in Agatha óperam pérdere. Quare ille ad se vírginem addúci jubet: et, Nonne, inquit, te pudet nóbili génere natam, húilem et servílem Christianórum vitam ágere? Cui Agatha: Multo præstántior est christiána humílitas et sérvitus, regum ópibus ac supérbia.

R. Ego autem adjúta a Dómino, perseverábo in confessióne ejus, qui me salvam fecit, * Et consolátus est me. V. Grátias tibi ago, Dómine Jesu Christe, qui misísti ad me Apóstolum tuum curáre vúlnera mea. Et consolátus.

Lectio v.

Quamóbrem irátus prætor hanc ei optiónem dat, velítne pótius venerári deos, an vim tormentórum subíre. At illa constans in fide, primum cólaphis cæsa mittitur in cárcerem: unde postrídie edúcta, cum in senténtia permaneret, admótis candéntibus láminis in equúleo torquétur: tum ei mamílla abscínditur. Quo in vúlnerè Quintiánum appéllans virgo, Cruélis, inquit, tyránne, non te pudet amputáre in fémina, quod ipse in matre suxísti? Mox conjécta in víncula, sequénti nocte a sene quodam, qui se Christi Apóstolum esse dicébat, sanáta est. Rursum evocáta a prætore, et in Christi confessióne perseverans, in acútis téstulis, et candéntibus carbónibus ei subjéctis volutátur.

R. Ipse me curávit, qui per Apóstolum Petrum in custódia me confortávit, pro eo quod jussa sum suspéndi in equúleo. * Propter fidem castitátis ádjuva me Dómine Deus meus, in tortúra mamillárum meárum. V. Ipse me dignátus est

ab omni plaga curáre, et mamíllam meam meo péctori restituere. Propter fidem.

Lectio vi.

Quo témpore ingénti terræmótu urbs tota contrémuit, ac duo paríetes corruéntes, Silvínus et Falcónius íntimos prætórís familiáres oppressérunt. Quare veheménter commóta civitáte, véritus pópuli tumúltus Quintiánus, Agatham semimórtuam clam redúci ímperat in cárcerem. Quæ sic Deum precáta: Dómine, qui me custodísti ab infántia, qui abstulísti a me amórem sæculi, qui me carníficum torméntis superiorem præstitísti, áccipe ánimam meam. Ea in oratióne migrávit in cœlum, Nonis Februárii; cujus corpus a Christiánis sepelítur.

R. Vidísti Dómine, et spectásti agónem meum, quómodo pugnávi in stádio: sed quia nólui obedíre mandátis princípum, * Jussa sum in mamilla torquéri. V. Propter veritátem, et mansuetúdinem, et justítiam. Jussa. Glória. Jussa.

In III. Nocturno.

Ant. Nisi diligénter perféceris corpus meum a carnificibus attrectári, non potest ánima mea in paradísus Dómini cum palma intráre martýrii.

Ps. 10. In Dómino confído. [27]

Ant. Vidísti Dómine agónem meum, quómodo pugnávi in stádio: sed quia nólui obedíre mandátis princípum, jussa sum in mamilla torquéri.

Ps. 14. Dómine quis. [27]

Ant. Propter fidem castitátis jussa sum suspéndi in equúleo: ádjuva

me Dómine Deus meus in tortúra mamillárum meárum.

Ps. 15. Consérva me Dñe. [39]

Ÿ. Elégit eam Deus, et præelégit eam. R. In tabernáculo suo habitáre facit eam.

Léctio sancti Evangélíi secúndum Matthæum.

Lectio vii. Cap. 19.

In illo témpore: Accessérunt ad Jesum pharisæi tentántes eum, et dicéntes: Si licet hómini dimittere uxórem suam quacúmque ex causa? Et réliqua.

Homília S. Joánnis Chrysóstomi.

Hom. 63. in Matth., sub med.

Dóminus noster, quia ad virginitátem hortári grave esse videbátur, a necessitáte legis de non solvéndo matrimónio, eos ad cupiditátem illíus tráhere studet. Deínde ut eam esse possíblem osténdat, sic inquit: Sunt eunúchi qui ex ventre matris ita nati sunt, et sunt qui ab homínibus eunúchi facti sunt, et sunt qui seíp-sos castravérunt propter regnum cœlórum. Quibus verbis laténter eos ad eligéndam virginitátem inducit, dum eam virtútem esse possíblem ástruit.

R. Beáta Agatha ingrèssa cárcerem, expándit manus suas ad Deum, et dixit: Dómine qui me fecísti víncere torménta carníficum, * Jube me ad tuam misericórdiam perveníre. Ÿ. Dómine qui me creásti, et tulísti a me amórem sæculi, qui corpus meum a pollutióne separásti. Jube me.

Lectio viii.

Id autem hoc fere modo confirmat. Cógita tecum, si aut a na-

túra talis esses, aut ab homínibus eam injúriam passus, quid fáceres, cum et ejúsmodi voluptáte caréres, et nullam caréndo mercédem consequerérís? Grátias ígitur nunc Deo agas, quod cum mercéde atque corónis idem sústines, quod illi sine corónis ac præmio tólerant: imo vero non idem, sed multo lévius; tum quia spe erigeris, et consciéntia recte facti; tum quia non ita ingéntibus concupiscéntiæ flúctibus jactáris.

R. Medicínám carnálem córpori meo numquam exhibui, sed hábeo Dóminum Jesum Christum, * Qui solo sermóne restaúrat unívsa. Ÿ. Qui me dignátus est ab omni plaga curáre, et mamíllam meam meo pèctori restitúere, ipsum ín-voco Deum vivum. Qui solo. Gló-ria Patri. Qui solo.

Lectio ix.

Cum ergo de illis eunúchis dixerit, qui nisi étiam ipsi mente se contíneant, frustra et inútiliter tales sunt; ac de illis, qui ut regnum cœlórum consequántur, se contínent, subjúnxit rursus, dicens: Qui potest cápere, cápiat: ut alacrióres efficiat eo ipso, quod grave esse opus osténdit, et ineffábili benignitáte sua nóluit eam rem intra necessitátem legis conclúdere: idque dicéndo, adhuc magis possíblem esse demónstrat, ut voluntátis stú-dium plus augeátur.

Te Deum laudámus. 14.

Ad Laudes

. et per Horas.

Ant. 1. Quis es tu, * qui venísti ad me curáre vúlnera mea? Ego sum Apóstolus Christi: nihil in me dúbites filia.

Ps. Dóminus regnávít. 15.

2. Medicínám carnálem * córpori meo numquam exhibui, sed hábeo Dóminum Jesum Christum, qui solo sermóne restaúrat univérsa.

3. Grátias tibi ago * Dómine Jesu Christe, quia memor es mei, et misísti ad me Apóstolum tuum curáre vúlnera mea.

4. Benedíco te * Pater Dómini mei Jesu Christi: quia per Apóstolum tuum mamíllam meam meo péctori restituísti.

5. Qui me dignátus est * ab omni plaga curáre, et mamíllam meam meo péctori restituére, ipsum ínvocho Deum vivum.

Capitulum. Eccli. 51.

Confitébor tibi Dómine Rex, et collaudábo te Deum Salvatórem meum. Confitébor nómini tuo: quóniam adjútor et protéctor factus es mihi, et liberásti corpus meum a perditíone.

Hymnus. Jesu coróna. 434.

Ÿ. Diffúsa est grátia in lábiis tuis. R. Proptérea benedíxit te Deus in ætérnum.

Ad Bened. Ant. Paganórum multitúdo fúgiens ad sepúlchrum vírginis, tulérunt velum ejus contra ignem: ut comprobáret Dóminus, quod a perículis incéndii méritis beátæ Agathæ Mártiris suæ eos liberáret.

Oratio.

Deus, qui inter cétera poténtiæ tuæ mirácula étiam in sexu frágili victóriam martýrii contulísti: concéde propítius; ut qui beátæ Agathæ Vírginis et Mártiris tuæ natalítia cólimus, per ejus ad

te exémpla gradiámur. Per Dóminum nostrum.

Ad Tertiam.

Ant. Medicínám carnálem.

Capit. Confitébor. ut supra.

R. br. Spécie tua * Et pulchritúdine tua. Spécie. Ÿ. Inténde, prospere procéde, et regna. Et. Glória Patri. Spécie.

Ÿ. Adjuvábít eam Deus vultu suo. R. Deus in médio ejus, non commovébitur.

Ad Sextam.

Ant. Grátias tibi ago.

Capitulum. Eccli. 51.

Liberásti me secúndum multitudinem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de multis tribulatióibus quæ circumdedérunt me.

R. br. Adjuvábít eam * Deus vultu suo. Adjuvábít. Ÿ. Deus in médio ejus, non commovébitur. Deus. Glória Patri. Adjuvábít.

Ÿ. Elégit eam Deus, et præelégit eam. R. In tabernáculo suo habitáre facit eam.

Ad Nonam.

Ant. Qui me dignátus est.

Capitulum. Eccli. 51.

Laudábit usque ad mortem ánima mea Dóminum, quóniam éruis sustinéntes te, et líberas eos de manu angústiae, Dómine Deus noster.

R. br. Elégit eam Deus, * Et præelégit eam. Elégit. Ÿ. In tabernáculo suo habitáre facit eam. Et. Glória Patri. Elégit.

Ÿ. Diffúsa est grátia in lábiis tuis. R. Proptérea benedíxit te Deus in ætérnum.

In II. Vesperis.

Ant., Cap., Hymn. et V. de Laud. 476.
Ps. ut in I. Vesp. de Comm. Apost. [2]
et loco ult. Ps. Lauda Jerúsalem. [84]

A Capit. fit de sequ. cum commem.
præced. et S. Dorotheæ Virg. et Mart.

Die 6. Februarii.

S. Titi Episc. et Conf.

Duplex.

Omnia de Comm. Conf. Pont. [49]
præter sequ. (m. t. v.)

Oratio.

Deus, qui beátum Titum Confes-
sórem tuum atque Pontíficem
apostólicis virtútibus decorásti:
ejus méritis et intercessióne con-
céde; ut juste et pie vivéntes in
hoc sæculo, ad cœléstem pátriam
perveníre mereámur. Per Dñm.

Pro commem. S. Agathæ.

Ant. Stans beáta Agatha in mé-
dio cárceris, expánsis mánibus
orábat ad Dóminum: Dómine Jesu
Christe, magíster bone, grátias tibi
ago, qui me fecísti vincere tormén-
ta carníficum: jube me Dómine ad
tuam immarcescibilem glóriam fe-
liciter perveníre.

V. Diffúsa est grátia in lábiis
tuis. R. Proptérea benedíxit te
Deus in ætérnum.

Oratio. Deus, qui inter. 477.

Et fit comm. S. Dorotheæ Virg. Mart.

Ant. Veni sponsa Christi, ácci-
pe corónam, quam tibi Dóminus
præparávit in ætérnum.

V. Spécie tua et pulchritúdine
tua. R. Inténde, prospere procéde,
et regna.

Oratio.

Indulgéntiam nobis, quæsumus
Dómine, beáta Doróthea Virgo
et Martyr implóret: quæ tibi grata
semper éxstitit et mérito castitátis,

et tuæ professióne virtútis. Per
Dóminum nostrum.

In I. Noct. Lect. de Script. occur.

In Quadrag. Fidélis sermo. de eo-
dem Comuni 1. loco. [51]

In II. Nocturno.

Lectio iv.

Titum Creténsium episcopum
vix Pauli Apóstoli verbo
christiánæ fidei sacraméntis,
mysteriisque excúltum, ea sancti-
tátis luce Ecclésiæ tunc vagiénti
effulsisse compértum est, ut inter
ejúsdem Doctóris Géntium discí-
pulos merúerit cooptári. Ascítus
in partem óneris prædicatiónis,
ádeo evangelizándi ardóre, et fide-
litáte Paulo éxstitit carus, ut ipse,
cum venisset Tróadem propter
Evangélium Christi, testátus sit,
non habuisse réquiem spirítui suo,
eo quod Titum fratrem suum ibi
non invénerit. Et paulo post Ma-
cedóniam petens, rursus suam in
eum caritátem ita éxprimit: Sed
qui consolátur húmiles, consolátus
est nos Deus in advéntu Titi.

R. Invéni David servum meum,
óleo sancto meo unxi eum: * Ma-
nus enim mea auxiliábitur ei. V. Ni-
hil proficiet inimícus in eo, et filius
iniquitátis non nocébit ei. Manus.

Lectio v.

Quamóbrem Corínthum ab Apó-
stolo missus, ea sapiéntia, et
lenitáte legatiónis hujus múnere
functus est, quæ præsertim de fi-
délium pietáte eleemósynas colli-
géndas ad sublevándam Ecclésiæ
Hebræórum inópiam spectábat, ut
Corínthios non solum in Christi
fide continúerit, sed étiam desidé-
rium, fletum, æmulatiónem inter
eos pro Paulo, qui illos primus in-

stítuit, excitáverit. Ad effundéndum ínterim inter Gentes linguis locísque dístíctas dívíní verbí semen, plúribus terra maríque itínéríbus reléctis, magnáque ánīmí firmitáte pro crucis trophæo curis laboribúsque exantlátis, una cum duce Paulo Cretæ ínsulam áppulit. Cum porro huic ecclésiæ epíscopus ab ipso Apóstolo deléctus esset, dubítandum non est, quin in eo múnere ita versátus sit, ut, juxta ipsíus Pauli præceptóris mónita, seípsum præbúerit exémpulum bonórum óperum in doctrína, in integritáte, in gravitáte.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei. V. Invéni David servum meum, óleo sancto meo unxi eum. Manus.

Lectio vi.

Itaque tamquam lucérna inter eos, qui in idololatriæ et mendaciórum ténebris, véluti in umbra mortis sedébant, religiónis jubar diffúdit. Tráditur eum inter Dálmatas, ut crucis vexillum explicáret, strénue consudásse. Tandem meritórum et diérum plenus, quarto supra nonagésimum anno, pridie Nonas Januárii, pretiósa justórum morte obdormívit in Dómino, et sepúltus est in ecclésia, ubi ab Apóstolo mínister fúerat constitútus. Hujus nomen a sancto Joánne Chrysóstomo, et a sancto Hierónymo præcípuè commendátum, Martyrológio Románo eádem die inscríptum légitur; verum pro ejus die festo cum Offício et Missa in cathólico orbe recoléndo ab utróque clero, primam insequén-

tem diem líberam Summus Póntifex Pius nonus assignávit.

R. Iste est qui. [54]

In III. Nocturno.

Léctio sancti Evangélii secúndum Lucam.

Lectio vii.

Cap. 10.

In illo témpore: Designávit Dóminus et álios septuaginta duos: et misit illos binos ante fáciem suam, in omnem civitátem et locum, quo erat ipse ventúrus. Et réliqua.

Homília sancti Gregórii Papæ.

Homilia 17. in Evangelia.

Dóminus et Salvátor noster, fratres caríssimi, aliquándo nos sermónibus, aliquándo vero opéribus ádmonet. Ipsa etenim facta ejus præcépta sunt: quia dum áliquíd tácitus facit, quid ágere debeámus innotéscit. Ecce enim binos in prædicatió-nem discípulos mittit: quia duo sunt præcépta caritátis, Dei videlicet amor, et próximi: et minus quam inter duos, caritas habéri non potest. Nemo enim próprie ad semetípsum habére caritátem dícitur: sed diléctio in álterum tendit, ut caritas esse possit.

R. Amávit eum Dóminus, et or-návit eum: stolam glóriæ índuit eum, * Et ad portas paradísi coronávit eum. V. Índuit eum Dñs lorícam fidei, et ornávit eum. Et.

Lectio viii.

Ecce enim binos ad prædicándum discípulos Dóminus mittit: quátenus hoc nobis tácitus ín-nuat, quia qui caritátem erga álterum non habet, prædicatiónis officium suscipere nullátenus debet. Bene autem dícitur, quia misit eos

ante faciē suam in omnem civitatem et locum, quo erat ipse venturus. Prædicatores enim suos Dominus sequitur: quia prædicatio prævenit, et tunc ad mentis nostræ habitaculum Dominus venit, quando verba exhortationis præcurrunt: atque per hoc veritas in mente suscipitur.

R. Sint lumbi vestri præcincti, et lucernæ ardentes in manibus vestris: * Et vos similes hominibus expectantibus dominum suum, quando revertatur a nuptiis. V. Vigilate ergo, quia nescitis qua hora Dominus vester venturus sit. Et. Glória Patri. Et.

Pro S. Dorothea Virg. et Mart.

Lectio ix.

Doróthea virgo, ex Cæsará Capadóciæ, propter Christi confessionem ab Aprício præside comprehensa, Chrystæ et Callistæ sororibus, quæ a fide defecerant, tradita est, ut eam a proposito removerent. Sed contra factum est: nam eas Doróthea ad cultum christianæ religionis reduxit, propter quam etiam martyrium suscepērunt. Quare virgo equuleo diu torta, et palmis cæsa, ad extremum capitis damnata, duplicatam virginittatis et martyrii palmam accepit.

Te Deum laudamus. 14.

Si vero hoc Festum alia die celebretur, et in illa non occurrat Festum Simplex habens Lectionem propriam, tunc ix. Lectio erit sequ.

Lectio ix.

Hinc namque eisdem prædicatoribus Isaías dicit: Parate viam Domini, rectas facite semitas Dei nostri. Hinc filiis Psalmista ait: Iter facite ei, qui ascendit super

occasum. Super occasum namque Dominus ascendit: quia unde in passione occubuit, inde majorem suam gloriam resurgendo manifestavit. Super occasum videlicet ascendit; quia mortem quam pertulit, resurgendo calcavit. Ei ergo qui ascendit super occasum, iter facimus, cum nos ejus gloriam vestris mentibus prædicamus, ut eas et ipse post veniens, per amoris sui præsentiam illustret.

In Laudibus fit comm. S. Dorotheæ.

Ant. Simile est regnum cœlorum homini negotiatori quærenti bonas margaritas: inventa una pretiosa, dedit omnia sua, et comparavit eam.

V. Diffusa est gratia in labiis tuis. R. Propterea benedixit te Deus in ætérnum.

Oratio. Indulgentiam. 478.

Vesperæ a Capit. de sequ. commem. præced.

Die 7. Februarii.

S. Romualdi Abbatis.

Duplex.

Omnia de Comm. Conf. non Pont. [67] præter sequ. (m. t. v.)

Oratio.

Intercessio nos, quæsumus Domine, beati Romualdi Abbatis commendet: ut quod nostris meritis non valémus, ejus patrocinio assequámur. Per Dominum.

Pro commem. præced.

Ant. Amavit eum Dominus, et ornavit eum: stolam gloriæ induit eum, et ad portas paradisi coronavit eum.

V. Justum deduxit Dominus per vias rectas. R. Et ostendit illi regnum Dei.

In I. Noct. Lect. de Script. occur.

In Quadrag. Beátus vir. de eodem Communi 2. loco. [77]

In II. Nocturno.

Lectio iv.

Romuáldus Ravénnæ, Sérgio patre, nóbili génere natus, adoléscent in propínquum monastérium Classénse poeniténtiæ causa secéssit: ubi religiósi hóminis sermóne ad pietátis stúdiū veheméntius incénsus, viso étiam semel et íterum per noctem in ecclésia beáto Apollinári, quod Dei servus illi futúrum promíserat, mónachus effícitur. Mox ad Marínus, vitæ sanctitatē ac severióre disciplína in fínibus Venetórum eo témpore célebrem, se cónsulit, ut ad arctam et sublímem perfectiónis viam eo magistro ac duce uterétur.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam. V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Multis sátanæ insídiis, et hóminum invídia oppugnátus, tanto humílior se assídue jejúniis et oratióibus exercébat, et rerum coeléstium meditatióne, vim lacrimárum profúndens, fruebátur: vultu tamen ádeo læto semper erat, ut intuéntes exhilaráret. Magno apud príncipes et reges in honóre fuit: multíque ejus consilio, mundi illécebris abjéctis, solitúdinem petiérunt. Martýrii quoque cupiditáte flagrávit, cujus causa dum in Pannóniam proficíscitur, morbo,

quo afflictabátur cum progredératur, levabátur cum recéderet, re-verti cógitur.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum. V. Induit eum Dñs lorícam fidei, et ornávit eum. Et.

Lectio vi.

In vita et post mortem miraculis clarus, spírítu étiam prophetiæ non cáruit. Scalam a terra cœlum pertingéntem, in similitúdinem Jacob Patriárchæ, per quam hómines in veste cándida ascendébant et descendébant, per visum conspéxit: cóque Camaldulénses mónachos, quorum institúti auctor fuit, designári mirabíliter agnóvit. Dénique cum annos centum et viginti ágeret, et centum ipsos in summa vitæ asperitatē Deo servísset, ad eum migrávit, anno salutis millésimo vigésimo séptimo. Ejus corpus quinquénio postquam sepúltum fúerat, íntegrum repértum, Fabriáni in ecclésia sui órdis honorífice cónditum est.

R. Iste homo. [72]

In III. Nocturno Homilia in Evang. Ecce nos relíquimus. de Communi Abbatum 1. loco. [80]

In Vesperis a Capitulo de sequ. cum comm. præced.

Die 8. Februarii.

S. Joannis de Matha Conf.

Duplex.

Omnia de Comm. Conf. non Pont. [67] præter sequ. (m. t. v.)

Oratio.

Deus, qui per sanctum Joánnem Órdinem sanctíssimæ Trinitátis ad rediméndum de potestáte Saracenórum captivos cœlitus in-

stituíere dignátus es: præsta quæsumus; ut, ejus suffragántibus méritis, a captivitate córporis et ánimæ, te adjuvánte, liberémur. Per Dóminum nostrum.

Deinde fit commem. præced.

Ant. Hic vir despiciens mundum et terréna, triúmphans, divítias cœlo cóndidit ore, manu.

Ÿ. Justum dedúxit Dóminus per vias rectas. R. Et osténdit illi regnum Dei.

Oratio. Intercéssio. 480.

In I. Nocturno Lectiones de Scriptura occurrente.

In Quadrag. Lect. Beátus vir. de eodem Communi 2. loco. [77]

In II. Nocturno.

Lectio iv.

Joánnes de Matha, órdis sanctíssimæ Trinitátis Redemptiónis Captivórum institutor, Falcóne in Provinciá natus est paréntibus pietáte et nobilitáte conspicuis. Studiórum causa Aquas Séxtias, mox Parísios proféctus, confectóque theologiæ curriculo, magistérii laúream adéptus, doctrínæ et virtútum splendóre eníruit. Quibus motus Parisiénsis Antístes, ad sacrum presbyterátus órdis præ humilitáte reluctántem promovit, eo consílio, ut in ea civitate cómmorans, sapiéntia et móribus studiósæ juventúti præluçeret. Cum autem in sacélló ejúsdem epíscopi, ipso cum aliis astánte, primum Deo Sacrum offerret, cœlésti favóre méruit recreári. Nam Angelus cándida et fulgénti veste indútus, cui in pectore crux rúbei et cærúlei colóris assúta erat, bráchiis cancellátis, et super duos captivos ad látera pó-

sitos, Christiánum unum, álterum Maurum, exténsis, appáruit. Qua visiône in éxtasim raptus, intelléxit prótinus vir Dei, se ad rediméndos ab infidélibus captivos destinári.

R. Honéstum fecit illum Dóminus, et custodívit eum ab inimicis, et a seductóribus tutávit illum: * Et dedit illi claritátem ætéram. Ÿ. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Quo vero matúrius in re tantí moménti procéderet, in solitúdinem secéssit, ibíque divíno nutu factum est, ut Felicem Valésium in ipsa erémo jam multis annis degéntem repérent: cum quo ínita societáte, se per triénnum in oratióne, et contemplatióne, omniúmque virtútum stúdio exércuit. Cántigit autem, ut dum secum de rebus divinis prope fontem colloqueréntur, cervus ad eos accésserit, crucem inter córnuagerens, rúbei et cærúlei colóris. Cumque Felix ob rei novitátem mirarétur, narrávit ei Joánnes visióne in prima Missa hábitam: et exínde fervéntius oratióni incumbéntes, ter in somnis admóniti, Romam proficisci decrevérunt, ut a Summo Pontífice novi órdis pro rediméndis captivis institutióne impetrárent. Eléctus fúerat eo témpore Innocéntius tértius: qui illis benígne accéptis dum secum de re propósita delíberat, in festo sanctæ Agnétis secúndo, Lateráni intra Missárum solémnia ad sacræ Hóstiæ elevatióne, Angelus ei cándida veste, cruce bicolóri, spé-

cie rediméntis captívos apparuit. Quo viso Póntifex institútum approbávit, et novum órđinem sanctíssimæ Trinitátis Redemptiónis Captivórum vocári jussit, ejúsque professoribus albas vestes cum cruce rúbei et cærúlei colóris præbuit.

R. Amávit eum Dóminus, et ornávit eum: stolam glóriæ ínđuit eum, * Et ad portas paradísi coronávit eum. V. Índuit eum Dóminus lorícam fidei, et ornávit eum. Et ad portas.

Lección vi.

Sic stabilitó órđine, sancti fundatóres in Gálliam rediérunt, primóque coenóbio Cervi frígidi in diocési Meldénsi constrúcto, ad ejus régimen Felix remánsit, et Joáñnes Romam cum áliquot sóciis revérsus est, ubi Innocéntius domum, ecclésiám, et hospitále sancti Thomæ de Formis in monte Cœlio eis donávit cum multis redítibus et possessionibus. Datis quoque líteis ad Miramolínium regem Maróchii, opus redemptiónis felici auspicio inchoátum fuit. Tum ad Hispánias, sub jugo Sarcenórum magna ex parte opprésas, Joáñnes proféctus est, regúmque, princípum, atque aliórum fidélium ánimos ad captivórum et paúperum commiserationem comóvit. Monastéria ædificávit, hospitália eréxit, magnóque lucro animárum plures captívos redémit. Romam tandem revérsus, sanctisque opéribus incúmbens, assíduis labóribus attritus, et morbo conféctus, ardentíssimo Dei et próximi amóre exæstuañs, ad extrémum devénit. Quare frátribus convocá-

tis, eisque ad opus redemptiónis cœlitis præmonstrátum effícaciter cohortátis, obdormívit in Dómino sextodécimo Kaléndas Januárii, anno salutis millésimo ducentésimo décimo tértio; ejúsque corpus in ipsa ecclésiá sancti Thomæ de Formis condigno honóre tumulátum fuit. R. Iste homo. [72]

In III. Nocturno Homilia in Evang. Sint lumbi. de eodem Communi primo loco. [74]

Vesperæ a Capitulo de sequ. cum comm. præc., et S. Apolloniæ Virg. et Mart.

Die 9. Februarii.

S. Cyrilli Episc. Alexandrini,
Conf. et Eccl. Doct.

Duplex.

Omnia de Comm. Conf. Pont. [49]
præter sequ. (m. t. v.)

In utrisque Vesp. ad Magnif.

Ant. O Doctor óptime, Ecclésiæ sanctæ lumen, beáte Cyrille, divínæ legis amátor, deprecáre pro nobis Fílium Dei.

Oratio.

Deus, qui beátum Cyrillum Confessórem tuum atque Pontíficem divínæ maternitátis beatíssimæ Vírginis Mariæ assertórem invíctum effecísti: concéde, ipso intercedénte; ut qui vere eam Genitricem Dei crédimus, materna ejúsdem protectione salvémur. Per eúmdem Dóminum.

Deinde fit comm. S. Joańis de Matha.

Ant. Hic vir despiciens mundum et terréna, triúmphans, divítias cœlo cóndidit ore, manu.

V. Justum dedúxit Dóminus per vias rectas. R. Et osténdit illi regnum Dei.

Oratio. Deus, qui. 481.

Postea S. Apolloniæ Virg. et Mart.

Ant. Veni sponsa Christi, accipe coronam, quam tibi Dominus præparavit in ætérnum.

V. Spécie tua et pulchritudine tua. R. Inténde, prospere procéde, et regna.

Oratio.

Deus, qui inter cétera poténtiæ tuæ miracula étiam in sexu fragili victóriam martýrii contulisti: concéde propítius; ut qui beátæ Apollóniæ Vírginis et Mártiris tuæ natalítia cólimus, per ejus ad te exémpa gradiámur. Per Dñm.

In I. Nocturno Lectiones de Scriptura occurrente.

In Quadrag. Sapiéntiam. de Comuni Doctorum. [62]

In II. Nocturno.

Lectio iv.

Cyrillus Alexandrinus, cujus præcónia non unius tantum vel altérius sunt comprobáta testimónio, sed étiam œcumenicórum Conciliórum Ephesíni et Chalcodonénsis actis celebráta, claris ortus paréntibus, ac Theóphili epíscopi Alexandríni nepos, adhuc adoléscentis præcelléntis ingénii clara specímína dedit. Lítteris ac sciéntiis egrégie imbútus, ad Joánnem epíscopum Hierosolymítánum se cóntulit, ut in christiána fide perficerétur. Alexandríam deínde cum rediisset, Theóphilo vita functo, ad illius sedem evéctus est; quo in múnere ita óptimi pastóris formam ab Apóstolo definitam constánter præ se tulit, ut sanctíssimi præsulis glóriam mérito sit adéptus.

R. Invéni David servum meum, óleo sancto meo unxi eum: * Ma-

nus enim mea auxiliábitur ei. V. Nihil proficiet inimícus in eo, et filius iniquitátis non nocébit ei. Manus.

Lectio v.

Salútis animárum zelo incénsus curas omnes inténdit, ut sibi commíssum gregem in fidei et morum integritáte serváret, atque a venenátis infidélium et hæreticórum páscuis defénderet. Hinc tum Nováti ásseclas e civitáte expélli, tum Judæos qui furóre acti in cædem Christianórum conspiráverant, juxta leges puníri satégit. Singuláre vero Cyrilli pro cathólicæ fidei incolumitáte enítuit stúdiu contra Nestórium Constantínopolitánum epíscopum, asseréntem Jesum Christum ex María Vírgine hóminem tantum et non Deum natum, eíque divinitátem pro méritis esse collátam; cujus emendatiónem cum frustra tentásset, eum sancto Cœlestíno Pontífici Máximo denunciávit.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei. V. Invéni David servum meum, óleo sancto meo unxi eum. Manus enim.

Lectio vi.

Cœlestíni delegáta auctoritáte, Concílio Ephesíno præfuit, in quo hæresis Nestoriána pénitus proscripcta est, damnátus Nestórius et a sua sede dejéctus, ac dogma cathólicum de una in Christo, eáque divína persóna, et divína gloriósæ Vírginis Mariæ maternitáte assértum; plaudénte pópulo univérso, qui incredíbili gaúdio géstiens, collucéntibus fácibus domum dedúxit epíscopus. Sed hac

de causa Cyrillus calūmniis, injūriis et persecutiōnibus plūrimis a Nestório ejūsq̃e fautoriūbus impetitū fuit; quas ipse patientissime tulit, ita ut de sola fide sollicitus, quidquid advērsus eum effutiēbant ac moliebāntur hærēti, pro nihilo habēret. Tandem pro Ecclēsia Dei mǎximis perfūctus labōribus, plurimisque scriptis ēditis tum ad ēthnicos et hærēticos confutāndos, tum ad sacras scriptūras et cathōlica explanāda dōgmata, sancto fine quievit anno quadringentésimo quadragésimo quarto, episcopātus trigésimo secūdo. Leo decimus tertiū Pōntifex Mǎximus Officiū et Missam praeclarissimī hujus fidei cathōlicae propugnatoris et Orientālis ecclēsiae lūminis, ad Ecclēsiā univērsam extēdit.

R. Iste est. [54]

In III. Nocturno Lectiones de Homilia in Evang. Vos estis sal terrae. de Communi Doctorum 1. loco. [64]

Pro S. Apollonia.

Lectio ix.

Apollonia virgo Alexandrina, sub Décio imperatore, cum ingravescēte jam aetate ad idola sisteretur, ut eis venerationem adhiberet: illis contemptis, Jesum Christum verum Deum colendum esse praedicabat. Quamobrem omnes ei contusi sunt, et evulsi dentes; ac, nisi Christum detestata deos coleret, accenso rogo combusturos vivam minati sunt impii carnifices. Quibus illa, se quamvis mortem pro Jesu Christi fide subituram, respondit. Itaque comprehensa ut combureretur, cum paulisper, quasi deliberans quid agendum esset, stetisset, ex illorum ma-

nibus elapsa, alacris in ignem sibi paratum, majori Spiritus sancti flamma intus accensa, se injecit. Unde brevi consumpto corpore, purissimus spiritus in coelum ad sempiternam martyrii coronam evolavit. Te Deum. 14.

In Laudib. fit comm. S. Apolloniae.

Ant. Simile est regnum coelorum homini negotiatori quaerenti bonas margaritas: inventa una pretiosa, dedit omnia sua, et comparavit eam.

Ps. Diffusa est gratia in labiis tuis. R. Propterea benedixit te Deus in aeternum.

Vesp. a Cap. de sequ. comm. praec.

Die 10. Februarii.

S. Scholasticæ Virginis.

Duplex.

Omnia de Communi Virg. [83] praeter sequentia.

Oratio.

Deus, qui animam beatæ Virginis tuæ Scholasticæ ad ostendendam innocentiae viam in columbae specie coelum penetrare fecisti: da nobis ejus meritis et precibus ita innocentem vivere; ut ad aeterna mereamur gaudia pervenire. Per Dominum nostrum.

Deinde fit commem. praeced.

Ant. O Doctor optime, Ecclesiae sanctae lumen, beate Cyrille, divinae legis amator, deprecare pro nobis Filium Dei.

Ps. Justum deduxit Dominus per vias rectas. R. Et ostendit illi regnum Dei.

In I. Nocturno Lectiones de Scriptura occurrente.

In Quadrages. Lectiones. De virginibus. de eodem Communi 1. loco. [87]

In II. Nocturno.

Ex libro secundo Dialogorum
sancti Gregórii Papæ.

Lectio iv. Cap. 33.

Scholástica venerabilis patris
Benedícti soror, omnipoténti
Dómino ab ipso infántiæ témpore
dedicáta, ad eum semel per
annum veníre consuéverat, ad
quam vir Dei non longe extra jánuam
in possessione monastérii descendébat.
Quadam vero die venit ex more,
atque ad eam cum discípulis
venerabilis ejus descendit frater,
qui totum diem in Dei laudibus,
sacrísque collóquiis ducéntes,
incumbéntibus jam noctis ténébris,
simul acceperunt cibum. Cumque
adhuc ad mensam sederent, et inter
sacra collóquia tardior se hora
protráheret, éadem sanctimoniális
fémina soror ejus eum rogávit,
dicens: Quæso te, ut ista nocte
me non déseras, ut usque mane
de cœléstis vitæ gaudiis loquámur.
Cui ille respóndit: Quid est quod
lóqueris, soror? manére extra
cellam nullátenus possum. Tanta
vero erat cœli serénitas, ut nulla
in áère nubes apparéret. Sanctimoniális
autem fémina, cum verba fratris
negántis audivísset, insértas
dígitis manus super mensam
pósuit, et caput in mánibus
omnipoténtem Dóminum rogátúra
declinávit. Cumque leváret de mensa
caput, tanta coruscationis, et tonítrui
virtus, tántaque inundátio plúviæ
erúpit ut neque venerabilis
Benedíctus, neque fratres, qui cum
eo áderant, extra loci limen, quo
conséderant, pedem movére potúerint.

R. Propter veritátem, et mansuetúdinem, et justítiam: * Et dedúcet te mirábiliter dextera tua.
V. Spécie tua et pulchritúdine tua inténde, prósperè procéde, et regna. Et dedúcet.

Lectio v.

Sanctimoniális quippe fémina caput in mánibus declínans, lacrimárum flúvium in mensam fúderat, per quas serenitátem áëris ad plúviam traxit. Nec paulo tárdius post orationem inundátio illa secúta est: sed tanta fuit conveniéntia orationis, et inundationis, ut de mensa caput jam cum tonítruo leváret: quátenus unum, idémque esset moméntum, et leváre caput, et plúviam depónere. Tunc vir Dei inter corúscos, et tonítruos, atque ingéntis plúviæ inundationem, videns se ad monastérium non posse remeáre, cœpit conquæri contristátus, dicens: Parcat tibi omnipotens Deus, soror: quid est quod fecísti? Cui illa respóndit: Ecce rogávi te, et audíre me noluísti: rogávi Deum meum, et audívit me: modo ergo, si potes, egrédere, et me dimíssa ad monastérium recéde. Ipse autem exíre extra tectum non valens, qui remanére sponte nóluit in loco, mansit invítus. Sicque factum est, ut totam noctem pervigilem dúcerent, atque per sacra spiritalis vitæ collóquia, sese vicária relaciónē satiarent.

R. Dilexísti justítiam, et odísti iniquitátem: * Proptérea unxit te Deus, Deus tuus, óleo lætitiæ.
V. Propter veritátem, et mansuetúdinem, et justítiam. Proptérea.

Lectio vi.

Cumque die áltero éadem venerábilis fémina ad cellam propriam recessisset, vir Dei ad monastérium rédiit. Cum ecce post triduum in cella consistens, elevátis in áëra óculis, vidit ejúsdem soróris suæ ánimam de corpore egréssam in colúmbæ spécie cœli secréta penetráre. Qui, tantæ ejus glóriæ congaúdens, omnipoténti Deo in hymnis et laúdibus grátias réddidit, ejúsque óbitum frátribus denuntiávit. Quos étiam prótinus misit, ut ejus corpus ad monastérium deférrent, atque in sepúlchro, quod sibi ipsi paráverat, pónerent. Quo facto cóntigit, ut quorum mens una semper in Deo fúerat, eórum quoque córpora nec sepultura separáret.

R. Afferéntur Regi. [91]

In III. Nocturno Homilia in Evang. Símile erit regnum cœlórum. de eodem Comm. 1. loco. [93]

Die 14. Februarii.

S. Valentini Presbyteri et Mart.

Ant. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

V. Glória et honóre coronásti eum Dómine. R. Et constituísti eum super ópera mánuum tuárum.

Oratio.

Præsta, quæsumus omnipotens Deus: ut qui beáti Valentíni Mártiris tui natalítia cólimus, a cunctis malis imminéntibus, ejus intercessióne liberémur. Per Dñm.

Lectio iii. Triumphális beáti. de Communi. [26]

In Laudibus. Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. R. Sicut cedrus Líbani multiplicábitur.

Die 15. Februarii.

Ss. Faustini et Jovitæ Martyrum.

Ant. Istórum est enim regnum cœlórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Lætámini in Dómino, et exultáte justi. R. Et gloriámini omnes recti corde.

Oratio.

Deus, qui nos ánnua sanctórum Mártýrum tuórum Faustíni et Jovitæ solemnitate lætíficas: concede propítius; ut, quorum gaudémus méritis, accendámur extrémis. Per Dóminum.

R. ii. Hæc est vera. [43]

Lectio iii.

Faustínus et Jovíta fratres, nobíles Brixíani, in multis Itáliæ úrbibus, quo vincti sæviénte Trajáni persecutióne ducebántur, acerbíssima supplicia perpéssi, fortes in christiánæ fidei confessióne perstitérunt. Nam Bríxiæ diu vínculis constricti, feris étiam objécti, in ignémque conjécti, et a béstiis et a flamma íntegri et incólumes servátí sunt; inde vero eisdem caténis colligátí Mediolánum venérunt: ubi eórum fides tentáta exquisitísimis torméntis, tamquam igne aurum, in cruciátibus magis enítuit. Póstea Romam missi, ab Evarísto Pontífice confirmátí, ibi quoque crudelíssime torquéntur. Dénique

perducti Neápolim, in ea étiam urbe várie cruciáti, vinctis máribus pedibúsque in mare demergúntur: unde per Angelos mirábiliter erépti sunt. Quare multos et constántia in torméntis, et miraculorum virtúte ad Christi fidem convertérunt. Postrémo redúcti Bríxiam inítio suscep̃ti ab Adriáno impérii, secúri percússi, illústrem martýrii corónam accepérunt.

Te Deum laudámus. 14.

In Laud. Ant. Vestri capilli cápitis omnes numeráti sunt: nolíte timére: multis passéribus meliôres estis vos.

V. Exsultábunt sancti in glória.
R. Lætábúntur in cubilibus suis.

Die 18. Februarii.

S. Simeonis Episcopi et Martyris.

Ant. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

V. Glória et honóre coronásti eum Dómine. R. Et constituísti eum super ópera mánuum tuárum.

Oratio.

Infirmítatem nostram réspice, omnípotens Deus: et quia pondus próprie actióis gravat, beáti Simeónis Mártyris tui atque Pontíficis intercésio gloriósa nos prótegat. Per Dóminum.

Lectio iii.

Simeon, fílius Cléophæ, post Jacobum próximus Jerosólymis ordinátus epíscopus, Trajáno imperatóre apud Atticum consulárem est accusátus, quod Christiánus esset, et Christi propínquus. Comprehendebántur enim omnes

eo témpore, quicúmque ex génere David orti essent. Quare multis cruciátus torméntis, eódem passiónis génere, quod Salvátor noster subierat, afficitur, mirántibus ómnibus, quod homo ætáte confectus (erat enim centum et viginti annórum) acerbíssimos crucis dolóres fórtiter constantérque patérétur. Te Deum laudámus. 14.

In Laud. Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit.
R. Sicut cedrus Líbani multiplicábitur.

Die 22. Februarii.

In Cathedra **S. Petri Antiochiæ.**

Duplex majus.

Omnia ut in Cathedra Romana die 18. Jan. 426, præter sequ.

In II. Nocturno.

Sermo sancti Augustíni Epíscopi.

Sermo 15. de Sanctis.

Lectio iv.

Institutio solemnítatis hodiérnæ a senióribus nostris Cáthedræ nomen accépit, ideo quod primus Apostolórum Petrus hódie episcopátus cáthedram suscepisse referátur. Recte ergo Ecclésiæ natálem sedis illius colunt, quam Apóstolus pro ecclesiárum salúte suscepit, dicente Dómino: Tu es Petrus, et super hanc petram ædificábo Ecclésiám meam.

R. Tu es pastor óvium, princeps Apostolórum; tibi trádidit Deus ómnia regna mundi: * Et ideo tibi tráditæ sunt claves regni cœlórum. V. Quodcúmque ligáveris super terram, erit ligátum et in

cœlis; et quodcúmque sólveris super terram, erit solútum et in cœlis. Et ideo.

Lectio v.

Petrum itaque fundaméntum Ecclésiæ Dóminus nominávit: et ideo digne fundaméntum hoc Ecclésia colit, supra quod ecclesiástici ædificií altitúdo consúrgit. Unde conveniénter Psalmus, qui lectus est, dicit: Exáltent eum in ecclésia plebis, et in cáthedra seniórum laudent eum. Benedíctus Deus, qui beátum Petrum Apóstolum in Ecclésia exaltári præcépít: quia dignum est ut fundaméntum hoc in Ecclésia honorétur, per quod ad cœlum conscénditur.

R. Ego pro te rogávi Petre, ut non deficiat fides tua: * Et tu aliquándo cōnvērsus confirma fratres tuos. V. Caro et sanguis non revelávit tibi, sed Pater meus, qui est in cœlis. Et.

Lectio vi.

Quod natális ergo Cáthedræ hodie colitur, sacerdotále honorátur officium. Sibi hoc Ecclésiæ invicem præstant, quia tanto necesse plus habet Ecclésia dignitátis, quanto sacerdotále officium plus honoris. Cum solemnitétem hanc Ecclésiis mérito religiósá observátio introdúxerit, miror, cur apud quosdam infidéles hódie tam perniciosus error incréverit, ut super túmulos defunctorum cibos et vina cónferant, quasi egressæ de corpóribus ánimæ carnáles cibos requirant.

R. Petre amas me? Tu scis Dómine, quia amo te. * Pasce oves meas. V. Simon Joánnis diligis me plus his? Tu scis Dómine, quia

amo te. Pasce oves. Glória Patri. Pasce oves.

In III. Nocturno.

Lectio sancti Evangélii secúndum Matthæum.

Lectio vii. Cap. 16. b.

In illo témpore: Venit Jesus in partes Cæsaráe Philíppi, et interrogábat discipulos suos, dicens: Quem dicunt hómines esse Filium hóminis? Et réliqua.

Homilía sancti Leónis Papæ.

Serm. 3. in annivers. assumpt. suæ, post initium.

Apóstolos Dóminus, quid de se hómines opinéntur, interrogat: et támdiu sermo respondéntium cōmúnis est, quámdiu humanæ intelligéntiæ ambiguitas explicátur. At ubi quid hábeat sensus discipulórum exígitur, primus est in Dómini confessióne, qui primus est in Apostólica dignitáte. Qui cum dixisset: Tu es Christus Fílius Dei vivi: respóndit ei Jesus: Beátus es Simon Bar-Jona, quia caro et sanguis non revelávit tibi, sed Pater meus, qui in cœlis est. Id est, ideo beátus es, quia Pater meus te dócuit: nec terréna opinio te feféllit, sed inspirátio cœléstis instrúxit: et non caro et sanguis, sed ille me tibi, cujus sum unigénitus Fílius, indicávit.

R. Quem dicunt hómines esse Fílium hóminis? dixit Jesus discipulis suis. Respóndens Petrus dixit: Tu es Christus Fílius Dei vivi. * Et ego dico tibi, quia tu es Petrus, et super hanc petram ædificábo Ecclésiám meam. V. Beátus es Simon Bar-Jona, quia caro et sanguis non revelávit tibi, sed Pater meus qui est in cœlis. Et ego.

Lectio viii.

Et ego, inquit, dico tibi: hoc est, sicut Pater meus tibi manifestávit divinitátem meam, ita et ego tibi notam fácio excelléntiam tuam, quia tu es Petrus: id est, cum ego sim inviolábilis petra, ego lapis angularis, qui fácio útraque unum, ego fundaméntum præter quod nemo potest áliud pónere: tamen tu quoque petra es, quia mea virtúte solidáris, ut quæ mihi potestate sunt própria, sint tibi mecum participatióne commúnia. Et super hanc petram ædificábo Ecclésiám meam, et portæ inferi non prævalébunt advérsus eam. Super hanc, inquit, fortitúdinem ætérnum éxstruam templum: et Ecclésiæ meæ cœlo inserénda sublímitas, in hujus fidei firmitáte consúrget.

R. Elégit te Dóminus sacerdotem sibi, ad sacrificándum ei * Hóstiám laudis. V. Immola Deo sacrificium laudis, et redde Altíssimo vota tua. Hóstiám. Glória Patri. Hóstiám.

Si hoc festum ante Quadrag. venerit in Sabbato, vel transferatur in Feriam II. et annus non fuerit bissextilis, legitur ix. Lectio de Homilia Vigilæ S. Mathiæ, et de ea fit commem. ad Laudes post commem. S. Pauli. In Quadrag. autem ix. Lectio erit de Homilia Feriæ occurr., cum comm. de ea: et nihil fit de Vigilia, nisi in Missa.

Lectio ix.

Hanc confessiõem portæ inferi non tenébunt, mortis víncula non ligábunt: vox enim ista vox vitæ est. Et sicut confessóres suos in cœléstia próvehit, ita negatóres ad inférna demérgit. Propter quod dicit beatíssimo Petro: Tibi dabo claves regni cœlórum: Et quæcúm-

que ligáveris super terram, erunt ligáta et in cœlis: et quæcúmque sólveris super terram, erunt solúta et in cœlis. Transívit quidem étiam in álios Apóstolos vis potestátis istíus, et ad omnes Ecclésiæ príncipes decreti hujus constitútió commeávit: sed non frustra uni commendáitur, quod ómnibus intímáitur. Petro enim ídeo hoc singuláriter crédito, quia cunctis Ecclésiæ rectóribus Petri forma præpónitur. Manet ergo Petri privilégium, ubicúmque ex ipsíus fertur æquitáte judícium. Nec nímia est vel sevéritas vel remissio, ubi nihil erit ligátum, nihil solútum, nisi quod beátus Petrus aut sólverit, aut ligáverit. Te Deum. 14.

In II. Vesp. fit comm. S. Pauli et sequ.

Die 23. Februarii.

S. Petri Damiani Episc. Conf. et Eccl. Doct.

Duplex.

Omnia de Comm. Conf. Pont. [49] præter sequ.

In utrisque Vesp. ad Magnif.

Ant. O Doctor óptime, Ecclésiæ sanctæ lumen, beáte Petre, divínæ legis amátor, deprecáre pro nobis Fílium Dei.

V. Amávit eum Dóminus, et ornávit eum. R. Stolum glóriæ induit eum.

Oratio.

Concède nos, quæsumus omnipotens Deus, beáti Petri Confessóris tui atque Pontíficis mónita et exémpa sectári; ut per terréstrium rerum contéptum ætérna gáudia consequámur. Per Dñm.

In Quadrag. commem. Feriæ.

In I. Nocturno Lectiones de Scriptura occurrente.

In Quadrag. Fidélis sermo. de eodem Communi 1. loco. [51]

In II. Nocturno.

Lectio iv.

Petrus, Ravennæ honestis parentibus natus, adhuc lactens a matre numerosæ prolis pertæsa, abjicitur; sed domesticæ mulieris ópera semivivus excéptus ac recreátus, genitríci ad humanitatis sensum revocatæ rédditur. Utróque orbátus parénte, tamquam vile mancipium sub áspera fratris tutela duram servitutem exércuit. Religiónis in Deum, ac pietátis erga patrem egrégium tunc spécimen dedit; invéntum síquidem forte nummum, non propriæ inédiæ sublevándæ, sed sacerdoti, qui divinum sacrificium ad illius expiatióem offérret, erogávit. A Damiáno fratre, a quo, uti fertur, cognoméntum accépit, benigne recéptus, ejus cura lítteris erudítur, in quibus brevi tantum profécit, ut magístris admiratióni esset. Cum autem liberálibus sciéntiis floréret et nómine, eas cum laude dócuit. Interim ut corpus ratióni súbderet, sub móllibus véstibus cilícium adhíbuit; jejúniis, vigíliis, et oratióibus solérter insistens. Calénte juvénta dum carnis stímulis ácritur urgerétur, insultántium libídinum faces rigéntibus flúvii mersus aquis noctu extinguébat; tum venerabília quæque loca obíre, totúmque Psaltérium recitáre consuéverat. Ope assídua paúperes levábat, quibus frequénter pastis convívio, propriis ipse mánibus ministrábat.

R. Invéni David servum meum, óleo sancto meo unxi eum: *

Manus enim mea auxiliábitur ei. V. Nihil proficiet inimicus in eo, et filius iniquitátis non nocébit ei. Manus enim.

Lectio v.

Perficiéndæ magis vitæ causa, in Avellanénsi Eugubínæ dióecesis coenóbio, órđini monachórum sanctæ crucis Fontis Avellánæ a beáto Ludúlpho, sancti Romuáldi discípulo, fundáto, nomen dedit. Non ita multo post in monastérium Pomposiánum, mox in coenóbium sancti Vincéntii Petræ Pertúsæ ab abbáte suo missus, utrúmque ascetérium verbo sacro, præcláris institutióibus, et móribus excóluit. Ad suos revocatús, post præsidis óbitum, Avellanitárum familiæ præfícitur, quam, novis váriis in locis extrúctis domicíliis, et sanctíssimis institútis, ita auxit, ut alter ejus órđinis parens, ac præcípuum ornaméntum jure sit hábitus. Salutárem Petri sollicitúdinem ália quoque divérsi institúti coenóbia, canonicórum convéntus, et pópuli sunt expérti. Urbináti dióecési non uno nómine prófuit: Theuzóni epíscopo in causa gravíssima assédit, ipsúmque in recte administrándo episcopátu consilio et ópera juvit. Divinórum contemplatióne, córporis maceratióibus, ceterisque spectatæ sanctimóniæ exémplis excélluit. His motus Stéphanus nonus Póntifex Máximus eum licet invítum et reluctántem sanctæ Románæ Ecclésiæ Cardinále creávit, et Ostiensem episcopum. Quas Petrus dignitátes splendidíssimis virtútibus, et consentáneis episcopáli ministério opéribus gessit.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei. V. Invéni David servum meum, óleo sancto meo unxi eum. Manus.

Lectio vi.

Difficillimo témpore Románæ Ecclesiæ, summisque Pontificibus doctrína, legationibus, aliisque susceptis labóribus mirífice ádfuit. Advérsus Nicolaitárum et simoníacam hæreses ad mortem usque strénue decertávit. Hujusmodi depúlsis malis, Mediolanénsem Ecclesiæ Románæ conciliávit. Benedícto, et Cadalóo falsis pontificibus fórtiter réstitit: Henricum quartum Germániæ regem ab iníquo uxóris divórtio detéruit: Ravennátes ad débíta Románo Pontifici obséquia revocatós sacris restituit. Canónicos Velitérnos ad sanctiórís vitæ leges compósuit. In provincia præsértim Urbináte vix ulla fuit episcopális ecclesiá, de qua Petrus non sit bene méritus; Eugubínam, quam aliquándo créditam hábuit, multis levávit incómmodis: álias álibi, quando opórtuit, perinde curávit, ac suæ essent tutelæ commissæ. Cardinalátu, et episcopáli dignitaté depósitis, nihil de prístina juvándi próximos sedulitaté remisit. Jejúnium sextæ Fériæ in honórem sanctæ crucis Jesu Christi: horárias beátæ Dei Genitrícis preces, ejusque die Sábbato cultum propagávit. Inferéndæ quoque sibi verberatiónis morem ad patrátórum scélerum expiatiónem prové-

xit. Demum sanctitáte, doctrína, miráculis, et præcláre actis illústris, dum e Ravennáte legatióne redíret, Favéntiæ octávo Kaléndas Márťii migrávit ad Christum. Ejus corpus ibídem apud Cistercienses multis miráculis clarum, frequénti populórum veneratióne cólitur. Ipsum Faventini non semel in præsénti discrimine propítium expérti patrónum apud Deum delegérunt: Leo vero duodécimus Póntifex Máximus Officiu Misámque in ejus honórem tamquam Confessóris Pontíficis, quæ alíquibus in diocésibus, atque in órdine Camaldulénsium jam celebrabántur, ex sacrórum Rítuum Congregatiónis consúlto, áddita Doctóris qualitaté, ad univérsam exténdit Ecclesiám.

R. Iste est qui. [54]

In III. Nocturno Homilia in Evang. Vos estis sal terræ. de Comm. Doct. 1. loco. [64]

Si non venerit in Quadrag. vel non sit annus bissextilis, nona Lectio erit de Vigilia S. Mathiæ ut in Communi Apost. [2] de qua fiet comm. in Laud.

Oratio.

Da quæsumus omnipotens Deus: ut beáti Mathiæ Apóstoli tui, quam prævenimus, veneránda solémnitas, et devotiónem nobis augeat, et salutem. Per Dóminum.

De Vigilia S. Mathiæ in anno bissextili fit die xxiv. Extra Quadrag. tres Lect. de Homilia in Evang. Hoc est præcéptum. ut in Vigil. Apost. [1]

In Quadrag. autem de Homil. Fériæ, et nihil fit de Vigilia, nisi in Missa.

Vesp., si non est bissextilis, de sequ. cum commem. præced. et Fériæ in Quadrag.





Die 24. Februarii vel 25. anno bissextili.

Sancti Mathiæ Apostoli.

Duplex 2. classis.

Omnia de Communi Apost. [2] præter sequentia.

Oratio.

Deus, qui beátum Mathíam Apostolorum tuorum collegio sociásti: tribue quæsumus; ut ejus interventióne, tuæ circa nos pietátis semper viscera sentiámus. Per Dóminum nostrum Jesum Christum Fílium tuum: Qui tecum vivit et regnat.

Deinde fit comm. S. Petri Damiani, quoties non est bissextilis.

Ant. O Doctor óptime, Ecclésiæ sanctæ lumen, beáte Petre, divínæ legis amátor, deprecáre pro nobis Fílium Dei.

V. Justum dedúxit Dóminus per vias rectas. **R.** Et osténdit illi regnum Dei.

Oratio.

Concede nos, quæsumus omnipotens Deus, beáti Petri Confessoris tui atque Pontíficis mónita et exémpa sectári; ut per terrestrium rerum contéptum æténa gáudia consequámur. Per Dóminum nostrum.

Postea Feriæ.

In I. Nocturno.

De Actibus Apostolorum.

Lectio i.

Cap. 1. c.

In diébus illis exsurgens Petrus in médio fratrum, dixit (erat autem turba hóminum simul, fere centum vigínti): Viri fratres, opórtet impléri Scripturam, quam prædíxit Spíritus sanctus per os David de Juda, qui fuit dux eórum, qui comprehenderunt Jesum: qui connumerátus erat in nobis, et sortítus est sortem ministérii hujus. Et hic quidem possédit agrum de mercéde iniquitátis, et suspensus crépuit médius: et diffúsa sunt ómnia viscera ejus.

R. Ecce ego mitto vos sicut oves in médio lupórum, dicit Dóminus: * Estóte ergo prudéntes sicut serpéntes, et simplices sicut colúmbæ. **V.** Dum lucem habétis, créдите in lucem, ut filii lucis sitis. Estóte ergo.

Lectio ii.

Et notum factum est ómnibus habitántibus Jerúsalem, ita ut appellarétur ager ille, lingua eó-

rum, Hacéldama, hoc est, ager sánguinis. Scriptum est enim in libro Psalmórum: Fiat commorátio eórum desérta, et non sit qui inhábitet in ea: et episcopátum ejus accípiat alter. Opórtet ergo ex his viris, qui nobíscum sunt congregáti in omni témpore, quo intrávit et exívit inter nos Dóminus Jesus, incípiens a baptísmate Joánnis, usque in diem, qua assúptus est a nobis, testem resurrectionis ejus nobíscum fieri unum ex istis!

R. Tóllite jugum meum super vos, dicit Dóminus, et discite a me, quia mitis sum et húmilis corde: * Jugum enim meum suáve est, et onus meum leve. V. Et inveniétis réquiem animábus vestris. Jugum enim meum.

Lectio iii.

Et statuérunt duos, Joseph, qui vocabátur Bársabas, qui cognominátus est Justus, et Mathíam. Et orántes dixerunt: Tu Dómine, qui corda nosti ómnium, osténde, quem elégeris ex his duóbus unum accípere locum ministérii hujus, et apostolátus, de quo prævaricátus est Judas, ut abíret in locum suum. Et dedérunt sortes eis, et cécidit sors super Mathíam, et annumerátus est cum úndecim Apóstolis.

R. Dum stetéritis. [7]

In II. Nocturno.

De Expositióne sancti Augustíni Epíscopi super Psalmum octogésimum sextum.

Lectio iv. Ante medium.

Fundaménta ejus in móntibus sanctis: diligit Dóminus portas Sion. Quare sunt fundaménta Apóstoli, et Prophétæ?

Quia eórum auctóritas portat infirmitátem nostram. Quare sunt portæ? Quia per ipsos intrámus ad regnum Dei. Prædicant enim nobis: et cum per ipsos intrámus, per Christum intrámus. Ipse est enim jánuia. Et cum dicúntur duódecim portæ Jerúsalem, et una porta Christus, et duódecim portæ Christus, quia in duódecim portis Christus: et ideo duodenárius númerus Apostolórum. Sacraméntum mágnus hujus duodenárii significátio est númeri. Sedébitis, inquit, super duódecim sedes, judicántes duódecim tribus Israël.

R. Vidi conjúctos viros, habéntes spléndidas vestes, et Angelus Dómini locútus est ad me, dicens: * Isti sunt viri sancti facti amíci Dei. V. Vidi Angelum Dei fortem, volántem per médium cœlum, voce magna clamántem, et dicéntem. Isti sunt viri.

Lectio v.

Si duódecim sellæ ibi sunt, non est ubi sédeat tertiusdecimus Paulus Apóstolus, et non erit quómodo júdicet: et ipse se judicatúrum dixit, non hómines tantum, sed et ángeles. Quos ángeles, nisi apóstatas ángeles? Nescítis, inquit, quia ángeles judicábimus? Responderet ergo turba: Quid te jactas judicatúrum? Ubi sedébis? Duódecim sedes dixit Dóminus duódecim Apóstolis: unus cécidit Judas, in locum ipsíus sanctus Mathías ordinátus est; implétus est duodenárius númerus sédium: Primo locum ínveni, ubi sédeas, et sic te mináre judicatúrum. Duódecim ergo sedes quid sibi velint, videá-

mus. Sacraméntum est cuiúsdam universitátis, quia per totum orbem terrárum futura erat Ecclésia: unde vocátur hoc ædificium ad Christi compágem.

R. Beáti estis, cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me: * Gaudéte et exsultáte, quóniam merces vestra copiósá est in cœlis. V. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte.

Lectio vi.

Et ideo quia úndique venítur ad judicándum, duódecim sedes sunt: sicut quia úndique intrátur in illám civitátem, duódecim portæ sunt. Non solum ergo illi duódecim, et Apóstolus Paulus, sed quotquot judicatúri sunt, propter significatióem universitátis ad sedes duódecim pértinent: quemádmódum quotquot intrábunt, ad duódecim portas pértinent. Partes enim mundi quátuor sunt, Oriens, Occidens, Aquilo et Merídes. Istæ quátuor partes assídue nominántur in Scriptúris. Ab istis quátuor ventis, sicut dicit Dóminus in Evangélio, a quátuor ventis se collectúrum eléctos suos: ab ómnibus ergo istis quátuor ventis vocátur Ecclésia. Quómodo vocátur? Undique in Trinitáte vocátur. Non vocátur nisi per baptismum in nómine Patris, et Filii, et Spíritus sancti. Quátuor ergo ter ducta duódecim inveniúntur.

R. Isti sunt. [10]

In III. Nocturno.

Léctio sancti Evangélii secúndum Matthæum.

Lectio vii.

Cap. 11. d.

In illo témpore: Respóndens Jesus dixit: Confíteor tibi Pater, Dómine cœli et terræ, quia abscondísti hæc a sapiéntibus, et prudentibus, et revelásti ea párvulis. Et réliqua.

Homília sancti Augustíni
Epíscopi.

Serm. 10. de Verbis Domini.



eníte ad me omnes qui laborátis. Quare enim omnes laborámus, nisi quia sumus hómines mortáles, frágles, infirmi, lútea vasa portántes, quæ faciunt ínvicem angústias? Sed si angustíantur vasa carnis, dilaténtur spátia caritátis. Quid ergo dicit, Veníte ad me omnes qui laborátis, nisi ut non laborétis? Dénique promíssio ejus in promptu est, quóniam laborántes vocávit. Quærent forte, qua mercéde vocáti sunt. Et ego vos, inquit, reficiam. Tóllite jugum meum super vos, et discite a me, non mundum fabricáre, non cuncta visibília et invisibília creáre, non in ipso mundo mirabília fácere, et mórtuos suscitáre: sed, Quóniam mitis sum, et húmilis corde.

R. Isti sunt qui vivéntes in carne, plantavérunt Ecclésiám ságuine suo: * Cálícem Dómini bibérunt, et amíci Dei facti sunt. V. In omnem terram exívit sonus eórum, et in fines orbis terræ verba eórum. Cálícem.

Lectio viii.

Magnus esse vis? a mínimo incipe. Cógitas magnam fábrica[m] construere celsitudinis? de fundaménto prius cógita humilitátis. Et quantam quisque vult, et dispónit superimpónere mole[m] ædifici[i], quanto erit majus ædifici[u]m, tanto áltius fodit fundaméntum. Et fábrica quidem cum constrúitur, in supérna consúrgit; qui autem fodit fundaméntum, ad ima deprimitur. Ergo et fábrica ante celsitudinem humiliátur, et fastigium post humiliatió[n]em erigitur.

R. Isti sunt viri sancti, quos elégit Dóminus in caritaté non ficta, et dedit illis glóriam sempitérnam: * Quorum doctrína fulget Ecclésia, ut sole luna. **V.** Sancti per fidem vicérunt regna, operáti sunt justitiam. Quorum doctrína. Glória Patri. Quorum doctrína.

In Quadrag. ix. Lect. et commem. Feriæ in Laud. et Vesp.; alias

Lectio ix.

Quod est fastigium construendæ fábricae, quam molimur? quo perventúrum est cacúmen ædifici[i]? Cito dico, usque ad conspéctum Dei. Vidétis quam excélsu[m] est, quanta res est conspícere Deum. Qui desíderat, et quod dico, et quod audit intélligit. Promíttitur nobis conspéctus Dei, veri Dei, summi Dei. Hoc enim bonum est, vidéntem vidére. Nam qui colunt falsos deos, fáci[e] illos vident: sed eos vident, qui óculos habent, et non vident. Nobis autem promíttitur visio Dei vivéntis; et vidéntis.

Te Deum laudá[m]us. 14.

FESTA MARTII.

Ante Quadrag. prima die non impedita dicitur Officiu[m] Defunctoru[m].

Die 4. Martii.

S. Casimiri Confessoris.

Semiduplex.

Omnia de Comm. Conf. non Pont. [67] præter sequ.

Oratio.

Deus, qui inter regáles delicias, et mundi illécebras, sanctu[m] Casimíru[m] virtúte constántiæ roborásti: quæsumus; ut ejus intercessió[n]e fidéles tui terréna despiciant, et ad coeléstia semper aspirent. Per Dóminu[m].

In Quadrag. fit commem. Feriæ.

Postea S. Lucii I. Papæ et Mart.

Ant. Iste sanctus pro lege Dei sui certávit usque ad mortem, et a verbis impiórum non tímuit: fundátus enim erat supra firmam petram.

V. Glória et hónore coronásti eum Dómine. **R.** Et constituísti eum super ópera mánuum tuárum.

Oratio.

Deus qui nos beáti Lúcii Mártiris tui atque Pontíficis ánnua solemnitáte lætíficas: concéde propítius; ut cujus natalítia cólimus, de ejúsdem étiam protectió[n]e gaudeámus. Per Dóminu[m].

In I. Nocturno Lectiones de Scriptura occurrente.

In Quadrag. Lect. Justus si morte de eodem Comuni 1. loco. [69]

In II. Nocturno.

Lectio iv.

Casimírus, patre Casimíro, matre Elisabéth[a] Austríaca, Polóniæ régibus ortus, a puerítia sub óptimis magístris, pietáte

et bonis ártibus instrúctus, juveníles artus áspero domábat cilício, et assíduis extenuábat jejúniis. Régii spreta lecti mollítie, dura cubábat humo, et clam intempésta nocte, præ fóribus templórum pronus in terra divínam exorábat cleméntiam. In Christi contemplánda passióne assíduus, Missárum solénniis ádeo erécta in Deum mente solébat adésse, ut extra se rapi viderétur.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam. V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Cathólicam promovére fidem summópere stúduit, et Ruthenórum schisma abolére: quaprópter Casimírum patrem indúxit, ut legem ferret, ne schismátici nova templa constrúerent, nec vétera collabéntia restaurárent. Erga páuperes et calamitátibus opprédos benéficus et miséricors, patris et defensóris egenórum nomen obtínuit. Virginitátem, quam ab incunábulis servávit illáesam, sub extrémó vitæ término fórtiter asséruit, dum gravi pressus infirmitáte, mori pótius quam castitátis jactúram ex medicórum consílio subíre, constánter decrevit.

R. Amávit eum Dóminus, et ornávit eum: stolam glóriæ índuit eum, * Et ad portas paradísi coronávit eum. V. Índuit eum Dóminus lorícam fidei, et ornávit eum. Et ad portas.

Lectio vi.

Consummátus in brevi, virtútibus et méritis plenus, prænuntiáto mortis die, inter sacerdotum et religiosórum choros spíritum Deo réddidit, anno ætátis vigésimo quinto. Corpus Vilnam delátum multis claret miráculis. Et enim prætérquam quod puélla defúncta vitam, cæci visum, claudigressum, et várii infirmi sanitátem ad ejus sepúlchrum recuperárun; Lithuánis exíguo número ad potentíssimi hostis insperátam irruptionem trepidántibus in áère appárens, insígnem tribuit victóriam. Quibus permótus Leo décimus eúmdem Sanctórum catálogo adscrípsit.

R. Iste homo. [72]

In III. Nocturno Homilia in Evang. Sint lumbi vestri. de eodem Communi 1. loco. [74]

In Quadrag. ix. Lectio et commemoratio Feriæ.

Postea de S. Lucio.

Ant. Qui odit ánimam suam in hoc mundo, in vitam ætérnam custódit eam.

V. Justus ut palma florébit. R. Sicut cedrus Líbani multiplicábitur.

Oratio. Deus qui nos. 496.

Die 7. Martii.

S. Thomæ de Aquino Confess. et Ecclesiæ Doctoris.

Duplex.

Omnia de Comm. Conf. non Pont. [67] præter sequ.

In utrisque Vesp. ad Magnif.

Ant. O Doctor óptime, Ecclesiæ sanctæ lumen, beáte Thoma, di-

vinæ legis amátor, deprecáre pro nobis Fílium Dei.

Oratio.

Deus, qui Ecclésiám tuam beáti Thomæ Confessóris tui mira eruditíone claríficas, et sancta operatíone fœcúndas: da nobis, quæsumus, et quæ dócuit, intelléctu conspícere, et quæ egit, imitatíone complére. Per Dóminum.

In Quadrag. comém. de Feria.

Postea Ss. Mart. Perpetuæ et Felicitatis.

In Vesp. et Laud. Ant. Istárum est enim regnum cœlórum, quæ contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Glória et honóre coronásti eas Dómine. R. Et constituísti eas super ópera mánuum tuárum.

Oratio.

Da nobis, quæsumus Dómine Deus noster, sanctárum Mártyrum tuárum Perpétuæ et Felicitátis palmas incessábili devotíone venerári: ut, quas digna mente non pòssumus celebráre, humílibus saltem frequentémus obséquiis. Per Dóminum nostrum.

In I. Nocturno Lect. Sapiéntiam. de Comm. Doct. [62]

In II. Nocturno.

Lectio iv.

Præclárum christiáni orbis decus et Ecclésiæ lumen, beátissimus vir Thomas, Landúlpho cómite Aquináte et Theodóra Neapolitána, nobílibus paréntibus natus, futúrx in Deíparam devotíonis afféctum adhuc infántulus osténdit. Nam chártulam ab

eo invéntam, in qua salutátio Angélica scripta erat, frustra adniténte nutrice, compréssa manu válide retínuit, et a matre per vim abréptam, plorátu et gestu repétiit, ac mox rédditam deglutívit. Quintum annum agens, mónachis sancti Benedícti Cassinátibus custodiéndus tráditur. Inde Neápolim studiórum causa missus, jam adoléscens fratrum Prædicatórum órduem suscepit. Sed matre ac frátribus id indígne feréntibus, Lutétiám Parisiórum míttitur. Quem fratres in itínere per vim raptum, in arcem castri sancti Joánnis perdúcunt: ubi várie exagitátus, ut sanctum propósitum mutáret, mulierem étiam, quæ ad labefactándam ejus constántiam introdúcta fúerat, titíone fugávit. Mox beátus júvenis, flexis génibus ante signum crucis orans, ibíque somno corréptus, per quiétem sentíre visus est sibi ab Angelis constríngi lumbos: quo ex témpore omni póstea libídinis sensu cárui. Soróribus, quæ, ut eum a pio consílio removérent, in castrum vénerant, persuásit, ut, contéptis curis sæculáribus, ad exercitátionem cœléstis vitæ se conférrent.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérrnam. V. Justum dedúxit Dóminus per vias rectas, et osténdit illi regnum Dei. Et dedit.

Lectio v.

Emíssus e castro per fenéstram, Neápolim redúcitur: unde Romam, póstea Parísium a fratre Jo-

ánne Theutónico, órðinis Prædicatórum generáli Magístro, ductus, Albérto Magno doctóre, philosophíæ ac theologiæ óperam dedit. Vigínti quinque annos natus, magíster est appellátus, publicéque philósophos ac theólogos summa cum laude est interpretátus. Numquam se lectióni aut scriptióni dedit, nisi post oratióem. In difficultátibus locórum sacræ Scriptúræ, ad oratióem jejúnium adhibébat. Quin étiam sodáli suo fratri Regináldo dícere solébat, quidquid sciret non tam stúdio aut labóre suo peperísse, quam divínitus tráditum accepísse. Neápoli cum ad imáginem Crucifixi vehementius oráret, hanc vocem audívit: Bene scripsísti de me Thoma: quam ergo mercédem accípies? Cui ille: Non áliam Dómine, nisi teípsum. Collatiónes Patrum assidue pervolutábat; et nullum fuit scriptórum genus in quo non esset diligentíssime versátus. Scripta ejus et multitudíne, et varietáte, et facilitáte explicándi res diffíciles ádeo excéllunt, ut ubérrima atque incorrúpta illíus doctrína, cum revelátis veritatibus mire conséntiens, aptíssima sit ad ómnium témporum erróres pervincéndos.

R. Amávit eum Dóminus, et ornavit eum: stolam glóriæ induit eum, * Et ad portas paradísi coronávit eum. V. Induit eum Dóminus lorícam fidei, et ornávit eum. Et ad portas.

Lectio vi.

A Summo Pontífice Urbáno quarto Romam vocátus, ejus jussu ecclesiásticum lucubrávit offícium

in Córporis Christi solemnitate celebrándum; oblátos vero honóres et Neapolitánum archiepiscopátum, étiam deferénte Cleménte quarto, recusávit. A prædicatióne divíni verbi non desistébat; quod cum fáceret per octávam Paschæ in basílica sancti Petri, mulierem, quæ ejus fimbriam tetígerat, a fluxu sánguinis liberávit. Missus a beáto Gregório décimo ad concílium Lugdunénse, in monastério Fossæ Novæ in morbum incidit, ubi ægrótus Cántica canticórum explanávit. Ibídem obiit quinquagenárius, anno salutis millésimo ducentésimo septuagésimo quarto, Nonis Mártii. Miráculis étiam mórtuus cláruit; quibus probátis, a Joãoanne vigésimo secúndo in Sanctórum númerum relátus est, anno millésimo tercentésimo vigésimo tértio; transláto póstea ejus corpore Tolósam, ex mandáto beáti Urbáni quinti. Cum sanctis angélicis spíritibus non minus innocéntia quam ingénio comparátus, Doctóris Angélici nomen jure est adéptus, eídem auctoritate sancti Pii quinti confirmátum. Leo autem decimus tértius, libentíssime excipiens postulatiónes et vota ómnium pene sacrórum antístitum orbis cathólici, ad tot præcípue philosophicórum systématum a veritate aberrántium luem propulsándam, ad incrementa scientiárum, et commúnem humáni géneris utilitátem, eum, ex Sacrórum Rítuum Congregatiónis consúlto, per Apostólicas líttas coeléstem patrónum scholárum ómnium catholicárum declarávit et instituit.

R. Iste homo. [72]

In III. Noct. Homilia in Evangel.
Vos estis sal terræ. de Comm. Doct.
1. loco. [64]

Lectio ix. de Homilia et commem.
Feriæ occurr. in Laudibus.

Postea Ss. Mart. ut supra.

Vesp. a Capit. de sequenti, comm.
præced. et Feriæ.

Die 8. Martii.

S. Joannis de Deo Confessoris.

Duplex.

Omnia de Comm. Conf. non Pont.
[67] præter sequ.

Oratio.

Deus, qui beátum Joánnem, tuo
amóre succénsum, inter flam-
mas innóxium incédere fecísti et
per eum Ecclésiám tuam nova
prole fœcundásti: præsta, ipsíus
suffragántibus méritis; ut igne ca-
ritátis tuæ vítia nostra curéntur, et
remédia nobis æténa provéniant.
Per Dóminum.

Deinde fit commem. præc.

Ant. O Doctor óptime, Ecclésiæ
sanctæ lumen, beáte Thoma, diví-
næ legis amátor, deprecáre pro
nobis Fílium Dei.

V. Justum dedúxit Dóminus per
vias rectas. R. Et osténdit illi re-
gnum Dei.

Oratio.

Deus, qui Ecclésiám tuam beáti
Thomæ Confessoris tui mira
eruditíone claríficas, et sancta ope-
ratíone fœcúndas: da nobis, quæ-
sumus, et quæ dócuit, intelléctu
conspícere, et quæ egit, imitatióne
complére. Per Dóminum.

In I. Nocturno Lectiones de Scri-
ptura occurrente.

In Quadrag. Beátus vir. de eodem
Communi 2. loco. [77]

In II. Nocturno.

Lectio iv.

Joánnes de Deo ex cathólicis
piisque paréntibus in óppido
Montis Majóris, junióris regni
Lusitániæ natus, quam sublímiter
in sortem Dómini fúerit eléctus,
insuétus splendor super ejus domo
refúlgens, sonitúsque æris campá-
ni sua sponte emissus, ab ipso ejus
nativitátis témpore, non obscuré
prænuntiárunt. A laxióri vivéndi
ratióne, divína operánte virtúte,
revocátus, magnæ sanctitátis ex-
hibére spécimen cœpit, et ob au-
dítam prædicatiónem verbi Dei sic
ad melióra se excitátum sensit, ut
jam ab ipso sanctióri vitæ rudi-
ménto consummátum áliquid per-
fectúmque visus sit attigísse. Bo-
nis ómnibus in paúperes carcéri-
bus inclúsos erogátis, admirábilis
pœniténtiæ, suique ipsíus contém-
ptus cuncto pópulo spectáculum
factus, a plerisque, ceu demens,
gráviter afflíctus, in cárcerem
améntibus destinátum conjícitur.
At Joánnes cœlésti caritáte magis
incénsus, gémino atque amplo va-
letudinário ex piórum eleemósynis
in civitáte Granaténsi extrúcto,
jactóque novi órdis fundaménto,
Ecclésiám nova prole fœcundá-
vit fratrum Hospitalitátis, infirmis
præcláro animárum corporúmque
proféctu inserviéntium, et longe
latéque per orbem diffusórum.

R. Honéstum fecit illum Dómi-
nus, et custodívit eum ab inimícis,
et a seductóribus tutávit illum: *
Et dedit illi claritátem æténam.
V. Justum dedúxit Dóminus per
vias rectas, et osténdit illi regnum
Dei. Et dedit.

Lectio v.

Paupéribus ægrótiis, quos propriis quandóque húmeris domum deferébat, nulla re ad ánimæ corporisque salutem profícua déerat. Effúsa quoque extra nosocomium caritaté indigéntibus mulieribus víduis, et præcipue virgínibus periclitántibus clam aliménta subministrábat, curámque indefessam adhibébat, ut carnis concupiscéntiam a próximis hujúsmodi vítio inquinátis extermináret. Cum autem máximum in régio Granaténsi valetudinário excitátum fuisset incéndium, Joánnes impávidus prosiliit in ignem, huc illuc discúrrens, quoúsque tum infirmos húmeris exportátos, tum léctulos e fenéstris projéctos ab igne vindicávit, ac per dimídiam horam inter flammás, jam in imménsam succrescéntes, versátus, exínde divínitus incólumis, univérsis civibus admirántibus, exívit, in schola caritátis édocens, segniórem in eum fuisse ignem, qui foris ússerat, quam qui intus accéndérat.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum. V. Induit eum Dóminus lorícam fidei, et ornávit eum. Et ad portas.

Lectio vi.

Múltiplici asperitátum génere, demissíssima obediéntia, extrémá paupertáte, orándi stúdio, rerum divinárum contemplatióne, ac in beátam Vírginem pietáte mirífice excélluit, et lacrimárum dono enítuít. Dénique gravi morbo

corréptus, ómnibus Ecclésiæ sacraméntis rite sanctéque reféctus, víribus licet destitútus, propriis indútus véstibus, e léctulo surgens, ac provolútus in génua, manu et corde Christum Dóminum e cruce pendéntem perstringens, octávo Idus Mártii anno millésimo quingéntésimo quinquagésimo óbiit in ósculo Dómini: quem étiam mórtuus ténuít, nec dimísit, et in eádem córporis constitutióne sex circiter horas, quoúsque inde dimóttus fuisset, tota civitaté inspectánte, mirabíliter permánsit, odórem mire fragrántem diffúdens. Quem ante et post óbitum plúrimis miráculis clarum, Alexánder octávus Póntifex Máximus in Sanctórum númerum rétulit.

R. Iste homo. [72]

In III. Nocturno.

Léctio sancti Evangélíi secúndum Matthæum.

Lectio vii. Cap. 22. d.

In illo témpore: Accessérunt ad Jesum pharisæi: et interrogávit eum unus ex eis legis doctor, tentans eum: Magíster, quod est mandátum magnum in lege? Et réliqua.

Homília sancti Joánnis Chrysóstomi.

Homília 72. in Matth.

Sadducæis confúsus, pharisæi rursus aggrediúntur: cumque quiéscere oportéret, decertáre voluérunt: et legis perítiam profiténtem præmittunt, non díscere, sed tentáre cupiéntes; ac ita intérogant: Quodnam primum mandátum in lege sit. Nam cum primum illud sit, Díliges Dóminum Deum tuum: putántes causas

sibi allatûrum ad mandâtum hoc corrigendum, âliquid addendo, quóniam Deum se faciêbat, hoc modo intérogant. Quid igitur Christus? Ut osténdat idcirco ad hæc eos devenísse, quia nulla in eis esset caritas, sed invidiæ livóre tabéscentes: Diliges, inquit, Dóminum Deum tuum: hoc primum et magnum mandâtum est. Secundum autem símile huic: Diliges próximum tuum sicut te ipsum.

R. Iste est qui ante Deum magnas virtutes operátus est, et de omni corde suo laudávit Dóminum: * Ipse intercédât pro peccátis ómnium populórum. **V.** Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse intercédât.

Lectio viii.

Quamóbrem símile est huic? quóniam hoc illud indúcit, et ab illo rursus munítur. Quicúmque enim male agit, ódio hábet lucem, et non venit ad lucem. Et rursus: Dixit insípiens in corde suo: Non est Deus. Deínde séquitur: Corrupti sunt, et abominábiles facti sunt in stúdiis suis. Et iterum: Radix ómnium malórum avarítia est: quam quidam appeténtes, erravérunt a fide. Et, Qui diligit me, mandáta mea servábit: quorum caput et radix est: Diliges Dóminum Deum tuum, et próximum tuum sicut teipsum.

R. Sint lumbi vestri præcíncti, et lucernæ ardéntes in mánibus vestris: * Et vos símiles homínibus expectántibus dóminum suum, quando revertátur a nuptiis. **V.** Vigiláte

ergo, quia nescítis qua hora Dóminus vester ventûrus sit. Et. Glória Patri. Et.

In Quadrag. Lectio ix. de Homilia et commem. Fer. in Laud.

Extra Quadrag. erit sequens

Lectio ix.

Si ergo diligere Deum, diligere próximum est (nam si diliges me, o Petre, inquit, pasce oves meas): si étiam diléctio próximi facit ut mandáta custódias: mérito ait in his totam legem et prophétas pendére. Et quemádmódum in superióribus, cum de resurrectione interrogarétur, plus dócuit quam tentántes petébant: sic in hoc loco de primo interrogátus mandáto, secundum étiam non valde quam primum inférius, sponte áttulit: secundum enim est primo símile. Ita occúlte insinuávit, ódio illos ad quæréndum incitári. Caritas enim, inquit, non æmulátur.

Te Deum laudámus. 14.

Vesp. a Capit. de sequ. cum comm. præced. et Ferial.

Die 9. Martii.

S. Franciscæ Viduæ Romanæ.

Duplex.

Omnia de Communi nec Virg. nec Mart. [99] præter sequ.

Oratio.

Deus, qui beátam Franciscam famulam tuam, inter cétera grátiae tuæ dona, familiári Angeli consuetúdine decorásti: concéde quæsumus; ut intercessiónis ejus auxilio Angelórum consórtium cónsequi mereámur. Per Dóminum.

Et fit commem. præced.

Ant. Hic vir despiciens mundum et terréna, triúmphans, divítias cœlo cóndidit ore, manu.

℣. Justum deduxit Dóminus per vias rectas. ℞. Et osténdit illi regnum Dei.

Oratio.

Deus, qui beátum Joánnem, tuo amore succensum, inter flammam innóxium incédere fecísti et per eum Ecclésiám tuam nova prole fœcundásti: præsta, ipsius suffragántibus méritis; ut igne caritátis tuæ vítia nostra curéntur, et remédia nobis ætéRNA provéniant. Per Dóminum.

Postea Feriæ occurrentis.

In I. Nocturno Lectiones de Scriptura occurrente.

In Quadrag. Mulierem fortem. de eodem Communi. [103]

In II. Nocturno.

Lectio iv.

Francísca nóbilis matróna Rómána, ab ineunte ætáte illústriá dedit virtútum exempla: étenim pueriles ludos et illécebras mundi réspuens, solitúdine et oratióne magnópere delectabátur. Undecim annos nata, virginitátem suam Deo consecráre, et monastérium ingredi propósuit: paréntum tamen voluntáti humiliter obtémperans, Lauréntio de Pontíanis, júveni æque díviti ac nóbili nupsit. In matrimónio arctiórís vitæ propósitum, quantum lícuit, semper retínuit: a spectáculis, convíviiis, aliisque hujúsmodi oblectaméntis abhórrens, lánea ac vulgári veste utens, et quidquid a domésticis curis supérerat téporis, oratióni aut proximórum utilitáti tríbuens: in id vero máxima sollicitúdine incúbens, ut matrónas Rómánas a pompis sæculi et ornátus vanitáte revocáret. Qua-

própter domum Oblatárum, sub régula sancti Benedicti, congregatiónis Montis Olivéti, adhuc viro alligáta, in Urbe instituit. Viri exsílium, bonórum jactúram, ac univérsæ domus mœrórem non modo constantíssime tolerávit: sed grátias agens cum beáto Job, illud frequénter usurpábat: Dóminus dedit, Dóminus ábstulit: sit nomen Dómini benedíctum.

℞. Propter veritátem, et mansuetúdinem, et justítiam, * Et dedúcet te mirabíliter dextera tua. ℣. Spécie tua, et pulchritúdine tua inténde, prospere procéde, et regna. Et dedúcet.

Lectio v.

Viro defúcto, ad prædictam Oblatárum domum cónvolans, nudis pédibus, fune ad collum alligáto, humi prostráta, multis cum lácrimis eárum número adscribi suppliciter postulávit. Voti compos facta, licet esset ómnium mater, non álio tamen quam ancillæ, vilissimæque fêminæ, et immunditiæ vásculi título gloriabátur. Quam vilem sui existimatiónem et verbo declarávit et exémplo: sæpe enim e suburbána vínea revértens, et lignórum fascem próprio cápiti impositum déferens, vel eisdem onústum agens per Urbem aséllum, paupéribus subveniébat, in quos étiam largas eleemósynas erogábat: ægrotantésque in xenodochiis vísitans, non corporáli tantum cibo, sed salutáribus mónitis recreábat. Corpus suum vigíliis, jejúniis, cilício, férreo cingulo, crebrisque flagéllis in servitútem redígere júgiter satagébat. Cibum illi semel

in die herbæ et legúmina, aqua potum præbuit. Hos tamen corporis cruciátus aliquándo confesárii mandáto, a cuius ore nutúque pendébat, módice temperávit.

R. Dilexísti justítiam, et odísti iniquitátem: * Proptérea unxit te Deus, Deus tuus óleo lætítiæ. V. Propter veritátem, et mansuetúdinem, et justítiam. Proptérea.

Lectio v.

Divína mystéria, præsértim vero Christi Dómini passióem, tanto mentis ardóre, tantáque lacrimárum vi contemplabátur, ut prædolóris magnitúdine pene cónfici viderétur. Sæpe étiam cum oráret, máxime sumpto sanctíssimæ Eucharístiæ sacraménto; spírítu in Deum eleváta, ac cœléstium contemplatióne raptá, immóbilis permanébat. Quaprópter humání géneris hostis váriis eam contuméliis ac verbéribus a propósito dimovére conabátur: quem tamen illa impertérrita semper elúsit; Angeli præsértim præsidio, cuius familiári consuetúdine gloriósum de eo triúmphum reportávit. Grátia curatiónum et prophetiæ dono enítuit, quo et futúra prædixit, et córdium secréta penetrávit. Non semel aquæ, vel per rivum decurréntes, vel e cœlo labéntes, intáctam prorsus, dum Deo vacáret, reliquérent. Mó dica panis fragmenta, quæ vix tribus soróribus reficiéndis fuissent satis, sic ejus précibus Dóminus multiplicávit, ut quíndecim inde exsaturátis, tantum superfúerit, ut canístrum impléverit: et aliquándo earúmdem sorórum, extra Urbem mense Ja-

nuário ligna parántium, sitim recéntis uvæ racémis ex vite in árbore pendéntibus mirabíliter obténtis, abúnde expléverit. Dénique méritis et miráculis clara, migrávit ad Dóminum, anno ætátis suæ quinquagésimo sexto. Quam Paulus quintus Póntifex Máximus in Sanctórum númerum rétulit.

R. Fallax grátia, et vana est pulchritúdo: * Múlier timens Deum, ipsa laudábitur. V. Date ei de fructu mánuum suárum, et laudent eam in portis ópera ejus. Múlier. Glória Patri. Múlier.

In III. Nocturno Homilia in Evang. Símile est regnum cœlórum. de eodem Communi. [108]

In Quadrag. Lectio ix. de Homilia et commem. Feriæ in Laudibus.

In II. Vesperis commem. sequentis; postea Feriæ.

Die 10. Martii.

Ss. Quadraginta Martyrum.

Semiduplex.

Omnia de Communi plurim. Mart. [35] præter sequ.

Ant. Istórum est enim regnum cœlórum, qui contempsérunt vitam mundi, et pervenérunt ad præmia regni, et lavérunt stolas suas in ságuine Agni.

V. Lætámini in Dómino, et exultáte justí. R. Et gloriámini omnes recti corde.

Oratio.

Præsta, quæsumus. omnípotens Deus: ut qui gloriósos Mártyres fortes in sua confessióne cognóvimus, pios apud te in nostra intercessióne sentiámus. Per Dóminum nostrum.

Et fit commemor. Feriæ occur.

In I. Noct. Lect. Fratres: Debitóres. de eodem Communi. [37]

In II. Nocturno.

Lectio iv.

Incinio imperatóre, et Agricoláo præside, ad Sebásten Armeniæ urbem, quadraginta militum fides in Jesum Christum, et fortitúdo in cruciátibus perférendis enítuit. Qui sæpius in horribilem cárcerem detrúsi, vinculisque constricti, cum ora ipsórum lapídibus contúsa fuissent, hiemis témpore frigidíssimo, nudi sub apérto áëre supra stagnum rigens pernoctáre jussi sunt, ut frígore congeláti necaréntur. Una autem erat ómnium orátio: Quadraginta in stádium ingrési sumus, quadraginta item Dómine coróna donémur, ne una quidem huic número desit. Est in honóre hic número, quem tu quadraginta diérum jejúnio decorásti, per quem divína lex ingrèssa est in orbem terrárum. Elías quadraginta diérum jejúnio Deum quærens, ejus visió-nem consecútus est. Et hæc quidem illórum erat orátio.

R. Sancti tui Dómine mirábile consecúti sunt iter, serviéntes præcéptis tuis, ut inveniréntur illæsi in aquis válidis: * Terra appáruit árida, et in Mari rubro via sine impediménto. V. Quóniam percússit petram, et fluxérunt aquæ, et torréntes inundavérunt. Terra.

Lectio v.

Céteris autem custódibus somno déditis, solus vigilábat jánitor, qui et illos orántes, et luce circumfúsos, et quosdam e cœlo descen-

déntes Angelos tamquam a Rege missos, qui corónas triginta novem milítibus distribúerent, intuens, ita secum loquebátur: Quadraginta hi sunt: quadragésimi coróna ubi est? Quæ dum cogitáret, unus ex illo número, cui ánimus ad frigus feréndum defécerat, in próximū tepefáctum bálneum desiliens, sanctos illos summo dolore affécit. Verum Deus illórum preces irritas esse non est passus: nam rei evéntum admirátus jánitor, mox custódibus e somno excitátis, detractisque sibi véstibus, ac se christiánū esse clara voce proféssus, Martýribus se adjúnxit. Cum vero præsidis satéllites jánitórem quoque Christiánū esse cognovissent, bacillis comminúta ómnium eórum crura fregérunt.

R. Vérbera carníficum non timuérunt sancti Dei, moriéntes pro Christi nómine, * Ut hærédes fierent in domo Dómini. V. Tradiderunt córpora sua propter Deum ad supplicia. Ut hærédes.

Lectio vi.

In eo supplicio mórtui sunt omnes, præter Melithónem natu mínimum. Quem cum præsens mater ejus, fractis crúribus, adhuc vivéntem vidisset, sic cohortáta est: Fili, paulisper sústine; ecce Christus ad jánuam stat áduvans te. Cum vero reliquórum córpora plaustris impóni cérneret, ut in ro-gum inferréntur, ac filium suum relínqui, quod speráret ímpia turba púerum, si vixisset, ad idolórum cultum revocári posse; ipso in húmeros subláto, sancta mater vehícula Mártyrum corpóribus

onústa strénue prosequébátur: in cuius ampléxu Mélithon spíritum Deo réddidit, ejúsque corpus in eúmdem illum ceterórum Mátyrum rogum pia mater injécit: ut qui fide et virtúte conjunctíssimi fúerant, fúneris étiam societáte copuláti, una in cœlum pervénirent. Combústis illis, eórum reliquiæ proyéctæ in profluéntem, cum mirábiliter in unum confluxíssent locum, salvæ et íntegræ repértæ, honorífico sepúlchro cónditæ sunt.

R. Tamquam aurum. [41]

In III. Nocturno Homilla in Evang. Descéndens Jesus. de eodem Comm. 2. loco. [47]

Lectio ix. de Homilia et commem. Feriæ in Laud.

Die 12. Martii.

S. Gregorii Papæ Confessoris et Eccl. Doct.

Duplex.

Omnia de Communi Conf. Pont. [49] præter sequ.

In utrisque Vesp. ad Magnif.

Ant. O Doctor óptime, Ecclésiæ sanctæ lumen, beáte Gregóri, divínæ legis amátor, deprecáre pro nobis Fílium Dei.

Oratio.

Deus, qui ánimæ fámuli tui Gregórii æternæ beatitúdinis præmia contulísti: concéde propítius; ut qui peccatórum nostrórum pónere prémimur, ejus apud te precibus sublevémur. Per Dóminum nostrum Jesum Christum Fílium tuum: Qui tecum vivit et regnat.

Et sit commem. Feriæ.

In I. Nocturno Lect. Sapiéntiam. de Communi Doct. [62]

In II. Nocturno.

Lectio iv.

Gregórius Magnus, Románus, Gordiáni senatóris fílius, adoléscent philosophiæ óperam dedit; et prætório officio functus, patre mórtuo, sex monastéria in Sicília ædificávit, Romæ séptimum sancti Andréæ nómine in suis ædibus, prope basilícam sanctórum Joánnis et Pauli ad clivum Scauri, ubi Hilarióne ac Maximiáno magistris, mónachi vitam professus, póstea abbas fuit. Mox diáconus cardínalis creátus, Constantinópolis a Pelágio Pontífice ad Tibérium Constantinum imperátorem legátus míttitur: apud quem memorábile étiam illud effécit, quod Eutýchium patriárcham, qui scripserat contra veram ac tractábilem córporum resurrectionem, ita convícit, ut ejus librum imperátor in ignem injíceret. Quare Eutýchius paulo post cum in morbum incidísset, instánte morte, pellem manus suæ tenébat, multis præsentibus, dicens: Confíteor quia omnes in hac carne resurgémus.

R. Invéni David servum meum, óleo sancto meo unxi eum: * Manus enim mea auxiliábitur ei. V. Nihil proficiet inimícus in eo, et fílius iniquitátis non nocébit ei. Manus enim.

Lectio v.

Romam rédiens, Pelágio pestiléntia subláto, summo ómnium consénsu Póntifex elígitur: quem honórem ne accíperet, quámdiu pótuít, recusávit. Nam aliéno vestíto in spelúnca delítuit: ubi deprehénsus indicio igneæ colúmnæ, ad sanctum Petrum consecrátur.

In pontificátu multa successóribus doctrínæ ac sanctitátis exéempla reliquit. Peregrínos quotidie ad mensam adhibébat: in quibus et Angelum, et Dóminum Angelórum peregríni fácie accépit. Paúperes et urbános et extérnos, quorum númerum descríptum habébat, benigne sustentábat. Cathólicam fidem multis locis labefactátam restituit. Nam Donatístas in Africa, Ariános in Hispánia représsit: Agnoístas Alexandría ejécit. Pállium Syágrio Augustodunénsi episcopo dare nóluit, nisi neóphytos hæréticos expélleret ex Gállia. Gothos hæresim ariánam relínquere coégit. Missis in Británniam doctis et sanctis viris Augustino et áliis mónachis, ínsulam ad Jesu Christi fidem convértit, vere a Beda presbýtero Angliæ vocátus Apóstolus. Joáñis patriárchæ Constantinopolitáni audáciam fregit, qui sibi universális Ecclésiæ episcopi nomen arrogábat. Maurítium imperatórem, eos qui mílites fuissent, mónachos fieri prohibéntem, a senténtia deterruit.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei. V. Invéni David servum meum, óleo sancto meo unxi eum. Manus.

Lectio vi.

Ecclésiám ornávit sanctíssimis institútis et légibus. Apud sanctum Petrum coácta sýnodo, multa constituit: in iis, Ut in Missa Kýrie eléison nóvies repeterétur: ut extra id tempus, quod continétur Septuagésima et Pascha, Allelúja dicerétur: ut adderétur in Cánone,

Diésque nostros in tua pace dispónas. Litanías, Statiónes, et ecclesiásticum offícium auxit. Quátuor concíliis, Nicaéno, Constantinopolitáno, Ephesíno, Chalcedonénsi, tamquam quátuor Evangéliis honórem habéri vóluit. Episcopis Sicíliæ, qui ex antíqua ecclesiárum consuetúdine Romam singulis triénniis conveniébant, quinto quoque anno semel veníre indúlsit. Multos libros confécit: quos cum dictáret, testátus est Petrus diáconus, se Spíritum sanctum columbæ spécie in ejus cápite sæpe vidisse. Admirabilia sunt quæ dixit, fecit, scripsit, decrevit, præsertim infirma semper et ægra valetúdine. Qui dénique multis éditis miraculis, pontificátus anno décimo tértio, mense sexto, die décimo, quarto Idus Mártii, qui dies festus a Græcis étiam propter insígnem hujus Pontíficis sapiéntiam ac sanctitátem præcípua honóre celebrátur, ad cœléstem beatitúdinem evocátus est. Cujus corpus sepúltum est in basilíca sancti Petri, prope Secretárium.

R. Iste est qui. [54]

In III. Nocturno.

Léctio sancti Evangélii secúndum Matthæum.

Lectio vii.

Cap. 5. b.

In illo témpore: Dixit Jesus discipulis suis: Vos estis sal terræ. Quod si sal evanúerit, in quo saliétur? Et réliqua.

Homília sancti Gregórii Papæ.

Ex Homilia 17. in Lucæ 10. ante med.

Considerándum nobis est, ut qui una eadémque exhortatiónis voce non súfficit simul

cunctos admonere, studeat singulos, in quantum valet, instruere, privatis locutionibus ædificare. Debemus namque pensare continuo, quod sanctis Apóstolis dicitur, et per Apóstolos nobis: Vos estis sal terræ. Si ergo sal sumus, condire mentes fidélium debemus. Vos igitur qui pastores estis, pensate quia Dei animalia páscitis: de quibus profecto animalibus Deo per Psalmístam dicitur: Animalia tua habitábunt in ea. Et sæpe videmus quod petra salis brutis animalibus antepónitur, ut ex eadem salis petra lámberere debeant, et meliorári. Quasi ergo inter bruta animalia petra salis, debet esse sacerdos in pópulis. Curare namque sacerdotem necesse est, quæ singulis dicat, unumquemque qualiter admóneat: ut quisquis sacerdoti júngitur, quasi ex salis tactu æternæ vitæ sapóre condiátur.

R. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum. V. Induit eum Dóminus lorícam fidei et ornávit eum. Et.

Lectio viii.

Sal etenim terræ non sumus, si corda audiéntium non condimus: quod profecto condiméntum

ille veráciter próximo impéndit, qui prædicatiónis verbum non súbtrahit. Sed tunc vere áliis recta prædicámus, si dicta rebus et exémpis osténdimus. Nullum puto, fratres caríssimi, ab áliis majus præjudícium, quam a sacerdotibus tólerat Deus: quando eos, quos ad aliórum correctiónem pósuit, dare de se exémpia pravitatís cernit: quando ipsi peccámus, qui compescere peccáta debúimus: nulla animárum lucra quærimus, ad nostra quotidie stúdia vacámus, terréna concupíscimus, humánam glóriam inténta mente captámus. Et quia eo ipso quo céteris prælátis sumus, ad agénda quælibet majórem licéntiam habémus, susceptæ benedictiónis ministérium vértimus ad ambitiónis arguméntum: Dei causam relínquimus, ad terréna negótia vacámus: locum sanctitátis accípiamus, et terrénis áctibus implicámur.

R. In médio Ecclésiæ apérui os ejus, * Et implévit eum Dóminus spíritu sapiéntiæ et intelléctus.

V. Jucunditatem et exsultationem thesaurizávit super eum. Et implévit eum. Glória Patri. Et implévit eum.

Lectio ix. de Homil. et commem. Feriæ in Laud.





COMMUNE SANCTORUM.

In Vigiliis Apostolorum.

Officium fit de Feria exceptis Lect. et Orat., quæ in propriis locis notantur.

Ubi vero non sunt propriæ Lect., legitur Evangelium cum Homilia sequenti. LECTIO sancti Evangelii secundum Joannem.

Lectio i. Cap. 15. b.

In illo tempore: Dixit Jesus discipulis suis: Hoc est præceptum meum, ut diligatis invicem, sicut dilexi vos. Et reliqua.

Homilia S. Gregorii Papæ.

Homilia 27. in Evangelia.

Cum cuncta sacra eloquia Dominicis plena sint præceptis, quid est quod de dilectione, quasi de singulâi mandâto, Dominus dicit, Hoc est præceptum meum, ut diligatis invicem: nisi quia omne mandatum de sola dilectione est: et omnia unum præceptum sunt? quia quidquid præcipitur, in sola caritate solidatur. Ut enim multi arboris rami ex una radice prouident: sic multæ virtutes ex una caritate generantur. Nec

habet aliquid viriditatis ramus boni operis, si non manet in radice caritatis.

RR. de Feria pro tempore.

Lectio ii.

Præcepta ergo Dominica et multa sunt, et unum: multa per diversitatem operis, unum in radice dilectionis. Quâliter autem ista dilectio tenenda sit, ipse insinuat, qui in plerisque Scripturæ suæ sententiis, et amicos jubet diligere in se, et inimicos propter se. Ille enim veraciter caritatem habet, qui et amicum diligit in Deo, et inimicum diligit propter Deum. Nam sunt nonnulli, qui diligunt proximos, sed per affectum cognitionis et carnis: quibus tamen in hac dilectione sacra eloquia non contradicunt: sed aliud est quod sponte impenditur naturæ, aliud quod præceptis Dominicis ex caritate debetur obedientiæ.

Lectio iii.

Hi nimirum et proximum diligunt, et tamen illa sublimia dilectionis præmia non assequuntur.

tur: quia amorem suum non spiritaliter, sed carnaliter impendunt. Proinde cum Dominus diceret: Hoc est praeceptum meum, ut diligatis invicem: protinus addidit: Sicut dilexi vos; ac si aperte dicat: Ad hoc amate, ad quod amavi vos.

Qua in re, fratres carissimi, solenter intuendum est, quod antiquus hostis, dum mentem nostram ad rerum temporalium dilectionem trahit, infirmiores contra nos proximum excitat, qui ea ipsa, quae diligimus, auferre moliatur.



COMMUNE APOSTOLORUM ET EVANGELISTARUM.

In I. Vesperis.

Ant. Hoc est praeceptum meum,
* ut diligatis invicem, sicut dilexi vos.

Psalmus 109.



ixit Dominus Dño meo:

* Sede a dextris meis:

Donec ponam inimicos tuos, * scabellum pedum tuorum.

Virgam virtutis tuae emittet Dominus ex Sion: * dominare in medio inimicorum tuorum.

Tecum principium in die virtutis tuae in splendoribus sanctorum: * ex utero ante luciferum genui te.

Juravit Dominus, et non poenitebit eum: * Tu es sacerdos in aeternum secundum ordinem Melchisedech.

Dominus a dextris tuis, * confrigit in die irae suae reges.

Judicabit in nationibus, implebit ruinas: * conquassabit capita in terra multorum.

De torrente in via bibet: * propterea exaltabit caput.

Ant. Hoc est praeceptum meum, ut diligatis invicem, sicut dilexi vos.

Ant. Majorem caritatem * nemo habet, ut animam suam ponat quis pro amicis suis.

Psalmus 110.

Confitebor tibi Domine in toto corde meo: * in consilio justorum, et congregatione.

Magna opera Domini: * exquisita in omnes voluntates ejus.

Confessio et magnificentia opus ejus: * et justitia ejus manet in saeculum saeculi.

Memoriam fecit mirabilium suorum, misericors et miserator Dominus: * escam dedit timentibus se.

Memor erit in saeculum testamenti sui: * virtutem operum suorum annuntiabit populo suo:

Ut det illis hereditatem Gentium: * opera manuum ejus veritas, et judicium.

Fidelia omnia mandata ejus: confirmata in saeculum saeculi, * facta in veritate et aequitate.

Redemptionem misit populo suo: * mandavit in aeternum testamentum suum.

Sanctum, et terribile nomen ejus: * initium sapientiae timor Domini.

Intellectus bonus omnibus facientibus eum: * laudatio ejus manet in saeculum saeculi.

Ant. Majorem caritatem nemo habet, ut animam suam ponat quis pro amicis suis.

Ant. Vos amici mei estis, * si feceritis quæ præcipio vobis, dicit Dóminus.

Psalmus 111.

Beátus vir, qui timet Dóminum: * in mandátis ejus volet nimis.

Potens in terra erit semen ejus: * generatio rectórum benedicétur.

Glória, et divítiæ in domo ejus: * et justítia ejus manet in sæculum sæculi.

Exórtum est in ténebris lumen rectis: * miséricors, et miserátor, et justus.

Jucúndus homo qui miserétur et cômmodat, dispónet sermónes suos in judício: * quia in ætérnum non commovébitur.

In memória ætérna erit justus: * ab auditióne mala non timébit.

Parátum cor ejus speráre in Dómino, confirmátum est cor ejus: * non commovébitur donec despiciat inimicos suos.

Dispérsit, dedit paupéribus: justítia ejus manet in sæculum sæculi, * cornu ejus exaltábitur in glória.

Peccátor vidébit, et irascétur, déntibus suis fremet et tabéscet: * desidérium peccatórum peribit.

Ant. Vos amici mei estis, si feceritis quæ præcipio vobis, dicit Dóminus.

Ant. Beáti pacífici, * beáti mundo corde: quóniam ipsi Deum vidébunt.

Psalmus 112.

Laudáte púeri Dóminum: * laudáte nomen Dómini.

Sit nomen Dómini benedíctum, * ex hoc nunc, et usque in sæculum.

A solis ortu usque ad occásus, * laudábile nomen Dómini.

Excélsus super omnes Gentes Dóminus, * et super cœlos glória ejus.

Quis sicut Dóminus Deus noster, qui in altis hábitat, * et humília réspicit in cœlo et in terra?

Súscitans a terra ínopem, * et de stércore érigens paúperem:

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Beáti pacífici, beáti mundo corde: quóniam ipsi Deum vidébunt.

Ant. In patiéntia vestra * possidébitis ánimas vestras.

Psalmus 116.

Laudáte Dóminum omnes Gentes: * laudáte eum omnes pópuli:

Quóniam confirmáta est super nos misericórdia ejus: * et véritas Dómini manet in ætérnum.

Ant. In patiéntia vestra possidébitis ánimas vestras.

Capitulum. Ephes. 2. d.

Fratres: Jam non estis hóspites, et ádvenæ: sed estis cives sanctorum, et doméstici Dei: super-ædificáti super fundaméntum Apostolorum, et Prophetarum, ipso suño angulári lápide Christo Jesu.

R. Deo grátias.

Hymnus.

Exsúltet orbis gaúdiis:
Cœlum resúltet laúdibus:
Apostolorum glóriam
Tellus et astra cónclinunt.

Vos sæculórum júdices,
Et vera mundi lúmina:
Votis precámur córdium,
Audíte voces súpplicum.

Qui templa cœli cláuditis,
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum prótinus
Languor salúsque séntiunt:
Sanáte mentes lánguidas;
Augéte nos virtútibus.

Ut, cum redíbit árbitèr
In fine Christus sæculi,
Nos sempitérni gáudii
Concédat esse cómpotes.

Patri, simúlque Filio,
Tibíque sancte Spíritus,
Sicut fuit, sit júgiter
Sæclum per omne glória. Amen.

Ÿ. In omnem terram exívit so-
nus eórum. R̃. Et in fines orbis ter-
ræ verba eórum.

Ad Magnif. Ant. Tradent enim
vos * in concíliis, et in synagógis
suis flagellábunt vos, et ante reges
et præsides ducémini propter me
in testimónium illis, et Géntibus.

Canticum B. Mariæ Virg.

Lucæ 1. c.

Magnificat * ánima mea Dómi-
num:

Et exultávit spíritus meus * in
Deo salutári meo.

Quia respéxit humilitátem ancíl-
læ suæ: * ecce enim ex hoc beátam
me dicent omnes generatiónes.

Quia fecit mihi magna qui potens
est: * et sanctum nomen ejus.

Et misericórdia ejus a progénie
in progénies * timéntibus cum.

Fecit poténtiam in bráchio suo: *
dispérsit supérbos mente cordis sui.

Depósuit poténtes de sede, * et
exaltávit húmiles.

Esuriéntes implévit bonis: * et
dívites dimísit inánes.

Suscépit Israël púerum suum, *
recordátus misericórdiæ suæ.

Sicut locútus est ad patres no-
stros, * Abraham, et sémini ejus in
sæcula.

Glória Patri.

Et repetitur Antiphona.

Oratio propria.

Ad Matutinum.

Invit. Regem Apostolorum Dó-
minum, * Veníte adorémus.

Ps. Veníte, exsultémus. 2.

Hymnus.

Ætérna Christi múnèra,
Apostolorum glóriam,
Palmas et hymnos débitos
Lætis canámus méntibus.

Ecclesiárum Príncipes,
Belli triumpháles duces,
Cœléstis aulæ mílites,
Et vera mundi lúmina.

Devóta sanctórum fides,
Invícta spes credéntium,
Perfécta Christi cáritas
Mundi tyránnum cónterit.

In his Patérna glória,
In his triúmphant Filius,
In his volúntas Spíritus,
Cœlum replétur gáudio.

Patri, simúlque Filio,
Tibíque sancte Spíritus,
Sicut fuit, sit júgiter
Sæclum per omne glória.
Amen.

In I. Nocturno.

Ant. In omnem terram * exívit
sonus eórum, et in fines orbis terræ
verba eórum.

Psalmus 18.

Cœli enárrant glóriam Dei, *
et ópera mánuum ejus annún-
tiat firmaméntum.

Dies diēi erúctat verbum, * et nox nocti índicat sciéntiam.

Non sunt loquélæ, neque sermónes, * quorum non audiántur voces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse tamquam sponsus procedens de thálamo suo:

Exsultávit ut gigas ad curréndam viam, * a summo cœlo egrésio ejus:

Et occúrsus ejus usque ad summum ejus: * nec est qui se abscóndat a calóre ejus.

Lex Dómini immaculáta convértens ánimas: * testimónium Dómini fidèle, sapiéntiam præstans parvulis.

Justítiæ Dómini rectæ, lætificántes corda: * præcéptum Dómini lúcidum; illúminans óculos.

Timor Dómini sanctus, pérmanens in sæculum sæculi: * judícia Dómini vera, justificáta in semetipsa.

Desiderabilia super aurum et lápidem pretiósus multum: * et dulcióra super mel et favum.

Etenim servus tuus custódit ea, * in custodiéndis illis retribúto multa.

Delícta quis intélligit? ab occúltis meis munda me: * et ab aliénis parce servo tuo.

Si mei non fúerint domináti, tunc immaculátus ero: * et emundábor a delicto máximo.

Et erunt ut compláceant elóquia oris mei: * et meditátio cordis mei in conspéctu tuo semper.

Dómine adjútor meus, * et redemptor meus.

Ant. In omnem terram exívit sonus eórum, et in fines orbis terræ verba eórum.

Ant. Clamavérunt justí, * et Dóminus exaudivit eos.

Psalmus 33.

Benedícam Dóminum in omni témpore: * semper laus ejus in ore meo.

In Dómino laudábitur ánima mea: * aúduant mansuétí, et læténtur.

Magnificáte Dóminum mecum: * et exaltémus nomen ejus in idípsum.

Exquisívi Dóminum, et exaudivit me: * et ex ómnibus tribulatióibus meis erípuit me.

Accédite ad eum, et illuminámini: * et fácies vestræ non confundéntur.

Iste pauper clamávit, et Dóminus exaudivit eum: * et de ómnibus tribulatióibus ejus salvávit eum.

Immíttet Angelus Dómini in circúitu timéntium eum: * et erípiet eos.

Gustáte et vidéte quóniam suávis est Dóminus: * beátus vir, qui sperat in eo.

Timéte Dóminum omnes sancti ejus: * quóniam non est inópia timéntibus eum.

Dívites eguérunt et esuriérunt: * inquiréntes autem Dóminum non minuéntur omni bono.

Veníte filii, audíte me: * timórem Dómini docébo vos.

Quis est homo qui vult vitam: * diligit dies vidére bonos?

Próhibe linguam tuam a malo: * et lábia tua ne loquántur dolum.

Divérte a malo, et fac bonum: * inquire pacem, et perséquare eam.

Oculi Dómini super justos: * et aures ejus in preces eórum.

Vultus autem Dómini super faciéntes mala: * ut perdat de terra memóriam eórum.

Clamavérunt justí, et Dóminus exaudivit eos: * et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde: * et húmiles spíritu salvábit.

Multae tribulatióes justórum: * et de ómnibus his liberábit eos Dóminus.

Custódit Dñs ómnia ossa eórum: * unum ex his non conterétur.

Mors peccatórum péssima: * et qui odérunt justum, delínquent.

Rédimet Dóminus ánimas servórum suórum: * et non delínquent omnes qui sperant in eo.

Ant. Clamavérunt justí, et Dóminus exaudivit eos.

Ant. Constitúes * eos príncipes super omnem terram: mémores erunt nóminis tui Dómine.

Psalmus 44.

Eructávit cor meum verbum bonum: * dico ego ópera mea regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffúsa est grátia in lábiis tuis: * proptérea benedixit te Deus in ætérnum.

Accíngere gládio tuo super femur tuum, * potentíssime,

Spécie tua et pulchritúdine tua * inténde, prospere procéde, et regna.

Propter veritátem, et mansuetúdinem, et justítiam: * et dedúcet te mirabíliter délixtera tua.

Sagíttæ tuæ acútæ, pópuli sub te cadent, * in corda inimicórum regis.

Sedes tua Deus in sæculum sæculi: * virga directiόνis virga regni tui.

Dilexísti justítiam, et odísti iniquitátem: * proptérea unxit te Deus Deus tuus óleo lætítiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis: * ex quibus delectavérunt te filiae regum in honóre tuo.

Astitit regína a dextris tuis in vestitu deauráto: * circúmdata varietáte.

Audi filia, et vide, et inclína aurem tuam: * et oblivíscere pópulum tuum, et domum patris tui.

Et concupíscet Rex decórem tuum: * quóniam ipse est Dóminus Deus tuus, et adorábunt eum.

Et filiae Tyri in munéribus * vultum tuum deprecabúntur: omnes dívites plebis.

Omnis glória ejus filiae Regis ab intus, * in fimbriis aúreis circumamícta varietátibus.

Adducéntur Regi vírgines post eam: * próximæ ejus afferéntur tibi.

Afferéntur in lætítia et exultatióne: * adducéntur in templum Regis.

Pro pátribus tuis nati sunt tibi filii: * constitúes eos príncipes super omnem terram.

Mémores erunt nóminis tui: * in omni generatióne et generatióne.

Proptérea pópuli confitebúntur tibi in ætérnum: * et in sæculum sæculi.

Ant. Constitúes eos príncipes super omnem terram: mémores erunt nóminis tui Dómine.

℣. In omnem terram exívit sonus eórum. R. Et in fines orbis terræ verba eórum.

Pater noster.

Absolutio. Exaúdi Dómine.

℣. Jube domne.

Bened. Benedictióne perpétua.

Lect. de Script. positæ in Comm. Sanctorum leguntur, quando annotantur in Proprio Sanct. per Annum, et quando contingit fieri Offic. de aliquo Sancto illis diebus, in quibus in Offic. Feriæ non ponuntur Lect. de Script., sed tantum de Homilia, et quando aliquod Festum solemniter celebratur in propria ecclesia.

De Epístola prima beáti Pauli Apóstoli ad Corínthios.

Lectio i. Cap. 4.

Sic nos exístimet homo ut ministros Christi: et dispensatóres mysteriórum Dei. Hic jam quæritur inter dispensatóres, ut fidélis quis inveniátur. Mihi autem pro mínimo est ut a vobis júdicer, aut ab humano die: sed neque me ípsum júdico. Nihil enim mihi cóncius sum: sed non in hoc justificátus sum: qui autem júdicat me, Dóminus est. Itaque nolite ante tempus júdicare, quoadúsque véniat Dóminus: qui et illuminábit abscóndita tenebrárum, et manifestábit consília córdium; et tunc laus erit unicuíque a Deo.

R. Ecce ego mitto vos sicut oves in médio lupórum, dicit Dóminus: * Estóte ergo prudéntes sicut serpéntes, et simplices sicut colúmbæ. ℣. Dum lucem habétis, créдите in lucem, ut filii lucis sitis. Estóte ergo.

Bened. Unigénitus Dei Filius.

Lectio ii.

Hæc autem, fratres, transfigurávi in me et Apóllo, propter vos:

ut in nobis discátis, ne supra quam scriptum est, unus advérsus álterum inflétur pro álío. Quis enim te discérnit? Quid autem habes, quod non accepísti? Si autem accepísti, quid gloriáris quasi non accéperis? Jam saturátí estis, jam dívites facti estis: sine nobis regnátis: et útinam regnétis, ut et nos vobíscum regnémus. Puto enim quod Deus nos Apóstolos novíssimos osténdit, tamquam morti destinátos: quia spectáculum facti sumus mundo, et Angelis, et homínibus.

R. Tóllite jugum meum super vos, dicit Dóminus, et discite a me, quia mitis sum et húmilis corde: * Jugum enim meum suáve est, et onus meum leve. ℣. Et inveniétis réquiem animábus vestris. Jugum.

Bened. Spíritus sancti grátia.

Lectio iii.

Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et cólaphis cædimur, et instábiles sumus, et laborámus operántes má nibus nostris: maledícimur, et benedícimus: persecutió nem pátimur, et sustinémus: blasphemámur, et obsecrámus: tamquam purgaménta hujus mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos caríssimos móneo. Nam si decem millia pædagogórum habeátis in Christo: sed non multos patres. Nam in Christo Jesu per Evangélium ego vos génui.

R. Dum stetéritis ante reges et præsides, nolite cogitare quómodo

aut quid loquámini: * Dábitur enim vobis in illa hora, quid loquámini. **V.** Non enim vos estis qui loquimini: sed Spíritus Patris vestri, qui lóquitur in vobis. Dábitur. Glória Patri. Dábitur.

In II. Nocturno.

Ant. Príncipes populórum * congregáti sunt cum Deo Abraham.

Psalmus 46.

Omnes Gentes plaúдите máni-bus: * jubiláte Deo in voce exsultatiónis.

Quóniam Dóminus excélsus, terribilis: * Rex magnus super omnem terram.

Subjécit pópulos nobis: * et Gentes sub pédibus nostris.

Elégit nobis hæreditátem suam: * spéciem Jacob, quam diléxit.

Ascéndit Deus in júbilo: * et Dóminus in voce tubæ.

Psállite Deo nostro, psállite: * psállite Regi nostro, psállite.

Quóniam Rex omnis terræ Deus: * psállite sapiénter.

Regnábít Deus super Gentes: * Deus sedet super sedem sanctam suam.

Príncipes populórum congregáti sunt cum Deo Abraham: * quóniam dii fortes terræ, veheménter eleváti sunt.

Ant. Príncipes populórum congregáti sunt cum Deo Abraham.

Ant. Dedísti hæreditátem * tíméntibus nomen tuum Dómine.

Psalmus 60.

Exáudi Deus deprecationem meam: * inténde oratióni meæ.

A fínibus terræ ad te clamávi: * dum anxiarétur cor meum, in petra exaltásti me.

Deduxísti me, quia factus es spes mea: * turris fortitúdinis a fácie inimíci.

Inhabitábo in tabernáculo tuo in sæcula: * prótegar in velaménto alárum tuárum.

Quóniam tu Deus meus exau-distí oratiónem meam: * dedísti hæreditátem tíméntibus nomen tuum.

Dies super dies regis adjícies: * annos ejus usque in diem generatiónis et generatiónis.

Pérmanet in ætérnum in conspéctu Dei: * misericórdiam et veritátem ejus quis requíret?

Sic psalmum dicam nómini tuo in sæculum sæculi: * ut reddam vota mea de die in diem.

Ant. Dedísti hæreditátem tíméntibus nomen tuum Dómine.

Ant. Annuntiavérunt * ópera Dei, et facta ejus intellexérunt.

Psalmus 63.

Exáudi Deus oratiónem meam cum déprecor: * a timóre inimíci éripe ánimam meam.

Protexísti me a convéntu malignántium: * a multitúdine operántium iniquitátem.

Quia exacuérunt ut gládium linguas suas: * intendérunt arcum rem amáram, ut sagittent in ocúltis immaculátum.

Súbíto sagittábunt eum, et non tímébunt: * firmavérunt sibi sermónem nequam.

Narravérunt ut absconderent láqueos: * dixerunt: Quis vidébit eos?

Scrutáti sunt iniquitátes: * defecerunt scrutántes scrutínio.

Accédet homo ad cor altum: * et exaltábitur Deus.

Sagittæ parvulórum factæ sunt

plagæ eórum: * et infirmátæ sunt contra eos linguæ eórum.

Conturbáti sunt omnes qui vidébant eos: * et tímuít omnis homo.

Et annuntiavérunt ópera Dei, * et facta ejus intellexérunt.

Lætábitur justus in Dómino, et sperábit in eo, * et laudabúntur omnes recti corde.

Ant. Annuntiavérunt ópera Dei: et facta ejus intellexérunt.

℣. Constitúes eos príncipes super omnem terram. ℞. Mémoires erunt nóminis tui Dómine.

Pater noster.

Absolutio. Ipsíus píetas.

℣. Jube domne. Bened. Deus Pater omnipotens.

Sermo sancti Gregórii Papæ.

Homil. 30. in Evangelia, post medium.

Lectio iv.

Scriptum est: Spíritus Dómini ornávit cœlos. Ornáménta enim cœlórú sunt virtútes prædicántium. Quæ videlicet ornáménta Paulus enúmerat, dicens: Alii datur per Spíritum sermo sapiéntiæ, álii sermo sciéntiæ secúndum eúmdem Spíritum, álii fides in eódem Spíritu, álii grátia sanitátum in uno Spíritu, álii operátio virtútum, álii prophétia, álii discretio spírituum, álii génera linguárum, álii interpretátio sermónum. Hæc autem ómnia operátur unus atque idem Spíritus, dívidens singulis prout vult.

℞. Vidi conjúctos viros, habéntes spléndidas vestes, et Angelus Dómini locútus est ad me, dicens: * Isti sunt viri sancti facti amíci Dei. ℣. Vidi Angelum Dei fortem, volántem per médium cœlum, voce magna clamántem et dicéntem. Isti.

Bened. Christum perpétuæ.

Lectio v.

Quot ergo sunt bona prædicántium, tot sunt ornáménta cœlórú. Hinc rursus scriptum est: Verbo Dómini cœli firmáti sunt. Verbum enim Dómini Fílius est Patris. Sed eósdem cœlos, videlicet sanctos Apóstolos, ut tota simul sancta Trínitas ostendátur operáta, repénite de sancti Spíritus divinitáte adjúngitur: Et spíritu oris ejus omnis virtus eórum. Cœlórú ergo virtus de Spíritu sumpta est: quia mundi hujus potestátibus contraíre non præsumerent, nisi eos sancti Spíritus fortitúdo solidásset. Quales namque doctóres sanctæ Ecclésiæ ante advéntum hujus Spíritus fúerint, scimus: et post advéntum illíus, cujus fortitúdinis facti sint, conspícimus.

℞. Beáti estis, cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me: * Gaudéte et exsultáte, quóniam merces vestra copiósa est in cœlis. ℣. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte et exsultáte.

Bened. Ignem sui amóris.

Lectio vi.

Certe iste ipse pastor Ecclésiæ, ad cujus sacratíssimum corpus sedémus, quantæ debilitátis, quantæque formídinis ante advéntum Spíritus fúerit, ancilla ostiária requisíta dicat. Una enim mulieris voce percússus, dum mori tímuít, vitam negávit. Et pensándum, quia


eum comprehensum Petrus negavit in terra, quem suspensum latro confessus est in cruce. Sed vir iste tantæ formidinis, qualis post adventum Spiritus exsistat, audiāmus. Fit convēntus magistrātus atque seniōrum, cæsis denuntiātur Apóstolis, ne in nómine Jesu loqui debeant: Petrus magna auctoritatē respōndet: Obedire opórtet Deo magis quam homínibus.

R. Isti sunt triumphatóres et amíci Dei, qui contemnētes jussa príncipum, meruērunt præmia ætérna: * Modo coronántur, et accipiunt palmam. V. Isti sunt qui vénérent ex magna tribulatióne, et lavérunt stolas suas in ságuine Agni. Modo coronántur. Glória Patri. Modo coronántur.

In III. Nocturno.

Ant. Exaltabúntur * cónua justi, allelúja.

Psalmus 74.

onfitébimur tibi Deus: * confitébimur, et invocábimus nomen tuum.

Narrábimus mirabília tua: * cum accépero tempus, ego justítias judicábo.

Liquefácta est terra, et omnes qui hábitant in ea: * ego confirmávi colúmnas ejus.

Dixi iníquis: Nolíte iníque ágere: * et delinquéntibus: Nolíte exaltáre cornu:

Nolíte extóllere in altum cornu vestrum: * nolíte loqui advérsus Deum iniquitátem.

Quia neque ab Oriēte, neque ab Occidēte, neque a desértis móntibus: * quóniam Deus judex est.

Hunc humíliat, et hunc exáltat: * quia calix in manu Dómini vini meri plenus misto.

Et inclinávit ex hoc in hoc: verúmtamen fæx ejus non est exinaníta: * bibent omnes peccatóres terræ.

Ego autem annuntiábo in sáculum: * cantábo Deo Jacob.

Et ómnia cónua peccatórum confríngam: * et exaltabúntur cónua justi.

Ant. Exaltabúntur cónua justi, allelúja.

Ant. Lux orta est * justo, allelúja, rectis corde lætítia, allelúja.

Psalmus 96.

Dóminus regnávít, exsúltet terra: * læténtur ínsulæ multæ.

Nubes, et calígo in circúitu ejus: * justítia, et judícium corréctio sedis ejus.

Ignis ante ipsum præcédet, * et inflammábit in circúitu inimícos ejus.

Illuxérunt fúlgora ejus orbi terræ: * vidít, et commóta est terra.

Montes, sicut cera fluxérunt a fácie Dómini: * a fácie Dómini omnis terra.

Annuntiavérunt coeli justítiam ejus: * et vidérunt omnes pópuli glóriam ejus.

Confundántur omnes, qui adoránt sculptília: * et qui gloriántur in simulácris suis.

Adoráte eum omnes Angeli ejus: * audívit, et lætáta est Sion.

Et exsultavérunt filíæ Judæ, * propter judícia tua Dómine:

Quóniam tu Dóminus Altíssimus super omnem terram: * nimis exaltátus es super omnes deos.

Qui dilígitis Dóminum, odíte ma-

lum: * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde lætítia.

Lætámini iusti in Dómino: * et confitémini memóriæ sanctificatiónis ejus.

Ant. Lux orta est justo, allelúja, rectis corde lætítia, allelúja.

Ant. Custodiébant * testimónia ejus, et præcépta ejus, allelúja.

Psalmus 98.

Dóminus regnávít, irascántur pópuli: * qui sedet super Chérubim, moveátur terra.

Dóminus in Sion magnus: * et excélsus super omnes pópulos.

Confíteántur nómini tuo magno: quóniam terríbile, et sanctum est: * et honor regis iudícium díligit.

Tu parásti directiões: * iudícium et justítiam in Jacob tu fecísti.

Exaltáte Dóminum Deum nostrum, et adoráte scabéllum pedum ejus: * quóniam sanctum est.

Móyses et Aaron in sacerdótibus ejus: * et Sámuël inter eos, qui invocant nomen ejus:

Invocábant Dóminum, et ipse exaudiébat eos: * in columna nubis loquebátur ad eos.

Custodiébant testimónia ejus, * et præcéptum quod dedit illis.

Dómine Deus noster tu exaudiébas eos: * Deus tu propítius fuísti eis, et ulciscens in omnes adinventiões eórum.

Exaltáte Dóminum Deum nostrum, et adoráte in monte sancto ejus: * quóniam sanctus Dóminus Deus noster.

Ant. Custodiébant testimónia ejus, et præcépta ejus, allelúja.

¶. Nimis honorátí sunt amíci tui Deus. R. Nimis confortátus est principátus eórum.

Pater noster.

Absolutio. A v́nculis.

¶. Jube domne.

Bened. Evangélica léctio.

Léctio sancti Evangélii secúndum Matthæum.

Lectio vii. Cap. 19. d.

In illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis? Et réliqua.

Homília S. Hierónymi Presbýteri.

Lib. 3. in Matth. cap. 19.

Grandis fidúcia! Petrus piscátor erat, dives non fúerat, cibos manu et arte quærébat: et tamen lóquitur confidénter: Relíquimus ómnia. Et quia non súfficit tantum relínquere, jungit quod perféctum est: Et secúti sumus te. Fécimus quod jussísti: quid igitur nobis dabis præmii? Jesus autem dixit illis: Amen dico vobis, quod vos qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israël. Non dixit: Qui reliquistis ómnia; hoc enim et Crates fecit philósophus, et multi álíi divítias contempsérunt: sed, Qui secúti estis me: quod próprie Apostolórum est, atque credéntium.

R. Isti sunt qui vivéntes in carne, plantavérunt Ecclésiám ságuine suo: * Cálicem Dómini bibérunt, et amíci Dei facti sunt. ¶. In omnem terram exívit sonus eórum, et in fines orbis terræ verba eórum. Cálicem.

Bened. Cujus, vel Quorum festum colimus.

Lectio viii.

In regeneratione, cum sederit Filius hominis in sede maiestatis suae (quando et mortui de corruptione resurgent incorrupti), sedebitis et vos in soliiis iudicantium, condemnantes duodecim tribus Israel: quia vobis credentibus, illi credere noluerunt. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, et vitam aeternam possidebit. Locus iste cum illa sententia congruit, in qua Salvator loquitur: Non veni pacem mittere, sed gladium. Veni enim separare hominem a patre suo, et matrem a filia, et nurum a socru: et inimici hominis domestici ejus. Qui ergo propter fidem Christi, et praedicationem Evangelii, omnes affectus contempserint, atque divitias et saeculi voluptates: isti centuplum recipient, et vitam aeternam possidebunt.

R. Isti sunt viri sancti, quos elegit Dominus in caritate non ficta, et dedit illis gloriam sempiternam: * Quorum doctrina fulget Ecclesia, ut sole luna. V. Sancti per fidem vicerunt regna: operati sunt justitiam. Quorum. Gloria. Quorum.

Bened. Ad societatem.

Lectio ix.

Ex occasione hujus sententiae quidam introducunt mille annos post resurrectionem, dicentes, tunc nobis centuplum omnium rerum quas dimisimus, et vitam aeternam esse reddendam: non in-

telligentes, quod, si in ceteris digna sit repromissio, in uxoribus appareat turpitudine: ut qui unam pro Domino dimiserit, centum recipiat in futuro. Sensus ergo iste est: Qui carnalia pro Salvatore dimiserit, spiritualia recipiet: quae comparatione et merito sui ita erunt, quasi si parvo numero centenarius numerus comparetur.

Deinde dicitur Hymnus:

Te Deum laudamus. 14.

Ad Laudes

et per Horas.

Ant. 1. Hoc est praecceptum meum, * ut diligatis invicem, sicut dilexi vos.

Psalm. Dominus regnavit. cum reliquis. 15.

2. Majorem caritatem * nemo habet, ut animam suam ponat quis pro amicis suis.

3. Vos amici mei estis, * si feceritis quae praecipio vobis, dicit Dominus.

4. Beati pacifici, * beati mundo corde: quoniam ipsi Deum videbunt.

5. In patientia vestra * possidebitis animas vestras.

Capitulum. Ephes. 2. d.

Fratres: Jam non estis hospites, et advenae: sed estis cives sanctorum, et domestici Dei: superaedificati super fundamentum Apostolorum et Prophetarum, ipso summo angulari lapide Christo Jesu.

R. Deo gratias.

Hymnus.

Exsultet orbis gaudiis:
Coelum resulet laudibus:
Apostolorum gloriam
Tellus et astra concinunt.

Vos sæculórum júdices,
Et vera mundi lúmina,
Votis precámur córdium:
Audíte voces súpplicum.

Qui templa cœli claúditis,
Serásque verbo sólvitis,
Nos a reátu nóxios
Solvi jubéte, quæsumus.

Præcépta quorum prótinus
Languor salúsque séntiunt;
Sanáte mentes lánguidas:
Augéte nos virtútibus:

Ut, cum redíbit árbitèr
In fine Christus sæculi,
Nos sempitérni gáudii
Concédat esse cómpotes.

Patri, simúlque Fílio,
Tibíque sancte Spíritus,
Sicut fuit, sit júgiter
Sæclum per omne glória. Amen.

Ÿ. Annuntiavérunt ópera Dei.
R. Et facta ejus intellexérunt.

Ad Bened. Ant. Vos qui reliquí-
stis * ómnia, et secúti estis me,
céntuplúm accipiétis, et vitam æ-
térnam possidébitis.

Ad Tertiam.

Ant. Majórem caritátem.

Capit. Fratres: Jam non estis.
ut supra. [12]

R. br. In omnem terram * Exívit
sonus eórum. In omnem. Ÿ. Et in
fines orbis terræ verba eórum.
Exívit. Glória Patri. In omnem.

Ÿ. Constitues eos príncipes su-
per omnem terram. R. Mémoires
erunt nóminis tui Dómine.

Ad Sextam.

Ant. Vos amíci mei estis.

Capitulum. Act. 5. b.

Per manus autem Apostolórum
fiébant signa et prodigia multa
in plebe.

R. br. Constitues eos príncipes *
Super omnem terram. Constitues.
Ÿ. Mémoires erunt nóminis tui Dó-
mine. Super. Glória. Constitues.

Ÿ. Nimis honoráti sunt amíci tui
Deus. R. Nimis confortátus est
principátus eórum.

Ad Nonam.

Ant. In patiéntia vestra.

Capitulum. Act. 5. c.

Ibant Apóstoli gaudéntes a con-
spéctu concílii, quóniam digni
hábiti sunt pro nómine Jesu contu-
méliam pati.

R. br. Nimis honoráti sunt *
Amíci tui Deus. Nimis. Ÿ. Nimis
confortátus est principátus eórum.
Amíci. Glória Patri. Nimis.

Ÿ. Annuntiavérunt ópera Dei.
R. Et facta ejus intellexérunt.

In II. Vesperis.

Ant. Jurávit Dóminus, * et non
pœnitébit eum: Tu es sacérdos in
ætérnum.

Psalmus 109.

Dixit Dóminus Dómino meo: *
Sede a dextris meis:

Donec ponam inimícos tu-
os, * scabéllum pedum tuórum.

Virgam virtútis tuæ emíttet Dó-
minus ex Sion: * domináre in mé-
dio inimicórum tuórum.

Tecum princípium in die virtútis
tuæ in splendóribus sanctórum: *
ex útero ante lucíferum génui te.

Jurávit Dóminus, et non pœni-
tébit eum: * Tu es sacérdos in æ-
térnum secúndum órđinem Melchí-
sedech.

Dóminus a dextris tuis, * confré-
git in die iræ suæ reges.

Judicábit in natió nibus, implébit

ruínas: * conquassábit cápita in terra multórum.

De torrén-te in via bibet: * propterea exaltábit caput.

Ant. Jurávit Dóminus, et non pœnitébit eum: Tu es sacérdos in ætérnum.

Ant. Cóllocet eum * Dóminus cum princípibus pópuli sui.

Psalmus 112.

Laudáte púeri Dóminum: * laudáte nomen Dómini.

Sit nomen Dómini benedíctum, * ex hoc nunc, et usque in sæculum.

A solis ortu usque ad occásum, * laudábile nomen Dómini.

Excélsus super omnes Gentes Dóminus, * et super cœlos glória ejus.

Quis sicut Dóminus Deus noster, qui in altis hábitat, * et humília respicit in cœlo et in terra?

Súscitans a terra ínopem, * et de stercore érigens paúperem:

Ut cóllocet eum cum princípibus, * cum princípibus pópuli sui.

Qui habitáre facit stérilem in domo, * matrem filiórum lætántem.

Ant. Cóllocet eum Dóminus cum princípibus pópuli sui.

Ant. Dirupísti Dñe * víncula mea: tibi sacrificábo hóstiam laudis.

Psalmus 115.

Crédidi, propter quod locútus sum: * ego autem humiliátus sum nimis.

Ego dixi in excéssu meo: * Omnis homo mendax.

Quid retríbuam Dómino, * pro ómnibus, quæ retribuit mihi?

Cálicem salutáris accípiam: * et nomen Dómini invocábo.

Vota mea Dómino reddam coram omni pópulo ejus: * pretiósam

in conspéctu Dómini mors sanctórum ejus:

O Dómine quia ego servus tuus: * ego servus tuus, et filius ancíllæ tuæ.

Dirupísti víncula mea: * tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini, in médio tui Jerúsalem.

Ant. Dirupísti Dñe víncula mea: tibi sacrificábo hóstiam laudis.

Ant. Eúntes ibant * et flebant, mitténtes sémína sua.

Psalmus 125.

In converténdo Dóminus captivitátem Sion: * facti sumus sicut consoláti:

Tunc replétum est gáudio os nostrum: * et lingua nostra exsultatióne.

Tunc dicent inter Gentes: * Magnificávit Dóminus fácere cum eis.

Magnificávit Dóminus fácere nobíscum: * facti sumus lætántes.

Convérte Dómine captivitátem nostram, * sicut torrens in Austro.

Qui séminant in lácrimis, * in exsultatióne metent.

Eúntes ibant et flebant, * mitténtes sémína sua.

Veniéntes autem vénient cum exsultatióne, * portántes manípulos suos.

Ant. Eúntes ibant et flebant, mitténtes sémína sua.

Ant. Confortátus est * principátus eórum, et honoráti sunt amíci tui Deus.

Psalmus 138.

Dómine probásti me, et cognovísti me: * tu cognovísti ses-

sióñem meam, et resurrectionem meam.

Intellexísti cogitationes meas de longe: * sémitam meam, et funiculum meum investigásti.

Et omnes vias meas prævidísti: * quia non est sermo in lingua mea.

Ecce Dómine tu cognovísti ómnia novíssima, et antíqua: * tu formásti me, et posuísti super me manum tuam.

Mirábilis facta est sciéntia tua ex me: * confortáta est, et non pótero ad eam.

Quo ibo a spíritu tuo? * et quo a fácie tua fúgiam?

Si ascéndero in cœlum, tu illic es: * si descéndero in inférnum, ades.

Si sumpsero pennas meas dilúculo, * et habitávero in extrémis maris:

Etenim illuc manus tua dedúcet me: * et tenébit me dextera tua.

Et dixi: Fórsitan ténebræ conculcábunt me: * et nox illuminátio mea in delíciis meis.

Quia ténebræ non obscurabúntur a te, et nox sicut dies illuminábitur: * sicut ténebræ ejus, ita et lumen ejus.

Quia tu possedísti renes meos: * suscepísti me de útero matris meæ.

Confitébor tibi quia terribíliter magnificátus es: * mirabilia ópera tua, et ánima mea cognóscit nimis.

Non est occultátum os meum a te, quod fecísti in occulto: * et substantia mea in inferiórius terræ.

Imperféctum meum vidérunt oculi tui, et in libro tuo omnes scribéntur: * dies formabúntur, et nemo in eis.

Mihi autem nimis honorificáti

sunt amíci tui Deus: * nimis confortátus est principátus eórum.

Dinumerábo eos, et super arénam multiplicabúntur: * exsurrexi, et adhuc sum tecum.

Si occíderis Deus peccatóres: * viri sánguinem declináte a me:

Quia dicitis in cogitatione: * accipient in vanitate civitates tuas.

Nonne qui odérunt te Dómine, óderam? * et super inimícos tuos tabescébam?

Perfécto ódio óderam illos: * et inimíci facti sunt mihi.

Proba me Deus et scito cor meum: * intéroga me, et cognósce sémitas meas.

Et vide, si via iniquitátis in me est: * et deduc me in via ætérna.

Ant. Confortátus est principátus eórum, et honoráti sunt amíci tui Deus.

Capitulum. Ephes. 2. d.

Fratres: Jam non estis hóspites, et ádvenæ: sed estis cives sanctórum, et doméstici Dei: superædificáti super fundaméntum Apostolórum et Prophetárum, ipso sumo angulári lápide Christo Jesu.

R. Deo grátias.

Hymnus.

Exsúltet orbis gaúdiis:
Cœlum resúltet laúdibus:

Apostolórum glóriam
Tellus et astra cóncinunt.

Vos sæculórum júdices,

Et vera mundi lúmina,

Votis precámur córdium:

Audíte voces súpplicum.

Qui templa cœli claúditis,

Serásque verbo sólvitis,

Nos a reátu nóxios

Solvi jubéte, quæsumus.

Præcepta quorum pròtinus
Languor salúsque sentiunt;
Sanáte mentes lánguidas:
Augéte nos virtútibus:

Ut, cum redíbit árbitèr
In fine Christus sæculi,
Nos sempitèrni gáudii
Concédat esse cómpotes.

Patri, simúlque Fílio,
Tibíque sancte Spíritus,
Sicut fuit, sit júgiter
Sæclum per omne glória.
Amen.

Ÿ. Annuntiavérunt ópera Dei.

R. Et facta ejus intellexérunt.

Ad Magnif. Ant. Estóte fortes *
in bello, et pugnáte cum antiquo
serpente: et accipiétis regnum æ-
tèrnum, allelúja.

II. Aliæ Lectiones

pro Apostolis.

In II. Nocturno.

De Expositione S. Augustini Epí-
scopi super Psalmum octogési-
mum sextum.

Lectio iv. Ante medium.

Fundaménta ejus in móntibus
sanctis: díligit Dóminus por-
tas Sion. Quare sunt funda-
ménta Apóstoli, et Prophétæ? Quia
eórum auctóritas portat infirmitá-
tem nostram. Quare sunt portæ?
Quia per ipsos intrámus ad regnum
Dei. Prædicant enim nobis: et cum
per ipsos intrámus, per Christum
intrámus. Ipse est enim jánuæ. Et
cum dicúntur duódecim portæ Je-
rúsalem, et una porta Christus, et
duódecim portæ Christus, quia in
duódecim portis Christus: et ideo
duodenárius númerus Apostoló-
rum. Sacraméntum magnum hujus

duodenárii significátio est númeri.
Sedébitis, inquit, super duódecim
sedes, judicántes duódecim tribus
Israël.

R. Vidi conjúctos viros, habén-
tes spléndidas vestès, et Angelus
Dómini locútus est ad me, dicens:
* Isti sunt viri sancti facti amíci
Dei. Ÿ. Vidi Angelum Dei fortem,
volántem per médium cœlum, voce
magna clamántem, et dicéntem. Isti.

Lectio v.

Si duódecim sellæ ibi sunt, non
est ubi sédeat tertiusdécimus
Paulus Apóstolus, et non erit quó-
modo júdicet: et ipse se judicatú-
rum dixit, non hómines tantum,
sed et ángeles. Quos ángeles, nisi
apóstatas ángeles? Nescítis, inquit,
quia ángeles judicábimus? Respon-
dèret ergo turba: Quid te jactas
judicatúrum? Ubi sedébis? Duó-
decim sedes dixit Dóminus duó-
decim Apóstolis: unus cécidit Ju-
das, in locum ipsíus sanctus Ma-
thías ordinátus est: implétus est
duodenárius númerus sédium. Pri-
mo locum ínveni, ubi sédeas, et sic
te mináre judicatúrum. Duódecim
ergo sedes quid sibi velint, videá-
mus. Sacraméntum est cuiusdam
universitátis, quia per totum orbem
terrárum futúra erat Ecclésia: unde
vocátur hoc ædificium ad Christi
compágem.

R. Beáti estis, cum maledíxerint
vobis hómines, et persecúti vos
fúerint, et díxerint omne malum
advèrsus vos, mentiéntes, propter
me: * Gaudéte et exsultáte, quón-
iam merces vestra copiósa est in
cœlis. Ÿ. Cum vos óderint hómi-
nes, et cum separáverint vos, et
exprobráverint, et ejécerint nomen

vestrum tamquam malum, propter Filium hóminis. Gaudéte.

Lectio vi.

Et ideo quia úndique venítur ad judicándum, duódecim sedes sunt: sicut quia úndique intrátur in illam civitátem, duódecim portæ sunt. Non solum ergo illi duódecim et Apóstolus Paulus, sed quotquot judicatúri sunt, propter significatiónem universitátis ad sedes duódecim pértinent: quemádmódum quotquot intrábunt, ad duódecim portas pértinent. Partes enim mundi quátuor sunt, Oriens, Occidens, Aquilo et Merídiēs. Istæ quátuor partes assidue nominántur in Scriptúris. Ab istis quátuor ventis, sicut dicit Dóminus in Evangélio, a quátuor ventis se collectúrum eléctos suos: ab ómnibus ergo istis quátuor ventis vocátur Ecclésia. Quómodo vocátur? Undique in Trinitáte vocátur. Non vocátur nisi per baptísmum in nómine Patris, et Filii, et Spíritus sancti. Quátuor ergo ter ducta duódecim inveniúntur.

R. Isti sunt triumphatóres. [10]

In III. Nocturno.

Léctio sancti Evangélii secúndum Matthæum.

Lectio vii. Cap. 19. d.

In illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Et réliqua.

Homilía venerábilis Bedæ
Presbýteri.

Homilia in Natali S. Benedicti.

Perfectus ille est, qui ábiens vendit ómnia quæ habet, et dat paupéribus, ac véniens, séquitur Christum: habébit enim

thesaúrum non deficientem in cœlis. Unde bene interrogánte Petro, dixit talibus Jesus: Amen dico vobis, quod vos qui secúti estis me, in regeneratióne; cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israël. In hac quippe vita pro ejus nómine laborántes, in ália præmii speráre dócuit: id est, in regeneratióne; cum videlicet in vitam immortálem fuérimus resurgéndo regeneráti, qui in vitam cadúcam mortáliter erámus géniti.

R. Isti sunt qui vivéntes in carne, plantavérunt Ecclésiam ságuine suo: * Cálicem Dómini bibérunt, et amíci Dei facti sunt. V. In omnem terram exívit sonus eórum, et in fines orbis terræ verba eórum. Cálicem.

Lectio viii.

Et justa prorsus retribútió, ut qui hic pro Christo humánæ glóriam celsitudinis neglexérunt, illic a Christo júdices glorificáti singuláriter cum eo assideant, qui a sequéndis ejus vestigiis nulla ratióne póterant avélli. Nemo autem putet, duódecim tantum Apóstolos, quia pro Juda prævaricánte Mathías eléctus est, tunc esse judicatúros: sicut nec duódecim solæ sunt tribus Israël judicándæ: alióquin tribus Levi, quæ tertiadécima est, injudicatá recédet.

R. Isti sunt viri sancti, quos elégit Dóminus in caritáte non ficta, et dedit illis glóriam sempitérnam: * Quorum doctrína fulget Ecclésia, ut sole luna. V. Sancti per fidem vicérunt regna: operáti sunt justítiam. Quorum. Glória. Quorum.

Lectio ix.

Et Paulus, qui tertiusdecimus est Apóstolus, judicándi sorte privábitur, cum ipse dicat: Nescítis quóniam ángeles judicábimus, quanto magis sæculária? Sciéndum namque est, omnes, qui ad exémp-
plum Apostolorum sua reliquerunt ómnia, et secúti sunt Christum, jú-
dices cum eo ventúros, sicut étiam omne mortálium genus esse judi-
cándum. Quia enim duodenário sæpe número solet in Scriptúris univérsitas designári, per duódecim sedes Apostolorum, ómnium numerósitas judicántium, et per duódecim tribus Israël, univérsitas eórum, qui judicándi sunt, ostén-
ditur.

Te Deum laudamus. 14.

Pro Evangelistis

Lectiones.

In I. Nocturno.

Incipit liber Ezechiélis Prophétæ.

Lectio i.

Cap. 1.

Factum est in trigésimo anno, in quarto, in quinta mensis, cum essem in médio capti-
vorum juxta flúvium Chobar, apérti sunt cœli, et vidi visiones Dei. In quinta mensis, ipse est annus quin-
tus transmigratiónis regis Jóachim, factum est verbum Dómini ad Eze-
chiélem, filium Buzi sacerdotem in terra Chaldæorum, secus flumen Chobar: et facta est super eum ibi manus Dómini. Et vidi, et ecce ventus túrbis veniebat ab Aquilone: et nubes magna, et ignis invólvens, et splendor in circúitu ejus: et de médio ejus quasi spécies eléctri, id est, de médio ignis.

R. Ecce ego mitto vos sicut oves in médio lupórum, dicit Dóminus:

* Estóte ergo prudéntes sicut serpéntes, et simplices sicut colúmbæ.

V. Dum lucem habétis, créдите in lucem, ut filii lucis sitis. Estóte ergo prudéntes.

Lectio ii.

Et in médio ejus similitúdo quatuor animálium: et hic aspéctus eórum, similitúdo hóminis in eis. Quatuor fácies uni, et quatuor pennæ uni. Pedes eórum pedes recti, et planta pedis eórum quasi planta pedis vítuli, et scintillæ quasi aspéctus æris candéntis. Et manus hóminis sub pennis eórum in quatuor pártibus: et fácies, et pennas per quatuor partes habébant, junctæque erant pennæ eórum altérius ad álterum. Non-revertebántur cum incéderent: sed unumquódque ante faciém suam gradiebátur.

R. Tóllite jugum meum super vos, dicit Dóminus, et discite a me, quia mitis sum et húmilis corde: * Jugum enim meum suáve est, et onus meum leve. **V.** Et inveniétis réquiem animábus vestris. Jugum enim meum.

Lectio iii.

Similitúdo autem vultus eórum: fácies hóminis, et fácies leónis a dextris ipsórum quatuor: fácies autem bovis, a sinístris ipsórum quatuor, et fácies áquilæ désuper ipsórum quatuor. Fácies eórum, et pennæ eórum exténtæ désuper: duæ pennæ singulorum jungebántur, et duæ tegébant córpora eórum: et unumquódque eórum coram faciē sua ambulábat: ubi erat ímpetus spíritus, illuc gradiebán-

tur, nec revertébántur cum ambulárent.

R. Dum stetéritis. [7]

In II. Nocturno.

De Expositióne S. Gregórii Papæ
super Ezechiélem Prophétam.

Lectio iv. Homil. 3. Lib. 1.

Sancta quátuor animália, quæ prophetiæ spírítu futúra prævidéntur, subtili narratióne describúntur, cum dicitur: Quátuor fácies uni, et quátuor pennæ uni. Quid per fáciem, nisi notítia; et quid per pennas, nisi volátus exprímítur? Per fáciem quippe unusquisque cognóscitur: per pennas vero in altum ávium córpora sublevántur. Fácies itaque ad fidem pértinet, penna ad contemplatió-nem. Per fidem namque ab omnipoténti Deo cognóscimur, sicut ipse de suis óvibus dicit: Ego sum pastor bonus, et cognóscó oves meas, et cognóscunt me meæ. Qui rursus ait: Ego scio quos elégerim. Per contemplatió-nem vero, qua super nosmetípsos tóllimur, quasi in áëra levámur.

R. Vidi conjúntos viros, habéntes spléndidas vestes, et Angelus Dómini locútus est ad me, dicens: * Isti sunt viri sancti facti amíci Dei. V. Vidi Angelum Dei fortem, volántem per médium cœlum, voce magna clamántem et dicéntem. Isti.

Lectio v.

Quátuor ergo fácies uni sunt: quia si requíras quid Matthæus de incarnatióne Dómini séntiat: hoc nimírum sentit, quod Marcus, Lucas, et Joánnēs. Si quæras quid Joánnēs séntiat; hoc procul dúbio, quod Lucas, Marcus, et Matthæus.

Si quæras quid Marcus; hoc quod Matthæus, Joánnēs, et Lucas. Si quæras quid Lucas; hoc quod Joánnēs, Matthæus, et Marcus sentit. Quátuor ergo fácies uni sunt: quia notítia fidei, qua cognoscúntur a Deo, ipsa est in uno, quæ est simul in quátuor. Quidquid enim in uno invéneris, hoc in ómnibus simul quátuor cognóscēs.

R. Beáti estis cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me: * Gaudéte et exsultáte, quóniam merces vestra copiósa est in cœlis. V. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte.

Lectio vi.

Et quátuor pennæ uni: quia Dei omnipoténtis Fílium Dóminum nostrum Jesum Christum simul omnes concórditer prædicant: et ad divinitátem ejus mentis óculos levántes, penna contemplatió-nis volant. Evangelistárum ergo fácies ad humanitátem Dómini pértinet, penna ad divinitátem: quia in eum, quem corpóream aspíciunt, quasi fácies inténdunt: sed dum hunc esse incircumscripciónem atque incorpóream ex divinitáte annúntiant, per contemplatió-nis pennam quasi in áëra levántur. Quia itaque una est fides incarnatió-nis ejus in ómnibus, et par contemplatio divinitátis ejus in singulis, recte nunc dicitur: Quátuor fácies uni, et quátuor pennæ uni.

R. Isti sunt triumphatóres. [10]

In III. Nocturno.

Lectio sancti Evangelii secúndum
Lucam.

Lectio .vii. Cap. 10.

In illo témpore: Designávit Dóminus et álios septuagínta duos: et misit illos binos ante fáciem suam, in omnem civitátem et locum, quo erat ipse ventúrus. Et réliqua.

Homilia sancti Gregórii Papæ.

Homilia 17. in Evang.

Dóminus et Salvátor noster, fratres caríssimi, aliquándo nos sermónibus, aliquándo vero opéribus ádmonet. Ipsa etenim facta ejus præcépta sunt: quia dum áliquíd tácitus facit, quid ágere debeámus innotéscit. Ecce enim binos in prædicatióem discipulos mittit: quia duo sunt præcépta caritátis, Dei vidélicet amor, et próximi: et minus quam inter duos caritas habéri non potest. Nemo enim próprie ad semetípsum habére caritátem dicitur: sed diléctio in álterum tendit, ut caritas esse possit.

R. Isti sunt qui vivéntes in carne, plantavérunt Ecclésiám ságuine suo: * Cálicem Dómini bibérunt, et amíci Dei facti sunt. V. In omnem terram exívit sonus eórum, et in fines orbis terræ verba eórum. Cálicem.

Lectio viii.

Ecce enim binos ad prædicándum discipulos Dóminus mittit: quátenus hoc nobis tácitus ín-

nuat, quia qui caritátem erga álterum non habet, prædicatióis officium suscípere nullátenus debet. Bene autem dicitur, quia misit eos ante fáciem suam in omnem civitátem et locum, quo erat ipse ventúrus. Prædicatóres enim suos Dóminus séquitur: quia prædicatio prævenit, et tunc ad mentis nostræ habitáculum Dóminus venit, quando verba exhortatióis præcúrrunt: atque per hoc véritas in mente suscípitur.


R. Isti sunt viri sancti quos elégit Dóminus in caritáte non ficta, et dedit illis glóriam sempitérnam: * Quorum doctrína fulget Ecclésia, ut sole luna. V. Sancti per fidem vicérunt regna: operáti sunt justitiam. Quorum. Glória. Quorum.

Lectio ix.

Hinc namque eisdem prædicatóribus Isaías dicit: Paráte viam Dómini, rectas fácite sémitas Dei nostri. Hinc filiis Psalmísta ait: Iter fácite ei, qui ascéndit super occásum. Super occásum namque Dóminus ascéndit: quia unde in passióne occúbuit, inde majórem suam glóriam resurgéndo manifestávit. Super occásum vidélicet ascéndit; quia mortem quam pértulit, resurgéndo calcávit. Ei ergo qui ascéndit super occásum, iter fáчимus, cum nos ejus glóriam vestris méntibus prædicámus, ut eas et ipse post véniens, per amóris sui præséntiam illústret.

Te Deum laudámus. 14.





COMMUNE UNIUS MARTYRIS.

In I. Vesperis.

Antiphonæ de Laudibus. [29]

Psalmi ut in I. Vesperis de Comuni Apostolorum. [2]

Capitulum. Jac. 1. b.

Beatus vir, qui suffert
tentationem: quoniam
cum probatus fuerit,
accipiet coronam vitæ,
quam repromisit Deus
diligentibus se.

Hymnus.

Deus tuorum militum
Sors, et corona, præmium,
Laudes canentes Mártyris
Absolve nexu criminis.

Hic nempe mundi gaudia,
Et blanda fraudum pábula
Imbúta felle deputans,
Pervénit ad cœlestia.

Pœnas cucurrit fôrtiter,
Et sústulit viriliter,
Fundénsque pro te sánguinem,
Ætérna dona pössidet.

Ob hoc precátu súplici
Te póscimus, piússime;
In hoc triúmpho Mártyris
Dimitte noxam sérvulis.

Laus et perénis glória
Patri sit, atque Fílio,
Sancto simul Paráclito,
In sempitérna sâcula.
Amen.

℣. Glória et honóre coronásti
eum Dómine. ℞. Et constituísti
eum super ópera mánuum tuárum.

Ad Magnif. Ant. Iste sanctus *
pro lege Dei sui certávit usque ad
mortem, et a verbis impiórum non
tímuit: fundátus enim erat supra
firmam petram.

Pro Martyre et Pontifice.

Oratio.

Infirmítatem nostram réspice, o-
mnípotens Deus: et quia pondus
própriæ actióis gravat, beáti N.
Mártyris tui atque Pontíficis inter-
cêssio gloriósa nos prótegit. Per
Dóminum nostrum.

Alia Oratio.

Deus, qui nos beáti N. Mártiris tui atque Pontíficis ánnua solemnitate lætíficas: concéde propítius; ut cujus natalítia cólimus, de ejúsdem étiam protectióne gaudeámus. Per Dóminum nostrum.

Pro Martyre tantum.

Oratio.

Præsta, quæsumus omnípotens Deus: ut qui beáti N. Mártiris tui natalítia cólimus, intercessióne ejus in tui nóminis amóre roborémur. Per Dóminum nostrum.

Alia Oratio.

Præsta, quæsumus omnípotens Deus: ut, intercedente beáto N. Mártire tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

Ad Matutinum.

Invit. Regem Mártirum, Dóminum, * Veníte, adorémus.

Ps. Veníte, exsultémus. 2.

Hymnus. Deus tuórum militum. ut supra. [21]

In I. Nocturno.

Ant. In lege Dómini * fuit voluntas ejus die ac nocte.

Psalmus 1.

Beátus vir, qui non ábiit in consílio impiórum, et in via peccatórum non stetit, * et in cáthedra pestiléntiæ non sedit:

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo:

Et fólium ejus non défluet: * et ómnia quæcúmque fáciat, prosperabúntur.

Non sic ímpii, non sic: * sed tamquam pulvis, quem prójicit ventus a fácie terræ.

Ideo non resúrgent ímpii in iudicio: * neque peccatóres in concílio justórum.

Quóniam novit Dóminus viam justórum: * et iter impiórum peribit.

Ant. In lege Dómini fuit voluntas ejus die ac nocte.

Ant. Prædicans * præcéptum Dómini constitútus est in monte sancto ejus.

Psalmus 2.

Quare fremuérunt Gentes, * et pópuli meditáti sunt inánia?

Astitérunt reges terræ, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum: * et projiciámus a nobis jugum ipsórum.

Qui hábitat in coelis, irridébit eos: * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Egó autem constitútus sum Rex ab eo super Sion montem sanctum ejus, * prædicans præcéptum ejus.

Dóminus dixit ad me: * Filius meus es tu, ego hódie genui te.

Póstula a me, et dabo tibi Gentes hæreditátem tuam, * et possessionem tuam términos terræ.

Reges eos in virga férrea, * et tamquam vas figuli confringes eos.

Et nunc reges intelligite: * erudimini qui iudicátis terram.

Servíte Dómino in timóre: * et exsultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes qui confidunt in eo.

Ant. Prædicans præceptum Dómini, constitútus est in monte sancto ejus.

Ant. Voce mea * ad Dóminum clamávi: et exaudivit me de monte sancto suo.

Psalmus 3.

Dómine quid multiplicáti sunt qui tríbulant me? * multi insúrgunt advérsus me.

Multi dicunt ánimæ meæ: * Non est salus ipsi in Deo ejus.

Tu autem Dómine suscèptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exsurrexi, quia Dóminus suscepit me.

Non timébo míllia pópuli circumdántis me: * exsúrge Dómine, salvum me fac Deus meus.

Quóniam tu percussísti omnes adversántes mihi sine causa: * dentes peccatórum contrivísti.

Dómini est salus: * et super pópulum tuum benedíctio tua.

Ant. Voce mea ad Dóminum clamávi: et exaudivit me de monte sancto suo.

V. Glória et honóre coronásti eum Dómine. R. Et constituísti eum super ópera mánuum tuárum.

Pater noster.

Absolutio. Exaúdi Dómine.

V. Jube domne.

Bened. Benedicçãoe perpétua.

Lectiones sequentes I. Noct. leguntur in Festo Martyris et Pontificis.

In Festo autem Martyr. non Pont. leguntur quæ inferius positæ sunt in Communi plurim. Mart. [37]

De Actibus Apostolorum.

Lectio i. Cap. 20. d.



Miléo Paulus mittens Ephesum, vocávit majóres natu Ecclésiæ. Qui cum venissent ad eum, et simul essent, dixit eis: Vos scitis a prima die, qua ingressus sum in Asiam, quáliter vobiscum per omne tempus fúerim, sérvians Dómino cum omni humilitáte, et lácrimis, et tentationibus, quæ mihi acciderunt ex insídiis Judæórum: quómodo nihil subtráxerim utilium, quo minus annuntiárem vobis, et docérem vos públice, et per domos, testificans Judæis, atque Gentilibus in Deum pœniténtiam, et fidem in Dóminum nostrum Jesum Christum. Et nunc ecce alligátus ego spírítu, vado in Jerúsalem: quæ in ea ventúra sint mihi, ignórans: nisi quod Spírítus sanctus per omnes civitátes mihi protestátur, dicens: quóniam víncula et tribulationes Jerosólymis me manent. Sed nihil horum véreor: nec fácio ánimam meam pretiosiórem quam me, dúmodo consúmmem cursum meum, et ministérium verbi, quod accépi a Dómino Jesu, testificári Evangélium grátiae Dei.

R. Iste sanctus pro lege Dei sui certávit usque ad mortem, et a verbis impiórum non tímuit: * Fundátus enim erat supra firmam petram. V. Iste est qui contémpsit

vitam mundi, et pervénit ad cœlestia regna. Fundátus.

Bened. Unigénitus Dei Fílius.

Lectio ii.

Et nunc ecce ego scio quia amplius non vidébitis faciē meam vos omnes, per quos transívi prædicans regnum Dei. Quaprop-pter contéstor vos hodierna die, quia mundus sum a ságuine ómnium. Non enim subterfúgi quóminus annuntiárem omne consílium Dei vobis. Atténdite vobis, et univérso gregi, in quo vos Spíritus sanctus pósuit episcopos régere Ecclesiā Dei, quam acquisívit ságuine suo. Ego scio quóniam intrábunt post discessiónem meam lupi rapáces in vos, non parcētes gregi. Et ex vobis ipsis exsúrgent viri loquētes perversa, ut abdúcant discipulos post se. Propter quod vigiláte memória retinētes: quóniam per triénnum nocte et die non cessávi, cum lácrimis monens unumquémque vestrum.

R. Justus germinábit sicut lílum: * Et florébit in ætérnum ante Dóminum. V. Plantátus in domo Dómini, in átriis domus Dei nostri. Et.

Bened. Spíritus sancti grátia.

Lectio iii.

Et nunc comméndo vos Deo, et verbo grátiae ipsíus, qui potens est ædificáre, et dare hæreditatem in sanctificátis ómnibus. Argéntum et aurum, aut vestem nullíus concupívi, sicut ipsi scitis: quóniam ad ea, quæ mihi opus erant, et his qui mecum sunt, ministravérunt manus istæ. Omnia osténdi vobis, quóniam sic labo-

rantes, opórtet suscípere infirmos, ac meminísse verbi Dómini Jesu, quóniam ipse dixit: Beátius est magis dare, quam accípere. Et cum hæc dixisset, pósitis génibus suis orávit cum ómnibus illis. Magnus autem fletus factus est ómnium: et procumbētes super collum Pauli, osculabántur eum, dolētes máxime in verbo, quod díxerat, quóniam ámplius faciē ejus non essent visúri. Et deducébant eum ad navem.

R. Iste cognóvit justítiam, et vidit mirabília magna, et exorávit Altíssimum: * Et invéntus est in número sanctórum. V. Iste est qui contempsit vitam mundi, et pervénit ad cœlestia regna. Et. Glória Patri. Et.

In II. Nocturno.

Ant. Fílii hóminum * scitóte quia Dñs sanctum suum mirificávit.

Psalmus 4.

Cum invocárem exaudivit me Deus justítiæ meæ: * in tribulatione dilatásti mihi.

Miserére mei, * et exaúdi orationem meam.

Fílii hóminum úsquequo gravi corde? * ut quid dilígitis vanitatem, et quæritis mendácium?

Et scitóte quóniam mirificávit Dóminus sanctum suum: * Dóminus exaúdiet me cum clamávero ad eum.

Irascimini, et nolíte peccáre: * quæ dicitis in córdibus vestris, in cubilibus vestris compungimini.

Sacrificáte sacrificium justítiæ, et speráte in Dómino. * Multi dicunt: Quis osténdit nobis bona?

Signátum est super nos lumen

vultus tui Dómine: * dedísti lætítiam in corde meo.

A fructu fruménti, vini, et ólei sui * multiplicátí sunt.

In pace in idípsum * dórmiam, et requiéscam;

Quóniam tu Dómine singuláríter in spe * constituísti me.

Ant. Fílii hóminum scitóte quia Dñs sanctum suum mirificávit.

Ant. Scuto bonæ voluntátis * tuæ coronásti eum Dómine.

Psalmus 5.

Verba mea aúribus pércipe Dómine, * intéllege clamórem meum.

Inténde voci oratiónis meæ, * Rex meus et Deus meus.

Quóniam ad te orábo: * Dómine mane exaúdiēs vocem meam.

Mane astábo tibi et vidébo: * quóniam non Deus volens iniquitátem tu es.

Neque habitábit iuxta te malignus: * neque permanébunt injústi ante óculos tuos.

Odísti omnes, qui operántur iniquitátem: * perdes omnes, qui loquúntur mendácium.

Virum sánguinem et dolósum abominábitur Dóminus: * ego autem in multitúdine misericórdiæ tuæ.

Introíbo in domum tuam: * adorábo ad templum sanctum tuum in timóre tuo.

Dómine deduc me in justítia tua: * propter inimícos meos dírige in conspéctu tuo viam meam.

Quóniam non est in ore eórum véritas: * cor eórum vanum est.

Sepúlchrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multitúdinem impietátum eórum expélle eos, * quóniam irritavérunt te Dómine.

Et læténtur omnes, qui sperant in te, * in ætérnum exsultábunt: et habitábis in eis.

Et gloriabúntur in te omnes, qui díligunt nomen tuum, * quóniam tu benedíces justo.

Dómine, ut scuto bonæ voluntátis tuæ * coronásti nos.

Ant. Scuto bonæ voluntátis tuæ coronásti eum Dómine.

Ant. In univérsta terra * glória et honóre coronásti eum.

Psalmus 8.

Dómine Dóminus noster, * quam admirábile est nomen tuum in univérsta terra!

Quóniam eleváta est magnificéntia tua, * super cœlos.

Ex ore infántium et lacténtium perfecísti laudem propter inimícos tuos, * ut déstruas inimícum et ultórem.

Quóniam vidébo cœlos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérsas: ínsuper et pécora campi.

Vólucres cœli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsta terra!

Ant. In univérſa terra glória et honóre coronáſti eum.

Ÿ. Posuíſti Dñe ſuper caput ejus.

R. Coronam de lápide pretioſo.

Pater noster.

Absolutio. Ipſíus píetas.

Ÿ. Jube domne benedicere.

Bened. Deus Pater omnípotens.

Sermo ſancti Auguſtíni Epíſcopi.

Serm. 44. de Sanctis.

Lectio iv.

Triumphális beáti Mártiris N. dies hódie nobis anniverſária celebritáte recúrrit: cujus glorificatióni ſicut congáudet Eccléſia, ſic ejus propónit ſequénda veſtigia. Si enim compátimur, et conglorificábimur. In cujus glorióſo agóne duo nobis præcípuè conſideránda ſunt: induráta vidélicet tortóris ſævítia, et Mártiris invícta patiéntia. Sævítia tortóris, ut eam detestémur: patiéntia Mártiris, ut eam imitémur. Audi Pſalmíſtam advérſus malítiam increpántem: Noli æmulári in malignántibus: quóniam tamquam fœnum velóciter aréſcent. Quod autem advérſus malignántes patiéntia exhibénda ſit, audi Apóſtolum ſuadéntem: Patiéntia vobis neceſſária eſt, ut reportétis promiſſiónes.

R. Honéſtum fecit illum Dóminus, et cuſtodívit eum ab inimícis, et a ſeductóribus tutávit illum: * Et dedit illi claritátem ætérnam. Ÿ. Descendítque cum illo in fóveam, et in vínculis non derelíquit eum. Et.

Bened. Chriſtus perpétuæ.

Lectio v.

Coronáta itaque eſt beáti Mártiris patiéntia: mancipáta eſt ætérnis cruciátibus tortóris incorré-

cta malítia. Hoc atténdens in agóne ſuo glorióſus Chriſti athléta, non exhórruit cárcerem. Ad imitatió-nem cápitis ſui tolerávit probra, ſuſtínuit irríſiónes, flagélla non tí-muit: et quot ante mortem pro Chriſto pértulit ſupplícia, tot ei de ſe óbtulit ſacrificia. Quod enim propinánte Apóſtolo bíberat, alte retinébat: Quia non ſunt condígnæ paſſiónes hujus témporis ad futúram glóriam, quæ revelábitur in nobis. Et quia momentáneum hoc et leve noſtræ tribulatiónis, ætérnum glóriæ pondus operátur in cœlis. Hujus promiſſiónis amóre a terrénis ſuſpénſus, et præguſtáta ſupérnæ ſuavitátis dulcédine ineffabíliter afféctus, dicébat cum Pſalmíſta: Quid mihi eſt in cœlo, et a te quid vólui ſuper terram? Defécit caro mea et cor meum: Deus cordis mei, et pars mea Deus in ætérnum.

R. Deſidérium ánimæ ejus tri-buíſti ei Dómine, * Et voluntáte labiórur ejus non fraudáſti eum. Ÿ. Quóniam præveníſti eum in benedictiónibus dulcédinis: poſuíſti in cápíte ejus coronam de lápide pretioſo. Et.

Bened. Ignem ſui amóris.

Lectio vi.

Contemplabátur enim quantum in ænígmate infirmitas humána óculum mentis in æternitáte figere poſteſt, quanta ſint ſupérnæ civitátis gaúdia: et ea enarráre non ſufficiens, admirándo clamábat: Quid mihi eſt in cœlo? Quasi dí-ceret: Excédit vires meas, excédit facultátem eloquéntiæ meæ, tranſcéndit capacitátem intelligéntiæ meæ illud decus, illa glória, illa

celsitúdo, qua nobis, a conturbatióne hóminum remóti, in abscondito faciúi suæ Jesus Christus Dóminus noster reformábit corpus humilitátis nostræ, configurátum córpori claritátis suæ. Hujus perfectæ libertátis contemplatióne nullum vitábat perículum, nullum horrébat supplicium: et si millies posset mori, non putábat se hanc digne posse áliqua ratióne promereri.

R. Stola jucunditátis induit eum Dóminus: * Et coronam pulchritúdinis pósuit super caput ejus. V. Cibávit illum Dóminus pane vitæ et intelléctus: et aqua sapiéntiæ salutáris potávit illum. Et. Glória Patri. Et.

In III. Nocturno.

Ant. Justus Dóminus, * et justitiam diléxit: æquitátem vidit vultus ejus.

Psalmus 10.

In Dómino confido: quómodo dicitis ánimæ meæ: * Transmígra in montem sicut passer?

Quóniam ecce peccatóres intenderunt arcum, paraverunt sagittas suas in pháretra, * ut sagittent in obscúro rectos corde.

Quóniam quæ perfecisti, destruxerunt: * justus autem quid fecit?

Dóminus in templo sancto suo, * Dóminus in cœlo sedes ejus:

Oculi ejus in pauperem respiciunt: * pálpebræ ejus intérogant filios hóminum.

Dóminus intérogat justum et ímpium: * qui autem diligit iniquitátem, odit ánimam suam.

Pluet super peccatóres láqueos: * ignis, et sulphur, et spíritus procellárum pars cálicis eórum.

Quóniam justus Dóminus, et justitias diléxit: * æquitátem vidit vultus ejus.

Ant. Justus Dóminus, et justitiam diléxit: æquitátem vidit vultus ejus.

Ant. Habitábit * in tabernáculo tuo: requiescet in monte sancto tuo.

Psalmus 14.

Dómine quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justitiam:

Qui lóquitur veritátem in corde suo, * qui non egit dolum in lingua sua:

Nec fecit próximo suo malum, * et oppróbrium non accépit adversus próximos suos.

Ad níhilum dedúctus est in conspéctu ejus malignus: * timéntes autem Dóminum glorificat:

Qui jurat próximo suo, et non decipit, * qui pecúniam suam non dedit ad usúram, et múnera super innocentem non accépit.

Qui facit hæc, * non movébitur in ætérnum.

Ant. Habitábit in tabernáculo tuo: requiescet in monte sancto tuo.

Ant. Posuisti Dómine * super caput ejus coronam de lápide pretiósio.

Psalmus 20.

Dómine in virtúte tua lætábitur rex: * et super salutáre tuum exsultábit veheménter.

Desidérium cordis ejus tribuisti ei: * et voluntáte labiórú ejus non fraudásti eum.

Quóniam prævenisti eum in be-

nedictionibus dulcedinis: * posuisti in capite ejus coronam de lapide pretioso.

Vitam petiit a te: * et tribuisti ei longitudinem dierum in saeculum, et in saeculum saeculi.

Magna est gloria ejus in salutari tuo: * gloriam et magnum decorem impones super eum.

Quoniam dabis eum in benedictionem in saeculum saeculi: * laetificabis eum in gaudio cum vultu tuo.

Quoniam rex sperat in Domino: * et in misericordia Altissimi non commovebitur.

Inveniatur manus tua omnibus inimicis tuis: * dextera tua inveniat omnes, qui te oderunt.

Pones eos ut clibanum ignis in tempore vultus tui: * Dominus in ira sua conturbabit eos, et devorabit eos ignis.

Fructum eorum de terra perdes: * et semen eorum a filiis hominum.

Quoniam declinaverunt in te mala: * cogitaverunt consilia, quae non potuerunt stabilire.

Quoniam pones eos dorsum: * in reliquiis tuis praeparabis vultum eorum.

Exaltare Domine in virtute tua: * cantabimus et psallamus virtutes tuas.

Ant. Posuisti Domine super caput ejus coronam de lapide pretioso.

℣. Magna est gloria ejus in salutari tuo. R. Gloriam et magnum decorem impones super eum.

Pater noster.

Absolutio. A vinculis.

℣. Jube domne benedicere.

Bened. Evangelica lectio.

Lectio sancti Evangelii secundum Lucam.

Lectio vii. Cap. 14. f.

In illo tempore: Dixit Jesus turbis: Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Et reliqua.

Homilia S. Gregorii Papae.

Homil. 37. in Evangelia.

Si consideremus, fratres carissimi, quae et quanta sunt, quae nobis promittuntur in caelis, vilescunt animo omnia quae habentur in terris. Terrænamque substantia supernae felicitati comparata, pondus est, non subsidium. Temporalis vita aeternae vitae comparata, mors est potius dicenda quam vita. Ipse enim quotidianus defectus corruptionis quid est aliud, quam quaedam prolixitas mortis? Quae autem lingua dicere, vel quis intellectus capere sufficit, illa supernae civitatis quanta sint gaudia; Angelorum choris interesse, cum beatissimis spiritibus gloriae conditoris assistere, praesentem Dei vultum cernere, incircumscriptum lumen videre, nullo mortis metu affici, incorruptionis perpetuae munere laetari?

R. Corona aurea super caput ejus, * Expressa signo sanctitatis, gloria honoris, et opus fortitudinis. ℣. Quoniam praevenisti eum in benedictionibus dulcedinis, posuisti in capite ejus coronam de lapide pretioso. Expressa.

Bened. Cujus festum colimus.

Lectio viii.

Sed ad hæc audita inardescit animus, jamque illic cupit assistere, ubi se sperat sine fine gaudere. Sed ad magna præmia perveniri non potest, nisi per magnos labores. Unde et Paulus egregius prædicator dicit: Non coronabitur, nisi qui legitime certaverit. Delictat ergo mentem magnitudo præmiorum, sed non deterrere certamen laborum. Unde ad se venientibus Veritas dicit: Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus.

R. Hic est vere Martyr, qui pro Christi nomine sanguinem suum fudit: * Qui minas iudicium non timuit, nec terrænæ dignitatis gloriam quæsit, sed ad cœlestia regna pervenit. V. Justum deduxit Dominus per vias rectas, et ostendit illi regnum Dei. Qui. Glória Patri. Qui.

Sequens R. dicitur ultimo loco in festis sex Ss. Martyrum Pontificum Eusebii, Marcelli, Joannis, Silverii, Martini, et Pontiani.

R. Domine prævenisti eum in benedictionibus dulcedinis: * Posuisti in capite ejus coronam de lapide pretioso. V. Vitam petiit a te, et tribuisti ei longitudinem dierum in sæculum sæculi. Posuisti. Glória Patri. Posuisti.

Bened. Ad societatem.

Lectio ix.

Sed percontari libet, quomodo parentes, et carnaliter propinquos præcipimur odisse, qui jubemur et inimicos diligere? Et certe

Veritas de uxore dicit: Quod Deus conjunxit, homo non separet. Et Paulus ait: Viri, diligite uxores vestras, sicut et Christus Ecclesiam. Ecce, discipulus uxorem diligendam prædicat, cum magister dicat: Qui uxorem non odit, non potest meus esse discipulus. Numquid aliud iudex nuntiat, aliud præco clamat? An simul et odisse possumus, et diligere? Sed si vim præcepti perpéndimus, utrumque agere per discretiónem valémus: ut uxorem, et eos, qui nobis carnis cognatione conjuncti sunt, et quos próximos nóvimus, diligámus; et quos adversarios in via Dei patimur, odiendo et fugiendo nesciámus.

Te Deum laudámus. 14.

Ad Laudes

et per Horas.

Ant. 1. Qui me confessus fuerit * coram hominibus, confitebor et ego eum coram Patre meo.

Ps. Dominus regnavit. 15.

2. Qui sequitur me, * non ambulat in tenebris, sed habebit lumen vitæ, dicit Dominus.

3. Qui mihi ministrat, * me sequatur: et ubi ego sum, illic sit et minister meus.

4. Si quis mihi ministraverit, * honorificabit eum Pater meus, qui est in cœlis, dicit Dominus.

5. Volo Pater, * ut ubi ego sum, illic sit et minister meus.

Capitulum.

Jac. 1. b.

Beatus vir, qui suffert tentationem: quoniam cum probatus fuerit, accipiet coronam vitæ, quam repromisit Deus diligentibus se.

Hymnus.

Invicte Martyr, únicum
Patris secútus Fílium,
Victis triúmphas hóstibus,
Victor fruens cœléstibus.

Tui precátus múnere
Nostrum reátum díluë,
Arcens mali contágium,
Vitæ repéllens tædium.

Solúta sunt jam víncula
Tui sacráti córporis:
Nos solve vinclis sœculi,
Dono supérni Núminis.

Deo Patri sit glória,
Ejúsque soli Fílio,
Cum Spírítu Paráclito,
Nunc, et per omne sœculum.
Amen.

Ÿ. Justus ut palma florébit.
R. Sicut cedrus Líbani multipli-
cábitur.

Ad Bened. Ant. Qui odit * áni-
mam suam in hoc mundo, in vitam
ætérrnam custódit eam.

Pro Martyre et Pontifice.

Oratio.

Infirmítatem nostram réspice o-
mnípotens Deus: et quia pon-
dus próprie actióis gravat, beáti
N. Mártiris tui atque Pontíficis in-
tercésio gloriósa nos prótegat.
Per Dóminum nostrum.

Alia Oratio.

Deus, qui nos beáti N. Mártiris
tui atque Pontíficis ánnua so-
lemnitate lætíficas: concéde propí-
tius; ut cujus natalítia cólimus, de
ejúsdem étiam protectióne gaudeá-
mus. Per Dóminum nostrum.

Pro Martyre tantum. Oratio.

Præsta quæsumus omnípotens
Deus: ut qui beáti N. Mártiris

tui natalítia cólimus, intercessióne
ejus in tui nóminis amóre roboré-
mur. Per Dóminum nostrum.

Alia Oratio.

Præsta quæsumus omnípotens
Deus: ut intercedente beáto N.
Mártire tuo, et a cunctis adversi-
tátibus liberémur in córpore, et a
pravis cogitátionibus mundémur
in mente. Per Dóminum nostrum.

Ad Tertiam.

Ant. Qui séquitur me.

Capit. Beátus vir. ut supra. [29]

R. br. Glória et honóre * Coro-
násti eum Dómine. Glória et. Ÿ. Et
constituísti eum super ópera má-
num tuárum. Coronásti. Glória
Patri. Glória et.

Ÿ. Posuísti Dómine super caput
ejus. R. Coronam de lápide pre-
tíoso.

Ad Sextam.

Ant. Qui mihi minístrat.

Capitulum. Eccli. 15.

Cibávit illum pane vitæ et intel-
léctus, et aqua sapiéntiæ salu-
táris potávit illum Dóminus Deus
noster.

R. br. Posuísti Dómine * Super
caput ejus. Posuísti. Ÿ. Coronam
de lápide pretíoso. Super. Glória
Patri. Posuísti.

Ÿ. Magna est glória ejus in salu-
tári tuo. R. Glóriam et magnum
decórem impónes super eum.

Ad Nonam.

Ant. Volo Pater.

Capitulum. Eccli. 39.

Justus cor suum trádídít ad vigi-
lándum dilúculo ad Dóminum,
qui fecit illum, et in conspéctu
Altíssimi deprecábitur.

R. br. Magna est glória ejus *
In salutári tuo. Magna. V. Gló-
riam et magnum decórem impo-
nes super eum. In. Glória Patri.
Magna.

V. Justus ut palma florébit.
R. Sicut cedrus Líbani multipli-
cábitur.

In II. Vesperis.

Antiphonæ de Laudibus. [29]

Psalmi ut in I. Vesperis de Com-
muni Apost. [2] et loco ultimi

Psalmus 115.

Crédidi, propter quod locútus
sum: * ego autem humiliátus
sum nimis.

Ego dixi in excéssu meo: * O-
mnis homo mendax.

Quid retríbuam Dómino, * pro
ómnibus, quæ retríbuit mihi?

Cálicem salutáris accípiam: * et
nomen Dómini invocábo.

Vota mea Dómino reddam co-
ram omni pópulo ejus: * pretiósa
in conspéctu Dómini mors sanctó-
rum ejus:

O Dómine quia ego servus tuus:
* ego servus tuus, et filius ancillæ
tuæ.

Dirupísti víncula mea: * tibi sa-
crificábo hóstiam laudis, et nomen
Dómini invocábo.

Vota mea Dómino reddam in
conspéctu omnis pópuli ejus: *
in átriis domus Dómini, in médio
tui Jerúsalem.

Capitulum.

Jac. 1. b.

Beátus vir, qui suffert tentatió-
nem: quóniam cum probátus
fúerit, accípiet coronam vitæ, quam
repromísit Deus diligentibus se.

Hymnus.

Deus tuórum militum
Sors, et coróna, præmium,
Laudes canéntes Mártyris
Absólve nexu críminis.

Hic nempe mundi gaúdia,
Et blanda fraudum pábula
Imbúta felle députans,
Pervénit ad cœléstia.

Pœnas cucúrrit fórtiter,
Et sústulit viríliter,
Fundénsque pro te sánguinem,
Ætérna dona póssidet.

Ob hoc precátu súplici
Te póscimus, piíssime;
In hoc triúmpho Mártyris
Dimítte noxam sérvulis.

Laus et perénnis glória
Patri sit, atque Filio,
Sancto simul Paráclito,
In sempitérna sácula. Amen.

V. Justus ut palma florébit.
R. Sicut cedrus Líbani multipli-
cábitur.

Ad Magnif. Ant. Qui vult veníre
post me, * ábneget semetípsum,
et tollat crucem suam, et sequá-
tur me.

Aliæ Lectiones

pro uno Martyre.

In II. Nocturno.

De Expositione S. Ambrósii Epí-
scopi in Psalmum centésimum
décimum octávum.

Lectio iv.

Sermone 21.

Príncipes persecúti sunt me
gratis: et a verbis tuis trepi-
dávit cor meum. Bene hoc
Martyr dicit, quod injúste perse-

cutiónum torménta sustíneat: qui nihil rapúerit, nullum violéntus opprèsserit, nullius sánguinem fúderit, nullius torum putáverit esse violándum: qui nihil légibus débeat, et gravióra latrónum sustinére cogátur supplicia: qui loquátur juste, et non audiátur: qui loquátur plena salútis, et impugnétur: ut possit dícere, Cum loquébar illis, impugnábant me gratis. Gratis ígitur persecutióem pátitur, qui impugnátur sine crimine: impugnátur ut nóxius, cum sit in tali confessiõe laudábilis: impugnátur quasi venéficus, qui in nómine Dómini gloriátur, cum píetas virtútum ómnium fundaméntum sit.

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérrnam. V. Descendítque cum illo in fóveam, et in vínculis non derelíquit eum. Et dedit illi.

Lectio v.

Vere frustra impugnátur, qui apud ímpios et infídos impietátis arcéssitur, cum fidei sit magíster. Verum qui gratis impugnátur, fortis debet esse et constans. Quómodo ergo subtéxit: Et a verbis tuis trepidávit cor meum? Trepidáre infirmitátis est, timóris atque formídinis. Sed est étiam infirmitas ad salútem, est étiam timor sanctórum. Timéte Dóminum, omnes sancti ejus: et, Beátus vir, qui timet Dóminum. Qua ratiõe beátus? Quia in mandátis ejus cupit nimis.

R. Desidérium ánimæ ejus tribuísti ei Dómine, * Et voluntáte labiórú ejus non fraudásti eum. V. Quóniam prævenísti eum in benedictiõibus dulcédinis: posuísti in cápíte ejus corónam de lápide pretiósó. Et.

Lectio vi.

Pone ergo Mártýrem inter perícúla constitútum, cum inde immánitas bestiárú ad incutiéndum terrórem ínfremat, aliúnde stridor candéntium laminárú, et flamma fornácis ardéntis exæstuet, ex parte ália pèrsonent tractus grávium catenárú, hinc cárnifex crudéntus assístat: pone, inquam, circumspectántem ómnia plena suppliciis, deínde cogitántem mandáta divína, illum ignem perpétuum, illud sine fine incéndium perfidórum, illam poenæ recrudescéntis ærúmnæ: trepidáre corde, ne, dum præsentibus cedat, perpétuis se dedat exítiis: perturbári ánimó, dum futúri judícii rhomphæam illam terríbilem quadam conspéctus spécie contuétur. Nonne ad hanc trepidatióem fidúciæ viri constántis, æquális in eúmdem concúrrit effectum confidéntia cupiéntis ætérrna, et divína trepidántis?

R. Stola jucunditátis. [27]

In III. Nocturno.

Léctio sancti Evangélii secúndum Matthæum.

Lectio vii. Cap. 16. d.

In illo témpore: Dixit Jesus discípulis suis: Si quis vult post me veníre, ábneget semetípsum, et tollat crucem suam, et sequátur me. Et réliqua.

Homilia S. Gregorii Papæ.

Homil. 32. in Evang.

Quia Dóminus ac Redemptor noster novus homo venit in mundum, nova præcepta dedit mundo. Vitæ etenim nostræ veteri in vitiis enutritæ contrarietatem opposuit novitatis suæ. Quid enim vetus, quid carnalis homo nóverat, nisi sua retinere, aliéna rapere, si posset; concupiscere, si non posset? Sed cœlestis medicus singulis quibúsque vitiis obviántia adhibet medicaménta. Nam sicut arte medicinæ cálida frigidis, frígida cálidis curántur: ita Dóminus noster contrária opposuit medicaménta peccátis, ut lúbricis continentiam, tenácibus largitatem, iracúndis mansuetúdinem, elátis præcíperet humilitatem.

R. Coróna aúrea super caput ejus, * Expressa signo sanctitátis, glória honóris, et opus fortitúdinis. V. Quóniam prævenísti eum in benedictionibus dulcédinis, posuísti in cápite ejus corónam de lápide pretióso. Expressa.

Lectio viii.

Certe cum se sequéntibus nova mandata propóneret, dixit: Nisi quis renuntiáverit ómnibus quæ pössidet, non potest meus esse discipulus. Ac si apérte dicat: Qui per vitam véterem aliéna concupiscitis, per novæ conversatiónis stúdiu et vestra largímini. Quid vero in hac lectione dicat, audiámus: Qui vult post me veníre, abneget semetípsum. Ibi dicitur, ut abnegémus nostra: hic dicitur, ut abnegémus nos. Et fortásse laboriósu non est hómini relin-

quere sua; sed valde laboriósu est relinquare semetípsum. Minus quippe est abnegáre quod habet: valde autem multu est abnegáre quod est.

R. Hic est vere Martyr, qui pro Christi nómine sánguinem suu fudit: * Qui minas júdicu non tímuit, nec terrénæ dignitátis glóriam quæsívit, sed ad cœlestia regna pervénit. V. Justu dedúxit Dóminus per vias rectas, et osténdit illi regnu Dei. Qui. Glória Patri. Qui.

Lectio ix.

Ad se autem nobis veniéntibus Dóminus præcepit, ut renuntiémus nostris: quia quicúmque ad fidei agónem venímus, luctámen contra malignos spíritus súmimus. Nihil autem maligni spíritus in hoc mundo própriu pössident: nudi ergo cum nudis luctári debémus. Nam si vestítus quisque cum nudo luctátur, cítius ad terram dejícitur, quia habet unde teneátur. Quid enim sunt terréna ómnia, nisi quædam córporis induménta? Qui ergo contra diábolu ad certámen próperat, vestiménta abjíciat, ne succúmbat.

Te Deu laudámus. 14.

III. Alia Homilia.

Lectio sancti Evangélii secúndu Matthæu.

Lectio vii. Cap. 10. c.

In illo témpore: Dixit Jesus discipulis suis: Nihil est opértu, quod non revelábitur; et occúltu, quod non sciétur. Et réliqua.

Homilia sancti Hilarii Episcopi.

Comment. in Matthæum, can. 10. post medium.

Dominus diem iudicii ostendit, quæ abstrusam voluntatis nostræ conscientiam prodebet: et ea quæ nunc occulta existimantur, luce cognitionis publicæ debeat. Igitur non minas, non consilia, non potestates insectantium monet esse metuendas: quia dies iudicii nulla hæc fuisse, atque inania revelabit. Et quod dico vobis in tenebris, dicite in lumine: et quod in aure auditis, prædicæ super tecta. Non legimus Dominum solitum fuisse noctibus sermocinari, et doctrinam in tenebris tradidisse: sed quia omnis sermo ejus carnalibus tenebræ sunt, et verbum ejus infidelibus nox est.

R. Coróna aúrea super caput ejus: * Expressa signo sanctitatis, glória honóris, et opus fortitudinis. V. Quóniam prævenisti eum in benedictionibus dulcedinis, posuisti in capite ejus corónam de lapide pretioso. Expressa.

Lectio viii.

Itaque id quod a se dictum est, cum libertate fidei et confessionis vult esse loquendum. Idcirco quæ in tenebris dicta sunt prædicari jussit in lumine: ut quæ secreto aurium commissa sunt, super tecta, id est, excelsio loquentium præconio audiantur. Constantè enim Dei ingerenda cognitio est, et profundum doctrinæ


evangelicæ secretum in lumine prædicationis apostolicæ revelandum: non timentes eos, quibus cum sit licentia in corpora, tamen in animam jus nullum est: sed timentes potius Deum, cui perdenda in gehenna et animæ et corporis sit potestas.

R. Hic est vere Martyr, qui pro Christi nomine sanguinem suum fudit: * Qui minas iudicum non timuit, nec terrænæ dignitatis gloriam quæsivit, sed ad cœlestia regna pervenit. V. Justum deduxit Dominus per vias rectas, et ostendit illi regnum Dei. Qui. Glória Patri. Qui.

Lectio ix.

Nolite timere eos qui occidunt corpus. Nullus igitur corporum nostrorum casus est pertimescendus, neque ullus interimenda carnis admittendus est dolor: quando pro naturæ suæ atque originis conditione resoluta, in substantiam spiritualis animæ refundatur. Et quia doctrinis talibus confirmatos oportet liberam confitendi Dei habere constantiam, etiam conditionem, qua teneremur, adjecit: negaturum se eum Patri in cœlis, qui se hominibus in terra negasset: eum porro qui confessus coram hominibus se fuisset, a se in cœlis confitendum: qualésque nos nominis sui testes hominibus fuissimus, tali nos apud Deum Patrem testimonio ejus usuros.

Te Deum laudamus. 14.



COMMUNE PLURIMORUM MARTYRUM.

In I. Vesperis.

Antiphonæ de Laudibus. [44]

Psalmi ut in I. Vesperis de Communi Apostolorum. [2]

Capitulum.

Sap. 3.

Justorum animæ in manu Dei sunt, et non tanget illos tormentum mortis. Visi sunt oculis insipientium mori: illi autem sunt in pace.

Hymnus.

Sanctorum méritis ínclýta gáudia
Pangámus sócii, géstaque fórtia:

Gliscens fert ánimus prómere
cántibus

Victórum genus óptimum.

Hi sunt, quos fáture mundus ab-
hórruit;

Hunc fructu vácuum, flóribus
áridum

Contempsére tui nóminis ás-
seclæ

Jesu Rex bone cóelitum.

Hi pro te fúrias, atque minas truces
Calcárunť hómínũ, sævaque
vérbera:

His cessit lácerans fórtiter ún-
gula,

Nec carpsit penetrália.

Cædúntur gládiis more bidéntium:
Non murmur résonat, non que-
rimónia;

Sed corde impávido mens bene
cónschia

Consérvat patiéntiam.

Quæ vox, quæ póterit lingua reté-
xere,

Quæ tu Martýribus múnera præ-
paras?

Rubri nam flúido sángine fúl-
gidis

Cingunt témpora laúreis.

Te summa o Déitas, únaque pó-
scimus;

Utculpas ábigas, nóxia súbtrahas,
Des pacem fámulis, ut tibi gló-
riam

Annórum in sériem canant.

Amen.

V. Lætámini in Dómino, et exsultáte justi. R. Et gloriámini omnes recti corde.

Ad Magnif. Ant. Istórum est enim * regnum cœlórum, qui contempsérunt vitam mundi, et pervenérunt ad præmia regni, et laverunt stolas suas in ságuine Agni.

Pro pluribus Mart. Pont.

Oratio.

Beatórum Mártyrum paritérque Pontíficum N. et N. nos, quæsumus Dómine, festa tueántur: et eórum comméndet orátio veneránda. Per Dóminum nostrum.

Si non fuerint Pontifices.

Oratio.

Deus, qui nos concédís sanctórum Mártyrum tuórum N. et N. natalítia cólere: da nobis in ætérna beatitúdine de eórum societáte gaudére. Per Dóminum nostrum.

Alia Oratio.

Deus, qui nos ánnua sanctórum Mártyrum tuórum N. et N. solemnitáte lætíficas: concéde propítius; ut quorum gaudémus méritis, accendámur exémpis. Per Dñm.

Ad Matutinum.

Invit. Regem Mártyrum Dóminum, * Veníte adorémus.

Ps. Veníte, exsultémus. 2.

Hymnus.

Christo profúsum sánguinem,
Et Mártyrum victórias,
Dignámque cœlo laúream
Lætis sequámur vóciis.
Terróre victo sæculi,
Pœnisque spretis córporis,
Mortis sacræ compéndio
Vitam beátam pössident.

Tradúntur igni Mártyres,
Et bestiárum déntibus:
Armáta sævit úngulis
Tortóris insáni manus.

Nudáta pendent víscera,
Sanguis sacrátus fúnditur:
Sed pérmanent immóbiles
Vitæ perénis grátia.

Te nunc Redémptor quæsumus,
Ut Mártyrum consórtio
Jungas precántes sérvulos
In sempitérna sœcula. Amen.

In I. Nocturno.

Ant. Secus decúrsus aquárum *
plantávit víneam justórum, et in
lege Dómini fuit volúntas eórum.

Psalmus 1.

Beatús vir, qui non ábiit in consílio impiórum, et in via peccatórum non stetit, * et in cáthedra pestiléntiæ non sedit:

Sed in lege Dómini volúntas ejus, * et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, * quod fructum suum dabit in témpore suo:

Et fólium ejus non défluet: * et ómnia quæcúmque fáciat, prosperabúntur.

Non sic ímpii, non sic: * sed tamquam pulvis, quem prójicit ventus a fácie terræ.

Ideo non resúrgent ímpii in júdicio: * neque peccatóres in concílio justórum.

Quóniam novit Dóminus viam justórum: * et iter impiórum peribit.

Ant. Secus decúrsus aquárum plantávit víneam justórum, et in lege Dómini fuit volúntas eórum.

Ant. Tamquam aurum * in fornace probavit electos Dominus: et quasi holocausta accepit eos in æternum.

Psalmus 2.

Quare fremuerunt Gentes, * et populi meditati sunt inania?

Astiterunt reges terræ, et principes convenērunt in unum * adversus Dominum, et adversus Christum ejus.

Dirumpamus vincula eorum: * et projiciamus a nobis jugum ipsorum.

Qui habitat in coelis, iridebit eos: * et Dominus subsannabit eos.

Tunc loquetur ad eos in ira sua, * et in furore suo conturbabit eos.

Ego autem constitutus sum Rex ab eo super Sion montem sanctum ejus, * prædicans præceptum ejus.

Dominus dixit ad me: * Filius meus es tu, ego hodie genui te.

Postula a me, et dabo tibi Gentes hæreditatem tuam, * et possessionem tuam terminos terræ.

Reges eos in virga ferrea, * et tamquam vas figuli confringes eos.

Et nunc reges intelligite: * erudimini qui iudicatis terram.

Servite Domino in timore: * et exultate ei cum tremore.

Apprehendite disciplinam, nequando irascatur Dominus, * et pereatis de via justa.

Cum exarserit in brevi ira ejus, * beati omnes, qui confidunt in eo.

Ant. Tamquam aurum in fornace probavit electos Dominus: et quasi holocausta accepit eos in æternum.

Ant. Si coram hominibus * tormenta passi sunt, spes electorum est immortalis in æternum.

Psalmus 3.

Domine quid multiplicati sunt qui tribulant me? * multi insurgunt adversum me.

Multi dicunt animæ meæ: * Non est salus ipsi in Deo ejus.

Tu autem Domine susceptor meus es, * gloria mea, et exaltans caput meum.

Voce mea ad Dominum clamavi: * et exaudivit me de monte sancto suo.

Ego dormivi, et soporatus sum: * et exsurrexi, quia Dominus suscepit me.

Non timebo millia populi circumdantis me: * exsurge Domine, salvum me fac, Deus meus.

Quoniam tu percussisti omnes adversantes mihi sine causa: * dentes peccatorum contrivisti.

Domini est salus: * et super populum tuum benedictio tua.

Ant. Si coram hominibus tormenta passi sunt, spes electorum est immortalis in æternum.

Ÿ. Lætamini in Domino, et exultate justi. R. Et gloriâmini omnes recti corde.

Pater noster.

Absolutio. Exaudi Domine.

Ÿ. Jube domne.

Bened. Benedictione perpétua.

De Epistola beati Pauli Apostoli ad Romanos.

Lectio i.

Cap. 8. c.

Iratres: Debitores sumus non carni, ut secundum carnem vivamus. Si enim secundum carnem vixeritis, moriemini: si autem spiritu facta carnis mortificaveritis, vivetis. Quicumque enim spiritu Dei aguntur, ii sunt filii Dei.

Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus: Abba (Pater). Ipse enim Spiritus testimonium reddit spiritui nostro, quod sumus filii Dei. Si autem filii, et haeredes: haeredes quidem Dei, cohæredes autem Christi: si tamen compati-mur, ut et conglorificemur. Existimo enim quod non sunt condignæ passiones hujus temporis ad futuram gloriam, quæ revelabitur in nobis. Nam expectatio creaturæ revelationem filiorum Dei expectat.

R. Abstergat Deus omnem lacerimam ab oculis sanctorum: et jam non erit amplius neque luctus, neque clamor, sed nec ullus dolor: * Quoniam priora transierunt. V. Non esurient, neque sitient amplius, neque cadet super illos sol, neque ullus aestus. Quoniam.

Bened. Unigenitus Dei Filius.

Lectio ii.

Scimus autem quoniam diligentibus Deum omnia cooperantur in bonum, iis, qui secundum propositum vocati sunt sancti. Nam quos praescivit, et praedestinavit conformes fieri imaginis Filii sui, ut sit ipse primogenitus in multis fratribus. Quos autem praedestinavit, hos et vocavit: et quos vocavit, hos et justificavit: quos autem justificavit, illos et glorificavit. Quid ergo dicemus ad hæc? Si Deus pro nobis, quis contra nos? Qui etiam proprio Filio suo non pepercit, sed pro nobis omnibus tradidit illum: quomodo non etiam cum illo omnia nobis donavit? Quis accusabit adversus electos

Dei? Deus qui justificat, quis est qui condemnet? Christus Jesus, qui mortuus est, imo qui et resurrexit, qui est ad dexteram Dei, qui etiam interpellat pro nobis.

R. Viri sancti gloriosum sanguinem fuderunt pro Domino, amaverunt Christum in vita sua, imitati sunt eum in morte sua: * Et ideo coronas triumphales meruerunt. V. Unus spiritus, et una fides erat in eis. Et ideo.

Bened. Spiritus sancti gratia.

Lectio iii.

Quis ergo nos separabit a caritate Christi? tribulatio, an angustia, an fames, an nuditas, an periculum, an persecutio, an gladius? (sicut scriptum est: Quia propter te mortificamur tota die: aestimati sumus sicut oves occisionis.) Sed in his omnibus superamus propter eum, qui dilexit nos. Certus sum enim quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare a caritate Dei, quæ est in Christo Jesu Domino nostro.

R. Tradiderunt corpora sua propter Deum ad supplicia: * Et meruerunt habere coronas perpetuas. V. Isti sunt qui venerunt ex magna tribulatione, et laverunt stolas suas in sanguine Agni. Et. Gloria Patri. Et.

In II. Nocturno.

Ant. Dabo sanctis meis * locum nominatum in regno Patris mei, dicit Dominus.

Psalmus 14.

Dómine quis habitábit in tabernáculo tuo? * aut quis requiescet in monte sancto tuo?

Qui ingréditur sine mácula, * et operátur justítiam:

Qui lóquitur veritátem in corde suo, * qui non egit dolum in lingua sua:

Nec fecit próximo suo malum, * et oppróbrium non accépit advérsus próximos suos.

Ad nihilum dedúctus est in conspéctu ejus malignus: * tímētes autem Dóminum glórficat:

Qui jurat próximo suo, et non decípit, * qui pecúniam suam non dedit ad usúram, et múnēra super innocéntem non accépit:

Qui facit hæc, * non movébitur in ætérnum.

Ant. Dabo sanctis meis locum nominátum in regno Patris mei, dicit Dóminus.

Ant. Sanctis, qui in terra sunt ejus, * mirificávit omnes voluntátes meas inter illos.

Psalmus 15.

Consérva me Dómine, quóniam sperávi in te. * Dixi Dómino: Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicátæ sunt infirmitátes eórum: * póstea acceleravérunt.

Non congregábo conventícula eórum de sanguínibus, * nec memor ero nóminum eórum per lábia mea.

Dóminus pars hæreditátis meæ,

et cálicis mei: * tu es, qui restítues hæreditátem meam mihi.

Funes cecidérunt mihi in præcláris: * étenim hæréditas mea præclára est mihi.

Benedícam Dóminum, qui tríbuit mihi intelléctum: * însuper et usque ad noctem increpuérunt me renes mei.

Providébam Dóminum in conspéctu meo semper: * quóniam a dextris est mihi, ne commóvear.

Propter hoc lætátum est cor meum, et exsultávit lingua mea: * însuper et caro mea requiescet in spe.

Quóniam non derelínques ánimam meam in inférno: * nec dabis sanctum tuum vidére corruptiónem.

Notas mihi fecísti vias vitæ, adimplébis me lætítia cum vultu tuo: * delectatiónes in dextera tua usque in finem.

Ant. Sanctis, qui in terra sunt ejus, mirificávit omnes voluntátes meas inter illos.

Ant. Sancti qui sperant in Dómino, * habébunt fortitúdinem, assúment pennas ut áquilæ, volábunt, et non deficient.

Psalmus 23.

Dómini est terra, et plenitúdo ejus: * orbis terrárum, et universi qui hábitant in eo.

Quia ipse super mária fundávit eum: * et super flúmina præparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano

ánimam suam, nec jurávit in dolo próximo suo.

Hic accípiet benedictiónem a Dómino: * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas príncipes vestras, et elevámini portæ æternáles: * et introíbit Rex glóriæ.

Quis est iste Rex glóriæ? * Dóminus fortis et potens: Dóminus potens in prælio.

Attóllite portas príncipes vestras, et elevámini portæ æternáles: * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Sancti qui sperant in Dómino, habébunt fortitúdinem, asúment pennas ut áquilæ, volábunt, et non deficient.

Ÿ. Exsúltent iusti in conspéctu Dei. R. Et delecténtur in lætítia.

Pater noster.

Absolutio. Ipsíus píetas.

Ÿ. Jube domne.

Bened. Deus Pater omnípotens.

Sermo sancti Augustíni Epíscopi.

Serm. 47. de Sanctis.

Lectio iv.

Quotiescúmque, fratres caríssimi, sanctórum Mártyrum solémnia celebrámus, ita, ipsis intercedéntibus, exspectémus a Dómino cónsequi temporália beneficia, ut ipsos Mártyres imitádo accíperere mereámur æterna. Ab ipsis enim sanctórum Mártyrum in veritáte festivitátum gaúdia celebrántur, qui ipsórum Mártyrum exémpa sequúntur. Solemnitátes

enim Mártyrum exhortatiónes sunt martyriórum: ut imitári non pígeat, quod celebráre deléctat.

R. Sancti tui Dómine mirábile consecúti sunt iter, serviéntes præcéptis tuis, ut inveniréntur illæsi in aquis válidis: * Terra appáruit árida: et in Mari rubro via sine impedímto. Ÿ. Quóniam percússit petrám, et fluxérunt aquæ, et torréntes inundavérunt. Terra.

Bened. Christus perpétuæ.

Lectio v.

Sed nos vólumus gaudére cum sanctis: et tribulatióem mundi nólumus sustinére cum ipsis. Qui enim sanctos Mártyres, in quantum potúerit, imitári nolúerit; ad eórum beatitúdinem non póterit perveníre. Sed et Paulus Apóstolus prædicat, dicens: Si fuérimus sócii passiónum, érimus et consolatiónum. Et Dóminus in Evan-gélio: Si mundus vos odit, scitóte quia me priórem vobis ódio hábuit. Recúsat esse in córpore, qui ódium non vult sustinére cum cápite.

R. Vérbera carníficum non timuérunť sancti Dei, moriéntes pro Christi nómine: * Ut hærédes ficerent in domo Dómini. Ÿ. Tradidérunt córpora sua propter Deum ad supplícia. Ut.

Bened. Ignem sui amóris.

Lectio vi.

Sed dicit áliquis: Et quis est qui possit beatórum Mártyrum vestígia sequi? Huic ego respóndeo, quia non solum Mártyres, sed étiam ipsum Dóminum cum ipsíus adjutório, si vólumus, póssumus imitári. Audi non me, sed ipsum Dóminum géneri humano clamántem:

Díscite a me, quia mitis sum et húmilis corde. Audi et Petrum Apóstolum admonéntem: Christus passus est pro nobis, relínquens nobis exémplum, ut sequámur vestígia ejus.

R. Tamquam aurum in fornáce probávit eléctos Dóminus, et quasi holocausti hóstiam accépit illos: et in témpore erit respéctus illórum: * Quóniam donum et pax est eléctis Dei. V. Qui confidunt in illum, intélligent veritátem, et fidéles in dilectióne acquiescent illi. Quóniam. Glória Patri. Quóniam.

In III. Nocturno.

Ant. Justi autem * in perpétuum vivent, et apud Dóminum est merces eórum.

Psalmus 32.

Exultáte justi in Dómino: * rectos decet collaudátio.

Confitémini Dómino in cíthara: * in psaltério decem chordárum psállite illi.

Cantáte ei cánticum novum: * bene psállite ei in vociferatióne.

Quia rectum est verbum Dómini, * et ómnia ópera ejus in fide.

Díligit misericórdiam et júdiciú: * misericórdia Dómini plena est terra.

Verbo Dómini cœli firmáti sunt: * et spíritu oris ejus omnis virtus eórum.

Cóngregans sicut in utre aquas maris: * ponens in thesaúris abýssos.

Tímeat Dóminum omnis terra: * ab eo autem commoveántur omnes inhabitántes orbem.

Quóniam ipse dixit, et facta sunt: * ipse mandávit, et creáta sunt.

Dóminus dissipat cónsília Gén-tium: * réprobat autem cogitatiónes populórum, et réprobat consília princípum.

Consílium autem Dómini in ætérnum manet: * cogitatiónes cordis ejus in generatióne et generatió-nem.

Beáta gens, cujus est Dóminus, Deus ejus: * pópulus, quem elégit in hæreditátem sibi.

De cœlo respéxit Dóminus: * vi-dit omnes filios hóminum.

De præparáto habitáculo suo * respéxit super omnes, qui hábitant terram.

Qui finxit sigillátim corda eórum: * qui intélligit ómnia ópera eórum.

Non salvátur rex per multam virtútem: * et gigas non salvábitur in multitudíne virtútis suæ.

Fallax equus ad salutem: * in abundántia autem virtútis suæ non salvábitur.

Ecce óculi Dómini super metuén-tes eum: * et in eis, qui sperant super misericórdia ejus:

Ut éruat a morte ánimas eórum: * et alat eos in fame.

Anima nostra sústinet Dómi-num: * quóniam adjútor et pro-téctor noster est.

Quia in eo lætábitur cor nostrum: * et in nómine sancto ejus sperá-vimus.

Fiat misericórdia tua Dómine super nos: * quemádmódum sperá-vimus in te.

Ant. Justi autem in perpétuum vivent, et apud Dóminum est merces eórum.

Ant. Tradidérunt * córpora sua in mortem, ne servírent idólis: ideo coronáti póssident palmam.

Psalmus 33.

Benedícam Dóminum in omni témpore: * semper laus ejus in ore meo.

In Dño laudábitur ánima mea: * aúdiant mansuétí et læténtur.

Magnificáte Dóminum mecum: * et exaltémus nomen ejus in idípsum.

Exquisívi Dóminum, et exaudívit me: * et ex ómnibus tribulatió-nibus meis erípuit me.

Accédite ad eum, et illuminámini: * et fácies vestræ non confundéntur.

Iste pauper clamávit, et Dóminus exaudívit eum: * et de ómnibus tribulatió-nibus ejus salvávit eum.

Immíttet Angelus Dómini in circúitu tíméntium eum: * et erípiet eos.

Gustáte, et vidéte quóniam suávis est Dóminus: * beátus vir, qui sperat in eo.

Tíméte Dóminum omnes sancti ejus: * quóniam non est inópia tíméntibus eum.

Dívites eguérunt et esuriérunt: * inquiréntes autem Dóminum non minuéntur omni bono.

Veníte filii, audíte me: * tímórem Dómini docébo vos.

Quis est homo qui vult vitam: * diligit dies vidére bonos?

Próhibe linguam tuam a malo: * et lábia tua ne loquántur dolum.

Divérte a malo, et fac bonum: * inquiré pacem, et perséquare eam.

Oculi Dómini super justos: * et aures ejus in preces eórum.

Vultus autem Dómini super faciéntes mala: * ut perdat de terra memóriam eórum.

Clamavérunt justí, et Dóminus

exaudívit eos: * et ex ómnibus tribulatió-nibus eórum liberávit eos.

Juxta est Dóminus iis, qui tribuláto sunt corde: * et húmiles spírítu salvábit.

Multæ tribulatiónes justórum: * et de ómnibus his liberábit eos Dóminus.

Custódit Dóminus ómnia ossa eórum: * unum ex his non contetúr.

Mors peccatórum péssima: * et qui odérunt justum delínquent.

Rédimet Dóminus ánimas servórum suórum: * et non delínquent omnes qui sperant in eo.

Ant. Tradidérunt córpora sua in mortem, ne servírent idólis: ideo coronáti póssident palmam.

Ant. Ecce merces * sanctórum copiósa est apud Deum: ipsi vero mórtui sunt pro Christo, et vivent in ætérnum.

Psalmus 45.

Deus noster refúgium, et virtus: * adjútor in tribulatió-nibus, quæ invenérunt nos nimis.

Proptérea non tímébimus dum turbábitur terra: * et transferéntur montes in cor maris.

Sonuérunt, et turbátæ sunt aquæ eórum: * conturbáti sunt montes in fortitúdine ejus.

Flúminis ímpetus lætíficat civitátem Dei: * sanctificávit tabernáculum suum Altíssimus.

Deus in médio ejus, non com-movébitur: * adjuvábit eam Deus mane dilúculo.

Conturbátæ sunt Gentes, et inclináta sunt regna: * dedit vocem suam, mota est terra.

Dóminus virtútum nobíscum: * suscéptor noster Deus Jacob.

Veníte, et vidéte ópera Dñi, quæ pòsuit prodígia super terram: * áuferens bella usque ad finem terræ.

Arcum cónteret, et confrínget arma: * et scuta combúret igni.

Vacáte, et vidéte quóniam ego sum Deus: * exaltábor in Géntibus, et exaltábor in terra.

Dóminus virtútum nobíscum: * suscéptor noster Deus Jacob.

Ant. Ecce merces sanctórum copíosa est apud Deum: ipsi vero mórtui sunt pro Christo, et vivent in ætérnum.

Ÿ. Justi autem in perpétuum vivent. R. Et apud Dóminum est merces eórum.

Pater noster.

Absolutio. A vínculis.

Ÿ. Jube domne.

Bened. Evangélica léctio.

Léctio sancti Evangélíi secúndum Lucam.

Lectio vii. Cap. 21. c.

In illo témpore: Dixit Jesus discípulis suis: Cum audiéritis prælia, et seditiões, nolíte terréri: opórtet primum hæc fieri, sed nondum statim finis. Et réliqua.

Homília sancti Gregórii Papæ.

Homil. 35. in Evangel.

Dóminus ac Redemptor noster peritúri mundi præcurréntia mala denúntiat, ut eo minus pertúrbent veniéntia, quo fúerint præscíta. Minus enim jácula fériunt, quæ prævidéntur: et nos tolerabilius mundi mala suscípimus, si contra hæc per præsciéntiæ clypeum munímur. Ecce enim dicit: Cum audiéritis prælia et seditiões, nolíte terréri: opórtet enim primum hæc fieri, sed nondum

statim finis. Pensánda sunt verba Redemptóris nostri, per quæ nos áliud intérius, áliud extérius passúros esse denúntiat. Bella quippe ad hostes pértinent, seditiões ad cives. Ut ergo nos índicet intérius exteriúsque turbári, áliud nos fatétur ab hóstibus, áliud a frátribus pérpeti.

R. Propter testaméntum Dómini, et leges patérnas, sancti Dei perstitérunt in amóre fraternitátis: * Quia unus fuit semper spíritus in eis, et una fides. Ÿ. Ecce quam bonum et quam jucúndum habitáre fratres in unum. Quia.

Bened. Quorum festum cólimus.

Lectio viii.

Sed his malis præveniéntibus, quia non statim finis sequátur, adjúngit: Surget gens contra gentem, et regnum advérsus regnum: et terræmótus magni erunt per loca, et pestiléntiæ, et fames, terroresque de cœlo: et signa magna erunt. Ultima tribulátio multis tribulatióibus prævenítur: et per crebra mala, quæ præveniunt, indicántur mala perpétua, quæ subsequéntur. Et ideo post bella et seditiões non statim finis: quia multa debent mala præcurrere, ut malum váleant sine fine nuntiáre.

R. Sancti mei, qui in carne pòsiti, certámen habuístis: * Mercédem labóris ego reddam vobis. Ÿ. Veníte benedícti Patris mei, percípíte regnum. Mercédem. Glória Patri. Mercédem.

Sequens R. dicitur post viii. vel ii. Lect. in festo plurimorum Martyrum fratrum.

R. Hæc est vera fraternitas, quæ numquam pótuit violári certámine:

qui effúso sáanguine secúti sunt Dóminum: * Contemnéntes aulam régiam, pervenérunt ad regna coeléstia. V. Ecce quam bonum et quam jucúndum habitáre fratres in unum. Contemnéntes. Glória Patri. Contemnéntes.

Bened. Ad societátem.

Lectio ix.

Sed cum tot signa perturbatiónis dicta sint, opórtet, ut córum consideratióem brévitèr per singula perstringámus: quia necesse est, ut ália e coelo, ália e terra, ália ab eleméntis, ália ab homínibus patiámur. Ait enim: Surget gens contra gentem, ecce perturbátió homínium: erunt terrámóti magni per loca, ecce respéctus iræ désuper: erunt pestiléntiæ, ecce inæquálitas córporum: erit fames, ecce sterílitas terræ: terrorésque de coelo et tempestátes, ecce inæquálitas áëris. Quia ergo ómnia consummánda sunt, ante consummationem ómnia perturbántur: et qui in cunctis delíquimus, in cunctis ferímur: ut impleátur quod dicitur, Et pugnábit pro eo orbis terrárum contra insensátos.

Te Deum laudámus. 14.

Ad Laudes

et per Horas.

Ant. 1. Omnes sancti, * quanta passi sunt torménta, ut secúri pervenírent ad palmam martýrii.

Psalm. Dóminus regnávit. cum reliquis. 15.

2. Cum palma * ad regna pervenérunt sancti, corónas decóris meruérunt de manu Dei.

3. Córpóra sanctórum * in pace sepúlta sunt: et vivent nómina córum in ætérnum.

4. Mártyres Dómini * Dóminum benedicite in ætérnum.

5. Mártyrum chorus * laudáte Dóminum de coelis, allelúja.

Capitulum.

Sap. 3.

Justórum ánimæ in manu Dei sunt, et non tanget illos torméntum mortis. Visi sunt óculis insipiéntium mori: illi autem sunt in pace.

Hymnus.

Rex glorióse Mártyrum,
Coróna confiténtium,
Qui respuéntes térrea
Perducis ad coeléstia.

Aurem benignam prótinus
Inténde nostris vóci bus:
Trophæa sacra pángimus:
Ignósce quod delíquimus.

Tu vincis inter Mártyres,
Parcísque Confessóribus:
Tu vince nostra crimina,
Largítor indulgéntiæ.

Deo Patri sit glória,
Ejúsque soli Fílio,
Cum Spíritu Paráclito,
Nunc, et per omne sæculum.
Amen.

V. Exsultábunt sancti in glória.
R. Lætabúntur in cubílibus suis.

Ad Bened. Ant. Vestri capílli
cápitis * omnes numeráti sunt: nolíte timére: multis passéribus meliôres estis vos.

Pro pluribus Mart. Pont.

Oratio.

Beatórum Mártyrum paritérque Pontíficum N. et N. nos, quæsumus Dómine, festa tueántur: et córum comméndet orátio veneránda. Per Dóminum nostrum.

Si non fuerint Pontifices. Oratio.

Deus, qui nos concédís sanctórum Mártyrum tuórum N. et N. natalítia cólere: da nobis in ætérna beatitúdine de eórum societáte gaudére. Per Dóminum.

Alia Oratio.

Deus, qui nos ánnua sanctórum Mártyrum tuórum N. et N. solemnitáte lætificas: concéde propítius; ut quorum gaudémus méritis, accendámur exémplic. Per Dñm.

Ad Tertiam.

Ant. Cum palma.

Capit. Justórum. ut supra. [44]

R. br. Lætámini in Dómino, * Et exsultáte justí. Lætámini. V. Et gloriámini omnes recti corde. Et. Glória Patri. Lætámini.

V. Exsúltent justí in conspéctu Dei. R. Et delecténtur in lætítia.

Ad Sextam.

Ant. Córpora sanctórum.

Capitulum. Sap. 10. d.

Réddidit Deus mercédem labórum sanctórum suórum, et dedúxit illos in via mirábili: et fuit illis in velaménto diéi, et in luce stellárum nocte.

R. br. Exsúltent justí * In conspéctu Dei. Exsúltent. V. Et delecténtur in lætítia. In. Glória Patri. Exsúltent.

V. Justí autem in perpétuum vivent. R. Et apud Dóminum est merces eórum.

Ad Nonam.

Ant. Mártyrum chorus.

Capitulum. Sap. 3.

Fulgébunt justí, et tamquam scintillæ in arundinéto discúrent. Judicábunt natiónes, et domina-

búntur pópulis: et regnábít Dóminus illórum in perpétuum.

R. br. Justí autem * In perpétuum vivent. Justí. V. Et apud Dñm est merces eórum. In. Glória. Justí.

V. Exsultábunt sancti in glória. R. Lætábúntur in cubilibus suis.

In II. Vesperis.

Ant. 1. Isti sunt sancti, * qui pro testaménto Dei sua córpora tradiderunt, et in ságuine Agni lavérunt stolas suas.

Psalm. ut in I. Vesp. de Communi Apost. [2] et loco ultimi Ps. Crédidi.

2. Sancti per fidem * vicérunt regna, operátí sunt justítiam, adépti sunt repromissiónes.

3. Sanctórum velut áquilæ * juvéntus renovábitur: florébunt sicut lílimum in civitáte Dómini.

4. Abstérget Deus * omnem lácrimam ab óculis sanctórum: et jam non erit ámplius neque luctus, neque clamor, sed nec ullus dolor: quóniam prióra transiérunt.

5. In cœléstibus regnis * sanctórum habitátio est, et in ætérnum réquies eórum.

Psalmus 115.

Crédidi, propter quod locútus sum: * ego autem humiliátus sum nimis.

Ego dixi in excéssu meo: * Omnis homo mendax.

Quid retribuam Dómino, * pro ómnibus, quæ retribuit mihi?

Cálicem salutáris accípiam: * et nomen Dómini invocábo.

Vóta mea Dño reddam coram omni pópulo ejus: * pretiósa in conspéctu Dñi mors sanctórum ejus:

O Dómine quia ego servus tuus: * ego servus tuus, et filius ancillæ tuæ.

Dirupísti víncula mea: * tibi sacrificábo hóstiám laudis, et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini, in médio tui Jerúsalem.

Capit. et Hymn. ut in I. Vesp. [35]

Ÿ. Exsultábunt sancti in glória.
R. Lætabúntur in cubilibus suis.

Ad Magnif. Ant. Gaudent in cœlis * ánimæ sanctórum, qui Christi vestigia sunt secúti: et quia pro ejus amóre sánguinem suum fuderunt, ídeo cum Christo exsúltant sine fine.

II. Aliæ Lectiones pro pluribus Martyribus.

In II. Nocturno.

Sermo sancti Joánnis Chrysóstomi.

Serm. 1. de Martyr. Tom. 3.

Lectio iv.

Nemo est qui nesciat, Mátyrum glórias ad hoc divíno consílio a Dei pópulis frequentári, ut et illis débitus honor dicétur, et nobis virtútis exéempla, favénte Christo, monstréntur: ut dum hæc ita celebrári perspicimus, cognoscámus quanta eos glória máneat in cœlis, quorum natalítia táliter celebrántur in terris: quo possímus étiam ipsi tálibus provocári exémpis, virtúte pari, devotíone consímili ac fide: ut Christo præstánte, dimicáre et víncere hostem possímus: ut parta victória, cum iisdem sanctis in regnis cœlestibus triumphémus.

R. Sancti tui Dómine mirábile consecúti sunt iter, serviéntes præ-

céptis tuis, ut inveniréntur illæsi in aquis válidis: * Terra appáruit árida: et in Mari rubro via sine impediménto. Ÿ. Quóniam percússit petram, et fluxérunt aquæ, et torréntes inundavérunt. Terra.

Lectio v.

Quis est enim, qui eórum volens mérito copulári; nisi prius constantiam eórum téneat, sectétur fidem, imitétur virtútem passiónis; eórum glóriam páribus vitæ lineaméntis aut invéniat, aut exquírat? Qui etsi martýrio par esse non possit: tamen múnere tanti dignitáte se quisque bonis áctibus dignum præbeat. Adest enim clementíssimus Deus, qui desiderántibus suis aut martýrium præbeat, aut sine martýrio cum sanctis præmia divína retríbuat.

R. Vérbera carníficum non timuerunt sancti Dei, moriéntes pro Christi-nómine: * Ut hærédes fierent in domo Dómini. Ÿ. Tradiderunt cörpera sua propter Deum ad supplicia. Ut.

Lectio vi.

Ut enim infirmátur peccátor advérsis, ita justus tentatiónibus roborátur. Sic dimicárunť advérsus peccátum sancti: sic et laborándo fortióres et moriéndó victóres effécti sunt. Nullus athlétes sine certámine fórtior dici, nullus sine victória póterit coronári. Nemo miles sine prælio hostem subjécit: nemo sine bello imperatórem proméruiť. Habes, christiáne, competéntia arma, quibus hostem expúgnes: habes fortíssima tela, quibus inimícum debélles.

R. Tamquam aurum. [41]

In III. Nocturno.

Lectio sancti Evangelii secundum
Lucam.

Lectio vii. Cap. 6. c.

In illo tempore: Descendens Jesus de monte, stetit in loco campēstri, et turba discipulorum ejus, et multitudo copiosa plebis ab omni Judæa, et Jerúsalem, et marítima, et Tyri, et Sidónis. Et reliqua.

Homilia sancti Ambrósii Episcopi.

Lib. 5. in Lucam. Cap. 6., post init.

Advérte ómnia diligēter, quómodo et cum Apóstolis ascēdat et descēdat ad turbas. Quómodo enim turba nisi in húmili Christum vidéret? Non séquitur ad excēlsa, non ascēdit ad sublímia. Dénique ubi descēdit, invénit infirmos: in excēlsis enim infirmi esse non possunt. Hinc étiam Matthæus docet in inferioribus débiles esse sanátos. Prius enim unusquisque sanándus est, ut paulátim virtútibus procedētibz ascēdere possit ad montem. Et ídeo quemque in inferioribus sanat, hoc est, a libídine révocat, injúriam cæcitatís avértit. Ad vúlnera nostra descēdit: ut usu quodam et cópia suæ natúræ, participes nos fáciat esse regni coeléstis.

R. Propter testaméntum Dómini, et leges patérnas, sancti Dei perstitérunt in amóre fraternitatís: * Quia unus fuit semper spíritus in eis, et una fides. **V.** Ecce quam bonum et quam jucúndum habitáre fratres in unum. Quia.

Lectio viii.

Beáti paúperes, quia vestrum est regnum Dei. Quátuor tantum beatitúdines sanctus Lucas

domínicas pósuit, octo vero sanctus Matthæus: sed in illis octo istæ quátuor sunt, et in quátuor istis illæ octo. Hic enim quátuor velut virtútes ampléxus est cardinales: ille in illis octo mýsticum númerum reserávit. Pro octáva enim multi inscribúntur Psalmi: et mandátum áccipis octo illis partem dare fortásse benedictiónibus. Sicut enim spei nostræ octáva perfectio est, ita octáva summa virtútum est.

R. Sancti mei, qui in carne pósito, certámen habuístis: * Mercēdem labóris ego reddam vobis. **V.** Veníte benedícti Patris mei, percípíte regnum. Mercēdem. Glória Patri. Mercēdem.

Lectio ix.

Sed prius quæ sunt amplióra videámus. Beáti, inquit, paúperes, quóniam vestrum est regnum Dei. Primam benedictiónem hanc utérque Evangelísta pósuit. Ordine enim prima est, et parens quædam generatióque virtútum: quia qui contémpserit sæculária, ipse merébitur sempitérna: nec potest quisquam méritum regni coeléstis adipísci, qui mundi cupiditate pressus, emergēdi non habet facultátem.

Te Deum laudámus. 14.

~~~~~  
**III. Alia Homilia.**

Lectio sancti Evangelii secundum  
Lucam.

Lectio vii. Cap. 12.

**I**n illo tempore: Dixit Jesus discipulis suis: Atténdite a ferménto pharisæórum, quod est hypócrisis. Et reliqua.

Homília venerábilis Bedæ  
Presbýteri.

Lib. 4. in Lucam. cap. 52.

**D**e hoc ferménto Apóstolus præcipit: Itaque epulémur, non in ferménto vétéri, neque in ferménto malítiæ et nequitiæ, sed in ázymis sinceritátis et veritátis. Nam sicut módicum fermentum totam farínæ, cui injícitur, massam corrumpit, universámque mox conspersiónem suo sapóre commáculat: sic nimírum simulatio, cujus semel ánimum imbúerit, tota virtútum sinceritáte et veritáte fraudábit. Est ergo sensus: Atténdite ne æmulémini simulatores, quia véniet profécto tempus, in quo et vestra virtus ómnibus, et eórum revelétur hypócrisis.

R. Propter testaméntum Dómini, et leges patérnas, sancti Dei perstitérunt in amóre fraternitátis: \* Quia unus fuit semper spíritus in eis, et una fides. V. Ecce quam bonum et quam jucúndum habitáre fratres in unum. Quia unus.

Lectio viii.

**V**erum quod séquitur: Quóniam quæ in ténebris dixístis, in lumine dicéntur: non solum in futuro, quando cuncta córdium abscondita proferéntur ad lucem, sed et in præsénti témpore potest congruenter áccipi: quóniam quæ inter ténebras quondam pressurárum, carcerúmque umbras, vel locúti, vel passi sunt Apóstoli, nunc clarificáta per orbem Ecclésia, le-

ctis eórum áctibus, públice prædicántur. Ne terreámini ab his qui occidunt corpus. Si persecutores sanctórum, occisis corpóribus, non habent ámplius quid contra illos agant; ergo supervácuá furunt insánia, qui mórtua Mártyrum membra feris avibúsque discerpénda projíciunt, cum nequáquam omnipoténtiæ Dei, quin ea resuscitádo vivíficet, obsistere possint.

R. Sancti mei, qui in carne pósito, certámen habuístis: \* Mercédem labóris ego reddam vobis. V. Veníte benedícti Patris mei, percípите regnum. Mercédem labóris. Glória Patri. Mercédem labóris.

Lectio ix.

**D**uo autem sunt génera persecutorum: unum palam sæviéntium, álterum fícte fraudulentérque blandiéntium. Contra utrúmque nos muníre atque institúere volens Salvátor, et supra ab hypócrisi pharisæórum atténdere, et hic a carníficum cæde præcipit non timére: quia vidélicet post mortem nec horum crudélitas, nec illórum váleat simulatio duráre. Nonne quinque pásseres véneunt dipóndio? Si minutíssima, inquit, animália, et quæ quólibet per áëra ferúntur volatília, Deus oblivísci non potest; vos qui ad imáginem facti estis Creatóris, non debétis terréri ab his, qui occidunt corpus: quia qui irrationabília animália gubérnat, rationabília curáre non désinit.

Te Deum laudámus. 14.





## COMMUNE CONFESSORIS PONTIFICIS.

### In I. Vesperis.

Ant. de Laudibus [57], Psalmi ut in  
I. Vesperis de Comm. Apost. [2]

Capitulum. Eccli. 44. c.

**E**cce sacerdos magnus,  
qui in diébus suis plá-  
cuit Deo, et invéntus  
est justus: et in tém-  
pore iracúndiæ factus  
est reconciliatio.

Hymnus.

**I**ste Conféssor Dómini coléntes  
Quem pie laudant pópuli per  
orbem:

Hac die lætus méruit beátas  
Scándere sedes.

Si non est dies obitus, quod indicant  
in Proprio litteræ m. t. v. dicatur:

Hac die lætus méruit suprémos  
Laudis honóres.

Qui pius, prudens, húmilis, pudí-  
cus,

Sóbriam duxit sine labe vitam,  
Donec humános animávit auræ  
Spíritus artus.

Cujus ob præstans méritum fre-  
quénter,

Ægra quæ passim jacuére mem-  
bra,

Víribus morbi dómitis, salúti  
Restituúntur.

Noster hinc illi chorus obsequén-  
tem

Cóncinit laudem, celebrésque  
palmas;

Ut piis ejus précibus juvémur  
Omne per ævum.

Sit salus illi, decus, atque virtus,  
Qui super cœli sólio corúscans,  
Totíus mundi sériem gubérnat  
Trinus et unus. Amen.

Ÿ. Amávit eum Dóminus, et or-  
návit eum. R. Stolam glóriæ índuit  
eum.

Ad Magnif. Ant. Sacerdos et  
Póntifex, \* et virtútum ópifex,  
pastor bone in pópulo, ora pro  
nobis Dóminum.

Oratio.

**D**a, quæsumus omnipotens Deus:  
ut beáti N. Confessóris tui at-

que Pontificis veneránda solémnitas, et devotiónem nobis aúgeat et salútem. Per Dóminum.

Alia Oratio.

**E**xauði, quáesumus Dómine, preces nostras, quas in beáti N. Confessoris tui atque Pontificis sollemnitate deférimus: et qui tibi digne méruit famulári, ejus intercedéntibus méritis ab ómnibus nos absólve peccátis. Per Dóminum.

Pro Doctoribus in utrisque Vesp.

Ad Magnif. Ant. O Doctor óptime, \* Ecclésiæ sanctæ lumen, beáte N., divínæ legis amátor, deprecáre pro nobis Filium Dei.

Oratio.

**D**eus, qui pópulo tuo æternæ salútis beátum N. minístrum tribuísti: præsta quáesumus; ut quem Doctórem vitæ habúimus in terris, intercessórem habére mereámur in cœlis. Per Dóminum.

Ad Matutinum.

Invit. Regem Confessorum Dóminum, \* Veníte adorémus.

Ps. Veníte, exsultémus. 2.

Hymnus. Iste Conféssor Dómini. ut supra. [49]

In I. Nocturno.

Ant. Beátus vir, \* qui in lege Dómini meditátur: volúntas ejus pérmanet die ac nocte, et ómnia quaecúmque fáciat, semper prosperabúntur.

Psalmus 1.

**B**eátus vir, qui non ábiit in consílio impiórum, et in via peccatórum non stetit, \* et in cáthedra pestiléntiæ non sedit:

Sed in lege Dómini volúntas ejus,

\* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo:

Et fólium ejus non défluet: \* et ómnia quaecúmque fáciat, prosperabúntur.

Non sic ímpii, non sic: \* sed tamquam pulvis, quem prójicit ventus a fácie terræ.

Ideo non resúrgent ímpii in júdicio: \* neque peccatóres in concílio justórum.

Quóniam novit Dóminus viam justórum: \* et iter impiórum peribit.

Ant. Beátus vir qui in lege Dómini meditátur: volúntas ejus pérmanet die ac nocte, et ómnia quaecúmque fáciat, semper prosperabúntur.

Ant. Beátus iste sanctus, \* qui confisus est in Dómino, prædicávit præcéptum Dómini, constitútus est in monte sancto ejus.

Psalmus 2.

**Q**uare fremuérunt Gentes, \* et pópuli meditáti sunt inánia?

Astitérunt reges terræ, et príncipes convenérunt in unum \* advérsus Dóminum, et advérsus Christum ejus.

Dirumpámus víncula eórum: \* et projiciámus a nobis jugum ipsórum.

Qui hábitat in cœlis, irridébit eos: \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.

Ego autem constitútus sum Rex ab eo super Sion montem sanctum ejus, \* prædicans præcéptum ejus.



Dóminus dixit ad me: \* Fílius meus es tu, ego hódie génui te.

Póstula a me, et dabo tibi Gentes hæreditátem tuam, \* et possessionem tuam términos terræ.

Reges eos in virga férrea, \* et tamquam vas figuli confrínges eos.

Et nunc reges intelligite: \* erudímini qui iudicátis terram.

Servíte Dómino in timóre: \* et exsultáte ei cum tremóre.

Apprehéndite disciplínam, nequándo irascátur Dóminus, \* et pereátis de via justa.

Cum exárserit in brevi ira ejus, \* beáti omnes qui confidunt in eo.

Ant. Beátus iste sanctus, qui confísus est in Dómino, prædicávit præceptum Dómini, constitútus est in monte sancto ejus.

Ant. Tu es glória mea, \* tu es suscéptor meus Dómine: tu exáltans caput meum, et exaudísti me de monte sancto tuo.

### Psalmus 3.

**D**ómine quid multiplicáti sunt qui tribulant me? \* multi insúrgunt advérsus me.

Multi dicunt ánimæ meæ: \* Non est salus ipsi in Deo ejus.

Tu autem Dómine suscéptor meus es, \* glória mea, et exáltans caput meum.

Voce mea ad Dóminum clamávi: \* et exaudivit me de monte sancto suo.

Ego dormívi, et soporátus sum: \* et exsurrexi, quia Dóminus suscepit me.

Non timébo míllia pópuli circumdántis me: \* exsúrge Dómine, salvum me fac Deus meus.

Quóniam tu percussísti omnes

adversátes mihi sine causa: \* dentes peccatórum contrivísti.

Dómini est salus: \* et super pópulum tuum benedíctio tua.

Ant. Tu es glória mea, tu es suscéptor meus Dómine: tu exáltans caput meum, et exaudísti me de monte sancto tuo.

Ÿ. Amávit eum Dóminus, et ornavit eum. R. Stolum glóriæ induit eum.

Pater noster.

Absolutio. Exaúdi Dómine.

Ÿ. Jube domne.

Bened. Benedicţióne perpétua.

De Epístola prima beáti Pauli Apóstoli ad Timótheum.

Lectio i.

Cap. 3.

**F**idélis sermo: Si quis episcopátum desíderat, bonum opus desíderat. Opórtet ergo episcopum irreprehensibilem esse, unius uxóris virum, sóbrium, prudentem, ornátum, pudícum, hospitálem, doctórem, non vinoléntum, non percussórem, sed modéstum; non litigiósum, non cúpidum, sed suæ dómui bene præpósitum, filios habéntem súbditos cum omni castitate. Si quis autem dómui suæ præesse nescit, quómodo Ecclésiæ Dei diligéntiam habébit? Non neóphytum: ne in supérbiam elátus, in iudícium incidat diaboli. Opórtet autem illum et testimónium habére bonum ab iis qui foris sunt, ut non in oppróbrium incidat, et in láqueum diaboli.

R. Euge serve bone et fidélis, quia in pauca fuísti fidélis, supra multa te constitúam: \* Intra in gáudium dómni tui. Ÿ. Dómine quinque talénta tradidísti mihi,

ecce ália quinque superlucrátus sum. Intra.

Bened. Unigénitus Dei Fílius.

De Epístola ad Titum.

Lectio ii. Cap. 1. b.

**O**pórtet enim episcopum sine crimine esse, sicut Dei dispensatórem: non supérbum, non iracúndum, non vinoléntum, non percussórem, non turpis lucri cúpidum: sed hospitálem, benígnum, sóbrium, justum, sanctum, continentem, amplecténtem eum, qui secúndum doctrínam est, fidélem sermónem: ut potens sit exhortári in doctrína sana, et eos, qui contradícunt, argúere. Sunt enim multi étiam inobediéntes, vaniloqui, et seductóres: máxime qui de circumcisióne sunt: quos opórtet redárgui: qui univérsas domos subvértunt, docéntes quæ non opórtet, turpis lucri grátia.

R. Ecce sacérdos magnus, qui in diébus suis plácuít Deo: \* Ideo jurejurádo fecit illum Dóminus créscere in plebem suam. V. Benedictiónem ómnium géntium dedit illi, et testaméntum suum confirmávit super caput ejus. Ideo.

Bened. Spíritus sancti grátia.

Lectio iii. Cap. 2.

**T**u autem lóquere quæ decent sanam doctrínam: Senes ut sóbrii sint, pudíci, prudéntes, sani in fide, in dilectiόne, in paciéntia: Anus similiter in hábitu sancto, non criminatríces, non multo vino serviéntes, bene docéntes: ut prudéntiam dóceant adolescéntulas, ut viros suos ament, filios suos díligant, prudéntes, castas, sóbrias, domus curam habéntes, benígnas,

súbditas viris suis, ut non blasphemétur verbum Dei. Júvenes similiter hortáre ut sóbrii sint. In ómnibus teípsum præbe exémpulum bonórum óperum, in doctrína, in integritáte, in gravitáte, verbum sanum, irreprehensibile: ut is, qui ex advérso est, vereátur, nihil habens malum dícere de nobis.

R. Jurávit Dóminus, et non pœnitébít eum: \* Tu es sacérdos in ætérnum secúndum órđinem Melchisedech. V. Dixit Dóminus Dómino meo, Sede a dextris meis. Tu es. Glória Patri. Tu es.

In II. Nocturno.

Ant. Invocántem \* exaudivít Dóminus sanctum suum, Dñs exaudivít eum, et constitúit eum in pace.

Psalmus 4.

**C**um invocárem exaudivít me Deus justítiae meae: \* in tribulatióne dilatásti mihi.

Miserére mei, \* et exaúdi oratió-nem meam.

Fílii hóminum úsquequo gravi corde? \* ut quid díligitis vanitátem, et quæritis mendácium?

Et scitóte quóniam mirificávit Dóminus sanctum suum: \* Dóminus exaúdiet me cum clamávero ad eum.

Irascímmini, et nolíte peccáre: \* quæ dícitis in córdibus vestris, in cubílibus vestris compungímmini.

Sacrificáte sacrificium justítiae, et speráte in Dómino. \* Multi dicunt: Quis osténdit nobis bona?

Signátum est super nos lumen vultus tui Dómine: \* dedísti lætítiam in corde meo.

A fructu fruménti, vini, et ólei sui \* multiplicáti sunt.

In pace in idípsum \* dórmiam,  
et requiέscam;

Quóniam tu Dómine singuláriter  
in spe \* constituísti me.

Ant. Invocántem exaudívit Dó-  
minus sanctum suum, Dóminus  
exaudívit eum, et constituit eum  
in pace.

Ant. Læténtur omnes, \* qui spe-  
rant in te Dómine: quóniam tu be-  
nedixísti justo, scuto bonæ volun-  
tátis tuæ coronásti eum.

Psalmus 5.

**V**erba mea aúribus pécipe Dó-  
mine, \* intéllege clamórem  
meum.

Inténde voci oratiónis meæ, \*  
Rex meus et Deus meus.

Quóniam ad te orábo: \* Dómine  
mane exaúdiēs vocem meam.

Mane astábo tibi et vidébo: \*  
quóniam non Deus volens iniqui-  
tátem tu es.

Neque habitábit juxta te malí-  
gnus: \* neque permanébunt injústi  
ante óculos tuos.

Odísti omnes, qui operántur ini-  
quitátem: \* perdes omnes, qui lo-  
quúntur mendácium.

Virum sánguinem et dolósum  
abominábitur Dóminus: \* ego au-  
tem in multitúdine misericórdiæ  
tuæ.

Introíbo in domum tuam: \* ad-  
orábo ad templum sanctum tuum  
in timóre tuo.

Dómine deduc me in justítia tua:  
\* propter inimícos meos dírige in  
conspéctu tuo viam meam.

Quóniam non est in ore eórum  
véritas: \* cor eórum vanum est.

Sepúlchrum patens est guttur  
eórum, linguis suis dolóse agébant,  
\* júdica illos Deus.

Décidant a cogitatióibus suis,  
secúndum multitúdinem impietá-  
tum eórum expélle eos, \* quóniam  
irritavérunt te Dómine.

Et læténtur omnes, qui sperant  
in te, \* in ætérnum exsultábunt:  
et habitábis in eis.

Et gloriabúntur in te omnes, qui  
dílígunt nomen tuum, \* quóniam  
tu benedíces justo.

Dómine, ut scuto bonæ volun-  
tátis tuæ \* coronásti nos.

Ant. Læténtur omnes, qui spe-  
rant in te Dómine: quóniam tu  
benedixísti justo, scuto bonæ vol-  
untátis tuæ coronásti eum.

Ant. Dómine Dóminus noster, \*  
quam admirábile est nomen tuum  
in univérſa terra! quia glória et  
honóre coronásti sanctum tuum,  
et constituísti eum super ópera  
mánuum tuárum.

Psalmus 8.

**D**ómine Dóminus noster, \* quam  
admirábile est nomen tuum in  
univérſa terra!

Quóniam eleváta est magnificén-  
tia tua, \* super cœlos.

Ex ore infántium et lacténtium  
perfecísti laudem propter inimícos  
tuos, \* ut déstruas inimícum et ul-  
tórem.

Quóniam vidébo cœlos tuos, ó-  
pera digitórum tuórum: \* lunam  
et stellas, quæ tu fundásti.

Quid est homo, quod memor es  
ejus? \* aut filius hóminis, quóniam  
vísitas eum?

Minuísti eum paulo minus ab  
Angelis, glória et honóre coroná-  
sti eum: \* et constituísti eum super  
ópera mánuum tuárum.

Omnia subjecísti sub pédibus

ejus, \* oves et boves univérsas: in-super et pécora campi.

Vólucres coeli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in uni-versa terra!

Ant. Dómine Dóminus noster, quam admirábile est nomen tuum in univérsa terra! quia glória et honóre coronásti sanctum tuum, et constituísti eum super ópera mánuum tuárum.

Ÿ. Elégit eum Dóminus sacer-dótem sibi. R. Ad sacrificándum ei hóstiam laudis.

Pater noster.

Absolutio. Ipsíus píetas.

Ÿ. Jube domne.

Bened. Deus Pater omnípotens.

Sermo sancti Máximi Epíscopi.

Homilia 59, quæ est 2. de S. Eusebio Vercellensi.

#### Lectio iv.

**A**d sancti ac beatíssimi Patris nostri N., cujus hódie festa celebrámus, laudes addísse áliquíd, decerpsisse est: sí-quidem virtútum ejus grátia non sermónibus exponénda est, sed opéribus comprobánda. Cum enim dicat Scriptúra: Glória patris est filius sápiens: quantæ hujus sunt glóriæ, qui tantórum filiórum sapiéntia, et devotióne lætátur? In Christo enim Jesu per Evangélium ipse nos genuit.

R. Invéni David, servum meum, óleo sancto meo unxi eum: \* Manus enim mea auxiliábitur ei. Ÿ. Nihil proficiet inimicus in eo, et filius iniquitátis non nocébit ei. Manus.

Bened. Christus perpétuæ.

#### Lectio v.

**Q**uidquid igitur in hac sancta plebe potest esse virtútis et grátia, de hoc quasi quodam fonte lucidíssimo, ómnium rivulórum púritas emanávit. Etenim quia castitátis pollébat vigóre, quia abstinentiæ gloriabátur angústis, quia blandiméntis erat præditus lenitátis, ómnium cívium in Deum provocávit afféctum: quia Pontificis administratióne fulgébat, plures e discipulis reliquit sui sacerdotii successóres.

R. Pósuí adjutórium super poténtem, et exaltávi eléctum de plebe mea: \* Manus enim mea auxiliábitur ei. Ÿ. Invéni David servum meum, óleo sancto meo unxi eum. Manus.

Bened. Ignem sui amóris.

#### Lectio vi.

**B**ene et cóngrue in hac die, quam nobis beáti Patris nostri N. ad paradísum tránsitus exsultábilem reddit, præsentis Psalmi versículum decantávimus: In memória æténa erit justus. Digne enim in memóriam vértitur hóminum, qui ad gáudium tránsiit Angelórum. Dicit sermo divínus: Ne laudes hóminem in vita sua: tamquam si diceret: Lauda post vitam, magnífica post consummationem. Dúplici enim ex causa utilius est hóminum magis memóriæ laudem dare, quam vitæ; ut illo potíssimum témpore mérita sanctitátis extóllas, quando nec laudántem adulátio movet, nec laudátum tentet elátio.

R. Iste est qui ante Deum magnas virtútes operátus est, et o-

mnis terra doctrína ejus repléta est: \* Ipse intercédât pro peccátis ómnium populórum. *V.* Iste est qui contémpsit vitam mundi, et pervénit ad coeléstia regna. Ipse. Glória Patri. Ipse.

In III. Nocturno.

*Ant.* Dómine, \* iste sanctus habitábit in tabernáculo tuo, operátus est justítiam, requiescet in monte sancto tuo.

Psalmus 14.

**D**ómine quis habitábit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justítiam:

Qui lóquitur veritátem in corde suo, \* qui non egit dolum in lingua sua:

Nec fecit próximo suo malum, \* et oppróbrium non accépit adversus próximos suos.

Ad níhilum dedúctus est in conspéctu ejus malignus: \* timéntes autem Dóminum glorificat:

Qui jurat próximo suo, et non decipit, \* qui pecúniám suam non dedit ad usúram, et múnera super innocentem non accépit.

Qui facit hæc, \* non movébitur in ætérnum.

*Ant.* Dómine, iste sanctus habitábit in tabernáculo tuo, operátus est justítiam, requiescet in monte sancto tuo.

*Ant.* Vitam pétiiit \* a te, et tribuísti ei Dómine: glóriam et magnum decórem imposuísti super eum: posuísti in cápite ejus corónam de lápide pretiósó.

Psalmus 20.

**D**ómine in virtúte tua lætábitur rex: \* et super salutáre tuum exsultábit veheménter.

Desidérium cordis ejus tribuísti ei: \* et voluntáte labiórú ejus non fraudásti eum.

Quóniam prævenísti eum in benedictionibus dulcédinis: \* posuísti in cápite ejus corónam de lápide pretiósó.

Vitam pétiiit a te: \* et tribuísti ei longitúdinem diérú in sæculum, et in sæculum sæculi.

Magna est glória ejus in salutári tuo: \* glóriam et magnum decórem impónes super eum.

Quóniam dabis eum in benedictionem in sæculum sæculi: \* lætificábis eum in gaudio cum vultu tuo.

Quóniam rex sperat in Dómino: \* et in misericórdia Altíssimi non commovébitur.

Inveniátur manus tua ómnibus inimicis tuis: \* dextera tua invéniat omnes, qui te odérunt.

Pones eos ut clíbanum ignis in témpore vultus tui: \* Dóminus in ira sua conturbábit eos, et devorábit eos ignis.

Fructum eórum de terra perdes: \* et semen eórum a filiis hóminum.

Quóniam declinavérunt in te mala: \* cogitavérunt consília, quæ non potuérunt stabilíre.

Quóniam pones eos dorsum: \* in reliquiis tuis præparábis vultum eórum.

Exaltáre Dómine in virtúte tua: \* cantábitus et psallémus virtútes tuas.

*Ant.* Vitam pétiiit a te, et tribuísti ei Dómine: glóriam et magnum

decorem imposuisti super eum: posuisti in capite ejus coronam de lapide pretioso.

Ant. Hic accipiet \* benedictionem a Domino, et misericordiam a Deo salutari suo: quia hæc est generatio querentium Dominum.

Psalmus 23.

**D**omini est terra, et plenitudo ejus: \* orbis terrarum, et universi qui habitant in eo.

Quia ipse super maria fundavit eum: \* et super flumina præparavit eum.

Quis ascendet in montem Domini? \* aut quis stabit in loco sancto ejus?

Innocens manibus et mundo corde, \* qui non accepit in vano animam suam, nec juravit in dolo proximo suo.

Hic accipiet benedictionem a Domino: \* et misericordiam a Deo salutari suo.

Hæc est generatio querentium eum, \* querentium faciem Dei Jacob.

Attollite portas principes vestras, et elevamini portæ æternales: \* et introibit Rex gloriæ.

Quis est iste Rex gloriæ? \* Dominus fortis et potens: Dominus potens in prælio.

Attollite portas principes vestras, et elevamini portæ æternales: \* et introibit Rex gloriæ.

Quis est iste Rex gloriæ? \* Dominus virtutum ipse est Rex gloriæ.

Ant. Hic accipiet benedictionem a Domino, et misericordiam a Deo salutari suo: quia hæc est generatio querentium Dominum.

℣. Tu es sacerdos in æternum.

℞. Secundum ordinem Melchisedech.

Pater noster.

Absolutio. A vinculis.

℣. Jube domne.

Bened. Evangélica lectio.

Lectio sancti Evangelii secundum Matthæum.

Lectio vii. Cap. 25. b.

**I**n illo tempore: Dixit Jesus discipulis suis parabolam hanc: Homo peregre proficiscens, vocavit servos suos, et tradidit illis bona sua. Et reliqua.

Homilia sancti Gregorii Papæ.

Homilia 9. in Evangel.

**L**ectio sancti Evangelii, fratres carissimi, sollicitè considerare nos admonet, ne nos, qui plus ceteris in hoc mundo accepisse aliquid cernimur, ab auctore mundi gravius inde judicemur. Cum enim augentur dona, rationes etiam crescunt donorum. Tanto ergo esse humilior, atque ad serviendum Deo promptior quisque debet ex munere, quanto se obligatiorem esse conspicit in reddenda ratione. Ecce homo qui peregre proficiscitur, servos suos vocat, eisque ad negotium talenta partitur. Post multum vero temporis positurus rationem revertitur. Bene operantes pro apportato lucro remunerat, servum vero a bono opere torpentem damnat.

℞. Amavit eum Dominus, et ornavit eum: stolam gloriæ induit eum, \* Et ad portas paradisi coronavit eum. ℣. Induit eum Dominus lorica fidei, et ornavit eum. Et.

Bened. Cujus festum colimus.

Lectio viii.

**Q**uis itaque iste homo est, qui peregre proficiscitur, nisi Red-



émptor noster, qui in ea carne quam assumpserat, ábiit in cœlum? Carnis enim locus proprius terra est; quæ quasi ad peregrina ducitur, dum per Redemptorem nostrum in cœlo collocatur. Sed homo iste péregre proficiscens, servis suis bona sua tradidit, quia fidelibus suis spirituália dona concessit. Et uni quidem quinque talénta, álii duo, álii vero commisit unum. Quinque etenim sunt corporis sensus, videlicet: visus, auditus, gustus, odorátus, et tactus. Quinque ergo taléntis, donum quinque sènsuum, id est, exteriórum sciéntia exprimitur. Duóbus vero, intelléctus et operátio designatur. Unius autem talénti nómine, intelléctus tantúmmodo designatur.

R. Sint lumbi vestri præcincti, et lucernæ ardéntes in mánibus vestris: \* Et vos símiles homínibus exspectántibus dómimum suum, quando revertátur a nuptiis. V. Vigilate ergo, quia nescitis qua hora Dóminus vester ventúrus sit. Et. Glória Patri. Et.

Bened. Ad societàtem.

#### Lectio ix.

**S**ed is, qui quinque talénta accéperat, ália quinque lucrátus est: quia sunt nonnúllo, qui etsi inténa ac mýstica penetráre nesciunt, pro intentióne tamen supérnæ pátriæ docent recta quos possunt, de ipsis exterióribus, quæ acceperunt, duplum taléntum portant: dumque se a carnis petulántia, et a terrenárum rerum ámbitu, atque a visibílium voluptáte custódiunt, ab his étiam álios admonéndo compéscunt. Et sunt nonnúllo, qui quasi duóbus

taléntis ditáti, intelléctum atque operatióem percípiunt, subtília de intéris intéligunt, mira in exterióribus operántur. Cumque et intelligéndo et operádo áliis prædicant, quasi duplicátum de negótio lucrum repórtant.

Te Deum laudámus. 14.

#### Ad Laudes

et per Horas.

Ant. 1. Ecce sacérdos magnus, \* qui in diébus suis plácuít Deo, et invéntus est justus.

Psalm. Dóminus regnávit. cum reliquis. 15.

2. Non est invéntus \* símilis illi, qui conserváret legem Excélsi.

3. Ideo jurejurádo \* fecit illum Dóminus crêscere in plebem suam.

4. Sacerdótes Dei \* benedicite Dóminum: servi Dómini hymnum dicite Deo, allelúja.

5. Serve bone \* et fidélis, intra in gáudium Dómini tui.

Capitulum.

Eccli. 44. c.

**E**cce sacérdos magnus, qui in diébus suis plácuít Deo, et invéntus est justus: et in témpore iracúndiæ factus est reconciliátio.

#### Hymnus.

**J**esu Redémptor ómnium,  
Perpes coróna Præsulum,  
In hac die cleméntius  
Indúlgeas precántibus.

Tui sacri qua nóminis  
Conféssor almus cláruit  
Hujus celebrat ánnua  
Devóta plebs solémnia,

Qui ríte mundi gáudia  
Hujus cadúca réspuens,  
Æternitátis præmio  
Potítur inter Angelos.

Hujus benignus ánnue  
Nobis sequi vestígia:  
Hujus precátu sérvulis  
Dimítte noxam críminis.

Sit Christe Rex piíssime  
Tibi, Patrique glória,  
Cum Spíritu Paráclito,  
Nunc et per omne sáeculum.  
Amen.

Y. Justum dedúxit Dóminus per  
vias rectas. R. Et osténdit illi re-  
gnum Dei.

Ad Bened. Ant. Euge serve bone  
\* et fidélis, quia in pauca fuísti  
fidélis, supra multa te constítuam,  
dicit Dóminus.

Oratio.

**D**a, quæsumus omnípotens Deus:  
ut beáti N. Confessoris tui at-  
que Pontificis veneránda solémni-  
tas, et devotióne nobis aúgeat,  
et salútem. Per Dóminum.

Alia Oratio.

**E**xáudi, quæsumus Dómine, pre-  
ces nostras, quas in beáti N.  
Confessoris tui atque Pontificis  
solemnitate deférimus: et qui tibi  
digne méruit famulári, ejus inter-  
cedéntibus méritis ab ómnibus nos  
absólve peccátis. Per Dóminum.

Pro Doctore. Oratio.

**D**eus, qui pópulo tuo æternæ  
salútis beátum N. mínistrum  
tribuísti: præsta quæsumus; ut,  
quem Doctórem vitæ habúimus in  
terris, intercessórem habére mere-  
ámur in cœlis. Per Dóminum.

Ad Tertiam.

Ant. Non est invéntus.

Capit. Ecce sacérdos. [57]

R. br. Amávit eum Dóminus, \*  
Et ornávit eum. Amávit. Y. Stulam

glóriæ induit eum. Et. Glória Pa-  
tri. Amávit.

Y. Elégit eum Dóminus sacer-  
dótem sibi. R. Ad sacrificándum  
ei hóstiam laudis.

Ad Sextam.

Ant. Ideo jurejurádo.

Capitulum. Eccli. 44. c.

**N**on est invéntus símilis illi, qui  
conserváret legem Excélsi:  
ídeo jurejurádo fecit illum Dómi-  
nus créscere in plebem suam.

R. br. Elégit eum Dóminus \* Sa-  
cerdótem sibi. Elégit. Y. Ad sacri-  
ficándum ei hóstiam laudis. Sacer-  
dótem. Glória Patri. Elégit.

Y. Tu es sacérdos in ætérnum.  
R. Secúndum órđinem Melchí-  
sedech.

Ad Nonam.

Ant. Serve bone.

Capitulum. Eccli. 45. c.

**F**ungi sacerdótio, et habére lau-  
dem in nómine ipsíus, et offerre  
illi incénsus dignum in odórem  
suavitátis.

R. br. Tu es sacérdos \* In ætér-  
num. Tu. Y. Secúndum órđinem  
Melchisedech. In. Glória Patri. Tu.

Y. Justum dedúxit Dóminus per  
vias rectas. R. Et osténdit illi re-  
gnum Dei.

In II. Vesperis.

Ant. de Laud. [57], Ps. ut in I. Vesp.  
de Communi Apost. [2] et loco ultimi

Psalmus 131.

**M**emento Dómine David, \* et  
omnis mansuetúdinis ejus:

Sicut jurávit Dómino, \* votum  
vovit Deo Jacob:

Si introíero in tabernáculum do-  
mus meæ, \* si ascéndero in lectum  
strati mei:

Si dédero somnum oculis meis,  
\* et pálebris meis dormitatio-  
nem:

Et réquiem tempóribus meis:  
donec invéniam locum Dómino, \*  
tabernáculum Deo Jacob.

Ecce audívimus eam in Ephrata:  
\* invénimus eam in campis silvæ.

Introíbimus in tabernáculum  
ejus: \* adorábimus in loco, ubi  
stetérunt pedes ejus.

Surge Dómine in réquiem tuam,  
\* tu et arca sanctificatiónis tuæ.

Sacerdótes tui induántur justí-  
tiam: \* et sancti tui exsúltent.

Propter David servum tuum, \*  
non avértas fáciem Christi tui.

Jurávit Dóminus David veritá-  
tem, et non frustrábitur eam: \* de  
fructu ventris tui ponam super se-  
dem tuam.

Si custodierint filii tui testamén-  
tum meum, \* et testimónia mea  
hæc, quæ docébo eos:

Et filii eórum usque in sæculum,  
\* sedébunt super sedem tuam.

Quóniam elégit Dóminus Sion: \*  
elégit eam in habitatiónem sibi.

Hæc réquies mea in sæculum  
sæculi: \* hic habitábo quóniam  
elégi eam.

Víduam ejus benedicens bene-  
dicam: \* paúperes ejus saturábo  
pánibus.

Sacerdótes ejus induam salutári:  
\* et sancti ejus exsultatióne exsul-  
tábunt.

Illuc producám cornu David, \*  
parávi lucérnam Christo meo.

Inimícos ejus induam confusióne:  
\* super ipsum autem efflorébit san-  
ctificatio mea.

Capit. et Hymn. ut in I. Vesp. [49]

Ÿ. Justum dedúxit Dóminus per

vias rectas. R. Et osténdit illi re-  
gnum Dei.

Ad Magnif. Ant. Amávit eum  
Dóminus, \* et ornávit eum: stolam  
glóriæ induit eum, et ad portas  
paradísi coronávit eum.

Sequens Ant. dicitur ad Magnificat in  
II. Vesp. pro solis sumis Pontificibus.

Ant. Dum esset summus Pónti-  
fex, \* terréna non méruit, sed ad  
cœléstia regna gloriósus migrávit.

Si occurrat celebrari Festum pluri-  
morum Pontificum et Confessorum, Of-  
ficium fit ut supra: sed in Oratione et  
Sermone, quæ ponuntur in singulari,  
dicantur in plurali; et in I. Noct. legan-  
tur sequentes Lectiones de Scriptura.

### De libro Ecclesiástici.

#### Lectio i.

#### Cap. 44.

**L**audémus viros gloriósos, et  
paréntes nostros in genera-  
tióne sua. Multam glóriam  
fecit Dóminus magnificéntia sua a  
sæculo. Dominátes in potestáti-  
bus suis, hómines magni virtúte,  
et prudéntia sua præditi, nuntián-  
tes in Prophétis dignitatem Pro-  
phetárum, et imperátes in præ-  
sénti pópulo, et virtúte prudéntiæ  
pópulis sanctíssima verba. In pe-  
ritia sua requiréntes modos músi-  
cos, et narrátes cármina scriptu-  
rárum.

R. Euge serve bone et fidélis,  
quia in pauca fuísti fidélis, supra  
multa te constituam: \* Intra in  
gaúdium dómini tui. Ÿ. Dómine  
quinque talénta tradidísti mihi,  
ecce ália quinque superlucrátus  
sum. Intra.

#### Lectio ii.

**H**ómines dívites in virtúte, pul-  
chritúdinis stúdium habéntes:  
pacificántes in dómibus suis. O-

mnes isti in generatióibus gentis suæ glóriam adépti sunt, et in diébus suis habéntur in laúdis. Qui de illis nati sunt, reliquérunnt nomen narrándi laudes eórum: et sunt quorum non est memória: periérunt quasi qui non fúerint: et nati sunt, quasi non nati, et filii ipsórum cum ipsis.

R. Ecce sacérdos magnus, qui in diébus suis plácuít Deo: \* Ideo jurejurádo fecit illum Dóminus créscere in plebem suam. V. Benedictiónem ómnium géntium dedit illi, et testaméntum suum confir-mávit super caput ejus. Ideo.

### Lectio iii.

**S**ed illi viri misericórdiæ sunt, quorum pietátes non defué-runt: cum sémíne eórum pérma-nent bona, hæréditas sancta ne-pótes eórum et in testaméntis stetit semen eórum: et filii eórum propter illos usque in ætérnum manent: semen eórum et glória eórum non derelinqué-tur. Cór-pora ipsórum in pace sepúlta sunt, et nomen eórum vivit in genera-tiónem et generatióem. Sapién-tiam ipsórum narrent pópuli, et laudem eórum nún-tiet Ecclésia.

R. Jurávit Dóminus. [52]

## II. Aliæ Lectiones pro Pontificibus et Confessoribus.

### In II. Nocturno.

Sermo sancti Máximi Episcopi.

Ex Homil. 59., de S. Eusebio 2.

### Lectio iv.

**B**eáti Patris N. mérita jam in tuto pósito secúri magnificémus: qui gubernáculum fidei viriliter tenens, áncorám

spei tranquilla jam in statióné compósuit, et plenam coeléstibus divítiis et ætérnis mércibus navem optáto in líttore collocávit: qui contra omnes adversários scutum timóris Dei tándiu infatigábiliter ténuít, donec ad victóriam perveníret. Quid enim fuit totus vitæ illius cursus, nisi unus cum vigili hoste conflictus?

R. Invéni David servum meum, óleo sancto meo unxi eum: \* Manus enim mea auxiliábitur ei. V. Nihil proficiet inimicus in eo, et filius iniquitátis non nocébit ei. Manus.

### Lectio v.

**Q**uantis hic cæcis a via veritátis errántibus, et de summa jam in profúndum rupe pendéntibus amíssum réddidit visum, et illum, quo Christus viderétur, reparávit intúitum? Quantórum aúribus surdis, et infidelitátis obturatióne damnátis, ad percipiéndam vocem coeléstium mandatórum, pretiósus infúdit audítum, ut vocánti Deo ad misericórdiam respondérent per obediéntiam? Quantos intrínsecus vulnerátos, angélici oris arte et oratiónum, ab infirmitáte curávit?

R. Pósuí adjutórium super poténtem, et exaltávi eléctum de plebe mea: \* Manus enim mea auxiliábitur ei. V. Invéni David servum meum, óleo sancto meo unxi eum. Manus.

### Lectio vi.

**Q**uantos per longam incúriam peccáti labe resolútos, et quadam lepræ contagióne perfúsos, castigatióibus et exhortatióibus expiádo, Deo in se operánte;

mundávit? Quantórum ánimas vi-  
véntes in córpore jam defúctas,  
et delictórum mole óbrutas ac  
sepúltas, ad emendatióem tam-  
quam ad lucem vocádo, Deo  
resuscitávit: ut Dómini sui admi-  
rándus imitátor, jam mórtuas Deo,  
e contrário mortíficet vitáli morte  
peccáto?

R. Iste est qui. [54]

In III. Nocturno.

Léctio sancti Evangélíi secúndum  
Matthæum.

Lectio vii. Cap. 24. d.

**I**n illo témpore: Dixit Jesus disci-  
pulis suis: Vigiláte, quia nescítis  
qua hora Dóminus vester ventúrus  
sit. Et réliqua.

Homília sancti Hiláarii Epíscopi.

Coñent. in Matth. can. 26., in fine.

**U**t ignorántiam illam diéi ó-  
mnibus tácti, non sine úti-  
lis siléntii ratióne esse sci-  
rémus, vigiláre nos Dóminus pro-  
pter advéntum furis admónuit, et  
oratiónum assiduitáte deténtos,  
ómnibus præceptórum suórum  
opéribus inhærére. Furem enim  
esse osténdit zábulum, ad detra-  
hénda ex nobis spólia pervígilem,  
et córporum nostrórum dómibus  
insidiántem: ut ea incuriósus no-  
bis, et somno déditis, consiliórum  
suórum atque illecebrárum jáculis  
perfódiat. Parátos ígitur esse nos  
cónvenit, quia diéi ignorátio in-  
téntam sollicitúdinem suspénsæ  
exspectatiónis exágitet.

R. Amávit eum Dóminus, et or-  
návit eum: stolam glóriæ induit  
eum, \* Et ad portas paradísi co-  
ronávit eum. V. Induit eum Dñs  
lorícam fidei, et ornávit eum. Et.

Lectio viii.

Can. 27.

**Q**uisnam est fidélis servus et  
prudens, quem constituit Dó-  
minus super familiam suam?  
Quamquam in commúne nos ad  
indeféssam vigilántiæ curam ad-  
hortétur: speciálem tamen pópuli  
principibus, id est, epíscopis, in  
exspectatióne adventúque suo  
sollicitúdinem mandat. Hunc enim  
servum fidélem atque prudentem,  
præpósitum familiæ significat,  
cómmoda atque utilitatés com-  
missi sibi pópuli curántem. Qui  
si dicto aúdiens, et præcéptis  
obédiens erit, id est, si doctrínæ  
opportunitáte et veritáte infirma  
confirmet, disrúpta consólidet,  
depraváta convértat, et verbum  
vitæ in æternitátis cibum aléndæ  
familiæ dispéndat, atque hæc  
agens, hisque ímmorans depre-  
hendátur, glóriam a Dómino tam-  
quam dispensátor fidélis, et villi-  
cus útilis consequétur, et super  
ómnia bona constituétur; id est,  
in Dei glória collocábitur, quia  
nihil sit ultra, quod mélius sit.

R. Sint lumbi vestri præcíncti,  
et lucernæ ardéntes in mánibus  
vestris: \* Et vos símiles homínibus  
exspectántibus dómimum suum,  
quando revertátur a núptiis. V. Vi-  
giláte ergo, quia nescítis qua hora  
Dóminus vester ventúrus sit. Et.  
Glória Patri. Et.

Lectio ix.

**Q**uod si cóntuens longam Dei  
patiéntiam, quæ in proféctum  
humánæ salútis exténditur, advér-  
sum consérvos insoléscet, et sæ-  
culi malis vitiisque se tradet, præ-  
séntium tantum curam in cultu  
ventris exércens: desperáta die

Dóminus advéniet, eúmque a bonis quæ spopónderat, dívidet, portiónemque ejus cum hypócritis in pœnæ æternitáte constituet: quia advéntum desperáverit, quia mandátis non obtemperáverit, quia præséntibus studúerit, quia vita Géntium víxerit, quia desperatione judícii commíssam sibi familiam fame, siti, cæde vexáverit.

Te Deum laudámus. 14.

### Pro Doctoribus.

Ad Magnif., in utrisque Vesp.  
Ant. O Doctor óptime, \* Ecclésiæ sanctæ lumen, beáte N. divínæ legis amátor, deprecáre pro nobis Filium Dei.

#### Oratio.

**D**eus, qui pópulo tuo æternæ salutis beátum N. minístrum tribuísti: præsta quæsumus; ut quem Doctórem vitæ habúimus in terris, intercessórem habére mereámur in cœlis. Per Dóminum.

Lectioes sequentes leguntur in festis Doctorum. Officium autem in illis fit de Confessore Pontifice vel non Pontifice, pro qualitate Festi.

#### In I. Nocturno.

#### De libro Ecclesiástici.

##### Lectio i.

##### Cap. 39.

**S**apiéntiam ómnium antiquórum exquíret sápiens, et in prophétis vacábit. Narratió-nem virórum nominatórum conservábit, et in versútias parabolárum simul introíbit. Occúlta proverbiorum exquíret, et in absconditis parabolárum conversábitur. In médio magnatórum ministrábit, et in conspéctu præsidis apparébit. In terram alienigenárum gén-

tium pertránsiet: bona enim et mala in homínibus tentábit.

R. Euge serve bone et fidélis, quia in pauca fuísti fidélis, supra multa te constitúam: \* Intra in gáudium Dómini tui. V. Dómine quinque talénta tradidísti mihi, ecce ália quinque superlucrátus sum. Intra.

#### Lectio ii.

**C**or suum tradet ad vigilándum dilúculo ad Dóminum, qui fecit illum, et in conspéctu Altissimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spírítu intelligéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse díriget consílium ejus, et disciplinam, et in absconditis suis consiliábitur.

#### Pro Doctore Pontifice.

R. Ecce sacérdos magnus, qui in diébus suis plácuit Deo: \* Ideo jurejurádo fecit illum Dóminus créscere in plebem suam. V. Benedictiónem ómnium géntium dedit illi, et testaméntum suum confirmávit super caput ejus. Ideo.

#### Pro Doctore non Pontifice.

R. Justus germinábit sicut lílium: \* Et florébit in ætérnum ante Dóminum. V. Plantátus in domo Dómini, in átriis domus Dei nostri. Et.

#### Lectio iii.

**I**pse palam faciet disciplinam doctrínæ suæ, et in lege testaménti Dómini gloriábitur. Collaudábunt multi sapiéntiam ejus, et usque in



sæculum non delébitur. Non recédet memória ejus, et nomen ejus requirétur a generatióne in generatióne. Sapiéntiam ejus enarrábunt gentes, et laudem ejus enuntiábit Ecclésia.

Pro Doctore Pontifice.

R. Jurávit Dóminus. [52]

Pro Doctore non Pontifice.

R. Iste cognóvit. [70]

In II. Nocturno.

Ex libro Morálium sancti Gregórii Papæ.

Lectio iv. Lib. 9. Cap. 6.

**Q**ui post Oríonas Hýadum nómine, nisi Doctóres sanctæ Ecclésiæ designántur? Qui subductis Martýribus, eo jam tēpore ad mundi notítiam venérunt, quo fides clárius elúcet, et représa infidelitátis híeme, áltius per corda fidélium sol veritátis calet. Qui remóta tempestáte persecutiónis, explétis longis nóctibus infidelitátis, tunc sanctæ Ecclésiæ orti sunt, cum ei jam per credulitátis vernum lucídior annus aperítur.

Pro Doctore Pontifice.

R. Invéni David, servum meum, óleo sancto meo unxi eum: \* Manus enim mea auxiliábitur ei. V. Nihil proficiet inimícus in eo, et fílius iniquitátis non nocébit ei. Manus.

Pro Doctore non Pontifice.

R. Honéstum fecit illum Dóminus, et custodívit eum ab inimícis, et a seductóribus tutávit illum: \* Et dedit illi claritátem ætérnam. V. Justum dedúxit Dóminus per vias rectas, et osténdit illi regnum Dei. Et.

Lectio v.

**N**ec immérito Doctóres sancti Hýadum nuncupatióne signántur. Græco quippe elóquio hýetos plúvia vocátur: et Hýades nomen a plúviis accepérunt, quia ortæ procul dúbio imbres ferunt. Bene ergo Hýadum appellatióne expréssi sunt, qui ad statum universális Ecclésiæ, quasi in cœli faciém deducti, super aréntem terram húmáni pectoris sanctæ prædicatiónis imbres fuderunt. Si enim prædicatiónis sermo plúvia non esset, Móyses mínime dixisset: Exspectétur sicut plúvia elóquium meum: et nequáquam per Isaíam Véritas diceret: Mandábo núbibus meis, ne pluant super eam imbrem: atque hoc, quod paulo ante protúlimus: Quamóbrem prohibítæ sunt stellæ pluviárum.

Pro Doctore Pontifice.

R. Pósui adjutórium super poténtem, et exáltavi eléctum de plebe mea: \* Manus enim mea auxiliábitur ei. V. Invéni David servum meum, óleo sancto meo unxi eum. Manus.

Pro Doctore non Pontifice.

R. Amávit eum Dóminus, et ornávit eum: stolam glóriæ induit eum, \* Et ad portas paradísi coronávit eum. V. Induit eum Dñs lorícam fidei, et ornávit eum. Et.

Lectio vi.

**D**um ergo Hýades cum plúviis véniunt, ad cœli spátia altióra sol dúcitur: quia apparénte Doctórum sciéntia, dum mens nostra imbre prædicatiónis infúnditur, fidei calor augétur. Et perfúsa terra ad fructum próficit, cum lumen ætheris ignéscit: quia ubé-

rius frugem boni óperis réddimus dum per sacræ eruditiónis flammam in corde clárius ardémus. Dumque per eos diébus singulis magis magisque sciéntia cœléstis osténditur, quasi intérni nobis lúminis vernum tempus aperitur: ut novus sol nostris méntibus rúilet, et eórum verbis nobis cóg-nitus seípso quotidie clárior micet. Urgénte étenim mundi fine, supérna sciéntia próficit, et lárgius cum témpore excreócit.

Pro Doctore Pontifice.

R. Iste est. [54]

Pro Doctore non Pontifice.

R. Iste homo. [72]

In III. Nocturno.

Léctio sancti Evangélii secúndum Matthæum.

Lectio vii. Cap. 5. b.

**I**n illo témpore: Dixit Jesus discipulis suis: Vos estis sal terræ. Quod si sal evanúêrit, in quo saliétur? Et réliqua.

Homília sancti Augustíni Epíscopi.

Lib. 1. de Serm. Domini in monte.

Cap. 6. Tom. 4.



**O**sténdit Dóminus, fátuos esse judicándos, qui temporálium bonórum vel cópiam sectántes, vel inópiam metuéntes, amítunt æténa, quæ nec dari possunt ab homínibus, nec auférri. Itaque si sal infatuátum fúerit, in quo saliétur? Id est, si vos, per quos condiéndi sunt quodámmodo pópuli, metu persecutiónum temporálium amisérítis regna cœlórum; qui erunt hómínes, per quos a vobis error auferátur, cum vos elégerit Deus, per quos errórem aúferat ceterórum?

Pro Doctore Pontifice.

R. Amávit eum Dóminus, et ornávit eum: stolam glóriæ induit eum, \* Et ad portas paradísi coronávit eum. V. Induit eum Dóminus lorícam fidei, et ornávit eum. Et.

Pro Doctore non Pontifice.

R. Iste est qui ante Deum magnas virtútes operátus est, et de omni corde suo laudávit Dóminum: \* Ipse intercédát pro peccátis ómnium populórum. V. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viii.

**E**rgo ad níhilum valet sal infatuátum, nisi ut mittátur foras, et calcétur ab homínibus. Non itaque calcátur ab homínibus, qui pátitur persecutióne: sed qui persecutióne timéndo infatuátur. Calcári enim non potest nisi inférior: sed inférior non est, qui quamvis corpore multa in terra sustíneat, corde tamen fixus in cœlo est.

R. In médio Ecclésiæ apéruit os ejus, \* Et implévit eum Dóminus spírítu sapiéntiæ et intelléctus. V. Jucunditátem et exsultatióne thesaurizávit super eum. Et implévit. Glória Patri. Et.

Lectio ix.

**V**os estis lumen mundi. Quómodo dixit supérius sal terræ, sic nunc dicit lumen mundi. Nam neque supérius ista terra accipiéndá est, quam pédibus corpóreis calcámus: sed hómínes qui in terra hábitant, vel étiam peccatóres, quorum condiéndis et exstinguéndis putóribus apostólicum salem Dó-

minus misit. Et hic mundum non cœlum et terram, sed hómínes, qui sunt in mundo, vel diligunt mundum, opórtet intélligi, quibus illuminándis Apóstoli missi sunt. Non potest civitas abscondi super montem pósita: id est, fundáta super insígnem magnámque justítiam, quam significat étiam ipse mons, in quo disputat Dóminus.

Te Deum laudámus. 14.

## II. Alia Homilia.

Léctio sancti Evangélíi secúndum Matthæum.

Lectio vii. Cap. 5. b.

**I**n illo témpore: Dixit Jesus discipulis suis: Vos estis sal terræ. Quod si sal evanúerit, in quo salíetur? Et réliqua.

Homilía sancti Hilárii Epíscopi.

Comm. in Matthæum, can. 4.

**V**os estis sal terræ: quod si sal infatuátum fúerit, ad nihilum valet id quod salíetur. Sal, ut árbitror, terræ nullum est. Quómodo ergo Apóstolos sal terræ nuncupávit? Sed proprietas est quærénda dictórum, quam et Apostolorum officium, et ipsíus salis natúra monstrábit. Sal est in se uno cóntinens aquæ et ignis eleméntum, et hoc ex duóbus est unum.

Pro Doctore Pontifice.

R. Amávit eum Dóminus, et ornávit eum: stolam glóriæ induit eum, \* Et ad portas paradísi coronávit eum. V. Induit eum Dóminus lorícam fidei, et ornávit eum. Et.

Pro Doctore non Pontifice.

R. Iste est qui ante Deum magnas virtútes operátus est, et de

omni corde suo laudávit Dóminum:

\* Ipse intercédát pro peccátis ómnium populórum. V. Ecce homo sine queréla, verus Dei cultor, ábs-tinens se ab omni ópere malo, et pérmanens in innocéntia sua. Ipse.

Lectio viii.

**H**ic igitur in omnem usum humani géneris efféctus, incorruptiónem corpóribus, quibus fúerit aspérsus, impértit, et ad omnem sensum condíti sapóris aptísimus est. Apóstoli autem sunt rerum cœléstium prædicatóres, et æternitátis velut satóres, immortalitátem ómnibus corpóribus, quibus eórum sermo aspérsus fúerit, conferéntes. ¶ Mérito igitur sal terræ nuncupáti sunt, per doctrínæ virtútem salíendi modo æternitáti cörpera reservántes.

R. In médio Ecclésiæ apérui os ejus, \* Et implévit eum Dóminus spíritu sapiéntiæ et intelléctus. V. Jucunditátem et exsultatióem thesaurizávit super eum. Et. Glória Patri. Et.

Lectio ix.

**S**ed natúra salis semper éadem est, nec immutári umquam potest. Verum quia conversióni homo súbjacet, et solus beátus, qui usque ad finem in ómnibus Dei opéribus permánserit: ideo eos sal terræ nuncupátos monet in tráditæ sibi potestátis virtúte persístere, ne infatuáti nihil sáliant, et ipsi, sensu accépti sapóris amísso, vivificáre corrúpta non possint, et projécti de Ecclésiæ promptuáriis, cum his quos salierint, pédibus incedéntium proterántur.

Te Deum laudámus. 14.

## III. Alia Homilia.

Lectio sancti Evangelii secundum  
Matthæum.

Lectio vii. Cap. 5. b.

**I**n illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? Et reliqua.

Homilia S. Joannis Chrysostomi.

Homilia 15. in Matthæum, sub medium.

**A**ttendite quid dixerit, Vos estis sal terræ: per quod ostendit quam necessario ista præcipiat. Non enim de vestra, inquit, tantummodo vita, sed de universo orbe vobis ratio reddenda est. Non ad duas quippe urbes, aut decem, aut viginti, neque ad unam gentem vos mitto, sicut mittebam prophetas: sed ad omnem terram prorsus ac mare, totumque mundum, et hunc variis criminibus oppressum.

Pro Doctore Pontifice.

R. Amavit eum Dominus, et ornavit eum: stolam gloriæ induit eum, \* Et ad portas paradisi coronavit eum. V. Induit eum Dominus lorica fidei, et ornavit eum. Et.

Pro Doctore non Pontifice.

R. Iste est qui ante Deum magnas virtutes operatus est, et de omni corde suo laudavit Dominum: \* Ipse intercedat pro peccatis omnium populorum. V. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viii.

**D**icendo enim, Vos estis sal terræ, ostendit universam homi-

num infatuatam esse naturam, et peccatorum vi corruptam: et idcirco illas ab eis virtutes requirit, quæ maxime ad multorum salutem procurandam necessariae sunt atque utiles. Nam qui mansuetus est ac modestus, et misericors et iustus, non intra se tantummodo hæc recte facta concludit, verum in aliorum quoque utilitatem præclaros hos faciet effluere fontes. Igitur qui corde mundo est atque pacificus, et persecutionem pro veritate patitur, nihilominus in commune commodum vitam instituit.

R. In medio Ecclesiæ aperuit os ejus, \* Et implevit eum Dominus spiritu sapientiæ et intellectus. V. Jucunditatem et exultationem thesaurizavit super eum. Et. Glória Patri. Et.

Lectio ix.

**N**e igitur putetis, inquit, ad leviam vos ducendos esse certamina, neque exiguarum rerum vobis ineundam esse rationem. Vos estis sal terræ. Quid igitur? Ipsine putrefacta medicati sunt? Nequaquam: neque enim fieri potest, ut ea quæ jam corrupta sunt, salis perfricatione reparentur. Non ergo hoc fecerunt, sed ante renovata, sibi que tradita, atque ab illa jam putredine liberata, aspergebant sale, et in ea novitate conservabant, quam a Domino susceperant. Liberare quippe a putredine peccatorum, Christi virtutis est: ut autem ad illa iterum non revertantur, Apostolorum curæ est ac laboris. Te Deum laudamus. 14.





## COMMUNE CONFESSORIS NON PONTIFICIS.

### In I. Vesperis.

Ant. de Laudibus. [75], Psalmi ut in  
I. Vesp. de Comm. Apost. [2]

Capitulum. Eccli. 31.

**B**eatus vir, qui inventus  
est sine macula, et qui  
post aurum non abiit,  
nec speravit in pecunia  
et thesauris. Quis  
est hic, et laudabimus eum? fecit  
enim mirabilia in vita sua.

Hymnus.

**I**ste Confessor Domini colentes  
Quem pie laudant populi per  
orbem,  
Hac die laetus meruit beatas  
Scandere sedes.

Si non est dies obitus, quod indicant  
in Proprio litterae m. t. v. dicatur:

Hac die laetus meruit supremos  
Laudis honores.

Qui pius, prudens, humilis, pudicus,

Sobriam duxit sine labe vitam,  
Donec humanos animavit auras  
Spiritus artus.

Cujus ob praestans meritum frequenter,

Aegra quae passim jacuere, membra

Viribus morbi domitis, salutem  
Restituuntur.

Noster hinc illi chorus obsequentem

Concinit laudem, celebrisque  
palmas;

Ut piis ejus precibus juvemur  
Omne per aevum.

Sit salus illi, decus, atque virtus,  
Qui super caeli solio coruscans,  
Totius mundi seriem gubernat  
Trinus, et unus. Amen.

V. Amavit eum Dominus, et ornavit eum. R. Stulam gloriae induit eum.

Ad Magnif. Ant. Similabo eum  
\* viro sapienti, qui aedificavit domum suam supra petram.

Oratio.

**D**eus, qui nos beati N. Confessoris tui annua solemnitatem laetificas: concede propitius; ut cujus

natalítia cólimus, étiam actiónes imitémur. Per Dóminum.

Alia Oratio.

**A**désto Dómine supplicatióni-  
bus nostris, quas in beáti N.  
Confessoris tui solemnitate deféri-  
mus: ut qui nostræ justitiæ fidú-  
ciam non habémus, ejus, qui tibi  
plácuit, précibus adjuvémur. Per  
Dóminum nostrum.

Si fuerit Abbas. Oratio.

**I**ntercéssio nos, quásumus Dó-  
mine, beáti N. Abbátis commén-  
det: ut quod nostris méritis non  
valémus, ejus patrocínio assequá-  
mur. Per Dóminum.

### Ad Matutinum.

Invit. Regem Confessorum Dó-  
minum, \* Veníte adorémus.

Ps. Veníte, exsultémus. 2.

Hymnus. Iste Conféssor. [67]

In I. Nocturno.

Ant. Beátus vir, \* qui in lege  
Dómini meditátur: volúntas ejus  
pérmanet die ac nocte, et ómnia  
quæcúmque fáciat, semper prospe-  
rabúntur.

Psalmus 1.

**B**eátus vir, qui non ábiit in con-  
sílio impiórum, et in via pec-  
catorum non stetit, \* et in  
cáthedra pestiléntiæ non sedit:

Sed in lege Dómini volúntas ejus,  
\* et in lege ejus meditábitur die  
ac nocte.

Et erit tamquam lignum, quod  
plantátum est secus decúrsus aquá-  
rum, \* quod fructum suum dabit in  
tépore suo:

Et fólium ejus non défluet: \* et  
ómnia quæcúmque fáciat, prospe-  
rabúntur.

Non sic ímpii, non sic: \* sed tam-  
quam pulvis, quem prójicit ventus  
a fácie terræ.

Ideo non resúrgent ímpii in ju-  
dício: \* neque peccatóres in con-  
cilio justórum.

Quóniam novit Dñs viam justó-  
rum: \* et iter impiórum períbit.

Ant. Beátus vir, qui in lege Dñi  
meditátur: volúntas ejus pérmanet  
die ac nocte, et ómnia quæcúmque  
fáciat, semper prosperabúntur.

Ant. Beátus iste sanctus, \* qui  
confísus est in Dómino, prædicávit  
præcéptum Dómini, constitútus est  
in monte sancto ejus.

Psalmus 2.

**Q**uare fremuérunt Gentes, \* et  
pópuli meditáti sunt inánia?

Astitérunt reges terræ, et prín-  
cipes convenérunt in unum \* ad-  
vérsus Dóminum, et advérsus Chri-  
stum ejus.

Dirumpámus víncula eórum: \* et  
projiciámus a nobis jugum ipsórum.

Qui hábitat in cœlis irridébit  
eos: \* et Dóminus subsannábit eos.

Tunc loquétur ad eos in ira sua,  
\* et in furóre suo conturbábit eos.

Ego autem constitútus sum rex  
ab eo super Sion montem sanctum  
ejus, \* prædicans præcéptum ejus.

Dóminus dixit ad me: \* Fílius  
meus es tu, ego hódie genui te.

Póstula a me, et dabo tibi Gen-  
tes hæreditátem tuam, \* et pos-  
sessiόνem tuam términos terræ.

Reges eos in virga férrea, \* et  
tamquam vas figuli confrínges eos.

Et nunc reges intelligite: \* eru-  
dímini qui judicátis terram.

Servíte Dómino in timóre: \* et  
exsultáte ei cum tremóre.



Apprehéndite disciplínam, nequándo irascátur Dóminus, \* et pereátis de via justa.

Cum exárserit in brevi ira ejus, \* beáti omnes, qui confidunt in eo.

Ant. Beátus iste sanctus, qui confisus est in Dómino, prædicávit præcéptum Dómini, constitútus est in monte sancto ejus.

Ant. Tu es glória mea, \* tu es suscéptor meus Dómine: tu exáltans caput meum, et exaudísti me de monte sancto tuo.

### Psalmus 3.

**D**ómine quid multiplicáti sunt qui tríbulant me? \* multi insúrgunt advérsus me.

Multi dicunt ánimæ meæ: \* Non est salus ipsi in Deo ejus.

Tu autem Dómine suscéptor meus es, \* glória mea, et exáltans caput meum.

Voce mea ad Dóminum clamávi: \* et exaudivit me de monte sancto suo.

Ego dormívi, et soporátus sum: \* et exsurrexi, quia Dóminus suscepit me.

Non timébo míllia pópuli circumdántis me: \* exsúrge Dómine, salvum me fac Deus meus.

Quóniam tu percussísti omnes adversántes mihi sine causa: \* dentes peccatórum contrivísti.

Dómini est salus: \* et super pópulum tuum benedíctio tua.

Ant. Tu es glória mea, tu es suscéptor meus Dómine: tu exáltans caput meum, et exaudísti me de monte sancto tuo.

℣. Amávit eum Dóminus, et ornavit eum. ℞. Stolum glóriæ induit eum.

Pater noster.

Absolutio. Exaúdi Dómine.

℣. Jube domne.

Bened. Benedicţióne perpétua.

De libro Sapiéntiæ.

Lectio i. Cap. 4. b. et 5.

**I**ustus si morte præoccupátus fúerit, in refrigério erit. Senéctus enim venerábilis est non diutúrna, neque annórum número computáta: cani autem sunt sensus hóminis, et ætas senectútis vita immaculáta. Placens Deo factus est diléctus, et vivens inter peccatóres translátus est. Raptus est ne malítia mutáret intelléctum ejus, aut ne fictio decíperet ánimam illius. Fascinátio enim nugacitátis obscurat bona, et inconstántia concupiscéntiæ transvértit sensum sine malítia. Consummátus in brevi explévit témpora multa: plácita enim erat Deo ánimá illius: propter hoc properávit educere illum de médio iniquitátum.

℞. Euge serve bone et fidélis, quia in pauca fuísti fidélis, supra multa te constítuam: \* Intra in gaúdium Dómini tui. ℣. Dñe quinque talénta tradidísti mihi, ecce ália quinque superlucrátus sum. Intra.

Bened. Unigénitus Dei Fílius.

Lectio ii.

**P**ópuli autem vidéntes, et non intelligéntes, nec ponéntes in præcórdiis tália: quóniam grátia Dei et misericórdia est in sanctos ejus, et respéctus in eléctos illius. Condémnat autem justus mórtuus vivos ímpios, et juvéntus celérius consummáta longam vitam injústi. Vidébunt enim finem sapiéntis, et non intélligent quid cogitáverit de

illo Deus, et quare munierit illum Dóminus. Vidébunt et contémnent eum: illos autem Dóminus irridébit. Et erunt post hæc decidéntes sine honóre, et in contumélia inter mórtuos in perpétuum: quóniam disrúmpet illos inflátos sine voce, et commovébit illos a fundaméntis, et usque ad supréum desolabúntur.

R. Justus germinábit sicut lílium: \* Et florébit in ætérnum ante Dñm. V. Plantátus in domo Dñi, in átriis domus Dei nostri. Et.

Bened. Spíritus sancti grátia.

### Lectio iii.

**E**t erunt geméntes, et memória illórum peribit. Vénient in cogitatione peccatórum suórum tímidi, et tradúcent illos ex advérso iniquitátes ipsórum. Tunc stabunt justí in magna constántia advérsum eos qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatione insperátæ salútis, dicéntes intra se, pœniténtiam agéntes, et præ angústia spíritus geméntes: Hi sunt quos habúimus aliquándo in derisum et in similitúdinem impropérii. Nos insensáti vitam illórum aestimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

R. Iste cognóvit justítiam, et vidit mirabília magna, et exorávit Altíssimum: \* Et invéntus est in número sanctórum. V. Iste est qui contémpsit vitam mundi, et pervénit ad coeléstia regna. Et. Glória Patri. Et.

### In II. Nocturno.

Ant. Invocántem exaudivit \* Dóminus sanctum suum, Dóminus exaudivit eum, et constituit eum in pace.

### Psalmus 4.

**C**um invocárem exaudivit me Deus justítiæ meæ: \* in tribulatione dilatásti mihi.

Miserére mei, \* et exaúdi orationem meam.

Fílii hóminum úsquequo gravi corde? \* ut quid dilígitis vanitatem, et quæritis mendácium?

Et scitóte quóniam mirificávit Dóminus sanctum suum: \* Dóminus exaúdiet me cum clamávero ad eum.

Irascimini, et nolíte peccáre: \* quæ dicitis in córdibus vestris, in cubilibus vestris compungimini.

Sacrificáte sacrificium justítiæ, et speráte in Dómino: \* multi dicunt: Quis osténdit nobis bona?

Signátum est super nos lumen vultus tui Dómine: \* dedísti lætítiam in corde meo.

A fructu fruménti, vini, et ólei sui \* multiplicáti sunt.

In pace in idípsum \* dórmiam, et requiescam;

Quóniam tu Dómine singuláriter in spe \* constituísti me.

Ant. Invocántem exaudivit Dñs sanctum suum, Dóminus exaudivit eum, et constituit eum in pace.

Ant. Læténtur omnes, \* qui sperant in te Dómine: quóniam tu benedixísti justo, scuto bonæ voluntátis tuæ coronásti eum.

### Psalmus 5.

**V**erba mea aúribus pèrcipe Dómine, \* intéllege clamórem meum.

Inténde voci oratiónis meæ, \*  
Rex meus et Deus meus.

Quóniam ad te orábo: \* Dómine  
mane exaúdiēs vocem meam.

Mane astábo tibi et vidébo: \*  
quóniam non Deus volens iniqui-  
tátem tu es.

Neque habitábit juxta te malí-  
gnus: \* neque permanébunt injústi  
ante óculos tuos.

Odísti omnes, qui operántur ini-  
quitátem: \* perdes omnes, qui lo-  
quúntur mendácium.

Virum sánguinem et dolósum  
abominábitur Dóminus: \* ego au-  
tem in multítudine misericórdiæ  
tuæ.

Introíbo in domum tuam: \* ad-  
orábo ad templum sanctum tuum  
in timóre tuo.

Dómine deduc me in justítia tua:  
\* propter inimícos meos dírige in  
conspéctu tuo viam meam.

Quóniam non est in ore eórum  
véritas: \* cor eórum vanum est.

Sepúlchrum patens est guttur  
eórum, linguis suis dolóse agébant,  
\* júdica illos Deus.

Décidant a cogitatióibus suis,  
secúndum multítudinem impietá-  
tum eórum expélle eos, \* quóniam  
irritavérunt te Dómine.

Et læténtur omnes, qui sperant  
in te, \* in ætérnum exsultábunt: et  
habitábis in eis.

Et gloriabúntur in te omnes, qui  
diligunt nomen tuum, \* quóniam  
tu benedíces justo.

Dómine, ut scuto bonæ voluntá-  
tis tuæ \* coronásti nos.

Ant. Læténtur omnes, qui spe-  
rant in te Dómine: quóniam tu be-  
nedixísti justo, scuto bonæ volun-  
tátis tuæ coronásti eum.

Ant. Dómine Dóminus noster, \*  
quam admirábile est nomen tuum  
in univérſa terra! quia glória et  
honóre coronásti sanctum tuum,  
et constituísti eum super ópera  
mánuum tuárum.

Psalmus 8.

**D**ómine Dóminus noster, \* quam  
admirábile est nomen tuum in  
univérſa terra!

Quóniam eleváta est magnificén-  
tia tua, \* super cœlos.

Ex ore infántium et lacténtium  
perfecísti laudem propter inimi-  
cos tuos, \* ut déstruas inimícum  
et ultórem.

Quóniam vidébo cœlos tuos,  
ópera digitórum tuórum: \* lunam  
et stellas, quæ tu fundásti.

Quid est homo, quod memor es  
ejus? \* aut filius hóminis, quóniam  
vísitas eum?

Minuísti eum paulo minus ab  
Angelis, glória et honóre coroná-  
sti eum: \* et constituísti eum su-  
per ópera mánuum tuárum.

Omnia subjecísti sub pédibus  
ejus, \* oves et boves univérſas:  
insuper et pécora campi.

Vólucres cœli, et pisces maris,  
\* qui perámbulant sémitas maris.

Dómine Dóminus noster, \* quam  
admirábile est nomen tuum in uni-  
vérſa terra!

Ant. Dómine Dóminus noster,  
quam admirábile est nomen tuum  
in univérſa terra! quia glória et  
honóre coronásti sanctum tuum,  
et constituísti eum super ópera  
mánuum tuárum.

Ÿ. Os justi meditábitur sapién-  
tiam. R. Et lingua ejus loquétur  
judícium.

Pater noster.

Absolutio. Ipsius pietas. *Ps.* Jube domne. Bened. Deus Pater.

Sermo sancti Joannis Chrysostomi.

In Orat. de S. Philogonio, tom. 3.

Lectio iv.

**B**eāti N. dies, cujus festivitatem celebrāmus, ad ipsius recte factōrum enarratiōnem linguam nostram evocāvit, siquidem hodie beātus iste ad tranquillam, omnisque perturbatiōnis expertem vitam trāsiit: eoque navigium appulit, ubi deinceps non poterit metuere naufragium, nec ullam animi perturbatiōnem, aut dolorem. Et quid mirum est, si locus ille purus est ab omni molestia animi, cum Paulus hominibus adhuc in hac vita degentibus loquens dicat: Semper gaudete, sine intermissione orate?

*R.* Honestum fecit illum Dominus, et custodivit eum ab inimicis, et a seductoribus tutavit illum: \* Et dedit illi claritatem aeternam. *Ps.* Justum deduxit Dominus per vias rectas, et ostendit illi regnum Dei. Et dedit.

Bened. Christus perpetuæ.

Lectio v.

**Q**uod si hic, ubi morbi, ubi insectationes, ubi præmaturationes mortes, ubi calumniae, ubi invidiae, ubi perturbaciones, ubi iræ, ubi cupiditates, ubi innumerabiles insidiae, ubi quotidianæ sollicitudines, ubi perpetua sibi que succedentia mala sunt, innumeros ex omni parte dolores afferentia, Paulus dixit fieri posse, ut semper gaudeamus, si quis paululum ex rerum mundanarum fluctibus erexerit caput, vi-

tamque suam recte composuerit: multo magis, postquam hinc demigraverimus, facile cōmpotes erimus ejus boni, cum hæc omnia sublata fuerint, adversa valetudo, morbi, peccandi materia, ubi non est meum ac tuum, frigidum illud verbum, et quidquid est malorum in vitam nostram invehens, innumeraque gignens bella.

*R.* Amavit eum Dominus, et ornavit eum: stolam gloriæ induit eum, \* Et ad portas paradisi coronavit eum. *Ps.* Induit eum Dominus lorica fidei, et ornavit eum. Et ad portas.

Bened. Ignem sui amoris.

Lectio vi.

**Q**uamobrem maximopere gratulor hujus sancti felicitati, quod quamquam translatus est, atque hanc, quæ apud nos est, civitatem reliquit, tamen in alteram adscriptus est civitatem, nempe Dei: et digressus ab hac Ecclesia, ad illam pervenit, quæ est primogenitorum descriptorum in coelis: ac relictis hisce festis, trāsiit ad celebritatem Angelorum. Etenim quod et civitas sursum sit, et Ecclesia, et celebritas, audi Paulum dicentem: Accessistis ad civitatem Dei viventis, Jerusalem coelestem, et Ecclesiam primitivorum, qui conscripti sunt in coelis, et ad multorum milium Angelorum frequentiam.

*R.* Iste homo perfecit omnia quæ locutus est ei Deus, et dixit ad eum: Ingrédere in requiem meam: \* Quia te vidi justum coram me ex omnibus gentibus. *Ps.* Iste est qui contempsit vitam mundi, et pervenit ad coelestia regna. Quia. Glória Patri. Quia.

## In III. Nocturno.

Ant. Dómine, \* iste sanctus habitabit in tabernáculo tuo, operátus est justítiam, requiescet in monte sancto tuo.

## Psalmus 14.

**D**ómine quis habitabit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justítiam:

Qui lóquitur veritátem in corde suo, \* qui non egit dolum in lingua sua:

Nec fecit próximo suo malum, \* et oppróbrium non accépit adversus próximos suos.

Ad nihilum dedúctus est in conspéctu ejus malignus: \* timéntes autem Dóminum gloríficat:

Qui jurat próximo suo, et non decipit, \* qui pecúniam suam non dedit ad usúram, et múnera super innocentem non accépit:

Qui facit hæc, \* non movébitur in ætérnum.

Ant. Dómine, iste sanctus habitabit in tabernáculo tuo, operátus est justítiam, requiescet in monte sancto tuo.

Ant. Vitam pétiiit \* a te, et tribuísti ei Dómine: glóriam et magnum decórem imposuísti super eum: posuísti in cápite ejus corónam de lápide pretiósó.

## Psalmus 20.

**D**ómine in virtúte tua lætábitur rex: \* et super salutáre tuum exsultábit veheménter.

Desidérium cordis ejus tribuísti ei: \* et voluntáte labiórurn ejus non fraudásti eum.

Quóniam prævenísti eum in benedictiónibus dulcédinis: \* posuísti in cápite ejus corónam de lápide pretiósó.

Vitam pétiiit a te: \* et tribuísti ei longitúdinem diérurn in sæculum, et in sæculum sæculi.

Magna est glória ejus in salutári tuo: \* glóriam et magnum decórem impónes super eum.

Quóniam dabis eum in benedictiónem in sæculum sæculi: \* lætificábis eum in gáudio cum vultu tuo.

Quóniam rex sperat in Dómino: \* et in misericórdia Altíssimi non commovébitur.

Inveniátur manus tua ómnibus inimícis tuis: \* dextera tua invéniat omnes, qui te odérunt.

Pones eos ut clíbanum ignis in témpore vultus tui: \* Dóminus in ira sua conturbábit eos, et devorábit eos ignis.

Fructum eórum de terra perdes: \* et semen eórum a filiis hóminum.

Quóniam declinavérunt in te mala: \* cogitavérunt consília, quæ non potuérunt stabilíre.

Quóniam pones eos dorsum: \* in reliquiis tuis præparábis vultum eórum.

Exaltáre Dómine in virtúte tua: \* cantábimus et psallémus virtútes tuas.

Ant. Vitam pétiiit a te, et tribuísti ei Dómine: glóriam et magnum decórem imposuísti super eum: posuísti in cápite ejus corónam de lápide pretiósó.

Ant. Hic accípiet \* benedictiónem a Dómino, et misericórdiam a Deo salutári suo: quia hæc est generátio quæréntium Dóminum.

## Psalmus 23.

**D**ómini est terra, et plenitúdo ejus: \* orbis terrárum, et univérsi qui hábitant in eo.

Quia ipse super mária fundávit eum: \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: \* et misericórdiam a Deo salutári suo.

Hæc est generátio quæréntium eum, \* quæréntium fáciem Dei Jacob.

Attóllite portas príncipes vestras, et elevámini portæ æternáles: \* et introíbit Rex glóriæ.

Quis est iste Rex glóriæ? \* Dóminus fortis et potens: Dóminus potens in prælio.

Attóllite portas príncipes vestras, et elevámini portæ æternáles: \* et introíbit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

Ant. Hic accípiet benedictiónem a Dómino, et misericórdiam a Deo salutári suo: quia hæc est generátio quæréntium Dóminum.

℣. Lex Dei ejus in corde ipsíus.  
℞. Et non supplantabúntur gressus ejus.

Pater noster.

Absolutio. A vínculis.

℣. Jube domne.

Bened. Evangélica léctio.

## Léctio sancti Evangélii secúndum Lucam.

Lectio vii. Cap. 12. e.

**I**n illo témpore: Dixit Jesus discípulis suis: Sint lumbi vestri præcíncti, et lucérnæ ardéntes in mánibus vestris. Et réliqua.

Homília sancti Gregórii Papæ.

Homilia 13. in Evang.

**S**ancti Evangélii, fratres carísimi, apérta vobis est léctio recitáta. Sed ne aliquibus ipsa ejus planities alta fortásse videátur, eam sub brevitate transcúrrimus, quátenus ejus expositio ita nesciéntibus fiat cógnita, ut tamen sciéntibus non sit onerosa. Dóminus dicit: Sint lumbi vestri præcíncti. Lumbos enim præcingimus, cum carnis luxúriam per continéntiam coarctámus. Sed quia minus est, mala non ágere, nisi étiam quisque stúdeat, et bonis opéribus insudáre, prótinus ádditur: Et lucérnæ ardéntes in mánibus vestris. Lucérnas quippe ardéntes in mánibus tenémus, cum per bona ópera próximis nostris lucis exémpa monstrámus. De quibus profécto opéribus Dóminus dicit: Lúceat lux vestra coram homínibus, ut vídeant ópera vestra bona, et gloríficent Patrem vestrum qui in cœlis est.

℞. Iste est qui ante Deum magnas virtútes operátus est, et de omni corde suo laudávit Dóminum: \* Ipse intercédât pro peccátis ómnium populórum. ℣. Ecce homo sine queréla, verus Dei cultor, ábstinens se ab omni ópere malo, et pérmanens in innocentia sua. Ipse.

Bened. Cujus festum cólimus.



## Lectio viii.

**D**uo autem sunt, quæ jubentur, et lumbos restringere, et lucernas tenere: ut et munditia sit castitatis in corpore, et lumen veritatis in operatione. Redemptori etenim nostro unum sine altero placere nequâquam potest: si aut is qui bona agit, adhuc luxuriæ inquinamenta non deserit: aut is qui castitate præeminet, necdum se per bona opera exercet. Nec castitas ergo magna est sine bono opere, nec opus bonum est aliquod sine castitate. Sed et si utrûmque agitur, restat, ut quisquis ille est, spe ad supernam patriam tendat, et nequâquam se a vitiis pro mundi hujus honestate contineat.

R. Sint lumbi vestri præcincti, et lucernæ ardentes in manibus vestris: \* Et vos similes hominibus expectantibus dominum suum, quando revertatur a nuptiis. V. Vigilate ergo, quia nescitis qua hora Dominus vester venturus sit. Et. Glória Patri. Et.

Bened. Ad societatem.

## Lectio ix.

**E**t vos similes hominibus expectantibus dominum suum, quando revertatur a nuptiis: ut cum venerit et pulsaverit, confestim aperiant ei. Venit quippe Dominus, cum ad iudicium properat: pulsat vero, cum jam per ægritudinis molestias esse mortem vicinam designat. Cui confestim aperimus, si hunc cum amore suscipimus. Aperire enim iudici pulsanti non vult, qui exire de corpore trepidat: et videre eum, quem contempsisse se meminit, iudicem formidat. Qui autem de sua spe et operatione

securus est, pulsanti confestim aperit, quia lætus iudicem sustinet. Et cum tempus propinquæ mortis advenerit, de glória retributionis hilaréscit.

Te Deum laudamus. 14.

## Ad Laudes

et per Horas.

Ant. 1. Domine quinque talenta \* tradidisti mihi: ecce alia quinque superlucratus sum.

Ps. Dominus regnavit. 15.

2. Euge serve bone, \* in modico fidelis, intra in gaudium Domini tui.

3. Fidelis servus \* et prudens, quem constituit Dominus super familiam suam.

4. Beatus ille servus, \* quem cum venerit Dominus ejus, et pulsaverit januam, invenerit vigilantem.

5. Serve bone \* et fidelis, intra in gaudium Domini tui.

Capitulum. Eccli. 31.

**B**eatus vir, qui inventus est sine macula: et qui post aurum non abiit, nec speravit in pecunia et thesauris. Quis est hic, et laudabimus eum? fecit enim mirabilia in vita sua.

Hymnus.

**J**esu corona celsior,  
Et veritas sublimior,  
Qui confitenti servulo  
Reddis perenne præmium:

Da supplicanti cœtui,  
Hujus rogatu, noxi  
Remissionem criminis,  
Rumpendo nexum vinculi.

Anni reverso tempore,  
Dies refulsit lumine,  
Quo Sanctus hic de corpore  
Migravit inter sidera.

Hic vana terræ gaudia,  
Et luculenta prædia,  
Polluta sorde deputans,  
Ovans tenet cœlestia.

Te Christe Rex piissime,  
Hic confitendo jūgiter,  
Calcavit artes dæmonum,  
Sævumque avérni principem.

Virtute clarus, et fide,  
Confessione sèdulus,  
Jejuna membra deferens,  
Dapes supernas obtinet.

Proinde te piissime  
Precamur omnes supplices:  
Nobis ut hujus gratia  
Pœnas remittas debitas.

Patri perennis gloria,  
Natōque Patris único,  
Sanctōque sit Paráclito,  
Per omne semper sæculum.  
Amen.

Ÿ. Justum deduxit Dóminus per  
vias rectas. R̃. Et ostendit illi re-  
gnum Dei.

Ad Bened. Ant. Euge serve bo-  
ne \* et fidélis, quia in pauca fuisti  
fidélis, supra multa te constituam,  
intra in gaudium Dómini tui.

Oratio.

**D**eus, qui nos beati N. Confessó-  
ris tui ánnua solemnitáte læ-  
tíficas: concède propítius; ut cujus  
natalítia cólimus, étiam actiónes  
imitémur. Per Dóminum.

Alia Oratio.

**A**desto Dómine supplicatióni-  
bus nostris, quas in beati N.  
Confessóris tui solemnitáte deféri-  
mus: ut qui nostræ justitiæ fidú-  
ciam non habémus, ejus, qui tibi  
plácuit, précibus adjuvémur. Per  
Dóminum nostrum.

Si fuerit Abbas. Oratio.

**I**ntercessio nos, quæsumus Dó-  
mine, beati N. Abbátis com-  
mendet: ut quod nostris méritis  
non valémus, ejus patrocínio asse-  
quámur. Per Dóminum.

Ad Tertiam.

Ant. Euge serve bone.

Capit. Beátus vir. ut supra. [75]

R̃. br. Amávit eum Dóminus, \*  
Et ornávit eum. Amávit. Ÿ. Sto-  
lam glóriæ induit eum. Et. Glória  
Patri. Amávit.

Ÿ. Os justi meditábitur sapién-  
tiam. R̃. Et lingua ejus loquétur  
judícium.

Ad Sextam.

Ant. Fidélis servus.

Capitulum. Eccli. 39.

**J**ustus cor suum trádedit ad vigi-  
lándum dilúculo ad Dóminum,  
qui fecit illum, et in conspéctu Al-  
tíssimi deprecábitur.

R̃. br. Os justi \* Meditábitur sa-  
piéntiam. Os. Ÿ. Et lingua ejus  
loquétur judícium. Meditábitur.  
Glória Patri. Os.

Ÿ. Lex Dei ejus in corde ipsíus.  
R̃. Et non supplantabúntur gres-  
sus ejus.

Ad Nonam.

Ant. Serve bone.

Capitulum. Sap. 10. b.

**J**ustum deduxit Dóminus per  
vias rectas, et ostendit illi re-  
gnum Dei, et dedit illi sciéntiam  
sanctórum: honestávit illum in la-  
bóribus, et complévit labóres illíus.

R̃. br. Lex Dei ejus \* In corde  
ipsíus. Lex. Ÿ. Et non supplan-  
tabúntur gressus ejus. In. Glória  
Patri. Lex.

Ÿ. Justum dedúxit Dóminus per vias rectas. R. Et osténdit illi regnum Dei.

## In II. Vesperis.

Ant. de Laud. [75], Psalmi, Capit. et Hymnus ut in I. Vesp. [67]

Ÿ. Justum dedúxit Dóminus per vias rectas. R. Et osténdit illi regnum Dei.

Ad Magnif. Ant. Hic vir despiciens \* mundum et terréna, triúmphans, divítias cœlo cóndidit ore, manu.

Si occurrat celebrari Festum plurium Confessorum non Pontificum, Officium fit ut supra: sed in Oratione et Sermone, quæ habentur in singulari, dicantur in plurali.

## II. Aliæ Lectiones pro Confessore non Pontifice.

In I. Nocturno.

De libro Ecclesiástici.

Lectio i. Cap. 31.

**B**eátus vir, qui invéntus est sine mácula: et qui post aurum non ábiit, nec sperávit in pecúnia et thesaúris. Quis est hic, et laudábimus eum? fecit enim mirabilia in vita sua. Qui probátus est in illo, et perféctus est, erit illi glória æténa: qui pótuit tránsgridi, et non est transgréssus: fácere mala, et non fecit: ideo stabilita sunt bona illius in Dómino, et eleemósynas illius enarrábit omnis ecclé-sia sanctórum.

. R. Euge serve bone et fidélis, quia in pauca fuísti fidélis, supra multa te constituam: \*Intra in gáudium Dñi tui. Ÿ. Dómine quinque talénta tradidísti mihi, ecce ália quinque superlucrátus sum. Intra.

Lectio ii. Cap. 32. c. et 33.

**Q**ui timet Dóminum, excípiet doctrínam ejus: et qui vigiláverint ad illum, invénient benedictiónem. Qui quærit legem, replébitur ab ea: et qui insidióse agit, scandalizábitur in ea. Qui timent Dóminum, invénient judícium justum, et justítias quasi lumen accéndent. Qui credit Deo, atténdit mandátis, et qui confidit in illo, non minorábitur. Timénti Dóminum non occurrerent mala, sed in tentatióne Deus illum conservábit, et liberábit a malis. Sápiens non odit mandáta et justítias, et non illidétur quasi in procélla navis. Homo sensátus credit legi Dei, et lex illi fidélis.

R. Justus germinábit sicut lílium, \* Et florébit in ætérnum ante Dóminum. Ÿ. Plantátus in domo Dómini, in átriis domus Dei nostri. Et florébit.

Lectio iii. Cap. 34. b.

**S**píritus timéntium Deum quæritur, et in respéctu illius benedicétur. Spes enim illórum in salvántem illos, et óculi Dei in diligéntes se. Qui timet Dóminum, nihil trepidábit, et non pavébit: quóniam ipse est spes ejus. Timéntis Dóminum beáta est ánima ejus. Ad quem respicit, et quis est fortitúdo ejus? Oculi Dómini super timéntes eum, protéctor poténtiæ, firmaméntum virtútis, tégimen ardóris, et umbráculum meridiáni, deprecátio offensiónis, et adjutórium casus, exáltans ánimam, et illúminans óculos, dans sanitátem, et vitam, et benedictiónem.

R. Iste cognóvit. [70]

## In II. Nocturno.

Ex libro Morálium sancti Gregórii  
Papæ.

Lib. 10. Cap. 16. in c. 12. Job.

## Lectio iv.

**D**eridétur justi simplicitas. Hujus mundi sapiéntia est, cor machinatióibus tégere, sensum verbis veláre; quæ falsa sunt, vera osténdere; quæ vera sunt, falsa demonstráre. Hæc nimirum prudéntia usu a juvénibus scitur, hæc a púeris prétio díscitur: hanc qui sciunt, céteros despiciéndo supérbiunt: hanc qui nésciunt, subjécti et tímidi in áliis mirántur: quia ab eis hæc éadem duplicítatis iníquitas nómine palliáta díligitur, dum mentis pervérsitas urbánitas vocátur. Hæc sibi obsequéntibus præcipit honórum cúlmina quærere, adépta temporális glóriæ vanitáte gaudére, irrogáta ab áliis mala multiplicius réddere: cum vires súppetunt, nullis resístentibus cédere: cum virtútis possibilitas deest, quidquid explére per malítiam non valent, hoc in pacífica bonitáte simuláre.

R. Honéstum fecit illum Dñs, et custodívit eum ab inimícis, et a seductóribus tutávit illum: \* Et dedit illi claritátem ætérmam. V. Justum dedúxit Dóminus per vias rectas, et osténdit illi regnum Dei. Et.

## Lectio v.

**A**t contra, sapiéntia justórum est: nil per ostensióem fingere, sensum verbis aperíre, vera ut sunt díligere, falsa devitáre; bona gratis exhibére, mala libéntius toleráre, quam fácere; nullam injúriæ ultióem quærere, pro veritáte contuméliam lucrum putáre.

Sed hæc justórum simplicitas deridétur: quia ab hujus mundi sapiéntibus puritátis virtus fatúitas crédito. Omne enim quod innocénter ágitur, ab eis proculdúbio stultum putátur: et quidquid in ópere véritas ápprobat, carnáli sapiéntiæ fátuum sonat. Quid namque stúltius vidétur mundo, quam mentem verbis osténdere, nil cállida machinatióne simuláre, nullas injúriis contumélias réddere, pro maledicéntibus oráre, paupertátem quærere, posséssa relínquere, rapiénti non resístere, percutiénti álteram maxíllam præbére?

R. Amávit eum Dóminus, et ornávit eum: stolam glóriæ índuit eum, \* Et ad portas paradísi coronávit eum. V. Índuit eum Dñs lorícam fidei, et ornávit eum. Et.

## Lectio vi. Cap. 17. post init.

**L**ampas contémpta apud cogitatióes dívítum. Sæpe contíngit, ut eléctus quisque, qui ad ætérmam felicitátem dúcitur, contínuam hic adversitáte deprimátur: non hunc rerum abundántia fúlcíat, non dignitátum glória honorábilem osténdat, nulla ei obsequéntium frequéntia súppetat, nulla hunc humánis óculis véstium pompa compónat: a cunctis vero despicábilis cérnitur, et hujus mundi grátia indígnus æstimátur: sed tamen ante occúlti júdicis óculos virtútibus émicat, vitæ méritis corúscat: honorári méruit, déspici non réfugit: corpus continéntia áffícit, sola in ánimo dilectióne pínguésceat: mentem semper ad patiéntiam præparat, et eréctus pro justítia, de percéptis contuméliis exsúltat: afflíctis ex corde compá-

titur, de bonórum prosperitatibus quasi de propriis lætatur, sacri verbi pábula in mente sollicitus rúminat, et inquisitus quódlibet éloqui dupliciter ignórat.

R. Iste homo. [72]

In III. Nocturno.

Léctio sancti Evangélii secúndum Lucam.

Lectio vii. Cap. 12. d.

**I**n illo témpore: Dixit Jesus discí-  
pulis suis: Nolíte timére pusíl-  
lus grex, quia complácuit Patri ve-  
stro dare vobis regnum. Et réliqua.

Homília venerábilis Bedæ  
Presbýteri.

Lib. 4. Cap. 54. in Luc. 12.

**P**usillum gregem electórum, vel  
ob comparatióem majóris  
númeri reprobórum, vel pó-  
tius ob humilitátis devotióem nó-  
minat: quia vidélicet Ecclésiám  
suam quantálibet numerositate jam  
dilatátam, tamen usque ad finem  
mundi humilitáte vult créscere, et  
ad promíssum regnum humilitáte  
perveníre. Ideóque ejus labóres  
blande consolátus, quam regnum  
Dei tantum quærere præcipit, ei-  
dem regnum a Patre dandum com-  
plácita benignitate promíttit.

R. Iste est qui ante Deum ma-  
gnas virtútes operátus est, et de  
omni corde suo laudávit Dóminum:  
\* Ipse intercédât pro peccátis ó-  
mnium populórum. V. Ecce homo  
sine queréla, verus Dei cultor, ábs-  
tinens se ab omni ópere malo, et  
pérmanens in innocéntia sua. Ipse.

Lectio viii.

**V**éndite quæ possidétis, et date  
eleemósynam. Nolíte, inquit,  
timére, ne propter regnum Dei mi-

litántibus, hujus vitæ necessariá  
desint: quin étiam posséssa pro-  
pter eleemósynam véndite. Quod  
tunc digne fit, quando quis semel  
pro Dómino suis ómnibus spretis,  
nihilóminus post hæc labóre má-  
nuum, unde et victum transígere,  
et eleemósynam dare queat, ope-  
rátur. Unde gloriátur Apóstolus,  
dicens: Argéntum, aut aurum, aut  
vestem nullús concupívi: ipsi sci-  
tis, quóniam ad ea quæ mihi opus  
erant, et his qui mecum sunt, mi-  
nistravérunt manus istæ. Omnia  
osténdi vobis, quóniam sic labo-  
rántes opórtet suscipere infirmos.

R. Sint lumbi vestri præcíncti, et  
lucérnæ ardéntes in mánibus ve-  
stris: \* Et vos símiles homínibus ex-  
spectántibus dóminum suum, quan-  
do revertátur a núptiis. V. Vigilate  
ergo, quia nescitis qua hora Dómi-  
nus vester ventúrus sit. Et vos.  
Glória Patri. Et vos.

Lectio ix.

**F**ácite vobis sácculos qui non  
veteráscunt: eleemósynas vi-  
délicet operádo, quarum merces  
in ætérnum máneat. Ubi non hoc  
præcéptum esse putándum est, ut  
nil pecúniæ reservétur a sanctis,  
vel suis scílicet, vel paúperum úsi-  
bus suggeréndæ: cum et ipse Dó-  
minus, cui ministrábant Angeli, ta-  
men ad informándam Ecclésiám  
suam lóculos habuisse legátur, et  
a fidélibus obláta consérans, et  
suórum necessitatibus aliisque in-  
digéntibus tríbuens; sed ne Deo  
propter ista serviátur, et ob inópiæ  
timórem justítia deserátur.

Te Deum laudámus. 14.

**Pro Abbatibus.**

In III. Nocturno.

Lectio sancti Evangelii secundum  
Matthæum.

Lectio vii. Cap. 19. d.

**I**n illo tempore: Dixit Petrus ad Jesum: Ecce nos reliquimus omnia, et secuti sumus te: quid ergo erit nobis? Et reliqua.

Homilia S. Hierónymi Presbyteri.

Lib. 3. in Matth. cap. 19.

**G**randis fiducia: Petrus piscator erat, dives non fuerat, cibos manu et arte querebat: et tamen loquitur confidenter, Reliquimus omnia. Et quia non sufficit tantum relinquere, jungit quod perfectum est: Et secuti sumus te. Fecimus quod jussisti: quid igitur nobis dabis premii? Jesus autem dixit illis: Amen dico vobis: quod vos qui secuti estis me, in regeneratione, cum sederit Filius hominis in sede maiestatis sue, sedebitis et vos super sedes duodecim, iudicantes duodecim tribus Israël. Non dixit, Qui reliquistis omnia: hoc enim et Crates fecit philosophus, et multi alii divitias contempsérunt: sed, Qui secuti estis me: quod proprie Apostolorum est atque credentium.

R. Iste est qui ante Deum magnas virtutes operatus est, et de omni corde suo laudavit Dominum: \* Ipse intercedat pro peccatis omnium populorum. V. Ecce homo sine querela, verus Dei cultor, abstinens se ab omni opere malo, et permanens in innocentia sua. Ipse.

Lectio viii.

**I**n regeneratione, cum sederit Filius hominis in sede maiestatis

sue (quando et mortui de corruptione resurgent incorrupti), sedebitis et vos in solis iudicantium, condemnantes duodecim tribus Israël: quia vobis credentibus, illi credere noluerunt. Et omnis qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum; centuplum accipiet, et vitam æternam possidebit. Locus iste cum illa sententia congruit, in qua Salvator loquitur: Non veni pacem mittere, sed gladium. Veni enim separare hominem a patre suo, et matrem a filia, et nurum a socru: et inimici hominis domestici ejus. Qui ergo propter fidem Christi, et prædicationem Evangelii, omnes affectus contempserint, atque divitias et sæculi voluptates: isti centuplum recipient, et vitam æternam possidebunt.

R. Sint lumbi vestri præcincti, et lucernæ ardentes in manibus vestris: \* Et vos similes hominibus expectantibus dominum suum, quando revertatur a nuptiis. V. Vigilate ergo, quia nescitis qua hora Dominus vester venturus sit. Et vos. Gloria Patri. Et vos.

Lectio ix.

**E**x occasione huius sententiæ quidam introducunt mille annos post resurrectionem, dicentes, tunc nobis centuplum omnium rerum quas dimisimus, et vitam æternam esse reddendam: non intelligentes, quod, si in ceteris digna sit re promissio, in uxoribus appareat turpitudine: ut qui unam pro Domino dimiserit, centum recipiat in futuro. Sensus ergo iste est: Qui carnalia



pro Salvatōre dimiserit, spiritúalia recipiet: quæ comparatiōne et mērito sui ita erunt, quasi si parvo número centenarius numerus comparētur. Te Deum. 14.

## II. Alia Homilia.

Lectio sancti Evangēlii secūndum Matthæum.

Lectio vii. Cap. 11. d.

**I**n illo tēpore: Respōdens<sup>r</sup> Jesus dixit: Confiteor tibi Pater, Dōmine cœli et terræ, quia abscondisti hæc a sapiētib<sup>us</sup>, et prudētib<sup>us</sup>, et revelasti ea pārvulis. Et reliqua.

Homilia sancti Augustīni Epīscopi.

Sermone 10. de Verbis Domini.

**V**enite ad me omnes qui laborātis. Quare enim omnes laborāmus, nisi quia sumus hōmīnes mortāles, frāgiles, infirmi, lūtea vasa portāntes, quæ faciunt invicem angustias? Sed si angustiantur vasa carnis, dilatentur spātia caritātis. Quid ergo dicit, Venite ad me omnes qui laborātis, nisi ut non laborētis? Dēnique promissio ejus in promptu est, quoniam laborāntes vocāvit. Quærent forte, qua mercēde vocāti sunt. Et ego vos, inquit, reficiam. Tōllite jugum meum super vos, et discite a me, non mundum fabricāre, non cuncta visibilia et invisibilia creāre, non in ipso mundo mirabilia facere, et mōrtuos suscitāre; sed, Quoniam mitis sum, et hūmilis corde.

R. Iste est qui ante Deum magnas virtutes operātus est, et de omni corde suo laudāvit Dōminum:

\* Ipse intercēdat pro peccātis omnium populōrum. V. Ecce homo

sine querēla, verus Dei cultor, abstīnens se ab omni opere malo, et pērmanens in innocentia sua. Ipse.

Lectio viii.

**M**agnus esse vis? a mīnimo incipe. Cōgitas magnam fābricam constrūere celsitudinis? de fundamēto prius cōgita humilitātis. Et quantam quisque vult, et dispōnit superimpōnere molem ædificiī, quanto erit majus ædificiū, tanto āltius fodit fundamētum. Et fābrica quidem cum constrūitur, in supērna consūrgit: qui autem fodit fundamētum, ad ima deprimitur. Ergo et fābrica ante celsitudinem humiliātur, et fastigium post humiliatiōnem erigitur.

R. Sint lumbi vestri prēcincti, et lucernæ ardētes in mānibus vestris: \* Et vos sīmiles hominib<sup>us</sup> expectāntibus dōminum suum, quando revertātur a nūptiis. V. Vigilate ergo, quia nescitis qua hora Dōminus vester ventūrus sit. Et vos. Glōria Patri. Et vos.

Lectio ix.

**Q**uod est fastigium construēdæ fābricæ, quam molimur? quo perventūrum est cacūmen ædificiī? Cito dico, usque ad conspēctum Dei. Vidētis quam excēsum est, quanta res est conspīcere Deum. Qui desiderat, et quod dico, et quod audit intēlligit. Promittitur nobis conspēctus Dei, veri Dei, summi Dei. Hoc enim bonum est, vidētem vidēre. Nam qui colunt falsos deos, facile illos vident: sed eos vident, qui oculos habent, et non vident. Nobis autem promittitur visio Dei vivētis, et vidētis.

Te Deum laudāmus. 14.

## III. Alia Homilia.

Lectio sancti Evangelii secundum  
Matthæum.

Lectio vii. Cap. 19. d.

**I**n illo tempore: Dixit Petrus ad  
Jesum: Ecce nos reliquimus omnia,  
et secuti sumus te: quid ergo erit nobis?  
Et reliqua.

De Homilia venerabilis Bedæ  
Presbyteri.

In Natali S. Benedicti.

**D**uo sunt ordines electorum in  
iudicio futuri: unus iudican-  
tium cum Domino, de qui-  
bus hoc loco memorat, qui reli-  
querunt omnia, et secuti sunt il-  
lum: alius iudicandorum a Domino,  
qui non quidem omnia sua pariter  
reliquerunt, sed de his tamen quæ  
habebant, quotidianas dare ele-  
mōsynas Christi pauperibus curā-  
bant: unde et audituri sunt in ju-  
dicio: Venite benedicti Patris mei,  
possidete præparatum vobis re-  
gnum a constitutione mundi. Esu-  
rivi enim, et dedistis mihi mandu-  
care: sitivi, et dedistis mihi bibere.

R. Iste est qui ante Deum ma-  
gnas virtutes operatus est, et de  
omni corde suo laudavit Dominum:  
\* Ipse intercédât pro peccatis om-  
nium populorum. V. Ecce homo  
sine querela, verus Dei cultor, abs-  
tinens se ab omni opere malo, et  
permanens in innocentia sua. Ipse.

Lectio viii.

**S**ed et reproborum duos ibi fu-  
turos ordines Domino narrante  
comperimus: unum eorum, qui fi-  
dei christianæ mysteriis initiati,  
opera fidei exercere contemnunt,  
quibus in iudicio testatur: Discé-

dite a me maledicti in ignem ætér-  
num, qui præparatus est diabolo,  
et angelis ejus: esurivi enim, et non  
dedistis mihi manducare. Alterum  
eorum, qui fidem et mysteria Chri-  
sti vel numquam suscepere, vel  
susceptam per apostasiam dese-  
ruere: de quibus dicit: Qui autem  
non credit, jam iudicatus est: quia  
non credit in nomine unigeniti Fi-  
lii Dei.

R. Sint lumbi vestri præcincti,  
et lucernæ ardentes in manibus  
vestris: \* Et vos similes homini-  
bus expectantibus dominum su-  
um, quando revertatur a nuptiis.  
V. Vigilate ergo, quia nescitis qua  
hora Dominus vester venturus sit.  
Et vos. Glória Patri. Et vos.

Lectio ix.

**V**erum his cum timore et pavore  
debite paulisper commemorá-  
tis, ad lætissima potius Domini et  
Salvatoris nostri promissa conver-  
támus auditum. Videámus quæ  
tantæ grátia pietátis: non æternæ  
tantummodo vitæ præmia suis se-  
quácibus, sed et præsentis múnera  
pollicetur exímia. Et omnis, in-  
quit, qui reliquerit domum, vel fra-  
tres, aut soróres, aut patrem, aut  
matrem, aut uxórem, aut filios, aut  
agros, propter nomen meum, cen-  
tuplum accipiet, et vitam æternam  
possidébit. Qui enim terrénis af-  
fectibus sive possessionibus pro  
Christi discipulatu renuntiáverit,  
quo plus in ejus amorem profé-  
cerit, eo plures invéniet, qui se  
interno suscipere affectu, et suis  
gaudeant sustentare substantiis.

Te Deum laudamus. 14.





## COMMUNE VIRGINUM.

### In I. Vesperis.

Ant. Hæc est Virgo sápiens, \* et una de número prudéntum.

Psalmus 109.

**D**ixit Dóminus Dómino meo: \* Sede a dextris meis:

Donec ponam inimicos tuos, \* scabéllum pedum tuórum.

Virgam virtútis tuæ emíttet Dóminus ex Sion: \* domináre in médio inimicórum tuórum.

Tecum princípium in die virtútis tuæ in splendóribus sanctórum: \* ex útero ante lucíferum géui te.

Jurávit Dóminus, et non pœnitébit eum: \* Tu es sacerdos in ætérnum secúndum órđinem Melchisedech.

Dóminus a dextris tuis, \* confrégit in die iræ suæ reges.

Judicábit in natió nibus, implebit ruínas: \* conquassábit cápita in terra multórum.

De torrén te in via bibet: \* proptérea exaltábit caput.

Ant. Hæc est Virgo sápiens, et una de número prudéntum.

Ant. Hæc est Virgo sápiens, \* quam Dóminus vigilántem invénit.

Psalmus 112.

**L**audáte púeri Dóminum: \* laudáte nomen Dómini.

Sit nomen Dómini benedíctum, \* ex hoc nunc, et usque in sæculum.

A solis ortu usque ad occásum, \* laudábile nomen Dómini.

Excélsus super omnes Gentes Dóminus, \* et super cœlos glória ejus.

Quis sicut Dóminus Deus noster, qui in altis hábitat, \* et humília réspicit in cœlo et in terra?

Súscitans a terra ínopem, \* et de stércore érigens paúperem:

Ut cóllocet eum cum princípibus, \* cum princípibus pópuli sui.

Qui habitáre facit stérilem in domo, \* matrem filiórum lætántem.

Ant. Hæc est Virgo sápiens, quam Dóminus vigilántem invénit.

Ant. Hæc est quæ nescivit \* torum in delicto: habébit fructum in respectiône animárum sanctárum.

Psalmus 121.

**L**ætátus sum in his, quæ dicta sunt mihi: \* in domum Dómini ibimus.

Stantes erant pedes nostri, \* in átriis tuis Jerúsalem.

Jerúsalem, quæ ædificátur ut civitas: \* cujus participatio ejus in idípsum.

Illuc enim ascendérunt tribus, tribus Dómini: \* testimónium Israël ad confiténdum nómini Dómini.

Quia illic sedérunt sedes in iudicio, \* sedes super domum David.

Rogáte quæ ad pacem sunt Jerúsalem: \* et abundantia diligéntibus te:

Fiat pax in virtúte tua: \* et abundantia in túrribus tuis.

Propter fratres meos, et próximos meos, \* loquébar pacem de te:

Propter domum Dómini Dei nostri, \* quæsiui bona tibi.

Ant. Hæc est quæ nescivit torum in delicto: habébit fructum in respectiône animárum sanctárum.

Ant. Veni elécta mea, \* et ponam in te thronum meum, allelúja.

Psalmus 126.

**N**isi Dóminus ædificáverit domum, \* in vanum laboráverunt qui ædificant eam.

Nisi Dóminus custodierit civitatem, \* frustra vígilat qui custódit eam.

Vanum est vobis ante lucem súrgere: \* súrgite postquam sedéritis, qui manducátis panem dolóris.

Cum déderit diléctis suis somnum: \* ecce hæreditas Dómini filii: merces, fructus ventris.

Sicut sagittæ in manu poténtis: \* ita filii excussórum.

Beátus vir qui implévit desidérium suum ex ipsis: \* non confundétur cum loquétur inimicis suis in porta.

Ant. Veni elécta mea, et ponam in te thronum meum, allelúja.

Ant. Ista est speciósas \* inter filias Jerúsalem.

Psalmus 147.

**L**auda Jerúsalem Dóminum: \* lauda Deum tuum Sion.

Quóniam confortávit seras portárum tuárum: \* benedíxit filiis tuis in te.

Qui pósuit fines tuos pacem: \* et ádipe fruménti sátiat te.

Qui emíttit elóquium suum terræ: \* velóciter currit sermo ejus.

Qui dat nivem sicut lanam: \* nébulam sicut cínerem spargit.

Míttit crýstallum suum sicut buccéllas: \* ante faciém frígoris ejus quis sustinébit?

Emíttet verbum suum, et liquefaciet ea: \* flabit spíritus ejus, et fluent aquæ.

Qui annúnciat verbum suum Jacob: \* justítias, et iudícia sua Israël.

Non fecit táliter omni natióni: \* et iudícia sua non manifestávit eis.

Ant. Ista est speciósas inter filias Jerúsalem.

Capitulum. 2. Cor. 10. d.

**F**ratres: Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat.

## Hymnus.

**J**esu, coróna Vírginum,  
 Quem mater illa cóncipit,  
 Quæ sola Virgo párturit:  
 Hæc vota clemens áccipe.  
 Qui pergis inter lília,  
 Septus choréis Vírginum,  
 Sponsus decórus glória,  
 Sponsisque reddens præmia.  
 Quocúmque tendis, Vírgines  
 Sequúntur, atque laúdibus  
 Post te canéntes cúrsitant,  
 Hymnósque dulces pèrsonant.  
 Te deprecámur súpplīces;  
 Nostris ut addas sénsibus,  
 Nescīre prorsus ómnia  
 Corruptiónis vúlnera.  
 Virtus, honor, laus, glória  
 Deo Patri cum Fílio,  
 Sancto simul Paráclito,  
 In sæculórum sæcula. Amen.  
 V. Spécie tua et pulchritúdine  
 tua. R. Inténde, prospere procéde,  
 et regna.

Ad Magnificat. Ant. Veni sponsa  
 Christi: \* áccipe corónam, quam  
 tibi Dóminus præparávit in ætér-  
 num.

## Oratio.

**D**eus, qui inter cétera poténtiæ  
 tuæ mirácula étiam in sexu frá-  
 gili victóriam martýrii contulísti:  
 concéde propítius; ut qui beátæ N.  
 Vírginis et Mártiris tuæ natalítia  
 cólimus, per ejus ad te exémpla  
 gradiámur. Per Dóminum.

## Alia Oratio.

**I**ndulgéntiam nobis, quæsumus  
 Dómine, beáta N. Virgo et  
 Martyr implóret: quæ tibi grata  
 semper éxstitit et mérito castitá-  
 tis, et tuæ professióne virtútis. Per  
 Dóminum nostrum.

## Pro Virgine non Martyre.

## Oratio.

**E**xáudi nos Deus salutáris no-  
 ster: ut sicut de beátæ N. Vír-  
 ginis tuæ festivitáte gaudémus; ita  
 piæ devotiónis erudiámur afféctu.  
 Per Dóminum.

Si fuerint plures, in utrisque Vesp.  
 ad Magnificat et in Laud. ad Benedictus:

Ant. Prudentes Vírgines \* aptáte  
 vestras lámpades: ecce sponsus  
 venit, exíte óbviā ei.

V. Adducéntur Regi Vírgines  
 post eam. R. Próximæ ejus affe-  
 réntur tibi.

## Oratio.

**D**a nobis, quæsumus Dómine  
 Deus noster, sanctárum Vír-  
 ginum et Mártýrum tuárum N. et  
 N. palmas incessábili devotióne  
 venerári: ut quas digna mente non  
 póssumus celebráre, humilibus sal-  
 tem frequentémus obséquiiis. Per  
 Dóminum nostrum.

## Ad Matutinum.

Invit. Regem Vírginum Dómi-  
 num, \* Veníte adorémus.

Ps. Veníte, exsultémus. 2.

## Hymnus.

**V**irginis Proles, Opiféxque Ma-  
 tris,  
 Virgo quem gessit, peperítque  
 Virgo;  
 Vírginis partos cánimus decóra  
 Morte triúmphos.

Hæc enim palmæ dúplicis beáta  
 Sorte, dum gestit frágitilem do-  
 máre  
 Córporis sexum, dómuit cruén-  
 tum  
 Cæde tyránnum.

Unde nec mortem, nec amica mortis

Mille pœnarum gênera expavescens,

Sânguine effûso méruit serénium  
Scândere cœlum.

Hujus orátu Deus alme nobis  
Débitas pœnas scélerum remítte;  
Ut tibi puro resonémus alnum  
Péctore carmen.

Sit decus Patri, genitæque Proli,  
Et tibi compar utriúsque virtus  
Spíritus semper, Deus unus omni  
Témporis ævo. Amen.

Si Sancta fuerit Virgo tantum, et non  
Martyr, dicitur Hymnus sequens:

**V**irginis Proles, Opiféxque Matris,  
Virgo quem gessit, peperítque  
Virgo;  
Víriginis festum cánimus beátæ,  
Accipe votum.

Hujus orátu Deus alme nobis  
Débitas pœnas scélerum remítte;  
Ut tibi puro resonémus alnum  
Péctore carmen.

Sit decus Patri, genitæque Proli,  
Et tibi compar utriúsque virtus  
Spíritus semper, Deus unus omni  
Témporis ævo. Amen.

In I. Nocturno.

Ant. O quam pulchra \* est casta generatio cum claritate!

Psalmus 8.

**D**ómine Dóminus noster, \*  
quam admirábile est nomen  
tuum in univérſa terra!

Quóniam eleváta est magnificéntia tua, \* super cœlos.

Ex ore infántium et lacténtium

perfecísti laudem propter inimicos tuos, \* ut déstruas inimícum et ultórem.

Quóniam vidébo cœlos tuos, ópera digitórum tuórum: \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérſas: insuper et pécora campi.

Vólucres cœli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérſa terra!

Ant. O quam pulchra est casta generatio cum claritate!

Ant. Ante torum \* hujus Víriginis frequentáte nobis dúlcia cántica drámatís.

Psalmus 18.

**C**œli enarrant glóriam Dei, \* et Ópera mánuum ejus annúntiat firmaméntum.

Dies diéi erúctat verbum, \* et nox nocti índicat sciéntiam.

Non sunt loquélæ, neque sermonés, \* quorum non audiántur voces eórum.

In omnem terram exívit sonus eórum: \* et in fines orbis terræ verba eórum.

In sole pósuit tabernáculum suum: \* et ipse tamquam sponsus procédens de thálamo suo:

Exsultávit ut gigas ad curréndam viam, \* a summo cœlo egrésſio ejus:



Et occúrsus ejus usque ad summum ejus: \* nec est qui se abscondat a calore ejus.

Lex Dómini immaculáta convértens ánimas: \* testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda: \* præcéptum Dómini lúcidum, illúminans óculos.

Timor Dómini sanctus, pérmans in sæculum sæculi: \* judícia Dómini vera, justificáta in semetipsa.

Desiderabilia super aurum et lápidem pretiósum multum: \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delicta quis intélligit? ab ocúltis meis munda me: \* et ab aliénis parce servo tuo.

Si mei non fúerint domináti, tunc immaculátus ero: \* et emundábor a delicto máximo.

Et erunt ut compláceant elóquia oris mei: \* et meditatio cordis mei in conspéctu tuo semper.

Dómine adjútor meus, \* et redémptor meus.

Ant. Ante torum hujus Vírginis frequentáte nobis dúlcia cántica drámatis.

Ant. Revértere, \* revértere Sunamítis: revértere, revértere, ut intueámur te.

Psalmus 23.

**D**ómini est terra, et plenitúdo ejus: \* orbis terrárum, et univérsi qui hábitant in eo.

Quia ipse super mária fundávit eum: \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: \* et misericórdiam a Deo salutári suo.

Hæc est generátio quæréntium eum, \* quæréntium fáciem Dei Jacob.

Attóllite portas príncipes vestras, et elevámini portæ æternáles: \* et introíbit Rex glóriæ.

Quis est iste Rex glóriæ? \* Dóminus fortis et potens: Dóminus potens in prælio.

Attóllite portas príncipes vestras, et elevámini portæ æternáles: \* et introíbit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

Ant. Revértere, revértere Sunamítis: revértere, revértere, ut intueámur te.

Ÿ. Spécie tua et pulchritúde tua. R. Inténde, prospere procéde, et regna.

Pater noster.

Absolutio. Exaúdi Dómine.

Ÿ. Jube domne.

Bened. Benedictióne perpétua.

De Epístola prima beáti Pauli Apóstoli ad Corínthios.

Lectio i.

Cap. 7. e.

**D**e virgínibus præcéptum Dómini non hábeo: consílium autem do, tamquam misericórdiam consecútus a Dómino ut sim fidélis. Existimo ergo hoc bo-

num esse propter instántem necessitátem, quóniam bonum est hómini sic esse. Alligátus es uxóri? noli quærere solutióem. Solútus es ab uxóre? noli quærere uxórem. Si autem accéperis uxórem, non peccásti. Et si núpserit virgo, non peccávit. Tribulatióem tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudentes: et qui emunt, tamquam non possidéntes: et qui utúntur hoc mundo, tamquam non utántur: præterit enim figúra hujus mundi.

#### Pro Martyre.

R. Veni sponsa Christi, áccipe corónam, quam tibi Dóminus præparávit in ætérnum: pro cujus amore sánguinem tuum fudísti, \* Et cum Angelis in paradísu introísti. V. Veni elécta mea, et ponam in te thronum meum, quia concupívit Rex spéciem tuam. Et cum.

Si non fuerit Martyr, dic. sequ.

R. Veni elécta mea, et ponam in te thronum meum: \* Quia concupívit Rex spéciem tuam. V. Spécie tua et pulchritúdine tua inténde, prospere procéde, et regna. Quia.

Bened. Unigénitus Dei.

#### Lectio ii.

**V**olo autem vos sine sollicitúdine esse. Qui sine uxóre est, sollicitus est quæ Dómini sunt, quómodo pláceat Deo. Qui autem cum uxóre est, sollicitus est quæ sunt mundi, quómodo pláceat uxóri, et divísus est. Et múl-

innúpta, et virgo cógitat quæ Dómini sunt, ut sit sancta córpore, et spíritu. Quæ autem nupta est, cógitat quæ sunt mundi, quómodo pláceat viro. Porro hoc ad utilitátem vestram dico: non ut láqueum vobis injíciam, sed ad id, quod honestum est, et quod facultátem præbeat sine impediménto Dómini obsecrándi.

R. Diffúsa est grátia in lábiis tuis: \* Proptérea benedíxit te Deus in ætérnum. V. Spécie tua et pulchritúdine tua inténde, prospere procéde, et regna. Proptérea.

Bened. Spíritus sancti grátia.

#### Lectio iii.

**S**i quis autem turpem se vidéri exístimat super vírgine sua, quod sit superadúlta, et ita opórtet fieri: quod vult fáciat: non peccat, si nubat. Nam qui státuit in corde suo firmus, non habens necessitátem, potestátem autem habens suæ voluntátis, et hoc iudicávit in corde suo, serváre vírginem suam, bene facit. Igitur et qui matrimónio jungit vírginem suam, bene facit: et qui non jungit, mélius facit. Múlter alligáta est legi quanto témpore vir ejus vivit. Quod si dormierit vir ejus, liberáta est: cui vult nubat, tantum in Dómino. Beátior autem erit, si sic permanserit, secúndum meum consílium: puto autem quod et ego Spíritum Dei hábeam.

R. Spécie tua et pulchritúdine tua \* Inténde, prospere procéde, et regna. V. Diffúsa est grátia in lábiis tuis, proptérea benedíxit te Deus in ætérnum. Inténde. Glória Patri. Inténde.

## In II. Nocturno.

Ant. Spécie tuâ \* et pulchritudine tua inténde, prospere procéde, et regna.

## Psalmus 44.

**D**ructávit cor meum verbum bonum: \* dico ego ópera mea Regi.

Lingua mea cálamus scribæ, \* velóciter scribéntis.

Speciósus forma præ filiis hóminum, diffúsa est grátia in lábiis tuis: \* proptérea benedíxit te Deus in ætérnum.

Accíngere gládio tuo super femur tuum, \* potentíssime,

Spécie tua et pulchritúdine tua \* inténde, prospere procéde, et regna.

Propter veritátem, et mansuetúdinem, et justítiam: \* et dedúcet te mirábiliter délixtera tua.

Sagíttæ tuæ acútæ, pópuli sub te cadent, \* in corda inimicórum Regis.

Sedes tua Deus in sæculum sæculi: \* virga directiónis virga regni tui.

Dilexísti justítiam, et odísti iniquitátem: \* proptérea unxit te Deus, Deus tuus óleo lætítiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis: \* ex quibus delectavérunt te filiæ regum in honóre tuo.

Astitit regína a dextris tuis in vestítu deauráto: \* circúmdata varietáte.

Audi filia, et vide, et inclína aurem tuam: \* et oblivíscere pópulum tuum, et domum patris tui.

Et concupíscet Rex decórem tu-

um: \* quóniam ipse est Dóminus Deus tuus, et adorábunt eum.

Et filiæ Tyri in munéribus \* vultum tuum deprecabúntur: omnes dívites plebis.

Omnis glória ejus filiæ Regis ab intus, \* in fimbriis aúreis circumamícta varietátibus.

Adducéntur Regi vírgines post eam: \* próximæ ejus afferéntur tibi.

Afferéntur in lætítia et exsultatióne: \* adducéntur in templum Regis.

Pro pátribus tuis nati sunt tibi filii: \* constitues eos príncipes super omnem terram.

Mémores erunt nóminis tui: \* in omni generatióne et generatióne.

Proptérea pópuli confitebúntur tibi in ætérnum: \* et in sæculum sæculi.

Ant. Spécie tua et pulchritúdine tua inténde, prospere procéde, et regna.

Ant. Adjuvábít eam \* Deus vultu suo: Deus in médio ejus, non commovébitur.

## Psalmus 45.

**D**eus noster refúgium, et virtus: \* adjútor in tribulatióne, quæ invenérunt nos nimis.

Proptérea non timébimus dum turbábitur terra: \* et transferéntur montes in cor maris.

Sonuérunt, et turbátæ sunt aquæ eórum: \* conturbáti sunt montes in fortitúdine ejus.

Flúminis ímpetus lætíficat civitátem Dei: \* sanctificávit tabernáculum suum Altíssimus.

Deus in médio ejus, non commovébitur: \* adjuvábít eam Deus mane dilúculo.

Conturbátæ sunt Gentes, et inclináta sunt regna: \* dedit vocem suam, mota est terra.

Dóminus virtútum nobíscum: \* suscēptor noster Deus Jacob.

Veníte, et vidéte ópera Dómini, quæ pósuit prodígia super terram: \* aúferens bella usque ad finem terræ.

Arcum cónteret, et confrínget arma: \* et scuta combúret igni.

Vacáte, et vidéte quóniam ego sum Deus: \* exaltábor in Géntibus, et exaltábor in terra.

Dóminus virtútum nobíscum: \* suscēptor noster Deus Jacob.

Ant. Adjuvábít eam Deus vultu suo: Deus in médio ejus, non commovébitur.

Ant. Aquæ multæ \* non potué-runt exstinguere caritátem.

Psalmus 47.

**M**agnus Dóminus, et laudábilis nimis \* in civitáte Dei nostri, in monte sancto ejus.

Fundátur exsultatióne univérsæ terræ mons Sion, \* látera Aquilónis, civitas regis magni.

Deus in dómibus ejus cognoscé-tur, \* cum suscipiet eam.

Quóniam ecce reges terræ congregáti sunt: \* convenérunt in unum.

Ipsi vidéntes sic admiráti sunt, conturbáti sunt, commóti sunt: \* tremor apprehéndit eos.

Ibi dolóres ut parturiéntis: \* in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri: \* Deus fundávit eam in ætérnum.

Suscépinus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terræ: \* justítia plena est dextera tua.

Lætétur mons Sion, et exsúl-tent filiæ Judæ, \* propter judícia tua Dómine.

Circúmdate Sion, et complectí-mini eam: \* narráte in túrribus ejus.

Pónite corda vestra in virtúte ejus: \* et distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sáeculum sáeculi: \* ipse reget nos in sáecula.

Ant. Aquæ multæ non potué-runt exstinguere caritátem.

Ÿ. Adjuvábít eam Deus vultu suo. R. Deus in médio ejus, non commovébitur.

Pater noster.

Absolutio. Ipsíus píetas.

Ÿ. Jube domne.

Bened. Deus Pater omnípotens.

Sermo sancti Ambrósii Epíscopi.

Lib. 1. de Virg., circa init.

Lectio iv.

**Q**uóniam hódie natális est Vír-ginis, invítat nunc integritá-tis amor, ut áliquíd de virginitáte dicámus: ne véluti tránsitu quodam præstrícta videátur, quæ principális est virtus. Non enim ídeo laudábilis virgínitas, quia in Martýribus reperítur: sed quia ipsa Mártyres fáciat. Quis autem humáno eam possit ingénio comprehéndere, quam nec natúra suis inclúsit légibus? Aut quis naturáli voce complécti, quod supra usum natúræ sit? E cœlo accersívit,

quod imitarétur in terris. Nec im-  
mérito vivéndi sibi usum quæsivít  
e cœlo, quæ sponsum sibi invénit  
in cœlo.

R. Propter veritátem, et man-  
suetúdinem, et justítiam: \* Et de-  
ducet te mirabíliter dextera tua.  
V. Spécie tua et pulchritúdine tua  
inténde, prospere procéde, et re-  
gna. Et.

Bened. Christus perpétuæ.

Lectio v.

**H**æc nubes, æëra, Angelos, síde-  
raque transgrédiens, Verbum  
Dei in ipso sinu Patris invénit, et  
toto hausit pectore. Nam quis tan-  
tum, cum invénierit, relínquat boni?  
Unguéntum enim exinanítum est  
nomen tuum: proptérea adolescén-  
tulæ dilexérunt te, et attraxérunt  
te. Postrémo, non meum est illud,  
quóniam quæ non nubunt, neque  
nubéntur, erunt sicut Angeli Dei  
in cœlo. Nemo ergo mirétur, si  
Angelis comparéntur, quæ Ange-  
lórum Dómino copulántur.

R. Dilexísti justítiam, et odísti  
iniquitátem: \* Proptérea unxit te  
Deus, Deus tuus óleo lætítiæ.  
V. Propter veritátem, et mansue-  
túdinem, et justítiam. Proptérea.

Bened. Ignem sui amoris.

Lectio vi.

**Q**uis ígitur neget hanc vitam flu-  
xisse de cœlo, quam non fácte  
invenímus in terris, nisi postquam  
Deus in hæc terréni córporis mem-  
bra descendit? Tunc in útero Virgo  
concépit, et Verbum caro factum  
est, ut caro fieret Deus. Dicet áli-  
quis: Sed étiam Elías nullíus cor-  
pórei cóitus fuisse permíxtus cu-  
piditátibus invenítur. Ideo ergo

curru raptus ad cœlum: ídeo cum  
Dómino appáret in glória, ídeo  
Domínici ventúrus est præcúrsor  
advéntus.

R. Afferéntur Regi vírgines post  
eam, próximæ ejus \* Afferéntur  
tibi in lætítia et exsultatióne.  
V. Spécie tua et pulchritúdine tua  
inténde, prospere procéde, et re-  
gna. Afferéntur. Glória Patri. Af-  
feréntur.

In III. Nocturno.

Ant. Nigra sum, \* sed formósa,  
filiae Jerúsalem: ídeo diléxit me  
Rex, et introdúxit me in cubícu-  
lum suum.

Psalmus 95.

**C**antáte Dómino cánticum no-  
vum: \* cantáte Dómino omnis  
terra.

Cantáte Dómino, et benedicite  
nómini ejus: \* annuntiáte de die  
in diem salutáre ejus.

Annuntiáte inter Gentes glóriam  
ejus, \* in ómnibus pópulis mira-  
bília ejus.

Quóniam magnus Dóminus, et  
laudábilis nimis: \* terribilis est  
super omnes deos.

Quóniam omnes dii Géntium dæ-  
mónia: \* Dóminus autem cœlos  
fecit.

Conféssio, et pulchritúdo in con-  
spéctu ejus: \* sanctimónia et ma-  
gnificéntia in sanctificatióne ejus.

Afférte Dómino pátriæ Géntium,  
afférte Dómino glóriam et honó-  
rem: \* afférte Dómino glóriam nó-  
mini ejus.

Tóllite hóstias, et introíte in  
átria ejus: \* adoráte Dóminum in  
átrio sancto ejus.

Commovéatur a fácie ejus uni-

vérſa terra: \* dícite in Géntibus quia Dóminus regnávit.

Etenim corréxit orbem terræ qui non commovébitur: \* judicábit pópulos in æquitáte.

Læténtur cœli, et exsúltet terra: commoveátur mare, et plenitúdo ejus: \* gaudébunt campi, et ómnia quæ in eis sunt.

Tunc exsultábunt ómnia ligna ſilvárum a fácie Dómini, quia venit: \* quóniam venit judicáre terram.

Judicábit orbem terræ in æquitáte, \* et pópulos in veritáte ſua.

Ant. Nigra ſum, ſed formóſa, filiæ Jerúſalem: ídeo diléxit me Rex, et introdúxit me in cubículum ſuum.

Ant. Trahe me poſt te, \* in odórem currémus unguentórum tuórum: óleum effúſum nomen tuum.

Psalmus 96.

**D**óminus regnávit, exsúltet terra: \* læténtur ínſulæ multæ.

Nubes, et calígo in circúitu ejus: \* juſtítia, et judícium corréctio ſedis ejus.

Ignis ante ipſum præcédet, \* et inflamábit in circúitu inimicos ejus.

Illuxérunt fúlgura ejus orbi terræ: \* vidit, et commóta eſt terra.

Montes, ſicut cera fluxérunt a fácie Dómini: \* a fácie Dómini omnis terra.

Annuntiavérunt cœli juſtítiam ejus: \* et vidérunt omnes pópuli glóriam ejus.

Confundántur omnes, qui adorant ſculptília: \* et qui gloriántur in ſimulácris ſuis.

Adoráte eum omnes Angeli ejus: \* audívit, et lætáta eſt Sion.

Et exsultavérunt filiæ Judæ, \* propter judícia tua Dómine:

Quóniam tu Dóminus Altíſſimus ſuper omnem terram: \* nimis exaltátus eſ ſuper omnes deos.

Qui dilígitis Dóminum, odíte malum: \* custódit Dóminus ánimas ſanctórum ſuórum, de manu peccatóris liberábit eos.

Lux orta eſt juſto, \* et rectis corde lætítia.

Lætámini juſti in Dómino: \* et confitémini memóriæ ſanctificatiónis ejus.

Ant. Trahe me poſt te, in odórem currémus unguentórum tuórum: óleum effúſum nomen tuum.

Ant. Veni ſponſa Chriſti, \* áccipe corónam, quam tibi Dóminus præparávit in ætérnum.

Psalmus 97.

**C**antáte Dómino cánticum novum: \* quia mirabília fecit.

Salvávit ſibi délixtera ejus: \* et bráchium ſanctum ejus.

Notum fecit Dóminus ſalutáre ſuum: \* in conſpéctu Géntium revelávit juſtítiam ſuam.

Recordátus eſt miſericórdiæ ſuæ, \* et veritátis ſuæ dómui Íſraël.

Vidérunt omnes términi terræ \* ſalutáre Dei noſtri.

Jubiláte Deo omnis terra: \* cantáte, et exsultáte, et psállite.

Psállite Dómino in cíthara, in cíthara et voce psalmi: \* in tubis ductílibus, et voce tubæ córneæ.

Jubiláte in conſpéctu regis Dómini: \* moveátur mare, et plenitúdo ejus: orbis terrárum, et qui hábitant in eo.

Flúmina plaudent manu, ſimul montes exsultábunt a conſpéctu



Dómini: \* quóniam venit iudicáre terram.

Judicábit orbem terrárum in iustítia, \* et pópulos in æquitáte.

Ant. Veni sponsa Christi, áccipe corónam, quam tibi Dóminus præparávit in ætérnum.

Ÿ. Elégit eam Deus, et præelégit eam. R. In tabernáculo suo habitáre facit eam.

Pater noster.

Absolutio. A vínculis.

Ÿ. Jube domne.

Bened. Evangélica léctio.

Léctio sancti Evangélii secúndum Matthæum.

Lectio vii. Cap. 25.

**I**n illo témpore: Dixit Jesus discipulis suis parábolam hanc: Símile erit regnum cœlórum decem virgínibus: quæ accipiéntes lámpades suas, exiérunt óbviám sponso et sponsæ. Et réliqua.

Homília sancti Gregórii Papæ.

Hom. 12. in Evang.

**S**æpe vos, fratres caríssimi, admóneo prava ópera fúgere, mundi hujus inquinaménta devitáre: sed hodiérna sancti Evangélii lectiône compéllor dicere, ut et bona quæ ágitis, cum magna cautéla teneátis: ne per hoc quod a vobis rectum géritur, favor aut grátia humána requirátur: ne appetítus laudis subrépat, et quod foris osténditur, intus a mercéde vacuétur. Ecce enim Redemptóris voce decem vírgines, et omnes dicúntur vírgines, et tamen intra beatitúdinis jánuam non omnes sunt recéptæ: quia eárum quædam, dum de virginitáte sua glóriam fo-

ris éxpetunt, in vasis suis óleum habére noluérunt.

R. Hæc est Virgo sápiens, quam Dóminus vigilántem invénit, quæ accéptis lampádibus, sumpsit secum óleum: \* Et veniénte Dómino, introívit cum eo ad núptias. Ÿ. Média nocte clamor factus est: Ecce sponsus venit, exíte óbviám ei. Et veniénte.

Bened. Cujus, vel Quarum festum cólimus.

Lectio viii.

**S**ed prius quæréndum nobis est, quid sit regnum cœlórum, aut cur decem virgínibus comparétur, quæ étiam vírgines prudéntes et fátuæ dicántur. Dum enim cœlórum regnum constat, quia reproborum nullus ingréditur, étiam fátuís virgínibus cur símile esse perhibétur? Sed sciéndum nobis est, quod sæpe in sacro elóquio regnum cœlórum præsentis témporis Ecclésia dicitur. De quo álio in loco Dóminus dicit: Mittet Fílius hóminis Angelos suos, et cólligent de regno ejus ómnia scándala. Neque enim in illo regno beatitúdinis, in quo pax summa est, inveníri scándala póterunt, quæ colligántur.

R. Média nocte clamor factus est: \* Ecce sponsus venit, exíte óbviám ei. Ÿ. Prudéntes Vírgines, aptáte vestras lámpades. Ecce. Glória Patri. Ecce.

Bened. Ad societátem.

Lectio ix.

**I**n quinque autem córporis sénsibus unusquisque subsístit. Geminátus autem quinárius denárium pèrficit. Et quia ex utróque sexu fidélium multitúdo colligitur, sancta Ecclésia decem virgínibus sí-

milis esse denuntiátur. In qua quia mali cum bonis, et réprobi cum eléctis admíxti sunt, recte símilis virgínibus prudéntibus et fátuis esse perhibétur. Sunt namque plerique continéntes, qui ab appetítu se exterióri custódiunt, et spe ad interióra rapiúntur, carnem mácerant, et toto desidério ad supérnam pátriam anhélant, æténa præmia éxpetunt, pro labóribus suis recípere laudes humánas nolunt. Hí nímírum glóriam suam non in ore hóminum ponunt, sed intra consciéntiam cóntegunt. Et sunt plerique, qui corpus per abstinentiam affligunt, sed de ipsa sua abstinentia humános favóres éxpetunt.

Te Deum laudámus. 14.

### Ad Laudes

et per Horas.

Ant. 1. Hæc est Virgo sápiens, \* et una de número prudéntum.

Psalm. Dóminus regnávit. cum reliqu. 15.

2. Hæc est Virgo sápiens, \* quam Dóminus vigilántem invénit.

3. Hæc est quæ nescívit \* torum in delicto: habébit fructum in respectióne animárum sanctárum.

4. Veni elécta mea, \* et ponam in te thronum meum, allelúja.

5. Ista est speciósá \* inter filias Jerúsalem.

Capitulum. 2. Cor. 10. d.

**F**ratres: Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat.

Hymnus.

**J**esu coróna Virginum,  
Quem mater illa cóncipit,

Quæ sola Virgo párturit:  
Hæc vota clemens áccipe.

Qui pergis inter lília,  
Septus choréis Virginum,  
Sponsus decórus glória,  
Sponsisque reddens præmia.

Quocúmque tendis, Vírgines  
Sequúntur, atque laúdibus  
Post te canéntes cúrsitant,  
Hymnósque dulces pèrsonant.

Te deprecámur súpplīces,  
Nostris ut addas sénsibus,  
Nescire prorsus ómnia  
Corruptiónis vúlnera.

Virtus, honor, laus, glória  
Deo Patri cum Filio,  
Sancto simul Paráclito,  
In sæculórum sæcula.

Amen.

Y. Diffúsa est grátia in lábiis tuis. R. Proptérea benedíxit te Deus in ætérnum.

Ad Bened. Ant. Símile est regnum coelórum \* hómini negotiátóri quærénti bonas margarítas: invénta una pretiósá, dedit ómnia sua, et comparávit eam.

Oratio.

**D**eus, qui inter cétera poténtiæ tuæ mirácula étiam in sexu frágili victóriam martýrii contulísti: concéde propítius; ut qui beátæ N. Virgínis et Mártýris tuæ natalítia cólimus, per ejus ad te exémpa gradiámur. Per Dñm.

Alia Oratio.

**I**ndulgéntiam nobis, quæsumus Dómine, beátá N. Virgo et Mártýr implóret: quæ tibi grata semper éxstitit et mérito castitátis, et tuæ professióne virtútis. Per Dóminum nostrum.

Pro Virgine non Martyre.

Oratio.

**E**xaudi nos, Deus salutáris noster: ut, sicut de beátæ N. Virginis tuæ festivitáte gaudémus; ita piæ devotiõnis erudiámur afféctu. Per Dóminum.

Si fuerint plures. ad Benedictus dicitur

Ant. Prudentes Virgines \* aptáte vestras lámpades: ecce sponsus venit, exíte óbviám ei.

Ÿ. Adducéntur Regi Virgines post eam. R. Próximæ ejus afferéntur tibi.

Oratio.

**D**a nobis, quæsumus Dómine Deus noster, sanctárum Virginum et Mátyrum tuárum N. et N. palmas incessábili devotiõne venerári: ut quas digna mente non póssumus celebráre, humilibus saltem frequentémus obséquiiis. Per Dóminum nostrum.

Ad Tertiam.

Ant. Hæc est Virgo sápiens.

Capit. Fratres: Qui gloriátur. ut supra. [94]

R. br. Spécie tua \* Et pulchritudine tua. Spécie. Ÿ. Inténde, prospere procéde, et regna. Et. Glória Patri. Spécie.

Ÿ. Adjuvábít eam Deus vultu suo. R. Deus in médio ejus, non commovébitur.

Ad Sextam.

Ant. Hæc est quæ nescívit.

Capitulum. 2. Cor. 11.

**Æ**mulator enim vos Dei æmulatione. Despóndi enim vos uni viro vírginem castam exhibére Christo.

R. br. Adjuvábít eam \* Deus vultu suo. Adjuvábít. Ÿ. Deus in médio ejus, non commovébitur. Deus. Glória Patri. Adjuvábít.

Ÿ. Elégít eam Deus, et præelégít eam. R. In tabernáculo suo habitáre facit eam.

Ad Nonam.

Ant. Ista est speciósá.

Capitulum. Eccli. 51. b.

**D**ómine Deus meus, exaltásti super terram habitatiõnem meam, et pro morte defluente deprecáta sum. Invocávi Dóminum Patrem Dómini mei, ut non derelinquat me in die tribulatiõnis meæ, et in témpore superbórum sine adiutorio.

Si fuerit Virgo et non Martyr, dicitur sequi.

Capitulum. Sap. 4.

**O** quam pulchra est casta generatio cum claritate! immortalis est enim memoria illius: quoniam apud Deum nota est, et apud homines.

R. br. Elégít eam Deus, \* Et præelégít eam. Elégít. Ÿ. In tabernáculo suo habitáre facit eam. Et præelégít. Glória Patri. Elégít.

Ÿ. Diffúsa est grátia in lábiis tuis. R. Propterea benedíxit te Deus in ætérnum.

In II. Vesperis.

Ant., Psalm., Capit. et Hymn. ut in I. Vesp. [83]

Ÿ. Diffúsa est grátia in lábiis tuis. R. Propterea benedíxit te Deus in ætérnum.

Ad Magnif. Ant. Veni sponsa Christi, \* áccipe corónam, quam tibi Dñs præparávit in ætérnum.



## II. Aliæ Lectiones pro Virginibus.

Pro Virgine et Martyre, ac pro Martyre tantum, Lect. I. Nocturni leguntur etiam ut infra.

De libro Ecclesiastici.

Lectio i. Cap. 51.

**C**onfitebor tibi, Dómine Rex, et collaudábo te Deum Salvatórem meum. Confitebor nómini tuo: quóniam adjutor et protector factus es mihi, et liberásti corpus meum a perditione, a láqueo linguæ iniquæ, et a lábiis operántium mendácium, et in conspéctu astántium factus es mihi adjutor. Et liberásti me secúndum multitudinem misericórdiæ nóminis tui a rugiéntibus præparátis ad escam, de mánibus quæréntium ánimam meam, et de portis tribulatiónum, quæ circumdedérunt me: a pressúra flammæ, quæ circumdedit me, et in médio ignis non sum æstuáta: de altitúdine ventris inferi, et a lingua coinquináta, et a verbo mendáci, a rege iniquo, et a lingua injústa.

R. Veni sponsa Christi, áccipe corónam, quam tibi Dóminus præparávit in ætérnum: pro cujus amore sánguinem tuum fudísti, \* Et cum Angelis in paradísum introísti. V. Veni elécta mea, et ponam in te thronum meum, quia concupívit Rex spéciem tuam. Et cum Angelis.

Lectio ii.

**L**audábit usque ad mortem ánima mea Dóminum, et vita mea appropinquans erat in inférno deórsum. Circumdedérunt me úndique, et non erat qui adjuváret.

Respiciens eram ad adjutórium hóminum, et non erat. Memoráta sum misericórdiæ tuæ Dómine, et operatiónis tuæ, quæ a sæculo sunt: quóniam éruis sustinéntes te Dómine, et liberas eos de mánibus géntium.

R. Diffúsa est grátia in lábiis tuis: \* Proptérea benedixit te Deus in ætérnum. V. Spécie tua et pulchritúdine tua, inténde, prospere procéde, et regna. Proptérea.

Lectio iii.

**E**xaltásti super terram habitatiónem meam, et pro morte defluente deprecáta sum. Invocávi Dóminum Patrem Dómini mei, ut non derelinquat me in die tribulatiónis meæ, et in témpore superbórum sine adjutório. Laudábo nomen tuum assidue, et collaudábo illud in confessiône, et exaudíta est oratio mea. Et liberásti me de perditione, et eripuísti me de témpore iniquo. Proptérea confitebor, et laudem dicam tibi, et benedicam nómini Dómini.

R. Spécie tua et pulchritúdine tua \* Inténde, prospere procéde, et regna. V. Diffúsa est grátia in lábiis tuis, proptérea benedixit te Deus in ætérnum. Inténde. Glória Patri. Inténde.

In II. Nocturno.

Ex libro S. Cypriáni, Episcopi et Mártyris, de disciplína et hábitu Virginum.

Lectio iv. Cap. 2.

**N**unc nobis ad vírgines sermo est, quarum quo sublimior glória est, major et cura est. Flos est ille ecclesiástici gérmis,

decus atque ornámentum grátiae spiritalis, læta índoles, laudis et honóris opus íntegrum atque incorrúptum, Dei imágo respóndens ad sanctimóniam Dómini, illústrior pórtio gregis Christi. Gaudet per illas, atque in illis lárgiter floret Ecclésiæ matris gloriósa fœcúnditas: quantóque plus copiósa virginitas número suo addit, tanto plus gáudium matris augéscit. Ad has lóquimur, has adhortámur affectióne pótius quam potestáte: non quod extrémí, et mínimi, et humilitátis nostræ ádmodum cónsicii áliquíd ad censúram licéntiæ vindicémus; sed quod ad sollicitúdinem magis cauti, plus de diáboli infestatióne timeámus.

R. Propter veritátem, et mansuetúdinem, et justítiam: \* Et dedúcet te mirábíliter dextera tua. V. Spécie tua et pulchritúdine tua inténde, prósperè procéde, et regna. Et.

Lectio v. .

**N**eque inánis hæc caútio est, et vana formído, quæ ad salútis viam cónsulit, quæ domínica et vitália præcépta custódit, ut quæ se Christo dicáverint, et a carnáli concupiscéntia recedéntes, tam carne, quam mente se Deo vóverint, consúmment opus suum magno præmio destinátum: nec ornári jam, aut placére cuiquam, nisi Dómino suo, stúdeant, a quo et mercédem virginitátis exspéctant, dicénte ipso: Non omnes cápiunt verbum, sed illi quibus datum est. Sunt enim spadónes, qui ex útero matris sic natí sunt: et sunt spadónes, qui coácti sunt ab homínibus; et sunt spadónes, qui seípsos ca-

stravérunt propter regnum cœlórum.

R. Dilexísti justítiam, et odísti iniquitátem: \* Proptérea unxit te Deus, Deus tuus óleo lætítiæ. V. Propter veritátem, et mansuetúdinem, et justítiam. Proptérea.

Lectio vi.

**D**énuo quoque per hanc Angeli vocem continéntiæ munus osténditur, virginitas prædicátur. Hi sunt, qui cum muliéribus se non coinquinavérunt: vírgines enim permansérunt: hi sunt qui sequúntur Agnum quocúmque ierit. Neque enim tantum másculis continéntiæ grátiam Dóminus repro-míttit, et fémimas præterit: sed quóniam fémína viri pórtio est, et ex eo sumpta atque formáta est, in Scriptúris fere ómnibus ad protoplástum Deus lóquitur, quia sunt duo in carne una, et in másculo simul significátur et fémína. Quod si Christum continéntia séquitur, et regno Dei virginitas destinátur: quid est illis cum terréno cultu, et cum ornámentis, quibus dum homínibus placére géstiunt, Deum offéndunt?

R. Afferéntur Regi vírgines post eam, próximæ ejus \* Afferéntur tibi in lætítia et exsultatióne. V. Spécie tua et pulchritúdine tua inténde, prósperè procéde, et regna. Afferéntur. Glória Patri. Afferéntur.

In III. Nocturno.

Lectio sancti Evangélíi secúndum Matthæum.

Lectio vii. Cap. 19.

**I**n illo témpore: Accessérunt ad Jesum pharisæi tentántes

eum, et dicentes: Si licet hómini dimittere uxórem suam quacúmque ex causa? Et réliqua.

Homilía sancti Joánnis  
Chrysóstomi.

Hom. 63. in Matth., sub med.

**D**óminus noster, quia ad virginitátem hortári grave esse videbátur, a necessitaté legis de non solvéndo matrimónio, eos ad cupiditátem illius tráhere studet. Deínde ut eam esse possibilem osténdat, sic inquit: Sunt eunúchi qui ex ventre matris ita nati sunt, et sunt qui ab homínibus eunúchi facti sunt, et sunt qui seipsos castravérunt propter regnum coelórum. Quibus verbis laténter eos ad eligéndam virginitátem inducit, dum eam virtútem esse possibilem ástruit.

R. Hæc est Virgo sápiens, quam Dóminus vigilántem invénit, quæ, accéptis lampádibus, sumpsit secum óleum: \* Et veniénte Dómino, introívit cum eo ad nuptias. V. Média nocte clamor factus est: Ecce sponsus venit, exíte óbviám ei. Et veniénte.

Lectio viii.

**I**d autem hoc fere modo confirmat. Cógita tecum, si aut a nátura talis esses, aut ab homínibus

eam injúriam passus, quid fáceres, cum et ejúsmodi voluptáte caréres, et nullam caréndo mercédem consequeréris? Grátias ígitur nunc Deo agas, quod cum mercéde atque corónis idem sústines, quod illi sine corónis ac præmio tólerant: imo vero non idem, sed multo lévius; tum quia spe erigeris, et consciéntia recte facti; tum quia non ita ingéntibus concupiscéntiæ flúctibus jactáris.

R. Média nocte clamor factus est: \* Ecce sponsus venit, exíte óbviám ei. V. Prudentes vírgines, aptáte vestras lámpades. Ecce. Glória Patri. Ecce.

Lectio ix.

**C**um ergo de illis eunúchis dixerit, qui nisi étiam ipsi mente se contíneant, frustra et inútiliter tales sunt; ac de illis, qui ut regnum coelórum consequántur, se contínent, subjúnxit rursus, dicens: Qui potest cápere, cápiat: ut alacrióres efficiat eo ipso, quod grave esse opus osténdit, et ineffábili benignitáte sua nóluit eam rem intra necessitaté legis conclúdere: idque dicéndo, adhuc magis possibilem esse demónstrat, ut voluntátis stúdiu plus augeátur.

Te Deum laudámus. 14.







## COMMUNE SANCTÆ MARTYRIS TANTUM ET NEC VIRGINIS NEC MARTYRIS.

### In I. Vesperis.

Ant. Dum esset Rex \* in accúbitu suo, nardus mea dedit odórem suavitátis.

Psalmus 109.

**D**ixit Dóminus Dómino meo: \* Sede a dextris meis:  
Donec ponam inimícos tuos, \* scabéllum pedum tuórum.

Virgam virtútis tuæ emíttet Dóminus ex Sion: \* domináre in médio inimicórum tuórum.

Tecum princípium in die virtútis tuæ in splendóribus sanctórum: \* ex útero ante luciferum génui te.

Jurávit Dóminus, et non pœnitébit eum: \* Tu es sacérdos in ætérnum secúndum órđinem Melchisedech.

Dóminus a dextris tuis, \* confrégit in die iræ suæ reges.

Judicábit in natió nibus, implébit ruínas: \* conquassábit cápita in terra multórum.

De torrén te in via bibet: \* própterea exaltábit caput.

Ant. Dum esset Rex in accúbitu suo, nardus mea dedit odórem suavitátis.

Ant. In odórem \* unguentórum tuórum cúrrimus; adolescéntulæ dilexérunt te nimis.

Psalmus 112.

**L**audáte púeri Dóminum: \* laudáte nomen Dómini.

Sit nomen Dómini benedíctum, \* ex hoc nunc, et usque in sæculum.

A solis ortu usque ad occásum, \* laudábile nomen Dómini.

Excélsus super omnes Gentes Dóminus, \* et super coelos glória ejus.

Quis sicut Dóminus Deus noster, qui in altis hábitat, \* et humília respicit in coelo et in terra?

Súscitans a terra ínopem, \* et de stércore érigens paúperem:

Ut cóllocet eum cum princípibus, \* cum princípibus pópuli sui.

Qui habitáre facit stérilem in domo, \* matrem filiórum lætántem.

Ant. In odórem unguentórum tuórum cúrrimus; adolescéntulæ dilexérunt te nimis.

Ant. Jam hiems tránsiit, \* imber ábiit, et recéssit: surge amíca mea, et veni.

Psalmus 121.

**L**ætátus sum in his, quæ dicta sunt mihi: \* in domum Dómini íbimus.

Stantes erant pedes nostri, \* in átriis tuis Jerúsalem.

Jerúsalem, quæ ædificátur ut civitas: \* cujus participátio ejus in idípsum.

Illuc enim ascendérunt tribus, tribus Dómini: \* testimónium Israël ad confiténdum nómini Dómini.

Quia illic sedérunt sedes in iudicio, \* sedes super domum David.

Rogáte quæ ad pacem sunt Jerúsalem: \* et abundántia diligéntibus te:

Fiat pax in virtúte tua: \* et abundántia in túrribus tuis.

Propter fratres meos, et próximos meos, \* loquébar pacem de te:

Propter domum Dómini Dei nostri, \* quæsívi bona tibi.

Ant. Jam hiems tránsiit, imber ábiit, et recéssit: surge amíca mea, et veni.

Ant. Veni elécta mea, \* et ponam in te thronum meum, allelúja.

Psalmus 126.

**N**isi Dóminus ædificáverit domum, \* in vanum laboravérunt qui ædificant eam.

Nisi Dóminus custodíerit civitátem, \* frustra vígilat qui custódit eam.

Vanum est vobis ante lucem súrgere: \* súrgite postquam sedéritis, qui manducátis panem dólris.

Cum déderit diléctis suis so-

mnum: \* ecce hæréditas Dómini filii: merces, fructus ventris.

Sicut sagíttæ in manu poténtis: \* ita filii excussórum.

Beátus vir qui implévit desidérium suum ex ipsis: \* non confundétur cum loquétur inimícis suis in porta.

Ant. Veni elécta mea, et ponam in te thronum meum, allelúja.

Ant. Ista est speciósa \* inter filias Jerúsalem.

Psalmus 147.

**L**auda Jerúsalem Dóminum: \* lauda Deum tuum Sion.

Quóniam confortávit seras portárum tuárum: \* benedíxit filiis tuis in te.

Qui pósuit fines tuos pacem: \* et ádipe fruménti sátiat te.

Qui emíttit elóquium suum terræ: \* velóciter currit sermo ejus.

Qui dat nivem sicut lanam: \* nébulam sicut cínerem spargit.

Mittit crystállum suam sicut buccéllas: \* ante fáciem frigoris ejus quis sustinébit?

Emíttet verbum suum, et liquefaciet ea: \* flabit spíritus ejus, et fluent aquæ.

Qui annúnciat verbum suum Jacob: \* justítias, et judícia sua Israël.

Non fecit táliter omni nátióni: \* et judícia sua non manifestávit eis.

Ant. Ista est speciósa inter filias Jerúsalem.

Pro Martyre tantum.

Capitulum. Eccli. 51.

**C**onfitébor tibi, Dómine Rex, et collaudábo te Deum Salvatórem meum. Confitébor nómini tuo: quóniam adjútor et protéctor factus es mihi, et liberásti corpus meum a perditíone.

Pro nec Virgine nec Mart.

Capitulum. Prov. 31. b.

**M**ulierem fortem quis invéniet?  
procul, et de últimis finibus  
prétium ejus. Confidit in ea cor  
viri sui, et spóliis non indigébit.

Hymnus.

**F**ortem virili pectore  
Laudémus omnes féminam,  
Quæ sanctitátis glória  
Ubique fulget inclyta.

Hæc sancto amore saúcia,  
Dum mundi amorem nóxium  
Horréscit, ad coeléstia  
Iter perégit árduum.

Carnem domans jejúniis,  
Dulcíque mentem pábulo  
Oratiónis nútriens,  
Coeli potitur gaúdiis.

Rex Christe virtus fórtium,  
Qui magna solus éfficis,  
Hujus precátu, quæsumus,  
Audi benígnus súpplices.

Deo Patri sit glória,  
Ejúsque soli Fílio,  
Cum Spíritu Paráclito,  
Nunc et per omne sæculum.

Amen.

Ÿ. Spécie tua et pulchritúdine  
tua. R̃. Inténde, prospere procé-  
de, et regna.

Ad Magnif. Ant. Símile est re-  
gnum coelórum \* hómini negotia-  
tóri quærénti bonas margarítas:  
invénta una pretiósá, dedit ómnia  
sua, et comparávit eam.

Pro una Martyre tantum.

Oratio.

**D**eus, qui inter cétera poténtiæ  
tuæ mirácula, étiam in sexu  
frágili victóriam martýrii contulí-  
sti: concéde propítius; ut qui be-  
átæ N. Mártiris tuæ natalítia cón-  
-

mus, per ejus ad te exémpa gra-  
diámur. Per Dóminum.

Pro pluribus Martyribus tantum.

Oratio.

**D**a nobis, quæsumus Dómine  
Deus noster, sanctárum Már-  
tyrum tuárum N. et N. palmas in-  
cessábili devotióne venerári: ut  
quas digna mente non póssumus  
celebráre, humilibus saltem fre-  
quentémus obséquiiis. Per Dñm.

Pro nec Virgine nec Martyre.

Oratio.

**E**xáudi nos Deus salutáris no-  
ster: ut sicut de beátæ N. fe-  
stivitáte gaudémus; ita piæ devo-  
tiónis erudiámur afféctu. Per Dó-  
minum nostrum.

Ad Matutinum.

Invitat. Laudémus Deum no-  
strum, \* In confessiône beátæ N.

Ps. Veníte, exsultémus. 2.

Hymnus.

**H**ujus orátu Deus alme nobis  
Débitas pœnas scélerum re-  
mítte:

Ut tibi puro resonémus alnum  
Pectore carmen.

Sit decus Patri, genitæque Proli,  
Et tibi compar utriúsque virtus  
Spíritus semper, Deus unus omni  
Témporis ævo. Amen.

In I. Nocturno.

Ant. O quam pulchra \* est ca-  
sta generatio cum claritáte!

Psalmus 8.

**D**ómine Dóminus noster, \*  
quam admirábile est nomen  
tuum in univérſa terra!

Quóniam eleváta est magnificén-  
tia tua, \* super coelos.

Ex ore infántium et lacténtium

perfecísti laudem propter inimícos tuos, \* ut déstruas inimícum et ultórem.

Quóniam vidébo coelos tuos, ópera digitorum tuorum: \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérsas: insuper et pécora campi.

Vólucres cœli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsa terra!

Ant. O quam pulchra est casta generátio cum claritáte!

Ant. Læva ejus \* sub cápite meo, et dextera illius amplexábitur me.

#### Psalmus 18.

**C**œli enarrant glóriam Dei, \* et ópera mánuum ejus annúnciat firmaméntum.

Dies diéi erúctat verbum, \* et nox nocti índicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exívit sonus eórum: \* et in fines orbis terræ verba eórum.

In sole pósuit tabernáculum suum: \* et ipse tamquam sponsus procedens de thálamo suo:

Exsultávit ut gigas ad curréndam viam, \* a summo cœlo egrésio ejus:

Et occúrsus ejus usque ad summum ejus: \* nec est qui se abscondat a calore ejus.

Lex Dómini immaculáta convértens ánimas: \* testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda: \* præcéptum Dómini lúcidum, illúminans óculos.

Timor Dómini sanctus, pérmanens in sáeculum sáeculi: \* judícia Dómini vera, justificáta in semetipsa.

Desiderabilia super aurum et lápidem pretiósus multum: \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delícta quis intélligit? ab ocúltis meis munda me: \* et ab aliénis parce servo tuo.

Si mei non fúerint domináti, tunc immaculátus ero: \* et emundábor a delicto máximo.

Et erunt ut compláceant elóquia oris mei: \* et meditátio cordis mei in conspéctu tuo semper.

Dómine adjútor meus, \* et redemptor meus.

Ant. Læva ejus sub cápite meo, et dextera illius amplexábitur me.

Ant. Revértere, \* revértere Sunamítis: revértere, revértere, ut intueámur te.

#### Psalmus 23.

**D**ómini est terra, et plenitúdo ejus: \* orbis terrárum, et univérsi qui hábitant in eo.

Quia ipse super mária fundávit eum: \* et super flúmina præparávit eum.

Quis ascéndet in montem Dó-

mini? \* aut quis stabit in loco sancto ejus?

Innocens mánibus et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: \* et misericórdiam a Deo salutári suo.

Hæc est generátio quæréntium eum, \* quæréntium fáciem Dei Jacob.

Attóllite portas principes vestras, et elevámini portæ æternáles: \* et introíbit Rex glóriæ.

Quis est iste Rex glóriæ? \* Dóminus fórtis et potens: Dóminus potens in prælio.

Attóllite portas principes vestras, et elevámini portæ æternáles: \* et introíbit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

Ant. Revértere, revértere Sunamítis: revértere, revértere, ut intueámur te.

Ÿ. Spécie tua et pulchritúdine tua. R. Inténde, prospere procéde, et regna.

Pater noster.

Absolutio. Exaúdi Dómine.

Ÿ. Jube domne.

Beñed. Benedictióne perpétua.

Lectiones I. Noct. pro Martyre tantum leguntur ut supra. Confitébor. [96]

Pro nec Virgine nec Martyre, ut sequuntur.

De Parábolis Salomónis.

Lectio i. Cap. 31. b.

**M**ulierem fortem quis invéniet? procul, et de últimis finibus prétium ejus. Confidit in ea cor viri sui, et spóliis

non indigébit. Reddet ei bonum, et non malum, ómnibus diébus vitæ suæ. Quæsívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, dedítque prædam domésticis suis, et cibária ancillis suis. Considerávit agrum, et emit eum: de fructu mánuum suárum plantávit véneam. Accínxit fortitúdine lumbos suos, et roborávit bráchium suum.

R. Veni elécta mea, et ponam in te thronum meum: \* Quia concupívit Rex spéciem tuam. Ÿ. Spécie tua et pulchritúdine tua inténde, prospere procéde, et regna. Quia.

Bened. Unigénitus Dei.

Lectio ii.

**G**ustávit, et vidit quia bona est negotiátio ejus: non exstinguétur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apéruit ínopi, et palmas suas exténdit ad paúperem. Non tímébit dómui suæ a frigóribus nivis: omnes enim doméstici ejus vestítí sunt duplicíbus. Stragulátam vestem fecit sibi: byssus et púrpura induméntum ejus. Nóbilis in portis vir ejus, quando séderit cum senatóribus terræ. Síndonem fecit, et véndidit, et cingulum trádidit Chananæo.

R. Diffúsa est grátia in lábiis tuis: \* Proptérea benedíxit te Deus in ætérnum. Ÿ. Spécie tua et pulchritúdine tua inténde, prospere procéde, et regna. Proptérea.

Bened. Spíritus sancti grátia.

## Lectio iii.

**F**ortitúdo et decor induméntum ejus, et ridébit in die novíssimo. Os suum apérui sapiéntiæ, et lex cleméntiæ in lingua ejus. Considerávit sémitas domus suæ, et panem otíosa non comédit. Surrexérunt filii ejus, et beatíssimam prædicavérunt: vir ejus, et laudávit eam. Multæ filiæ congregavérunt divítias: tu supergréssa es univérsas. Fallax grátia, et vana est pulchritúdo: múlter timens Dóminum, ipsa laudábitur. Date ei de fructu mánuum suárum: et laudent eam in portis ópera ejus.

R. Spécie tua et pulchritúdine tua \* Inténde, prospere procéde, et regna. V. Diffúsa est grátia in lábiis tuis, proptérea benedíxit te Deus in ætérnum. Inténde. Glória Patri. Inténde.

## In II. Nocturno.

Ant. Spécie tua \* et pulchritúdine tua inténde, prospere procéde, et regna.

## Psalmus 44.

**F**ructávit cor meum verbum bonum: \* dico ego ópera mea Regi.

Lingua mea cálamus scribæ, \* velóciter scribéntis.

Speciósus forma præ filiis hóminum, diffúsa est grátia in lábiis tuis: \* proptérea benedíxit te Deus in ætérnum.

Accingere gládio tuo super femur tuum, \* potentíssime,

Spécie tua et pulchritúdine tua \* inténde, prospere procéde, et regna.

Propter veritátem, et mansuetú-

dinem, et justítiam: \* et dedúcet te mirabiliter dextera tua.

Sagíttæ tuæ acútæ, pópuli sub te cadent, \* in corda inimicórum Regis.

Sedes tua Deus in sáeculum sáeculi: \* virga directiónis virga regni tui.

Dilexísti justítiam, et odísti iniquitátem: \* proptérea unxit te Deus, Deus tuus óleo lætítiæ præ consórtibus tuis.

Myrrha, et gutta, et cásia a vestiméntis tuis, a dómibus ebúrneis: \* ex quibus delectavérunt te filiæ regum in honóre tuo.

Astitit regína a dextris tuis in vestítu deauráto: \* circúmdata varietáte.

Audi filiá, et vide, et inclína aurem tuam: \* et oblivíscere pópulum tuum, et domum patris tui.

Et concupíscet Rex decórem tuum: \* quóniam ipse est Dóminus Deus tuus, et adorábunt eum.

Et filiæ Tyri in munéribus \* vultum tuum deprecabúntur: omnes dívites plebis.

Omnis glória ejus filiæ Regis ab intus, \* in fímbriis aúreis circumamícta varietátibus.

Adducéntur Regi vírgines post eam: \* próximæ ejus afferéntur tibi.

Afferéntur in lætítia et exultatióne: \* adducéntur in templum Regis.

Pro pátribus tuis nati sunt tibi filii: \* constitúes eos príncipes super omnem terram.

Mémoires erunt nóminis tui: \* in omni generatióne et generatióne.

Proptérea pópuli confitebúntur tibi in ætérnum: \* et in sáeculum sáeculi.



Ant. Spécie tua et pulchritúdine tua inténde, prospere procéde, et regna.

Ant. Adjuvabit eam \* Deus vultu suo: Deus in médio ejus, non commovébitur.

Psalmus 45.

**D**eus noster refúgium, et virtus: \* adjutor in tribulatióibus, quæ invenérunt nos nimis.

Propterea non timébimus dum turbábitur terra: \* et transferéntur montes in cor maris.

Sonuérunt, et turbatæ sunt aquæ eórum: \* conturbáti sunt montes in fortitúdine ejus.

Flúminis ímpetus lætíficat civitátem Dei: \* sanctificávit tabernáculum suum Altissimus.

Deus in médio ejus, non commovébitur: \* adjuvabit eam Deus mane dilúculo.

Conturbatæ sunt Gentes, et inclináta sunt regna: \* dedit vocem suam, mota est terra.

Dóminus virtútum nobíscum: \* suscëptor noster Deus Jacob.

Veníte, et vidéte ópera Dómini, quæ pósuit prodígia super terram: \* áuferens bella usque ad finem terræ.

Arcum cónteret, et confrínget arma: \* et scuta combúret igni.

Vacáte, et vidéte quóniam ego sum Deus: \* exaltábor in Géntibus, et exaltábor in terra.

Dóminus virtútum nobíscum: \* suscëptor noster Deus Jacob.

Ant. Adjuvabit eam Deus vultu suo: Deus in médio ejus, non commovébitur.

Ant. Aquæ multæ \* non potué-runt exstíngere caritátem.

Psalmus 47.

**M**agnus Dóminus, et laudábilis nimis \* in civitáte Dei nostri, in monte sancto ejus.

Fundátur exsultatióne univérsæ terræ mons Sion, \* látera Aquilónis, civitas regis magni.

Deus in dómibus ejus cognoscé-tur, \* cum suscípíet eam.

Quóniam ecce reges terræ congregáti sunt: \* convenérunt in unum.

Ipsi vidéntes sic admiráti sunt, conturbáti sunt, commóti sunt: \* tremor apprehéndit eos.

Ibi dolóres ut parturiéntis: \* in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri: \* Deus fundávit eam in ætérnum.

Suscépimus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terræ: \* justítia plena est dëxtera tua.

Lætétur mons Sion, et exsúltent filiæ Judæ, \* propter judícia tua Dómine.

Circúmdate Sion, et complectímini eam: \* narráte in túrribus ejus.

Pónite corda vestra in virtúte ejus: \* distribúite domos ejus, ut enarrétis in progénie áltera.

Quóniam hic est Deus, Deus noster in ætérnum, et in sáculum sáculi: \* ipse reget nos in sácula.

Ant. Aquæ multæ non potué-runt exstíngere caritátem.

Ÿ. Adjuvabit eam Deus vultu suo. R. Deus in médio ejus, non commovébitur.

Pater noster.

Absolutio. Ipsius píetas.

V. Jube domne.

Bened. Deus Pater omnipotens.

Ex libro sancti Ambrósii Epíscopi  
de Víduis.

Prope finem.

Lectio iv.

**A**grum hunc Ecclésiæ fértilem cerno, nunc integritátis flore vernántem, nunc viduitátis gravitáte polléntem, nunc étiam conjúgii frúctibus redundántem. Nam etsi divérsi, uníus tamen agri fructus sunt: nec tanta hortórum lília, quantæ arístæ ségetum, mészium spicæ: compluriúmque spátia campórum recipiéndis aptántur semínibus, quam rédditis nováles frúctibus feriántur. Bona ergo vidúitas, quæ tóties apostólico iudicio prædicátur. Hæc enim magistra fidei, magistra est castitátis.

R. Propter veritátem, et mansuetúdinem, et justítiam: \* Et dedúcet te mirabíliter délixtera tua. V. Spécie tua et pulchritúdine tua inténde, prospere procéde, et regna. Et dedúcet.

Bened. Christus perpétuæ.

Lectio v.

**U**nde et illi qui deórum suórum adultéria et probra venerántur, cœlibátus et viduitátis statuére pœnas, ut æmuli críminum mulctárent stúdia virtútum, spécie quidem, qua fœcunditátem quærerent, sed stúdio, quo propósitum castitátis abolérent. Nam conféctis et miles stipéndiis arma depónit, et relicto offício quod gerébat, ad própria veteránus rura dimíttitur, ut et ipse exércitæ labóribus

vitæ réquiem consequátur; et álios spes futúrae quiétis subeúndis fáciat opéribus promptiôres. Agrícola quoque matúrior tórquéndam áliis stivam commíttit, et juveníli gravátus ópere providéntiam curæ senílis explórat: vitem facílius tondére, quam prémere, ut juvenescéntem luxúriam réprimat, et adollescéntem lascíviam falce succídat: parcórum quamdam pártuum castitátem docens étiam in vítibus expeténdam.

R. Dilexísti justítiam, et odísti iniquitátem: \* Proptérea unxit te Deus, Deus tuus óleo lætitiæ. V. Propter veritátem, et mansuetúdinem, et justítiam. Proptérea.

Bened. Ignem sui amóris.

Lectio vi.

**S**ímilis huic vídua velut eméritis veterána stipéndiis castitátis, et si conjúgii arma depónat; domus tamen totíus pacem gubérnat: et si vehéndis onéribus otíosa, maritándis tamen junióribus próvida, ubi cultus utilior, ubi fructus uberior sit, quarum cópulam aptiôrem, seníli gravitáte dispónit. Itaque si maturióribus quam junióribus commíttitur ager, cur putes utiliôrem nuptam esse quam víduam? Quod si persecutóres fidei persecutóres fuérunt étiam viduitátis: útique fidem sequéntibus vidúitas non pro supplicío fugiéndam est, sed tenéndam pro præmio.

R. Fallax grátia, et vana est pulchritúdo: \* Múlier timens Deum, ipsa laudábitur. V. Date ei de fructu mánuum suárum, et laudent eam in portis ópera ejus. Múlier. Glória Patri. Múlier.

## In III. Nocturno.

Ant. Nigra sum, \* sed formósa, filiæ Jerúsalem: ideo diléxit me Rex, et introdúxit me in cubiculum suum.

## Psalmus 95.

**C**antáte Dómino cánticum novum: \* cantáte Dómino omnis terra.

Cantáte Dómino, et benedicite nómini ejus: \* annuntiáte de die in diem salutáre ejus.

Annuntiáte inter Gentes glóriam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis: \* terríbilis est super omnes deos.

Quóniam omnes dii Géntium dæmónia: \* Dñs autem cœlos fecit.

Conféssio, et pulchritúdo in conspéctu ejus: \* sanctimónia et magnificéntia in sanctificatióne ejus.

Afférte Dómino pátriæ Géntium, afférte Dómino glóriam et honórem: \* afférte Dómino glóriam nómini ejus.

Tóllite hóstias, et introíte in átria ejus: \* adoráte Dóminum in átrio sancto ejus.

Commovéatur a fácie ejus univérsa terra: \* dícite in Géntibus quia Dóminus regnávit.

Etenim corréxit orbem terræ qui non commovébitur: \* judicábit pópulos in æquitáte.

Læténtur cœli, et exsúltet terra: commovéatur mare, et plenitúdo ejus: \* gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit: \* quóniam venit judicáre terram.

Judicábit orbem terræ in æquitáte, \* et pópulos in veritáte sua.

Ant. Nigra sum, sed formósa, filiæ Jerúsalem: ideo diléxit me Rex, et introdúxit me in cubiculum suum.

Ant. Trahe me post te, \* in odórem currémus unguentórum tuórum: óleum effúsum nomen tuum.

## Psalmus 96.

**D**óminus regnávit, exsúltet terra: \* læténtur insulæ multæ.

Nubes, et caligo in circúitu ejus: \* justítia, et judícium corréctio sedis ejus.

Ignis ante ipsum præcédet, \* et inflamábit in circúitu inimicos ejus.

Illuxérunt fúlgura ejus orbi terræ: \* vidit, et commóta est terra.

Montes, sicut cera fluxérunt a fácie Dómini: \* a fácie Dómini omnis terra.

Annuntiavérunt cœli justítiam ejus: \* et vidérunt omnes pópuli glóriam ejus.

Confundántur omnes, qui adorant sculptília: \* et qui gloriántur in simulácris suis.

Adoráte eum omnes Angeli ejus: \* audívit, et lætáta est Sion.

Et exsultavérunt filiæ Judæ, \* propter judícia tua Dómine:

Quóniam tu Dóminus Altíssimus super omnem terram: \* nimis exaltátus es super omnes deos.

Qui dilígitis Dóminum, odíte malum: \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justí in Dómino: \* et confitémini memóriæ sanctificatiónis ejus.

Ant. Trahe me post te, in odórem currémus unguentórum tuórum: óleum effúsum nomen tuum.

Ant. Veni sponsa Christi, \* áccipe corónam, quam tibi Dóminus præparávit in ætérnum.

Psalmus 97.

**C**antáte Dómino cánticum novum: \* quia mirabília fecit.

Salvávít sibi délixtera ejus: \* et bráchium sanctum ejus.

Notum fecit Dóminus salutáre suum: \* in conspéctu Géntium revelávít justítiam suam.

Recordátus est misericórdiæ suæ, \* et veritátis suæ dómui Israhël.

Vidérunt omnes términi terræ \* salutáre Dei nostri.

Jubiláte Deo omnis terra: \* cantáte, et exsultáte, et psállite.

Psállite Dómino in cíthara, in cíthara et voce psalmi: \* in tubis ductílibus, et voce tubæ córneæ.

Jubiláte in conspéctu regis Dómini: \* moveátur mare, et plenitúdo ejus: orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dómini: \* quóniam venit judicáre terram.

Judicábit orbem terrárum in justítia, \* et pópulos in æquitáte.

Ant. Veni sponsa Christi, áccipe corónam, quam tibi Dóminus præparávit in ætérnum.

Ÿ. Elégit eam Deus, et præelégit eam. R̃. In tabernáculo suo habitáre facit eam.

Pater noster.

Absolutio. A v́nculis.

Ÿ. Jube domne.

Bened. Evangélica léctio.

Léctio sancti Evangélii secúndum Matthæum.

Lectio vii. Cap. 13. f.

**I**n illo témpore: Dixit Jesus discípulis suis parábolam hanc: Símile est regnum cœlórum thesaúro abscondito in agro. Et réliqua.

Homília sancti Gregórii Papæ.

Homil. 11. in Evang.

**C**œlórum regnum, fratres caríssimi, idcirco terrénis rebus símile dicitur, ut ex his quæ ánimus novit, surgat ad incógnita quæ non novit: quátenus exémplo visibílium se ad invisibília rápiat, et per ea, quæ usu dídicit, quasi confricátus incaléscat: ut per hoc, quod scit notum dilígere, discat et incógnita amáre. Ecce enim cœlórum regnum thesaúro abscondito in agro comparátur: quem qui ínvenit homo, abscondit, et præ gaúdio illius vadit, et vendit univérsa quæ habet, et emit agrum illum.

R̃. Os suum apérui sapiéntiæ, et lex cleméntiæ in lingua ejus: considerávít sémitas domus suæ, \* Et panem otíosa non comédit. Ÿ. Gustávít et vidit quia bona est negotiátio ejus: non exstinguétur in nocte lucérna ejus. Et panem.

Bened. Cujus Festum cólimus.

Lectio viii.

**Q**ua in re hoc quoque notándum est, quod invéntus thesaúrus absconditur, ut servétur: quia stúdiu cœléstis desidérii a malignis spíritibus custodíre non súfficit, qui hoc ab humánis laúdibus non abscondit. In præsénti étenim vita, quasi in via sumus, qua ad pátriam pérgimus. Maligni autem spíritus

iter nostrum quasi quidam latrunculi obsident. Deprædâri ergo desiderat, qui thesaurum publice portat in via. Hoc autem dico, non ut proximi opera nostra bona non videant, cum scriptum sit: Videant opera vestra bona, et glorificent Patrem vestrum, qui in cœlis est: sed ut per hoc, quod agimus, laudes extèrius non quæramus. Sic autem sit opus in público; quatenus intentio maneat in occulto: ut et de bono opere proximis præbeamus exemplum, et tamen per intentionem, qua Deo soli placere quærimus, semper optemus secretum.

R. Regnum mundi, et omnem ornatum sæculi contempsisti, propter amorem Domini mei Jesu Christi: \* Quem vidi, quem amavi, in quem credidi, quem dilexi. V. Eructavit cor meum verbum bonum: dico ego opera mea regi. Quem. Glória Patri. Quem.

Bened. Ad societatem.

Lectio ix.

**T**hesaurus autem cœlestis est desiderium: ager vero, in quo thesaurus absconditur, disciplina studii cœlestis. Quem profecto agrum venditis omnibus comparat, qui voluptatibus carnis renuntians, cuncta sua terræna desideria per disciplinæ cœlestis custodiam calcatur: ut nihil jam, quod caro blanditur, libeat; nihil quod carnalem vitam trucidat, spiritus perhorrescat.

Te Deum laudamus. 14.

**Ad Laudes**

et per Horas.

Ant. 1. Dum esset Rex \* in acubitu suo, nardus mea dedit odorem suavitatis.

Psalm. Dominus regnavit. cum reliquis. 15.

2. In odorem \* unguentorum tuorum currimus; adolescentulæ dilexerunt te nimis.

3. Jam hiems transiit, \* imber abiit, et recessit: surge amica mea, et veni.

4. Veni electa mea, \* et ponam in te thronum meum, allelûja.

5. Ista est speciosa \* inter filias Jerusalem.

Pro Martyre tantum.

Capitulum. Eccli. 51.

**C**onfitebor tibi Domine Rex, et collaudabo te Deum Salvatorem meum. Confitebor nomini tuo: quoniam adiutor et protector factus es mihi, et liberasti corpus meum a perditione.

Pro nec Virgine nec Martyre.

Capitulum. Prov. 31. b.

**M**ulierem fortem quis inveniet? procul, et de ultimis finibus pretium ejus. Confidit in ea cor viri sui, et spoliis non indigebit.

Hymnus.

**F**ortem virili pectore  
Laudemus omnes feminam,  
Quæ sanctitatis gloria  
Ubique fulget inclyta.

Hæc sancto amore saucia,  
Dum mundi amorem noxium  
Horrescit, ad cœlestia  
Iter perégit arduum.

Carnem domans jejuniis,  
Dulcique mentem pabulo  
Orationis nutriens,  
Cœli potitur gaudiis.

Rex Christe virtus fortium,  
Qui magna solus efficis,  
Hujus precatu, quæsumus,  
Audi benignus supplices.

Deo Patri sit glória,  
Ejúsque soli Fílio,  
Cum Spíritu Paráclito,  
Nunc, et per omne sáeculum.  
Amen.

Ÿ. Diffúsa est grátia in lábiis  
tuis. R. Proptérea benedíxit te  
Deus in ætérnum.

Ad Bened. Ant. Date ei \* de  
fructu mánuum suárum, et laudent  
eam in portis ópera ejus.

Pro una Martyre tantum.

Oratio.

**D**eus, qui inter cétera poténtiæ  
tuæ mirácula étiam in sexu  
frágili victóriam martýrii contu-  
listi: concéde propítius; ut qui  
beátæ N. Mártyris tuæ natalítia  
cólimus, per ejus ad te exémpa  
gradiámur. Per Dóminum.

Pro pluribus Martyribus tantum.

Oratio.

**D**a nobis, quæsumus Dómine  
Deus noster, sanctárum Már-  
tyrum tuárum N. et N. palmas in-  
cessábili devotióne venerári: ut  
quas digna mente non póssumus  
celebráre, humilibus saltem fre-  
quentémus obséquiiis. Per Dñm.

Pro nec Virgine nec Martyre.

Oratio.

**E**xáudi nos Deus salutáris noster:  
ut, sicut de beátæ N. festivitáte  
gaudémus; ita piæ devotiónis eru-  
diámur afféctu. Per Dóminum.

Ad Tertiam.

Ant. In odórem.

Pro Martyre tantum.

Capitulum. Confitébor. [109]

Pro nec Virgine nec Martyre.

Capitul. Mulierem fortem. [109]

R. br. Spécie tua \* Et pulchritú-  
dine tua. Spécie. Ÿ. Inténde, pró-

spere procéde, et regna. Et. Gló-  
ria Patri. Spécie.

Ÿ. Adjuvábít eam Deus vultu  
suo. R. Deus in médio ejus, non  
commovébitur.

Ad Sextam.

Ant. Jam hiems tránsiit.

Pro Martyre tantum.

Capitulum. Eccli. 51.

**L**iberásti me secúndum multítu-  
dinem misericórdiæ nóminis  
tui a rugiéntibus, præparátis ad  
escam, de mánibus quæréntium  
ánimam meam, et de multis tribu-  
latiónibus quæ circumdedérunt me.

Pro nec Virgine nec Martyre.

Capitulum. Prov. 31. c.

**M**anum suam apérui inopi, et  
palmas suas exténdit ad paú-  
perem. Non timébit dómui suæ a  
frigóribus nivis.

R. br. Adjuvábít eam \* Deus  
vultu suo. Adjuvábít. Ÿ. Deus in  
médio ejus, non commovébitur.  
Deus. Glória Patri. Adjuvábít.

Ÿ. Elégit eam Deus, et præelé-  
git eam. R. In tabernáculo suo ha-  
bitáre facit eam.

Ad Nonam.

Ant. Ista est speciósa.

Pro Martyre tantum.

Capitulum. Eccli. 51.

**L**audábit usque ad mortem áni-  
ma mea Dóminum, quóniam  
éruis sustinéntes te, et liberas eos  
de manu angústiae, Dómine Deus  
noster.

Pro nec Virgine nec Martyre.

Capitulum. Prov. 31. d.

**M**ultæ filiæ congregavérunt di-  
vítias: tu supergréssa es uni-  
vérsas. Fallax grátia, et vana est



pulchritudo: mulier timens Dóminum, ipsa laudábitur.

R. br. Elégit eam Deus, \* Et præelégit eam. Elégit. V. In tabernáculo suo habitare facit eam. Et. Glória Patri. Elégit.

V. Diffusa est grátia in lábiis tuis. R. Propterea benedixit te Deus in ætérnum.

## In II. Vesperis.

Omnia ut supra in I. Vesperis [99], præter

V. Diffusa est grátia in lábiis tuis. R. Propterea benedixit te Deus in ætérnum.

Ad Magnif. Ant. Manum suam \* aperuit inopi, et palmas suas extendit ad pauperem, et panem otiosa non comedit.

Si fuerint plures non Virgines, idem fit Offic. ut supra. [99]

## II. Lectiones

pro Martyre tantum.

In II. Nocturno.

Sermo sancti Joánnis Chrysóstomi.

Serm. 67. de diversis novi Testamenti locis.

Lectio iv.

**E**go máxime commemoratiónes díligo Mártyrum, díligo, et ampléctor; atque omnes quidem, sed tum præcipue, cum mulierum certamina proponúntur. Quanto enim infirmius est vas, tanto major est grátia, tanto illustrius est trophæum, tanto insignior est victória, non ob imbecillitatem sexus athletarum, sed quod per ea, quibus vícerat inimicus, nunc étiam vincátur.

R. Propter veritatem, et mansuetudinem, et justitiam: \* Et deducet te mirabiliter dextera tua. V. Spécie tua et pulchritudine tua inténde, prospere procéde, et regna. Et deducet.

Lectio v.

**P**er mulierem vicit, per mulierem superatus est. Hoc illius antea telum erat: hoc illius nunc cædis factum est instrumentum, hoc vas apparuit insuperabile. Peccavit illa prior, et mórtua est: ista mórtua est, ne peccáret. Illa tum fútilis promissi spe infláta, Dei leges violávit: hæc vitam præsentem contempsit, ne fidem in suum benefactorem ejuráret. Quam igitur deinceps sperare poterunt excusationem viri, si molles sint, et ignávi; quam vero véniam, cum fórtiter ac viríliter se gerant mulieres, cum ádeo se generose ad certamina pietátis accíngant?

R. Dilexisti justitiam, et odisti iniquitatem: \* Propterea unxit te Deus, Deus tuus óleo lætitiæ. V. Propter veritatem, et mansuetudinem, et justitiam. Propterea.

Lectio vi.

**F**uit illi corpus imbecillum, et obnoxius sexus injuriæ; verumtamen omnium horum imbecillitatem adveniens grátia occultávit. Nihil enim est, nihil plane potentius est eo, qui magno cum stúdio Dei timórem hábeat in mente defixum; sed quamvis ignes, quamvis ferrum, quamvis béstias, quamvis aliud quidvis minéntur hostes, ómnia nullo negótio contémnit; quod útique Beáta ista étiam fecit.

R. Fallax grátia. [106]



## COMMUNE DEDICATIONIS ECCLESIAE.

### In I. Vesperis.

Antiph. de Laudibus. [121]

Psalmi ut in I. Vesp. de Comuni  
Apost. [2] et loco ultimi

Psalmus 147.

**L**auda Jerúsalem Dómi-  
num: \* lauda Deum tu-  
um Sion.

Quóniam confortávit  
seras portárum tuárum:  
\* benedíxit fíliis tuis in te.

Qui pósuit fines tuos pacem: \* et  
ádipe fruménti sátiat te.

Qui emíttit elóquium suum ter-  
ræ: \* velóciter currit sermo ejus.

Qui dat nivem sicut lanam: \* né-  
bulam sicut cínere spargit,

Mittit crystállum suam sicut buc-  
cèllas: \* ante fáciem frígoris ejus  
quis sustinébit?

Emíttet verbum suum, et lique-  
fáciat ea: \* flabit spíritus ejus, et  
fluent aquæ.

Qui annúnciat verbum suum Ja-  
cob: \* justítias, et judícia sua  
Israël.

Non fecit táliter omni natióni: \*  
et judícia sua non manifestávit eis.

Capitulum. Apoc. 21.

**V**idi civitátem sanctam Jerúsa-  
lem novam descendéntem de  
cœlo a Deo, parátam, sicut spon-  
sam ornátam viro suo.

Hymnus.

**C**œléstis urbs Jerúsalem,  
Beáta pacis visio,  
Quæ celsa de vivéntibus  
Saxis ad astra tólleris,  
Sponsæque ritu cíngeris  
Mille Angelórum míllibus.

O sorte nupta próspera,  
Dotáta Patris glória,  
Respérta sponsi grátia,  
Regína formosíssima,  
Christo jugáta Príncipi,  
Cœli corúsca civitas.

Hic margarítis émicant,  
Paténtque cunctis óstia:  
Virtúte namque prævia  
Mortális illuc dúcitur,  
Amóre Christi pércitus  
Torménta quisquis sústinet.

Scalpri salúbris íctibus,  
Et tunsíone plúrima,  
Fabri políta málleo  
Hanc saxa molem cóonstruunt,  
Aptísque juncta nélixus  
Locántur in fastígio.

Decus Parénti débitum  
Sít usquequáque Altíssimo,  
Natóque Patris único,  
Et ínclýto Paráclito,  
Cui laus, potéstas, glória  
ÆtéRNA sít per sácula. Amen.

V. Hæc est domus Dómini fir-  
miter ædificáta. R. Bene fundáta  
est supra firmam petram.

Ad Magnif. Ant. Sanctificávit  
Dóminus \* tabernáculum suum:  
quia hæc est domus Dei, in qua in-  
vocábitur nomen ejus, de quo scri-  
ptum est: Et erit nomen meum ibi,  
dicit Dóminus.

In ipso die Dedicationis Ecclesiae,  
et per Octavam, et quando varianda  
est Oratio-ob concursum Dedicationis  
alterius Ecclesiae.

#### Oratio.

**D**eus, qui invisibíliter ómnia cón-  
tines, et tamen pro salúte gé-  
neris humáni signa tuæ poténtiæ  
visibíliter osténdis: templum hoc  
poténtia tuæ inhabitatiónis illústra,  
et concéde; ut omnes, qui huc de-  
precátúri convéniunt, ex quacúm-  
que tribulatióne ad te clamáverint,  
consolatiónis tuæ beneficia conse-  
quántur. Per Dóminum.

In Anniversario Dedicationis Eccle-  
siae et per Octavam.

#### Oratio.

**D**eus, qui nobis per singulos an-  
nos hujus sancti templi tui con-  
secratiónis réparas diem, et sacris  
semper mystériis repræsentas in-

cólumes: exaúdi preces pópuli tui,  
et præsta; ut quisquis hoc tem-  
plum beneficia petitúrus ingrédi-  
tur, cuncta se impetrásse lætétur.  
Per Dóminum nostrum.

#### Ad Matutinum.

Invit. Domum Dei decet sancti-  
túdo: \* Sponsum ejus Christum  
adorémus in ea.

Ps. Veníte, exsultémus. 2.

Hymnus. Cœléstis Urbs. ut su-  
pra. [112]

#### In I. Nocturno.

Ant. Tóllite \* portas príncipes  
vestras, et elevámini portæ æter-  
náles.

#### Psalmus 23.

**D**ómini est terra, et plenitúdo  
ejus: \* orbis terrárum, et uni-  
vérsi, qui hábitant in eo.

Quia ipse super mária fundávit  
eum: \* et super flúmina præpará-  
vit eum.

Quis ascéndet in montem Dó-  
mini? \* aut quis stabit in loco san-  
cto ejus?

Innocens mánibus et mundo cor-  
de, \* qui non accépit in vano áni-  
mam suam, nec jurávit in dolo pró-  
ximo suo.

Hic accípiet benedictiόνem a  
Dómino: \* et misericórdiam a Deo  
salutári suo.

Hæc est generátio quæréntium  
eum, \* quæréntium faciém Dei  
Jacob.

Attóllite portas príncipes ve-  
stras, et elevámini portæ æterná-  
les: \* et introíbit Rex glóriæ.

Quis est iste Rex glóriæ? \* Dó-  
minus fortis et potens: Dóminus  
potens in prælio.

Attóllite portas príncipes ve-

stras, et elevámini portæ æternáles: \* et introíbit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

Ant. Tóllite portas príncipes vestras, et elevámini portæ æternáles.

Ant. Erit mihi \* Dóminus in Deum, et lapis iste vocábitur domus Dei.

Psalmus 45.

**D**eus noster refúgium, et virtus: \* adjútor in tribulatió nibus, quæ invenérunt nos nimis.

Proptérea non timébimus dum turbábitur terra: \* et transferén- tur montes in cor maris.

Sonuérunt, et turbátæ sunt aquæ eórum: \* conturbáti sunt montes in fortitúdine ejus.

Flúminis ímpetus lætíficat civi- tatem Dei: \* sanctificávit taberná- culum suum Altíssimus.

Deus in médio ejus, non commo- vébitur: \* adjuvábít eam Deus ma- ne dilúculo.

Conturbátæ sunt Gentes, et in- clináta sunt regna: \* dedit vocem suam, mota est terra.

Dóminus virtútum nobíscum: \* suscēptor noster Deus Jacob.

Veníte, et vidéte ópera Dómini, quæ pósuit prodígia super terram: \* aúferens bella usque ad finem terræ.

Arcum cónteret, et confrínget arma: \* et scuta combúret igni.

Vacáte, et vidéte quóniam ego sum Deus: \* exaltábor in Géntibus, et exaltábor in terra.

Dóminus virtútum nobíscum: \* suscēptor noster Deus Jacob.

Ant. Erit mihi Dóminus in De- um, et lapis iste vocábitur domus Dei.

Ant. Ædificávit \* Móyses altáre Dómino Deo.

Psalmus 47.

**M**agnus Dóminus, et laudábilis nimis \* in civitáte Dei nostri, in monte sancto ejus.

Fundátur exsultatióne univérsæ terræ mons Sion, \* látera Aquilón- nis, civitas Regis magni.

Deus in dómibus ejus cognoscé- tur, \* cum suscípíet eam.

Quóniam ecce reges terræ con- gregáti sunt: \* convenérunt in unum.

Ipsi vidéntes sic admiráti sunt, conturbáti sunt, commóti sunt: \* tremor apprehéndit eos.

Ibi dolóres ut parturiéntis, \* in spírítu veheménti cónteres naves Tharsis.

Sicut audívimus, sic vídimus in civitáte Dómini virtútum, in civi- táte Dei nostri: \* Deus fundávit eam in ætérnum.

Suscépimus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terræ: \* ju- stítia plena est délixtera tua.

Lætétur mons Sion, et exsúltent filíæ Judæ, \* propter judícia tua Dómine.

Circúmdate Sion, et complectí- mini eam: \* narráte in túrribus ejus.

Pónite corda vestra in virtúte ejus: \* et distribúite domos ejus, ut enarrétis in progénie áltera.

Quóniam hic est Deus, Deus no- ster in ætérnum, et in sáeculum sáeculi: \* ipse reget nos in sáecula.

Ant. *Ædificávit Móyses altáre Dómino Deo.*

*Ÿ. Domum tuam Dómine decet sanctitúdo. R. In longitudínem diérum.*

*Pater noster.*

*Absolutio. Exaúdi Dómine.*

*Ÿ. Jube domne.*

*Bened. Benedictione perpétua.*

*De libro secúndo Paralipómenon.*

*Lectio i. Cap. 7.*

**C**um complésset Sálomon fundens preces, ignis descéndit de cœlo, et devorávit holocausta et víctimas: et majéstas Dómini implévit domum. Nec póterant sacerdótes ingredi templum Dómini, eo quod implésset majéstas Dómini templum Dómini. Sed et omnes filii Israël vidébant descendéntem ignem, et glóriam Dómini super domum: et corruéntes proni in terram super paviméntum stratum lápide, adoravérunt et laudavérunt Dóminum: Quóniam bonus, quóniam in sœculum misericórdia ejus. Rex autem, et omnis pópulus immolábant víctimas coram Dómino. Mactávit igitur rex Sálomon hóstias, boum vigínti duo millia, arietum centum vigínti millia: et dedicávit domum Dei rex, et univérsus pópulus.

*R. In dedicatióne templi decantábat pópulus laudem: \* Et in ore eórum dulcis resonábat sonus. Ÿ. Fundáta est domus Dómini supra vérticem móntium, et vénient ad eam omnes Gentes. Et.*

*Bened. Unigénitus Dei.*

*Lectio ii.*

**S**acerdótes autem stabant in officiis suis: et Levítæ in órganis

cárminum Dómini, quæ fecit David rex ad laudándum Dóminum: Quóniam in ætérnum misericórdia ejus, hymnos David canéntes per manus suas: porro sacerdótes canébant tubis ante eos, cunctúsque Israël stabat. Sanctificávit quoque Sálomon médium átrii ante templum Dómini: obtúlerat enim ibi holocausta, et ádipes pacificórum: quia altáre æneum, quod fécerat, non póterat sustinére holocausta et sacrificia et ádipes. Fecit ergo Sálomon solemnitétem in témpore illo septem diébus, et omnis Israël cum eo, ecclésia magna valde, ab intróitu Emath usque ad Torrén-tem Ægýpti. Fecítque die octávo colléctam, eo quod dedicásset altáre septem diébus, et solemnitétem celebrásset diébus septem.

*R. Fundáta est domus Dómini supra vérticem móntium, et exaltáta est super omnes colles: \* Et vénient ad eam omnes Gentes, et dicent: Glória tibi Dómine. Ÿ. Veniéntes autem vénient cum exsultatióne, portántes manípulos suos. Et vénient.*

*Bened. Spiritus sancti grátia.*

*Lectio iii.*

**C**omplevítque Sálomon domum Dómini, et domum regis, et ómnia quæ disposúerat in corde suo, ut fáceret in domo Dómini, et in domo sua, et prosperátus est. Appáruit autem ei Dóminus nocte, et ait: Audívi oratióem tuam, et elégi locum istum mihi in domum sacrificii. Si cláusero cœlum, et plúvia non flúxerit, et mandávero et præcépero locústæ, ut dévoret terram, et misero pestiléntiam in pópulum meum: convérsus autem

pópulus meus, super quos invocátum est nomen meum, deprecátus me fúerit, et exquisierit fáciem meam, et égerit pœniténtiam a viis suis péssimis: et ego exaúdiam de cœlo, et propítius ero peccátis eórum, et sanábo terram eórum. Oculi quoque mei erunt apérti, et aures meæ eréctæ ad oratióem ejus qui in loco isto oráverit. Elégi enim, et sanctificávi locum istum, ut sit nomen meum ibi in sempiternum, et permáneant óculi mei et cor meum ibi cunctis diébus.

R. Bénedic Dñe domum istam, quam ædificávi nómini tuo: veniéntium in loco isto,\* Exaúdi preces in excélso sólio glóriæ tuæ. V. Dómine, si convérsus fúerit pópulus tuus, et oráverit ad sanctuárium tuum. Exaúdi. Glória Patri. Exaúdi.

#### In II. Nocturno.

Ant. Non est hic áliud, \* nisi domus Dei, et porta cœli.

#### Psalmus 83.

**Q**uam dilécta tabernácula tua Dómine virtútum: \* concupíscit, et déficit ánima mea in átria Dómini.

Cor meum, et caro mea \* exultavérunt in Deum vivum.

Etenim passer invénit sibi domum: \* et turtur nidum sibi, ubi ponat pullos suos.

Altária tua Dómine virtútum: \* rex meus, et Deus meus.

Beáti, qui hábitant in domo tua Dómine: \* in sæcula sæculórum laudábunt te.

Beátus vir, cujus est auxílium abs te: \* ascensióes in corde suo

dispósuit, in valle lacrimárum in loco, quem pósuit.

Etenim benedictiónem dabit legislátor, ibunt de virtúte in virtútem: \* vidébitur Deus deórum in Sion.

Dómine Deus virtútum exaúdi oratióem meam: \* aúribus pércipe Deus Jacob.

Protéctor noster áspice Deus: \* et réspice in fáciem Christi tui:

Quia mélior est dies una in átriis tuis, \* super millia.

Elégi abjéctus esse in domo Dei mei: \* magis quam habitáre in tabernáculis peccatórum.

Quia misericórdiam, et veritátem díligit Deus: \* grátiam, et glóriam dabit Dóminus.

Non privábit bonis eos, qui ámbulant in innocéntia: \* Dómine virtútum, beátus homo, qui sperat in te.

Ant. Non est hic áliud, nisi domus Dei, et porta cœli.

Ant. Vidit Jacob scalam, \* súmmas ejus cœlos tangébat, et descendéntes Angelos, et dixit: Vere locus iste sanctus est.

#### Psalmus 86.

**F**undaménta ejus in móntibus sanctis: \* díligit Dóminus portas Sion super ómnia tabernácula Jacob.

Gloriósas dicta sunt de te, \* civitas Dei.

Memor ero Rahab, et Babylónis \* sciéntium me.

Ecce alienígenæ, et Tyrus, et pópulus Æthiopum, \* hi fuérunt illic.

Numquid Sion dicet: Homo, et homo natus est in ea: \* et ipse fundávit eam Altíssimus?



Dóminus narrábit in scriptúris populórum, et princípum: \* horum, qui fuérunt in ea.

Sicut lætántium ómnium \* habitatio est in te.

Ant. Vidit Jacob scalam, súmmitas ejus cœlos tangébat, et descendéntes Angelos, et dixit: Vere locus iste sanctus est.

Ant. Eréxit Jacob \* lápidem in titulum, fundens óleum désuper.

Psalmus 87.

**D**ómine Deus salútis meæ: \* in die clamávi, et nocte coram te.

Intret in conspéctu tuo orátio mea: \* inclína aurem tuam ad prece meam:

Quia repléta est malis ánima mea: \* et vita mea inférno appropinquávit.

Æstimátus sum cum descendéntibus in lacum: \* factus sum sicut homo sine adjutório, inter mórtuos liber.

Sicut vulneráti dormiéntes in sepúlchris, quorum non es memor ámplius: \* et ipsi de manu tua repúlsi sunt.

Posuérum me in lacu inferióri: \* in tenebrósis, et in umbra mortis.

Super me confirmátus est furor tuus: \* et omnes fluctus tuos induxísti super me.

Longe fecísti notos meos a me: \* posuérum me abominatióne sibi.

Tráditus sum, et non egrediébar: \* óculi mei languérunt præ inópia.

Clamávi ad te Dómine tota die: \* expándi ad te manus meas.

Numquid mórtuis fácies mirabilia: \* aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam, \* et veritátem tuam in perditiónē?

Numquid cognoscéntur in tenebris mirabilia tua: \* et justítia tua in terra obliuionis?

Et ego ad te Dómine clamávi: \* et mane orátio mea præveniet te.

Ut quid Dómine repéllis orationem meam: \* avértis faciē tuam a me?

Pauper sum ego, et in labóribus a juventúte mea: \* exaltátus autem, humiliátus sum et conturbátus.

In me transiérunt iræ tuæ: \* et terróres tui conturbavérunt me.

Circumdedérunt me sicut aqua tota die: \* circumdedérunt me simul.

Elongásti a me amicum et próximum: \* et notos meos a miséria.

Ant. Eréxit Jacob lápidem in titulum, fundens óleum désuper.

Ÿ. Domus mea. R̃. Domus orationis vocábitur.

Pater noster.

Absolutio. Ipsíus píetas.

Ÿ. Jube domne.

Bened. Deus Pater omnípotens.

Sermo sancti Augustíni Epíscopi.

Serm. 252. de Tempore.

Lectio iv.

**Q**uotiescúmque, fratres caríssimi, altáris vel templi festivitátem cólimus, si fidéliter ac diligénter atténdimus, et sancte ac juste vívimus, quidquid in templis manufáctis ágitur, totum in nobis spiritali ædificatióne complétur. Non enim mentítus est ille, qui dixit: Templum enim Dei sanctum est, quod estis vos; et íterum: Ne-

scítis, quia cörpera vestra templum sunt Spíritus sancti, qui in vobis est? Et ideo, fratres caríssimi, quia nullis præcedéntibus méritis per grátiam Dei merúimus fieri templum Dei, quantum póssumus cum ipsíus adjutório laborémus, ne Dóminus noster in templo suo, hoc est, in nobis ipsis invéniat quod óculos suæ majestátis offéndat.

R. Orántibus in loco isto, \* Dímítte peccáta pópuli tui Deus, et osténde eis viam bonam, per quam ámbulent, et da glóriam in loco isto. V. Qui regis Israël inténde, qui dedúcis velut ovem Joseph, qui sedes super Chérubim. Dímítte.

Benedictio. Christus perpétuæ.

#### Lectio v.

**S**ed habitáculum cordis nostri Sevacuétur vítiis, et virtútibus repleátur: claudátur diábolo, et aperiátur Christo: et ita laborémus, ut nobis bonórum óperum clávibus jánuam regni cœlestis aperíre possimus. Sicut enim malis opéribus, quasi quibúsdam seris ac véctibus, vitæ nobis jánuā cláuditur: ita absque dúbio bonis opéribus aperítur. Et ideo, fratres caríssimi, unusquisque consíderet consciéntiam suam, et quando se áliquo crimine vulnerátum esse cognóverit, prius oratióibus, jejúniis, vel eleemósynis stúdeat munda-re consciéntiam suam; et sic Eu-charístiam præsumat accípere.

R. O quam metuéndus est locus iste: \* Vere non est hic áliud, nisi domus Dei, et porta cœli. V. Hæc est domus Dómini firmiter ædificáta, bene fundáta est supra firmam petram. Vere.

Bened. Ignem sui amóris.

#### Lectio vi.

**S**i enim agnóscens reátum suum, ipse se a divíno altári subtráxerit, cito ad indulgéntiam divínæ misericórdiæ pervéniet. Quia sicut, qui se exáltat, humiliábitur; ita e contrário, qui se humiliat, exaltábitur. Qui enim, sicut dixi, agnóscens reátum suum, ipse se humíliter ab altári Ecclesiæ pro emendatióne vitæ removére volúerit, ab ætérno illo et cœlesti convívio excommunicári pénitus non timébit.

R. Mane surgens Jacob erigébat lápidem in titulum, fundens óleum désuper, votum vovit Dómino: \* Vere locus iste sanctus est, et ego nesciébam. V. Cumque evigilásset Jacob de somno, ait. Vere. Glória Patri. Vere.

#### In III. Nocturno.

Ant. Qui hábitat \* in adjutório Altíssimi, in protectiόne Dei cœli commorábitur.

Quando hæc Ant. dicitur integra, et illi non additur in fine Allelúja, tunc incipitur Psalmus idem a secundo Versu: Dicet Dómino.

#### Psalmus 90.

**Q**ui hábitat in adjutório Altíssimi, \* in protectiόne Dei cœli commorábitur.

**D**icet Dómino: Suscéptor meus es tu, et refúgium meum: \* Deus meus sperábo in eum.

Quóniam ipse liberávit me de láqueo venántium, \* et a verbo áspero.

Scápolis suis obumbrábit tibi: \* et sub pennis ejus sperábis.

Scuto circúmdabit te véritas ejus: \* non timébis a timóre noctúrno, A sagítta volánte in die, a negó-

tio perambulante in tenebris: \* ab incursu, et dæmónio meridiano.

Cadent a latere tuo mille, et decem millia a dextris tuis: \* ad te autem non appropinquabit.

Verúmtamen óculis tuis considerábis: \* et retributió nem peccatórum vidébis.

Quóniam tu es Dómine spes mea: \* Altíssimum posuísti refúgium tuum.

Non accédet ad te malum: \* et flagéllum non appropinquabit tabernáculo tuo.

Quóniam Angelis suis mandávit de te: \* ut custódiant te in ómnibus viis tuis.

In mánibus portábunt te: \* ne forte offéndas ad lápidem pedem tuum.

Super áspidem, et basilíscum ambulábis: \* et conculcábis leónem et draconem.

Quóniam in me sperávit, liberábo eum: \* prótegá eum, quóniam cognóvit nomen meum.

Clamábit ad me, et ego exaúdiam eum: \* cum ipso sum in tribulatióne: erípiam eum et glorificábo eum.

Longitúdine diérum replébo eum: \* et osténdam illi salutáre meum.

Ant. Qui hábitat in adjutório Altíssimi, in protectiόne Dei cœli commorábitur.

Ant. Templum Dómini \* sanctum est, Dei structúra est, Dei ædificátió est.

Psalmus 95.

**C**antáte Dómino cánticum novum: \* cantáte Dómino omnis terra.

Cantáte Dómino, et benedicite nómini ejus: \* annuntiáte de die in diem salutáre ejus.

Annuntiáte inter Gentes glóriam ejus, \* in ómnibus pópulis mirabília ejus.

Quóniam magnus Dóminus, et laudábilis nimis: \* terríbilis est super omnes deos.

Quóniam omnes dii Géntium dæmónia: \* Dóminus autem cœlos fecit.

Conféssio, et pulchritúdo in conspéctu ejus: \* sanctimónia et magnificéntia in sanctificatióne ejus.

Afférte Dómino pátriæ Géntium, afférte Dómino glóriam et honórem: \* afférte Dómino glóriam nómini ejus.

Tóllite hóstias, et introíte in átria ejus: \* adoráte Dóminum in átrio sancto ejus.

Commovéatur a fácie ejus univérsa terra: \* dícite in Géntibus quia Dóminus regnávit.

Etenim corréxit orbem terræ qui non commovébitur: \* judicábit pópulos in æquitáte.

Læténtur cœli, et exsúltet terra, commoveátur mare, et plenitúdo ejus: \* gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit: \* quóniam venit judicáre terram.

Judicábit orbem terræ in æquitáte, \* et pópulos in veritáte sua.

Ant. Templum Dómini sanctum est, Dei structúra est, Dei ædificátió est.

Ant. Benedícta \* glória Dómini, de loco sancto suo, allelúja.

## Psalmus 98.

**D**óminus regnávít, irascántur pópuli: \* qui sedet super Chérubim, moveátur terra.

Dóminus in Sion magnus: \* et excélsus super omnes pópulos.

Confiteántur nómini tuo magno: quóniam terríbile, et sanctum est: \* et honor regis iudícium díligit.

Tu parásti directiónes: \* iudícium et justítiam in Jacob tu fecísti.

Exaltáte Dóminum Deum nostrum, et adoráte scabéllum pedum ejus: \* quóniam sanctum est.

Móyses et Aaron in sacerdotibus ejus: \* et Sámuel inter eos, qui invocant nomen ejus:

Invocabant Dóminum, et ipse exaudiébat eos: \* in columna nubis loquebátur ad eos.

Custodiébant testimónia ejus, \* et præcéptum quod dedit illis.

Dómine Deus noster tu exaudiébas eos: \* Deus tu propítius fuísti eis, et ulciscens in omnes adinventiónes eórum.

Exaltáte Dóminum Deum nostrum, et adoráte in monte sancto ejus: \* quóniam sanctus Dóminus Deus noster.

Ant. Benedícta glória Dómini, de loco sancto suo, allelúja.

Y. Hæc est domus Dómini firmiter ædificáta. R. Bene fundáta est supra firmam petram.

Pater noster.

Absolutio. A vñculis.

Y. Jube domne.

Bened. Evangélica léctio.

Léctio sancti Evangélíi secúndum Lucam.

Lectio vii. Cap. 19.

**I**n illo témpore: Ingréssus Jesus perambulábat Jéricho. Et ecce

vir nómine Zachæus: et hic princeps erat publicanórum, et ipse dives. Et réliqua.

Homília sancti Ambrósii  
Epíscopi.

Lib. 8. in Luc., prope finem.

**Z**achæus statúra pusillus, hoc est, nulla nobilitátis ingénitæ dignitáte sublimis, exíguus méritis sicut pópulus natiónum, audíto Dómini Salvatóris advéntu, quem sui non recéperant, vidére cupiébat. Sed nemo fácte Jesum videt: nemo potest Jesum vidére constitútus in terra. Et quia non prophétas, non legem habébat, tamquam formæ grátiam naturalis, ascendit in sycómorum, vanitátem scilicet Judæórum vestígio suo próterens, erráta quoque córrigens superiórís ætátis: et ideo Jesum in interiórís domus recépit hospítio.

R. Domus mea, domus oratiónis vocábitur, dicit Dóminus: in ea omnis qui petit, áccipit; et qui quærit, invenit: \* Et pulsánti aperiétur. Y. Péтите, et accipiétis: quærite, et inveniétis. Et pulsánti.

Bened. Divínium auxílium.

Lectio viii.

**E**t bene ascendit in árborem, ut arbor bona bonos fructus fáceret: ac naturáli excísus oleástro, et contra natúram insértus in bonam olivam, fructum posset legis afférre. Radix enim sancta, etsi rami inútiles: quorum infructuósam glóriam plebs Géntium fide resurrectiόνis, quasi quadam córporis elevatióne transcendit. Zachæus ergo in sycómoro, cæcus in via: quorum álterum Dóminus miseratúrus exspéctat, álterum mansiónis suæ claritáte nobilitat: álterum sanatúrus

intérogat, apud álterum se non invitátus invítat. Sciébat enim úberem hospítii sui esse mercédem. Sed tamen, etsi nondum vocem invitántis audíerat, jam víderat afféctum.

R. Lápides pretiósí omnes muri tui: \* Et turres Jerúsalem gemmis ædificabúntur. V. Portæ Jerúsalem ex sapphíro et smarágdo ædificabúntur, et ex lápide pretiósó omnis circúitus muri ejus. Et turres. Glória Patri. Et turres.

Bened. Ad societátem.

#### Lectio ix.

**V**erum ne cæcum illum tamquam fastidiósí paúperum cito reliquisse videámur, et transísse ad dívitem, exspectémus eum, quia exspectávit et Dóminus: interrogémus eum, quia interrogávit et Christus. Nos interrogémus, quia nescimus: ille quia nóverat. Nos interrogémus, ut sciámus unde iste curátus sit: ille interrogávit, ut in uno plures discerémus, unde Dóminum vidére mereámur. Interrogávit enim, ut crederémus, néminem nisi confiténtem posse salvári.

Te Deum laudámus. 14.

#### Ad Laudes

et per Horas.

Ant. 1. Domum tuam Dómine \* decet sanctitúdo in longitúdinem diérum.

Psalm. Dóminus regnávit. cum reliquis. 15.

2. Domus mea \* domus oratiónis vocábitur.

3. Hæc est domus Dómini \* firmiter ædificáta, bene fundáta est supra firmam petram.

4. Bene fundáta est \* domus Dómini supra firmam petram.

5. Lápides pretiósí \* omnes muri tui, et turres Jerúsalem gemmis ædificabúntur.

Capitulum. Apoc. 21.

**V**idi civitátem sanctam Jerúsalem novam descendéntem de cœlo a Deo, parátam sicut sponsam ornátam viro suo.

Hymnus.

**A**lto ex Olýmpi vértice  
Summi Paréntis Fílius,  
Ceum monte deséctus lapis  
Terras in imas décidens,  
Domus supérnæ, et ínfimæ,  
Utrúmque junxit ángulum.

Sed illa sedes cœlitum  
Semper resúltat laúdibus,  
Deúmque Trinum et Unicum  
Jugi canóre prædicat:  
Illi canéntes júngimur  
Almæ Siónis æmuli.

Hæc templa, Rex cœléstium,  
Imple bénigno lúmíne:  
Huc o rogátus ádveni,  
Plebisque vota súscipe,  
Et nostra corda júgiter  
Perfúnde cœli grátia.

Hic ímpetrent fidélium  
Voces precésque súpplicum  
Domus beátæ múnera,  
Partisque donis gaúdeant:  
Donec solúti córpore  
Sedes beátas ímpleant.

Decus Parénti débitum  
Sit usquequáque Altíssimo,  
Natóque Patris único,  
Et ínclýto Paráclito,  
Cui laus, potéstas, glória  
ÆtéRNA sit per sæcula.

Amen.

Ÿ. Hæc est domus Dómini firmiter ædificáta. R. Bene fundáta est supra firmam petram.

Ad Bened. Ant. Zachæe \* festínans descénde, quia hódie in domo tua opórtet me manére: at ille festínans descéndit, et suscepit illum gaudens in domum suam. Hódie huic dómui salus a Deo facta est, allelúja.

In ipso die Dedicationis Ecclesiæ, et per Octavam, et quando varianda est Oratio ob concursum Dedicationis alterius Ecclesiæ.

Oratio.

**D**eus, qui invisibíliter ómnia cónfines, et tamen pro salúte géneris humáni signa tuæ poténtiæ visibíliter osténdis: templum hoc poténtia tuæ inhabitationis illústra, et concéde; ut omnes, qui huc deprecáturi convéniunt, ex quacúmque tribulatione ad te clamáverint, consolatiónis tuæ beneficia consequántur. Per Dóminum.

In Anniversario Dedicationis Ecclesiæ, et per Octavam.

Oratio.

**D**eus, qui nobis per singulos annos hujus sancti templi tui consecrationis réparas diem, et sacris semper mystériis repræséntas incólumes: exáudi preces pópuli tui, et præsta; ut quisquis hoc templum beneficia petiturus ingreditur, cuncta se impetrásse lætétur. Per Dóminum.

Ad Tertiam.

Ant. Domus mea.

Capit. Vidi civitátem. [121]

R. br. Domum tuam Dómine \* Decet sanctitúdo. Domum. Ÿ. In longitúdinem diérum. Decet. Glória Patri. Domum.

Ÿ. Locus iste sanctus est, in quo orat sacérdos. R. Pro delíctis et peccátis pópuli.

Ad Sextam.

Ant. Hæc est domus Dómini.

Capitulum. Apoc. 21.

**E**t audívi vocem magnam de throno dicéntem: Ecce tabernáculum Dei cum homínibus, et habitábit cum eis. Et ipsi pópulus ejus erunt, et ipse Deus cum eis erit eórum Deus.

R. br. Locus iste sanctus est, \* In quo orat sacérdos. Locus. Ÿ. Pro delíctis et peccátis pópuli. In. Glória Patri. Locus.

Ÿ. Hæc est domus Dómini firmiter ædificáta. R. Bene fundáta est supra firmam petram.

Ad Nonam.

Ant. Lápides pretiíosi.

Capitulum. Apoc. 21. b.

**E**t abstérget Deus omnem lácrimam ab óculis eórum: et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno: Ecce nova fácio ómnia.

R. br. Hæc est domus Dómini \* Firmiter ædificáta. Hæc. Ÿ. Bene fundáta est supra firmam petram. Firmiter. Glória Patri. Hæc.

Ÿ. Bene fundáta est domus Dómini. R. Supra firmam petram.

In II. Vesperis.

Ant., Psalmi, Capit. et Hymnus ut in I. Vesperis. [112]

Ÿ. Domum tuam Dómine decet sanctitúdo. R. In longitúdinem diérum.



Ad Magnif. Ant. O quam metuendus est \* locus iste: vere non est hic aliud, nisi domus Dei, et porta cœli.

**S e c u n d a   D i e**  
infra Octavam. .

In I. Nocturno Lectiones de Scriptura occurrente.

In II. Nocturno.

Ex Tractatu S. Augustini Episcopi  
super Psalmos. In Psalm. 121.

Lectio iv.

**J**erusalem, quæ ædificatur ut civitas. Fratres, quando dicebat ista David, perfecta erat illa civitas, non ædificabatur. Nescio quam ergo civitatem dicit, quæ modo ædificatur, ad quam currunt in fide lapides vivi; de quibus dicit Petrus: Et vos tamquam lapides vivi coædificamini in domum spiritalem, id est, templum Dei sanctum. Quid est, Lapides vivi coædificamini? Vivis, si credis: si autem credis, efficieris templum Dei; quia dicit Apostolus Paulus: Templum enim Dei sanctum est, quod estis vos.

R. Orantibus in loco. [118]

Lectio v.

**I**psa ergo modo civitas ædificatur. Præciduntur de montibus lapides per manus prædicantium veritatem, conquadrantur, ut intrent in structuram sempiternam. Adhuc multi lapides in manibus artificis sunt: non cadant de manibus artificis, ut possint perfecti coædificari in structuram templi. Est ergo ista Jerusalem, quæ ædificatur ut civitas: fundamentum ipsius Christus est. Dicit Apostolus Pau-

lus: Fundamentum aliud nemo potest ponere præter id, quod positum est, quod est Christus Jesus.

R. O quam metuendus. [118]

Lectio vi.

**F**undamentum quando ponitur in terra, desuper ædificantur parietes, et pondus parietum ad ima tendit, quia in imo positum est fundamentum. Si autem fundamentum nostrum in cœlo est, ad cœlum ædificemur. Corpora ædificaverunt istam structuram, quam videtis amplam surrexisse hujus basilicæ: et quia corpora ædificaverunt, fundamentum in imo posuerunt. Quia vero spiritaliter ædificamur, fundamentum nostrum in summo positum est. Illuc ergo curramus, ibi ædificemur, quia de ipsa Jerusalem dictum est: Stantes erant pedes nostri in atriiis tuis Jerusalem. R. Mane surgens. [118]

In III. Nocturno.

Lectio sancti Evangelii secundum  
Lucam.

Lectio vii. Cap. 19.

**I**n illo tempore: Ingressus Jesus perambulabat Jérico. Et ecce vir nomine Zachæus: et hic princeps erat publicanorum, et ipse dives. Et reliqua.

De Homilia sancti Ambrósii  
Episcopi.

Ex Lib. 8. in Luc., in fine.

**E**t confestim, inquit, vidit, et sequebatur illum, magnificans Dominum. Aliter enim non videtur, nisi sequeretur Christum, nisi Dominum prædicaret, nisi sæculum præteriret. Cum divitibus quoque in gratiam revertamur. Nolumus enim offendere di-

vites, qui vólumus, si fieri potest, sanáre omnes: ne in caméli comparatióne præstrícti, et in Zachæo citius quam opórtuit, derelícti, justæ hábeant commotiónis offénsam. *R.* Domus mea. [120]

## Lectio viii.

**D**iscant dívites non in facultátibus crimen hærere, sed in iis, qui uti nesciant facultátibus. Nam divitiæ ut impediménta improbis, ita bonis sunt adjuménta virtútis. Dives certe Zachæus, et eléctus a Christo: sed dimídium bonórum suórum paupéribus largiéndó, reddéndó étiam in quádruplum, quæ fraude sustúlerat, (álterum enim non sat est, nec habet grátiam liberálitas, si injúria perseverat, quia non spólia, sed dona quærúntur) uberiórem mercédem quam conferebat, accépit.

*R.* Lápides pretiósí. [121]

## Lectio ix.

**E**t bene princeps indúcitur publicanórum. Quis jam de se despetet, quando et iste, cui census ex fraude, ad salútem pervénit? Et ipse, inquit, dives. Ut scias non omnes dívites, aváros. Quia statúra pusíllus erat. Quid sibi vult, quod nullíus altérius statúram Scriptúra, nisi hujus expréssit? Vide ne forte malítia pusíllus, aut adhuc pusíllus fide. Nondum enim reddere promiserat: nondum víderat Christum: mérito adhuc pusíllus. Joánnes autem magnus, quia et Christum vidit, et Spíritum sicut colúmbam super Christum manéntem, sicut ipse ait: Vidi Spíritum descendéntem sicut colúmbam, et manéntem super eum. Te Deum. 14.



## Tertia Die

infra Octavam.

In I. Nocturno Lectiones de Scriptura occurrente.

In II. Nocturno.

Sermo sancti Augustini Episcopi.

Serm. 256. de Tempore.

Lectio iv.

**C**elébritas hujus congregatiónis, dedicatio est domus oratiónis. Domus ergo nostrárum oratiónum ista, domus autem Dei nos ipsi. Si domus Dei nos ipsi, nos in hoc sáculo ædificámur, ut in fine sáculi dedicémur. Ædificium, imo ædificatio habet labórem; dedicatio exsultatiónem. Quod hic fiébat, quando ista surgébant, hoc fit modo, cum congregántur credéntes in Christum. Credéndó enim, quasi de silvis et móntibus ligna et lápides præcidúntur: cum vero catechizántur, baptizántur, formántur, tamquam inter manus fabrórum et opíficum dolántur, collineántur, complanántur. Verúmtamen domum Dómini non faciunt, nisi quando caritate compaginántur. *R.* Orántibus. [118]

Lectio v.

**L**igna ista et lápides si non sibi certo órdine cohærérent, si non se pacífice innécerent, si non se invicem, cohæréndó sibi, quodámodo amárent, nemo huc intráret. Dénique quando vides in áliqua fábrica lápides et ligna bene sibi cohærere, secúrus intras, ruínam non times. Volens ergo Dóminus Christus intráre, et in nobis habitáre, tamquam ædificándó dicébat: Mandátum novum do vobis: Ut vos invicem diligátis. Mandátum,

inquit, novum do vobis. Véteres enim erátis, domum mihi nondum faciebátis, in vestra ruína jacebátis. Ergo ut eruámini a vestræ ruínæ vetustáte, vos invicem amáte.

R. O quam metuendus. [118] :

Lectio vi.

**C**onsideret ergo caritas vestra, ædificári adhuc istam domum toto, sicut prædictum est et promissum, orbe terrarum. Cum enim ædificátur domus post captivitatem, sicut habet álius Psalmus, dicitur: Cantáte Dómino cánticum novum: cantáte Dómino omnis terra. Quod ibi dixit, Cánticum novum; hoc Dóminus dixit, Mandátum novum. Quid enim habet cánticum novum, nisi amórem novum? Cantáre amántis est. Vox hujus cantóris, fervor est sancti amóris. Amémus, gratis amémus: Dóminum enim amámus, quo nihil mélius invenímus: ipsum amémus propter ipsum, et nos in ipso, tamen propter ipsum.

R. Mane surgens. [118]

In III. Nocturno.

Léctio sancti Evangélíi secúndum Lucam.

Lectio vii.

Cap. 19.

**I**n illo témpore: Ingréssus Jesus perambulábat Jéricho. Et ecce vir nómine Zachæus: et hic princeps erat publicanórum, et ipse dives. Et reliqua.

De Homilía sancti Ambrósii  
Episcopi.

Ex lib. 8. in Luc., prope finem.

**Q**uæ autem turba, nisi imperiætæ confúsió multitudinis, quæ vérticem nequit vidére sapientiæ? Ergo Zachæus quámdiu

in turba est, non videt Christum: supra turbam ascéndit, et vidit: hoc est, plebis jam transgressus inscítiam, méruit quem desiderábat, aspícere. Pulchre autem addidit: Quia illa parte erat transiturus Dóminus: vel ubi sycómorus, vel ubi crediturus: ut et mystérium serváret, et grátiam semináret. Sic enim vénerat, ut per Judæos transíret ad Gentes.

R. Domus mea. [120]

Lectio viii.

**V**idit itaque Zachæum sursum. Jam enim sublimitáte fidei inter fructus novórum óperum, velut fœcúndæ altitúdine árboris eminébat. Et quóniam de typo ad morália defléximus, inter tot credéntium voluptates Domínica die relaxáre ánimum, festivitátem admiscére deléctat. Zachæus in sycómoro, novum videlicet novi témporis pomum, ut in hoc quoque complerétur illud: Arbor fici prodúxit grossos suos.

R. Lápides pretiósí. [121]

Lectio ix.

**A**d hoc enim Christus advénit, ut ex lignis non poma, sed hómines nasceréntur. Légimus álibi: Cum esses sub árbore fici, vidi te. Ergo Nathánaël sub árbore, hoc est, supra radicem, quia justus. Radix enim sancta. Sub árbore tamen Nathánaël, quia sub lege: Zachæus supra árborem, quia supra legem. Ille Dómini occúltus defénzor, hic públicus prædicátor. Ille adhuc Christum ex lege quærébat: iste jam supra legem relinquébat sua, et Dóminum sequebátur.

Te Deum laudámus. 14.

**Quarta Die**

infra Octavam.

In I. Nocturno Lectiones de Scriptura occurrente.

In II. Nocturno.

De Sermone sancti Augustini  
Episcopi.

Ex Serm. 256. de Tempore.

Lectio iv.

**A**ttendite in psalmo dedicationis, quem modo cantavimus, ex ruina ædificiorum. Conscidisti saccum meum: hoc pertinet ad ruinam. Quid ergo ad ædificium? Et accinxisti me lætitia. Vox dedicationis: Ut cantet tibi glória mea, et non compungar. Quis est, qui loquitur? In verbis ejus agnoscite. Si expóno, obscurum est. Ergo verba ejus dicam, continuo agnoscetis loquentem, ut amétis alloquentem. Quis est, qui dicere potuit: Eruisti Dómine ab inferis ánimam meam?

R. Orántibus in loco. [118]

Lectio v.

**C**ujus ánima jam ab inferis éruta est, nisi de qua dictum est álio loco: Non derelínques ánimam meam in inférno? Propónitur dedicatio, et cantatur liberatio, canticum dedicationis domus, et dicitur: Exaltábo te Dómine, quóniam suscepisti me: et non jucundásti inimicos meos super me. Attendite Judæos inimicos, qui se putabant occidisse Christum, vicísse tamquam inimicum, perdidisse quasi hóminem céteris similem atque mortálem. R. O quam. [118]

Lectio vi.

**R**esurrexit tértia die, et ejus vox est: Exaltábo te Dómine, quóniam suscepisti me. Attendite Apó-

stolum dicentem: Propter quod eum exaltávit. Et non jucundásti inimicos meos super me. Ipsi quidem in Christi morte jucundabántur, sed in ejus resurrectione, ascensione, prædicatione áliqui compungebántur. In ejus ergo prædicatione, et per Apostolorum constantiæ diffamationem áliqui compungebántur, et convertebántur: áliqui obdurabántur, et confundebántur, nulli tamen jucundabántur. R. Mane surgens. [118]

In III. Nocturno.

Lectio sancti Evangelii secundum  
Lucam.

Lectio vii.

Cap. 19.

**I**n illo témpore: Ingressus Jesus perambulábat Jéricho. Et ecce vir nómine Zachæus: et hic princeps erat publicanórum, et ipse dives. Et reliqua.

Homília sancti Gregórii Papæ.

Lib. 27. Moralium, cap. 27. post  
medium.

**S**i veráciter sapiéntes esse, atque ipsam sapiéntiam contemplári appetimus, stultos nos humíliter cognoscámus. Relinquámus nóxiam sapiéntiam, discámus laudábilem fatuitátem. Hinc quippe scriptum est: Stulta mundi elégit Deus, ut confúndat sapiéntes. Hinc rursum dicitur: Si quis videtur inter vos sápiens esse in hoc sáculo, stultus fiat, ut sit sápiens. Hinc evangélicæ históriæ verba testántur: quia Zachæus cum videre præ turba nihil posset, sycómori árborescendit, ut trans-eúntem Dóminum cérneret. Sycómorus quippe ficus fátua dicitur.

R. Domus mea. [120]

## Lectio viii.

**P**usillus itaque Zachæus sycómorum súbiit, et Dóminum vidit: quia qui mundi stultitiam humiliter éligunt, ipsi Dei sapiéntiam subtiliter contemplántur. Pusillitatem namque nostram ad videndum Dóminum turba præpedit: quia infirmitatem humánæ mentis, ne lucem veritátis inténdat, curarum sæculárium tumultus premit. Sed prudénter sycómorum ascéndimus, si próvide eam quæ divinitus præcipitur, stultitiam mente tenémus. Quid enim in hoc mundo stúltius quam amíssa non quærere, posséssa rapiéntibus relaxáre, nullam pro accéptis injúriis injúriam réddere, imo adjúntis áliis patiéntiam præbére? *R. Lápides. [121]*

## Lectio ix.

**Q**uasi enim sycómorum nos ascéndere Dóminus præcipit, cum dicit: Qui aufert quæ tua sunt, ne répetas. Et rursum: Si quis te percússerit in dexteram maxillam, præbe illi et álteram. Per sycómorum Dóminus tránsiens cérnitur: quia per hanc sapiéntem stultitiam, etsi necdum, ut est, sólide, jam tamen per contemplatiónis lumen Dei sapiéntia quasi in tránsitu vidétur, quam vidére néqueunt qui sibi sapiéntes esse vidéntur: quia ad conspiciéndum Dóminum, in eláta cogitatiónum suárum turba deprehénsi, adhuc sycómori árborem non invenérunt. *Te Deum. 14.*

—❧—

**Q u i n t a D i e**  
infra Octavam.

In I. Nocturno Lectiones de Scriptura occurrente.

## In II. Nocturno.

De Sermóne sancti Augustíni  
Epíscopi.

Ex Serm. 256. de Tempore.

## Lectio iv.

**M**odo, quando impléntur ecclésiæ, putámus jucundári Judæos? Ecclésiæ ædificántur, dedicántur, impléntur: quómodo illi jucundántur? Non solum non jucundántur, sed étiam confundúntur, et implétur vox exultántis: Exaltábo te Dómine, quóniam suscepísti me: et non jucundásti inimícos meos super me. Non jucundásti super me: si mihi credant, jucundábis in me. Ne multa dicámus, ad illa, quæ cantávimus, aliquándo veniámus. Quómodo dicit Christus: Conscidísti saccum meum, et accinxísti me lætítia? Saccus ejus erat similitúdo carnis peccáti.

*R. Orántibus in loco. [118]*

## Lectio v.

**N**on tibi viléscat, quod ait, Saccum meum: ibi erat inclúsum prétium tuum. Conscidísti saccum meum. Evásimus ad saccum istum. Conscidísti saccum meum. In passióne conscíssus est. Quómodo ergo Deo Patri dicitur: Conscidísti saccum meum? Quómodo Patri dicátur, vis audíre: Conscidísti saccum meum? Quia próprio Filio non pepércit, sed pro nobis ómnibus trádidit illum. Fecit enim per Judæos nesciéntes, unde redimeréntur sciéntes, et confunderéntur negántes. Nésciunt enim quid boni nobis operáti sunt malo suo. Suspénsus est saccus, et quasi lætátus est ímpius. Conscídít saccum

lancea persecutor, et fudit pretium nostrum Redemptor.

R. O quam metuendus. [118]

Lectio vi.

**C**antet Christus Redemptor, gemat Judas venditor, erubescat Judæus emptor. Ecce Judas vendidit, Judæus emit, malum negotium egerunt, ambo damnati sunt, seipsos perdidērunt venditor et emptor. Dicat ergo caput nostrum, dicat pro corpore occiso, pro corpore dedicato. Dicat, audiamus: Conscidisti saccum meum, et accinxisti me lætitia: id est, conscidisti mortalitatem meam, et accinxisti me immortalitate et incorruptione. Ut cantet tibi gloria mea, et non compungar. Quid est, Non compungar? Jam contra me non ferat lanceam persecutor, Ut non compungar. Christus enim surgens a mortuis, jam non moritur, et mors illi ultra non dominabitur.

R. Mane surgens. [118]

In III. Nocturno.

Lectio sancti Evangelii secundum Lucam.

Lectio vii. Cap. 19.

**I**n illo tempore: Ingressus Jesus perambulabat Jérico. Et ecce vir nomine Zachæus: et hic princeps erat publicanorum, et ipse dives. Et reliqua.

Homilia venerabilis Bedæ Presbyteri.

Lib. 5. Cap. 77. in Luc. 19.

**Q**uæ impossibilia sunt apud homines, possibilia sunt apud Deum. Ecce enim camelus, depósita gibbi sarcina, per foramen acus transit, hoc est, dives et publicanus, relicto onere divitiarum,

contempto censu fraudum, angustam portam, arctamque viam, quæ ad vitam ducit, ascendit. Qui mira devotione fidei ad videndum Salvatorem, quod natura minus habuerat, ascensu supplet arboris: atque ideo juste, quamvis ipse rogare non audeat, benedictionem Dominicæ susceptionis, quam desiderabat, accepit.

R. Domus mea. [120]

Lectio viii.

**M**ystice autem Zachæus, qui interpretatur justificatus, credentem ex Gentibus populum significat. Qui quanto curis sæcularibus occupatior, tanto flagitiis depressentibus erat factus humilior. Sed ablatus est, sed sanctificatus, sed justificatus in nomine Domini nostri Jesu Christi, et in spiritu Dei nostri. Qui intrantem Jérico Salvatorem videre quærebat, sed præ turba non poterat: quia gratiæ fidei, quam mundo Salvator attulit, participare cupiebat: sed inólita vitiórum consuetudo, ne ad votum perveniret, obstiterat.

R. Lápides pretiosi. [121]

Lectio ix.

**E**adem namque turba noxiæ consuetudinis, quæ supra cæcum clamantem, ne lumen peteret, increpabat; etiam suspicientem publicanum, ne Jesum videat, tardat. Sed sicut cæcus turbarum voces magis ac magis clamando devicit: ita pusillus necesse est turbæ nocentis obstaculum altiora petendo transcendat, terræna relinquat, arborem crucis ascendat. Sycómorus namque (quæ est arbor foliis moro similis, sed altitudine præstans, unde et a Latínis celsa nun-



cupátur), ficus fátua dícitur. Et eádem domínica crux, quæ cre-  
déntes alit ut ficus, ab incrédulis  
irridétur ut fátua. Te Deum. 14.

—❧—  
**S e x t a D i e**  
infra Octavam.

In I. Nocturno Lectiones de Scri-  
ptura occurrente.

In II. Nocturno.

De Sermóne sancti Augustíni  
Epíscopi.

Ex Serm. 256. de Tempore.

Lectio iv.

**E**rgo, dum novam constructi-  
onem sanctæ hujus ecclésiæ  
libénter atténdimus, quam  
divíno nómini hódie dedicámus,  
invenímus a nobis debéri et Deo  
nostro máximam laudem, et san-  
ctitáti vestræ cóngruum de divínæ  
domus ædificatióne sermónem.  
Tunc autem sermo noster cón-  
gruus erit, si in se áliquid ædifica-  
tiónis hábeat, quod utilitáti animá-  
rum vestrarum, Deo vos intérius  
ædificánte, proficiat. Quod hic fa-  
ctum corporáliter vidémus in pa-  
riétibus, spiritaliter fiat in ménti-  
bus: et quod hic perféctum cérni-  
mus in lapídibus et lignis, hoc ædi-  
ficánte grátia Dei, perficiátur in  
corpóribus vestris.

R. Orántibus in loco. [118]

Lectio v.

**P**ríncipáliter ergo grátias agá-  
mus Dómino Deo nostro, a  
quo est omne datum óptimum, et  
omne donum perféctum; et ejus  
bonitátem tota cordis alacritáte  
laudémus, quóniam ad construén-  
dam istam domum oratiónis, fidé-  
lium suórum visitávit ánimus, ex-

citávit afféctum, surrogávit auxí-  
lium, inspirávit necdum voléntibus  
ut vellent, adjúvit bonæ voluntátis  
conátus ut fácerent: ac per hoc  
Deus, qui operátur in suis et velle  
et perfícere pro bona voluntáte,  
hæc ómnia ipse cœpit, ipse per-  
fécit. R. O quam. [118]

Lectio vi.

**E**t quia ópera bona in conspéctu  
suo numquam esse permíttit  
inánia, fidélibus suis, quibus ope-  
rántibus præbuit virtútis suæ fa-  
vórem, tribuet condígnam pro  
tanta operatióne mercédem. Ad-  
huc ámplius agéndæ sunt grátia  
Deo nostro. Hanc enim ecclésiám,  
quam fecit nómini suo cónstrui,  
fecit étiam sanctórum Mártyrum  
reliquiis ámplius honorári.

R. Mane surgens. [118]

In III. Nocturno.

Léctio sancti Evangélii secúndum  
Lucam.

Lectio vii.

Cap. 19.

**I**n illo témpore: Ingréssus Jesus  
perambulábat Jéricho. Et ecce  
vir nómine Zachæus: et hic prin-  
ceps erat publicanórum, et ipse  
dives. Et reliqua.

De Homilía Venerábilis Bedæ  
Presbýteri.

Lib. 5. Cap. 77. in Luc. 19.

**E**t cum venísset ad locum, su-  
spiciens Jesus vidit illum. Per-  
ambulans Jéricho Salvátor,  
venit ad locum, ubi præcúrrens  
Zachæus sycómorum conscénde-  
rat: quia missis per mundum sui  
verbi præcónibus, in quibus ipse  
nimírum et loquebátur et ibat, ve-  
nit ad pópulum natiónum, qui pas-  
siónis ejus fide jam sublímis exsís-

stens, étiam divinitátis ejus ardébat ágnita fácie beári. Suspíciens vidit illum, quia per grátiam fidei a terrénis cupiditatibus elevátum, turbísque infidélibus præeminéntem elégit. Vidére enim Dei, eligere vel amáre est. Unde est illud: Oculi Dómini super justos. Nam et nos quæ amámus, vidére; ab his, quæ exsecrámur, intúitum festinámus avértere.

R. Domus mea. [120]

Lectio viii.

**V**idit ergo Jesus vidéntem se, quia elégit eligéntem se, et amávit amántem. Hunc sane órđinem proficiéndi, hoc est, per fidem domínicæ Incarnatiónis ad cognitiónem divinitátis perveniéndi, quasi per sycómorum Jesu fáciem speculándi Doctor egrégus osténdit, cum ait: Non enim judicávi scire me áliquid inter vos, nisi Christum Jesum, et hunc crucifixum. Itémque áliis éxprobrans: Facti estis, inquit, quibus lacte opus sit, non sólido cibo. Lac infirma temporáriæ dispensatiónis, sólídum cibum árdua perpétuæ majestátis appellans. R. Lápides pretiósí. [121]

Lectio ix.

**E**t dixit ad eum: Zachæe, festínans descénde, quia hódie in domo tua opórtet me manére. Et festínans descéndit, et excépit illum gaudens. Manébat aliquándó Dóminus in domo princípis pharisæórum, hoc est, in Judæórum synagóga docébat: sed quia non baptizátum ante prándium, sábato curántem, publicános et peccatóres recipiéntem, contra avarítiam disputántem, et cétera digna Deo geréntem, lingua venenáta

carpébant: pertæsus eórum faci-nora, discéssit et aufúgit, dicens: Relinquétur vobis domus vestra desérta. Hódie autem in domo pusilli Zachæi opórtet illum manére: hoc est, novæ lucis grátia coruscánte, in húmili credéntium natiónum corde quiéscere.

Te Deum laudámus. 14.

## Septima Die

infra Octavam.

In I. Nocturno Lectiones de Scriptura occurrente.

In II. Nocturno.

Sermo sancti Joánis Chrysóstomi.

Ex Hom. 33. in c. 9., Matth.

Lectio iv.

**C**ommúnis ómnium domus est Ecclésia, in quam, vobis prius ingressis, nos intrámus, discipulórum formam retinéntes: ideóque commúneriter ómnibus statim atque ingrési fuérimus, ut illis datam legem sequámur, pacem offérimus. Nemo igitur socórdia tórpeat: nemo sæculáribus rebus suspénsus ánimus hábeat, cum jam ad prædicándum sacerdótes intráverint. Non enim parva huic rei imminet pœna. Equidem míllies pótius malim in domum alicújus vestrum ingressus destitui, quam hic prædicans non audíri. Hoc mihi moléstius esset, quam illud, quandóquidem magis própria hæc est, quam illa. R. Orántibus. [118]

Lectio v.

**N**am hic magnæ illæ nostræ opes pósitæ sunt, hic spes nostra omnis. Quid enim hoc loco non magnum est et admirándum? Nam hæc mensa longe pretiósior

est atque jucúndior: et lucérna hæc, quam illa, ut norunt qui cum fide óleo perúnti, a morbis liberáti sunt. Arca étiam hæc multo mélior, magisque necessária. Non enim vestes, sed misericórdiam inclúsam cóntinet: quamvis pauci sint, qui eam possideant. Hic et léctulus est valde illo præstántior: divinárum enim Scripturárum réquies quovis lecto suávior est.

R. O quam. [118]

Lectio vi.

**E**t quidem si concórdia perfécte servarétur a nobis, nullam áliam domum præter hanc haberémus. Hoc autem quod dixi, non esse durum, testántur illa tria millia, et quinque millia hóminum, quibus et domus una, et mensa una, et ánima una erat. Multitúdinis enim credéntium, inquit, unum erat cor, et ánima una. Sed quia longe ab illórum virtúte ábsumus, et per domos disjúnti sumus, saltem quando huc convenímus, id omni stúdio faciámus. Nam etsi in áliis rebus paúperes, et inopes sumus, hoc loco saltem, cum huc ad vos intrámus, cum caritaté nos suscípите: cumque, Pax vobis, dico: Et cum spírítu tuo, non voce solum, sed ánimo quoque respondéte.

R. Mane surgens. [118]

In III. Nocturno.

Léctio sancti Evangélíi secúndum Lucam.

Lectio vii. Cap. 19.

**I**n illo témpore: Ingréssus Jesus perambulábat Jéricho. Et ecce vir nómine Zachæus: et hic princeps erat publicanórum, et ipse dives. Et réliqua.

De Homilía Venerábilis Bedæ Presbýteri.

Paulo post prædicta.

**E**t cum vidérent omnes, mururábant, dicétes, quod ad hóminem peccatórem divertísset. Manifestum est, Judæos semper Géntium odísse salútem. Scriptum est enim: Sequénti vero sábbato pene univérsa cívitas convénit audíre verbum Dei. Vidéntes autem turbas Judæi repléti sunt zelo, et contradicébant iis, quæ a Paulo dicebántur. Et álibi, fidéles étiam fratres advérsus Apostolórum príncipem disceptábant, dicétes: Quare introísti ad viros præpútium habéntes, et manducásti cum illis?

R. Domus mea. [120]

Lectio viii.

**S**tans autem Zachæus, dixit ad Dóminum: Ecce dimídium bonórum meórum Dómine do paupéribus: et si quid áliquem defraudávi, reddo quádruplum. Aliis calumniántibus hóminem peccatórem, ipse Zachæus stans, id est, in ea quam cóeperat fidei veritaté persístens, non solum se ex peccatóre convérsus, sed étiam inter perféctos probat esse conversátum. Dicénte enim Dómino: Si vis perféctus esse, vade, vende ómnia quæ habes, et da paupéribus: quisquis ante conversiónem innocénter vixit, ómnia convérsus potest dare paupéribus. R. Lápides. [121]

Lectio ix.

**A**t qui áliqua fraude sústulit, primo hæc juxta legem réddere, deínde quod sibi remánserit, debet dare paupéribus. Ac sic et ipse,

quia sibi nil rétinet, ómnia sua dispérgit, dat paupéribus, justítia ejus manet in sǎculum sǎculi. Et hæc est sápiens illa stultítia quam de sycómoro publicánus quasi fructum vitæ légerat: rapta vidélicet réddere, própria relínquere, visibília contémnere, pro invisibílibus étiam mori desideráre, seípsum abnegáre, et ejus, qui necdum videátur, Dómini vestígia sequi concupíscere. Te Deum. 14.

In Octava  
Dedicationis Ecclesiæ.

Duplex.

Omnia ut in die, præter Lectiones  
II. Nocturni.

Ex Epístola prima sancti Felicis  
Papæ quarti.

De Consecr. dist. 1. cap. 2.

Lectio iv.

**A**bernáculum Móysen, Dómino præcipiente, fecisse et sacrásse, cum mensa et altári ejus, et céteris vasis et utensílibus ad divínium cultum expléndum, légitimus: et non solum divínis précibus ea sacrásse, sed étiam sancti ólei unctióne, Dómino jubente, perlínisse nóvimus. Quáliter autem hæc facta sint, et quómodo ipsa sacra non álii, quam sacerdótes sacra unctióne delibúti, Dominóque cum véstibus sanctis sacráti, et Levítæ tractábant, ferébant, erigébant et deponébant: in ipsis institutióibus, quæ jubente Dómino conscriptæ sunt per Móysen, in lege Dómini reperítur.

R. Orántibus in loco. [118]

Lectio v.

**Q**uáliter ergo David, regum piíssimus, amplificáverit cultum Dei, et templum Dómino ædificáre volúerit, sed propter multum sanguinem quem effúderat, prohibitus est, et ipse collégerat expénsas: Sálomon quoque, filius ejus idípsum, quod ipse fácere optáverat, jubente et auxiliánte Deo perfécit, et templum cum altári, et réliqua ad divínium cultum peragéndum consecrávit: in libro Regum légitur. Fecit ergo Sálomon in témpore illo festivitátem célebrem, et omnis Israël cum eo, multitúdo magna ab intróitu Emath usque ad rivum Ægýpti, coram Dómino Deo nostro septem diébus, et septem diébus, id est, quatuórdecim diébus, et in die octáva dimísit pópulos.

R. O quam. [118]

Lectio vi.

De Consec. dist. 1. c. 17.

**S**olemnitátes dedicatiónum ecclesiárum et sacerdotum, per singulos annos solémniter sunt celebrándæ, ipso Dómino extrémum dante, qui ad festum dedicatiónis templi, ómnibus id faciéndi dans formam, cum réliquis pópulis eámdem festivitátem celebratúrus venit, sicut scriptum est: Facta sunt encænia in Jerosólymis, et hiems erat, et ambulábat Jesus in templo in pórticu Salomónis. Quod autem octo diébus encænia sint celebránda, in libro Regum, perácta dedicatióne templi, reperietis.

R. Mane surgens. [118]

IN FESTIS  
BEATÆ MARIÆ VIRGINIS  
PER ANNUM.

In I. Vesperis.

Ant. Dum esset Rex \* in accúbitu suo,  
nardus mea dedit odórem suavitátis.

Psalmus 109.

**D**ixit Dóminus Dómino meo: \*  
Sede a dextris meis:

Donec ponam inimícos tuos,  
\* scabéllum pedum tuórum.

Virgam virtútis tuæ emíttet  
Dóminus ex Sion: \* domináre in médio  
inimicórum tuórum.

Tecum princípium in die virtútis tuæ in  
splendóribus sanctórum: \* ex útero ante  
lucíferum genui te.

Jurávit Dóminus, et non pœnitébit eum:  
\* Tu es sacérdos in ætérnum secúndum  
órdinem Melchisedech.

Dóminus a dextris tuis, \* confrégit in  
die iræ suæ reges.

Judicábit in natió nibus, implébit ruínas:  
\* conquassábit cápita in terra multórum.

De torrén te in via bibet: \* proptérea  
exaltábit caput.

Ant. Dum esset Rex in accúbitu suo,  
nardus mea dedit odórem suavitátis.


Ant. Læva ejus \* sub cápite meo, et  
déktera illius amplexábitur me.

Psalmus 112.

**L**audáte púeri Dóminum: \* laudáte no-  
men Dómini.

Sit nomen Dómini benedíctum, \* ex hoc  
nunc, et usque in sáculum.

A solis ortu usque ad occásu m, \* laudá-  
bile nomen Dómini.



Excelsus super omnes Gentes  
Dóminus, \* et super cœlos glória  
ejus.

Quis sicut Dóminus Deus noster,  
qui in altis hábitat, \* et humília ré-  
spicit in cœlo et in terra?

Súscitans a terra inopem, \* et  
de stercore érigens pauperem:

Ut còllocet eum cum princípibus,  
\* cum princípibus pópuli sui.

Qui habitare facit stérilem in do-  
mo, \* matrem filiórum lætántem.

Ant. Læva ejus sub cápite meo,  
et dextera illíus amplexábitur me.

Ant. Nigra sum, \* sed formósa,  
filiae Jerúsalem: ideo diléxit me  
Rex, et introduxit me in cubícu-  
lum suum.

Psalmus 121.

**L**ætátus sum in his, quæ dicta  
sunt mihi: \* in domum Dómini  
ibimus.

Stantes erant pedes nostri, \* in  
átriis tuis Jerúsalem.

Jerúsalem, quæ ædificátur ut ci-  
uitas: \* cujus participátio ejus in  
idípsum.

Illuc enim ascendérunt tribus,  
tribus Dómini: \* testimónium  
Israël ad confiténdum nómini Dó-  
mini.

Quia illic sedérunt sedes in ju-  
dício, \* sedes super domum David.

Rogáte quæ ad pacem sunt Je-  
rúsalem: \* et abundántia diligénti-  
bus te:

Fiat pax in virtúte tua: \* et ab-  
undántia in túrribus tuis.

Propter fratres meos, et próxi-  
mos meos, \* loquébar pacem de te:

Propter domum Dómini Dei no-  
stri, \* quæsívi bona tibi.

Ant. Nigra sum, sed formósa,  
filiae Jerúsalem: ideo diléxit me

Rex, et introduxit me in cubícu-  
lum suum.

Ant. Jam hiems tránsiit: \* im-  
ber ábiit, et recéssit: surge amíca  
mea, et veni.

Psalmus 126.

**N**isi Dóminus ædificáverit do-  
mum, \* in vanum laboravé-  
runt qui ædificant eam.

Nisi Dóminus custodíerit civitá-  
tem, \* frustra vígilat qui custódit  
eam.

Vanum est vobis ante lucem  
súrgere: \* súrgite postquam sedé-  
ritis, qui manducatís panem do-  
lórís.

Cum déderit diléctis suis so-  
mnum: \* ecce hæréditas Dómini  
filii: merces, fructus ventris.

Sicut sagíttæ in manu poténtis:  
\* ita filii excussórum.

Beátus vir qui implévit desidé-  
rium suum ex ipsis: \* non confun-  
détur cum loquétur inimícis suis  
in porta.

Ant. Jam hiems tránsiit: imber  
ábiit, et recéssit: surge amíca mea,  
et veni.

Ant. Speciósa \* facta es et suá-  
vis in delíciis tuis, sancta Dei Gé-  
nitrix.

Psalmus 147.

**L**auda Jerúsalem Dóminum: \*  
\* lauda Deum tuum Sion.

Quóniam confortávit seras por-  
tárum tuárum: \* benedíxit filiis  
tuis in te.

Qui pósuit fines tuos pacem: \*  
et ádipe fruménti sátiat te.

Qui emíttit elóquium suum ter-  
ræ: \* velóciter currit sermo ejus.

Qui dat nivem sicut lanam: \*  
nébulam sicut cínerem spargit.

Mittit crystállum suam sicut buc-



céllas: \* ante faciē frígoris ejus  
quis sustinēbit?

Emittet verbum suum, et lique-  
faciet ea: \* flabit spíritus ejus, et  
fluent aquæ.

Qui annúntiat verbum suum Ja-  
cob: \* justítias, et judícia sua Israēl.

Non fecit táliter omni natióni: \*  
et judícia sua non manifestávit eis.

Ant. Speciósā facta es et suávis  
in delíciis tuis, sancta Dei Génit-  
rix.

Capitulum. Eccli. 24. b.

**A**b initio et ante sæcula creáta  
sum, et usque ad futúrum sæ-  
culum non désinam, et in habita-  
tióne sancta coram ipso ministrávi.

Hymnus.

**A**ve maris stella,  
Dei Mater alma,  
Atque semper Virgo,  
Felix cœli porta.

Sumens illud Ave  
Gabriélis ore,  
Funda nos in pace,  
Mutans Hevæ nomen.

Solve vincla reis,  
Profer lumen cæcis,  
Mala nostra pelle,  
Bona cuncta posce.

Monstra te esse matrem,  
Sumat per te preces,  
Qui pro nobis natus,  
Tulit esse tuus.

Virgo singuláris,  
Inter omnes mitis,  
Nos culpīs solútos  
Mites fac et castos.

Vitam præsta puram,  
Iter para tutum,  
Ut vidéntes Jesum,  
Semper collætémur.

Sit laus Deo Patri,  
Summo Christo decus,  
Spíritui sancto,  
Tribus honor unus. Amen.

V. Dignáre me laudáre te, Vir-  
go sacráta. R. Da mihi virtútem  
contra hostes tuos.

Ad Magnif. Ant. Sancta María  
\* succúrre míseris, juva pusilláni-  
mes, réfove flébiles, ora pro pó-  
pulo, intérveni pro clero, intercé-  
de pro devóto femíneo sexu: sén-  
tiant omnes tuum juvámen, qui-  
cúmque célebrant tuam sanctam  
festivitátem.

Oratio.

**C**oncède nos fámulos tuos, quæ-  
sumus Dómine Deus, perpé-  
tua mentis et córporis sanitáte  
gaudére: et gloriósa beátæ Mariæ  
semper Vírginis intercessióne, a  
præsénti liberári tristítia, et ætér-  
na pérfrui lætítia. Per Dóminum.

Ad Completorium et Horas in fine  
Hymnorum dicitur:

Jesu, tibi sit glória,  
Qui natus es de Vírgine,  
Cum Patre, et almo Spíritu,  
In sempitérna sæcula. Amen.

**Ad Matutinum.**

Invit. Sancta María Dei Génit-  
rix Virgo, \* Intercéde pro nobis.  
Ps. Veníte, exsultémus. 2.

Hymnus.

**Q**uem terra, pontus, sídera  
Colunt, adórant, prædicant,  
Trinam regéntem máchinam,  
Claustum Mariæ bájulat.

Cui luna, sol, et ómnia  
Desérviunt per témpora,  
Perfúsa cœli grátia,  
Gestant puéllæ viscera.

Beáta Mater múnere,  
Cujus supérnus ártifex  
Mundum pugíllo cóntinens,  
Ventris sub arca clausus est.

Beáta cœli núntio,  
Fœcúnda sancto Spíritu,  
Desiderátus géntibus,  
Cujus per alvum fusus est.

Jesu tibi sit glória,  
Qui natus es de Vírgine,  
Cum Patre, et almo Spíritu  
In sempitérna sácula. Amen.

In I. Nocturno.

Ant. Benedícta tu \* in muliéri-  
bus, et benedíctus fructus ventris  
tui.

Psalmus 8.

**D**ómine Dóminus noster, \*  
quam admirábile est nomen  
tuum in univérta terra!

Quóniam eleváta est magnifi-  
céntia tua, \* super cœlos.

Ex ore infántium et lacténtium  
perfecísti laudem propter inimícos  
tuos, \* ut déstruas inimícum et  
ultórem.

Quóniam vidébo cœlos tuos,  
ópera digitórum tuórum: \* lunam  
et stellas, quæ tu fundásti.

Quid est homo, quod memor es  
ejus? \* aut fílius hóminis, quóniam  
vísitas eum?

Minuísti eum paulo minus ab  
Angelis, glória et honóre coronásti  
eum: \* et constituísti eum super  
ópera mánuum tuárum.

Omnia subjecísti sub pédibus  
ejus, \* oves et boves univérstas:  
ínsuper et pécora campi.

Vólucres cœli, et pisces maris, \*  
qui perámbulant sémitas maris.

Dómine Dóminus noster, \* quam

admirábile est nomen tuum in uni-  
vérta terra!

Ant. Benedícta tu in muliéribus,  
et benedíctus fructus ventris tui.

Ant. Sicut myrrha \* elécta o-  
dórem dedísti suavitátis sancta  
Dei Génitrix.

Psalmus 18.

**C**œli enárrant glóriam Dei, \* et  
ópera mánuum ejus annúntiat  
firmaméntum.

Dies diéi erúctat verbum, \* et  
nox nocti índicat sciéntiam.

Non sunt loquélæ, neque sermó-  
nes, \* quorum non audiántur vo-  
ces eórum.

In omnem terram exívit sonus  
eórum: \* et in fines orbis terræ  
verba eórum.

In sole pósuit tabernáculum su-  
um: \* et ipse tamquam sponsus  
procédens de thálamo suo:

Exsultávit ut gigas ad currén-  
dam viam, \* a summo cœlo egrés-  
sio ejus:

Et occúrsus ejus usque ad sum-  
mum ejus: \* nec est qui se abscon-  
dat a calóre ejus.

Lex Dómini immaculáta convér-  
tens ánimas: \* testimónium Dómini  
fidéle, sapiéntiam præstans pár-  
vulis.

Justítiæ Dómini rectæ, lætificán-  
tes corda: \* præcéptum Dómini  
lícidum; illúminans óculos.

Timor Dómini sanctus, pérma-  
nens in sáculum sáculi: \* judícia  
Dómini vera, justificáta in semet-  
ípsa.

Desiderabília super aurum et lá-  
pidem pretiósus multum: \* et dul-  
cióra super mel et favum.

Etenim servus tuus custódit ea,

\* in custodiendis illis retributio multa.

Delicta quis intelligit? ab occultis meis munda me: \* et ab aliënis parce servo tuo.

Si mei non fuerint dominati, tunc immaculatus ero: \* et emundabor a delicto máximo.

Et erunt ut complacent eloquia oris mei: \* et meditatio cordis mei in conspectu tuo semper.

Dómine adiutor meus, \* et redemptor meus.

Ant. Sicut myrrha electa, odorem dedisti suavitatis, sancta Dei Genitrix.

Ant. Ante torum \* hujus Virginis frequentate nobis dulcia cantica dramaticis.

#### Psalmus 23.

**D**ómini est terra, et plenitudo ejus: \* orbis terrarum, et universi qui habitant in eo.

Quia ipse super maria fundavit eum: \* et super flumina praeparavit eum.

Quis ascendet in montem Dómini? \* aut quis stabit in loco sancto ejus?

Innocens manibus et mundo corde, \* qui non accepit in vano animam suam, nec juravit in dolo próximo suo.

Hic accipiet benedictionem a Dómino: \* et misericordiam a Deo salutari suo.

Hæc est generatio querentium eum, \* querentium faciem Dei Jacob.

Attollite portas principes vestras, et elevamini portae æternales: \* et introibit Rex gloriæ.

Quis est iste Rex gloriæ? \* Dó-

minus fortis et potens: Dóminus potens in prælio.

Attollite portas principes vestras, et elevamini portae æternales: \* et introibit Rex gloriæ.

Quis est iste Rex gloriæ? \* Dóminus virtutum ipse est Rex gloriæ.

Ant. Ante torum hujus Virginis frequentate nobis dulcia cantica dramaticis.

℣. Spécie tua et pulchritudine tua. ℞. Intende, prospere procede, et regna.

Pater noster.

Absolutio. Exaudi Dómine.

℣. Jube domne.

Bened. Benedictione.

#### De Parabolis Salomónis.

##### Lectio i. Cap. 8. b. et 9.

**E**go sapientia habito in consilio, et eruditus intersum cogitationibus. Timor Dómini odit malum: arrogantiam, et superbiam, et viam pravam, et os bilingue detestor. Meum est consilium et æquitas, mea est prudentia, mea est fortitudo. Per me reges regnant, et legum conditores justa decernunt: per me principes imperant, et potentes decernunt justitiam. Ego diligentes me diligo: et qui mane vigilant ad me, inveniunt me.

℞. Sancta et immaculata virginitas, quibus te laudibus offeram nescio: \* Quia quem cœli capere non poterant, tuo gremio contulisti.

℣. Benedicta tu in mulieribus, et benedictus fructus ventris tui. Quia.

Bened. Unigenitus Dei.

## Lectio ii.

**M**ecum sunt divitiæ, et glória, opes superbæ et justitia. Mélior est enim fructus meus auro, et lapide pretioso, et genimina mea argento electo. In viis justitiæ ambulo, in medio semitarum iudicii, ut ditem diligentes me, et thesauros eorum repleam. Dominus posedit me in initio viarum suarum, antequam quidquam faceret a principio. Ab æterno ordinata sum, et ex antiquis antequam terra fieret. Nondum erant abyssi, et ego jam concepta eram: necdum fontes aquarum eruperant: necdum montes gravi mole constiterant: ante colles ego parturiebar.

R. Congratulamini mihi omnes, qui diligitis Dominum, quia cum essem parvula, placui Altissimo: \* Et de meis visceribus genui Deum et hominem. V. Beátam me dicent omnes generationes, quia ancillam humilem respexit Deus. Et.

Bened. Spiritus sancti grátia.

## Lectio iii.

**B**eátus homo qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et haúriet salutem a Domino: qui autem in me peccaverit, lædet animam suam. Omnes, qui me odérunt, diligunt mortem. Sapientia ædificavit sibi domum, excidit columnas septem. Immolavit victimas suas, miscuit vinum, et proposuit mensam suam. Misit ancillas suas ut vocarent ad arcem, et ad mœnia civitatis: Si quis est parvulus, veniat ad me. Et insipientibus locuta est: Veníte, comedite

panem meum, et bibite vinum quod miscui vobis.

R. Beáta es Virgo María, quæ Dominum portasti, Creatorem mundi: \* Genuisti qui te fecit, et in æternum permanes Virgo. V. Ave María, grátia plena, Dominus tecum. Genuisti. Glória Patri. Genuisti.

## In II. Nocturno.

Ant. Spécie tua \* et pulchritudine tua inténde, prospere procéde, et regna.

## Psalmus 44.

**E**ructavit cor meum verbum bonum: \* dico ego ópera mea regi.

Lingua mea calamus scribæ, \* velócitè scribentis.

Speciosus forma præ filiis hominum, diffusa est grátia in lábiis tuis: \* propterea benedixit te Deus in æternum.

Accingere gládio tuo super femur tuum, \* potentissime,

Spécie tua et pulchritudine tua \* inténde, prospere procéde, et regna:

Propter veritatem, et mansuetudinem, et justitiam: \* et deducet te mirabiliter dextera tua.

Sagittæ tuæ acutæ, populi sub te cadent, \* in corda inimicorum regis.

Sedes tua Deus in sæculum sæculi: \* virga directionis virga regni tui.

Dilexisti justitiam, et odisti iniquitatem: \* propterea unxit te Deus Deus tuus oleo lætitiæ præ consortibus tuis.

Myrrha, et gutta, et cásia a vestimentis tuis, a dómibus ebúrneis:

\* ex quibus delectavérunt te filiæ regum in honóre tuo.

Astitit regína a dextris tuis in vestítu deauráto: \* circúmdata varietáte.

Audi filia, et vide, et inclína aurem tuam: \* et oblivíscere pópulum tuum, et domum patris tui.

Et concupíscet Rex decórem tuum: \* quóniam ipse est Dóminus Deus tuus, et adorábunt eum.

Et filiæ Tyri in munéribus \* vul-tum tuum deprecabúntur: omnes dívites plebis.

Omnis glória ejus filiæ Regis ab intus, \* in fimbriis aúreis circum-amícta varietátibus.

Adducéntur Regi vírgines post eam: \* próximæ ejus afferéntur tibi.

Afferéntur in lætítia et exsultatióne: \* adducéntur in templum Regis.

Pro pátribus tuis nati sunt tibi filii: \* constitúes eos príncipes super omnem terram.

Mémores erunt nóminis tui: \* in omni generatióne et generatió-nem.

Proptérea pópuli confitebúntur tibi in ætérnum: \* et in sæculum sæculi.

Ant. Spécie tua et pulchritú-dine tua inténde, prospere procéde, et regna.

Ant. Adjuvábít eam \* Deus vultu suo: Deus in médio ejus, non com-movébitur.

Psalmus 45.

**D**eus noster refúgium, et virtus: \* adjútor in tribulatió-nibus, quæ invenérunt nos nimis.

Proptérea non timébimus dum turbábitur terra: \* et transferén-tur montes in cor maris.

Sonuérunt, et turbátæ sunt aquæ eórum: \* conturbáti sunt montes in fortitú-dine ejus.

Flúminis ímpetus lætíficat civi-tatem Dei: \* sanctificávit taberná-culum suum Altíssimus.

Deus in médio ejus, non commo-vébitur: \* adjuvábít eam Deus ma-ne dilúculo.

Conturbátæ sunt Gentes, et in-clináta sunt regna: \* dedit vocem suam, mota est terra.

Dóminus virtútum nobíscum: \* suscéptor noster Deus Jacob.

Veníte, et vidéte ópera Dómini, quæ pósuit prodígia super terram: \* aúferens bella usque ad finem terræ.

Arcum cónteret, et confrínget arma: \* et scuta combúret igni.

Vacáte, et vidéte quóniam ego sum Deus: \* exaltábor in Géntibus, et exaltábor in terra.

Dóminus virtútum nobíscum: \* suscéptor noster Deus Jacob.

Ant. Adjuvábít eam Deus vultu suo: Deus in médio ejus, non com-movébitur.

Ant. Sicut lætántium \* ómnium nostrum habitátió est in te, sancta Dei Génitrix.

Psalmus 86.

**F**undaménta ejus in móntibus sanctis: \* díligit Dóminus por-tas Sion super ómnia tabernácula Jacob.

Gloriósá dicta sunt de te, \* cívi-tas Dei.

Memor ero Rahab, et Babylónis \* sciéntium me.

Ecce alienígenæ, et Tyrus, et pópulus Æthíopum, \* hi fuérunt illic.

Numquid Sion dicet: Homo, et

homo natus est in ea: \* et ipse fundavit eam Altissimus?

Dóminus narrábit in scriptúris populórum, et princípum: \* horum, qui fuérunt in ea.

Sicut lætántium ómnium \* habitatio est in te.

Ant. Sicut lætántium ómnium nostrum habitatio est in te, sancta Dei Génitrix.

Ÿ. Adjuvabit eam Deus vultu suo. R. Deus in médio ejus, non commovébitur.

Pater noster.

Absolutio. Ipsíus píetas.

Ÿ. Jube domne benedicere.

Bened. Deus Pater omnipotens.

Sermo sancti Joánnis  
Chrysóstomi.

Apud Metaphrasten.

Lectio iv.

**D**ei Filius non divitem, aut locuplém aliquam féminam sibi matrem elégit, sed beátam Vírginem illam, cujus ánima virtútibus ornáta erat. Cum enim beáta María supra omnem humánam natúram castitátem serváret, propterea Christum Dóminum in ventre concépit. Ad hanc igitur sanctíssimam Vírginem et Dei Matrem accurréntes, ejus patrocínii utilitátem assequámur. Itaque quécúmque estis vírgines, ad Matrem Dómini confúgite. Illa enim pulchérissimam, pretiosíssimam, et incorruptibilem possessionem patrocínio suo vobis conservábit.

R. Sicut cedrus exaltáta sum in Líbano, et sicut cypréssus in monte Sion: quasi myrrha elécta, \* Dedi suavitátem odóris. Ÿ. Et sicut

cinnamómum et bálsamum aromatizans. Dedi.

Bened. Christus perpétuæ.

Lectio v.

**M**agnum revéra miraculum, fratres dilectíssimi, fuit beáta semper Virgo María. Quid namque illa majus aut illústrius ullo umquam témpore invéntum est, seu aliquándo inveníri póterit? Hæc sola cœlum ac terram amplitúdine superávit. Quidnam illa sanctius? Non Prophætæ, non Apóstoli, non Mártyres, non Patriarchæ, non Angeli, non Throni, non Dominationes, non Séraphim, non Chérubim: non dénique áliud quípiam inter creatas res visibiles aut invisibiles, majus aut excellentius inveníri potest. Eadem ancilla Dei est et mater: éadem Virgo et Génitrix.

R. Quæ est ista quæ procéssit sicut sol, et formósa tamquam Jerúsalem? \* Vidérunt eam filiæ Sion, et beátam dixerunt, et reginæ laudavérunt eam. Ÿ. Et sicut dies verni circúmdabant eam flores rosárum et lília convállium. Vidérunt.

Bened. Ignem sui amoris.

Lectio vi.

**H**æc ejus mater est, qui a Patre ante omne princípium génitus fuit, quem Angeli et hómines agnoscunt Dóminum rerum ómnium. Visne cognóscere quanto Virgo hæc præstántior sit cœléstibus Poténtiis? Illæ cum timóre et tremóre assístunt, faciém velántes suam: hæc humánum genus illi offert, quem genuit. Per hanc et peccatórum véniam conséquimur. Ave igitur mater, cœlum, puélla, virgo,



thronus, Ecclesiæ nostræ decus, glória et firmaméntum, assidue pro nobis precáre Jesum Fílium tuum, et Dóminum nostrum: ut per te misericórdiam inveníre in die judícii, et quæ repósita sunt iis, qui díligunt Deum, bona cónsequi possimus, grátia et benignitáte Dómini nostri Jesu Christi: cum quo Patri simul et sancto Spiritui glória, et honor, et impérium, nunc et semper in sæcula sæculórum. Amen.

R. Ornátam monílibus fíliam Jerúsalem Dóminus concupívit: \* Et vidéntes eam filiæ Sion, beatíssimam prædicavérunt, dicéntes: \* Unguéntum effúsum nomen tuum. V. Astitit regína a dextris tuis in vestítu deauráto, circúmdata varietáte. Et vidéntes. Glória Patri. Unguéntum.

### In III. Nocturno.

Ant. Gaude María Virgo, \* cunctas hæreses sola interemísti in univérso mundo.

### Psalmus 95.

**C**antáte Dómino cánticum novum: \* cantáte Dómino omnis terra.

Cantáte Dómino, et benedicite nómini ejus: \* annuntiáte de die in diem salutáre ejus.

Annuntiáte inter Gentes glóriam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis: \* terribilis est super omnes deos.

Quóniam omnes dii Géntium dæmónia: \* Dóminus autem cœlos fecit.

Conféssio, et pulchritúdo in con-

spéctu ejus: \* sanctimónia et magnificéntia in sanctificatióne ejus.

Afférte Dómino pátriæ Géntium, afférte Dómino glóriam et honórem: \* afférte Dómino glóriam nómini ejus.

Tóllite hóstias, et introíte in átria ejus: \* adoráte Dóminum in átrio sancto ejus.

Commovéatur a fácie ejus univérsa terra: \* dicite in Géntibus quia Dóminus regnávít.

Etenim corréxit orbem terræ qui non commovébitur: \* judicábit pópulos in æquitáte.

Læténtur cœli, et exsúltet terra: commovéatur mare, et plenitúdo ejus: \* gaudébunt campi, et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit: \* quóniam venit judicáre terram.

Judicábit orbem terræ in æquitáte, \* et pópulos in veritáte sua.

Ant. Gaude María Virgo, cunctas hæreses sola interemísti in univérso mundo.

Ant. Dignáre me \* laudáre te, Virgo sacráta: da mihi virtútem contra hostes tuos.

### Psalmus 96.

**D**óminus regnávít, exsúltet terra: \* læténtur ínsulæ multæ.

Nubes, et calígo in circúitu ejus: \* justítia, et judícium corréctio sedis ejus.

Ignis ante ipsum præcédet, \* et inflamábit in circúitu inimícos ejus.

Illuxérunt fúlgura ejus orbi terræ: \* vidit, et commóta est terra.

Montes, sicut cera fluxérunt a fácie Dómini: \* a fácie Dómini omnis terra.

Annuntiavérunt cœli justítiam ejus: \* et vidérunt omnes pópuli glóriam ejus.

Confundántur omnes, qui adorant sculptília: \* et qui gloriántur in simulácris suis.

Adoráte eum omnes Angeli ejus: \* audívit, et lætáta est Sion.

Et exsultavérunt filiæ Judæ, \* propter judícia tua Dómine:

Quóniam tu Dóminus Altíssimus super omnem terram: \* nimis exaltátus es super omnes deos.

Qui dilígitis Dóminum, odíte malum: \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justí in Dómino: \* et confitémini memóriæ sanctificatiónis ejus.

Ant. Dignáre me laudáre te, Virgo sacráta: da mihi virtútem contra hostes tuos.

Ant. Post partum \* Virgo invioláta permansísti, Dei Génitrix intercéde pro nobis.

¶ In Adventu. Ant. Angelus Dómini \* nuntiávit Mariæ, et concépit de Spíritu sancto.

Psalmus 97.

**C**antáte Dómino cánticum novum: \* quia mirabília fecit.

Salvávít sibi délixtera ejus: \* et bráchium sanctum ejus.

Notum fecit Dóminus salutáre suum: \* in conspéctu Géntium revelávít justítiam suam.

Recordátus est misericórdiæ suæ, \* et veritátis suæ dómui Israél.

Vidérunt omnes términi terræ \* salutáre Dei nostri.

Jubiláte Deo omnis terra: \* cantáte, et exsultáte, et psállite.

Psállite Dómino in cíthara, in cíthara et voce psalmi: \* in tubis ductílibus, et voce tubæ córneæ.

Jubiláte in conspéctu regis Dómini: \* moveátur mare, et plenitúdo ejus: orbis terrárum, et qui hábitant in eo.

Flúmina plaudent manu, simul montes exsultábunt a conspéctu Dómini: \* quóniam venit judicáre terram.

Judicábit orbem terrárum in justítia, \* et pópulos in æquitáte.

Ant. Post partum Virgo invioláta permansísti, Dei Génitrix intercéde pro nobis.

¶ In Adventu. Ant. Angelus Dómini nuntiávit Mariæ, et concépit de Spíritu sancto.

¶. Elégit eam Deus, et præelégit eam. R. In tabernáculo suo habitáre facit eam.

Pater noster.

Absolutio. A vînculis.

¶. Jube domne benedícere.

Bened. Evangélica léctio.

Léctio sancti Evangélii secúndum Lucam.

Lectio vii. Cap. 11. d.

**I**n illo témpore: Loquente Jesu ad turbas, extóllens vocem quædam mûlier de turba dixit illi: Beátus venter, qui te portávit. Et réliqua.

Homília venerábilis Bedæ Presbýteri.

Lib. 4. cap. 49. in Luc. 11.

**M**agnæ devotiónis et fidei hæc mûlier osténditur, quæ scribis et pharisæis Dóminum tentántibus simul et blasphem-

mántibus, tanta ejus incarnationem præ ómnibus sinceritáte cognóscit, tanta fidúcia confitétur, ut et præ-séntium prócerum calúmniam, et futurórum confúndat hæreticórum perfídiam. Nam sicut tunc Judæi, sancti Spíritus ópera blasphemándo, verum consubstantialémque Patri Dei Fílium negábant: sic hæ-rétici póstea negádo Mariám semper Vírginem, sancti Spíritus ope-ránte virtúte, nascitúro cum hu-mánis membris Unigénito Dei, carnis suæ matériam ministrásse, verum consubstantialémque matri Fílium hóminis fatéri non debére dixerunt.

R. Felix namque es, sacra Virgo María, et omni laude digníssima: \* Quia ex te ortus est sol justítiæ, Christus Deus noster. V. Ora pro pópulo, intérvieni pro clero, intercède pro devóto femíneo sexu: séntiant omnes tuum juvámen, quicúmque célebrant tuam sanctam festivitátem. Quia.

Bened. Cujus festum cólimus, ipsa Virgo vírginum.

#### Lectio viii.

**S**ed si caro Verbi Dei secúndum carnem nascéntis a carne Vírginis matris pronuntiátur extránea, sine causa venter qui eam portásset, úbera quæ lactássent, beatificántur. Dicit autem Apóstolus: Quia misit Deus Fílium suum factum ex muliere, factum sub lege. Neque audiéndi sunt, qui legéndum putant: Natum ex muliere, factum sub lege, sed, Factum ex muliere: quia concéptus ex útero virgínali, carnem non de níhilo, non aliúnde, sed matérna traxit ex carne: alióquin nec vere Fílius hó-

minis dicerétur, qui oríginem non habéret ex hómine. Et nos igitur his contra Eutýchen dictis, extollámus vocem cum Ecclésia cathólica, cujus hæc mulier typum gessit, extollámus et mentem de médio turbárum, dicamúsque Salvatóri: Beátus venter qui te portávit, et úbera quæ suxísti. Vere enim beáta parens, quæ, sicut quidam ait, Eníxa est puérpera Regem, qui cœlum terrámque tenet per sœcula.

R. Beátam me dicent omnes generatiónes: \* Quia fecit mihi Dóminus magna qui potens est, et sanctum nomen ejus. V. Et misericórdia ejus a progénie in progénies tíméntibus eum. Quia. Glória Patri. Quia.

Bened. Ad societátem.

#### Lectio ix.

**Q**uinímo beáti qui aúdiunt verbum Dei, et custódiunt. Pulchre Salvátor attestatióni mulieris ánnuit, non eam tantúmmodo quæ Verbum Dei corporáliter generáre merúerat, sed et omnes qui idem Verbum spiritaliter audítu fidei concípere, et boni óperis custódia vel in suo, vel in proximórum corde párrere, et quasi álere studúerint, assevérans esse beátos: quia et éadem Dei Génitrix, et inde quidem beáta, quia Verbi incarnándi ministra facta est temporális; sed inde multo beátior, quia ejúsdem semper amándi custos manébat æténa. Te Deum laudámus. 14.

#### Ad Laudes

et per Horas.

Ant. 1. Dum esset Rex \* in acúbitu suo, nardus mea dedit odórem suavitátis.

Psalm. Dóminus regnávít. cum reliquis. 15.

2. Læva ejus \* sub cápite meo, et dextera illius amplexábitur me.

3. Nigra sum, \* sed formósa, filiæ Jerúsalem: ideo diléxit me Rex, et introdúxit me in cubículum suum.

4. Jam hiems tránsiit, \* imber ábiit, et recéssit: surge amíca mea, et veni.

5. Speciósá \* facta es et suávis in deliciis tuis, sancta Dei Génitrix.

Capitulum. Eccli. 24. b.

**A**b iníto, et ante sácula creáta sum, et usque ad futúrum sáculum non désinam, et in habitatióne sancta coram ipso ministrávi.

Hymnus.

**O** gloriósá virginum,  
Sublímis inter sídera,  
Qui te creávit, párvulum  
Lacténte nutris úbere.

Quod Heva tristis ábstulit,  
Tu reddis almo gérmine:  
Intrent ut astra flébiles,  
Coeli reclúdis cárdines.

Tu regis alti jánuá,  
Et aula lucis fúlgida:  
Vitam datam per Vírginem  
Gentes redémtæ plaúdite.

Jesu, tibi sit glória,  
Qui natus es de Vírgine,  
Cum Patre, et almo Spíritu  
In sempitérna sácula. Amen.

Ÿ. Diffúsa est grátia in lábiis tuis. R. Proptérea benedíxit te Deus in ætérnum.

Ad Béned. Ant. Beáta es María, \* quæ credidísti: perficiéntur in te, quæ dicta sunt tibi a Dómino, allelúja.

Oratio.

**C**oncède nos fámulos tuos, quæsumus Dómine Deus, perpétua mentis et córporis sanitáte gaudére: et gloriósá beátæ Mariæ semper Vírginis intercessióne, a præsénti liberári tristítia, et ætérna pérfrui lætítia. Per Dóminum.

Ad Primam.

In R. br. Ÿ. Qui natus es de María Vírgine. etiam in festis infra Octav. B. M. V.

Ad Tertiam.

Ant. Læva ejus.

Capitulum. Ab iníto. ut supra.

R. br. Spécie tua \* Et pulchritúdine tua. Spécie. Ÿ. Inténde, prospere procéde, et regna. Et pulchritúdine. Glória Patri. Spécie.

Ÿ. Adjuvábít eam Deus vultu suo. R. Deus in médio ejus, non commovébitur.

Ad Sextam.

Ant. Nigra sum.

Capitulum. Eccli. 24. b.

**E**t sic in Sion firmáta sum, et in civitáte sanctificáta similiter requiévi, et in Jerúsalem potéstas mea. Et radicávi in pópulo honorificáto, et in parte Dei mei hæréditas illius, et in plenitúdine sanctorum deténtio mea.

R. br. Adjuvábít eam \* Deus vultu suo. Adjuvábít. Ÿ. Deus in médio ejus, non commovébitur. Deus. Glória Patri. Adjuvábít.

Ÿ. Elégit eam Deus, et præelégit eam. R. In tabernáculo suo habitáre facit eam.

Ad Nonam.

Ant. Speciósá.

Capitulum. Eccli. 24. b.

**I**n platéis sicut cinnamómum, et bálsamum aromatizans odórem dedi: quasi myrrha elécta dedi suavitátem odóris.

R. br. Elégit eam Deus, \* Et præelégit eam. Elégit. V. In tabernáculo suo habitáre facit eam. Et præelégit. Glória Patri. Elégit. V. Diffúsa est grátia in lábiis

tuis. R. Proptérea benedíxit te Deus in ætérnum.

### In II. Vesperis.

Omnia dic. ut in I. Vesp. [133] præter V. Dignáre me laudáre te, Virgo sacráta. R. Da mihi virtútem contra hostes tuos.

Ad Magnif. Ant. Beátam me dicent \* omnes generatiónes, quia ancíllam húmílem respéxit Deus.

## OFFICIUM B. MARIÆ IN SABBATO.

Omnibus Sabbatis per annum, præterquam in Adventu, Quadragesima, Quatuor Temporibus et Vigiliis, et nisi Officium fieri debeat de Feria, propter Officium alicujus Dominicæ infra Hebdomadam ponendum, ut dicitur in Rubrica de Dominicis; ac nisi festum novem Lectionum occurrat, fit Officium de sancta Maria, modo infrascripto.

In Vesperis Feriæ sextæ dicuntur Psalmi feriales in Psalterio positi, nisi fuerit festum novem Lectionum: quia tunc de sancta Maria fit tantum Commemoratio in dictis Vesperis cum Ant., V. et Oratione, ut infra: quæ Comem. omittitur, quando Feria sexta occurrit festum Purificationis, vel aliud ejusdem B. Mariæ Officium.

Capitulum et Hymnus ut in festis B. M. V. [135]

V. Diffúsa est grátia in lábiis tuis. R. Proptérea benedíxit te Deus in ætérnum.

Ad Magnif. Ant. Beáta Mater, \* et intácta Virgo, gloriósa Regína mundi, intercède pro nobis ad Dóminum.

V. Dóminus vobíscum. R. Et cum spíritu tuo.

### Oratio.

**C**oncède nos fámulos tuos, quæsumus Dómine Deus, perpétua mentis et córporis sani-

táte gaudére: et gloriósa beátæ Mariæ semper Vírginis intercessiône, a præsentí liberári tristítia, et ætérna pérfrui lætítia. Per Dóminum nostrum.

¶ Post Nativitatem usque ad Purificationem.

Ad Magnif. Ant. Magnum hæreditátis mystérium: \* templum Dei factus est úterus nesciéntis virum: non est pollútus ex ea carnem asúmens: omnes gentes vénient dicéntes: Glória tibi Dómine.

### Oratio.

**D**eus, qui salutis æternæ, beátæ Mariæ virginitáte fœcúnda, humano géneri præmia præstitisti: tríbue quæsumus; ut ipsam pro nobis intercédere sentiámus, per quam merúimus auctórem vitæ suscípere, Dóminum nostrum Jesum Christum Fílium tuum: Qui tecum vivit et regnat.

Post Orat. fiunt Commemorationes consuetæ de S. Joseph, de Apostolis et de Pace. 126.

Si autem occurrat Festum Simplex, de eo fit Comem. ante ipsa Suffragia.

Completorium ut in Psalterio. Et in fine Hymni Te lucis ante términum, dicitur

Jesu, tibi sit glória,

Qui natus es de Virgine.

etiāsi in Vesp. facta sit tantum Coñ. de B. Maria, nisi Hymni illius Festi, quod FERIA VI. celebratum est, aliter concludendi sint, ut in Transfiguratione Domini.

### Ad Matutinum.

Invit. Ave María, grátia plena,

\* Dóminus tecum.

Ps. Veníte, exsultémus. 2.

Hymnus. Quem terra. [135]

Nocturnum Sabbati, ut in Psalt. 94, et in fine

V. Diffúsa est grátia in lábiis tuis. R. Proptérea benedíxit te Deus in ætérnum.

Pater noster.

### Absolutio.

**P**récibus et méritis beátæ Mariæ semper Virginis, et ómnium Sanctórum, perdúcat nos Dóminus ad regna coelórum. R. Amen.

V. Jube domne benedícere.

Pro i. Lect. Bened. Nos cum prole pia benedícat Virgo María.

R. Amen.

Primæ duæ Lect. de Scriptura libri currentis: tertia, una ex inferius positis per ordinem.

R. i. Sancta et immaculáta virginitas, quibus te laúdis éfferam, néscio: \* Quia quem coeli cápere non póterant, tuo grémio contulísti. V. Benedícta tu in muliéribus, et benedíctus fructus ventris tui. Quia.

Pro ii. Lect. Bened. Ipsa Virgo víginum intercédāt pro nobis ad Dóminum. R. Amen.

R. ii. Felix namque es, sacra Virgo María, et omni laude digníssima: \* Quia ex te ortus est sol justítiæ, \* Christus Deus noster. V. Ora pro pópulo, intérvēni pro

clero, intercède pro devóto femíneo sexu: séntiant omnes tuum juvámē, quicúmque célebrant tuam sanctam commemoratióem. Quia ex te. Glória Patri. Christus.

Pro iii. Lect. Bened. Per Virginem matrem concédāt nobis Dóminus salútem et pacem. R. Amen.

Post iii. Lect. dic. Te Deum. 14.

### Ad Laudes

et per Horas.

Omnia ut in Festis B. M. V. [143], præter sequentia.

V. Benedícta tu in muliéribus. R. Et benedíctus fructus ventris tui.

Ad Bened. Ant. Beáta Dei Génitrix María, \* Virgo perpétua, templum Dómini, sacrárium Spíritus sancti: sola sine exémplo placuísti Dómino nostro Jesu Christo: ora pro pópulo, intérvēni pro clero, intercède pro devóto femíneo sexu.

Oratio. Concède. [145]

¶ Sed post Nativitatem usque ad Purificationem, Ant. ad Laudes et per Horas, Ant. ad Benedictus nec non Oratio dicuntur ut in Officio parvo B. M. V. post Nativitatem, infra [159].

Deinde fiunt commemorationes ut supra.

### Ad Vesperas.

Ant. et Psalmi feriales: Capit. et reliqua omnia, si non occurrat Festum Duplex, de Dom.

In fine Commemorationes consuetæ, ut in Psalt. 126.

Lectiones sequ. dicuntur singulis mensibus in Officio B. M. V. in Sabbato, ordine subscripto.

### Mense Januario.

Ex Epístola S. Ambrósii Epíscopi ad Sirícium Papam.

Epist. 81, al. 7, post initium.

Lectio iii.

**D**e via perversitátis prodúntur dicere: Virgo concépit, sed



non virgo generávit. Pótuít ergo virgo concípere, non pótuít virgo generáre, cum semper concéptus præcedat, partus sequátur? Sed si doctrínis non créditur sacerdotum, credátur oráculis Christi, credátur mónitis Angelórum dicéntium: Quia non est impossibile Deo omne verbum. Credátur sýmbolo Apostolórum, quod Ecclésia Romána intemerátum semper custódit et servat. Audívit María vocem Angeli, et quæ ante díxerat: Quómodo fiet istud? non de fide generatiónis intérogans, respóndit póstea: Ecce ancilla Dómini, contíngat mihi secúndum verbum tuum.

Te Deum laudámus. 14.

#### Mense Februario.

Ex libro S. Hierónymi Presbýteri  
advérsus Jovinianum.

Ex Apol. ad Pammach. pro lib. advers.  
Jovin., in fine.

#### Lectio iii.

**C**hristus virgo, mater vírginis nostri virgo perpétua, mater et virgo. Jesus enim clausis ingrèssus est óstiis: et in sepúlchro ejus, quod novum et in petra duríssima fúerat excísum, nec ántea quis, nec póstea pósitus est. Hortus conclúsus, fons signátus: de quo fonte ille flúvius manat, juxta Joël, qui irrígat torréntem vel fúnium, vel spinárum: fúnium, peccatórum, quibus ante alligabámur: spinárum, quæ suffócant seméntem patrisfamilias. Hæc est porta Orientális, ut ait Ezéchiél, semper clausa et

lúcida, opériens in se, vel ex se próferens Sancta sanctórum: per quam sol justitiæ, et Póntifex noster secúndum órđinem Melchisedech ingréditur, et egréditur.

Te Deum laudámus. 14.

#### Mense Martio.

Ante Quadragesimam.

Ex libro sancti Irenæi Epíscopi  
et Mártiris advérsus hæreses.

Lectio iii. Lib. 5. c. 19.

**I**n sua própria veniente Dómino, et sua própria eum bajulánte conditióne, quæ bajulátur ab ipso, et recapitulatióne ejus quæ in ligno fuit inobediéntiæ, per eam quæ in ligno est, obediéntiam faciéntem, et seductiõe illa solúta, qua sedúcta est male illa, quæ jam viro destináta erat virgo Heva; per veritátem evangelizáta est bene ab Angelo jam sub viro Virgo María. Quemádmódum enim illa per angélicum sermónem sedúcta est, ut effúgeret Deum, prævaricáta verbum ejus: ita et hæc per angélicum sermónem evangelizáta est, ut portáret Deum, obédiens ejus verbo. Et sicut illa sedúcta est, ut effúgeret Deum; sic hæc suása est obedíre Deo, ut vírginis Hevæ Virgo María fieret advocáta. Et quemádmódum adstrictum est morte genus humánum per víginem, solvátur per víginem: æqua lance dispósita virginális inobediéntia, per virginálem obediéntiam.

Te Deum laudámus. 14.





## OFFICIUM PARVUM B. MARIÆ VIRG.

Non dicitur, quando fit Officium novem Lectionum, nec in Vigilia Nativitatis Domini, nec in Sabbatis, quando fit Officium de S. Maria. Quibus diebus omittitur a primis Vesperis, et in Vigilia Nativitatis a Matutino. Cum dicitur in Choro, in Matutinis et in Vesperis præponitur Officio dici; in aliis Horis postponitur. Prima dicitur post Benedicamus Dómino, antequam legatur Martyrologium. Extra Chorum potest dici pro temporis opportunitate.

### Officium B. Mariæ V.

extra Adventum.

#### Ad Vesperas.

Ave María. secreto, quæ dic. semper in principio omnium Horarum B. M. V. quando non conjunguntur cum Officio dici.

Ÿ. Deus in adiutorium. 15.

In cujus fine Allelúja, vel Laus tibi Dómine pro Temporis varietate.

Ant., Ps., Capit. et Hymn. ut in Festis B. M. V. [133]

Ÿ. Diffusa est grátia in lábiis tuis. R. Propterea benedixit te Deus in ætérnum.

Ad Magnif. Ant. Beáta Mater, \* et intácta Virgo, gloriósa Regina mundi, intercédè pro nobis ad Dóminum.

Kýrie eléison. Christe eléison. Kýrie eléison.

Ÿ. Dóminus vobíscum. R. Et cum spíritu tuo.

#### Oratio.

**C**oncède nos fámulos tuos, quæsumus Dómine Deus, perpétua mentis et córporis sanitáte gaudere: et gloriósa beátæ Mariæ semper Virginis intercessióne, a præsénti liberári tristitia, et ætérna pérfrui lætítia. Per Dóminum.

Sequens Commem. pro Sanctis fit tantum ad Vesp. et Laudes in Officio S. Mariæ præterquam in Adventu, cujus loco tunc alia dicitur, ut infra.

Ant. Sancti Dei omnes intercédere dignémini pro nostra omniúmque salúte.

Ÿ. Lætámini in Dómino, et exultáte justí. R. Et gloriámini omnes recti corde.

## Oratio.

**P**rótege Dómine pópulum tuum, et Apostolorum tuorum Petri et Pauli, et aliorum Apostolorum patrocinio confidentem, perpétua defensione conserva.

**O**mnes Sancti tui, quæsumus Dómine, nos ubique adjuvent: ut dum eorum mérita recólimus, patrocinia sentiámus: et pacem tuam nostris concéde temporibus, et ab Ecclesia tua cunctam repélle nequítiam: iter, actus, et voluntates nostras, et ómnium famulorum tuorum, in salutis tuæ prosperitate dispóne: benefactoribus nostris sempiterna bona retribue, et ómnibus fídelibus defunctis réquiem ætérnam concéde. Per Dóminum.

## Ad Completorium.

Ave María. ut supra.

Ÿ. Convérte nos Deus salutáris noster. R. Et avérte iram tuam a nobis.

Ÿ. Deus in adjutórium.

## Psalmus 128.

**S**æpe expugnáverunt me a juventute mea, \* dicat nunc Israël.

Sæpe expugnáverunt me a juventute mea: \* étenim non potuerunt mihi.

Supra dorsum meum fabricáverunt peccatores: \* prolongáverunt iniquitatem suam.

Dóminus justus concídit cervices peccatorum: \* confundántur et convertántur retrósum omnes, qui odérunt Sion.

Fiant sicut fœnum tectorum: \* quod priúsqvam evellátur, exáruit: De quo non implévit manum

suam qui metit, \* et sinum suum qui manípulos cólligit.

Et non dixerunt qui præteribant: Benedictio Dómini super vos: \* benedíximus vobis in nómine Dñi. Glória Patri.

## Psalmus 129.

**D**e profúndis clamávi ad te Dñe: \* Dómine exaúdi vocem meam: Fiant aures tuæ intendéntes, \* in vocem deprecationis meæ.

Si iniquitates observáveris Dómine: \* Dómine quis sustinébit?

Quia apud te propitiatio est: \* et propter legem tuam sustínui te Dómine.

Sustínuit ánima mea in verbo ejus: \* sperávit ánima mea in Dño.

A custódia matutína usque ad noctem: \* speret Israël in Dómino.

Quia apud Dóminum misericórdia: \* et copiósa apud eum redemptio.

Et ipse rédimet Israël, \* ex ómnibus iniquitatibus ejus.

Glória Patri.

## Psalmus 130.

**D**ómine non est exaltátum cor meum: \* neque eláti sunt óculi mei.

Neque ambulávi in magnis: \* neque in mirábilibus super me.

Si non humíliter sentiébam: \* sed exaltávi animam meam:

Sicut ablactátus est super matre sua, \* ita retribútio in ánima mea.

Speret Israël in Dómino, \* ex hoc nunc et usque in sæculum.

Glória Patri.

## Hymnus.

**M**emento, rerum Cónditor,  
Nostri quod olim córporis,  
Sacráta ab alvo Vírginis  
Nascéndo formam sumpseris.

**M**aria Mater grátia,  
 Dulcis Parens cleméntia,  
 Tu nos ab hoste prótege,  
 Et mortis hora súscipe.

Jesu, tibi sit glória,  
 Qui natus es de Vírgine,  
 Cum Patre, et almo Spíritu,  
 In sempitérna sæcula. Amen.

Capitulum. Eccli. 24. c.

**E**go mater pulchræ dilectiónis,  
 et timóris, et agnitiónis, et  
 sanctæ spei.

R. Deo grátias.

V. Ora pro nobis sancta Dei  
 Génitrix. R. Ut digni efficiámur  
 promissionibus Christi.

Ad Nunc dimittis. Ant. Sub tu-  
 um præsidium \* confúgimus, san-  
 cta Dei Génitrix: nostras depre-  
 cationes ne despicias in necessi-  
 tatibus, sed a periculis cunctis  
 libera nos semper, Virgo gloriósa  
 et benedícta.

Kýrie eléison. Christe eléison.  
 Kýrie eléison.

V. Dóminus vobíscum. R. Et  
 cum spíritu tuo.

Oratio.

**B**eátæ et gloriósæ semper Vir-  
 ginis Mariæ, quæsumus Dó-  
 mine, intercessio gloriósa nos pró-  
 tegat, et ad vitam perdúcat ætér-  
 nam. Per Dóminum.

**Ad Matutinum.**

Ave María. ut supra.

V. Dómine lábia mea apéries.  
 R. Et os meum annuntiábit lau-  
 dem tuam.

V. Deus in adjutórium.

Invit. Ave María, grátia plena:

\* Dóminus tecum.

Ps. Veníte, exsultémus. 2.

Hymnus. Quem terra. [135]

**In Nocturno.**

Ant. et Psalmi dicuntur ut in Festis  
 B. M. V., scilicet:

Feria II. et V. De I. Noct. [136]

Feria III. et VI. De II. Noct. [138]

Fer. IV. et Sabbato. De III. Noct. [141]

V. Diffúsa est grátia in lábiis  
 tuis. R. Proptérea benedíxit te  
 Deus in ætérnum.

Pater noster. secreto.

V. Et ne nos indúcas in tenta-  
 tiónem. R. Sed libera nos a malo.

Absolutio.

**P**recibus et méritis beátæ Mariæ  
 semper Vírginis et ómnium  
 Sanctórum, perdúcat nos Dóminus  
 ad regna cœlórum. R. Amen.

V. Jube domne benedícere.

Bened. Nos cum prole pia bene-  
 dícat Virgo María. R. Amen.

Lectio i. Eccli. 24.

**I**n ómnibus réquiem quæsívi,  
 et in hæreditáte Dómini mor-  
 rábor. Tunc præcépit, et di-  
 xit mihi Creátor ómnium: et qui  
 creávit me, requiévít in taberná-  
 culo meo, et dixit mihi: In Jacob  
 inhábita, et in Israél hæreditáre, et  
 in eléctis meis mitte radíces. Tu  
 autem Dómine miserére nobis.

R. Deo grátias.

R. Sancta et immaculáta virgí-  
 nitas, quibus te laúdis éfferam  
 néscio: \* Quia quem cœli cápere  
 non póterant, tuo grémio contu-  
 listi. V. Benedícta tu in muliéri-  
 bus, et benedíctus fructus ventris  
 tui. Quia.

V. Jube domne benedícere.

Bened. Ipsa Virgo vírginum in-  
 tercédát pro nobis ad Dóminum.

R. Amen.

## Lectio ii.

**E**t sic in Sion firmata sum, et in civitate sanctificata similiter requievi, et in Jerusaleme potestas mea. Et radicavi in populo honorificato, et in parte Dei mei hereditas illius, et in plenitudine sanctorum detentio mea. Tu autem.

R. Beata es Virgo Maria, quæ Dominum portasti, Creatorem mundi: \* Genuisti qui te fecit, et in æternum permanes Virgo. V. Ave Maria, gratia plena, Dominus tecum. Genuisti.

V. Jube domne benedicere.

Bened. Per Virginem Matrem concedat nobis Dominus salutem et pacem. R. Amen.

## Lectio iii.

**Q**uasi cedrus exaltata sum in Libano, et quasi cypressus in monte Sion: quasi palma exaltata sum in Cades, et quasi plantatio rosæ in Jericho. Quasi oliva speciosa in campis, et quasi platanus exaltata sum juxta aquam in plateis. Sicut cinnamomum, et balsamum aromatizans odorem dedi: quasi myrrha electa, dedi suavitatem odoris. Tu autem Domine.

R. Felix namque es, sacra Virgo Maria, et omni laude dignissima: \* Quia ex te ortus est sol justitiæ, \* Christus Deus noster. V. Ora pro populo, interveni pro clero, intercède pro devoto femineo sexu: sentiant omnes tuum juvamen, quicumque celebrant tuam sanctam commemorationem. Quia. Gloria Patri. Christus.

## Ad Laudes

et per Horas.

V. Deus in adiutorium.

Ant. 1. Assumpta est \* Maria in cælum: gaudent Angeli, laudantes benedicunt Dominum.

Ps. Dominus regnavit. 15.

2. Maria Virgo \* assumpta est ad æthereum thalamum, in quo Rex regum stellato sedet solio.

3. In odorem \* unguentorum tuorum currimus: adolescentulæ dilexerunt te nimis.

4. Benedicta filia \* tu a Domino: quia per te fructum vitæ communicavimus.

5. Pulchra es, \* et decora, filia Jerusaleme: terribilis ut castrorum acies ordinata.

Capitulum.

Cant. 6. c.

**V**iderunt eam filiae Sion, et beatissimam predicaverunt, et reginæ laudaverunt eam.

R. Deo gratias.

Hymnus.

**O** gloriosa virginum,  
Sublimis inter sidera,  
Qui te creavit, parvulum  
Lactente nutris ubere.

Quod Heva tristis abstulit,  
Tu reddis almo germine:  
Intrent ut astra flébiles,  
Cœli recludis cardines.

Tu regis alti janua,  
Et aula lucis fulgida:  
Vitam datam per Virginem  
Gentes redemptæ plaudent.

Jesu, tibi sit gloria,  
Qui natus es de Virgine,  
Cum Patre, et almo Spiritu  
In sempiterna sæcula.

Amen.

V. Benedicta tu in mulieribus.

R. Et benedictus fructus ventris tui.

Ad Bened. Ant. Beata Dei Genitrix Maria, \* Virgo perpétua, tem-

plum Dómini, sacrárium Spíritus sancti: sola sine exémplo placuísti Dómino nostro Jesu Christo: ora pro pópulo, intéveni pro clero, intercède pro devóto femíneo sexu.

Kýrie eléison. Christe eléison. Kýrie eléison.

Ÿ. Dóminus vobíscum. R. Et cum spíritu tuo.

.Oratio.

**D**eus, qui de beátæ Mariæ Virgínis útero Verbum tuum, Angelo nuntiánte, carnem suscipere voluísti: præsta supplicibus tuis; ut qui vere eam Genitrícem Dei crédimus, ejus apud te intercessiónibus adjuvémur. Per eúmdem Christum Dóminum nostrum.

R. Amen.

Pro Sanctis. Ant. Sancti Dei. ut supra. [148]

Ad Primam.

Ave María.

Ÿ. Deus in adjutórium.

Hymnus.

**M**emento, rerum Cónditor,  
Nostri quod olim córporis  
Sacráta ab alvo Virgínis  
Nascéndo formam sumpseris.

María Mater grátiae,  
Dulcis Parens cleméntiae,  
Tu nos ab hoste prótege,  
Et mortis hora súscipe.

Jesu, tibi sit glória,  
Qui natus es de Virgine,  
Cum Patre, et almo Spíritu,  
In sempitérna sæcula.

Amen.

Ant. Assumpta est.

Psalmus 53.

**D**eus in nómine tuo saluum me fac: \* et in virtúte tua júdica me.

Deus exaúdi oratióem meam:  
\* aúribus pércipe verba oris mei.

Quóniam aliéni insurrexérunt advérsus me, et fortes quæsiérunt ánimam meam: \* et non propo-  
suérunt Deum ante conspéctum suum.

Ecce enim Deus ádjuvat me: \*  
et Dóminus suscéptor est ánimæ meæ.

Avérte mala inimícis meis: \*  
in veritáte tua dispérde illos.

Voluntárie sacrificábo tibi, \*  
et confitébor nómini tuo Dómine:  
quóniam bonum est:

Quóniam ex omni tribulatióne  
eripuísti me: \* et super inimícos  
meos despéxit óculus meus.

Glória Patri.

Psalmus 84.

**B**enedixísti Dómine terram tu-  
am: \* avertísti captivitátem  
Jacob.

Remisísti iniquitátem plebis tuæ:  
\* operuísti ómnia peccáta eórum.

Mitigásti omnem iram tuam: \*  
avertísti ab ira indignatiónis tuæ.

Convérte nos Deus salutáris no-  
ster: \* et avérte iram tuam a nobis.

Numquid in ætérnum irascéris  
nobis? \* aut exténdes iram tuam  
a generatióne in generatióem?

Deus tu convérsus vivificábis  
nos: \* et plebs tua lætábitur in te.

Osténde nobis Dómine miseri-  
córdiam tuam: \* et salutáre tuum  
da nobis.

Aúdiam quid loquátur in me  
Dóminus Deus: \* quóniam loqué-  
tur pacem in plebem suam.

Et super sanctos suos: \* et in  
eos, qui convertúntur ad cor.

Verúmtamen prope timéntes



eum salutâre ipsius: \* ut inhâbitet glôria in terra nostra.

Misericórdia, et véritas obviverunt sibi: \* justítia, et pax osculâtæ sunt.

Véritas de terra orta est: \* et justítia de cœlo prospexit.

Etenim Dóminus dabit benignitatem: \* et terra nostra dabit fructum suum.

Justítia ante eum ambulábit: \* et ponet in via gressus suos.

Glória Patri.

Psalmus 116.

**L**audáte Dóminum omnes Gentes: \* laudáte eum omnes pópuli:

Quóniam confirmáta est super nos misericórdia ejus: \* et véritas Dómini manet in ætérnum.

Glória Patri.

Ant. Assúpta est María in cœlum: gaudent Angeli: laudâtes benedicunt Dóminum.

Capitulum. Cant. 6. c.

**Q**uæ est ista, quæ progréditur quasi auróra consúrgens, pulchra ut luna, elécta ut sol, terríbilis ut castrórum ácies ordináta?

R. Deo grátias.

V. Dignâre me laudâre te, Virgo sacráta. R. Da mihi virtútem contra hostes tuos.

Kýrie eléison. Christe eléison. Kýrie eléison.

V. Dóminus vobíscum. R. Et cum spíritu tuo.

Oratio.

**D**eus, qui virginálem aulam beátæ Mariæ in qua habitâres, eligere dignátus es: da, quæsumus; ut sua nos defensióne munitos, jucúndos fácias suæ interésse commemoratióni: Qui vivis et regnas.

Ad Tertiam.

Ave María.

V. Deus in adjutórium.

Hymnus. Meménto. [152]

Ant. María Virgo.

Psalmus 119.

**A**d Dóminum cum tribulárer clamávi: \* et exaudivit me. Dómine libera ánimam meam a lábiis iníquis, \* et a lingua dolósa.

Quid detur tibi, aut quid apponátur tibi \* ad linguam dolósam?

Sagíttæ poténtis acútæ, \* cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: \* multum íncola fuit ánimá mea.

Cum his, qui odérunt pacem, eram pacíficus: \* cum loquébar illis, impugnábant me gratis.

Glória Patri.

Psalmus 120.

**L**evávi óculos meos in montes, \* unde véniet auxiliú mihi.

Auxílium meum a Dómino, \* qui fecit cœlum et terram.

Non det in commotióem pedem tuum: \* neque dormítet qui custódit te.

Ecce non dormitábit neque dormiet, \* qui custódit Israël.

Dóminus custódit te, Dóminus protéctio tua, \* super manum dexteram tuam.

Per diem sol non uret te: \* neque luna per noctem.

Dóminus custódit te ab omni malo: \* custódiat ánimam tuam Dóminus.

Dóminus custódiat intróitum tu-

um, et éxitum tuum: \* ex hoc nunc, et usque in sæculum.

Glória Patri.

Psalmus 121.

**L**ætátus sum in his, quæ dicta sunt mihi: \* in domum Dómini ibimus.

Stantes erant pedes nostri, \* in átriis tuis Jerúsalem.

Jerúsalem, quæ ædificátur ut civitas: \* cujus participátio ejus in idípsum.

Illuc enim ascendérunt tribus, tribus Dómini: \* testimónium Israël ad confiténdum nómini Dómini.

Quia illic sedérunt sedes in iudicio, \* sedes super domum David.

Rogáte quæ ad pacem sunt Jerúsalem: \* et abundantia diligéntibus te:

Fiat pax in virtúte tua: \* et abundantia in túrribus tuis.

Propter fratres meos, et próximos meos, \* loquébar pacem de te:

Propter domum Dómini Dei nostri, \* quæsívi bona tibi.

Glória Patri.

Ant. Mariá Virgo assúpta est ad æthéreum thálamum, in quo Rex regum stelláto sedet sólio.

Capitulum.

Eccli. 24. b.

**E**t sic in Sion firmáta sum, et in civitaté sanctificáta simíliter requiévi, et in Jerúsalem potéstas mea. R. Deo grátias.

Y. Diffúsa est grátia in lábiis tuis. R. Proptérea benedíxit te Deus in ætérnum.

Kýrie eléison. Christe eléison. Kýrie eléison.

Y. Dóminus vobíscum. R. Et cum spíritu tuo.

Oratio.

**D**eus, qui salútis ætérnæ, beátæ Mariæ virginitáte fœcúnda, humano géneri præmia præstitisti: tríbue, quæsumus; ut ipsam pro nobis intercédere sentiámus, per quam merúimus auctórem vitæ suscípere, Dóminum nostrum Jesum Christum Fílium tuum: Qui tecum vivit et regnat.

Ad Sextam.

Ave Mariá.

Y. Deus in adjutórium.

Hymnus.

**M**emento, rerum Cónditor,  
Nostri quod olim córporis  
Sacráta ab alvo Virginitatis  
Nascéndo formam sumpseris.

Mariá Mater grátiae,

Dulcis Parens cleméntiae,

Tu nos ab hoste prótege,

Et mortis hora súscipe.

Jesu, tibi sit glória,

Qui natus es de Vírgine,

Cum Patre, et almo Spíritu

In sempitérna sæcula. Amen.

Ant. In odórem.

Psalmus 122.

**A**d te levávi óculos meos, \* qui hábitas in cœlis.

Ecce sicut óculi servórum, \* in mánibus dominórum suórum,

Sicut óculi ancillæ in mánibus dómínæ suæ: \* ita óculi nostri ad Dóminum Deum nostrum donec misereátur nostri.

Miserére nostri Dómine, miserére nostri: \* quia multum repléti sumus despectióne:

Quia multum repléta est ánima nostra: \* oppróbrium abundantibus, et despéctio supérbis.

Glória Patri.

## Psalmus 123.

**N**isi quia Dóminus erat in nobis, dicat nunc Israël: \* nisi quia Dóminus erat in nobis,

Cum exsúrgerent hómines in nos, \* forte vivos deglutíssent nos:

Cum irascerétur furor eórum in nos, \* fórsitan aqua absorbuisset nos.

Torréntem pertransívit ánima nostra: \* fórsitan pertransísset ánima nostra aquam intolerábilem.

Benedíctus Dóminus \* qui non dedit nos, in captiónem déntibus eórum.

Anima nostra sicut passer erépta est \* de láqueo venántium:

Láqueus contrítus est, \* et nos liberáti sumus.

Adjutórium nostrum in nómine Dñi, \* qui fecit cælum et terram.

Glória Patri.

## Psalmus 124.

**Q**ui confidunt in Dómino, sicut mons Sion: \* non commovébitur in ætérnum, qui hábitat in Jerúsalem.

Montes in circúitu ejus: \* et Dóminus in circúitu pópuli sui, ex hoc nunc et usque in sæculum.

Quia non relínquet Dóminus virgam peccatórum super sortem justórum: \* ut non exténdant justi ad iniquitátem manus suas.

Bénéfac Dómine bonis, \* et rectis corde.

Declinántes autem in obligatiónes addúcet Dóminus cum operántibus iniquitátem: \* pax super Israël.

Glória Patri.

Ant. In odórem unguentórum tuórum cúrrimus: adolescéntulæ dilexérunt te nimis.

## Capitulum.

## Eccli. 24. b.

**E**t radicávi in pópulo honorificáto, et in parte Dei mei hæréditas illius, et in plenitúdine sanctórum deténtio mea.

R. Deo grátias.

V. Benedícta tu in muliéribus.

R. Et benedíctus fructus ventris tui.

Kýrie eléison. Christe eléison.

Kýrie eléison.

V. Dóminus vobíscum. R. Et cum spíritu tuo.

## Oratio.

**C**oncède miséricors Deus, fragilitáti nostræ præsidium: ut qui sanctæ Dei Genitrícis memóriam ágimus, intercessiόνis ejus auxílio, a nostris iniquitátibus resurgámus. Per eúmdem Dóminum.

## Ad Nonam.

Ave María.

V. Deus in adjutórium.

Hymnus. Meménto. [154]

Ant. Pulchra es.

## Psalmus 125.

**I**n converténdo Dóminus captivitátem Sion: \* facti sumus sicut consoláti:

Tunc replétum est gaúdio os nostrum: \* et lingua nostra exsultatióne.

Tunc dicent inter Gentes: \* Magnificávit Dóminus fácere cum eis.

Magnificávit Dóminus fácere nobíscum: \* facti sumus lætántes.

Convérte Dómine captivitátem nostram, \* sicut torrens in Austro.

Qui sémant in lácrimis, \* in exsultatióne metent.

Eúntes ibant et flebant, \* mitténtes sémina sua.

Veniéntes autem vénient cum

exultatióne, \* portántes manípulos suos.

Glória Patri.

Psalmus 126.

**N**isi Dóminus ædificáverit domum, \* in vanum laboráverunt qui ædificant eam.

Nisi Dñs custodierit civitátem, \* frustra vígilat qui custódit eam.

Vanum est vobis ante lucem súrgere: \* súrgite postquam sedéritis, qui manducátis panem dólóris.

Cum déderit diléctis suis somnum: \* ecce hæréditas Dómini filii: merces, fructus ventris.

Sicut sagittæ in manu poténtis: \* ita filii excussórum.

Beátus vir qui implévit desidérium suum ex ipsis: \* non confundétur cum loquétur inimícis suis in porta.

Glória Patri.

Psalmus 127.

**B**eáti omnes, qui timent Dñm, \* qui ámbulant in viis ejus.

Labóres mánuum tuárum quia manducábis: \* beátus es, et bene tibi erit.

Uxor tua sicut vitis abúndans, \* in latéribus domus tuæ.

Filii tui sicut novellæ olivárum, \* in circúitu mensæ tuæ.

Ecce sic benedicétur homo, \* qui timet Dóminum.

Benedícat tibi Dóminus ex Sion: \* et vídeas bona Jerúsalem ómnibus diébus vitæ tuæ.

Et vídeas filios filiórum tuórum, \* pacem super Israël.

Glória Patri.

Ant. Pulchra es, et decóra, filia Jerúsalem: terríbilis ut castrórum ácies ordináta.

Capitulum.

Eccli. 24. b.

**I**n platéis sicut cinnamómum et bálsamum aromatizans odórem dedi: quasi myrrha elécta dedi suavitátem odóris.

R. Deo grátias.

V. Post partum Virgo invioláta permansísti. R. Dei Génitrix intercède pro nobis.

Kýrie eléison. Christe eléison. Kýrie eléison.

V. Dóminus vobíscum. R. Et cum spíritu tuo.

Oratio.

**F**amulórum tuórum, quæsumus Dómine, delíctis ignósce: ut qui tibi placére de áctibus nostris non valémus, Genitrícis Filii tui Dómini nostri intercessióne salvémur: Qui tecum vivit et regnat.

## Officium B. Mariæ Virg. in Adventu.

### Ad Vesperas.

Ant. et Cap. de Laud. [158]; Ps. et Hymn. ut in Festis B. M. V. [133]

V. Diffúsa est grátia in lábiis tuis. R. Proptérea benedíxit te Deus in ætérnum.

Ad Magnif. Ant. Spíritus sanctus \* in te descéndet María: ne timeas, habébis in útero Fílium Dei, allelúja.

Kýrie eléison. Christe eléison. Kýrie eléison.

V. Dóminus vobíscum. R. Et cum spíritu tuo.

Oratio.

**D**eus, qui de beátæ Mariæ Virginis útero Verbum tuum, Angelo nuntiánte, carnem suscípere voluísti: præsta supplicibus tuis; ut qui vere eam Genitrícem Dei

crédimus, ejus apud te intercessionibus adjuvémur. Per eúmdem Christum Dóminum nostrum.

R. Amen.

Hæc Oratio dicitur ad omnes Horas, sed cum conclusione integra, scilicet: Per eúmdem Dóminum nostrum Jesum Christum Fílium tuum: Qui tecum vivit et regnat etc.

Pro Sanctis ad Vesperas et Laudes tantum:

Ant. Ecce Dóminus véniet, et omnes sancti ejus cum eo: et erit in die illa lux magna, allelúja.

V. Ecce apparébit Dóminus super nubem cándidam. R. Et cum eo Sanctórum millia.

Oratio.

Consciéntias nostras, quæsumus Dómine, visitádo purífica: ut véniens Jesus Christus Fílius tuus Dóminus noster cum ómnibus Sanctis, parátam sibi in nobis invéniat mansiónem: Qui tecum vivit.

Ad Completorium.

Psalmi et Hymnus ut supra extra Adventum. [149]

Capitulum.

Is. 7. c.

Ecce virgo concípíet et páriet fílium, et vocábitur nomen ejus Emmánuel. Butýrum et mel cómedet, ut sciat reprobáre malum, et elígere bonum.

V. Angelus Dómini nuntiávit Mariæ. R. Et concépit de Spíritu sancto.

Ad Nunc dimittis, Ant. Spíritus sanctus \* in te descéndet Mariá: ne tíneas, habébis in útero Fílium Dei, allelúja.

Kýrie eléison. Christe eléison. Kýrie eléison.

V. Dóminus vobíscum. R. Et cum spíritu tuo.

Oratio. Deus, qui de beátæ Mariæ. ut supra. [156]

Ad Matutinum.

Invit., Hymn., Ant., Ps. et V., usque ad Lectiones, dicuntur sicut extra Adventum, præter tertiam Antiphonam III. Noct., Post partum, cujus loco dicitur Ant. Angelus Dómini. [142]

Absol. Précibus. V. Jube domne. Bened. Nos cum prole. [150]

Lectio i.

Luc. 1. c.

Missus est Angelus Gábriel a Deo in civitátem Galilææ, cui nomen Názareth, ad Vírginem desponsátam viro, cui nomen erat Joseph, de domo David, et nomen Vírginis Mariá. Et ingrèssus Angelus ad eam dixit: Ave grátia plena: Dóminus tecum: benedícta tu in muliéribus. Tu autem Dñe.

R. Missus est Gábriel Angelus ad Mariám Vírginem desponsátam Joseph, núntians ei verbum: et expavéscit Virgo de lúmine. Ne tíneas Mariá: invenísti grátiam apud Dóminum: \* Ecce concípies et páries, et vocábitur Altíssimi Fílius. V. Dabit ei Dóminus Deus sedem David patris ejus, et regnábit in domo Jacob in ætérnum. Ecce.

V. Jube domne. Bened. Ipsa Virgo vírginum.

Lectio ii.

Quæ cum audísset, turbáta est in sermóne ejus, et cogitábat qualis esset ista salutátio. Et ait Angelus ei: Ne tíneas Mariá: invenísti enim grátiam apud Deum: ecce concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur: et dabit illi Dóminus Deus sedem David patris ejus: et regnábit in domo Jacob in

æternum, et regni ejus non erit finis. Tu autem Dómine.

R. Ave María, grátia plena: Dóminus tecum: \* Spíritus sanctus supervéniet in te, et virtus Altíssimi obumbrábit tibi: quod enim ex te nascétur Sanctum, vocábitur Fílius Dei. V. Quómodo fiet istud, quóniam virum non cognósco? Et respóndens Angelus dixit ei. Spíritus.

V. Jubé domne. Bened. Per Vírginem.

### Lectio iii.

**D**ixit autem María ad Angelum: Quómodo fiet istud, quóniam virum non cognósco? Et respóndens Angelus dixit ei: Spíritus sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit fílium in senectúte sua: et hic mensis sextus est illi, quæ vocátur stérilis: quia non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum. Tu autem Dómine.

R. Súscipe verbum Virgo María, quod tibi a Dómino per Angelum transmissum est: concípies et páries Deum páriter et hóminem: \* Ut benedícta dicáris inter omnes mulieres. V. Páries quidem fílium, et virginitátis non patiéris detriméntum: efficiéris grávida, et eris mater semper intácta. Ut. Glória Patri. Ut.

### Ad Laudes

et per Horas.

Ant. 1. Missus est \* Gábel Angelus ad Mariám Vírginem desponsátam Joseph.

Ps. Dóminus regnávít. 15.

2. Ave María, \* grátia plena, Dóminus tecum: benedícta tu in mulieribus, allelúja.

3. Ne tímeas María: \* invenísti grátiam apud Dóminum: ecce concípies et páries fílium, allelúja.

4. Dabit ei Dñs \* sedem David patris ejus, et regnábit in ætérnum.

5. Ecce ancílla Dómini, \* fiat mihi secúndum verbum tuum.

Capitulum.

Is. 11.

**E**grediétur virga de radíce Jesse, et flos de radíce ejus ascéndet. Et requiescet super eum Spíritus Dómini. R. Deo grátias.

Hymnus. O gloriósa. [151]

V. Benedícta tu in mulieribus.

R. Et benedíctus fructus ventris tui.

Ad Bened. Ant. Spíritus sanctus, cum Oratione et reliquis ut supra ad Vesperas. [156]

Ad Horas, Hymni et Psalmi dicuntur sicut extra Adventum. [152]

### Ad Primam.

Ant. Missus est.

Capitulum.

Is. 7. c.

**E**cce virgo concípíet et páriet fílium, et vocábitur nomen ejus Emmánuel. Butýrum et mel comédet, ut sciat reprobáre malum, et eligere bonum.

V. Dignáre me laudáre te, Virgo sacráta. R. Da mihi virtútem contra hostes tuos.

Kýrie eléison. et Oratio-ut supra. [156]

### Ad Tertiam.

Ant. Ave María.

Cap. Egrédiétur virga. ut supra.

V. Diffúsa est grátia in lábiis tuis. R. Proptérea benedíxit te Deus in ætérnum.

Kýrie eléison. et Oratio. [156]



**Ad Sextam.**

Ant. Ne timeas Mariâ.

Capitulum. Luc. 1. d.

**D**abit illi Dóminus Deus sedem David patris ejus, et regnabit in domo Jacob in ætérnum, et regni ejus non erit finis.

Ÿ. Benedícta tu in muliéribus.

R̃. Et benedíctus fructus ventris tui.

Kýrie eléison. et Oratio. [156]

**Ad Nonam.**

Ant. Ecce ancílla Dómini.

Capit. Ecce virgo. ut supra ad Primam. [158]

Ÿ. Angelus Dómini nuntiávit Mariæ. R̃. Et concépit de Spíritu sancto.

Kýrie eléison. et Oratio. [156]

**Post Nativitatem**

usque ad Purificat. inclusive.

Officium B. Mariæ dicitur ut extra Advent., exceptis his quæ sequuntur.

**Ad Vesperas.**

Ant. de Laudibus, ut infra.

Ps. ut in Festis B. M. V. [133]

Ad Magnificat et ad Nunc dimittis. Ant. Magnum hæreditátis mystérium: \* templum Dei factus est úterus nesciéntis virum: non est pollútus ex ea carnem assúmens: omnes gentes vénient, dicéntes: Glória tibi Dómine.

**Ad Laudes**

et per Horas.

Ant. 1. O admirábile commercium! \* Creátor géneris humáni, animátum corpus sumens, de Vírgine nasci dignátus est: et procédens homo sine sémine, largítus est nobis suam Deitátem.

Ps. Dóminus regnávít. 15.

2. Quando natus es \* ineffabíliter ex Vírgine, tunc implétæ sunt Scriptúræ: sicut plúvia in vellus descendísti, ut salvum fáceres genus humánum: te laudámus Deus noster.

3. Rubum quem víderat \* Móyses incombústum, conservátam agnóvimus tuam laudábilem virginitátem: Dei Génitrix intercède pro nobis.

4. Germinávit radix Jesse, \* orta est stella ex Jacob: Virgo péperit Salvatórem: te laudámus, Deus noster.

5. Ecce Mariá genuit \* nobis Salvatórem, quem Joánnes videns exclamávit, dicens: Ecce Agnus Dei, ecce qui tollit peccáta mundi, al-lelúja.

Ad Bened. Ant. Mirábile mystérium \* declarátur hódie: innovántur natúræ, Deus homo factus est: id quod fuit permánsit, et quod non erat assúmpsit: non comixtió-nem passus, neque divisió-nem.

Kýrie eléison. Christe eléison. Kýrie eléison.

Ÿ. Dóminus vobíscum. R̃. Et cum spíritu tuo.

Oratio.

**D**eus, qui salútis ætérnæ, beátæ Mariæ virginitáte fœcúnda, humáno géneri præmia præstitisti: trí-bue quæsumus; ut ipsam pro nobis intercédere sentiámus, per quam merúimus auctórem vitæ suscípere, Dñm nostrum Jesum Christum Fílium tuúm. R̃. Amen.

Et dicitur ad omnes Horas, et in eis additur: Qui tecum vivit, etc.

Deindé pro Sanctis et reliquum Officium ut supra extra Adventum.



## OFFICIUM DEFUNCTORUM.

Dicitur extra tempus Paschale prima cujusque mensis die, non impedita Festo ix Lect., alioquin alia sequenti die similiter non impedita. In Adventu autem et Quadrag., Feria II. cujuslibet Hebdom. similiter non impedita, præterquam in majori Hebdom. In Choro dicitur post Officium diei, id est, Vesperæ post Vesperas, et Matutinum post Laudes diei, nisi alia sit consuetudo ecclesiarum: extra Chorum vero pro opportunitate temporis.

### Ad Vesperas.

Absolute incipitur ab

Ant. Placébo Dómino \* in regione vivórum.

**D** Psalmus 114.  
iléxi, quóniam exáudiet  
Dóminus \* vocem ora-  
tiónis meæ.

Quia inclinávit aurem  
suam mihi: \* et in diébus meis in-  
vocábo.

Circumdedérunt me dolóres  
mortis: \* et perícula inférni inve-  
nérunt me.

Tribulatióem et dolórem in-  
véni: \* et nomen Dómini invocávi.

O Dómine líbera ánimam meam:  
\* miséricors Dóminus, et justus,  
et Deus noster miserétur.

Custódiens párvulos Dóminus: \*  
humiliátus sum, et liberávit me.

Convértere ánima mea in ré-  
quiem tuam: \* quia Dóminus be-  
nefécit tibi.

Quia erípuit ánimam meam de  
morte: \* óculos meos a lácrimis,  
pedes meos a lapsu.

Placébo Dómino \* in regione  
vivórum.

In fine omnium Psalmorum dicitur:  
Réquiem ætérnam \* dona eis  
Dómine.

Et lux perpétua \* lúceat eis.

Ant. Placébo Dómino in regióne vivórum.

Ant. Hei mihi Dómine, \* quia incolátus meus prolongátus est.

Psalmus 119.

**A**d Dóminum cum tribulárer clamávi: \* et exaudivit me.

Dómine libera ánimam meam a lábiis iníquis, \* et a lingua dolósa.

Quid detur tibi, aut quid apponátur tibi \* ad linguam dolósam?

Sagittæ poténtis acútæ, \* cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: \* multum íncola fuit ánima mea.

Cum his, qui odérunt pacem, eram pacíficus: \* cum loquébar illis, impugnábant me gratis.

Réquiem ætérnam.

Ant. Hei mihi Dómine, quia incolátus meus prolongátus est.

Ant. Dóminus custódit te \* ab omni malo: custódiat ánimam tuam Dóminus.

Psalmus 120.

**L**evávi óculos meos in montes, \* unde véniet auxiliúm mihi.

Auxiliúm meum a Dómino, \* qui fecit cœlum et terram.

Non det in commotióne pedem tuum: \* neque dormítet qui custódit te.

Ecce non dormitábit neque dormiet, \* qui custódit Israël.

Dóminus custódit te, Dóminus protéctio tua, \* super manum dexteram tuam.

Per diem sol non uret te: \* neque luna per noctem.

Dóminus custódit te ab omni malo: \* custódiat ánimam tuam Dóminus.

Dóminus custódiat intróitum tuum, et éxitum tuum: \* ex hoc nunc, et usque in sæculum.

Réquiem ætérnam.

Ant. Dóminus custódit te ab omni malo: custódiat ánimam tuam Dóminus.

Ant. Si iniquitátes \* observáveris Dómine: Dómine quis sustinébit?

Psalmus 129.

**D**e profúndis clamávi ad te Dómine: \* Dómine exaúdi vocem meam:

Fiant aures tuæ intendéntes, \* in vocem deprecationis meæ.

Si iniquitátes observáveris Dómine: \* Dómine quis sustinébit?

Quia apud te propitiátio est: \* et propter legem tuam sustínui te Dómine.

Sustínuit ánima mea in verbo ejus: \* sperávit ánima mea in Dómino.

A custódia matutína usque ad noctem: \* speret Israël in Dómino.

Quia apud Dóminum misericórdia: \* et copiósa apud eum redemptio.

Et ipse rédimet Israël, \* ex ómnibus iniquitátibus ejus.

Réquiem ætérnam.

Ant. Si iniquitátes observáveris Dómine: Dómine quis sustinébit?

Ant. Opera \* mánuum tuárum Dómine ne despicias.

Psalmus 137.

**C**onfitébor tibi Dómine in toto corde meo: \* quóniam audísti verba oris mei.

In conspéctu Angelórum psallam tibi: \* adorábo ad templum sanctum tuum, et confitébor nómini tuo.

Super misericórdia tua, et veritate tua: \* quóniam magnificásti super omne, nomen sanctum tuum.

In quacúmque die invocávero te, exaúdi me: \* multiplicábis in ánima mea virtútem.

Confiteántur tibi Dómine omnes reges terræ: \* quia audiérunt ómnia verba oris tui:

Et cantent in viis Dómini: \* quóniam magna est glória Dómini.

Quóniam excélsus Dóminus, et humilia réspicit: \* et alta a longe cognóscit.

Si ambulávero in médio tribulatiónis, vivificábis me: \* et super iram inimicórum meórum extendísti manum tuam, et salvum me fecit dextera tua.

Dóminus retríbuet pro me: \* Dómine misericórdia tua in sæculum: ópera mánuum tuárum ne despicias.

Réquiem ætérnam.

Ant. Opera mánuum tuárum Dómine ne despicias.

℣. Audívi vocem de cœlo dicentem mihi. R. Beáti mórtui qui in Dómino moriúntur.

Ad Magnif. Ant. Omne \* quod dat mihi Pater, ad me véniet: et eum qui venit ad me, non ejíciam foras.

Preces infrascriptæ dicuntur flexis genibus: similiter et ad Laudes.

Pater noster. secreto.

℣. Et ne nos indúcas in tentatió-nem. R. Sed libera nos a malo.

Sequens Ps. Lauda ánima mea, in Vesp., similiter et Ps. De profúndis, in fine Laudum, non dicuntur in die Commem. omnium Fidelium Defunctorum, neque in die obitus seu depositionis Defuncti. Alias semper dicuntur.

### Psalmus 145.

**L**auda ánima mea Dóminum, laudábo Dóminum in vita mea: \* psallam Deo meo quámdui fúero.

Nolíte confidere in princípibus: \* in filiis hóminum, in quibus non est salus.

Exíbit spíritus ejus, et revertétur in terram suam: \* in illa die peribunt omnes cogitatiónes eórum.

Beátus, cujus Deus Jacob adjutor ejus, spes ejus in Dómino Deo ipsíus: \* qui fecit cœlum et terram, mare, et ómnia, quæ in eis sunt.

Qui custódit veritátem in sæculum, facit judícium injúriam patiéntibus: \* dat escam esuriéntibus.

Dóminus solvit compeditos: \* Dóminus illúminat cæcos.

Dóminus érigit elisos, \* Dóminus diligit justos.

Dóminus custódit advenas, pupillum et víduam suscípiet: \* et vias peccatórum dispérdet.

Regnabit Dóminus in sæcula Deus tuus Sion, \* in generatió-nem et generatió-nem.

In fine Psalmi: Réquiem ætérnam \* dona eis Dómine.

Et lux perpétua \* luceat eis.

Deinde ℣. A porta inferi. R. Erue Dómine ánimas eórum.

℣. Requiéscant in pace. R. Amen.

℣. Dñe exaúdi oratió-nem meam.

R. Et clamor meus ad te véniat.

℣. Dóminus vobíscum. R. Et cum spíritu tuo.

### Oratio.

**D**eus, qui inter apostólicos sacerdótes, fámulos tuos pontificali seu sacerdotáli fecísti dignitáte vigére: præsta quæsumus; ut eórum quoque perpétuo aggregéntur consórtio.

**D**eus, vénia largitor et humanæ salutis amator: quæsumus cleméntiam tuam; ut nostræ congregationis fratres, propínquos et benefactóres, qui ex hoc sæculo transiérunt, beáta María semper Virgine intercedente cum ómnibus Sanctis tuis, ad perpétuæ beatitudinis consórtium pervenire concedas.

**F**idélium Deus ómnium cónditor et redemptor, animábus famulórum famularúmque tuárum remissionem cunctórum tribue peccatórum: ut indulgéntiam quam semper optavérunt, piis supplicationibus consequántur: Qui vivis et regnas in sæcula sæculórum.

R. Amen.

In die vero Coëmorationis omnium Fidelium Defunctorum, quando dicitur hæc ultima tantum Oratio, dicitur: Qui vivis et regnas cum Deo Patre in unitate Spíritus sancti Deus, per ómnia sæcula sæculórum. R. Amen.

In die depositionis Defuncti.

Oratio.

**A**bsolve, quæsumus Dómine, ánimam famuli tui N., ut defunctus sæculo tibi vivat: et quæ per fragilitatem carnis humana conversatione commisit, tu vénia misericordíssimæ pietátis abstérge. Per Dóminum.

Si fuerit femina, dicatur ánimam famulæ tuæ N., ut defuncta.

In Anniversario die. Oratio.

**D**eus indulgentiarum Dómine: da animábus famulórum famularúmque tuárum, quorum anniversarium depositionis diem commemorámus, refrigerii sedem, qui-

étis beatitudinem, et lúminis claritatem. Per Dóminum.

Si pro uno tantum fit Anniversarium, dicatur in singulari numero.

Pro uno Episcopo defuncto.

Oratio.

**D**eus, qui inter apostólicos sacerdótes famulum tuum N. pontificáli fecisti dignitate vigere: præsta, quæsumus; ut eórum quoque perpétuo aggregétur consórtio. Per Dóminum.

Si fuerit Sacerdos, dicatur sacerdotali fecisti, etc.

Pro fratribus vero et familiaribus, vel benefactoribus, dicitur Oratio. Deus, vénia largitor. ut supra.

Pro patre et matre. Oratio.

**D**eus, qui nos patrem et matrem honorare præcepisti: miserere cleménte animábus patris et matris meæ, eorúmque peccáta dimitte; meque eos in æternæ claritátis gaudio fac vidére. Per Dóminum.

Si fit pro pluribus dicatur animábus paréntum nostrórum, et ubi dicitur meque, dicatur nosque.

Si pro patre tantum, dicatur ánimæ patris mei, vel nostri.

Si pro matre tantum, dicatur ánimæ matris meæ, vel nostræ.

Pro uno Defuncto. Oratio.

**I**nclína Dómine aurem tuam ad preces nostras, quibus misericórdiam tuam supplices deprecámur: ut ánimam famuli tui, quam de hoc sæculo migráre jussisti, in pacis ac lucis regione constitúas, et sanctórum tuórum júbeas esse consórtem. Per Dóminum.

Pro una Defuncta. Oratio.

**Q**uæsumus Dómine pro tua pietate miserere ánimæ famulæ tuæ: et a contágiis mortalitátis

exútam, in ætérnæ salvatiónis partem restítue. Per Dóminum.

Y. Réquiem ætérnam dona eis Dómine. R. Et lux perpétua lúceat eis.

Y. Requiéscant in pace. R. Amen.

### Ad Matutinum.

Invit. Regem, cui ómnia vivunt, \* Venite adorémus.

Repetitur. Regem, cui ómnia vivunt, veníte adorémus.

Ps. Venite, exsultémus. 2.

Et in fine: Réquiem ætérnam dona eis Dómine: et lux perpétua lúceat eis.

Hoc Invitatorium dicitur tantum in die Commemorationis omnium Fidelium Defunctorum, et in die depositionis Defuncti: quibus diebus dicuntur tres infrascripti Nocturni, et Ant. duplicantur. Aliis temporibus dicitur tantum unum Nocturnum cum Laudibus, hoc ordine: Feria II. et V. I. Nocturnum; Feria III. et VI., II. Nocturnum; Feria IV. et Sabbato, III. Noct.

#### In I. Nocturno.

Pro Feria II. et V.

Ant. Dírige \* Dómine Deus meus in conspéctu tuo viam meam.

Psalmus 5.

**V**erba mea aúribus pércipe Dómine, \* intéllege clamórem meum.

Inténde voci oratiónis meæ, \* Rex meus et Deus meus.

Quóniam ad te orábo: \* Dómine mane exaúdiēs vocem meam.

Mane astábo tibi et vidébo: \* quóniam non Deus volens iniquitátem tu es.

Neque habitábit juxta te malignus: \* neque permanébunt injústi ante óculos tuos.

Odísti omnes, qui operántur ini-

quitátem: \* perdes omnes, qui loquúntur mendácium.

Virum sánguinum et dolósum abominábitur Dóminus: \* ego autem in multitúde misericórdiæ tuæ.

Introíbo in domum tuam: \* adorábo ad templum sanctum tuum in timóre tuo.

Dómine deduc me in justítia tua: \* propter inimícos meos dírige in conspéctu tuo viam meam.

Quóniam non est in ore eórum véritas: \* cor eórum vanum est.

Sepúlchrum patens est guttur eórum, linguis suis dolóse agébant, \* júdica illos Deus.

Décidant a cogitatióibus suis, secúndum multitúdinem impietátum eórum expélle eos, \* quóniam irritavérunt te Dómine.

Et læténtur omnes, qui sperant in te, \* in ætérnum exsultábunt: et habitábis in eis.

Et gloriabúntur in te omnes, qui díligunt nomen tuum, \* quóniam tu benedíces justo.

Dómine, ut scuto bonæ voluntátis tuæ \* coronásti nos.

Réquiem ætérnam.

Ant. Dírige Dómine Deus meus in conspéctu tuo viam meam.

Ant. Convértere \* Dómine, et éripe ánimam meam: quóniam non est in morte, qui memor sit tui.

Psalmus 6.

**D**ómine, ne in furóre tuo árguas me, \* neque in ira tua corrípias me.

Miserére mei Dómine quóniam infirmus sum: \* sana me Dómine quóniam conturbáta sunt ossa mea.

Et ánima mea turbáta est valde: \* sed tu Dómine úsquequo?



Convértere Dómine, et éripe ánimam meam: \* saluum me fac propter misericórdiam tuam,

Quóniam non est in morte qui memor sit tui: \* in inférno autem quis confitébitur tibi?

Laborávi in gémitu meo, lavábo per singulas noctes lectum meum: \* lácrimis meis stratum meum rigábo.

Turbátus est a furóre óculus meus: \* inveterávi inter omnes inimícos meos.

Discédite a me omnes, qui operámini iniquitátem: \* quóniam exaudívit Dóminus vocem fletus mei.

Exaudívit Dóminus deprecatió-nem meam, \* Dóminus oratió-nem meam suscepit.

Erubéscant, et conturbéntur vehementer omnes inimíci mei: \* convertántur et erubéscant valde velóciter.

Réquiem ætérnam.

Ant. Convértere Dómine, et éripe ánimam meam: quóniam non est in morte, qui memor sit tui.

Ant. Nequándo rápiat \* ut leo ánimam meam, dum non est qui rédimat, neque qui saluum fáciat.

Psalmus 7.

**D**ómine Deus meus in te sperávi: \* saluum me fac ex ómnibus persequéntibus me, et libera me.

Nequándo rápiat ut leo ánimam meam, \* dum non est qui rédimat, neque qui saluum fáciat.

Dómine Deus meus, si feci istud, \* si est iníquitas in mánibus meis:

Si réddidi retribuéntibus mihi mala, \* decídám mérito ab inimícis meis inánis.

Persequátur inimícus ánimam meam, et comprehéndat, et concúl-

cet in terra vitam meam, \* et glóriam meam in púlverem dedúcat.

Exsúrge Dómine in ira tua: \* et exaltáre in finibus inimicórum meórum.

Et exsúrge Dñe Deus meus in præcépto quod mandásti: \* et synagóga populórum circúmdabit te.

Et propter hanc in altum regrédere: \* Dóminus júdicat pópulos.

Júdice me Dómine secúndum justítiam meam, \* et secúndum innocéntiam meam super me.

Consumétur nequítia peccatórum, et diriges justum, \* scrutans corda et renes Deus.

Iustum adjutórium meum a Dño, \* qui salvos facit rectos corde.

Deus iudex justus, fortis, et pátiens: \* numquid iráscitur per singulos dies?

Nisi convérsi fuéritis, gládium suum vibrábit: \* arcum suum tendit, et parávit illum.

Et in eo parávit vasa mortis, \* sagíttas suas ardéntibus effécit.

Ecce partúriit injustítiam: \* concépit dolórem, et péperit iniquitátem.

Lacum apéruit, et effódit eum: \* et incidit in foveam, quam fecit.

Convertétur dolor ejus in caput ejus: \* et in vérticem ipsíus iníquitas ejus descéndet.

Confitébor Dómino secúndum justítiam ejus: \* et psallam nómini Dómini altíssimi.

Réquiem ætérnam.

Ant. Nequándo rápiat ut leo ánimam meam, dum non est qui rédimat, neque qui saluum fáciat.

V. A porta inferi. R. Erue Dómine ánimas eórum.

Pater noster. totum secreto.

Lectiones leguntur sine Absolutione, Benedictionibus et Titulo.

Lectio i. Job 7. d.

**P**arce mihi Dómine; nihil enim sunt dies mei. Quid est homo, quia magnificas eum? aut quid appónis erga eum cor tuum? Vísitas eum dilúculo, et súbito probas illum. Usquequo non parcis mihi, nec dimíttis me, ut glútiám salívam meam? Peccávi, quid fáciám tibi o custos hóminum? quare posuísti me contrárium tibi, et factus sum mihimetípsi gravis? Cur non tollis peccátum meum, et quare non aufers iniquitátem meam? ecce nunc in púlvere dórmiám: et si mane me quæsieris, non subsístam.

Lectiones terminantur sine Tu autem. vel alia conclusione.

R. Credo quod Redemptor meus vivit, et in novíssimo die de terra surrectúrus sum: \* Et in carne mea vidébo Deum Salvatórem meum. V. Quem visúrus sum ego ipse, et non álius: et óculi mei conspectúri sunt. Et.

Lectio ii. Job 10.

**T**ædet ánimam meam vitæ meæ, dimíttam advérsus me elóquium meum, loquar in amaritúdine ánimæ meæ. Dicam Deo: Noli me condemnáre: índica mihi cur me ita júdices. Numquid bonum tibi vidétur, si calumniéris me, et ópprimas me opus mánuum tuárum, et consílium impiórum ádjuves? Numquid óculi cárnei tibi sunt: aut sicut videt homo, et tu vidébis? Numquid sicut dies hóminis dies tui, et anni tui sicut húmana sunt témpora, ut quæras iniquitátem meam, et peccátum

meum scrutéris? Et scias quia nihil ímpium fécerim, cum sit nemo qui de manu tua possit erúere.

R. Qui Lázarus resuscitásti a monuménto fœtidum: \* Tu eis Dómine dona réquiem, et locum indulgéntiæ. V. Qui ventúrus es judicáre vivos et mórtuos, et sæculum per ignem. Tu eis.

Lectio iii. Job 10. b.

**M**anus tuæ fecérunt me, et plasmavérunt me totum in circúitu: et sic repénite præcípitas me? Meménto quæso quod sicut lutum féceris me, et in púlverem redúces me. Nonne sicut lac mulsísti me, et sicut cáseum me coagulásti? Pelle et cárnibus vestísti me: óssibus et nervis compegísti me: Vitam et misericórdiam tribuísti mihi, et visitátio tua custodívit spíritum meum.

R. Dómine, quando véneris judicáre terram, ubi me abscondam a vultu iræ tuæ? \* Quia peccávi nimis in vita mea. V. Commíssa mea pavésco, et ante te erubésco: dum véneris judicáre, noli me condemnáre. Quia. V. Réquiem ætérnam dona eis Dómine: et lux perpétua lúceat eis. Quia.

Postea ad Laudes, ut infra [172] quando dicitur unum tantum Nocturnum.

In II. Nocturno.

Pro Feria III. et VI.

Ant. In loco pásuæ \* ibi me collocávit.

Psalmus 22.

**D**óminus regit me, et nihil mihi déerit: \* in loco pásuæ ibi me collocávit.

Super aquam refectiónis educávit me: \* ánimam meam convértit.

Dedúxit me super sémitas justí-  
tiae, \* propter nomen suum.

Nam, et si ambulávero in médio  
umbræ mortis, non timébo mala: \*  
quóniam tu mecum es.

Virga tua, et báculus tuus: \* ipsa  
me consoláta sunt.

Parásti in conspéctu meo men-  
sam, \* advérsus eos, qui tríbulant  
me.

Impinguásti in óleo caput meum:  
\* et calix meus inébrians quam  
præclárus est!

Et misericórdia tua subsequétur  
me \* ómnibus diébus vitæ meæ:

Et ut inhábitem in domo Dómini,  
\* in longitudínem diérum.

Réquiem ætérnam.

Ant. In loco páscuæ ibi me col-  
locávit.

Ant. Delícta \* juventútis meæ,  
et ignorántias meas ne memíneris  
Dómine.

#### Psalmus 24.

**A**d te Dómine levávi ánimam  
meam: \* Deus meus in te con-  
fido, non erubéscam.

Neque irrídeant me inimíci mei:  
\* étenim univérsi, qui sústinent te,  
non confundéntur.

Confundántur omnes iníqua a-  
géntes \* supervácue.

Vias tuas Dómine démonstra  
mihi: \* et sémitas tuas édoce me.

Dírige me in veritáte tua, et do-  
ce me: \* quia tu es Deus salvátor  
meus, et te sustinui tota die.

Reminíscere miseratiónum tuá-  
rum Dómine, \* et misericordiárum  
tuárum, quæ a sæculo sunt.

Delícta juventútis meæ, \* et  
ignorántias meas ne memíneris.

Secúndum misericórdiam tuam

meménto mei tu: \* propter boni-  
tátem tuam Dómine.

Dulcis et rectus Dóminus: \* pro-  
pter hoc legem dabit delinquénti-  
bus in via.

Díriget mansuétos in iudício: \*  
docébit mites vias suas.

Univérsæ viæ Dómini, misericór-  
dia et véritas, \* requiréntibus testa-  
méntum ejus et testimónia ejus.

Propter nomen tuum Dómine  
propitiáberis peccáto meo: \* mul-  
tum est enim.

Quis est homo qui timet Dómi-  
num? \* legem státuit ei in via,  
quam elégit.

Anima ejus in bonis demorábi-  
tur: \* et semen ejus hæreditábit  
terram.

Firmaméntum est Dóminus ti-  
méntibus eum: \* et testaméntum  
ipsíus ut manifestétur illis.

Oculi mei semper ad Dóminum:  
\* quóniam ipse evéllet de láqueo  
pedes meos.

Réspice in me, et miserére mei:  
\* quia únicus et pauper sum ego.

Tribulatiónes cordis mei multi-  
plicátæ sunt: \* de necessitatibus  
meis érue me.

Vide humilitátem meam, et la-  
bórem meum: \* et dimítte univérsa  
delícta mea.

Réspice inimícos meos quóniam  
multiplicáti sunt, \* et ódio iníquo  
odérunt me.

Custódi ánimam meam, et érue  
me: \* non erubéscam, quóniam  
spéravi in te.

Innocéntes et recti adhæsérunt  
mihi: \* quia sustinui te.

Líbera Deus Israël, \* ex ómni-  
bus tribulatióibus suis.

Réquiem ætérnam.

Ant. Delicta juventutis meae, et ignorantias meas ne memineris Dómine.

Ant. Credo vidére \* bona Dómini in terra vivéntium.

Psalmus 26.

**D**óminus illuminatio mea, et salus mea, \* quem timébo?

Dóminus protéctor vitæ meae, \* a quo trepidábo?

Dum appropíant super me nocentes, \* ut edant carnes meas.

Qui tribulant me inimíci mei, \* ipsi infirmáti sunt, et cecidérunt.

Si consistant advérsus me castra, \* non timébit cor meum.

Si exsúrgat advérsus me prælium, \* in hoc ego sperábo.

Unam pétii a Dómino, hanc requíram, \* ut inhábitem in domo Dómini ómnibus diébus vitæ meae:

Ut vídeam voluptátem Dómini, \* et visitem templum ejus.

Quóniam abscondit me in tabernáculo suo: \* in die malórum protéxit me in abscondito tabernáculi sui.

In petra exaltávit me: \* et nunc exaltávit caput meum super inimícos meos.

Circuívi, et immolávi in tabernáculo ejus hóstiam vociferationis: \* cantábo, et psalmum dicam Dómino.

Exaúdi Dómine vocem meam, qua clamávi ad te: \* miserére mei, et exaúdi me.

Tibi dixit cor meum, exquisívit te fácies mea: \* fáciem tuam Dómine requíram.

Ne avértas fáciem tuam a me: \* ne declínes in ira a servo tuo.

Adjútor meus esto: \* ne derelín-

quas me, neque despicias me Deus salutáris meus.

Quóniam pater meus, et mater mea dereliquerunt me: \* Dóminus autem assúmpsit me.

Legem pone mihi Dómine in via tua: \* et dirige me in sémitam rectam propter inimícos meos.

Ne tradíderis me in ánimas tribulántium me: \* quóniam insurrexérunt in me testes iníqui, et mentíta est iníquitas sibi.

Credo vidére bona Dómini \* in terra vivéntium.

Exspécta Dóminum, viríliter age: \* et confortétur cor tuum, et sústine Dóminum.

Réquiem ætérnam.

Ant. Credo vidére bona Dómini in terra vivéntium.

Ÿ. Cóllocet eos Dóminus cum princípibus. R. Cum princípibus pópuli sui.

Pater noster. totum secreto.

Lectiv iv.

Job 13. d.

**R**espónde mihi: Quantas habeo iniquitátes et peccáta, scélera mea et delicta ostende mihi. Cur faciém tuam abscondis, et arbitráris me inimícum tuum? Contra fólium, quod vento rápitur, osténdis poténtiam tuam, et stípulam siccam perséqueris: scribis enim contra me amaritúdines, et consúmere me vis peccátis adolescéntiæ meæ. Posuísti in nervo pedem meum, et observásti omnes sémitas meas, et vestigia pedum meórum considerásti: qui quasi putrédo consuméndus sum, et quasi vestiméntum, quod coméditur a tínea.

R. Meménto mei Deus, quia ventus est vita mea, \* Nec aspiciat me visus hominis. V. De profundis clamávi ad te Dómine: Dómine exáudi vocem meam. Nec.

Lectio v. Job 14.

**H**omo natus de muliere, brevi vivens tempore, replétur multis misériis. Qui quasi flos egréditur et contéritur, et fugit velut umbra, et numquam in eódem statu pérmanet. Et dignum ducis super hujuscémodi aperire óculos tuos, et addúcere eum tecum in iudícium? Quis potest fácere mundum de immúndo concéptum sémine? Nonne tu qui solus es? Breves dies hominis sunt, número mensium ejus apud te est: constituísti téminos ejus, qui præteríri non póterunt. Recéde paúlulum ab eo, ut quiéscat, donec optáta véniat, sicut mercenárii dies ejus.

R. Hei mihi Dómine, quia peccávi nimis in vita mea: Quid fáciam, miser? ubi fúgiam, nisi ad te Deus meus? \* Miserére mei, dum véneris in novíssimo die. V. Anima mea turbáta est valde, sed tu Dómine succúrre ei. Miserére.

Lectio vi. Job 14. c.

**Q**uis mihi hoc tríbuat, ut in inférno prótegas me, et abscóndas me, donec pertránseat furor tuus, et constítuas mihi tempus in quo recordéris mei? Putásne mortuus homo rursum vivat? Cunctis diébus quibus nunc milito, exspecto donec véniat immutátio mea. Vocábis me, et ego respondébo tibi: óperi mánuum tuárum pórriges dexteram. Tu quidem gressus meos dinumerásti, sed parce peccátis meis.

R. Ne recordéris peccáta mea Dómine, \* Dum véneris judicáre sáeculum per ignem. V. Dírige Dómine Deus meus in conspéctu tuo viam meam. Dum. V. Réquiem ætérnam. Dum.

Postea ad Laudes, ut infra [172] quando dicitur unum tantum Nocturnum.

In III. Nocturno.

Pro Feria IV. et Sabbato.

Ant. Compláceat \* tibi Dómine, ut erípias me: Dómine ad adjuvándum me respice.

Psalmus 39.

**E**xspéctans exspectávi Dóminum, \* et inténdit mihi.

Et exaudivit preces meas: \* et edúxit me de lacu misériæ, et de luto fácis.

Et státuit super petram pedes meos: \* et diréxit gressus meos.

Et immísit in os meum cánticum novum, \* carmen Deo nostro.

Vidébunt multi, et timébunt: \* et sperábunt in Dómino.

Beátus vir, cujus est nomen Dómini spes ejus: \* et non respéxit in vanitátes et insánias falsas.

Multa fecísti tu Dómine Deus meus mirabilia tua: \* et cogitatiónibus tuis non est qui símilis sit tibi.

Annuntiávi et locútus sum: \* multiplicáti sunt super número.

Sacrificium et oblatiónem nolúísti: \* aures autem perfecísti mihi.

Holocaústum et pro peccáto non postulásti: \* tunc dixi: Ecce vénio.

In cápite libri scriptum est de me ut fácerem voluntátem tuam: \* Deus meus vólui, et legem tuam in médio cordis mei.

Annuntiávi justítiam tuam in ecclésia magna, \* ecce lábia mea non prohibébo: Dómine tu scisti.

Justítiam tuam non abscóndi in corde meo: \* veritátem tuam et salutáre tuum dixi.

Non abscóndi misericórdiam tuam, et veritátem tuam \* a concílio multo.

Tu autem Dómine ne longe fácias miseratiónes tuas a me: \* misericórdia tua et véritas tua semper suscepérunt me.

Quóniam circumdedérunt me mala, quorum non est númerus: \* comprehendérunt me iniquitátes meæ, et non pótui ut vidérem.

Multiplicátæ sunt super capíllos cápitis mei: \* et cor meum dereliquit me.

Compláceat tibi Dómine ut éruas me: \* Dómine ad adjuvándum me respice.

Confundántur et revereántur simul, qui quærunt ánimam meam, \* ut aúferant eam.

Convertántur retrórsum, et revereántur \* qui volunt mihi mala.

Ferant conféstim confusiónem suam, \* qui dicunt mihi: Euge, euge.

Exsúltent, et læténtur super te omnes quæréntes te: \* et dicant semper: Magnificétur Dóminus: qui díligunt salutáre tuum.

Ego autem mendícus sum et pauper: \* Dóminus sollicitus est mei.

Adjutor meus, et protéctor meus tu es: \* Deus meus ne tardáveris.

Réquiem ætérnam.

Ant. Compláceat tibi Dómine, ut erípias me: Dómine ad adjuvándum me respice.

Ant. Sana Dómine \* ánimam meam, quia peccávi tibi.

Psalmus 40.

**B**eátus qui intélligit super egénium, et paúperem: \* in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra: \* et non tradat eum in ánimam inimicórum ejus.

Dóminus opem ferat illi super lectum dolóris ejus: \* univérsum stratum ejus versásti in infirmitáte ejus.

Ego dixi: Dómine miserére mei: \* sana ánimam meam, quia peccávi tibi.

Inimíci mei dixerunt mala mihi: \* quando moriétur, et períbit nomen ejus?

Et si ingrediebátur ut vidéret, vana loquebátur, \* cor ejus congregávit iniquitátem sibi.

Egrediebátur foras, \* et loquebátur in idípsum.

Advérsum me susurrábant omnes inimíci mei: \* advérsum me cogitábant mala mihi.

Verbum iníquum constituérunt advérsum me: \* Numquid qui dormit non adjíciet ut resúrgat?

Etenim homo pacis meæ, in quo sperávi: \* qui edébat panes meos, magnificávit super me supplantatiónem.

Tu autem Dómine miserére mei, et resúscita me: \* et retríbuam eis.

In hoc cognóvi quóniam voluísti me: \* quóniam non gaudébit inimícus meus super me.

Me autem propter innocéntiam suscepísti: \* et confirmásti me in conspéctu tuo in ætérnum.

Benedictus Dóminus Deus Is-



raël a sæculo, et usque in sæculum: \* fiat, fiat.

Réquiem ætérnam.

Ant. Sana Dómine ánimam meam, quia peccávi tibi.

Ant. Sitívit \* ánima mea ad Deum vivum: quando véniam, et apparebo ante fáciem Dómini?

Psalmus 41.

**Q**uemádmódum desíderat cervus ad fontes aquárum: \* ita desíderat ánima mea ad te Deus.

Sitívit ánima mea ad Deum fortem vivum: \* quando véniam, et apparebo ante fáciem Dei?

Fuéerunt mihi lácrimæ meæ pannes die ac nocte: \* dum dicitur mihi quotidie: Ubi est Deus tuus?

Hæc recordátus sum, et effúdi in me ánimam meam: \* quóniam transíbo in locum tabernáculi admirábilis, usque ad domum Dei.

In voce exsultatiónis, et confesiónis: \* sonus epulántis.

Quare tristis es ánima mea? \* et quare contúrbas me?

Spera in Deo, quóniam adhuc confitébor illi: \* salutáre vultus mei, et Deus meus.

Ad meípsum ánima mea conturbáta est: \* proptérea memor ero tui de terra Jordánis, et Hermóniim a monte mó dico.

Abyssus abyssum ínvocat, \* in voce cataractárum tuárum.

Omnia excélsa tua, et fluctus tui \* super me transiérunt.

In die mandávit Dóminus misericórdiam suam: \* et nocte cánticum ejus.

Apud me orátio Deo vitæ meæ, \* dicam Deo: Suscéptor meus es.

Quare oblítus es mei? \* et quare

contristátus incédo, dum affligit me inimícus?

Dum confringúntur ossa mea, \* exprobravérunt mihi qui tríbulant me inimíci mei.

Dum dicunt mihi per síngulos dies: Ubi est Deus tuus? \* quare tristis es ánima mea, et quare contúrbas me?

Spera in Deo, quóniam adhuc confitébor illi: \* salutáre vultus mei, et Deus meus.

Réquiem ætérnam.

Ant. Sitívit ánima mea ad Deum vivum: quando véniam, et apparebo ante fáciem Dómini?

V. Ne tradas béstiis ánimas confiténtes tibi. R. Et ánimas pauperum tuórum ne obliviscáris in finem.

Pater noster. totum secreto.

Lectio vii.

Job 17.

**S**píritus meus attenuábitur, dies mei breviabúntur, et solum mihi súperest sepúlchrum. Non peccávi, et in amaritudínibus morátur óculus meus. Libera me Dómine, et pone me juxta te, et cuiúsvis manus pugnet contra me. Dies mei transiérunt, cogitatiónes meæ dissipátæ sunt, torquéntes cor meum. Noctem vertérunt in diem, et rursum post ténebras spero lucem. Si sustinúero, inférnus domus mea est, et in ténebris stravi léctulum meum. Putrédini dixi: Pater meus es, mater mea, et soror mea, vérmibus. Ubi est ergo nunc præstolátio mea, et patiéntiam meam quis consíderat?

R. Peccántem me quotidie, et non me pœniténtem, timor mortis contúrbat me: \* Quia in inférno

nulla est redemptio, miserere mei Deus, et salva me. *℣.* Deus in nomine tuo salvum me fac, et in virtute tua libera me. Quia.

Lectio viii. Job 19. c.

**P**elli meæ, consumptis carnibus, adhæsit os meum, et derelicta sunt tantummodo labia circa dentes meos. Miseremini mei, miseremini mei, saltem vos amici mei, quia manus Domini tetigit me. Quare persequimini me sicut Deus, et carnibus meis saturamini? Quis mihi tribuat ut scribantur sermones mei? quis mihi det ut exarantur in libro stylo ferreo, et plumbi lamina, vel celte sculpantur in sílice? Scio enim quod Redemptor meus vivit, et in novissimo die de terra surrecturus sum: et rursum circumdabor pelle mea, et in carne mea videbo Deum meum. Quem visurus sum ego ipse, et oculi mei conspecturi sunt, et non alius: repõsa est hæc spes mea in sinu meo.

*R.* Domine secundum actum meum noli me iudicare: nihil dignum in conspectu tuo egi: ideo deprecor majestatem tuam, \* Ut tu Deus deleas iniquitatem meam. *℣.* Amplius lava me Domine ab injustitia mea, et a delicto meo munda me. Ut.

Lectio ix. Job 10. d.

**Q**uare de vulva eduxisti me? qui utinam consumptus essem ne oculus me videret. Fuissem quasi non essem, de utero translatus ad tumulum. Numquid non paucitas dierum meorum finiatur brevi? mitte ergo me, ut plangam paululum dolorem meum: antequam va-

dam, et non revertar, ad terram tenebrösam et opertam mortis caligine: terram miseriæ et tenebrarum, ubi umbra mortis, et nullus ordo, sed sempiternus horror inhabitat.

*R.* Libera me Domine de viis inferni, qui portas æreas confregisti: et visitasti infernum, et dedisti eis lumen, ut viderent te: \* Qui erant in pœnis tenebrarum. *℣.* Clamantes et dicentes: Advenisti Redemptor noster. Qui. *℣.* Requiem æternam. Qui.

Sequens *R.* dicitur solummodo in die Commem. omnium Defunctorum, et quandocumque pro Defunctis dicuntur ix Lectiones.

*R.* Libera me Domine de morte æterna in die illa tremenda: \* Quando cœli movendi sunt et terra: \* Dum veneris iudicare sæculum per ignem. *℣.* Tremens factus sum ego, et timeo, dum discussio venerit, atque ventura ira. Quando. *℣.* Dies illa, dies iræ, calamitatis et miseriæ, dies magna et amara valde. Dum. *℣.* Requiem æternam. Libera me. usque ad primum *℣.*

### Ad Laudes.

Absolute incipitur.

Ant. Exsultabunt \* Domino ossa humiliata.

Psalmus 50.

**M**iserere mei Deus, \* secundum magnam misericordiam tuam.

Et secundum multitudinem miserationum tuarum, \* dele iniquitatem meam.

Amplius lava me ab iniquitate mea: \* et a peccato meo munda me.

Quoniam iniquitatem meam ego

cognosco: \* et peccatum meum contra me est semper.

Tibi soli peccavi, et malum coram te feci: \* ut justificeris in sermonibus tuis, et vincas cum iudicaris.

Ecce enim in iniquitatibus conceptus sum: \* et in peccatis concepit me mater mea.

Ecce enim veritatem dilexisti: \* incerta et occulta sapientiae tuae manifestasti mihi.

Asperges me hyssopo, et mundabor: \* lavabis me, et super nivem dealbabor.

Auditui meo dabis gaudium et laetitiam: \* et exsultabunt ossa humiliata.

Averte faciem tuam a peccatis meis: \* et omnes iniquitates meas dele.

Cor mundum crea in me Deus: \* et spiritum rectum innova in visceribus meis.

Ne projicias me a facie tua: \* et Spiritum sanctum tuum ne auferas a me.

Redde mihi laetitiam salutaris tui: \* et spiritu principali confirma me.

Docébo iniquos vias tuas: \* et impii ad te convertentur.

Libera me de sanguinibus Deus, Deus salutis meae: \* et exsultabit lingua mea iustitiam tuam.

Dómine, labia mea aperies: \* et os meum annuntiabit laudem tuam.

Quóniam si voluisses sacrificium, dedissem utique: \* holocaustis non delectaberis.

Sacrificium Deo spiritus contribulatus: \* cor contritum, et humiliatum Deus non despicies.

Benigne fac Dómine in bona vo-

luntate tua Sion: \* ut aedificentur muri Jerúsalem.

Tunc acceptabis sacrificium iustitiae, oblationes, et holocausta: \* tunc imponent super altare tuum vitulos.

Réquiem aeternam.

Ant. Exsultabunt Dómino ossa humiliata.

Ant. Exaudi Dómine \* orationem meam: ad te omnis caro veniet.

Psalmus 64.

**T**e decet hymnus Deus in Sion: \* et tibi reddetur votum in Jerúsalem.

Exaudi orationem meam: \* ad te omnis caro veniet.

Verba iniquorum praevaluerunt super nos: \* et impietatibus nostris tu propitiaberis.

Beatus, quem elegisti, et assumpsisti: \* inhabitabit in atriis tuis.

Replebimur in bonis domus tuae: \* sanctum est templum tuum, mirabile in aequitate.

Exaudi nos Deus salutaris noster, \* spes omnium finium terrae, et in mari longe.

Præparans montes in virtute tua, accinctus potentia: \* qui conturbas profundum maris sonum fluctuum ejus.

Turbabuntur Gentes, et timebunt qui habitant terminos a signis tuis: \* exitus matutini, et vespere delectabis.

Visitasti terram, et inebriasti eam: \* multiplicasti locupletare eam.

Flumen Dei repletum est aquis, parasti cibum illorum: \* quóniam ita est præparatio ejus.

Rivos ejus inébria, multiplica genimina ejus: \* in stillicídiis ejus lætábitur gérminans.

Benedíces coronæ anni benignitátis tuæ: \* et campi tui replebúntur ubertáte.

Pinguéscent speciósa desérti: \* et exsultatíone colles accingéntur.

Indúti sunt arietes óvium, et valles abundábunt fruménto: \* clamábunt, étenim hymnum dicent.

Réquiem ætérrnam.

Ant. Exaúdi Dómine oratióem meam: ad te omnis caro véniet.

Ant. Me suscepit \* dextera tua Dómine.

Psalmus 62.

**D**eus Deus meus \* ad te de luce vígilo.

Sitívit in te ánima mea, \* quam multipliciter tibi caro mea.

In terra desérta, et ínvia, et in-aquósa: \* sic in sancto appáruí tibi, ut vidérem virtútem tuam, et glóriam tuam.

Quóniam mélior est misericórdia tua super vitas: \* lábia mea laudábunt te.

Sic benedícam te in vita mea: \* et in nómine tuo levábo manus meas.

Sicut ádipe et pinguédine repleátur ánima mea: \* et lábiis exsultatíonis laudábit os meum.

Si memor fui tui super stratum meum, in matutínis meditábor in te: \* quia fuísti adjutor meus.

Et in velaménto alárum tuárum exsultábo, adhæsit ánima mea post te: \* me suscepit dextera tua.

Ipsi vero in vanum quæsiérunt ánimam meam, introíbunt in inferióra terræ: \* tradéntur in manus gládii, partes vúlpium erunt.

Rex vero lætábitur in Deo, laudabúntur omnes qui jurant in eo: \* quia obstrúctum est os loquéntium iníqua.

Hic non dicitur Réquiem.

Psalmus 66.

**D**eus misereátur nostri, et benedícat nobis: \* illúminet vultum suum super nos, et misereátur nostri.

Ut cognoscámus in terra viam tuam: \* in ómnibus Géntibus salutáre tuum.

Confiteántur tibi pópuli Deus: \* confiteántur tibi pópuli omnes.

Læténtur et exsúltent Gentes: \* quóniam júdicas pópulos in æquitáte, et Gentes in terra dírigis.

Confiteántur tibi pópuli Deus, confiteántur tibi pópuli omnes: \* terra dedit fructum suum.

Benedícat nos Deus, Deus noster, benedícat nos Deus: \* et mé-tuant eum omnes fines terræ.

Réquiem ætérrnam.

Ant. Me suscepit dextera tua Dómine.

Ant. A porta inferi \* érue Dómine ánimam meam.

Canticum Ezechiae.

Isaie 38. b.

**E**go dixi: In dimídio diérum meórum \* vadam ad portas inferi.

Quæsívi resíduum annórum meórum. \* Dixi: Non vidébo Dóminum Deum in terra vivéntium.

Non aspiciam hóminem ultra, \* et habitatórem quiétis.

Generátio mea abláta est, et convolúta est a me, \* quasi tabernáculum pastórum:

Præcísá est velut a texénte, vita mea: dum adhuc ordírer, succídít

me: \* de mane usque ad vésperam finies me.

Sperábam usque ad mane, \* quasi leo sic contrívit ómnia ossa mea:

De mane usque ad vésperam finies me: \* sicut pullus hirúndinis sic clamábo, meditabor ut columba:

Attenuáti sunt óculi mei, \* suspicientes in excélsu:

Dómine vim pátiór, respónde pro me. \* Quid dicam, aut quid respondébit mihi, cum ipse fécerit?

Recogitábo tibi omnes annos meos \* in amaritúdine ánimæ meæ.

Dómine si sic vívitur, et in tali-bus vita spíritus mei, corrípies me, et vivificábis me. \* Ecce in pace amaritúdo mea amaríssima:

Tu autem eruísti ánimam meam ut non períret: \* projecísti post tergum tuum ómnia peccáta mea.

Quia non inférnus confitébitur tibi, neque mors laudábit te: \* non exspectábunt qui descéndunt in lacum, veritátem tuam.

Vivens vivens ipse confitébitur tibi, sicut et ego hódie: \* pater filiis notam fáciét veritátem tuam.

Dómine salvum me fac, \* et psalmos nostros cantábitus cunctis diébus vitæ nostræ in domo Dómini.

Réquiém ætérnam.

Ant. A porta inferi érue Dómine ánimam meam.

Ant. Omnis spíritus \* laudet Dóminum.

Psalmus 148.

**L**audáte Dóminum de cœlis: \* laudáte eum in excélsis.

Laudáte eum omnes Angeli ejus: \* laudáte eum omnes virtútes ejus.

Laudáte eum sol et luna: \* laudáte eum omnes stellæ, et lumen.

Laudáte eum cœli cœlórum: \* et aquæ omnes, quæ super cœlos sunt, laudent nomen Dómini.

Quia ipse dixit, et facta sunt: \* ipse mandávit, et creáta sunt.

Státuit ea in ætérnum, et in sæculum sæculi: \* præcéptum pósuit, et non præteríbit.

Laudáte Dóminum de terra, \* dracones, et omnes abyssi.

Ignis, grando, nix, glácies, spíritus procellárum: \* quæ faciunt verbum ejus:

Montes, et omnes colles: \* ligna fructífera, et omnes cedri.

Béstiae, et univérsa pécora: \* serpentes, et volúcrés pennátæ:

Reges terræ, et omnes pópuli: \* príncipes, et omnes júdices terræ.

Júvenes et vírgines: senes cum junióribus laudent nomen Dómini: \* quia exaltátum est nomen ejus solius.

Conféssio ejus super cœlum, et terram: \* et exaltávit cornu pópuli sui.

Hymnus ómnibus sanctis ejus: \* filiis Israël, pópulo appropinquánti sibi.

Hic non dicitur Réquiém.

Psalmus 149.

**C**antáte Dómino cánticum novum: \* laus ejus in ecclésia sanctórum.

Lætétur Israël in eo, qui fecit eum: \* et filii Sion exsúltent in rege suo.

Laudent nomen ejus in choro: \* in týmpano, et psaltério psallant ei:

Quia beneplácitum est Dómino in pópulo suo: \* et exaltábit mansuétos in salútem.

Exsultábunt sancti in glória: \* lætabúntur in cubilibus suis.

Exaltationes Dei in gutture eorum: \* et gladii ancipites in manibus eorum:

Ad faciendam vindictam in nationibus: \* increpationes in populis.

Ad alligandos reges eorum in compedibus: \* et nobiles eorum in manicis ferreis.

Ut faciant in eis iudicium conscriptum: \* gloria hæc est omnibus sanctis ejus.

Hic non dicitur Réquiem.

Psalmus 150.

**L**audate Dominum in sanctis ejus: \* laudate eum in firmamento virtutis ejus.

Laudate eum in virtutibus ejus: \* laudate eum secundum multitudinem magnitudinis ejus.

Laudate eum in sono tubæ: \* laudate eum in psalterio et cithara.

Laudate eum in tympano, et choro: \* laudate eum in chordis, et organo.

Laudate eum in cymbalis benesonantibus: laudate eum in cymbalis jubilationis: \* omnis spiritus laudet Dominum.

Réquiem æternam.

Ant. Omnis spiritus laudet Dominum.

Ÿ. Audivi vocem de coelo dicentem mihi. R. Beati mortui qui in Domino moriuntur.

Ad Bened. Ant. Ego sum \* resurrectio et vita: qui credit in me, etiam si mortuus fuerit, vivet: et omnis qui vivit et credit in me, non morietur in æternum.

Deinde dicuntur flexis genibus

Pater noster. secreto.

Ÿ. Et ne nos inducas in tentationem. R. Sed libera nos a malo.

Psalmus 129.

**D**e profundis clamavi ad te Domine: \* Domine exaudi vocem meam.

Fiant aures tuæ intendentes, \* in vocem deprecationis meæ.

Si iniquitates observáveris Domine: \* Domine quis sustinebit?

Quia apud te propitiatio est: \* et propter legem tuam sustinui te Domine.

Sustinuit anima mea in verbo ejus: \* speravit anima mea in Dño.

A custodia matutina usque ad noctem: \* speret Israël in Domino.

Quia apud Dominum misericordia: \* et copiosa apud eum redemptio.

Et ipse redimet Israël, \* ex omnibus iniquitatibus ejus.

Réquiem æternam.

Deinde Ÿ. A porta inferi. R. Erue Domine animas eorum.

Ÿ. Requiæcant in pace. R. Amen.

Ÿ. Domine exaudi orationem meam. R. Et clamor meus ad te veniat.

Ÿ. Dominus vobiscum. R. Et cum spiritu tuo.

Oratio.

**D**eus, qui inter apostolicos sacerdotes, famulos tuos pontificali seu sacerdotali fecisti dignitate vigere: præsta, quæsumus; ut eorum quoque perpétuo aggregentur consortio.

**D**eus, vniæ largitor et humanæ salutis amator: quæsumus clementiam tuam; ut nostræ congregationis fratres, propinquos et benefactores, qui ex hoc sæculo transierunt, beata Maria semper Virgine intercedente cum omnibus Sanctis



tuis, ad perpétuæ beatitudinis consórtium pervenire concédas.

**F**idélium Deus ómnium cónditor et redemptor, animábus famulórum famularúmque tuárum remissionem cunctórum tríbe peccatórum: ut indulgéntiam quam semper optavérunt, piis supplicatióibus consequántur: Qui vivis et regnas in sǎcula sǎculórum. *R.* Amen.

In die vero Comem. omnium Fidel. Defunct. quando dic. hæc ult. tant. Oratio dic.: Qui vivis et regnas cum Deo Patre in unitáte Spíritus sancti Deus, per ómnia sǎcula sǎculórum. *R.* Amen.

In die depositionis Defuncti.

Oratio.

**A**bsólve, quæsumus Dómine, ánimam fámuli tui N., ut defúctus sǎculo tibi vivat: et quæ per fragilitátem carnis humana conversatióne commísit, tu vénia misericordiíssimæ pietátis abstérge. Per Dóminum.

Si fuerit femina, dic. ánimam fámulæ tuæ N., ut defúcta.

In Anniversario die.

Oratio.

**D**eus indulgentiárum Dómine: da animábus famulórum famularúmque tuárum, quorum anniversárium depositiόνis diem commemorámus, refrigerií sedem, quietis beatitudinem, et lúminis claritátem. Per Dóminum.

Si pro uno tantum fit Anniversarium, dic. in singulari numero.

Pro uno Episcopo defuncto.

Oratio.

**D**eus, qui inter apostólicos sacerdótes fámulum tuum N. pontificáli fecísti dignitáte vigére:

præsta, quæsumus; ut eórum quoque perpétuo aggregétur consórtio. Per Dóminum.

Si fuerit Sacerdos, dicatur sacerdotáli fecísti, etc.

Pro fratribus vero et familiaribus, vel benefactoribus, dic. Oratio. Deus, vénia largitor. ut supra. [176]

Pro patre et matre.

Oratio.

**D**eus, qui nos patrem et matrem honoráre præcepísti: miserére cleménter animábus patris et matris meæ, eorúmque peccáta dimítte; meque eos in æternæ claritátis gáudio fac vidére. Per Dñm.

Si fit pro pluribus dic. animábus paréntum nostrórum, et ubi dicitur meque, dicatur nosque.

Si pro patre tantum, dicatur ánimæ patris mei, vel nostri.

Si pro matre tantum, dicatur ánimæ matris meæ, vel nostræ.

Pro uno Defuncto.

Oratio.

**I**nclína Dómine aurem tuam ad preces nostras, quibus misericórdiam tuam súpplices deprecámur: ut ánimam fámuli tui, quam de hoc sǎculo migráre jussísti, in pacis ac lucis regióne constitúas, et Sanctórum tuórum júbeas esse consórtem. Per Dóminum.

Pro una Defuncta.

Oratio.

**Q**uæsumus Dómine, pro tua pietáte miserére ánimæ fámulæ tuæ: et a contágiis mortalitátis exútam, in æternæ salvatiónis partem restítue. Per Dóminum.

℣. Réquiem æternam dona eis Dómine. *R.* Et lux perpétua lúceat eis.

℣. Requiéscant in pace. *R.* Amen.

## PSALMI GRADUALES.

Dicuntur in Quadragesima, Feria IV. cujuslibet Hebdomadæ, non impedita aliquo Festo ix Lectionum: in Choro ante Matutinum diei; extra Chorum pro opportunitate temporis.

Primi quinque Psalmi dicuntur sine Glória Patri; sed in fine ultimi dicitur Réquiem ætérnam.

Incipiuntur absolute sine Ant.

## Psalmus 119.

**A**d Dóminum cum tribulárer clamávi: \* et exaudivit me. Dómine libera ánimam meam a lábiis iníquis, \* et a lingua dolósa.

Quid detur tibi, aut quid apponáture tibi \* ad linguam dolósam?

Sagíttæ poténtis acútæ, \* cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: \* multum íncola fuit ánima mea.

Cum his, qui odérunt pacem, eram pacíficus: \* cum loquébar illis, impugnábant me gratis.

## Psalmus 120.

**L**evávi óculos meos in mōtes, \* unde véniet auxiliū mihi.

Auxílium meum a Dómino, \* qui fecit cœlum et terram.

Non det in commotiōnem pedem tuum: \* neque dormítet qui custódit te.

Ecce non dormitábit neque dormiet, \* qui custódit Israël.

Dóminus custódit te, Dóminus protéctio tua, \* super manum dexteram tuam.

Per diem sol non uret te: \* neque luna per noctem.

Dóminus custódit te ab omni malo: \* custódiat ánimam tuam Dóminus.

Dóminus custódiat intróitum tuum, et éxitum tuum: \* ex hoc nunc, et usque in sæculum.

## Psalmus 121.

**L**ætátus sum in his, quæ dicta sunt mihi: \* in domum Dómini ibimus.

Stantes erant pedes nostri, \* in átriis tuis Jerúsalem.

Jerúsalem, quæ ædificátur ut civitas: \* cujus participátio ejus in idípsum.

Illuc enim ascendérunt tribus, tribus Dómini: \* testimónium Israël ad confiténdum nómini Dómini.

Quia illic sedérunt sedes in iudicio, \* sedes super domum David.

Rogáte quæ ad pacem sunt Jerúsalem: \* et abundántia diligéntibus te:

Fiat pax in virtúte tua: \* et abundántia in túrribus tuis.

Propter fratres meos, et próximos meos, \* loquébar pacem de te:

Propter domum Dómini Dei nostri, \* quæsívi bona tibi.

## Psalmus 122.

**A**d te levávi óculos meos, \* qui hábitas in cœlis.

Ecce sicut óculi servórum, \* in mánibus dominórum suórum,

Sicut óculi ancillæ in mánibus dómínæ suæ: \* ita óculi nostri ad Dóminum Deum nostrum donec misereátur nostri.

Miserére nostri Dómine, miserére nostri: \* quia multum replétus sumus despectiōne:

Quia multum repléta est ánima nostra: \* oppróbrium abundántibus, et despéctio supérbis.

Psalmus 123.

**N**isi quia Dóminus erat in nobis, dicat nunc Israël: \* nisi quia Dóminus erat in nobis,

Cum exsúrgerent hómines in nos, \* forte vivos deglutíssent nos:

Cum irascerétur furor eórum in nos, \* fórsitan aqua absorbuisset nos.

Torréntem pertransívit ánima nostra: \* fórsitan pertransísset ánima nostra aquam intolerábilem.

Benedíctus Dóminus \* qui non dedit nos, in captiónem déntibus eórum.

Anima nostra sicut passer erépta est \* de láqueo venántium:

Láqueus contrítus est, \* et nos liberáti sumus.

Adjutórium nostrum in nómine Dómini, \* qui fecit coelum et terram.

Réquiem ætérnam \* dona eis Dómine.

Et lux perpétua \* luceat eis.

Deinde dicitur flexis genibus:

Pater noster. secreto.

℣. Et ne nōs indúcas in tentatióem. ℞. Sed libera nos a malo.

℣. A porta ínferi. ℞. Erue Dómine ánimas eórum.

℣. Requiéscant in pace. ℞. Amen.

℣. Dómine exaúdi oratióem meam. ℞. Et clamor meus ad te véniat.

℣. Dóminus vobíscum. ℞. Et cum spíritu tuo.

Orémus.

Oratio.

**A**bsólve, quæsumus Dómine, ánimas famulórum famularúmque tuárum, et ómnium fidélium defunctórum, ab omni vínculo delictórum: ut in resurrectionis glória inter sanctos et eléctos tuos

resuscitáti respírent. Per Christum Dóminum nostrum.

℞. Amen.

Post Orationem statim dicuntur alii Psalmi Graduales qui sequuntur; et in fine cujuslibet Psalmi dicitur Glória Patri.

Psalmus 124.



ui confidunt in Dómino, sicut mons Sion: \* non commovébitur in ætérnum, qui hábitat in Jerúsalem.

Montes in circúitu ejus: \* et Dóminus in circúitu pópuli sui, ex hoc nunc et usque in sæculum.

Quia non relínquet Dóminus virgam peccatórum super sortem justórum: \* ut non exténdant justi ad iniquitátem manus suas.

Bénefac Dómine bonis, \* et rectis corde.

Declinántes autem in obligatiónes addúcet Dóminus cum operántibus iniquitátem: \* pax super Israël.

Glória Patri.

Psalmus 125.

**I**n converténdo Dóminus captivitátem Sion: \* facti sumus sicut consoláti;

Tunc replétum est gáudio os nostrum: \* et lingua nostra exsultatióne.

Tunc dicent inter Gentes: \* Magnificávit Dóminus fácere cum eis.

Magnificávit Dóminus fácere nobíscum: \* facti sumus lætántes.

Convérte Dómine captivitátem nostram, \* sicut torrens in Austro.

Qui sémant in lácrimis, \* in exsultatióne metent.

Eúntes ibant et flebant, \* mitténtes sémína sua.

Veniéntes autem vénient cum exultatióne, \* portántes manípulos suos.

Glória Patri.

Psalmus 126.

**N**isi Dóminus ædificáverit domum, \* in vanum laboravérunt qui ædificant eam.

Nisi Dóminus custodíerit civitátem, \* frustra vígilat qui custódit eam.

Vanum est vobis ante lucem súrgere: \* súrgite postquam sedéritis, qui manducátis panem dolóris.

Cum déderit diléctis suis somnum: \* ecce hæreditas Dómini filii: merces, fructus ventris.

Sicut sagíttæ in manu poténtis: \* ita filii excussórum.

Beátus vir qui implévit desidérium suum ex ipsis: \* non confundétur cum loquétur inimícis suis in porta.

Glória Patri.

Psalmus 127.

**B**eáti omnes, qui timent Dóminum, \* qui ámbulant in viis ejus.

Labóres mánuum tuárum quia manducábis: \* beátus es, et bene tibi erit.

Uxor tua sicut vitis abúndans, \* in latéribus domus tuæ.

Fílii tui sicut novéllæ olivárum, \* in circúitu mensæ tuæ.

Ecce sic benedicétur homo, \* qui timet Dóminum.

Benedícat tibi Dóminus ex Sion: \* et vídeas bona Jerúsalem ómnibus diébus vitæ tuæ.

Et vídeas filios filiórum tuórum, \* pacem super Israël.

Glória Patri.

Psalmus 128.

**S**æpe expugnávérunt me a juventúte mea, \* dicat nunc Israël.

Sæpe expugnávérunt me a juventúte mea: \* étenim non potuérunt mihi.

Supra dorsum meum fabricavérunt peccatóres: \* prolongavérunt iniquitátem suam.

Dóminus justus concídit cervíces peccatórum: \* confundántur et convertántur retrórsum omnes, qui odérunt Sion.

Fiant sicut fœnum tectórum: \* quod priúsqvam evellátur, exáruit:

De quo non implévit manum suam qui metit, \* et sinum suum qui manípulos cólligit.

Et non dixerunt qui præteríbant: Benedíctio Dómini super vos: \* benedíximus vobis in nómine Dñi.

Glória Patri.

Postea dicitur flexis genibus

Kýrie eléison. Christe eléison.

Kýrie eléison.

Pater noster. secreto.

Ÿ. Et ne nos indúcas in tentatió-nem. R. Sed libera nos a malo.

Ÿ. Meménto congregatiónis tuæ.

R. Quam possedísti ab iníto.

Ÿ. Dómine exáudi oratió-nem meam. R. Et clamor meus ad te véniat.

Ÿ. Dóminus vobíscum. R. Et cum spíritu tuo.

Orémus.

Oratio.

**D**eus, cui próprium est miseréri semper et párcere: súscipe deprecatió-nem nostram; ut nos, et omnes fámulos tuos, quos delictórum caténa constríngit, miserátio tuæ pietátis cleménter absólvat. Per Christum Dóminum nostrum.

R. Amen.

Post Orationem statim dicuntur alii Psalmi Graduales qui sequuntur; et in fine cujuslibet Psalmi dicitur Glória Patri.

Psalmus 129.

**D**e profúndis clamávi ad te Dómine: \* Dómine exaúdi vocem meam:

Fiant aures tuæ intendéntes, \* in vocem deprecationis meæ.

Si iniquitátes observáveris Dómine: \* Dómine quis sustinébit?

Quia apud te propitiatio est: \* et propter legem tuam sustínui te Dómine.

Sustínuit ánima mea in verbo ejus: \* sperávit ánima mea in Dómino.

A custódia matutína usque ad noctem: \* speret Israël in Dómino.

Quia apud Dóminum misericórdia: \* et copiósa apud eum redemptio.

Et ipse rédimet Israël, \* ex ómnibus iniquitatibus ejus.

Glória Patri.

Psalmus 130.

**D**ómine non est exaltátum cor meum: \* neque eláti sunt óculi mei.

Neque ambulávi in magnis: \* neque in mirábilibus super me.

Si non humíliter sentiébam: \* sed exaltávi ánimam meam:

Sicut ablactátus est super matre sua, \* ita retribútio in ánima mea.

Speret Israël in Dómino, \* ex hoc nunc et usque in sæculum.

Glória Patri.

Psalmus 131.

**M**emento Dómine David, \* et omnis mansuetúdinis ejus:

Sicut jurávit Dómino, \* votum vovit Deo Jacob:

Si introíero in tabernáculum domus meæ, \* si ascéndero in lectum strati mei:

Si dédero somnum óculis meis, \* et pálpebris meis dormitatio-nem:

Et réquiem tempóribus meis: donec invéniam locum Dómino, \* tabernáculum Deo Jacob.

Ecce audívimus eam in Ephrata: \* invénimus eam in campis silvæ.

Introíbimus in tabernáculum ejus: \* adorábitus in loco, ubi steterunt pedes ejus.

Surge Dómine in réquiem tuam, \* tu et arca sanctificationis tuæ.

Sacerdótes tui induántur justitiam: \* et sancti tui exsúltent.

Propter David servum tuum, \* non avértas fáciem Christi tui.

Jurávit Dóminus David veritátem, et non frustrábitur eam: \* de fructu ventris tui ponam super sedem tuam.

Si custodierint filii tui testaméntum meum, \* et testimónia mea hæc, quæ docébo eos:

Et filii eórum usque in sæculum, \* sedébunt super sedem tuam.

Quóniam elégit Dóminus Sion: \* elégit eam in habitatióne sibi.

Hæc réquies mea in sæculum sæculi: \* hic habitábo quóniam elégi eam.

Víduam ejus benedícens benedícam: \* paúperes ejus saturábo pánibus.

Sacerdótes ejus induam salutári: \* et sancti ejus exsultatióne exsultábunt.

Illuc prodúcam cornu David, \* parávi lucérnam Christo meo.

Inimicos ejus induam confusióne:

\* super ipsum autem efflorébit  
sanctificatio mea.

Glória Patri.

Psalmus 132.

**E**cce quam bonum, et quam jucundum \* habitare fratres in unum:

Sicut unguentum in cápite, \* quod descendit in barbam, barbam Aaron,

Quod descendit in oram vestimenti ejus: \* sicut ros Hermon, qui descendit in montem Sion.

Quóniam illic mandávit Dóminus benedictionem, \* et vitam usque in sæculum.

Glória Patri.

Psalmus 133.

**E**cce nunc benedicite Dóminum, \* omnes servi Dómini:

Qui statis in domo Dómini, \* in átriis domus Dei nostri,

In nóctibus extóllite manus vestras in sancta, \* et benedicite Dóminum.

Benedicat te Dóminus ex Sion,  
\* qui fecit cœlum et terram.

Glória Patri.

Deinde, dicitur flexis genibus

Kýrie eléison. Christe eléison.  
Kýrie eléison.

Pater noster. secreto.

¶ Et ne nos indúcas in tentationem. R. Sed libera nos a malo.

¶ Salvos fac servos tuos. R. Deus meus sperantes in te.

¶ Dómine exáudi orationem meam. R. Et clamor meus ad te véniat.

¶ Dóminus vobíscum. R. Et cum spíritu tuo.

Orémus.

Oratio.

**P**rætende Dómine fámulis et famulábus tuis dexteram cœlestis auxilii: ut te toto corde perquirant, et quæ digne póstulant, cónsequi mereántur. Per Christum Dóminum nostrum.

R. Amen.

## SEPTEM PSALMI PŒNITENTIALES CUM LITANIIS.

Dicuntur flexis genibus in omnibus VI. Feriis Quadrag., quando Officium fit de Feria.

Litaniæ autem, omissis septem Psalmis, dicuntur in Litaniis majoribus in Festo sancti Marci, et in tribus diebus Rogationum.

Dicuntur autem in Quadrages. in Choro post Matutinum et Laudes diei, dicto Benedicámus Dómino; extra Chororum pro opportunitate temporis.

Ant. Ne reminiscáris.

Psalmus 6.

**D**ómine, ne in furóre tuo arguas me, \* neque in ira tua corripas me.

Miserére mei Dómine quóniam infirmus sum: \* sana me Dómine quóniam conturbáta sunt ossa mea.

Et ánima mea turbáta est valde: \* sed tu Dómine úsquequo?

Convértere Dómine, et éripe ánimam meam: \* salvum me fac propter misericórdiam tuam.

Quóniam non est in morte qui memor sit tui: \* in inférno autem quis confitébitur tibi?

Laborávi in gémitu meo, lavábo per singulas noctes lectum meum: \* lácrimis meis stratum meum rigábo.



Turbátus est a furóre óculus meus: \* inveterávi inter omnes inimícos meos.

Discédite a me omnes, qui operámini iniquitátem: \* quóniam exaudívit Dóminus vocem fletus mei.

Exaudívit Dóminus deprecatió-  
nem meam, \* Dóminus oratió-  
nem meam suscepit.

Erubéscant, et conturbéntur ve-  
heménter omnes inimíci mei: \* con-  
vertántur et erubéscant valde ve-  
lóciter.

Glória Patri.

### Psalmus 31.

**B**eáti quorum remíssæ sunt ini-  
quitátes: \* et quorum tecta  
sunt peccáta.

Beátus vir, cui non imputávit  
Dóminus peccátum, \* nec est in  
spíritu ejus dolus.

Quóniam tácui, inveteravérunt  
ossa mea, \* dum clamárem tota die.

Quóniam die ac nocte graváta  
est super me manus tua: \* convér-  
sus sum in ærúmna mea, dum con-  
figitur spina.

Delíctum meum cógnitum tibi  
feci: \* et injustítiam meam non  
abscóndi.

Dixi: Confitébor advérsus me  
injustítiam meam Dómino: \* et tu  
remisísti impietátem peccáti mei.

Pro hac orábit ad te omnis san-  
ctus, \* in témpore opportúno.

Verúmtamen in dilúvio aquárum  
multárum, \* ad eum non approxi-  
mábunt.

Tu es refúgium meum a tribu-  
latióne, quæ circúmdedit me: \* ex-  
sultátio mea érue me a circumdán-  
tibus me.

Intelléctum tibi dabo, et instru-

am te in via hac, qua gradiéris: \*  
firmábo super te óculos meos.

Nolíte fieri sicut equus et mulus,  
\* quibus non est intelléctus.

In camo et fræno maxíllas eó-  
rum constrínge, \* qui non appró-  
ximant ad te.

Multa flagélla peccatóris, \* spe-  
rántem autem in Dómino miseri-  
córdia circúmdabit.

Lætámini in Dómino et exsul-  
táte justí, \* et gloriámini omnes  
recti corde.

Glória Patri.

### Psalmus 37.

**D**ómine ne in furóre tuo árguas  
me, \* neque in ira tua corri-  
pias me.

Quóniam sagíttæ tuæ infíxæ sunt  
mihi: \* et confirmásti super me  
manum tuam.

Non est sánitas in carne mea a  
fácie iræ tuæ: \* non est pax óssibus  
meis a fácie peccatórum meórum.

Quóniam iniquitátes meæ super-  
gréssæ sunt caput meum: \* et sicut  
onus grave gravátæ sunt super me.

Putruérunt et corrúptæ sunt ci-  
catríces meæ, \* a fácie insipiéntiæ  
meæ.

Miser factus sum, et curvátus sum  
usque in finem: \* tota die contri-  
státus ingrediébar.

Quóniam lumbi mei impléti sunt  
illusió-  
nibus: \* et non est sánitas in  
carne mea.

Afflíctus sum, et humiliátus sum  
nimis: \* rugiébam a gémitu cordis  
mei.

Dómine, ante te omne desidérium  
meum: \* et gémitus meus a te non  
est abscónditus.

Cor meum conturbátum est, de-  
relíquit me virtus mea: \* et lumen

oculorum meorum, et ipsum non est mecum.

Amici mei, et proximi mei \* adversum me appropinquaverunt, et steterunt.

Et qui juxta me erant, de longe steterunt: \* et vim faciebant qui quaerebant animam meam.

Et qui inquirebant mala mihi, locuti sunt vanitates: \* et dolos tota die meditabantur.

Ego autem tamquam surdus non audiebam: \* et sicut mutus non aperiens os suum.

Et factus sum sicut homo non audiens: \* et non habens in ore suo redargutiones.

Quoniam in te Domine speravi: \* tu exaudies me Domine Deus meus.

Quia dixi: Nequando supergaudeant mihi inimici mei: \* et dum commoventur pedes mei, super me magna locuti sunt.

Quoniam ego in flagella paratus sum: \* et dolor meus in conspectu meo semper.

Quoniam iniquitatem meam annuntiabo: \* et cogitabo pro peccato meo.

Inimici autem mei vivunt, et confirmati sunt super me: \* et multiplicati sunt qui oderunt me inique.

Qui retribuunt mala pro bonis, detrahebant mihi: \* quoniam sequabar bonitatem.

Ne derelinquas me Domine Deus meus: \* ne discesseris a me.

Intende in adiutorium meum, \* Domine Deus salutis meae.

Glória Patri.

Psalmus 50.

**M**iserere mei Deus, \* secundum magnam misericordiam tuam.

Et secundum multitudinem miserationum tuarum, \* dele iniquitatem meam.

Amplius lava me ab iniquitate mea: \* et a peccato meo munda me.

Quoniam iniquitatem meam ego cognosco: \* et peccatum meum contra me est semper.

Tibi soli peccavi, et malum coram te feci: \* ut justificeris in sermonibus tuis, et vincas cum iudicaris.

Ecce enim in iniquitatibus conceptus sum: \* et in peccatis concepit me mater mea.

Ecce enim veritatem dilexisti: \* incerta et occulta sapientiae tuae manifestasti mihi.

Asperges me hyssopo, et mundabor: \* lavabis me, et super nivem dealabor.

Auditui meo dabis gaudium et laetitiam: \* et exsultabunt ossa humiliata.

Averte faciem tuam a peccatis meis: \* et omnes iniquitates meas dele.

Cor mundum crea in me Deus: \* et spiritum rectum innova in visceribus meis.

Ne projicias me a facie tua: \* et Spiritum sanctum tuum ne auferas a me.

Redde mihi laetitiam salutaris tui: \* et spiritu principali confirma me.

Docébo iníquos vias tuas: \* et impii ad te convertentur.

Libera me de sanguinibus Deus, Deus salutis meae: \* et exsultabit lingua mea iustitiam tuam.

Domine, labia mea aperies: \* et os meum annuntiabit laudem tuam.

Quoniam si voluisses sacrificium,

dedissem útique: \* holocaústis non delectáberis.

Sacrificium Deo spíritus contríbulátus: \* cor contrítum, et humiliátum Deus non despícies.

Benigne fac Dómine in bona voluntáte tua Sion: \* ut ædificén-tur muri Jerúsalem.

Tunc acceptábis sacrificium justítiæ, oblatiónes, et holocaústa: \* tunc impónent super altáre tuum vítulos.

Glória Patri.

Psalmus 101.

**D**ómine exaúdi oratióne me-am: \* et clamor meus ad te véniat.

Non avértas fáciem tuam a me: \* in quacúmque die tribulor, inclína ad me aurem tuam.

In quacúmque die invocávero te, \* velóciter exaúdi me.

Quia defecerunt sicut fumus dies mei: \* et ossa mea sicut crémium aruerunt.

Percússus sum ut fœnum, et áruit cor meum: \* quia oblítus sum comédere panem meum.

A voce gémitus mei \* adhæsit os meum carni meæ.

Símilis factus sum pellicáno solitúdinis: \* factus sum sicut nyctícorax in domicílio.

Vigilávi, \* et factus sum sicut passer solitárius in tecto.

Tota die exprobrábant mihi inimíci mei: \* et qui laudábant me, advérsus me jurábant.

Quia cínere tamquam panem manducábam, \* et potum meum cum fletu miscébam.

A fácie iræ et indignatiónis tuæ: \* quia élevans allisísti me.

Dies mei sicut umbra declina-

vérunt: \* et ego sicut fœnum áruí.

Tu autem Dómine in ætérnum pérmanes: \* et memoriále tuum in generatióne et generatióne.

Tu exsúrgens miseréberis Sion: \* quia tempus miseréendi ejus, quia venit tempus.

Quóniam placuérunt servis tuis lápides ejus: \* et terræ ejus miserébuntur.

Et timébunt Gentes nomen tuum Dómine, \* et omnes reges terræ glóriam tuam.

Quia ædificávit Dóminus Sion: \* et vidébitur in glória sua.

Respéxit in oratióne humílium: \* et non sprevit precem eórum.

Scribántur hæc in generatióne áltera: \* et pópulus, qui creábitur, laudábit Dóminum:

Quia prospéxit de excélso sancto suo: \* Dóminus de cœlo in terram aspéxit:

Ut audíret gémitus compeditórum: \* ut sólveret filios interemptórum:

Ut annúntient in Sion nomen Dómini: \* et laudem ejus in Jerúsalem.

In conveniéndopópulos in unum, \* et reges ut sérviant Dómino.

Respóndit ei in via virtútis suæ: \* Paucitátem diérum meórum nún-tia mihi.

Ne révoces me in dimídio diérum meórum: \* in generatióne et generatióne anni tui.

Inítio tu Dómine terram fundásti: \* et ópera mánuum tuárum sunt cœli.

Ipsi períbunt, tu autem pérmanes: \* et omnes sicut vestiméntum veteráscent.

Et sicut opertorium mutabis eos, et mutabuntur: \* tu autem idem ipse es, et anni tui non deficient.

Filii servorum tuorum habitabunt: \* et semen eorum in sæculum dirigetur.

Glória Patri.

Psalmus 129.

**D**e profundis clamavi ad te Dómine: \* Dómine exaudi vocem meam.

Fiant aures tuæ intendentes, \* in vocem deprecationis meæ.

Si iniquitates observáveris Dómine: \* Dómine quis sustinebit?

Quia apud te propitiatio est: \* et propter legem tuam sustinui te Dómine.

Sustinuit ánima mea in verbo ejus: \* sperávit ánima mea in Dómino.

A custódia matutína usque ad noctem: \* speret Israël in Dómino.

Quia apud Dóminum misericórdia: \* et copiósa apud eum redemptio.

Et ipse rédimet Israël, \* ex ómnibus iniquitatibus ejus.

Glória Patri.

Psalmus 142.

**D**ómine exaudi orationem meam: aúribus pécipe obsecrationem meam in veritate tua: \* exaudi me in tua justitia.

Et non intres in iudicium cum servo tuo: \* quia non justificabitur in conspectu tuo omnis vivens.

Quia persecutus est inimicus animam meam: \* humiliávit in terra vitam meam.

Collocávit me in obscuris sicut mórtuos sæculi: \* et anxiátus est super me spíritus meus, in me turbátum est cor meum.

Memor fui diérum antiquórum, meditátus sum in ómnibus opéribus tuis: \* in factis mánuum tuárum meditábar.

Expándi manus meas ad te: \* ánima mea sicut terra sine aqua tibi.

Velóciter exaúdi me Dómine: \* defécit spíritus meus.

Non avértas faciém tuam a me: \* et similis ero descendéntibus in lacum.

Audítam fac mihi mane misericórdiam tuam: \* quia in te sperávi.

Notam fac mihi viam, in qua ambulem: \* quia ad te levávi animam meam.

Eripe me de inimícis meis Dómine, ad te confúgi: \* doce me fácere voluntátem tuam, quia Deus meus es tu.

Spíritus tuus bonus dedúcet me in terram rectam: \* propter nomen tuum Dómine vivificábis me, in æquitáte tua.

Edúces de tribulatióne animam meam: \* et in misericórdia tua dispérdes inimícos meos.

Et perdes omnes, qui tribulant animam meam: \* quóniam ego servus tuus sum.

Glória Patri.

Ant. Ne reminiscáris Dómine delicta nostra, vel paréntum nostrórum: neque vindíctam sumas de peccátis nostris.

### L i t a n i æ.

**K**ýrie eléison.  
Christe eléison.  
Kýrie eléison.  
Christe audi nos.  
Christe exaúdi nos.

Pater de cœlis Deus, miserere nobis.

Fili Redemptor mundi Deus, miserere nobis.

Spiritus sancte Deus, miserere nobis.

Sancta Trinitas unus Deus, miserere nobis.

Sancta María, ora pro nobis.

Sancta Dei Génitrix, ora.

Sancta Virgo virginum, ora.

Sancte Michaël, ora.

Sancte Gábiel, ora.

Sancte Ráphaël, ora.

Omnes sancti Angeli et Archángeli, oráte pro nobis.

Omnes sancti beatórum spirítuum órdenes, oráte.

Sancte Joáñnes Baptísta, ora.

Sancte Joseph, ora.

Omnes sancti Patriárchæ et Prophætæ, oráte.

Sancte Petre, ora.

Sancte Paule, ora.

Sancte Andréa, ora.

Sancte Jacóbe, ora.

Sancte Joáñnes, ora.

Sancte Thoma, ora.

Sancte Jacóbe, ora.

Sancte Philippe, ora.

Sancte Bartholomæe, ora.

Sancte Matthæe, ora.

Sancte Simon, ora.

Sancte Thaddæe, ora.

Sancte Mathía, ora.

Sancte Bárnaba, ora.

Sancte Luca, ora.

Sancte Marce, ora.

Omnes sancti Apóstoli et Evangelistæ, oráte pro nobis.

Omnes sancti Discípuli Dómini, oráte pro nobis.

Omnes sancti Innocéntes, oráte.

Sancte Stéphane, ora.

Sancte Lauréti, ora pro nobis.

Sancte Vincéti, ora.

Sancti Fabiáne et Sebastíane, oráte pro nobis.

Sancti Joáñnes et Paule, oráte.

Sancti Cosma et Damiáne, oráte.

Sancti Gervási et Protási, oráte.

Omnes sancti Mártires, oráte.

Sancte Silvéster, ora.

Sancte Gregóri, ora.

Sancte Ambrósi, ora.

Sancte Augustíne, ora.

Sancte Hierónyme, ora.

Sancte Martíne, ora.

Sancte Nicolæ, ora.

Omnes sancti Pontífices et Confessóres, oráte.

Omnes sancti Doctóres, oráte.

Sancte Antóni, ora.

Sancte Benedicte, ora.

Sancte Bernárde, ora.

Sancte Dominice, ora.

Sancte Francísce, ora.

Omnes sancti Sacerdótes et Levítæ, oráte pro nobis.

Omnes sancti Mónachi et Eremítæ, oráte.

Sancta María Magdaléna, ora.

Sancta Agatha, ora.

Sancta Lúcia, ora.

Sancta Agnes, ora.

Sancta Cæcília, ora.

Sancta Catharína, ora.

Sancta Anastásia, ora.

Omnes sanctæ Vírgines et Víduæ, oráte.

Omnes Sancti et Sanctæ Dei, intercéдите pro nobis.

Propítius esto, parce nobis Dómine,

Propítius esto, exaúdi nos Dómine.

Ab omni malo, libera nos Dómine.

Ab omni peccáto, libera.

Ab ira tua, libera.

A subitanea et improvisa morte,  
 libera nos Dómine.  
 Ab insidiis diaboli, libera.  
 Ab ira, et odio, et omni mala voluntate, libera.  
 A spíritu fornicationis, libera.  
 A fúlgure et tempestáte, libera.  
 A flagéllō terræmótus, libera.  
 A peste, fame et bello, libera.  
 A morte perpétua, libera.  
 Per mystérium sanctæ Incarnationis tuæ, libera.  
 Per advéntum tuum, libera.  
 Per nativitátem tuam, libera.  
 Per baptísmum et sanctum jejúnium tuum, libera.  
 Per crucem et passióem tuam, lib.  
 Per mortem et sepultúram tuam, libera.  
 Per sanctam resurrectionem tuam, libera.  
 Per admirábilem ascensionem tuam, libera.  
 Per advéntum Spíritus sancti Parácliti, libera.  
 In die iudicii, libera.  
 Peccatóres, te rogámus audi nos.  
 Ut nobis parcas, te rogámus audi nos.  
 Ut nobis indúlgeas, te rogámus audi nos.  
 Ut ad veram pœniténtiam nos perducere dignéris, te rogámus audi nos.  
 Ut Ecclesiám tuam sanctam régere et conserváre dignéris, te rogámus audi nos.  
 Ut domnum Apostólicum et omnes ecclesiásticos órdenes in sancta religióne conserváre dignéris, te rogámus audi nos.  
 Ut inimicos sanctæ Ecclesiæ humiliáre dignéris, te rogámus audi nos.

Ut régibus et princípibus christiánis pacem et veram concórdiam donáre dignéris, te rogámus audi nos.  
 Ut cuncto pópulo christiáno pacem et unitátem largíri dignéris, te rogámus audi nos.  
 Ut nosmetípsos in tuo sancto servítio confortáre et conserváre dignéris, te rogámus audi nos.  
 Ut mentes nostras ad cœléstia desidéria érigas, te rogámus audi nos.  
 Ut ómnibus benefactóribus nostris sempitérna bona retríbuas, te rogámus audi nos.  
 Ut ánimas nostras, fratrum, propinquórum et benefactórum nostrórum ab ætérna damnatióne erípias, te rogámus audi nos.  
 Ut fructus terræ dare et conserváre dignéris, te rogámus audi nos.  
 Ut ómnibus fidélibus defúctis réquiem ætérnam donáre dignéris, te rogámus audi nos.  
 Ut nos exaudíre dignéris, te rogámus audi nos.  
 Fili Dei, te rogámus audi nos.  
 Agnus Dei, qui tollis peccáta mundi, parce nobis Dómine.  
 Agnus Dei, qui tollis peccáta mundi, exaúdi nos Dómine.  
 Agnus Dei, qui tollis peccáta mundi, miserére nobis.  
 Christe audi nos.  
 Christe exaúdi nos.  
 Kýrie eléison. Christe eléison. Kýrie eléison.  
 Pater noster. secreto.  
 V. Et ne nos indúcas in tentatióem. R. Sed libera nos a malo.



## Psalmus 69.

**D**eus in adiutorium meum intende: \* Domine ad adjuvandum me festina.

Confundantur, et revereantur, \* qui quaerunt animam meam:

Avertantur retrorsum, et erubescant, \* qui volunt mihi mala:

Avertantur statim erubescentes, \* qui dicunt mihi: Euge, euge.

Exsultent et laetentur in te omnes qui quaerunt te, \* et dicant semper: Magnificetur Dominus: qui diligunt salutare tuum.

Ego vero egenus, et pauper sum: \* Deus adjuva me.

Adiutor meus, et liberator meus es tu: \* Domine ne moreris.

Gloria Patri. Sicut erat.

V. Salvos fac servos tuos. R. Deus meus sperantes in te.

V. Esto nobis Domine turris fortitudinis. R. A facie inimici.

V. Nihil proficiat inimicus in nobis. R. Et filius iniquitatis non apponat nocere nobis.

V. Domine non secundum peccata nostra facias nobis. R. Neque secundum iniquitates nostras retribuas nobis.

V. Oremus pro Pontifice nostro N. R. Dominus conservet eum, et vivificet eum, et beatum faciat eum in terra, et non tradat eum in animam inimicorum ejus.

V. Oremus pro benefactoribus nostris. R. Retribuere dignare Domine omnibus nobis bona facientibus propter nomen tuum vitam aeternam. Amen.

V. Oremus pro fidelibus defunctis. R. Requiem aeternam dona eis Domine: et lux perpetua luceat eis.

V. Requiescant in pace. R. Amen.

V. Pro fratribus nostris absentibus. R. Salvos fac servos tuos, Deus meus sperantes in te.

V. Mitte eis Domine auxilium de sancto. R. Et de Sion tuere eos.

V. Domine exaudi orationem meam. R. Et clamor meus ad te veniat.

V. Dominus vobiscum. R. Et cum spiritu tuo.

Oremus.

Oratio.

**D**eus, cui proprium est misereri semper et parcere: suscipe deprecationem nostram; ut nos, et omnes famulos tuos, quos delictorum catena constringit, miseratio tuae pietatis clementer absolvat.

**E**xaudi, quaesumus Domine, supplicum preces, et confitentium tibi parce peccatis: ut pariter nobis indulgentiam tribuas benignus et pacem.

**I**neffabilem nobis Domine misericordiam tuam clementer ostende: ut simul nos et a peccatis omnibus exuas, et a poenis, quas pro his meremur, eripias.

**D**eus, qui culpa offenderis, poenitentia placaris: preces populi tui supplicantis propitius respice; et flagella tuae iracundiae, quae pro peccatis nostris meremur, averte.

**O**mnipotens sempiternus Deus, miserere famulo tuo Pontifici nostro N., et dirige eum secundum tuam clementiam in viam salutis aeternae: ut, te donante, tibi placita cupiat, et tota virtute perficiat.

**D**eus, a quo sancta desideria, recta consilia, et justa sunt opera: da servis tuis illam, quam

mundus dare non potest, pacem; ut et corda nostra mandátis tuis dedita, et hóstium sublata formidine, témpora sint tua protectióne tranquilla.

**U**re igne sancti Spíritus renes nostros et cor nostrum Dómine: ut tibi casto corpore serviámus, et mundo corde placeámus.

**F**idélium, Deus, ómnium Cónditor et Redémptor, animábus famulórum famularúmque tuárum remissionem cunctórum tribue peccatórum: ut indulgéntiam, quam semper optavérunt, piis supplicatióibus consequántur.

**A**ctiões nostras, quæsumus Dómine, aspirádo præveni, et adjuvándó proséquere: ut cuncta nostra orátio et operátio a te semper incípiat, et per te cœpta finiátur.

**O**mnípotens sempitérne Deus, qui vivórum domináris simul et mortuórum, omniúmque miseréris quos tuos fide et ópere futuros esse prænóscis: te súplices exorámus; ut pro quibus effúndere preces decrevimus, quosque vel præsens sæculum adhuc in carne rétinet, vel futúrum jam exútos corpore suscepit, intercedéntibus ómnibus Sanctis tuis, pietátis tuæ cleméntia ómnium delictórum suórum véniam consequántur. Per Dóminum.

℣. Dóminus vobíscum. ℞. Et cum spíritu tuo.

℣. Exaúdiat nos omnípotens et miséricors Dóminus.

℞. Amen.

℣. Et fidélium animæ per misericórdiam Dei requiészcant in pace.

℞. Amen.

## ORDO COMMENDATIONIS ANIMÆ.

Primum dicuntur Litaníæ breves in hunc modum.

**K**ýrie eléison.  
Christe eléison.  
Kýrie eléison.

Sancta María, ora pro eo.

Omnes sancti Angeli et Archángeli, oráte pro eo.

Sancte Abel, ora.

Omnis chorus Justórum, ora.

Sancte Abraham, ora.

Sancte Joáñnes Baptista, ora.

Sancte Joseph, ora.

Omnes sancti Patriárchæ et Prophétæ, oráte.

Sancte Petre, ora.

Sancte Paule, ora.

Sancte Andréa, ora.

Sancte Joáñnes, ora.

Omnes sancti Apóstoli et Evangelistæ, oráte.

Omnes sancti Discípuli Dómini, oráte.

Omnes sancti Innocéntes, oráte.

Sancte Stéphané, ora.

Sancte Laurénti, ora.

Omnes sancti Mártýres, oráte.

Sancte Silvéster, ora.

Sancte Gregóri, ora.

Sancte Augustíne, ora.

Omnes sancti Pontífices et Confessóres, oráte.

Sancte Benedicte, ora.

Sancte Francisce, ora.

Sancte Camille, ora.

Sancte Joáñnes de Deo, ora.

Omnes sancti Mónachi et Eremítæ,  
oráte.

Sancta María Magdaléna, ora.

Sancta Lúcia, ora.

Omnes sanctæ Vírgines et Víduæ,  
oráte.

Omnes Sancti et Sanctæ Dei, intercédite pro eo.

Propítius esto, parce ei Dómine.

Propítius esto, libera eum Dómine.

Propítius esto, libera.

Ab ira tua, libera.

A perículo mortis, libera.

A mala morte, libera.

A pœnis inférni, libera.

Ab omni malo, libera.

A potestáte diaboli, libera.

Per nativitátem tuam, libera.

Per crucem et passióem tuam, libera eum Dómine.

Per mortem et sepultúram tuam, libera.

Per gloriósam resurrectionem tuam, libera.

Per admirábilem ascensionem tuam, libera.

Per grátiam Spíritus sancti Parácliti, libera eum Dómine.

In die iudícii, libera.

Peccatóres, te rogámus audi nos.

Ut ei parcas, te rogámus.

Kýrie eléison. Christe eléison. Kýrie eléison.

Deinde, cum in agone sui exitus anima anxietur, dicuntur sequentes Orationes.

#### Oratio.

**P**roficíscere ánima christiána de hoc mundo, in nómine Dei Patris omnipoténtis, qui te creávit: in nómine Jesu Christi Fílii Dei vivi, qui pro te passus est: in nómine Spíritus sancti, qui in te effusus est: in nómine Angelórum et

Archangelórum: in nómine Thronórum et Dominationum: in nómine Principátuum et Potestátum: in nómine Chérubim et Séraphim: in nómine Patriarchárum et Prophetárum: in nómine sanctórum Apostolórum et Evangelistárum: in nómine sanctórum Mártyrum et Confessórum: in nómine sanctórum Monachórum et Eremítárum: in nómine sanctárum Vírginum, et ómnium Sanctórum et Sanctárum Dei: hódie sit in pace locus tuus, et habitátio tua in sancta Sion. Per eúmdem Christum Dóminum nostrum. R. Amen.

#### Oratio.

**D**eus miséricors, Deus clemens, Deus, qui secúndum multitudinem miseratiónum tuárum peccáta pœniténtium deles, et præteritórum críminum culpas vénia remissionis evácuas: respice propítius super hunc fámulum tuum N., et remissionem ómnium peccatórum suórum tota cordis confessione poscéntem deprecátus exaúdi. Rénova in eo, piíssime Pater, quidquid terréna fragilitáte corrúptum, vel quidquid diabólica fraude violátum est: et unitáti corporis Ecclésiæ membrum redemptionis annécte. Miserére Dómine gemítuum, miserére lacrimárum ejus: et non habéntem fidúciam, nisi in tua misericórdia, ad tuæ sacraméntum reconciliatiónis admítte. Per Christum Dóminum nostrum. R. Amen.

**C**omméndo te omnipoténti Deo, caríssime frater, et ei cujus es creatúra commítto: ut, cum humanitátis débitum morte interveniént-

te persólveris, ad auctórem tuum, qui te de limo terræ formáverat, revertáris. Egrediénti itaque ánimæ tuæ de corpore spléndidus Angelórum cœtus occúrrat: iudex Apostolórum tibi senátus advéniat: candidatórum tibi Mártyrum triumphátor exércitus óbviat: liliáta rutilántium te Confessórum turma circúmdet: jubilántium te Virgínium chorus excípiat: et beátæ quiétis in sinu Patriarchárum te compléxus astringat: mitis atque festívus Christi Jesu tibi aspéctus appáreat, qui te inter assisténtes sibi júgiter interésse decérnat. Ignóres omne quod horret in ténebris, quod stridet in flammis, quod crúciat in torméntis. Cedat tibi tetérrimus sátanás cum satellítibus suis: in advéntu tuo te comitántibus Angelis contremíscat, atque in ætérnæ noctis chaos immane diffúgiat. Exsúrgat Deus, et dissipéntur inimíci ejus: et fúgiant, qui odérunt eum, a fácie ejus. Sicut déficit fumus, deficiant: sicut fluit cera a fácie ignis, sic péreant peccatóres a fácie Dei: et justí epuléntur, et exsúltent in conspéctu Dei. Confundántur igitur et erubéscant omnes tartáreæ legiões, et minístri sátanæ iter tuum impedíre non aúdeant. Líberet te a cruciátu Christus, qui pro te crucifíxus est. Líberet te ab ætérna morte Christus, qui pro te mori dignátus est. Constitúat te Christus Fílius Dei vivi intra paradísi sui semper amœna viréntia, et inter oves suas te verus ille Pastor agnóscat. Ille ab ómnibus peccátis tuis te absólvat, atque ad dextéram suam in electórum suórum

te sorte constitúat. Redemptórem tuum fácie ad fáciem vídeas, et præsens semper assistens, manifestíssimam beátis óculis aspicias veritátem. Constitútus igitur inter ágmina Beatórum, contemplatiónis divínæ dulcédine potiáris in sæcula sæculórum.

R. Amen.

Oratio.

**S**úscipe Dómine servum tuum in locum sperándæ sibi salvatiónis a misericórdia tua. R. Amen.

Líbera Dómine ánimam servi tui ex ómnibus perículis inférni, et de láqueis pœnárum, et ex ómnibus tribulatióibus. R. Amen.

Líbera Dómine ánimam servi tui, sicut liberásti Henoch et Elíam de commúni morte mundi.

R. Amen.

Líbera Dómine ánimam servi tui, sicut liberásti Noë de dilúvio.

R. Amen.

Líbera Dómine ánimam servi tui, sicut liberásti Abraham de Ur Chaldæórum. R. Amen.

Líbera Dómine ánimam servi tui, sicut liberásti Job de passióibus suis. R. Amen.

Líbera Dómine ánimam servi tui, sicut liberásti Isaac de hóstia et de manu patris sui Abrahæ.

R. Amen.

Líbera Dómine ánimam servi tui, sicut liberásti Lot de Sódomis, et de flamma ignis. R. Amen.

Líbera Dómine ánimam servi tui, sicut liberásti Móysen de manu Pharaónis regis Ægyptiórum.

R. Amen.

Líbera Dómine ánimam servi tui, sicut liberásti Daniélem de lacu leónum. R. Amen.

Líbera Dómine ánimam servi tui, sicut liberásti tres púeros de camíno ignis ardéntis, et de manu regis iníqui. R. Amen.

Líbera Dómine ánimam servi tui, sicut liberásti Susánnam de falso crimine. R. Amen.

Líbera Dómine ánimam servi tui, sicut liberásti David de manu regis Saul, et de manu Golíæ.

R. Amen.

Líbera Dómine ánimam servi tui, sicut liberásti Petrum et Paulum de carcéribus. R. Amen.

Et sicut beatíssimam Theclam Vírginem et Mártyrem tuam de tribus atrocíssimis torméntis liberásti, sic liberáre dignéris ánimam hujus servi tui, et tecum fácias in bonis congaudére coeléstibus.

R. Amen.

#### Oratio.

**C**ommendámus tibi Dómine ánimam fámuli tui N., precamúrque te Dómine Jesu Christe Salvátor mundi: ut propter quam ad terram misericórditer descendísti, Patriarchárum tuórum sínibus insinuáre non rénuas. Agnósce Dómine creatúram tuam, non a diis aliénis creatam, sed a te solo Deo vivo et vero: quia non est álius Deus præter te, et non est secúndum ópera tua. Lætífica Dómine ánimam ejus in conspéctu tuo, et ne memíneris iniquitátum ejus antiquárum, et ebrietátum, quas suscitávit furor sive fervor mali desidérii. Licet enim peccáverit, tamen Patrem, et Fílium, et Spíritum sanctum non negávit, sed crédidit, et zelum Dei in se hábuit, et Deum, qui fecit ómnia, fidéliter adorávit.

#### Oratio.

**D**elícta juventútis, et ignorántias ejus, quæsumus, ne memíneris Dómine; sed secúndum magnam misericórdiam tuam memor esto illíus in glória claritátis tuæ. Aperíantur ei coeli, collæténtur illi Angeli. In regnum tuum Dómine servum tuum súscipe. Suscípiat eum sanctus Michaél Archángelus Dei, qui militiæ coeléstis méruiť principátum. Véniant illi óbviám sancti Angeli Dei, et perdúcant eum in civitátem coeléstem Jerúsalem. Suscípiat eum beátus Petrus Apóstolus, cui a Deo claves regni coeléstis tráditæ sunt. Adjuvet eum sanctus Paulus Apóstolus, qui dignus fuit esse vas electionis. Intercédát pro eo sanctus Joánnes, eléctus Dei Apóstolus, cui reveláta sunt secréta coeléstia. Orent pro eo omnes sancti Apóstoli, quibus a Dómino data est potéstas ligándi atque solvéndi. Intercédant pro eo omnes Sancti et Elécti Dei, qui pro Christi nómine torménta in hoc sæculo sustinuérunt: ut vínculis carnis exútus, perveníre mereátur ad glóriam regni coeléstis, præstánte Dómino nostro Jesu Christo: Qui cum Patre et Spíritu sancto vivit et regnat in sæcula sæculórum. R. Amen.

Si anxiatur adhuc anima, dicuntur hi Psalmi, videlicet Confitémini. 20. et totus Ps. Beáti immaculáti. per Horas distributus. 21.

Egressa autem anima, dic. hoc

R. Subveníte Sancti Dei, occúrrite Angeli Dómini: \* Suscipiéntes ánimam ejus: \* Offeréntes eam in conspéctu Altíssimi. V. Suscípiat te Christus, qui vocávit te, et in

sinum Abrahæ Angeli dedúcant te. Suscipiéntes ánimam ejus, \* Offeréntes eam in conspéctu Altíssimi. **V.** Réquiem ætérnam dona ei Dñe, et lux perpétua lúceat ei. Offeréntes eam in conspéctu Altíssimi.

Deinde Kýrie eléison. Christe eléison. Kýrie eléison.

Postea Pater noster. secreto.

**V.** Et ne nos indúcas in tentatióem. **R.** Sed libera nos a malo.

**V.** Réquiem ætérnam dona ei Dómine. **R.** Et lux perpétua lúceat ei.

**V.** A porta inferi. **R.** Erue Dómine ánimam ejus.

**V.** Requiéscat in pace. **R.** Amen.

**V.** Dómine exaúdi oratióem meam. **R.** Et clamor meus ad te véniat.

**V.** Dóminus vobíscum. **R.** Et cum spíritu tuo.

Orémus.

Oratio.

**T**ibi Dómine commendámus ánimam fámuli tui N., ut defúctus sáculo tibi vivat: et quæ per fragilitátem humánæ conversatiónis peccáta commísit, tu vénia misericordiíssimæ pietátis abstérge. Per Christum Dóminum nostrum. **R.** Amen.

## FORMULA

ad impertiendam Indulgentiam plenariam in articulo mortis ab his, qui facultatem habent a sede Apostolica delegatam.

**V.** Adjutórium nostrum in nómine Dómini. **R.** Qui fecit cœlum et terram.

**Ant.** Ne reminiscáris Dómine delicta fámuli tui (vel ancillæ tuæ), neque vindíctam sumas de peccáttis ejus.

Kýrie eléison. Christe eléison. Kýrie eléison.

Pater noster. secreto.

**V.** Et ne nos indúcas in tentatióem. **R.** Sed libera nos a malo.

**V.** Salvum fac servum tuum (vel ancillam tuam). **R.** Deus meus sperántem in te.

**V.** Dómine exaúdi oratióem meam. **R.** Et clamor meus ad te véniat.

**V.** Dóminus vobíscum. **R.** Et cum spíritu tuo.

Orémus.

**C**lementíssime Deus, Pater misericordiárum, et Deus totius consolatiónis, qui néminem vis períre in te credéntem atque sperántem: secúndum multitudínem miseratiónum tuárum respice propítius fámulum tuum N. quem (vel fámulam tuam N. quam) tibi vera fides et spes christiána comméndant. Vísita eum (vel eam) in salutári tuo, et per Unigéniti tui passióem et mortem, ómnium ei delictórum suórum remissióem et véniam cleménter indúlge, ut ejus ánimá in hora éxitus sui te júdicem propitiátum invéniat, et in ságuine ejúsdem Fílii tui ab omni mácula ablúta, transíre ad vitam mereátur perpétuam. Per eúmdem Christum Dñm nostrum. Amen.

Tunc dicto ab uno e Clericis adstantibus, Confíteor, Sacerdos dicat Misereátur, ac deinde:



**D**óminus noster Jesus Christus, Fílius Dei vivi, qui beáto Petro Apóstolo suo dedit potestátem ligándi atque solvéndi, per suam piíssimam misericórdiam recípiat confessiónem tuam, et restítuat tibi stolam primam, quam in baptísmate recepísti: et ego, facultáte mihi ab apostólica sede tribúta, indulgéntiam plenáriam et remissionem ómnium peccatórum tibi concédo. In nómine Patris ✠, et Fílii, et Spíritus sancti. Amen.

Per sacrosáncta humanæ reparationis mystéria, remíttat tibi omnípotens Deus omnes præsentis

et futúrae vitæ poenas, paradísi portas apériat, et ad gáudia semitérna perducát. Amen.

Benedícat te omnípotens Deus Pater ✠, et Fílius, et Spíritus sanctus. Amen.

Si vero Infirmus sit adeo mortí proximis, ut neque confessionis generalis faciendæ, neque præmissarum precum recitandarum suppetat tempus, statim sacerdos benedictionem ei impertiat, dicendo: Dóminus noster, etc.

Et si mors proxime urgeat, dicat:

Indulgéntiam plenáriam et remissionem ómnium peccatórum tibi concédo, in nómine Patris ✠, et Fílii, et Spíritus sancti. Amen.

## BENEDICTIO MENSÆ.

### Ante Prandium.

Sacerdos benedicturus mensam, incipit Benedícite. et alii repetunt Benedícite.

Deinde dicit: V. Oculi ómnium, et alii prosequuntur: In te sperant, Dómine, et tu das escam illórum in témpore opportúno. Aperis tu manum tuam, et imples omne animal benedictióne.

Glória Patri. Sicut erat.

Kýrie eléison. Christe eléison. Kýrie eléison.

Pater noster. secreto.

V. Et ne nos indúcas in tentatióem. R. Sed libera nos a malo.

Postea Sacerdos dicit:

Orémus.

**B**enedic Dómine nos, et hæc tua dona, quæ de tua largitáte sumus sumptúri. Per Christum Dóminum nostrum. R. Amen.

Deinde Lector Jube domne benedícere:

Bened. Mensæ coeléstis participes fáciat nos Rex æternæ glóriæ. R. Amen.

### Post Prandium

aguntur gratiæ hoc modo:

Dicto a Lectore Tu autem Dómine miserére nobis. R. Deo grátias, omnes surgunt.

Sacerdos incipit: V. Confiteántur tibi Dómine ómnia ópera tua. R. Et sancti tui benedícant tibi.

Glória Patri. Sicut erat.

Postea Sacerdos absolute dicat:

**A**gimus tibi grátias, omnípotens Deus, pro univérsis beneficiis tuis: Qui vivis et regnas in sæcula sæculórum.

R. Amen.

Deinde alternatim dicitur Psalmus Miserére mei Deus. 50.

## Vel Psalmus 116.

**L**audáte Dóminum omnes Gentes: \* laudáte eum omnes pópuli: .

Quóniam confirmáta est super nos misericórdia ejus: \* et véritas Dómini manet in ætérnum.

Glória Patri. Sicut erat.

Kýrie eléison. Christe eléison. Kýrie eléison.

Sacerdos dic. Pater noster. secreto.

Ÿ. Et ne nos indúcas in tentatióem. R. Sed libera nos a malo.

Ÿ. Dispérsit, dedit paupéribus. R. Justítia ejus manet in sæculum sæculi.

Ÿ. Benedícam Dóminum in omni témpore. R. Semper laus ejus in ore meo.

Ÿ. In Dómino laudábitur ánima mea. R. Aúdiant mansuétí, et læténtur.

Ÿ. Magnificáte Dóminum mecum. R. Et exaltémus nomen ejus in idípsum.

Ÿ. Sit nomen Dómini benedictum. R. Ex hoc nunc et usque in sæculum.

Deinde sine Orémus.

**R**etribúere dignáre Dómine ómnibus nobis bona faciéntibus propter nomen tuum vitam ætérnam. R. Amen.

Ÿ. Benedicámus Dómino. R. Deo grátias.

Ÿ. Fidélium ánimæ per misericórdiam Dei requiéscant in pacc. R. Amen.

Pater noster. secreto.

Quo finito, dicit Sacerdos:

Ÿ. Deus det nobis suam pacem. R. Amen.

## Ante Cœnam.

Sacerdos benedicturus mensam incipit Benedícite. et alii repetunt Benedícite.

Deinde Sacerdos incipit Ÿ., et alii prosequuntur:

**E**dent paúperes, et saturabúntur, et laudábunt Dóminum, qui requirunt eum: vivent corda eórum in sæculum sæculi.

Glória Patri. Sicut erat.

Kýrie eléison. Christe eléison. Kýrie eléison. Pater noster. secret.

Ÿ. Et ne nos indúcas in tentatióem. R. Sed libera nos a malo.

Orémus.

**B**enedic Dómine nos, et hæc tua dona, quæ de tua largitáte sumus sumptúri. Per Christum Dóminum nostrum. R. Amen.

Ÿ. Jube domne benedícere.

Bened. Ad cœnam vitæ ætérnæ perdúcat nos Rex ætérnæ glóriæ.

R. Amen.

In fine Cœnæ

dicitur Ÿ. Memóriam fecit mirabílium suórum miséricors et miserátor Dóminus.

R. Escam dedit timéntibus se.

Glória Patri. Sicut erat.

Sacerdos dicat:

**B**enedíctus Deus in donis suis, et sanctus in ómnibus opéribus suis: Qui vivit et regnat in sæcula sæculórum. R. Amen.

Deinde alternatim dicitur Ps. Laudáte Dóminum omnes Gentes. et reliqua, ut supra.

Quando semel comeditur, omnia dicuntur ut in cœna.

Prædictus modus benedicendi mensam, et agendi gratias, servatur omni tempore hujus Partis Hiemalis, præterquam diebus infrascriptis, quibus ŸŸ. et Ps. tantum variantur.

**In Nativitate Domini**

usque ad cœnam Vigilæ Epiphaniæ exclusive dicitur:

℣. Verbum caro factum est, allelúja. ℞. Et habitávit in nobis, allel. Glória Patri.

In fine dicitur:

℣. Notum fecit Dóminus, allelúja. ℞. Salutare suum, allelúja.

Alia ut supra.

Ps. Cantáte Dómino. 94.

Vel Psalmus 116.

**L**audáte Dñm omnes Gentes: \*  
laudáte eum omnes pópuli:

Quóniam confirmáta est super nos misericórdia ejus: \* et véritas Dómini manet in ætérnum.

Glória Patri. Sicut erat.

Qui Psalmus semper ad beneplacitum dici potest etiam in aliis Solemnitatibus.

**In Epiphania**

et per totam Octavam:

℣. Reges Tharsis et ínsulæ múnera ófferent, allelúja. ℞. Reges Arabum et Saba dona addúcent, allelúja.

Glória Patri.

In fine dicitur:

℣. Omnes de Saba vénient, allelúja. ℞. Aurum et thus deferéntes, allelúja.

Glória Patri.

Ps. Deus judícium tuum regi da. 74.

**ITINERARIUM.**

Clericus in ipso itineris ingressu, si solus fuerit, dicat quæ sequuntur in singulari; si cum sociis, in plurali.

Ant. In viam pacis.

Canticum Zachariæ.

Lucæ 1. g.

**B**enedíctus Dóminus Deus Israël, \* quia visitávit, et fecit redemptiónem plebis suæ:

Et eréxit cornu salutis nobis: \* in domo David púeri sui.

Sicut locútus est per os sanctórum, \* qui a sæculo sunt, prophe-tárum ejus:

Salútem ex inimícis nostris, \* et de manu ómnium, qui odérunt nos:

Ad faciéndam misericórdiam cum pátribus nostris: \* et memorári testaménti sui sancti.

Jusjurándum, quod jurávit ad Abraham patrem nostrum, \* datúrum se nobis:

Ut sine timóre, de manu inimicórum nostrórum liberáti, \* serviá-mus illi.

In sanctitáte, et justítia coram ipso, \* ómnibus diébus nostris.

Et tu puer, Prophéta Altíssimi vocáberis: \* præibis enim ante faci-em Dómini paráre vias ejus:

Ad dandam sciéntiam salutis plebi ejus: \* in remissionem peccatórum eórum:

Per víscera misericórdiæ Dei nostri: \* in quibus visitávit nos, óriens ex alto:

Illumináre his, qui in ténebris, et in umbra mortis sedent: \* ad dirigé-dos pedes nostros in viam pacis.

Glória Patri.

Ant. In viam pacis et prosperi-tátis dírigat nos omnípotens et mi-séricors Dóminus: et Angelus Rá-phaël comitétur nobíscum in via,

ut cum pace, salúte, et gaúdio revertámur ad própria.

Kýrie eléison. Christe eléison.  
Kýrie eléison.

Pater noster. secreto.

Ÿ. Et ne nos indúcas in tentatíonem. R. Sed libera nos a malo.

Ÿ. Salvos fac servos tuos. R. Deus meus sperántes in te.

Ÿ. Mitte nobis Dómine auxílium de sancto. R. Et de Sion tuére nos.

Ÿ. Esto nobis Dómine turris fortitúdinis. R. A fácie inimíci.

Ÿ. Nihil proficiat inimícus in nobis. R. Et filius iniquitátis non apónat nocére nobis.

Ÿ. Benedictus Dóminus die quotídie. R. Prósperum iter fáciat nobis Deus salutárium nostrórum.

Ÿ. Vias tuas Dómine demónstra nobis. R. Et sémitas tuas édoce nos.

Ÿ. Utinam dirigántur viæ nostræ. R. Ad custodiéndas justificatiónes tuas.

Ÿ. Erunt prava in dirécta. R. Et áspera in vias planas.

Ÿ. Angelis suis Deus mandávit de te. R. Ut custódiant te in ómnibus viis tuis.

Ÿ. Dómine exaúdi oratióne meam. R. Et clamor meus ad te véniat.

Ÿ. Dóminus vobíscum. R. Et cum spírítu tuo.

Orémus.

Oratio.

**D**eus, qui filios Israél per maris médium sicco vestígio ire fecísti, quique tribus Magis iter ad

te stella duce pandísti: tríbe nobis quæsumus iter Prósperum tempúsque tranquillum; ut, Angelo tuo sancto cómite, ad eum quo périgimus locum, ac demum ad ætérnæ salútis portum perveníre feliciter valeámus.

**D**eus, qui Abraham púerum tuum de Ur Chaldæórum eductum per omnes suæ peregrinatiónis vias illæsum custodísti, quæsumus, ut nos fámulos tuos custodíre dignéris: esto nobis Dómine in procíntu suffrágium, in via solátium, in æstu umbráculum, in plúvia et frígore teguméntum, in lassitúde vehículum, in adversitáte præsidium, in lúbrico báculo, in naufrágio portus; ut, te duce, quo téndimus, prospere perveniámus, et demum incólumes ad própria redeámus.

**A**désto, quæsumus Dómine, supplicatióne nostris: et viam famulórum tuórum in salútis tuæ prosperitáte dispóne; ut inter omnes viæ et vitæ hujus varietates tuo semper protegámur auxílio.

**P**ræsta, quæsumus omnípotens Deus: ut familia tua per viam salútis incédât; et beátí Joánnis Præcursóris hortaménta sectándo, ad eum quem prædíxit, secúra pervéniat, Dóminum nostrum Jesum Christum Fílium tuum: Qui tecum vivit et regnat in unitáte Spírítus sancti Deus, per ómnia sæcula sæculórum. R. Amen.

Ÿ. Procedámus in pace. R. In nómine Dómini. Amen.





## OFFICIA VOTIVA PER ANNUM.

Officia hæc Votiva per annum ritu Semiduplici pro singulis hebdomadæ Feriis, a Summo Pontifice Leone XIII. per Decretum Urbis et Orbis Sacrorum Rituum Congregationis die 5. Julii 1883 generali Indulto concessa, persolvi possunt, juxta idem Indultum, loco Officiorum Ferialium occurrentium, quocumque anni tempore; exceptis Feria IV. Cinerum, Feriis totius temporis Passionis, ac Sacri Adventus a die 17. ad 24. Decembris inclusive. Habent juxta Rubricas, prout alia Festa Semiduplicita novem Lectionum, tum Commemorationes Feriæ et Festi Simplicis occurrentis, tum nonam Lectionem de Homilia super Evangelium ejusdem Feriæ, aut de Sancto. Adduntur Commemorationes communes, seu Suffragia Sanctorum, ut in Psalterio, si facienda sint, omissa Commemoratione ejus, de quo fit officium Votivum. Si die præcedenti aut sequenti occurrat Officium aliud quodcumque novem Lectionum, Vesperæ Officii Votivi currentis ordinandæ erunt juxta Rubricam de *Concurrentia Officii*.

### Pro Feria II. Officium votivum de Sanctis Angelis. Semiduplex.

#### In I. Vesperis.

Ant. et Capit. de Laud. [207]  
Psalmi ut in I. Vesperis de Comm.  
Apost. [2]

#### Hymnus.

**D**e splendor, et virtus Patris,  
Te vita, Jesu, córdium,  
Ab ore qui pendent tuo,  
Laudámus inter Angelos.

Tibi mille densa millium  
Ducum coróna militat:  
Sed explicat victor crucem  
Míchaël salutis signifer.

Dracónis hic dirum caput  
In ima pellit tártara,  
Ducémque cum rebéllibus  
Cœlésti ab arce fúlminat.

Contra ducem supérbiæ  
Sequámur hunc nos príncipem,  
Ut detur ex Agni throno  
Nobis coróna glóriæ.

Patri, simúlque Fílio,  
Tibíque sancte Spíritus,  
Sicut fuit, sit júgiter  
Sæclum per omne glória.  
Amen.

¶ In conspéctu Angelórum psal-  
lam tibi Deus meus. R. Adorábo  
ad templum sanctum tuum, et con-  
fitébor nómini tuo.

Ad Magnif. Ant. Omnes sunt \* administratórii spíritus in ministérium missi propter eos, qui hæreditatem capiunt salutis.

Oratio.

**D**eus, qui miro ordine Angelórum ministéria, hominúmque dispensas: concéde propítius; ut a quibus tibi ministrántibus in cœlo semper assístitur, ab his in terra vita nostra muniátur. Per Dñm.

### Ad Matutinum.

Invit. Regem Angelórum Dóminum, \* Veníte adorémus.

Ps. Veníte, exsultémus. 2.

Hymnus. Te splendor. [199]

In I. Nocturno.

Ant. Multa magnália.

Psalmus 8.

**D**ómine Dóminus noster, \* quam admirábile est nomen tuum in univérsa terra!

Quóniam eleváta est magnificéntia tua, \* super cœlos.

Ex ore infántium et lacténtium perfecísti laudem propter inimicos tuos, \* ut déstruas inimicum et ultórem.

Quóniam vidébo cœlos tuos, ópera digitórum tuórum: \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérsas: insuper et pécora campi.

Vólucres cœli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsa terra!

Ant. Multa magnália de Michaële Archángelo, qui fortis in prælio fecit victóriam.

Ant. Gábriel Archángelus.

Psalmus 10.

**I**n Dómino confido: quómodo dicitis ánimæ meæ: \* Tránsmigra in montem sicut passer?

Quóniam ecce peccatóres inténdunt arcum, paravérunt sagittas suas in pháretra, \* ut sagittent in obscúro rectos corde.

Quóniam quæ perfecísti, destruxérunt: \* justus autem quid fecit?

Dóminus in templo sancto suo, \* Dóminus in cœlo sedes ejus:

Oculi ejus in paúperem respiciunt: \* pálpebræ ejus intérogant filios hóminum.

Dóminus intérogat justum et ímpium: \* qui autem diligit iniquitatem, odit ánimam suam.

Pluet super peccatóres láqueos: \* ignis, et sulphur, et spíritus procellárum pars cálicis eórum.

Quóniam justus Dóminus, et justítias diléxit: \* æquitatem vidit vultus ejus.

Ant. Gábriel Archángelus locútus est Mariæ dicens: Ecce concípies in útero et páries Fílium et vocábis nomen ejus Jesum.

Ant. Benedícite Deum cœli.

Psalmus 14.

**D**ómine quis habitábit in tabernáculo tuo? \* aut quis requiescet in monte sancto tuo?

Qui ingréditur sine mácula, \* et operátur justítiam:

Qui lóquitur veritatem in corde



suo, \* qui non egit dolum in lingua sua:

Nec fecit próximo suo malum, \* et oppróbrium non accépit advérsus próximos suos.

Ad níhilum dedúctus est in conspéctu ejus malignus: \* timéntes autem Dóminum gloríficat:

Qui jurat próximo suo, et non decípit, \* qui pecúniam suam non dedit ad usúram, et múnera super innocéntem non accépit:

Qui facit hæc, \* non movébitur in ætérnum.

Ant. Benedícite Deum cœli, dixit Angelus Ráphaël, et coram ómnibus vivéntibus confitémini ei, quia fecit vobíscum misericórdiam suam.

℣. Stetit Angelus juxta aram templi. ℞. Habens thuríbulum aúreum in manu sua.

Lectiones de Sçriptura occurrente.

℞. i. Venit Míchaël Archángelus cum multítudine Angelórum, cui trádidit Deus ánimas sanctórum, \* Ut pérducát eas in paradísium exsultatiónis. ℣. Emítte Dómine Spíritum sanctum tuum de cœlis, spíritum sapiéntiæ et intelléctus. Ut.

℞. ii. Respóndit Angelus Dómini, et dixit: Dómine exercítuum, \* Usquequo tu non miseréberis Jerúsalem et úrbium Juda, quibus irátus es? ℣. Iste enim septuagésimus annus est. Usquequo.

℞. iii. In conspéctu Géntium nólite timére: vos enim in córdibus vestris adoráte et timéte Dóminum: \* Angelus enim ejus vobíscum est. ℣. Stetit Angelus juxta aram templi, habens thuríbulum aúreum in manu sua. Angelus. Glória Patri. Angelus.

In II. Nocturno.

Ant. Ascéndit fumus.

Psalmus 18.

**C**œli enarrant glóriam Dei, \* et ópera mánuum ejus annúntiat firmaméntum.

Dies diéi erúctat verbum, \* et nox nocti índicat sciéntiam.

Non sunt loquélæ, neque sermónes, \* quorum non audiántur voces eórum.

In omnem terram exívit sonus eórum: \* et in fines orbis terræ verba eórum.

In sole pósuit tabernáculum suum: \* et ipse tamquam sponsus procédens de thálamo suo:

Exsultávit ut gigas ad curréndam viam, \* a summo cœlo egrésio ejus:

Et occúrsus ejus usque ad summum ejus: \* nec est qui se abscondat a calóre ejus.

Lex Dñi immaculáta convértens ánimas: \* testimónium Dñi fidéle, sapiéntiam præstans párvulis.

Justítiæ Dómini rectæ, lætificántes corda: \* præcéptum Dómini lúcidum: illúminans óculos.

Timor Dómini sanctus, pérmans in sáculum sáculi: \* judícia Dñi vera, justificáta in semetípse.

Desiderabília super aurum et lápidem pretiósum multum: \* et dulcióra super mel et favum.

Etenim servus tuus custódit ea, \* in custodiéndis illis retribútio multa.

Delícta quis intélligit? ab occúltis meis munda me: \* et ab aliénis parce servo tuo.

Si mei non fúerint domináti, tunc immaculátus ero: \* et emundábor a delícto máximo.

Et erunt ut compláceant elóquia oris mei: \* et meditátio cordis mei in conspéctu tuo semper.

Dómine adjútor meus, \* et red-émptor meus.

Ant. Ascéndit fumus arómatum in conspéctu Dómini de manu Angeli.

Ant. Immíttet Angelus Dómini.

Psalmus 23.

**D**ómini est terra, et plenitúdo ejus: \* orbis terrárum, et univérsi qui hábitant in eo.

Quia ipse super mária fundávit eum: \* et super flúmina præparávit eum.

Quis ascéndet in montem Dómini? \* aut quis stabit in loco sancto ejus?

Innocens mánibus et mundo corde, \* qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: \* et misericórdiam a Deo salutári suo.

Hæc est generátio quæréntium eum, \* quæréntium fáciem Dei Jacob.

Attóllite portas príncipes vestras, et elevámini portæ æternáles: \* et introíbit Rex glóriæ.

Quis est iste Rex glóriæ? \* Dóminus fortis et potens: Dóminus potens in prælio.

Attóllite portas príncipes vestras, et elevámini portæ æternáles: \* et introíbit Rex glóriæ.

Quis est iste Rex glóriæ? \* Dóminus virtútum ipse est Rex glóriæ.

Ant. Immíttet Angelus Dómini in circúitu timéntium eum, et erípiet eos.

Ant. Laudémus Dóminum.

Psalmus 33.

**B**enedícam Dóminum in omni témpore: \* semper laus ejus in ore meo.

In Dómino laudábitur ánima mea: \* aúdiant mansuétí, et læténtur.

Magnificáte Dóminum mecum: \* et exaltémus nomen ejus in idípsum.

Exquisívi Dóminum, et exaudivit me: \* et ex ómnibus tribulatióibus meis erípiuit me.

Accédite ad eum, et illuminámini: \* et fácies vestræ non confundéntur.

Iste pauper clamávit, et Dóminus exaudivit eum: \* et de ómnibus tribulatióibus ejus salvávit eum.

Immíttet Angelus Dómini in circúitu timéntium eum: \* et erípiet eos.

Gustáte et vidéte quóniam suávis est Dóminus: \* beátus vir, qui sperat in eo.

Timéte Dóminum omnes sancti ejus: \* quóniam non est inópia timéntibus eum.

Dívites eguérunt et esuriérunt: \* inquiréntes autem Dóminum non minuéntur omni bono.

Veníte filii, audíte me: \* timórem Dómini docébo vos.

Quis est homo qui vult vitam: \* diligit dies vidére bonos?

Próhibe linguam tuam a malo: \* et lábia tua ne loquántur dolum.

Divérte a malo, et fac bonum: \* inquire pacem, et perséquare eam.

Oculi Dómini super justos: \* et aures ejus in preces eórum.

Vultus autem Dómini super faciéntes mala: \* ut perdat de terra memóriam eórum.

Clamavérunt iusti, et Dóminus exaudivit eos: \* et ex ómnibus tribulatióibus eórum liberávit eos.

Juxta est Dóminus iis, qui tribuláto sunt corde: \* et húmiles spírítu salvábit.

Multæ tribulatióes justórum: \* et de ómnibus his liberábit eos Dóminus.

Custódit Dóminus ómnia ossa eórum: \* unum ex his non contéretur.

Mors peccatórum péssima: \* et qui odérunt justum, delínquent.

Rédimet Dóminus ánimas servórum suórum: \* et non delínquent omnes qui sperant in eo.

Ant. Laudémus Dóminum, quem laudant Angeli, quem Chérubim et Séraphim, Sanctus, Sanctus, Sanctus proclámant.

V. Ascéndit fumus arómatum in conspéctu Dómini. R. De manu Angeli.

De Sermóne sancti Gregórii Papæ.

Ex Homilia 34. in Evang.

Lectio iv.

**Q**uia Angelórum nómina interpretádo perstrínximus, súperest, ut ipsa officiórum vocábula bréviter exsequámur. Virtútes étenim vocántur illi nimírum spírítus, per quos signa et miracula fréquentius fiunt. Potestátes étiam vocántur hi, qui hoc poténtius céteris in suo órdine percepérunt, ut eórum ditióni virtútes advérsæ subjéctæ sint, quorum potestáte réfrænántur, nec corda hóminum tantum tentáre præváleant, quantum volunt.

R. Omnes Angeli stabant in circúitu throni, et seniórum, et quá-

tuor animálium: \* Et cecidérunt in conspéctu throni in fácies suas, et adoravérunt Deum. V. Adoráte Dóminum omnes Angeli ejus. Et.

Lectio v.

**P**incipátus étiam vocántur, qui ipsis quoque bonis Angelórum spírítibus præsunt, qui subjéctis áliis dum quæque sunt agénda dispónunt, eis ad explénda divína ministéria principántur. Dominatióes autem vocántur, qui étiam potestátes principátuum dissimilitúdine alta transcéndunt. Nam principári est inter réliquos priórem exsistere: dominári vero est étiam subjéctos quosque possidére. Throni quoque illa ágmina sunt vocáta, quibus ad exercénda júdicia semper Deus omnípotens præsidet. Unde et per Psalmístam dicitur: Sedes super thronum, qui júdicas æquitátem.

R. Stetit Angelus juxta aram templi, habens thuríbulum aúreum in manu sua, et data sunt ei incénsa multa: \* Et ascéndit fumus arómatum de manu Angeli in conspéctu Dómini. V. In conspéctu Angelórum psallam tibi: adorábo ad templum sanctum tuum, et confitébor nómini tuo Dómine. Et.

Lectio vi.

**C**hérubim quoque plenitúdo sciéntiæ dicitur; et sublimióra illa ágmina idcirco Chérubim vocáta sunt, quia tanto perfectióri sciéntia plena sunt, quanto claritátem Dei vicínus contemplántur. Séraphim étiam vocántur illa spírítuum sanctórum ágmina, quæ ex singulári propinquitáte Conditóris sui incomparábili ardent amóre. Séraphim namque ardéntes vel in-

cendentes vocantur; quorum profecto flamma amor est: quia quo subtilius claritatem divinitatis ejus aspiciunt, eo validius in ejus amore flammescunt.

R. In conspectu Angelorum psallam tibi, et adorabo ad templum sanctum tuum: \* Et confitebor nomini tuo Domine. V. Super misericordia tua et veritate tua: quoniam magnificasti super nos nomen sanctum tuum. Et. Glória. Et.

In III. Nocturno.

Ant. Misit Dominus.

Psalmus 95.

**C**antate Domino canticum novum: \* cantate Domino omnis terra.

Cantate Domino, et benedicite nomini ejus: \* annuntiате de die in diem salutare ejus.

Annuntiате inter Gentes gloriam ejus, \* in omnibus populis mirabilia ejus.

Quoniam magnus Dominus, et laudabilis nimis: \* terribilis est super omnes deos.

Quoniam omnes dii Gentium daemonia: \* Dominus autem celos fecit.

Confessio, et pulchritudo in conspectu ejus: \* sanctimonia et magnificentia in sanctificatione ejus.

Afferre Domino patriae Gentium, afferre Domino gloriam et honorem: \* afferre Domino gloriam nomini ejus.

Tollite hostias, et introite in atria ejus: \* adorate Dominum in atrio sancto ejus.

Commoveatur a facie ejus universa terra: \* dicite in Gentibus quia Dominus regnavit.

Etenim correxit orbem terrae qui non commovebitur: \* judicabit populos in aequitate.

Lætentur coeli, et exsultet terra, commoveatur mare, et plenitudo ejus: \* gaudébunt campi, et omnia quae in eis sunt.

Tunc exsultabunt omnia ligna silvarum a facie Dñi, quia venit: \* quoniam venit judicare terram.

Judicabit orbem terrae in aequitate, \* et populos in veritate sua.

Ant. Misit Dominus Angelum suum, qui percussit omnem virum robustum, et bellatorem, et principem exercitus regis Assyriorum.

Ant. Adorate Dominum.

Psalmus 96.

**D**ominus regnavit, exsultet terra: \* lætentur insulae multae.

Nubes, et caligo in circuitu ejus: \* justitia, et judicium correctio sedis ejus.

Ignis ante ipsum praecedet, \* et inflamabit in circuitu inimicos ejus.

Illuxerunt fulgura ejus orbi terrae: \* vidit, et commota est terra.

Montes, sicut cera fluxerunt a facie Domini: \* a facie Domini omnis terra.

Annuntiaverunt coeli justitiam ejus: \* et viderunt omnes populi gloriam ejus.

Confundantur omnes, qui adorant sculptilia: \* et qui gloriantur in simulacris suis.

Adorate eum omnes Angeli ejus: \* audivit, et lætata est Sion.

Et exsultaverunt filiae Judae, \* propter judicia tua Domine:

Quoniam tu Dominus Altissimus super omnem terram: \* nimis exaltatus es super omnes deos.

Qui diligitis Dóminum, odíte malum: \* custódit Dóminus ánimas sanctórum suórum, de manu peccatóris liberábit eos.

Lux orta est justo, \* et rectis corde lætítia.

Lætámini justí in Dómino: \* et confitémini memóriæ sanctificatiónis ejus.

Ant. Adoráte Dñm omnes Angeli ejus: audívit, et lætáta est Sion.

Ant. Benedícite Dómino.

Psalmus 102.

**B**enedic ánima mea Dómino: \* et ómnia, quæ intra me sunt, nómini sancto ejus.

Benedic ánima mea Dómino: \* et noli oblivísci omnes retributiónes ejus.

Qui propitiátur ómnibus iniquitatibus tuis: \* qui sanat omnes infirmitates tuas.

Qui rédimit de intéritu vitam tuam: \* qui coronat te in misericórdia et miseratióibus.

Qui replet in bonis desidérium tuum: \* renovábitur ut áquilæ juventus tua:

Fáciens misericórdias Dóminus: \* et júdiciu[m] ómnibus injúriam patiéntibus.

Notas fecit vias suas Móysi, \* filiis Israël voluntates suas.

Miserátor, et miséricors Dóminus: \* longánimis, et multum miséricors.

Non in perpétuum irascétur: \* neque in ætérnum comminábitur.

Non secúndum peccáta nostra fecit nobis: \* neque secúndum iniquitates nostras retríbuit nobis.

Quóniam secúndum altitúdinem coeli a terra: \* corroborávit misericórdiam suam super timéntes se.

Quantum distat ortus ab occidente: \* longe fecit a nobis iniquitates nostras.

Quómodo miserétur pater filiórum, misértus est Dóminus timéntibus se: \* quóniam ipse cognóvit figméntum nostrum.

Recordátus est quóniam pulvis sumus: \* homo, sicut fœnum dies ejus, tamquam flos agri sic efflorebít.

Quóniam spíritus pertransíbit in illo, et non subsístet: \* et non cognóscet ámplius locum suum.

Misericórdia autem Dómini ab ætérno, \* et usque in ætérnum super timéntes eum.

Et justítia illíus in filios filiórum, \* his qui servant testaméntum ejus:

Et mémore[s] sunt mandatórum ipsíus, \* ad faciéndum ea.

Dóminus in cœlo parávit sedem suam: \* et regnum ipsíus ómnibus dominábitur.

Benedícite Dómino omnes Angeli ejus: \* poténtes virtúte, faciéntes verbum illíus, ad audiéndam vocem sermónum ejus.

Benedícite Dómino omnes virtutes ejus: \* minístri ejus, qui fáctis voluntátem ejus.

Benedícite Dómino ómnia ópera ejus: \* in omni loco dominatióis ejus, benedic ánima mea Dómino.

Ant. Benedícite Dómino omnes Angeli ejus, poténtes virtúte, faciéntes verbum illíus, ad audiéndam vocem sermónum ejus.

V. In conspéctu Angelórum psallam tibi Deus meus. R. Adorábo ad templum sanctum tuum, et confitébor nómini tuo.

Lectio sancti Evangelii secundum  
Joannem.

Lectio vii. Cap. 1.

**I**n illo tempore: Vidit Jesus Nathanaël venientem ad se, et dicit de eo: Ecce vere Israëlita, in quo dolus non est. Et reliqua.

Homilia sancti Bernardi Abbatis.

In Ps. Qui habitat. Sermo 11.

**Q**uæ vero sunt sanctorum Angelorum viæ? Profecto illæ, quas Unigenitus enarravit dicens: Videbitis Angelos ascendentes et descendentes super Filium hominis. Ascensio igitur et descensio viæ illorum; ascensio propter se, descensio vel potius condescensio propter nos. Sic beati illi spiritus ascendant per contemplationem Dei, descendunt per compassionem tui, ut custodiant te in omnibus viis tuis. Ascendant ad vultum ejus, descendunt ad nutum ejus: Quoniam Angelis suis mandavit de te. Nec tamen vel descendendo visione gloriæ fraudantur, quia semper vident faciem Patris.

R. Angelus Domini descendit cum Azaria et sociis ejus in fornacem, et excussit flammam ignis de fornace: \* Et non tetigit eos omnino ignis, neque contristavit. V. Benedictus Deus eorum, qui misit Angelum suum, et eruit servos suos, qui crediderunt in eum. Et.

Lectio viii.

**C**um ascendant ad contemplationem, inquirunt veritatem, de qua et desiderando satiuntur, et satiando desiderant. Cum vero descendunt, faciunt nobiscum misericordiam, ut custodiant nos in ó-

mnibus viis nostris. Administratores enim spiritus sunt, missi in ministerium propter nos. Plane ministri nostri, non domini nostri. Et in hoc Unigeniti formam imitantur, qui non venit ministrari, sed ministrare, qui stetit inter discipulos tamquam qui ministrat. Fructus angelicarum viarum, quod ad ipsos spectat, sua ipsorum beatitudo, et obediencia est caritatis: quod autem ad nos pertinet, inde quidem obtentus divinæ gratiæ, hinc vero custodia viæ nostræ: siquidem Angelis suis mandavit de te, ut custodiant te in omnibus indigentis tuis.

R. Tu Domine, qui misisti Angelum tuum sub Ezechia rege Juda, et interfecisti de castris Sennacherib centum octoginta quinque millia: \* Et nunc Dominator cælorum mitte Angelum tuum bonum ante nos, in timore et tremore magnitudinis brachii tui. V. Ut metuant qui cum blasphemia veniunt adversus sanctum populum tuum. Et. Gloria Patri. Et.

Lectio ix. de festo Simplicii, si occurrat; alias

Lectio ix.

**I**nterim ergo mandavit Angelis suis Deus, non quidem ut amoveant te a viis tuis, sed in eis ipsis te custodiant, et quasi per vias suas, vias tuas dirigant in vias ipsius. Quonam modo, inquis? Nempe ut quod Angelus ex sola caritate purius agit, ut propria saltem necessitate compulsus et admonitus, descendas, et condescendas; exhibere scilicet proximo misericordiam: et rursum cum eodem Angelo levans desideria tua, tota



ánimi cupiditate ascéndere stúdeas ad summam et perpétuam Veritátem. Hinc enim monémur leváre corda nostra cum mánibus; hinc audímus quotidie: Sursum corda. Hinc quoque negligéntes arguimur, et dicitur nobis: Fílii hóminum, úsquequo gravi corde? ut quid dilígitis vanitátem et quáeritis mendácium? Exonerátum enim cor et leve levátur magis, ut quærat et dilígat veritátem.

Te Deum laudámus. 14.

### Ad Laudes

et per Horas.

Ant. 1. Angeli Dómini \* Dóminum benedicite in ætérnum.

Ps. Dóminus regnávit. 15.

2. Angelis suis \* Deus mandávit de te, ut custódiant te in ómnibus viis tuis.

3. Angeli eórum \* semper vident fáciem Patris mei, qui est in cœlis.

4. Laudáte Deum \* omnes Angeli ejus, laudáte eum omnes virtútes ejus.

5. Angeli, Archángeli, \* Throni et Dominationes, Principátus et Potestátes, Virtútes cœlórum, laudáte Dóminum de cœlis, allelúja.

Capitulum. Exod. 23. d.

**E**cce ego mittam Angelum meum, qui præcedat te, et custódiat in via, et introducat in locum quem parávi. Obsérva eum, et audi vocem ejus.

Hymnus.

**C**hriste, sanctórum decus Angelórum,

Gentis humanæ sator et redemptor,

Cœlitum nobis tríbuas beátas Scándere sedes.

Angelus pacis Míchaël in ædes Cœlitus nostras véniat, serénæ Auctor ut pacis lacrimósa in orcum

Bella reléget.

Angelus fortis Gábriel, ut hostes Pellat antiquos, et amíca cœlo, Quæ triumphátor státuit per orbem,

Templa revísat.

Angelus nostræ médicus salútis, Adsit e cœlo Ráphaël, ut omnes Sanet ægrótos, dubiósque vitæ Dírigat actus.

Virgo dux pacis, Genitríxque lucis, Et sacer nobis chorus Angelórum

Semper assístat, simul et micántis

Régia cœli.

Præstet hoc nobis Déitas beáta Patris, ac Nati, paritérque sancti Spíritus, cujus résonat per omnem

Glória mundum. Amen.

¶ In conspéctu Angelórum psallam tibi Deus meus. R. Adorábo ad templum sanctum tuum, et confitébor nómini tuo.

Ad Bened. Ant. Angelus, qui loquebátur \* in me, suscitávit me, quasi virum qui suscitátur a somno suo.

Oratio.

**D**eus, qui miro órđine Angelórum ministéria, hominúmque dispénsas: concéde propítius; ut a quibus tibi ministrántibus in cœlo semper assístitur, ab his in terra vita nostra muniátur. Per Dñm.

Ad Tertiam.

Ant. Angelis suis.

Capit. Ecce ego. ut supra.

R. br. Stetit Angelus \* Juxta aram templi. Stetit. V. Habens thuribulum aúreum in manu sua. Juxta. Glória Patri. Stetit.

V. Ascéndit fumus arómatum in conspéctu Dómini. R. De manu Angeli.

#### Ad Sextam.

Ant. Angeli eórum.

Capitulum. Apoc. 5. c.

**A**udívi vocem Angelórum multórum in circúitu throni, et animalium, et seniórum: et erat númerus eórum millia millium, voce magna dicéntium: Salus Deo nostro.

R. br. Ascéndit fumus arómatum \* In conspéctu Dómini. Ascéndit. V. De manu Angeli. In conspéctu. Glória Patri. Ascéndit.

V. In conspéctu Angelórum psallam tibi Deus meus. R. Adorábo ad templum sanctum tuum, et confitébor nómini tuo.

#### Ad Nonam.

Ant. Angeli, Archángeli.

Capitulum. Apoc. 12. b.

**F**actum est praelium magnum in cœlo: Michaël et Angeli ejus praeliabántur cum dracône, et draco pugnabat, et ángeli ejus: et non praevaluérunt, neque locus invéntus est eórum ámplius in cœlo.

R. br. In conspéctu Angelórum \* Psallam tibi Deus meus. In. V. Adorábo ad templum sanctum tuum, et confitébor nómini tuo. Psallam. Glória Patri. In.

V. Adoráte Deum. R. Omnes Angeli ejus.

#### In II. Vesperis.

Ant. de Laud. [207] Ps. ut in I. Vesp. de Comm. Apost. [2] et loco ultimi

Psalmus 137.

**C**onfitebor tibi Dómine in toto corde meo: \* quóniam audísti verba oris mei.

In conspéctu Angelórum psallam tibi: \* adorábo ad templum sanctum tuum, et confitébor nómini tuo.

Super misericórdia tua, et veritate tua: \* quóniam magnificásti super omne, nomen sanctum tuum.

In quacúmque die invocávero te, exaúdi me: \* multiplicábis in ánima mea virtútem.

Confiteántur tibi Dómine omnes reges terræ: \* quia audiérunt ómnia verba oris tui:

Et cantent in viis Dómini: \* quóniam magna est glória Dómini.

Quóniam excélsus Dóminus, et humília rēspicit: \* et alta a longe cognóscit.

Si ambulávero in médio tribulatiónis, vivificábis me: \* et super iram inimicórum meórum extendísti manum tuam, et salvum me fecit dextera tua.

Dóminus retribuet pro me: \* Dñe misericórdia tua in sæculum: ópera mánuum tuárum ne despicias.

Capit. et Hymn. ut in I. Vesp. [199]

V. In conspéctu Angelórum psallam tibi Deus meus. R. Adorábo ad templum sanctum tuum, et confitébor nómini tuo.

Ad Magnif. Ant. Sancti Angeli, \* qui Deo in cœlis semper assistitis, deféndite nos in praelio, ut non pereámus in treméndo judicio.



Pro FERIA III.  
Officium votivum  
de Sanctis Apostolis.

Semiduplex.

Omnia de Communi Apostol. [2]  
præter sequ.

Oratio.

**D**eus, qui nos per beátos Apóstolos tuos ad agnitióem tui nóminis veníre tribuísti: da nobis eórum glóriam sempitérnam et proficiéndo celebráre, et celebrándó proficere. Per Dóminum.

In I. Nocturno Lectiones de Scriptura occurrente.

In II. Nocturno.

De Sermóne sancti Augustíni  
Epíscopi.

Sermo 43. de Sanctis.

Lectio iv.

**I**sti sunt lux mundi: quia per ipsos lumen fidei, et veræ sciéntiæ primum Dóminus huic mundo trádidit, et ab errórum ac peccatórum ténebris Gentes et pópulos éruit. Isti sunt sal terræ: quia per eos terrígenæ condiméntum sapóris vitæ æternæ percepérunt, ut restríngerent carnis lascíviám, et a putrédine peccatórum et vitiórum vérmibus servaréntur illæsi. Isti sunt lápides pretiósí, quos in fundaménto coeléstis ædificii pósitos Joánnes in Apocalýpsi sua describit: quia prædicátió eórum Ecclésiæ fundaménta locávit. Unde et Paulus ait: Vos estis cives Sanctórum et doméstici Dei, superædificáti super fundaméntum Apostolórum et Prophetárum.

R. Vidi conjúctos viros, habéntes spléndidas vestes, et Angelus Dómini locútus est ad me, dicens:

\* Isti sunt viri sancti facti amíci Dei. V. Vidi Angelum Dei fortem, volántem per médium cœlum, voce magna clamántem et dicéntem. Isti sunt viri.

Lectio v.

**H**oc ergo considerántes, fratres caríssimi, quæ tanti duces pópuli nos docuérunt, studeámus factis implére, quæ illi jussérunt. Discámus eórum exémplo mundi divítias contémnere, præsentis sæculi voluptátem non amáre, regnum coeléste desideráre, Christo nihil præpónere, sed ejus mandátis in ómnibus obedíre, paupertátem præsentium rerum diligere, virtútum divítias habére, sapiéntiæ thesáurum appétere, spiritáles delicias quærere, nulli invidére, sed omnes hómínes diligere, amícos in Deo et inimícos propter Deum; quia hæc est vera et sola diléctio.

R. Beáti estis, cum maledíxerint vobis hómínes, et persecúti vos fúerint, et díxerint omne malum advérsus vos, mentientes, propter me: \* Gaudéte et exsultáte, quóniam merces vestra copiósa est in cœlis. V. Cum vos óderint hómínes, et cum separáverint vos, et exprobráverint, et ejécerint nomen vestrum tamquam malum propter Fílium hómínis. Gaudéte.

Lectio vi.

**I**sti ergo Príncipes nostri, in amóre Dei perfectíssimi, et in proximórum dilectióne impléti, hinc potuérunt mundi ímpetum víncere, et cruéntum sæculum domáre, quia nihil amavérunt in omni re, nisi Dei voluntátem. Ita et nos, fratres, diligámus in ómnibus re-

bus Dei facere voluntatem, et Creatorem nostrum amemus in semetipso, creaturam vero in conditore suo, et sic habebimus ordinatissimam caritatem: quia Deus caritas est, et qui diligit hanc dilectionem, diligit Deum. Et si ita dilexerimus, diligit nos ipse Deus, diligunt nos et sancti Apostoli iudices nostri, et exorant pro nobis, ut in universali iudicio Christi cum ipsis in perpetuum coronemur.

R. Isti sunt. [10]

In III. Nocturno.

Lectio sancti Evangelii secundum Matthæum.

Lectio vii. Cap. 19. d.

In illo tempore: Dixit Petrus ad Jesum: Ecce nos reliquimus omnia, et secuti sumus te: quid ergo erit nobis? Et reliqua.

Homilia sancti Hilarii Episcopi.

Comm. in Matth. Can. 20.

**A**póstoli dictis Dómini hæc reddunt, reliquisse se omnia, et cum ipso esse. Quibus Dóminus, cum sederit in maiestatis suæ sede, sessuros super sedes duodecim, ac totidem tribus Israël iudicaturos spopondit; omnibusque qui universa reliquerint propter nomen ejus, fructum centupli præmii reservatum: multos autem ex novissimis primos, et ex primis futuros novissimos. Multa sunt quæ non sinunt nos simplici intellectu dicta Evangelica suscipere.

R. Isti sunt qui viventes in carne, plantaverunt Ecclesiam sanguine suo: \* Cálicem Dómini biberunt, et amici Dei facti sunt. V. In

omnem terram exivit sonus eorum, et in fines orbis terræ verba eorum. Cálicem.

Lectio viii.

**I**nterpósitis nonnullis rebus, quæ ex natura humani sensus sibi contrariæ sunt, rationem quærere cœlestis intelligentiæ admonemur. Apostoli dicunt, et sequi se Christum, et se omnia reliquisse. Quomodo igitur fiunt tristes, et quomodo metuunt dicentes, salvum esse neminem posse? Namque et ab aliis fieri poterat, si quid fecissent ipsi. Deinde cum fecissent ipsi; quare metus, vel unde susceptus est? Additur etiam in responsione Dómini, hæc apud homines impossibilia, possibilia apud Deum. Numquid apud hominem impossibilia erant, quæ et Apostoli fecisse se gloriántur, et fecisse eos Dóminus agnoscit?

R. Isti sunt viri sancti, quos elegit Dóminus in caritate non ficta, et dedit illis glóriam sempiternam: \* Quorum doctrína fulget Ecclesia, ut sole luna. V. Sancti per fidem vicérunt regna, operati sunt iustitiam. Quorum. Glória Patri. Quorum.

Lectio ix.

**O**mnis itaque hic sermo est spiritalis. Quid autem Dei virtuti tam possibile est, quam ut per fidem salvet? ut per aquam regeneret? ut per crucem vincat? ut per Evangelia adóptet? ut per resurrectionem ex morte vivificet? Quibus auditis Apostoli cito credunt, sesèque omnia reliquisse profitentur. Sed hanc eorum obedientiam cito Dóminus remuneratur, omnem difficultatem superiõris quæstionis

absólvens, cum dicit: Vos, qui secúti estis me in regeneratióne, judicábitis duódecim tribus Israël. Hæc enim illa regeneratio est, quam Apóstoli sunt secúti, quam lex indulgere non pótuit, quæ eos super duódecim thronos in judicándis duódecim tribubus Israël, in duódecim Patriarchárum glória copulávit.

Te Deum laudámus. 14.

### Pro Feria IV.

Officium votivum

de S. Joseph Sponso B. M. V.

Confessore et Catholicæ Ecclesiæ  
Patrono.

Semiduplex.

### In I. Vesperis.

Ant. et Cap. de Laud. [218] Psalmi  
ut in I. Vesp. de Comuni Aposto-  
lorum. [2]

#### Hymnus.

**T**e Joseph celebrent ágmina cœ-  
litum,

Te cuncti résonent christiádum  
chori,

Qui clarus méritis, junctus es ín-  
clytæ

Casto fœdere Vírgini.

Almo cum túmidam gérmine cón-  
jugem

Admírans, dúbio tángeris án-  
xius,

Afflátu súperi Fláminis Angelus  
Concéptum púerum docet.

Tu natum Dóminum stringis, ad  
éxteras

Ægýpti prófugum tu séqueris  
plagas;

Amíssum Sólymis quæris, et ín-  
venis,

Miscens gáudia flétibus.

Post mortem réliquos mors pia  
cónsecrat,

Palmámque eméritos glória sú-  
cipit:

Tu vivens, Súperis par, frúeris  
Deo,

Mira sorte beátior.

Nobis, summa Trias, parce pre-  
cántibus,

Da Joseph méritis sídera scán-  
dere:

Ut tandem liceat nos tibi pérpe-  
tim

Gratum prómere cánticum.  
Amen.

V. Constituit eum dóminum do-  
mus suæ. R. Et príncipem omnis  
possessiónis suæ.

Ad Magnif. Ant. Cum esset  
desponsáta \* Mater Jesu María  
Joseph, ántequam convenírent,  
invénta est in útero habens de  
Spíritu sancto.

#### Oratio.

**D**eus, qui ineffábili providéntia  
beátum Joseph sanctíssimæ  
Genitrícis tuæ sponsum eligere  
dignátus es: præsta, quæsumus; ut  
quem protectórem venerámur in  
terris, intercessórem habére me-  
reámur in cœlis: Qui vivis et  
regnas cum Deo Patre.

### Ad Matutinum.

Invit. Laudémus Deum nostrum  
\* In veneratióne beáti Joseph, pro-  
tectóris nostri.

Ps. Veníte, exsultémus. 2.

Hymnus. Te Joseph celebrent.  
ut supra.

#### In I. Nocturno.

Ant. Ascéndit Joseph.

## Psalmus 1.

**B**eátus vir, qui non ábiit in consílio impiórum, et in via peccatórum non stetit, \* et in cáthedra pestiléntiæ non sedit:

Sed in lege Dómini volúntas ejus, \* et in lege ejus meditábitur die ac nocte.

Et erit tamquam lignum, quod plantátum est secus decúrsus aquárum, \* quod fructum suum dabit in témpore suo:

Et fólium ejus non défluat: \* et ómnia quæcúmque fáciat, prosperabúntur.

Non sic ímpii, non sic: \* sed tamquam pulvis, quem prójicit ventus a fácie terræ.

Ideo non resúrgent ímpii in iudício: \* neque peccatóres in consílio justórum.

Quóniam novit Dñs viam justórum: \* et iter impiórum peribit.

Ant. Ascéndit Joseph a Galilæa de civitaté Náza-reth in Judæam, in civitatem David, quæ vocátur Béthlehem, ut profiterétur cum María.

Ant. Venérunt pastóres.

## Psalmus 2.

**Q**uare fremuérunt Gentes, \* et pópuli meditáti sunt inánia?

Astitérunt reges terræ, et príncipes convenérunt in unum \* advérsus Dóminum, et advérsus Christum ejus.

Dirumpámus víncula eórum: \* et projiciámus a nobis jugum ipsórum.

Qui hábitat in cœlis irridébit eos: \* et Dóminus subsannábit eos.

Tunc loquétur ad eos in ira sua, \* et in furóre suo conturbábit eos.

Ego autem constitútus sum rex ab eo super Sion montem sanctum ejus, \* prædicans præcéptum ejus.

Dóminus dixit ad me: \* Filius meus es tu, ego hódie genui te.

Póstula a me, et dabo tibi Gentes hæreditátem tuam, \* et possessionem tuam términos terræ.

Reges eos in virga férrea, \* et tamquam vas figuli confrínges eos.

Et nunc reges intelligite: \* erudímini qui judicátis terram.

Servíte Dómino in timóre: \* et exsultáte ei cum tremóre.

Apprehéndite disciplínam, nequándo irascátur Dóminus, \* et pereátis de via justa.

Cum exárserit in brevi ira ejus, \* beáti omnes, qui confidunt in eo.

Ant. Venérunt pastóres festinántes: et invenérunt Mariám et Joseph, et infántem pósitum in præsépio.

Ant. Ecce Angelus Dómini.

## Psalmus 3.

**D**ómine quid multiplicáti sunt qui tríbulant me? \* multi insúrgunt advérsus me.

Multi dicunt ánimæ meæ: \* Non est salus ipsi in Deo ejus.

Tu autem Dómine suscéptor meus es, \* glória mea, et exáltans caput meum.

Voce mea ad Dóminum clamávi: \* et exaudivit me de monte sancto suo.

Ego dormívi, et soporátus sum: \* et exsurrexi, quia Dóminus suscepit me.

Non timébo míllia pópuli circumdántis me: \* exsúrge Dómine, salvum me fac Deus meus.



Quóniam tu percussísti omnes adversántes mihi sine causa: \* dentes peccatórum contrivísti.

Dómini est salus: \* et super pópulum tuum benedíctio tua.

Ant. Ecce Angelus Dómini aparúit in somnis Joseph, dicens: Surge, et áccipe púerum, et matrem ejus, et fuge in Ægýptum.

℣. Confitébor nómini tuo. R. Quóniam adjútor et protéctor factus es mihi.

Lectiones de Scriptura occurrente.

R. i. Clamávit pópulus ad regem, aliménta petens: \* Quibus ille respóndit: Ite ad Joseph. ℣. Salus nostra in manu tua est: réspice nos tantum, et læti serviémus regi. Quibus.

R. ii. Fecit me Deus quasi patrem regis, et dómimum univérsæ domus ejus: \* Exaltávit me, ut salvos fáceret multos pópulos. ℣. Veníte ad me, et ego dabo vobis ómnia bona Ægýpti, ut comedátis medúllam terræ. Exaltávit.

R. iii. Jam lætus móriar, quia vidi fáciem tuam, et supérstitem te relínquo. Non sum fraudátus aspéctu tuo: \* Insuper osténdit mihi Dóminus semen tuum. ℣. Qui pascit me ab adolescéntia mea, benedícat púeris istis, et invocétur super eos nomen meum. Insuper. Glória Patri. Insuper.

In II. Nocturno.

Ant. Consúrgens Joseph.

Psalmus 4.

**C**um invocárem exaudivit me Deus justítiæ meæ: \* in tribulatione dilatásti mihi.

Miserére mei, \* et exaúdi oratió-nem meam.

Fílii hóminum úsquequo gravi corde? \* ut quid dilígitis vanitátem, et quæritis mendácium?

Et scitóte quóniam mirificávit Dóminus sanctum suum: \* Dóminus exaúdiet me cum clamávero ad eum.

Irascímini, et nolíte peccáre: \* quæ dicitis in córdibus vestris, in cubilibus vestris compungímini.

Sacrificáte sacrificium justítiæ, et speráte in Dómino. \* Multi dicunt: Quis osténdit nobis bona?

Signátum est super nos lumen vultus tui Dómine: \* dedísti lætítiam in corde meo.

A fructu fruménti, vini, et ólei sui \* multiplicáti sunt.

In pace in idípsum \* dórmiam, et requiéscam;

Quóniam tu Dómine singuláriter in spe \* constituísti me.

Ant. Consúrgens Joseph, accépit púerum et matrem ejus nocte, et secéssit in Ægýptum: et erat ibi usque ad óbitum Heródis.

Ant. Defúnto Heróde.

Psalmus 5.

**V**erba mea aúribus pércipe Dómine, \* intéllige clamórem meum.

Inténde voci oratiónis meæ, \* Rex meus et Deus meus.

Quóniam ad te orábo: \* Dómine mane exaúdies vocem meam.

Mane astábo tibi et vidébo: \* quóniam non Deus volens iniquitátem tu es.

Neque habitábit juxta te malignus: \* neque permanébunt injústi ante óculos tuos.

Odísti omnes, qui operántur iniquitátem: \* perdes omnes, qui loquúntur mendácium.

Virum sánguinum et dolósum abominábitur Dñs: \* ego autem in multitúdine misericórdiæ tuæ.

Introibo in domum tuam: \* adorábo ad templum sanctum tuum in timóre tuo.

Dómine deduc me in justítia tua: \* propter inimicos meos dirige in conspéctu tuo viam meam.

Quóniam non est in ore eórum véritas: \* cor eórum vanum est.

Sepúlchrum patens est guttur eórum, linguis suis dolóse agébant, \* júdica illos Deus.

Décidant a cogitátionibus suis, secúndum multitúdinem impietátum eórum expélle eos, \* quóniam irritavérunt te Dómine.

Et læténtur omnes, qui sperant in te, \* in ætérnum exsultábunt: et habitábis in eis.

Et gloriabúntur in te omnes, qui diligunt nomen tuum, \* quóniam tu benedíces justo.

Dómine, ut scuto bonæ voluntátis tuæ \* coronásti nos.

Ant. Defúncto Heróde, Angelus Dómini appáruit in somnis Joseph in Ægýpto, dicens: Surge, et accipe púerum et matrem ejus, et vade in terram Israël: defúncti sunt enim qui quærébant ánimam púeri.

Ant. Accépit Joseph.

Psalmus 8.

**D**ómine Dóminus noster, \* quam admirábile est nomen tuum in univérsa terra!

Quóniam eleváta est magnificéntia tua, \* super cœlos.

Ex ore infántium et lacténtium perfecísti laudem propter inimicos tuos, \* ut déstruas inimicum et ultórem.

Quóniam vidébo cœlos tuos,

ópera digitórum tuórum: \* lunam et stellas, quæ tu fundásti.

Quid est homo, quod memor es ejus? \* aut filius hóminis, quóniam vísitas eum?

Minuísti eum paulo minus ab Angelis, glória et honóre coronásti eum: \* et constituísti eum super ópera mánuum tuárum.

Omnia subjecísti sub pédibus ejus, \* oves et boves univérsas, insuper et pécora campi.

Vólucres cœli, et pisces maris, \* qui perámbulant sémitas maris.

Dómine Dóminus noster, \* quam admirábile est nomen tuum in univérsa terra!

Ant. Accépit Joseph púerum et matrem ejus, et venit in terram Israël.

V. Réspice de cœlo et vide, et vísita vîneam istam. R. Et pérfice eam.

Sermo sancti Bernárdi Abbátis.

Homilia 2. super Missus.

Lectio iv.

**D**esponsáta est María Joseph, vel pótius (sicut ponit Evangelísta) viro, cui nomen erat Joseph: virum nóminat, non quia marítus, sed quod homo virtútis erat: vel pótius quia juxta álium Evangelístam, non vir simpliciter, sed vir ejus dictus est, mérito appellátur, quod necessáριο putátur. Débuit ergo vir ejus appellári, quia necesse fuit et putári: sicut et pater Salvatóris non quidem esse, sed dici méruit, ut putarétur esse, dicente hoc ipso Evangelísta: Et ipse Jesus erat incípiens quasi annórum trigínta, ut putabátur, filius Joseph.

**R.** Dedisti mihi protectionem salutis tuæ, et dextera tua suscepit me: \* Protéctor meus, et cornu salutis meæ, et susceptor meus. **V.** Ego protéctor tuus sum, et merces tua magna nimis. Protéctor.

## Lectio v.

**N**on est dubium, quin bonus et fidelis homo fuerit iste Joseph, cui Mater desponsata est Salvatoris. Fidelis, inquam, servus et prudens, quem constituit Dominus suæ Matris solatium, suæ carnis nutrimentum, solum denique in terris magni consilii coadjutorem fidelissimum. Huc accedit, quod dicitur fuisse de domo David. Vere enim de domo David. Vere de régia stirpe descendit vir iste Joseph, nobilis genere, mente nobilior. Plane filius David, non degenerans a patre suo David; prorsus, inquam, filius David, non tantum carne, sed fide, sed sanctitate, sed devotione, quem tamquam alterum David Dominus invenit secundum cor suum, cui tuto committeret sacratissimum atque secretissimum sui cordis arcanium: cui, tamquam alteri David, incerta et occulta sapientiae suæ manifestavit, et dedit illi non ignarum esse mysterii, quod nemo principum huius sæculi agnovit.

**R.** Statuet filios suos sub tegmine illius, et sub ramis ejus morabitur: protegétur sub tegmine illius a fervore: \* Et in glória ejus requiescet. **V.** Sperate in eo, omnis congregatio populi: effundite coram illo corda vestra. Et in glória.

## Lectio vi.

**C**ui denique datum est, quod multi reges et prophetae cum vellent videre, non viderunt, audire et non

audierunt, non solum videre et audire, sed etiam portare, deducere, amplecti, deosculari, et nutrire et custodire. Non tantum autem Joseph, sed et Maria descendisse credenda est de domo David: alioquin non esset desponsata viro de domo David, si non esset et ipsa de domo David. Ambo igitur erant de domo David: sed in altera completa est veritas, quam juravit Dominus David, altero tamen conscio et teste adimplétæ promissionis.

**R.** Si consistant adversum me castra, non timebit cor meum: \* Si exurgat adversum me praelium, in hoc ego sperabo. **V.** In te cantatio mea semper, quoniam tu adjutor fortis. Si. Glória Patri. Si.

## In III. Nocturno.

Ant. Audiens Joseph.

## Psalmus 14.

**D**omine quis habitabit in tabernaculo tuo? \* aut quis requiescet in monte sancto tuo?

Qui ingreditur sine macula, \* et operatur justitiam:

Qui loquitur veritatem in corde suo; \* qui non egit dolum in lingua sua:

Nec fecit proximo suo malum, \* et opprobrium non accepit adversus proximos suos.

Ad nihilum deductus est in conspectu ejus malignus: \* timentes autem Dominum glorificat:

Qui jurat proximo suo, et non decipit, \* qui pecuniam suam non dedit ad usuram, et munera super innocentem non accepit.

Qui facit hæc, \* non movebitur in æternum.

Ant. Aúdiens Joseph quod Arche-  
láus regnáret in Judæa pro Heróde  
patre suo, tímuit illo ire.

Ant. Admónitus in somnis.

Psalmus 20.

**D**ómine in virtúte tua lætábitur  
rex: \* et super salutáre tuum  
exsultábit veheménter.

Desidérium cordis ejus tribuísti  
ei: \* et voluntáte labiórurn ejus non  
fraudásti eum.

Quóniam prævenísti eum in be-  
nedictionibus dulcédinis: \* posuísti  
in cápite ejus corónam de lápide  
pretiósó.

Vitam pétiit a te: \* et tribuísti ei  
longitúdinem diérurn in sæculum,  
et in sæculum sæculi.

Magna est glória ejus in salutári  
tuo: \* glóriam et magnum decórem  
impónes super eum.

Quóniam dabis eum in benedi-  
ctionem in sæculum sæculi: \* læti-  
ficábis eum in gáudio cum vultu  
tuo.

Quóniam rex sperat in Dómino:  
\* et in misericórdia Altíssimi non  
commovébitur.

Inveniátur manus tua ómnibus  
inimícis tuis: \* dextera tua invéniat  
omnes, qui te odérunt.

Pones eos ut clíbanum ignis in  
témptore vultus tui: \* Dóminus in  
ira sua conturbábit eos, et devorá-  
bit eos ignis.

Fructum eórum de terra perdes:  
\* et semen eórum a filiis hóminum.

Quóniam declinavérunt in te  
mala: \* cogitavérunt consília, quæ  
non potuérunt stabilíre.

Quóniam pones eos dorsum: \*  
in reliquiis tuis præparábis vultum  
eórum.

Exaltáre Dñe in virtúte tua: \* can-  
tábitus et psallémus virtútes tuas.

Ant. Admónitus in somnis, Jo-  
seph secéssit in partes Galilææ, et  
véniens habitávit in civitáte quæ  
vocátur Názareth; ut adimplerétur  
quod dictum est per Prophétas:  
Quóniam Nazaræus vocábitur.

Ant. Erat pater Jesu.

Psalmus 23.

**D**ómini est terra, et plenitúdo  
ejus: \* orbis terrárum, et uni-  
vérsi qui hábitant in eo.

Quia ipse super mária fundávit  
eum: \* et super flúmina præpará-  
vit eum.

Quis ascéndet in montem Dñi? \*  
aut quis stabit in loco sancto ejus?

Innocens mánibus et mundo  
corde, \* qui non accépit in vano  
ánimam suam, nec jurávit in dolo  
 próximo suo.

Hic accípiet benedictionem a  
Dómino: \* et misericórdiam a Deo  
salutári suo.

Hæc est generátio quæréntium  
eum, \* quæréntium fáciem Dei  
Jacob.

Attóllite portas príncipes ve-  
stras, et elevámini portæ æterná-  
les: \* et introíbit Rex glóriæ.

Quis est iste Rex glóriæ? \* Dó-  
minus fortis et potens: Dóminus  
potens in prælio.

Attóllite portas príncipes ve-  
stras, et elevámini portæ æter-  
náles: \* et introíbit Rex glóriæ.

Quis est iste Rex glóriæ? \*  
Dóminus virtútum ipse est Rex  
glóriæ.

Ant. Erat pater Jesu et mater  
mirántes super his quæ dicebántur  
de illo; et benedixit illis Símeon.

℣. Invocávi Dóminum, Patrem Dómini mei. ℞. Ut non derelinquat me in die tribulatiónis.

Léctio sancti Evangélíi secúndum Lucam.

Lectio vii. Cap. 3. c.

**I**n illo témpore: Factum est autem, cum baptizarétur omnis pópulus et Jesu baptizáto et oránte, apértum est cœlum. Et réliqua.

Homilia sancti Augustíni Epíscopi.

Lib. 23. contra Faust. cap. 7. 8.

**S**ic de cœlo dictum est super aquam Jordánis: Hic est Fílius meus diléctus, in quo mihi bene complácu: quemádmódum dictum est et in monte. Neque enim quia et ibi de cœlo vox ipsa sónuit, Fílius Dei ante non fuit: quandóquidem ex útero Vírginis ille accépit formam servi, qui cum in forma Dei esset, non rapínam arbitrátus est, esse se æquálem Deo. Dénique idem Apóstolus Paulus álio loco apertíssime dicit: Cum autem venit plenitúdo témporis, misit Deus Fílium suum factum ex muliere, factum sub lege, ut eos, qui sub lege erant, redímeret, ut filiórum adoptiόνem reciperémus. Ipse ergo est Fílius Dei, qui et Dóminus David secúndum divinitátem, et idem ipse Fílius David ex sémine David secúndum carnem.

℞. Joseph fili David, noli timére accíperre Mariam cónjugem tuam: quod enim in ea natum est, de Spíritu sancto est: páriet autem fílium, \* Et vocábis nomen ejus Jesum. ℣. Ipse enim salvum fáciat pópulum suum a peccátis eórum. Et vocábis.

Lectio viii.

**Q**uod si nobis crédere non prodésset, non hoc tam atténte idem Apóstolus Timótheo coméndáret dicens: Memor esto Christum Jesum resurrexisse a mórtuis, ex sémine David, secúndum Evangélium meum. Quid ergo jam móveat sancti Evangélíi sectatórem, quod sine concúbitu Joseph Christus natus ex Vírgine, fílius tamen David appellátur, cum generatiónum sériem non usque ad Mariám, sed usque ad Joseph Matthæus Evangelísta perdúcat? Primo quia maríti ejus fúerat propter virilem sexum pótius honoránda persóna: neque enim quia concúbitu non permíxtus, ideo non marítus, cum ipse Matthæus narret ab Angelo Mariám cónjugem ipsíus appellátam, qui narrat, quod de Spíritu sancto concéperat.

℞. Surge, et áccipe púerum et matrem ejus, et fuge in Ægýptum: \* Et esto ibi, usque dum dicam tibi. ℣. Ut adimplerétur quod dictum est a Dómino per Prophétam dicéntem: Ex Ægýpto vocávi fílium meum. Et. Glória Patri. Et.

Lectio ix.

**C**um vero unus idémque narrátor utrúmque dicat, utrúmque coméndet, et virum Mariæ Joseph, et Christi Vírginem Matrem, et Christum ex sémine David, et Joseph in série progeneratórum Christi ex David: quid restat, nisi et Mariám non fuisse extráneam a cognatióne David, et eam Joseph cónjugem non frustra appellátam propter órđinem sexus et animórum confœderatiónem; et Joseph pótius pro-

pter dignitatem virilem ab ordine generationum illarum non fuisse separandum, ne hoc ipso videretur ab illa femina separatus, cui eum conjungebat mentis affectus?

Te Deum laudamus. 14.

**Ad Laudes**

et per Horas.

Ant. 1. Jacob autem \* genuit Joseph virum Mariæ, de qua natus est Jesus, qui vocatur Christus.

Ps. Dominus regnavit. 15.

2. Missus est \* Angelus Gábríel a Deo in civitatem Galilææ, cui nomen Názareth, ad Virginem desponsatam viro, cui nomen erat Joseph.

3. Ascendit autem \* Joseph a Galilæa de civitate Názareth, in Judæam, in civitatem David, quæ vocatur Béthlehem.

4. Et venerunt festinantes, \* et invenérunt Mariam et Joseph, et infan-tem positum in præsepio.

5. Et ipse Jesus \* erat incipiens quasi annorum triginta, ut putabatur filius Joseph.

Capitulum. Gen. 49. d.

**B**enedictiones patris tui confortatæ sunt benedictionibus patrum ejus, donec veniret desiderium collium æternorum: fiant in capite Joseph, et in vertice Nazarethi inter fratres suos.

Hymnus.

**C**œlitum Joseph decus, atque nostræ

Certa spes vitæ, columénque mundi,

Quas tibi læti cānimus, benígnus

Súscipe laudes.

Te Sator rerum státuit pudicæ  
Virginis sponsum, voluitque  
Verbi

Te patrem dici, dedit et minístrum

Esse salutis.

Tu Redemptórem stábulo jacén-tem,

Quem chorus Vatum cécinit futúrum,

Aspicias gaudens, humilisque natum

Numen adóras.

Rex Deus regum, Dominátor orbis,

Cujus ad nutum tremit inferórum

Turba, cui pronus famulá-  
tur æther,

Se tibi subdit.

Laus sit excelsæ Triadi perén-  
nis,  
Quæ tibi præbens súperos ho-  
nóres,

Det tuis nobis méritis beátæ  
Gáudia vitæ. Amen.

V. Dedísti mihi protectionem sa-  
lutis tuæ. R. Et dextera tua sus-  
cepit me.

Ad Bened. Ant. Joseph, fili Da-  
vid, \* noli timere accipere Mariam  
cónjugem tuam; quod enim in ea  
natum est, de Spíritu sancto est.

Oratio.

**D**eus, qui ineffabili providéntia  
beátum Joseph sanctíssimæ  
Genitrícis tuæ sponsum elígere  
dignátus es: præsta, quæsumus; ut  
quem protectórem venerámur in  
terris, intercessórem habére me-  
reámur in cœlis: Qui vivis.

Ad Tertiam.

Ant. Missus est.

Capit. Benedictiones. ut supra.



R. br. Constituit eum \* Dóminus domus suæ. Constituit. V. Et principem omnis possessionis suæ. Dóminum. Glória Patri. Constituit.

V. Confitébor nómini tuo. R. Quóniam adjutor et protector factus es mihi.

#### Ad Sextam.

Ant. Ascendit autem.

Capitulum. Gen. 49. c.

**D**eus patris tui erit adjutor tuus, et Omnipotens benedicet tibi benedictionibus cœli desuper.

R. br. Confitébor \* Nómini tuo. Confitébor. V. Quóniam adjutor et protector factus es mihi. Nómini. Glória Patri. Confitébor.

V. Justus germinabit sicut lílium. R. Et florébit in ætérnum ante Dóminum.

#### Ad Nonam.

Ant. Et ipse Jesus.

Capitulum. Gen. 49. c.

**F**ilius accrescens Joseph, filius accrescens, et decorus aspectu: filiæ discurrerunt super murum.

R. br. Justus germinabit \* Sicut lílium. Justus. V. Et florébit in ætérnum ante Dóminum. Sicut. Glória Patri. Justus.

V. Plantatus in domo Dómini. R. In átriis domus Dei nostri.

#### In II. Vesperis.

Omnia ut in I. Vesp. [211], præter sequentia.

V. Sub umbra illius quem desideraveram sedi. R. Et fructus ejus dulcis gútturi meo.

Ad Magnif. Ant. Fili, quid fecisti \* nobis sic? Ecce pater tuus et ego dolentes quærebamus te.

#### Pro FERIA V.

Officium votivum

de Ss. Eucharistiæ Sacramento.

Semiduplex.

#### In I. Vesperis.

Ant. Sacerdos in ætérnum.

Psalmus 109.

**D**ixit Dóminus Dómino meo:

\* Sede a dextris meis:

Donec ponam inimicos tuos, \* scabellum pedum tuorum.

Virgam virtutis tuæ emittet Dóminus ex Sion: \* dominare in medio inimicorum tuorum.

Tecum principium in die virtutis tuæ in splendóribus sanctorum: \* ex útero ante luciferum genui te.

Juravit Dñs, et non pœnitēbit eum: \* Tu es sacerdos in ætérnum secundum ordinem Melchisedech.

Dóminus a dextris tuis, \* confrēgit in die iræ suæ reges.

Judicabit in nationibus, implēbit ruinas: \* conquassabit capita in terra multorum.

De torrénte in via bibet: \* protērea exaltabit caput.

Ant. Sacerdos in ætérnum Christus Dñs secundum ordinem Melchisedech, panem et vinum obtulit.

Ant. Miserátor Dóminus.

Psalmus 110.

**C**onfitebor tibi Dómine in toto corde meo: \* in consilio justorum, et congregatiōe.

Magna ópera Dómini: \* exquisita in omnes voluntates ejus.

Confessio et magnificētia opus ejus: \* et justitia ejus manet in sæculum sæculi.

Memóriam fecit mirabilium suorum, miséricors et miserátor Dóminus: \* escam dedit timéntibus se.

Memor erit in sæculum testaménti sui: \* virtútem óperum suórum annuntiábit pópulo suo:

Ut det illis hæreditátem Gén-tium: \* ópera mánuum ejus véritas, et judícium.

Fidélia ómnia mandáta ejus: confirmáta in sæculum sæculi, \* facta in veritáte et æquitáte.

Redemptiónem misit pópulo suo: \* mandávit in ætérnum testaméntum suum.

Sanctum, et terribile nomen ejus: \* inítium sapiéntiæ timor Dómini.

Intelléctus bonus ómnibus faciéntibus eum: \* laudátio ejus manet in sæculum sæculi.

Ant. Miserátor Dóminus escam dedit timéntibus se in memóriam suórum mirabilium.

Ant. Cálicem salutáris.

Psalmus 115.

**C**rédidi, propter quod locútus sum: \* ego autem humiliátus sum nimis.

Ego dixi in excéssu meo: \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accípiam: \* et nomen Dómini invocábo.

Vota mea Dño reddam coram omni pópulo ejus: \* pretiósá in conspéctu Dñi mors sanctórum ejus:

O Dñe quia ego servus tuus: \* ego servus tuus, et filius ancillæ tuæ.

Dirupísti víncula mea: \* tibi sacrificábo hóstiam laudis, et nomen Dómini invocábo.

Vota mea Dño reddam in conspéctu omnis pópuli ejus: \* in átriis domus Dñi, in médio tui Jerúsalem.

Ant. Cálicem salutáris accípiam, et sacrificábo hóstiam laudis.

Ant. Sicut novéllæ olivárum.

Psalmus 127.

**B**eáti omnes, qui timent Dñm, \* qui ámbulant in viis ejus.

Labóres mánuum tuárum quia manducábis: \* beátus es, et bene tibi erit.

Uxor tua sicut vitis abúndans, \* in latéribus domus tuæ.

Fílii tui sicut novéllæ olivárum, \* in circúitu mensæ tuæ.

Ecce sic benedicétur homo, \* qui timet Dóminum.

Benedícat tibi Dóminus ex Sion: \* et vídeas bona Jerúsalem ómnibus diébus vitæ tuæ.

Et vídeas filios filiórum tuórum, \* pacem super Israël.

Ant. Sicut novéllæ olivárum, Ecclésiæ filii sint in circúitu mensæ Dómini.

Ant. Qui pacem.

Psalmus 147.

**L**auda Jerúsalem Dóminum: \* \* lauda Deum tuum Sion.

Quóniam confortávit seras portárum tuárum: \* benedixit filiis tuis in te.

Qui pósuit fines tuos pacem: \* et ádipe fruménti sátiat te.

Qui emíttit elóquium suum terræ: \* velóciter currit sermo ejus.

Qui dat nivem sicut lanam: \* nébulam sicut cínerem spargit.

Mittit crystállum suam sicut buccéllas: \* ante faciém frígoris ejus quis sustinébit?

Emíttet verbum suum, et liquefaciet ea: \* flabit spíritus ejus, et fluent aquæ.

Qui annúntiat verbum suum Jacob: \* justítiás, et judícia sua Israël.

Non fecit táliter omni natióni: \* et judícia sua non manifestávit eis.

Ant. Qui pacem ponit fines Ecclésiæ, fruménti ádipe sátiat nos Dóminus.

Capitulum. 1. Cor. 11. e.

**F**ratres: Ego enim accépi a Dómino quod et trádidí vobis, quóniam Dóminus Jesus, in qua nocte tradebátur, accépit panem, et grátias agens fregit, et dixit: Accípíte, et manducáte: hoc est corpus meum, quod pro vobis tradétur: hoc fácite in meam commemoriatióem.

Hymnus.

**P**ange lingua gloriósi  
Córporis mystérium,  
Sanguínisque pretiósi,  
Quem in mundi prétium  
Fructus ventris generósi  
Rex effúdit Géntium.

Nobis datus, nobis natus  
Ex intácta Vírgine,  
Et in mundo conversátus,  
Sparsó verbi sémíne,  
Sui moras incolátus  
Miro clausit órđine.

In suprémæ nocte cœnæ,  
Recumbens cum frátribus  
Observáta lege plene  
Cibis in legálibus,  
Cibum turbæ duodénæ  
Se dat suis mánibus.

Verbum caro, panem verum  
Verbo carnem éfficit:  
Fitque sanguis Christi merum,  
Et si sensus déficit,  
Ad firmándum cor sincérum  
Sola fides súfficit.

Tantum ergo Sacraméntum  
Venerémur cernui:  
Et antíquum documéntum  
Novo cedat rítui:

Præstet fides suppléméntum  
Sénsuum deféctui.

Genitóri, Genitóque  
Laus et jubilátió,  
Salus, honor, virtus quoque  
Sit et benedíctiо:  
Procedénti ab utróque  
Compar sit laudátiо. Amen.

V. Panem de cœlo præstitísti  
eis. R. Omne delectaméntum in  
se habéntem.

Ad Magnif. Ant. O quam suávis  
est \* Dómine spíritus tuus, qui ut  
dulcédinem tuam in filios demon-  
stráres, pane suavíssimo de cœlo  
præstito, esuriéntes reple bonis,  
fastidiósos dívites dimittens inánes.

Oratio.

**D**eus, qui nobis sub Sacraménto  
mirábili passiónis tuæ memóri-  
am reliquisti: tribue, quæsumus,  
ita nos córporis et ságuinis tui  
sacra mystéria venerári; ut red-  
emptiόnis tuæ fructum in nobis  
júgiter sentiámus: Qui vivis.

Ad Completorium, et per Horas, in  
fine Hymnorum dicitur:

Jesu, tibi sit glória,  
Qui natus es de Vírgine.

**Ad Matutinum.**

Invitat. Christum Regem adoré-  
mus dominántem Géntibus: \* Qui  
se manducántibus dat spíritus pin-  
guédinem.

Ps. Veníte, exsultémus. 2.

Hymnus.

**S**acris solémniis juncta sint gaú-  
dia,  
Et ex præcórdiis sonent præ-  
cónia;  
Recédant vétera, nova sint  
ómnia,  
Corda, voces, et ópera.

Noctis recólitur cœna novíssima,  
Qua Christus créditur agnum et  
ázyma

Dedisse frátribus, juxta legítima  
Priscis indúlta pátribus.

Post agnum týpicum, explétis épu-  
lis,

Corpus Domínicum datum discí-  
pulis,

Sic totum ómnibus, quod totum  
sínculis,

Ejus fatémur mánibus.

Dedit fragílibus córporis férculum,  
Dedit et trístibus sánguini pó-  
culum,

Dicens: accípíte quod trado  
vásculum,

Omnes ex eo bíbite.

Sic sacrificium istud instítuit,  
Cujus offícium commítte vóluit  
Solis presbýteris, quibus sic cón-  
gruit,

Ut sumant, et dent céteris.

Panis angélicus fit panis hóminum;  
Dat panis cóelicus figúris térmi-  
num:

O res mirábilis, mandúcat Dñm  
Pauper, servus, et húmilis.

Te trina Déitas únaque póscimus,  
Sic nos tu vísita, sicut te cóli-  
mus:

Per tuas sémitas duc nos quo  
téndimus,

Ad lucem, quam inhábitas.  
Amen.

In I. Nocturno.

Ant. Fructum salutíferum.

Psalmus 1.

**B**eátus vir, qui non ábiit in con-  
sílio impiórum, et in via pec-  
catórum non stetit, \* et in  
cáthedra pestiléntiæ non sedit:

Sed in lege Dómini volúntas ejus,  
\* et in lege ejus meditábitur die ac  
nocte.

Et erit tamquam lignum, quod  
plantátum est secus decúrsus aquá-  
rum, \* quod fructum suum dabit  
in témpore suo:

Et fólium ejus non défluet: \* et  
ómnia quæcúmque fáciat, prospé-  
rabúntur.

Non sic ímpii, non sic: \* sed  
tamquam pulvis, quem prójicit  
ventus a fácie terræ.

Ideo non resúrgent ímpii in ju-  
dício: \* neque peccatóres in con-  
cilio justórum.

Quóniam novit Dñs viam justó-  
rum: \* et iter impiórum períbit.

Ant. Fructum salutíferum gu-  
stándum dedit Dóminus mortis  
suæ témpore.

Ant. A fructu fruménti.

Psalmus 4.

**C**um invocárem exaúdivit me  
Deus justítiæ meæ: \* in tribu-  
latióne dilatásti mihi.

Miserére mei, \* et exaúdi ora-  
tiónem meam.

Fílii hóminum úsquequo gravi  
corde? \* ut quid dilígitis vanitá-  
tem, et quæritis mendácium?

Et scitóte quóniam mirificávit  
Dóminus sanctum suum: \* Dómi-  
nus exaúdiet me cum clamávero  
ad eum.

Irascímini, et nolíte peccáre: \*  
quæ dicitis in córdibus vestris, in  
cubílibus vestris compungímini.

Sacrificáte sacrificium justítiæ,  
et speráte in Dómino: \* multi di-  
cunt: Quis osténdit nobis bona?

Signátum est super nos lumen  
vultus tui Dómine: \* dedísti lætí-  
tiam in corde meo.

A fructu fruménti, vini, et ólei  
sui \* multiplicáti sunt.

In pace in idípsum \* dórmiam,  
et requiéscam;

Quóniam tu Dómine singuláriter  
in spe \* constituísti me.

Ant. A fructu fruménti et vini  
multiplicáti fidéles in pace Christi  
requiészunt.

Ant. Communióne cálicis.

Psalmus 15.

**C**onsérva me Dómine, quóniam  
sperávi in te. \* Dixi Dómino:  
Deus meus es tu, quóniam bonó-  
rum meórum non eges.

Sanctis, qui sunt in terra ejus, \*  
mirificávit omnes voluntátes meas  
in eis.

Multiplicátæ sunt infirmitátes  
eórum: \* póstea acceleravérunt.

Non congregábo conventícula  
eórum de sanguínibus, \* nec me-  
mor ero nóminum eórum per lá-  
bia mea.

Dóminus pars hæreditátis meæ,  
et cálicis mei: \* tu es, qui restítues  
hæreditátem meam mihi.

Funes cecidérunt mihi in præclá-  
ris: \* étenim hæréditas mea præ-  
clára est mihi.

Benedícam Dóminum, qui trí-  
buit mihi intelléctum: \* ínsuper et  
usque ad noctem increpuérunt me  
renes mei.

Providébam Dóminum in con-  
spéctu meo semper: \* quóniam a  
dextris est mihi, ne commóvear.

Propter hoc lætátum est cor  
meum, et exsultávit lingua mea:  
\* ínsuper et caro mea requiészet  
in spe.

Quóniam non derelínques áni-  
mam meam in inférno: \* nec da-

bis sanctum tuum vidére corru-  
ptiónem.

Notas mihi fecísti vias vitæ, ad-  
implébis me lætítia cum vultu tuo:  
\* delectatiónes in délixtera tua us-  
que in finem.

Ant. Communióne cálicis, quo  
Deus ipse súmitur, non vitulórum  
sánguine, congregávit nos Dó-  
minus.

℣. Panem cœli dedit eis. ℞. Pa-  
nem Angelórum manducávit homo.

Lectiones de Scriptura occurrente.

℞. i. Immolábit hœdum multítu-  
do filiórum Israël ad vésperam Pa-  
schæ: \* Et edent carnes, et ázymos  
panes. ℣. Pascha nostrum immo-  
látus est Christus: ítaque epulémur  
in ázymis sinceritátis et veritátis.  
Et edent carnes.

℞. ii. Comedétis carnes, et satu-  
rabímini pánibus: \* Iste est panis,  
quem dedit vobis Dóminus ad ve-  
scéndum. ℣. Non Móyses dedit  
vobis panem de cœlo, sed Pater  
meus dat vobis panem de cœlo  
verum. Iste est panis.

℞. iii. Respéxit Elías ad caput  
suum subcinerícium panem: qui  
surgens comédit et bibit: \* Et am-  
bulávit in fortitúdine cibi illíus  
usque ad montem Dei. ℣. Si quis  
manducáverit ex hoc pane, vivet  
in ætérnum. Et. Glória Patri. Et.

In Quadragesima vero dicuntur se-  
quentes Lectiones.

De Epístola prima beáti Pauli  
Apóstoli ad Corínthios.

Lectio i. Cap. 11. d.

**C**onveniéntibus vobis in unum,  
jam non est Domínicam cœ-  
nam manducáre. Unusquis-  
que enim suam cœnam præsumit

ad manducándum. Et álius quidem ésurit: álius autem ébrius est. Numquid domos non habétis ad manducándum et bibéndum? aut Ecclésiam Dei contémnitis, et confúnditis eos, qui non habent? Quid dicam vobis? Laudo vos? In hoc non laudo.

R̃. Immolábit hœdum. [223]

Lectio ii.

**E**go enim accépi a Dómino quod et trádidi vobis, quóniam Dóminus Jesus, in qua nocte tradebátur, accépit panem, et grátias agens fregit, et dixit: Accípite, et manducáte: hoc est corpus meum, quod pro vobis tradétur: hoc fácite in meam commemoratióem. Simíliter et cálicem, postquam cœnávít, dicens: Hic calix novum testaméntum est in meo ságuine. Hoc fácite, quotiescúmque bibétis, in meam commemoratióem. Quotiescúmque enim manducábitis panem hunc, et cálicem bibétis, mortem Dómini annuntiábitis, donec véniat. R̃. Comedétis carnes. [223]

Lectio iii.

**I**taque quicúmque manducáverit panem hunc, vel bíberit cálicem Dómini indígne: reus erit córporis et ságuinis Dómini. Probet autem seípsum homo: et sic de pane illo edat, et de cálice bibat. Qui enim mandúcat et bibit indígne, júdicium sibi mandúcat et bibit: non dijúdicans corpus Dómini. Ideo inter vos multi infirmi et imbecíles, et dórmiunt multi. Quod si nosmetípsos dijudicáremus, non útique judicáremur. Dum judicámur autem, a Dómino corrípimur, ut non cum hoc mundo damnémur.

R̃. Respéxit Elías. [223]

In II. Nocturno.

Ant. Memor sit Dóminus.

Psalmus 19.

**E**xáudiat te Dóminus in die tribulatiónis: \* próteget te nomen Dei Jacob.

Mittat tibi auxiliú de sancto: \* et de Sion tueátur te.

Memor sit omnis sacrificii tui: \* et holocaústum tuum pingue fiat.

Tribuat tibi secúndum cor tuum: \* et omne consílium tuum confirmet.

Lætábimur in salutári tuo: \* et in nómine Dei nostri magnificábitur.

Impleat Dóminus omnes petitiónes tuas: \* nunc cognóvi quóniam saluum fecit Dñs Christum suum.

Exaúdiet illum de cœlo sancto suo: \* in potentátibus salus dexteræ ejus.

Hi in cúrribus, et hi in equis: \* nos autem in nómine Dómini Dei nostri invocábimus.

Ipsi obligáti sunt, et cecidérunt: \* nos autem surréximus et erécti sumus.

Dómine saluum fac regem: \* et exaúdi nos in die, qua invocavérimus te.

Ant. Memor sit Dóminus sacrificii nostri, et holocaústum nostrum pingue fiat.

Ant. Parátur nobis.

Psalmus 22.

**D**óminus regit me, et nihil mihi déerit: \* in loco pásquæ ibi me collocávit.

Super aquam refectionis educávit me: \* ánimam meam convértit.

Dedúxit me super sémitas justitiæ, \* propter nómen suum.



Nam, et si ambulávero in médio umbræ mortis, non timébo mala: \* quóniam tu mecum es.

Virga tua, et báculo tuus: \* ipsa me consoláta sunt.

Parásti in conspéctu meo mensam, \* advérsus eos, qui tríbulant me.

Impinguásti in óleo caput meum: \* et calix meus inébrians quam præclárus est!

Et misericórdia tua subsequétur me \* ómnibus diébus vitæ meæ:

Et ut inhábitem in domo Dómini, \* in longitudínem diérum.

Ant. Parátur nobis mensa Dómini advérsus omnes, qui tríbulant nos.

Ant. In voce exsultatiónis.

Psalmus 41.

**Q**uemádmódum desíderat cervus ad fontes aquárum: \* ita desíderat ánima mea ad te Deus.

Sitívit ánima mea ad Deum fortem vivum: \* quando véniam, et apparebo ante fáciem Dei?

Fuérent mihi lácrimæ meæ panes die ac nocte: \* dum dícitur mihi quotidie: Ubi est Deus tuus?

Hæc recordátus sum, et effúdi in me ánimam meam: \* quóniam transibo in locum tabernáculi admirábilis, usque ad domum Dei.

In voce exsultatiónis, et confessiós: \* sonus epulántis.

Quare tristis es ánima mea? \* et quare contúrbas me?

Spera in Deo, quóniam adhuc confitébor illi: \* salutáre vultus mei, et Deus meus.

Ad meípsum ánima mea conturbáta est: \* proptérea memor ero tui de terra Jordánis, et Hermóniim a monte mó dico.

Abýssus abýssum ínvo cat, \* in voce cataractárum tuárum.

Omnia excélsa tua, et fluctus tui \* super me transiérunt.

In die mandávit Dóminus misericórdiam suam: \* et nocte cánticum ejus.

Apud me orátio Deo vitæ meæ, \* dicam Deo: Suscéptor meus es.

Quare oblítus es mei? \* et quare contristátus incédo, dum affligit me inimícus?

Dum confringúntur ossa mea, \* exprobravérunt mihi qui tríbulant me inimíci mei.

Dum dicunt mihi per síngulos dies: Ubi est Deus tuus? \* quare tristis es ánima mea, et quare contúrbas me?

Spera in Deo, quóniam adhuc confitébor illi: \* salutáre vultus mei, et Deus meus.

Ant. In voce exsultatiónis résonent epulántes in mensa Dómini.

V. Cibávit illos ex ádipe fruménti. R. Et de petra, melle saturávit eos.

Mense Decembri.

Sermo sancti Cyrílli Epíscopi Jerosolymítáni.

Catechesi mystagog. 4.

Lectio iv.

**I**psa beáti Pauli doctrína abunde suffícere vidétur, ut certam vobis de divínis mystériis fidem fáciat, quibus digni rédditi, concorpórei, ut ita dicam, et consanguínei Christi facti estis. Ipse enim modo clamábat, quod in nocte qua tradebátur Dóminus noster Jesus Christus, accípiens panem, et grátias agens fregit, et dedit discípulis suis, dicens: Accí-

pite, et manducáte: hoc est corpus meum. Et accípiens cálicem, et grátias agens, dixit: Accípíte, et bíbite: hic est sanguis meus. Cum igitur ipse de pane pronuntiáverit ac díxerit: Hoc est corpus meum: quis audébit deinceps ambígere? Et cum idem ipse tam asseveránter díxerit: Hic est sanguis meus: quis umquam dubitáverit, ut dicat non esse ejus ságuinem?

R. Coenántibus illis accépit Jesus panem, et benedíxit, ac fregit, dedítque discíplis suis, et ait: \* Accípíte, et comédite: hoc est corpus meum. V. Dixérunt viri tabernáculi mei: Quis det de cárnibus ejus, ut saturémur? Accípíte.

#### Lectio v.

**A**quam olim in vinum convértit in Cana Galilææ, quod habet quamdam cum ságuine propinquitátem: et eum parum dignum existimábimus, cui credámus quod vinum in ságuinem transmutárit? Ad eas núptias, quibus córpora copulántur, vocátus, præter opiñiónem ómnium hoc fecit miráculum: et non multo magis sic eum corpus et ságuinem suum fruénda nobis donásse persuásum firmiter habébimus, ut ea cum omni certitúde tamquam corpus ipsíus et ságuinem sumámus? Nam in spécie panis dat nobis corpus, et in spécie vini dat nobis ságuinem: ut cum sumpseris, gustes corpus et ságuinem Christi, factus ejúsdem córporis et ságuinis párticeps. Sic enim efficimur Christíferi, hoc est Christum in corpóribus nostris feréntes, cum corpus ejus et ságuinem in membra no-

stra recípimus: sic secúndum beátum Petrum, divínæ natúræ consortes réddimur.

R. Accépit Jesus cálicem, postquam coenávit, dicens: Hic calix novum testaméntum est in meo ságuine: \* Hoc fácite in meam commemoratióem. V. Memória memor ero, et tabéscet in me ánima mea. Hoc fácite.

#### Lectio vi.

**O**lim cum Judæis Christus disrens, Nisi manducavéritis, inquit, carnem meam, et bibéritis meum ságuinem, non habébitis vitam in vobis. Cum autem illi, quæ dicta fúerant, non spiritaliter accepíssent, offénsi abiérunt retro: putábant enim quod eos ad manducándas carnes hortarétur. Erant et in véteri testaménto panes propositionis; verum illi cum fúerint véteris testaménti, finem jam acceperunt. In novo vero testaménto panis est cœléstis, et calix salutáris, qui et ánimam et corpus sanctíficant. Quamóbrem non sic hæc attéandas velim, tamquam sint nudus et simplex panis, nudum et simplex vinum: corpus enim sunt et sanguis Christi. Nam étiam si sensus illud tibi renúnciat, fides tamen te confirmet. Ne júdices rem ex gustu: sed te citra ullam dubitatióem fides certum reddat, quod sis dignus factus, qui córporis et ságuinis Christi párticeps fíeres.

R. Ego sum panis vitæ: patres vestri manducavérunt manna in desérto, et mórtui sunt: \* Hic est panis de cœlo descéndens, ut si quis ex ipso mandúcet, non moriá-

tur. V. Ego sum panis vivus, qui de cœlo descendi: si quis manducaverit ex hoc pane, vivet in ætænum. Hic. Glória Patri. Hic.

Mensibus Januario et Februario.  
Sermo sancti Joáñis Chrysóstomi.

Homilia 61. ad pop. Ant.

Lectio iv.

**N**ecessarium est, dilectissimi, mysteriõrum discere miraculum, quodnam sit, et quare sit datum, et quæ ejus rei utilitas. Unum corpus efficitur: membra, inquit, ex carne ejus, et ex ossibus ejus: sequámur autem initiati, quæ dicuntur. Ut itaque non tantum per caritatem hoc fiamus, verum etiam ipsa re, in illam misceámur carnem: hoc namque per escam efficitur, quam largitus est nobis, volens ostendere desiderium quod erga nos habet. Propterea semetipsum nobis inmiscuit, et corpus suum in nos contempéravit, ut unum quid simus tamquam corpus capiti coaptatum: ardenter enim amantiũ hoc est.

R. Cœnantibus illis. [226]

Lectio v.

**T**amquam leões igitur ignem spirantes ab illa mensa recedamus, facti diabolo terribiles, et caput nostrum mente revolventes, et caritatem quam erga nos ostendit. Nam parentes quidem aliis sæpe filios tradunt alendos: ego autem, inquit, non ita, sed carnibus meis alo, et meipsum vobis appono, vos omnes generosos esse volens, et spem bonam de futuris vobis præbens: quippe qui vobis hic meipsum tradidi, multo magis id in futuro faciam. Vólui frater

vester fieri, carni propter vos et sanguini communicavi: vobis, vicissim ipsam carnem et sanguinem, per quæ cognatus vester factus sum, trado.

R. Accépit Jesus. [226]

Lectio vi.

**A**ttendamus itaque nobis ipsis, dilectissimi, talibus fruentes bonis: et cum aliquid turpe dicere voluerimus, vel nos ab ira corripi viderimus, vel alio quopiam hujusmodi vicio, consideremus quibus facti sumus digni: talisque cogitatio nobis irrationabilium motuum sit correctio. Quotquot igitur hujus participes corporis efficitur, quotquot sanguinem degustamus; cogitemus, quod illum sursum sedentem, qui ab Angelis adoratur incorruptibili vicinus virtuti, hunc degustamus. Hei mihi, quot ad salutem nobis viæ! Nos corpus suum effecit: nobis suum communicavit corpus: et horum nos nihil a malis avértit.

R. Ego sum panis. [226]

Mense Martio.

Sermo sancti Joáñis Chrysóstomi.

Homilia 60. ad pop. Ant.

Lectio iv.

**Q**uoniam Verbum dicit: Hoc est corpus meum: et assentiámur, et credámus, et intellectuálibus ipsum oculis intueámur. Nihil enim sensibile nobis Christus tradidit: sed sensibilibus quidem rebus, at omnia intelligibilia. Itidem et in baptísmate: per rem nempe sensibilem aquam, donum confertur: intelligibile vero quod perficitur, generatio et reno-

vátio. Si enim incorpóreus esses, nuda et incorpórea tibi dedísset ipse dona: sed quóniam ánima córpori consérta est, in sensibílibus intelligibília tibi præbet. Quot nunc dicunt: Vellem ipsíus formam aspícere, figúram, vestiménta, calceaménta? Ecce eum vides, ipsum tangis, ipsum mandúcas. Et tu quidem vestiménta cupis vidére: ipse vero tibi concédit non tantum vidére, verum et manducáre, et tángere, et intra te súmere.

R. Cœnántibus illis. [226]

#### Lectio v.

**I**gitur accédât nemo cum náusea, nemo resolutus, omnes accénsi, omnes fervéntes et excitáti. Nam si Judæi stantes, et calceaménta in pédibus habéntes, et báculos má nibus gestántes, agnum cum festinátione comedébant: te multo magis opórtet esse solértem. Nam illi quidem in Palæstínam erant profectúri, et propterea viatórum figúram habébant: tu vero debes in cœlum migráre. Quaprópter in ómnibus opórtet te vigiláre: nec enim parva pœna propónitur indigne suméntibus. Cógita quantum advérsus proditórem indignáris, et contra eos qui illum crucifixerunt: itaque consídera, ne tu quoque sis reus córporis et ságuinis Christi. Illi sanctíssimum corpus occidé runt, tu vero pollúta súscipis ánima, post tot beneficia. Neque enim illi satis fuit, hóminem fieri, cólaphis cædi, et crucifigi: verum et semetípsum nobis commíscet; et non fide tantum, verum et ipsa re nos suum éfficit corpus.

R. Accépit Jesus. [226]

#### Lectio vi.

**Q**uo non opórtet ígitur esse puriorem, tali fruéntem sacrificio? quo solári rádio non splendíorem manum, carnem hanc dividentem? os quod igni spiritali replétur, linguam quæ treméndo nimis ságuine rubéscit? Cógita quali sis insignítus honóre, quali mensa fruáris. Quod Angeli vidéntes horréscunt, neque libere audent intuéri propter emicántem inde splendórem; hoc nos páscimur, huic nos unímur, et facti sumus unum Christi corpus, et una caro. Quis loquétur poténtias Dómini, audítas fáciat omnes laudes ejus? Quis pastor oves próprio pascit cruóre? Et quid dico, pastor? Matres multæ sunt, quæ post partus dolóres, filios áliis tradunt nutrícibus. Hoc autem ipse non est passus: sed ipse nos próprio ságuine pascit, et per ómnia nos sibi coagméntat. R. Ego sum panis. [226]

#### In III. Nocturno.

Ant. Introíbo.

#### Psalmus 42.

**J**údica me Deus, et discérne causam meam de gente non sancta, \* ab hómine iníquo, et dolóso érue me.

Quia tu es Deus fortitúdo mea: \* quare me repulísti? et quare tristis incédo, dum affligit me inimicus?

Emítte lucem tuam et veritátem tuam: \* ipsa me deduxérunt, et adduxérunt in montem sanctum tuum, et in tabernácula tua.

Et introíbo ad altáre Dei: \* ad Deum, qui lætíficat juventútem meam.

Confitébor tibi in cithara Deus Deus meus: \* quare tristis es anima mea? et quare conturbas me?

Spera in Deo, quoniam adhuc confitébor illi: \* salutare vultus mei, et Deus meus.

Ant. Introibo ad altare Dei: summam Christum, qui renovat juventutem meam.

Ant. Cibavit nos Dominus.

Psalmus 80.

**E**xsultate Deo adiutori nostro: \* jubilare Deo Jacob.

Sumite psalmum, et date tympanum: \* psalterium iucundum cum cithara.

Buccinate in Neomenia tuba, \* in insigni die solemnitatis vestrae:

Quia praeceptum in Israel est: \* et iudicium Deo Jacob.

Testimonium in Joseph posuit illud, cum exiret de terra Aegypti: \* linguam, quam non noverat, audivit.

Divertit ab oneribus dorsum ejus: \* manus ejus in cophino serviérunt.

In tribulatione invocasti me, et liberavi te: \* exaudivi te in abscondito tempestatis: probavi te apud aquam contradictionis.

Audi populus meus, et contestabor te: \* Israel si audieris me, non erit in te deus recens, neque adorabis deum alienum.

Ego enim sum Dñs Deus tuus, qui eduxi te de terra Aegypti: \* dilata os tuum, et implebo illud.

Et non audivit populus meus vocem meam: \* et Israel non intendit mihi.

Et dimisi eos secundum desideria cordis eorum, \* ibunt in adinventiōibus suis.

Si populus meus audisset me: \* Israel si in viis meis ambulasset:

Pro nihilo forsitan inimicos eorum humiliassem: \* et super tribulantes eos misissem manum meam.

Inimici Domini mentiti sunt ei: \* et erit tempus eorum in saecula.

Et cibavit eos ex adipi frumenti: \* et de petra, melle saturavit eos.

Ant. Cibavit nos Dominus ex adipi frumenti: et de petra, melle saturavit nos.

Ant. Ex altari tuo.

Psalmus 83.

**Q**uam dilecta tabernacula tua Domine virtutum: \* concupiscit, et deficit anima mea in atria Domini.

Cor meum, et caro mea \* exultaverunt in Deum vivum.

Etenim passer invenit sibi domum: \* et turtur nidum sibi, ubi ponat pullos suos.

Altaria tua Domine virtutum: \* Rex meus, et Deus meus.

Beati, qui habitant in domo tua Domine: \* in saecula saeculorum laudabunt te.

Beatus vir, cujus est auxilium abs te: \* ascensiones in corde suo disposuit, in valle lacrimarum in loco, quem posuit.

Etenim benedictionem dabit legislator, ibunt de virtute in virtutem: \* videbitur Deus deorum in Sion.

Domine Deus virtutum exaudi orationem meam: \* auribus percipe Deus Jacob.

Protector noster aspice Deus: \* et respice in faciem Christi tui:

Quia melior est dies una in atriis tuis, \* super millia.

Elégi abjéctus esse in domo Dei mei: \* magis quam habitare in tabernáculis peccatórum.

Quia misericórdiam, et veritátem diligit Deus: \* grátiam, et glóriam dabit Dóminus.

Non privábit bonis eos, qui ámbulant in innocéntia: \* Dómine virtútum, beátus homo, qui sperat in te.

Ant. Ex altári tuo Dómine Christum súmimus: in quem cor et caro nostra exsúltant.

V. Edúcas panem de terra. R. Et vinum lætíficet cor hóminis.

Mense Decembri.

Lectio sancti Evangélii secúndum Joánnem.

Lectio vii. Cap. 6. f.

**I**n illo témpore: Dixit Jesus turbis Judæórum: Caro mea, vere est cibus, et sanguis meus, vere est potus. Et réliqua.

Homília sancti Cyrilli Epíscopi Alexandríni.

Lib. 4. in Joannem, cap. 17.

**Q**ui mandúcat, inquit, carnem meam, et bibit sánguinem meum, in me manet, et ego in illo. Sicuti enim si quis liquefactæ ceræ áliam ceram infúderit, álteram cum áltera per totum commisceat necesse est: sic qui carnem et sánguinem Dómini récipit, cum ipso ita conjúngitur, ut Christus in ipso, et ipse in Christo inveniátur. Síмили quodam modo apud Matthæum compéries. Símile est, inquit, regnum cœlórum fermento, quod accéptum abscondit mulier in farínæ satis tribus. Sicut parum, ut Paulus ait, fermenti to-

tam massam fermentat: sic párvula benedictio totum hóminem in ipsam áttrahit, et sua grátia replet: et hoc modo in nobis Christus manet, et nos in Christo.

R. Qui mandúcat meam carnem, et bibit meum sánguinem, \* In me manet, et ego in eo. V. Non est ália nátio tam grandis, quæ hábeat deos appropinquántes sibi, sicut Deus noster adest nobis. In me.

Lectio viii.

**N**os vero, si vitam ætérnam consequi vólumus, si largitórem immortalitátis habére in nobis desiderámus, ad recipiéndam benedictiónem libénter concurrámus: caveamúsque ne loco láquei damnósam religióem diábolus nobis præténdat. Recte (inquit) dicis: scriptum tamen esse non ignorámus, júdiciu[m] sibi comédere atque bíbere illum, qui de pane cómedit et de cálice bibit indigne. Ego igitur probo meípsum, et indígnu[m] invénio. Quando igitur, quicúmque tu es qui ista dicis, dignus eris? quando Christo teípsum ófferes? Nam si peccándo indígnus es, et peccáre non désinis, (quis enim delícta intélligit? secúndum Psalmístam) expers omníno eris vivíficæ hujus sanctificatiónis.

R. Misit me vivens Pater, et ego vivo propter Patrem: \* Et qui mandúcat me, vivet propter me. V. Cibávit illum Dóminus pane vitæ et intelléctus. Et. Glória Patri. Et.

Lectio ix.

**Q**uare pias quæso cogitatióes suscípias, studióse sanctéque vivas, et benedictiónem partícipes: quæ (mihi crede) non mortem so-



lum, verum étiam morbos omnes depéllit. Sedat enim, cum in nobis máneat Christus, sæviéntem membrórum nostrórum legem: pietátem corróborat, perturbatiónes ánimi exstínguit, ægrótos curat, collisos redíntegrat: et sicut pastor bonus, qui ánimam suam pro óvibus pósuit, ab omni nos érigit casu.

Te Deum laudámus. 14.

Mensibus Januario et Febuario.

Léctio sancti Evangélii secúndum Joánnem.

Lectio vii. Cap. 6. f.

**I**n illo témpore: Dixit Jesus turbis Judæórum: Caro mea, vere est cibus: et sanguis meus, vere est potus. Et réliqua.

Homília sancti Augustíni  
Epíscopi.

Tract. 27. in Joannem.

**V**erba Dómini ex Evangélio, quæ sermónem prístinum consequúntur, audívimus. Hinc sermo debétur aúribus et méntibus vestris, et hodiérna die non importúnus est. Est enim de corpore Dómini, quod dicébat se dare ad manducándum propter ætérrnam vitam. Expósuit autem modum attributiónis hujus, et doni sui, quómodo daret carnem suam manducáre, dicens: Qui manducat carnem meam, et bibit ságuinem meum, in me manet, et ego in illo. Signum quia manducávit et bibit, hoc est: si manet, et manétur: si hábitat, et inhabitátur: si hæret, ut non deserátur.

R. Qui manducat. [230]

Lectio viii.

**H**oc ergo nos dócuit et admónuit mýsticis verbis, ut simus in ejus corpore sub ipso cápíte in membris ejus, edéntes carnem ejus, non relinquéntes unitátem ejus. Sed qui áderant, plures non intelligéndo scandalizáti sunt: non enim cogitábant, hæc audiéndo, nisi carnem, quod ipsi erant. Apóstolus autem dicit et verum dicit: Sápere secúndum carnem, mors est. Carnem suam dat nobis Dóminus manducáre: et sápere secúndum carnem mors est. Cum de carne sua dicat, quia ibi est vita ætérrna: ergo nec carnem debémus sápere secúndum carnem; sicut in his verbis: Multi itaque audiéntes, non ex inimícis, sed ex discípulis ejus, dixerunt: Durus est hic sermo, et quis potest eum audíre?

R. Misit me vivens. [230]

Lectio ix.

**S**i discípuli durum habuérent istum sermónem, quid inimíci? Et tamen sic oportébat ut dicerétur, quod non ab ómnibus intelligerétur. Secrétum Dei inténtos debet fácere, non advérsos: isti autem cito defecérunt, tália loquénte Dómino Jesu Christo. Non credidérunt áliquid magnum dicéntem, et verbis illis áliquam grátiam cooperiéntem: sed prout voluérent, ita intellexérunt, et more hóminum: quia póterat Jesus, aut hoc disponébat Jesus, carnem, qua indútum erat Verbum, véluti concísam, distribúere credéntibus in se. Durus est, ínquiunt, hic sermo: quis potest eum audíre?

Te Deum laudámus. 14.

## Mense Martio.

Lectio sancti Evangélii secúndum  
Joánnem.

Lectio vii. Cap. 6. f.

**I**n illo témpore: Dixit Jesus tur-  
bis Judæórum: Caro mea, vere  
est cibus: et sanguis meus, vere est  
potus. Et réliqua.

Homília sancti Augustíni Epíscopi.

Tract. 27. in Joann. ante med.

**D**iximus, fratres, hoc Dóminum  
commendásse in manduca-  
tíone carnis suæ, et potatió-  
ne sánguinis sui, ut in illo maneá-  
mus, et ipse in nobis. Manémus  
autem in illo, cum sumus membra  
ejus: manet autem ipse in nobis,  
cum sumus templum ejus. Ut au-  
tem simus membra ejus, únitás nos  
compáginat: ut compáginet únitás,  
quæ facit, nisi cáritas? Et cáritas  
Dei unde? Apóstolum intérroga.  
Cáritas, inquit, Dei diffúsa est in  
córdibus nostris per Spíritum san-  
ctum, qui datus est nobis.

R. Qui mandúcat. [230]

Lectio viii.

**E**rgo spíritus est qui vivícat:  
spíritus enim facit viva mem-  
bra: nec viva membra spíritus fa-  
cit, nisi quæ in corpore, quod vé-  
getat ipse spíritus, invénerit. Nam  
spíritus, qui est in te, o homo, quo  
constas ut homo sis, numquid viví-  
cat membrum quod separátum  
invénerit a carne tua? Spíritum  
tuum dico ánimam tuam. Anima  
tua non vivícat, nisi membra quæ  
sunt in carne tua: unum si tollas,  
jam non vivificátur ex ánima tua,  
quia unitáti córporis tui non co-  
pulátur.

R. Misit me vivens. [230]

## Lectio ix.

**H**æc dicúntur, ut amémus unitá-  
tem, et timeámus separatió-  
nem. Nihil enim sic debet formi-  
dáre Christiánus, quam separári a  
corpore Christi. Si enim separátur  
a corpore Christi, non est mem-  
brum ejus: si non est membrum  
ejus, non vegetátur spíritu ejus.  
Quisquis autem, inquit Apóstolus,  
Spíritum Christi non habet: hic  
non est ejus. Spíritus ergo est, qui  
vivícat, caro autem non prodest  
quidquam. Verba, quæ ego locú-  
tus sum vobis, spíritus et vita sunt.  
Quid est, Spíritus et vita sunt?  
Spiritáliter intelligénda sunt. In-  
tellexísti spiritáliter? Spíritus et  
vita sunt. Intellexísti carnáliter?  
Etiam sic illa spíritus et vita sunt,  
sed tibi non sunt.

Te Deum laudámus. 14.

## Ad Laudes

et per Horas.

Ant. 1. Sapiéntia \* ædificávit sibi  
domum, miscuit vinum, et pósuit  
mensam.

Ps. Dóminus regnávit. 15.

2. Angelórum esca \* nutritívisti  
pópulum tuum, et panem de cœlo  
præstitísti eis.

3. Pinguis est panis \* Christi, et  
præbébit delicias régibus.

4. Sacerdótes sancti \* incénsum  
et panes offerunt Deo.

5. Vincénti dabo \* manna abs-  
cónditum, et nomen novum.

Capitulum.

1. Cor. 11. e.

**F**ratres: Ego enim accépi a Dó-  
mino, quod et trádidi vobis,  
quóniam Dóminus Jesus in qua  
nocte tradebátur, accépit panem,  
et grátias agens fregit, et dixit: Ac-

cípite, et manducáte: hoc est corpus meum, quod pro vobis tradétur: hoc fácite in meam commemoratiónem.

### Hymnus.

**V**erbum supérnum pródiens,  
Nec Patris linquens dexteram,  
Ad opus suum éxiens,  
Venit ad vitæ vésperam.

In mortem a discipulo  
Suis tradéndus æmulis,  
Prius in vitæ férculo  
Se trádedit discipulis.

Quibus sub bina spécie  
Carnem dedit et sánguinem;  
Ut dúplicitis substántiæ  
Totum cibáret hóminem.

Se nascens dedit sócium,  
Convéscens in edúlium,  
Se móriens in prétium,  
Se regnans dat in præmium.

O salutáris hóstia,  
Quæ cœli pandis óstium,  
Bella premunt hostilia,  
Da robur, fer auxílium.

Uni trinóque Dómino,  
Sit sempitérna glória:  
Qui vitam sine término  
Nobis donet in pátria. Amen.

Ÿ. Pósuit fines tuos pacem.  
R̃. Et ádipe fruménti sátiat te.

Ad Bened. Ant. Ego sum \* panis  
vividus, qui de cœlo descéndi: si  
quis manducáverit ex hoc pane,  
vivet in ætérnum.

### Oratio.

**D**eus, qui nobis sub Sacraménto  
mirábili passiónis tuæ memó-  
riam reliquisti: tríbue, quæsumus,  
ita nos córporis et sánguinis tui  
sacra mystéria venerári; ut red-  
emptiόνis tuæ fructum in nobis  
júgiter sentiámus: Qui vivis.

### Ad Primam.

In R̃. br. Ÿ. Qui natus es de Ma-  
ría Vírgine.

### Ad Tertiam.

Ant. Angelórum esca.

Capit. Fratres: Ego enim.

R̃. br. Panem cœli \* Dedit eis.  
Panem. Ÿ. Panem Angelórum  
manducávit homo. Dedit. Glória  
Patri. Panem.

Ÿ. Cibávit illos ex ádipe fru-  
ménti. R̃. Et de petra, melle satu-  
rávit eos.

### Ad Sextam.

Ant. Pinguis est panis.

Capitulum. 1. Cor. 11. f.

**Q**uotiescúmque enim manducá-  
bitis panem hunc, et cálicem  
bibétis: mortem Dómini annuntiá-  
bitis donec véniat.

R̃. br. Cibávit illos \* Ex ádipe  
fruménti. Cibávit. Ÿ. Et de petra,  
melle saturávit eos. Ex. Glória  
Patri. Cibávit.

Ÿ. Edúcas panem de terra.  
R̃. Et vinum lætíficet cor hóminis.

### Ad Nonam.

Ant. Vincénti dabo.

Capitulum. 1. Cor. 11. f.

**Q**uicúmque manducáverit panem  
hunc, vel bíberit cálicem Dó-  
mini indígne: reus erit Córporis et  
Sánguinis Dómini.

R̃. br. Edúcas panem \* De terra.  
Edúcas. Ÿ. Et vinum lætíficet cor  
hóminis. De. Glória Patri. Edúcas.  
Ÿ. Pósuit fines tuos pacem.  
R̃. Et ádipe fruménti sátiat te.

### In II. Vesperis.

Omnia ut in I. Vesperis. [219]

Ÿ. Panem de cœlo præstitisti  
eis. R̃. Omne delectaméntum in  
se habéntem.

Ad Magnif. Ant. O sacrum convivium, \* in quo Christus súmitur; recólitur memória passiónis ejus: mens implétur grátia: et futúre glóriæ nobis pignus datur.

Pro FERIA VI.

Officium votivum

de Passione D. N. J. Chr.

Semiduplex.

In I. Vesperis.

Ant. Cálicem salutáris.

Psalmus 115.

**C**rédidi, propter quod locútus sum: \* ego autem humiliátus sum nimis.

Ego dixi in excéssu meo: \* Omnis homo mendax.

Quid retribuam Dómino, \* pro ómnibus, quæ retribuit mihi?

Cálicem salutáris accípiam: \* et nomen Dómini invocábo.

Vota mea Dómino reddam coram omni pópulo ejus: \* pretiósa in conspéctu Dómini mors sanctórum ejus:

O Dómine quia ego servus tuus: \* ego servus tuus, et fílius ancíllæ tuæ.

Dirupísti víncula mea: \* tibi sacrificábo hóstiam laudis, et nomen Dómini invocábo.

Vota mea Dómino reddam in conspéctu omnis pópuli ejus: \* in átriis domus Dómini, in médio tui Jerúsalem.

Ant. Cálicem salutáris accípiam, et nomen Dómini invocábo.

Ant. Cum his.

Psalmus 119.

**A**d Dóminum cum tribulárer clamávi: \* et exaudivit me.

Dómine libera ánimam meam a lábiis iníquis, \* et a lingua dolósa.

Quid detur tibi, aut quid apponátur tibi \* ad linguam dolósam?

Sagíttæ poténtis acútæ, \* cum carbónibus desolatóriis.

Heu mihi, quia incolátus meus prolongátus est: habitávi cum habitántibus Cedar: \* multum íncola fuit ánima mea.

Cum his, qui odérunt pacem, eram pacíficus: \* cum loquébar illis, impugnábant me gratis.

Ant. Cum his qui odérunt pacem, eram pacíficus: dum loquébar illis, impugnábant me gratis.

Ant. Ab homínibus.

Psalmus 139.

**E**ripe me Dómine ab hómine malo: \* a viro iníquo éripe me.

Qui cogitavérunt iniquitátes in corde: \* tota die constituébant prælia.

Acuérunt linguas suas sicut serpéntis: \* venénium áspidum sub lábiis eórum.

Custódi me Dómine de manu peccatóris: \* et ab homínibus iníquis éripe me.

Qui cogitavérunt supplantáre gressus meos: \* abscondérunt supérbi láqueum mihi:

Et funes extendérunt in láqueum: \* juxta iter scándalum posuerunt mihi.

Dixi Dómino: Deus meus es tu: \* exaúdi Dómine vocem deprecaciónis meæ.

Dómine, Dómine virtus salútis meæ: \* obumbrásti super caput meum in die belli:

Ne tradas me Dómine a desidério meo peccatóri: \* cogitavérunt contra me, ne derelínquas me, ne forte exalténtur.

Caput circúitus eórum: \* labor labiórú ipsórum opériet eos.

Cadent super eos carbónes, in ignem dejiçies eos: \* in misériis non subsistent.

Vir linguósus non dirigétur in terra: \* virum injústum mala cápiet in intéritu.

Cognóvi quia fáciét Dñs júdicium inopis: \* et vindíctam paúperum.

Verúmtamen jústi confitebúntur nómini tuo: \* et habitábunt recti cum vultu tuo.

Ant. Ab homínibus iníquis líbera me Dómine.

Ant. Custódi me.

Psalmus 140.

**D**ómine clamávi ad te, exaúdi me: \* inténde voci meæ, cum clamávero ad te.

Dirigátur orátio mea sicut incénsum in conspéctu tuo: \* elevátio mánuum meárum sacrificium vespertínium.

Pone Dómine custódiam ori meo: \* et óstium circumstántiæ lábiis meis.

Non declínes cor meum in verba malítiæ, \* ad excusándas excusatiónes in peccátis.

Cum homínibus operántibus iniquitátem: \* et non comunicábo cum eléctis eórum.

Corrípiet me jústus in misericórdia, et increpábit me: \* óleum autem peccatóris non impínguet caput meum.

Quóniam adhuc et orátio mea in beneplácitis eórum: \* absórpti sunt juncti petræ júdices eórum.

Aúdiént verba mea quóniam potuérunt: \* sicut crassitúdo terræ erúpta est super terram.

Dissipáta sunt ossa nostra secus

inférnum: \* quia ad te Dómine, Dómine óculi mei: in te sperávi, non aúferas ánimam meam.

Custódi me a láqueo, quem statuérunt mihi: \* et a scándalis operántium iniquitátem.

Cadent in retiáculo ejus peccatóres: \* singuláriter sum ego donec tránseam.

Ant. Custódi me a láqueo, quem statuérunt mihi, et a scándalis operántium iniquitátem.

Ant. Considerábam.

Psalmus 141.

**V**oce mea ad Dóminum clamávi: \* voce mea ad Dóminum deprecátus sum:

Effúndo in conspéctu ejus oratiómem meam, \* et tribulatiómem meam ante ipsum pronúntio.

In deficiéndo ex me spíritum meum, \* et tu cognovísti sémitas meas.

In via hac, qua ambulábam, \* abscondérunt láqueum mihi.

Considerábam ad dexteram, et vidébam: \* et non erat qui cognósceret me.

Périit fuga a me, \* et non est qui requírat ánimam meam.

Clamávi ad te Dómine, \* dixi: Tu es spes mea, pórtio mea in terra vivéntium.

Inténde ad deprecationem meam: \* quia humiliátus sum nimis.

Líbera me a persecúentibus me: \* quia confortáti sunt super me.

Educ de custódia ánimam meam ad confiténdum nómini tuo: \* me expéctant jústi, donec retríbuas mihi.

Ant. Considerábam ad dexteram, et vidébam, et non erat qui cognósceret me.

## Capitulum. Philipp. 2.

**F**ratres: Hoc enim sentíte in vobis, quod et in Christo Jesu: qui cum in forma Dei esset, non rapínam arbitrátus est esse se æquálem Deo: sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis.

## Hymnus.

**M**œréntes óculi, spárgite lácrimas,

Et luctu résonent íntima córdium:

Illátas réfero Númini ab ímpiis  
Pœnas, et fera vúlnera.

Accíncta, heu! gládiis turba satellitum

Arréptum Dóminum fústibus ímpetit,

Nunc cædit cólaphis, nunc quatit hórridis

Divínium caput íctibus.

Haud finis scéleri: tráditur improbo

Christus carnífici; nec mora, bárbarus

In regem súperum non timet ímpio

Ausu vértere dexteram.

Audíte, o pópuli, Numen amábile,  
Manánte ex húmeris úndique ságuine,

Lictóris rábidi sústinet ímpetum,

Et vocem premit ínnocens.

Quis non illácrimet? Jam nova cóndidit

Torménta indómitæ gentis iníquitas:

Infígit cérebro, proh dolor! éfferis

Sertum vépribus ásperum.

Heu crimen! tráhitur fúnibus improbis

Funésti Dóminus supplicii ad locum;

Illic oppétiit fúnere, spíritum Patri restítuens suo.

Passo pro míseris tam fera vúlnera

In terris résonet débíta glória;  
Sacrumque assidue nomen in æthera

Humánum genus éfferat. Amen.

V. Oblátus est quia ipse vóluit.

R. Et livóre ejus sanáti sumus.

Ad Magnif. Ant. O vos omnes \* qui transítis per viam, atténdite, et vidéte si est dolor sicut dolor meus.

## Oratio.

**D**ómine Jesu Christe, qui de cœlis ad terram de sinu Patris descendísti, et sánguinem tuum pretiósum in remissionem peccatórum nostrórum fudísti: te humíliter deprecámur; ut in die judicii, ad dexteram tuam audire mereámur: Veníte benedícti: Qui vivis.

Ad Completorium et per Horas diei, in fine Hymnorum dicitur:

Sit laus Patri, ac Paráclito,

Natóque Patris único

Nostræ dedit qui pródigus

Prétium salútis sánguinem.

Amen.

## Ad Matutinum.

Invit. Christum Regem crucifixum, \* Veníte adorémus.

Ps. Veníte, exsultémus. 2.

## Hymnus.

**A**spice, infámi Deus ipse ligno  
Pendet, effúso mádidus cruóre:



Aspice, im̃iti manus alma clavo  
Finditur alte.

Hunc, velut pravi sceleris minis-  
trum,

Inter indignos médium latrones  
Cerne: crudélis fuit ista gentis  
Dira volúntas.

Pallet heu! vultus; caput ecce  
lassum

Fléctitur: clausis óculis Red-  
émptor

Spíritum sacro méritis onústum  
Fundit ab ore.

O cor, æs durum súperas, ge-  
mendo

Ni scelus tergas; tua culpa Chri-  
stum

Stípití affixit, tua culpa morti  
Súbdidit atræ.

Sit Deo ætérnum decus omne in  
ævum,

Qui pius nostri géneris Red-  
émptor,

Críminis labem míseris nocén-  
tem

Sánguine tersit. Amen.

In I. Nocturno.

Ant. Astitérunt reges terræ.

Psalmus 2.

**Q**uare fremuérunt Gentes, \* et  
pópuli meditáti sunt inánia?  
Astitérunt reges terræ, et  
príncipes convenérunt in unum \*  
advérsus Dóminum, et advérsus  
Christum ejus.

Dirumpámus víncula eórum: \*  
et projiciámus a nobis jugum ip-  
sórum.

Qui hábitat in coelis, irridébit  
eos: \* et Dóminus subsannábit eos.

Tunc loquétur ad eos in ira sua,  
\* et in furóre suo conturbábit eos.

Ego autem constitútus sum Rex  
ab eo super Sion montem sanctum  
ejus, \* prædicans præcéptum ejus.

Dóminus dixit ad me: \* Filius  
meus es tu, ego hódie génui te.

Póstula a me, et dabo tibi Gen-  
tes hæreditátem tuam, \* et posses-  
sionem tuam términos terræ.

Reges eos in virga férrea, \* et  
tamquam vas figuli confringes eos.

Et nunc reges reges intelligite: \* eru-  
dímini qui judicátis terram.

Servíte Dómino in timóre: \* et  
exsultáte ei cum tremóre.

Apprehéndite disciplinam, ne-  
quándo irascátur Dóminus, \* et  
pereátis de via justa.

Cum exárserit in brevi ira ejus,  
\* beáti omnes qui confidunt in eo.

Ant. Astitérunt reges terræ, et  
príncipes convenérunt in unum  
advérsus Dóminum, et advérsus  
Christum ejus.

Ant. Multiplicáti sunt.

Psalmus 3.

**D**ómine quid multiplicáti sunt  
qui tríbulant me? \* multi in-  
súrgunt advérsus me.

Multi dicunt ánimæ meæ: \* Non  
est salus ipsi in Deo ejus.

Tu autem Dómine suscéptor  
meus es, \* glória mea, et exáltans  
caput meum.

Voce mea ad Dñm clamávi: \* et  
exaudivit me de monte sancto suo.

Ego dormívi, et soporátus sum:  
\* et exsurrexi, quia Dóminus sus-  
cépit me.

Non timébo millia pópli cir-  
cumdántis me: \* exsúrge Dómine,  
salvum me fac Deus meus.

Quóniam tu percussísti omnes  
adversántes mihi sine causa: \* den-  
tes peccatórum contrivísti.

Dómini est salus: \* et super pópulum tuum benedíctio tua.

Ant. Multiplicáti sunt qui tribulant me; multi insúrgunt adversum me.

Ant. Diviserunt.

Psalmus 21.

**D**eus Deus meus respice in me: quare me dereliquisti? \* longe a salute mea verba delictórum meórum.

Deus meus clamábo per diem, et non exaudies: \* et nocte, et non ad insipiéntiam mihi.

Tu autem in sancto hábitas, \* laus Israël.

In te speravérunt patres nostri: \* speravérunt, et liberásti eos.

Ad te clamavérunt, et salvi facti sunt: \* in te speravérunt, et non sunt confúsi.

Ego autem sum vermis, et non homo: \* oppróbrium hóminum, et abjeção plebis.

Omnes vidéntes me, deriserunt me: \* locúti sunt lábiis, et moverunt caput.

Sperávit in Dño, erípiat eum: \* salvum fáciat eum, quóniam vult eum.

Quóniam tu es, qui extraxisti me de ventre: \* spes mea ab ubéribus matris meæ. In te proyéctus sum ex útero:

De ventre matris meæ Deus meus es tu, \* ne discésseris a me:

Quóniam tribulátio próxíma est: \* quóniam non est qui ádjuvet.

Circumdedérunt me vítuli multi: \* tauri pingues obsederunt me.

Aperuérunt super me os suum, \* sicut leo rápiens et rúgiens.

Sicut aqua effúsus sum: \* et dispérsa sunt ómnia ossa mea.

Factum est cor meum tamquam

cera liquéscens \* in médio ventris mei.

Aruit tamquam testa virtus mea, et lingua mea adhæsit faucibus meis: \* et in púlverem mortis deduxísti me.

Quóniam circumdedérunt me canes multi: \* concílium malignántium obsédit me.

Foderunt manus meas et pedes meos: \* dinumeravérunt ómnia ossa mea.

Ipsi vero consideravérunt et in-spexérunt me: \* divisérunt sibi vestiménta mea, et super vestem meam miserunt sortem.

Tu autem Dómine ne elongáveris auxílium tuum a me: \* ad defensiónem meam cónspice.

Erue a frámea Deus ánimam meam: \* et de manu canis únicam meam.

Salva me ex ore leónis: \* et a córnis unicórnium humilitátem meam.

Narrábo nomen tuum frátribus meis: \* in médio ecclésiæ laudábo te.

Qui timétis Dóminum, laudáte eum: \* univérsum semen Jacob glorificáte eum.

Tímeat eum omne semen Israël: \* quóniam non sprexit, neque despéxit deprecationem paúperis:

Nec avértit fáciem suam a me: \* et cum clamárem ad eum, exaudivit me.

Apud te laus mea in ecclésia magna: \* vota mea reddam in conspéctu timéntium eum.

Edent paúperes, et saturabúntur: et laudábunt Dóminum qui requírant eum: \* vivent corda eórum in sáeculum sáeculi.

Reminiscéntur et converténtur  
ad Dóminum \* univérsi fines terræ:

Et adorábunt in conspéctu ejus  
\* univérsæ famíliæ Géntium.

Quóniam Dómini est regnum: \*  
et ipse dominábitur Géntium.

Manducavérunt et adoravérunt  
omnes pingues terræ: \* in conspé-  
ctu ejus cadent omnes, qui descén-  
dunt in terram.

Et ánima mea illi vivet: \* et se-  
men meum sérviet ipsi.

Annuntiábitur Dómino generá-  
tio ventúra: \* et annuntiábunt coeli  
justítiam ejus pópulo qui nascétur,  
quem fecit Dóminus.

Ant. Divisérunt sibi vestiménta  
mea, et super vestem meam misé-  
runt sortem.

℣. Oblátus est, quia ipse vóluit.  
℞. Et livóre ejus sanáti sumus.

Lectiones de Scriptura occurrente.

℞. i. Vínea mea elécta, ego te  
plantávi, dicit Dóminus: et tu facta  
es mihi nimis amára: \* Quia pará-  
sti crucem Salvatóri tuo. ℣. Pó-  
pule meus, quid feci tibi, aut in  
quo contristávi te? respónde mihi.  
Quia parásti.

℞. ii. Ego edúxi te de Ægýpto,  
demérso Pharaóne in Mare ru-  
brum, et ante te præívi in columna  
nubis: \* Et tu me tradidísti prin-  
cípibus sacerdotum, et me duxísti  
ad prætóríum Piláti. ℣. Pópule  
meus, quid feci tibi, aut in quo  
contristávi te? respónde mihi. Et.

℞. iii. Ego propter te flagellávi  
Ægýptum cum primogénitis suis:  
\* Et tu me flagellátum tradidísti, \*  
Qui tamquam agnus coram ton-  
dente se obmútui, et non apérui os  
meum. ℣. Pópule meus, quid feci

tibi, aut in quo contristávi te? re-  
spónde mihi. Et tu. Glória. Qui.

In Quadragesima vero, dicuntur se-  
quentes Lectiones.

De Epístola beáti Pauli Apóstoli  
ad Romános.

Lectio i.

Cap. 5.

**C**oméndat caritátem suam Deus  
in nobis: quóniam cum adhuc  
peccatóres essémus, secún-  
dum tempus, Christus pro nobis  
mórtuus est: multo ígitur magis  
nunc justificáti in ságuine ipsíus,  
salvi érimus ab ira per ipsum. Si  
enim cum inimíci essémus, recon-  
ciliáti sumus Deo per mortem Fílii  
ejus: multo magis reconciliáti, salvi  
érimus in vita ipsíus. Non solum  
autem: sed et gloriámur in Deo  
per Dóminum nostrum Jesum Chri-  
stum, per quem nunc reconcilia-  
tiónem accépimus. Si enim uníus  
delícto mors regnávit per unum:  
multo magis abundántiam grátiae,  
et donatiónis, et justítiae accipién-  
tes, in vita regnábunt per unum  
Jesum Christum.

℞. Vínea mea. ut supra.

Lectio ii.

**I**gitur, sicut per uníus delíctum  
in omnes hómines in conde-  
mnatiónem: sic et per uníus justí-  
tiam in omnes hómines in justifi-  
catiónem vitæ. Sicut enim per in-  
obediéntiam uníus hóminis, pecca-  
tóres constitúti sunt multi: ita et  
per uníus obeditiónem, justí consti-  
tuéntur multi. Lex autem sub-  
intrávit ut abundáret delíctum. Ubi  
autem abundávit delíctum, super-  
abundávit grátia. Ut sicut regná-  
vit peccátum in mortem: ita et  
grátia regnet per justítiam in vitam

æternam, per Jesum Christum Dóminum nostrum.

R. Ego edúxi. [239]

Lectio iii.

Cap. 6.

**Q**uid ergo dicémus? permanébi-mus in peccáto ut grátia abúndet? Absit. Qui enim mórtui sumus peccáto, quómodo adhuc vivémus in illo? An ignorátis quia quicúmque baptizáti sumus in Christo Jesu, in morte ipsíus baptizáti sumus? Consepúlti enim sumus cum illo per baptísmum in mortem: ut quómodo Christus surrexit a mórtuis per glóriam Patris, ita et nos in novitáte vitæ ambulémus. Si enim complantáti facti sumus similitúdini mortis ejus: simul et resurrectionis érimus. Hoc sciéntes, quia vetus homo noster simul crucifixus est, ut destruátur corpus peccáti, et ultra non serviámus peccáto. Qui enim mórtuus est, justificátus est a peccáto. Si autem mórtui sumus cum Christo: crédimus quia simul étiam vivémus cum Christo.

R. Ego propter. [239]

In II. Nocturno.

Ant. Inimíci mei.

Psalmus 40.

**B**eátus qui intélligit super egé-num, et paúperem: \* in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra: \* et non tradat eum in ánimam inimicórum ejus.

Dóminus opem ferat illi super lectum dolóris ejus: \* univérsum stratum ejus versásti in infirmitáte ejus.

Ego dixi: Dómine miserére mei:

\* sana ánimam meam, quia pec-cávi tibi.

Inimíci mei dixerunt mala mihi: \* Quando moriétur, et peribit no-men ejus?

Et si ingrediebátur ut vidéret, vana loquebátur, \* cor ejus congregávit iniquitátem sibi.

Egrediebátur foras, \* et loque-bátur in idípsum.

Advérsum mesurrábantomnes inimíci mei: \* advérsum me cogi-tábant mala mihi.

Verbum iníquum constituérunt advérsum me: \* Numquid qui dor-mit non adjíciet ut resúrgat?

Etenim homo pacis meæ, in quo sperávi: \* qui edébat panes meos, magnificávit super me supplantati-ónem.

Tu autem Dómine miserére mei, et resúscita me: \* et retribúam eis.

In hoc cognóvi quóniam voluísti me: \* quóniam non gaudébit ini-mícus meus super me.

Me autem propter innocentiam suscepísti: \* et confirmásti me in conspéctu tuo in ætérnum.

Benedíctus Dóminus Deus Israël a sæculo et usque in sæculum: \* fiat, fiat.

Ant. Inimíci mei dixerunt mala mihi: Quando moriétur, et peribit nomen ejus?

Ant. Aliéni insurrexérunt.

Psalmus 53.

**D**eus in nómine tuo salvum me fac: \* et in virtúte tua júdica me.

Deus exaúdi oratióem meam: \* aúribus pércipe verba oris mei.

Quóniam aliéni insurrexérunt advérsum me, et fortes quæsiérunt ánimam meam: \* et non propo-

suérunt Deum ante conspéctum suum.

Ecce enim Deus ádjuvat me: \* et Dñs suscéptor est ánimæ meæ.

Avérte mala inimícis meis: \* et in veritáte tua dispérde illos.

Voluntárie sacrificábo tibi, \* et confitébor nómini tuo Dómine: quóniam bonum est:

Quóniam ex omni tribulatióne eripuísti me: \* et super inimícos meos despéxit óculus meus.

Ant. Aliéni insurrexérunt in me, et fortes quæsiérunt ánimam meam.

Ant. Conculcavérunt me.

Psalmus 55.

**M**iserére mei Deus, quóniam conculcávit me homo: \* tota die impúgnans tribulávit me.

Conculcavérunt me inimíci mei tota die: \* quóniam multi bellántes advérsum me.

Ab altitúdine diéi timébo: \* ego vero in te sperábo.

In Deo laudábo sermónes meos, in Deo sperávi: \* non timébo quid fáciat mihi caro.

Tota die verba mea exsecrabántur: \* advérsum me omnes cogitatiónes eórum in malum.

Inhabitábunt et abscondent: \* ipsi calcáneum meum observábunt.

Sicut sustinuérunt ánimam meam, pro níhilo salvos fácies illos: \* in ira pópulos confrínges.

Deus, vitam meam annuntiávi tibi: \* posuísti lácrimas meas in conspéctu tuo,

Sicut et in promissióne tua: \* tunc converténtur inimíci mei retrórsus:

In quacúmque die invocávero te: \* ecce cognóvi quóniam Deus meus es.

In Deo laudábo verbum, in Dómino laudábo sermónem: \* in Deo sperávi, non timébo quid fáciat mihi homo.

In me sunt Deus vota tua, \* quæ reddam, laudatiónes tibi.

Quóniam eripuísti ánimam meam de morte, et pedes meos de lapsu: \* ut pláceam coram Deo in lúmine vivéntium.

Ant. Conculcavérunt me inimíci mei tota die; advérsum me omnes cogitatiónes eórum in malum.

V. Próprio Fílio suo non pepércit Deus. R. Sed pro nobis ómnibus trádidit illum.

Sermo sancti Bernárdi Abbátis.

Feria 4. Hebdom. S. Serm. de Passione Domini.

Lectio iv.

**I**n passióne domínica, fratres, tria speciáliter cónvenit intuéri: opus, modum, causam. Nam in ópere quidem patiéntia, in modo humílitas, in causa cáritas coméndátur. Patiéntia autem singuláris, quod vidélicet: cum supra dorsum ejus fabricárent peccatóres; cum sic extenderétur in ligno, ut dinumeraréntur ómnia ossa ejus; cum fortíssimum illud propugnáculum, quod custódit Israël, úndique forarétur; cum foderéntur manus ejus et pedes, sicut agnus ad occisiónem ductus sit et tamquam ovis coram tondénte non apéruiť os suum. Non advérsus Patrem múrmurans, a quo missus fúerat; non advérsus humánum genus, pro quo, quæ non rápuť, exsolvébat; non dénique vel contra pópulum ipsum peculiárem sibi, a quo pro tantis beneficiis tanta mala recipiébat.

R. Ego propter te Chananæorum reges percussi, et dedi tibi sceptrum regale: \* Et tu dedisti capiti meo spineam coronam, et percussisti arundine caput meum. V. Pópule meus, quid feci tibi, aut in quo contristavi te? responde mihi. Et tu dedisti.

## Lectio v.

**M**odum ipsum, si diligenter attendas, non modo mitem, sed et humilem corde cognoscēs. Nempe in humilitate iudicium ejus sublatum est, cum nec ad tantas blasphemias, nec ad falsissima, quæ sibi objiciebantur crimina responderet. Vidimus, inquit, eum et non erat ei aspectus, nec speciosum forma præ filiis hominum, sed opprobrium hominum et tamquam leprosum, novissimum virorum, plane virum dolorum a Deo percussum et humiliatum; ita ut nulla esset ei species, neque decor. O novissimum et altissimum! O humilem et sublimem! O opprobrium hominum et gloriam Angelorum! Nemo illo sublimior, neque humilior. Denique sputis illitus est, opprobriis saturatus est, morte turpissima condemnatus est, cum sceleratis deputatus est. Nihilque meretur vel ista humilitas, quæ hunc habet modum; imo quæ tam est ultra modum? Sicut est patientia singularis, sic et humilitas admirabilis; utraque sine exemplo.

R. Ego duxi te per desertum quadraginta annis, et manna cibavi te: \* Et tu me cecidisti alapis et flagellis. V. Pópule meus, quid feci tibi, aut in quo contristavi te? responde mihi. Et tu.

## Lectio vi.

**U**trámque tamen magnifice causa ipsa commendat, nimirum caritas est. Propter nimiam enim caritatem suam, qua dilexit nos Deus, ut servum redimeret, nec Pater Filio, nec sibi Filius ipse percipit. Vere nimiam, quia et hæc mensuram excedit, modum superat, plane supereminens universis. Majorem, inquit, caritatem nemo habet, quam ut animam suam ponat quis pro amicis suis. Tu majorem habuisti Domine, ponens eam etiam pro inimicis. Cum enim adhuc inimici essemus, per mortem tuam et tibi reconciliati sumus et Patri. Quænam ergo alia videtur esse, vel fuisse, vel fore huic similis caritati? Vix pro justo quis moritur. Tu pro injustis passus es, moriens propter delicta nostra, qui venisti justificare gratis peccatores, servos facere fratres, captivos coheredes, exsules reges.

R. Ego exaltavi te magna virtute: \* Et tu me suspendisti in patibulo crucis, \* In qua expandi manus meas ad populum non credentem et contradicentem. V. Pópule meus, quid feci tibi, aut in quo contristavi te? responde mihi. Et tu me. Glória Patri. In qua.

## In III. Nocturno.

Ant. Filii hominum.

Psalmus 56.

**M**iserere mei Deus, miserere mei: \* quoniam in te confidit anima mea.

Et in umbra alarum tuarum sperabo, \* donec transeat iniquitas.

Clamabo ad Deum altissimum: \* Deum qui benefecit mihi.



Misit de cœlo, et liberávit me: \* dedit in oppróbrium conculcántes me.

Misit Deus misericórdiam suam, et veritátem suam, \* et erípuit ánimam meam de médio catulórum leónum: dormívi conturbátus.

Fílii hóminum dentes eórum arma et sagittæ: \* et lingua eórum gládius acútus.

Exaltáre super cœlos Deus: \* et in omnem terram glória tua.

Láqueum paravérunt pédibus meis: \* et incurvavérunt ánimam meam.

Fodérunt ante fáciem meam fóveam: \* et incidérunt in eam.

Parátum cor meum Deus, parátum cor meum: \* cantábo, et psallum dicam.

Exsúrge glória mea, exsúrge psaltérium et cíthara: \* exsúrgam dilúculo.

Confitébor tibi in pópulis Dómine: \* et psallum dicam tibi in Géntibus:

Quóniam magnificáta est usque ad cœlos misericórdia tua, \* et usque ad nubes véritas tua.

Exaltáre super cœlos Deus: \* et super omnem terram glória tua.

Ant. Fílii hóminum dentes eórum arma et sagittæ, et lingua eórum gládius acútus.

Ant. Intendérunt arcum.

Psalmus 63.

**E**xáudi Deus oratióem meam cum déprecor: \* a timóre inimíci éripe ánimam meam.

Protexísti me a convéntu malignántium: \* a multitúdine operántium iniquitátem.

Quia exacuérunt ut gládium linguas suas: \* intendérunt arcum

rem amáram, ut sagittent in ocúltis immaculátum.

Súbito sagittábunt eum, et non timébunt: \* firmavérunt sibi sermónem nequam.

Narravérunt ut absconderent láqueos: \* dixerunt: Quis vidébit eos?

Scrutáti sunt iniquitátes: \* defecerunt scrutántes scrutinio.

Accédet homo ad cor altum: \* et exaltábitur Deus.

Sagittæ parvulórum factæ sunt plagæ eórum: \* et infirmátæ sunt contra eos linguæ eórum.

Conturbáti sunt omnes qui vidébant eos: \* et tímuit omnis homo.

Et annuntiavérunt ópera Dei, \* et facta ejus intellexérunt.

Lætábitur justus in Dómino, et sperábit in eo, \* et laudabúntur omnes recti corde.

Ant. Intendérunt arcum rem amáram, ut sagittent in ocúltis immaculátum.

Ant. Factus sum.

Psalmus 87.

**D**ómine Deus salútis meæ: \* in die clamávi, et nocte coram te.

Intret in conspéctu tuo orátio mea: \* inclína aurem tuam ad precem meam:

Quia repléta est malis ánima mea: \* et vita mea inférno appropinquávit.

Æstimátus sum cum descendéntibus in lacum: \* factus sum sicut homo sine adjutório, inter mórtuos liber.

Sicut vulneráti dormiéntes in sepúlchris, quorum non es memor ámplius: \* et ipsi de manu tua repúlsi sunt.

Posuérunt me in lacu inferióri: \* in tenebrósis, et in umbra mortis.

Super me confirmátus est furor tuus: \* et omnes fluctus tuos induxísti super me.

Longe fecísti notos meos a me: \* posuérunt me abominatióem sibi.

Tráditus sum, et non egrediébar: \* óculi mei languérunt præinópia.

Clamávi ad te Dómine tota die: \* expándi ad te manus meas.

Numquid mórtuis fácies mirabília: \* aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam, \* et veritátem tuam in perditiónē?

Numquid cognoscéntur in tenebris mirabília tua: \* et justítia tua in terra obliuionis?

Et ego ad te Dómine clamávi: \* et mane orátio mea præveniet te.

Ut quid Dómine repéllis oratióem meam: \* avértis fáciem tuam a me?

Pauper sum ego, et in labóribus a juventúte mea: \* exaltátus autem, humiliátus sum et conturbátus.

In me transiérunt iræ tuæ: \* et terróres tui conturbavérunt me.

Circumdedérunt me sicut aqua tota die: \* circumdedérunt me simul.

Elongásti a me amicum et próximum: \* et notos meos a miséria.

*Ant.* Factus sum sicut homo sine adjutório, inter mórtuos liber.

*Ÿ.* Factus est obédiens usque ad mortem. *R̃.* Mortem autem crucis.

Léctio sancti Evangélii secúndum Joánnem.

Lectio vii. Cap. 19. f.

**I**n illo témpore: Sciens Jesus, quia ómnia consummáta sunt, ut consummarétur Scriptúra, dixit: Sítio. Et réliqua.

Homília sancti Cyrilli Epíscopi Alexandríni.

Comment. in Joannem. Lib. 12. cap. 35.

**C**um truculénter ómnia impietáte Judæórum essent perácta, nec quidquam ad summam crudelitátem deéset, tandem sanctíssima caro Christi naturále quid pátitur. Multis enim, ac váriis dolóribus exsiccáta, siti torquétur. Multum enim possunt dolóres ad comóvendam sitim; innátum enim calórem exagitántes, vel, quod in profunditáte húmidum est, consúmunt et ígneis ardóribus doléntis viscera urunt. Sicut igitur céteras passióes, sic hanc étiam sponte Christus perpéssus est. Bibere igitur petit: illi autem ádeo longe ab omni humanitáte áberant, ut pro júvante potu atque jucúndo nocéntem et acérbum attúlerint, et humanitátem, qua movéri videbántur, in impietátem convérterint. Nam cum peténti dabant, caritátis hábitum suscípere videbántur; sed non est possíbile mentíri Scriptúram, in qua ex persóna Christi dicitur: Et dedérunt in escam meam fel, et in siti mea potavérunt me acéto.

*R̃.* Ego te potávi aqua salútis de petra: \* Et tu me potásti felle et acéto. *Ÿ.* Pópule meus, quid feci tibi, aut in quo contristávi te? respónde mihi. Et tu me.

## Lectio viii. Idem Cap. 36.

**C**um ergo accepisset Jesus acetum, dixit: Consummatum est: et inclinato capite tradidit spiritum. Consummatum jam esse Salvator dicit, quia saviendi Judaeorum potestas in ipsum per mortem suam terminum habuit. Quid enim non excogitarunt, aut quid supremæ inhumanitatis relictum sibi est? Quis cædendi, quis contumeliandi modus non adhibitus? Mérito igitur consummatum esse, ait. Cumque tempus jam esset, ut etiam spirítibus apud inferos prædicaret (venit enim, ut tam vivorum quam mortuorum dominaretur) mortem pro nobis suscepit: et hanc naturæ nostræ propriam passionem sponte subiit secundum carnem, quamvis, ut Deus vita naturaliter sit, ut spoliatis inferis, primitiæ dormientium, et primogenitus (ut Scripturæ dicunt) mortuorum factus, recursum ad vitam naturæ nostræ largiretur.

**R.** Ego ante te aperui mare: \* Et tu aperuisti lancea latus Salvatori tuo, \* Qui redemit mundum in sanguine suo. **V.** Pópule meus, quid feci tibi, aut in quo contristavi te? responde mihi. Et. Glória. Qui.

## Lectio ix.

**I**nclinavit igitur caput. Accidit enim morientibus, vigóre carnis jam consumpto et ánima, quæ corpus retinet, abeunte, inclinatio capitis. Quámobrem verbis hoc modo usus Evangelísta est. Sic et tradidisse spiritum, a consuetudine nostra sibi dictum est; multi enim sic exstingui, et mori dicuntur. Quamvis mihi videatur ideo non simpliciter mortuum esse, sed

tradidisse spiritum Evangelísta dixisse; quia in manus Dei Patris animam suam commendavit, ut ipse dixit: Pater! in manus tuas commendo spiritum meum. Quod nobis magnæ spei fundamentum, atque originem præbet.

Te Deum laudamus. 14.

**Ad Laudes**

et per Horas.

**Ant. 1.** Fui flagellatus \* tota die, et castigatio mea in matutinis.

**Ps.** Dóminus regnavit. 15.

**2.** Veni ad montem myrrhæ \* et ad collem thuris; tamquam agnus ad occisionem ductus, obmutui, et non aperui os meum.

**3.** Foderunt manus meas \* et pedes meos: dinumeraverunt omnia ossa mea.

**4.** Consolantem me \* quæsi, et non inveni: dederunt in escam meam fel, et in siti mea potaverunt me aceto.

**5.** Cum accepisset Jesus \* acetum, dixit: Consummatum est; et inclinato capite, emisit spiritum.

**Capitulum.**

**Philipp. 2.**

**F**ratres: Hoc enim sentite in vobis, quod et in Christo Jesu: qui cum in forma Dei esset, non rapinam arbitratus est esse se æqualem Deo: sed semetipsum exinanivit, formam servi accipiens, in similitudinem hominum factus, et habitu inventus ut homo. Humiliavit semetipsum, factus obediens usque ad mortem, mortem autem crucis.

**Hymnus.**

**S**ævo dolórum túrbine  
Jactatur, atris óbrutus  
Pœnis, acérba sústinens  
Redemptor affixus cruci.

Pedes manúsque horribili  
Clavi cruéntant vúlnerē:  
Cor, vultus, artus, pēctora  
Sacro redúndant sáanguine.

Flet, orat, et clamans obit:  
Cor Matris ictum cóncidit:  
Heu Mater! heu Fili! dolor  
Ingráta frangat pēctora.

Montes, sepúlchra, sáxaque  
Scindúntur: arva, flúmina,  
Rupes, et æquor cóntremunt,  
Templíque velum scínditur.

Sol, luna, cœlum, sídera  
Plangunt, et orbis íngemit:  
O vos viri, vos párvuli,  
Nuptæ, puéllæ, plángite.

Astáte mœréntes cruci,  
Pedes beátos úngite,  
Laváte fletu, térgite  
Comis, et ore lámbite.

Tu caritátis víctima,  
Ut nostra tollas crímina,  
Nobis salúbri pérficis  
Adoptiónem sáanguine.

Nostra ergo pax et gáudium  
Sis vita, Jesu, et præmium;  
Sis ductor et lux in via,  
Merces, coróna in pátria.

Amen.

Ÿ. Ipse vulnerátus est propter  
iniquitátes nostras. R̃. Et attrítus  
est propter scélera nostra.

Ad Bened. Ant. Ad Jesum au-  
tem \* cum venissent, ut vidérunt  
eum jam mórtuum, non fregérunt  
ejus crura; sed unus mílitum lán-  
cea latus ejus apérui, et continuo  
exívit sanguis et aqua.

Oratio.

**D**ómine Jesu Christe, qui de cœ-  
lis ad terram de sinu Patris  
descendísti, et sáanguinem tuum  
pretiósium in remissiónem pecca-

tórum nostrórum fudísti: te humí-  
liter deprecámur; ut in die judícii,  
ad dexteram tuam audíre mereá-  
mur: Veníte benedícti: Qui vivis  
et regnas.

Ad Primam.

In R̃. br. Ÿ. Qui pro nobis pati  
dignátus es.

Ad Tertiam.

Ant. Veni ad montem myrrhæ.

Capit. Fratres: Hoc enim. [245]

R̃. br. Oblátus est, \* Quia ipse  
vóluit. Oblátus. Ÿ. Et livóre ejus  
sanáti sumus. Quia. Glória Patri.  
Oblátus.

Ÿ. Próprio Fílio suo non pepér-  
cit Deus. R̃. Sed pro nobis ómni-  
bus trádidit illum.

Ad Sextam.

Ant. Fodérunt manus meas.

Capitulum. Zach. 13.

**Q**uid sunt plagæ istæ in médio  
mánuum tuárum? Et dicet:  
His plagátus sum in domo eórum  
qui diligébant me.

R̃. br. Próprio Fílio suo \* Non  
pepércit Deus. Próprio. Ÿ. Sed  
pro nobis ómnibus trádidit illum.  
Non. Glória Patri. Próprio.

Ÿ. Factus est obédiens usque ad  
mortem. R̃. Mortem autem crucis.

Ad Nonam.

Ant. Cum accepísset Jesus.

Capitulum. Isaíæ 53.

**G**eneratióem ejus quis enarrá-  
bit? Quia abscíssus est de  
terra vivéntium: propter scelus  
pópuli mei percússi eum.

R̃. br. Factus est obédiens: \* Us-  
que ad mortem. Factus. Ÿ. Mor-  
tem autem crucis. Usque. Glória  
Patri. Factus.

¶ Ipse vulnerátus est propter iniquitátes nostras. R. Et attrítus est propter scélera nostra.

**In II. Vesperis.**

Omnia ut in I. [234], præter sequi.

¶ Ipse vulnerátus est propter iniquitátes nostras. R. Et attrítus est propter scélera nostra.

Ad Magnif. Ant. Depónens Joseph \* corpus Jesu invólvit síndone, et pósuit eum in monuménto excíso. Fuit planctus magnus in illa die; mulieres autem sedéntes contra sepúlchrum dolébant, sicut doléri solet in morte primogéniti.

**Pro Sabbato.**

Officium votivum

**de Immaculata Conceptione**

**B. Mariæ V.**

Semiduplex.

Omnia ut in die Festi 8. Dec. 376, præter sequentia.

**In utrisque Vesperis et Laudibus.**

¶ Immaculáta Concéptio tua Dei Génitrix Virgo. R. Gáudium annuntiávit univérso mundo.

In I. Nocturno Lectiones de Scriptura occurrente.

In Quadrages. vero et Sabbato Quatuor Temporum Lect. De libro Génesis. Serpens erat. ut in festo. 379.

In II. et III. Noct. Lect. ut in II. die infra Octavam. 387. et 388.

**In II. Vesperis.**

Omnia ut in I. Vesperis præter:

Ad Magnif. Ant. Sancta María, \* succurre míseris, juva pusillánimes, réfove flébiles, ora pro pópulo, intérvieni pro clero, intercède pro devóto femíneo sexu: sentiant omnes tuum juvámen, quicúmque célebrant tuam sanctam Immaculátam Conceptionem.

**R O M Æ.**

**Pro Feria III.**

Officium votivum

**de Ss. Apostolis Petro et Paulo.**

Semiduplex.

Omnia de Comm. Apostolorum [2], præter sequentia.

**In utrisque Vesperis.**

¶ Constitúes eos príncipes super omnem terram. R. Mémoires erunt nóminis tui Dómine.

Ad Magnif. Ant. Petrus Apóstolus, \* et Paulus Doctor Géntium, ipsi nos docuérunt legem tuam Dómine.

Oratio.

**D**eus, cujus dextera beátum Petrum ambulántem in flúctibus, ne mergerétur, eréxit, et coapóstolum ejus Paulum, tértio naufragántem, de profúndo pélagi liberávit: exáudi nos propítius, et concéde; ut ambórum méritis æternitátis glóriam consequámur: Qui vivis et regnas.

In I. Nocturno Lectiones de Scriptura occurrente.

**In II. Nocturno.**

**Sermo sancti Leónis Papæ.**

Ex Homilia 82. in Nativ. Ss. Apost. Petri et Pauli.

Lectio iv.

**N**erónis furor per ómnium vitiórum inflammátus excésum in hunc eum usque torrentem suæ præcipitávit insániæ, ut primus nómini christiáno atrocitátem generális persecutiónis inférret, quasi per sanctórum Apostolórum Petri et Pauli neces grátia Dei posset exstingui; quibus hoc ipsum erat máximum lucrum, ut contéptus vitæ hujus occiduae, percéptio fieret felicitátis æternæ.

Pretiōsa est ergo in conspēctu Dómini mors sanctórum ejus: nec ullo crudelitátis génere déstrui potest sacraménto crucis Christi fundáta religio. Non minúitur persecutióibus Ecclésia, sed augétur: et semper Dominicus ager ségete ditióri vestitur, dum grana, quæ singula cadunt, multiplicáta nascúntur. Unde duo ista præclára divíni séminis gérmina in quantam sóbolem germinárint, beatórum millia Mártyrum protestántur, qui apostolicórum æmuli triumphórum, Urbem nostram purpurátis, et longe latéque rutilántibus pópulis ambiérunt, et quasi ex multárum honóre gemmárum consérto uno diadémate coronárunť.

R. Vidi conjúctos viros, habéntes spléndidas vestes, et Angelus Dómini locútus est ad me, dicens: \* Isti sunt viri sancti facti amíci Dei. V. Vidi Angelum Dei fortem, volántem per médium cœlum, voce magna clamántem et dicéntem. Isti sunt viri.

#### Lectio v.

**D**e quorum præsidio, dilectíssimi, divínitus nobis ad exemplum patiéntiæ et confirmatióem fidei præparáto, universáliter quidem in ómnium Sanctórum commemoratióne lætándum est: sed in horum excellentia Patrum mérito est excellentius gloriándum, quos grátia Dei in tantum ápicem inter ómnia Ecclésiæ membra provéxit, ut eos in córpore, cui caput est Christus, quasi géminum constitúeret lumen oculórum. De quorum méritis atque virtútibus, quæ omnem loquéndi súperant facultátem, nihil divérsus, nihil debémus

sentíre discrétum: quia illos et electio pares, et labor símiles, et finis fecit æquáles.

R. Beáti estis, cum maledíxerint vobis hómines, et persecúti vos fúerint, et díxerint omne malum advérsus vos, mentiéntes, propter me: \* Gaudéte et exsultáte, quóniam merces vestra copiōsa est in cœlis. V. Cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte.

#### Lectio vi.

**S**icut autem et nos expérti sumus, et nostri probavére majóres, crédimus atque confidimus, inter omnes labóres istíus vitæ, ad obtinéndam misericórdiam Dei semper nos speciálíum patronórum oratióibus adjuvándos: ut quantum própriis peccátis deprimimur, tantum apostólicis méritis erigámur. Per Dóminum nostrum Jesum Christum, cui est cum Patre et sancto Spírítu éadem potestas, una divínitas, in sæcula sæculórum. Amen.

R. Isti sunt triumphatóres, et amíci Dei, qui contemnéntes jussa princípum, meruérunt præmia ætérna: \* Modo coronántur, et accipiunt palmam. V. Isti sunt qui vénérent ex magna tribulatióne, et lavérunt stolas suas in ságuine Agni. Modo. Glória Patri. Modo.

#### In III. Nocturno.

Léctio sancti Evangélii secúndum Matthæum.

#### Lectio vii.

#### Cap. 19. d.

**I**n illo témpore: Dixit Petrus ad Jesum: Ecce nos relíquimus



omnia, et secuti sumus te: quid ergo erit nobis? Et reliqua.

Homilia sancti Ambrósii  
Episcopi.

In Ps. 118. Serm. 8. post initium.

**E**cce nos omnia dereliquimus, et secuti sumus te. Hoc est, non quaesivimus quae saeculi sunt, non quaesivimus partem de possessionibus, sed te elegimus portionem. Reliquisti ergo omnia, Petre, quae habebas; unde habes quod habere te dicis? Surgit claudus, et sono tui sermonis erigitur: sanitatem aliis donas, qui indigebas ipse tuae salutis auxilio. Reliquisti ergo quae habebas, et cepisti, quae non habebas. Christus tibi portio, Christus tibi possessio est: illius nomen tibi munificum, illius nomen tibi est fructuosum, illius nomen tibi tributa dependit, et bona tributa, non pecuniae, sed gratiae.

R. Isti sunt qui viventes in carne, plantaverunt Ecclesiam sanguine suo: \* Calicem Domini biberunt, et amici Dei facti sunt. V. In omnem terram exivit sonus eorum, et in fines orbis terrae verba eorum. Calicem Domini.

Lectio viii.

**Q**uicumque reliquerit patrem, aut matrem, aut domum, aut fratres, aut sorores, centuplum accipiet in hoc saeculo, et vitam aeternam possidebit. Multos quidem in hoc saeculo, qui sua pauperibus donaverunt, uberiore thesauro locupletatos fuisse cognovimus. Est pulcherrimus locus, ut etiam ad

miseri cordiam provocentur. Sed non debent a Domino saecularem huiusmodi exigere mercedem, nec sperare quae mundi sunt; sed magis, quia iis, qui omnia reliquerint, Deus portio est. Ipse est utique merces perfecta virtutum, qui non centupli enumeratione, sed perfectae plenitudinis aestimatione censetur. Ego, inquit, Deus tuus sum. Non dixit: Ero, sed: Jam sum, jam inhabito, jam possideo.

R. Isti sunt viri sancti, quos elegit Dominus in caritate non ficta, et dedit illis gloriam sempiternam: \* Quorum doctrina fulget Ecclesia, ut sole luna. V. Sancti per fidem vicerunt regna, operati sunt iustitiam. Quorum. Gloria. Quorum.

Lectio ix.

**H**abes homo inter multa proposita, etiam huiusmodi portionem. Proposuit tibi Dominus in portione possessiones, in portione aurum, in portione argentum, in portione honores, in portione nobilitatem, proposuit etiam in portione seipsum. Habes igitur plurimas portiones; elige quam putas; non te numerus perturbet, sed excitet gratia; non te labor avértat, sed fructus invitet.

Te Deum laudamus. 14.

Ad Laudes.

V. In omnem terram exivit sonus eorum. R. Et in fines orbis terrae verba eorum.

Ad Bened. Ant. Gloriosi principes terrae, \* quomodo in vita sua dilexerunt se, ita et in morte non sunt separati.





# OFFICIA PROPRIA PRO ALIQUIBUS LOCIS.

## FESTA DECEMBRIS.

Die 4. Decembris.

**S. Barbaræ Virg. et Mart.**

Duplex.

Omnia de Communi Virginum [83],  
præter sequentia.

Oratio.

**I**ntercéssio, quæsumus  
Dómine, beátæ Bárba-  
ræ Vírginis et Mártiris  
tuæ ab omni nos adver-  
sitáte prótegit: ut per ejus inter-  
véntum gloriosíssimum sacrosán-  
cti Córporis et Sanguinis Dómini  
nostri Jesu Christi Sacraméntum  
ante diem éxitus nostri, per veram  
pœniténtiam et puram confessió-  
nem percípere mereámur: Qui te-  
cum vivit et regnat.

In I. Nocturno Lectiones de Scri-  
ptura occurrente.

In II. Nocturno.

Lectio iv.

**B**árbara virgo Nicomediénsis  
Dióscori nóbilis sed super-  
stitiósí hómínis filia, per ea  
quæ visibília facta sunt, ad invis-  
bília, divína opitulánte grátia, fá-  
cile pervénit. Quaprópter soli Deo  
rebúsque divínis vacáre cœpit.  
Eam pater, útpote forma venu-  
stióri niténtem, a quocúmque vi-  
rórur occúrsu tutári cúpiens, turri  
inclúsit, ubi pia virgo meditatió-  
nibus et précibus addícta, soli Deo,  
quem sibi in sponsum delégerat,  
placére studébat. Obláta a patre  
plúries nobílium connúbia fórtiter  
sprevit: pater vero per sui absén-

tiam filiæ ánimum posse facílius emollíri confidens, jussit primo bálneum éxstrui, ne quid ei deéssset ad commoditátem, deínde péregre in éxteras regiónés proféctus est.

R. Propter veritátem, et mansuetúdinem, et justítiam: \* Et dedúcet te mirabíliter dèxtera tua. V. Spécie tua et pulchritúdine tua, inténde, prósperè procéde, et regna. Et dedúcet.

#### Lectio v.

**A**bsénte patre, jussit Bárbara duábus fenéstis, quæ in turri erant, tértiam addi in honórem divínæ Trinitátis, labiúmque bálnei sacrosáctæ crucis signo muníri. Quod ubi rédiens Dióscorus inspéxit, audíta novitátis causa, ádeo in fíliam excánduit, ut stricto ense eam áppetens parum abfúerit, quin eam díre confóderet: sed præsto ádfuit Deus; nam fugiénti Bárbaræ saxum ingens se patefáciens viam apérui, per quam montis fastígium pétère, sicque in specu latére pótuit: sed paulo post, cum a nequíssimo genitóre repérta fuisset, ejus látera pédibus, dorsúmque pugnis immániter percússit, et crínibus per loca áspera difficílesque vias raptátam Marciáno præsidí puniéndam trádidit.

R. Dilexísti justítiam, et odísti iniquitátem: \* Proptérea unxit te Deus, Deus tuus óleo lætítiæ. V. Propter veritátem, et mansuetúdinem, et justítiam. Proptérea.

#### Lectio vi.

**I**taque ab ipso ómnibus modis, sed incássum tentátam, nudam nervis cædi, et inflicta vúlnera téstulis confricári, deínde in cárce-

rem trahi præcépit: ubi imménsa luce circúmdatus ei Christus appárens, mirífice confortátam in passiónum tolerántia confirmávit: quod animadvértens Juliána matróna ad fidem convérta, ejúsdem palmæ párticeps effécta est. Bárbaræ demum férreis únguibus membra laniántur, fácibus látera incendúntur, et malléolis caput contúnditur: quibus in cruciátibus consórtem solabátur, et hortabátur, ut ad finem usque constánter certáret. Præcísis tandem utrísque ubéribus, nudæ per loca pública tractæ, cápíte plectúntur, filiæque cervícem ipse scelestíssimus pater humanitátis expers própriis mánibus amputávit: cujus fera crudélitas non diu inúlta remánsit: nam statim eo ipso in loco fúlmine percússus intériit. Caput hujus beatíssimæ Mártiris in oratório ad Sancta sanctorum honorífice servátur. R. Afferéntur Regi. [91]

In III. Nocturno Homilia in Evang. Símile erit regnum cœlórum. de eodem Communi 1. loco. [93]

Die 10. Decembris.

In Translatione

**Almæ Domus Lauretanæ.**

Duplex majus.

**In I. Vesperis.**

Ant. et Capit. de Laud. [256]; Ps. ut in Festis B. M. V. per annum. [133]

Hymnus. Ave maris. [135]

V. Hæc est domus Dómini firmiter ædificáta. R. Bene fundáta est supra firmam petram.

Ad Magnif. Ant. Sanctificávit Dóminus tabernáculum suum: quia hæc est domus Dei, in qua invocábitur nomen ejus, de quo scri-

ptum est: Et erit nomen meum ibi, dicit Dóminus.

Oratio.

**D**eus, qui beátæ Mariæ Virginitis domum per incarnati Verbi mystérium misericórditer consecrásti, eámque in sinu Ecclesiæ tuæ mirábiliter collocásti: concéde; ut segregáti a tabernáculis peccatórum, digni efficiámur habitatóres domus sanctæ tuæ. Per eúmdem Dóminum.

Fit commem. Feriæ, et S. Melchiadis Pap. Mart. tantum. 389.

In fine Hymn. dicitur:

Jesu tibi sit glória

Qui natus es de Virgine.

**Ad Matutinum.**

Invitatorium. Salvatórem mundi in domo Virginitis de Spíritu sancto concéptum, \* Veníte adorémus.

Ps. Veníte, exsultémus. 2.

Hymnus.

**C**œléstis Urbs Jerúsalem,  
Beáta pacis visio,  
Quæ celsa de vivéntibus  
Saxis ad astra tólleris,  
Sponsæque ritu cíngeris  
Mille Angelórum millibus.

O sorte nupta próspera,  
Dotáta Patris glória,  
Respérsa Sponsi grátia,  
Regína formosíssima,  
Christo jugáta príncipi,  
Cœli corúsca civitas!

Hic margarítis émicant,  
Paténtque cunctis óstia:  
Virtúte namque prævia  
Mortális illuc dúcitur,  
Amóre Christi pércitus  
Torménta quisquis sústinet.

Scalpri salúbris íctibus,  
Et tunsióné plúrima,

Fabri políta málleo  
Hanc saxa molem cónstruunt,  
Aptísque juncta néxibus  
Locántur in fastígio.

Decus Parénti débitum  
Sit usquequáque Altíssimo,  
Natóque Patris único,  
Et ínclyto Paráclito,  
Cui laus, potéstas, glória  
Æténa sit per sácula. Amen.

In I. Nocturno.

Ant. Eleváta est magnificéntia tua super cœlos.

Ps. trium Nocturnorum ut in Festis B. Mariæ Virg. per annum. [136]

Ant. In sole pósuit tabernáculum suum, et ipse tamquam sponsus procedens de thálamo suo.

Ant. Quis ascéndet in montem Dómini? aut quis stabit in loco sancto ejus? Innocens mánibus, et mundo corde.

Ÿ. Hic domus Dei est, et porta cœli. R. Et vocábitur aula Dei.

De libro tértio Regum.

Lectio i.

Cap. 8. c.

**S**tetit autem Sálomon ante altáre Dómini in conspéctu ecclésiæ Israél, et expándit manus suas in cœlum, et ait: Ergone putándum est quod vere Deus hábitet super terram? Si enim cœlum et cœli cœlórum te cápere non possunt, quanto magis domus hæc, quam ædificávi? Sed réspice ad oratióem servi tui, et ad preces ejus, Dómine Deus meus: audi hymnum et oratióem, quam servus tuus orat coram te hódie: ut sint óculi tui apérti super domum hanc nocte ac die: super domum, de qua dixísti: Erit nomen meum ibi: ut exaúdias oratióem, quam

orat in loco isto ad te servus tuus. Ut exaúdias deprecationem servi tui, et pópuli tui Israël, quodcúmque oráverint in loco isto; et exaúdiēs in loco habitáculi tui in cœlo, et cum exaudieris, propítius eris.

R. Vidi speciósam sicut colúmbam ascendéntem désuper rivos aquárum: cujus inæstimábilis odor erat nimis in vestiméntis ejus: \* Et sicut dies verni circúmdabant eam flores rosárum et lília convállium. V. Quæ est ista quæ ascéndit per desértum sicut vírgula fumi ex aromátibus myrrhæ et thuris? Et.

#### Lectio ii.

Si fúgerit pópulus tuus Israël inimícos suos, (quia peccáturus est tibi), et agéntes pœniténtiam, et confiténtes nómini tuo, vénerint, et oráverint, et deprecáti te fúerint in domo hac: exaúdi in cœlo, et dimítte peccátum pópuli tui Israël, et redúces eos in terram, quam dedísti pátribus eórum. Si clausum fúerit cœlum, et non plúerit propter peccáta eórum, et orántes in loco isto, pœniténtiam égerint nómini tuo, et a peccátis suis convérsi fúerint propter afflictiónem suam: exaúdi eos in cœlo, et dimítte peccáta servórum tuórum, et pópuli tui Israël: et osténde eis viam bonam, per quam ámbulent, et da plúviam super terram tuam, quam dedísti pópulo tuo in possessiónem.

R. Quæ est ista quæ ascéndit sicut auróra consúrgens, pulchra ut luna, elécta ut sol, \* Terríbilis ut castrórum ácies ordináta? V. Fília Sion, tota formósa et suávis

es, pulchra ut luna, elécta ut sol. Terríbilis.

#### Lectio iii.

Si quis cognóverit plagam cordis sui, et expánderit manus suas in domo hac, tu exaúdiēs in cœlo in loco habitatiónis tuæ, et repro-pitiáberis, et fácies ut des unicuíque secúndum omnes vias suas, sicut víderis cor ejus, (quia tu nosti solus cor ómnium filiórum hóminum), ut timeant te cunctis diébus quibus vivunt super faciém terræ, quam dedísti pátribus nostris. Insuper et alienígena, qui non est de pópulo tuo Israël, cum vénerit de terra longínqua propter nomen tuum (audiétur enim nomen tuum magnum, et manus tua fortis, et bráchium tuum exténtum ubíque), cum vénerit ergo, et oráverit in hoc loco, tu exaúdiēs in cœlo, in firmaménto habitáculi tui, et fácies ómnia, pro quibus invocáverit te alienígena: ut discant univérsti pópuli terrárum nomen tuum timére, sicut pópulus tuus Israël, et probent quia nomen tuum invocátum est super domum hanc.

R. Quæ est ista quæ procéssit sicut sol, et formósa tamquam Jerúsalem? \* Vidérunt eam fíliæ Sion, et beátam dixerunt, et regínæ laudavérunt eam. V. Et sicut dies verni circúmdabant eam flores rosárum et lília convállium. Vidérunt. Glória Patri. Vidérunt.

#### In II. Nocturno.

Ant. Diffúsa est grátia in lábiis tuis; proptérea benedíxit te Deus in ætérnum, et in sáeculum sáeculi.

Ant. Sanctificávit tabernáculum suum Altíssimus.

Ant. Homo natus est in ea, et ipse fundavit eam Altissimus.

℣. Dómine diléxi decórem domus tuæ. R. Et locum habitatiónis glóriæ tuæ.

Sermo sancti Bernárdi Abbátis.

Serm. 52. de diversis.

Lectio iv.

**S**apiéntia, quæ Dei erat, et Deus erát, de sinu Patris ad nos véniens, ædificávit sibi domum, ipsam scilicet matrem suam Virginem Mariám, in qua septem columbas excídit. Quid est in ea septem columbas excídere, nisi ipsam dignum sibi habitáculum fide et opéribus præparáre? Nimirum ternárius númerus ad fidem propter sanctam Trinitátem, quaternárius pértinet ad mores propter quátuor principáles virtútes. Quod autem in beáta María sancta Trinitas fúerit, fúerit dico per præsentiam majestátis, ubi solus Fílius erat per susceptiόνem humanitátis, testátur núnthus cœlestis, qui ei arcána mystéria réserans, ait: Ave, grátia plena, Dóminus tecum; et post pauca: Spíritus sanctus supervéniet in te, et virtus Altíssimi obumbrábit tibi. Ecce habes Dóminum, habes virtútem Altíssimi, habes Spíritum sanctum, habes Patrem, Fílium, et Spíritum sanctum.

℣. O quam metuéndus est locus iste! \* Vere non est hic áliud, nisi domus Dei, et porta cœli. ℣. Hæc est domus Dómini firmiter ædificáta, bene fundáta est supra firmam petram. Vere.

Lectio v.

**U**trum autem et quátuor principáles virtútes, tamquam quá-

tuor columbas posséderit, inquisitione dignum vidétur. Primum ergo videámus an fortitudinem habúerit. Quæ nimirum virtus quómodo illi abesse pótuit, quæ abjéctis sæculáribus pompis, spre-tisque voluptátibus carnis, soli Deo in virginitáte vivere propósuit? Ni fallor, hæc virgo est quæ apud Salomónem légitur: Mulierem fortem quis invéniet? procul, et de últimis finibus prétium ejus. Porro quod témpersans et justa fúerit, ex Angeli collocutióne, et sui ipsíus responsiône, luce clá-rius comprobámus. Salutáta quippe tam venerabíliter ab Angelo: Ave, grátia plena, Dóminus tecum; non se éxtulit, quasi quæ ex singulári grátiae privilégio benedicerétur, sed síluit, et qualis esset insólita hæc salutatio secum cogitávit. Qua in re, quid nisi témpersans fuit? At vero, cum de cœléstibus mystériis ab eódem Angelo docerétur, diligénter quæsi-vit quómodo concíperet et páret, quæ virum útique non cognósceret: et in hoc sine dúbio prudens éxstitit.

℣. Fundáta est domus Dómini supra vérticem móntium, et exaltáta est super omnes colles: \* Et vénient ad eam omnes Gentes, et dicent: Glória tibi Dñe. ℣. Veniéntes autem vénient cum exsultatióne, portántes manípulos suos. Et.

Lectio vi.

**J**ustitiæ autem præ se fert insigne, ubi se ancíllam Dómini confitétur; nam quod justórum sit conféssio, testátur qui ait: Verúmtamen justi confitebúntur nómini tuo. Fuit ígitur beáta Virgo Ma-



ría fortis in propósito, tēperans in siléntio, prudens in interrogatíone, justa in confessíone. His itaque quátuor morum columinis, et tribus fidei prædictis extrúxit in ea sibi domum Sapiéntia cœléstis, quæ ádeo mentem ejus replévit, ut de plenitúdine mentis fœcundaretur et caro. Ipsíus autem Vírginis natális domus divínis mystériis consecráta, Angelórum ministério ab infidélium potestate in Dalmátiam prius, deinde in agrum Lauretánum Picenæ provinciæ transláta fuit, sedente sancto Cœlestíno quinto: eamdémque ipsam esse, in qua Verbum caro factum est, et habitávit in nobis, tum pontificiis diplomátibus, et celeberrima totíus orbis veneratíone, tum continúa miraculórum virtúte et cœléstium beneficiórum grátia comprobátur. Quibus permótus Innocéntius duodécimus, quo fervéntius erga Matris amantíssimæ cultum fidélium memória excitarétur, ejúsdem sanctæ Domus Translationem anniversária solemnitáte in tota Picení provincia venerátam, Missa étiam et Offício próprio celebrári præcépit.

R. Domus mea domus oratíonis vocábitur, dicit Dóminus: in ea omnis qui petit, áccipit, et qui quærit, invenit: \* Et pulsánti aperiétur. V. Pétite, et accipiétis: quærite, et inveniétis. Et. Glória Patri. Et.

### In III. Nocturno.

Ant. Tóllite hóstias, et introíte in átria ejus: adoráte Dóminum in aula sancta ejus.

Ant. Vidérunt omnes pópuli glóriam ejus.

Ant. Cantáte Dómino cánticum novum, quia mirabília fecit Dóminus, allelúja.

V. Domum tuam Dómine decet sanctitúdo. R. In longitudínem diérum.

Lectio sancti Evangélii secúndum Lucam.

Lectio vii.

Cap. 1. c.

In illo témpore: Missus est Angelus Gábriel a Deo in civitátem Galilææ, cui nomen Názareth, ad Vírginem desponsátam viro, cui nomen erat Joseph, de domo David, et nomen Vírginis María. Et reliqua.

Homília sancti Bernárdi Abbátis.

Ex Homil. 1. super Missus est.

**Q**uæ est hæc virgo tam venerábilis, ut salutétur ab Angelo? tam húmilis, ut desponsáta sit fabro? Pulchra permíxtio virginitátis et humilitátis: nec mediócritér placet Deo illa ánima, in qua et humilitas comméndat virginitátem, et virginitas exórnat humilitátem: sed quanta putas veneratíone digna est, in qua humilitátem exáltat fœcúnditas, et partus cónsecrat virginitátem? Audis vírginem, audis húmilem? Laudábilis virtus virginitas, sed magis necesária humilitas: illa consúlitur, ista præcipitur.

R. Diffúsa est grátia in lábiis tuis: \* Proptérea benedíxit te Deus in ætérnum. V. Myrrha, et gutta, et cásia a vestiméntis tuis, a dómibus ebúrneis, ex quibus te delectavérunt filiæ regum in honóre tuo. Proptérea.

Bened. Cujus festum cólimus, ipsa Virgo vírginum.

## Lectio viii.

Ex Homil. 2. super eodem loco.

**M**issus est, inquit, Angelus ad virginem, virginem carne, virginem mente, virginem professione, virginem denique qualem describit Apóstolus, mente et corpore sanctam, nec noviter, nec fortuito inventam, sed a sæculo electam, ab Altissimo præcognitam, et sibi præparatam, ab Angelis servatam, a Patribus præfiguratam, a Prophétis promissam. Ut pauca loquar de pluribus, quam sibi aliam prædixisse Deus videtur, quando ad serpéntem ait: Inimicitias ponam inter te et mulierem? Et si adhuc dubitas, an de María dixerit, audi quod sequitur: Ipsa conteret caput tuum. Cui hæc servata victória est, nisi Mariæ?

R. Beáta es Virgo María, Dei Génitrix, quæ credidisti Dómino: perfectæ sunt in te quæ dicta sunt tibi: ecce exaltata es super choros Angelorum: \* Intercède pro nobis ad Dñm Deum nostrum. V. Ave María, grátia plena: Dóminus tecum. Intercède. Glória Patri. Intercède.

## Lectio ix.

Ex Homil. 3. super eod. loco.

**E**tingrèssus Angelus ad eam, dixit: Ave, grátia plena, Dóminus tecum. Quo ingrèssus ad eam? Puto in sacrarium pudici cubiculi, ubi illa fortassis, clauso super se ostio, orabat Patrem in abscondito. Solent Angeli astare orantibus, et delectari in his, quos vident levare puras manus in oratione. Holocaustum sanctæ devotiónis gaudent se offerre Deo in odorem suavitatis. Mariæ autem orationes quan-

tum placuerint in conspectu Altissimi, Angelus indicavit, qui ingressus ad eam tam reverenter salutavit. Te Deum laudamus. 14.

## Ad Laudes

et per Horas.

Ant. 1. Domum tuam Dómine \* decet sanctitudo in longitudinem dierum.

Ps. Dóminus regnavit. 15.

2. Domus mea \* domus orationis vocabitur: in ea omnis qui petit, accipit, et qui quærit, invenit: et pulsanti aperiatur.

3. Propter domum \* Dómini Dei nostri quæsi bona tibi.

4. Dómine Deus \* exaltasti super terram habitationem meam.

5. Domum majestatis meæ, \* et locum pedum meorum glorificabo.

Capitulum. Eccli. 24.

**I**n ómnibus réquiem quæsi, et in hæreditate Dómini morabor. Tunc præcepit, et dixit mihi Creator ómnium: et qui creavit me, requievit in tabernáculo meo.

## Hymnus.

**A**lto ex Olýmpi vértice  
Summi Paréntis Fílius,  
Ceum monte desectus lapis  
Terras in imas decidens,  
Domus supérnæ, et ínfimæ,  
Utrúmque junxit ángulum.

Sed illa sedes cœlitum  
Semper resúltat laúdibus,  
Deúmque trinum et únicum  
Jugi canóre prædicat:  
Illi canéntes júngimur  
Almæ Siónis æmuli.

Hæc templa, Rex cœléstium,  
Imple benigno lúmine:  
Huc o rogátus ádveni,

Plebisque vota sùscipe,  
Et nostra corda júgiter  
Perfúnde cœli grátia.

Hic ímpetrent fidélium  
Voces precésque súpplícum,  
Domus beátæ múnera,  
Partisque donis gaúdeant:  
Donec solúti córpore  
Sedes beátas ímpleant.

Decus Parénti débitum  
Sit usquequáque Altíssimo,  
Natóque Patris único,  
Et ínclýto Paráclito,  
Cui laus, potéstas, glória  
Ætérna sit per sæcula.  
Amen.

℣. Introíbimus in tabernáculum  
ejus. ℞. Adorábimus in loco, ubi  
stetérunt pedes ejus.

Ad Bened. Ant. Ecce taberná-  
culum Dei cum homínibus, et ha-  
bitábit cum eis: et ipsi pópulus  
ejus erunt, et ipse Deus cum eis  
erit eórum Deus.

#### Oratio.

**D**eus, qui beátæ Mariæ Vírginis  
domum per incarnáti Verbi  
mystérium misericórditer conse-  
crásti, eámque in sinu Ecclésiæ  
tuæ mirabíliter collocásti: concé-  
de; ut segregáti a tabernáculis pec-  
catórum, digni efficiámur habita-  
tóres domus sanctæ tuæ. Per eúm-  
dem Dóminum nostrum.

Et fit commemor. Feriæ et S. Mel-  
chiadis. 392.

#### Ad Primam.

In ℞. br. dicitur ℣. Qui natus es  
de Mariá Vírgine.

#### Ad Tertiam.

Ant. Domus mea.

Capitulum. In ómnibus. [256]

℞. br. Hic domus Dei est, \* Et  
porta cœli. Hic. ℣. Et vocábitur  
aula Dei. Et. Glória Patri. Hic.

℣. Dómine diléxi decórem do-  
mus tuæ. ℞. Et locum habitatiónis  
glóriæ tuæ.

#### Ad Sextam.

Ant. Propter domum.

Capitulum. Eccli. 24. b.

**E**t sic in Sion firmáta sum, et in  
civitáte sanctificáta simíliter  
requiévi, et in Jerúsalem potéstas  
mea. Et radicávi in pópulo hono-  
rificáto, et in parte Dei mei hæré-  
ditas illíus, et in plenitúdine san-  
ctórum deténtio mea.

℞. br. Dómine \* Diléxi decórem  
domus tuæ. Dómine. ℣. Et locum  
habitatiónis glóriæ tuæ. Diléxi.  
Glória Patri. Dómine.

℣. Domum tuam Dómine decet  
sanctitúdo. ℞. In longitudínem  
diérum.

#### Ad Nonam.

Ant. Domum majestátis meæ.

Capitulum. Eccli. 24. b.

**I**n platéis sicut cinnamómum et  
bálsamum aromatízans odórem  
dedi: quasi myrrha elécta dedi  
suavitátem odóris.

℞. br. Domum tuam Dómine \*  
Decet sanctitúdo. Domum. ℣. In  
longitudínem diérum. Decet. Gló-  
ria Patri. Domum tuam.

℣. Hic domus Dei est, et porta  
cœli. ℞. Et vocábitur aula Dei.

#### In II. Vesperis.

Omnia ut in I. Vesp. [251], præter:

Ad Magnif. Ant. O quam me-  
tuéndus est locus iste: vere non  
est hic áliud, nisi domus Dei, et  
porta cœli.

Die 17. Decembris.

**S. Lazari Resuscitati Ep. Conf.**

Duplex.

Omnia de Comuni Conf. Pont. [49]  
præter sequ.

Ad Magnif. Ant. Lázarus amicus noster dormit: eamus, et a somno excitemus eum.

Oratio.

**E**xaudi, quæsumus Dómine, preces nostras, quas in beáti Lázari, Confessoris tui atque Pontificis, solemnitáte deférimus: et qui tibi digne méruit famulári, ejus intercedéntibus méritis ab ómnibus nos absólve peccátis. Per Dñm.

Et fit commem. Feriæ.

In I. Nocturno Lectiones de Scriptura occurrente.

In Quatuor Temp. Fidélis sermo. de eodem Comuni 1. loco [51]

In II. Noct. Lect. Beáti Patris Lázari. de eodem Comuni 2. loco. [60]

In III. Nocturno.

Lectio sancti Evangélii secúndum Joánnem.

Lectio vii. Cap. 11.

**I**n illo témpore: Erat quidam languens Lázarus a Bethánia, de castélló Mariæ, et Marthæ, soróris ejus. Et réliqua.

Homília sancti Augustíni Epíscopi.

Tract. 49. in Joañ. post init.

**I**n superiori lectione meministis, quod Dóminus éxiit de manibus eórum qui lapidáre illum volúerant, et discéssit trans Jordánem, ubi Joánnes baptizábat. Ibi ergo Dómino constitúto, infirmabátur in Bethánia Lázarus: quod castéllum erat próximum Jerosólymis. María autem erat, quæ unxit Dóminum unguénto, et extérsit pedes ejus capíllis suis, cujus fra-

ter Lázarus infirmabátur. Misérunt ergo soróres ejus ad eum. Jam intelligimus quó misérunt, ubi erat Jesus: quóniam absens erat, trans Jordánem scilicet. Misérunt ad Dóminum, nuntiántes quod ægrotáret frater eárum, ut si dignarétur, veníret, et eum ab ægritudine liberáret. Ille dístulit sanáre, ut posset resuscitáre.

**R.** Amávit eum Dóminus, et ornávit eum: stolam glóriæ índuit eum, \* Et ad portas paradísi coronávit eum. **V.** Índuit eum Dóminus lorícam fidei, et ornávit eum. Et.

Lectio viii.

**Q**uid ergo nuntiavérunt soróres ejus? Dómine, ecce quem amas infirmátur. Non dixerunt, Veni: amánti enim tantúmmodo nuntiándum fuit. Non ausæ sunt dicere: Veni, et sana: non ausæ sunt dicere, Ibi jube, et hic fiet. Cur enim non et istæ, si fides illíus centuriónis inde laudátur? Ait enim: Non sum dignus ut intres sub tectum meum: sed tantum dic verbo, et sanábitur puer meus. Nihil horum istæ, sed tantúmmodo: Dómine, ecce quem amas infirmátur. Súfficit ut nóveris: non enim amas, et déseris.

**R.** Sint lumbi vestri præcincti, et lucernæ ardéntes in manibus vestris: \* Et vos símiles homínibus exspectántibus dóminum suum, quando revertátur a nuptiis. **V.** Vigilate ergo, quia nescitis qua hora Dóminus vester ventúrus sit. Et. Glória Patri. Et.

Lectio ix.

**D**icit áliquis: Quómodo per Lázarus peccátor significabátur, et a Dómino sic amabátur? Aúdiat

eum dicentem: Non veni vocare justos, sed peccatores. Si enim peccatores Deus non amaret, de cœlo ad terram non descenderet. Audiens autem Jesus, dixit eis: Infirmitas hæc non est ad mortem, sed pro glória Dei, ut glorificetur Filius Dei. Talis glorificatio ipsius non ipsum auxit, sed nobis profuit. Hoc est ergo quod ait, non est ad mortem: quia et ipsa mors non erat ad mortem, sed potius ad miraculum: quo facto crederent homines in Christum, et vitarent veram mortem. Sane videte quemadmodum tamquam ex obliquo Dominus Deum se dixit: propter quosdam qui negant Filium Dei Deum esse. Te Deum. 14.

Ad Bened. Ant. ut in I. Vesp. et fit commem. Feriæ.

### In II. Vesperis.

Ad Magnif. Ant. Amavit eum Dominus, et ornavit eum, stolam gloriæ induit eum: et ad portas paradisi coronavit eum.

℣. Justum deduxit Dominus per vias rectas. ℞. Et ostendit illi regnum Dei.

Die 18. Decembris.

### In Expectatione Partus B. M. V.

Duplex majus.

#### In I. Vesperis.

Ant. et Capit. de Laud. [265]; Ps. ut in Festis B. M. V. [133]

Hymnus.

**C**reátor alme siderum,  
Æterna lux credentium,  
Jesu Redemptor omnium,  
Intende votis supplicum.

Qui dæmonis ne fraudibus  
Periret orbis, impetu

Amoris actus, languidi  
Mundi medela factus es.

Commune qui mundi nefas  
Ut expiâres; ad crucem  
E Virginis sacrario  
Intacta prodis victima.

Cujus potestas gloriæ,  
Nomenque cum primum sonat;  
Et cœlites et inferi  
Tremente curvantur genu.

Te deprecamur ultimæ  
Magnum diæi Jûdicem,  
Armis supernæ gratiæ  
Defende nos ab hostibus.

Virtus, honor, laus, glória  
Deo Patri cum Filio,  
Sancto simul Paráclito,  
In sæculorum sæcula. Amen.

℣. Ave María, grátia plena. ℞. Dominus tecum.

Ad Magnif. Ant. Spiritus sanctus in te descendet María: ne timeas: habebis in útero Filium Dei, allelúja.

Oratio.

**D**eus, qui de beátæ Mariæ Virgini útero Verbum tuum, Angelo nuntiante, carnem suscipere voluisti: præsta supplicibus tuis; ut qui vere eam Genitricem Dei credimus, ejus apud te intercessionibus adjuvemur. Per eundem Dñm.

Et fit commem. Adventus, Ant. O Sapiéntia. 156.

Ad Complet. et alias Horas, in fine omnium Hymn. dicitur:

Virtus, honor, laus, glória  
Deo Patri cum Filio,  
Sancto simul Paráclito,  
In sæculorum sæcula. Amen.

#### Ad Matutinum.

Invit. Ave María, grátia plena: \*  
Dominus tecum.

Ps. Venite, exsultemus. 2.

## Hymnus.

**V**erbum supérnum prádiens,  
 E Patris ætérni sinu  
 Qui natus orbi súbvenis,  
 Labénte cursu témporis:  
 Illúmina nunc péctora,  
 Tuóque amóre cóncrema,  
 Ut cor cadúca déserens  
 Cœli volúptas ímpleat:  
 Ut, cum tribúnal Júdicis  
 Damnábit igni nóxios,  
 Et vox amíca débitum  
 Vocábit ad cœlum pios.  
 Non esca flammárum nigros  
 Volvámur inter túrbines,  
 Vultu Dei sed cómpotes  
 Cœli fruámur gaúdiis.  
 Virtus, honor, laus, glória  
 Deo Patri cum Filio,  
 Sancto simul Paráclito,  
 In sæculórum sœcula. Amen.

## In I. Nocturno.

Ant. Ecce Dóminus noster cum virtúte véniet, et illuminábit óculos servórum suórum, allelúja.

Psalmi in I. et II. Nocturnorum de Communi Virg. [86] et [89]

Ant. Roráte cœli désuper, et nubes pluant Justum: aperiátur terra, et germinet Salvatórem.

Ant. Ecce nomen Dómini de longínquo: et cláritas ejus replet orbem terrárum.

Ÿ. Ex Sion spécies decóris ejus.  
 R. Deus noster maniféste véniet.

De Isaíá Prophéta.

Lectio i. Cap. 7. b.

**E**t adjécit Dóminus loqui ad Achaz, dicens: Pete tibi signum a Dómino Deo tuo in profúndum inférni, sive in excélsus supra. Et dixit Achaz: Non

petam, et non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce virgo concípíet, et páriet filium, et vocábitur nomen ejus Emmánuel. Butýrum et mel cómedet, ut sciat reprobaré malum, et eligere bonum.

R. Non auferétur sceptrum de Juda, et dux de fémore ejus, donec véniat qui mitténdus est: \* Et ipse erit expectátio Géntium. Ÿ. Pulchrióres sunt óculi ejus vino, et dentes ejus lacte candidióres. Et ipse.

Lectio ii.

Cap. 11.

**E**t egrediétur virga de radíce Jesse, et flos de radíce ejus ascéndet. Et requiescet super eum spíritus Dómini: spíritus sapiéntiæ et intelléctus, spíritus consilii et fortitúdinis, spíritus sciéntiæ et pietátis, et replébit eum spíritus timóris Dómini: non secúndum visiónem oculórum judicábit, neque secúndum auditum aúrium árguet: sed judicábit in justítia paúperes, et árguet in æquitáte pro mansuétis terræ: et percútiét terram virga oris sui, et spíritu labiórum suórum interficiet ímpium. Et erit justítia cingulum lumbórum ejus: et fides cinctórium renum ejus.

R. Oriétur stella ex Jacob, et consúrget homo de Israél, et confrínget omnes duces alienigenárum: \* Et erit omnis terra possésio ejus. Ÿ. De Jacob erit qui dominábitur, et perdet reliquias civitátis. Et.



## Lectio iii. Cap. 35.

**L**ætábitur desérta et invia, et exsultábit solitúdo, et florébit quasi lílium. Gérminans germinábit, et exsultábit lætabúnda et laudans: glória Líbani data est ei: decor Carméli et Saron, ipsi vidébunt glóriam Dómini, et decórem Dei nostri. Confortáte manus dissolútas, et génua debília roboráte. Dícite pusillánimis: Confortámini, et nolíte timére: ecce Deus vester ultiónem addúcet retributiónis: Deus ipse véniet, et salvábit vos. Tunc aperiéntur óculi cæcórum, et aures surdórum patébunt. Tunc sáliet sicut cervus claudus, et apérta erit lingua mutórum: quia scissæ sunt in desérto aquæ, et torréntes in solitúdine. Et quæ erat árida, erit in stagnum, et sítiens in fontes aquárum.

**R.** Descéndet Dóminus sicut plúvia in vellus: oriétur in diébus ejus justítia, \* Et abundántia pacis. **V.** Et adorábunt eum omnes reges; omnes Gentes sérvient ei. Et. Glória Patri. Et.

## In II. Nocturno.

**Ant.** De Sion exíbit lex, et verbum Dómini de Jerúsalem.

**Ant.** Ecce Deus noster, exspectávimus eum, et salvábit nos, allelúja.

**Ant.** Dóminus véniet, occúrrite illi, dicéntes: Magnum princípium, et regni ejus non erit finis: Deus, Fortis, Dominátor, Princeps pacis, allelúja.

**V.** Egrediétur virga de radice Jesse. **R.** Et flos de radice ejus ascéndet.

## Sermo sancti Ildephónsi Archiepíscopi Toletáni.

Ex libro de Virg. B. Mariæ.

## Lectio iv.

**D**ómina mea atque dominátrix mea, dóminans mihi, Mater Dómini mei, ancilla Fílii tui, génitrix factóris mundi, te rogo, te oro, te quæso, ut hábeam spíritum Dómini tui, spiritúmque Fílii tui, necnon et spíritum Redemptóris mei, ut de te vera et digna sápiam, vera et digna loquar, vera et digna quæcúmque sunt, díligam. Tu enim es elécta a Deo, assúmpta a Deo, advocáta a Deo, próxima Deo, adhærens Deo, conjúcta Deo: visitáta ab Angelo, salutáta ab Angelo, benedícta ab Angelo, beatificáta ab Angelo: turbáta in sermóne, atónita in cogitatióne, stupefacta in salutatióne, admiráta in dictórum annuntiatióne.

**R.** Ecce virgo concípiet, et páriet filium, dicit Dóminus: \* Et vocábitur nomen ejus Admirábilis, Deus, Fortis. **V.** Super sólum David, et super regnum ejus sedébit in ætérnum. Et.

## Lectio v.

**I**nvenísse te apud Deum grátiam audis, et ne timeas jubéris. Unde et tu fidúcia roboráris, cognitióne miraculórum instrúeris, ad novitátem inaudítæ glóriæ provéheris. De prole ab Angelo nuntiáta es, et post foetum íntegra et pudíca manes. Certa virgínitas nobis propónitur, et nascitúrum ex te Sanctum, Dei Fílium, tibi ab Angelo evangelizátur: et quæ sit nascéntis Regis poténtia, mirabíliter intimátur. Quómodo fiat quæris: de origine intérogas, de ratióne

perscrutáris, de experiéntia requíris, de órđine sciscitáris. Audi inauditum oráculum, considera inusitátum opus, animadvérte incógnum arcánum, atténde invísium factum: Spíritus sanctus supervéniet in te, et virtus Altíssimi obumbrábit tibi.

R. Roráte cœli désuper, et nubes pluant justum: \* Aperiátur terra, et gérminet Salvatórem. V. Emítte Agnum Dómine dominatórem terræ, de Petra desérti ad montem filiæ Sion. Aperiátur.

#### Lectio vi.

**T**ota invisibíliter Trínitas conceptionem operábitur in te: sola persóna Fílii Dei in corpore tuo nascitúra carnem assúmet de te. Ideoque quod concipiétur ex te, quod nascétur ex te, quod pródiet ex te, quod germinábitur ex te, quod parturiétur ex te Sanctum, vocábitur Fílius Dei. Erit enim hic magnus, hic Deus virtútum, hic Rex ómnium sæculórum, hic factor ómnium rerum. Ecce beáta tu inter mulieres, íntegra inter puérperas, dómína inter ancillas, regína inter soróres. Ecce ex hoc beátam te dicent omnes generatiónes, beátam te novérunt omnes cœléstes virtútes, beátam te prædicant omnes vates, beátam te célebrant omnes natiónes. Beáta tu fidei nostræ, beáta tu ánimæ nostræ, beáta dilectiúi nostræ, beáta præconiis et prædicatióiibus meis.

R. Docébit nos Dóminus vias suas, et ambulábit in sémitis ejus: \* Quia de Sion exíbit lex, et verbum Dómini de Jerúsalem. V. Veníte, ascendámus ad montem

Dómini, et ad domum Dei Jacob. Quia. Glória Patri. Quia.

#### In III. Nocturno.

Ant. Dóminus dabit benignitátem, et terra nostra dabit fructum suum.

#### Psalmus 84.

**B**enedixísti Dómine terram tuam: \* avertísti captivitátem Jacob.

Remisísti iniquitátem plebis tuæ: \* operuísti ómnia peccáta eórum.

Mitigásti omnem iram tuam: \* avertísti ab ira indignatióiis tuæ.

Convérte nos Deus salutáris noster: \* et avérte iram tuam a nobis.

Numquid in ætérnum irascéris nobis? \* aut exténdes iram tuam a generatiói in generatióem?

Deus tu convérsus vivificábis nos: \* et plebs tua lætábitur in te.

Osténde nobis Dómine misericórdiam tuam: \* et salutáre tuum da nobis.

Aúdiam quid loquátur in me Dóminus Deus: \* quóniam loquétur pacem in plebem suam.

Et super sanctos suos: \* et in eos, qui convertúntur ad cor.

Verúmtamen prope timéntes eum salutáre ipsíus: \* ut inhábitet glória in terra nostra.

Misericórdia, et véritas obviverunt sibi: \* justítia, et pax osculátæ sunt.

Véritas de terra orta est: \* et justítia de cœlo prospéxit.

Etenim Dóminus dabit benignitátem: \* et terra nostra dabit fructum suum.

Justítia ante eum ambulábit: \* et ponet in via gressus suos.

Ant. Dñs dabit benignitatem, et terra nostra dabit fructum suum.

Ant. Ecce veniet Deus et homo de domo David sedere in throno, allelúja.

Psalmus 86.

**F**undamenta ejus in montibus sanctis: \* diligit Dominus portas Sion super omnia tabernacula Jacob.

Gloriosa dicta sunt de te, \* civitas Dei.

Memor ero Rahab, et Babylónis \* scientium me.

Ecce alienigenae, et Tyrus, et populus Aethiopum, \* hi fuerunt illic.

Numquid Sion dicet: Homo, et homo natus est in ea: \* et ipse fundavit eam Altissimus?

Dominus narrabit in scripturis populorum, et principum: \* horum, qui fuerunt in ea.

Sicut letantium omnium \* habitatio est in te.

Ant. Ecce veniet Deus et homo de domo David sedere in throno, allelúja.

Ant. Annuntiáte populis, et dicite: Ecce Deus Salvátor noster veniet.

Psalmus 95.

**C**antáte Dño canticum novum: \* cantáte Dómino omnis terra.

Cantáte Dómino, et benedicite nómini ejus: \* annuntiáte de die in diem salutáre ejus.

Annuntiáte inter Gentes glóriam ejus, \* in omnibus populis mirabilia ejus.

Quóniam magnus Dominus, et laudábilis nimis: \* terríbilis est super omnes deos.

Quóniam omnes dii Géntium daemónia: \* Dñs autem coelos fecit.

Conféssio, et pulchritúdo in conspectu ejus: \* sanctimónia et magnificéntia in sanctificatióne ejus.

Afférte Dómino pátriæ Géntium, afférte Dómino glóriam et honórem: \* afférte Dómino glóriam nómini ejus.

Tóllite hóstias, et introíte in átria ejus: \* adoráte Dóminum in átrio sancto ejus.

Commovéatur a fácie ejus universa terra: \* dicite in Géntibus quia Dóminus regnávit.

Etenim corréxit orbem terræ qui non commovébitur: \* judicábit populos in æquitáte.

Læténtur coeli, et exsúltet terra, commovéatur mare, et plenitúdo ejus: \* gaudébunt campi, et omnia quæ in eis sunt.

Tunc exsultábunt omnia ligna silvárum a fácie Dñi, quia venit: \* quóniam venit judicáre terram.

Judicábit orbem terræ in æquitáte, \* et populos in veritáte sua.

Ant. Añuntiáte populis, et dicite: Ecce Deus Salvátor noster veniet.

¶ Egre-diétur Dóminus de loco sancto suo. R. Veniet ut salvet populum suum.

Si hoc Festum venerit in Feria IV. Quatuor Temp. Adventus, loco sequ. Homil., leguntur tres Lect. Homil. ejusdem Feriæ IV. cum R. R. sequentibus.

Lectio sancti Evangélii secúndum Lucam.

Lectio vii. Cap. 1. c.

**I**n illo témpore: Missus est Angelus Gábriel a Deo in civitátem Galilææ, cui nomen Náza-reth, ad Vírginem desponsátam viro, cui nomen erat Joseph, de domo David: et nomen Vírginis María. Et réliqua.

Homilía venerábilis Bedæ  
Presbyteri.

In Evang. Luc. Cap. 1.

**A**d Mariám Virginem Gábriel mittitur, qui Dei fortitúdo nominátur: illum quippe nuntiáre veniébat, qui ad debellándas aéreas potestátes hūmilis apparére dignátus est. De quo per Psalmístam dicitur: Dóminus fortis et potens, Dóminus potens in prælio. Et rursum: Dóminus virtútum ipse est Rex glóriæ. Per Dei ergo fortitúdinem nuntiándus erat, qui virtútum Dóminus, et potens in prælio, contra potestátes aéreas ad bella veniébat. Et ingressus Angelus ad eam, dixit: Ave, grátia plena, Dóminus tecum: benedícta tu in muliéribus. Bene grátia plena vocátur, quæ nimírum grátiam quam nulla ália merúerat, asséquitur: ut ipsum vidélicet grátiae concípiat et géneret auctórem.

R. Ave Mariá, grátia plena, Dóminus tecum: \* Spíritus sanctus supervéniet in te, et virtus Altíssimi obumbrábit tibi: quod enim ex te nascétur Sanctum, vocábitur Fílius Dei. V. Quómodo fiet istud, quóniam virum non cognóscó? Et respóndens Angelus, dixit ei. Spíritus sanctus.

Lectio viii.

**E**cce concípies in útero, et páries fílium, et vocábis nomen ejus Jesum. Jesus, Salvátor sive salutáris interpretátur: cujus sacraméntum nóminis álloquens Joseph Angelus expósuit: Ipse enim (inquiens) salvum fáciat pópulum suum a peccátis eórum. Non ait, pópulum Israél, sed pópulum suum: hoc est, in unitátem fidei ex

præpútio et circumcisióne vocátum: quibus ex divérsa parte vocátis, fieret unus pastor, et unum ovíle. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus. Idem ergo Fílius Altíssimi, qui in útero virgináli concéptus et natus est. Idem homo in témpore creátus ex matre, qui Deus est ante témpora natus ex Patre. Si autem idem homo, qui Deus est, omíttat Nestórius hómínem tantum dícere ex Virgine natum.

R. Súscipe verbum Virgo Mariá, quod tibi a Dómino per Angelum transmissum est: concípies et páries Deum páriter et hómínem: \* Ut benedícta dicáris inter omnes mulieres. V. Páries quidem fílium, et virginitátis non patiéris detriméntum: efficiéris grávida, et eris mater semper intácta. Ut benedícta. Glória Patri. Ut benedícta.

Lectio ix.

**I**deóque et quod nascétur ex te Sanctum, vocábitur Fílius Dei. Ad distinctiónem nostræ sanctitátis, Jesus sanctus singuláríter nascitúrus asséritur. Nos quippe, etsi sancti effícimur, non tamen nascimur; quia ipsa natúræ corruptiónis conditióne constringimur, ut mérito cum Prophéta geméntes singuli dicámus: Ecce enim in iniquitátibus concéptus sum, et in delictis péperit me mater mea. Ille autem solus veráciter sanctus est, qui ut ipsam conditiónem natúræ corruptíbilis vínceret, ex comixtíone carnális cópulæ concéptus non est. Sanctum, inquit, vocábitur Fílius Dei. Quid hic dicis, Nestoriáne, qui beátam Mariám Dei negans

esse Genitricem, aperte niteris impugnare veritatem? Ecce Deum dixit superventurum, Dei Filium nasciturum. Quomodo ergo aut Dei Filius Deus non est, aut quæ Deum edidit, quomodo Theótocos, id est, Dei Génitrix non esse potest? Te Deum. 14.

### Ad Laudes

et per Horas.

Ant. 1. Missus est \* Gábríel Angelus ad Mariám Virginem desponsatam Joseph.

Ps. Dóminus regnavit. 15.

2. Ave María, \* grátia plena, Dóminus tecum: benedicta tu in mulieribus, allelúja.

3. Ne timeas María, \* invenisti grátiam apud Dóminum: ecce concipies et páries filium, allelúja.

4. Dabit ei Dóminus \* sedem David patris ejus, et regnabit in ætérnum.

5. Ecce ancilla Dómini, \* fiat mihi secúndum verbum tuum.

Capitulum. Isaïæ 11.

**E**grediétur virga de radice Jesse, et flos de radice ejus ascéndet. Et requiescet super eum Spíritus Dómini.

Hymnus.

**E**n clara vox redárguit  
Obscúra quæque, pérsonans:  
Procul fugéntur sómnia:  
Ab alto Jesus prómicat.

Mens jam resúrgat tórpida,  
Non ámplius jacens humi:  
Sidus refúlget jam novum,  
Ut tollat omne nóxium.

En Agnus ad nos míttitur  
Laxáre gratis débitum:  
Omnes simul cum lácrimis  
Precémur indulgéntiam.

Ut, cum secúndo fúlserit,  
Metúque mundum cínxerit,  
Non pro reátu púniat,  
Sed nos pius tunc prótegat.

Virtus, honor, laus, glória  
Deo Patri cum Fílio,  
Sancto simul Paráclito,  
In sæculórum sæcula. Amen.

Ÿ. Spíritus sanctus supervéniet in te. R. Et virtus Altíssimi obumbrábit tibi.

Ad Bened. Ant. Super sólum David, et super regnum ejus sedébit in ætérnum.

Oratio.

**D**eus, qui de beátæ Mariæ Virginis útero Verbum tuum, Angelo nuntiánte, carnem suscípere voluísti: præsta supplicibus tuis; ut qui vere eam Genitricem Dei crédimus, ejus apud te intercessiónibus adjuvémur. Per eúmdem Dóminum nostrum.

Deinde fit commemor. Feriæ.

Ad Primam.

In R. br. dicitur Ÿ. Qui ventúrus es in mundum.

Ad Tertiam.

Ant. Ave María.

Capit. Egrediétur. ut supra.

R. br. Tu exsúrgens Dómine \* Miseréberis Sion. Tu. Ÿ. Quia tempus miseréndi ejus, quia venit tempus. Miseréberis. Glória Patri. Tu.

Ÿ. Roráte cœli désuper, et nubes pluant justum. R. Aperiátur terra, et gérmínet Salvatórem.

Ad Sextam.

Ant. Ne timeas María.

Capitulum. Is. 7. c.

**E**cce virgo concípíet, et páriet filium, et vocábitur nomen ejus Emmánuel. Butýrum et mel cóm-

edet, ut sciat reprobare malum, et eligere bonum.

R. br. Rorate cœli desuper, \* Et nubes pluant justum. Rorate. V. Aperiatur terra, et germinet Salvatorem. Et. Glória. Rorate.

V. Emitte Agnum Domine dominatorem terræ. R. De Petra deserti ad montem filiæ Sion.

Ad Nonam.

Ant. Ecce ancilla Domini.

Capitulum. Is. 45. b.

Rorate cœli desuper, et nubes pluant justum: aperiatur terra, et germinet Salvatorem, et justitia oriatur simul: ego Dominus creavi eum.

R. br. Emitte Agnum Domine \* Dominatorem terræ. Emitte. V. De Petra deserti ad montem filiæ Sion. Dominatorem. Glória Patri. Emitte.

V. Spiritus sanctus superveniet in te. R. Et virtus Altissimi obumbrabit tibi.

### In II. Vesperis.

Omnia ut in primis, præter Ant. 5., cujus loco dicitur sequens

Ant. 5. De fructu ventris tui ponam super sedem tuam.

Ps. 131. Meménto Domine. 117.

Capit. Egrediétur. [265].

Hymnus. Créator. 132.

V. Ave María, grátia plena. R. Dominus tecum.

Ad Magnif. Ant. O Virgo virginum, quomodo fiet istud? quia nec primam similem visa es, nec habere sequentem. Filiæ Jerúsalem, quid me admirámini? Divinum est mysterium hoc quod cernitis.

Pro commemor. Advent. Ant. O Adónai. 156.

Die 26. Decembris.

Commemoratio

### Omnium Ss. Martyrum.

In utrisque Vesperis et Laud. festi S. Stephani Protomart. Ant. et V. de Communi plur. Mart.

Oratio.

**D**eus, qui nos ánnua sanctorum Mátyrum tuorum commemoratione lætificas: concede propitius; ut quorum gaudemus méritis, accendámur exémpis. Per Dóminum nostrum.

¶ Alibi ex decreto Pii PP. VI. d. 18. Maji 1798 pro aliqu. locis et Respons. S. R. C. d. 18. Oct. 1818 sumuntur sequ. commem.

### In I. Vesperis.

Ant. Isti sunt sancti, quos elégit Dominus in caritate non ficta, dedit illis glóriam sempitérnám.

V. Justi epuléntur et exsúltent in conspéctu Dei. R. Et delecténtur in lætítia.

### In Laudibus.

Ant. Sancti tui Domine semper benedicant te, et glóriam regni tui dicant.

V. Mirábilis Deus in sanctis suis. R. In sanctis ejus laudáte Deum.

### In II. Vesperis.

Ant. Dico autem vobis amicis meis, ne terreámini ab his qui occidunt corpus, ánimam autem non possunt occidere.

V. Justi autem in perpétuum vivunt. R. Et apud Dóminum est merces eorum.

Oratio.

**D**eus, qui glorificáris in concílio sanctorum Mátyrum tuorum: respice ad preces humilitátis no-



stræ; ut quorum solémnia celebrá-  
mus, eórum précibus adjuvári me-  
reámur. Per Dóminum.

## FESTA JANUARIJ.

Die 3. Januarii.

**S. Genovefæ Virginis.**

Duplex.

Omnia de Communi Virginum [83],  
præter sequ.

Oratio.

**E**ffúnde super nos Dómine spí-  
ritum agnitiónis et dilectiόnis,  
quo ancíllam tuam Genovéfam im-  
plevísti: ut sédula ejus imitatiόne  
tibi sincére obsequéntes, fide tibi  
et ópere placeámus. Per Dóminum.

In I. Nocturno Lectiones de Scri-  
ptura occurrente.

In II. Nocturno.

Lectio iv.

**G**enovéfa Nemptodúri in agro  
Parisiénsi, Sévero et Gerún-  
tia paréntibus nata, inaudíta  
virtútis splendóre a téneris annis  
cláruit. Germánus Antissiodorén-  
sis in Británniam transitúrus cum  
Lupo Trecénsi, ut Pelagiánæ hæ-  
resis reliquias profligáret, conjé-  
ctis in eam óculis, Deo caram et  
vitæ sanctitaté illústrem fore præ-  
dixit. Ab ea cum postuláset, num  
virginitátem Deo vellet consecráre,  
Genovéfa, vultu ad modéstiam com-  
pósito, statim respóndit id unum  
se veheménter optáre. Germánus  
itaque ecclésiám frequénti pópulo  
ingréssus, puéllæ manus impósuit,  
et inter crebros Psalmórum con-  
céntus, prolixásque oratiónes, vír-

ginem consecrávit. Postrídie sci-  
scitánti an voti jam emíssi memor  
esset, mémorem vero se, et in eo  
propósito permansúram, Deo ope-  
ránte, asseverávit. Ille nummum  
æreum signo crucis insignítum,  
nec sine Dei nutu humi conspicá-  
tus, collégit, Vírgini dedit, præce-  
pítque ut collo appénsu gestáret,  
nec ullis deinceps monílibus, quæ  
sponsæ Christi non convéniunt,  
ornári se paterétur.

**R.** Propter veritátem, et man-  
suetúdinem, et justítiam: \* Et de-  
ducet te mirábiliter dextera tua.  
**V.** Spécie tua, et pulchritúdine tua  
inténde, prospere procéde, et re-  
gna. Et.

Lectio v.

**M**iraculórum dono et multítu-  
dine excélluit, máxime circa  
energúmenos, quos óleo conse-  
cráto inúngens, a dáemonum ty-  
ránnide liberábat. Plúrima pro-  
phético spíritu edíxit; atque imprí-  
mis, accedénte Attila, Hunnórum  
rege, cives Parisienses adhortáta  
est, ne relíctis sédibus, fortúnas  
suas álio transférrent, urbem pol-  
lícita, subvérsis áliis munitiόnibus,  
perstitúram. Rei veritátem probá-  
vit événtus; idque Genovéfæ pa-  
trocinio datum. Grassánte deínde  
fame, et in máxima annónæ cari-  
táte, urbem magna fruménti cópia,  
et paúperes innúmeros erogátis  
pánibus sustentávit. Neque tamen  
tot éditis miráculis effúgere pó-  
tuit, quin malevolórum ódio et  
contuméliis premerétur. Germá-  
nus, in Británniam íterum profe-  
ctúrus, eam ádiit, et váriis impetí-  
tam calúmniis divíno elóquio con-  
solátus est; habitáque gravi ad

pópulum oratióne, quanti esset apud Deum mériti expósuit, et locum in quo preces illa fundébat lácrimis ejus madefáctum osténdit.

**R.** Dilexísti justítiam, et odísti iniquitátem: \* Proptérea unxit te Deus, Deus tuus óleo lætitiæ. **V.** Propter veritátem, et mansuetúdinem, et justítiam. Proptérea.

Lectio vi.

**A**b anno ætátis décimo quinto ad usque quinquagésimum Domínica tantum die et quinta féria jejúnium solvit, sumpto pane hordeáceo ac módico pulménto, quod ante quíndecim dies coctum, ut minus sápidum esset, frígida temperábat aqua. Post id tempus, suadéntibus episcopis quibus non obtemperáre nefas putábat, pisciculis et lacte usa est. Neque vero intra Gálliaë límites tanta virtus continéri pótuit. Símeon ille Stylítes, audíta tot miraculórum fama, ejus se précibus vóluit commendátum. Admirándis dénique virtútibus, ut scribit Beda, late cláruit, et in Christi servitúte ad octogínta et novem annos consénuit. De qua hæc étiam Gregórius Turonénsis: Sancta Genovéfa, quæ in corpore pósita, tanta virtúte præváluit, ut mórtuum suscitáverit, Lutétiaë in basilica sanctórum Apostolórum Petri et Pauli sepúlta est; ad cujus túmulum sæpius petitiónes datæ suffrágium óbtingunt, sed et frigoritícorum febres ejus virtúte sæpissime restringúntur.

**R.** Afferéntur Regi. [91]

In III. Nocturno Homilia in Evang. Simile erit regnum cœlorum. de eodem Communi 1. loco. [93]

Die 23. Januarii.

**In Desponsatione B. Mariæ V. cum S. Joseph.**

Duplex majus.

Ant. de Laud. [271]; Ps., Capit., Hymn. et reliqu. hic non propria ut in Festis B. M. V. [133]

**V.** Desponsátio est hódie sanctæ Mariæ Virgínis. **R.** Cujus vita inclyta cunctas illústrat ecclésiās.

Ad Magnif. Ant. Gloriósæ Virgínis Mariæ Desponsatiónem digníssimam recolámus, quæ et Genitrícis dignitátem obtínuit, et virgínalem pudicitíam non amisit.

Oratio.

**F**ámulis tuis, quæsumus Dómine, cœléstis grátiaë munus imperitire: ut, quibus beátæ Virgínis partus éxstitit salutis exórdium, Desponsatiónis ejus votiva solémnitas pacis tribuat increméntum. Per Dóminum nostrum.

Et fit commem. S. Joseph, ubi est concessa, ante alias quascumque com.

Ant. Exsúrgens Joseph a somno, fecit sicut præcépit ei Angelus Dómini, et accépit cónjugem suam.

**V.** Constitúit eum dóminum domus suæ. **R.** Et princípem omnis possessiόνis suæ.

Oratio.

**S**anctíssimæ Genitrícis tuæ Sponsi, quæsumus Dómine, méritis adjuvémur: ut quod possibilitas nostra non óbtinget; ejus nobis intercessiône donétur.

Deinde fit commem. Ss. Vincentii et Anastasii Martyrum. 444.

Postea S. Emerentianæ Vg. M. 445.

**Ad Matutinum.**

Invitat. Desponsatiónem Virgínis Mariæ celebrémus, \* Christum ejus Fílium adorémus Dóminum.

Ps. Veníte, exsultémus.


Hymnus. Quem terra. [135]

In I. Nocturno.

Incipiunt Cántica canticórum.

Lectio i.

Cap. i.

 osculétur me ósculo oris sui: quia melióra sunt úbera tua vino, fragrántia unguéntis óptimis. Oleum effúsum nomen tuum: ídeo adolescéntulæ dilexérunt te. Trahe me: post te currémus in odórem unguentórum tuórum. Introdúxit me rex in cellária sua: exsultábimus et lætábimur in te, mémoires úberum tuórum super vinum: recti díligunt te. Nigra sum, sed formósa, filiæ Jerúsalem, sicut tabernácula Cedar, sicut pelles Salomónis.

R. Hódie desponsáta est beáta Virgo María ex progénie David: \* Per quam salus mundi credéntibus appáruit, cujus víta gloriósa lucem dedit sáculo. V. Desponsatióem beátæ Mariæ Vírginis cum gaúdio celebrémus. Per quam.

Lectio ii.

**N**olíte me consideráre quod fusca sim, quia decolorávit me sol: filii matris meæ pugnávérunt contra me, posuérunť me custódem in víneis: víneam meam non custodívi. Indica mihi, quem díligit ánima mea, ubi pascas, ubi cubes in merídie, ne vagári incípiam post greges sodálium tuórum. Si ignóras te, o pulchérissima inter mulieres, egrédere, et abi post vestígia gregum, et pasce hœdos tuos juxta tabernácula pastórum. Equitátui meo in cúrribus Pharaónis assimilávi te amíca mea. Pulchræ sunt

genæ tuæ sicut túrturis: collum tuum sicut monília.

R. Beatíssimæ Vírginis Mariæ Desponsatióem devotíssime celebrémus: \* Ut ipsa pro nobis intercédát ad Dóminum Jesum Christum. V. Cum jucunditáte Desponsatióem beátæ Mariæ Vírginis devotíssime celebrémus. Ut.

Lectio iii.

**M**urénulas aúreas faciémus tibi, vermiculátas argénto. Dum esset rex in accúbitu suo, nardus mea dedit odórem suum. Fascículus myrrhæ dílectus meus mihi, inter úbera mea commorábitur. Botrus Cypri dílectus meus mihi, in víneis Engáddi. Ecce tu pulchra es amíca mea, ecce tu pulchra es, óculi tui columbárum. Ecce tu pulcher es dílecte mi, et decórus. Lécťulus noster flóridus: tigna domórum nostrárum cédrina, laqueária nostra cypréssina.


R. Gloriósæ Vírginis Mariæ Desponsatióem digníssimam recolámus: \* Cujus Dóminus humilitátem respéxit, quæ Angelo nuntiánte concépit Salvatórem mundi. V. Beatíssimæ Vírginis Mariæ Desponsatióem devotíssime celebrémus. Cujus. Glória Patri. Cujus.

In II. Nocturno.

Sermo sancti Bernárdi Abbátis.

Ex Homil. 2. super Missus est.

Lectio iv.

 portébat a príncipe mundi aliquámdiu celári divíni consilii sacraméntum: non quod Deus, si palam opus suum fácere vellet, impedíri posse ab illo méťueret: sed quia ipse, qui non solum poténter, sed étiam sapiénter

quaecúmque vóluit, fecit, sicut in ómnibus opéribus suis quasdam rerum vel témporum congruéntias propter órdis pulchritúdinem serváre consuévít: ita in hoc quoque tam magnífico ópere suo, nostræ vidélicet reparatiónis, non tantum poténtiam suam, sed et prudéntiam osténdere vóluit.

R. Desponsátio gloriósæ Vírginis Mariæ ex sémine Abrahæ, ortæ de tribu Juda, clara ex stirpe David, \* Cujus vita ínclýta cunctas illústrat eccléas. V. Hódie desponsáta est beáta Virgo María ex progénie David. Cujus.

Lectio v.

**C**onvéniens ergo erat, ut suávi-ter quoque ómnia, cœléstia scílicet et terréna, dispóneret, quátenus et illinc dejiéiens inquéetum, réliquos in pace firmáret; et hic debelláturus ínvidum, nobis prius suæ humilitátis et mansuetúdinis valde necessárium exéplum relínqueret: sicque mirábili fieret moderámine sapiéntiæ, ut et suis suávis, et hóstibus fortis appareret.

R. Cum jucunditáte Desponsatióem beátæ Mariæ celebrémus: \* Ut ipsa pro nobis intercédát ad Dóminum Jesum Christum. V. Corde et ánimo Christo canámus glóriam in hac sacra solemnitáte præcélsæ Genitricis Dei Mariæ. Ut.

Lectio vi.

**Q**uid enim prodésset diábolum a Deo vinci, nobis manéntibus supérbis? Necessário igitur desponsáta est María Joseph, quando per hoc et a cánibus sanctum absconditur, et a sponso virginitas comprobátur, et Vírginis tam verecúndiæ párcitur, quam famæ

providétur. Quid sapiéntius? quid dignius divína providéntia? Uno tali consílio secrétis cœléstibus et admíttitur testis, et exclúditur hostis, et íntegra servátur fama Vírginis Matris.

R. Desponsátio tua, Dei Génitrix Virgo, gaúdium annuntiávit univérso mundo: \* Ex te enim ortus est sol justítiæ, Christus Deus noster: \* Qui solvens maledictiόem, dedit benedictiόem: et confúndens mortem, donávit nobis vitam sempitérnam. V. Benedícta tu in muliéribus, et benedíctus fructus ventris tui. Ex. Glória Patri. Qui.

In III. Nocturno.

Léctio sancti Evangélii secúndum Matthæum.

Lectio vii. Cap. 1. c.

**C**um esset desponsáta mater Jesu María Joseph, ántequam convenírent, invénta est in útero habens de Spíritu sancto. Et réliqua.

Homília sancti Hierónymi Presbýteri.

Lib. 1. Comment. in cap. 1. Matth.

**Q**uare non de simplici vírgine, sed de desponsáta concípi-tur? Primum, ut per generatióem Joseph, orígo Mariæ monstrarétur: secúndo, ne lapidarétur a Judæis ut adúltera: tértio, ut in Ægýptum fúgiens habéret solá-tium. Martyr Ignátius étiam quartam áddidit causam, cur a desponsáta concéptus sit: Ut partus, ínquiens, ejus celarétur diáboló, dum eum putat non de vírgine, sed de uxóre generátum.

R. Beátam me dicent omnes generatióes: \* Quia fecit mihi Dó-

minus magna, qui potens est, et sanctum nomen ejus. *Ps.* Et misericordia ejus a progénie in progénies timéntibus eum. Quia.

Lectio viii.

**A**ntequam convenírent, invénta est in útero habens de Spíritu sancto. Non ab álío invénta est, nisi a Joseph, qui pene licéntia maritali futúrae uxóris ómnia nóverat. Quod autem dicitur, Antequam convenírent; non séquitur ut póstea convénerint: sed Scriptúra quod factum non sit, osténdit.

*R.* Felix namque es sacra Virgo María, et omni laude digníssima: \* Quia ex te ortus est sol justítiæ, \* Christus Deus noster. *Ps.* Ora pro pópulo, intérvени pro clero, intercède pro devóto femíneo sexu: sentiant omnes tuum juvámen, quicúmque célebrant tuam sanctam Desponsatióem. Quia. Glória Patri. Christus.

Pro S. Emerentiana Virg. et Mart.,  
Lectio ix. ut in Breviario. 447.

Te Deum laudámus. 14.

¶ Si hoc festum transferri contingat, Lect. ix. erit sequ.

Lectio ix.

**J**oseph autem vir ejus, cum esset justus, et nollet eam tradúcere, vóluit occúlte dimíttre eam. Si quis fornicáriæ conjúngitur, unum corpus efficitur, et in lege præcéptum est, non solum reos, sed et cóncios críminum obnóxios esse peccáti: quómodo Joseph, cum crimen celáret uxóris, justus scribitur? Sed hoc testimónium Mariæ est, quod Joseph sciens illius castitátem, et admirans quod evénérat, celat siléntio, cujus mystérium nesciébát.

Ad Laudes

et per Horas.

Ant. 1. Desponsátio \* gloriósæ Vírginis Mariæ, ex sémíne Abrahæ, ortæ de tribu Juda, clara ex stirpe David.

*Ps.* Dóminus regnávít. 15.

2. Desponsátio est hódie \* sanctæ Mariæ Vírginis, cujus vita inclyta cunctas illústrat ecclésiás.

3. Regáli ex progénie \* María exórta refúlget: cujus précibus nos adjuvári mente et spíritu devotíssime póscimus.

4. Corde et ánimo \* Christo canámus glóriam in hac sacra solemnitate præcélsæ Genitrícis Dei Mariæ.

5. Cum jucunditáte \* Desponsatióem beátæ Mariæ celebrémus, ut ipsa pro nobis intercédát ad Dóminum Jesum Christum.

Capitulum. Eccli. 24. b.

**A**b iníto, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi.

Hymnus.

**O** gloriósa vírginum,  
Sublímis inter sídera,  
Qui te creávit, párvulum  
Lacténte nutris úbere.  
Quod Heva tristis ábstulit,  
Tu reddis almo gérmíne:  
Intrent ut astra flébiles,  
Cœli reclúdis cárdines.  
Tu regis alti jánuá,  
Et aula lucis fúlgida:  
Vitám datam per Vírginem  
Gentes redémp-tæ plaúдите.  
Jesu, tibi sit glória,  
Qui natus es de Vírgine,  
Cum Patre, et almo Spíritu  
In sempitérna sæcula. Amen.

Ÿ. Desponsatio est hodie sanctæ Mariæ Virginis. R. Cujus vita inclyta cunctas illustrat ecclêsias.

Ad Bened. Ant. Desponsationem hodiernam perpétuæ Virginis Genitrícis Dei Mariæ solémniter celebrémus, qua celsitúdo throni procéssit, allelúja.

Oratio.

**F**ámulis tuis, quæsumus Dómine, coeléstis grátiae munus imper-tire: ut, quibus beátæ Virginis par-tus éxstitit salutis exórdium, De-sponsationis ejus votíva solémni-tas pacis tribuat increméntum. Per Dóminum nostrum.

Deinde fit comm. S. Joseph Sponsi B. Mariæ Virg.

Ant. Ipse Jesus erat incípiens quasi annórum trigínta, ut putabá-tur filius Joseph.

Ÿ. Os justi meditábitur sapién-tiam. R. Et lingua ejus loquétur júdicium.

Oratio.

**S**anctíssimæ Genitrícis tuæ Spon-si, quæsumus Dómine, méritis adjuvémur: ut quod possibilitas nostra non óbtinet, ejus nobis in-tercessióne donétur.

Postea comm. S. Emerentianæ. 447.

## In II. Vesperis.

Ant. de Laud. [271]; Ps., Capit. et Hymn. ut in Festis B. M. V. [145]

Ÿ. Desponsatio est hodie sanctæ Mariæ Virginis. R. Cujus vita inclyta cunctas illustrat ecclêsias.

Ad Magnif. Ant. Desponsatio tua, Dei Génitrix Virgo, gáudium annuntiávit univérso mundo: ex te enim ortus est sol justítiae, Chris-tus Deus noster: qui solvens ma-ledictionem, dedit benedictionem:

et confúndens mortem, donávit no-bis vitam sempitérnam.

Deinde fit commem. S. Joseph.

Ant. Ecce fidélis servus et pru-dens, quem constituit Dóminus su-per famíliam suam.

Ÿ. Glória et divítiae in domo ejus. R. Et justítia ejus manet in sæcu-lum sæculi.

Eadem Die.

## S. Ildephonsi Episc. et Conf.

Semiduplex.

Omnia de Communi Conf. Pont. [49], præter sequ.

Oratio. Exaúdi. [50]

Vel hæc alia

Oratio.

**D**eus, qui per gloriosíssimam Fí-lii tui Matrem beátum Ilde-phónsum Confessórem tuum atque Pontíficem misso de thesaúris cœ-léstibus múnere decorásti: concé-de propítius; ut per ejus preces et mérita, múnera capíamus æténa. Per eúndem Dóminum.

In I. Nocturno Lectiones de Scri-ptura occurrente.

In II. Nocturno.

Ex Surio tom. 1., et aliunde.

Lectio iv.

**I**ldephónsus, qui et Alphónsus dícitur, nátióne HispánuS, To-léti nobilíssimis Stéphano et Lúcia paréntibus ortus, omníque cura nutritus, liberálibus disciplí-nis instrúctus est. Primum hábuit præceptórem Eugénium Toletá-num antístitem, a quo miram ob índolem Híspalim ad Isidórum, mira tunc eruditíone polléntem, est missus. Duódecim apud Isidórum commorátus annos, tandem fruge bona doctrínæque sana im-



bútus, Tolétum remeávit ad Eugénium. Postquam vero factus est ob vitæ candórem, peritiámque non vulgárem, ab Eugénio ecclésiæ Toletánæ archidiáconus, mundi cúpiens láqueos declináre, in Agaliénsi monastério, quod sanctis Martýribus Cosmæ et Damiáno tunc erat dicátum, insigne pietátis cucúllum induit. Cui neque paréntes, jam prece, jam vi, ómnia tantantes, obsistere valuérunt, quin constánter in propósito permaneret.

R. Invéni David servum meum, óleo sancto meo unxi eum: \* Manus enim mea auxiliábitur ei. V. Nihil proficiet inimicus in eo, et fílius iniquitátis non nocébit ei. Manus enim.

#### Lectio v.

**M**ónachi non multo post Ildephónsum in demórtui abbátis locum subrogáru[n]t: suspiciébant síquidem in eo (præter virtútes réliquas) æquitátem, morum facilitátem, prudéntiam, raram sanctitúdinem. Tantus itaque fulgor, tanta veræ pietátis lux (quod ipse timébat) latére non pótuit. Eugénio namque vita functo, cleri, senátus totiúsque pópuli decréto Tolétanus archiepíscopus est creátus. In quo quidem præsulátu, quantum verbo Ildephónsus profécerit, quæ mirácula edíderit, quam multis fúerit nóminibus de Vírgine Matre bene méritus, non fáci-le quis explicáre quíverit. Cœnóbium vírginum in Deilfénsi villula ædificávit, ac magnis munéribus auxit. Hæréticos quosdam, qui in Hispánia hæresim Helvidiánam, tollén-

tem perpétuam Mariæ Dei Genitrícis virginitátem, disseminábant, doctíssime confutávit, ab Hispaniáque depulit: quam disputatió-nem explicávit libro, quem scripsit de beátæ Mariæ virginitáte, rem miráculo confirmánte. Cum enim Ildephónsus ad preces matutínas Expectatiónis beátæ Mariæ in ecclésiám nocte descénderet, cómites ejus in ecclésiæ límine fulgóre quodam repentinó detérriti retrocessérunt. Ille vero intrépídus ad aram progréssus, Vírginem ipsam vidit, et adorávit: ab eadémque vestem, qua in sacrificiis uterétur, accépit.

R. Pósui adjutórium super poténtem, et exaltávi eléctum de plebe mea: \* Manus enim mea auxiliábitur ei. V. Invéni David servum meum, óleo sancto meo unxi eum. Manus enim.

#### Lectio vi.

**C**um étiam dies sanctæ Leocádiæ festus agerétur, et clerus frequénsque pópulus convenísset, Ildephónsus ad sepúlchrum vírginis Leocádiæ accédens, flexis suppliciter génibus precabátur. Et ecce reseráto repén-te sarcóphago, Leocádia sanctíssima pródiit: videntibúsque cunctis et audiéntibus, Ildephónsi mérita de Vírgine María commendávit, dicens: O Ildephónse, per te vivit Dómina mea, quæ cœli cúlmina tenet. Et præsule collaudáto redíbat. Ildephónsus, ne res sine téstibus tanta pósteris referrétur, arrépto Recesvínthi regis, qui forte tunc áderat, gladiolo, veláminis partem, quo caput Leocádiæ tegebátur, resé-

cuit; eámque cum régio simul cultro célebrī pompa in sacrárium intulit, ubi usque hódie servátur. Scripsit multa luculentíori sermóne, quorum, váriis molestiárum occupatióibus impeditus, áliqua cœpta, áliqua semipléna reliquit. Obiit tandem divus Ildephónsus felíciter ac sancte, cum sedisset in episcopátu annos novem, menses duos: sepultúsque est in basilica Leocádiæ circa annum Dómini sexcentésimum septuagésimum séptimum, Recesvíntho in Hispánia regnante. Cujus corpus in generáli a Saracénis Hispaniárum occupatióne in civitátem Zamorénsem translátum est, et in ecclésia beáti Petri honorífice quiéscens, magna illius pópuli religióne cólitur.

R. Iste est. [54]

In III. Nocturno Homilia in Evang.  
Vos estis sal terræ. de Comm. Doct.  
1. loco. [64]

R. viii. Sint lumbi.

Die 28. Januarii.

S. Juliani Episc. et Conf.

Semiduplex ad libitum.

Omnia de Comm. Conf. Pont. [49]  
præter sequ.

Oratio.

**E**xcita, quæsumus Dómine, in pópulo tuo spíritum caritátis, quo beátum Juliánum Confessórem tuum atque Pontificem replére dignátus es: et concéde; ut ejus festivitátem celebrámus, per ejus ad te exémpa gradiámur. Per Dóminum nostrum.

Commem. S. Agnetis secundo. 456.

In I. Nocturno Lectiones de Scriptura occurrente.

In II. Nocturno.

Lectio iv.

**J**uliánus, ecclésiæ Conchénsis episcopus, Burgis piis et honestis paréntibus natus est. Ejus ortum præclára illius sanctitátis et episcopális dignitátis signa divinitus data nobilitárent. Nam ádeo formósus et pulcher in lucem éditus est, ut omnes intuéntes os ejus, coelésti quodam fulgóre perfúsum admiraréntur. Multo magis vero, cum puer grándior palam super fontem baptismálem támdiu visus est mitra et báculo episcopálibus insígnibus ornátus, dum astántes admónuit, ut infánti Juliáni nomen impónerent. Póstea pie sanctéque educátus, liberalibusque disciplínis appríme eruditus, theologiæ óperam dedit, in qua plúrimum profécit. Itaque probátæ vitæ exémplo, et divíni verbi prædicatióne toti Hispániæ mirándum in modum profúit. Archidiáconi dignitáte in ecclésia Toletána ornátus, ab Alphónso deinceps nono Castéllæ rege episcopále munus suscípere coáctus est, quod summa cum laude obívit.

R. Invéni David servum meum, óleo sancto meo unxi eum: \* Manus enim mea auxiliábitur ei. V. Nil profíciet inimícus in eo, et filius iniquitátis non nocébit ei. Manus.

Lectio v.

**V**ere pater paúperum fuit: quippe qui egéntium, viduárum et pupillórum inópiam pecúnia et áliis pietátis officiis sublevávit. Réditus ecclésiæ suæ tum sublevándis míseris, tum instaurándis ornandisque templis insúmpsit: ipse ténuī victu conténtus, quem

labóre mánuum suárum comparábat. In oratióne assíduus erat: cuius vi, patérna caritaté ardens, multa et magna pro salutē pópuli a Deo impetrávit. Quorum illa in primis illústria: cum aliquándo tota província rei frumentáriæ laboráret inópia, nec quidquam ámplius in episcopátus hórreis superéssent, pópuli calamitatē miserátus, preces cum lácrimis ad Deum fudit. Tunc plúrimum trítici ad ædes sancti epíscopi a permúltis juméntis comportátum est, quæ depósito ónere evanuérunt. Cumque item dira in pópulum lues grassaréetur, sancti epíscopi oratióne sedáta est. Multos quoque, váriis insanábiliū morbórum genéribus afféctos, in sanitatē restituit.

R. Pósui adjutórium super poténtem, et exaltávi eléctum de plebe mea: \* Manus enim mea auxiliábitur ei. V. Invéni David servum meum, óleo sancto meo unxi eum. Manus.

#### Lectio vi.

**S**uper gregem suum tamquam bonus et sédulus pastor diligentissime vigilávit: lupos arcens ab óvibus, et oves pascens verbo vitæ, cibum cuique tribuens pro captu congruéntem. Corpus suum jejúniis assidue castígans, seípsum bonórum óperum exémplar ómnibus præbuit. Dénique, cum annos fere octogínta máxima cum sanctitatē vixíset, plenus diérum atque virtútum, in senectúte bona migrávit ad Dóminum, quinto Kaléndas Febrúarii, anno millésimo ducentésimo octávo: et honorífice in ecclésia sua sepúltus, post mortem

quoque miraculórum glória clarus, magna pópuli veneratióne cólitur. Anno póstmodum millésimo quingentésimo décimo octávo, Leóné décimo Pontífice Máximo, corpus ejus e sacéllo, ubi multos jacúerat annos, effóssum, ad locum prope aram máximam magnífice exornátum, tértio Idus Aprílis solémni pompa ac máxima celebritatē translátum est. Commemoratiónis ejus quoque festívas Nonis Septémbris, ex Júlii tértii Summi Pontíficis concessióne, recólitur.

R. Iste est. [54]

#### In III. Nocturno.

Léctio sancti Evangélii secúndum Matthæum.

#### Lectio vii. Cap. 6. c.

**I**n illo témpore: Dixit Jesus discipulis suis: Nolite thesaurizáre vobis thesaúros in terra, ubi ærugo, et tinea demolítur, et ubi fures effódiunt et furántur. Et reliqua.

Homília sancti Petri Chrysólogi.

Serm. 8. de jejunió et eleemosyna, circa medium.

**T**hesaúrus cœli est manus pauperis: quod súscipit, ne in terra péreat; et repónit in cœlum. Manus pauperis est gazophylácium Christi, quia quidquid pauper áccipit, Christus accéptat. Da ergo homo pauperi terram, ut accípias cœlum: da nummum, ut accípias regnum: da pauperi, ut des tibi: quidquid pauperi déderis, tu habébis: quod pauperi non déderis, habébit alter. Clamat Deus: Misericórdiam volo. Qui, quod vult Deus, Deo negat, a Deo sibi, quod desíderat, vult negári. Homo, petit Deus, sed tibi, non sibi: humanam misericórdiam petit, ut largiátur

divinam. Est in coelis misericórdia, ad quam per terrénas misericórdias pervenitur.

R. Amávit eum Dóminus, et ornávit eum: stolam glóriæ induit eum, \* Et ad portas paradísi coronávit eum. V. Induit eum Dñs lorícam fidei, et ornávit eum. Et.

#### Lectio viii.

**D**icturus causam in iudicio Dei, patrónam tibi misericórdiam, per quam liberári possis, assúme. Qui de patrocínio misericórdiæ certus est, de vénia sit secúrus, de absolutióne non dúbitet. Misericórdia non solum causam prævenit, anticipat cognitórem: sed étiam senténtiam révocat, absolvit addictos. Quod Ninivítæ probant, quos jam senténtiæ subiectos, pœnæ tráditos, ad víctimam stantes, morti déditos, misericórdia sic rápuit, sic ténuít, sic prævenit, ut malúerit Deus dedúci senténtiam, ne misericórdiæ quid negáret. Fratres, per misericórdias paúperum misericórdiam parémus, ut possimus esse de pœna líberi, de salúte secúri. Beáti, inquit, misericórdes, quia ipsi misericórdiam consequéntur. Gratis misericórdiam sperat ibi, qui hic non fécerit misericórdiam.

R. Sint lumbi vestri præcincti, et lucérnæ ardéntes in mánibus vestris: \* Et vos símiles homínibus exspectántibus dóminum suum, quando revertátur a núptiis. V. Vigiláte ergo, quia nescitis qua hora Dóminus vester ventúrus sit. Et vos. Glória Patri. Et vos.

Lectio ix. de S. Agnete secundo, et commem. in Laud. 457.

## FESTA FEBRUARII.

Die 3. Februarii.

S. Blasii Episc. et Conf.

Duplex.

Omnia de Communi unius Mart. [21] præter sequ.

Oratio.

**D**eus, qui beátum Blásium Mártirem tuum atque Pontíficem in suis perferéndis suppliciis, et in aliórum depelléndis infirmitátibus admirábilem effecísti: concéde propítius; ut illíus et in fide constántiam imitémur, et in perículis patrocínia sentiámus. Per Dóminum.

In I. Nocturno Lectiones de Scriptura occurrente.

In II. Nocturno.

Lect. iv. Blásius. ut in Breviario eadem die 471. Lect. v. et vi. Príncipes persecúti sunt. de eodem Com. 2. loco [31], cum R. v. et vi. [32] et [27]

Ubi vero sunt concessæ, leguntur ut infra.

Lectio iv.

**B**lásius Cápodox nóbili genere ortus, Sebáste in Cappadócia ex médio epíscopus creátus est, ut córporum curatióni animárum cura succéderet. Huic múnere cum sédulam ac piam óperam naváret, dira tempésta in Christiános a Licínio tyránno excitáta fuit. Blásius divíno instíctu, Christi consílio et exémplo in montem Argæum se recépít, ac sese in spelúncam ábdidit, in qua rerum divinárum contemplatióni vacans, ab ipsis feris, nativæ feritátis oblitis, quotidíanum victum accépít, et multis obséquiiis cultus est.

R. Honéstum fecit illum Dóminus, et custodívit eum ab inimicis,

et a seductóribus tutávit illum: \* Et dedit illi claritátem ætérnam. *V.* Justum dedúxit Dóminus per vias rectas, et osténdit illi regnum Dei. Et dedit.

## Lectio v.

**I**bi tándiu látuit, donec ab Agri-  
colái præsidis milítibus casu de-  
prehénsus, inde abstráctus, et ad  
præsidem ductus, illius jussu in  
víncula conjéctus est. Sed vinctus  
ipse multos, quos ejus sanctimóni-  
æ fama accíverat, a diversórum  
morbórum vínculis liberávit. In  
his puer fuit, qui desperáta a mé-  
dicis salúte, transversa spina faú-  
cibus inhærente, ánimam agébat.  
Illústris sane tum córporum, tum  
animárum médicus, non humána,  
sed divína arte; non parátis a na-  
túra remédiis, sed Christi grátia  
comparátis, ægros prístinæ salúti  
restítuit. Omni fere miraculórum  
génere conspícuus; nam Christi  
super aquas ambulántis, et Elíæ  
Sareptánæ víduæ annónam multi-  
plicántis mirácula renovávit.

*R.* Desidérium ánimæ ejus tri-  
buísti ei Dómine, \* Et voluntáte  
labiórurn ejus non fraudásti eum.  
*V.* Quóniam prævenísti eum in be-  
nedictiónibus dulcédinis: posuísti  
in cápíte ejus corónam de lápide  
pretiósó. Et voluntáte.

## Lectio vi.

**A**trocíssimis tormentis crudelís-  
simi præsidis jussu cruciátus  
fuit: duris verbéribus cæsus, tor-  
tus in equúleo, pectínibus férreis  
dilaniátus, candénti loríca indútus,  
aliisque exquisitíssimis suppliciis  
afféctus est. Sed ejus fides probári  
quidem pótuit, non tamen vinci.  
Dilaceráto córpore infráctus áni-

mus réstitit. Tandem, victo tyrán-  
no, cápíte plexus, illústre fidei te-  
stimónium Ecclésiæ relíquit, tértio  
Nonas Februárii, anno Christi ter-  
centésimo décimo sexto.

*R.* Stola jucunditátis. [27]

## In III. Nocturno.

Léctio sancti Evangélíi secúndum  
Matthæum.

## Lectio vii. Cap. 10. c.

**I**n illo témpore: Dixit Jesus disci-  
pulis suis: Cum persequéntur  
vos in civitáte ista, fúgite in áliam.  
Et reliqua.

Homilía sancti Athanásii  
Epíscopi.

In Apolog. de fuga sua ante medium.

**I**n lege præcéptum erat ut  
constitueréntur civitátes re-  
fugiórum, ut qui quomodo-  
cúmque ad necem quæreréntur,  
servári possent. In consummatio-  
ne porro sæculórum, cum adve-  
nisset illud ipsum Verbum Patris,  
quod Móysi ántea locútum fúerat,  
rursus hoc præcéptum dedit: Cum  
vos, ínquiens, persecúti fúerint in  
civitáte ista, fúgite in áliam. Pau-  
lóque post súbjicit: Cum vidéritis  
illam abominatióem desolatiónis,  
quæ dicta est per Daniélem Pro-  
phétam, consisténtem in loco san-  
cto (qui legit, intélligat), tunc, qui  
in Judæa sunt, fúgiant ad montes:  
et qui in tecto est, ne descéndat  
tóllere áliquíd de domo sua: et qui  
in agro est, non revertátur tóllere  
túnicam suam.

*R.* Coróna aúrea super caput  
ejus, \* Expréssa signo sanctitátis,  
glória honóris et opus fortitúdinis.  
*V.* Quóniam prævenísti eum in be-  
nedictiónibus dulcédinis, posuísti

in cápite ejus coronam de lápide pretiósó. Expressa.

Lectio viii.

**H**æc cum scirent sancti, ejúsmo-  
di tenuérunt suæ conversatió-  
nis institútum. Quæ enim nunc  
præcépit Dóminus, éadem quoque  
ante suum in carne advéntum lo-  
cútus est in sanctis: et hoc institú-  
tum hómínes ad perfectiónem du-  
cit. Nam quod Deus jússet, id  
omnínó faciéndum est. Ideóque et  
ipsum Verbum propter nos homo  
factum, non indígnum putávit, cum  
quærerétur, quemádmódu et nos,  
abscóndere se; et, cum persecutió-  
nem paterétur, fúgere, et insídias  
declináre: cum autem a se definí-  
tum tempus ipse adduxisset, in  
quo corporáliter pro ómnibus pati  
volébat, ultro seípsum trádidit in-  
sidiántibus.

**R.** Hic est vere Martyr, qui pro  
Christi nómine sánguinem suum  
fudit: \* Qui minas júdicum non tí-  
muit, nec terrénæ dignitátis gló-  
riam quæsívit, sed ad coeléstia re-  
gna pervénit. **V.** Justum dedúxit  
Dóminus per vias rectas, et ostén-  
dit illi regnum Dei. Qui. Glória  
Patri. Qui.

Lectio ix.

**A**t vero sancti hómínes, cum hanc  
quoque formam a Salvatóre  
didicissent (ab ipso enim et ántea  
et semper omnes docebántur) ad-  
vérsus persecutóres, ut legítíme  
certárent, fugiébant et ab illis quæ-  
síti se abscondébant. Cum enim  
præstitúti sibi a divína providén-  
tia témporis finem ignorárent, no-  
lébant insidiántibus se témere trá-  
dere; sed contra, cum scirent quod  
scriptum est, in mánibus Dei esse

hómínum sortes, et Dóminum mor-  
tificáre et vivificáre, pótius in fi-  
nem usque perseverábant, circum-  
eúntes, ut ait Apóstolus, in meló-  
tis, in péllibus caprínis, egéntes,  
angustiáti, in solitudínibus errán-  
tes, et in spelúncis et cavérnis ter-  
ræ laténtes, quoad vel definítum  
mortis tempus veníret, vel, qui  
tempus ipsum definíerat Deus cum  
eis loquerétur, et insidiántes cohi-  
béret, aut certe persecutóribus eos  
tráderet, utcúmque illi placuisset.  
Te Deum laudámus. 14.

Die 4. Februarii.

B. Joannæ Valesiæ Viduæ.

Duplex.

Omnia de Communi non Virg. [99],  
præter sequentia.

Oratio.

**D**eus, qui ad imitándum beátæ  
Vírginis Fílii tui Genitrícis vir-  
tútes, novum per beátam Joánnam  
sacrárum vírginum coetum institúi  
voluísti: ejus méritis precibúsque  
concéde; ut per éadem gradiámur  
virtútum exémpa. Per eúmdem  
Dóminum nostrum.

Commem. Feriæ in Quadrag.

In I. Nocturno Lectiones de Scri-  
ptura occurrente.

In Quadrag. Mulierem fortem. de  
Communi non Virg. [103]

In II. Nocturno.

Lectio iv.

**J**oánnā Valésia Ludovíci undé-  
cimi Galliárum regis filia, a  
téneris annis in omnem pie-  
tátem institúta ac propénsa, non  
obsúris futúre sanctitátis indíciis  
continuo cláruit. Quinquénis, fer-  
ventíssimis précibus Deíparam Vír-  
ginem, quam semper mirífice có-



luit, exoránti, ut quo ei placére magis posset obséquio significáret, prænuntiári sibi visa est fore aliquándo, ut novum sacrárum vírginum órđinem in ejúsdem Deíparræ honórem institúeret. Ludovíco Aurelianénsium duci invíte nupta, summam in prósperis moderatió-nem exhibuit, atque in advérsis constántiam. Ipso póstea in Galliárum regem assúpto, ac nullo et írrito per Apostólicam Sedem eo declaráto conjúgio, id non solum æquíssimo ánimo tulit, sed grávi se vínculo solútam prædicans, libérius deinceps uni Deo famulári posse gratuláta est.

R. Propter veritátem, et mansuetúdinem, et justítiam: \* Et dedúcet te mirabíliter dextera tua. V. Spécie tua et pulchritúdine tua inténde, prósperè procéde, et regna. Et dedúcet.

## Lectio v.

**B**ituricénsis ducátus sibi a Ludovíco rege assignátos réditus, aléndis paupéribus, curándis ægrótiis, ædificandisque monastériis profúse erogábat. In eam vero curam præsértim incúbuit, ut sacrárum vírginum cœtum sub nómine Annuntiatiónis beátæ Vírginis Mariæ, quibus ejúsdem virtútes, certis régulis ab Alexándro sexto approbátis, essent ad imitándum propósitæ, institúeret ac promovéret, quod ei feliciter cessit. Egénos ac míseros omnes ad se confugiéntes matérnæ caritátis complectebátur viscéribus; ægrótos in primis, quorum úlcera et sániem própriis má-nibus térgere et contrectáre non refugiébat, restitúta non semel eo contáctu iisdem sanitáte.

R. Dilexísti justítiam, et odísti iniquitátem: \* Proptérea unxit te Deus, Deus tuus, óleo lætitiæ. V. Propter veritátem, et mansuetúdinem, et justítiam. Proptérea.

## Lectio vi.

**S**ingulári atque exímia erga sanctíssimum Eucharístiæ sacraméntum pietáte ferebátur; ad quod tanta accedébat lacrimárum ví, ut ejúsdem caritátis ac devotiónis sensus in astántium ánimis excitáret. Domínicæ quoque passiónis mystéria pari recolébat afféctu. Quare constrúcto intra domésticum hortum Christi sepúlchro, ibi sededébat idéntidem nudum pectus lápide tundens, atque in preces et lácrimas júgiter effúsa. Vitæ demum innocentíssime actæ finem quadragenária præsétiens, sacris ómnibus christiánæ religiónis mystériis rite piéque suscep-tis, prídie Nonas Februárii, Bitúrici decéssit, anno millésimo quingentésimo quinto. Ejus corpus quinquagésimo séptimo post óbitum anno incorrúptum repértum, dum ab hæréticis militibus ad cremándum raperétur, gémitus edidisse, et mucróne transfixum copióso ságuine manásse perhibétur. Ejus cultum Benedictus décimus quartus Apostólica auctoritáte probávit anno millésimo septingentésimo quadragésimo secúndo. Tandem Pius sextus, ut in toto Gállia regno posset de beáta Joánnæ Valésia, anniversária ejus dormitiónis die, Offici-um recitári ac Missa celebrári de Commúni nec Vírginis nec Mártiris indúlsit, anno millésimo septingentésimo septuagésimo quinto, die vero Aprílis vigésimo.

R. Fallax grátia, et vana est pulchritúdo: \* Múlier timens Deum, ipsa laudábitur. V. Date ei de fructu mánuum suárum, et laudent eam in portis ópera ejus. Múlier. Glória Patri. Múlier.

In III. Nócturno Homilia in Evang. Símile est. de Comm. non Virg. [108]

Lectio ix. de Homilia, et commem. Feriæ in Laudibus, si celebretur in Quadrages.

Die 5. Februarii.

Ss. XXVI Mart. Japonensium.

Duplex.

Omnia de Comm. plur. Mart. [35], præter sequentia.

Oratio.

**D**ómine Jesu Christe, qui ad tui imitationem per crucis supplicium primitias fidei apud Japoniæ Gentes in sanctorum Mártyrum Petri Baptistæ, Pauli et Sociorum sanguine dedicasti: concède, quæsumus; ut quorum hódie solémnia cólimus, excitémur exémpis: Qui vivis et regnas.

In I. Nocturno Lectiones de Scriptura occurrente.

In Quadrages. Fratres: Debitóres. de Comuni. [37]

In II. Nocturno.

Lectio iv.

**R**emotissimæ Japoniæ regiõni extrémis orientális Asiæ finibus sitæ, quæ diu in tenebris et in umbra mortis séderat, sextodécimo salutis humanæ reparatæ sæculo cathólicæ veritátis lumen affúlsit. Magnus síquidem illic Indiárum Apóstolus sanctus Franciscus Xavérius Christum prædicans crucifixum, ádeo insígnem fidélium fundávit ecclésiám, ut hisce in terris Apostolorum témpora

rediísse videréntur. Non illi étiam defuére Mártyres, qui fidei primitias ságuine consecrárent. Eódem enim labénte sæculo, cum Taicosáma Japonénsium imperátor plúries minitátus fuísset, se Philippínas ínsulas in suam ditiónem redactúrum, cénsuit cathólicus Hispaniárum rex áliquos suæ natiónis religiósos viros in Japoníam mittere, régio legatórum múnere ornátos, ad pacem Taicosámæ suadéndam. Huic óperi deléctus est frater Petrus Baptísta, sacerdos ex órdine Minórum sancti Francísci strictióriis observántiæ discalceatórum, morum sanctitáte et doctrína insígnis: cui álii dati sunt sócii ex eódem órdine. Qui omnes legatiónem hanc eo suscepérunt ánimo, ut inde occasiõem arríperent Evangélium illis géntibus prædicándi; quia Apostólica pollébant auctoritáte ad fidem cathólicam apud Indos et Sínica regna disseminándam. Hi ad líttora Japoniæ appúlси, et suo múnere feliciter functi, ad religiónis incrementum, in partem labóris áliis sóciis adscítis, ánimum suum convertérunt.

R. Sancti tui Dómine mirábile consecúti sunt iter, serviéntes præcéptis tuis, ut inveniréntur illæsi in aquis válidis; \* Terra apparuit árida, et in Mari rubro via sine impediménto. V. Quóniam percússit petram, et fluxérunt aquæ, et torrentes inundavérunt. Terra.

Lectio v.

**M**ultis proinde xenodochíis, cœnóbiis et ecclésiis per diversa loca christiáno ritu excitátis, ibique per triénnum prædicatióni,

jejúniis, vigíliis, précibus júgiter instándo, atque egenórum et languéntium ærúmnis miro caritátis ardóre subveniéndó, et fidéles plúrimos in via salutis confirmáru[n]t, et Gentes innúmeras perduxére ad fidem. Qua de re gráviter commóti inánium deórum sacerdótes, imperatórem convéniunt, eíque persuádent impérium diu incólume non futúrum, n[on] christiánam religió[n]em úndique gliscéntem a suis finibus propulsándam curáret. Vano illo timóre percúlsus imperátor, statim jussit religiósos viros tamquam majestátis reos detinéri, dixítque in eos senténtiam crucis. Præter Petrum Baptístam et quinque sócios comprehénsi fuére Paulus Miki cum duóbus sóciis Japonénsibus ex Societáte Jesu, nec non Tertiárii quíndecim ex eódem órđine Minórum Japonénses, quorum ál[i]i catechís[m]o, ál[i]i sacris officiis inserviébant, quibus duo in vínculis ministrántes adaúcti sunt; proindeque sex et vigínti explétus est númerus.

R. Vérbera carníficum non timuérunt sancti Dei, moriéntes pro Christi nómine, \* Ut hærédes fierent in domo Dómini. V. Tradiderunt córpora sua propter Deum ad supplicia. Ut hærédes.

Lectio vi.

**P**ost diutúrnum cárceris squalórem fortíssimi Christi athlétæ, extréma sinistræ auris parte in Meacénsi foro públice mulctáti, reví[n]ctis post tergum mánibus, vili in plaustro per vias primum hujus metrópolis, tum aliárum Japoniæ úrbium sexcentórum milliariorum itínere terréstri, quo igno-

minia et terror látius spargeréntur, summa hieme circumducúntur præeúnte lictóre, ac senténtiam crucis in eos præferénte, quod véritam a tyránno Christi legem prædicássent. Illud memória dignum in itínere accidit, ut adolescénti Japonénsi António álteri ex Tertiáriis paréntes occurríssent, eúmque blandítiis et lácrimis conaréntur addúcere ut Christo fidem fál-leret; quibus constantíssime óbstitit, affirmans se terrénis ómnibus ac transitóriis despéctis únice Christo adhæsúrum, qui sibi ætérna et cœléstia repromísit; dein vestem qua operiebátur eis restituit. Tandem Nangasáquium perducti crúcibus affigúntur, quæ jam in quodam colle quasi in Calvário parátæ erant; póstea in altum eláti, Christi fidem haud prædicáre cessábant. Enítuit quidem Paulus Miki, qui e triumpháli illa crucis cáthedra ad circumfúsam multitudínem pro christiána religióne perorávit, illud palam sibi gratulátus quod in cruce ut Christus Dóminus, eadémque atque ille ætáte, supréum expléret diem. Postrémo singuli ab imis latéribus ad húmeros binis lánceis transfixi, victrices ánimas cœlo inseréndas emisére. Suórum militum gloriósum certámen váriis Deus condecoráre vóluit signis: quibus rite probátis, sacrórum Rítuum Congregátio ad eórum canonizatió[n]em quancúmque deveníri posse decrevit. Interim Urbánus octávus Póntifex Máximus, hábita hujus decreti relatióne, de eisdem Martýribus útpote in beatórum fastis adscriptis Offícium et Missam

quotánnis recitári et colebrári indúlsit. Tandem divínæ providéntiæ consílio factum est, ut Pius nonus Póntifex Máximus hujusmodi júdicium ad éxitum perdúceret. Quare sacro Pentecóstes die anni millésimi octingentésimi sexagésimi secúndi, magna et illústri purpuratórum patrum et episcopórum, qui ex ómnibus orbis cathólici pártibus ad protuénda Ecclésiæ et Sedis Apostólicæ jura convénierant, coróna circúmdatus, eósdem Mártyres Sanctórum albo recensuit. *R.* Tamquam. [41]

In III. Nocturno Lectiones de Homilia in Evang. Descéndens Jesus. de eodem Comm. 2. loco. [47]

Die 6. Februarii.

**S. Hyacinthæ de Mariscottis**  
Virginis.

Duplex.

Omnia de Comm. Virg. [83], præter sequentia.

Oratio.

**D**eus, qui beátam Hyacíntham Vírginem tuam jugis mortificationis et caritátis víctimam effecísti: ejus nobis exémplo et intercessióne concéde; ut peccáta nostra deflére, et te semper diligere valeámus. Per Dóminum.

Et fit commem. Feriæ in Quadrag. et S. Dorotheæ V. M. Ant. et *V.* c. Laud. Oratio. Indulgéntiam.

In I. Nocturno Lectiones de Scriptura occurrente.

In Quadrag. De virginibus. [87]

In II. Nocturno.

Lectio iv.

**H**yacíntha nóbilis virgo Romána, Marci Antónii de Mariscóttis Vignanélli cómitis

(quo in óppido nata est) et Octáviæ Ursíniæ filia, a prima ætáte divínæ protectionis arguménta experíri cœpit, cum septénis jam in púteum prolapsúra præsénti Dei beneficio serváta est. Vitérbium missa ad moniáles sancti Bernardíni, ut ab iis educarétur, ibi Tértii órdis sancti Francisci institútum adoléscentis suscepit, non ita tamen ut sacra cum veste religiósos mores indúeret; pompis enim ac delíciis aliquámdiu indúlsit, donec ex febris decúm-bens, accíti ad se confessárii oportúna commonitióne percúlta, omni vanitáti núntium remisit. Itaque anteáctæ vitæ máculis pœniténtiæ sacraménto expiátis, in commúni triclínio in génua humílime provolúta, lácrimis se próluens, ac flagéllo in seípsam animadvértens, véniam a soróribus deprecáta est; tum ánnuam pecúniám, ac spléndidam atque superfluam supelléctilem, mundi ac sui contémptrix abdicávit: deinceps vero nudis pédibus, vel, cum morbus cógeret, subjécta sólea obtétis, ac única tantúmmodo túnica conténta, eáque rudi, obsoléta, et in eleemósynam accépta, ac fune præcíncta, quoad vixit, incéssit.

*R.* Propter veritátem, et mansuetúdinem, et justítiam: \* Et dedúcet te mirabíliter délixtera tua. *V.* Spécie tua et pulchritúdine tua inténde, prospere procéde, et regna. Et dedúcet.

Lectio v.

**P**ræter ásperum vestítum, cilício, vigíliis, labóribus fracta, assiduísque jejúniis extenuáta, corpus étiam crebris verbéribus ac

spinârum manîpulis lacerâbat, adhibito intêrdum altêrius quoque moniâlis brâchio ad majôrem sui cõrporis afflictatiõnem; quod ut magis magisque attêreret, lécitulo ex assêribus, solóque vili strágulo instrúcto utebâtur, ac pro pulvillo saxum adhibébat, quod in stramen ex obediéntia commutâvit, in quo altêrutro pede ad crucem in conspéctu pòsitam, catêna alligâto, brevíssimum somnum capiébat. Ad hæc absýnthium herbâsque amaríssimas mândere, moniâlium úlcera, ac pannícula sânie madéntia exosculâri non rénuît: scalas monastérii, onústa ingénti cruce, génibus ascéndere aliquândo consuévit; nunc quoque urticas, nunc ceras liquâtas, modo nivem et glâciem, modo álveos rigéntium aquârum ad maceratiõnem adhibuit. Christi Dómini passiõnem, quam summópere venerabâtur, apte a se excogitâta atrocissimârum pœnârum série imitâri, in majóri hebdomada, singulisque sextis fêriis sôlita fuit. Patiéntia in perferendis injúriis, christiâna humílitas, virginâlis verecúndia, ac summa sedúlitas in novítiis, quibus præerat, ad perfectiõnem provehendis, in ea mirífice eluxérunt. Animârum quoque zelo incénsa, plures inimicitias sústulit; periclitântes puéllas in tuto collocâvit, plurimis ad meliõrem frugem tradúctis; in proximórum salúte procurânda, qua oratiõibus, qua voluntáriis cõrporis cruciâtibz, omni dénique conâtu júgiter incúbuit.

R. Dilexísti justítiam, et odísti iniquitâtem: \* Proptêrea unxit te Deus, Deus tuus, óleo lætítiæ.

V. Propter veritâtem, et mansuetúdinem, et justítiam. Proptêrea.

Lectio vi.

**Æ**grórum in nosocomíis, ac pauperum patrocínium, quamquam inops, omni stúdio suscepit, et ut iisdem succurreret, non solum própriis ipsa mánibus laborâbat, et quotidiân timerum sibi victum subtrahébat, frústulis panis conténta; sed moniâles étiam ac matrónas civitâtis, virósque dívites ad id óperis alliciébat, atque, undequâque póterat, subsidia corrogâbat; quinímo, ut quam pro egénis et inválidis sollicitúdinem osténderat, perpétuo firmâret, duas sodalitâtes, quæ eorúmdem curam gérent, institui curâvit. Erga sanctíssimum Eucharístiæ sacraméntum fuit veheménter affécta: cujus cultum ut in áliis quoque promovéret, ad illud frequénter per annum cum solémni pompa, quam Deo gratam fuisse nonnúlla prodigia comprobârunt, públicæ veneratiõni exponéndum omnem óperam adhibuit. Deíparam Virginem tam impénse cóluit, ut digna hábita fúerit, quæ ejus apparitiõne recrearétur. Prophetiæ, contemplatiõnis, lacrimârum dono, aliisque charismátibus flóruit. Anno dénique millésimo sexcentésimo quadragésimo ætâtis suæ quinquagésimo quinto inchoâto, in cœlum evocâta est, cujus corpus in ecclésia sancti Bernardíni Vitérbii cólitur, eámque Benedictus decimus tértius méritis et miraculis claram in beatârum, Pius vero séptimus in sanctârum Virginum númerum retulérunt.

R. Afferéntur Regi. [91]

- In III. Nocturno Homilia in Evang.  
Símile erit regnum cœlórum. de eodem  
Communi primo loco. [93]

Lectio ix. et commem. S. Dorotheæ  
in Laud., Ant. et V. e I. Vesp.

In Quadrag. Lectio ix. de Homilia  
et commem. Feriæ.

Die 11. Februarii.

**Bb. Septem Fundatorum**

Ord. Serv. B. M. V. Conf.

Duplex.

Omnia de Comm. Conf. non Pont.  
[67], præter sequ.

**In I. Vesperis.**

Ant. et Capit. de Laudibus. [289]

Hymnus.

**F**estivis résonent cántica plaúsi-  
bus,

Et quam Virgo Parens próvida  
déstinat,

Illústrem sóbolem: lúmine ut  
impleat

Orbem, laúdibus éfferant.

Hi sunt, qui pátriæ sedis honóri-  
bus

Calcátis, súperant árdua món-  
tium,

Ut myrrhæ lácrimas, atque áni-  
mo ferant

Moestam thuris imáginem.

Hos atris décorat véstibus ínclita  
Virgo, ut, quam súbiit, perníc-  
ciem fleant,

Cum Nati ingémuit trístia fú-  
nera

Crucis próxima stípit.

Servórum título signat ab æthere  
Cœléstis Génitrix, et nova gér-  
mina

In partem sóciat luctus et im-  
perat,

Cœtum hinc súrgere pérpetem.

Regis qui súperum vólvere júgiter  
Curet supplicium, sœvaque præ-  
dicet,

Quæ in templo Símeon mente  
prophética

Matris vúlnera nóverat.

Acclíni Dóminum te prece pósci-  
mus:

Sanctórum résera cómpita grés-  
sibus

Signáta et páribus nos quoque  
præbeas

Ad te pérgeré víribus. Amen.

Alius Hymnus.

**J**am nimis terris fácinus per  
omne

Noxa regnábat sine lege abér-  
rans,

Inque peccántes súperi toná-  
bant

Víndice dextra:

Quando lugéndis miseráta fatís,

Virgo septénos próceres, corú-  
scos

Sángine, et claros pietáte multa,  
Cœlitus accit.

Accit afflíctis pópulis piándis

A tot ærúmnis, máculis, ruínis;

Accit, et semper sibi servitúros  
Strénuo amóre.

Veste lugúbri índuit, ut dolóres

Défleant ejus, mage dum feráli

In trabe infánda périit cruénte

Diva propágo.

Fílios rursus vocitávit omnes,

Ut velut Matrem studióse amán-  
tem

Créderent ipsam, pária et référ-  
rent

Pígnora amóris.

Tunc quis exússit caritátis ignis

Pectus ipsórum! Date, quæso,  
Patres,



Fílios vestros páribus beátis  
Ignibus uri.

Tu Pater præsta, tríbue et Red-  
émptor,

Tuque da nobis, Paráclite sum-  
me,

Vírginem Matrem cólere, ac  
amáre,

Flere et in ævum. Amen.

¶ Oráte pro nobis septem beáti  
Patres. R. Ut digni efficiámur pro-  
missiónibus Christi.

Ad Magnif. Ant. Isti sunt viri  
misericórdiæ, quorum pietátes non  
defuérunt. Semen eórum et glória  
eórum non derelinquétur.

Oratio.

**D**eus, qui ad recoléndam memó-  
riam dolórum sanctíssimæ tuæ  
Genitrícis, per septem beátos Pa-  
tres nova Servórum ejus familia  
Ecclésiám tuam fœcundásti: concé-  
de propítius; ita nos eórum con-  
sociári flétibus, ut perfruámur et  
gaúdiis: Qui vivis et regnas.

Vel hæc alia Oratio.

**D**ómine Jesu Christe, qui in ju-  
gem memóriam dolórum sanctí-  
ssimæ tuæ Genitrícis, per se-  
ptem beátos Patres nova servó-  
rum ejus familia Ecclésiám tuam  
fœcundásti: concéde nobis fámulis  
tuis, in hac lacrimárum valle de-  
géntibus; ita ejúsdem mœstíssimæ  
Matris sócios cum ipsis esse pas-  
siónum in terris, ut perpétuæ con-  
solatiónis consórtes fieri mereá-  
mur in cœlis: Qui vivis et regnas.

In Quadrag. commem. Feriæ.

**Ad Matutinum.**

Invit. Mirábilem Dñm in servis  
Deíparæ, \* Veníte adorémus.

Ps. Veníte, exsultémus. 2.

Hymnus.

**P**ræclára septem lúmina  
Tusci micántis ætheris,  
Vos Virgo Mater éxcitat,  
Ut luce mundus spléndeat.

Vos labra lacte pérлита  
Servos Mariæ nóminant;  
Tum Virgo vos Senários  
Adíre colles ímperat.

Vos ipsa Mater ínclýta  
Funébri pállio índuit,  
Ut defleátis vúlnera  
Quæ pértulit sævíssima.

Hoc ipsa cœli e cúlmíne  
Petro revélat mártýri,  
Jubétque cœtum pérpetem  
Hinc pósteris constítui;

Qui famuléntur júgiter,  
Ipsámque semper díligant,  
Colant, propágent, prædicent  
Ejus dolóres flébiles.

Quæso, duces fortíssimi,  
Ah! vos sequámur strénue!  
Ardor dolórque férvidus  
In Vírginem nos óccupent.

Et tu, supérna Trínitas,  
Perfúnde sancto róbre,  
Vitámque fac non ímparem  
Nostris Beátis dúcere. Amen.

In I. Nocturno.

Ant. In vértice móntium plantá-  
vit Regína Mártýrum véneam Ju-  
stórum, qui dolóres ejus medita-  
bántur die ac nocte.

Ps. trium Nocturnorum de Com-  
muni Conf. non Pont. [68]

Ant. Dómina dixit ad eos: Fílii  
mei estis vos: exsultáte quia ego  
vos génui.

Ant. Voce sua ad Dóminam cla-  
mavérunt, et exaudívit eos de mon-  
te sancto suo.

℣. Lætámini in Dómino, et exsultáte justi. ℞. Et gloriámini omnes recti corde.

De libro Ecclesiástici.

Lectio i. Cap. 44.

**L**audémus viros gloriósos, et paréntes nostros in generatióne sua. Multam glóriam fecit Dóminus magnificéntia sua a sáculo. Dominánte in potestátibus suis, hómínes magni virtúte, et prudéntia sua præditi, nuntiánte in Prophétis dignitátem Prophetárum, et imperánte in præsénti pópulo, et virtúte prudéntiæ pópulis sanctíssima verba. In perítia sua requirénte modos músicos, et narránte cármina scripturárum.

℞. Lætábitur desérta et ínvia, et exsultábit solitúdo: \* Et florébit quasi lílium. ℣. Gérminans germínábit, et exsultábit lætabúnda et laudans. Et.

Lectio ii.

**H**ómínes dívites in virtúte, pulchritúdinis stúdiu habénte: pacificánte in dómibus suis. Omnes isti in generatióne gentis suæ glóriam adépti sunt, et in diébus suis habéntur in laúdibus. Qui de illis nati sunt, reliquérun nomen narrándi laudes eórum: et sunt quorum non est memória: periérunt quasi qui non fúerint: et nati sunt, quasi non nati, et filii ipsórum cum ipsis.

℞. Sáliet sicut cervus claudus, et apérta erit lingua mutórum: \* Quia scissæ sunt in desérto aquæ, et torrénce in solitúdine. ℣. In cubílibus, in quibus prius dracones habitábant, oriétur viror cálami et junci. Quia.

Lectio iii.

**S**ed illi viri misericórdiæ sunt, quorum pietátes non defuérun: cum sémíne eórum pérmánent bona, hæréditas sancta nepótes eórum et in testaméntis stetit semen eórum: et filii eórum propter illos usque in ætérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióne et generatióne. Sapiéntiam ipsórum narrent pópuli, et laudem eórum núntiet Ecclésia.

℞. Hæc est vera fratérnitas, quæ regnum mundi et omnem ornátum sáculi contémpsit, \* Propter amórem Dómini Jesu Christi. ℣. Ecce quam bonum et quam jucúndum habitáre fratres in unum! Propter. Glória Patri. Propter.

In II. Nocturno.

Ant. Non diligénte vanitátem, nec requirénte mendácium, ómnia sáculi bona abdicavérunt, et a Dómino mirificáti sunt.

Ant. In multitúdine misericórdiæ Dóminæ suæ speránte, introiérunt in domum ejus, et adoravérunt ad templum sanctum ejus.

Ant. Ex ore infántium et lacténtium servos tuos illos dicéntium perfecísti Dómina laudem eórum. Quam admirábile est nomen tuum!

℣. Exsúltent justi in conspéctu Dei. ℞. Et delecténtur in lætítia.

Lectio iv.

**D**écimo tértio christiáni nóminis sáculo, inter álios Florentínos patrítios septem erant avórum ságuine, opibúsque illústres, at virtútibus spectátis

suis longe illustriores, nuncupati, ut religioni nomen dedere, Bonfilius Monaldus, Bonajuncta Manetti, Manettus Antellensis, Amideus de Amideis, Uguccio Ugucionius, Sosteneus de Sosteneis, demum Alexius de Falconeriis. Cum hi trigésimo tertio supra milésimum ac bis centésimum annum, auspaticissimo assumptae Virginis festo, in sodalicio quodam, cui titulus Laudantium erat, augustissimae Dei Genitricis, prout par erat, laudes exsoluerent, ab eadem dulcissime iis apparente, inopine moneri se sentiunt ad sublimioris vitae genus, posthabito mundo, amplectendum; absolutisque idcirco, quibus dabant operam, laudibus, confestim perciti in unum, collatisque mutuo consiliis, supernis Dei vocantis vocantisque Deiparae oraculis parere mox decreverunt: quod et sedulo factum est ab iisdem: nam consulto statim matüre urbis episcopo, post fortunae abdicatis bonis, erogatisque ample in egenos, ciliciis carni obstrictis, vilioribus detritisque vestibus cinerei coloris induti, in ruralem parvam aediculam secesserunt natalicio die amantissimae ipsorum Parentis, ut vitae sanctioris primordia optime inirent, qua die mortalibus orta sacratissimam vitam ipsa inchoaverat.

R. Omnes isti congregati sunt, venerunt Domina tibi: \* Et omnibus his velut ornamento vestiëris. V. Et circumdabis tibi eos quasi Sponsa. Et.

#### Lectio v.

Sic septem beati viri caritatis foedere devincti eadem in do-

mo semet unierant; cum ecce per urbem visos, statim Domino sic disponente moventeque infantiles voces Deipara, ex infantium ore ac lactentium, inter quos tum puer erat sanctus Philippus Benitius vix quintum mensem ingressus, se Mariae clamari servos insperato est auditum. Quanta tunc et exinde amoris flamma in Dominam suam, cujus (ignaris ipsis) declarati servi erant, excitatis studiis exarserint, non facile est explicatu. Illud solum scitur, quod sic ei se dediderunt, ut veluti Matrem suam venerari, maximoque honore habere, morem ei gerere in omnibus, et obtemperare propter eam cunctis summopere studuerint. Hinc etiam adeo jucundi gratique ei fuere, ut cum vitaturi populi plausum in Senarium montem ab ipsa iis praestensum habitaturi tetenderint, ibique crucifixum Jesum, moestissimamque Matrem dolentes assidue recolerent; apparuit illa eis, habitumque lugubri assignato in memoriam dolorum suorum, ut compaterentur istis, eos consecravat.

R. Vocabo servos meos, et induam illos tunica mea, et cingulo meo confortabo eos: \* Et potestatem meam dabo in manibus eorum. V. Et erunt quasi patres habitantibus Jerusalem. Et.

#### Lectio vi.

Ita cinericiis vestibus, indulgente etiam episcopo, in nigras mutatis, post nonnullos annos fortunatis quidem auspiciis clarissimum illud Praedicatorum ordinis decus sanctus Petrus Martyr Florentiam accessit, et, audita inspectaque si-

mul non fucata sanctimonia ipsorum, ita Dei amici coeperunt se mutuo diligere, ut familiarissime versarentur invicem secum, seseque alterne fovèrent. Inter cetera porro illud accidit, quod sperante inclyto Martyre honorem Deo non modicum, magnum terris commodum proutum iri, si, propitia Virgine, longe lateque propagarentur, una cum ipsis impense eam exorante, ut argumento aliquo voluntatem suam patefaceret, invocata Virgo amans in visione ei revelavit, se viros illos septem, et qui venturi erant post eos, inter mundi homines omnes ad singulare servitium suum selegisse, et commiserandis poenis jam latis suis amarissimis constituendum ordinem esse ad sui honorem et gloriam. Hoc prodigioso virgineo decreto animati humillimi Patres, non quia suae mentis fuisset successores posteros gignere, sed ut iussa reserata facerent supremae eorum Reginae, quae nomine suo duraturam sibi familiam fundari voluerat, instituere deinceps sacrum Servorum ordinem decreverunt, non tam ut primi ejus fundatores, quam ut coelestis suae fundatricis ministri obsequentes; quos proinde Dominus, ut servos bonos et fideles suos, ac Matris, in vita multis virtutibus, in morte multis prodigiis, post transitum multis miraculis adornavit; novissime vero Benedictus decimus tertius, ejus instituti professor, cujus sanctus Petrus erat, ejus quoque in eos haeres amoris, Pontifex renuntiatus, eorum miram institutionem, ut inclaresceret orbi, lectionibus

his recenseri peramanter consuluit ac mandavit.

R. Vidi conjunctos viros habentes lugubres vestes, et Angelus Domini locutus est ad me, dicens: \* Isti sunt viri sancti facti amici Dei. V. Vidi Angelum Dei fortem volantem per medium coelum, voce magna clamantem, et dicentem. Isti. Gloria Patri. Isti.

### In III. Nocturno.

Ant. Ingrediētes sine macula, et operantes justitiam, habitaverunt in tabernaculo tuo, et requieverunt in monte sancto tuo.

Ant. Gloriam et magnum decorem imposuisti super eos, Regina Martyrum, cum in memoriam dolorum tuorum lugubrem vestem eos induisti.

Ant. Haec fuit generatio querentium Dominam, querentium stellam ex Jacob. Te laudamus, Rex gloriae.

V. Justi autem in perpetuum vivunt. R. Et apud Dominum est merces eorum.

Lectio sancti Evangelii secundum Lucam.

Lectio vii. Cap. 12. d.

In illo tempore: Dixit Jesus discipulis suis: Nolite timere pusillus grex, quia complacuit Patri vestro dare vobis regnum. Et reliqua.

Homilia venerabilis Bedae Presbyteri.

Lib. 4. Cap. 54. in Luc. 12.

**P**usillum gregem electorum, vel ob comparationem majoris numeri reproborum, vel potius ob humilitatis devotionem nominat: quia videlicet Ecclesiam

suam quantálibet numerositáte jam dilatátam, tamen usque ad finem mundi humilitáte vult crêscere, et ad promíssum regnum humilitáte perveníre. Ideóque ejus labóres blande consolátus, quam regnum Dei tantum quærere præcipít, eídem regnum a Patre dandum complácita benignitáte promíttit.

R. Dábitur lugéntibus Sion coróna pro cínere, óleum gáudii pro luctu, pállium laudis pro spírítu mœroris: \* Et vocabúntur fortes justítiae, plantátio Dómini ad glorificándum. V. Sacerdótes Dómini vocabúntur ministri Dei nostri. Et. Bened. Quorum festum cólimus.

#### Lectio viii.

Véndite quæ possidéti, et date eleemósynam. Nolíte, inquit, timére, ne propter regnum Dei militántibus, hujus vitæ necessária desint: quin étiam posséssa propter eleemósynam véndite. Quod tunc digne fit, quando quis semel pro Dómino suis ómnibus spretis, nihilóminus post hæc labóre mánuum, unde et victum transígere, et eleemósynam dare queat, operátur. Unde gloriátur Apóstolus, dicens: Argéntum, aut aurum, aut vestem nullíus concupívi: ipsi scitis, quóniam ad ea quæ mihi opus erant, et his qui mecum sunt, ministravérunt manus istæ. Omnia osténdi vobis, quóniam sic laborántes opórtet suscípere infirmos.

R. Ego quasi vitis fructificávi suavitátem odóris: \* Et flores mei fructus honóris et honestátis. V. Ego Mater pulchræ dilectiónis, et timóris, et agnitiónis, et sanctæ spei. Et. Glória Patri. Et.

In Quadrages. Lectio ix. de Homil. Feriæ.

#### Lectio ix.

Fácite vobis sácculos qui non veteráscunt: eleemósynas videlicet operándo, quarum merces in ætérnum máneat. Ubi non hoc præcéptum esse putándum est, ut nil pecúniæ reservétur a sanctis, vel suis scilicet, vel paúperum úsibus suggerendæ: cum et ipse Dóminus, cui ministrábant Angeli, tamen ad informándam Ecclésiám suam lóculos habuisse legátur, et a fidélibus oblata consérans, et suórum necessitatibus aliisque indigéntibus tribuens; sed ne Deo propter ista serviátur, et ob inópiæ timórem justítia deserátur.

Te Deum laudámus. 14.

#### Ad Laudes

et per Horas.

Ant. 1. Sapiéntia ædificávit \* sibi domum, excídit colúmnas septem.

Ps. Dóminus regnávit. 15.

2. Isti sunt viri septem \* boni testimoníi, pleni Spírítu sancto et sapiéntia.

3. Appáruit eis Dómina \* Angelórum, et diléxit eos in visióne, et in agnitióne magnálium suórum.

4. Beáti viri tui \* Regína ómnium: beáti servi tui, qui stant coram te semper.

5. Laudem dícite Deo \* nostro omnes servi ejus, et qui timétis eum, pusílli et magni.

Capitulum. Hebr. 13. b.

Fratres: Mementóte præpositórum vestrórum, qui vobis locúti sunt verbum Dei, quorum intuéntes éxitum conversatiónis, imitámini fidem.

## Hymnus.

**M**atris sub almæ númine  
Septéna proles náscitur,  
Ipsa vocánte ad áasperum  
Senárii tendit vérticem.

Quos terra fructus próferet,  
Dum sacra proles géminat,  
Uvis repénite túrgidis  
Onústa vitis édocet.

Virtúte claros nóbili  
Mors sancta cœlo cónsecrat  
Tenéntque Olýmpi límina,  
Servi fidéles Vírgini.

O gens beáta réspice  
Regno potíta Núminis,  
Quos hinc recédens tártari  
A fraude cinctos déseris.

Ergo per almæ vúlnera  
Matris rogámus súpplices:  
Mentis tenébras ámove,  
Cordisque fluctus cómpriime.

Et tu supérna Trínitas  
Perfúnde sancto róbre,  
Vitámque fac non ímparem  
Nostris beátis dúcere. Amen.

## Alius Hymnus.

**I**nclyti Patres, Dominæque mundi  
Impigri servi, famulátus iste  
Dícite o quali rútila coróna  
Vos redimívit!

Noscis ad cœlos súbito evocátus  
Omnium princeps célebris Mo-  
nálda,  
Quem sibi ut carum Génitrix  
supréma  
Duxit ad æthram.

Tuque dic nobis Bonajúncta felix,  
Qui Dei funus mémorans ad  
aram,  
Dum recensébas obiísse Jesum  
Lætus obísti.

Indic et tu Sosténee, ac Ugúcci,  
Ambo qui e terris simul emigrá-  
stis

Angelos inter, revehénte secum  
Vírgine utrúmque.

Te modo cuncti résonent Manétte,  
Qui velut cycnus cíneri propín-  
quus

Occinens hymnos álacer Mariæ,  
Fata subísti.

Sic Amidée, et tibi gratulámur,  
Cujus ardórem moriéntis ignis,  
Visus efférvens ápice in Senári  
Belle aperívit.

Nunc tibi festis módulis Aléxi,  
Plaúdimus gnari prope vitæ agó-  
nem

Vírginis Natum tibi blandiéntem  
Serta dedísse.

Sit decus Patri, parilíque Proli,  
Flámini et sancto, tribuántque  
nobis

Æmulos horum fieri in colénda  
Vírgine diva. Amen.

Ÿ. Exsultábunt sancti in glória.  
R. Lætabúntur in cubílibus suis.

Ad Bened. Ant. Fecit misericór-  
diam Dñs cum Pátribus nostris:  
eréxit nobis cornu salútis in domo  
suæ Genitrícis. Serviámus illi.

## Oratio.

**D**eus, qui ad recoléndam memó-  
riam dolórum sanctíssimæ tuæ  
Genitrícis, per septem beátos Pa-  
tres nova Servórum ejus familia  
Ecclésiám tuam fœcundásti: con-  
céde propítius; ita nos eórum con-  
sociári flétibus, ut perfruámur et  
gaúdiis: Qui vivis et regnas:

Vel hæc alia Oratio.

**D**ómine Jesu Christe, qui in ju-  
gem memóriam dolórum san-  
ctíssimæ tuæ Genitrícis, per se-



ptem beátos Patres nova servórum ejus familia Ecclésiám tuam fœcundásti: concéde nobis fámulis tuis, in hac lacrimárum valle dégentibus; ita ejúsdem mœstíssimæ Matris sócios cum ipsis esse passiónum in terris, ut perpétuæ consolationis consórtes fieri mereámur in cœlis: Qui vivis et regnas.

In Quadrag. commem. Feriæ.

### Ad Tertiam.

Ant. Isti sunt viri septem.

Capit. Fratres: Mementóte. [289]

R. br. Lætámini in Dómino, \* Et exsultáte justí. Lætámini. V. Et gloriámini omnes recti corde. Et exsultáte. Glória Patri. Lætámini.

V. Exsúltent justí in conspéctu Dei. R. Et delecténtur in lætítia.

### Ad Sextam.

Ant. Appáruit eis Dómina.

Capitulum. Eccli. 44.

**O**mnes isti in generatióibus gentis suæ glóriam adépti sunt, et in diébus suis habéntur in laúdi-bus.

R. br. Exsúltent justí \* In conspéctu Dei. Exsúltent. V. Et delecténtur in lætítia. In. Glória Patri. Exsúltent.

V. Justí autem in perpétuum vivent. R. Et apud Dóminum est merces eórum.

### Ad Nonam.

Ant. Laudem dícite Deo.

Capitulum. Eccli. 44.

**F**ílii eórum propter illos usque in ætérnum manent. Semen eórum et glória eórum non derelin-quitur.

R. br. Justí autem \* In perpétuum vivent. Justí. V. Et apud Dñm est merces eórum. In. Glória. Justí.

V. Exsultábunt sancti in glória. R. Lætabúntur in cubílibus suis.

### In II. Vesperis.

Ant. et Capit. de Laud. [289], Hymn. ut in I. Vesp. [284]

V. Oráte pro nobis septem beáti Patres. R. Ut digni efficiámur promissióibus Christi.

Ad Magnif. Ant. O magnum caritátis opus! Regína géneris húmáni primis nostris Pátribus mire appárens, e mundo eos evocáre, singuláriter sibi selígere, lúgubrem vestem indúere, unáque cum pósteris in peculiáres servos ac filios consecráre dignáta est. Te Mater dulcíssima et Dómina laudámus, benedícimus, glorificámus.

### Die 13. Februarii.

#### S. Catharinæ de Ricciis Virg.

Duplex.

Omnia de Coñuni Virg. [83] præter sequ.

#### Oratio.

**D**ómine Jesu Christe, qui beátam Catharínam Vírginem, tuo amóre succénsam, passiónis contemplatióne claréscere voluísti: ejus intercessióne concéde; ut passiónis mystéria devóte re-coléntes, ejus fructum percípere mereámur: Qui vivis et regnas.


Commem. Feriæ in Quadrag.

In I. Nocturno Lectiones de Scriptura occurrente.

In Quadrages. De virgínibus. [87]

#### In II. Nocturno.

#### Lectio iv.

atharína, nóbili familia de Ricciis Floréntiæ nata, vel ab ineúnte ætáte piam índolem præmatúre osténdit. In suburbáno monastério sancti Pe-

tri de Monticellis, ubi morum disciplina imbueretur, collocata, quotidie ad Christi crucifixi imaginem orans, non sine lacrimis, horis etiam animi relaxationi addictis, ejus passionem meditabatur. Ad monasterium postea sancti Vincéntii, ordinis sancti Dómini, in civitate Prati translata, paternos lares ad tempus repetere, nisi certa spe réditus hábita, constanter recusavit. Tandem anno décimo tertio, sæculi deliciis contemptis, ibidem religiosum institutum professsa est.

R. Propter veritatem, et mansuetudinem, et justitiam: \* Et deducet te mirabiliter dextera tua. V. Spécie tua et pulchritudine tua intende, prospere procede, et regna. Et deducet.

#### Lectio v.

**C**aritate in Deum fervens, orationi fere assidue vacabat, quidquid temporis necessariis occupationibus et módicæ quiéti supererat, in ea insumens; utque corpus in servitutem redigeret, férrea catena et flagellis illud macerabat. Cibi parcissima, octo supra quadraginta annos carnibus abstinuit, leguminibus plerumque et herbis vescens, interdum vero solo pane et aqua contenta. Proximorum æternam salutem exoptans, ardentissimas ad Deum pro peccatorum conversione preces fundebat. Tanto etiam commiserationis sensu erga purgantem animam commota est, ut acerbissimos dolores sibi divinitus inflictos in poenarum illi debitaram expiationem pertulisse visa sit. Eximia prudentia et regularis observantiæ zelo moniales

diu rexit, eas non minus exemplo quam adhortationibus ad omnem sanctimoniam informans. Quo in officio humilitatem adeo coluit, ut abjectissima quæque opera sponte obiret, ac infirmis præcipua caritate et summo studio inserviret.

R. Dilexisti justitiam, et odisti iniquitatem: \* Propterea unxit te Deus, Deus tuus oleo lætitiæ. V. Propter veritatem, et mansuetudinem, et justitiam. Propterea.

#### Lectio vi.

**S**upernorum charismatum copia singularis in ea enituit annulo desponsationis, sacrisque stigmatibus, quæ non semel spectanda se exhibuerunt, acceptis. Plurimum annorum spatio, quinta et sexta feria in altissimam contemplationem raptâ, singulos Redemptoris cruciatus in passione toleratos ex ordine in corpore mirabiliter sentire consuevit. Prati degens, sanctum Philippum NERIUM Romæ commorantem videre promeruit, ejusque colloquio frui. Extasum, raptum, coelestium visionum, ac prophetici luminis dono illustris, futura prædixit, ac simul occulta revelavit. Gravibus denique morbis decumbens, Ecclesiæ sacramentis munita, anno a Christo nato millésimo quingentesimo nonagesimo, ætatis sexagesimo nono, quarto Nonas Februarii in cælum migravit. Eam subinde Clemens duodécimus beatarum Virginum número, Benedictus vero décimus quartus Póntifex Máximus solénni ritu sanctarum Virginum fastis adscripsit, anno salutis millésimo septingentesimo quadragésimo sexto. R. Afferentur. [91]

In III. Nocturno Homilia in Evang.  
Simile erit regnum. de eodem Comuni  
1. loco. [93] In Quadrag. Lectio ix. de  
Homil. et commem. Feriæ.

Die 17. Februarii.

Fugæ D. N. J. C. in Ægyptum.

Duplex majus.

In I. Vesperis.

Ant. et Cap. de Laud. [297], Ps. ut  
in Festis B. M. V. [133]

Hymnus.

**R**egem tremendæ glóriæ  
De stirpe promissum Abrahæ  
Venisse, reges indicant;  
Natūmque regi nūntiant.

Tyrānnus ira fluctuat,  
Morti Puellum destinat,  
Sed Virgo Mater cœlitus  
Edocta, ferro subtrahit.

Deferre natum ad éxteras  
Festinat Ægypti plagas,  
Nec jam quiescit, Filium  
Quousque tutum conspicit.

At tu parens fortissima,  
Quæ sancto amore saucia  
Adversa quæque despicias,  
Fugæque damna sustines:

Tuis adesto servulis  
Rebus quibusque in arduis,  
Quos culpa fecit exsules,  
Redire fac in patriam.

Jesu, tibi sit gloria,  
Qui natus es de Virgine,  
Cum Patre et almo Spiritu  
In sempiterna sæcula. Amen.

Sic terminantur Hymni ad omnes  
Horas.

Ÿ. Accépit Joseph Puerum et  
Matrem ejus nocte. R. Et secéssit  
in Ægyptum.

Ad Magnif. Ant. Ecce Angelus  
Dómini apparuit in somnis Joseph  
dicens: Surge, et accipe Puerum et

Matrem ejus, et fuge in Ægyptum,  
et esto ibi usque dum dicam tibi:  
futurum est enim, ut Heródes quæ-  
rat Puerum ad perdendum eum.

Oratio.

**P**rotector in te sperantium, Deus,  
qui Unigenitum tuum Redem-  
ptorem nostrum, ex Heródis glá-  
dio fuga in Ægyptum eripere vo-  
luisti: concède nobis famulis tuis  
beatissima semper Virgine ejus  
matre María intercedente; ut ab  
omnibus mentis et corporis periculis liberati, ad cœlestem patriam  
pervenire mereamur. Per eundem  
Dóminum nostrum.

In Quadrag. fit commem. Feriæ.

Ad Matutinum.

Invit. Salvatorem Dóminum no-  
strum Jesum Christum fugientem  
in Ægyptum, \* Venite adorémus.

Ps. Venite, exsultemus. 2.

Hymnus. Regem tremendæ gló-  
riæ. ut supra.

In I. Nocturno.

Ant. Accépit Joseph Puerum et  
Matrem ejus nocte, et secéssit in  
Ægyptum.

Ps. trium Nocturnorum ut in Festis  
B. M. V. [136]

Ant. Erat ibi usque ad obitum  
Heródis.

Ant. Fuit Dóminus cum Joseph  
in Ægypto.

Ÿ. Ex Ægypto. R. Vocavi Fi-  
lium meum.

De Oséa Prophéta.

Lectio i.

Cap. 11.

**S**icut mane tránsiit, pertránsiit  
rex Israël. Quia puer Israël,  
et diléxi eum: et ex Ægypto  
vocavi Filium meum. Vocaverunt  
eos, sic abiérunt a fácie eórum:

Báalim immolábant, et simulácris sacrificábant. Et ego quási nutrícius Ephraïm, portábam eos in bráchiis meis: et nesciérunt, quod curárem eos. In funículis Adam traham eos, in vínculis caritátis: et ero eis quasi exáltans jugum super maxíllas eórum: et declinávi ad eum, ut vescerétur. Non revertétur in terram Ægýpti, et Assur ipse rex ejus: quóniam noluérunt convértili. Cœpit gládius in civitatibus ejus, et consúmet eléctos ejus, et cómedet cápita eórum. Et pópulus meus pendébit ad réditum meum: jugum autem imponétur eis simul, quod non auferétur.

R. Dicit Dóminus, descénde in Ægýptum: ego descéndam tecum illuc: \* Et ego inde addúcam te reverténtem. V. Surgens Joseph accépit Púerum et Matrem ejus nocte. Et ego.

De Isaia Prophéta.

Lectio ii.

Cap. 19.

**E**cce Dóminus ascéndet super nubem levem, et ingrediétur Ægýptum, et commovebúntur simulácula Ægýpti a fácie ejus, et cor Ægýpti tabéscet in médio ejus. Et concúrrere fáciam Ægýptios advérsus Ægýptios: et pugnábit vir contra fratrem suum, et vir contra amicum suum, civitas advérsus civitátem, regnum advérsus regnum. Et dirumpétur spíritus Ægýpti in viscéribus ejus, et consílium ejus præcipitábo: et interrogábunt simulácula sua, et divínos suos et pythónes et ariolos. Et tradam Ægýptum in manu dominórum crudélium, et rex fortis dominábitur eórum, ait Dóminus Deus exercítuum.

R. Rex noster advéniet Christus \* Quem Joánnes prædicávit Agnum esse ventúrum. V. Super ipsum continébunt reges os suum, ipsum gentes deprecabúntur. Quem.

Lectio iii.

Cap. 19. c.

**I**n die illa erit altáre Dómini in médio terræ Ægýpti, et titulus Dómini juxta términum ejus erit in signum, et in testimónium Dómino exercítuum in terra Ægýpti. Clamábunt enim ad Dóminum a fácie tribulántis, et mittet eis salvatórem et propugnatórem, qui liberet eos. Et cognoscétur Dóminus ab Ægýpto, et cognóscant Ægýptii Dóminum in die illa, et colent eum in hóstiis et in munéribus: et vota vovébunt Dómino et solvent. Et percútiét Dóminus Ægýptum plaga, et sanábit eam, et reverténtur ad Dóminum, et placábitur eis, et sanábit eos. In die illa erit via de Ægýpto in Assýrios, et intrábit Assýrius Ægýptum, et Ægýptius in Assýrios, et sérvient Ægýptii Assur. In die illa erit Israël tértius Ægýptio et Assýrio: benedictio in médio terræ, cui benedíxit Dóminus exercítuum, dicens: Benedíctus pópulus meus Ægýpti.

R. Ecce ab Austro vénio ego Dóminus Deus vester, \* Visitáre vos in pace. V. Aspíciám vos et créscere fáciám; multiplicabímmini et firmábo pactum meum vobíscum. Visitáre vos. Glória Patri. Visitáre vos.

In II. Nocturno.

Ant. Heródes, videns quóniam illúsus esset a Magis, irátus est valde.

Ant. Mittens Heródes, occidit omnes púeros, qui erant in Béthlehem et in ómnibus finibus ejus.

Ant. A bimátu et infra occidit multos púeros Heródes propter Dóminum.

℣. Vox in Rama audíta est.  
℞. Plorátus et ululátus multus.

Sermo sancti Joánnis Chrysóstomi.

Homilia 8. in Matthæum.

Lectio iv.

**C**ur in Ægýptum puer míttitur? Causam in primis prótulit Evangelísta dicens: Ut implerétur illud: Ex Ægýpto vocávi Fílium meum; simúlque bonæ spei proécemia toti orbi prænuntiabántur. Quia enim Bábylon et Ægýptus plusquam réliquus orbis impietátis ardébant flamma, ab exórdio declárans, se ambas illas regiónés emendatúrum, et ad melióra deductúrum, simúlque per hæc indicans étiam toti terrárum orbi bona exspectánda esse, et Magos misit, et ipse cum Matre sua proféctus est. Ad hæc vero áliud étiam inde docémur, quod non parum nos ad philosophíam incitet. Quodnam illud? Quod ab ipso initio tentatiónes et perícula sint exspectánda. Vide namque, id ipsi ab incunábulis accidísse. Nam illo nato fuit tyránnus, hinc fuga et transmigrátio in exsílíi locum, et insons Mater in barbarórum regiónem se próripit.

℞. Ægýpte, noli flere, quia Dominátor tuus véniet tibi, ante cujus conspéctum movebúntur abyssi, \* Liberáre pópulum suum de manu poténtiæ. ℣. Ecce véniet Dóminus

exercítuum, Deus tuus cum potestate magna. Liberáre.

Lectio v.

**H**oc exémplo fultus fórtiter feras, gnarus, hanc cum primis esse spirituálium virórum sortem, ut ubíque tentatióibus impetántur. Animadvérte ígitur, id non solum Púeri Matri accídere, sed étiam bárbaris illis; nam et illi clam discédunt quasi fugitívi, et hæc, quæ numquam e domo egréssa fúerat, tam longum et ærumnósum iter suscípere jubétur ob miráblem hunc éditum Púerum et spirituálem partum. Rem íterum stupéndam considéra. Palæstína insidiátur, Ægýptus vero éxcipit, et servat insídiis impetítum. Neque enim tantum in filiis patriárchæ, sed étiam in Dómino typi et figúræ contigérunt. Per ea enim, quæ ab ipso gesta sunt, multa prænuntiabántur eórum, quæ póstea eventúra erant: quod et in ásina, et in pullo factum est. Angelus ígitur, qui appáruit, non Mariám, sed Joséphum allóquitur: et quid dicit? Surge, áccipe Púerum et Matrem ejus. Hic non ultra dicit, cónjugem tuam, sed Matrem ejus. Quia énim partus cóntigit, suspício solúta est, et viro fides facta est, libere jam lóquitur Angelus, neque fílium, neque cónjugem ejus dicens; sed, Púerum et Matrem ejus: et fuge in Ægýptum; fugæque causam addit: futúrum est enim, inquit, ut Heródes quærat ánimam Púeri.

℞. Cognoscétur Dóminus ab Ægýpto. \* Et cognóscet Ægýptii Dóminum in die illa. ℣. Clamábunt ad Dóminum a fácie tri-

bulantis, et mittet eis Salvatorem.  
Et cognoscent.

Lectio vi.

**H**oc vero Virginem ipsam non mediocriter claram efficit et illustrem. Nam quod totus populus encómii loco habebat, hoc ipsum habere potuit et ipsa. Quod enim altum sapiébant et sese jactábant ob réditum ex Ægypto, (id quod subíndicans prophéta dicebat: Nonne alienígenas addúxi de Cappadócia, et Assýrios ex fóvea?) illud ipsum prærogatívam Virginitatis facit. Imo vero et populus, et patriarcha descendentes et ascendentes, inde istius ascensus, seu réditus typum implébant: nam illi descendérunt, ut mortem ex fame imminéntem effúgerent; hic vero, ut vitáret mortem insídiis parátam. At illi eo venientes ex fame tunc liberátí sunt; ille vero, ut eo descendit, regiónem totam per adventum suum sanctificávit. Consíderes itaque velim, quómodo inter humília, quæ ad divinitátem pèrtinent, reveléntur. Etenim cum dixit Angelus, fuge in Ægyptum, non promísit, se itíneris cómitem futurum, vel descendéntibus, vel redeúntibus, subíndicans, illos magnum habere cómitem, recens natum Púerum, qui statim atque apparuit, ómnia mutávit.

R. Sancta et immaculáta Virginitas, quibus te laúdis éfferam, nescio: \* Quia quem cœli cápere non póterant, tuo grémio in Ægyptum contulisti. V. Benedícta tu in muliéribus, et benedíctus fructus ventris tui. Quia. Glória Patri. Quia.

In III. Nocturno.

Ant. Defúncto autem Heróde, ecce Angelus Dómini apparuit in somnis Joseph in Ægypto.

Ant. Surge et áccipe Púerum et Matrem ejus, et vade in terram Israël.

Ant. Defúnti sunt, qui quærebant ánimam Púeri.

V. Consúrgens Joseph accépit Púerum et Matrem ejus. R. Et venit in terram Israël.

Léctio sancti Evangélíi secúndum Matthæum.

Lectio vii.

Cap. 2.

**I**n illo témpore: Angelus Dómini apparuit in somnis Joseph, dicens: Surge et áccipe Púerum et Matrem ejus, et fuge in Ægyptum, et esto ibi, usque dum dicam tibi. Et réliqua.

Homília sancti Petri Chrysólogi.

Sermo 151. de fuga Christi in Ægyptum.

**H**odiérna léctio movit corda, concússit víscera, stupére fecit audítum. Ecce, inquit, Angelus Dómini apparuit Joseph in somnis, dicens: Surge, áccipe Púerum et Matrem ejus, et fuge in Ægyptum. Cui nascénti virginitas non resístit, non óbviat rátió, contradícit nátura: potéstas quæ, quæ vis, quod discrímen prævaléret, ut compellerétur ad fugam? Accipe Púerum et Matrem ejus, et fuge in Ægyptum. Reveréntius diceret: Vade in Ægyptum; ut esset proféctio, non fuga, volúntas, non necessità: judícium, non metus, humanum saltem, si non divinum: at nunc mandátur fuga, mandátur cœlitus, mandátur per Angelum, ut



videatur cœlum timor ante tenuisse, quam terram.

R. Nesciens Mater Virgo virum, péperit sine dolore: \* Salvatorem sæculorum; ipsum regem Angelorum, exsulem Virgo lactabat úbere de cœlo pleno. V. Domus pudici pectoris templum repente fit Dei: intacta nesciens virum, verbo concépit filium. Salvatorem.

Lectio viii.

**A**ccipe puerum et matrem ejus, et fuge in Ægyptum. In Ægyptum fuge, a tuis ad extraneos; ad sacrilegos a sanctis, a templo tuo ad dæmonum fana; ad idolorum patriam e regione sanctorum. Sic Judææ non sufficit latitudo, sic angustatur sæculi diffusa possessio, non capit secretum templi, sacerdotum turba non suscipit, non abscondit numerositas investigabilis cognatorum, ut ad deitatis latebras profana Ægyptus conducatur: sic res urget, sic non vacat intuéri verecundiam Virginis, laborem Matris, sexus pudorem, periculum in Joseph, longinquitatis fatigationem, exitium totius domus.

R. Et nunc quid tibi est in via Ægypti? \* Revertere virgo Israël ad civitates tuas. V. Usquequo dolens avertéris? Revertere. Glória Patri. Revertere.

In Quadrag. Lect. ix. de Homilia Feriæ.

Lectio ix.

**F**ratres, quod fugit Christus, fuit mysterii, non timoris: fuit liberatio, non periculum Creatoris: divinae virtutis fuit, non fuit fragilitatis humanæ: non fugit propter auctoris mortem, sed fugit propter

sæculi vitam. Nam qui mori venerat, quare fugeret mortem? Christus totam causam nostræ salutis occiderat, si se parvulum permisisset occidi. Christus venerat, ut quos præceptis docuerat, firmaret exemplis: et ipse faceret, quæ facienda mandaverat, et visu probaret possibilia, quæ impossibilia videbantur auditu. Venerat, ut mundo notitiam suæ deitatis infunderet, et humani generis ignorantiam auferret. Omnia hæc utique periissent nobis, si Christus, cum esset in cunabulis, non fugisset.

Te Deum laudamus. 14.

Ad Laudes

et per Horas.

Ant. 1. Ecce Angelus Domini \* apparuit in somnis Joseph.

Ps. Dominus regnavit. 15.

2. Surge et accipe \* Puerum et Matrem ejus, et fuge in Ægyptum.

3. Esto ibi \* usque dum dicam tibi.

4. Futurum est enim, \* ut Herodes quærat Puerum ad perdendum eum.

5. Consurgens Joseph, \* accépit Puerum et Matrem ejus nocte, et secéssit in Ægyptum.

Capitulum.

Is. 19.

**E**cce Dominus ascendet super nubem levem, et ingrediétur Ægyptum, et commovebuntur simulacra Ægypti a facie ejus, et cor Ægypti tabescet in medio ejus.

Hymnus.

**V**eri tonantis unicum,  
Enses caventem perfidos,  
Cultu relicto nūminum,  
Ægypte, præsta sóspitem.

Heródis hunc immánitas  
Abíre cogit éxsulem;  
Sed dura nos Christi fuga  
Iter salútis édocet.

Virgo parens dulcíssima  
Quæ mille per perícula  
Dulcem feréndo párvulum,  
Invícta cursum cóncificis.

Fac nos, solútis vínculis,  
Quæ tendit astus dáemonis,  
Per plana, per et áspera,  
Nostrum sequámur Príncipem.

Jesu, tibi sit glória,  
Qui natus es de Vírgine,  
Cum Patre et almo Spíritu,  
In sempitérna sæcula. Amen.

Ÿ. Gaude et lætare Ægýpte.  
R. Quia in médio tui Sanctus Israël.

Ad Bened. Ant. Defúncto Heróde, ecce Angelus Dómini appáruit in somnis Joseph in Ægýpto dicens: Surge et áccipe Púerum et Matrem ejus, et vade in terram Israël; defúncti sunt enim, qui quærébant ánimam Púeri.

#### Oratio.

**P**rotéctor in te sperántium, Deus, qui Unigénitum tuum Redemptórem nostrum, ex Heródis gládio fuga in Ægýptum erípere voluísti: concéde nobis fámulis tuis beatíssima semper Vírgine ejus matre María intercedénte; ut ab ómnibus mentis et córporis perículis liberáti, ad coeléstem pátriam perveníre mereámur. Per eúmdem Dóminum.

In Quadrág. commem. Feriæ.

#### Ad Primam.

In R. br. Ÿ. Qui natus es de María Vírgine.

#### Ad Tertiam.

Ant. Surge et áccipe.

Capit. Ecce Dóminus. [297]

R. br. Dóminus \* Tamquam sponsus. Dóminus. Ÿ. Procédens de thálamo suo. Tamquam sponsus. Glória Patri. Dóminus.

Ÿ. Egrediétur Dóminus de loco sancto suo. R. Véniet, ut salvet pópulum suum.

#### Ad Sextam.

Ant. Esto ibi.

Capitulum. Ezech. 30. b.

**H**æc dicit Dóminus Deus: Disperdam simulácra, et cesáre fáciam idóla de Memphis, et dux de terra Ægýpti non erit ámplius, et dabo terrórem in terra Ægýpti.

R. br. Egrediétur Dóminus \* De loco sancto suo. Egrediétur. Ÿ. Véniet, ut salvet pópulum suum. De loco. Glória Patri. Egrediétur.

Ÿ. Vidérunt omnes fines terræ.  
R. Salutare Dei nostri.

#### Ad Nonam.

Ant. Consúrgens Joseph.

Capitulum. Is. 16.

**I**ni consílium, coge concílium: pone quasi noctem umbram tuam in merídie; absconde fugiéntes, et vagos ne prodas. Habitábunt apud te prófugi mei: esto latíbulum eórum a fácie vastatóris.

R. br. Vidérunt \* Omnes fines terræ. Vidérunt. Ÿ. Salutare Dei nostri. Omnes. Glória. Vidérunt.

Ÿ. Verbum caro factum est.  
R. Et habitávit in nobis.

#### In II. Vesperis.

Omnia ut in I. Vesp. [293], præter

Ad Magnif. Ant. Aúdiens Joseph, quod Archeláus regnáret in Judæa pro Heróde patre suo, tíluit illo ire, et admónitus in so-

mnis, secéssit in partes Galilææ; et véniens habitávit in civitatē, quæ vocátur Názareth, ut adimplerétur, quod dictum est per prophétas: Quóniam Nazaræus vocábitur.

In Quadrag. commem. Feriæ.

Die 19. Februarii.

**S. Conradi Placentini Conf.**

Semiduplex.

Omnia de Comm. Conf. non Pont.  
[67] præter sequ.

Oratio.

**A**désto Dómine supplicatióibus nostris, quas in beáti Conrádi Confessóris tui solemnitáte deférimus: ut qui nostræ justitiæ fidúciā non habémus, ejus, qui tibi plácuīt, précibus adjuvémur. Per Dóminum.

In I. Noct. Lect. de Script. occur.

In Quadrag. Beátus vir. [77]

In II. Nocturno.

Lectio iv.

**C**onrádus Placentiæ nóbili genere natus, ac venatióni cum primis deditus, jussit aliquādo vepres, ubi feræ latébant, succénderi; sed ultra quam vóluit, vento perlátus ignis próxima fœdo vastávit incéndio. Quo viso, Conrádus in urbem laténter est ingrêssus: sed mox ad prætorem delátare, emissóque satellítio, homúnculus infimæ plebis tamquam incéndii auctor comprehénsus est, vique tormentórum falsa confessióne expréssa, damnátus ad supplícium rapiebátur. Tum Conrádus consciéntia excitátus innocéntem homúnculum e carníficis mánibus erípuit, seque reum conféssus divénditis bonis illáta damna compensávit; humanisque rebus una cum uxóre núnctium remisit.

**R.** Honéstum fecit illum Dñs, et custodívit eum ab inimícis, et a seductóribus tutávit illum: \* Et dedit illi claritátem ætérnam. **V.** Justum dedúxit Dñs per vias rectas, et osténdit illi regnum Dei. Et.

Lectio v.

**C**um itaque uxor sacrum velum sumptúra Placentiæ mansisset, ipse ábiit in regiónem longínquam, et Franciscáni órdis, qui Tertiariórum dicitur, assumpto hábitu, Romam pervénit sacras ædes visitáturus. Inde in Siciliam ad Netínos ábiit, ubi aliquāmdiu in sancti Martíni xenodochío diversátus, in solitúdinem secéssit, in qua se inédia, et précibus afflíctans per annos quadragínta humi cubábat, nunc solo pane, nunc herbis tantum conténtus, et dono prophetiæ, miraculísque clarus. Crebras carnis ac dæmonis tentatiónes, gulæque blandítias córporis afflictatióne, atque assíduo precándi stúdio tam egrégie vicit, ut vel esculénta munúscula, quæ ab amícis mitteréntur, non prius attingeret, quam pútrida jam et vérmibus scaténtia sensus ipse refúgeret. Quin étiam túnica pósita tándiu nudos artus in vepréto volutábat, quoad effluénte ságuine edéndi ardor exstinguerétur.

**R.** Amávit eum Dóminus, et ornavit eum: stolam glóriæ induit eum, \* Et ad portas paradísi coronávit eum. **V.** Induit eum Dóminus lorícam fidei, et ornavit eum. Et ad portas.

Lectio vi.

**C**um autem sexta quaque féria in urbem ad imáginem Crucifixi, quæ summa religióne celebrá-

tur apud Netínos, adorándam mira pietáte ventitáret, improbi quidam irrisóres per eam occasiõem reli-giosíssimum virum ludos fácere voluérunt. Itaque per simulatiõem ad prándium píscium invitáto carnem suíllam appónunt, nec áliud ipsi mandúcant. Inde hóm-inis improbitátem exagitáre, vel simplicitátem cavillári. Negat ille se quidquam gustásse præter pisces; statímque spinas, et squamas amóta máppula, qua tegebántur, osténdit, et eórum impudéntiam redárguit. Item ab antístite Syra-cusáno fama sanctitátis éxcito vi-sitátus, et ab eódem, ut secum cœ-náret, invitátus, prótinus e célula placéntas quátuor cálidas ex tém-pore divínitus parátas prótulit: qui póstea vicíssim ad antístitem Sy-racúsas proféctus, juxta episcópi-um, plúrimis avículis circumvoli-tántibus, et ipsíus advéntum quo-dámmodo gratulántibus, mirabili-ter excéptus est. His aliísque mul-tis spectátæ sanctimóniæ indíciis, ejúsque précibus coelésti auxílio laborántibus, non solum indígenis, verum étiam alienígenis, eo præ-sértim anno quo migrávit in cœ-lum, millésimo trecentésimo quin-quagésimo primo, sæpíssime im-petráto, commóti Leo décimus Póntifex Máximus in Netína urbe primum, deínde Paulus eo nómine tértius álibi étiam beáti Conrádi festívam diem undécimo Kaléndas Mártii quotánnis celebrári permi-sére. Ejus corpus in argénteá cón-ditum arca in ecclésia sancti Nico-lái apud Netínos váriis adhuc mi-ráculis enitéscit.

R. Iste homo. [72]

In III. Nocturno Homilia in Evang. Ecce nos reliquimus. de Comm. Abbat. 1. loco. [80]

Die 26. Februarii.

**S. Margaritæ Cortonensis**

Pœnitentis.

Semiduplex.

Omnia de Communi nec Virg. nec Mart. [99] præter sequ.

Oratio.

**D**eus, qui fámulam tuam Marga-rítam de perditiónis via ad sa-lútis trámitem misericórditer de-duxísti: eádem nobis miseratiõem concéde; ut quam prius errántem sectári non erubúimus, mox pœni-téntem ímpigre sequi gloriémur. Per Dóminum.

Commem. Feriæ in Quadrag.

In I. Nocturno Lectiones de Scri-ptura occurrente.

In Quadrag. Mulierem fortem. [103]

In II. Nocturno.

Lectio iv.

**M**argaríta, a loco dormitiónis Cortonénsis appelláta, La-viáni in Túscia ortum há-buit. Primis adolescéntiæ suæ an-nis mundi voluptátibus capta, in Montis Politiáni civitáte vanam et lúbricam vitam duxit; sed cum amásium ab hóstibus fœde trans-fóssum indício canis in fóvea sub strue lignórum tumulátum fortúito reperisset, illico facta est manus Dómini super eam; quæ magno culpárum suárum moeróre tacta, éxiit foras, et flevit amáre. Itaque Laviánum revérta, crine detónso, neglécto cápite, pulláque veste contécta, erróribus suis mundíque illécebris núntium misit; inque æ-dibus Deo sacris, fune ad collum

alligato, humi procumbens, ab omnibus quos antea moribus suis palam offenderat, veniam exoravit. Mox Cortonam profecta, in cinere et cilicio a se læsam Dei majestatem placare studuit, donec post triennale virtutum experimentum a fratribus Minoribus spiritalis vitæ ducibus Tertiæ ordinis habitum impetravit. Ubere exinde lacrimæ ei familiæres fuerunt, atque ima suspicia tanta animi contritione ducta, ut diu elinguis consisteret. Læculus nuda humus, cervical lapis aut lignum porrexit; atque ita noctes insomnes in cœlestium meditatione trahere consuevit, nullum amplius pravum desiderium perpessa, dum bonus spiritus promptior infirmam carnem ad subeundos labores erigebat.

R. Propter veritatem, et mansuetudinem, et justitiam: \* Et deducet te mirabiliter dextera tua. V. Specie tua et pulchritudine tua intende, prospere procede, et regna. Et deducet.

#### Lectio v.

**A** dæmone insidiis funestisque conatibus lacessita, mulier fortis hostem ex verbis detectum semel atque iterum invicta repulit. Ad eludendum vanæ gloriæ lenocinium, quo a malo spiritu petebatur, præteritos mores suos per vicos, et plateas alta voce accusare non destitit, omni supplicio se ream inclamans: nec nisi a confessario deterrita, in speciosam faciem, olim impuri amoris causam, sævire abstinuit, ægre ferens suam formam longa carnis maceratione non aboleri. Quibus aliisque ma-

gnæ poenitentiae argumentis suorum criminum labe expiata, atque ita de se triumphatrix, ut sensus plane omnes a mundi illécebris custodiret, digna facta est, quæ sæpe Domini consuetudine frueretur. Ejusdem quoque Christi et Virginis Matris dolorum, quod ipsa ardenter expetierat, particeps facta, cunctis sensibus destituta, et vere mortua interdum visa est. Ad eam proinde, veluti ad perfectionis magistram, ex dissitis etiam regionibus plurimi conveniebant: ipsa vero cœlesti, quo erat perfusa, lumine cordium secreta, conscientias hominum, imo et peccata in remotis licet partibus Deum offendentium cum dolore et lacrimis detegens, summæque in Deum et proximum caritate fervens, ingentem animarum fructum operata est. Ægris ad se venientibus salutem, obsessis a dæmone liberationem impetravit. Puerum defunctum lugente matre ad vitam reduxit. Imminentes bellorum tumultus assiduis orationibus sedavit. Denique summæ pietatis operibus vivos et mortuos sibi demeruit.

R. Dilexisti justitiam, et odisti iniquitatem: \* Propterea unxit te Deus, Deus tuus oleo lætitiæ. V. Propter veritatem, et mansuetudinem, et justitiam. Propterea.

#### Lectio vi.

**T**ot sanctis operibus occupata, de rigore quo assidue corpus suum exercébat, nihil remisit, neque a studio cœlestia meditandi se avelli passa est, in utroque vitæ genere plane admiranda, utramque sororem Magdalenam et Martham

réferens. Tandem pro se Dóminum orans ut ex hac valle lacrimarum sursum in cœlestem patriam evocarétur, exaudita est oratio ejus, die atque hora dormitiónis ei patefactis. Méritis itaque et labóribus plena, ac cœlestibus donis cumulata, cœpit cörperis víribus destitui, perque dies decem et septem nullo cibo, sed divinis tantum collóquiis refecta est: tum sanctíssimis Ecclésiæ sacraméntis rite susceptis, vultu hílari, atque óculis in cœlum convérsis, octávo Kaléndas Mártias, anno ætátis quinquagésimo, suæ conversiónis vigésimo tértio, humanæ vero salutis millésimo ducentésimo nonagésimo séptimo, felix migrávit ad sponsum. Corpus in hanc usque diem végetum, incorruptum, illæsum, et suáriter olens summa religióne cólitur in ecclésia fratrum Minórum, quæ jam ab eádem Margaríta appellátur. Miráculis continuo flóruit, quibus permóti Románi Pontífices ad augéndum ejus cultum plúrima liberaliter indulserunt. Benedíctus vero décimus tértius in festo Pentecóstes, die sexta décima Maji anni millésimi septingentésimi vigésimi octávi, solémnem ejus canonizatiónem religiosíssime celebrávit.

R. Fallax grátia, et vana est pulchritúdo: \* Múlier timens Deum, ipsa laudábitur. V. Date ei de fructu mánuum suárum, et laudent eam in portis ópera ejus. Múlier. Glória Patri. Múlier.

In III. Nocturno Homilia in Evang. Símile est regnum cœlórum thesaúro abscondito. de Communi non Virginum. [108]

In Quadrag. Lectio ix. de Homil., et commem. Feriæ in Laud.

Ad Bened. Ant. Ut cognóvit, \* resípuit seráphici órdis Magdaléna: dimíssa sunt ei peccáta multa, quia diléxit multum.

### In II. Vesperis.

Ad Magnif. Ant. Ego dilécto meo, \* et ad me convérsio ejus: invéni quem diligit ánima mea, tenui eum, nec dimíttam.

## FESTA MARTII.

Die 5. Martii.

S. Joańis Josephi a Cruce Conf.

Duplex.

Omnia de Communi Conf. non Pont. [67] præter sequ.

Oratio.

**D**eus, qui beátum Joánnem Joséphum Confessórem tuum per árduas paupertátis, humilitátis, et patiéntiæ vias cœlesti glória sublimásti: da nobis, quæsumus; ut carne mortificáti, ejus imitémur exémpa, et gaúdiis perfruémur ætérnis. Per Dóminum.

Et fit commem. Feriæ in Quadrag.

In I. Nocturno Lectiones de Scriptura occurr. In Quadrag. Beátus vir. de eodem Comm. 2. loco. [77]

In II. Nocturno.

Lectio iv.

**I**n sclæ regni Neápolis in urbe apud Ænariam ínsulam, parentibus nobilitáte sánguinis, morúmque próbitate præstantibus, ortus est Joánnes Joséphus a Cruce. Christiánæ pietátis sémina, quæ in ejus ánimam, supérnis benedictiónibus prævéntam, cum la-



cte instilláverant, fructus mox ubérrimos attulérunt. Tenérrima adhuc ætáte, nedum a nugis puerilibus abhórruit, sed virtútes excóllere cœpit illustrióres, siléntii potíssimum, mortificatiónis, mundi suique ipsius abnegatiónis, quas assíduo oratiónis stúdio confóvêbat. Deíparæ cultum, quem ad óbítum usque in dies auxit, intéreâ témporis arrípuít, dominicæque passiónis, et Eucharístiæ mystéria afféctu peculiári prosequébatur. Sancti Petri de Alcántara institútum, quod Joánnes de sancto Bernárdo ex Hispánis Excalceátis, Cleménte nono approbánte, nupérime in Itáliam invéxerat, divíno afflánte Númine, anno vitæ suæ sextodécimo ampléxus est Italórum primus. Seráphico Patriárcha, fidissimóque ejus alúmno Petro de Alcántara in ipso tyrocínio sibi ad imitándum propósitis, mirum quam perfécte poenitentiam hujus, et contemplatiónem, humilitátem illius ac paupertátem, jam tum fúerit assecútus.

R. Honéstum fecit illum Dóminus, et custodívit eum ab inimícis, et a seductóribus tutávit illum: \* Et dedit illi claritátem ætérnam. V. Justum dedúxit Dñs per vias rectas, et osténdit illi regnum Dei. Et.

## Lectio v.

**T**értio vix decúrso a solémni professiõe sua anno, Pedemontáni Aliphæ cœnóbii fundatióni destinátur: quod ejus ópera exíguum ádeo evásit, ut altérius, quod olim in Pedróso Extremadúrxæ sanctus Petrus de Alcántara, cléricus ipse quoque, excitáverat, imáginem simíllimam reférret. Sa-

cerdótio ex obediéntia inaugurátus, disciplínis morálibus, quas numquam perdidícerat, improvísó excúltus visus est. Superiórú vénia, non longe ab eo cœnóbio, sacram erémum exstrúere aggréssus subter excélsi montis dejéctu, ut absolverétur quam citíssime, ligna, lápides, calcem húmeris suis, mordáci loríca contéctis, exportábat; ita ut per calcánea cruor ubértim in terram deflúeret. Fratrum rogátu leges quasdam pro sacro illo recéssu peculiáres cóndidit, dignas, quæ a Sede Apostólica confirmaréntur. Novitiórum regímíni præpósitus, eórum ad vitam regulárem compónere mores eo proféctu eníxus est, ut illórum áliqui sanctitátis et miraculórum fama inclárúerint. Verum cum Clemens Papa undécimus sáculi décimi octávi inítio, fratres Italos Excalceátos ab Hispánis in regno Neápolis sejunxísset, illíque nulla regímínis forma potiréntur, ab eódem Pontífice, obsistén-te licet húmáni géneris hoste, provinciæ Neapolitánæ, sancti Petri de Alcántara nuncupátæ, erectiõem obtínuit.

R. Amávit eum Dóminus, et ornávit eum: stolam glóriæ índuit eum, \* Et ad portas paradísi coronávit eum. V. Índuit eum Dñs lorícam fidei, et ornávit eum. Et.

## Lectio vi.

**P**rimus novæ istiúsmodi provinciæ Mínister renuntiátus, régimen, quod abdicáverat, sacræ Congregatiónis Episcopórum et Regulárium jussu assúmere coáctus, difficile relátu est, quot qualésque calúm-nias Dei fámulo devoráre

opus fúerit, ut Itálicam Excalceatórum fratrum familiam constabílret. Rebus compósitis, eo sese totum convértit, ut duplex ille Petri de Alcántara contemplatiónis, et pœniténtiæ spíritus altas inter suos radices ágeret, quos præclaríssimis virtútum exémpis antebat, humilitáte inprimis, rigidáque claustrális disciplínæ custódia. Paupertáte, et abstinéntia enítuit admirábili. Unicum ad nudam carnem sexagínta quátuor annis hábitum adhíbuit, perque vigínti quátuor annos, priscórum Eremicolárum ritu, pane tantum ac frúctibus victitávit, quod edúlii genus ex obediéntia in nauseósum commutávit férculum. Flagéllis aspérrimis, cilíciis, et cruce férrea acútis instrúcta clavículis, corpus suum dilaniábat. Illud étiam de eo fertur, quod crebérrimas inter orándum éxtases passus est, quodque ráptibus, prophetía, miráculis, aliisque hujúsmodi supernaturálibus donis vivens clarúerit. Dénique zelo animárum absúptus, octogénarius, apopléctico morbo corréptus, tértio Nonas Mártias in ósculo Dómini obdormívit in cœnóbio sanctæ Lúciæ Montis urbis Neápolis anno septingentésimo trigésimo quarto supra millésimum. Eúmdem novis miráculis coruscántem, anno ab illius decéssu quinquagésimo sexto, Pius sextus Póntifex Máximus beatórum albo recensuit: et Gregórius Papa décimus sextus solémni ritu Domínica Sanctíssimæ Trinitátis anno millésimo octingentésimo trigésimo nono Sanctórum fastis adscrípsit.

R̃. Iste homo. [72]

In III. Nocturno Homilia in Evang.  
Nolíte timére. de Comuni 2. loco. [79]  
Lect. ix. et commem. Feriæ in Laud.

**Feria Tertia**  
post Dominicam Septuag.  
**Orationis D. N. J. C. in Monte Oliveti.**

Duplex majus.

**In I. Vesperis.**

Ant. et Capit. de Laud. [312], Ps. ut  
in I. Vesp. de Comuni Apost. [2]

**Hymnus.**

**A**spice ut Verbum Patris a supernis

Sédibus, clemens et amore flammans,

Pérditis culpa génitis medéri  
Pergit Adámi.

Flébilem mundi míserans ruínam,  
Et volens nostros reparáre casus,

Orat, et prona véniam precátur  
Fronte magíster.

Flúctuat secum tot acérba volvens:

Hunc, ait supplex, cálicem doloris,

Mi Pater, transfer; tua sed voluntas,

Non mea fiat.

Cum premat tristis pavor ima cordis,

Déficit lánguens Dóminus; per artus

Sánguinis sudor fluit, atque guttis

Terra madéscit.

At celer summo véniens Olýmpo

Angelus Jesum récreat jacéntem:

Córpori vires rédeunt, novóque  
Róbore surgit.

Laus, honor Patri, genitæque Proli,  
Cui datum nomen super omne  
nomen

Et Paracléto decus atque virtus  
Omne per ævum. Amen.

V. Tristis est ánima mea. R. Us-  
que ad mortem.

Ad Magnif. Ant. Pósisit génibus  
orábat, dicens: Pater, si vis, trans-  
fer cálicem istum a me: verúm-  
tamen non mea volúntas, sed tua  
fiat.

#### Oratio.

**D**ómine Jesu Christe, qui in hor-  
to verbo et exémplo nos oráre  
docuísti, ad tentatiónum perícula  
superánda: concéde propítius; ut  
nos oratióni semper inténti, ejus  
copiósus fructum cónsequi me-  
reámur: Qui vivis et regnas.

#### Ad Matutinum.

Invit. Christum Jesum in monte  
Olivárum orántem \* Veníte adoré-  
mus.

Ps. Veníte, exsultémus.

Hymnus ut supra in Vesp. [304]

#### In I. Nocturno.

Ant. Ante oratiónem præpara  
ánimam tuam, et noli esse quasi  
homo qui tentat Deum.

#### Psalmus 16.

**E**xáudi Dómine justítiam me-  
am: \* inténde deprecatiónem  
meam.

Aúribus pèrcipe oratiónem me-  
am, \* non in lábiis dolósis.

De vultu tuo judícium meum  
pródeat: \* óculi tui vídeant æqui-  
tates.

Probásti cor meum, et visitásti  
nocte: \* igne me examinásti, et non  
est invénta in me iníquitas.

Ut non loquátur os meum ópera  
hóminum: \* propter verba labi-  
um tuórum ego custodívi vias  
duras.

Pérfice gressus meos in sémitis  
tuis: \* ut non moveántur vestigia  
mea.

Ego clamávi, quóniam exaudísti  
me Deus: \* inclína aurem tuam  
mihi, et exáudi verba mea.

Mirífica misericórdias tuas, \* qui  
salvos facis sperántes in te.

A resisténtibus dexteræ tuæ cu-  
stódi me, \* ut pupíllam óculi.

Sub umbra alárum tuárum pró-  
tege me: \* a fácie impiórum qui  
me afflixérunt.

Inimíci mei ánimam meam cir-  
cumededérunt, ádipem suum con-  
clusérunt: \* os eórum locútum est  
supérbiam.

Projiciéntes me nunc circumde-  
dérunt me: \* óculos suos statué-  
runt declináre in terram.

Suscepérunt me sicut leo pará-  
tus ad prædam: \* et sicut cátulus  
leónis hábitans in ábditis.

Exsúrge Dómine, præveni eum,  
et supplánta eum: \* éripe ánimam  
meam ab ímpio, frámeam tuam ab  
inimícis manus tuæ.

Dómine a paucis de terra dívide  
eos in vita eórum: \* de abscón-  
ditis tuis adimplétus est venter  
eórum.

Saturáti sunt filiis: \* et dimisé-  
runt reliquias suas párvulis suis.

Ego autem in justítia apparébo  
conspéctui tuo: \* satiabor cum ap-  
parúerit glória tua.

Ant. Ante oratiónem præpara  
ánimam tuam, et noli esse quasi  
homo qui tentat Deum.

Ant. Non impediáris oráre semper, et ne vereáris usque ad mortem justificári.

Psalmus 27.

**A**d te Dómine clamábo, Deus meus ne síleas a me: \* nequándó táceas a me, et assimilábor descendéntibus in lacum.

Exaúdi Dómine vocem deprecationis meæ dum oro ad te: \* dum extólló manus meas ad templum sanctum tuum.

Ne simul trahas me cum peccatóribus: \* et cum operántibus iniquitátem ne perdas me:

Qui loquúntur pacem cum próximo suo, \* mala autem in córdibus eórum.

Da illis secúndum ópera eórum, \* et secúndum nequítiam adinventiónum ipsórum.

Secúndum ópera mánuum eórum tríbue illis: \* redde retributióne eórum ipsis.

Quóniam non intellexérunt ópera Dómini, et in ópera mánuum ejus \* destrues illos, et non ædificábis eos.

Benedíctus Dóminus: \* quóniam exaúdivit vocem deprecationis meæ.

Dóminus adjútor meus, et protéctor meus: \* in ipso sperávit cor meum, et adjútus sum.

Et reflóruit caro mea: \* et ex voluntáte mea confitébor ei.

Dóminus fortitúdo plebis suæ: \* et protéctor salvatiónum Christi sui est.

Salvum fac pópulum tuum Dómine, et bédedic hæreditáti tuæ: \* et rege eos, et extólle illos usque in ætérnum.

Ant. Non impediáris oráre semper, et ne vereáris usque ad mortem justificári.

Ant. Omnia quæcúmque petiéri-tis in oratióne credéntes, accipiétis.

Psalmus 141.

**V**oce mea ad Dóminum clamávi: \* voce mea ad Dóminum deprecátus sum:

Effúndo in conspéctu ejus oratióne meam, \* et tribulatióne meam ante ipsum pronúntio.

In deficiéndo ex me spíritum meum, \* et tu cognovísti sémitas meas.

In via hac, qua ambulábam, \* abscondérunt láqueum mihi.

Considerábam ad dexteram, et vidébam: \* et non erat qui cognósceret me.

Périit fuga a me, \* et non est qui requírat ánimam meam.

Clamávi ad te Dómine, \* dixi: Tu es spes mea, pórtio mea in terra vivéntium.

Inténde ad deprecatione meam: \* quia humiliátus sum nimis.

Líbera me a persecúntibus me: \* quia confortáti sunt super me.

Educ de custódia ánimam meam ad confiténdum nómini tuo: \* me exspéctant justí, donec retribúas mihi.

Ant. Omnia quæcúmque petiéri-tis in oratióne credéntes, accipiétis.

Ÿ. Tristis est ánima mea. R̃. Usque ad mortem.

De libro Tobíæ.

Lectio i.

Cap. 12. b.

**B**ona est orátio cum jejúnio, et eleemósyna magis quam thesaúros auri recóndere: quó-

niam eleemósyna a morte liberat, et ipsa est quæ purgat peccata, et facit invenire misericórdiam et vitam ætérnam. Qui autem faciunt peccátum et iniquitatem, hostes sunt animæ suæ. Manifesto ergo vobis veritatem, et non abscondam a vobis occúltum sermónem. Quando orábas cum lácrimis, et sepe-liébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego obtuli oratióem tuam Dómino. Et quia accéptus eras Deo, necesse fuit ut tentatio probáret te.

R. In ómnibus grátias ágite: \* Sine intermissiõe oráte. V. Hæc est enim volúntas Dei in Christo Jesu in ómnibus vobis. Sine intermissiõe.

De Epístola beáti Jacóbi Apóstoli.

Lectio ii.

Cap. 5. d.

**O**ráte pro invicem, ut salvémini: multum enim valet deprecatio justí assídua. Elías homo erat similis nobis passibilis: et oratiõe orávit ut non plúeret super terram, et non pluit annos tres et menses sex. Et rursum orávit: et cœlum dedit plúviam, et terra dedit fructum suum. Fratres mei, si quis ex vobis erráverit a veritate, et convérterit quis eum: scire debet quóniam qui convérsti fécerit peccatórem ab errore viæ suæ, salvábit animam ejus a morte, et opériet multitudinem peccatórum.

R. Cum stábitis ad orándum, \* Dimíttite, si quid habétis advérsus áliquem. V. Ut et Pater vester, qui in cœlis est dimíttat vobis peccata vestra. Dimíttite.

De Epístola beáti Pauli Apóstoli ad Hebræos.

Lectio iii.

Cap. 5.

**C**hristus non semetípsum clarificávit ut pónlífex fieret: sed qui locútus est ad eum: Fílius meus es tu, ego hódie genui te. Quemádmódum et in álio loco dicit: Tu es sacérdos in ætérnum, secúndum órđinem Melchisedech. Qui in diébus carnis suæ preces, supplicationésque ad eum, qui possit illum salvum fácere a morte, cum clamóre válido, et lácrimis ófferens, exaudítus est pro sua reveréntia. Et quidem cum esset Fílius Dei, didícit ex iis, quæ passus est, obediéntiam: et consummátus, factus est ómnibus obtemperántibus sibi causa salútis ætérnæ, appellátus a Deo pónlífex juxta órđinem Melchisedech.

R. Exaudívit Dóminus deprecationem meam: \* Dóminus oratióem meam suscepit. V. Clamávi in toto corde meo, exáudi me Dómine. Dóminus. Glória Patri. Dóminus.

In II. Nocturno.

Ant. Cum orátis, non éritis sicut hypócritæ, qui amant in synagógis et in ángulis plateárum stantes oráre, ut videántur ab homínibus.

Psalmus 42.

**J**údica me Deus, et discérne causam meam de gente non sancta, \* ab hómine iníquo, et dolóso érué me.

Quia tu es Deus fortitúdo mea: \* quare me repulísti? et quare tristis incédo, dum affligit me inimícus?

Emítte lucem tuam et veritatem

tuam: \* ipsa me deduxérunt, et adduxérunt in montem sanctum tuum, et in tabernacula tua.

Et introibo ad altáre Dei: \* ad Deum, qui lætíficat juventútem meam.

Confitébor tibi in cíthara Deus Deus meus: \* quare tristis es ánima mea? et quare contúrbas me?

Spera in Deo, quóniam adhuc confitébor illi: \* salutáre vultus mei, et Deus meus.

Ant. Cum orátis, non éritis sicut hypócritæ, qui amant in synagógis et in ángulis plateárum stantes oráre, ut videántur ab homínibus.

Ant. Tu autem cum oráveris, intra in cubículum tuum, et clauso óstio, ora Patrem tuum in abscón-dito.

#### Psalmus 63.

**E**xauði Deus oratióem meam cum déprecor: \* a timóre inimíci éripe ánimam meam.

Protexísti me a convéntu malignántium: \* a multitudíne operántium iniquitátem.

Quia exacuérunt ut gládium linguas suas: \* intendérunt arcum rem amáram, ut sagíttent in ocúltis immaculátum.

Súbito sagittábunt eum, et non timébunt: \* firmavérunt sibi sermónem nequam.

Narravérunt ut absconderent láqueos: \* dixerunt: Quis vidébit eos?

Scrutáti sunt iniquitátes: \* defecerunt scrutántes scrutinio.

Accédet homo ad cor altum: \* et exaltábitur Deus.

Sagittæ parvulórum factæ sunt plagæ eórum: \* et infirmátæ sunt contra eos linguæ eórum.

Conturbáti sunt omnes qui vidébant eos: \* et tímuit omnis homo.

Et annuntiavérunt ópera Dei, \* et facta ejus intellexérunt.

Lætábitur justus in Dómino, et sperábit in eo, \* et laudabúntur omnes recti corde.

Ant. Tu autem cum oráveris, intra in cubículum tuum, et clauso óstio, ora Patrem tuum in abscón-dito.

Ant. Factum est autem in illis diébus, éxiit Jesus in montem oráre, et erat pernóctans in oratióne Dei.

#### Psalmus 120.

**L**evávi óculos meos in montes, \* unde véniet auxílium mihi.

Auxílium meum a Dómino, \* qui fecit cœlum et terram.

Non det in commotióem pedem tuum: \* neque dormítet qui custódit te.

Ecce non dormitábit neque dormiet, \* qui custódit Israël.

Dóminus custódit te, Dóminus protéctio tua, \* super manum dexteram tuam.

Per diem sol non uret te: \* neque luna per noctem.

Dóminus custódit te ab omni malo: \* custódiat ánimam tuam Dóminus.

Dóminus custódiat intróitum tuum, et éxitum tuum: \* ex hoc nunc, et usque in sæculum.

Ant. Factum est autem in illis diébus, éxiit Jesus in montem oráre, et erat pernóctans in oratióne Dei.

℣. Pater mi, si possibile est.  
℞. Tránseat a me calix iste.



**Ex Tractátu sancti Cypriáni  
Epíscopi et Mártiris.**

De Oratione Dominica.

**Lectio iv.**

**N**ec verbis tantum, sed et factis Dóminus oráre nos dócuit, ipse orans frequenter, et deprecans, et quid fácere nos oportéret exémpli sui contestatione démonstrans, sicut scriptum est: Ipse autem fuit secédens in solitudinem, et adórans. Et iterum: Exívit in montem oráre, et fuit pernóctans in oratione Dei. Quod si ille orábat, qui sine peccáto erat, quanto magis peccátore oportet oráre! Et si ille per totam noctem júgiter vígilans continuis précibus orábat, quanto nos magis in frequentánda oratione debémus nocte vigiláre! Orábat autem Dóminus, et rogábat non pro se: quid enim pro se innocens precaré? sed pro delictis nostris, sicut et ipse declárat, cum dicit ad Petrum: Ecce sátnas expetívit ut vos vexáret quómodo triticum: ego autem rogávi pro te, ne deficiat fides tua. Et póstmodum pro ómnibus Patrem deprecáur, dicens: Non pro his autem rogo solis, sed et pro illis, qui creditúri sunt per verbum ipsórum in me: ut omnes unum sint, sicut tu, Pater, in me, et ego in te; ut et ipsi in nobis unum sint.

R. Simón, Simón, ecce sátnas expetívit vos ut cribráret sicut triticum: \* Ego autem rogávi pro te, ut non deficiat fides tua. V. Et tu aliquándo convérsus confírma fratres tuos. Ego.

**Ex Commentáriis sancti Ansélmi  
Epíscopi.**

In Epist. ad Hebræos, cap. 5.

**Lectio v.**

**S**icut verus Póntifex óbtulit preces: nam in Evangélio sæpe légitur orásse, et máxime apud Lucam, qui sacerdotis in eo descripsit persónam. Sed et quidquid ipse egit in carne, preces et supplicationes fuérunt pro homínibus. Totá vita sua Patrem orávit de resurrectione carnis suæ, ac de nostra salúte, et instánte jam passióne, óbtulit supplicationes, id est, humíllimas et instantíssimas orationes cum summa devotíone cordis et affectíone, quando factus in agonía prolíxius orábat, et factus est sudor ejus sicut guttæ ságuinis decurréntis in terram. Et has preces supplicationesque óbtulit, id est, óbviám tulit Patri per exauditióem sibi obviánti. Obtulit eas ad eum qui posset illum a morte salvum fácere, id est resuscitáre, ad eum quem scívit esse sufficiéntem ut salváret eum, id est, immortálem et impassíbilem fáceret eripiéndó a morte; ut nec ánima remanéret in inférno, nec caro putrésceret in sepúlchro.

R. Orátio humiliántis se nubes penetrábit: \* Et donec propínquet, non consolábitur. V. Et non discédet donec Altíssimus aspíciat. Et donec.

**Lectio vi.**

**E**t óbtulit has cum clamóre válido, id est, cum intentíone piæ devotíonis vehementíssima et effícacíssima, ut quando prolíxius orábat, et étiam cum lácrimis; quia in

illa prolíxa oratióne credéndus est lácrimas effudísse, cum et guttæ sánguinis pro sudóre decúrrent ab ejus corpore; et exaudítus est, quia quod quæsierat, accépit in resurrectione. Exaudítus est, id est, extra númerum aliórum ómnium audítus est, quóniam super omnem creatúram post labóris sui militiam a Patre sublimátus est, et hoc pro sui reveréntia, id est, secúndum hoc, quod ipse sicut Dei Fílius, dignus est reveréntia et veneratióne. Vel pro sua reveréntia in Deum, id est, propter quod ipse super ómnia Patrem revéritus est et honorávit. Sive pro sua reveréntia, id est, sicut sua relígio méruit. Sánguinis quoque ejus effú-sio potest intélligi clamor válidus, in quo exaudítus est pro reveréntia ejúsdem passiónis. Reveréntia est, quod sine peccáto passus est sola caritáte.

R. Fiant aures tuæ auscultántes, et óculi tui apérti: \* Ut aúdias oratió-nem servi tui. V. Quam ego oro coram te hódie nocte ac die. Ut. Glória Patri. Ut.

### In III. Nocturno.

Ant. Tribulátio et angústia invenérunt me, mandáta tua meditátio mea est.

### Psalmus 3.

**D**ómine quid multiplicáti sunt qui tríbulant me? \* multi insúrgunt advérsus me.

Multi dicunt ánimæ meæ: \* Non est salus ipsi in Deo ejus.

Tu autem Dómine suscéptor meus es, \* glória mea, et exáltans caput meum.

Voce mea ad Dóminum clamá-

vi: \* et exaudívit me de monte sancto suo.

Ego dormívi, et soporátus sum: \* et exsurrexi, quia Dóminus suscepit me.

Non timébo míllia pópuli circumdántis me: \* exsúrge Dómine, saluum me fac Deus meus.

Quóniam tu percussísti omnes adversántes mihi sine causa: \* dentes peccatórum contrivísti.

Dómini est salus: \* et super pópulum tuum benedictio tua.

Ant. Tribulátio et angústia invenérunt me, mandáta tua meditátio mea est.

Ant. Sustínui qui simul contristarétur, et non fuit; et qui consolaretur, et non invéni.

### Psalmus 12.

**U**squequo Dómine obliviscéris me in finem? \* Usquequo avértis faciém tuam a me?

Quámdu ponam consília in ánima mea, \* dolórem in corde meo per diem?

Usquequo exaltábitur inimicus meus super me? \* réspice, et exaúdi me Dómine Deus meus.

Illúmina óculos meos ne unquam obdórmiam in morte: \* nequándo dicat inimicus meus: Præválui advérsus eum.

Qui tríbulant me, exsultábunt si motus fúero: \* ego autem in misericórdia tua sperávi.

Exsultábit cor meum in salutári tuo: cantábo Dómino qui bona tribuit mihi: \* et psallam nómini Dómini altíssimi.

Ant. Sustínui qui simul contristarétur, et non fuit; et qui consolaretur, et non invéni.

Ant. Adhæsit paviménto ánima mea, vivífica me secúndum verbum tuum.

Psalmus 87.

**D**ómine Deus salútis meæ: \* in die clamávi, et nocte coram te.

Intret in conspéctu tuo orátio mea: \* inclína aurem tuam ad precem meam:

Quia repléta est malis ánima mea: \* et vita mea inférno appropinquávit.

Æstimátus sum cum descendéntibus in lacum: \* factus sum sicut homo sine adjutório, inter mórtuos liber.

Sicut vulneráti dormiéntes in sepúlchris, quorum non es memor ámplius: \* et ipsi de manu tua repúlsi sunt.

Posuérunt me in lacu inferióri: \* in tenebrósis, et in umbra mortis.

Super mé confirmátus est furor tuus: \* et omnes fluctus tuos induxísti super me.

Longe fecísti notos meos a me: \* posuérunt me abominatióem sibi.

Tráditus sum, et non egrediébar: \* óculi mei languérunt præ inópia.

Clamávi ad te Dómine tota die: \* expándi ad te manus meas.

Numquid mórtuis fácies mirabilia: \* aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam, \* et veritátem tuam in perditiónem?

Numquid cognoscéntur in ténebris mirabilia tua: \* et justítia tua in terra obliviónis?

Et ego ad te Dómine clamávi: \* et mane orátio mea præveniet te.

Ut quid Dómine repéllis oratió-nem meam: \* avértis faciém tuam a me?

Pauper sum ego, et in labóribus a juventúte mea: \* exaltátus autem, humiliátus sum et conturbátus.

In me transiérunt iræ tuæ: \* et terróres tui conturbavérunt me.

Circumdedérunt me sicut aqua tota die: \* circumdedérunt me simul.

Elongásti a me amicum et próximum: \* et notos meos a miséria.

Ant. Adhæsit paviménto ánima mea, vivífica me secúndum verbum tuum.

℣. Vigiláte, et oráte. ℞. Ut non intrétis in tentatióem.

Léctio sancti Evangélíi secúndum Lucám.

Lectio vii. Cap. 22. d.

**I**n illo témpore: Egréssus Jesus ibat secúndum consuetúdinem in montem Olivárum. Secúti sunt autem illum et discípuli. Et reliqua.

Homilía sancti Ambrósii Epíscopi.

Lib. 10. Comment. in Luc. c. 22.

**T**ransfer a me cálicem istum: quasi homo mortem recúsans, quasi Deus senténtiam suam servans. Opórtet enim mori nos sáculo, ut resurgámus Deo: ut juxta divínam senténtiam lex maledictiónis resolúta in terræ liminum natúræ fine solvátur. Quod autem ait: Non mea volúntas, sed tua fiat; suam ad hómínem rétulit, Patris ad divinitátem. Volúntas enim hómínis, temporális, volúntas divinitátis, ætérna. Non ália

volúntas Patris, ália Filii. Una enim volúntas, ubi una divínitas. Disce tamen Deo esse subjéctus, ut non quod ipse vis éligas, sed quod Deo scias esse placitúrum.

R. Veni in altitúdinem maris: \* Et tempéstas demérsit me. V. Sal-  
vum me fac Deus, quóniam intra-  
vérunt aquæ usque ad ánimam  
meam. Et.

#### Lectio viii.

**D**eínde verbórum ipsórum pro-  
prietátem considerémus. Tri-  
stis est, inquit, ánima mea. Et álibi:  
Nunc ánima mea turbáta est valde.  
Non ergo suscípiens, sed suscépta  
turbátur. Anima enim obnóxia  
passiónibus, divínitas libera. Dénique  
spíritus promptus, caro au-  
tem infirma. Tristis autem est non  
ipse, sed ánima. Non est tristis  
sapiéntia, non divína substántia,  
sed ánima. Suscépit enim ánimam  
meam, suscépit corpus meum. Non  
me feféllit, ut áliud esset, et áliud  
viderétur. Tristis videbátur, et tri-  
stis erat non pro sua passióne, sed  
pro nostra dispersióne.

R. Intret in conspéctu tuo orá-  
tio mea: \* Inclína aurem tuam ad  
precem meam. V. Quia repléta est  
malis ánima mea, et vita mea in-  
férno appropinquávit. Inclína. Gló-  
ria Patri. Inclína.

#### Lectio ix.

**D**énique ait: Percútiam pastó-  
rem, et dispergéntur oves gre-  
gis. Tristis erat, quia nos párvulos  
relinquébat. Céterum quam con-  
stánter se morti obtúlerit conse-  
quéntia declárant: quandóquidem  
quæréntibus occúrrit, turbátos  
confirmávit, trépidos provocávit,  
proditórem ósculi dignatióne sus-

cépit. Nec illud distat a vero, si  
tristis erat pro persecutóribus suis,  
quos sciébat immánis sacrilégii  
pœnas datúros. Et ídeo dixit:  
Transfer hunc cálicem a me. Non  
quia Deus, Dei Fílius, mortem ti-  
mébat; sed quia nec malos pro se  
períre volébat.

Te Deum laudámus. 14.

#### Ad Laudes

et per Horas.

Ant. 1. Venit Jesus \* cum discí-  
pulis suis in villam, quæ dicitur  
Gethsémani, et dixit illis: Sedéte  
hic, donec vadam illuc, et orem.

Ps. Dóminus regnávit. 15.

2. Et assúptio Petro, \* et duó-  
bus filiis Zebedæi, cœpit contri-  
stári et mœstus esse.

3. Tunc ait illis: \* Tristis est áni-  
ma mea usque ad mortem: susti-  
néte hic, et vigiláte mecum.

4. Et progréssus pusillum, \* pró-  
cidit in fáciem suam, orans, et di-  
cens: Pater mi, si possibile est,  
tránseat a me calix iste.

5. Pater mi, \* si non potest hic  
calix transíre, nisi bibam illum,  
fiat volúntas tua.

Capitulum. Matth. 26.

**V**enit Jesus ad discípulos suos,  
et invénit eos dormiéntes, et  
dicit Petro: Sic non potuístis una  
hora vigiláre mecum? Vigiláte, et  
oráte, ut non intrétis in tentatió-  
nem.

Hymnus.

**V**enit e cœlo mediátor alto,  
Quem sacri dudum cecinére  
vates:

Parce mœróri, lacrimisque amá-  
ris,  
Fília Sion.

Attulit mortem vetus hortus, unde  
Culpa prodívit: novus iste vitam  
Hortus en affert, ubi nocte Jesus  
Pérmanet orans.

Víndicem placat Genitóris iram:  
Réprimit forti jaciénda dextra  
Fúlmina: occúrrit scéleri ex-  
piádo  
Sponte Redémptor.

Sic teret duos láqueos avérni,  
Et díu clausam reserábit aulam,  
Nos ad æténi révocans beáta  
Gaúdia regni.

Laus, honor Patri, genitæque Proli,  
Cui datum nomen super omne  
nomen,  
Et Paracléto decus atque virtus,  
Omne per ævum.  
Amen.

Ÿ. Doce nos oráre. R. Sic ergo  
vos orábitis.

Ad Bened. Ant. Factus in ago-  
nía prolíxius orábat; et factus est  
sudor ejus sicut guttæ sánguinis  
decurréntis in terram.

Oratio.

**D**ómine Jesu Christe, qui in hor-  
to verbo et exémplo nos oráre  
docuísti, ad tentatiónum perícula  
superánda: concéde propítius; ut  
nos oratióni semper inténti, ejus  
copiósum fructum cónsequi me-  
reámur: Qui vivis et regnas.

Ad Tertiam.

Ant. Et assúptio Petro.

Capit. Venit Jesus. [312]

R. br. Tristis est \* Anima mea.  
Tristis est. Ÿ. Usque ad mortem.  
Anima mea. Glória Patri. Tristis.

Ÿ. Pater mi, si possíbile est.  
R. Tránseat a me calix iste.

Ad Sextam.

Ant. Tunc ait illis.

Capitulum. Luc. 21.

**V**igiláte itaque omni témpore  
orántes, ut digni habeámini  
fúgere ista ómnia quæ futúra sunt,  
et stare ante Filium hóminis.

R. br. Pater mi, \* Si possíbile  
est. Pater mi. Ÿ. Tránseat a me  
calix iste. Si. Glória Patri. Pater.  
Ÿ. Vigiláte, et oráte. R. Ut non  
intrétis in tentatiónem.

Ad Nonam.

Ant. Pater mi.

Capitulum. Matth. 5.

**O**ráte pro persecuéntibus et ca-  
lumniántibus vos: ut sitis filii  
Patris vestri, qui in cœlis est.

R. br. Vigiláte, \* Et oráte. Vigi-  
láte. Ÿ. Ut non intrétis in tenta-  
tiónem. Et. Glória Patri. Vigiláte.  
Ÿ. Factus est sudor ejus. R. Sic-  
ut guttæ sánguinis.

In II. Vesperis.

Omnia ut in I. Vesp. [304], præter  
ult. Ps., cujus loco dic. Ps. Crédidi. 111.

Ÿ. Factus est sudor ejus. R. Sic-  
ut guttæ sánguinis.

Ad Magnif. Ant. Ecce appropin-  
quávit hora, et Filius hóminis tra-  
détur in manus peccatórum.

Feria Tertia

post Dominicam Sexagesimæ.

In Commemoratione

Passionis D. N. J. Chr.

Duplex majus.

Omnia ut in Officio votivo de Pas-  
sione D. N. J. C. [234] præter sequ.

Antiphonæ duplicantur.

Oratio.

**O**mnípotens sempitérne Deus,  
qui humano géneri, ad imitán-  
dum humilitátis exémplum, Salva-

tórem nostrum carnem súmeret et crucem subire fecisti: concéde propítius; ut sicut solémnem commemoratióem passiónis ejus celebrámus, ita et patiéntiæ ipsíus habére documénta, et resurrectionis consórtia mereámur. Per eúmdem Dóminum nostrum.

In I. Noct. Lect. Comméndat. [239]

In II. Nocturno.

Sermo sancti Augustíni Epíscopi.  
Serm. 41. Dom. in Palmis de Pass. Dom.

Lectio iv.

**A**dmonet nos, fratres caríssimi, ad solemnitátem Domínice Passiόnis dies ipse, in quo eam nec muta eleménta tacuérunt. Célebret eam lux fidei linguis hóminum, quam conclamavérunt étiam siléntia tenebrárum. Hódie Dóminus noster in statéra crucis prétium nostræ salútis apéndit, et una morte univérsum mundum, sicut ómnium cónditor, ita ómnium reparátor absólvit. Indubiténter enim credámus quod totum mundum redémit, qui plus dedit, quam totus mundus valéret. Méritum enim redéptæ mercédis dignitas insígnis prétii supergréssa est. Inter redéptum et rediméntem dispensátio fuit, compensátio non fuit. Qui ergo non habébat peccáta própria, digne delévit aliéna. Solus hic pia víctima pro ómnibus cécidit, ut omnes leváret; et quia débitum solus non hábuit, recte fœnus misericórdiæ pro debitoribus erogávit.

R. Ego propter te Chananaeorum reges percússi, et dedi tibi sceptrum regále: \* Et tu dedísti cápiti meo spíncam corónam, et

percussísti arúndine caput meum. V. Pópule meus, quid feci tibi, aut in quo contristávi te? respónde mihi. Et.

Lectio v.

**P**erpénde inter hæc, qui talem pro nobis dedit pecúniam, qualem a nobis sit exactúrus usúram. In hac itaque die fides prophéticæ annuntiatiónis impléta est, ita dicéntis: Corpus meum dedi percutiéntibus, et genas meas velléntibus; fáciem meam non avérti a fœditáte sputórum. Suscépit mala nostra, ut tribúeret bona sua. Hinc intelligámus quantum hóminem diligere dignátus sit ante culpam, quem sic diligit post ruínam. Agnósce homo, quantum váleas et quantum débeas; et dum tantam redemptionis tuæ perspicias dignitátem, ipse tibi indícito peccándi pudórem. Ecce pro impio píetas flagellátur, pro stulto sapiéntia illúditur, pro mendáce véritas necátur, damnátur justítia pro iníquo, misericórdia afficitur pro crudéli, pro mísero replétur sincéritas acéto, inebriátur felle dulcédo, addícitur innocéntia pro reo, móritur vita pro mórtuo.

R. Ego duxi te per desértum quadragínta annis, et manna cibávi te: \* Et tu me cecidísti álapis et flagéllis. V. Pópule meus, quid feci tibi, aut in quo contristávi te? respónde mihi. Et.

Lectio vi.

**E**xpávit scelus hóminum natúra rerum; et quem creatúra rebéllis non agnóscit, eum mundi Dóminum tremens terra testátur, et cœli Regem sol fúgiens confítetur. Chlámyde coccínea indúitur,



quia sanguíne Mártyrum suorum Ecclesiæ corpus ornatur. Coróna spínea cápiti ejus impónitur, quia púnctio peccatórum nostrórum, quorum remissióne Redemptóris glória strúitur, áridis tribulis comparátur. Studeámus nunc e diverso, ut membrórum vita cápitis sit coróna. Quod vero sitíre se in cruce pósitus dicit, fidem incredulæ gentis concupiscit; sed e contra acétum malitiæ pórrigunt, quia vinum sapiéntiæ, quod a Deo acceperant, peccádo corrúperant. Velum templi scínditur, quia Synagóga honóre nudátur, observatio antiqua dissólvitur, Ecclesiæ únitás præmonstrátur. Monuménta aperiúntur, quia mortis jura jure superántur.

R. Ego exaltávi te magna virtúte: \* Et tu me suspendísti in patíbulo crucis, \* In qua expándi manus meas ad pópulum non credéntem et contradicéntem. V. Pópule meus, quid feci tibi, aut in quo contristávi te? respónde mihi. Et. Glória Patri. In qua.

### In III. Nocturno.

Léctio sancti Evangélíi secúndum Joánnem.

#### Lectio vii. Cap. 19. f.

**I**n illo témpore: Sciens Jesus, quia ómnia consummáta sunt, ut consummarétur Scriptúra, dixit: Sítio. Et reliqua.

Homília S. Joánnis Chrysóstomi.

Homil. 84. in Joan. c. 19. ante med.

**S**ciens Jesus ómnia consummáta, ait: Sítio; étiam hoc verbo prophetíam implens. Tu autem astántium pravitátem intéllige: nam licet innúmeros habéamus

inimicos, qui nos gravíssime persecúti sint, cum tamen intérimi eos vidémus, fléctimur misericórdia. Hi vero nil moti, magis efferántur, et irrident, acetúmque in spóngia pórrigunt, ut bibat tamquam reus. Nam propter hoc hyssópum ádditur, quo gustáto, mórtuus est. Vides quam non perturbáte, et quam poténter ómnia transigéntem? Quod et prósequens osténdit; cum enim ómnia consummáta essent, inclináto cápíte, quod affixum non erat, trádidit spíritum, hoc est, exspirávit.

R. Ego te potávi aqua salutis de petra: \* Et tu me potásti felle et acéto. V. Pópule meus, quid feci tibi, aut in quo contristávi te? respónde mihi. Et.

#### Lectio viii.

**A**tqui non post inclinátum caput exspirátur, sed post exspiratióne caput inclinátur. Hic autem contra áccidit: per quod osténdit eum Evangelísta esse ómnium Dóminum. Judæi autem camélum devorántes, et cúlicem excolántes, tantum nefas ausi de die consúltant: Quóniam Parascéve erat, ut non remanérent in cruce córpora Sábbato, rogavérunt Pilátum, ut frangeréntur eórum crura. Vides quanti sit véritas? Per ea quæ illi faciunt, prophetía implétur: ália enim ex hoc manifestáta est. Venérunt ergo mílites, et aliórum frégérunt crura; non Christi; sed ad Judæórum grátiam conciliándam latus ejus lancea aperuérunt, et mórtuo adhuc insúltant. O péssimam voluntátem ac scelestíssimam!

R. Ego ante te apérui mare: \* Et tu aperuísti lancea latus Salva-

tóri tuo,\* Qui redēmit mundum in sángine suo. V. Pópule meus, quid feci tibi, aut in quo contristávi te? respónde mihi. Et. Glória Patri. Qui.

Lectio ix.

**N**oli tamen perturbári, dilectissime; quæ enim malo illi ánimopatrárunt, veritatí consentiébant. Prophetía hinc impléta est, inquiens: Vidébunt in quem transfixérunt. Neque hoc tantum, sed non creditúris fuit fidei arguméntum, ut Thomæ, et qui cum eo erant. Ad hæc et arcánium mystérium consummátum est; exívit enim sanguis et aqua. Non casu et simplicitér hi fontes scaturiérent, sed quóniam ex ambóbus Ecclésia constitúta est. Sciunt hoc initiáti: per aquam enim regeneráti, sángine et carne nutriti sunt. Hinc mystéria ortum habent, ut quóties ad admirándum cálicem accédís, tamquam ab ipso látere háuriens accédas.

Te Deum laudámus. 14.

Feria VI. post Cineres.

Sacr. Spineæ Coronæ D. N. J. C.

Duplex majus.

In I. Vesperis.

Ant. et Capit. de Laud. [320]; Ps. ut in I. Vesp. de Comm. Apost. [2]

Hymnus.

**E**xíte Sion filiæ,  
Regis pudicæ vírgines,  
Christi coronám cernite,  
Quam mater ipsa téxuit.

Horret revúlsis crínibus  
Spinis cruentátum caput,  
Et vultus ille decolor  
Mortem propinquam réspicit.

Quæ terra sulcis ínvia,  
Dumis rigens et séntibus,  
Lugúbre munus prótulit?  
Quæ sæva méssuit manus?

Christi rubéscens sángine  
Acúleos mutat rosis,  
Palmámque vincens frúctibus,  
Spina est triúmphis áptior.

Culpis satæ mortálium  
Te Christe spineæ vúlnerant:  
Evélle nostras, córdibus  
Tuásque nostris ínsere.

Virtus, honor, laus, glória  
Deo Patri cum Fílio,  
Sancto simul Paráclito,  
In sæculórum sæcula. Amen.

V. Plecténtes coronám de spinis.

R. Posuérunt super caput ejus.

Ad Magnif. Ant. Egredímini, et vidéte filiæ Sion, regem Salomónem in diadémate quo coronávit eum mater sua, parans crucem Salvatóri suo.

Oratio.

**P**ræsta, quæsumus omnípotens Deus: ut qui in memóriam passionis Dómini nostri Jesu Christi coronám ejus spineam venerámur in terris, ab ipso glória et honóre coronári mereámur in cœlis: Qui tecum vivit et regnat.

Et fit commem. Feriæ.

Ad Matutinum.

Invit. Christum Regem spinis coronátum, \* Veníte adorémus.

Ps. Veníte exsultémus. 2.

Hymnus. Exíte Sion. ut supra.

In I. Nocturno.

Ant. Erit tamquam lignum, quod plantátum est secus decúrsus aquárum, et fructum suum dabit in témpore suo.

Ps. 1. Beátus vir. [22]

Ant. Convenérunt in unum adversus Dóminum, et adversus Christum ejus.

Ps. 2. Quare fremuérunt. [22]

Ant. In tribulatióne dilatásti mihi.

Ps. 4. Cum invocárem. [24]

Ÿ. Glória et honóre coronásti eum Dómine. R. Et constituísti eum super ópera mánuum tuárum.

De Isaíá Prophéta.

Lectio i. Cap. 53.

**Q**uis crédidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti; non est species ei, neque decor: et vídimus eum, et non erat aspéctus, et desiderávimus eum: despéctum, et novíssimum virórum, virum dolórum, et sciéntem infirmitátem: et quasi absconditus vultus ejus et despéctus, unde nec reputávimus eum. Vere languóres nostros ipse tulit, et dolóres nostros ipse portávit: et nos putávimus eum quasi leprósum, et percússum a Deo et humiliátum. Ipse autem vulnerátus est propter iniquitátes nostras, attritus est propter scélera nostra: disciplina pacis nostræ super eum, et livóre ejus sanáti sumus.

R. Maledícta terra in ópere hóminis, \* Spinas et tribulos germínávit Christo. Ÿ. Quia comédit Adam de ligno, ex quo præcéperat Deus ne coméderet. Spinas.

Lectio ii.

**O**mnes nos quasi oves errávimus, unusquisque in viam suam declinávit: et pósuit Dóminus

in eo iniquitátem ómnium nostrum. Oblátus est quia ipse vóluit, et non apérui os suum: sicut ovis ad occisióem ducétur, et quasi agnus coram tondénte se obmutéscet, et non apériet os suum. De angústia et de judicio sublátus est: generatióem ejus quis enarrábit? quia abscíssus est de terra vivéntium: propter scelus pópuli mei percússi eum.

R. Appáruit Móysi Dóminus in flamma ignis de médio rubi: \* Et vidébat quod rubus ardéret, et non comburerétur. Ÿ. Dixit ergo Móyses: Vadam, et vidébo visióem hanc magnam. Et.

Lectio iii.

**E**t dabit ímpios pro sepultúra, et dívitem pro morte sua: eo quod iniquitátem non fécerit, neque dolus fúerit in ore ejus. Et Dóminus vóluit contérere eum in infirmitáte: si posúerit pro peccáto ánimam suam, vidébit semen longævum, et volúntas Dómini in manu ejus dirigétur. Pro eo quod laborávit ánimá ejus, vidébit, et saturábitur: in sciéntia sua justificábit ipse justus servus meus multos, et iniquitátes eórum ipse portábit.

R. Ecce ignis et ligna: Deus providébit sibi \* Víctimam holocaústi. Ÿ. Levávit Abraham óculos suos, vidítque post tergum arietem inter vepres hæréntem. Víctimam. Glória Patri. Víctimam.

In II. Nocturno.

Ant. Dómine, ut scuto bonæ voluntátis tuæ coronásti eum.

Ps. 5. Verba mea. [25]

Ant. Minuísti eum paulo minus ab Angelis, glória et honóre coronásti eum.

Ps. 8. Dómine Dóminus. [25]

Ant. Peccatóres intendérunt arcum; paravérunt sagíttas suas in pháretra, ut sagíttent justum.

Ps. 10. In Dómino confido. [27]

Ÿ. Posuísti Dómine super caput ejus. R̃. Corónam de lápide pretíoso.

Sermo sancti Bernárdi Abbátis.

Serm. 2. in Epiph. Domin.

Lectio iv.

**E**gredimini filiæ Sion; vobis dicimus, filiæ Sion, animæ sæculáres, débiles, delicátæ; filiæ, et non filii, in quibus nihil est fortitúdinis, nihil est virílis ánimi. Egredimini de sensu carnis ad intelléctum mentis, de servitúte carnális concupiscéntiæ ad libertátem spirituális intelligéntiæ. Egredimini de terra vestra, et de cognatione vestra, et de domo patris vestri, et vidéte regem Salomónem in diadémate, quo coronávit eum mater sua, in coróna paupertátis, in coróna misériæ; síquidem coronátus est et a novérca sua coróna spinea, coróna misériæ, coronándus a familia sua coróna justítiæ, quando exhibunt Angeli, et tollent de regno ejus ómnia scándala, quando véniet ad judícium cum senióribus pópuli sui, cum pugnábit pro eo orbis terrárum advérsum insensátos. Coronat eum et Pater coróna glóriæ, sicut ait Psalmísta: Glória et honóre coronásti eum Dómine. Vidéte eum filiæ Sion in diadémate quo coronávit eum mater sua.

R̃. Cum apparúerit princeps pastórum, quo percússo, dispérsæ sunt oves gregis, \* Percipiétis immarcescibilem glóriæ corónam. Ÿ. Cum fécerit grande convívium, ut osténdat divítias glóriæ regni sui. Percipiétis.

Lectio v.

Serm. 41. in Cant.

**E**go, fratres, ab ineúnte mea conversióne pro acérvo meritórum, quæ mihi deesse sciébam, mihi fascículum colléctum ex ómnibus anxietátibus et amaritudínibus Dómini mei colligáre, et inter úbera mea collocáre curávi. Memóriam abundántiæ suavitátis horum eructábo quoad víxero: in ætérnum non oblivíscar miserationes istas, quia in ipsis vivificátus sum. Mihi hic salutáris fascículus servátus est; nemo tollet eum a me: inter úbera mea commorábitur. Hæc meditári, dixi sapiéntiam: in his justítiæ mihi perfectiónem constitui, in his plenitudinem sciéntiæ, in his divítias salutis, in his cópias meritórum. Ex his mihi intérdum potus salutáris amaritudinis: ex his rursum suávis únctio consolatiónis. Hæc me érigunt in advérsis, in prósperis réprimunt, et inter læta trístiaque vitæ præsentis, via régia incedénti tutum præbent utrobíque ducátum, hinc inde mala imminéntia propulsádo. Hæc mihi conciliant mundi Júdicem, dum treméndum potestátibus, mitem humilémque figúrant; dum non solum placábilem, sed et imitábilem repræsentant eum, qui inaccessíbilis est principátibus, terríbilis apud reges terræ.

R. Accépit regnum decóris, \* Et diadéma speciéi. V. Deus exaltávit illum, et dedit illi nomen, quod est super omne nomen. Et.

Lectio vi.

**H**æc propterea mihi in ore frequenter, sicut vos scitis: hæc in corde semper, sicut Deus scit: hæc stylo meo ádmodum familiaria, sicut apparet: hæc mea sublimior ínterim philosophía, scire Jesum, et hunc crucifixum. Non requíro, sicut sponsa, ubi cubet in merídie, quem lætus ampléctor mea inter úbera commorántem. Non requíro ubi pascat in merídie, quem intúeor Salvatórem in cruce. Illud sublimius, istud suávis: panis illud, hoc lac: hoc viscera réficit parvulórum: hoc replet úbera matrum; et ideo inter úbera mea commorábitur. Hunc et vos, dilectíssimi, tam diléctum fasciculum collígite vobis: hunc medúllis inséríte cordis, hoc muníte áditum pectoris, ut et vobis inter úbera commorétur. Si enim ante óculos habuéritis quem portátis, pro certo vidéntes angústias Dómini, lévius vestras portábitis, ipso auxiliánte Ecclésiæ sponso, qui est super ómnia Deus benedictus in sæcula. Amen.

R. Arcam de lignis Setim deaurábis auro mundíssimo intus et foris: \* Faciésque supra coronam aúream per circúitum. V. Pones in arca testificatióem, quam dabo tibi. Faciésque. Glória. Faciésque.

In III. Nocturno.

Ant. Ingréssus sine mácula, et operátus justítiam, coronátus est in monte sancto tuo.

Ps. 14. Dómine quis. [27]

Ant. Super caput ejus coronam de lápide pretiósó posuísti Dñe.

Ps. 20. Dómine in virtúte. [27]

Ant. Advérsus eos, qui tríbulant me, impinguásti in óleo caput meum.

Psalmus 22.

**D**óminus regit me, et nihil mihi déerit: \* in loco páscuæ ibi me collocávit.

Super aquam refectionis educávit me: \* ánimam meam convértit.

Dedúxit me super sémitas justítiae, \* propter nomen suum.

Nam, et si ambulávero in médio umbræ mortis, non timébo mala: \* quóniam tu mecum es.

Virga tua, et báculo tuus: \* ipsa me consoláta sunt.

Parásti in conspéctu meo mensam, \* advérsus eos, qui tríbulant me.

Impinguásti in óleo caput meum: \* et calix meus inébrians quam præclárus est!

Et misericórdia tua subsequétur me \* ómnibus diébus vitæ meæ:

Et ut inhábitem in domo Dómini, \* in longitudínem diérum.

Ant. Advérsus eos, qui tríbulant me, impinguásti in óleo caput meum.

V. Coróna aúrea super caput ejus. R. Expréssa signo sanctitátis.

Léctio sancti Evangélii secúndum Joánnem.

Lectio vii. Cap. 19.

**I**n illo témpore: Apprehéndit Pilátus Jesum, et flagellávit. Et milites plecténtes coronam de spinis, imposuérunt cápiti ejus. Et réliqua.

Homilia sancti Bernárdi Abbátis.

Ex Serm. 50. de diversis.

**V**idete, filiæ Sion, regem Salomónem. Non dicit Ecclesiásten, aut Ididam. Nam et his nomínibus appellátus est rex ille: et significat Jesum Christum, nostrum verum Salomónem, qui est Sálomon, id est, pacíficus in exsílio: Ecclesiástes, id est, concionátor in iudicio: Idida, id est, diléctus Dómini in regno, ibíque rex. In exsílio mansuétus, in iudicio justus, in regno gloriósus. In exsílio amábilis, in iudicio terribilis, in regno admirábilis. In diadémate quo coronávit eum mater sua. Est autem hæc coróna misericórdiæ, et in hac imitábilis. Coronávit eum et novérca sua coróna miséria, et in hac contemptibilis. Synagógam loquor, quæ se ei non matrem exhibuit, sed novércam.

R. Fácies altáre ad adoléndum thymiáma de lignis Setim: \* Faciésque ei coronam auréolam per gyrum. V. Ponésque altáre contra velum coram propitiatório. Faciésque.

Lectio viii.

**C**oronábit eum familiá sua coróna justitiæ, et in hac terribilis: coronat eum Pater suus coróna glóriæ, et in hac desiderábilis. Videant ergo eum peccátóres in coróna miséria, id est, spínea, et compungántur: vídeant eum filiæ Sion, animæ affectuósæ, in coróna misericórdiæ, et imiténtur. Vidébunt eum impíi in coróna justitiæ, et peribunt: vidébunt eum sancti in coróna glóriæ, et perpetuáliter gaudébunt. Coronántur quidem et

alii imitatóres ipsíus; sed hoc ex indústria adjúti per grátiam. Solus iste a matre coronátus est, quia solus cum ordinátis affectiónibus, tamquam sponsus e thálamo, processit ex útero matris.

R. Christus sciens dolórem et infirmitátem, spinis coronátus, \* Ipse est qui coronat vos in misericórdia et miseratióibus. V. Vulnerátus propter iniquitátes nostras, attrítus propter scélera nostra, cujus livóre sanáti sumus. Ipse. Glória Patri. Ipse.

Lectio ix. de Homil. Feriæ.

Te Deum laudámus. 14.

Ad Laudes

et per Horas.

Ant. 1. Diléctus meus cándidus \* et rubicúndus: comæ cápitis ejus sicut púrpura regis vincta canálibus.

Ps. Dóminus regnávít. 15.

2. Requiévit super eum \* spíritus timóris Dómini: coróna sapiéntiæ et exsultatiónis decorávit illum.

3. Induit eum \* Dóminus vestiméntis salútis, et induménto justitiæ, quasi sponsum decorátum coróná.

4. Fascículus myrrhæ \* diléctus meus mihi, inter úbera mea comorábitur.

5. Rex æternæ glóriæ \* pro nobis coronátus, benedícet corónæ anni benignitátis suæ.

Capitulum.

Cant. 3.

**E**gredimini, et videte filiæ Sion regem Salomónem in diadémate, quo coronávit illum mater sua.



## Hymnus.

**L**egis figuris pîngitur  
Christi coronâ nóbilis:  
Impléxa spinis víctima,  
Ardénsque testátur rubus.

Arcam coronâ cínxerat,  
Mensæque sacrum círculum:  
Arámque thure fúmídam  
Corónâ nectit ámbiens.

Christi dolórum cónscia,  
Salve, coronâ glóriæ,  
Gemmis et auro púlchríor,  
Vincens coronâs síderum.

Virtus, honor, laus, glória  
Deo Patri cum Fílio,  
Sancto simul Paráclito,  
In sæculórum sæcula. Amen.

Ÿ. Eris coronâ glóriæ in manu  
Dómini. R. Et diadéma regni in  
manu Dei tui.

Ad Bened. Ant. Exívit Jesus  
portans spíneam coronam et pur-  
púream vestiméntum.

## Oratio.

**P**ræsta, quæsumus omnípotens  
Deus: ut qui in memóriam pas-  
siónis Dómini nostri Jesu Christi  
coronam ejus spíneam venerámur  
in terris, ab ipso glória et honóre  
coronári mereámur in cœlis: Qui  
tecum vivit et regnat.

Et fit commem. Feriæ.

## Ad Tertiam.

Ant. Requiévit super eum.

Capit. Egredimini. [320]

R. br. Eris coronâ glóriæ \* In  
manu Dómini. Eris. Ÿ. Et diadé-  
ma regni in manu Dei tui. In. Gló-  
ria Patri. Eris.

Ÿ. Glória et honóre coronásti  
eum Dómine. R. Et constituísti  
eum super ópera mánuum tuárum.

## Ad Sextam.

Ant. Induit eum.

Capitulum.

Apoc. 6.

**V**idi, et ecce equus albus, et qui  
sedébat super illum, habébat  
arcum: et data est ei coronâ, et ex-  
ívit vincens, ut vínceret.

R. br. Glória et honóre \* Coro-  
násti eum Dómine. Glória. Ÿ. Et  
constituísti eum super ópera má-  
nuum tuárum. Coronásti. Glória  
Patri. Glória et.

Ÿ. Tuam coronam adorámus Dó-  
mine. R. Tuam gloriósam recóli-  
mus passiómem.

## Ad Nonam.

Ant. Rex æternæ glóriæ.

Capitulum.

Is. 28.

**I**n die illa erit Dóminus exerci-  
tuum coronâ glóriæ, et sertum  
exultatiónis residuo pópuli sui.

R. br. Tuam coronam \* Adorá-  
mus Dómine. Tuam. Ÿ. Tuam glo-  
riósam recólimus passiómem. Ad-  
orámus. Glória Patri. Tuam.

Ÿ. Plecténtes coronam de spinis.  
R. Posuérunt super caput ejus.


## In II. Vesperis.

Omnia ut in I. Vesperis. [316]

Ad Magnif. Ant. Et genu flexo  
ante eum, illudébant ei, dicéntes:  
Ave Rex Judæórum; et exspuén-  
tes in eum, accepérunt arúndinem,  
et percutiébant caput ejus.

Deinde fit commem. Feriæ.





## PRÆPARATIO AD MISSAM.

**A**ntiphona. Ne reminiscáris \* Dómine delicta nostra, vel paréntum nostrórum: neque vindíctam summas de peccátis nostris.

Quæ Antiphona in Festis Duplicibus tantum duplicatur, et tempore Paschali additur in fine Allelúja.

Deinde dicuntur sequentes Psalmi.

Psalmus 83.

Quam dilécta tabernácula tua Dómine virtútum: \* concupíscit, et déficit ánima mea in átria Dómini.

Cor meum, et caro mea \* exultavérunt in Deum vivum.

Etenim passer invénit sibi domum: \* et turtur nidum sibi, ubi ponat pullos suos.

Altária tua Dómine virtútum: \* Rex meus, et Deus meus.

Beáti, qui hábitant in domo tua Dómine: \* in sæcula sæculórum laudábunt te.

Beátus vir, cujus est auxílium abs te: \* ascensiónes in corde suo dispósuit, in valle lacrimárum in loco, quem pósuit.

Etenim benedictiónem dabit legislátor, ibunt de virtúte in virtútem: \* vidébitur Deus decórum in Sion.

Dómine Deus virtútum exaúdi oratió nem meam: \* aúribus pércipe Deus Jacob.

Protéctor noster áspice Deus: \* et réspice in fáciem Christi tui:

Quia mélior est dies una in átriis tuis, \* super millia.

Elégi abjéctus esse in domo Dei mei: \* magis quam habitáre in tabernáculis peccatórum.

Quia misericórdiam, et veritátem diligit Deus: \* grátiam et glóriam dabit Dóminus.

Non privábit bonis eos, qui ámbulant in innocéntia: \* Dómine virtútum, beátus homo, qui sperat in te.

Glória Patri.

Psalmus 84.

**B**enedixísti Dómine terram tuam: \* avertísti captivitátem Jacob.

Remisísti iniquitátem plebis tuæ: \* operuísti ómnia peccáta eórum.

Mitigásti omnem iram tuam: \* avertísti ab ira indignatiónis tuæ.

Convérte nos Deus salutáris noster: \* et avérte iram tuam a nobis.

Numquid in ætérnum irascéris nobis? \* aut exténdes iram tuam a generatióne in generatió nem?

Deus tu convêrsus vivificâbis nos:  
\* et plebs tua lætâbitur in te.

Ostênde nobis Dñe misericórdiam  
tuam: \* et salutâre tuum da nobis.

Aúdiam quid loquátur in me Dómi-  
nus Deus: \* quóniam loquétur pacem  
in plebem suam.

Et super sanctos suos: \* et in eos,  
qui convertúntur ad cor.

Verúmtamen prope timéntes eum  
salutâre ipsíus: \* ut inhábitet glória  
in terra nostra.

Misericórdia, et véritas obviavérunt  
sibi: \* justítia, et pax osculátæ sunt.

Véritas de terra orta est: \* et justí-  
tia de cœlo prospexit.

Etenim Dóminus dabit benignitá-  
tem: \* et terra nostra dabit fructum  
suum.

Justítia ante eum ambulábit: \* et  
ponet in via gressus suos.

Glória Patri.

Psalmus 85.

**I**nclína Dómine aurem tuam, et ex-  
aúdi me: \* quóniam inops, et pauper  
sum ego.

Custódi ánimam meam, quóniam  
sanctus sum: \* salvum fac servum tu-  
um, Deus meus, sperántem in te.

Miserére mei Dómine quóniam ad  
te clamávi tota die: \* lætífica ánimam  
servi tui, quóniam ad te Dómine áni-  
mam meam levávi.

Quóniam tu Dómine suávis et mitis:  
\* et multæ misericórdiæ ómnibus in-  
vocántibus te.

Aúribus pèrcipe Dómine oratióem  
meam: \* et inténde voci deprecatiónis  
meæ.

In die tribulatiónis meæ clamávi ad  
te: \* quia exaudísti me.

Non est símilis tui in diis Dómine:  
\* et non est secúndum ópera tua.

Omnes gentes quascúmque fecísti,  
vénient, et adorábunt coram te Dó-  
mine: \* et glorificábunt nomen tuum.

Quóniam magnus es tu, et fáciens  
mirábilia: \* tu es Deus solus.

Deduc me Dómine in via tua, et

ingrédiar in veritáte tua: \* lætétur cor  
meum ut tímeat nomen tuum.

Confitébor tibi Dómine Deus meus  
in toto corde meo, \* et glorificábo  
nomen tuum in ætérnum:

Quia misericórdia tua magna est  
super me: \* et eruísti ánimam meam  
ex inférno inferióri.

Deus, iníqui insurrexérunt super  
me, et synagóga poténtium quæsié-  
runt ánimam meam: \* et non propo-  
suérunt te in conspéctu suo.

Et tu Dómine Deus miserátor et  
miséricors: \* pátiens, et multæ miseri-  
córdiæ, et verax.

Réspice in me, et miserére mei, \* da  
impérium tuum púero tuo: et salvum  
fac filium ancillæ tuæ.

Fac mecum signum in bonum, ut  
videant qui odérunt me, et confun-  
dántur: \* quóniam tu Dómine adjuvísti  
me, et consolátus es me.

Glória Patri.

Psalmus 115.

**C**rédidi, propter quod locútus sum: \*  
ego autem humiliátus sum nimis.

Ego dixi in excéssu meo: \* Omnis  
homo mendax.

Quid retribuam Dómino \* pro ómni-  
bus, quæ retribuit mihi?

Cálicem salutáris accípiam: \* et no-  
men Dómini invocábo.

Vota mea Dómino reddam coram  
omni pópulo ejus: \* pretiósá in con-  
spéctu Dómini mors sanctórum ejus.

O Dómine quia ego servus tuus: \*  
ego servus tuus, et filius ancillæ tuæ.

Dirupísti víncula mea: \* tibi sacrifi-  
cábo hóstiam laudis, et nomen Dó-  
mini invocábo.

Vota mea Dómino reddam in con-  
spéctu omnis pópuli ejus: \* in átriis  
domus Dómini, in médio tui Jerúsa-  
lem.

Glória Patri.

Psalmus 129.

**D**e profúndis clamávi ad te Dómine:  
\* Dómine exaúdi vocem meam:

Fiant aures tuæ intendentes, \* in vocem deprecationis meæ.

Si iniquitates observáveris Dómine:  
\* Dómine quis sustinébit?

Quia apud te propitiatio est: \* et propter legem tuam sustinui te Dñe.

Sustinuit ánima mea in verbo ejus:  
\* sperávit ánima mea in Dómino.

A custódia matutína usque ad noctem: \* speret Israël in Dómino.

Quia apud Dóminum misericórdia:  
\* et copiósá apud eum redemptio.

Et ipse rédimet Israël, \* ex ómnibus iniquitatibus ejus.

Glória Patri.

Deinde repetitur Antiphona. Ne reminiscáris Dómine delícta nostra, vel paréntum nostrórum: neque vindíctam sumas de peccátis nostris.

Kýrie eléison. Christe eléison. Kýrie eléison. Pater noster.

V. Et ne nos indúcas in tentatiónem.

R. Sed libera nos a malo.

V. Ego dixi, Dómine miserére mei.

R. Sana ánimam meam, quia peccávi tibi.

V. Convértere Dómine aliquántulum.

R. Et deprecáre super servos tuos.

V. Fiat misericórdia tua Dómine super nos. R. Quemádmódum sperávimus in te.

V. Sacerdótes tui induántur justítiam. R. Et sancti tui exsúltent.

V. Ab occúltis meis munda me Dñe.

R. Et ab aliénis parce servo tuo.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

Aures tuæ pietátis, mitíssime Deus, inclína précibus nostris, et grátia sancti Spíritus illúmina cor nostrum; ut tuis mystériis digne ministráre, teque æténa caritáte diligere mereámur.

Deus, cui omne cor patet, et omnis volúntas lóquitur, et quem nullum latet secrétum, purifica per infusióem sancti Spíritus cogitatióes cordis no-

stri; ut te perfécte diligere, et digne laudáre mereámur.

Ure igne sancti Spíritus renes nostros et cor nostrum Dómine, ut tibi casto corpóre serviámus, et mundo corde placeámus.

Mentes nostras, quæsumus Dómine, Paráclitus qui a te procédit, illúminet, et indúcat in omnem, sicut tuus promísit Fílius, veritátem.

Adsit nobis, quæsumus Dómine, virtus Spíritus sancti; quæ et corda nostra cleménter expúrget, et ab ómnibus tueátur advérsis.

Deus, qui corda fidélium sancti Spíritus illustratióne docuísti; da nobis in eódem Spíritu recta sápere, et de ejus semper consolatióne gaudére.

Consciéntias nostras, quæsumus Dómine, visitádo purifica; ut véniens Dóminus noster Jesus Christus Fílius tuus parátam sibi in nobis invéniat mansiónem: Qui tecum vivit et regnat in unitáte Spíritus sancti Deus, per ómnia sæcula sæculórum. Amen.

Sacerdos, qui post antecedentes Psalmos, Ant. Versic. et Orationes recitat die designata unam ex sequentibus septem Orationibus S. Ambrosii Episc. lucratur Indulgentiam *unius anni*. (Leo XIII. 20. Decembris 1884.)

## ORATIONES

pro opportunitate Sacerdotis ante Celebrationem et Communionem dicendæ.

Oratio S. Ambrosii Episcopi.

Die Dominica.

Summe Sacérdos, et vere Póntifex Jesu Christe, qui te obtulísti Deo Patri hóstiam puram et immaculátam in ara Crucis pro nobis míseris et peccatóribus, et qui dedísti nobis Carnem tuam ad manducándum, et Sanguinem tuum ad bibéndum, et posuísti mystérium istud in virtúte Spíritus sancti tui, dicens: Hæc quotiescúmque fecéritis, in mei memóriam faciétis: rogo per eúmdem Sanguinem tuum, magnum salutis nostræ prætium, rogo per hanc miram et ineffábilem

caritatem, qua nos míseros et indígnos sic amáre dignátus es, ut laváres nos a peccátis nostris in Sanguine tuo: doce me servum tuum indígnum, quem inter cétera dona tua étiam ad officium sacerdotále vocáre dignátus es, nullis meis méritis, sed sola dignatione misericórdiæ tuæ; doce me, quæso, per Spíritum sanctum tuum, tantum tractáre mystérium ea reveréntia et honóre, ea devotiône et timóre, quibus opórtet et decet. Fac me per grátiam tuam semper illud de tanto mystério crédere et intelligere, sentíre et fírmiter tenére, dícere et cogitáre, quod tibi placet, et expedit animæ meæ. Intret spíritus tuus bonus in cor meum, qui sonet ibi sine sono, et sine strépitu verbórum loquátur omnem veritátem. Profúnda quippe sunt nimis, et sacro tecta velámine. Propter magnam cleméntiam tuam concéde mihi Missárum solémnia mundo corde, et pura mente celebráre. Líbera cor meum ab immúndis et nefándis, vanis et nóxiis cogitatióibus. Muni me beatórum Angelórum pia et fida custódia, ac tutéla fortíssima, ut hostes ómnium bonórum confúsi discédant. Per virtútem tanti mystérii, et per manum sancti Angeli tui repélle a me, et a cunctis servis tuis duríssimum spíritum supérbiæ, et cenodóxiæ, invidiæ et blasphemíæ, fornicatiónis et immun-dítiæ, dubietátis et diffidéntiæ. Confundántur, qui nos persequúntur: pér-eant illi, qui nos pérdere festínant.

#### Feria Secunda.

**R**ex vírginum, et amátor castitátis et integritátis, cœlésti rore benedicti-  
onis tuæ exstíngue in corpore meo fómitem ardéntis libidinis, ut máneat in me tenor castitátis corporis et animæ. Mortífica in membris meis carnis stímulos, omnésque libidinósas commoti-  
ones, et da mihi veram et perpétuam castitátem cum céteris donis tuis, quæ tibi placent in veritáte: ut sacri-

ficiū laudis casto corpore, et mundo corde váleam tibi offerre. Quanta enim cordis contritióne et lacrimárum fonte, quanta reveréntia et tremóre, quanta corporis castitáte et animæ puritáte istud divínium et cœléste sacrificiū est celebrándum, ubi Caro tua in veritáte súmitur, ubi Sanguis tuus in veritáte bíbitur, ubi ima summis, terréna divínis jungúntur, ubi adest sanctórum Angelórum præsentia, ubi tu es Sacrificiū et Sacerdos mirábiliter et inef-fábiliter constitútus!

#### Feria Tertia.

**Q**uis digne hoc Sacrificiū celebráre póterit, nisi tu Deus omnípotens offeréntem féceris dignum? Scio Dómine, et vere scio, et idípsum pietáti tuæ confíteor, quia non sum dignus accé-  
dere ad tantum mystérium propter ní-mia peccáta mea, et infinítas negligén-tias meas. Sed scio, et veráciter ex toto corde meo credo, et ore confíteor, quia tu potes me fácere dignum, qui solus potes fácere mundum de immúndo concéptum sémine, et de peccatóribus justos et sanctos. Per hanc omni-poténtiam tuam te rogo, Deus meus, ut concédas mihi peccatóri hoc sacri-ficiū celebráre cum timóre et tre-móre, cum cordis puritáte et lacrimárum fonte, cum lætítia spiritali et cœ-lésti gaúdio. Séntiat mens mea dulcédinem beatíssimæ præsentíæ tuæ, et excúbias sanctórum Angelórum tuórum in circúitu meo.

#### Feria Quarta.

**E**go enim, Dómine, memor venerán-dæ passiónis tuæ accédo ad altáre tuum, licet peccátor, ut offeram tibi sacrificiū, quod tu instituísti, et of-férri præcepísti in commemoratióem tui, pro salúte nostra. Súscipe illud, quæso, summe Deus, pro Ecclésiá sancta tua, et pro pópulo, quem acquisivísti sanguine tuo. Et quóniam me peccatórem inter te et eúmdem pópulum tuum médium esse voluísti, licet

in me áliquod boni óperis testimónium non agnóscas, officium saltem dispensationis crédito non recúses, nec per me indignum eórum salutis péreat prétium, pro quibus víctima salutáris dignátus es esse, et redemptio. Prófero étiam, Dómine (si dignéris propítius intuéri), tribulationes plébum, perícula populórum, captivórum gémitus, misérias orphanórum, necessitátes peregrinórum, inópiam debílium, desperationes languéntium, deféctus senum, suspíria júvenum, vota vírginum, láménta viduárum.

#### Feria Quinta.

**T**u enim miseréris ómnium, Dómine, et nihil odísti eórum quæ fecísti. Memoráre, quæ sit nostra substántia: quia tu Pater noster es, quia tu Deus noster es, ne irascáris satis, neque multitudinem víscerum tuórum super nos contíneas. Non enim in justificatióibus nostris prostérnimus preces ante fáciem tuam, sed in miseratióibus tuis multis. Aufer a nobis iniquitátes nostras, et ignem sancti Spíritus in nobis cleménter accénde. Aufer cor lapídeum de carne nostra, et da nobis cor cárneum, quod te amet, te díligat, te delectétur, te sequátur, te perfruátur. Orámus, Dómine, cleméntiam tuam, ut seréno vultu familiam tuam, sacri tui nóminis officia præstolántem, aspícere dignéris: et ut nullus sit írritum votum, nullus vácuá postulátio, tu nobis preces súggere, quas ipse propítius audíre, et exaudíre delectéris.

#### Feria Sexta.

**R**ogámus étiam te, Dómine sancte Pater, et pro spirítibus fidélium defunctorum: ut sit illis salus, sánitas, gáudium et refrigerium, hoc magnum pietátis sacraméntum. Dómine Deus meus, sit illis hódie magnum et plenum convivium de te pane vivo, qui de cœlo descendísti, et das vitam mundo, de tua Carne sancta et benedícta, Agni

vidélicet immaculáti, qui tollis peccáta mundi, quæ de sancto et glorióso beátæ Virgínis Mariæ útero est assumpta, et de Spíritu sancto concépta; ac de illo pietátis fonte, qui per lanceam militis ex tuo sacratíssimo látere emanávit: ut exínde refécti et satiáti, refrigeráti et consoláti exsúltent in laude et glória tua. Peto cleméntiam tuam, Dómine, ut descendat super panem tibi sacrificándum plenitúdo tuæ benedictiónis, et sanctificátio tuæ divinitátis. Descéndat étiam, Dómine, illa sancti Spíritus tui invisibilis, incomprehensibilisque majéstas, sicut quondam in patrum hóstias descendébat: qui et oblatiões nostras Corpus et Sánguinem tuum efficiat, et me indignum sacerdotem dóceat tantum tractáre mystérium cum cordis puritáte et lacrimárum devotiõe, cum reveréntia et tremóre, ita ut plácide ac benígne suscépias sacrificium de manibus meis ad salutem ómnium tam vivórum, quam defunctorum.

#### Sabbato.

**R**ogo étiam te, Dómine, per ipsum sacrosáctum mystérium Córporis et Sánguinis tui, quo quotidie in Ecclesia tua páscimur et potámur, abluimur et sanctificámur, atque unius summæ divinitátis partícipes efficimur: da mihi virtútes tuas sanctas, quibus replétus, bona consciéntia ad altáre tuum accédam, ita ut hæc cœlestia sacraménta efficiántur mihi salus et vita. Tu enim dixísti ore tuo sancto et benedicto: Panis, quem ego dabo, caro mea est pro mundi vita: Ego sum panis vivus, qui de cœlo descendi: Si quis manducáverit ex hoc pane, vivet in ætérnum. Panis dulcíssime, sana palátum cordis mei, ut sentiam suavitátem amóris tui. Sana illud ab omni languóre, ut nullam præter te sentiam dulcedinem. Panis candidíssime, habens omne delectaméntum et omnem sapórem, qui nos semper ré-



ficis, et numquam in te deficiis: com-  
 edat te cor meum, et dulcedine sapo-  
 ris tui repleantur viscera animæ meæ.  
 Manducat te Angelus ore pleno: man-  
 ducet te peregrinus homo pro modulo  
 suo, ne deficere possit in via, tali re-  
 creatus viatico. Panis sancte, panis  
 vive, panis munde, qui descendisti de  
 cœlo, et das vitam mundo, veni in cor  
 meum, et munda me ab omni iniqui-  
 tamento carnis et spiritus. Intra in  
 animam meam, sana et munda me in-  
 terius et exterius. Esto tutamen, et  
 continua salus animæ et corporis mei.  
 Repelle a me insidiantes mihi hostes:  
 recedant procul a præsentia potentiae  
 tuæ, ut foris et intus per te munitus,  
 recto tramite ad tuum regnum pervē-  
 niam: ubi non in mysteriis, sicut in  
 hoc tempore agitur, sed facie ad fa-  
 ciem te videbimus, cum tradideris re-  
 gnum Deo et Patri, et eris Deus omnia  
 in omnibus. Tunc enim me de te sa-  
 tiabis satietate mirifica, ita ut nec esu-  
 riam, nec sitiam in æternum. Qui cum  
 eodem Deo Patre et Spiritu sancto  
 vivis et regnas, per omnia sæcula sæ-  
 culorum. Amen.

### Alia Oratio ante Missam.

Indulg. 100 dierum.

Leo PP. XIII. 20. Dec. 1884.

**A**d mensam dulcissimi convivii tui,  
 pie Dómine Jesu Christe, ego pec-  
 cator de propriis meis méritis nihil  
 præsumens, sed de tua confidens mi-  
 sericórdia et bonitate, accédere véreor,  
 et contremísco. Nam cor et corpus  
 hábeo multis criminibus maculatum,  
 mentem, et linguam non caute custo-  
 ditam. Ergo, o pia Déitas, o tremén-  
 da Majestas, ego miser inter angustias  
 deprehensus, ad te fontem misericór-  
 diæ recúrro, ad te festino sanándus,  
 sub tuam protectionem fúgio: et quem  
 Júdicem sustinere néqueo, Salvátorem  
 habere suspiro. Tibi Dómine plagas  
 meas osténdo: tibi verecúndiam meam  
 détego. Scio peccáta mea multa et ma-

gna, pro quibus timeo. Spero in mi-  
 sericórdias tuas, quarum non est nú-  
 merus. Réspice ergo in me óculis mi-  
 sericórdiæ tuæ, Dómine Jesu Christe,  
 Rex ætérne, Deus et homo, crucifixus  
 propter hóminem. Exaúdi me sperán-  
 tem in te: miserere mei pleni misériis  
 et peccátis, tu qui fontem miseratiónis  
 numquam manare cessabis. Salve, sa-  
 lutáris víctima, pro me et omni humá-  
 no génere in patíbulo Crucis oblata.  
 Salve, nóbilis et pretióse Sanguis de  
 vulneribus crucifixi Dómini mei Jesu  
 Christi prófluens, et peccáta totius  
 mundi ábluens. Recordáre Dómine  
 creaturæ tuæ, quam tuo Sanguine  
 redemisti. Pœnitet me peccasse, cú-  
 pio emendare quod feci. Aufer ergo  
 a me, clementissime Pater, omnes ini-  
 quitates et peccáta mea: ut purificá-  
 tus mente et corpore digne degustare  
 mérear Sancta Sanctorum: et concède,  
 ut hæc sancta prælibatio Corporis et  
 Sanguinis tui, quam ego indignus sú-  
 mere intendo, sit peccatorum meorum  
 remissio, sit delictorum perfectá pur-  
 gatio, sit turpium cogitatorum effu-  
 gatio, ac bonorum sensuum regenera-  
 tio, operumque tibi placentium salu-  
 bris efficácia, animæ quoque et cor-  
 poris contra inimicorum meorum insi-  
 dias firmíssima tuítio. Amen.

### Oratio S. Thomæ Aquinatis.

Indulg. 100 dierum.

Leo PP. XIII. 20. Dec. 1884.

**O**mnípotens sempitérne Deus, ecce  
 accédo ad sacramentum unigéniti  
 Filii tui Dómini nostri Jesu Christi:  
 accédo tamquam infirmus ad medicum  
 vitæ, immúndus ad fontem misericór-  
 diæ, cæcus ad lumen claritátis ætér-  
 næ, pauper et egénus ad Dóminum  
 cœli et terræ. Rogo ergo imménsæ  
 largitátis tuæ abundántiam, quatenus  
 meam curare dignéris infirmitatem, la-  
 vare foeditatem, illuminare cæcitatē,  
 ditare paupertatem, vestire nuditatem:  
 ut panem Angelorum, Regem regum,

et Dóminum dominántium, tanta suscipiam reveréntia et humilitáte, tanta contritióne et devotióne, tanta puritáte et fide, tali propósito et intentione, sicut expedit salúti animæ meæ. Da mihi, quæso, Domínici cõrporis et sânguinis non solum suscipere sacraméntum, sed étiam rem et virtútem sacraménti. O mitíssime Deus, da mihi corpus unigéniti Fílii tui Dómini nostri Jesu Christi, quod traxit de Virgine María, sic suscipere, ut cõrpori suo mýstico mérear incorporári, et inter ejus membra connumerári. O amantíssime Pater, concéde mihi diléctum Fílium tuum, quem nunc velátum in via suscipere propóno, reveláta tandem fácie perpétuo contemplári. Qui tecum vivit, et regnat in unitáte Spíritus sancti Deus, etc.

#### Oratio ad B. M. V. ante Missam.

Indulg. 100 dierum.

Leo PP. XIII. 17. Febr. 1883.

**O** Mater pietátis et misericórdiæ, beatíssima Virgo María, ego miser et indignus peccátor ad te confúgio toto corde et afféctu, et precor pietátem tuam: ut sicut dulcíssimo Fílio tuo in cruce pendénti astitisti, ita et mihi misero peccatóri, et sacerdotibus ómnibus hic et in tota sancta Ecclésia hódie offeréntibus, cleménter assistere dignéris, ut tua grátia adjúti, dignam et acceptábilem hóstiam in conspéctu summæ et indivíduæ Trinitátis offerre valeámus. Amen.

#### Oratio ad S. Josephum.

Indulg. 100 dierum.

Pius IX. 4. Febr. 1877.

**O** felicem virum beátum Joseph, cui datum est, Deum, quem multi reges voluérunt vidére, et non vidérunt, audíre, et non audiérunt, non solum vidére et audíre, sed portáre, deosculári, vestíre et custodíre.

**V.** Ora pro nobis beáte Joseph.  
**R.** Ut digni efficiámur promissiõibus Christi.

Orémus.

**D**eus, qui dedísti nobis regále sacerdotium, præsta quæsumus, ut sicut beátus Joseph unigénitum Fílium tuum natum ex María Virgine, suis mánibus reverénter tractáre méruit et portáre, ita nos fácias cum cordis mundítia et óperis innocéntia tuis sanctis altáribus deservíre, ut sacrosáctum Fílii tui Corpus et Sânguinem hódie digne sumámus, et in futúro sæculo præmium habére mereámur ætérnum. Per Christum Dóminum nostrum. Amen.

#### Oratio ad omnes Angelos et Sanctos.

Indulg. 100 dierum.

Leo PP. XIII. 20. Dec. 1884.

**A**ngeli, Archángeli, Throni, Dominationes, Principátus, Potestátes, Virtútes cœlórum, Chérubim, atque Séraphim, omnes Sancti, et Sanctæ Dei, præsertim Patróni mei, intercédere dignémini pro me, ut hoc Sacrificium Deo omnipoténti digne váleam offerre ad laudem et glóriam nóminis sui, et ad utilitátem meam, totiúsque Ecclésiæ suæ sanctæ. Amen.

#### O r a t i o

tantummodo dicenda quando Sacerdos in honorem Sancti, vel Beati Missam celebrat.

Indulg. 100 dierum.

Leo PP. XIII. 20. Dec. 1884.

**O** sancte N., ecce ego miser peccátor, de tuis méritis confísus, offero nunc sacratíssimum Sacraméntum Cõrporis et Sânguinis Dómini nostri Jesu Christi pro tuo honóre et glória. Precor te humíliter et devóte, ut pro me intercédere dignéris, ut tantum Sacrificium digne et acceptábiliter offerre váleam, ut eum tecum, et cum ómnibus eléctis ejus æternáliter laudáre, atque cum eo regnáre váleam. Qui vivit et regnat in sæcula sæculórum. Amen.

# Protestatio facienda ante Missam.

Indulg. 50 dierum, Gregorius PP. XIII.

**E**go volo celebrare Missam, et conficere Corpus et Sanguinem Domini nostri Jesu Christi, juxta ritum sanctae Romanae Ecclesiae, ad laudem omnipotentis Dei, totiusque curiae triumphantis, ad utilitatem meam, totiusque curiae militantis, pro omnibus, qui se

commendaverunt orationibus meis in genere et in specie, et pro felici statu sanctae Romanae Ecclesiae. Amen.

**G**audium cum pace, emendationem vitae, spatium verae poenitentiae, gratiam et consolationem sancti Spiritus, perseverantiam in bonis operibus, tribuat nobis omnipotens et misericors Dominus. Amen.

## GRATIARUM ACTIO POST MISSAM.

**A**ntiphona. Trium puerorum \* canteamus hymnum: quem cantabant sancti in camino ignis, benedicentes Dominum.

Quae Antiphona in Festis Duplicibus tantum duplicatur, et tempore Paschali additur in fine Allelúja.

Canticum trium puerorum. Dan. 3.

**B**enedicite omnia opera Domini Domino: \* laudate et superexaltate eum in saecula.

Benedicite Angeli Domini Domino: \* benedicite caeli Domino.

Benedicite aquae omnes, quae super caelos sunt, Dño: \* benedicite omnes virtutes Domini Domino.

Benedicite sol et luna Domino: \* benedicite stellae caeli Domino.

Benedicite omnis imber et ros Domino: \* benedicite omnes spiritus Dei Domino.

Benedicite ignis et aestus Domino: \* benedicite frigus et aestus Domino.

Benedicite rores et pruina Domino: \* benedicite gelu et frigus Domino.

Benedicite glacies et nives Domino: \* benedicite noctes et dies Domino.

Benedicite lux et tenebrae Domino: \* benedicite fulgura et nubes Domino.

Benedicat terra Dominum: \* laudet et superexaltet eum in saecula.

Benedicite montes et colles Domino: \* benedicite universa germinantia in terra Domino.

Benedicite fontes Domino: \* benedicite maria et flumina Domino.

Benedicite cete, et omnia, quae moventur in aquis, Domino: \* benedicite omnes volucres caeli Domino.

Benedicite omnes bestiae et pecora Domino: \* benedicite filii hominum Domino.

Benedicat Israël Dominum: \* laudet et superexaltet eum in saecula.

Benedicite sacerdotes Domini Domino: \* benedicite servi Domini Dño.

Benedicite spiritus, et animae justorum Domino: \* benedicite sancti et humiles corde Domino.

Benedicite Anania, Azaria, Misaël Domino: \* laudate et superexaltate eum in saecula.

Benedicamus Patrem, et Filium cum sancto Spiritu: \* laudemus et superexaltemus eum in saecula.

Benedictus es Domine in firmamento caeli: \* et laudabilis, et gloriosus, et superexaltatus in saecula.

Psalmus 150.

**L**audate Dñm in sanctis ejus: \* laudate eum in firmamento virtutis ejus.

Laudate eum in virtutibus ejus: \* laudate eum secundum multitudinem magnitudinis ejus.

Laudate eum in sono tubae: \* laudate eum in psalterio, et cithara.

Laudate eum in tympano, et choro: \* laudate eum in chordis, et organo.

Laudáte eum in cýmbalis benesonántibus: laudáte eum in cýmbalis jubilatiónis: \* omnis spíritus laudet Dñm. Glória Patri.

Ant. Trium puerórum cantémus hymnum: quem cantábant Sancti in camíno ignis, benedicéntes Dóminum.

Kýrie eléison. Christe eléison. Kýrie eléison. Pater noster.

V. Et ne nos indúcas in tentatiónem.

R. Sed libera nos a malo.

V. Confiteántur tibi Dñe ómnia ópera tua. R. Et sancti tui benedicant tibi.

V. Exsultábunt sancti in glória.

R. Lætábuntur in cubilibus suis.

V. Non nobis Dómine, non nobis.

R. Sed nómini tuo da glóriam.

V. Dómine exaúdi oratióem meam.

R. Et clamor meus ad te véniat.

V. Dóminus vobíscum.

R. Et cum spíritu tuo.

Orémus.

**D**eus, qui tribus púeris mitigásti flammás ignium: concéde propítius; ut nos fámulos tuos non exúrat flamma vitiórum.

**A**ctiões nostras, quæsumus Dómine, aspirándo præveni, et adjuvándo proséquere; ut cuncta nostra orátio et operátio a te semper incípiat, et per te cœpta finiátur.

**D**a nobis, quæsumus Dómine, vitiórum nostrórum flańas exstínguere, qui beáto Lauréntio tribuísti tormentórum suórum incéndia superáre. Per Christum Dóminum nostrum. R. Amen.

Sacerdos, qui post antecedentes Canticum, Psalmum, Ant. Versic. et Orationes recitat sequ. duas Orationes, quarum altera S. Thomæ Aquin. est, altera S. Bonaventuræ, lucratur Indulgentiam *unius anni*. (Leo XIII. 20. Dec. 1884.)

### Oratio S. Thomæ Aquinatis.

**G**ratias tibi ago, Dómine sancte, Pater omnipotens, ætérne Deus, qui me peccatórem indígnum fámulum tuum, nullis meis méritis, sed sola dignatióne misericórdiæ tuæ, satiáre dignátus es pretiósó corpóre et sángu-

ne Filii tui Dómini nostri Jesu Christi: et precor ut hæc sancta commúnio non sit mihi reátus ad pœnam, sed intercessio salutáris ad véniam: sit mihi armatúra fidei, et scutum bonæ voluntátis: sit vitiórum meórum evacuátio, concupiscéntiæ et libidinis exterminátio, caritátis et paciéntiæ, humilitátis et obediéntiæ, omniúmque virtútum augmentátio, contra insídias inimicórum ómnium tam visibílium quam invisibílium firma defénsio, mótuum meórum tam carnálium quam spirituálium perfécta quietátio, in te uno ac vero Deo firma adhæsió, atque finis mei felix consummátio. Et precor te ut ad illud ineffábile convívium me peccatórem perdúcere dignéris, ubi tu cum Filio tuo et Spíritu sancto sanctis tuis es lux vera, satietas plena, gáudium sempitérnum, jucúnditas consummáta, et felicitas perfécta. Per eúmdem Christum Dóminum nostrum. Amen.

### Oratio S. Bonaventuræ.

**T**ransfíge, dulcíssime Dómine Jesu, medúllas, et víscera ánimæ meæ suavíssimo ac salubérrimo amóris tui vúlnerē, vera, serenáque et apostólica sanctíssima caritáte, ut lángueat, et liquefiat ánima mea solo semper amóre et desidério tui, te concupíscat, et deficiat in átria tua, cúpiat dissólvi, et esse tecum. Da ut ánima mea te esúriat, panem Angelórum, refectiódinem animárum sanctárum, panem nostrum quotidiánum, supersubstantiálem, habéntem omnem dulcédinem, et sapórem, et omne delectaméntum suavitátis: te, in quem desidérant Angeli prospícere, semper esúriat, et cómedat cor meum, et dulcédine sapóris tui repleántur víscera ánimæ meæ: te semper sítiat fontem vitæ, fontem sapiéntiæ et sciéntiæ, fontem ætérni lúminis, torréntem voluptátis, ubertátē domus Dei: te semper ámbiat, te quærat, te invéniat, ad te tendat, ad te pervéniat, te meditétur, te loquátur, et

omnia operétur in laudem, et glóriam  
nóminis tui, cum humilitáte et discre-  
tione, cum dilectione et delectatione,  
cum facilitáte et afféctu, cum perseve-  
rantia usque in finem: et tu sis solus  
semper spes mea, tota fidúcia mea,  
divitiæ meæ, delectatio mea, jucúndi-  
tas mea, gáudium meum, quies et  
tranquillitas mea, pax mea, suávitás  
mea, odor meus, dulcédo mea, cibus  
meus, refectio mea, refúgium meum,  
auxílium meum, sapiéntia mea, pórtio  
mea, posséssio mea, thesáurus meus,  
in quo fixa, et firma, et immobiliter  
semper sit radicáta mens mea, et cor  
meum. Amen.

### Rhythmus S. Thomæ ad sacram Eucharistiam.

Indulg. 100 dierum.

Leo PP. XIII. 20. Dec. 1884.

**A**dóro te devóte, latens Déitas,  
Quæ sub his figúris vere látitas:  
Tibi se cor meum totum súbjicit,  
Quia te contémpfans, totum déficit.

Visus, tactus, gustus in te fállitur,  
Sed audíto solo tuto créditur.  
Credo quidquid dixit Dei Fílius,  
Nil hoc verbo veritátis vérius.

In cruce latébat sola Déitas,  
At hic latet simul et humánitas:  
Ambo tamen credens, atque cónfi-  
tens,


Peto quod petívit latro pœnitens.

Plagas, sicut Thomas, non intúeor:  
Deum tamen meum te confíteor.  
Fac me tibi semper magis crédere,  
In te spem habére, te diligere.

O memoriále mortis Dómini,  
Panis vivus vitam præstans hómini,  
Præsta meæ menti de te vívere,  
Et te illi semper dulce sápere.

Pie pellicáne Jesu Dómine,  
Me immúndum munda tuo ságuine:  
Cujus una stilla salvum fácere  
Totum mundum quit ab omni scé-  
lere.

Jesu, quem velátum nunc aspício:  
Oro fiat illud, quod tam sítio:  
Ut te reveláta cernens fácie,  
Visu sim beátus tuæ glóriæ.  
Amen.



### Oratio

coram imagine Crucifixi.

Indulg. plenar.

Pius IX. 31. Julii 1858.

**E**n ego, o bone et dulcíssime Jesu,  
ante conspéctum tuum génibus me  
provólvo ac máximo ánimi ardóre te  
oro atque obtéstor, ut meum in cor  
vívidos fídei, spei et caritátis sensus,  
atque veram peccatórum meórum pœ-  
niténtiam, éaque emendándi firmíssi-  
mam voluntátem velis imprimere: dum  
magno ánimi afféctu et dolóre tua quin-  
que vúlnera mecum ipse consídero, ac  
mente contémplo, illud præ óculis ha-  
bens, quod jam in ore ponébat suo Da-  
vid Prophéta de te, o bone Jesu: Fo-  
dérunt manus meas et pedes meos. Di-  
numeravérunt ómnia ossa mea. Ps. 21.

**Oratio ad Dominum Jesum Christum.**

Post Missam recit. Indulg. 3 annorum.

Pius IX. 11. Dec. 1846.

**O**bsacro te, dulcissime Dómine Jesu Christe, ut pássio tua sit mihi virtus qua múnar, prótegar, atque deféndar: vúlnera tua sint mihi cibus, potúsque, quibus pascar, inébrier, atque delécter: aspérsio sanguíinis tui sit mihi ablútio ómnium delictórum meórum: mors tua sit mihi glória sempitérna. In his sit mihi reféctio, exultátio, sánitas et dulcédo cordis mei: Qui vivis et regnas in sácula sæculórum. Amen.

**Aspirationes**

S. Ignatii ad Ss. Redemptorem.

Post Missam Indulg. 7 annorum semel in die; aliter 300 dierum toties quoties. Indulg. plenar. semel in mense, si hæc Oratio quotidie recitatur. Pius IX.

9. Jan. 1854.

**A**nima Christi sanctifica me. Corpus Christi salva me. Sanguis Christi inébria me. Aqua láteris Christi lava me. Pássio Christi confórta me. O bone Jesu, exaúdi me. Intra tua vúlnera absconde me. Ne permittas me separári a te. Ab hoste maligno defende me. In hora mortis meæ voca me. Et jube me veníre ad te, ut cum sanctis tuis laudem te in sácula sæculórum. Amen.

**Oblatio sui.**

Indulg. 300 dierum.

Leo PP. XIII. 26. Maji 1883.

**S**úscipe Dómine univérsam meam libertátem. Accipe memóriam, intellectum, atque voluntátem omnem. Quidquid hábeo, vel possídeo, mihi largítus es: id tibi totum restítuo, ac tuæ

prorsus voluntáti trado gubernándum. Amórem tui solum cum grátia tua mihi dones, et dives sum satis, nec áliud quidquam ultra posco.

**Oratio ad B. Mariam V.**

Indulg. 100 dierum.

Leo PP. XIII. 20. Dec. 1884.

**O** María, Virgo et Mater sanctíssima, ecce suscepí dilectíssimum Fílium tuum, quem immaculáto útero tuo concepísti, genuísti, lactásti, atque suavísimis ampléxibus strinxísti. Ecce, cujus aspéctu lætabáris, et ómnibus delíciis replebáris, illum ipsum tibi humíliter et amánte repræsentó, et ófferó tuis bráchiis constringéndum, tuo corde amándum sanctíssimæque Trinitáti in supréum latríæ cultum pro tui ipsíus honóre et glória, et pro meis, totiúsque mundi necessitatibus offeréndum. Rogo ergo te, piíssima Mater, impetra mihi véniam ómnium peccatórum meórum, uberémque grátiam ipsi deinceps fidélius serviéndi, ac dénique grátiam finálem, ut eum tecum laudáre possim per ómnia sácula sæculórum. Amen.

**Oratio ad S. Jōseph.**

Indulg. 100 dierum.

Pius IX. 4. Febr. 1877.

**V**irginum Custos, et Pater sancte Jōseph, cujus fidéli custódiæ ipsa Innocéntia Christus Jesus et Virgo Virginum María commissa fuit: Te, per hoc utrúmque caríssimum pignus Jesum et Mariám óbsacro et obtéstor, ut me ab omni immundítia præservátum, mente incontamináta, puro corde, et casto córpore Jesu et Mariæ semper fácias castíssime famulári. Amen.





## INDEX PSALMORUM.

|                                    |          |                                         |          |
|------------------------------------|----------|-----------------------------------------|----------|
| 119 Ad Dominum.                    | pag. 111 | 114 Dilexi, quoniam.                    | pag. 111 |
| 27 Ad te Domine clamabo.           | 42       | 17 Diligam te Domine.                   | 10       |
| 24 Ad te Domine levavi.            | 26       | 38 Dixi: Custodiam.                     | 54       |
| 122 Ad te levavi oculos meos.      | 113      | 109 Dixit Dominus.                      | 108      |
| 28 Afferte Domino.                 | 42       | 35 Dixit injustus.                      | 47       |
| 77 Attendite, popule meus.         | 78       | 13 Dixit insipiens . . . Dominus.       | 8        |
| 48 Audite hæc.                     | 59       | 52 Dixit insipiens . . . Deus.          | 63       |
| 118 Beati immaculati.              | 21       | 140 Domine clamavi.                     | 121      |
| 127 Beati omnes.                   | 115      | 7 Domine Deus meus.                     | 4        |
| 31 Beati quorum.                   | 44       | 87 Domine Deus salutis.                 | 87       |
| 40 Beatus qui intelligit.          | 55       | 8 Domine Dominus noster.                | 5        |
| 1 Beatus vir, qui non abiit.       | 3        | 142 Domine, exaudi . . . auribus.       | 92       |
| 111 Beatus vir, qui timet.         | 108      | 101 Domine exaudi . . . et clamor.      | 96       |
| 33 Benedicam Dominum.              | 46       | 20 Domine in virtute tua.               | 13       |
| 102 Benedic . . . et omnia.        | 97       | 6 Domine, ne in furore . . . Miserere.  | 4        |
| 103 Benedic . . . Domine.          | 98       | 37 Domine ne in furore . . . Quoniam.   | 49       |
| 143 Benedictus Dominus.            | 123      | 130 Domine non est exaltatum.           | 116      |
| 84 Benedixisti Domine.             | 86       | 138 Domine probasti me.                 | 120      |
| 91 Bonum est confiteri.            | 95       | 3 Domine, quid multiplicati.            | 4        |
| 95 Cantate Domino . . . cantate.   | 90       | 14 Domine, quis habitabit.              | 8        |
| 149 Cantate Domino . . . laus.     | 17       | 89 Domine, refugium.                    | 82       |
| 97 Cantate Domino . . . quia.      | 94       | 23 Domini est terra.                    | 26       |
| 18 Cœli enarrant.                  | 12       | 26 Dominus illuminatio.                 | 41       |
| 74 Confitebimur tibi.              | 77       | 22 Dominus regit me.                    | 27       |
| 110 Confitebor . . . in consilio.  | 108      | 92 Dominus regnavit, decorem.           | 15       |
| 9 Confitebor . . . narrabo.        | 5        | 96 Dominus regnavit, exsultet.          | 91       |
| 137 Confitebor . . . quoniam.      | 120      | 98 Dominus regnavit, irascantur.        | 94       |
| 106 Confitemini . . . Dicant.      | 102      | 133 Ecce nunc benedicite.               | 129      |
| 117 Confitemini . . . Dicat.       | 20       | 132 Ecce quam bonum.                    | 117      |
| 104 Confitemini . . . et invocate. | 99       | 58 Eripe me de inimicis meis.           | 65       |
| 105 Confitemini . . . Quis.        | 100      | 139 Eripe me Domine.                    | 121      |
| 135 Confitemini . . . quoniam.     | 118      | 44 Eructavi cor meum.                   | 57       |
| 15 Conserva me Domine.             | 9        | 144 Exaltabo te Deus.                   | 123      |
| 115 Credidi.                       | 111      | 29 Exaltabo te Domine.                  | 43       |
| 4 Cum invocarem.                   | 128      | 63 Exaudi . . . cum deprecor.           | 67       |
| 129 De profundis.                  | 116      | 60 Exaudi Deus deprecationem meam.      | 66       |
| 43 Deus auribus nostris.           | 56       | 54 Exaudi Deus orationem meam.          | 63       |
| 49 Deus deorum Dominus.            | 60       | 16 Exaudi Domine.                       | 9        |
| 62 Deus Deus meus ad te.           | 16       | 19 Exaudiat te Dominus.                 | 13       |
| 21 Deus Deus meus respice.         | 28       | 39 Exspectans exspectavi.               | 54       |
| 69 Deus in adjutorium.             | 73       | 80 Exsultate Deo.                       | 84       |
| 53 Deus in nomine tuo.             | 20       | 32 Exsultate justi.                     | 45       |
| 71 Deus iudicium tuum.             | 74       | 67 Exsurgat Deus.                       | 68       |
| 108 Deus laudem meam.              | 104      | 86 Fundamenta ejus.                     | 87       |
| 66 Deus misereatur nostri.         | 16       | 85 Inclina Domine.                      | 87       |
| 45 Deus noster refugium.           | 58       | 125 In convertendo.                     | 114      |
| 82 Deus quis similis erit tibi.    | 85       | 10 In Domino confido.                   | 7        |
| 59 Deus repulisti nos.             | 66       | 113 In exitu Israël.                    | 109      |
| 81 Deus stetit.                    | 85       | 30 In te Domine speravi . . . accelera. | 43       |
| 78 Deus venerunt gentes.           | 80       | 70 In te Dñe speravi . . . et salva me. | 73       |
| 93 Deus ultionum.                  | 90       |                                         |          |

|     |                                 |         |     |                             |         |
|-----|---------------------------------|---------|-----|-----------------------------|---------|
| 65  | Jubilare Deo . . . psalmum.     | pag. 67 | 61  | Nonne Deo.                  | pag. 67 |
| 99  | Jubilare Deo . . . servite.     | 15      | 75  | Notus in Judæa Deus.        | 77      |
| 34  | Judica Domine.                  | 46      | 46  | Omnes gentes plaudite.      | 58      |
| 42  | Judica me, Deus.                | 61      | 107 | Paratum cor meum.           | 103     |
| 25  | Judica me Domine.               | 27      | 72  | Quam bonus Israël Deus.     | 75      |
| 121 | Lætatus sum.                    | 113     | 83  | Quam dilecta.               | 86      |
| 145 | Lauda anima mea.                | 124     | 2   | Quare fremuerunt.           | 3       |
| 147 | Lauda Jerusalem.                | 125     | 41  | Quemadmodum.                | 56      |
| 148 | Laudate . . . de cœlis.         | 17      | 124 | Qui confidunt.              | 114     |
| 150 | Laudate . . . in sanctis.       | 18      | 51  | Quid gloriaris.             | 60      |
| 116 | Laudate Dñm omnes gentes.       | 111     | 90  | Qui habitat.                | 128     |
| 146 | Laudate Dominum, quoniam bonus. | 124     | 79  | Qui regis Israël.           | 81      |
| 134 | Laudate nomen Domini.           | 117     | 128 | Sæpe expugnaverunt me.      | 115     |
| 112 | Laudate pueri.                  | 109     | 68  | Salvum me fac Deus.         | 72      |
| 120 | Levavi oculos meos.             | 112     | 11  | Salvum me fac, Domine.      | 7       |
| 47  | Magnus Dominus.                 | 58      | 57  | Si vere utique.             | 65      |
| 131 | Memento Domine David.           | 117     | 136 | Super flumina.              | 119     |
| 56  | Miserere . . . miserere.        | 64      | 64  | Te decet hymnus.            | 70      |
| 55  | Miserere . . . quoniam.         | 64      | 12  | Usquequo, Domine.           | 7       |
| 50  | Miserere . . . secundum.        | 50      | 73  | Ut quid Deus.               | 76      |
| 100 | Misericordiam.                  | 96      | 94  | Venite, exsultemus.         | 2       |
| 88  | Misericordias Domini.           | 88      | 5   | Verba mea auribus percipe.  | 51      |
| 126 | Nisi Dominus.                   | 115     | 141 | Voce mea . . . deprecatus.  | 122     |
| 123 | Nisi quia Dominus.              | 114     | 76  | Voce mea . . . et intendit. | 77      |
| 36  | Noli æmulari.                   | 48      |     |                             |         |

## INDEX CANTICORUM.

|                         |          |                             |         |
|-------------------------|----------|-----------------------------|---------|
| Audite cœli.            | pag. 105 | Ego dixi.                   | pag. 61 |
| Benedicite omnia opera. | 16       | Exsultavit cor meum.        | 70      |
| Benedictus Dominus.     | 19       | Magnificat anima mea.       | 110     |
| Cantemus Domino.        | 83       | Nunc dimittis.              | 129     |
| Confitebor tibi Domine. | 51       | Quicumque vult salvus esse. | 22      |
| Domine audi vi.         | 92       | Te Deum laudamus.           | 14      |

## INDEX HYMNORUM.

|                          |          |                          |           |
|--------------------------|----------|--------------------------|-----------|
| Æterna Christi munera.   | pag. [4] | Christo profusum.        | pag. [36] |
| Æterna cœli gloria.      | 93       | Christe, sanctorum.      | [207]     |
| Æterne rerum Conditor.   | 18       | Cœli Deus sanctissime.   | 116       |
| Ales diei nuntius.       | 62       | Cœlestis urbs Jerusalem. | [112]     |
| A solis ortus cardine.   | 189      | Cœlitum Joseph.          | [218]     |
| Alto ex Olympi vertice.  | [121]    | Consors paterni luminis. | 54        |
| Aspice, infami.          | [236]    | Creator alme siderum.    | 132       |
| Aspice ut Verbum Patris. | [304]    | Crudelis Herodes.        | 249       |
| Audi, benigne Conditor.  | 354      | Deus, tuorum militum.    | [21]      |
| Audit tyrannus anxius.   | 204      | Egregie Doctor Paule.    | 448       |
| Aurora jam spargit.      | 107      | En clara vox redarguit.  | 136       |
| Ave maris stella.        | [135]    | Exite, Sion filiæ.       | [316]     |
| Beate Pastor Petre.      | 430      | Exsultet orbis gaudiis.  | [3]       |

|                                |            |                                   |            |
|--------------------------------|------------|-----------------------------------|------------|
| Festivis resonent.             | pag. [284] | Pange, lingua gloriosi.           | pag. [221] |
| Fortem virili pectore.         | [101]      | Præclara custos Virginum.         | 377        |
| Hominis superne Conditor.      | 122        | Præclara septem lumina.           | [285]      |
| Hujus oratu.                   | [101]      | Primo die, quo Trinitas.          | 2          |
| Immense cœli Conditor.         | 112        | Quem terra.                       | [135]      |
| Inclyti Patres.                | [290]      | Quodcumque in orbe.               | 426        |
| Invicte Martyr.                | [30]       | Rector potens.                    | 36         |
| Iste Confessor.                | [49]       | Rerum Creator optime.             | 62         |
| Jam lucis orto sidere.         | 19         | Rerum Deus tenax.                 | 38         |
| Jam nimis terris.              | [284]      | Rex gloriose Martyrum.            | [44]       |
| Jam sol recedit igneus.        | 125        | Regem tremendæ gloriæ.            | [293]      |
| Jesu, corona celsior.          | [75]       | Sacris solemnii.                  | [221]      |
| Jesu, corona Virginum.         | [85]       | Sævo dolorum turbine.             | [245]      |
| Jesu decus angelicum.          | 418        | Salvete, flores Martyrum.         | 207        |
| Jesu dulcis memoria.           | 413        | Sanctorum meritis.                | [35]       |
| Jesu Redemptor omnium, perpes. | [57]       | Somno reffectis artubus.          | 41         |
| Jesu Redemptor omnium, quem.   | 177        | Splendor paternæ gloriæ.          | 52         |
| Jesu Rex admirabilis.          | 413        | Summæ Parens clementiæ.           | 94         |
| Legis figuris pingitur.        | [321]      | Te Joseph celebrent.              | [211]      |
| Lucis Creator optime.          | 110        | Te lucis ante terminum.           | 129        |
| Lux ecce surgit aurea.         | 84         | Telluris alme Conditor.           | 115        |
| Magnæ Deus potentiæ.           | 119        | Te splendor, et virtus.           | [199]      |
| Martinæ celebri plaudite.      | 459        | Tu natale solum protege.          | 460        |
| Matris sub almæ.               | [290]      | Tu Trinitatis unitas.             | 84         |
| Memento, rerum Conditor.       | [152]      | Venit e cœlo mediator.            | [312]      |
| Mœrentes oculi.                | [236]      | Verbum supernum . . . e Patris.   | 133        |
| Nox atra rerum.                | 71         | Verbum supernum . . . nec Patris. | [233]      |
| Nox, et tenebræ.               | 71         | Veri tonantis.                    | [297]      |
| Nunc sancte nobis.             | 33         | Virginis proles . . . Hæc.        | [85]       |
| O gloriosa Virginum.           | [144]      | Virginis proles . . . Hujus.      | [86]       |
| O sola magnarum urbium.        | 258        |                                   |            |

## INDEX ALPHABETICUS

OMNIUM FESTORUM ET NOMINUM SANCTORUM  
HUIUS PARTIS HIEMALIS BREVIARIUM.

Signum \* denotat Festum pro aliquibus locis.

|                              | Dies    | pag.  |                               | Dies     | pag.  |
|------------------------------|---------|-------|-------------------------------|----------|-------|
| Agathæ, Virg. et Mart.       | 5 Febr. | 472   | * Catharinæ de Ricciis, Virg. | 13 Febr. | [291] |
| Agnetis, Virg. et Mart.      | 21 Jan. | 434   | Cathedræ S. Petri Romæ.       | 18 Jan.  | 426   |
| Agnetis sec., Virg. et Mart. | 28 "    | 456   | " " " Antiochiæ.              | 22 Febr. | 488   |
| Ambrosii, Ep., Cf. et Doct.  | 7 Dec.  | 374   | Circumcisio D. N. J. C.       | 1 Jan.   | 223   |
| Andreas, Apostoli.           | 30 Nov. | 356   | * Conradi Placentini Conf.    | 19 Febr. | [299] |
| Andreas Corsini, Ep. Cf.     | 4 Febr. | 471   | Conversio S. Pauli, Apost.    | 25 Jan.  | 448   |
| Antonii, Abbatis.            | 17 Jan. | 424   | Cyrilli, Episc. Alexandrini,  |          |       |
| Apolloniæ, Virg. Mart., Coñ. | 9 Febr. | 484   | Conf. et Doct.                | 9 Febr.  | 483   |
| Barbaræ, Virg. Mart., Coñ.   | 4 Dec.  | 371   | Damasi, Papæ Conf.            | 11 Dec.  | 392   |
| * " " " Festum.              | " "     | [250] | Dorotheæ, Vg. M., Comm.       | 6 Febr.  | 478   |
| Bibianæ, Virg. Mart.         | 2 "     | 366   | Emerentianæ, Vg. M., Coñ.     | 23 Jan.  | 445   |
| Blasii, Episc. Mart.         | 3 Febr. | 471   | Epiphania D. N. J. C.         | 6 "      | 249   |
| * " " "                      | " "     | [276] | — — Vigilia.                  | 5 "      | 244   |
| Canuti, Regis Mart.          | 19 Jan. | 431   | Eusebii, Episc. Mart.         | 16 Dec.  | 407   |
| Casimiri, Conf.              | 4 Mart. | 496   |                               |          |       |

|                                                    | Dies     | pag.  |                                       | Dies     | pag.  |
|----------------------------------------------------|----------|-------|---------------------------------------|----------|-------|
| Fabiani, Pp. et Sebastiani,<br>Martyrum.           | 20 Jan.  | 433   | Mathiæ, Apost. Evang. 24 vel 25 Febr. |          | 493   |
| Faustini et Jovitæ, Mm.                            | 15 Febr. | 487   | — — Vigilia.                          | " " "    | 492   |
| Felicis, Presbyteri et Mart.,<br>Commem.           | 14 Jan.  | 419   | Mauri, Abbatis, Commem.               | 15 Jan.  | 421   |
| Franciscæ, Viduæ Romanæ.                           | 9 Mart.  | 502   | Melchiadis I., Pp. M. Comm.           | 10 Dec.  | 389   |
| Francisci Salesii, Ep., Cf. D.                     | 29 Jan.  | 457   | Nativitatis D. N. J. C.               | 25 Dec.  | 177   |
| Francisci Xaverii, Conf.                           | 3 Dec.   | 368   | — — Vigilia.                          | 24 "     | 174   |
| * Fugæ D. N. J. C. in Ægyptū.                      | 17 Febr. | [293] | Nicolai, Episc. Conf.                 | 6 "      | 373   |
| * Genovefæ, Virg.                                  | 3 Jan.   | [267] | Nominis Jesu. Dom. II. p. Epiph.      |          | 412   |
| Gregorii I., Pp., Conf. Doct.                      | 12 Mart. | 506   | * Orationis D. N. J. Chr.             |          |       |
| Hilarii, Episc., Conf. Doct.                       | 14 Jan.  | 419   | Fer. III. p. Dom. Sept.               |          | [304] |
| * Hyacinthæ de Mariscottis,<br>Virg.               | 6 Febr.  | [282] | * Passionis D. N. J. Chr.             |          |       |
| Hygini, Pp. Mart., Commem.                         | 11 Jan.  | 411   | Fer. III. p. Dom. Sexag.              |          | [313] |
| Ignatii, Episc. Mart.                              | 1 Febr.  | 462   | Pauli, Apost. Conversio.              | 25 Jan.  | 448   |
| * Ildephonsi, Episc. Conf.                         | 23 Jan.  | [272] | Pauli, primi Eremitæ.                 | 15 "     | 421   |
| Innocentium Mart.                                  | 28 Dec.  | 204   | Perpetuæ et Felicitatis, Coñ.         | 7 Mart.  | 498   |
| * Joannæ Valesiæ, Viduæ.                           | 4 Febr.  | [278] | Petri Chrysologi, Ep., Cf. D.         | 4 Dec.   | 370   |
| Joannis, Apost. et Evang.                          | 27 Dec.  | 199   | Petri Damiani, Ep., Cf. D.            | 23 Febr. | 490   |
| Joannis Chrysostomi, Episc.,<br>Conf. Doct.        | 27 Jan.  | 455   | Petri Nolasco, Conf.                  | 31 Jan.  | 461   |
| Joannis de Deo, Conf.                              | 8 Mart.  | 500   | Polycarpi, Episc. Mart.               | 26 "     | 454   |
| Joannis de Matha, Conf.                            | 8 Febr.  | 481   | Priscæ, Virg. Mart., Comm.            | 18 "     | 426   |
| * Joannis Josephi a Cruce.                         | 5 Mart.  | [302] | Quadragesima Martyrum.                | 10 Mart. | 504   |
| * Juliani, Episc. et Conf.                         | 28 Jan.  | [274] | Raymundi de Peñafort. Cf.             | 23 Jan.  | 445   |
| * Lazari Resuscitati, Ep. Cf.                      | 17 Dec.  | [258] | Romualdi, Abbatis.                    | 7 Febr.  | 480   |
| Luciæ, Virg. Mart.                                 | 13 Dec.  | 396   | Sabbæ, Abbatis, Commem.               | 5 Dec.   | 372   |
| Lucii I., Pp. Mart., Commem.                       | 4 Mart.  | 496   | Saturnini, Mart., Commem.             | 29 Nov.  | 355   |
| Marcelli I., Papæ Mart.                            | 16 Jan.  | 423   | Scholasticæ, Virg.                    | 10 Febr. | 485   |
| * Margaritæ Corton., Pœnit.                        | 26 Febr. | [300] | * Septem Fundatorum Ord.              |          |       |
| * Mariæ V. B. Almæ Domus<br>Lauretanæ Translat.    | 10 Dec.  | [251] | Servor. B. M. V.                      | 11 Febr. | [284] |
| * Mariæ V. B. Desponsatio.                         | 23 Jan.  | [268] | Silvestri I., Papæ Conf.              | 31 Dec.  | 219   |
| * — — Exspect. part.                               | 18 Dec.  | [259] | Simeonis, Episc. Mart.                | 18 Febr. | 488   |
| — — Immac. Concept.                                | 8 Dec.   | 376   | * Spineæ Coronæ D. N. J. C.           |          |       |
| — — Purificatio.                                   | 2 Febr.  | 465   | Feria VI. post Cineres.               |          | [316] |
| Marii, Marthæ, Audifacis et<br>Abachum, Mm., Comm. | 19 Jan.  | 431   | Stephani, Protomartyris.              | 26 Dec.  | 193   |
| Martinæ, Virg. et Mart.                            | 30 "     | 459   | Telesphori, Pp. Mart. Coñ.            | 5 Jan.   | 244   |
| * Martyrum Japonens. XXVI                          | 5 Febr.  | [280] | Thomæ, Apost.                         | 21 Dec.  | 409   |
| * " omnium Comm.                                   | 26 Dec.  | [266] | Thomæ Cant., Episc. Mart.             | 29 Dec.  | 210   |
|                                                    |          |       | Thomæ de Aquino, Cf. D.               | 7 Mart.  | 497   |
|                                                    |          |       | Timothei, Episc. Mart.                | 24 Jan.  | 447   |
|                                                    |          |       | Titi, Episc. Conf.                    | 6 Febr.  | 478   |
|                                                    |          |       | Valentini, Presb. Mart.               | 14 Febr. | 487   |
|                                                    |          |       | Vincentii et Anastasii, Mart.         | 22 Jan.  | 444   |

## OFFICIA VOTIVA.

|                                   |            |                                   |            |
|-----------------------------------|------------|-----------------------------------|------------|
| De sanctis Angelis.               | pag. [199] | De Passione D. N. J. C.           | pag. [234] |
| " " Apostolis.                    | [209]      | " Immaculata Conceptione B. M. V. | [247]      |
| " S. Joseph Conf. Sponso B. M. V. | [211]      | Romæ. De Ss. Apostolis Petro et   |            |
| " Ss. Eucharist. Sacramento.      | [219]      | Paulo.                            | [247]      |



Die 11. Februarii.

In Festo

## Ss. Septem Fundatorum

Ordinis Servorum B. Mariæ Virg.

Duplex.

Omnia de Comm. Conf. non Pont.,  
præter sequentia.

### In I. Vesperis.

Ant. de Laud. Psalmi ut in I. Vesp.  
de Communi Apost.

Capit. 1. Petr. 4.

**C**arissimi: Comunicantes Chri-  
sti passionibus gaudete, ut  
et in revelatione gloriæ ejus  
gaudeatis exultantes.

Hymnus.

**B**ella dum late furerent, et urbes  
Cæde fraternæ gémerent cru-  
entæ,

Adfuit Virgo, nova semper e-  
dens

Múnera matris.

En vocat Septem Fámulos, fidèles  
Ut sibi in luctu, récolant dolóres,  
Quos tulit Jesus, tulit ipsa con-  
sors

Sub cruce Nati.

Illico parent Dóminæ vocánti:  
Spléndidis tectis opibúsque spre-  
tis,

Urbe secédunt procul in Senári  
Abdita montis.

Córpora hic pœnis crúciant acér-  
bis,

Sóntium labes hóminum piántes:  
Hic prece avértunt lacrimisque  
fusus

Núminis iram.

Pérdolens Mater fovet, atque amí-  
ctum

Ipsa lugúbrem monet induén-  
dum:

Agminis sancti pia cœpta sur-  
gunt

Mira patéscunt.

Palmes in bruma víridans honó-  
res

Núntiat patrum: próprios Mariæ  
Ore lacténti vócitant puélli  
Nómine Servos.

Sit decus Patri, genitæque Proli,  
Et tibi, compar utriúsque Virtus  
Spíritus semper, Deus unus, o-  
mni

Témporis ævo. Amen.

V. Hi viri misericórdiæ sunt,  
quorum pietátes non defuérunt.  
R. Semen eórum, et glória eórum  
non derelinquétur.

Ad Magnif. Ant. Non recédet  
laus tua, Virgo María, de ore hó-  
minum, qui mémoires fúerint vir-  
tútis Dómini in ætérnum, pro qui-  
bus non pepercísti ánimæ tuæ.

Oratio.

Dómine Jesu Christe, qui ad re-  
coléndam memóriam dolórum  
sanctíssimæ Genitrícis tuæ, per  
Septem beátos Patres nova Servó-  
rum ejus Família Ecclésiám tuam  
fœcundásti: concéde propítius; ita  
nos eórum consociári flétibus, ut  
perfruámur et gaúdiis: Qui vivis  
et regnas cum Deo Patre.

In Quadrag. commem. Feriæ.

### Ad Matutinum.

Invitat. Regem Confessorum Dó-  
minum \* Veníte adorémus.

Ps. Veníte exsultémus.

Hymnus.

Sic patres vitam péragunt in  
umbra,

Lília ut septem nívei decóris,  
Vírugini excélsæ bene grata, Pe-  
tro

Visa nitére.

Jamque divína rapién-te flamma,  
Cúrsitant urbes, loca quæque  
obérrant,

Si queant cunctis ánimis doló-  
res

Fígere Matris.

Hinc valent iras domuisse cæcas,  
Néscia et pacis fera corda jun-  
gunt,

Erigunt mœstos, révocant no-  
céntes

Dicta piórum.

At suos Virgo comitáta servos  
Evehit tandem súperas ad oras:  
Gémmeis sertis décorat per æ-  
vum

Omne beátos.

Eja nunc cœtus gémitum precántis  
Aúdiant, duros vídeant labóres:  
Semper et nostris fáveant bení-  
gno

Lúmine votis.

Sit decus Patri, genitæque Proli,  
Et tibi, compar utriúsque Virtus  
Spíritus semper, Deus unus o-  
mni

Témporis ævo.

Amen.

Antiphonæ et Psalmi trium Noctur-  
norum de Comuni Conf. non Pontif.

In I. Nocturno Lectiones de Scri-  
ptura occurrente.

In Quadragesima vero Lect. sequ.

De libro Ecclesiástici.

Lectio i.

Cap. 44.

**L**audémus viros gloriósos, et  
paréntes nostros in genera-  
tíone sua. Multam glóriam  
fecit Dóminus magnificéntia sua a  
sæculo. Dominántes in potestáti-  
bus suis, hómines magni virtúte,  
et prudéntia sua præditi, nuntián-  
tes in Prophétis dignitátem Pro-  
phetárum, et imperántes in præ-  
sénti pópulo, et virtúte prudéntiæ  
pópulis sanctíssima verba. In pe-  
rítia sua requiréntes modos músi-  
cos, et narrántes cármina scriptu-  
rárum.

R. Euge serve bone et fidélis,  
quia in pauca fuísti fidélis, supra  
multa te constitúam: \* Intra in  
gaúdium dómini tui. V. Dómine  
quinque talénta tradidísti mihi,



ecce alia quinque superlucratus sum. Intra.

Lectio ii.

**H**omines divites in virtute, pulchritudinis studium habentes: pacificantes in domibus suis. Omnes isti in generationibus gentis suae gloriam adepti sunt, et in diebus suis habentur in laudibus. Qui de illis nati sunt, reliquerunt nomen narrandi laudes eorum: et sunt quorum non est memoria: perierunt quasi qui non fuerint: et nati sunt, quasi non nati, et filii ipsorum cum ipsis.

R. Justus germinabit sicut lili-um: \* Et florebit in aeternum ante Dominum. V. Plantatus in domo Domini, in atriis domus Dei nostri. Et florebit.

Lectio iii.

**S**ed illi viri misericordiae sunt, quorum pietates non defuerunt: cum semine eorum permanent bona, hereditas sancta nepotes eorum et in testamentis stetit semen eorum: et filii eorum propter illos usque in aeternum manent: semen eorum et gloria eorum non derelinquetur. Corpora ipsorum in pace sepulta sunt, et nomen eorum vivit in generationem et generationem. Sapientiam ipsorum narrent populi, et laudem eorum nuntiet Ecclesia.

R. Iste cognovit justitiam, et vidit mirabilia magna, et exoravit Altissimum: \* Et inventus est in numero sanctorum. V. Iste est qui contempsit vitam mundi, et pervenit ad coelestia regna. Et. Gloria Patri. Et.

In II. Nocturno.

Lectio iv.

**S**aeculo tertio decimo, quum Friderici secundi diro schismate, cruentisque factionibus cultiores Italiae populi scinderentur, providens Dei misericordia praeter alios sanctitate illustres, septem e Florentina nobilitate viros suscitavit, qui in caritate conjuncti, praeclarum fraternae dilectionis praebarent exemplum. Hi, nimirum Bonfilius Monaldus, Bonajuncta Manettus, Manettus Antellensis, Amidus de Amidis, Uguccio Ugucconum, Sostenus de Sostenis et Alexius Falconerius, quum anno trigésimo tertio ejus saeculi, die sacra Virgini coelo receptae, in quodam piorum hominum conventu, Laudantium nuncupato, ferventius orarent; ab eadem Deipara singulis apparente sunt admoniti, ut sanctius perfectiusque vitae genus amplecterentur. Re itaque prius cum Florentino praesule collata, hi septem viri, generis nobilitate divitiisque posthabitis, sub vilissimis detritisque vestibus cilicio induti, octava die Septembris in ruralem quamdam aediculam secessere, ut ea die primordia vitae sanctioris auspicarentur, qua ipsa Dei Genitrix mortalibus orta sanctissimam vitam inceperat.

R. Honestum fecit illum Dominus, et custodivit eum ab inimicis, et a seductoribus tutavit illum: \* Et dedit illi claritatem aeternam. V. Justum deduxit Dominus per vias rectas, et ostendit illi regnum Dei. Et dedit.

## Lectio v.

**H**oc vitæ institutum quam sibi foret acceptum Deus miraculo ostendit. Nam quum paulo deinceps hi septem viri per Florentinam urbem ostiatim eleemosynam emendicaret, accidit ut repente infantium voce, quos inter fuit sanctus Philippus Benitius quintum ætatis mensem vix ingressus, Beata Mariæ Servi acclamaréntur: quo deinde nomine semper appellati sunt. Quare, vitandi populi occursus ac solitudinis amore ducti, in Senarii montis recessu omnes convenere, ibique cœleste quoddam vitæ genus aggressi sunt. Victitabant enim in speluncis, sola aqua herbisque contenti: vigiliis aliisque asperitatibus corpus atterebant: Christi passionem ac mostissimæ ejusdem Genitricis dolores assidue meditantes. Quod quum olim sacra Parascæves die impensius exsequeréntur, ipsa Beata Virgo illis iterato apparens, lûgbrem vestem, quam induerent, ostendit, sibique acceptissimum fore significavit, ut novum in Ecclesia regularem Ordinem excitarent, qui jugem recoleret ac promoveret memoriam dolorum, quos ipsa pertulit sub cruce Domini. Hæc sanctus Petrus, inclytus Ordinis Prædicatorum Martyr, ex familiari cum sanctis illis viris consuetudine ac peculiari etiam Deiparæ visione quum didicisset; iis auctor fuit, ut Ordinem Regularem sub appellatione Servorum beatae Virginis instituerent: qui postea ab Innocentio quarto Pontifice Máximo approbatus fuit.

R. Amavit eum Dominus, et ornavit eum: stolam gloriæ induit eum, \* Et ad portas paradisi coronavit eum. V. Induit eum Dominus lorica fidei, et ornavit eum. Et ad portas.

## Lectio vi.

**P**orro sancti illi viri, quum plures sibi socios adjunxissent, Italiæ civitates atque oppida, præsertim Etruriæ, excurrere cœperunt, prædicantes ubique Christum Crucifixum, civiles discordias compescentes, et innumeros fere devios ad virtutis semitam revocantes. Neque Italiam modo, sed et Galliam, Germaniam ac Poloniam suis evangélicis laboribus excoluerunt. Denique quum bonum Christi odorem longe lateque diffudissent, portentorum quoque gloria illustres, migrarunt ad Dominum. Sed quos unus veræ fraternitatis ac religionis amor in vita sociaverat, unum pariter demortuos contexit sepulchrum, unaque populi veneratio prosecuta est. Quapropter Clemens undecimus et Benedictus decimus tertius Pontifices Máximi delatum iisdem a pluribus sæculis individuum cultum confirmarunt: ac Leo decimus tertius, approbatis antea miraculis, post indulgentiam venerationem ad collectivam eorundem invocationem a Deo patratam, eosdem anno quinquagesimo sacerdotii sui Sanctorum honoribus cumulavit, eorumque memoriam Officio ac Missa in universa Ecclesia quotannis recolendam instituit.

R. Iste homo perfecit omnia quæ locutus est ei Deus, et dixit

ad eum: Ingrédere in réquiem meam: \* Quia te vidi justum coram me ex ómnibus géntibus. V. Iste est qui contémpsit vitam mundi, et pervénit ad coeléstia regna. Quia. Glória Patri. Quia.

In III. Nocturno.

Léctio sancti Evangélíi secúndum Matthæum.

Lectio vii. Cap. 19. d.

**I**n illo témpore: Dixit Petrus ad Jesum: Ecce nos reliquimus ómnia, et secúti sumus te: quid ergo erit nobis? Et réliqua.

Homília sancti Hierónymi Presbýteri.

Lib. 3. in Matth. cap. 19.

**G**randis fidúcia: Petrus piscátor erat, dives non fúerat, cibos manu et arte quærebat: et tamen lóquitur confidénter, Reliquimus ómnia. Et quia non súfficit tantum relínquere, jungit quod perféctum est: Et secúti sumus te. Fécimus quod jussisti: quid ígitur nobis dabis præmii? Jesus autem dixit illis: Amen dico vobis: quod vos qui secúti estis me, in regeneratióne, cum séderit Fílius hóminis in sede majestátis suæ, sedébitis et vos super sedes duódecim, judicántes duódecim tribus Israél. Non dixit, Qui reliquistis ómnia: hoc enim et Crates fecit philósophus, et multi álii divítias contempsérunt: sed, Qui secúti estis me: quod próprie Apostolórum est atque credéntium.

R. Iste est qui ante Deum magnas virtútes operátus est, et de omni corde suo laudávit Dóminum:

\* Ipse intercédát pro peccátis ómnium populórum. V. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse intercédát.

Lectio viii.

**I**n regeneratióne, cum séderit Fílius hóminis in sede majestátis suæ (quando et mórtui de corruptiÓne resúrgent incorrúpti), sedébitis et vos in sóliis judicántium, condemnántes duódecim tribus Israél: quia vobis credéntibus, illi credere noluérunt. Et omnis qui reliquerit domum, vel fratres, aut soróres, aut patrem, aut matrem, aut uxórem, aut fílios, aut agros propter nomen meum; céntuplum accípiet, et vitam ætérnam possidébit. Locus iste cum illa senténtia cóngruit, in qua Salvátor lóquitur: Non veni pacem mittere, sed gládium. Veni enim separáre hóminem a patre suo, et matrem a filia, et nurum a socru: et inimíci hóminis doméstici ejus. Qui ergo propter fidem Christi, et prædicatiÓnem Evangélíi, omnes afféctus contémpserint, atque divítias et sæculi voluptátes: isti céntuplum recípiant, et vitam ætérnam possidébunt.

R. Sint lumbi vestri præcíncti, et lucérnæ ardéntes in mánibus vestris: \* Et vos símiles homínibus expectántibus dóminum suum, quando revertátur a núptiis. V. Vigilate ergo, quia nescitis qua hora Dóminus vester ventúrus sit. Et. Glória Patri. Et.

In Quadrag. Lectio ix. de Homilia et commem. Feriæ in Laud.

## Lectio ix.

**E**x occasione hujus sententiæ quidam introducunt mille annos post resurrectionem, dicentes, tunc nobis centuplum omnium rerum quas dimisimus, et vitam æternam esse reddendam: non intelligentes, quod, si in ceteris digna sit repromissio, in uxoribus appareat turpitudine: ut qui unam pro Domino dimiserit, centum recipiat in futuro. Sensus ergo iste est: Qui carnalia pro Salvatore dimiserit, spiritalia recipiet: quæ comparatione et merito sui ita erunt, quasi si parvo numero centenarius numerus comparatur.

Te Deum laudamus.

## Ad Laudes

et per Horas.

Ant. 1. Domine quinque talenta  
\* tradidisti mihi: ecce alia quinque  
superlucratus sum.

Ps. Dominus regnavit.

2. Euge serve bone, \* in modico  
fidelis, intra in gaudium Domini tui.

3. Fidelis servus \* et prudens,  
quem constituit Dominus super  
familiam suam.

4. Beatus ille servus, \* quem  
cum venerit Dominus ejus, et pul-  
saverit januam, invenerit vigilan-  
tem.

5. Serve bone \* et fidelis, intra  
in gaudium Domini tui.

Capitulum.

1. Petr. 4.

**C**arissimi: Communicantes Chri-  
sti passionibus gaudete, ut et  
in revelatione gloriæ ejus gaudeatis  
exultantes.

Hymnus.

**M**atris sub almæ numine  
Septena proles nascitur:

Ipsa vocante, ad arduum  
Tendit Senari verticem.

Quos terra fructus proferet  
Dum sacra proles germinat,  
Uvis repente turgidis  
Onusta vitis præmonet.

Virtute claros nobili  
Mors sancta cælo consecrat:  
Tenent olympi limina  
Servi fideles Virginis.

Cohors beata, Numinis  
Regno potita, respice  
Quos hinc recedens fraudibus  
Cinctos relinquis hostium.

Ergo, per almæ vulnera  
Matris rogamus supplices,  
Mentis tenebras disjice,  
Cordis procéllas comprime.

Tu nos, beata Trinitas,  
Perfunde sancto robore,  
Possimus ut feliciter  
Exempla patrum subsequi.  
Amen.

¶ Sit memoria illorum in bene-  
dictione. R. Et ossa eorum pullu-  
lent de loco suo.

Ad Bened. Ant. Ecce quam bo-  
num, et quam jucundum habitare  
fratres in unum.

Oratio.

**D**omine Jesu Christe, qui ad re-  
colendam memoriam dolorum  
sanctissimæ Genitricis tuæ, per  
Septem beatos Patres nova Servo-  
rum ejus Familia Ecclesiam tuam  
foecundasti: concede propitius; ita  
nos eorum consociari flétibus, ut  
perfruamur et gaudiis: Qui vivis  
et regnas cum Deo Patre.

Ad Tertiam.

Ant. Euge serve bone.

## Capitulum.

1. Petr. 4.

**C**arissimi: Communicantes Christi passionibus gaudete, ut et in revelatione gloriæ ejus gaudeatis exultantes.

R. br. Amavit eum Dominus, \* Et ornavit eum. Amavit. V. Stulam gloriæ induit eum. Et. Glória Patri. Amavit.

V. Os justi meditabitur sapientiam. R. Et lingua ejus loquetur judicium.

## Ad Sextam.

Ant. Fidélis servus.

## Capitulum.

Eccli. 39.

**J**ustus cor suum tradidit ad vigilandum dilúculo ad Dominum, qui fecit illum, et in conspectu Altissimi deprecabitur.

R. br. Os justi \* Meditabitur sapientiam. Os. V. Et lingua ejus loquetur judicium. Meditabitur. Glória Patri. Os.

V. Lex Dei ejus in corde ipsius. R. Et non supplantabuntur gressus ejus.

## Ad Nonam.

Ant. Serve bone.

## Capitulum.

Sap. 10. b.

**J**ustum deduxit Dominus per vias rectas, et ostendit illi re-

gnum Dei, et dedit illi scientiam sanctorum: honestavit illum in laboribus, et complévit labores illius.

R. br. Lex Dei ejus \* In corde ipsius. Lex. V. Et non supplantabuntur gressus ejus. In. Glória Patri. Lex.

V. Justum deduxit Dominus per vias rectas. R. Et ostendit illi regnum Dei.

## In II. Vesperis.

Omnia ut in primis, præter

V. Hi viri misericordiæ sunt, quorum pietates non defuerunt. R. Semen eorum, et glória eorum non derelinquetur.

Ad Magnif. Ant. Nomen eorum permanet in ætérnum, permanens ad filios eorum, sanctorum virorum glória.

## Oratio.

**D**ómine Jesu Christe, qui ad recolendam memoriám dolorum sanctissimæ Genitrícis tuæ, per Septem beátos Patres nova Servorum ejus Familia Ecclésiám tuam fœcundásti: concéde propítius; ita nos eorum consociári flétibus, ut perfruámur et gaudiis: Qui vivis et regnas cum Deo Patre.

## ELOGIUM

MARTYROLOGIO ROMANO INSERENDUM.

Tértio Idus Februárii.

Etrúriæ in Monte Senário Sanctorum Septem Fundatorum Ordinis Servorum Beátæ Mariæ Vírginis, qui post asperrimum vitæ genus, méritis et prodigiis clari, pretiósam in Dómino mortem obierunt. Quos autem in vita unus veræ fraternitátis spíritus sociávit et indivisa post óbitum pópuli veneratio prosecúta est, Leo décimus tértius una páriter Sanctorum fastis accénsuit.

## DECRETUM.



Explētis Canonizationis solemnīs beatorum Septem Fundatorum Ordinis Servorum Beatæ Mariæ Virginis, Rev. Pater Andreas Corrado Causæ Postulator novum Officium et Missam propriam nec non Elogium pro Martyrologio in honorem eorundem Sanctorum concinnandum curavit, quæ Sacrorum Rituum Congregationis approbationi de more subjecit. Hæc quum Eñus et Rñus Dominus Cardinalis Lucidus Maria Parocchi ejusdem Causæ Ponens in Ordinariis ipsius Sacræ Rituum Congregationis Comitiis die 28. Julii 1888 ad Vaticanum habitis retulerit; Eñi et Rñi Patres, omnibus rite perpensis, auditoque R. P. D. Augustino Caprara Sanctæ Fidei Promotore, rescribere rati sunt: *Pro gratia, cum extensione Fæsti ad totam Ecclesiam, et ad Emum Ponentem cum Promotore Fidei.* Hinc juxta mentem ipsius Sacræ Congregationis a præfato Eñō Ponente una cum Sanctæ Fidei Promotore propositi Officii, Missæ atque Elogii revisione et correctione peracta, Sacra eadem Congregatio ea uti in superiori exemplari prostant approbavit.

De his postmodum per infrascriptum Secretarium facta Sanctissimo Domino Nostro Leoni Papæ XIII. fideli relatione, Sanctitas Sua mandavit ut Calendario universali Ecclesiæ sub ritu duplici minori inscribatur die XI. Februarii Festum prædictorum Sanctorum Confessorum Septem Fundatorum Ordinis Servorum Beatæ Mariæ Virginis cum Officio et Missa et Elogio uti supra approbatis: servatis Rubricis.

Die 20. Decembris 1888.

A. Cardinalis Bianchi S. R. C. Præfectus.

L. ✠ S.

Laurentius Salvati S. R. C. Secretarius.

Concordat cum Originali.

Ratisbonæ, die 29. Januarii 1889.

M. Dandl,  
Vicarius in Spirit. Generalis.



# OFFICIA PROPRIA SS. SUMMORUM PONTIFICUM


SANCTÆ ROMANÆ ECCLESIAE

ALIORUMQUE SANCTORUM VEL BEATORUM

OMNIBUS VEL PLURIBUS DIOECESIBUS CONCESSA  
QUÆ KALENDARIIUM CLERO ROMANO PROPRIUM SEQUUNTUR.



EDITIO PRIMA POST TYPICAM.



---

PARS HIEMALIS.

---

RATISBONÆ, NEO EBORACI & CINCINNATI.  
SUMPTIBUS, CHARTIS ET TYPIS FRIDERICI PUSTET,  
S. SEDIS APOST. ET S. RITUUM CONGR. TYPOGR.  
MDCCCLXXXVIII.

## APPROBATIO.

---

Hæc officia cum originalibus plane concordant. In fidem etc.

Ex Secretaria Sacrorum Rituum Congregationis  
hac die 29. Novembris 1887.

(L. S.)


Pro **R. P. D. Laurentio Salvati** Secretario  
**Joannes Ponzi** Substitutus.

---

**Imprimatur.**

Ratisbonæ, die 10. Decembris 1887.

**M. Dandl**, Vic. in Spirit. Gener.



# OFFICIA PROPRIA

## SS. S. R. E. SUMMORUM PONTIFICUM

### ET ALIORUM

#### ROMANO CLERO SÆCULARI ET REGULARI CONCESSA.

#### PARS HIEMALIS.

## FESTA NOVEMBRIS.

Die 28. Novembris.

**S. Gregorii III. Papæ et Conf.**  
Duplex.

Omnia de Comm. Confessoris Pontificis, præter sequ.

Oratio. Da quæsumus.

Et fit commem. Feriæ in Advent.

In I. Nocturno Lectiones de Scriptura occurrente.

In II. Nocturno.

Lectio iv.

**G**regorius, hujus nómínis tértius, natióne Syrus, patre Joánne, Gregório secúndo vita functo, unánimi cleri et pópuli consénsu, nec non divíno quodam instinctu, cum digníssimus ómnium esset, subrogátus est, anno Christi septingentésimo trigésimo primo. Vir singulári

doctrína et virtúte, latína et græca lingua eruditus, mirábili dicéndi facúndia, atque ádeo felíci memória, ut totum psaltérium memóriter recitáret; is demum, quem prædecessóri suo Gregórió doctrína et prudéntia sapientíssimi hómines æquiparándum esse duxérunt.

**R.** Invéni David, servum meum, óleo sancto meo unxi eum: \* Manus enim mea auxiliábitur ei. **V.** Nihil proficiet inimícus in eo, et filius iniquitátis non nocébit ei. Manus.

Lectio v.

**C**athólicæ fidei propugnátor acérrimus, Leónem Isaúrum imperatórem iconoclástam patérnis mónitis et lítteris ad saniórem mentem redúcere conátus est. Sed cum nihil proficeret, convocáto Romæ nonagínta quinque episcopórum concílio, sacrárum imáginum cul-

tum apostólico decréto firmávit, et diro anathémate fériit Iconómachos. Quæ cum ad Leónis aures pervenissent, áltius rugire cœpit, misitque advérsus Gregórium florentíssimam classem cum potentíssimo exércitu; sed hæc, volénte ac víndice Deo, in Adriático sæva tempestáte agitáta, fœdo naufrágio périit.

R. Pósuí adjutórium super poténtem, et exaltávi eléctum de plebe mea: \* Manus enim mea auxiliábitur ei. V. Inveni David servum meum, óleo sancto meo unxi eum. Manus.

Lectio vi.

**M**ulta quoque a Luitprándo Longobardórum rege iníque passus est, qui et Urbem longa obsidióne cinxit, et sancti Petri basilicam sacrílega manu dirípuit. In his angústiis sanctíssimus Póntifex ad Cárolum Martéllum, antecessóris exémplo, legátos cum sacris munéribus destinávit. Munívit Urbis móenia: largas in egénos eleemósynas erogávit, novas basilicas a fundaméntis exstrúxit, antiquas ornávit, ac restaurávit, Vaticanam præsertim, intra quam oratórium auro, argénto, gemmis, omníque pretiósí óperis génere ditátum eréxit, in quo sanctórum Apostolórum et Mártýrum reliquias summa cura et diligéntia toto christiáni orbis ámbitu conquisítas repósuit, et coléndas expósuit, eo máxime témpore, quo illas agiómachi diábólico furóre proculcábant. Multa monastéria restituit, et sanctis légibus instrúxit, statuítque, ut presbýteri et mónachi alternis noctu diúque divi-

nas laudes celebrárent. Fractus demum labóribus, méritis licet atque virtútibus ínclýtus, anno sui pontificátus undécimo nondum perácto, quarto Kaléndas Decémbris pie óbiit in Dómino, et in prædicto oratório Vaticanó sepúltus est.

R. Iste est qui.

In III. Nocturno Homilia in Evang. Homo pérégre. de eodem Comuni 1. loco.

In Laud. commém. Feriæ in Adv. Vesp. a Cap. de sequ. comm. præc. Oratio. Exaúdi quæsumus. 2. loco.

Die 29. Novembris.

S. Gelasii I. Papæ et Conf.

Duplex.

Omnia de Comm. Confessoris Pontificis, præter sequ. (m. t. v.)

Oratio. Da quæsumus.

Et fit comínem. S. Saturnini Mart. ut in Brev.

In I. Nocturno Lectiones de Scriptura occurrente.

In II. Nocturno.

Lectio iv.

**G**elásius, gente Africánus, patre Valério, in Felícis tértii locum subrogátus, pontificátum gessit annos quátuor, menses octo, duodeviginti dies. Creávit in dúplici ordinatióne diáconos duos, presbýteros trigínta et duos, sexagínta septem per divérsa loca episcopos. Vir sane singulári fidei propagándæ ac servándæ zelo ardentíssimus, omni litteratúra, præsertim sacra, instructíssimus, et intrépidi pectoris róbores, tum ad vindicándam Ecclésiæ et Sedis apostólicæ jura, tum ad retundéndam hæreticórum et schismaticórum protérviam armátus.

R. Invéni David servum meum, óleo sancto meo unxi eum: \* Manus enim mea auxiliábitur ei. V. Nihil proficiet inimicus in eo, et filius iniquitátis non nocébit ei. Manus.

## Lectio v.

**E**jus cura et stúdio non clerus modo plúrimum auctus est, verum étiam univérſa Ecclésia magnis incrementis adolévít. In quo certe illíus prudéntia mirábilis fuit, cum eo témpore Anastásius, imperátor hæréticus, et Theodorícus Ariánus rerum utriúsque impérii potiréntur. Imminénte famis perículo, úbere annóna Urbem recreávit. Lupercália, áliaque Gentílium spectácula, quæ ad hæc usque témpora, post tam multa imperatórum edicta advérsus idololatriám lata, et Romanórum Pontíficum stúdia ad eam exstirpándam adhíbíta, viguísse constat, Andrómacho senátore, aliisque Románis frustra licet refragántibus, pénitus abolévít.

R. Pósui adjutórium super poténtem, et exaltávi eléctum de plebe mea: \* Manus enim mea auxiliábitur ei. V. Invéni David servum meum, óleo sancto meo unxi eum. Manus.

## Lectio vi.

**A**lia quamplúrima ad dignitátem et disciplínam Ecclésiæ spectántia præstitit, sancívit, et scripsit. Defensóres Acácii, Euphémi-um præsertim Constantinopolítanum damnávit; scriptisque ad divérsos nervosíssimis juxta atque doctíssimis lítteris, vel eos in officio continuit, vel aberrántes redúxit. Pelagiános, Manichæos et álios

hæréticos coércuit, eorúmque libros públicis flámis tradi curávit. Præter decretáles et hymnos ecclesiásticos, egrégia scripsit opúscula contra Nestórium, Arium, Pelágium et Eutychéten. Sed illud præ céteris memorándum, quod libros canónicos ab áliis, et probátos ab apócryphis, in Romána sínodo septuaginta episcopórum, singulári decréto distínxit. Post multos demum labóres in regénda univérsali Ecclésia exantlátos, sanctíssimus et doctíssimus Póntifex pie óbiit in Dómino undécimo Kaléndas Decémbris, anno Christi quadringentésimo nonagésimo sexto, et sepúltus est in Vaticanó.

R. Iste est qui.

In III. Noct. Homil. in Evang. Homo péregre. de eodem Comuni 1. loco.

Lect. ix. de Homil. Vigil. S. Andreæ Apost. extra Advent.

In Laudibus commem. Vigiliæ ac S. Saturnini Mart.

## FESTA DECEMBRIS.

Die 1. Decembris.

(d. a. ex 13. Nov.)

S. Didaci Confessoris.

Semiduplex.

Omnia de Comm. Conf. non Pont., præter sequ. (m. t. v.)

Oratio.

**O**mnípotens sempitérne Deus, qui dispositióne mirábili infirma mundi éligis, ut fórtia quæque confúndas: concéde propítius humilitáti nostræ; ut piis beáti Didaci Confessóris tui précibus, ad perénnem in cœlis glóriam sublimári mereámur. Per Dóminum.

Commem. Feriæ in Adv.

In I. Nocturno Lectiones de Scriptura occurrente.

In II. Nocturno.

Lectio iv.

**D**idacus Hispánus, ex óppido sancti Nicolái de Portu diocesis Hispalénsis, ab incúnte ætáte pii sub sacerdotis disciplina, sanctióri vitæ solitária in ecclésia, tyrocínium exércuit. Deínde, ut firmius Deo se conjúngeret, in convéntu de Arrizzáfa fratrum Minorum (quos Observántes vocant) sancti Francísci régulam in statu laicáli proféssus est. Magna ibi alacritáte húmilis obediéntiæ et reguláris observántiæ jugum súbiens, contemplationi in primis déditus, mira Dei luce perfundebátur, ádeo ut de rebus cœlestibus, litterárum expers, mirándum in modum et plane divínitus loquerétur.

R. Honéstum fecit illum Dñs, et custodívit eum ab inimícis, et a seductóribus tutávit illum: \* Et dedit illi claritátem ætérnam. V. Justum dedúxit Dóminus per vias rectas, et osténdit illi regnum Dei. Et.

Lectio v.

**C**anáriis in ínsulis, ubi frátribus sui órdis præfuit, multa perpéssus, martýrii æstuans desidério, plures infidéles verbo et exémplo ad Christi fidem convértit. Romam véniens anno jubilæi, Nicoláo quinto Pontífice, ægrotórum curæ in convéntu Aræ cœli destinátus, eo caritátis afféctu munus hoc exércuit, ut Urbe annónæ inópia laboránte, ægrótiis tamen, quorum aliquándo úlcerá étiam lambéndo abstergébat, nihil pénitus necessarií defécerit. Exímia

quoque fides et grátia curatiónum in eo elúxit, cum lámpadis, quæ collucébat ante imáginem beatísimæ Dei Genitrícis, quam summa devotióne colébat, óleo ægros inúngens, signo crucis impréssus, multórum morbos mirabíliter sanáverit.

R. Amávit eum Dóminus, et ornávit eum: stolam glóriæ induit eum, \* Et ad portas paradísi coronávit eum. V. Induit eum Dñs lorícam fidei, et ornávit eum. Et.

Lectio vi.

**D**emum Complúti finem sibi vitæ adesse intélligens, lácera et obsoléta indútus túnica, conjéctis in crucem óculis, singulári devotióne illis verbis ex sacro hymno pronuntiátis: Dulce lignum, dulces clavos, dúlcia ferens póndera, quæ fuísti digna portáre Regem cœlórum et Dóminum, ánimam Deo réddidit, pridie Idus Novémbris, anno Dómini supra millésimum quadringentésimo sexagésimo tertio. Ejus corpus cum menses non paucos (ut pio confluéntium desiderio fieret satis) insepúltum mansísset, quasi jam incorruptiódinem induérit, odórem suavíssimum efflávit. Illum multis et illústribus miráculis clarum Sixtus quintus Póntifex Máximus sanctórum número adscripsit.

R. Iste homo.

In III. Noct. Homilia in Evang. Nolite timere. de eodem Comm. 2. loco. In Laud. fit comm. Fer. in Adv.

Die 5. Decembris.

S. Stanislai Kostkæ Conf.

Duplex.

Omnia de Comm. Conf. non Pont., præter sequ. (m. t. v.)



## Oratio.

**D**eus, qui inter cetera sapientiæ tuæ miracula, etiam in tenera ætate maturæ sanctitatis gratiam contulisti: da quæsumus; ut beati Stanislai exemplo, tempus instanter operando redimētes, in æternam ingredi requiem festinēmus. Per Dōminum.

In I. Nocturno Lectiones de Scriptura occurrente.

## In II. Nocturno.

## Lectio iv.

**S**tanislāus, senatória Kostkærum gente ortus in Polōnia, quam olim esset militiam secutūrus, nomen Jesu prænuntiāvit, parituræ matris grēmio divinitus inscriptum. Virginitatem adhuc puer ita coluit, ut paternā in mensa si quid minus pudice dictum audisset, præ horrōre exānimis corrūeret. Ad Viennēse in Austria seminārium studiōrum causa missus, non minus exēplo sodalibus quam veneratiōni fuit. Coactus inde in lutherāni hōspitis ædes migrāre, ibique a Paulo fratre ad liberiōrem vitam omni etiam asperitatum genere incitatus, domesticum bellum toto biēnnio constantissime sustinuit, ad æternā se, non ad cadūca natum affirmans. Itaque unicū illi erat rerum cœlestium desidērium, perpētua cum Deo consuetūdo, cultus Deiparæ adeo tener, ut matrem suavissime appellāret. R. Honēstum fecit. 4\*

## Lectio v.

**Q**uotidiānæ fratris vexatiōni crebra ipse jejūnia, flagēlla, aliōsque insōntis corpūsculi cruciatus adjiciens, lethālem in morbum incidit. Quo ingravescēte, cum dæ-

monem horrēdi canis spēcīe insiliētem signo crucis ter fugasset, sacrum Viaticum, quod in hærētica domo decumbens frustra ab hominibus petēbat, ab Angelis accēpit. Mox ad pūeri Jesu complēxum a beatissima ejus Matre cōmiter admissus, ac Societāti jussus nomen dare, subito convāluit. Sed cum aditum ad illam patris timor in Germānia præclūderet, peregrini hābitu, solus, pedes, mendicus fugam arripit, certus non sistere, nisi voti compos fiat. Iter non uno Dei beneficio prōsperum fuit. Nam præter alia, Pauli prōfugum fratrem jam assequētis equi, immisso divinitus torpōre, constitērunt; et Stanislāus Angelōrum pane iterum angēlico ministērio refectus, post duodēcies centēna pāssuum millia, tandem Romæ in Societatem Jesu a sancto Francīscō Borgia generālī præpōsito mēruit cooptāri. R. Amāvit eum. 4\*

## Lectio vi.

**T**irōnis emēriti virtutes in religiōsæ vitæ palæstra splendidiū eluxēre; caritas præsertim erga Deum, in quem assidue alienāta a sēnsibus mente rapiebātur. Inde illi faciēs semper accēnsa, nonnumquam rādians, perēnnes lācrimæ; ardor pēctoris tantus, ut média quoque hieme foret ingēsta idētidem gélida temperāndus. Itaque amorē vērīus quam febri æstuans, die assumptæ in cœlum Virgini sacro, ad ejus triumphālem pompam prōpius, ut optāverat, spectādam, ab ipsa beatārum Virginum choro stipāta vocātus est ex Quirināli domo probatiōnis, anno innocētis vitæ dēcimo octāvo,

óperum plénior quam diérum. Multis post óbitum miráculis in sua præsertim Polónia enítuit; cujus armis contra formidábiles Turcárum exércitus spectábilis e coelo áffuit non semel, et civitátes álias peste, álias incéndio liberávit. Quamóbrem Clemens décimus eum inter primários totíus regni Patrónos constituit; Benedíctus vero décimus tértius (quod a Cleménte undécimo jamprídem fúerat decré-tum) in sanctórum númerum ré-tulit. *R.* Iste homo.

In III. Nocturno.

Léctio sancti Evangélíi secúndum Matthæum.

Lectio vii. Cap. 19.

**I**n illo témpore: Obláti sunt Jesu párvuli, ut manus eis impóne-ret. Et réliqua.

Homilía S. Augustíni Epíscopi.

In Psalm. 118.

**Q**uid párvulus, nisi húmilis? Hæc sunt mirabília testimónia tua Dómine, quæ scrutáta est ánima párvuli hujus: et ideo invénit, quia humiliátus est, et párvulus factus est. Quis enim facit mandáta tua, sicut faciéndá sunt, id est ex fide, quæ per dilectiónem Dei operátur, nisi ejus in corde per Spíritum sanctum ipsa diléctio diffundátur? Hoc étiam iste párvulus confitétur. Os meum, inquit, apéruí, et attráxi spíritum, quia mandáta tua desiderábam. Quid desiderábat, nisi fácere mandáta divína? Sed non erat unde fáceret infirmus fórtia, et párvulus magna. Apéruit os, cónfitens quod per se ipse non fáceret, et attráxit unde fáceret.

*R.* Iste est qui ante Deum magnas virtútes operátus est, et de omni corde suo laudávit Dóminum: \*Ipse intercédát pro peccá-tis ómnium populórum. *V.* Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. Ipse.

Lectio viii.

**J**únior sum ego, inquit, et contéptus: justificatiónes tuas non sum oblítus. Non sicut inimíci mei, qui oblíti sunt verbórum tuórum. Vidétur autem minor ætáte non oblítus justificatiónes Dei, dolére pro inimícis suis ætáte majóribus, qui oblíti sunt. Nam quid est, Júnior ego non sum oblítus, nisi illi majóres oblíti sunt? Sed contéptum se dicit hic júnior; ideo factus est major: quia ignobília et contemptibília mundi elégit Deus, et ea quæ non sunt, tamquam sint, ut ea quæ sunt, evacuéntur. Et ecce sunt novíssimi, qui erant primi, et primi, qui erant novíssimi.

*R.* Sint lumbi vestri præcíncti, et lucérnæ ardéntes in mánibus vestris: \*Et vos símiles homínibus exspectántibus dóminum suum, quando revertátur a núptiis. *V.* Vigilate ergo, quia nescítis qua hora Dóminus vester ventúrus sit. Et. Glória Patri. Et.

Lectio ix.

**I**ste autem júnior non est oblítus, quia non suam vóluit habére justítiam, sed Dei; de qua étiam nunc dicit: Justítia tua, justítia in ætérnum. Propter hanc passus est persecutiónem júnior a majóre, ut diceret júnior quod séquitur: Tribulatio et necéssitas invenérunt me;

mandata tua meditatio mea est. Sæviant, persecuantur; dum tamen mandata Dei non relinquuntur, et ex ipsis mandatis etiam qui saviunt diligantur. Intelluctum da mihi, et vivam. Intelluctum poscit iste iunior, quem si non haberet, non super seniores intelligeret. Sed eum poscit in tribulatione et necessitate, quo intelligat quam sit contemnendum quod ei possunt auferre persecuentes inimici, a quibus se dicit esse contemptum.

Te Deum laudamus.

Die 9. Decembris.

S. Eutychiani Papæ et Mart.

Duplex.

Omnia de Communi unius Martyris, præter sequentia.

Oratio. Deus, qui nos beati.

In I. Nocturno Lectiones de Scriptura occurrente.

In II. Nocturno.

Lectio iv.

**E**utychianus, natione Tuscus, patria Lunensis, Marino patre, post beati Felicis sacerdotium, Romanæ Ecclesiæ episcopatum suscepit. Constituit fruges, fabas et uvas super altari benedici: itemque a fidelibus nullatenus Martyrem sepeliri sine dalmatica, aut purpurato colobio. Qui cum per diversa loca trecentos sexaginta duos Martyres sua manu sepelisset, illis et ipse sociatus, sub Numeriano imperatore martyrio coronatus est, sexto Idus Decembris, sepultusque in cœmetério Callisti via Appia. Quinque ordinationibus mense Decembri creavit presbyteros quatuordecim, diaconos quinque, episcopos per di-

versa loca novem. Vixit in pontificatu annos octo, menses quinque, et dies aliquot.

R. Honestum fecit illum Dñs, et custodivit eum ab inimicis, et a seductoribus tutavit illum: \* Et dedit illi claritatem æternam. V. Descenditque cum illo in foveam, et in vinculis non dereliquit eum. Et dedit.

Sermo sancti Máximi Episcopi.

De S. Cypriano Homil. 2.

Lectio v.

**I**n martyrio beatissimi Eutychiani, fratres carissimi, universa nobiscum Christi exsultat Ecclesia, quam in omne gaudium, et cœlestis eruditione sermonis instruxit, et munere triumphalis sanguinis decoravit. Fuit enim in eo, sicut compertum habemus, et contra errores diaboli spiritalis sapientiae plenitudo, et adversum persecutiones mundi, christiani pectoris mitigata constantia. Quis non huiusmodi virum quantis valet præconiis prosequatur, cujus eloquentia inspirata divinitus et Ecclesias docuit, et sæculum confutavit?

R. Desiderium animæ ejus tribuisti ei Dómine, \* Et voluntate labiorum ejus non fraudasti eum. V. Quoniam prævenisti eum in benedictionibus dulcedinis: posuisti in capite ejus coronam de lapide pretioso. Et.

Lectio vi.

**V**ere hic mirabilis, atque omnium ubique studiis celebrandus, quem sanctitas sacerdotem, peritia doctorem, fides martyrem consecravit. Pretiosa, inquit David, in conspectu Dómini mors sanctorum ejus. Videte carissimi,

in quantum venerabilis Eutychiánus étiam prophéticam supergrésus est laudem, cujus in conspéctu Dómini non solum mors, sed et vita éxstitit pretiósa. Moriéndo namque próprium Christo ságuinem dedit: vivéndo nihilóminus cohortatióne fortíssima innúmeros coelo Mártyres acquisívit.

R. Stola jucunditátis.

In III. Noct. Homilia in Evang. Si quis vult post me venire. de eodem Communi 2. loco.

Die 10. Decembris.

Translationis

**Almæ Domus Lauretanæ**

**B. Mariæ Virginis.**

Duplex majus.

Ut inter festa pro aliquibus locis eadem die, omissa commem. S. Melchiadis.

Die 11. Decembris.

**S. Damasi I. Papæ et Conf.**

Duplex.

Omnia ut in Breviario eadem die.

Die 12. Decembris.

**S. Melchiadis Papæ et Mart.**

Duplex.

Omnia de Communi unius Mart., præter sequentia.

Oratio. Infirmitátem nostram.

In I. Nocturno Lectiones de Scriptura occurrente.

In II. Nocturno.

Lectio iv.

**M**elchiades Afer post Eusé-  
bium Románam ténuít Ec-  
clésiám. Qui cum adhuc  
présbyter esset, misit diáconos  
cum litteris Maxéntii imperatóris,  
et litteris præfécti prætorii ad Ur-  
bis præféctum, ut ea loca recípe-  
ret, quæ fúerant Christiánis tém-

pore persecutiónis abláta. Ré-  
dita autem ecclésiis pace, Constan-  
tínus Augústus adivére Donatístæ,  
ut in eórum contra Cæciliá-  
num Carthaginiénsem episcopum  
causa júdices daret. Quibus Con-  
stantínus respóndit: Petistis a me  
in sæculo júdiciu, cum ego ipse  
Christi júdiciu exspéctem. Atta-  
men dati sunt júdices epíscopi  
tres, missíque Romam ad Melchiá-  
dem Pontíficem, ut ibi pro fratrum  
concórdia et unitáte sýnodus co-  
gerétur.

R. Honéstum fecit illum Dómi-  
nus, et custodívit eum ab inimícis,  
et a seductóribus tutávit illum: \*  
Et dedit illi claritátem ætérnam.  
V. Descendítque cum illo in fó-  
veam, et in vínculis non derelíquit  
eum. Et dedit illi.

Lectio v.

**I**n Urbem itaque hi tres profécti  
convenérunt cum áliis quínde-  
cim episcopis, ipsóque Melchiáde,  
in domum Faustæ in Lateránis,  
ubi causa discússa Cæciliánus  
ómnium episcopórum sentétiis  
innocens est pronuntiátus, et ejús-  
dem Melchiadis decréto júdiciu  
est clausum. Ut autem Donatístæ  
cathólicæ uniréntur Ecclésiæ, Mel-  
chiades (prout scribit sanctus Au-  
gustínus) tamquam vir óptimus,  
filius cristiánæ pacis, et pater  
cristiánæ plebis ádmodum labo-  
rávit, obláta étiam conditióne, ut  
quibuscúmque in locis duo essent  
contrariárum factiόνum epíscopi,  
is confirmarétur, qui prior fuisset  
ordinátus, et álteri plebs ália re-  
géndá providerétur.

R. Desidériu animæ ejus tri-  
buísti ei Dómine, \* Et voluntáte

labiŕum ejus non fraudásti eum. **V.** Quŕniam prævenísti eum in benedictiŕnibus dulcedinis: posuísti in cápite ejus corŕnam de lápide pretiŕoso. Et.

Lectio vi.

**S**anxit, ne ulla ratiŕne die domínico, aut quinta fériá, quis fidélium jejunáret, quia eos dies quasi sacro jejúnio deputátos pagáni celebrábant. Item státuit, ut oblatiŕnes consecratæ per episcopum, quæ dicebántur fermentum, per ecclésiás dirigeréntur; ne presbýteri in suis títulis una cum suis plébibus celebrántes, se ab episcopi communiŕne separátos judicárent. Qui cum in persecutiŕne Maximiáni multa passus esset, tandem sub Constantíno quiévit in Dŕmino, quarto Idus Decémbris, sepultúsque est in cœmetériŕ Calísti via Appia. Una ordinatiŕne creávit presbýteros sex, diáconos quinque, episcopos per diversá loca undecim. **R.** Stola jucunditátis.

In III. Nocturno Homilia in Evang. Si quis venit ad me. de eodem Comuni 1. loco.

**R.** viii. Dŕmine prævenísti.

Die 14. Decembris.

(d. a. ex 14. Nov.)

**S. Josaphat Episc. et Mart.**

Duplex.

Omnia de Comuni unius Martyris Pontificis, præter sequentia.

Oratio.

**E**xcita, quæsumus Dŕmine, in Ecclésiá tua Spíritum, quo replétus beátus Jŕsaphat Martyr et Pŕntifex tuus ánimam suam pro óvibus pŕsuiť: ut, eo intercedénte, nos quoque eŕdem Spíritu moti ac roboráti, ánimam nostram pro

frátribus pŕnere non vereámur. Per Dŕminum ... in unitáte ejúdem Spíritus.

In I. Nocturno Lectiones de Scriptura occurrente.

In II. Nocturno.

Lectio iv.

**J**ŕsaphat Kuncewítius nobilibus et cathŕlicis paréntibus Vladimíríæ in Volhínia natus, cum puérulus matrem de Christi passiŕne loquéntem audíret, jáculo a látere imáginis Jesu crucifixi immisso, vulnus in corde suscepit. Dei amŕre incensus, ádeo oratiŕni aliísque piis opéribus instáre cœpit, ut proveciŕribus adolescéntibus éxémplŕ et admiratiŕni esset. Vicénis inter claustráles sancti Basilii álumnŕs monásticam régulam professus, mirum quos in evangélica perfectiŕne progréssus fécerit. Nudis pédibus, frigidíssima licet sæviénte regiŕnis hieme, incedébat: carnes numquam, vinum nŕnnisi ex obediéntia adhibuit, asperrimŕque cilicio ad ŕbitum usque corpus afflíxit. Castitátis florem, quem ab adolescéntia Vírgini Deíparæ vŕverat, inviolátum servávit. Virtútis doctrinæque ejus brevi sic fama percrebuit, ut quamvis júnior, Byténii monastériŕ præfectus sit; mox Vilménsis archimandríta, ac demum archiepiscopus Polocénsis, invítus quidem, sed Cathŕlicis gestiéntibus, fúerit renuntiátus.

**R.** Honéstum fecit. 10\*

Lectio v.

**H**ac dignitáte auctus, nihil de priŕi vivéndi ratiŕne remítens, nŕnnisi divínium cultum et

creditárum sibi óvium salútem cordi hábuit. Cathólicæ unitátis ac veritátis strénuus propugnátor, totis víribus adlaborávit ut schismáticos hæreticósque ad communionem cum beáti Petri sede reducet. Summum Pontíficem ejúsque potestátis plenitúdinem ab impudentíssimis impiórum calúnniis et erróribus, qua conciónibus, qua scriptis pietáte ac doctrína refértis deféndere numquam déstitit. Episcopálem jurisdictionem et Ecclésiæ bona a láicis usurpáta vindicávit. Incredíbile dictu est quot hæreticos in sinum matris Ecclésiæ revocáverit. Uniónis vero Græcæ Ecclésiæ cum Latína Josaphátum promotórem exstitisse præclaríssimum, étiam pontificia orácula disérte testántur. Ad hæc, et templi Dei decóri instaurándo, et sacrárum vírginum exstruéndis ædibus, aliisque piis opéribus juvándis, mensæ suæ provéntus ultro erogávit. In paúperes ádeo effúsus, ut cum olim inópiæ cujúsdam víduæ sublevándæ nihil occurreret, episcopále pállium, seu Omophórion, oppignorári jússet.

R. Desidérium animæ ejus tribuísti ei Dómine, \* Et voluntáte labiórum ejus non fraudásti eum. V. Quóniam prævenísti eum in benedictionibus dulcédinis: posuísti in cápite ejus corónam de lápide pretióso. Et.

Lectio vi.

**T**ot cathólicæ fidei incrementa perditíssimórum hóminum ádeo excitavérunt ódia, ut, conspiratióne ínita, Christi athlétam ad necem quærerent; quam sibi immínere ipse in suo ad pópulum ser-

móne prænuntiávit. Cum itaque Vitépscum pastorális visitatiónis grátia profectus esset, illi archiepiscopáles invádunt ædes; óbvios quosque fériunt ac cædunt. Tum vir mitíssimus quæréntibus sponte occúrrit, eósque amíce compéllans, Filíoli, inquit, quare familiáres meos cæditis? Si quid contra me habétis, ecce adsum. Hinc impetu facto, eum verbéribus contúndunt, telis confódiunt, ac demum immáni secúri necátum, in flumen projiciunt; die duodécima Novémbris anni sexcentésimi vicesimi tértii supra millésimum, ætátis ejus quadragésimi tértii. Corpus mirábili luce circumfúsum, ex imo flúminis álveo elátum est. Sanguis Mártyris parricidis ipsis in primis prófuit, qui fere omnes cápitis damnáti, ejurato schismate suum scelus detestáti sunt. Cum tantus Præsul plúrimis post óbitum coruscáret miráculis, eum Urbánus octávus Póntifex Máximus Beatórum honóribus decorávit. Pius nonus tértio Kaléndas Júlias anni millésimi octingentésimi sexagésimi séptimi, cum sæculária Apostolórum Príncipum solémnia celebraréntur, coram Patrum Cardinálium senátu, simúlque astántibus fere quingéntis, Patriárchis, Metropolitís et Episcopis cujuscúmque ritus, qui ex toto terrárum orbe convénierant, hunc ecclesiasticæ unitátis assertórem, primum ex orientálibus, solémni ritu in Vaticána Basilica Sanctórum órđini accénsuit. Cujus Offícium ac Missam Leo décimus tértius Summus Póntifex ad univérsam exténdit Ecclésiám. R. Stola jucunditátis.



## In III. Nocturno.

Lectio sancti Evangélíi secúndum  
Joánnem.

Lectio vii. Cap. 10.

**I**n illo témpore: Dixit Jesus pharisæis: Ego sum pastor bonus. Bonus pastor ánimam suam dat pro óvibus suis. Et réliqua.

Homilia sancti Joánnis  
Chrysóstomi.

Hom. 59. in Joannem.

**M**agnum quiddám, dilectíssimi, magnum, inquam, est Ecclésiæ prælatío, et quæ multa indiget sapiéntia et fortitúdine, qualem Christus propósuit: ut ánimam pro óvibus ponámus, et numquam illas deserámus: ut lupo generóse resistámus. Hæc enim inter pastórem et mercenárium est differéntia. Alter própriae, contéptis óvibus: alter, sua contépta, óvium semper salúti invigilat. Pastóris ergo exémplo demonstráto, deceptóres duos méminit; furem mactántem et rapiéntem oves; et mercenárium permiténtem, neque defendéntem comíssas.

R. Coróna aúrea super caput ejus, \* Expréssa signo sanctitátis, glória honóris, et opus fortitúdinis. V. Quóniam prævenísti eum in benedictiónibus dulcédinis, posuísti in cápite ejus corónam de lápide pretióso. Expréssa.

Lectio viii.

**Q**uod superióri témpore Ezéchiél his verbis insectátus est: Væ pastóribus Israél: nonne pascébant semetípsos? nonne greges pascúntur a pastóribus? sed illi contrárium faciébant, quod máxi-

mæ malítiæ genus est, et plurimórum causa malórum. Idcirco inquit: Neque quod abjéctum erat, reducébant: neque quod perierat quærébant: neque confráctum alligábant: neque infirmum consolidábant: quóniam se, non gregem pascébant. Idem et Paulus áliis verbis significat: Omnes quæ sua sunt quærunt, non quæ Jesu Christi.

R. Hic est vere Martyr, qui pro Christi nómine sánguinem suum fudit: \* Qui minas júdicum non tímuit, nec terrénæ dignitátis glóriam quæsívít, sed ad coeléstia regna pervénit. V. Justum dedúxit Dóminus per vias rectas, et osténdit illi regnum Dei. Qui minas. Glória Patri. Qui minas.

Lectio ix.

**V**erum ab utróque se dissidére osténdit Christus: ab illis quidem, qui in aliórum perniciem véniunt, cum dicat, se proptérea vénisse, ut vitam habérent et abundántius habérent: ab his autem, qui oves a lupis rapi negligébant, dicéndo se propter eas ánimam pónere, ne oves perírent. Nam cum Judæi ipsum interímere velent non proptérea déstitit a doctrína, neque credéntes trádidit, sed pérstitit, et pértulit mortem: ideo frequénter inquit: Ego sum pastor bonus. Quæ cum nullo niti-  
testimónio videréntur (quod enim póneret ánimam suam, non multo post re demonstrátum est: quod autem vitam habérent et abundántius habérent, eventúrum erat in futúro sáculo) álterum ab áltero confírmát.

Te Deum laudámus.

Die 17. Decembris.

**S. Leonardi a Portu Mauritio**  
Confessoris.

Duplex.

Omnia de Comm. Conf. non Pont.,  
præter sequentia. (m. t. v.)

Oratio.

**D**eus, qui in obstinâtis peccatô-  
rum córdibus ad pœniténtiam  
flecténdis beátum Leonárdum Con-  
fessórem tuum ópere ac sermóne  
poténtem effecísti: da quæsumus;  
ut per ejus preces et mérita e cór-  
dibus nostris contritiónis lácrimas  
elícere valeámus. Per Dóminum.

Et fit commem. Feriæ.

In I. Nocturno Lectiones de Scri-  
ptura occurrente.

In Quatuor Temp. Lect. Beátus vir.  
de eodem Comm. 2. loco.

In II. Nocturno.

Lectio iv.

**L**eonárdus in Portu Maurítio  
ad ora Ligústica Italiæ ortus  
est paréntibus pietáte egré-  
giis pótius, quam génere claris;  
qui púerum ánimam sortitum bo-  
nam, divína favénte grátia, in ti-  
móre Dómini omni cura institué-  
runt. Mirándum erat eum in tem-  
plo vel domi vidére et audíre, sive  
férvidas ad Deum effúndere pre-  
ces, sive hortári coætáneos ad re-  
ligiónis aliarúmque virtútum ópe-  
ra exercénda. Adoléscens studió-  
rum causa Romam missus ad in-  
star novi síderis in Gregoriáno  
collégio tum litterárum ac scien-  
tiárum proféctu, tum potíssimum  
vitæ sanctitáte effúlsit. Jam de  
virtúte in virtútem quotidie magis  
progrédiens, ut intímus Deo ser-  
viret ac proximórum utilitáti va-  
cáret, de religióso institúto ample-

cténdo cogitávit. Et licet pátruus  
pro víribus niterétur, ut hunc ne-  
pótem appríme carum ab hujús-  
modi consílio retráheret, ipse ta-  
men, ejúsdem blandítiis minisque  
posthábitis, fratrum Minórum ex-  
calceatórum rigidióris observán-  
tiæ consórtio cooptári obtinuit,  
eórum præsertim modéstia captus,  
ac extréma paupertáte.

**R.** Honéstum fecit illum Dómi-  
nus, et custodívit eum ab inimícis,  
et a seductóribus tutávit illum: \*  
Et dedit illi claritátem ætérnam.  
**V.** Justum dedúxit Dóminus per  
vias rectas, et osténdit illi regnum  
Dei. Et dedit.

Lectio v.

**A** primo tirocinio, et, quoad in  
eo supérfluit vitæ anhélitus,  
nil hábuit antiquius, quam ut Se-  
ráphici patris exémpa perfectíssi-  
me imitarétur, præsertim cum vix  
ac cléricus efféctus, desidério in-  
cénsus fuit migrándi in bárbaras  
terras, ut ságuinem suum profún-  
deret ad infidélium ánimas Christo  
lucrándas. Verum divínæ provi-  
déntiæ consíliis ánimus compón-  
ens suum, disciplínas theológicas  
sédulo excólere satégit, ut ad omne  
opus bonum instrúctus foret. Sa-  
cris deínde ordínibus initiátus, ac  
sacerdotáli caractére insignítus,  
prótinus in cultíssimis étiam Itá-  
liæ úrbibus evangélii præcónis  
múnere fungi cœpit. Apostólicam  
vivéndi formam sequútus, únicam  
habens túnica atque abjéctis cál-  
ceis, quamvis ténui esset corpús-  
culo, tamen perículis, difficultáti-  
bus, asperitátibus laboribúsque  
haud fractum se umquam sensit.  
Sic réliquam vitam per annos quá-

tuor supra quadraginta strénue impéndit, cum ingénti ubíque animárum lucro et religiónis incremento.

R̃. Amávit eum Dóminus, et ornávit eum: stolam glóriæ induit eum, \* Et ad portas paradísi coronávit eum. Ṽ. Induit eum Dóminus lorícam fidei, et ornávit eum. Et ad portas.

Lectio vi.

**I**mménsa porro fuit populórum ad eum audiéndum frequentia, et innumerábiles conversiões inde subsequútæ. Ipsa enim sáxea ac férrea corda, eo audito, vehementer scindebántur ad pœniténtiam tum ob miram sermónis efficiáciam, ac ardentíssimum loquéntis zelum, tum præsertim ob præcláram ejus vitæ sanctimóniam, quæ suavíssimum Christi odórem ubíque efflábat. Sénio tandem ac innúmeris labóribus consúptus, cum Summo Pontífici Benedícto décimo quarto fidem dedisset nullo ibi se nisi Romæ moritúrum, in almam hanc Urbem rédiens e Bononiénsi missiõe, morbo tentári cœpit, quo sibi brevi decedéndum esse palam edíxit. Cum ígitur sancti Bonaventúre cœnóbium ingrésus esset, illico Ecclésiæ sacraméntis muníri vóluit, quibus admirabili fervóre atque inexplébili ánimo gaudio susceptis, placidíssime in Dómini ósculo quiévit. Leonárdi óbítum plúrima sequúta sunt prodígia, quibus rite probátis, a Pio sexto Pontífice Máximo idem inter beátos cœlites adnumerátus est. Novis deinde fulgéntem signis, tandem Pius nonus Póntifex Máximus præclaríssimum hunc verbi

Dei præcónem sanctórum catálogo accénsuit. R̃. Iste homo.

In III. Nocturno Lectiones de Homilia in Evang. Designávit Dóminus. de Communi Evangelist. cum R̃R̃. de Comm. Conf. non Pont.

Die 18. Decembris.

**Exspectionis Partus B. M. V.**

Duplex majus.

Omnia ut inter festa pro aliqu. locis eadem die.

Die 19. Decembris.

**B. Urbani V. Papæ et Conf.**

Duplex.

Omnia de Communi Conf. Pont., præter sequentia.

Oratio.

**D**eus, qui ad tuénda fórtiter Sedis apostólicæ jura, fidémque cathólicam late propagándam, beátum Urbánum Confessórem tuum atque Pontíficem constántia roborásti: fac nos, ipsíus præsídiis adjútos, ita militánti Ecclésiæ servíre; ut triumphánti consociári mereámur. Per Dóminum.

Et fit commem. Feriæ.

In I. Nocturno Lectiones de Scriptura occurrente.

In II. Nocturno.

Lectio iv.

**U**rbánus quintus Póntifex Máximus nóbili Grimoardórum gente natus, in castro Grísaco diocesis Mimaténsis, quum innocénti adolescéntia floréret, monásticum hábitum sub régula sancti Benedícti induit, ac in Massiliénse cœnóbium sancti Victóris cooptándus, vota nuncupávit. In theologiæ ac juris disciplinis ita excélluit, ut per plures annos To-

lósæ, Parísiis, Aveniõne, in Monte Pessuláno; decreta summa cum laude interpretarétur. Abbas dein sancti Germáni Antissiodorénsis a Cleménte sexto, póstmodum ab Innocéntio sexto sancti Victóris Massiliénsis præses renunciátus, tam império, quam obediéntia summus et exímus, ad majóra jam parátus, dum árduis negótiis et legatióibus pro Ecclésia fungerétur, in Petri sedem assúptus, Aveniõne ritu solémni coronátus est.

R. Invéni David servum meum, óleo sancto meo unxi eum: \* Manus enim mea auxiliábitur ei. V. Nihil proficiet inimícus in eo, et filius iniquitátis non nocébit ei. Manus.

Lectio v.

**V**ix ínito pontificátu, ánimus admóvit ad Sedem apostólicam in Urbem reducéndam, ad mores fidélium emendándos, ad clericórum restaurándam disciplinam, ad claustra reformánda, ad cathólicam fidem propagándam. Apostólicas enim missiões frátribus Minóribus commíssas promovit usque ad Tártaros et últimos Orientáles; multósque hæréticos ex Albánia, Valáchia et Bulgária, ad Ecclésiám cathólicam redúxit. Nihil étiam omísit ut Græcórum contumáciám vínceret, recépta semel et íterum ab imperatóre Joánnē fidei professiõe. Sacrum bellum contra infidéles indíxit, ac rege Cypri cópiis præfécito, Alexandríam Ægýpti feliciter expugnávit. R. Pósuí adjutórium super poténtem, et exaltávi eléctum de plebe mea: \* Manus enim mea auxiliábitur ei. V. Invéni David ser-

vum meum, óleo sancto meo unxi eum. Manus.

Lectio vi.

**I**nterim civilem Sedis apostólicæ principátum pene evérsus, Ægidio Cardinále Albornótio egrégiam opem conferénte, ita restituit, ut sibi et successóribus suis, necessária tandem libertáte parta, lubens et ovans in almam Urbem cum ingénti Romanórum gáudio redíerit. Basílicas Petri et Pauli instaurávit, ac sacrosánctam Lateranensem ecclésiám incéndio pénitus absúptam magnis sumpptibus restituit. In qua cápita Príncipum Apostolórum, retroáctis temporibus in sacéllum sancti Lauréntii transláta, recognóvit; éaque solémniter pópulo Románo osténsa, et in thecas insérta auro et gemmis distincta, fidélibus colénda propósuit. Monastérium in Monte Pessuláno instituit; prætérea Montis Cassíni cœnóbium in priscum decus, alter quasi cónditor, redintegrávit. Demum ab Urbe cum ánimo íterum reverténdi, ob Ecclésiæ negótiá discéssit, et Aveniõnem pervénit, ubi letháli morbo corréptus, pretiósam mortem oppétiit anno millésimo tercentésimo septuagésimo. Miráculis post óbitum clarus, depósitus est in sancti Victóris ecclésia, ubi adhuc vivens sepúlchrum sibi statúerat. Cultum, ab immemorábili témpore eidem exhibítum, post quintum ab óbitu revolútum sáculum, Pius nonus, Póntifex Máximus, prævio Sacrórum Rítuum Congregatiónis consilio approbávit et confirmávit; ejúsque Officium et Missam sub ritu dúplici a Clero Románo et a

plúribus diœcésibus recitári celebrárique benígne indúlsit.

R. Iste est qui.

In III. Nocturno Lectiones de Homil. in Evangel. Vigilæ. de eodem Comm. 2. loco.

## FESTA JANUARI.

Die 5. Januarii.

Omitt. commem. S. Telesphori P. M. de quo fit die 12. Febr.

Die 11. Januarii.

Omitt. commem. S. Hygini P. M. de quo fit die 17. Febr.

Die 22. Januarii.

**S. Vincentii et Anastasii Mart.**

Duplex.

Omnia ut in Breviario eadem die.

Die 23. Januarii.

**Desponsationis B. Mariæ V.**

Duplex majus.

Omnia ut inter festa pro aliqu. locis eadem die.

Et fit commem. S. Joseph ibid.

Die 27. Januarii.

**S. Vitaliani Papæ et Conf.**

Duplex.

Omnia de Comuni Confess. Pontif. præter sequentia.

Oratio. Da, quæsumus.

In I. Nocturno Lectiones de Scriptura occurrente.

In II. Nocturno.

Lectio iv.



italianus, pátria Signiënsis, natióne Campánus, Anastasio patre, duóbus fere mén-sibus ab Eugénii hujus nóminis

primi óbitu, non sine pública bonórum ómnium gratulatióne, in ejus locum subrogátus fuit, vir sane disciplínæ ac régulæ ecclesiásticæ amantíssimus et retinentíssimus. Illam in vigóre suo, ut a prædecessóre lætus accéperat, ita sédulus successori reliquit; et nihil umquam omísit, quod ad illius splendórem servándum pertinéret.

R. Invéni David. 16\*

Lectio v.

**N**ulli labóri, nulli pepércit industriæ, ut Orientálem ecclésiám, jam diutúrno schísmate a Romána separátam, et Constántium imperatórem, Heraclíi nepótem, monothelitárum fautórem, impiíque auctórem Typi, ad meliorem frugem redúceret. Eódem ánimo et fine Petrum patriárcham Constantino-politánum scriptis ad eum lítteris hortátus est ad reddéndam Ecclésiæ pacem, et fidem catholicam amplecténdam.

R. Pósui adjutórium. 16\*

Lectio vi.

**V**árias scripsit epístolas, ut sacrórum cánonum indemnitati, et divínæ fidei propagatióni consúleret. In id præsértim pastorális illius cura incúbuit, non sine prospéro événtu. Religióne enim in Anglia collabéntem restituit: et cum ibi esset sacrórum ministrórum penúria, magnum Theodórum Tharsénsem et Adriánum abbátem eo misit: illum quidem, ut ecclésiæ Anglicánæ Primas esset; hunc vero, ut monásticam disciplínam restauráret. Cum demum illius pietas multum diúque refulsisset, ac sedisset annos quatuórdecim et

menses quinque, ex hac vita ad Deum migravit, anno Christi sexcentésimo sexagésimo nono, et in Vaticanó sepúltus est.

R. Iste est.

In III. Nocturno Homilia in Evang. Homo pègre proficiscens. de eodem Communi 1. loco.

Die 30. Januarii.

**S. Felicis IV. Papæ et Conf.**

Duplex.

Omnia de Communi Conf. Pont., præter sequentia.

Oratio. Exaúdi quæsumus.

In I. Nocturno Lectiones de Scriptura occurrente.

In II. Nocturno.

Lectio iv.

**F**elix quartus Samnítis, Castóris filius, divína grátia copióse instrúctus, beáto Joánne Papa in Theodoríci, regis Itáliæ ariáni, cárcere defúcto, ob húmitem pietátem atque simplicitátem céteris prælátus, celsum Románi episcopátus locum promérui. Per id tempus Athalarícus Theodoríci succéssor, quamquam et ipse ariánus, apostólicæ tamen Sedis honóri cónsulens, instantisque Románi cleri desidériis favens, suo decreto constituit, quod juxta priscae consuetúdinis tenórem (ne clerus forénsibus lítibus profanátus sæculáribus implicétur), si quis áliquem ad Románium clerum pertinéntem in quálibet causa probábili créderet actióne pulsándum, ad beatíssimi Papæ júdiciu prius veníret audiéndus; ut, aut ipse inter utrósque more suæ sanctitátis cognósceret, aut causam deligeret æqui-

tátis stúdio terminándam. Qui vero reveréntiam tantæ Sedi exhibére contémneret, decem librárum auri dispéndio mulctári jussit, per manus memoráti antístitis erogándum.

R. Invéni David servum meum, óleo sancto meo unxi eum: \* Manus enim mea auxiliábitur ei. V. Nil proficiet inimicus in eo, et filius iniquitátis non nocébit ei. Manus enim.

Lectio v.

**P**orro Felix nefáriam damnávit præsumptiónem eórum, qui sacerdotáli ordinatióne suscepta, ad sæculáris vitæ mores demigrábant. Eréxit in Urbe basilicam sanctórum Cosmæ et Damiáni eo loco, qui appellátur via Sacra, juxta templum Urbis Romæ, consumptámque incéndio sancti Mártiris Saturníni basilicam via Salária a solo refécit. Idem paupéribus largus, et míseris solátia præbens, cum créscere fecísset opes apostólicæ Sedis, ærumnósam hanc cum beáta vita commutávit, sepúltus in basilica sancti Petri, quarto Idus Octóbris, Justiniáno imperatóre, et Athalaríco Itáliæ rege. Duábus ordinatió nibus mense Februário et Mártio creávit presbýteros quinquaginta quinque, diáconos quátuor, episcopos per divérsa loca viginti novem. Sedit in pontificátu annos quátuor, menses duos, dies decem et octo.

R. Pósui adjutórium super poténtem, et exaltávi eléctum de plebe mea: \* Manus enim mea auxiliábitur ei. V. Invéni David servum meum, óleo sancto meo unxi eum. Manus enim.



## Sermo sancti Gregórii Papæ.

2. Part. Past., c. 1.

Lectio vi.

**T**antum debet actiõnem pópuli áctio transcendere Præsulis, quantum distáre solet a grege vita pastóris. Opórtet namque ut metíri se sollicitè stúdeat, quanta tenéndæ rectitúdinis necessitatè constringitur, sub cuius æstimatiõe pópulus grex vocátur. Sit ergo (necesse est) cogitatiõe mundus, actiõe præcípuus, discrétus in siléntio, útilis in verbo, singulis compassiõe próximus, præ cunctis contemplatiõe suspénsus, bene agentibus per humilitátem sócius, contra delinquentium vítia per zelum justitiæ eréctus, internórum curam in exteriórum occupatiõe non mínuens, exteriórum providéntiam in interiórum sollicitúdine non relínquens. R. Iste est qui.

In III. Noct. Homil. super Evang. Vigiláte. de eodem Communi 2. loco.

## FESTA FEBRUARII.

Die 3. Februarii.

## S. Dionysii Papæ et Conf.

Duplex.

Omnia de Coñuni Confess. Pontif., præter sequentia. (m. t. v.)

Oratio: Da, quæsumus.

Commem. S. Blasii Episc. et Mart. ut in Breviario.

In I. Nocturno Lectiones de Scriptura occurrente.

In II. Nocturno.

Lectio iv.

**D**ionýsius ex mónacho, post beátum Xystum secúndum, Románæ Ecclésiæ epíscopus est constitútus. Is contra Sa-

belliános scripsit, et advérsus eos, qui Fílium Dei opus aut creatúram asseverábant, plura volúmina édedit. Dionýsii Alexandríni epíscopi apud se accusáti, quasi qui Fílium Dei factum, et non substantiálem Patri diceret, in Romána sýnodo causam discússit, ad quem ejúsdem sýnodi id indigne feréntis senténtiam perscrípsit. Sed cum Alexandrinus antistes, iterum atque iterum, missis Romam suis scriptis, se purgásset atque defendísset, matúro demum consílio est absolútus. Presbýteris ecclésiis in Urbe Dionýsius distribuit, et cœmetéria, paróchias atque diocèses divisit. Dénique multis pro Ecclésiâ perfúctus labóribus, ac fidei documéntis clarus, Aureliáno imperatóre, migrávit ad Dóminum, sepultúsque est in cœmetério Calísti via Appia, sexto Kaléndas Januárii. Hábuít mense Decémbri ordinationes duas, quibus creávit presbýteros duódecim, diáconos sex, epíscopos per diversa loca septem. Sedit annos úndecim, menses tres, dies quatuórdecim.

R. Invéni David servum meum, óleo sancto meo unxi eum: \* Manus enim mea auxiliábitur ei. V. Nihil proficiet inimícus in eo, et filius iniquitátis non nocébit ei. Manus.

## Sermo sancti Joánnis Chrysóstomi.

In Epist. ad Rom. cap. 15., serm. 29., circa finem.

Lectio v.

**C**hristum diligens, et gregem illius útique diligit: et Móysen tum primum super pópulum Judæórum pósuit, quando, qua esset in illum benevoléntia, re ipsa jam

declaráverat. David quoque símili modo regno inaugurátus est, post-eáquam apparúerat quam amíco esset in pópulum afféctu: ita quippe júvenis adhuc pópuli causa dóluit ac zelávit, ut et ánimam suam expóneret, cum vidélicet bárbarum illum e médio tollébat. Quod vero dicébat: Quid dábitur ei qui alienígenam hunc interfécerit? non ídeo dicébat quod mercédem exígeret, sed quo sibi crederétur, et in pugnam cum illo committerétur: nam cum adépta jam victória, ad regem esset ingrèssus, nihil de mercéde méminit.

R. Pósui adjutórium super poténtem, et exaltávi eléctum de plebe mea: \* Manus enim mea auxiliábitur ei. V. Invéni David, servum meum, óleo sancto meo unxi eum. Manus.

Lectio vi.

**E**t Sámuel quoque benígnus erat, et amátor pópuli: unde et dicébat: Absit autem hoc a me peccátum, ut cessem pro vobis oráre Dóminum. Ita et Paulus: imo non ita, sed multo plus ómnibus ardébat erga súbditos. Unde et discipulos ita erga se animávit, ut diceret: si possibile fuisset, óculos vestros eruissétis, mihíque dedissétis. Et Christus óptimi pastóris régulam próferens, dixit: Bonus pastor ánimam suam pónit pro óvibus. Sunt enim sanctórum ánimæ veheménter mites, et hómīnum amántes non solum erga domésticos, sed aliénos, ita ut hanc suam mansuetúdinem étiam ad animántia bruta exténdant. Proptérea et sápiens quíspiam dixit: Justus miserétur animárum jumen-

tórum suórum: si jumentórum, multo magis hómīnum.

R. Iste est qui.

In III. Nocturno Homilia in Evang. Homo pégre. de eodem Coñ. 1. loco.

Lectio ix. S. Blasii, ut in Breviario, et de eo fit commem. in Laudibus.

Die 6. Februarii.

**S. Hyacinthæ de Mariscottis**

Virginis.

Duplex.

Ut inter festa pro aliquibus locis eadem die.

Die 9. Februarii.

**S. Zosimi Papæ et Conf.**

Duplex.

Omnia de Coñuni Confess. Pontif., præter sequ. (m. t. v.)

Oratio. Da quæsumus.

Et fit commem. S. Apolloniæ Virg. Mart. ut in Breviario.

In I. Nocturno Lectiones de Scriptura occurrente.

In Quadrag. Fidélis sermo. de eodem Communi 1. loco.

In II. Nocturno.

Lectio iv.

**Z**ósimus Græcus Abrahámi filius post sanctum Innocéntium Románæ Ecclesiæ episcopátum suscepit. Is Africanórum conciliórum decretis advérsus pelagiánam hæresim senténtiæ suæ robur adnèxuit, et ad impiórum excídium gládio Petri dexteras ómnium armávit antístitum; iis namque ab ipso probátis, per totum mundum hæresis pelagiána damnáta est. Damnávit et Pelágium ipsum una cum Cœléstio, datis hac de re lítteris ad unívrsam Ecclesiám.

R. Invéni David servum meum, óleo sancto meo unxi eum: \* Ma-

nus enim mea auxiliabitur ei. V. Nihil proficiet inimicus in eo, et filius iniquitatis non nocēbit ei. Manus.

## Lectio v.

**E**cclésiasticæ disciplinæ tenacissimus fuit, compluribus ad eam ubique sive servandam, sive restituendam, destinatis gravibus epistolis. Definiit, juxta probatum Ecclesiæ morem, ut si quis ab infātia ecclesiasticis ministeriis nomen dedisset, inter lectōres usque ad vigésimum ætātis annum, continuata observatiōne durāret. Si vero major jam et grandævus post baptismum, sive inter lectōres, sive inter exorcistas, quinquennio teneretur, et inde acolythus, vel subdiaconus, quātuor annis, et sic ad diaconatum (si mereretur) accederet, in quo ordine quinque annis hærere debēret, et inde, suffragantibus votis, sacerdotium promereri posset. R. Pōsui adiutorium. 20\*

## Lectio vi.

**S**ancivit ut diaconi lævas linostimis pallis tegerent, potestatemque fecit ut per parochias paschalis cæreus benediceretur. Cavit præterea ne clérico poculum propinaretur in público, præterquam in fideliū cellis, et maxime clericorum. Qui cum sanctissime rexisset Ecclesiam annum unum, menses quātuor, dies septem, quievit in pace, sepultusque est juxta corpus sancti Laurentii Martyris, via Tiburtina, septimo Kalendas Januarii, Honório et Theodosio juniore imperantibus. Una ordinatione mense Decembri creavit presbyteros decem, diaconos tres, episcopos per diversa loca octo.

R. Iste est qui.

In III. Nocturno Homilia in Evang. Homo peregre. de eodem Cōm. 1. loco.

Lectio ix. S. Apolloniæ Virg. Mart. ut in Breviario, cum comm. in Laud.

In Quadrag. autem Lectio ix. de Homilia et comm. Feriæ.

## Die 11. Februarii.

## S. Antheri Papæ et Mart.

## Duplex.

Omnia de Communi unius Martyris præter sequ.

Oratio. Infirmitatem.

In I. Nocturno Lectiones de Scriptura occurrente.

In Quadrages. A Miléto. de eodem Communi 1. loco.

## In II. Nocturno.

## Lectio iv.

**A**nthérus, natione Græcus, patre Rómulo, post sanctum Pontianum Romæ ordinatus est episcopus. Is gesta Martyrum diligenter a notariis conquisivit, ac in Ecclesia recondidit. Propter eam causam a Máximo præfecto martyrio coronatus est, tertio Nonas Januarii, sepultusque in cœmetério Callisti, via Appia, Maximino principe. Unica ordinatione mense Decembri ordinavit episcopum Fundanæ civitatis in Campania. Sedit in pontificatu mensem unum, dies duodecim.

R. Honestum fecit illum Dñs, et custodivit eum ab inimicis, et a seductoribus tutavit illum: \* Et dedit illi claritatem æternam. V. Descenditque cum illo in foveam, et in vinculis non dereliquit eum. Et.

Sermo sancti Augustini Episcopi.

Serm. 138. De Verbis Domini.

## Lectio v.

**P**astor bonus Christus. Quid Petrus? nonne bonus pastor? non-

ne et ipse animam suam pro óvibus pósuit? Quid Paulus? Quid céteri Apóstoli? Quid eórum témpora consequéntes beáti epíscopi Mártýres? Quid étiam iste sanctus Anthérus? Nonne omnes pastóres boni, non mercenárii, de quibus dícitur: Amen dico vobis, percépérunt mercédem suam? Omnes ergo illi pastóres boni, non solum quia sánguinem fudérunt, sed quia pro óvibus fudérunt. Non enim fudérunt elatióne, sed caritaté.

R. Desidérium animæ ejus tribuísti ei Dómine, \* Et voluntáte labiórurum ejus non fraudásti eum. V. Quóniam prævenísti eum in benedictionibus dulcédinis: posuísti in cápite ejus coronam de lápide pretiósó. Et.

#### Lectio vi.

**N**am et apud hæréticos, qui propter iniquitátes et erróres suos áliquíd molestiárum perpéssi fuérunt, nómine martýrii se jactant: ut hoc pállio dealbáti facílius fureréntur, quia lupi sunt. Si autem vultis scire in quo número habéndi sunt, pastórem bonum Paulum Apóstolum audíte: quóniam non omnes, qui córpora sua in passióne étiam ígnibus tradunt, æstimánda sunt sánguinem fudisse pro óvibus, sed pótius contra oves. Si distribúero, inquit, ómnia mea paupéribus, et tradídero corpus meum, ut árdeam: Jam ipsi sunt: sed vide quid séquitur: Caritatém autem non hábeam, nihil mihi prodest. Ecce venítur ad passiónem, ecce venítur et ad ságuinis effusiónem, venítur et ad córporum incensiónem; et tamen nihil prodest, quia cáritas deest. Adde

caritatém, prosunt ómnia: détrahe caritatém, nihil prosunt cétera.

R. Stola jucunditátis.

In III. Noct. Homil. in Evang. Si quis venit. de eodem Comm. 1. loco.

In Quadrag. Lectio ix. de Homilia et commem. Feriæ.

#### Die 12. Februarii.

#### S. Telesphori Papæ et Martyris.

Duplex.

Omnia de Communi unius Martyris præter sequentia.

Oratio. Deus, qui nos.

In I. Noct. Lectiones de Scriptura occurrente. In Quadrages. A Miléto. de eodem Communi 1. loco.

In II. Nocturno.

Lectio iv.

**T**elésphorus, natióne Græcus, pátria Thuriénsis in magna Græcia, ex presbýtero Románæ Ecclesiæ (cujus dignum mínistrum égerat) Póntifex Máximus creátus est. Hoc supréum munus ita óbiit, ut exímus Petri succésor lectus esse viderétur. In ejus cáthedra sedit sub imperatóre Antoníno Pio, fervénte persecutiónis æstu. Qui tamen non óbstetit, ne sédulam óperam regéndæ Christi Ecclesiæ sollicitus navárit.

R. Honéstum fecit illum Dóminus, et custodívit eum ab inimícis, et a seductóribus tutávit illum: \* Et dedit illi claritatém ætérrnam. V. Descendítque cum illo in fóveam, et in vínculis non derelíquit eum. Et dedit illi.

Lectio v.

**H**inc novis decrétiis multa illum egrégie sancivísse légimus, quæ ad fidélium mores, Ecclesiasticórum libertatém, et sacros ritus áttinent: scilicet quadragesi-

mále jejúniū, jam olim ab Apóstolis tráditum, novo edicto restaurásse; ac mandásse ut in Natáli Dómini sanctum Missæ sacrificiū ter celebrarétur, média nocte, illucescénte auróra, hora demum tértia post solis ortum; et constituísse ut sacræ Liturgiæ hymnus angélicus, Glória in excélsis Deo, adderétur. *R.* Desidérium. 22\*

## Lectio vi.

**E**dixisse quoque ne sacerdótes a pópulo argueréntur, ut sublimis órdis dignitatí consúleret. Ordinatióne quadrúplici, mense Decémbri, creávit presbýteros duódecim, diáconos octo, episcopos trédecim per diversa loca. Cum autem in propagánda fide ardentíssimus esset, ac proinde idolórum sacerdótibus invísus, captus tandem cápitis abscissióne martyrium consummávit Nonis Januárii, et ejus corpus in Vaticáno sepúltum est. *R.* Stola jucunditátis.

In III. Noct. Homil. in Evang. Si quis vult post me veníre. de eodem Comuni 2. loco.

In Quadrages. Lectio ix. de Homil. et commem. Feriæ.

## Die 13. Februarii.

## S. Gregorii II. Papæ et Conf.

## Duplex.

Omnia de Comuni Confessoris Pontificis, præter sequ.

Oratio. Da quæsumus.

In I. Nocturno Lectiones de Scriptura occurrente. In Quadrag. Fidé-  
lis sermo. de eodem Comuni 1. loco.

## In II. Nocturno.

## Lectio iv.

**G**regórius hujus nóminis secundus, natióne Románu, patre Marcéllo, anno Christi

septingentésimo décimo quarto, mirábili totíus cleri et pópuli concórdia, ad supréum Ecclésiæ cathólicæ pontificátum evéctus est. Hic a puerítia divíno cúltoi addíctus in Lateranénsi patriarchío, sub beáti Sérgii óculis et disciplína víxerat, subdiáconi primum, tum sacellárii múnere functus. Mox bibliothécæ cura illi crédita, ad diaconátus tandem órdis promótus, in régiam urbem, una cum sanctíssimo Papa Constantíno proféctus est. Ibi ab imperátore de nonnullis capítibus interrogátus, cum sacrárum litterárum peritíssimus esset, et constantíssimus rerum ecclesiasticárum defénsor, óptima et cathólica responsiόne principi satisfécit.

*R.* Invéni David servum meum, óleo sancto meo unxi eum: \* Manus enim mea auxiliábitur ei. *V.* Nihil proficiet inimicus in eo, et filius iniquitátis non nocébit ei. Manus enim.

## Lectio v.

**U**rbis mœnia contra Longobardórum excursiόnes áliqua ex parte reparávit. Aliquot basilicas témporum injúria collápsas restituit. Urbána monastéria fere déserta, et mónachos in prístinam formam et disciplínam redégit. Imo post mortem Honéstæ matris, patérnam domum in ecclésiám et monastérium commutávit, quod multis prædiis instrúctum reliquit. Corbiniánu et Bonifácium, viros apostólico spírítu plenos, in Germaníam misit, ad prædicándum Gentilibus Christi Evangélium, eosque sacris episcopátus ínfulis decorávit, postquam innúmeram

paganórum multitudinem ab iis ad Christi fidem convérsam fuisse accepisset. Ut omnes óptimi pastóris partes impléret, óptimis légibus ecclesiásticam disciplinam et Christianórum mores instrúxit. Géminam sýnodum Romæ hábuit, álteram advérsus illícita conjúgia, álteram advérsus Iconoclástas.

R. Pósuí adjutórium super poténtem, et exaltávi eléctum de plebe mea: \* Manus enim mea auxiliábitur ei. V. Invéni David servum meum, óleo sancto meo unxi eum. Manus.

Lectio vi.

**L**eonem Isaúrum, sacrárum imáginum destructórem, váriis epístolis ab illa háresi removére, omníque illum officiórum génere sibi demeréri stúduit; cum tamen hic ad scéleris cúmulum, óptimum Pontificem neci trádere ferro séxies, semel auro et munéribus corrúmpere, quamvis frustra, tentásset. Luitprándo, cum exárcho ad excídium Urbis properánti, sanctíssimus Póntifex, Dei fretus præsidio, ad prata Nerónis occúrrit, et piis mónitis regis ánimus ita mollivit, ut non jam hostis, sed pius adorátor ensem et corónam Principi Apostolórum obtúlerit. Cum autem imperátor destructiónem machinarétur, eúndem diro anathémate pér culit, et ínito cum Francis fœdere, ab ímpio molímine detérruit. Rebus demum præcláre gestis, quibus máximis quibúque prædecessórum suórum æquiparátur, pie óbiit in Dómino, sexto Pontificátus anno, et in basilica Vaticána cónditus est.

R. Iste est qui.

In III. Nocturno Homilia in Evang. Homo pégre. de eodem Com. 1. loco.

In Quadrag. Lect. ix. de Homil. et commem. Feriæ in Laudibus.

In II. Vesp. Oratio. Exaúdi.

Die 14. Februarii.

**S. Agathonis I. Papæ et Conf.**

Duplex.

Omnia de Communi Confess. Pontif. præter sequ. (m. t. v.)

Oratio. Da quæsumus.

Et fit commem. Feriæ in Quadrag., postea S. Valentini Mart. ut in Brev.

In I. Nocturno Lectiones de Scriptura occurrente.

In Quadrages. Fidélis sermo. de eodem Communi 1. loco.

In II. Nocturno.

Lectio iv.

**A**gatho, nátióne Sículus, ex doctíssimo ac sanctíssimo mónacho RománuS Póntifex creátus est, anno Christi sexcentésimo septuagésimo octávo. Vir summa humanitáte, exímio ánimi candóre, singulári morum suavitate et comitáte præditus, cunctórum amans, cunctis amabilíssimus. Ita demum a natúra et grátia comparátus, ut ad suprémam illam dignitátem geréndam natus seu factus esse viderétur.

R. Invéni David servum meum, óleo sancto meo unxi eum: \* Manus enim mea auxiliábitur ei. V. Nihil proficiet inimicus in eo, et filius iniquitátis non nocébit ei. Manus enim.

Lectio v.

**A**ccéptis a Constantíno Pogonáto lítteris ad Donum prædecessórem scriptis, pro convocádo concílio œcuménico, ad diutúrnum schisma tolléndum, quo laborábat



Ecclésia, et definiendas fidei controversias, quæ toto fere Oriente máximas tempestates atque ruínas excitárant, provinciáles sýnodos in Occidente habéri curávit, in quibus Monothelitárum causa discuterétur, et damnaréntur erróres. —

R. Pósuí adjutórium. 24\*

Lectio vi.

**H**is præmissis, Legátos suos, et concílii Románi, misit Constantinópolis cum binis lítteris ad imperátorem, in quibus prædicta hæresi docte, fuse ac sólide refutáta, damnatisque primáriis illius sectatóribus, Sérgio scilicet, Cyro, Paulo, Pyrrho, Petro et áliis, antecessóres suos ab omni erróris labe immúnes hucusque fuisse expressis verbis declarávit. Agathónis igitur auctoritate sexta sýnodus universális congregáta est, in qua iidem erróres iidémque errántes damnáti fuérunt. Demum cum tres annos et quinque círciter menses sedísset, pie obiit in Dómino, et in basilica princípis Apostolorum sepultúræ mandátus est.

R. Iste est qui.

In III. Nocturno Homilia in Evang. Homo pègre. de eodem Coñ. I. loco.

In Quadrages. Lectio ix. de Homil. et commem. Feriæ ad Laudes, deinde S. Valentini Mart.

Die 15. Februarii.

**S. Martinæ Virg. et Mart.**

Duplex.

Omnia ut in Breviario die 30. Jan.

Die 16. Februarii.

**B. Gregorii X. Papæ et Conf.**

Duplex.

Omnia de Communi Confess. Pontif., præter sequ.

Oratio.

**D**eus, qui Ecclésiám tuam, beáti Gregórii Confessóris atque Pontificis religiónis zelo et apostólicis curis amplificásti: ejus méritis et intercessióne concéde; ut fidei et sanctitátis nova semper incrementa suscípiat. Per Dñm. —

Et fit commem. Feriæ in Quadrag.

In I. Nocturno Lectiones de Scriptura occurrente.

In Quadrages. Laudémus viros. de eodem Communi 2. loco.

In II. Nocturno.

Lectio iv.

**G**regórius décimus, Theáldus seu Theobáldus ántea nuncupátus, Placéntiæ ad Æmíliæ fines nóbili vicecómitum genere natus est. Adoléscent ecclesiásticæ militiæ adscriptus, singulári nítuit honestáte morum vitæque mundítia, nulla umquam, ut créditur, críminis contagióne pollúta. In Gálliam cum Jacóbo Cardináli Pecorário Gregórii noni Legáto proféctus, archidiáconus Leodiénsis renuntiátus est. Eo in Itáliam redeúnte, theologiæ Parísiiis óperam dedit, ac magístri múnus adéptus, verbo et exémplo fidéles ac príncipes ad Terræ sanctæ recuperatióem veheménter accéndit. In Sýriam deinde peregrinátus, dum ibi sacram expeditiόnem urgéret, a Cardinálibus, Vitérbii Pontificis electiόnem in annum fere tértium protrahéntibus, in Petri sedem evéctus est, anno millésimo ducentésimo septuagésimo primo.

R. Invéni David. 24\*

Lectio v.

**A**ccépto Ptolemáide electiόnis decreto, in Itáliam navigávit,

ac Vitêrbium se cöntulit, deinde Romam, ubi anno insequente sollemniter inauguratus est. Ab ipso pontificatus exordio ad generalis concilii celebrationem curas et cogitationes omnes adjecit. Eo Lugdunum Galliârum indicto, Michaëlem Palæologum, Græcorum imperatorem, tum alios christianos principes, et græcæ latinæque Ecclesiæ Præsules litteris amantissimis invitavit, accersitis etiam eximiis doctrina et sanctitate viris, uti sancto Thoma Aquinate in ipso itinere vita functo, sancto Bonaventura, sancto Philippo Benitio, beato Albérto Magno, Petro de Tarantasia, ordinis Prædicatorum, qui eidem in pontificatu successit. Igitur œcumenicam synodum Patrum numero omnium frequentissimam, cui præfuit Pöntifex ipse, Græcis, ejurato schismate, ad Ecclesiæ unitatem receptis, decretis pro sacra expeditione subsidiis, editisque pluribus sanctissimis legibus, trimèstri spatio feliciter celebravit.

R. Pôsui adjutôrium super potentem, et exaltavi eléctum de plebe mea: \* Manus enim mea auxiliabitur ei. V. Invéni David servum meum, óleo sancto meo unxi eum. Manus.

Lectio vi.

**D**e pace in Ecclesiâ firmânda cum primis sollicitus, prælatorum dissidia, regum inimicitias, provinciârum odia, populorum factiones composuit, dirémit, extinxit. Ecclesiæ jura, etiam adversus reges et principes, severe ac fortiter vindicavit, nullam esse prædicans solidiorem regnorum

basim, quam tutelam ecclesiasticæ libertatis. Pauperum amantissimus, primus omnium in apostolico palatio piarum in illos largitionum præsidem constituit, iisque propriis manibus pedes quotidie abluébat. In Italiâ a concilio redux, dum profectionem in Palæstinam meditatur, pluraque alia christianæ reipublicæ bono molirétur, Arétii in Etruria morte interceptus est, quarto ab electione sua anno, mense quarto, die décima. Fuit vir animi plane invicti et apostolici, terrenorum contemptu, cultus divini studio, fidei zelo, disciplinæ et morum restauratione, rerum gerendarum prudentia, fortitudine, magnanimitate, aliisque virtutibus prorsus eximius. Miraculis post mortem claruisse Ecclesiæ Arétinæ monuménta testantur.

R. Iste est qui.

In III. Nocturno Homilia in Evang. Homo peregre. de eodem Com. 1. loco.

In Quadrages. Lect. ix. de Homil. et commem. Feriæ in Laud.

Die 17. Februarii.

S. Hygini Papæ et Mart.

Duplex.

Omnia de Communi unius Martyris, præter sequ.

Oratio. Infirmi-tatem.

In I. Noct. Lectiones de Scriptura occurrente. In Quadrages. A Miléto. de eodem Communi 1. loco.

In II. Nocturno.

Lectio iv.

**H**ygínus Atheniënsis, philosopho patre, cum jam Romænæ Ecclesiæ præsbyter esset, cleri suffragiis, Telésphoro suffectus est. Sedit in sancta Petri sede, imperatore Antonino Pio

Augústo, annos tres, menses undecim, dies viginti octo. Ubi primum Póntifex renunciátus est, clericórum órdenes in suos gradus distinxit, ac fecit, ut in iis ecclésiis, quas Títulos vocant, tum primárii ministri, tum álii eisdem subjécti adéssent, qui fidélibus, cum res postuláret, sacra ministrárent.

R. Honéstum fecit illum Dóminus, et custodívit eum ab inimícis, et a seductóribus tutávit illum: \* Et dedit illi claritátem ætérnam. V. Descendítque cum illo in fóveam, et in vínculis non derelíquit eum. Et dedit.

## Lectio v.

**I**nstituit étiam ne absque celebratione Missæ templa vel oratória sacro ritu consecraréntur: ne inconsúlto episcopo, vel nova construeréntur, vel jam constrúcta destrueréntur, et ne matéries ad sacrum illum usum congésta et destináta, in profános usus converterétur. Edíxit prætérea, ut patríni baptismo adéssent, qui de sacro fonte infántes levárent: ne quis episcopus reus criminis damnarétur, nisi a comprovinciálibus episcopis ejus causa probe discússa fuisset. Cuncta hæc ejus título ac nómine sancita exstant. Tres ordinationes hábuit mense Decémbri, quibus creávit episcopos sex, presbýteros quíndecim, diáconos quinque.

R. Desidérium ánimæ ejus tribuísti ei Dómine, \* Et voluntáte labiórur ejus non fraudásti eum. V. Quóniam prævenisti eum in benedictionibus dulcédinis: posuísti in cápite ejus corónam de lápide pretióso. Et voluntáte.

## Lectio vi.

**C**um autem paulo ante Justínus claríssimus philósophus et Christi Martyr, scripsisset apologíam pro religióne christiána ad imperatórem Antonínur Píum Augústum, obtínuit ut persecútio desæviret. Hinc a Christianórum cæde, non quidem omníno, plúrimum tamen, público princípís edicto, temperátum est. Sanctíssimo tamen pastóri, cujus cura Domínico gregi consúltum fúerat, párcitum non fuit; nempe hic glorióso martyrio, ne antecessóribus dissímilis esset, innocentíssimam vitam terminávit, die undécima Januárii, et sepúltus est in Vaticáno.

R. Stola jucunditátis.

In III. Nocturno Homilia in Evang. Si quis venit. de eodem Coñ. 1. loco. In Quadrages. Lect. ix. de Homil., et commem. Feriæ in Laudibus.

## Die 18. Februarii.

**S. Raymundi de Peñafort** Conf. Semiduplex.

Omnia ut in Breviar. Rom. die 23. Jan.

## Die 19. Februarii.

**S. Titi** Episc. et Conf. Duplex.

Omnia ut in Breviario die 6. Febr. omissa commem. S. Dorotheæ V. M.

## Die 20. Februarii.

**S. Cyrilli** Episc. Alexandr. Conf. et Eccl. Doct. Duplex. (m. t. v.)

Omnia ut in Breviario die 9. Febr.

## Die 25. Februarii

(vel 26. in anno bissextili).

**S. Felicis III.** Papæ et Conf. Duplex.

Omnia de Communi Confess. Pontif., præter sequ.

Oratio. Da quæsumus.

In I. Nocturno Lectiones de Scriptura occurrente.

In Quadrag. Fidélis sermo. de eodem Communi 1. loco.

In II. Nocturno.

Lectio iv.

**F**elix tértius, pátria RománuS, natus ex nobilíssima domo Anícia, et divi Gregórii Magni átavus, post Simplícium Papam ad summi pontificátus ápicem est evéctus. Hic mira ánimí constantia, tamétsi Roma sub Hérulis ariánis propémódum captíva viderétur, aliqúe Patriárchæ conciliatiónem Zenónis imperatóris approbássent, solus illi non communicávit. Ejúsdem de fide edíctum promulgántis, audáciam fórtiter repressit, Petrum Fullónem patriarchátu Antiochéno dejécit. Acácium Constantinopolitánum episcopum Romam veníre coégit, ut contra eum objéctis in apostólicæ Sedis judício respondéret, ac in eúndem senténtia excommunicatiónis animadvértit.

R. Invéni David servum meum, óleo sancto meo unxi eum: \* Manus enim mea auxiliábitur ei. V. Nihil proficiet inimícus in eo, et filius iniquitátis non nocébit ei. Manus enim.

Lectio v.

**C**onstituit, ut ecclésiæ nónnisi ab episcopis consecraréntur; semel baptizátos íterum rebaptizári sub grávibus pœnis prohibuit. Basilícam sancti Agapíti constrúxit. Anno ejus pontificátus tértio, sanctus Bárnabas Apóstolus, cum sancti Matthæi Evangélio, in Cy-

pro Anthémio episcopo Salamínæ appáruit; sicque prævia trina revelatióne, corpus sancti Bárnabæ cum Evangélio supradícto est invéntum. Duas fecit ordinatiónes mense Decémbri, quibus creávit Romæ presbýteros vigínti novem, diáconos quínque, episcopos per divérsa loca trigínta. Quinto Kaléndas Mártii e terris excédens ad Súperos evolávit.

R. Pósui adjutórium super poténtem, et exaltávi eléctum de plebe mea: \* Manus enim mea auxiliábitur ei. V. Invéni David servum meum, óleo sancto meo unxi eum. Manus enim.

Sermo sancti Gregórii Papæ. \*

Ex Homil. 38. in Evang.

Lectio vi.

**Q**uia nonnúmquam mentes audientiú plus exéempla fidélium quam docéntium verba convértunt, volo vobis áliquíd de próximo dícere, quod corda vestra tanto formidolósius aúdiánt, quanto eis hoc de propínquo sonat. Neque enim res longe ante gestas dícimus; sed eas de quibus testes exsístunt, eisque interfúisse se réferunt, memorámus. Tres pater meus soróres hábuit, quæ cunctæ tres sacræ vírgines fuérunt; quarum una Tarsílla, ália Gordiána, ália Æmiliána dicebátur. Quadam vero nocte huic Tarsillæ (quæ inter soróres suas, virtúte continúæ oratiónis, afflictiónis stúdio, abstinentiæ singuláris, gravitáte vitæ venerábilis, in honóre et cúlmine sanctitátis excréverat), sicut ipsa narrávit, per visiónem átavus meus Felix hujus Románæ Ecclésiæ An-

tistes apparuit, eique mansionem perpetuæ claritatis ostendit, dicens: Veni, quia in hac te lucis mansione suscipio. Quæ subsequenti mox febre correpta, ad diem pervenit extremum: et sicut nobilibus feminis virisque morientibus multi conveniunt, qui eorum próximos consolentur, eadem hora ejus exitus multi viri ac feminae ejus lectulum circumsteterunt, inter quas mater mea quoque adfuit; cum sursum illa respiciens Jesum venientem vidit, et cum magna animadversione coepit circumstantibus clamare, dicens: Recedite, recedite, Jesus venit. Cumque in eum intenderet quem videbat, sancta illa anima a carne soluta est: tantaque subito fragrantia miri odoris aspersa est, ut ipsa quoque suavitas cunctis ostenderet, illuc auctorem suavitatis venisse.

R. Iste est qui.

In III. Nocturno Homilia in Evang. Homo peregre. de eodem Communi 1. loco.

In Quadrages. Lect. ix. de Homil., et commem. Feriæ in Laud.

Die 26. Februarii.

**S. Margaritæ Cortonensis**

Pœnitentis.

Semiduplex.

Omnia ut inter festa pro aliquibus locis eadem die.

Feria III. post Domin. Septuag.

**Orationis D. N. J. C.**

Duplex majus.

Ut inter festa pro aliquibus locis eadem feria.

Feria III. post Domin. Sexag.

Commemoratio

**Ss. Passionis D. N. J. C.**

Duplex majus.

Ut inter festa pro aliquibus locis eadem feria.

Feria VI. post Cineres.

**Sacr. Spineæ Coronæ D. N. J. C.**

Duplex majus.

Ut inter festa pro aliquibus locis eadem feria.

## FESTA MARTII.

Die 2. Martii.

**S. Simplicii Papæ et Conf.**

Duplex.

Omnia de Communi Confess. Pontif., præter sequentia.

Oratio. Da quæsumus.

Commem. Feriæ in Quadrag.

In I. Noct. Lect. de Script. occurr.

In Quadrag. Fidélis sermo. de eodem Communi 1. loco.

In II. Nocturno.

Lectio iv.

**S**implicius, Tiburtinus, patre Castório, proxime post sanctum Hilarum Romanæ Ecclesiæ principatum suscepit, ac difficillimis temporibus (cum magna ex parte christiáni orbis catholica fides, ob cunctos fere principes hæresi infectos, nutaret) summa vigilántia gubernávit. Leóni imperatóri peténti, ut rata haberéntur concéssa ab episcopis synodi Chalcedonensis ecclesiæ Constantinopolitánæ privilégia, vehementius réstitit, misso étiam eam ob causam Constantinópolim suo legáto. Eádem pastoráli sollicitúdine plúrimum laborávit, ut Timó-

theus Ælúrus Alexandrinæ ecclésiæ invásor, qui Constantinópoli libere degens, adnitebátur quam máxime propagáre hæresim, novúmque Zenónis imperatóris ópera cogi concílium, pellerétur in exsílum, sicque integritáti suæ Alexandrina redderétur ecclésiæ. Reliquórum item perduéllium pro nova sýnodo indicénda conátibus fórtiter óbstetit, ásserens nova concília non fácite convocánda, nisi cum áliquid in pravis sénsibus novum, aut in assertióne dógmatum emersisset ambíguum.

R. Invéni David servum meum, óleo sancto meo unxi eum: \* Manus enim mea auxiliábitur ei. V. Nihil proficiet inimícus in eo, et filius iniquitátis non nocébit ei. Manus.

Lectio v.

**D**amnávit iterum Petrum Moggum, álterum Alexandrinæ sedis invasórem, curavítque, ut ex urbe pellerétur, ne áliquos módicæ fidei inficeret, et ad perversitátis suæ factiónem pertráheret. Timótheo Solofaciolo, legítimo ejúsdem ecclésiæ antístiti, juxta prístinum institútum, per suos legátos erróris sui condonatiónem expeténti, idcirco quod timóre pertérritus Dióscorum ad altáre nominásset, véniam impértiit. Antiochéni epíscopi electiόnem ad seditiόnes vitándas Constantinópoli in concílii Nicæni præjudiciūm peráctam, ea lege ratam hábuit, ut deinceps, secúndum patrum definitiόnes, Orientáli comprovinciáliūm episcopórum sýnodo, creatiό Antiochéni pontíficis reservarétur. Oblatiόnes ecclésiæ ita partiéndas esse præcépit, ut

una dumtáxat pórtio epíscopo, una ítidem clero, duæ vero in ecclésiæ fábricam et peregrínos ac paúperes erogaréntur. Zenónem epíscopum Hispalénsem vicária Sedis apostólicæ auctoritáte fulcívít, ne apostólicæ institutiόnis decreta et sanctórum téminos patrum in Hispániis transcéndi pémitteret.

R. Pósui adjutórium super poténtem, et exaltávi eléctum de plebe mea: \* Manus enim mea auxiliábitur ei. V. Invéni David servum meum, óleo sancto meo unxi eum. Manus.

Lectio vi.

**S**tátuit in Urbe hebdomadas, ut, propter baptísmum, et pœniténtiam peténtes, presbýteri quidem de regiόne prima apud sanctum Paulum, de tértia apud sanctum Lauréntium, et de séptima apud sanctum Petrum manérant. Dedicávit basilícas sancti Stéphaní in Cœlio monte, sancti Andréæ Apóstoli juxta sanctam Mariám, ítem áliam sancti Stéphaní juxta sanctum Lauréntium, ac postrémo sanctæ Bibiánæ Mátyris áliam intra Urbem juxta palátium Liciniánum; ítémqve vasa complúra tum argénteá, tum aúreá Románæ contulit Ecclésiæ. Demum Zenóne imperátore, et Odoácre Itáliæ rege, migrávit ad Dóminum. Hábuit ordinatiόnes tres mense Decém-bri, quibus creávit presbýteros quinquagínta octo, diáconos úndecim, epíscopos per diversa loca trigínta sex. Sacerdótiūm administrávit annos quíndecim, menses quinque, et dies decem.

R. Iste est qui.



In III. Nocturno Homilia in Evang.  
Homo pègre. de eodem Comuni  
1. loco.

In Quadrages. Lect. ix. de Homil.  
et commem. Feriæ in Laud.

#### Die 4. Martii.

#### S. Lucii I. Papæ et Mart.

Duplex.

Omnia de Comuni unius Martyris,  
præter sequentia:

Oratio. Deus, qui nos.

In I. Nocturno Lectiones de Scri-  
ptura occurrente.

In Quadrages. A Miléto. de eodem  
Comuni 1. loco.

In II. Nocturno.

Lectio iv.

**L**úcius Románus patre Porphy-  
rio, post sancti Cornélii con-  
summationem, Románæ Ec-  
clésiæ episcopátum tenuit. Sanxit,  
ut duo presbýteri ac tres diáconi,  
ecclesiástici causa testimonii, quo-  
vis loco episcopum non desére-  
rent. Pacem lapsis dandam, et  
pœniténtia acta, communicatiónis  
fructum negándum non esse, spí-  
ritu Dei plenus (ut sanctus Cypriá-  
nus scripsit), litteris suis significá-  
vit. Ob Christi fidem exsilio rele-  
gátus, et póstmodum ad Ecclesiám  
suam incólumis redire permíssus,  
tandem omni Ecclesiæ facultáte  
archidiácono suo Stéphano prius  
trádicta, cápite truncátus est quarto  
Nonas Mártii, Gallo et Volusiáno  
principibus. Duas hábuit ordina-  
tiones mense Decémbri, quibus  
presbýteros quátuor, episcopos  
per diversa loca septem creávit.  
Ejus corpus primo via Appia ad  
sanctum Xystum, in cœmetério  
Callísti sepúltum, inde a Pascháli

Papa in sanctæ Cæciliæ título,  
una cum ejúsdem vírginis et soció-  
rum corpóribus translátum, ibi sub  
sancto altári collocátum fuit.

R. Honéstum fecit illum Dómi-  
nus, et custodívit eum ab inimícis,  
et a seductóribus tutávit illum: \*  
Et dedit illi claritátem ætérnam.  
V. Descendítque cum illo in fó-  
veam, et in vínculis non derelíquit  
eum. Et dedit illi.

De Epístola S. Cypriáni Epíscopi  
et Mátyris, et collegárum ejus ad  
S. Lúcium Papam et Mátyrem.

Lectio v.

**N**uper quidem tibi, frater carís-  
sime, gratuláti sumus, cum te  
honóre gemináto in Ecclesiæ suæ  
administratióne Confessórem pári-  
ter et Sacerdótem constituit diví-  
na dignátio. Sed et nunc non mi-  
nus tibi et comítibus tuis, atque  
univérsæ fraternitati gratulamur,  
quod cum eádem glória, et laúdi-  
bus vestris, réduces vos dénuo ad  
suos fécerit benígna Dómini et  
larga protéctio; ut pascéndo gregi  
pastor, et gubernándæ navi guber-  
nátor, et plebi regéndæ rector red-  
derétur: et appareret relegatióne  
vestram sic divínitus esse dispósi-  
tam, non ut episcopus relegátus et  
pulsus ecclesiæ deéssset, sed ut ad  
ecclesiám major redíret. Neque  
enim in tribus púeris minor fuit  
martyrii dignitas, quia, morte fru-  
stráta, de camíno ignis incólumes  
exiérunt; aut non consummátus  
Dániel éxstitit in suis laúdis,  
quia, qui leónibus missus fúerat  
ad prædam, protéctus a Dómino  
vixit ad glóriam. In Confessoribus  
Christi diláta martyria non mérita

confessiõnis minuunt, sed magnalia divinæ protectiõnis ostendunt.

R. Desiderium animæ ejus tribuisti ei Dómine, \* Et voluntate labiõrum ejus non fraudasti eum. V. Quoniam prævenisti eum in benedictionibus dulcedinis: posuisti in capite ejus coronam de lapide pretioso. Et.

#### Lectio vi.

**R**epræsentatum videmus in vobis, quod apud regem fortes atque illústres púeri prædicaverunt, ipsos quidem parátos esse ardere flammis, ne diis ejus servírent, aut imáginem quam fécerat adorarent; Deum tamen, quem colébant, quemque et nos cólimus, poténtem esse, ut eos de camíno ignis exímeret, et de regis mánibus ac de pœnis præsentibus liberáret; quod invenimus in confes-

siõnis vestræ fide, et in Dómini circa vos protectiõne nunc gestum; ut cum vos paráti fuéritis et prompti omne subíre supplicium, Dóminus tamen vos pœnæ subtráheret, et ecclésiæ reserváret. Regrediéntibus vobis, breviáta non est in episcopo confessiõnis suæ dignitas, sed magis crevit sacerdotális auctóritas, ut altári Dei assístat antístes, qui ad confessiõnis arma suménda, et faciénda martýria, non verbis plebem, sed factis cohortétur, et, imminente antichrísto, paret ad prælium mílites, non solum sermónis et vocis incitamento, sed fidei et virtútis exemplo.

R. Stola jucunditátis.

In III. Nocturno Homil. in Eváng. Si quis vult. de eodem Coñm. 2. loco.

In Quadrages. Lect. ix. de Homil. et commem. Feriæ in Laudibus.

### Index alphabeticus.

|                                                                      |                                                                              |
|----------------------------------------------------------------------|------------------------------------------------------------------------------|
| Agathonis I. Papæ et Conf. dupl. 14. Febr. pag. 24*                  | Mariæ Virg. Almæ Domus Lauretanæ. dupl. maj. 10. Dec. pag. 10*               |
| Antheri Papæ et Mart. dupl. 11. Febr. 21*                            | — — Desponsationis. dupl. maj. 23. Jan. 17*                                  |
| Cyrilli Episc. Alexandrini, Conf. et Eccl. Doct. dupl. 20. Febr. 27* | — — Expectatio Partus. dupl. maj. 18. Dec. 15*                               |
| Damasi I. Papæ et Conf. dupl. 11. Dec. 10*                           | Martinæ Virg. Mart. dupl. 15. Febr. 25*                                      |
| Didaci Conf. semid. 1. Dec. 5*                                       | Melchiadis Papæ et Mart. dupl. 12. Dec. 10*                                  |
| Dionysii Papæ et Conf. dupl. 3. Febr. 19*                            | Orationis D. N. J. C. dupl. maj. Feria III. post Domin. Septuag. 29*         |
| Eutychiani Papæ et Mart. dupl. 9. Dec. 9*                            | Passionis D. N. J. C. Coñmem. dupl. maj. Feria III. post Domin. Sexages. 29* |
| Felicis III. Papæ et Conf. dupl. 25. Febr. 27*                       | Raymundi de Peñafort Conf. semid. 18. Febr. 27*                              |
| Felicis IV. Papæ et Conf. dupl. 30. Jan. 18*                         | Simplicii Papæ et Conf. dupl. 2. Mart. 29*                                   |
| Gelasii I. Papæ et Conf. dupl. 29. Nov. 4*                           | Spinæ Coronæ D. N. J. C. dupl. maj. Feria VI. post Cineres. 29*              |
| Gregorii II. Papæ et Conf. dupl. 13. Febr. 23*                       | Stanislai Kostkæ Conf. dupl. 5. Dec. 6*                                      |
| Gregorii III. Papæ et Conf. dupl. 28. Nov. 3*                        | Telesphori Papæ et Mart. dupl. 12. Febr. 22*                                 |
| Gregorii X. Papæ et Conf. dupl. 16. Febr. 25*                        | Titi Episc. et Conf. dupl. 19. Febr. 27*                                     |
| Hyacinthæ de Mariscottis Virg. dupl. 6. Febr. 20*                    | Urbani V. Papæ et Conf. dupl. 19. Dec. 15*                                   |
| Hygini Papæ et Mart. dupl. 17. Febr. 26*                             | Vincentii et Anastasii Mart. dupl. 22. Jan. 17*                              |
| Josaphat Episc. et Mart. dupl. 14. Dec. 11*                          | Vitaliani Papæ et Conf. dupl. 27. Jan. 17*                                   |
| Leonardi a Portu Mauritio Conf. dupl. 17. Dec. 14*                   | Zosimi Papæ et Conf. dupl. 9. Febr. 20*                                      |
| Lucii I. Papæ et Mart. dupl. 4. Mart. 31*                            |                                                                              |
| Margaritæ Cortonensis Pœnitentis. semidupl. 26. Febr. 29*            |                                                                              |



OFFICIA PROPRIA  
QUÆ PRÆTER OFFICIA PRO CLERO ROMANO INDULTA  
IN ALIQUIBUS DIÆCESIBUS  
STATUUM FÆDERATORUM AMERICÆ  
RECITANTUR.

PARS HIEMALIS.

Die 17. Decembris.

**S. Lazari Resuscitati** Episcopi  
et Confessoris.  
Duplex.

Officium ut inter festa pro aliqu.  
locis eadem die.

Die 23. Januarii.

(Alibi die 11. Februarii.)

**S. Ildephonsi** Episc. et Conf.  
Duplex.

Officium ut inter festa pro aliqu.  
locis die 23. Januarii.

Die 4. Februarii.

(Alibi die 12. Februarii.)

**S. Joannæ Valesiæ** Viduæ.  
Duplex.

Officium ut inter festa pro aliqu.  
locis die 4. Februarii.

Eadem die.

(Alibi die 14. Februarii.)

**S. Josephi a Leonissa** Conf.  
Duplex.

Omnia de Comm. Conf. non Pont.  
præter sequentia.

Oratio.

**D**eus fidélium remunerá-  
tor servórum, qui beá-  
tum Joséphum exímium  
in evangélica prædica-  
tione operárium effecísti: ejus,  
quæsumus, intercessióne concéde;  
ut a grato tibi servítio numquam  
cessémus in terris, et plenam a te  
mercédem recipíamus in cœlis.  
Per Dóminum.

In I. Nocturno Lectiones de Scri-  
ptura occurrente.

## In II. Nocturno.

## Lectio iv.

**U**oséphus Leonissæ in Aprútio piis honestisque paréntibus natus, a puerítia cœpit clarré virtútibus. Nam et certos sibi indíxit jejúnii dies, et in pietátis opéribus maximópere delectabátur. Factus adolescéntior, oblata sibi óptima conjúgia castimóniæ sédulus cultor strénue recusávit, et consanguineórum blandiméntis superátis, Capuccinórum institúto nomen dedit. In religiône austerríssimum vitæ genus sectátus est. Aliquándo enim fabárum corruptárum pugillo, módico pane, eoque múcido, et cœnósa aqua, étiam dum sacris conciónibus óperam daret, vitam transigébat. Sæpe étiam ad sex, et octo dies omni prorsus cibo abstínuit; diris cruentisque verbéribus, aspérrimo cilicio ferreæque caténa corpus domábat.

R. Honéstum fecit.

## Lectio v.

**A**rdentíssima caritaté, et stúdio dilatándæ christiánæ religiónis accénsus, Constantinópolim proféctus, Christifidélibus in captivitáte degéntibus sédulo opitulabátur. Fídei desertóres reducébat; nutántes in religiône confirmábat, verbéribus licet, cárcere, et contuméliis vexátus. Quare cum finem verbi Dei disseminándi non fáceret, alta e trabe pendére jussus, manu, pédeque dextro unco férreo perforátis, fumóque ut suffocarétur suppósito, in eo cruciátu Christi athléta trídúo permánsit. Indeque ab Angelo mirabíliter eréptus, sanátis vulnéribus, mar-

týrii mérito cumulátus in Itáliam revérsus est, ibíque evangelizándis paupéribus cum ingénti animárum lucro totus incúbuit. Finítimas regiónés, et famílias factiónibus, ódiis rixisque prope conféctas, précibus, conciónibus, continénti virtútum exémplo ad tranquillitatem redégit

R. Amávit eum.

## Lectio vi.

**L**udos, chóreas, aliósque tum véteres, cum gliscéntes abúsus ácritèr insectabátur. Illúoque plane admirábile, quod vir Dei neque inédia, neque solis æstu, neque ímbrium vi, neque locórum asperitaté, ægra alióquin, et advérsa sæpe valetúdiue præpeditus, sex, et octo eádem die conciónes habúerit. Tot inter Apostólici múnèris labóres, cœléstium contemplatióni addíctus, crebro in éxtasim raptus est, divinóque spírítu afflátus, córdium arcána penetráre, et futúra prospícere frequens illi fuit. Grátia étiam miraculórum illústris, Truéntum, exténso super aquas pállio, cum sócio, et Marójam flúvium bis sicco vestígio transívit. Prænuntiáta dénique mortis suæ die, Ecclésiæ sacraméntis reféctus, placidíssime in ósculo Dómini occúbuit. Defúnci corpus præ mácie squálidum miram illico venústatem índuit. Cor ejus usque in præsens molle, suavémque spirans odórem, summa ómnium admiratióne asservátur. Illum miráculis clarum Clemens duodécimus Beátum appellávit, ac Benedíctus décimus quartus solémni pompa Sanctórum fastis adscrípsit. R. Iste homo.

In III. Nocturno Homilia in Evang.  
Designávit Dóminus. de Communi  
Evangel. cum R. de Communi Con-  
fessoris non Pontificis.

Die 5. Februarii.

**S. Philippi a Jesu Mart.**

Duplex.

Omnia de Communi unius Mart.  
præter sequentia.

Oratio.

**D**eus, qui inter primos Japoniæ  
Martyres beátum Philippum,  
cruci alligátum, triplicique lancea  
confóssum, primum ómnium mar-  
tyrio coronásti: concéde propítius;  
ut ejúsdem nos suffúlti patrocínio  
cum illo páriter coronémur in cœ-  
lis. Per Dóminum.

In I. Nocturno Lectiones de Scri-  
ptura occurrente.

In II. Nocturno.

Lectio iv.

**P**hilippus de las Casas, sive a  
Jesu, Méxici Hispanis parén-  
tibus natus, ea adolescens  
vivébat libertáte ac licéntia, ut  
ipsísmet paréntibus ideo prope  
esset exósus: quod ita illíus púpu-  
git ánimus, divína simul grátia  
illustrátum, ut Franciscánus in-  
stitútum arripere statúerit. Sum-  
pto tamen hábitu, nec satis gnarus  
quam árduum cum cállido hoste  
iniísset certámen, cessit illíus illé-  
cebris, abiítque e Religiónē. Ea  
inconstántia tantum dolórem pa-  
réntibus áttulit, ut, ne ipsórum  
perpétuo vulneráret obtútum, in  
Chinam eum negotiatiónis ergo  
ablegárint. Aliquánto post tēp-  
ore, cogitántem quam periculós-  
am in libertáte, pátria procul, vi-  
tam ágeret, quæque in Religiónē  
(Deo quoque ad ea ruminánda im-

pellénte) vidísset ac reliquísset  
bona, novus ardor accéndit et hæc  
postlimínio repeténdi, et toto áni-  
mo divíni Spíritus instíntibus ob-  
sequéndi. Manílam ergo, nésco  
cujus negótii causa, proféctus, eo  
absolúto, ambit denuo religiósus  
hábitus, et ímpetrat in cœnóbio  
sanctæ Mariæ de Angelis patrum  
Minórum Excalceatórum: ubi egré-  
gia approbatióne, perácto tyrocí-  
nio, solémnia demum vota profés-  
sus est.

R. Honéstum fecit.

Lectio v.

**H**ujus mutatiónis perláto Méxi-  
cum núntio, veheménter exhi-  
laráti paréntes, supréum órdis  
in India præsidem, quem commis-  
sárius generálem appéllant (is  
tunc Méxici erat) óbsecrant, filium  
sibi in seráphico illo hábitu vidére  
ut per eum líceat. Lubens piis pa-  
réntibus ea in re gratificátus com-  
missárius, scripsit in Philippinas,  
ut conféstim Méxicum Philíppus  
mitterétur. Ea causa navem sancti  
Philíppi tutelæ créditam atque in-  
signítam nómine conscéndit: quæ  
vi tempestátis convúlta, et in  
Urándum Tuzzáni regni portum  
ejécta, ipse brevi portum æternæ  
beatitúdinis laúrea martyrii red-  
imítus ténuit. Omen Philíppo mar-  
tyrii fuit, quod dum procéllis jacta-  
rétur in qua is erat sancti Philíppi  
navis, ea parte cœli quæ Japonem  
respiciébat, vidit crucem cándi-  
dam, figúra expréssam símili eá-  
rum in quas dein subláti mártires  
fuére; post in sanguíneum colórem  
mutásse ítidem ad horæ quadrán-  
tem; demum nigra nube obvolú-  
tam. Omini respóndit événtus.

Nam sævién̄te in Japónia advér-  
sus christián̄æ fidei præcónes per-  
secutióne, beátus Philíppus in vín-  
cula conjéctus, et cum áliis sóciis  
fuit morte damnátus.

R. Desidérium ánimæ.

Lectio vi.

**P**erdúctus itaque cum céteris in  
triumphálem campum, parátam  
sibi crucem pósito humi génibus  
amplexátus, in hæc prorúpit ver-  
ba: O fortunátam navem! O felí-  
cem sancti Philíppi galeónem! O  
jactúram mihi mínime damnósam,  
sed omni lucro quæstuosiórem! Ei  
cruci, dum transversárium lignum  
inséritur, cui qui pendet utcúmque  
insídeat, fallén̄te mensúra, quam  
solo fortásse intúitu faber collé-  
gerat, demíssius aliquánto pósito  
est, quam ut inníti beátus  
Martyr posset. Quamóbrem erécta  
cruce, cui sancti viri alligáta fér-  
reis vínculis bráchia, collum ac  
tibiæ erant, ita subsédit póndere  
suo corpus, ut ea numélla quæ  
guttur stringébat, pene suffocarétur:  
magno igitur fervóre ánim̄i,  
Jesu! Jesu! inclámat. Quo animad-  
vërso judex, priúsq̄am strangula-  
rétur, confígi lán̄ceis jubet: atque  
ita primus ómnium tríplici lán̄cæ  
ictu palmam martýrii obtínuit, qui  
postrémus in Japóniam vénerat.  
De eódem, et de vigínti quinque  
martýrii sóciis Urbánus octávus  
Póntifex Máximus, Offícium reci-  
tári et Missam respectíve celebrári  
concéssit. Ipsíus autem beáti Phi-  
líppi glória magna devotióne Mé-  
xici cólitur, dicáto in illíus honó-  
rem templo, et Capuccínarum vír-  
ginum insígni cœnóbio.

R. Stola jucunditátis.

In III. Nocturno.

Léctio sancti Evangélíi secúndum  
Matthæum.

Lectio vii.

Cap. 16.

**I**n illo témpore: Dixit Jesus discí-  
pulis suis: Si quis vult post me  
veníre, ábneget semetípsum, et tol-  
lat crucem suam, et sequátur me.  
Et réliqua.

Homília sancti Bernárdi  
Abbátis.

In Vigilia, et in die S. Andreæ Apost.

**M**érito crucis amatórem ve-  
nerántur, quicúmque sunt  
servi crucis; sed ab his am-  
pliórem jure devotiónem éxigit,  
qui speciálius proposuérunt tól-  
lere crucem suam. Vobis hæc et  
de vobis dico, fratres mei, qui non  
surda aure audístis illam evangé-  
licam tubam: Qui non bájulat cru-  
cem suam et séquitur me, non pot-  
est meus esse discípulus. Parátí  
estóte, totam ánim̄i diligéntiam  
huic adhibéte solemnitáti, et cor-  
de magno celebráte eam: quia ma-  
gnus omníno consolatiónis thesaú-  
rus repósitus est in ea, si fúerit  
qui fódíat et scrutétur.

R. Coróna aúrea.

Lectio viii.

**C**erte et crux pretiósa est, et  
crux amári potest, et crux habet  
exsultatiónem. Ita est. Si fú-  
erit qui cólligat semper lignum  
crucis, vitam géminat, fructíficat  
jucunditátem, óleum lætitiæ stillat,  
bálsamum sudat spirituálium cha-  
rismatum. Non est silvéstris ar-  
bor, lignum vitæ est apprehendén-  
tibus eam. Arbor fructífera, arbor  
salutífera est: alióquin quómodo  
Dómini eam occupáret terram?



Illam dico pretiosissimam glebam,  
quæ clavórum est infixa radícibus.

R. Hic est vere.

Lectio ix.

**N**os cum beáto Philíppo necesse  
habémus tóllere crucem no-  
stram, imo cum eo, quem ipse se-  
cútus est, Dómino Salvatóre. In-  
de enim sic lætabátur, inde exsul-  
tábat, quod non solum pro eo, sed  
étiam cum eo mori viderétur, et  
complantári similitúdini mortis  
ejus, ut compátiens étiam conre-  
gnáret. Cum quo ut simul crucifi-  
gámur et nos, atténtius aúribus  
cordis audiámus vocem dicéntis:  
Qui vult veníre post me, ábneget  
semetípsum, et tollat crucem suam,  
et sequátur me. Ac si dicat: Qui  
me desíderat, se despíciat: Qui  
vult fácere voluntátem meam, di-  
scat frángere suam.

Te Deum laudámus.

Eadem die.

(Alibi die 15. Febr.)

**Ss. XXVI Mart. Japon.**

Duplex.

Officium ut inter festa pro aliqu.  
locis die 5. Febr. Ubi celebrat. hoc  
fest. die 15. Febr. fit commem. Ss. Fau-  
stini et Jovitæ Mart. et Ant. ac VV.  
in I. Vesp. sumuntur ex Laud.; in Laud.  
vero ex I. Vesp.

Die 13. Februarii.

**S. Catharinæ de Ricciis Virg.**

Duplex.

Officium ut inter festa pro aliqu.  
locis eadem die.

Die 5. Martii.

**S. Joannis Josephi a Cruce**

Confessoris.

Duplex.

Omnia de Communi Conf. non Pont.  
præter sequentia.

Oratio.

**D**eus, qui beátum Joánnem Jo-  
séphum Confessórem tuum per  
árduas paupertátis, humilitátis et  
patiéntiæ vias cœlésti glória sub-  
limásti: da nobis, quæsumus; ut  
carne mortificáti, ejus imitémur  
exémpla, et gáudiis perfruámur  
æternis. Per Dóminum.

In I. Nocturno Lectiones de Scri-  
ptura occurrente.

Sed in Quadragesima Lectiones:  
Beátus vir. de Communi 2. loco.

In II. Nocturno.

Lectio iv.

**I**slæ regni Neápolis in urbe  
apud Aenáriam ínsulam, pa-  
réntibus nobilitáte sánguinis  
morúmque probitáte præstánti-  
bus, ortus est Joánnes Joséphus a  
Cruce. Christiánæ pietátis sémina,  
quæ in ejus ánimam, supérnis be-  
nedictiónibus prævéntam, cum la-  
cte instilláverant, fructus mox ubér-  
rimos attulérunt. Tenérrima ad-  
huc ætáte, nedum a nugis pueríli-  
bus abhórruit, sed virtútes excó-  
lere cœpit illustrióres, siléntii po-  
tíssimum, mortificatiónis, mundi  
suíque ipsíus abnegatiónis, quas  
assíduo oratiónis stúdio confóv-  
bat. Deíparæ cultum, quem ad  
óbitum usque in dies auxit, inté-  
rea témporis arrípuít; Dominicæ-  
que Passiόνis et Eucharístiæ my-  
stéria afféctu peculiári prosequ-  
bátur. Sancti Petri de Alcántara  
institútum, quod Joánnes de san-  
cto Bernárdo ex Hispánis Excal-  
ceátis, Cleménte nono approbánte,  
nupérime, in Itáliam invéxerat,  
divíno afflánte Númine, anno vitæ  
suæ sextodécimo amplexus est Ita-

lórur primus. Seráphico Patriárcha, fidissimóque ejus álumno Petro de Alcántara in ipso tyrocínio sibi ad imitándum propósis, mirum quam perfécte pœniténtiam hujus et contemplatióem, humilitátem illíus ac paupertátem, jam tum fúerit assecútus.

R. Honéstum fecit.

Lectio v.

**T**értio vix decúrso a solémni professione sua anno, Pedemontáni Aliphæ coenóbii fundatióni destinátur: quod ejus ópera exiguum ádeo evásit, ut altérius, quod olim in Pedróso Extremadúre sanctus Petrus de Alcántara, cléricus ipse quoque, excitáverat, imáginem simillimam reférret. Sacerdótio ex obediéntia inaugurátus, disciplínis morálibus, quas numquam perdidícerat improvísó excúltus visus est. Superiórur vénia non longe ab eo coenóbio sacram erémum exstrúere aggrésus, subter excélsi montis dejéctu, ut absolverétur quam citíssime, ligna, lápides, calcem, húmeris suis mordáci loríca contéctis, exportábat; ita ut per calcánea cruor ubértim in terram deflúeret. Fratrum rogátu leges quasdam pro sacro illo recéssu peculiáres cóndidit, dignas, quæ a Sede apostólica confirmaréntur. Novitiórur regímini præpósitus, eórur ad vitam regulárem compónere mores eo proféctu eníxus est, ut illórur álíqui sanctitátis et miraculórur fama inclarúerint. Verum cum Clemens Papa undécimus, sâculi décimi octávi inítio, Fratres Italos Excalceátos ab Hispánis in regno

Neápolis sejunxísset, illíque nulla regíminis forma potiréntur, ab eódem Pontífice, obsisténte licet húmáni géneris hoste, provinciæ Neapolitánæ, sancti Petri de Alcántara nuncupátæ, erectiόem obtínuit.

R. Amávit eum.

Lectio vi.

**P**rimus novæ istiúsmodi provinciæ Miníster renuntiátus, régi-men, quod abdicáverat, sacræ Congregatiónis Episcopórum et Regulárium jussu assúmere coáctus, difficile relátu est, quot qualésque calúmniae Dei fámulo devoráre opus fúerit, ut Itálicam Excalceatórum Fratrum famíliam constabiliret. Rebus compósitis, eo sese totum convértit, ut duplex ille Petri de Alcántara contemplatióis et pœniténtiæ spíritus altas inter suos radíces ágeret, quós præclárrissimis virtútur exémplic anteíbat: humilitáte in primis rigidáque claustrális disciplínæ custódia. Paupertáte et abstinéntia eníuit admirábili. Unicum ad nudam carnem sexagínta quátuor annis hábitum adhibuit; perque vigínti quátuor annos, priscórum Eremicolárum ritu, pane tantum ac frúctibus victitávit, quod edúlii géneris ex obediéntia in nauseósum commutávit férculum. Flagéllis aspérrimis, cilíciis et cruce férrea, acútis instrúcta clavículis, corpus suum dilaniávit. Illud étiam de eo fertur, quod crebérrimas inter orándum éxtases passus est, quodque ráptibus, prophetia, miráculis, aliisque hujúsmodi supernaturálibus donis vivens clarúerit. Dénique zelo animárum absúptus, octo-

genárius, apopléctico morbo corréptus, tértio Nonas Mártias in ósculo Dómini obdormívit in cœnóbio sanctæ Lúciæ Montis urbis Neápolis anno septingentésimo trigésimo quarto supra millésimum. Eúmdem novis miráculis coruscántem, anno ab illius decésu quinquagésimo sexto, Pius sextus Póntifex Máximus Beatórum albo recénsuit, et Gregórius Papa décimus sextus solémni ritu Dóminica Sanctíssimæ Trinitátis año millésimo octingentésimo trigésimo nono Sanctórum fastis adscripsit.

R. Iste homo.

In III. Nocturno Homilia in Evang. Nolíte timére. de Communi 2. loco.

Die 6. Martii.

**S. Fridolini** Confessoris.

Duplex.

Omnia de Communi Confess. non Pontificis præter sequentia.

Oratio.

**A**désto Dómine supplicatióibus nostris, quas in beáti Fridolíni Confessoris tui solemnitate deférimus: ut, qui nostræ justitiæ fidúciam non habémus; ejus, qui tibi plácuít, précibus adjuvémur. Per Dóminum nostrum.

In I. Nocturno Lectiones de Scriptura occurrente.

In Quadragesima vero, Lectiones: Justus si morte. de eodem Communi 1. loco.

In II. Nocturno.

Lectio iv.

**F**ridolínus, régio in Hibérnia sángine procreátus, ferventíssimo Christi proximórumque amóre flagrans multórum lo-

córum atque úrbium peregrinatió-nem suscepit. Quibus in itinéribus cum infidéles pópulos catholicam fidem docéret, innúmeros Jesu per Evangélium filios génuit. Nec verbo solum prófuit. Itaque regis Gallórum Clodovéi liberalitáte sancti Hilárii monastérium apud Pictávos admónitus instaurávit, sacrúmque ejus corpus honorificéntius recóndidit; tum vária ad Moséllam, Argentoráti, Cúriæ Rhætórum, alibique cœnobia extrúxit.

R. Honéstum fecit.

Lectio v.

**T**andem Sichíngam prope Basi-léam venit, ubi sedem figere atque ab itínerum labóribus quiescere ex divíno oráculo institúerat. Sed áccolæ passi non sunt sanctum virum ibi consístere, maléque hábitum cæsúmque verbéribus, fínibus suis excédere coëgérunt. Itaque coáctus regem adíre, a quo facultáte ibídem benígne impetráta, non modo virórum, sed étiam sanctimoniálium monastérium instituit, optimisque légibus ac institútis temperávit.

R. Amávit eum.

Lectio vi.

**I**nter cétera autem mirácula, quæ per illum Dóminus édídít, illud est imprímis insígne, quod civem Claronénsem, Ursum nómine, e túmulo excitátum manúque prehénsum in judícium addúxit, ut de bonis monastério legátis coram Landgrávio testimónium diceret. Dénique sénio conféctus, virtútum rerúmque gestárum glória illústris, pridie Nonas Mártii circa annum salútis humánæ quingentésimum

décimum quartum excéssit e vita. Sacrum corpus Sichingæ primo sepúltum est. Anno deínde millésimo trecentésimo quinquagésimo séptimo, die vigésimo Januárii, a Rudólpho quarto Aústriæ duce dono accéptum, in Ecclésia sancti Stéphaní, quæ nunc est in Vien-

nénsi urbe Metropolitána, summa veneratióne est recónditum.

R. Iste homo.

In III. Nocturno Lectiones de Homilia in Evangelium: Sint lumbi vestri præcincti. de eodem Comm. 1. loco.

Lectio ix. de Homilia Feriæ occurrentis.

## I N D E X.

|                                          | pag. |                                      | pag. |
|------------------------------------------|------|--------------------------------------|------|
| Catharinæ de Ricciis Virg. 13. Febr.     | 5*   | Josephi a Leonissa Conf. 4. Febr.    | 1*   |
| Fridolini Conf. 6. Martii.               | 7*   | Lazari Resuscitati Episcopi et Conf. |      |
| Ildephonsi Episc. et Conf. 23. Jan.      | 1*   | 17. Dec.                             | 1*   |
| Joannæ Valesiæ Vid. 4. Febr.             | 1*   | Philippi a Jesu Mart. 5. Febr.       | 3*   |
| Joannis Josephi a Cruce Conf. 5. Martii. | 5*   | Vigintisex Mart. Japon. 5. Febr.     | 5*   |

## I m p r i m a t u r.

Ratisbonæ, die 1. Novembris 1888.


M. Dandl, Vicar. in Spirit. Gencr.

Sumptibus Fr. Pustet & Co., Neo Eboraci & Cincinnati.


































895003











BQT 4371 .L4 v.4 Pars  
Hiemalis SMC  
Catholic Church  
Breviarium Romanum  
47217132

BENEDECTIO OMNIUM  
IN MANIBUS



SEMPER LAVS  
EIVS  
IN ORB. MEO  
PERPET